

ጌሻ ማጻፋ



The Holy Bible in the Dawro language of Ethiopia

## ጌሻ ማጻፋ

**The Holy Bible in the Dawro language of Ethiopia**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Contributor: The Word for the World International

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Dawro

© 2011-2024, Wycliffe Bible Translators, Inc. and The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

---

PDF generated using Haiola and XeLaTeX on 2 May 2025 from source files dated 1 May 2025

585b63ca-b8e6-55c8-bfef-10bdc95ad69c

Contents

ማቶሳ ምሽራቹዋ . . . 1  
ማርቆሳ ምሽራቹዋ . . . 46  
ሉቃሳ ምሽራቹዋ . . . 75  
ዮሃንሳ ምሽራቹዋ . . . 122  
ኪቴዳዋንቱ ኦሱዋ . . . 156  
ሮመ . . . . . 198  
1 ቆሮንቶሳ . . . . . 217  
2 ቆሮንቶሳ . . . . . 235  
ጋላትያ . . . . . 247  
ኤፈሶና . . . . . 254  
ፕልጽሰዮሳ . . . . . 261  
ቆላሶያሳ . . . . . 266  
1 ተሰሎንቆ . . . . . 271  
2 ተሰሎንቆ . . . . . 275  
1 ጽሞቶሳ . . . . . 278  
2 ጽሞቶሳ . . . . . 283  
ቲቶ . . . . . 287  
ፕልሞና . . . . . 290  
ኦብራዌ . . . . . 292  
ያቆባ ኪታ . . . . . 306  
1 ጳጳሮሳ ኪታ . . . . . 311  
2 ጳጳሮሳ ኪታ . . . . . 316  
1 ዮሃንሳ ኪታ . . . . . 319  
2 ዮሃንሳ ኪታ . . . . . 324  
3 ዮሃንሳ ኪታ . . . . . 325  
ይሁዳ ኪታ . . . . . 326  
ዮሃንሳ ሳፃ . . . . . 328

# ማቶስ ጻፌዳ ሞሽራቹዋ ቃላ ገሉዋ

ማቶስ ጻፌዳ ሞሽራቹ፣ የሱስ ያና ጌተትያ ህድታይ ካስ ኦደት ኡቴዳ ዳልያ ግድያዋን ጸሳይ ካስ ኤጫ ጫቁዋን ባረ አሳጧ እሜዳ ህድታ ቃላ ፖሌዳዌ የሱሳ ባጋና ግድያዋ ኦድያ ሞሽራቹዋ ቃላ ኦይቄዳዋ። ሀ ሞሽራቹዋ ቃላይ የሱስ ኤንቲንቱ ግድን የለተደ ድጩዳዌ አይሁዳቱ ጸላላሳ ግደናን፣ አላምያ ኡባን ደእያ አሳሳ።

ማቶስ ጻፌዳ ሞሽራቹዋ ቃላይ ዳሮ እኩካን ጸፈቱዳ ማጻፋ። የሱሳ የለታን ደሚደ፣ እ ጸማቀቱዳዋን እ ፓጩቱዳዋ ኦድ ሰሚደ፣ ጋሊላን እ ቃላ ኦዳዳዋ፣ ታማርሴዳዋን ሀርጋንቻቱዋ ፓሌዳዋ ኦዳ። ሄዋፕ ካሊደ የሱስ ጋሊላፕ የሩሳላመ ቤዳዋን እ ሀ አላምያን ጋምኤዳ ወርሰላ ሳምንታን ሀኔዳ የዋቱዋ ቆንጭሴ። ሄዋንቲካ እ ካቀቶዋ፣ ሀይቄዳዋን ደንዴዳዋ ኦዲና።

ሀ ሞሽራቹዋ ቃላይ የሱሳ፣ ጸሳ ህግያ ብለላ አማናጧ ማታይ ደእያዋን ጸሳ ካወተላባ ኤርሰያ ዋልቃማ ታማርሰያዋ ኦሲደ ሺቪዳ። አ ትምርትያፕ ዳርያ ባጋይ፣ ዲማ ዲማ ኦግያን ገገቲዳ እቼሹ ሳን ሻከቲ።

1. ጸሳ ካወተላን ደእና አሳ ኤሻ፣ ኦሱዋ፣ ማታን ወርሰላ ካጫ ኦድያ ደርያ ቦላ ትምርትያ (ማቶሳ 5:1—7:28)።
2. ታማን ላኤ የሱሳ ካልያዋንቱ ሞሽራቹዋ ቃላ ታማርሳናጧ ቤዳ ዋደ ኡንቲንቲ አመቲዳ ካለሉዋ (ማቶሳ 10)።
3. ጸሳ ካወተላባ ታማርሰሽን ሺቄዳ ዲማ ዲማ ሌምሳቱዋ (ማቶሳ 13)።
4. የሱሳ ካልያዋንቲባ ብል ኦድያ ትምርትያ (ማቶሳ 18)።
5. ሀእ ዋድያ ወርሰላን ጸሳ ካወተላ ዩሳ ጸልያዋን እመቲዳ ትምርትያ (ማቶሳ 24-25)።

# ሸምፓቱዋ ኡባቶ አመቲዳ ቃንሳ ቆፋቱዋ

የሱስ ክርሰቶሳ ጉዮ ዘረላን የለታ 1:1—2:23  
ጸማቅያ ዮሃንሳ ኦሱዋ 3:1-12  
የሱስ ጸማቀቶዋን ፓጩቶዋ 3:13—4:11  
የሱስ ኦሱዋ ጋሊላን ደሞዋ 4:12—18:35  
የሱስ ጋሊላፕ የሩሳላመ ቦዋ 19:1—20:34  
የሩሳላመን እዝ ዩሹዋን የሱሳ ወርሰላ ሳምንታ 21:1—27:66  
ኑ ጎዳ የሱሳ ደንዴዋን ቆንጩላ 28:1-20

የሱስ ክርሰቶሳ የለታ ማራ (ሉቃሳ 3:23-38)

- 1 ሀዌ ዳዊታ ዛርያን አብራሃመ ዛረ ግዴዳ የሱስ ክርሰቶሳ የለታ ኦድያ ማጻፋ።
- 2 አብራሃመ፣ ይሳቃ የሌዳ፤ ይሳቅ፣ ያቆባ የሌዳ፤ ያቆብ፣ ይሁዳን እ እሻቱዋ የሌዳ።
- 3 ይሁዳይ ትእማርፕ ፓሬሳን ዛራሀ የሌዳ፤ ፓሬሰ፣ ሄጽሮና የሌዳ፤ ሄጽሮን፣ ራማ የሌዳ።
- 4 ራመ አምናዳባ የሌዳ፤ አምናዳብ፣ ናኦሶና የሌዳ፤ ናኦሶን፣ ሰልሞና የሌዳ።
- 5 ሰልሞን፣ ራኦቦ ጌተትያ ሞሽራትፕ ቦኤዛ የሌዳ፤ ቦኤዝ፣ ኡሩቶ ጌተትያ ሞሽራትፕ እዮቤዳ የሌዳ፤ እዮቤዳ፣ አሰይ የሌዳ።
- 6 አሰይ ካትያ ዳዊታ የሌዳ። ካትያ ዳዊተ፣ ኦርያ ማቻትፕ ሶሎሞና የሌዳ።
- 7 ሶሎሞን፣ ሮብእማ የሌዳ፤ ሮብእመ፣ አብያ የሌዳ፤ አቢ፣ አሳፋ የሌዳ።
- 8 አሳፋ፣ ዮሳፌጸ የሌዳ፤ ዮሳፌጸ፣ እዮራማ የሌዳ፤ እዮራመ፣ ኦዘያና የሌዳ።
- 9 ኦዘያን፣ እዮኦታማ የሌዳ፤ እዮኦታመ፣ እካዛ የሌዳ፤ እካዝ፣ ሀዘቄያሳ የሌዳ።
- 10 ሀዘቄያሰ ሞናሳ የሌዳ፤ ሞናሰ፣ አሞጸ የሌዳ፤ አሞጸ፣ እዮሰያሳ የሌዳ።
- 11 እሰራኤልያ አሳይ አሞደቲደ፣ ባብሎን ጋድያ ቤዳ ዋደ፣ እዮሰያሰ እኮንያናን \* እ እሻቱዋ የሌዳ።

1:5 ኡሩቶ 4:18-22፤ 1 ኦዲዋ 2:13-15 \* 1:11 ሄዋ ጉሳይ፣ ዮኦክና ግያዋ፤ ቃይ ፓይዲዋ 12 ደእያዋካ ብለላይ እቱዋ። 1:11 2 ካታ. 24:14-15፤ 2 ኦዲዋ 36:10፤ ኤር. 27:20

12 ባብሎን ኦሞዲዋፕ ጉይያን፣ እኩንያናን ሳላትያላ የሌዳ፤ ሳላትያላ፣ ዘሩባቤላ የሌዳ።

13 ዘሩባቤል፣ አብዩዳ የሌዳ፤ አብዩደ፣ ኤልያቄማ የሌዳ፤ ኤልያቄም፣ አዘራ የሌዳ።

14 አዘረ ሳዶቃ የሌዳ፤ ሳዶቀ፣ አከማ የሌዳ፤ አከመ ኤልዩዳ የሌዳ።

15 ኤልዩደ፣ አልአዛራ የሌዳ፤ አልአዛረ፣ ማታና የሌዳ፤ ማታን፣ ያቆባ የሌዳ።

16 ያቆብ፣ ክርስቶስ ጌተትያ የሱሳ የሌዳ ማይራሞ ኦቼዳ የሱፋ የሌዳ።

17 ሰሞ የለታይ ኡባይ አብራሃሞፕ ዳዊታ ጋካናው ታማነ ኦይዱ የለታ፤ ዳዊተፕ ደሚደ፣ አሳይ ባብሎን ጋድያ ኦሞደቲደ ቤዳ ዋድያ ጋካናው ታማነ ኦይዱ የለታ፤ አሳይ ባብሎን ጋድያ ኦሞደቲደ ቤዳ ዋድያፕ ክርስቶስ ፊ የለቲዳ ዋድያ ጋካናው ታማነ ኦይዱ የለታ።

የሱስ ክርስቶስ የለታ (ሉቃስ 2:1-7)

18 የሱስ ክርስቶስ የለታይ ሀዋ ማላ፤ አ ዳያ ማይራማ የሱፎ ኦሽታ ቃሽታ ኡታዱ። ሄ ዋደ የሱፎና ጋከተናን ደኣደ፣ ጌሻ አያናን ሻሃራዱ።

19 እዘ ገግስ ዋጭዳ የሱፎ ጽሎ አሳ ፥ ግዴዳ ድራው፣ እዘ ካውሻናው ኮይቤና፤ እባ ቆንጭሰናን እዘ አጋናው ቆፕዳ።

20 ሽን እ ሄዋ ቆፕሽን፣ ጎዳ ኪታንቻይ እኩሙዋን § አናና ጋከቲደ፣ “ዳዊተ ናእ የሱፎ፣ ማይራማ ጌሻ አያናን ሻሃራዳ ድራው \* እዘ አካናው ያዮፓ።

21 እዛ አቲማ ናእ የላናውኑ፤ ኔንካ፣ እ አሳ ናጋራፕ እሽያ ድራው እ ሱንሳ የሱሳ ጋደ ዴሳናሳ” ያጌዳ።

22-23 ቃይ ጎዳይ ናብያ ባጋና፣ “ወደራታ ሻሃራናውኑ፤ ናእካ የላናውኑ፤ እ ሱንሳይካ አማኔላ ጌተታናዋ” ያጌዳዌ ፖለታና ማላ፣ ሀዌ ኡባይ ሃኔዳ፤ “አማኔላ”

ያግያዌ፣ “ጸሳይ ኑናና ደኤ” ያግያዋ።

24 የሱፎ ገሞእሹዋፕ ቤጎቲደ፣ ጎዳ ኪታንቻይ ባረና አዛዘዋዳን፣ ማይራሞ ባረ ጎላ አፌዳ።

25 ሽን ናእይ የለታና ጋካናው የሱፎ እዘኮ ሺቅቤና፤ ቃይ ናእካ የሱሳ ጊደ ሱንሴዳ።

2

ደላሃ ባጋፕ ዬዳ ጸልንትያ ፓይድያ አሳቱዋ

1 የሱስ ይሁዳ ጋድያን ቤተሌመ ጌተትያ ካታማን ሄርድስ ካውቲደ ደእያ ዋደ የለቲዳ፤ ሄዋፕ ጉይያን፣ ጸልንትያ ፓይድያ አሳይ \* አዋይፊ ዶልያ ባጋፕ የሩሳላመ ዪደ።

2 “አይሁዳ ካትያ ግዳናው የለቲዳ ናእይ ሀቃን ደኢ? ኑን አዋይፊ ዶልያ ባጋና ከሴዳ አ ጸልንትያ በኢደ፣ አው ጎይናናው ዬዳ” ያጊደ ኦቼድና።

3 ካትያ ሄርድስ፣ ሄዋ ሰሲደ ዳጋሜዳ፤ የሩሳላመን ደእያ አሳይ ኡባይካ ዋዘና ባዬድና።

4 ሄርድስ ቄሳቱዋ ካፓቱዋ ኡባቱዋን ሙሴ ሀግያ ታማርሰያዋንታ ዴሲደ፣ “ክርስቶስ ሀቃን የለታንዳሻ?” ያጊደ ኦቼዳ።

5-6 ኡንቲንቲ ዛሪደ፣ “ይሁዳ ጋድያን ቤተሌመ ካታማን የለታናዋ። ናቤ፣

“ይሁዳ ጋድያን ደእያ ቤተሌመ፣ ኔን ይሁዳ ጋድያን ደእያ ዋልቃማ ካታማቱዋፕ ላፋካ።

እስራኤልያ ሞድያዌ ኔፕ ከሳናዋ ጊደ ጸፊዳ” ያጌድና።

7 ሄዋፕ ካላ፣ ሄርድስ አዋይፊ ዶልያ ባጋፕ ዬዳ አሳቱዋ ጌማን ዴሲደ፣ ጸልንቲ ኡንቲንቲ ቤቲዳ ዋድያ ኡንቲንቲ ጌሺደ ኤፌዳ።

8 ያቲደ ቤተሌመ ኡንቲንታ የዲደ፣ “ቢደ ናእ ሎይላ ኮይተ፤ አ ደሜዳ ዋደ ታንካ ባደ አው ጎይናናዳን፣ ታናካ ኤርሰተ” ያጌዳ።

† 1:17 ክርስቶስ፣ ግያዌ ግሪክ ቃላና ግደደ፣ መስሀ ጉሳይ እብራይስጥ ቃላና ግደደ ላኤዋ ብላላይካ “እኩቲዳዋ” ጉሳ። ‡ 1:19 የሱፎ ጽሎ አሳ ግያ ቆፋው ሄዙ ኦግያን ብላላይ እመታና ዳንዳዬ።

1. ጸሳላው ኡባው ኤና ጊደ እዛዘትያ አሳ፤ አማልያ ሎኦ አሳ። 2. ጋራ (ቃረታንቻ)። 3. ሎኡዋ። ሄዋ ጉሳይ፣ ኡባ ካላ ሎኡባ ኦልያ አሳ ጉሳ። § 1:20 እኩሙዋን ጉሳይ፣ ጮካ ጎሌና እኩሙዋ ግደናዳን

እይሁዳቱዋ እኩሙዋ ጉሳይ፣ ጸሳይ ልክ ቆንጭያ ኦግያ። \* 1:20 ጌሻ አያናን ሻሃራዳ ድራው፣ ጉሳይ እዛ ሀዋ ጋካናሽን የለታናዳን ናግያ ናእይ፣ ጸሳ ጌሻ አያናፕ ዬ ጉሳ። 1:21 ሉቃስ 1:31

1:22-23 አሳ. 7:14 1:25 ሉቃስ 2:21 \* 2:1 ጸልንትያ ፓይድያ አሳ ጉሳይ፣ ኤረቲዳ ማራ ብላላን ኤራንቻ አሳቱዋ ጉሳ። 2:5-6 ሚክ. 5:2

9 ኡንቱንቱ ካቲ ጌዳዋ ሰሰ ቢደ ኦግያን አዋይፊ ዶልያ ባጋና ኡንቱንቱ ካሰ በኤዳ ጸልንትያ በኤድኖ፤ ናአይ ደኢያሳ ጋኪደ ኤቃና ጋካናው፤ ጸልንቲ ኡንቱንታ ካለሌዳ።

10 ኡንቱንቱ ሄ ጸልንትያ በኤዳ ዋደ፤ ዛዋይ ባይና ዳር ናሽቻ ናሽቲድኖ።

11 ጎለ ገሊደ፤ ናአይ ባረ ዳይ ማይራምና ደእያዋ በኤድኖ፤ ጉልባቲደ አዉ ጎይኔድኖ፤ ሄዋጥ ካላ፤ ባረንቲ ሳጽንያ ደዪደ፤ ዋርቃ፤ እጻና ካዋራ ተ አዉ እዋታ ሽሼድኖ።

12 ኡንቱንቱ ሄርድሳኮ ሰመና ማላ፤ ጸሳይ እኩሙዋን ኡንቱንታ፡ “ሀንተና ኤርተ” ገና ሀራ ኦግያና ባረንቱ ጋደ ሰሜድኖ።

ግብጹ በቱሳ

13 ኡንቱንቱ ቤዳዋጥ ጉይያን፡ ጎዳ ኪታንቻይ እኩሙዋን ዮሴፎ ቤቲደ፡ “ሄርድሰ ናአ ዋቆናዉ ኮይያ ድራው፡ ደንዳደ ናአነ አ ዳዮ አካደ ግብጹ ጋድያ ቦታ፤ ታን ነዉ ኦዳና ጋካናው፡ ያን ደእሻ” ያጌዳ።

14-15 ዮሴፎ ቃማ ደንዲደ፡ ናአነ አ ዳዮ አኪደ፡ ግብጹ ጋድያ ቤዳ፤ ጎዳይ ናብያ ባጋና፡ “ታን ታ ናአ ግብጹ ጋድያጥ ጴሳድ” ያጌዳዌ ፖለታና ማላ፡ ሄርድሰ ሀይቃና ጋካናዉ አ ያን ደኤዳ።

ሄርድሰ ቁር ናና ዋድሴዳ

16 ሄዋጥ ጉይያን፡ ሄርድሰ አዋይፊ ዶልያ ባጋጥ ዬዳዋንቱ ባረና ጭሚዳዋ ኤሬዳ ዋደ፡ ዳር ሀንቀቲደ፡ ጸልንቲ ካሰ በቲዳ ዋድያ ኡንቱንቱጥ ሰሴዳዋዳን፡ ዋታዳራቱዋ የዲደ፡ በተሌመንን የሹዋን ደእያ ላኡ ላይላ አቱማ ናና ላኡ ላይላጥ ጋርሳና ደእያ አቱማ ናና ኡባ ዋድሴዳ።

17-18 ናብያ ኤርማሰ፡ “ዬኩነ ዘላሳይ ራማ ጌተትያ ካታማን ሰሰቲዳ፤

ራሄላ ባረ ናናዉ ዬካዉ።

ኡንቱንቱ ሀይቁድጎ ድራው፡ አጋ ገና፡ አገናን እጻዲ”

ገደ ኦዳዳዌ ፖለቲዳ።

ግብጹጥ ሰማ

19 ሄርድሰ ሀይቁዳዋጥ ጉይያን፡ ጎዳ ኪታንቻይ ግብጹን ዮሴፎ እኩሙዋን ቤቲደ

20 አ፡ “ደንዳ፤ ናአነ አ ዳዮ አካደ፡ እሰራኤልያ ጋድያ ሰማ። ናአ ዋቆናዉ ኮይያዋንቱ ሀይቁ ድጌድኖ” ያጌዳ።

21 ዮሴፎ ደንዲደ፡ ናአነ አ ዳዮ አኪደ፡ እሰራኤልያ ሰሜዳ።

22 ሸን ዮሴፎ አርከላዋሰ ባረ አዉዋ ሄርድሳ ኦይድያን ይሁዳ ጋድያን ካዉቲዳዋ ሰሴዳ ዋደ፡ ያ ባናዉ ያዬዳ፤ ጸሳይ አዉ እኩሙዋን ሀንተና ኤርተ ገና፡ ጋለላ ጋድያ ቤዳ።

23 ናባቱ፡ “አሳይ አ፡ ናዝሬትያ አሳቱ ገደ ጴሳና” ያጌዳዌ ፖለታና ማላ፡ ናዝሬተ ጌተትያ ካታማ ቢደ ደኤዳ።

3

ጸማቅያ ዮሃንስ ቃላ ኦዳዳ (ማር. 1:1-8፤ ሉቃሳ 3:1-18፤ ዮሃ. 1:19-28)

1-2 ሄ ዋደ ጸማቅያ ዮሃንስ አሳ፡ “ሳሉዋ ካዉተሳይ ማታቲዳ ድራው፡ ሀንተ ናጋራጥ ሰምተ” ያጌደ፡ ይሁዳ መላ ቢታን ኦዲደ ዬዳ።

3 እያዉ ጎጥ፡ ናብያ ኢሰያሰ፡ ዮሃንሳባ ኦዲደ፡ “እቲ መላ ቢታን ባረ ቃላ ቆቁ ኦላደ፡ ጎዳ ኦግያ ጊግሰተ።

አ ሄመታና ሎሱዋካ አዉ ሰት ኦላተ” ጌዳ” ያጌዳ።

4 ዮሃንሳዉ ጋሉዋ እስክያ ዳደቲዳ ማዩ ደኤ፤ ቃይ ባረ ጴሳን ዳፋዋ ዳንጩዳ፤ አ ሞያ ቁማይካ ቦልያን ባዙዋ ኤሳ።

5 አሳይ ሄ ዋደ የሩሳላመጥ፡ ይሁዳ ጋድያ ኡባ ሳጥን ዮርዳኖሳ ሻፋ ሄራን ደእያ ጋድያ ኡባጥ እኮ ዪኖ።

6 ባረንቱ ናጋራ ፓጽና፡ ዮርዳኖሳ ሻፋን አሳ ጸማቁዳ።

† 2:11 እጻና ካዋራ፡- እጻናይ፡ ማድያ ጳልያ ግዲደ፡ ታማን የግያ ዋደ ሳዋናሳ፤ ካዋራይካ ሳዋ ማድያ ጳልያ ግዲደ ሸቲዋዳን ማዴ። 2:14-15 ሆስ 11:1 2:17-18 ኤር. 31:15 ‡ 2:23 ሀዋ ጌዳዌ እነጎቶ ኤርተና። 2:23 ማር. 1:24፤ ሉቃሳ 2:39፤ ዮሃ. 1:45 3:1-2 ማፍላግ 4:17፤ ማር. 1:15 3:3 አሳ. 40:3 3:4 1 ካታ. 1:8 \*

3:7 ፓርሳዋቱዋ፡- ጉሳይ እይሁዳ አሳቲዋ ካለልያ አሳቲዋ ግደጥ ግዲደ ጌሻ ቃላን ካሰ ኤጫ ጫቁዋ ግደን ደእያ ቃላ ዋጋ ኡባን አማንያዋንታ።

† 3:7 ሳዲቃዋናቱዋ፡- ጉሳይ እይሁዳ አሳቲዋ ካለልያ አሳቲዋ ግደጥ ግዲደ ጌሻ ቃላን ካሰ ኤጫ ጫቁዋ ግደን ደእያ ቃላ ዋጋጥ ሙሴ ጸፊዳ ኮይሮ እቺሹ ማጻፋቲዋ ግደን ደእያ ዋጋቲዋ ጸላላን አማንያዋንታ።

7 ሽን የሃንሰ ዳር ፓርሳዋቱን  
 \* ሳዲቃዋናቱ † ጸማቀታናው ባረኮ  
 ይያዋንታ በኢደ፣ “ሀ ሾሻቶ፣ ጸሳ  
 ሀንቁ ያና ሀንያዋፕ አታና ማላ፣  
 ሀንተው እኔ እዳዳዌ?”

8 ሰም ሀንተ፣ ሀንተንቱ ናጋራፕ  
 ሰሜዳዋ ኤርሰያ ኦሱዋ፣ ኦሳተ።

9 ሀንተ ሀንተንቱ ዋዛናን፣  
 ሉብራሃሙ ኑ አባ ጊደ ቆፕያዋ  
 ሀንተው ማላቶ። እያው ጎፕ፣ ታን  
 ሀንተንቶ ኦዳይ፤ ጸሳይ ሀ ሹቻቱዋፕ  
 አብራሃዋ ናና ኦሳ ደንጎናው ደንዳዌ።

10 ቤጽ ሞላ ጸጸዋን ቃንጸናው  
 ገግ ኡቲዳ፤ ሎኦ አይፍያ አይፈና ሞላ  
 ኡባይ ቃንጸቲደ፣ ታማን የገታና።

11 “ሀንተ ሀንተንቱ ናጋራፕ  
 ሰምያዋ በሳናው፣ ታን ሀንተና  
 ሃላን ጸማቃይ፤ ሽን ታፕ ጉየና  
 ይያዌ፣ ሀንተንታ ጌሻ እያናንገ ታማን  
 ጸማቃና። † አ ታፕ ዳር ሞኔ፤ አ ጫማ  
 ቶካናውካ ታን በሰያ አሳ ግድከ።

12 አ ኩሽያን ካላ ሰጽያ ላይዳይ  
 ደኤ። ኡዲማን ደእያ ካላ ሎይላ ጌሼ፤  
 ባረ ዛርጋ ድይያን ቆላና፤ ሽን ዳላ  
 ቶኤና ታማን ጉዳና” ያጌዳ።

የሱስ ጸማቀቲዳ  
 (ማር. 1:9-11፤ ሉቃሳ 3:21-  
 22)

13 የሱስ ሄ ዋደ የሃንሳን  
 ጸማቀታናው፣ ጋሊላፕ ዮርዳናሳ  
 ጌተትያ ሻፋ አኮ ቤዳ።

14 ሽን የሃንሰ፣ “ታን ኔናን  
 ጸማቀታናው በሰያ ዋደ፣ ኔን ታኮ  
 ያይ?” ያጌደ፣ አ ድጋናው ኮዌዳ።

15 ሽን የሱስ ዛሪደ አ፣ “ኑን  
 ጽሎተሳ ኦሱዋ ኡባ ሀዋዳን ፖላናው  
 በሰያ ድራው፣ ሀእ ታው ኤኖ ጋ”  
 ያጌዳ። የሃንሰካ እው ኤኖ ጌዳ።

16 የሱስ ጸማቀቶዋፕ ጉይያን፣  
 ኤለካ ሃላፕ ከሴዳ፤ ሳሎ ደየትና፣ ጸሳ  
 እያናይ ሀራጽያዳን ሳሎዋፕ ዋጂደ ባረ  
 ቦላ ይያ ዋደ በኤዳ፤

17 ቃይ ሳሎዋፕ፣ “ታን ሲቅያ፣ ታና  
 ናሽቶያ፣ ታ ናእይ ሀዋ” ያግያ ቃላይ  
 ዌዳ።

‡ 3:11 ጌሻ እያናንገ ታማን ጸማቃና፣ ጉሳይ የሱስ ዌደ አሳ ጋርሳ እያና አሳተላ ላምያዋ ታማርሰያዋ።  
 3:17 ደመላ 22:2፤ ማዘ. 2:7፤ ኢሳ. 42:1፤ ማጥሳ 12:18፤ 17:5፤ ማር. 1:11፤ ሉቃሳ 9:35  
 4:4 ዛረ. 8:3 4:6 ማዘ. 91:11-12 4:7 ዛረ. 6:16 4:10 ዛረ. 6:13

# 4

የሱስ ፓጩቲዳ  
 (ማር. 1:12-13፤ ሉቃሳ 4:1-  
 13)

1 ሄዋፕ ጉይያን፣ ጸላህያን ፓጩታና  
 ማላ፣ ጌሻ እያናይ አሳይ ደኤና ሳኦ  
 የሱሳ አፌዳ።

2 የሱስ አይታሙ ጋላሳን አይታሙ  
 ቃማ ጸሞዋፕ ጉይያን ኮሻቲዳ።

3 ጸላሂ ዌደ አ፣ “ኔን ጸሳ ናኦ  
 ግደፕ፣ እነ ሀ ሹቻቱዋ ኡክላ ግዳና  
 ማላ ጋ” ያጌዳ።

4 ሽን የሱስ ዛሪደ፣ “ጸሳ ማጸፋን፣  
 ሉሳይ ጸሳይ ሃሳይያ ቃላ ኡባን  
 ደእናፕ አትን፣ ኡክላ ጸላላን ደኤና’  
 ያገት ጸፈቲዳ” ያጌዳ።

5 ሄዋፕ ጉይያን፣ ጸላሂ የሱሳ ጌሻ  
 ካታማ አፍ ጌሻ ጎልያ ጼራን ኤሲደ።

6 “ኔን ጸሳ ናኦ ግደፕ፣ እነ ዱገ  
 ኩንዳ። እያው ጎፕ፣ ጸሳ ማጸፋን፣  
 “ ጸሳይ ባረ ኪታንቻቱዋ

ነው አዛዛናዋ፣

ቃይ ሉንቲንቱ ነ ገዲ ሹቻን  
 ጹብተና ማላ፣

ባረንቱ ኩሽያን ኔና ደንጎናዋንታ  
 ያገት ጸፈቲዳ” ያጌዳ።

7 የሱስ ዛሪደ አ፣ “ቃይካ ጸሳ  
 ማጸፋን፣ ሳዳ ነ ጸሳ ፓጩፕ ያገት  
 ጸፈቲዳ” ያጌዳ።

8 ቃይ ጸላሂ የሱሳ አት ዳር ዋልቃማ  
 ደርያ ጼራ ከሲደ፣ ሀ አላምያን ደእያ  
 ካውተላ ኡባን አንቲንቱ ቦንቹዋ

9 በሲደ አ፣ “ኔን ታው ጉልባታደ  
 ጎይኖፕ፣ ታን ሀዋ ኡባ ነው እማና”  
 ያጌዳ።

10 ሄ ዋደ የሱስ ዛሪደ አ፣ “ላ ሀ  
 ሴጸናው ሃካ፤ እያው ጎፕ፣ ጸሳ ማጸፋን፣  
 ሳዳው፣ ነ ጸሳው ጎይና፤ አ ጸላላ  
 ጎሽታ” ጌተት ጸፈቲዳ” ያጌዳ።

11 ሄዋፕ ጉይያን፣ ጸላሂ የሱሳ  
 አግና፣ ኪታንቻቲ ዌደ፣ እው ኦሌድኖ።

የሱስ ባረ ታማርሰያ ኦሱዋ  
 ጋሊላን ደሜዳ

(ማር. 1:14-15፤ ሉቃሳ 4:14-  
 15)

12 የሃንሰ ቃሽቲዳዋ የሱስ ሰሴዳ  
 ዋደ፣ ጋሊላ ጌተትያ ጋድያ ቤዳ።

13 ናዝሬተተ ከሲደ፣ ቅፍርናሆማ ካታማ ቢደ፣ ያን ደኤዳ፤ ቅፍርናሆማ ዛብሎናንን ንፍታሌመ ጋድያን ደእያ ጋሊላ አባ ማታን ደኤ።

14 ሀዌ ሀኔዳዌ ናብያ ኢሰያስ።  
15 “ዛብሎን ጋድያንን ንፍታሌመ ጋድያን፤

አባ ኦግን ዮርዳኖሳ ሻፋጥ ሄፍንሳ ባጋን፤

አይሁዳ ግደና አሳይ ደእያ ጋሊላን፤

16 ቆማን ደእያ አሳይ፤  
ዋልቃማ ፖኡዋ በኤዳ።  
ቃይ ሀይቁዋ ኩዋይ ደእያ ጋድያን ኡቴዳዋንቶ

ፖኡ ከሴዳ”

ያጌዳዌ ፖለታና ማላሳ።

17 ሄ ዋድያጥ ደሚደ የሱስ፤  
“ሀንተ ናገራ ፓጽተ፤ እያዉ ጎጥ፤ ሳሉዋ ካዉተላይ ማታቴዳ ድራሳ”

ገደ ቃላ ኦዲዋ ደሜዳ።

የሱስ ባረና ካልያ ኦይዳቱዋ ጸጌዳ  
(ማር. 1:16-20፤ ሉቃሳ 5:1-11)

18 የሱስ ጋሊላ አባ ማታና አዲደ፤ ላኡ እሻቱ ጸጽሮሳ ጌተትያ ሰሞንን አ እሻ እንድራሱ፤ ሞልያ ኦይቂያዋንታ ግድ ድራዉ፤ ዳባ \* አባን የግያዋንታ በኤዳ።

19 ኡንቱንታ፤ “ታና ካልተ፤ ታን ሀንተና ሞልያ ኦይቂያዋዳን አሳ ታኮ አሀያ ኦግያ ታማርሳና” ያጌዳ።

20 ኡንቱንቱ ኤለካ ባረንቱ ዳባ አገደ፤ የሱሳ ካሌድኖ።

21 የሱስ ሄዋጥ ሰንገሐ ቢደ፤ ሀራ ላኡ እሻቱዋ፤ ዛብድዮሳ ናና ያቆባን አ እሻ ዮሃንሳ በኤዳ፤ ኡንቱንቱ ባረንቱ አዉዋ ዛብድዮሳና ሃሳ ቦላን ብያ ዋንግርያ ግድን ባረንቱ ዳባ ገግሰያዋንታ በኢደ፤ ጸሴዳ።

22 ኡንቱንቱ ኤለካ ሃላን ብያ ዋንግርያን ባረንቱ አዉዋ አገደ፤ የሱሳ ካሌድኖ።

የሱስ ጮራ አሳ ታማርሴዳን ፓሌዳ  
(ሉቃሳ 6:17-19)

23 የሱስ አይሁዳ ዋሳ ጎለቱዋን ታማርሴደ፤ ካዉተላ ሞሽራቹዋ ቃላ ኦዲደን ቃይ ሀርግያ ኡባጥን ሳኩዋ

ኡባጥ አሳ ፓሌደ፤ ጋሊላ ጋድያ ኡባን ዩዬዳ።

24 አ ዋሪ ሶርያ ጋድያ ኡባ ጋኬዳ፤ ዲማ ዲማ ሀርግያን ኦይቀቲደ ሀርጌዳ አሳ ኡባ፤ ጸላሀቱዋን ኦይቀቲደዋንታ፤ ዩጩዋ ሳኩ ደእያዋንታ፤ ቃይ ጉንዴዳዋንታ አሳይ የሱሳኩ አሃዳ፤ እ ኡንቱንታ ፓሌዳ።

25 ጮራ አሳይ ጋሊላጥ፤ ታሙ ካታማቱዋጥ፤ የሩሳላሙጥ፤ ይሁዳጥን ዮርዳኖሳጥ ሄፍንሳን ደእያ ጋድያጥ የሱሳ ካሌድኖ።

5

የሱስ ደርያ ቦላን ግዲደ ታማርሴዳ ትምርትያ  
(5:1—7:29)

1 የሱስ ጮራ አሳ በኢደ፤ ፑደ ደርያ ከሲደ ኡቴዳ። አ ካልያዋንቱ አኮ ሺቁድኖ።

2 ኡንቱንታ ሀዋዳን ያግ ታማርሴዋ ደሜዳ።

ቱሙ አንጀዋ አክያ አሳቱዋ  
(ሉቃሳ 6:20-23)

3 “ባረንቱ እያና ደኡዋን፤ ሀዬሳ ግዴዳዋ ኤርያዋንቱ አንጀቴዳዋንታ፤ እያዉ ጎጥ፤ ሳሉዋ ካዉተላይ ኡንቱንቱሳ።

4 ካዮትያዋንቱ አንጀቴዳዋንታ፤ እያዉ ጎጥ፤ ጸሳይ ኡንቱንታ ሞንሳና።

5 አሸከ ግዴዳዋንቱ አንጀቴዳዋንታ፤ እያዉ ጎጥ፤ ኡንቱንቱ ሳኦ ላታና።

6 ጽሎተላ ኮሻትያዋንቱን ሳሙትያዋንቱ፤ \* አንጀቴዳዋንታ፤ እያዉ ጎጥ፤ ጸሳይ ኡንቱንታ ካልሳና።

7 ማርያዋንቱ አንጀቴዳዋንታ፤ እያዉ ጎጥ፤ ጸሳይ ኡንቱንታ ማራና።

8 ዋዛና ጌሻቱ አንጀቴዳዋንታ፤ እያዉ ጎጥ፤ ኡንቱንቱ ጸሳ በአና።

9 አሳ ሰገለያዋንቱ አንጀቴዳዋንታ፤ እያዉ ጎጥ፤ ጸሳይ ኡንቱንታ፤ ባረ ናና ገደ ጸሳና።

10 ጽሎተላ ድራዉ፤

4:16 እሳ. 9:1-2 \* 4:18 ዳባ- ሀዋ ጉሳይ ሞልያ ጸራናዉ ዋይ ኦይቃናዉ ሃላን የግያ እማራሉዋን ማራብያ ግያዋ። 5:4 እሳ. 61:2 5:5 ማዝ. 37:11 \* 5:6 ሀዋ ብለላይ ጸሳዉ ኤና ግያዋንታ ዋይ ሎኦባ ዋይ ቱዋባ ኦልያዋንታ ጉሳ።



የደርሰትያዋንቱ እንጀቴዳዋንታ፤  
እያው ጎጥ፡ ሳሉዋ ካውተላይ  
አንቱንቱሳ። †

11 “ህንተ ታና ካልያ ድራው፡ እሳይ  
ህንተና ቦርያ ዋደነ ዋይሰያ ዋደ፤  
ቃይ ህንተ ቦላ ኢታባ ኡባ ዋርዲዋን  
ሃሳይያ ዋደ፡ ህንተ እንጀቴዳዋንታ።

12 ህንተው ሳሉዋን ዋልቃማ  
ዋይታይ ደእያ ድራው፡ ላሽትተ፤ ሀሹ  
ጊተ፤ እያው ጎጥ፡ እሳይ ህንተጥ ካሰ  
ደኤዳ ናባቱዋ ሄዋዳን የደርሴድና።

ማጽንያነ ፖኤዋ ሌምሱዋ  
(ማር. 9:50፤ ሉቃሳ 14:34-35)

13 “እሳ ኡባው ህንተ ማጽነ ማላ፤  
ሽን ማጽኒ ማልእና ጳዮጥ፡ ዛሪደ አ  
ዋት ማልኤላይ? ካረ ኦልና፡ እሳይ አ  
የጵ ሀመታናጥ አትን፡ ሰንሳው እይነ  
ማደና።

14 “ሀ እላመው ህንተ ፖኤ፤ ደርያ  
ሁጺያን ኬጸቱዳ ካታማይ ጌማና  
ዳንዳና።

15 ጸምጥያ ጸምጥደ፡ ሰይን ደእያ  
እሳ ኡባው ፖኤና ማላ፡ ጵቂያ ሳን  
ዋሌጥ አትን፡ ካምያ ሚሻ ግደን ቁምእ  
ዋልያ እሳይ ኦንነ ባዋ።

16 ሄዋዳንካ፡ እሳይ ህንተ ኦልያ  
ሎኦ ኦሱዋ በኢደ፡ ሳሉዋን ደእያ  
ህንተ አውዋ ቦንቻና ማላ፡ ህንተ ፖኤ  
እሳ ሰንሳን ፖኤ።

ሙሴ ሀግያባ

17 “ታን ሙሴ ሀግያነ ናባቱ  
ታማርሰያዋ † ጳይሳናው ዬዳዋ  
ህንተው ማላቶ፤ ታን ፖላናው  
ዬዳዋጥ አትን፡ ጳይሳናው ያበደከ።

18 እያው ጎጥ፡ ታን ህንተው ቱሙዋ  
ኦዳይ፤ ሳሉነ ሳእይ አጳና ጋካናው፡ ቃይ  
ኡባባይካ ፖላታና ጋካናው፡ ስ ሀግያጥ  
እት ጫቻይካ ዋይ ቁር ፕደሊካ አ□ና።

19 ሄዋ ድራው፡ ሀ አዛዙዋ  
ኡባጥ ጉጽያ እት አዛዙዋ መንልያ  
ኡራይ ኦንነ፡ ቃይ ሀራቱካ ባረዋዳን  
ሀናናዳን ታማርሰያ ኡራይ ኦንነ፡ ሳሉዋ  
ካውተላን ኡባጥ ጉላ ግዳና፤ ሽን  
አዛዙዋ ኦልያዌነ ሀራንቱካ ኦላናዳን  
ታማርሰያዋ ኦንነ ሳሉዋ ካውተላን ጵቃ  
ግዳና።

20 እያው ጎጥ፡ ህንተ ጽሎተላይ  
ሙሴ ሀግያ ታማርሰያዋንቱ  
ጽሎተላጥነ ፓርሳዋቱዋ ጽሎተላጥ  
ዳራና ጳዮጥ፡ ሳሉዋ ካውተላ ህንተ  
ሙላ ገለናዋ ታን ኦዳይ።

21 “በን አሳው፡ ‘አሳ ዋዲ፤  
አሳ ዋዲዳ ኦንነ ፕርደታና’ ጌዳዋ  
ሰሴድታ።

22 ሽን ታን ህንተው ኦዳይ፤ ባረ እሻ  
ህንቀትያ ኡባይ ፕርደታና፤ ባረ እሻ  
ቦርያ ኡባይ ሻንጉዋ ፕርደው ሺቃና፤  
ቃይ ባረ እሻ፡ ‘ጵሎዌ’ ግያ ኡባይ  
ጋናምያ ታማ ፕርደው ሺቃና።

23 ሄዋ ድራው፡ ኔን ያርሽያሳን  
ያርሽሽን፡ ነ እሻ ናቁዳባይ ነው ሄዋን  
ሀሳየቶጥ።

24 ነ ያርሹዋ ሄዋን አጋደ ባ፤  
ካሰታደ ነ እሻና ሰገታ ድጋ፤ ሄዋጥ  
ካላ ያደ፡ ነ ያርሹዋ ያርሻ።

25 “ኔና ሞትያዋና ዋዲ ደእሽን  
ኤላ አናና ሰገታ ድጋ፤ ሄዌ ጳዮጥ፡  
እ ኔና ዳና ሰንሳ አላና፤ ቃይ ዳናይ ኔና  
ፖልሰው አላ እምና፡ ፖልሰ ኔና ቃሾ  
ጎሊን የጋና።

26 ታን ነው ቱሙዋ ኦዳይ፤ ኔን እት  
ሳንትሚ አተናና፡ ነ ማጋጨዋ ዉርሳደ  
ጭጋና ጋካናው፡ ሙላካ ቃሾ ጎለጥ  
ከሳካ።

ዋሹማባው እመቶ ትምርትያ

27 “ ‘ዋሹሞጋ’ ጌዳዋ ሰሴድታ።

28 ሽን ታን ህንተው ያጋይ፤  
‘ማጫውና ጸሊደ አምትያ ኡባይ፡ ባረ  
ዋዛና ግደን ሄ ዋደ ኢናና ዋሹሜዳ።’

29 ነ ኡሽቻ እይሬ ኔና ናጋራ  
ኦሰሶጥ፡ ኔጥ ዋጫደ ኦላ አጋ፤ እያው  
ጎጥ፡ ነ ቦላይ ሙላካ ጋናምያ ታማን  
ኦለትያዋጥ፡ አጥ እቱ ፓጭንቶ ነው  
ሎአ።

30 ቃይ ነ ኡሽቻ ኩሺ ኔና ናጋራ  
ኦሰሶጥ፡ ኔጥ ቃንጸደ ኦላ አጋ፤ እያው  
ጎጥ፡ ነ ቦላይ ሙላካ ጋናምያ ታማን  
ኦለትያዋጥ፡ አጥ እቱ ፓጭንቶ ነው  
ሎአ።

† 5:10 ሳሉዋ ካውተላይ አንቱንቱሳ፡- ጉሳይ ሄ እሳቱ ሳሉዋ ካውተላ ሳታናው ዳንዳይያዋንታ ግድያዋ  
በሴ። † 5:17 ሙሴ ሀግያነ ናባቱ ታማርሰያዋ፡- ጉሳይ እይሁድያ ጌሻ ማጻፋ፤ ሄዌካ ኤጫ ጫቁ።

§ 5:18 ኡባባይካ ፖላታና ጋካናው፡- ጉሳይ ቃላይ ታማርሰያ ኡባይ ቱማተላን ጭንጫና ጋካናው።  
5:21 ከሳ 20:13፤ ዛረ. 5:17 5:27 ከሳ 20:14፤ ዛረ. 5:18 5:29 ማቶሳ 18:9፤ ማር.  
9:47 5:31 ዛረ. 24:1-4፤ ማቶሳ 19:7፤ ማር. 10:4

ማቶላ የደናዳን እመቶ ትምርትያ (ማቶላ 19:9፤ ማር. 10:11-12፤ ሉቃሳ 16:18)

31 “ ቃይ ባረ ማቻቶ የድያ ኦንነ እዘ የድያ ፓራማ እም፣ ጌተቲዳ።

32 ሸን ታን ህንተዉ ያጋይ፤ ብረ ማቻታ ዋሹመናን ደእሸን የድያ ኦንነ እዘ ዋሹማ ከሴ፤ ቃይ እሰናይ የዴዳ ሞሽራቶ እክያዌ ኦንነ ዋሹሜ።”

ጨቀናዳን እመቶ ትምርትያ

33 “ቃይ በን አሳዉ፣ ሞርዲዋን ጨቆፓ፤ ሸን ነ ጎዳዉ ጨቄዳዋ ፖላ፣ ጌዳዋ ሰሴድታ።

34 ሸን ታን ህንተዉ ያጋይ፤ ሉባካ ጨቆፕተ፤ ሳሉ ጸሳ ካዉተሳ ኦይድያ ግድያ ድራዉ፣ ሳሉዋን ጨቆፕተ።

35 ቃይ ሳእይ አ ገዲ የድያ ሳ ግድያ ድራዉ፣ ሳእን ጨቆፕተ፤ ቃይካ፣ የሩሳላመ ዋልቃማ ካትያ ካታማ ግድያ ድራዉ፣ ሳሩሳላመንካ ጨቆፕተ።

36 ኔን እት ብናናካ ቦሳ ዋይ ካረሳ ከሳናዉ ዳንዳየና ድራዉ፣ ሳ ሁጲያንካ ጨቆፓ።”

37 ሸን ህንተ፣ ሉ፣ ዋይ፣ ግድና ጌተ፤ ሀዋንቱፕ ሀራይ ሴጻናፕ ዬ።

ኢታ ኢታን ዛረናዳን እመቶ ትምርትያ (ሉቃሳ 6:29-30)

38 “ ሉይፍያ ድራዉ እይፍያ፤ እቻ ድራዉ እቻ፣ ጌዳዋ ሰሴድታ።

39 ሸን ታን ህንተዉ ያጋይ፤ ህንተዉ ኢታባ ኦሳያ ኡራዉ ኢታን ዛርፕተ፤ ኦንነ ነ ኡሸቻ ባጋ ሻይያ ባቆፕ፣ ነ ሀድርሳ ባጋ ሻይያካ አ በሳ፤

40 ነ ሻምጭያ አካናዉ እት ኡራይ ኔና ሞቶፕ፣ ሄ ኡራዉ ነ ኮትያካ ጉጃ እማ።

41 ኦንነ ኔና እት ሳትያ ኡግያ ባረናና ባናዳን ዋልቃንሶፕ፣ እናና ላኡ ሳትያ ኡግያ ባ።

42 ኔና ዋሰያ ኡራዉ እማ፤ ቃይ ኔፕ ታልእና ኮይያ ኡራዉካ ድጎፓ።”

ሞርክያ ሲቃና ማላ እመቶ ትምርትያ (ሉቃሳ 6:27-36)

43 “ ሳ ላገላቱዋ ሲቃ፤ ነ ሞርክያ ሞርካ፣ ጌዳዋ ሰሴድታ።

44-45 ሸን ታን ህንተዉ ያጋይ፤ ሳሉዋን ደእያ ህንተ አዋ ናና ግዳና ማላ፣ ህንተ ሞርክቲዋ ሲቆተ፤ ህንተና ሸቄያዋንታ እንጅተ፤ ህንተና እጽያዋንቶ ሎኦባ ኦሳተ፤ ህንተና የደርሰያዋንቶ፣ ጸሳ ዋሰተ፤ እያዉ ጎፕ፣ ኢታ አሳዉካ ሎኦ አሳዉካ ጸሳይ ባረ አዋ አዋጽሴ፤ ቃይ ጽላቶካ ናጋራንቻቶካ ባረ እራ ቡክሴ።

46 ህንተ ህንተና ሲቆያዋንቱ ጸላላ ሲቆፕ፣ ህንተዉ እይ ዋይታይ ደኢ? ሀራይ አቶ፣ ናጋራንቻቱካ ሄዋዳን ኦሳ።”

47 ህንተ ህንተንቱ እሻቱዋ ጸላላ ሳርቶፕ፣ ሀራቱ ኦሳያዋፕ እድያባ እያ ኦሴድቱ? ሀራይ አቶ፣ እይሁደ ግድና አሳይካ ሄዋዳን ኦሴ።

48 ህዋ ድራዉ፣ ሳሉዋን ደእያ ህንተ አዉ ፖሎ ግደዋዳን፣ ህንተካ ፖሎ ግድተ።

### 6

ሀይሳዉ እምያ ማራ ታማርሱዋ

1 “ህንተ ሎኦ ኦሱዋ አሳ በሳናዉ አሳ ሰንላን ኦፍ ማላ ናገትተ፤ ሄዌ ቆየፕ፣ ሳሉዋን ደእያ ህንተ አዉ ህንተዉ ጋትያ እመና።

2 “ሄዋ ድራዉ፣ ህንተ አዉደነ ሀይሳዉ እምያ ዋይ፣ ሎኦ ማላትያ ኢታቱ ባረንታ ቦንቻሳናዉ፣ እይሁዳ ዋሳ ጎለንን ኡግያን ሀራን በኢታናዉ ኦሳያዋዳን ኦሳፕተ፤ ታን ህንተዉ ቱሙዋ ኦዳይ፤ ኡንቱንቱ ባረንቱ ጋትያ አክ ድጌድ።”

3-4 ሸን ኔን ሀይሳዉ እምያ ዋይ፣ ጌማን እማናዳን፣ ነ ኡሸቻ ኩሺ ኦሳያዋ ሀድርሳ ኩሺ ኤርፖ። \* ጌማን ኦሴዳዋ በእያ ነ አቡ፣ ነ ሎኦ ኦሱዋ ጋትያ ዛራናዋ።

ዋሳባ (ሉቃሳ 11:2-4)

5 “ጸሳ ዋሲደ፣ ሎኦ ማላትያ ኢታቱዋዳን ሀናፕተ፤ እያዉ ጎፕ፣ ባረንታ አሳይ በእና ማላ፣ እይሁዳ ዋሳ ጎለንን ኡግያ ዳናን ኤቂደ፣ ጸሳ ዋሰያዋ ደሲኖ፤ ታን ህንተዉ ቱሙዋ

5:32 ማቶላ 19:9፤ ማር. 10:11-12፤ ሉቃሳ 16:18፤ 1 ቆር. 7:10-11 5:33 ዋጋ 19:12፤ ፓይ. 30:2፤ ዛረ. 23:21 5:35 አሳ. 66:1፤ ማዝ. 48:2 5:38 ከሳ 21:24፤ ዋጋ 24:20፤ ዛረ. 19:21 5:43 ከሳ 19:18 5:48 ከሳ 19:2፤ ዛረ. 18:13 \* 6:3-4 ኡሸቻ ኩሺ ኦሴዳዋ ሀድርሳ ኩሺካ ኤርፖ፣ ጉሳይ ጸሳፕ አትን፣ ኦንነ ኤርፖ ጉሳ።

ኦዳይ፤ ኡንቱንቱ ባረንቱ ጋትያ ኡባካ አኬድና።

6 ሸን ኔን ጸሳ ዎሲያ ዎደ፣ ነ ጎላ ገላ፤ እፍሳ ቃቻደ፣ ቤተና ነ አዉዋ ዎሳ፤ ጌማን ኦሰቶዋ በእያ ነ አቡ ነዉ አማናዋ።

7 “ጸሳ ህንተ ዎሲያ ዎደ፣ ጸሳ አማና አሳዳን፣ ጮ መላ ዛረፉዋ ዳርሶፕተ፤ ኡንቱንቱ ሃሳያ ዳሩዋን ሰሰቱ ገደ ቆፒና።

8 ሄዋ ድራዉ፣ ሄ አሳዳን ሀኖፕተ፤ አያዉ ጎፕ፣ ህንተ አቡ ህንተና ኮሽያዎ ህንተንቱ ዎሳናፕ ካሰቲደ ኤሬ።

9 “ሰሞ ህንተንቱ ሀዋ ማላ ዎሳ ዎሰተ፤

“ ሳሉዋን ደእያ ኑ አቦ፣ ነ ጌሻ ሱንሳይ አንጀቶ።

10 ነ ካዉተላይ ዮ፤ ነ ሸኒ ሳሉዋን ሀኔዳዎዳን፣ ሳንካ ሀኖ።

11 ጋላሳን ጋላሳን ኮሽያ ቁማ ኑዉ ሀቼ አማ።

12 ኑን ኑና ናቆዋንቶ አቶ ያግያዎዳን፣ ኔንካ ኑ ናቁዋ አቶ ጋ።

13 ኑና ኢታባፕ አሻፕ አትን፣ ፓጭያን ገልሶፕ።

ካዉተላይ፣ ዎልቃይነ ቦንቼ መጅናዉካ ኔሳ። አመንእ።”

14 “ህንተንቱ ህንተና ናቁዳ ሀራ አሳ ናቁዋ አቶ ጎፕ፣ ሳሉዋን ደእያ ህንተንቱ አዉካ ህንተዉ አቶ ጋና።

15 “ሸን ህንተንቱ ህንተና ናቁዳ ሀራ አሳ ናቁዋ አቶ ጋና ቆሮፕ፣ ህንተንቱ አዉካ ህንተ ናቁዋ አቶ ጌና።

ጸማባ

16 “ቃይ ህንተንቱ ጸምያ ዎደ፣ ሎእ ማላትያ ኢታቱዋዳን፣ ካዮትያዎ ማላቶፕተ፤ አያዉ ጎፕ፣ ኡንቱንቱ ጸምያዎ አሳይ በአና ማላ፣ ባረንቱ ሶሞእያ ቡላልሲና፤ ታን ህንተንቶ ቱሙዋ ኦዳይ፤ ኡንቱንቱ ባረንቱ ጋትያ አኬድና።

17-18 “ሸን ህንተንቱ ጸምያ ዎደ፣ ህንተንቱ አቡ ህንተ ጸምያዎ ኢሮፕ አትን፣ አሳይ ኤረና ማላ፣ ህንተ ሶሞእያ ሜጨትተ፤ ህንተ ሁጲያካ ኦከትተ፤ ያቶፕ፣ ቤተና ህንተ አዉ ህንተንቱ አላያዎ ጌማን በኢደ፣ ህንተ ጋትያ አማናዋ።

ሳሉዋን ደእያ ሚሻባ (ሉቃሳ 12:33-34)

19 “ሚሻ ብልአይ ሞያሳንነ ብራታይ ሸኢደ ባይዘያሳን፣ ካይሱካ ቦኪደ ዉእያሳን፣ ሀ ሳኣን ህንተንቱ ሁጲያዉ ዳጋዮፕተ።

20 ሸን ብልአይ ሜናሳንነ ሸኤና ሳን፣ ካይሱካ ቦኪደ ዉኤና ሳን ህንተንቱ ሁጲያዉ ሳሉዋን ሚሻ ዳጋይተ።

21 አያዉ ጎፕ፣ ነ ዎዛናይ ነ ሚሻይ ደእያ ሳን ደአና።

ቦላ ፖኡዋባ (ሉቃሳ 11:34-36)

22 “ቦላ ፖኡ አይፍያ፤ ሄዋ ድራዉ፣ ነ አይሬ ፓጸ ግደፕ፣ ነ ቦላ ኡባይ ፖኡ ግዳና።

23 ሸን ነ አይሬ ፓጸ ግዳና ቆሮፕ፣ ነ ቦላ ኡባይ ቆማና፤ ሰሞ ኔናን ደእያ ፖኡ ቆሞፕ፣ ቆማይ አይ ኬና ዳራኔ!

ደእ ሀርጋናዉ በሰና (ሉቃሳ 16:13፤ 12:22-31)

24 “ላኡ ጎዳኖ ሞደታናዉ ዳንዳይያዎ ኡንነ ባዋ፤ አያዉ ጎፕ፣ አቱዋ አጲደ፣ የኩዋ ሰቄ፤ ዎይ አቱዋ ቦንቼደ፣ የኩዋ ካጴ፤ እት አሳይ ጸሳዉን ሻሎ ሞደታናዉ ዳንዳየና።

25 “ሄዋ ድራዉ፣ ታን ህንተንቶ ኦዳይ፤ ህንተ ደእ ማናባዉን ኡሻናባዉ፣ ዎይ ህንተ ቦላዉ ማያናባዉ ሀርጎፕተ፤ ሸሞፑ ቁማፕ አ□ኔ? ቃይ ቦላይ ማዩዋፕ አ□ኔ?

26 ፓልያ ካፋቱዋ ጴልተ፤ ኡንቱንቱ ዘርክና፤ ጫክክና፤ ድይያንካ ቆልክና፤ ሸን ሳሉዋን ደእያ ህንተንቱ አዉ ኡንቱንታ ሞዜ፤ ህንተንቱ ኡንቱንቱፕ ሎይላ ዳርክቱ?

27 ህንተንቱ ግድን ዳርሰ ሀርጊደ፣ ባረ ጌሳ ቦላ እት ዎቆ ጉጅናዉ ዳንዳይያዎ ኦኔ?

28 “አያዉ ማዮ ሀርጊቱ? ደሞባን ደእያ ጨሻቱ ዎት ድጨኖንቶ፣ አኬክ ጴልተ፤ ኡንቱንቱ ዳቡርክና ዎይ ፑቱዋ ሱቁክና።

29 ሸን ታን ህንተንቶ ኦዳይ፤ ሀራይ አቶ፣ ሶሎሞን ሄዋ ኬና ቦንቼቱዳዋ ግዲደ፣ ሄ ጨሻቱዋፕ እቱዋ ማላካ ማይቤና።

30 ሸን ላፋ አማኑ ደእያዎንቶ፣ ጸሳይ፣ ሀቼ ደኢደ፣ ዎንት ታማን

ኤጵያ ደምባ ማታ ማይዘያዌ፣ ህንተና ኡንቱዋፕ አሊደ ዋት ማይዘኔ?

31 ሰሞ፣ ሓን እያ ማኔ? ዋይ እያ ኡሻኔ? ዋይ እያ ማያኔ? ያጊደ ሀርጎፕተ።

32 እያው ጎፕ፣ ሄ ኡባባ ጸሳ አማኑናዋንቱ ዳርሲደ ኮዪና፤ ሄ ኡባይ ህንተና ኮሽያዋ ሳሉዋን ደእያ ህንተንቱ አው ኤሬ።

33 ሽን ካሰቲደ፣ ጸሳ ካውተላን ኦ ጽሎተላ ኮይተ፤ እ ህንተንቶ ሄ ኡባባ አማና።

34 ሄዋ ድራው፣ ዋንትባው ሀርጎፕተ፤ እያው ጎፕ፣ ዋንት ጋላሳይ ባረው ሀርጋና፤ ጋላሳ ኡባውካ እ ሀ-ጸው ግድያ ዋዪ ደኤ።

# 7

ሀራ አሳ ቦላ ፕርዳናው ኮሸና (ሉቃሳ 6:37-42)

1 “ጸሳይ ህንተንቱ ቦላ ፕርደና ማላ፣ ህንተካ ሀራቱዋ ቦላ ፕርደፕተ።

2 እያው ጎፕ፣ ህንተንቱ ሀራቱዋ ቦላ ፕርድያዋዳን፣ ጸሳይ ህንተንቱ ቦላ ፕርደና፤ ቃይ ህንተንቱ ሀራቶ አማናው ማክያባን እ ህንተው ማካና።

3 ነ አይፍያን ደእያ ቱሳ በእካ፤ ሽን ነ እሻ አይፍያን ደእያ ሱላ እያው ጸላይ?

4 ዋይ ነ አይፍያን ቱሳይ ደእሸን፣ ኔን ነ እሻ፣ ታን ነ አይፍያፕ ሱላ ከሱ ዋናደ ጋናው ዳንዳያይ?

5 ላ ሀ ሎኡዋ ማላትያ ኢታው! ካሰታይ ነ አይፍያፕ ቱሳ ከሳ ድጋ፤ ሄዋፕ ጉይያን፣ ነ እሻ አይፍያፕ ሱላ ከሳናው ጌሻደ ጸላናው ዳንዳያ።

6 “ጌሻባ ካናቶ እሞፕተ፤ ኡንቱንቱ ጉዮ ሰሚደ፣ ህንተና ሳእና። ቃይ እንቁዋ ጌተትያ ህንተንቱ አልኦ ሹቻ ጉዲንጎቱዋ ሰንገላን ኦሎፕተ፤ ኡንቱንቱ ባረንቱ ገድያን ሃፋና።

ዋሰተ፣ ኮይተ፣ ካርያኮ ዪደ ጸሰተ (ሉቃሳ 11:9-13)

7 “ዋሰተ፤ ህንተ አካና። ኮይተ፤ ህንተ ደማና። ካርያኮ ዪደ ጸሰተ፤ ህንተው ፕንጊ ደየታና።

8 እያው ጎፕ፣ ዋሰያ ኡባይ አካና፤ ኮይያ ኡራይ ደማና፤ ቃይ ካርያኮ ዪደ ጸሰያ ኡራው ፕንጊ ደየታና።

9 ዋይ ህንተንቱ ግድን ባረ ናአይ፣ ሓክሳ እማ ጎፕ፣ ሹቻ እምያ አው ደኢ?

10 ቃይ፣ ሞልያ እማ ጎፕ፣ አው ሸሻ እማናዌ?

11 ህንተንቱ ኢታ ግዲደ፣ ህንተንቱ ናናቶ ሎኡባ እምያዋ ኤርፕ፣ ያትና፣ ሳሉዋን ደእያ ህንተንቱ አው ባረና ዋሰያዋንቶ ሎኡባ ዋት ዳርሰ እመኔ!

12 “ሄዋ ድራው፣ ሀራ ኡሳይ ህንተው አላናው ኮይያ ኡባባ ህንተካ አሳው አላተ፤ እያው ጎፕ፣ ሙሴ ሀግያ ብለላይነ ናባቱ ታማርሰያዌ ሀዋ።

ኡንእ ፕንግያባ (ሉቃሳ 13:24)

13 “ኡንእ ፕንግያና ገልተ። እያው ጎፕ፣ ባየላው አፍያ ፕንጊ አኩዋ፤ ኦጊካ ዋጋ። ሄዋና ገልያ አሳይካ ጮራ።

14 “ሽን፣ ደኦ አፍያ ፕንጊ ኡንእ፤ ኦጊካ ጸንጎ። ቃይ ሄዋ ደምያዋንቱካ ጉላ።

ምሳይ ባረ አይፍያን ኤረቱ (ሉቃሳ 6:43-44)

15 “ቦላ ባጋና ደርሳ ማላቲደ፣ ህንተኮይ ይያ ዋርዶ ናባቱዋፕ ናገትተ፤ ሽን ኡንቱንቱ ጋርሳ ባጋና ዋላቱዋ ማላ።

16 ኡንቱንቱ አይፍያ አይፍያዋን ህንተ ኡንቱንታ ኤራና፤ አኩንጎይ ዋደንጎላ አይፍያ አይፈና፤ ጎምኦሪካ ኮክያ አይፍያ አይፈና።

17 ሄዋዳንካ፣ ሎኦ ምላ ኡባይ ሎኦ አይፍያ አይፈ፤ ሽን ኢታ ምላይ ኢታ አይፍያ አይፈ።

18 ሎኦ ምላይ ኢታ አይፍያ አይፋናው ዳንዳየና፤ ቃይ ኢታ ምላይካ ሎኦ አይፍያ አይፋናው ዳንዳየና።

19 ሎኦ አይፍያ አይፈና ምላ ኡባይ ቃንጸቲደ፣ ታማን የገታና።

20 ሄዋ ድራው፣ ህንተ ኡንቱንቱ አይፍያ አይፍያዋን ኡንቱንታ ኤራንታ።

21 “ሳሉዋን ደእያ ታ አቡ ጌዳዋ ኦላያ ኡራይ ሳሉዋ ካውተላ ገላናፕ አትን፣ ሳዳው፣ ጎዳው ግያ ኡባይ ገላና።

22 ፕርዳ ጋላሰ ዳር አሳይ ታና፣ ሳዳው፣ ጎዳው፣ ኦን ነ ሱንጎን ጸሳይ ከቶዋ ኦድበይኮ? ነ ሱንጎን ጸላሁቱዋ ከሰበይኮ? ቃይ ኦን ጸሳይ ኦላያ ማላልሰያባ ነ ሱንጎን ኦላበይኮ? ያጋናዋንታ።

23 ታን ሄ ዎደ ኡንቱንታ፡ ሓታን ሀንተና ኡባካ ኤርከ፤ ኢታባ ኡልያዎንቱ ሀንተ ታ ማታፕ ሃክተ፡ ያጋና።

ላኡ ማላ ጎላቱዎ (ሉቃሳ 6:47-49)

24 “ሄዎ ድራወ፡ ሀዎ ታ ቃላ ሰሲደ ኡልያ ኡባይ ሞኖ ዛላ ቦላ ባረ ጎልያ ኬጼዳ ዎዛናማ አሳ ማላ።

25 እራይ ቡኪደ፡ ድኡ ድኤዳ፤ ጫርኩካ ጫርኪደ፡ ሄ ጎልያ ሱጌዳ። ሸን ጎሊ ሞኖ ዛላ ቦላ ኬጸቴዳ ድራወ፡ ኩንድቤና።

26 “ሀዎ ታ ቃላ ሰሲደ ኦርና አሳይ ኡባይ፡ ባረ ጎልያ ሻፍያ ቦላ ኬጼዳ ቦዛ አሳ ማላ።

27 እራይ ቡኪደ፡ ድኡ ድኤዳ፤ ጫርኩካ ጫርኪደ፡ ሄ ጎልያ ሱጌና፡ ጎሊ ኤለካ ኩንዴዳ። ሄ ጎሊ ዎልቃማ ኩንደላ ኩንዴዳ።”

28 የሱስ ባረ ሃሳይያዎ ወርሴዳ ዎደ፡ አሳይ አ ታማርሰያዎን ማላላቲድኖ።

29 እያወ ጎፕ፡ አ ኡንቱንታ ታማርሲደ፡ ሙሴ ሀግያ ታማርሰያዎንቱዳን ግደናን፡ ማታይ ደእያ አሳዳን ታማርሶ ድራሳ።

### 8

የሱስ ኦሎ ኦይቄዳ ብታንያ ፓሌዳ (ማር. 1:40-45፤ ሉቃሳ 5:12-16)

1 የሱስ ደርያፕ ዎዴዳ ዎደ፡ ጮራ አሳይ አ ካሌዳ።

2 ሄ ዎደ ኦሎ \* ኦይቄዳ እት ብታኒ የሱሳኮ ይ አ ሰንፋን ጉልባቲደ፡ “ጎዳወ፡ ነ ሸን ግደፕ፡ ታና ፓላደ ጌሻናወ ዳንዳያ” ያጌዳ።

3 የሱስ ባረ ኩሽያ የድ አ ቦቺደ፡ “ታን ኮያይ፤ ፓጸደ ጌያ!” ያጌዳ። ኤለካ ኦሎ ብታንያ የድ አጌዳ።

4 የሱስ አ፡ “ሰሞ ሀዎ ኦሰን ኦደፓ፤ ሸን ቄሳኮ ባደ ነ ፓጸደ ጌዬዳዎ አ በሳ፤ ነ ፓጸደ ጌዬዳዎ አሳ ኤርሳናወ ሙሴ አዛዜዳ ያርሹዎ ጸሳወ ያርሻ” ያጌዳ።

የሱስ ጴቱዎ ካፑዎ ቆማ ፓሌዳ (ሉቃሳ 7:1-10)

5-6 የሱስ ቅፍርናሆማ ካታማ ገሌዳ ዎደ፡ እት ሮማ ጋደ ጴቱዎ ካፑ እኮ ዪደ፡ “ታ ጎዳወ፡ ታ ቆማ ቦላይ ጉንድና፡ ዳር ሳከቲደ፡ ሶይን ግሴዳ፤ ሀያ ጎደ ታወ ፓላርኪ” ያግ ዎሴዳ።

7 የሱስ፡ “ታን ባደ አ ፓላና” ያጌዳ።

8 ሸን ጴቱዎ ካፑ ዛሪደ፡ “ታ ጎዳወ፡ ኔና ታ ሶይ ገልሳናወ ታወ በሰና፤ ሸን ኔን ቃላ ጸላላ ሃሳያ፤ ታ ቆማይ ፓጸናዎ።

9 እያወ ጎፕ፡ ታን ታፕ ቦላና ደእያዎንቶ ኤኖ ግያ አሳ፤ ቃይ ታፕ ጋርሳና ዎታደራቱ ደእኖ። ታን እቱዎ፡ ‘ባ!’ ጎፕ ቤ፤ ቃይ የኩዎ፡ ‘ሃያ!’ ጎፕ ዬ፤ ታ ቆማ፡ ‘ሀዎ ኦላ!’ ጎፕ ኦሌ” ያጌዳ።

10 የሱስ ሄዎ ሰሴዳ ዎደ ማላላቲደ፡ ባረና ካልያ አሳ፡ “ታን ሀንተወ ቱሙዎ ኦዳይ፤ ታን ሀዎ ማላ አማኑዎ ሀራይ አቶ፡ እሰራኤልያ ጋድያንካ በአበይከ።

11 ጮራ አሳይ አዎይፊ ደልያ ባጋፕካ ወልያ ባጋፕ ዪደ፡ አብራሃሞና፡ ይሳቃናን ያቆባና ሳሉዎ ካወተላ ጋይታን እትፕ ኡታናዎንታ ያጋይ።

12 ሸን ካወተላን ደእናወ በሰያ አሳይ ዎልቃማ ቆማ ጋርሳ ካረ ኦለታና፤ ሄዎን ኡንቱንቱ ዬካናን ባረንቱ እቻ ቆቃናዎንታ” ያጌዳ።

13 ሄዎፕ ካላ የሱስ ጴቱዎ ካፑዎ፡ “ካ ሶይ ባ፤ ኔን አማኤዳዎዳን ነወ ሀኖ” ያጌዳ፤ ጴቱዎ ካፑዎ ቆማይ ሄ ሳትያንካ ፓጽ አጌዳ።

የሱስ ጮራ አሳቱዎ ኡንቱንቱ ሀርግያፕ ፓሌዳ

(ማር. 1:29-34፤ ሉቃሳ 4:38-41)

14 የሱስ ጸጽሮሳ ሶይ ቢደ፡ አ ቦሎታታ ቆጶዎ ሀርጋደ ግሴዳወኖ በኤዳ።

15 እዝ ኩሽያ የሱስ ቦቾና፡ ቆጶ እዝ ባሽ አጌዳ፤ እዛካ ደንዳደ አወ ሞያባ ግግሳዳ።

16-17 ሳኦይ ኦማርሴዳ ዎደ፡ አሳይ ኢታ እያናቱ ኦይቄዳ ጮራ አሳ የሱሳኮ እሄዳ፤ ናብያ ኢሰያሰ፡ “አ ኑ ዳቡራ ባረወ እኩዳ፤ ቃይ ኑ ሀርግያካ ቶኬዳ” ያጌዳዎ ፖለታና ማላ፡ የሱስ ኢታ እያናቱዎ ባረ ቃላን ከሲደ፡ ሀርጌዳ አሳ ኡባካ ፓሌዳ።

\* 8:2 ኦሎ ኦይቄዳ አሳ ቦላይ ቦጼ። ሀዌ ሳክያ አሳይ ሄ ዎደ ደእዎን አሳና ደእያ ዎጋ ኡባፕ ሻከቲደ ደኤ። ቃይካ ጌሻ ግደና ጌተቲደ ሀራ አሳን ጴሰቱ። 8:4 ዎጋ 14:1-32 8:16-17 አሳ. 53:4

የሱሳ ካልያዋንታ ጋክያ መቱዋ  
(ሉቃሳ 9:57-62)

18 የሱሱ ጮራ አሳይ ባረ የሹዋን ደእያዋንታ በእደ፣ አባጥ ሄፍንግ ፕናና ማላ፣ ባረና ካልያዋንታ አዛዜዳ።

19 ሄዋጥ ጉይያን ሙሴ ሀግያ ታማርሰያ እቱ እኮ ዪደ፣ “ታማርሰያዎ፣ ኔን ብያሳ ኡባ ታን ኔና ካላና” ያጌዳ።

20 የሱሱ እ፣ “ዋራካናቶ አላይ ደኤ፤ ካፋቱዋሰካ ኬላይ ደኤ፤ ሽን ታው፣ አሳ ናኦው፣ ሸዎጋ አክያሳይካ ባዋ” ያጌዳ።

21 ቃይ ካልያዋንቱጥ እቱ የሱሳ፣ “ጎዳው፣ ታን ሰንገላታ ባደ ታ አባ ዋጋናው ባ ያጋርኪ” ያጌዳ።

22 ሸን የሱሱ እ፣ “ኔን ታና ካላ፤ ሀይቁዳዋንቱ ባረንቱ አሃ ሞግኖ” ያጌዳ።

የሱሱ ጎቱዋን ቤታ ጮኡ አሌዳ  
(ማር. 4:35-41፤ ሉቃሳ 8:22-25)

23 የሱሱ ዋንግርያን ገሎደ፣ አ ካልያዋንቱ እናና ቤድኖ።

24 ቤታይ ዋንግርያ ሞታና ጋካናው፣ አባን ዋልቃማ ሆቢ ደንዴዳ፤ ሸን የሱሱ ገሞእሼዳ።

25 አ ካልያዋንቱ እኮ ቢደ፣ ገሞእሹዋጥ ደንጮድኖ፤ ሄዋጥ ሰሚደ እ፣ “ጎዳው፣ ኑን ቆይቶ፤ ኑና አሻርኪ” ያጌድኖ።

26 የሱሱ ኡንቱንታ፣ “ሀ አማኑ ፓጩዳዋንቶ፣ አያው ያዩቱ?” ያጌዳ። ሄዋጥ ጉይያን ደንዴደ፣ ጎቱዋን ቤታ አግተ ጊና፣ ጎቱን ቤታይ ጮኡ ጌዳ።

27 አሳይ ማላለቲደ፣ “ሀዌ ላ ሀራይ አቶ፣ ጎቱን ቤታይ አዛዘትያዌ አይባ አሴ?” ያጌድኖ።

የሱሱ ኢታ አያናይ ኦይቁዳ ላኡ አሳቱዋ ፓሌዳ  
(ማር. 5:1-20፤ ሉቃሳ 8:26-39)

28 የሱሱ ጋለላ አባጥ ሄፍንግን ደእያ ገርገሰኖና ጌተትያ ጋድያ ፕኔዳ፤ ኢታ አያናቱ ኦይቁዳ ላኡ አሳቱ ሄ ጋድያን ደእያዋንቱ ዱፋዋጥ ከሲደ፣ አናና ጋከቲድኖ። ኡንቱንቱ ዳር ኢታ ግድያ ድራው፣ ኡን ሄ ኦግያና አቆናው ዳንዳይቤና።

29 ኡንቱንቱ ባረንቱ ቃላ ቶቁ ኦሊደ፣ “ጸሳ ናኦው፣ ኑናና ነው አይ

አላሊ ደኢ? ዋዲ ጋከናን ኑና ሙራናው ያዲ?” ያጌድኖ።

30 ኡንቱንቱጥ ላፋ ሃክያሳን ጉዲንጎ ዉዲ ሄመቱ።

31 ኢታ አያናቱ የሱሳ፣ “ኔን ኑና ከሰያዋ ግደጥ፣ ህን ጉዲንጎ ዉድያ ግደ የዳርኪ” ያጌደ ዋሴድኖ።

32 የሱሱ ኡንቱንታ፣ “ቢተ!” ጊና ኡንቱንቱ ብታናቱዋጥ ገሰ ቢደ፣ ጉዲንጎቱዋን ገሌድኖ። ጉዲንጎ ዉዲ ኡባይ ካካ ላንቁያና ካጀቲደ፣ አባን ገሊደ፣ ሞተት አጌድኖ።

33 ጉዲንጎ ዉድያ ሄምያዋንቱ ባቃቲደ ካታማ ብ አጌድኖ፤ ቤዳሳን ኢታ አያናቱ ኦይቁዳ አሳቱ ሀኔዳባ ኡባ ኦዴድኖ።

34 ሄዋ ሰሴዳ ካታማን ደእያ አሳይ ኡባይ የሱሳና ጋከታናው ከሴድኖ፤ አ በኤዳ ዋደ፣ ባረንቱ ጋድያጥ ባና ማላ ዋሴድኖ።

9

የሱሱ ቦላይ ጉንዴዳ ብታንያ ፓሌዳ  
(ማር. 2:1-12፤ ሉቃሳ 5:17-26)

1 ሀዋጥ ካላ የሱሱ ዋንግርያን ገሊደ፣ አባ ፕኒደ፣ ባረ ካታማ ዬዳ።

2 አማራዳ አሳይ ቦላይ ጉንዴዳ እት ብታንያ ሻንቻማን ቶኪደ፣ የሱሳኮ አሄድኖ፤ የሱሱ ኡንቱንቱ አማኑዋ በኢደ፣ ቦላይ ጉንዴዳ ብታንያ፣ “ታ ናኦው፣ ያዮፓ፤ ነ ናጋራይ አቶ ጌተቲዳ” ያጌዳ።

3 ሀግያ ታማርሰያዋንቱጥ እቱ እቱ ባረንቱ ዋዛናን፣ “ላ ሀ ብታኒ ጸሳ ቦላ ኢታባ ሃሳዬቲ!” ያግ ቆፔድኖ።

4 የሱሱ ኡንቱንቱ ቆፋ ኤሪደ፣ ኡንቱንታ ሀዋዳን ያጌዳ፤ “ህንተንቱ ህንተ ዋዛናን ሀዋ ማላ ኢታባ አያው ቆፒቱ?”

5 ሳ ናጋራይ አቶ ጌተቲዳ፣ ያግያዌ ማቴዬ? ዋይ፣ ደንዳ ኤቃደ ሀመታን ያግያዌ ማቴ?

6 ሸን ሳኦ ቦላን ናጋራ አቶ ጋናው ታው፣ አሳ ናኦው፣ ማታይ ደእያዋ ታን ህንተና ኤርሳና” ያጌደ፣ ሄዋጥ ጉየ አ ሄ ቦላይ ጉንዴዳ ብታንያ፣ “ደንዳ ኤቃ፤ ያታደ ነ ሻንቻማ ቶካደ፣ ነ ጎለ ባ” ያጌዳ።

7 ጉንዴዳ ብታኒካ ደንድ ኤቁደ፣ ባረ ጎለ ቤዳ።

8 ሽን ዳሮ አሳይ ሄዋ በኢደ ያዬድኖ፤ አሳው ሀዋ ማላ ማታ እሜዳ ጸላ ጋላቴድኖ።

የሱስ ሌዋያ ማቶላ ጸሌዳ (ማር. 2:13-17፤ ሉቃሳ 5:27-32)

9 የሱስ ሄዋና አዲድ፣ ማቶላ ያግያዌ ቃራጸ ቃንጽያ ሳን ኡቴዳዋ ደሚደ እ፣ “ታና ካላ” ያጌዳ።

ማቶሳካ ደንድ ኤቂደ፣ አ ካሌዳ።

10 የሱስ ማቶላ ጎለን ቁማ ማናው ኡት ደእሽን፣ ቃራጸ አክያ ጮራ አሳይነ ናጋራንቻቱ ዪደ፣ አናና አ ካልያዋንቱና እትጥ ጋይታን ኡቴድኖ።

11 እት እት ፓርሳዋቱ ሄዋ በኢደ፣ የሱሳ ካልያዋንታ፣ “ህንተና ታማርሰያዌ ቃራጸ ቃንጽያዋንቱና ናጋራንቻቱዋና ቁማ እያው እትጥ ሚ?” ያጌድኖ።

12 ሽን የሱስ ኡንቱንቱ ያግያዋ ሰሲደ፣ “ሀርጋንቻቱዋጥ እትን፣ ፓጸቶ አክሚ ኮሸና።

13 ሽን ህንተንቱ ቢደ፣ ጸላ ማጸፋይ፣ ታን ማርተሳ ኮያይጥ እትን፣ ያርሹዋ ኮይከ፣ ያግያዌ ዋግያዌንቶ ኤርተ፤ እያው ጎጥ፣ ታን ናጋራንቻቱዋ ጸላናው ዬዳዋጥ እትን፣ ጽላቱዋ ጸላናው ያበይከ” ያጌዳ።

ጸማባ ኦቹዳ ኦሻ (ማር. 2:18-22፤ ሉቃሳ 5:33-39)

14 ሄ ዋደ ዮሃንሳ ካልያዋንቱ የሱሳኮ ዪደ፣ “ኡን ፓርሳዋቱ ኡባ ዋደ ጸሜቶ፤ ሽን ኔና ካልያዋንቱ እያው ጸምክና?” ያጌደ አ ኦቹድኖ።

15 የሱስ ኡንቱንታ፣ “ቡላቻ ዬዳ አሳይ ማቻቶ አክያዌ ባረንቱና ደእሽን፣ ካዮታናው ዳንዳዪኖ? ዳንዳይክና፤ ሽን ማቻቶ አክያዋ ኡንቱንቱ ማታጥ አፋና ዋዲ ያና፤ ኡንቱንቱ ሄ ዋደ ጸማናዋንታ” ያጌዳ።

16 “ኤጫ ማዩዋ ቦላ ኦራሳ □ፍያ ዋሊደ ሰክያ አሳይ ባዋ፤ እያው ጎጥ፣ ኦራሳ □ፊ ኤጫ ማዩዋ ፔ□ሬላና፤ ፔ□ላይካ ካሰዋጥ ዳራናዋ።

17 ሆኦ ዋይንያ ኤሳ ኤጫ ኦጎሩዋን ናእያ አሳይ ባዋ። ሽን ናኦጥ፣ ሄ ዋይንያ ኤሳይ ኦጎሩዋ ዳካና፤ ባረጫካ ዋጆታና፤ ኦጎሩካ ባያናዋ። ሽን፣ ሆኦ ዋይንያ ኤሳ ኦራሳ ኦጎሩዋን ናእናው በሴ፤ ላኡካ ባይክና” ያጌዳ።

ያእርሳ ናትባነ የሱሳ ማዩዋ ቦቹዳ ሞሽራትባ

(ማር. 5:21-43፤ ሉቃሳ 8:40-56)

18 የሱስ ኡንቱንቶ ሄዋ ኦድሽን፣ አይሁደ ዋሳ ጎለ ካገቱዋጥ እቱ እኮ ይ አ ሰንሳን ጉልባቲደ፣ “ታ ናታ ሀእ ሀይቃዳ፤ ሽን ኔን ያደ ነ ኩሽያ እዝ ቦላ ዋላርኪ፤ እዛ ደኡዋን ደአናውኦ” ያጌዳ።

19 የሱስ ደንዲደ፣ ባረና ካልያዋንቱና እትጥ ብታንያ ካሊደ ቤዳ።

20 ሄ ዋደ ታማነ ላኡ ላይላ ኩሙንላ፣ እዝ ቦላጥ ሱሳይ ጎግያ እት ሞሽራታ ጉየና ሺቃደ፣ የሱሳ ማዩዋ ማጫራ ቦቻዳ።

21 ሀዋ እዛ አላዌ፣ እዛ ባረ ዋዛና፣ “ታን አ ማዩዋ ጸላላ ቦቻንቶ ፓጸና” ያጋደ ቆፓዳ።

22 ሽን የሱስ ዩይ እዛ ጸሊደ፣ “ታ ናቴ፣ ያዮፓ፤ ኔና ነ አማኑ ፓሌዳ” ያጌዳ። ሄ ማንእያን ሞሽራታ ፓጸ አጋዳ።

23 የሱስ አይሁዳ ዋሳ ጎለ ካቸዋ ሰይ ጋኬዳ ዋደ፣ ዬኩዋን ድንካ ፑንያ አሳነ ዬክያ አሳ በኢደ፣

24 “ካረ ከሰተ፤ ጉላ ናታ ገምእሻዲጥ እትን፣ ሀይቃበይኩ” ያጌዳ። ሄዋጥ ጉይያን አሳይ አ ቦላ ዳሪ ሚጨድዳ።

25 ሽን ጮራ አሳ ካረ አ ከሴዳዋጥ ጉይያን፣ ጎለ ገሊደ፣ ናት ኩሽያ ኦይቁዳ፤ ናታካ ደንዳ አጋዳ።

26 ሄ ዋሪ፣ ሄ ማንእያን ሄ ጋድያን ኡባን ሰሰቴዳ።

የሱስ ላኡ ቆቃቱዋ ፓሌዳ

27 የሱስ ሄዋና አዲደ ብያ ዋደ፣ ላኡ ቆቃቱ ባረንቱ ቃላ ዶቁ ኦሊደ፣ “ዳዋት ናእጫ፣ ኦና ማራርኪ” ያጌደ አ ካሌድኖ።

28 የሱስ ጎለ ገሊዳ ዋደ፣ ቆቃቱ እኮ ዬድኖ፤ የሱስ ኡንቱንታ፣ “ታን ሀዋ ኦላናው ዳንዳይያዋ አማኒቱ?” ያጌዳ።

ኡንቱንቱ፣ “ኤ ጎዳው” ያግ ዛሬድኖ።

29 ሄዋጥ ጉይያን፣ የሱስ ኡንቱንቱ አይፍያ ባረ ኩሽያን ቦቹደ ኡንቱንታ፣ “ህንተው ህንተንቱ አማኑዋዳን ሀኖ” ያጌዳ።

30 ኡንቱንቱ አይፊ ደየት አጌዳ፤ የሱስ ኡንቱንቱ፡ “ሀዋ ኦስነ ኦደፕተ” ያጊደ ሞንሲደ ኦዳዳ።

31 ሽን ኡንቱንቱ ቢደ፡ ሄ ጋድያ ኡባን የሱሳባ ኦዳድኖ።

የሱስ እት ዱድያ ፓሌዳ

32 ኡንቱንቱ ከሲደ ብያ ዋደ፡ አማራዳ አሳይ ኢታ አያናይ ኦይቁና ዱዳዳ ብታንያ የሱሳኮ አሄድኖ።

33 የሱስ ኢታ አያና ከሴዳዋፕ ጉይያን፡ ዱደ ብታኒ ሃሳዬዳ። አሳይ፡ “ሀዌ ኦራላባ፤ ሀዋ ማላባይ አሰራኤልያ ጋድያን ኡባካ ሀንቤና” ያግ ማላላቴድኖ።

34 ሽን ፓርሳዋቱ፡ “አ ኢታ አያናቱዋ ካቸዋ ዋልቃን ጸላሀቱዋ ከሴ” ያጌድኖ።

የሱስ አሳዉ ቃረቱዳ

35 የሱስ ኡንቱንታ አይሁዳ ዋሳ ጎለቱዋን ታማርሲደነ ካዉተላ ዋንጋላ ሞሽራቹዋ ኦዲደ፡ ቃይ ሀርግያ ኡባፕነ ሳኩዋ ኡባፕ አሳ ፓሊደ፡ ዋጋ ካታማቱዋንን ቄር ካታማቱዋ ኡባን ዩዬዳ።

36 ጮራ አሳ በኢደ፡ ሄምያ አሳይ ባይና ደርሳዳን አሳይ ሀርገትያ ድራዉነ አሳ ማድያባይ ባይና ድራዉ፡ አሳዉ ቃረቱዳ።

37 ያቲደ ባረና ካልያዋንታ፡ “ቆይቻዉ ጋካ ካላይ ዳራ፤ ሽን ጫክያ አሳይ ጉላ።

38 ሰሞ ካላ ጎዳይ ካላ ጫካናዉ ኦሳንቻቱዋ የዳና ማላ፡ አ ዋሰተ” ያጌዳ።

# 10

የሱስ ከቲዳ ታማነ ላኡ አሳቱዋባ (ማር. 3:13-19፤ ሉቃሳ 6:12-16)

1 የሱስ ባረ ታማነ ላኡ ካልያዋንታ ጼሲደ፡ ኡንቱንቱ ኢታ አያና ከሳና ማላ፡ ቃይ ሀርግያ ኡባን ሳኩዋ ኡባ ፓላና ማላ፡ ኡንቱንቱ ማታ አሜዳ።

2 የሱስ ከቲዳ ታማነ ላኡቱዋ ሱንላይ፡ ኮይሮዌ ጸጽሮሳ ጌተትያ ሰሞናን አ እሻ እንድራሳ፡ ዛብድኖሳ ናና፡ ያቆባን ዮሃንሳ፡

3 ፕልጶሳ፡ ባርታላሞሳ፡ ቶማሳ፡ ቃራጸ እክያ ማቶሳ፡ እልፕኖሳ ናኦ ያቆባን ታደሳ፤

4 ባረ ጋደዉ ቃረትያ ሰሞናን የሱሳ አላ አሜዳ አሰቆሮቱ ይሁዳ።

የሱስ ከቲዳ ታማነ ላኡቱ ታማርሳናዉ ከተቲድኖ

(ማር. 6:7-13፤ ሉቃሳ 9:1-6)

5 የሱስ ሀ ታማነ ላኡቱዋ ሀዋዳን ያጊደ ከቲዳ፤ “አይሁዳ ግደና አሳ ጋድያ ቦፕተ፤ ቃይ ሳማረቱዋ ካታማካ ገሎፕተ፤

6 ሄዋ ድራ ባዬዳ ደርሳኮ፡ እሰራኤልያ አሳኮ

7 ቢደ፡ “ሳሉዋ ካዉተላይ ማቲዳ” ያጊደ ኦድተ።

8 ሀርጋንቻቱዋ ፓላተ፤ አሃ ሀይቁዋፕ ደንላተ፤ ኦሉ ኦይቁዳዋንታ ፓላተ፤ ኢታ አያናቱዋካ ከሰተ። ሀንተንቱ ጮ አኬድታ፤ ጮ አሞተ።

9 ዋርቃ ዋይ ብራ ዋይ ሳንትምያ ሀንተንቱ ከሲያን ኦይቆፕተ፤

10 ዋይ አገዉ ቃርጨትያ፡ ዋይ ላኤንሳያ ማዩዋ፡ ዋይ ጫማ ዋይ ጸሞኦ ኦይቆፕተ። አያዉ ሳፕ፡ ኦሳንቻዉ ኮሽያባይ ቁማ።

11 “ሀንተንቱ ገልያ ካታማን ዋይ ቄር ካታማ ኡባን ሀንተና ሞካናዉ ናሽትምያ ኦንቶ እኬካን ጸሞሰተ፤ ሀንተንቱ ሄዋፕ ከሳና ጋካናዉ፡ ሄዋን ኡትተ።

12 ቃይ ጎለ ገሊደ ሳርትተ።

13 ሄ ጎለን ደእያ አሳይ ሀንተና ሞኮፕ፡ ሀንተንቱ ሳርቲዳ ሳርታይ ኡንቱንታ ጋኮ። ሽን ኡንቱንቱ ሀንተና ሞከናን እጸፕ፡ ሀንተንቱ ሳርቲዳ ሳርታይ ሀንተዉ ጉዮ ሰሞ።

14 ቃይ እት እት ጎሊ ዋይ ካታማይ ሀንተና ሞከናን ዋይ ሀንተንቱ ኦድያዋ ሰሰናን እጸፕ፡ ሄ ጎለፕ ዋይ ሄ ካታማፕ ከሲደ፡ ሀንተንቱ ገድያፕ ባና ሾጭተ።

15 ታን ሀንተዉ ቱሙዋ ኦዳይ፤ ጸሳይ ፕርድያ ጋላሰ ሄ ካታማ አሳፕ፡ ሰደማ ካታማ አሳዉን ጋሞራ ካታማ አሳዉ ፕርዳ ካዉሸሳና።

9:34 10:25፤ 12:24፤ ማር. 3:22፤ ሉቃሳ 11:15 9:35 ማቶሳ 4:23፤ ማር. 1:39፤ ሉቃሳ 4:44 9:36 ፓይ. 27:17፤ 1 ካታ. 22:17፤ 2 ኦዲዋ 18:16፤ ሀዘ. 34:5፤ ማር. 6:34 10:7 ሉቃሳ 10:4-12 10:10 1 ቆር. 9:14፤ 1 ጽሞ. 5:18 10:15 ማቶሳ 11:24፤ ደሙላ 19:24-28



ጎዳይ ያናጥ ካሰቲድ፡ የደርሱነ መቼ ሀናና (ማር. 13:9-13፤ ሉቃሳ 21:12-17)

16 “በእት! ታን ህንተና ደርሳ ዋላቱዋ ግዶ የድያዋዳን የዳይ። ሄዋ ድራው፡ ሾሻዳን ጭንጫ ግድተ፤ ቃይ ሀራጽያዳን፡ አሽከ ግድተ።

17 ሽን አሳጥ ናገትተ። እያው ጎጥ፡ አሳይ ህንተና ፕርዳ ጎለው አሊደ እማና፤ ቃይ ባረ እይሁዳ ዋሳ ጎለቱዋንካ ህንተና ልሱዋን ፔዳና።

18 ገድያ አይሰያዋንቱ ሰንገን ካታቱዋ ሰንገን ታ ድራው ህንተንቱ ኤቂድ፡ ኡንቱንቶን እይሁዳ ግድና አሳ ሰንገን ታው ማርካ ግዳንታ።

19 ሽን ኡንቱንቱ ህንተና ፕርዳው አልያ ዋደ፡ ህንተንቱ ሃሳናና ባ ሄሳትያን ጸሳይ ህንተው እምያ ድራው፡ ህንተንቱ ገናባውን ዋይ ዋጊደ ሃሳናንቶን ሀርጎጥተ።

20 እያው ጎጥ፡ ህንተንቱን አቂደ ሃሳይያዋ ህንተንቱ አወዋ ጌሻ እያናጥ አትን፡ ሃሳይያዋንቱ ህንተንታ ግድክታ።

21 “አሻይ ባረ እሻ፡ አው ባረ ናኣ ቦላ ደንዳና፤ ናናይ ባረንቱ እትነ አወዋ ቦላ ደንዳደ፡ ኡንቱንታ ዋድሳና።

22 ቃይ አሳይ ኡባይ ህንተንታ ታ ሱንገላ ድራው እጸና፤ ሽን ወርሰሳይ ገካናው ገንጭያዋ አታናዋ።

23 ኡንቱንቱ ህንተና እት ካታማጥ የደርሰጥ፡ ሀራ ካታማ ቢተ። እያው ጎጥ፡ ታን ህንተው ቱሙዋ ገይ፤ ታን፡ አሳ ናኣይ፡ ያና ገካናው፡ ህንተንቱ ህንተ ኡሱዋ እሰራኤልያ ካታማ ኡባን አሊደ ወርሰክታ።

24 “ታማርያዋ ባረና ታማርሰያዋጥ ዳረና፤ ቆማይካ ባረ ጎዳጥ ዳረና።

25 ታማርያዋ ባረና ታማርሰያዋ ኬና ግድያዋ፡ ቆማይካ ባረ ጎዳ ኬና ግድያዋ አው ግዳና፤ ኡንቱንቱ ጎለ ጎዳ ብኤል-ዘቡላ ጊደ ጸሶጥ፡ አ ጎለ አሳ ዋግ ጸሳኔሻ!

ኦሰ ያናናው በሰንቶ (ሉቃሳ 12:2-7)

26 “ሰም አሳው ያዮጥተ፤ እያው ጎጥ፡ ገንሎ ዋሊዳባይ ቆንጭያ ከሰናን አተና፤ ቆሴዳባይካ ኤረተናን አተና።

27 ታን ህንተንቶ ጳማን ኦድናባ ፖኡዋን ሃሳይተ፤ ህንተው ሀይላን ሳሱኪደ ኦዳዳዋ፡ ጳቃሳን አዋይተ።

28 አሹዋ ዋድያዋንቶ ያዮጥተ፤ ኡንቱንቱ፡ ሽምጥዋ ዋላናው ዳንዳይክና። ሽን ሽምጥዋን አሹዋ ገናምያን ቆይሳናው ዳንዳይያ ጸሳው ያይተ።

29 ላኡ ሱንያ ካፋቱ ሳንትምያን ዘልኤትክና? ህንተንቱ አወዋ ሽንያ ግዳና ጳዮጥ፡ ሄ ሱንያ ካፋቱዋጥ አትናካ ሳኣን ዋላይ ባይኩ።

30 ሽን ሀራይ አቶ፡ ህንተንቱ ሁጺያን ደእያ ብናናይ ኡባይካ ፓይዱዋን ደኤ።

31 ሰም ያዮጥተ፤ ዳር ሱንያ ካፋቱዋጥ ህንተንቱ አጲታ።

ክርሰቶሳባ ማርካታናው በሴ (ሉቃሳ 12:8-9)

32 “ሄዋ ድራው፡ አሳ ሰንገን ታባ ማርካትያ ኦሰ ግድገነ፡ ታንካ ሳላዋን ደእያ ታ አቡ ሰንገን ማርካታና፤

33 ሽን አሳ ሰንገን ታና ካድያ ኦናን ታንካ ቃይ ሳላዋን ደእያ ታ አቡ ሰንገን አ ካዳና።

34 “ታን ሳኣው ሳርተላ አሀናው ዬዳዋ ህንተው ማላቶጊ፤ ታን ቶራ አሀናው ዬዳዋጥ አትን፡ ሳርተላ አሀናው ያበይከ።

35 እያው ጎጥ፡ ታን ናኣ አ አቡጥ፡ ናቶ እዘ ዳይጥ፡ ናኣ ማቻቶካ እዘ ቦሎታትጥ ሻካናው ያድ፤

36 አሳው ዋርከቱ አ ጎለ አሳቱዋ ግዳናዋንታ።

37 “ባረ አባ ዋይ ባረ ዳዮ ታጥ አሊደ ሲቅያዋ ታዋ ግዳናው በሰና፤ ባረ አቱማ ናኣ ዋይ ባረ ማጫ ናቶ ታጥ አሊደ ሲቅያዋ ታዋ ግዳናው በሰና።

38 ባረ ማሰቃልያ ቶኪደ፡ ታ ጌዱዋ ካለናዋ ታዋ ግዳናው በሰና።

39 ባረ ሽምጥዋ አሽያዋ ባይዛናዋ፤ ሽን ታ ድራው ባረ ሽምጥዋ ባይዘያዋ አሻናዋ።

40 “ህንተንታ ሞክያዋ ታና ሞኬ፤ ቃይ ታና ሞክያዋ ታና ኪቱዳዋ ሞኬ።

41 ናብያ፡ ናብያ ሱንገን ሞክያዋ፡ ናብያ ገትያ አናና ግሽታናዋ፤ ቃይ ጽሉዋ፡ ጽሉዋ ሱንገን ሞክያዋ፡ ጽሉዋ ገትያ አናና ግሽታናዋ።

42 ኡንካ ሀ ታና ካልያዋንቱጥ ጉጽያ አቶ፡ ሀራይ አቶ ቡልያ ሃላ

ጸላላ ኡሻናው እሞጥካ፡ ታን ሀንተንቶ ቱሙቀ ጋይ፤ እ ባረ ጋትያ አካና” ያጌዳ።

# 11

ጸማቅያ ዮሃንሳጥ የሱሳኮ ኪተቴዳ አሳቱዋ

(ሉቃሳ 7:18-35)

1 የሱሰ ባረ ታማነ ላኡ ካልያዋንታ አዛዝያዋ ፖሌዳ ዋይ፡ ሄዋጥ ደንዲደ፡ ካታማቱዋን ታማርሳናውኒ ኦዳናው ቤዳ።

2 ጸማቅያ ዮሃንሰ ቃሾ ጎለን ደኢደ፡ የሱሰ ኦሌዳዋ ሰሲደ፡ ባረና ካልያዋንታ እኮ ኪተደ፡

3 “ያናዋ ኔነየ? ዋይ ሀራ ናጋነ?” ያግ ኦቻናዳን ኦሌዳ።

4 የሱሰ ዛሪደ፡ ኡንቱንቶ ሀዋዳን ያጌዳ፤ “ቢደ ሀንተንቱ በእያዋነ ሰሰያዋ ዮሃንሳው ኦድተ፤

5 ቆቃቱ ጸሊኖ፤ ዋባቱ ሀመቲኖ፤ ኦሉ ኦይቄዳዋንቱ ፓጺደ ጌዪኖ፤ \* ቱላቱ ሰሲኖ፤ ሀይቄዳዋንቱ ደንዲኖ፤ ሀዬሳቱ ዋንጋላ ሞሽራቹዋ ሰሲኖ።

6 ታባ ሰፍኑ ኡራይ አንጀቱዳዋ” ያጌዳ።

7 ዮሃንሳ ካልያዋንቱ ሰሞ ቤዳ ዋይ፡ የሱሰ ዮሃንሳባ ሺቄዳ አሳው ሀዋዳን ያግ ሃሳዬዳ፤ “እያ በእናው አሳይ ደኤና መላ ቢታ ከሴድቱ? ጫርኩ ቃልያ ማቃ በእናው ከሴድቱ?

8 ያትና፡ እያ በእናው ከሴድቱ? ሎእያ ማዩዋ ማዬዳ ብታንያ በእናው ከሴድቱ? ሎእያ ማዩዋ ማዬዳዋንቱ ካታቱዋ ጎለን ደኢኖ።

9 ያትና፡ እያ በእናው ከሴድቱ? ናብያ በእናው ከሴድቱ? ኤ፡ ታን ሀንተው ኦዳይ፤ ናብያጥካ ኦድያዋ በኤድታ።

10 እያው ጎጥ፡ ጸሳ ማጻፋን፡ “ጸሳይ፡ “በእ፡ ታን ኪትያዋ ኔጥ ሰንፋው የዳና።”

እ ነው ኦግያ ገግሳናዋን ያጌዳ ጌተቲደ ዮሃንሳባይ ጸፈቱዳ።”

11 ታን ሀንተንቶ ቱሙቀ ኦዳይ፤ አት ኡሉዋጥ የለቱዳ አሳ ኡባን ጸማቅያ ዮሃንሳጥ አድያዌ ኦንነ ደንድቤና፤ ሽን ሳሉዋ ካውተላን ኡባጥ ላፍያዌ አጥ አፋና።

12 ጸማቅያ ዮሃንሳ ዋድያጥ ደሚደ፡ ሀቼ ጋካናው፡ ሳሉዋ ካውተላታ ዳር ናቃታው፤ ሞን ባጸትያዋንቱ እዞ ደሚኖ።

13 እያው ጎጥ፡ ናባቱ ኡባቱነ ሙሴ ሀጊ ዮሃንሳ ዋዲ ጋካናው፡ ትምቢትያ ሃሳዬድኖ፤

14 ሰሞ ሀንተንቱ ኡንቱንቱ ሃሳዮዋ አማናዋ ግደጥ፡ ያናዋ ጌተቴዳ ኤላሰ ሀ ዮሃንሳ።

15 ሰሰያ ሀይላይ ደእያዌ ሰሰ!

16 “ሸን ታን ሀ ዋድያ አሳ እያና ሌምሶ? ኡንቱንቱ ቆጫን ኡትያ ናና ማላቲኖ፤ ኡንቱንቱ ባረንቱ ላገላቱዋ ጸሲደ።

17 “ኅን ሀንተንቶ ሀጽጽያ ፑኔደ፤ ሸን ዱርቢይክታ፤ ዬኩዋ የላካ ከሴደ፤ ሸን ዬክበይክታ” ያጌኖ።

18 እያው ጎጥ፡ ዮሃንሰ ጸሚደነ ዋይንያ ኤሳ ኡሸናን ዪና ኡንቱንቱ፡ “አ ቦላ ኢታ እያናይ ደኤ” ያጌድኖ።

19 ታን፡ አሳ ናኤይ፡ ማደነ ኡሻደ ዪና፡ ኡንቱንቱ ታና፡ “ሀ ናፍሳማን ዋይንያ ኤሳ ኡሸያዋ በእተ፤ ቃራጸ ቃንጽያዋንቱና ናጋራንቻቱዋና ሲቀቱ” ያጌኖ፤ ሸን ጸሳ አዴዳ ኤራተላይ ባረ ኡሱዋን ቱማ ግዲደ ቤቱ” ያጌዳ።

አማናን እጹዳ ድራው ቶሽቱዳ ካታማቱዋ

(ሉቃሳ 10:13-15)

20 ሄዋጥ ጉይያን፡ የሱሰ ባረ ማላታጥ ዳርያ ባጋ ኦሌዳ ካታማቱዋን ደእያ አሳይ ባረንቱ ናጋራጥ ሰሞቤና ድራው፡ ኡንቱንታ ሀዋዳን ያጌደ፡ ቶሽያ ደሚዳ፤

21 “ኮራዚነ ካታማው፡ ነው አየር፤ ቤተሳይዳ ካታማው፡ ነውካ አየር፤ እያው ጎጥ፡ ሀንተንቱ ቦላ ጸሳይ ኦሌዳ ማላታይ ጸርሳ ካታማንነ ሲዶና ካታማን ኦሰቶዋ ግድንቶ፡ ኡንቱንቱ ማቅያ ማዪደ፡ ብድንሳ ኦከቲደ፡ በን ባረንቱ ናጋራጥ ሰማናዋንታሸን።

22 ታን ሀንተው ኦዳይ፤ ፕርዳ ጋላሰ ጸሳይ ሀንተጥ ጸርሳ ካታማውን ሲዶና ካታማው ፕርዳ ካውሸሳና።

23 ቃይ ቅፍርናሆማ ካታማው፡ ኔን ሳሉዋ ፑደ ቶቄ ጋናው ኮያድ? ኔን ሰኦልያ ዱገ የገታና፤ እያው ጎጥ፡ ነ ቦላ ጸሳይ ኦሌዳ ማላታይ ሶዶማ ካታማን

\* 11:5 ፓጺደ ጌዪኖ ግያዋ ሎይል አከካናው 8:2 ጸደና ደእያ ብለላን ጸፈቱዳዋ በእና ዳንዳየቱ።  
11:5 አሳ. 35:5-6፤ 61:1 11:10 ሚልክ. 3:1 11:14 ሚልክ. 4:5፤ ማቶሳ 17:10-13፤ ማር. 9:11-13 11:21 አሳ. 23:1-18፤ ህዝ. 26:1—28:26፤ እዩ. 3:4-8፤ አሞጻ 1:9-10፤ ዛካ. 9:2-4

አሰቶዋ ግድንቶ፣ ሶዶማ ካታማይ ሀቼ ጋካናሰካ ደአናዋሽን።

24 ታን ህንተው ኦዳይ፤ ፕርዳ ጋላሰ ጸሳይ ኔፕ ሶዶማዉ ፕርዳ ካዉሸሳና” ያጌዳ።

የሱሳን ሽምቸዋ ደምያዋ (ሉቃሳ 10:21-22)

25 የሱሰ ሄ ዎደ ዛሪይ፣ ሀዋዳን ያጌዳ፤ “ታ አቡ፣ ሳሉዋ ሳአ ጎዳዉ፣ ኔን ሀዋ አዴዳ ኤራንቻቱዋፕን አከካንቻቱዋፕ ገንፋደ፣ ኤረና ናናቶ ቆንጭሴዳ ድራዉ፣ ኔና ጋላታይ፤

26 ኤ ታ አቡ፣ አያዉ ጎፕ፣ ሀዌ ነ ሸንያዳን ኦሰቲዳ።

27 “ታ አቡ ታዉ ኡባባ አሜዳ፤ አዉዋፕ ሀራይ ናአ ኤረና፤ ናአፕን ናአይ አዉዋ ቆንጭሳናዉ ኮይያ አሳፕ አትን፣ ሀራይ አዉዋ ኤረና።

28 “ዳቡራንቻቶ፣ ዳደዋ ቶኮዋንቶ ኡባቶ፣ ታኮ ሃ ዪተ፤ ታን ህንተንታ ሸምፕሳና።

29 ታን ጋራነ ታ ዋዛናን አሸከ ግዶ ድራዉ፣ ታ ሞርገ ሞላን ዋጸትተ፤ ታፕ ታማርተ፤ ህንተንቲ ሼምፕካ ህንተ ሸምፕዋ ደማና።

30 አያዉ ጎፕ፣ ታ ሞርገ ሞላይ ጊጊ፤ ቃይ ታን ህንተንታ ቶሴዳዌካ ካዉሻ” ያጌዳ።

## 12

ሳምባታባዉ ሺቄዳ አሻ (ማር. 2:23-28፤ ሉቃሳ 6:1-5)

1 የሱሰ ሄ ዎደ ሳምባታ ጋላሰ፣ ትሻ ባንጋ ግዶና አድሽን አ ካልያዋንቲ ኮሻቲይ፣ ትሻ ባንጋ ዱሊይ፣ ሙሳ ደሜድኖ።

2 ሸን ፓርሳዋቲ ሄዋ በኢይ የሱሳ፣ “በአ፣ ኔና ካልያዋንቲ ሳምባታ ጋላሰ አሳናዉ ዎጋ ግደናባ ኦሊኖ” ያጌድኖ።

3 ሸን የሱሰ ኡንቲንቶ ሀዋዳን ያጌዳ፤ “ዳዊተን አናና ደአያዋንቲ ኮሻቲዳ ዎደ፣ ዳዊተ ኦሌዳዋ ናባብ በይክቲ?

4 ዳዊተ ጸሳ ጎላ ገሊይ፣ ቄሳቲዋ ጸላላይ ማናፕ አትን፣ እን አናና ደአያዋንቲ ማናዉ ዎጋ ግደና ጸሳዉ ያርሼዳ ቁማ ሜዳ።

5 ዎይ ሳምባታ ኡባን ጌሻ ጎልያን ደአያ ቄሳቲ ሳምባታ ዎጋ ሙንላያዋ፣ ቃይ አንቲንቶ ሄዌ ባይዞ ግደናዋ ሙሴ ህግያን ናባብ በይክቲ?

6 ሸን ታን ህንተው ኦዳይ፤ ጌሻ ጎልያፕ አድያዌ ሀዋን ደኤ።

7 ጸሳ ማጻፋይ፣ ታን ማርተላ ኮያይፕ አትን፣ ያርሹዋ ኮይኮን ያግያዌ ዋግያዌንቶ ህንተንቲ ኤሪተንቶ፣ ባይዙ ባይና አሳ ቦላ ፕርድክታ።

8 አያዉ ጎፕ፣ ታን፣ አሳ ናአይ፣ ሳምባታ ጎዳ” ያጌዳ።

የሱሰ ኩሺ ጉንዴዳ ብታንያ ፓሌዳ (ማር. 3:1-6፤ ሉቃሳ 6:6-11)

9 የሱሰ ሄዋፕ ደንዲይ፣ አይሁዳ ዋሳ ጎላ ቤዳ።

10 ሄዋን ኩሺ ጉንዴዳ አት ብታኒ ደኤ፤ የሱሳ ሞታናዉ ጋሱዋ ኮይያ አሳቲ፣ “ሳምባታን፣ ሀርጋንቻ ፓላያዌ ዎጌ?” ያጊይ አ ኦቼድኖ።

11 የሱሰ ኡንቲንታ፣ “ህንተንቲ ግዶን አት ዶርሳይ ደአያ ኡራይ፣ ሄ ዶርሳይ ሳምባታ ጋላሰ ኦላን ኩንደፕ፣ ኦይቂይ ከሰናዌ ኦኔ?

12 ያትና፣ አሳይ ዶርሳፕ ዎት ሎይሊደ ዳሪኔ! ሄዋ ድራዉ፣ ሳምባታ ጋላሰ ሎኦባ ኦላያዌ ዎጋ” ያጌዳ።

13 ሄዋፕ ጉይያን ብታንያ፣ “ኅ ኩሽያ ፕድ ኦላ” ያግና ብታኒ ፕድ ኦላዋፕ ጉይያን፣ አ ኩሺ የኮ ኩሽያዋዳንካ ፓጽ አኒዳ።

14 ሸን ፓርሳዋቲ ካረ ከሲይ፣ የሱሳ ዎት ዎጳንቶ ማቀቲድኖ።

ጸሳይ ዶራዳ አይልያ

15 ሸን የሱሰ ኡንቲንቲ ዞረታ ኤሪይ፣ ሄዋፕ አጊይ ብያ ዎደ፣ ዳር አሳይ አ ካሌዳ፤ ሀርጌዳ ኡባ ፓሌዳ።

16-17 ጸሳይ ናብያ ኢሲያሳ ባጋና ኦዴዳዌ ፖለታና ማላ፣ የሱሰ አሳቶ፣ “ታባ ሀራ አሳዉ ኦዶፕተ” ያጌዳ።

18 ጸሳይ ኢሲያሳ ባጋና ሀዋዳን ያጌዳ፤

“ታን ዶራዳ ታ አይሊ፣ ታን ሲቅያ፣ ታና ናሽቶያዌ ሀዌኩ።

ታን ታ አያና አ ቦላ ዋላና። አ ቡረ ፕርዳ አሳዉ ኡባዉ ኦዳናዋ።

19 እ ፓሎሙተና፤ ወይ ዋሰና።  
 ባረ ቃላካ ኦግያን ሰሰና።  
 20 ሱረ ፕርዳይ ጸን ከሳና ጋካናው።  
 ትንጨቴዳ ማቃ መንግጥና፤\*  
 ቃይ ጨዋትያ ሙቃዳ  
 ቁንጨትያካ እ ቶይሰና።  
 21 አይሁዳ ግደና አሳይ ኡባይ።  
 አ ቦላ ባረንቱ ሀይታ ዋላና”  
 ያጌዳ።

የሱሳባነ ብኤል-ዘቡላባ  
 (ማር. 3:20-30፤ ሉቃሳ 11:14-

23)  
 22 ሄዋፕ ጉይያን፣ አማሬዳ አሳቱ  
 ኢታ አያናይ ኦይቂና ዱዴዳ እት ቆቃ  
 ብታንያ የሱሳባ ኦይድና፤ የሱሰ ሄ ዱደ  
 ብታንያ ፓሌዳ፤ ብታኒካ ሃሳያን ጸላ  
 ደሚዳ።

23 አሳይ ኡባይ ማላለቲደ፣  
 “ላ ሀዌ ዳዊተ ናኦ ግዳንዴሻ?”  
 ያጌድና።

24 ሸን ፓርሳዋቱ ሄዋ ሰሲደ፣ “ሀ  
 ብታኒ ኢታ አያናቱዋ ካፑ ‘ብኤል-  
 ዘቡል’ ባረጧ ዋልቃ እምና፣ ጸላሀቱዋ  
 ከሴ” ያጌድና።

25 ሸን የሱሰ ኡንቱንቱ ቆፋ ኤሪደ፣  
 ኡንቱንታ ሀዋዳን ያጌዳ፤ “ባረ ግደን  
 ሻከትያ ካውተላይ ኡባይ ጳያና፤ ቃይ  
 ባረ ግደን ሻከትያ ካታማይ ዋይ ጎሊን  
 ደእያ አሳይካ ምነና።

26 ቃይ ሴጻናይ ሴጻና ከሰያዋ  
 ግደፕ፣ ባረ ግደን ሻከቱ፤ ያትና፣ አ  
 ካውተላይ ዋኒደ ምን ኤቃናዋ?

27 ታጧ ብኤል-ዘቡል ዋልቃ  
 እምና፣ ታን ጸላሀቱዋ ከሰያዋ ግደፕ፣  
 ሀንተንቱ አሳጧ ዋልቃ ኦን እምና  
 ጸላሀቱዋ ከሳኔ? ሄዋ ድራጧ፣  
 ኡንቱንቱ ሀንተ ቦላ ፕርዳና።

28 ሸን ጸሳ ጌሻ አያናይ ታጧ ዋልቃ  
 እምና፣ ታን ጸላሀቱዋ ከሰያዋ ግደፕ፣  
 ሰም ጸሳ ካውተላይ ሀንተ ቦላ ይ  
 ድጌዳ።

29 “ዋይ አሳይ ካሰቲደ፣ ዋልቃማ  
 አሳ ቃቹናን ደኢደ፣ አ ጎላ ገሊደ፣  
 አ ሚሻ ቦንቃናጧ ዋኒደ ዳንዳዪ?  
 ቃቹዳዋፕ ጉይያን፣ አ ሚሻ ቦንቃናጧ  
 ዳንዳዪ።

30 “ታ ባጋ ግደና ኡራይ ታዋ እጾ፤  
 ቃይ ታናና እትፕ ሺሽናዌ ላሌ።

31 ሄዋ ድራጧ፣ ታን ሀንተጧ  
 አዳይ፤ ጸሳይ አሳጧ አይ ናጋራ  
 ግድናካ፣ ቃይ አይ ቦረ ግድናካ እቶ  
 ጋና፤ ሸን ጌሻ አያና ቦርያዋ እቶ ጌና።  
 32 ታ ቦላ፣ አሳ ናኦ ቦላ፣ ኢታባ  
 ሃሳይያ ኦ ናጋራን ጸሳይ እቶ ጋና፤ ሸን  
 ጌሻ አያና ቦላ ኢታባ ሃሳይያ ኦ ናጋራን  
 ሳኦን ግድና፣ ሳሉዋንካ ጸሳይ እቶ  
 ጌና።

ሎኦ ሞላይ ባረ አይፍያን ኤሪቲ  
 (ሉቃሳ 6:43-45)

33 “ሎኦ አይፍያ ደማናጧ ሎኦ  
 ሞላ ድቻናጧ በሴ፤ ኢታ ሞላ  
 ሀንተንቱ ድቻፕ፣ ኢታ አይፍያ  
 ደማንታ፤ አያጧ ጎፕ፣ ሞላይ ኤሪትያዋ  
 ባረ አይፍያ አይፍያዋና።

34 ሸሻቶ፣ ሀንተንቱ ኢታ ግዲደ፣  
 ዋት ሎኦባ ሃሳያናጧ ዳንዳዪቱ?  
 አያጧ ጎፕ፣ ደናይ ዋዛና ግደን  
 ኩሚዳዋ ሃሳዬ።

35 ሎኦ አሳይ ባረ ሎኦ ምንጁዋፕ  
 ሎኦባ ከሴ፤ ቃይ ኢታ አሳይ ባረ ኢታ  
 ምንጁዋፕ ኢታባ ከሴ።

36 ታን ሀንተንቶ ኦዳይ፤ አሳይ ባረ  
 ሃሳዬዳ ማደና ሃሳያ ኡባጧ ፕርዳ  
 ጋላስ ዛሩዋ እማናዋ።

37 አያጧ ጎፕ፣ ነ ሃሳያይ ኔና  
 ጽልሳና፤ ዋይ ነ ሃሳያይ ነ ቦላ  
 ፕርድሳና” ያጌዳ።

ማላታ በአናጧ ሺቄዳ ኦሻ  
 (ማር. 8:11-12፤ ሉቃሳ 11:29-

32)  
 38 ሄዋፕ ጉይያን፣ ሀግያ ታማርሰያ  
 እት እት አሳይነ ፓርሳዋቱ ዛሪደ የሱሳ፣  
 “ታማርሰያዎ፣ ኔን ማላታ ኦላሸን፣ ኔን  
 በአናጧ ኮዬቶ” ያጌድና።

39 ሸን እ ዛሪደ፣ ኡንቱንቶ ሀዋዳን  
 ያጌዳ፤ “ሀ ዋድያ አሳይ ኢታን ጸሳ  
 አማናና ድራጧ፣ ማላታ ኮዬ፤ ናብያ  
 ዮናሳ ማላታፕ እትን፣ ሀራ ማላታይ  
 አመተና።

40 ዮናሰ ዋጋ ዋልያ ኡሉዋን ሄዙ  
 ጋላሳን ሄዙ ቃማ ደኤዳዋዳን፣ አሳ  
 ናኦይካ፣ ቢታ ግደን ሄዙ ጋላሳን ሄዙ  
 ቃማ ደአናዋ።

41 ነነዌ አሳይ ዮናሰ ኦዴዳዋን  
 ባረንቱ ናጋራፕ ሰሚዳ ድራጧ፣  
 ፕርዳ ጋላሰ ደንዲደ፣ ሀንተንታ

\* 12:20 እ፡ ትንጨቴዳ ማቃ መንግጥና፤ ሀዋ ጉሳይ፣ ማዶ ባይናዋንቶን ዳቡራንቻቶ የሱሰ ከካነ ጋራ  
 ጉሳ። ብ፡ ጨዋትያ ሙቃዳ ቁንጨትያካ እ ቶይሰና ጉሳይ፣ የሱሰ ዳቡራንቻቶ ጉዙማ ግደናዳን ከካነ  
 ጉሳ።

ሞታናዋንታ፤ በይተ፥ ዮናሳፕ አድያዌ ሀዋን ደኤ።

42 ዲገ ባጋ ጋድያ ካታታ ሶሎሞንዉ ደእያ አድ ኤራተላ ሰሳናዉ ሳኣ ጋጸፕ ዬዳ ድራዉ፥ ፕርዳ ጋላሰ ደንዳደ፥ ሀንተንታ ሞታናዉኑ፤ በይተ፥ ሶሎሞንፕካ አድያዌ ሀዋን ደኤ።

ኢታ አያናይ አሳ ጋርሳ ሰሚደ ገልፊዋ (ሉቃሳ 11:24-26)

43 “ኢታ አያናይ አሳፕ ከሴዳ ዋደ፥ ባረዉ ሸምፕያ ሳ ኮዪደ፥ ሃላይ ባይና መላሳና ዩዬ፤ ሽን ደመና።

44 ሄ ዋደ፥ ታን አጋደ ዬዳ ታ ጎላ ሰማና’ ያጌ፤ ሰሚደ ይያ ዋደ፥ ጎላ መላ ደእያዋን ፕተት ጌዪደ፥ ገገ ኡቴዳዋ ደሜ።

45 ሄዋፕ ጉይያን፥ ቢደ ባረፕ ኢትያ ላፑ ሀራ አያናቱዋ አኪደ ዬ፤ ሄ አያናቱ ገሊደ፥ ሄዋን ደእኖ። ሄ ብታንያ ደኡ ካሰዋፕ ዳሪ ኢቱ። ሀ ዋድያ ኢታ አሳዉካ ቃይ ሄዋዳን ሀናና” ያጌዳ።

የሱሳ ዳዮን አ እሻቱዋ (ማር. 3:31-35፤ ሉቃሳ 8:19-21)

46 የሱሰ ዳር አሳዉ ሃሳይሸን፥ አ ዳያን አ እሻቱ አናና ሃሳያናዉ ኮዪደ፥ ካረን ኤቁድኖ።

47 ሄዋን ደእያ አሳፕ እቱ አ፥ “ነ ዳያን ነ እሻቱ ኔናና ሃሳያናዉ ኮዪደ፥ ካረን ኤቁድኖ” ያጌዳ። †

48 ሽን የሱሰ ዛሪደ፥ “ታ ዳያ ኦኔ? ታ እሻቱ ኦኔ?” ያጌዳ።

49 ባረ ኩሽያን ባረና ካልያዋንቱኮ ጸርሲደ፥ “በይተ፥ ታ ዳያን ታ እሻቱ ሀዋንቱሸ።

50 አያዉ ጎፕ፥ ሳሉዋን ደእያ ታ አቡ ሸንያ ኦልያ ኡባይ፥ ታ እሻ፥ ታ ሞቻቶን ታ ዳዮ” ያጌዳ።

### 13

ዘርያዋ ሌምሱዋ (ማር. 4:1-9፤ ሉቃሳ 8:4-8)

1 የሱሰ ሄ ጋላሰ ሶይፕ ከሲደ፥ አባ ጋጸን ኡቱዳ።

2 ዳር ጮራ አሳይ ባረ ዩሹዋን ዩይ አዲደ ሸቅና፥ ዋንግርያ ግዶ ገሊደ ኡቱዳ፤ አሳይ ኡባይ አባ ጋጸን ኤቁዳ።

12:42 1 ካታ. 10:1-10፤ 2 ኡዳዋ 9:1-12 ባዋ። 13:14 አሳ. 6:9-10

3 አሳዉ ሌምሱዋን ዳርባ ሀዋዳን ያገደ ኦዳዳ፤ “እት ብታኒ ዘረላ ዘራናዉ ከሴዳ።

4 እ ዘርሸን፥ እት እት ዘረላይ ኦጎያ ደናን ዋዴዳ፤ ያትና ካፋ ዪደ ሜዳ።

5 ቃይ እት እት ዘረላይ እንጮ ግዴዳ ቢታ ሰላ ዋዴዳ፤ ዳር ቢታይ ባይና ድራዉ፥ ሄ ዘረላይ ኤላካ ደሌዳ።

6 ሽን አዋይ ከሴዳ ዋደ ጫርሻይ ሹሌዳ፤ አዲሳ ጸጹዋ የድቤና ድራዉ መል አጌዳ።

7 እት እት ዘረላይ አጉንላ ግዶን ዋዴዳ፤ ሄዋን ደሌዳዋ አጉንላይ ድጨደ ጨሌዳ።

8 እት እት ዘረላይ ቱኤ ቢታን ዋዲደ ደሌዳ፤ እቱ ጸቱ አይፍያ፥ እቱ ኡሱፑን ታሙዋ፥ እቱ ሀታሙዋ አይፈዳ።

9 ሰሰያ ሀይላይ ደእያ ኡራይ ሰሰ!” ያጌዳ።

የሱሰ ሌምሱዋን ኦዶ ጋሱዋ (ማር. 4:10-12፤ ሉቃሳ 8:9-10)

10 የሱሳ ካልያዋንቱ አኮ ሸቂደ፥ “ኔን አያዉ አሳዉ ሌምሱዋን ኦዳይ?” ያጌድኖ።

11 የሱሰ ዛሪደ፥ ኡንቱንቶ ሀዋዳን ያጌዳ፤ “ሀንተንቶ ሳሉዋ ካዉተላ ጹራ ኤሩሳይ እመቱዳ፤ ሽን ኡንቱንቶ አመትቤና።

12 አያዉ ጎፕ፥ ደእያዋ ጉጀታና፤ አዉ ደራናዋ፤ ሽን ባይናዋፕ ሀራይ አቶ፥ ሄ ደእያዌካ አከታናዋ።

13 ታን ኡንቱንቱ ጸሊደ ጸላናዋዳን፥ ሰሲደ ሰሰናዋዳን ሀንያ ድራዉ፥ ዋይ ቃይ አኬከና ድራዉ ኡንቱንቶ ሌምሱዋን ኦዳይ።

14 “አሰያሰ ኡንቱንቱባ ሀዋዳን ኦዶዌ ፖለታናዋ፤

“ ሀንተንቱ ሰሳ ሰሳና፤ ሽን ሀንተንቶ ገላና፤ ሀንተንቱ ጸላ ጸላና፤ ሽን በእክታ።

15 አያዉ ጎፕ፥ ሀ አሳ ዋዛናይ ጉዙሜዳ፤ ባረንቱ ሀይላ ቱልሴድኖ፤ ባረንቱ አይፍያካ ጨሌሜድኖ። ሀዌ ባዌንቶ፥ ኡንቱንቱ ባረንቱ አይፍያን በእና፤ ባረንቱ ሀይላን ሰሳና፤ ባረንቱ ዋዛናንካ አኬካና፤ ኡንቱንቱ ታኮ፥ ጸሳኮ ሰማና፤

† 12:47 እት እት ጌሻ ማጸፋ ብለላን ሀ ፓይዳ

ታንካ ኡንቱንታ ፓላና፣  
ያጌ።

16 “ሸን ህንተንቱ አይፊ ዱልያ ድራውን ህንተንቱ ሀይላይካ ሰሰያ ድራው፤ ህንተንቱ አንጀቴዳዋንታ።

17 ታን ህንተንቶ ቱሙዋ ኦዳይ፤ ዳሮ ናባቱን ጽላቱ ህንተንቱ በእያዋ በአናው አሞቴድኖ፤ ሸን በእባይክኖ። ህንተንቱ ሰሰያዋ ሰሳናው አሞቴድኖ፤ ሸን ሰሰባይክኖ።

የሱስ ዘርያዋ ሌምሱዋ ብለላ ኦዳይ

(ማር. 4:13-20፤ ሉቃሳ 8:11-15)

18 “ሰም ካላ ዘርያዋ ሌምሱዋ ብለላይ ግያዋ ሰሰተ።

19 ካወተላ ቃላ ሰሲደ፣ አኬከና ኦንነ ኦግያ ደናን ዎዴዳ ዘርላ ማላ፤ ጸላህያ ካፑ ዪደ፣ ኡንቱንቱ ዎዛናን ዘርቴዳዋ ማጽ ድጌ።

20 እንጮ ቢታን ዎዴዳ ዘርላይ ቃላ ሰሲደ፣ ኤለካ ናሽቻን አክያዋንታ ማላቴ።

21 ሸን ሄ አሳቱ ሀእሳፕ አትን፣ ኡንቱንቱን ጸጹ ባዋ፤ ቃላ ጋሱዋን ሙቱ ዎይ የደሳይ ይያ ዎደ፣ ኤለካ ዱበት አገኖ።

22 ቃይ አጉንላ ግደን ዎዴዳዋ ቃላ ሰሰያዋ በሴ፤ ሸን ሀ ሳኦ ደኦ ህርጉሳይን ዱረተላ ሲቁሳይ ቃላ ጩሌ፤ ሀ ጋሱዋን ሄ ዘርላይካ አይፈናን አት አጌ።

23 ቱኤ ቢታን ዘርቴዳዋ፣ ቃላ ሰሲደ፣ አኬክያ አሳ በሴ፤ እካ አይፊ፤ እቱ ጴቱዋ፣ እቱ ኡሱፑን ታሙዋ፣ እቱ ሀታሙዋ አይፊ” ያጌዳ።

ዘርንግያ ሌምሱዋ

24 የሱስ አንቱንቶ ሀራ ሌምሱዋ ሀዋዳን ያገደ ኦዳይ፤ “ሳሉዋ ካወተላይ ባረ ጎሻን ሎኦ ዘርላ ዘሬዳ ብታንያ ማላቴ።

25 ሸን ቃማ አሳይ ገምእሸድግና፣ አ ሞርኪ ዪደ፣ ዘርጋ ዘሬዳዋ ቦላ ዘርንግያ ዘሬደ ቤዳ።

26 ሸን ዘርጋይ ደል አይፊዳ ዎደ፣ ዘርንጊ ሄ ዎደ ቤቱዳ።

27 “አ ቆማቱ እኮ ዪደ፣ ሳዳው፣ ኔን ነ ጎሻን ሎኦ ዘርላ ዘራበይኪ? ያትና፣ ዘርንጊ ሀቃፕ ዬዳ? ” ያጌድኖ።

28 “ሄዋፕ ጉይያን ጎዳይ፣ ሄዋ ሞርኪ አጴዳ” ያጌዳ።

ቆማቱ፣ ሉን ቢደ ሾዳናዳን ደሳይ? ” ያጌድኖ።

29 “ሸን እ፣ ሉግተ፣ ዘርንግያ ህንተንቱ ሾዲደ፣ ዘርጋና ሾዳንታ።

30 ቦቾፕተ፤ ቆይጭያ ዎዲ ጋካናው፣ እትፕ ድጭኖ። ቆይጭያ ዎዲ ጋኮደ፣ ታን ቆይጭያዋንታ፣ ካሰቲደ ዘርንግያ ማጽተ፤ ታማን ጉዳናው ፖቾያን ፖቾያን ቃቾተ፤ ሸን ዘርጋ ሺሺደ ድይያን ቆልተ” ጋና” ያጌዳ።

ሳናፍጭያ ጌተትያ ሞላት ዘርላ ሌምሱዋ

(ማር. 4:30-32፤ ሉቃሳ 13:18-19)

31 የሱስ አንቱንቶ ሀራ ሌምሱዋ ያገደ ኦዳይ፤ “ሳሉዋ ካወተላይ ሳናፍጭያ ጌተትያ ጉላ ሞላት አይፍያ ማላቴ፤ ሄ ሞላት አይፍያ አሳይ አኪደ፣ ባረ ጎሻን ዘሬዳ።

32 ሄ ዘርላታ ሀራ ዘርላ ኡባፕ ጉጸው፤ ሸን ድጩዳ ዎደ፣ ሀራ አታክልትያ ኡባፕ ዳራው፤ ካፋ ዪደ፣ እዝ ቃንካን ኬጽያዋ ኬና ዎጋ ሞላ ግዳዲ” ያጌዳ።

እርሹዋ ሌምሱዋ

(ሉቃሳ 13:20-21)

33 ቃይ የሱስ ሀራ ሌምሱዋ አንቱንቶ ያገደ ኦዳይ፤ “ሳሉዋ ካወተላይ እት ሞሽራታ ሄዙ ከርያ ዲልያ አካደ፣ ሙናቁዳ ሙናቃይ ኡባይ ደንዳና ጋካናው፣ እን ትጌዳ እርሹዋ ማላቴ” ያጌዳ።

የሱስ ሌምሱዋን ታማርሴዳ ጋሱዋ

(ማር. 4:33-34)

34-35 የሱስ አሳው ሄ ኡባ ሌምሱዋን ኦዳይ፤ ሌምሱ ባይናን እ እትባካ ኦደና፤ ናቢ፣

“ታን አንቱንቶ ሃሳይያ ዎደ፣ ሌምሱዋን ሃሳያይ።

አሳሚ መታደፕ ደሚደ ጌሜዳ የዋቱዋ ኦዳይ”

ያጌዳዋ ፖለታና ማላ፣ ሄዋ እ ኦዳይ።

የሱስ ዘርንግያ ሌምሱዋ ብለላ ኦዳይ

36 ሄዋፕ ጉይያን፣ የሱስ አሳ አገደ፣ ሶይ ገሌዳ፤ አ ካልያዋንቱ እኮ ቢደ፣ “ጎሻን ደእያ ዘርንግያ ሌምሱዋ ብለላ ኦው ኦዳ” ያጌድኖ።

37 የሱስ ዛሬይ፣ ሀዋዳን ያጌዳ፤ “ሎኦ ዘረላ ዘርያዌ አሳ ናኣ፤

38 ጎሻይ ሀ አላምያ፤ ሎኦ ዘረላይ ጸሳ ካዉተላ አሳ፤ ዘርንጊ ጸላህያ ካፑዋ ናና።

39 ዘርንግያ ዘሬዳዌ ሞርክያ ጸላህያ፤ ቆይቻ ዎዲ፣ ዎድያ ዉርሰላ፤ ቃይ ቆይጭያዋንቱ ኪታንቻቱዋ።

40 “ሄዋ ድራዉ፣ ዘርንግያ ማጺደ፣ ታማን ጉድያዎዳን፣ ዎድያ ዉርሰላን ሄዋ ማላ ግዳናዋ።

41 አሳ ናኣይ፣ ኪታንቻቱዋ ኪታናዋ፤ ኢንቱንቱ አ ካዉተላ ግድን ናጋራዉ ጋሶ ግድያ ኡባቱዋን ኢታባ አልያዋንታ ማጺደ ከሳናዋንታ።

42 ያቲደ ቶኤና ታማን ኦላናዋንታ፤ ሄዋን ኢንቱንቱ ዬካናዋንታን አቻ ጳቃናዋንታ።

43 ሄ ዎደ ጽላቱ ባረንቱ አቡ ካዉተላን አዋዳን ፖኦና። ሰሰያ ሀይሳይ ደእያ ኡራይ ሰሰ!

ሞገቱዳ ሚሻ ሊምሱዋ

44 “ሳሉዋ ካዉተላይ ጎሻን ሞገቱዳ ሚሻ በሴ፤ እት ብታኒ ሄ ሚሻ ደሚደ፣ ዛሬደ ሞግ አጌዳ፤ ዳሮ ናሽቲደ ቢደ፣ ባረዉ ደእያዋ ኡባ ዛልኢደ፣ ሄ ጎሻ ሻሜዳ።

እንቁዋ ጌተትያ ዳሮ አልኦ ሹቻ ሊምሱዋ

45 “ቃይ ሳሉዋ ካዉተላይ እንቁዋ ጌተትያ ዳሮ አልኦ ሹቻ ሻማናዉ ኮይያ ዛልእንቻ ማላቲ።

46 ሄ ዛልእንቻይ ዳሮ አልኦ እንቁዋ ደሚደ፣ ቢደ ባረዉ ደእያዋ ኡባ ዛልኢደ፣ አ ሻሜዳ።

ዳባ ሊምሱዋ

47 “ቃይ ሳሉዋ ካዉተላይ ኡባ ቆሞ ሞልያ ኦይቂያ፣ አባን የገቱዳ ዳባ ማላቲ።

48 ሞሊ ዳባ ኩሜዳ ዎደ፣ ሞልያ ኦይቂያ አሳቱ አባጥ ጋጸ ከሲደ ኡቲድና፤ ያቲደ ሎኦ ሞልያ ቆሪደ፣ የግያ ሚሻን የጌድና፤ ሽን ኢታ ሞልያ ዎራ ኦሌድና።

49 ዎድያ ዉርሰላን ሄዋዳን ሀናና፤ ኪታንቻቱ ዪደ፣ ናጋራንቻቱዋ ጽላቱዋ ግድግታ ቆሪደ፤

50 ቶኤና ታማን ኦላናዋንታ፤ ሄዋን ኢንቱንቱ ዬካናዋንታን አቻ ጳቃናዋንታ።

51 “ሀዌ ኡባይ ህንተንቶ ገሌዳ? ” ያጊደ ኡንቱንታ ኦቹዳ።

ኢንቱንቱ፣ “ኤ” ያጌድና።

52 እ፣ “ሄዋ ድራዉ፣ ሳሉዋ ካዉተላ ጸራ ሎይላ ኤርያ፣ ሀግያ ታማርሰያ ኡባይ፣ ባረ ሚሻ ሺሽ ዎሴዳ ገልያጥ ኦራላ ሚሻን ኤጫ ሚሻ ሻክ ከሰያ እዛዋ ማላቲ” ያግ ዛሬዳ።

ናዝራተን የሱሳ ጋኬዳ እጸዋ (ማር. 6:1-6፤ ሉቃሳ 4:16-30)

53 የሱስ ሀ ሊምሳቱዋ ኦድ ዉርሰዋጥ ጉይያን፣ ሄዋጥ ደንዲደ።

54 ባረ ካታማ ናዝራተ ቤዳ። አይሁዳ ዎሳ ጎሊን ታማርሰያዋ ሰሴዳ አሳይ ማላላቲደ፣ ሀዋዳን ያጌዳ፤ “ሀዌ ሀ አቶ ኤራተላን ጸሳይ አልያ ማላታ ኦላናዉ ዎልቃ ሀቃጥ አኬዴ?”

55 ሀዌ አናጽያ ናኣ ግድኔ? አ ዳያ ማይራዋ ግድኬ? አ እሻቱ ያቆባ፣ የሴፎ፣ ሰሞና፣ ይሁዳ ግድክና?

56 አ ሞቻቱ ኡባይ ኦናና ደእክና? ያትና፣ እ ሀ ኤራ ኡባ ሀቃጥ ደሜዳ?” ያጌድና።

57 ኢንቱንቱ እ ግያባ አከናን እጾድና።

ሽን የሱስ ሄ አሳዉ፣ “ናቢ ባረ ጋድያንን ባረ ሶይ አሳን ቦንቹተና፤ ሽን ሀራሳ ኡባን ቦንቹቲ” ያጌዳ።

58 ኢንቱንቱ አማንቤና ድራዉ፣ የሱስ ዳሮ ማላታ ሄ ሳን ኦልቤና።

### 14

ጸማቅያ ዮሃንሳ ሀይቁዋ (ማር. 6:14-29፤ ሉቃሳ 9:7-9)

1 ሄ ዎደ ጋሊላ ጋድያ አይሰያ ሄርድስ የሱሳባ ሰሴዳ፤

2 ያቲደ ባረ ቆማቶ፣ “ሀዌ ሀይቁዋጥ ደንዴዳ ጸማቅያ ዮሃንሳ፤ ጸሳይ አልያ ዎልቃማ ማላታ እ ኦልያዌ ሄዋሳ” ያጌዳ።

3 አያዉ ጎጥ፣ ሄርድስ ባረ እሻ ፕልጶሳ ማቻት ሄርድያድ ጋሶታን ዮሃንሳ ኦይላ ቃሽሲደ፣ ቃሾ ጎሊን የግ ዎሴዳ።

4 አያዉ ጎጥ፣ ዮሃንሳ ሄርድሳ፣ “ኔን ሄርድያድ፣ ነ እሻ ማቻቶ አካናዉ ህጊ ድጌ” ያጌዳ።

5 ሄርድስ ዮሃንሳ ዎጳናዉ ኮይዳ፤ ሽን ይሁዳ አሳይ ናብያዳን ዮሃንሳ ጼሌዳ ድራዉ፣ አሳዉ ያይዳ።

6 ሽን ሄሮድስ የለቲዳ ጋላሳ ባላይ ጋክና፡ ሄሮድያድ ናታ አሳ ሰንፋን ዲራደ ሄሮድሳ ናሸቻው።

7 ሄሮድስ ናቶ፡ “ኔና ሎኤዳዋ እያን ግደፕ፡ ታና ኦቻ፤ ታን ነጩ እማና” ያጊደ እዘጧ ጫቄዳ።

8 ናታ ባረ ዳይ ዘርያ እካደ ሄሮድሳ፡ “ጸማቅያ የሃንሳ ሁጲያ ሀ ዋጪትያን ዋላደ ታጧ እማ” ያጋደ።

9 ካቲ እጧ ቃረቲዳ፤ ሽን ባረ ጫቁዋ ድራጩን ባረናና ማዳን ኡቲዳ እማ፤ ድራጩ፡ እዘጧ የሃንሳ ሁጲ እመታና ማላ አዛዜዳ።

10 ካቲ ከቲደ፡ የሃንሳ ቆድያ ቃሾ ጎለን ሙጭሴዳ።

11 ሁጲያ ዋጪትያን ዋላ አሂደ፡ ናትጧ እማድኖ፤ ናታ ሄ ሁጲያ ባረ አትኮ እፋዳ።

12 የሃንሳ ካልያዋንቱ ዪደ፡ እ አሃ አፊደ ሞጌድኖ፤ ሄዋፕ ሰሚደ ሀ የጧዋ የሱሳጧ ቢደ ኦዴድኖ።

የሱስ እቼሹ ሻእ አሳ ሞዜዳ (ማር. 6:30-44፤ ሉቃሳ 9:10-17፤ ዮሃ. 6:1-14)

13 የሱስ ሄዋ ሰሲደ፡ ዋንግርያን ገሊደ፡ ሄዋፕ ባረካ አሳይ ባይናሳ ቤዳ፤ አሳይ ሄዋ ሰሲደ፡ ካታማፕ ደንዲደ፡ ገድያን እ ካሌድኖ።

14 የሱስ ዋንግርያፕ ከሴዳ ዋደ፡ ዳር አሳ በኢደ፡ ሄ አሳጧ ቃረቲዳ፤ ያቲደ ኡንቱንቱና ደእያ ሀርጋንቻቱዋ ፓሌዳ።

15 ሳእይ ኦማርሰያ ዋደ፡ የሱሳ ካልያዋንቱ አኮ ዪደ፡ “ሀዌ ሳእይ አሳይ ባይናሳ፤ ሀእ ሳእይ ቃም ድጌዳ፤ አሳይ ኡባይ ቁር ካታማቱዋ ቢደ፡ ባረንቶ ቁማ ሻማና ማላ፡ አሳ ሞይዛ” ያጌድኖ።

16 ሽን የሱስ ኡንቱንታ፡ “አሳይ ባናጧ ኮሸና፤ አሳጧ ሜተትያባ ሀንተንቱ እምተ” ያጌዳ።

17 ኡንቱንቱ ዛሪደ አ፡ “ኑጧ ሀዋን እቼሹ ኡክሳፕን ላኡ ሞልያፕ አትን፡ ሀራይ ባዋ” ያጌድኖ።

18 የሱስ ኡንቱንታ፡ “ሄዋንታ፡ ሃ ታኮ እሀተ” ያጌዳ።

19 አሳይ ማታን ኡታና ማላ፡ የሱስ አዛዜዳ፤ እቼሹ ኡክሳን ላኡ ሞልያ ኦይቁደ፡ ሳሉዋ ፑደ ጴሊደ፡ ጸሳ ጋላቲዳ፤ ሄ ኡክሳ መንሊደ፡ ባረና ካልያዋንቶ እምና፡ ኡንቱንቱ ጮራ አሳጧ ግሼድኖ።

20 አሳይ ኡባይ ሚደ ካሌዳ፤ አቲዳ ሱፓ ደካ ታማን ላኡ ዛምቤልያ ኩሜዳዋ ደንሌድኖ።

21 ሚዳ አሳይ ማጫ አሳን ናና ፓይደናን፡ እቼሹ ሻእ ግድያዋ ከና።

የሱስ አባ ቦላና ሀመቲደ ቤዳ (ማር. 6:45-52፤ ዮሃ. 6:15-21)

22 የሱስ ጮራ አሳ ሞይዚደ፡ ባረና ካልያዋንታ ዋንግርያን ገሊደ፡ ባረፕ ሰንፋቲደ፡ አባፕ ሄፍንሳ ፕናና ማላ አዛዜዳ።

23 አሳ ሞይዚደ፡ ጸሳ ዋሳናጧ ደርያ ሁጲያ ባረካ ከሴዳ፤ ሳእይ ቃም ድግናካ ሄዋን ባረካ ደኤ።

24 ሽን ዋንግር ሄ ዋደ፡ አባ ቦላን ደእሸን፡ ሰንሳ ባጋና ጫርኩ ጫርክያ ድራጩ፡ ቤታይ ዋንግርያ ያን ሃን ሱጌ።

25 ባይራ ኩቱ ዋሰ ሰምና፡ የሱስ አባ ቦላ ሀመቲደ፡ ኡንቱንቱኮ ዬዳ።

26 እ ካልያዋንቱ አባ ቦላ እ ሀመትሽን በእ ዳጋሚደ፡ “ሀዌ ሞይትልያ ግደኔ!” ግ ያዪደ ዋሴድኖ።

27 ሽን የሱስ ኤለካ ኡንቱንታ፡ “እይን ባዋ፤ ታናተ፤ ያዮፕተ!” ያጌዳ።

28 ጳጵርስ ዛሪደ አ፡ “ታ ጎዳጧ፡ ሀዌ ኔና ግደፕ፡ ታን ሃላ ቦላና ኔኮ ባና ማላ፡ ታና አዛዛርኪ” ያጌዳ።

29 የሱስ ጳጵርሳ፡ “ሃያ!” ያጌዳ። ጳጵርስ ዋንግርያፕ ዋዲደ፡ ሃላ ቦላና ሀመቲደ፡ የሱሳኮ ቡሳ ደሜዳ።

30 ሽን ጫርኩዋ ዋልቃ በኢደ፡ ያዬዳ፤ ሃላይ ባረና ሞቱዋ ደሜዳ ዋደ፡ ባረ ኮሻ ጶቁ ኦሊደ፡ “ታ ጎዳጧ ታና አሻርኪ!” ያግ ዋሴዳ።

31 ሃ ማንእያን የሱስ ባረ ኩሽያ የድ ጳጵርሳ ኦይቁደ፡ “ላ ሀ እማኑ ላፊዳዎ! እያጧ ሰፋዲ?” ያጌዳ።

32 ኡንቱንቱ ላኡ ዋንግርያን ገሌዳ ዋደ፡ ጫርኩ ዋፑ ጌዳ።

33 ዋንግርያ ግደን ደእያ እ ካልያዋንቱ የሱሳ፡ “ኔን ጸሳ ናኡ ግዴዳዌ ቱማ” ያጊደ እጧ ጎይኔድኖ።

የሱስ ገንሳሬጸን ሀርጋንቻ ፓሌዳ (ማር. 6:53-56)

34 ኡንቱንቱ አባ ፕኒደ፡ ገንሳሬጸ ጌተትያ ጋድያ ጋኬድኖ።

35 ሄ ጋድያ አሳይ የሱሳ ግድያዋ ኤሬድኖ፤ ሄዋ ሄራ ጋድያ ኡባ ከቲደ፡ ሀርግያ አሳ ኡባ እኮ እሄድኖ።



36 ሀርግያ አሳይ አ ማዩዋ ማጫራ ጸላላ ቦቻና ማላ፣ አ ዋሴድኖ፤ አ ማዩዋ ማጫራ ቦቹዳ ኡባይካ ፓጾዳ።

# 15

አዎቱዋ ዋጋባ  
(ማር. 7:1-13)

1 ሄዋፕ ጉይያን፣ ሀግያ ታማርሰያ አት አት አሳይነ ፓርሳዋቱ የሩሳላመፕ የሱሳኮ ዪድ።

2 “ኔና ካልያዋንቱ አያው ኑ አዎቱዋ ዋጋ ባይዘና? አያው ጎፕ፣ አንቱንቱ ቁማ ማናፕ ካሰቲድ፣ ባረንቱ ኩሽያ ሜጨትክኖ” ያጌድኖ።

3 የሱሳ ካሪድ፣ አንቱንታ ሀዋዳን ያጌዳ፤ “ሀንተንቱ ሀንተ ዋጋ ድራሬ፣ ጸሳ አዛዙዋ ፖልያዋ አያው አጸቱ?”

4 አያው ጎፕ ጸሳይ፣ ሳ አባነ ነ ዳዮ ቦንቻ፣ ቃይ፣ ባረ አባ ዋይ ባረ ዳዮ ቦርያዌ ሀይቆ ያጌዳ።

5-6 ሸን ሀንተንቱ፣ (አት አሳይ ባረ አባ ዋይ ባረ ዳዮ ማድያባይ ባረጫ ደአና፣ ሄዌ ጸሳዋ ጎፕ፣ ባረ አባ ዋይ ባረ ዳዮ ቦንቻናጫ በሰና) ያጌታ፤ ያቲደ ሀንተንቱ ሀንተንቱ ዋጋ ፖላናጫ ጸሳ ቃላጫ አዛዘትክታ።

7 ሀ ሎአ ማላትያ ኢታ አሳቶ፣ አሰያሰ ባለናን ሀንተንቱባጫ ትምቢትያ ኑዲድ።

8 “ጸሳይ ሀዋዳን ያጌዳ፤ “ሀዌ አሳይ ታና፣ ባረ ቦላ ደናን ቦንቹ፤ ሸን አንቱንቱ ዋዛናይ፣ ታፕ ሃኩዋን ደኤ።

9 አሳይ ታጫ መላ ጎይኔ፤ አያው ጎፕ፣ አሳይ አሌዳ አዛዙዋ፣ ጸሳ ሀግያ ማላትሲድ፣ ታማርሴድኖ” ጌዳ፣ ” ያጌዳ።

አሳ ቱንሰያዋንታ  
(ማር. 7:14-23)

10 የሱሳ ዳር አሳ ባረኮ ጸሲድ፣ “ሰሰተነ አኬክተ፤

11 አሳ ቱንሰያዌ ደና ግድ ገልያዋ ግደና፤ ሸን አሳ ቱንሰያዌ ደናፕ ከሰያዋ” ያጌዳ።

12 ሄዋፕ ጉይያን፣ አ ካልያዋንቱ አኮ ዪድ፣ “ፓርሳዋቱ ኔን ሃሳዬዳዋ

ሰሲድ፣ ሀንቀቱዳዋ አኬካይ?” ያጌድኖ።

13 ሸን የሱሳ ካሪድ፣ “ሳሉዋን ደአያ ታ አኮ ቶክቤና ሞላ ኡባይ ሸደታናዋ።

14 አንቱንቶ ሀርሳፕተ፤ አንቱንቱ ቆቃ ካለለያ ቆቃቱዋ፤ ቆቃይ ቆቃ ካለለፕ፣ ላኡካ ኦላን ኩንዴ” ያጌዳ።

15 ጸጽርሰ ካሪድ፣ “ሀ ሌምሱዋ ብለላ ኑጫ ኦዳርኪ” ያጌዳ።

16 የሱሳ አንቱንታ ሀዋዳን ያጌዳ፤ “ሀንተንቶ ቃይ ሀአ ጋካናጫካ ገልቤኔ?

17 ደናና ገልያ ኡባይ ኡሉዋ ግድ ቢድ፣ ቃይ ኡሉዋፕ ካረ ከሰያዋ ኤርክቱ?

18 ሸን ደናፕ ከሰያዌ ዋዛናፕ ከሴ፤ አሳ ቱንሰያዌ ሄዋ ማላ።

19 አያው ጎፕ፣ ዋዛና ግድፕ ኢታ ቆፋይ፣ ዋድያዌ፣ ዋሹምያዌ፣ ቃይ ዋሹማናጫ ካጄልያዌ ኡባይ፣ ጫእያዌ፣ ዋርዲዋን ማርካትያዌ፣ ቦሪ ከሴ።

20 ሄዋ ማላትያዌ አሳ ቱንሰያዋፕ አትን፣ ሜጭቤና ኩሽያን ምያዌ አሳ ቱንሰና” ያጌዳ።

ካናነ አሳ ግዴዳ አት ማጫጫን አማኑዋ  
(ማር. 7:24-30)

21 ሄዋፕ ጉይያን፣ የሱሳ ሄዋፕ አጌድ፣ ጸርሳነ ሲድና ጌተትያ ካታማቱ ደአያ ጋድያ ቤዳ።

22 ካናነ ጌተትያ ጋድያ ማጫጫና አትና ሄዋፕ የሱሳኮ ያድ፣ ባረ ኮሻ ጶቁ አሳድ፣ “ታ ጎዳጫ፣ ዳዊታ ናአጫ፣ ታጫ ቃረታርኪ፤ ታ ናቶ ኢታ አያናይ ሎኤና ኦይሳ ኦይቄዳ” ያጋዳ።

23 ሸን የሱሳ አዘጫ አይ ቃላነ ቃትቤና፤ አ ካልያዋንቱ አኮ ዪድ፣ “ሀ ምሽራታ ኑ ጌዲዋ ካላ ካላድ፣ ባረ ኮሻ ጶቁ አላድ ኦዳጫ፤ ሄዋ ድራሬ፣ ኔን አዘ የዳርኪ” ያጌደ ዋሴድኖ።

24 የሱሳ ካሪድ፣ “ታን ባይዳ ደርሳጫ፣ አሰራኤልያ አሳ ጸላላጫ ኪተታድ” ያጌዳ።

25 ሸን አዘ ያድ፣ “ታ ጎዳጫ፣ ታና ማዳርኪ” ያጌደ አጫ ጎይናዲ።

26 ቃይ አ ካሪድ፣ “ናና ቁማ አኪድ፣ ካና ማራጫ ኦልያዌ ሎአ ግደና” ያጌዳ።

27 ምሽራታ፣ “ኤ ታ ጎዳጫ፣ ሄዌ ቱማ፤ ሸን ሀራይ አቶ ካና ማራቱ

ባረንቱ ጎዳቱ ሚና፣ ሳምፓፕ ላለቴዳ ሱፓ ሚናተኔ” ያገዱ።

28 የሱስ ዛሬደ እዞ፣ “ሀ ሞሽራቱ፣ ነ እማኑ ዋልቃማ፤ ኔን ኮዬዳዋዳን ነዉ ሀኖ” ያጌዱ። እዘ ናታ ኤለካ ፓጻ አገዱ።

የሱስ ጮራ ሀርጋንቻቱዋ ፓሌዳ

29 የሱስ ሄዋፕ ደንዲደ፣ ጋሊላ አባ ማታ ቤዳ፤ ቃይ እት ደርያ ቦላ ከሲደ፣ ሄዋን ኡቲዳ።

30 ዳር አሳይ ዋባቱዋ፣ ቆቃቱዋ፣ ቁናቱዋን ዱደቱዋ፣ ቃይ ሀራ ጮራቱዋ አኮ አሂደ፣ አ ማታን ዋሌዳ። የሱስ ኡንቱንታ ፓሌዳ።

31 ሄዋ ድራዉ፣ አሳይ ዱዳቱ ሃሳይሽን፣ ቁናቱ ሱርሽን ዋባቱ ሀመትሽን፣ ቆቃቱ ጼልሽን በእ ማላለቲደ፣ እሰራኤልያ ጸሳ ጋላቲድኖ።

የሱስ ኦይዱ ሻእ አሳ ሞዜዳ (ማር. 8:1-10)

32 የሱስ ባረና ካልያዋንታ ባረኮ ጸሲደ፣ “ሀ ጮራ አሳይ ታናና ሄዙ ጋላሳይ ጋካናዉ ጋምኤዳ ድራዉ፣ ታን ሀ አሳዉ ቃረታይ፤ ኡንቱንቶ ሀእ ሞያዌ ባዋ። ቃይ ኡንቱንቶ ኦግያን ዳቡሪደ ከንደና ማላ፣ ቁማ ሞዘናን ኡንቱንታ ሙላ የዳናዉካ ኮይከ” ያጌዱ።

33 አ ካልያዋንቱ ዛሬደ የሱሳ፣ “ኑን ሀ ባዙዋን ሀዋ ከና አሳ ካልሰያ ቁማ ሀቃፕ ደማኔ?” ያጌድኖ።

34 ቃይ የሱስ ኡንቱንታ፣ “ሀንተንቶ አፑን ኡክሳይ ደኢ?” ያጌደ ኦቹዳ። ኡንቱንቱ፣ “ላፑ ኡክሳይነ ሞለቱዋፕ አማራዳዋንቱ ደኢኖ” ያጌድኖ።

35 የሱስ አሳ፣ “ሳኣን ኡትተ” ያጌዱ።

36 ሄ ላፑ ኡክሳነ ሞልያ ኦይቂደ፣ ጸሳ ጋላቲዳ፤ ሙን፳ሬሊደ ባረና ካልያዋንቶ እሚዳ፤ ቃይ ኡንቱንቱ ጮራ አሳዉ እሚድኖ።

37 አሳይ ኡባይ ሚደ ካሌዳ፤ ሚና አቲዳ ላፑ ዛምቤልያ ኩሚዳ ሱፓ አ ካልያዋንቱ ደንሌድኖ።

38 ሚዳ አሳይ ማጫ አሳነ ናና ፓይደናን፣ ኦይዱ ሻእ አቲማ አሳ።

39 የሱስ አሳ የደዋፕ ጉይያን፣ ዋንግርያን ገሊደ፣ ሙገደነ ጌተትያ ጋድያ ቤዳ።

# 16

ማላታ በአናዉ ኦቹዳ ኦሻ (ማር. 8:11-13፤ ሉቃሳ 12:54-56)

1 እት እት ፓርሳዋቱነ ሳዱቃዋናቱ የሱሳኮ ዪደ፣ አ ፓጫናዉ ኮዬድኖ፤ ያቲደ ባረንታ ሳሉዋፕ ማላታ በሳና ማላ ዋሴድኖ።

2 ሽን የሱስ ዛሬደ፣ ኡንቱንታ ሀዋዳን ያጌዳ፤ “ሳእይ ቃምያ ዋደ ሀንተንቱ፣ ሳሉ ዘኤዳ ድራዉ፣ ሳእይ ሻማናዋ ያገታ፤

3 ዋንቱማሳን ቃይ፣ ሳሉ ዘኢደ ጉባኔዳ ድራዉ፣ ሀቹ እራይ ቡካናዋ ያገታ፤ ሳሉዋ ጸሊደ፣ ሳእይ ሀናናዋ ኤራናዉ ዳንዳዪታ፤ ሽን ታ ዩሳ ዋድያ ማላታ ሻክ ኤራናዉ ዳንዳይክቲ?”

4 ሀ ዋድያ አሳይ ኢታይነ ዋሹምያዋ፣ ጸሳዉ አማነተናዋ፣ ማላታ ኮዬ፤ ናብያ ዮናሳ ማላታፕ አትን፣ ሀራ ማላታይ እዉ እመተና” ያጌዱ። ሄዋፕ ሰሚደ፣ ኡንቱንታ አገደ ቤዳ።

ፓርሳዋቱዋነ ሳዱቃዋናቱዋ እርሹዋ

(ማር. 8:14-21)

5 አ ካልያዋንቱ አባ ፕኔዳ ዋደ፣ ቁማ አፋናዋ ደጌድኖ።

6 የሱስ ኡንቱንታ፣ “ፓርሳዋቱዋ እርሹዋፕነ ሳዱቃዋናቱዋ እርሹዋፕ ሀንተንታ ኤሪደ ናገትተ” ያጌዱ።

7 ኡንቱንቱ ባረንቱ ግደን፣ “አ ሀዋ ያግያዌ ኑን ቁማ አሀቤና ድራሳ” ያጌደ ሃሳያ ደሚድኖ።

8 ሽን ኡንቱንቱ ግያዋ የሱስ ኤሪደ፣ “ሀ አማኑ ፓጩዳዋንቶ፣ ቁማይ ባይና ድራዉ፣ እያዉ ሀንተንቱ ግደን ሃሳዪቲ?”

9 ሀእካ ሀንተንቶ ገልቤኔ? ታን እቼሹ ኡክሳ እቼሹ ሻእ አሳ ሞዛደ ካልሴዳዋ፣ ቃይ ሀንተንቱ አፑን ዛምቤልያ ኩንሊደ አቲዳ ሱፓ ደንሌድተንቶ ዋዛና አላክቲ?

10 ዋደ ታን ላፑ ኡክሳ ኦይዱ ሻእ አሳ ሞዛ ካልሴዳዋ፣ ቃይ ሀንተንቱ አፑን ዛምቤልያ ኩንሊደ አቲዳ ሱፓ ደንሌድተንቶ ዋዛና አላክቲ?

11 ታን ሀንተንታ ፓርሳዋቱዋ እርሹዋፕነ ሳዱቃዋናቱዋ እርሹዋፕ ናገትተ ግያዋፕ አትን፣ ኡክሳባ

\* 16:3 እት እት ጌሻ ማጻፋ በን ብለላቱዋን የሱሳ ቃላቱ ሀ ፓይዳቱዋን ባዋ።

ህንተንቶ ሃሳያቤናዋ ህንተንቱ ዋኒደ እኬክክቲ?” ያጌዳ።

12 እ ካልያዋንቱ የሱሰ ባረንቶ ኦዴዳዋ፣ ፓርሳዋቱዋ ትምርትያፕን ሳዲቃዋናቱዋ ትምርትያፕን እንቱንቱ ናገታና ማላ ኦደቶዋፕን አትን፣ ሙናቃን ትግያ እርሹዋፕን ናገታና ማላ ግደናዋ ሄ ዋደ እኬኬድና።

ጳጳርሳ አማኑዋን ማርካተላ (ማር. 8:27-30፤ ሉቃሳ 9:18-21)

13 የሱሰ ቁሳርያ ፕሊጶሳ ጌተትያ ጋድያ ጋኬዳ ዋደ፣ ባረና ካልያዋንታ፣ “አሳይ ታና፣ አሳ ናኦ ኦና ጌ?” ያጌደ አቹዳ።

14 እ ካልያዋንቱ ዛሪደ፣ “ኔና እት እት አሳይ፣ ጳማቅያ የሃንሳ ያጌ፤ ሀሪንቱ ቃይ ኤላሳ ያጌና፤ ቃይ ሀሪንቱ ኤርማሳ ዋይ ናባቱዋፕን አቱዋ ያጌና” ያጌድና።

15 የሱሰ እንቱንታ፣ “ያትና ህንተንቱ ታና ኦና ጌቲ?” ያጌዳ።

16 ሰሞን ጳጳርሰ ዛሪደ፣ “ኔን ደኡዋ ጳሳ ናኦ ክርሰቶሳ” ያጌዳ።

17 የሱሰ ዛሪደ፣ ሀዋዳን ያጌዳ፤ “የና ናኦ ሰሞና፣ ሀዋ ነዉ ሳሉዋን ደእያ ታ እቡ ኤርሴዳዋፕን አትን፣ አሳይ ኦን ኔና ኤርሰቤና ድራዉ፣ ኔን እንጀቲዳዋ።

18 ጳጳርሳ፣ ታን ነዉ ኦዳይ፤ ኔን ሹቻ፤ ታን ሀ ዛላ ቦላ ታ ዋሳ ጎልያ ኬጻና፤ ታ ዋሳ ጎልያ ሀሪይ እቶ፣ ስኦልያ ዋልቃይካ ጻናናዉ ዳንዳየና።

19 ታን ነዉ ሳሉዋ ካዉተላ ቁልፕያ እማና፤ ኔን ሳኦን ሀና ጎዌ ኡባይ ሳሉዋን ጳሳ ሰንላን ሀናና፤ ሸን ኔን ሳኦን ሀና? ጌዳዌ ሳሉዋንካ ሀናና” ያጌዳ።

20 ሄዋፕ ጉይያን፣ እ ክርሰቶሳ ግዴዳዋ እ ካልያዋንቱ ኦስን ኦደና ማላ፣ ኡንቱንታ እዛኬዳ።

የሱሰ ባረና ጋካና መቱዋባን ሀይቁዋባ ኮይሮ ኦዲዋ ኦዴዳ (ማር. 8:31-33፤ ሉቃሳ 9:22-27)

21 ሄ ዋድያፕ ደሚደ የሱሰ፣ “ታን የሩሳላመ ቢና፣ ታና ጭማቱ፣ ቁሳቱዋ ካፓቲን ሀግያ ታማርሰያዋንቱ ዳሪ ዋይሳናዉ በሴ፤ ኡንቱንቱ ታና ዋቆናዉን ታን ሄዘንሎ ጋላሰ ሀይቁዋፕ

ደንዳናዉ በሴ” ያጌደ፣ ባረና ካልያዋንቶ ጌሺደ ኦዲዋ ደሚዳ።

22 ጳጳርሰ እ አት ባጋ ዛሪደ፣ “ታ ጎደዉ፣ ጳሳይ ኔና ሄዋፕ አሸ፤ ሀዌ ነ ቦላ ኡባካ ዬና” ያጌደ እ ዛሪናዉ ደሚዳ።

23 ሸን የሱሰ ጉየ ሰሚደ ጳጳርሳ፣ “ሀ ሴጻናዉ፣ ኔን ታ ማታፕ ክቻ፤ ኔን አሳይ ደሰያዋ ቆፕያዋፕን አትን፣ ጳሳይ ደሰያዋ ቆፕና ድራዉ፣ ታዉ ቆቦ ግዳዳ” ያጌዳ።

የሱሳ ካላናዉ ኮሽያ ኦግያ (ማር. 8:34—9:1፤ ሉቃሳ 9:23-27)

24 ሄዋፕ ጉይያን፣ የሱሰ ባረና ካልያዋንታ ሀዋዳን ያጌዳ፤ “ታና ካላናዉ ኮይያ ኡራይ ደኡ፣ ባረና ካደ፤ ያቲደ ባረ ማሰቃልያ ቶኪደ፣ ታና ካሎ።

25 እያዉ ጎፕ፣ ባረ ሸሞፕዋ አሻናዉ ኮይያ ኡራይ ባይዛናዋ፤ ሸን ባረ ሸሞፕዋ ታ ድራዉ ባይዘያ ኡራይ አሻናዋ።

26 እት ኡራይ ሳኦን ደእያ ኡባባ ባረዉ ሺሺደ፣ ባረ ሸሞፕዋ ባይዘፕ፣ እ እያ ማዳኔ? ዋይ እት ኡራይ ባረ ሸሞፕዋ ዋዛናዉ እያ እማና ዳንዳዪ?

27 እያዉ ጎፕ፣ ታን፣ አሳ ናኦይ፣ ታ እቡ ቦንቹዋን ታ ከታንቻቱዋና ያና ሀናይ፤ አሳ ኡባዉ ሄ ዋደ እ ኦሱዋ ጋትያ እማና።

28 ታን ህንተንቶ ቱሙዋ ጋይ፤ አማሬዳ አሳቱ፣ ታን፣ አሳ ናኦይ፣ ካትያ ግዳደ ይያዋ በኦና ጋካናዉ፣ ሀይቀናዋንቱ ሀዋን ደእያ” ያጌዳ።

# 17

የሱሳ ማላይ ላመቲዳ (ማር. 9:2-13፤ ሉቃሳ 9:28-36)

1 የሱሰ ኡሱፑን ጋላሳፕ ጉይያን፣ ባረናና ጳጳርሳ፣ ያቆባን፣ ያቆባ እሻ የሃንሳ እኪደ፣ ኡንቱንቱ ጳላላ ዋጋ ደርያ ሁጲያ ከሴዳ።

2 ቃይ ኡንቱንቱ ጳልሸን፣ ኡንቱንቱ ሰንላን ላመቲዳ፤ እ ዴሙ አዋይፍያዳን ፖኤዳ፤ እ ማዩካ ፖኤዋዳን ጳሌዳ።

3 ሙሴን ኤላሰ የሱሳና ሃሳይሸን፣ ሀ ሄዙ እ ካልያዋንቱ በኤድና።

4 ጳጳርሰ የሱሳ፡ “ታ ጎዳው፡ ኑን ሀዋን ደእያዌ ኑው ሎእ፤ ኔን ደሶ፡ ኑን ሀዋን ሄዙ ዳሰያ እቱዋ ነው፡ እቱዋ ሙሴው፡ እቱዋ ኤላሳው ኬዳና” ያጌድ።

5 እ ሃሳይሸን፡ ፖእያ ሻሪ ዪን ኡንቱንታ ካም አጌዳ፤ ሻርያ ግደ፡ “ሀዌ ታን ሲቅያ ታና ናሽቻያ ታ ናእ፤ እ ግያዋ ሰሰተ” ግያ ቃላይ ዪዳ።

6 አ ካልያዋንቱ ሄ ቃላ ሰሴዳ ዋደ፡ ዳር ያዪድ፡ ጉፋን አጌድ።

7 የሱሰ ኡንቱንቱኮ ዪድ፡ ኡንቱንታ ቦቹደ፡ “ደንድተ፤ ያዮ፡” ያጌድ።

8 ኡንቱንቱ ቶቁ ጊደ ዶልያ ዋደ፡ የሱሳ ጸላላ፡ አትን፡ ሀራ አሳ ኦናን በእበይክኖ።

9 ኡንቱንቱ ደርያ፡ ዋድሸን፡ የሱሰ ኡንቱንታ፡ “ታን አሳ ናእይ፡ ሀይቁዋ፡ ደንዳና ጋካናው፡ ሀ ሀንተንቱ በኤዳዋ አሰነ ኦደ፡” ያጌደ አዛዜዳ።

10 አ ካልያዋንቱ የሱሳ፡ “ያትና፡ ሀግያ ታማርሰያዋንቱ አያው፡ “ኤላሰ ካሰቲደ ያናው በሴ” ጊኖ?” ያጌደ አቼድ።

11 አ ዛሪደ ያጌዳ፤ “ኤላሰ ካሰት ዪድ፡ ኡባባ ጊግሳናዋ።

12 ሸን ታን ሀንተንቶ ኦዳይ፤ ኤላሰ ሀዋ፡ ካሰ ይ ድጌዳ፡ ሄ ዋደ አሳይ እ፡ ባረንቶ ከዬዳዋደን ኡባ ኡፊዳዋ፡ አትን እ ኤርበይክኖ፤ ሄዋዳንካ፡ ቃይ ታና፡ አሳ ናእ፡ አሳይ ዋይሳናዋ” ያጌዳ።

13 አ ካልያዋንቱ ሄ ዋደ ባረንቶ የሱሰ ጸማቅያ የሃንሳባ ኦድያዋ አኬኬድ።

የሱሰ ኢታ አያናይ ኦይቄዳ ናእ ፓሌዳ

(ማር. 9:14-29፤ ሉቃሳ 9:37-43)

14 ኡንቱንቱ ዳር አሳኮ ዬዳ ዋደ፡ እት ብታኒ የሱሳኮ ዪድ፡ እ ሰንሳን ፑልባቲደ፡

15 “ታ ጎዳው፡ ታ ናእ ዋዛና ባይዘያ ሀርጊ ኦይቁና፡ እ ዳር ዋደ ታማን፡ ቃይ ዳር ዋደ ሃላን ከንድያ ድራው፡ እ ዳሪ ሳከቲ፤ እ ፓላርከ።

16 ኔና ካልያዋንቱኮካ እ አሃድ፤ ሸን ፓላናው ዳንዳይበይክኖ” ያጌዳ።

17 የሱሰ ዛሪደ ኡንቱንታ፡ “አማንና ሀ ዋድያ ጌላ አሳው! ታን ሀንተናና አውደ ጋካናው ደእኔ? ቃይ ሀንተንቱባ

አውደ ጋካናው ዳንዳይኔ? ናእ ታኮ ሃ አኪደ ዪተ” ያጌዳ።

18 የሱሰ ኢታ አያና፡ “አፕ ከሳ” ጊደ አዛዝና፡ ኢታ አያናይ ናእ፡ ከሰ አጌዳ፤ ኤላካ ናእይ ፓጽ አጌዳ።

19 ሄዋ፡ ጉይያን፡ እ ካልያዋንቱ ባረንቱ ጸላላ የሱሳኮ ዪድ፡ “ኑን ኢታ አያና ከሳናው አያው ዳንዳይበይኮ?” ያጌድ።

20 የሱሰ ኡንቱንታ ያጌዳ፤ “ሄዋ ሀንተንቱ አማኑ ጉዴዳ ድራሳ፤ ታን ሀንተንቶ ቱሙዋ ኦዳይ፤ ሀንተንቶ ሳናፍጭያ ጌተትያ ጉሳ ሞላት አይፍያ ከና አማኑ ደእንቶ፡ ሀንተንቱ ሀ ደርያ፡ ሀዋ፡ ያ ሸቃ” ያግንቶ እ ሸቃና፤ ሀንተንቱ አያን ኦላናውካ ዳንዳይያንታ።

21 ሸን ሀዋ ማላ ዋሳ፡ ጸማ፡ ሀራባይ ከሳናው ዳንዳይና” ያጌዳ።

የሱሰ ባረ ሀይቁዋባ ላእንሉዋ ኦዳዳ

(ማር. 9:30-32፤ ሉቃሳ 9:43-45)

22 አ ካልያዋንቱ ጋላላን፡ እት፡ ሸቅ ኡት ደእሸን፡ የሱሰ ኡንቱንታ፡ “ታና፡ አሳ ናእ፡ አሳይ አሳው አሊደ አማና።

23 አሳይ ታና ዋላናዋ፤ ሄዋ፡ ጉይያን ታን ሄዘንሉያ ጋላሰ ሀይቁዋ፡ ደንዳና” ያጌዳ። አ ካልያዋንቱ ዳር ቃረቲድ።

ጌሻ ጎልያ ጊራ ጊርያዋ

24 የሱሰን አ ካልያዋንቱ ቅፍርናሆማ ካታማ ዬዳ ዋደ፡ ጌሻ ጎልያሰ ቃራጸ አክያዋንቱ ጳጳርሳኮ ዪድ፡ “ሀንተንታ ታማርሰያዌ ጌሻ ጎልያ ጊራ ጊሪኔ?” ያጌድ።

25 አ ዛሪደ፡ “ጊራ” ያጌዳ።

ጳጳርሰ ሶይ ገሌዳ ዋደ፡ የሱሰ ካሰቲደ እ፡ “ሰዋና፡ ነ ቆፋይ እዬ? ሀ ሳእ ካታቱ ቃራጸ ዋይ ጊራ ኦፕ አኪኖ? ባረንቱ ጋድያ አሳ፡ አኪኖ ዋይ ሀራ ጋድያ አሳ፡ አኪኖ?” ያጌዳ።

26 ጳጳርሰ፡ “ሀራ ጋድያ አሳ፡ አኪኖ” ያጌዳ።

የሱሰ ጳጳርሳ፡ “ያቶ፡ ጋድያ አሳይ ጊራናው በሰና።

27 ሸን ኑን ሀ አሳቱዋ ሀንቀላናው ኮዮኮ፤ ኔን አባ ባደ እን ዳባ የጋ፤ ያታደ ኮይር ከሰያ ሞልያ ኦይቃደ፡ እ

17:5 ደመሳ 22:2፤ ዛሪ. 18:15፤ ማዘ. 2:7፤ አሳ. 42:1፤ ማጥሳ 3:17፤ 12:18፤ ማር. 1:11፤ ሉቃሳ 3:22 17:10 ሚልከ. 4:5 17:24 ከሳ 30:13፤ 38:26

ደና ፖቅያ ዎደ፣ ጊራው ግድያ ሚሻ ኔን ደማና። ሄዋ አካደ፣ ታ ጊራነ ነ ጊራ ኡንቱንቶ እማ” ያጌዳ።

ባዬዳ ደርሳ ለምሱዋ (ሉቃሳ 15:3-7)

### 18

ኡባጥ አድያዌ ኦኔ?

(ማር. 9:33-37፤ ሉቃሳ 9:46-48)

1 እ ካልያዋንቱ የሱሳኮ ሄ ዎደ ዪደ፣ “ሳሉዋ ካውተላን ኡባጥ አድያዌ ኦኔ?” ያጌድኖ።

2 የሱሳኮ እት ጉላ ናአ ጸሴ ኡንቱንቱ ግደን ኤሲደ፣ ሀዋዳን ያጌዳ፤

3 “ታን ሀንተንቶ ቱሙዋ ኦዳይ፤ ጸሳኮ ሀንተንቱ ሰሚደ፣ ጉላ ናናዳን ሀናና ቆጥ፣ ሳሉዋ ካውተላ ኡባካ ገላናው ዳንዳይክታ።

4 ሰም ሀ ጉላ ናአዳን፣ ባርና ካውሽያ ኦንነ ሳሉዋ ካውተላን ኡባጥ አድያዋ።

5 ቃይ ሀዋ ማላ ናአ ታ ሱንላን ሞክያ ኦንነ ታና ሞኬ።

6 ሸን ታና አማንያ ሀ ጉላ ናናጥ እቱዋ ባለሰያ ኦንነ፣ ጋጭያ ዎጋ ዎጸ ባር ቆድያን ቃቺደ፣ አባ ጨሙዋን ሞተትያዌ አው ሎአ።

ዱቦ ጋሶ ግድያዎ

(ማር. 9:42-48፤ ሉቃሳ 17:1-2)

7 “አላሚ አሳ ዱቢያ ድራው፣ ሳአው አየር፤ አያው ሳጥ፣ ዱቢያባይ ዩሳ አገና፤ ሸን ዱቡ አ ጋሶታን ይያ ኡራው አየር።

8 “ኔና ኩሺ ዎይ ነ ገዲ ኔና ባለላጥ፣ ኔጥ ቃንጸ ኦላ፤ ኔን ላኡ ኩሽያና ነ ላኡ ገድያና መድና ታማን ኦለትያዋጥ ዎባ ዎይ ዱጸ ኩሽያና መድና ደኡዋ ገልያዌ ነው ሎአ።

9 ቃይ ነ አይፊ ኔና ባለላጥ፣ ኔጥ ዎጫ ከሳ ኦላ፤ ኔን ላኡ አይፍና ጋናምያ ታማን ኦለትያዋጥ እት አይፍና መድና ደኡዋ ገልያዌ ነው ሎአ።

10 “ሀንተንቱ ሀ ጉላቱዋጥ እቱዋን ካገና ማላ፣ ሀንተንታ ናግተ፤ አያው ሳጥ፣ ታን ሀንተንቶ ኦዳይ፤ ሳሉዋን ኡንቱንቱ ኪታንቻቱ ኡባ ዎደ፣ ሳሉዋን ደአያ ታ አቡ ሰንላን ደአኖ።

11 አያው ሳጥ፣ ታን፣ አሳ ናአይ፣ ባዬዳዎ አሻናው ያድ።

12 “እት አሳው ጸቱ ደርሳቱ ደአያዋንቱ እቱ ባየጥ፣ ኡዲፍ ታማን ኡዲፍኑዋ ደርያን አገደ፣ ሄ ባዬዳዎ ኮያናው ቤኔ? ሀንተንቱ ዋጊቱ?

13 ታን ሀንተንቶ ቱሙዋ ጋይ፤ እ ደሞጥ፣ ባይቤና ኡዲፍ ታማን ኡዲፍ ደርሳቱዋጥ አሊደ፣ ሄ እት ደርሳን ናሽቱ።

14 ሄዋዳንካ፣ ሳሉዋን ደአያ ሀንተንቱ አቡ ሀ ጉላቱዋጥ እቱ ባያናዋካ ኮየና።

ባይዜዳ አሳው ኦላናው በሰያባ

15 “ነ አሻይ ኔና ናቆጥ፣ ኔረካ እኮ ባደ፣ አ ናቆዋ አው ኦዳ፤ እ ነዋ ሰሶጥ፣ ነ አሻ ባላጥ ዛራዳ።

16 ሸን እ ነዋ ሰሰናን እጸጥ፣ ላኡ ዎይ ሄዙ ማርካይ ማርካቶዋን የው ኡባይ ቱማትያ ድራው፣ ሀራ እት ዎይ ላኡ አሳ ኔናና እትጥ አፋ።

17 እ ኡንቱንቱባ ሰሰናን እጸጥ፣ ኡባባ አማንያ አሳው ኦዳ፤ ቃይ አማንያ አሳይ ግያዋካ አ ሰሰናን እጸጥ፣ አማንና አሳዳንነ ቃራጸ ሺሽያ አሳዳን አ ፓይዳ።

18 “ታን ሀንተንቶ ቱሙዋ ጋይ፤ ኔን ሳአን ሀኖ ሳዌ ኡባይ ሳሉዋን ጸሳ ሰንላን ሀናና፤ ሸን ኔን ሳአን ሀኖ፣ ጌዳዌ ሳሉዋንካ ሀነና።

19 “ቃይካ ታን ሀንተንቶ ኦዳይ፤ ሀንተጥ ላኡ ኡራይ ሳአን ጸሳ ዎሰያዋን አይ የውዋንነ እት ዎዛና ግድጥ፣ ሳሉዋን ደአያ ታ አቡ ሄዋ ሀንተንቶ አማና።

20 አያው ሳጥ፣ ላኡ ኡራይ ዎይ ሄዙ ኡራይ ታ ሱንላን ሸቅያሳን፣ ታን ሄዋን ኡንቱንቱ ግዲዋን ደአይ” ያጌዳ።

አቶ ግያዎ

21 ጸጽርሰ፤ ሄ ዎደ የሱሳኮ ዪደ፣ “ጎዳው፣ ታ አሻይ ታና አፍ ካላ ናቆጥ ታን አው አቶ ጋናው በሲ? ላፍኑዋ ጋካናው ናቄኔዎ?” ያገደ አ ኦቼዳ።

22 የሱሳኮ ዛሪደ አ፣ “ግደና፣ ታን ኔና ላፍን ታሙ ካላ ላፍኑዋ ጋይጥ አትን፣ ላፍኑዋ ጸላላ ጊከ።

23 “አያው ሳጥ፣ ሳሉዋ ካውተላይ ባር ቆማቱዋና ሚሻ ሄተታናው ቆፔዳ ካትያ በሴ።

24 ሄ ካቲ ሚሻ ሄተታናው ደሜዳ ምደ፣ ዳር ሚሎን ብራ አጩ ደእያ እት ብታንያ እኮ እሄድኖ።

25 ሸን ሄ ቆማዉ አጩዋ ጭግያዌ ጃይና፣ አ ጎዳይ ሄ አጩዋ ጭጋናዉ፣ አ ማቻታን እነ አ ናናይ፣ ቃይ አዉ ደእያ ኡባባይ ዛልኤታና ማላ፣ አ አዛዜዳ።

26 ሄዋ ድራዉ፣ ቆማይ ባረ ጎዳ ሰንገን ጉልባቲደ፣ ታ ጎዳዉ፣ ሀያ ጎዳ ጉላ ምድያ ናጋርኪ፤ ታን ነዉ ኡባባካ ጭጋና ያጊደ አ ዋሴዳ።

27 አ ጎዳይ አዉ ቃረቲደ፣ አ የድ አጌዳ፤ አ አጩዋካ አዉ ማር አጌዳ።

28 “ሸን ሄ ቆማይ ከሲደ፣ ባረ ላገላ ቆማቱዋጥ እቱ ባረጥ ጾቱ ብራ ሳንትምያ ታልኤዳዋና ጋከቲደ፣ ሳ ቦላ ደእያ ታ ሚሻ ጭጋ” ያግ ኦይቂደ፣ አ ጩሌዳ።

29 “ያትና ሄ አ ላገላ ቆማይ አ ሰንገን ጉልባቲደ፣ ህእ ታይሻይ ጉላ ምድያ ናጋርኪ፤ ታን ነዉ ኡባባካ ጭጋና” ያጊደ አ ዋሴዳ።

30 “ሸን እጽ እክ ቢደ፣ አ ላገላይ ሄ አጩዋ ቃንጸና ጋካናዉ፣ ቃሾ ጎለ ገልሴዳ።

31 ሄዋ ድራዉ፣ አ ላገላ ቆማቱ ሄዋ በኢደ፣ ዳር ይሎቱድኖ፤ ባረንቱ ጎዳኮ ቢደ፣ አ ኦሌዳ ኡባባ አዉ ኦዴድኖ።

32 “ሄዋጥ ጉይያን፣ ጎዳይ ሄ ቆማ ጸሲደ፣ ህ ኢታ ቆማዉ፣ ኔን ታና ዋሴዳ ድራዉ፣ ታን ሄ አጩዋ ኡባ ነዉ ማራ አጋድ።

33 ታን ነዉ ሄ አጩዋ ማራዳዋዳን፣ ኔንካ ነ ላገላ ቆማዉ ማራናዉ በሰኔ?” ያጊደ።

34 ሄዋጥ ሰሚደ አዉ ዳር ሀንቀቲደ፣ ባረ አጩዋ ኡባ እ ጭግ ዉርሳና ጋካናዉ፣ ፓጸ ካኤታና ማላ፣ ቃሾ ጎለ ገልሴዳ።

35 “ሀንተንቱ ሁጲያን ሁጲያን ሀንተንቱ እሻዉ ዋዛናጥ አቶ ጋና ጃዮጥ፣ ሄ ጎዳይ ባረ ቆማ ኦሌዳዋዳን፣ ሳሉዋን ደእያ ታ አቡካ ሀንተንታ ሄዋዳን ኦላና” ያጊደ።

### 19

የሱስ ገሉዋባን አካባ ታማርሴዳ (ማር. 10:1-12)

1 የሱስ ሄ ሃሳያ ዉርሶዋጥ ጉይያን፣ ጋሊላጥ ደንዲደ፣ ዮርዳኖሳ ሻፋጥ ሄፍንጎን ደእያ ይሁዳ ጋድያ ቤዳ።

2 ዳር አሳይ አ ካሊደ ቤዳዋ ሄዋን ፓሌዳ።

3 እት እት ፓርሳዋቱ ፓጫናዉ የሱሳኮ ዪደ፣ “እት አሳይ አይ ጋሱዋንን፣ ባረ ማቻቶ የዳናዉ ኑ ሀጊ አዛዚ?” ያጊደ አ ኦቼድኖ።

4 የሱስ ዛሪደ፣ ሀዋዳን ያጌዳ፤ “ጸሳይ ኮይሮ ኡንቱንታ ማዲደ፣ አቱማዋን ማጫዉኖ ኦሌዳ።

5 ሄዋ ድራዉ፣ ላት አሳይ ባረ አባን ባረ ዳዮ አጊደ፣ ባረ ማቻትና እትጥ ደኤ፤ ኡንቱንቱ ላኡ እት አሳ ግዲኖ” ያግያ ቃላ ናባብበይክቱ?

6 ሄዋ ድራዉ፣ ኡንቱንቱ እት አሳ ግድያዋጥ አትን፣ ላኡ አሳ ግድክና፤ ሄዋ ድራዉ፣ ጸሳይ እትጥ ደእናዳን ጋላዋ አሳይ ሻኮፖ” ያጊደ።

7 ፓርሳዋቱ የሱሳ፣ “ያትና፣ ሙሴ አያዉ እት ኡራይ ባረ ማቻቶ ፕርማ ፔዲደ የዳና ማላ አዛዜዳ?” ያጊድኖ።

8 የሱስ ዛሪደ፣ “ሀንተንቱ ሀንተንቱ ማቻቱዋ የዳና ማላ፣ ሙሴ ሀንተንታ አዛዜዳዌ፣ ሀንተንቱ ኦድና ሰሰና ጉዙማ ግድ ድራጥ አትን፣ ኮይሮ ሄዋ ማላ ግድና።

9 ታን ሀንተንቶ ኦዳይ፤ ባረ ማቻቶ ሞሹመናን ደእሸን የዲደ፣ ሀራሮ አክያ ኦንነ ሞሹሜ፤ ሀራይ የዴዳዉኖ አክያዌካ ሞሹሜ” ያጊደ።

10 የሱሳ ካልያዋንቱ አ፣ “አሰና ግዲዋንን ማቻት ግዲዋን ደእያ ዋጋይ ሄዋ ማላ ግድጥ፣ አከናን ገለናን ደእያዌ ሎኦ” ያጊድኖ።

11 ሸን የሱስ ኡንቱንታ ያጌዳ፤ “ሄዋ ማላ ትምርቲ ጸሳይ አሞዋንቱሳጥ አትን፣ አሳ ኡባሳ ግድና፤

12 አያዉ ጎጥ፣ ባረንቱ ዳይ ኡሉዋጥ የለትያ ምደካ ሹፋ ግዴዋንቱ ደእና፤ ቃይ አሳይ ቃራትና ሙራሳ ግዴዋንቱ ደእና፤ ቃይ ሳሉዋ ካዉተላ ድራዉ፣ ባረንታ ሹፋ ኦሌዳዋንቱ ደእና፤ ሀ ትምርትያ አካናዉ ዳንዳይያዌ ኦንነ አኮ” ያጊደ።

የሱስ ቁር ናና ቦላ ባረ ኩሽያ ዋሌዳ

(ማር. 10:13-16፤ ሉቃሳ 18:15-17)

13 የሱስ ሄ ምደ ባረ ኩሽያ ጉላ ናና ቦላ ዋሌዳ፣ ጸሳ ዋሳና ማላ፣

እት እት አሳይ ናና አኮ አሄዳ፤ ሽን የሱሳ ካልያዋንቱ ሄ አሳ አሄና ማላ ሀንቀቲድኖ።

14 ሽን የሱሰ፡ “ቁር ናናይ ታኮ ይያዋ ድጎፕተ፤ እያዉ ጎፕ፡ ሳሉዋ ካዉተላይ ሄዋንቱ ማላሳ” ያጌዳ።

15 ሄዋፕ ሰሚደ ባረ ኩሽያ ኡንቱንቱ ቦላ ዋሌዳዋፕ ጉይያን፡ ሄዋፕ ባሽ ቤዳ።

ያላጋ፡ ዱረ ብታንያ አሻ (ማር. 10:17-31፤ ሉቃሳ 18:18-30)

16 እት ብታኒ የሱሳኮ ዪደ፡ “ታማርሰያዎ፡ ታን መጅና ደኡዋ ደማናዉ ሎኦባ አያ ኦሉ?” ያጌዳ።

17 የሱሰ አ፡ “ሎኦባይ አየንቶ ታና አያዉ ኦቻይ? እቱዋ ጸላላይ ሎኦ፤ ሽን ኔን መጅናዉ ደአናዉ ኮዮፕ፡ አዛዛቱዋ ናጋ” ያጌዳ።

18 ብታኒ፡ “ሀቃዋንታ?” ያጌደ ኦቹዳ።

የሱሰ ዛሪደ፡ “ዋጵፓ፤ ዋሹዋፓ፤ ዉእፓ፤ ዋርዱዋ ማርካቶፓ፤

19 ነ አባነ ነ ዳዮ ቦንቻ፤ ነ ሾሩዋካ ነ ሁጲያዳን ሲቃ” ያጌዳ።

20 ሄ ያላጋ ብታኒ የሱሳ፡ “ታን ሄዋ ኡባካ ጉላተላፕ ደማደ ናጋድ፤ ያትና፡ ታዉ ፓጭያዌ አዬ?” ያጌዳ።

21 የሱሰ ብታንያ፡ “ኔን ፖሎ አሳ ግዳናዉ ኮዮፕ፡ ባደ ነዉ ደእያዋ ዛልአደ፡ ሄ ሚሻ ሀዬሳዉ እማ፤ ኔን ሳሉዋን ዱረታና፤ ያታደ ያደ ታና ካላ” ያጌዳ።

22 ሽን ሄ ያላጋ ብታኒ ሄዋ ሰሴዳ ዋደ፡ እ ዳሮ ዱረ ግድያ ድራዉ፡ ቃረቲደ ባሽ ቤዳ።

23 የሱሰ ባረና ካልያዋንቶ፡ “ታን ሀንተንቶ ቱሙዋ ጋይ፤ ዱረ አሳይ ሳሉዋ ካዉተላ ገላናዌ ዳር መቶ ግዳናዋ።

24 ታን ጉጃደካ ሀንተንቶ ኦዳይ፤ ዱረ አሳይ ጸሳ ካዉተላ ገላናፕ፡ ጋሉ ማርፕያ ሉኩዋና አፋናዌ ማታቱ” ያጌዳ።

25 አ ካልያዋንቱ ሄዋ ሰሰ ማላላቲደ፡ “ያትና፡ ኦን አታናዉ ዳንዳዪ?” ያጌድኖ።

26 የሱሰ ኡንቱንታ ጫድ ጸሊደ፡ “ሀዌ አሳዉ ዳንዳየተና፤ ሽን ጸሳዉ ኡባባይ ዳንዳየቱ” ያጌዳ።

27 ጸጵርሰ ሄ ዋደ ዛሪደ የሱሳ፡ “ቦኦ፡ ኩን ኦዉ ደእያ ኡባባ ባሽደ፡ ኔና ካሌደ፤ ያቲደ ኩን አያ ደማኔሻ?” ያጌዳ።

28 የሱሰ ኡንቱንታ ሀዋዳን ያጌዳ፤ “ታን ሀንተንቶ ቱሙዋ ጋይ፤ ታን፡ አሳ ናአይ፡ ኦራላ ጋድያን ታ ካዉተላ አይድያን ኡትያ ዋደ፡ ታና ካሌዳ ሀንተንቱካ ታማነ ላኡ እሰራኤልያ ዛራቱዋ ቦላ ፕርዳናዉ፡ ታማነ ላኡ ካዉተላ አይድያን ኡታንታ።

29 ታ ሱንሳ ድራዉ፡ ጎልያ ዋይ እሻቱዋ ዋይ ሞቻቱዋ፡ ዋይ አዉዋ ዋይ አቶ ዋይ ማቻቶ፡ ዋይ ናና ዋይ ጋድያ እጌዳ ኦን፤ ጸቱ ዳኩዋፕ ዳሩዋ አካና፤ ቃይ መጅና ደኡዋካ ላታና።

30 ሽን ጮራቱ ሀእ ሰንላቱዳዋንቱ ጉየታናዋንታ፤ ቃይ ጮራቱ ሀእ ጉየን ደእያዋንቱ ሰንላታናዋንታ።

## 20

ዋይንያ ቱራ ግደን ኦልያ አሳንቻቱዋ ሊሞሱዋ

1 “ሳሉዋ ካዉተላይ ዋይንያ ጌተትያ ቱራ ግዲዋ ኦልያዋንታ ኡንያ ኦሰሳናዉ፡ ዋንታ ጉራን ከሴዳ ዋይንያ ቱራ ጎዳ ቦሴ።

2 አ ሄ አሳንቻቶ ሀቼ ሀቼ ኦሌዳዋ ዋልቃ ጋትያ ጭጋናዉ ኡንቱንቱና ገገደ፡ ባረ ዋይንያ ቱራ ግዲዋ ኦሰሳናዉ ኡንቱንታ የዳዳ።

3 “ቃይ ሄዙ ሳትያ ግደደ ከሲደ፡ ኦሱ ባይናን ቆጫን ኤቁዳ ሀራ አሳቱዋ ቦኢደ።

4 ኡንቱንታ፡ ‘ሀንተንቱካ ቃይ ታ ዋይንያ ቱራ ግዲዋ ኦላናዉ ቢተ፤ ታን ሀንተንቶ ቦሰያ ጋትያ ጭጋና’ ያጌዳ፤ ሄዋፕ ጉይያን ኡንቱንቱ ቤድኖ።

5 ላኢንሉዋካ ኡሱፑን ሳትያን ኡዲፑ ሳትያን ከሲደ፡ ሄዋዳን ኦሌዳ።

6 ታማነ እት ሳትያ ሄራን አ ከሰያ ዋደ፡ ሀራንቱ ሄዋን ኤቁዳዋንታ ደሚደ፡ ‘ኦሱዋ ኦፍናን ኩሙንላ ጋላሳ ሀዋን አያዉ ኤቁ ፔሼድቱ?’ ያጌዳ።

7 “ኡንቱንቱ፡ ኦና ኦሰሰያ አሳይ ጳዬዳ ድራዉ ኤቁ ፔሼደ’ ያጌድኖ።

“አ፡ ‘ኡንቱንታካ ቃይ ታ ዋይንያ ቱራ ግዲዋ ኦላናዉ ቢተ’ ያጌዳ።

8 “ሳአይ ኦማርሰያ ዋደ፡ ዋይንያ ቱራ ጎዳይ ኦልያዋንቱ ካቸዋ፡

ላሳንቻቸው ጸሳይ፣ ወርሰላን ኦሎቸን ገሌዳዋንቸው ደማደ ኮይሮ ገሌዳዋንታ ጋካናው፣ ኢንቲንቲ ኦሎቸው ድርጉዋ ጭጋ፣ ያጌዳ።

9 “ታማነ እት ሳትያ ሄራን ኦሎቸው ደማዳዋንቲ ዪደ፣ ሁጲያን ሁጲያን አሊደ ፔሼዳ ዋልቃ ጋትያ አኬድና።

10 ኮይሮ ኦሎቸው ደማዳ አሳይ ዬዳ ዋይ፣ ዳሩዋ አካናዉ ቆፔድና፣ ሽን ኢንቲንቲካ ሁጲያን ሁጲያን ባረንቲ ኦሎቸው ዋልቃ ጋትያ አኬድና።

11-12 ሄዋፕ ጉይያን፣ ላህ ጉየፕ ዬዳዋንቲ እት ሳትያ ጸላላ አሊድና፣ ኩመንላ ጋላሳ ዳቡሪደ ጫዎቲዳ ኑዋና ኢንቲንቲ ኦሎቸው ድርጉዋ ቃራ አላዳ፣ ያጌደ ባረንታ ኦሎቸው ገሊሴዳዋ ቦላ ዙዙሜድና።

13 “ሸን እ ኢንቲንቲፕ እቲዋ ሀዋዳን ያጌዳ፤ ታ ላገዉ፣ ታን ኔና ናቃበይከ፤ አላደ ፔሼዳ ዋልቃ ጋትያ ታናና ጊጋበይክዬ።

14 ነዋ አካደ ባ፣ ታን ሀእ ወርሰላን ኦሎቸን ገሌዳዋካ ነዋ ኬና እማናዉ ኮያይ።

15 ታን ታ ሚሻን ታ ኮዬዳዋዳን አላናዉ ታዉ ማታይ ባዌ? ዋይ ታን ሎእ ግዴዳ ድራዉ፣ ኔን ቃናታይ?” ያጌዳ።

16 “ሄዋዳንካ፣ ቃይ ጉየቲዳዋንቲ ሰንላታናዋንታ፤ ሰንላቲዳዋንቲ ቃይ ጉየታናዋንታ፤ እያዉ ጎፕ፣ ጸሰቲዳዋንቲ ጮራ፤ ሸን ደረቲዳዋንቲ ጉላ” ያጌዳ።

የሱሰ ባረ ሀይቁዋባ ሄዘንሉዋ አዴዳ (ማር. 10:32-34፤ ሉቃሳ 18:31-34)

17 የሱሰ የሩሳላሙ ቢደ፣ ኦግያን ባረናና ብያ ታማነ ላኡ ባረና ካልያዋንታ ጋጸ ከሲደ፣ ዲማ ኢንቲንቲ ያጌዳ።

18 “በእተ፣ ኑን የሩሳላሙ ሀእ ከሴቶ። ያን ታና፣ አሳ ናእ ቁሳቲዋ ካፓቶን ህግያ ታማርሰያዋንቶ አሊደ እማናዋንታ፤ ኢንቲንቲ ታ ቦላ ሀይቁዋ ፕርዳ ፕርዳናዋንታ።

19 ቃይ አይሁዳ ግደና አሳዉካ ታና አሊደ እማናዋንታ፤ ሄ አይሁዳ ግደና አሳይ ታ ቦላ ቅሊጫናዋንታን ታና ልሱዋን ሸጫናዋንታ፤ ያቲደ ማሰቃልያ ቦላ ሞሰማርያን ቱሺደ፣ ታና ካቃናዋንታ፤ ታን ሄዘንሉያ ጋላሰ ሀይቁዋፕ ደንዳና” ያጌዳ።

ዛብድዮሳ ናና ዳይ ዋሳ (ማር. 10:35-45)

20 ሄ ዋይ ዛብድዮሳ ናና ዳያ ባረ ናናና የሱሳኩ ያዲ፤ እ ሰንላን ጉልባታደ እትባ እ ዋሳዲ።

21 የሱሰ እዙ፣ “እያ ኮያይ?” ያጌደ ኦቹዳ።

እዛ ዛራደ፣ “ሀ ታ ላኡ ናናይ ነ ካዉተላን እቲ ኔፕ ኡሸቻ ባጋና፣ ቃይ እቲ ኔፕ ሀድርሳ ባጋና ኡትሮ ያጋርኪ” ያጋደ ዋሳዲ።

22 ሸን የሱሰ ዛራደ ናና፣ “ህንተንቲ እያ ዋሳናዉ በሰንቶ ኤርክታ። ታና ጋክያ ዋልቃማ መቲዋ መቶታንቲ? ታን ጸማቃታና ጸንቃታ ጸማቃታናዉ ዳንዳዪቲ?” ያጌዳ።

ኢንቲንቲ፣ “ኤ ዳንዳያና” ያጌድና።

23 የሱሰ፣ “ታና ጋክያ ዋልቃማ መቲዋ ቲማካ ህንተንቲ መቶታንታ፤ ሸን ታፕ ኡሸቻ ባጋናን ሀድርሳ ባጋና ኡታናዋንታ ደራናዉ ታዉ ማታይ ባዋ፤ ሸን ሄ ሳአይ ታ አቡ እማናዉ ጊገሰ ዋሌዳዋንቲሳ” ያጌዳ።

24 የኩ ታሙ የሱሳ ካልያዋንቲ ሄዋ ሰሴዳ ዋይ፣ ሄ ላኡ እሻቶ ሀንቀቲድና።

25 ሸን የሱሰ ኢንቲንቲ ኡባቲዋካ ባረኩ ጸሲደ፣ ሀዋዳን ያጌዳ፤ “አሀዘበ አሳቲዋ ካፓቲን ሀዋንታ ካለሉያ አሳቲ ባረንቲ አሳ አይሰያዋ ኤሪታ።

26 ህንተንቲ ግዲዋን ሄዋ ማላ ግደና፤ ሸን ህንተንቲ ግዲዋን ቶቃተላ ኮይያ ኦንነ ህንተንቶ ቆማ ግዳናዉ በሴ።

27 ቃይ ህንተንቲ ግዲዋን ኡባፕ ቦላ ግዳናዉ ኮይያዋ ኦንነ ህንተንቶ አይላ ግዳናዉ በሴ።

28 ሄዋዳን ታን፣ አሳ ናአይ፣ አሳዉ አላናዉን ዳር አሳ ዋዛናዉ ታ ሸምፕዋ እማናዉ ዬዳዋፕ አትን፣ አሳይ ታዉ አላና ማላ ያበይከ” ያጌዳ።

የሱሰ ላኡ ቆቃቲዋ ፓሌዳ (ማር. 10:46-52፤ ሉቃሳ 18:35-43)

29 የሱሰነ እ ካልያዋንቲ እያርኮፕ ከሰሸን፣ ዳር አሳይ ኢንቲንታ ካሌዳ።

30 ላኡ ቆቃ አሳቲ ኦግያ ደናን ኡቲዳዋንቲ የሱሰ ሄዋና አጵያዋ ሰሲደ፣ ባረንቲ ኮሻ ቶቁ አሊደ፣ “ሳዳዉ፣ ዳዊታ ናአዉ፣ ኑዉ ቃሪታርኪ” ያጌድና።



31 ዳር አሳይ አንቱንታ፡ “ሀይዘተ” ገደ ሀንቀቲዳ፤ ሽን አንቱንቱ ባረንቱ ኮሻ ዳሪ ቶቁ ኦሊደ፡ “ጎዳወ፡ ዳዊታ ናእወ፡ ኑና ማራርኪ!” ያጌድኖ።

32 የሱስ ኦግያን ኤቁደ፡ አንቱንታ ጸሲደ፡ “ታን ሀንተንቶ እያ ኦሳና ማላ ኮዩቲ?” ያጌዳ።

33 ቆቃቲ፡ “ጎዳወ፡ ኑ አይፍያ ፓላርኪ” ያጌድኖ።

34 የሱስ አንቱንቶ ቃረቲደ፡ አንቱንቱ አይፍያ ቦቹዳ፤ ኤለካ አንቱንቱ አይፊ ጸል አግና፡ አ ካል አጌድኖ።

## 21

የሱስ ዋልቃማ ቦንቹዋን የሩሳላመ ገሌዳ (ማር. 11:1-11፤ ሉቃሳ 19:28-40፤ ዮሃ. 12:12-19)

1 አንቱንቱ የሩሳላመ ማቲደ፡ ደብረ ዛይተ ጌተትያ ደርያ ላንቁያን ደእያ ቤተፋገ ጌተትያ ቁር ካታማ ጋኬድኖ፤ የሱስ ባረና ካልያዋንቱፕ ላኡዋ ሰንሳወ ኪቲደ።

2 አንቱንታ ሀዋዳን ያጌዳ፤ “ሀንተንቱፕ ሰንሳን ደእያ ቁር ካታማ ቢተ፤ ሄዋን እት ሀራታ ቃሹዋን ደእወፍ እዝ ማራና ሀንተንቱ ብ ሰሞ ሳንካ ደማንታ፤ አንቱንታ ብሊደ፡ ታወ እክ ዪተ።

3 ኦንነ ሀንተንታ ኦቾፕ፡ “ጎዳይ ሀዋንታ ኮዬ” ያግተ፤ ኤለካ እ አንቱንታ የድ አጋናዋ።”\*

4-5 ትምቢትያ ኦድያ ናቢ፡ “ጽዮነ ካታማ አሳወ፡ ‘ቦእ፡ ነ ካቲ አሽከ ግዲደ፡ ሀርያ ቦላ፡ ሀረ ማራ ቦላ ኡቲደ፡ ኔኮ ዬ” ያግተ” ያገደ ሃሳዬዳዊ ፖለታና ማላ፡ ሀዋ ሃኔዳ።

6 እ ካልያዋንቱ ቢደ፡ የሱስ ባረንታ አዛዘዋዳን ኦሌድኖ።

7 ሀራቶን ሀረ ማራ አሂደ፡ ባረንቱ ማዩዋ አንቱንቱ ዘክያን ዋሌድኖ፤ ሄዋፕ ሰሞና የሱስ ቶጌዳ።

8 ሄ ጮራ አሳፕ ዳርያ ባገይ ባረ ማዩዋ ኦግያን ሂጾዳ፤ ቃይ ሀራንቱ ሞላ ሀይላ ካር ካሪደ፡ ኦግያን የጌድኖ።

9 የሱሳፕ ሰንሳና ሀመትያ ጮራ አሳይነ ቃይ አ ጌዲዋ ካልያ ጮራ አሳይ፡ ባረንቱ ኮሻ ቶቁ ኦሊደ፡ “ዳዊታ ናእይ ጋላተቶ!

ጎዳ ሰንሳን ይያዌ እንጀቲዳዋ! ጸሳይ ጋላተቶ!” ያጌዳ።

10 የሱስ የሩሳላመ ካታማ ገሌዳ ዋደ፡ ካታማን ደእያ አሳይ ኡባይ፡ “ሀዋ ኦኔ?” ያገደ ሻቢረቲድኖ።

11 አሳይ፡ “ሀዋ ጋሊላን ደእያ ናዝሬተ ጌተትያ ካታማፕ ዬዳ ናብያ የሱሳ” ያጌዳ።

የሱስ ጌሻ ጎልያ ገሌዳ (ማር. 11:15-19፤ ሉቃሳ 19:45-48፤ ዮሃ. 2:13-22)

12 የሱስ ጌሻ ጎልያ ገሊደ፡ ሄዋን ዛልእያዋንታን ሻምያዋንታ ኡባ ካረ የደርሴዳ፤ ቃይ ሚሻ ላምያዋንቱ ጸራጴዛነ ደጎሙዋ ዛልእያዋንቱ ኦይድያ ጉጽ የገደ።

13 አንቱንታ፡ “ጸሳ ማጸፋይ፡ ‘ታ ጎሊ ጸሳ ዋሰያ ጎልያ ጌተታና’ ያገቲደ ጸፊት ኡቲዳ፤ ሽን ሀንተንቱ አ ቦንቁያዋንቱ ቆሰትያ ጎንጎሉዋ ከሴድታ” ያጌዳ።

14 ቆቃቲን ገዲ ሰሌዳዋንቱ የሱሳኮ ጌሻ ጎልያ ዪና፡ እ አንቱንታ ፓሌዳ።

15 ሽን ቁሳቲዋ ካፓቲነ ሀግያ ታማርሰያዋንቱ የሱስ ኦልያ ኦራፋባ በኤዳ ዋደነ፡ ጉላ ናናይ ጌሻ ጎልያን ባረንቱ ኮሻ ቶቁ ኦሊደ፡ “ዳዊታ ናእይ ጋላተቶ” ያግያዋ በኤዳ ዋደ ሀንቀቲድኖ።

16 ያቲደ የሱሳ፡ “ሀዋንቱ ግያዋ ሰሳይ?” ያጌድኖ።

የሱስ፡ “ኤ ሰሳይ፤ ጸሳ ማጸፋይ፡ ‘ጉላ ናናይነ ጳምያ ናናይ ኔና ጋላታና ማላ፡ አንቱንታ ኤርሳዳ’ ያግያዋ ኡባካ ናባብ በይክቲ?” ያጌዳ።

17 የሱስ አንቱንታ አገደ፡ ሄ ካታማፕ ቢታንያ ጌተትያ ካታማ ቢደ፡ ያን አቁዳ።

አይፊ ጳዬዳ ባላሰያ ሞላቶ (ማር. 11:12-14፤ 20-24)

18 የሱስ ዋንታ ጉራና ካታማ ቤዳ ድራዉ ኮሻቲዳ።

19 ኦግያ ደናን እት ባላሰያ ጌተትያ ሞላቶ በእደ፡ እኮ ቤዳ፤ ብ ጋክያ ዋደ ሄ ሞላትን ሀይላ

\* 21:3 ጎዳይ- ሀራቲዋ ጎዳ ጉሳ። 21:4-5 ዛካ. 9:9 21:9 ማዝ. 118:25፣ 26 21:13 አላ. 56:7፤ ኤር. 7:11 21:16 ማዝ. 8:2

ጸላላጥ አትን፤ አይፍያ አይነ ደምቤና፤ እዘ፡ “ላኢነሉዋ መድናወካ አይፎጋ” ያግና፤ ሄ ባላሳታ ኤለካ መላ አገዱ።

20 አ ካልያዋንቱ ሄዋ በኢደ ማላለቲደ፡ “ሀ ባላሳታ ዋናደ እት ኩላን መላ አገዴ?” ያጌድኖ።

21 የሱሰ ዛሪደ፡ “ታን ህንተንቶ ቱሙዋ ጋይ፤ ህንተንቱ አማኑ ደእያዋንታ ሰፊናዋንታ ግደጥ፤ ሀ ባላሳቶ ታን ኦሌዳዋ ማላ ጸላላ ኦሐክታ፤ ሽን ሀራይ አቶ ህንተንቱ ሀ ደርያ፤ ‘ደንዳደ አባን ኩንዳ’ ግንቶካ ሀርያ፤

22 ህንተንቱ አማኒደ ጸላ ዋሰያዋ አያ ግድንቶካ አካና” ያጌድ።

የሱሳ ማታይ ዬዳሳ (ማር. 11:27-33፤ ሉቃሳ 20:1-8)

23 የሱሰ ጌሻ ጎልያ ዪደ ታማርሰሽን፤ ቄሳቱዋ ካፓቱነ አይሁዳ ጭማቱ አኮ ዪደ፡ “ኔን ሀዋ ኦላናዉ ነዉ አይ ማታይ ደኢ? ነዉ ሀ ማታ ኦኔ አሚዳዌ?” ያጌድኖ።

24 የሱሰ ዛሪደ ኡንቱንታ፡ “ታንካ ህንተንታ እትባ አቻና፤ ህንተንቱ ታዉ ሄዋ አደጥ፤ ታን ሀዋ አይ ማታን አላይታንቶ፤ ህንተንቶ ኦዳ፤

25 የሃንሰ ጸማቅያ ማታይ ሀቃጥ ዬዳ? ጸላጥ ዬደየ አሳጥ ዬዳ?” ያጌድ።

ኡንቱንቱ ባረንቱ ግዲዋን ፓሉማ ደሚደ፡ “ኅን፡ ጸላጥ ዬዳ፤ ያጎጥ እ ኑና፤ ‘ያቶጥ፤ የሃንሰ ኦዳዳዋ አያዉ አማንበይክቱ?’ ያጋናዋ።

26 ሽን ኑን፡ ‘ኦሳጥ ዬዳ፤ ያጎጥ፤ አሳይ ኡባይ የሃንሰ ናብያ ግዳዳዋ ኤርያ ድራዉ፤ አሳዉ ያዬቶ” ያጌድኖ።

27 ኡንቱንቱ የሱሳዉ፡ “ኑን ኤርኮ” ያጌደ ዛሪድኖ።

የሱሰ፡ “ታንካ ሀዋ አይ ማታን አላይታንቶ፤ ህንተንቶ ኦድከ” ያጌድ።

ላኡ ናና ሌምሱዋ

28 “ሽን ህንተንቱ አያ ቆጥቱ? ላኡ ናናይ ደእያ እት ብታኒ ደኤ፤ ሄ ብታኒ ባይራ ናኣኮ ቢደ፡ ‘ታ ናኣዉ፤ ሀቼ ባደ ታ ዋይንያ ቱራ ኦላ’ ያጌድ።

29 ናኣይ ዛሪደ፡ ‘ቢከ’ ጌዳ፤ ሽን ጉየጥ ባረ ዋዛናን ቆጥ አኪደ፤ ዋይንያ ቱራ ኦላናዉ ቤዳ።

30 አዉ የኮ ናኣኮ ቢደ፤ ባይራዉ ጌዳዋዳንካ አዉ ጌዳ፤ ቱፋ ናኣይ

ዛሪደ፡ ‘ሎኦ ታ ጎዳዉ’ ያጌዳ፤ ሽን ብቤና።

31 ሀ ላኡ ናናጥ ባረ አዉ ኮዬዳዋ ኦሌዳዌ ሀቃዌ?” ያጌድ።

ኡንቱንቱ፡ “ባይራ” ያጌድኖ።

የሱሰ ኡንቱንታ ሀዋዳን ያጌዳ፤ “ታን ህንተንቶ ቱሙዋ ጋይ፤ ቃራጸ አክያዋንቱነ ዋሹምያዋንቱ ህንተጥ ሰንሳቲደ፤ ጸላ ካዉተላ ገላና።

32 አያዉ ጎጥ፤ ጸማቅያ የሃንሰ ጽሎተላ ኦግያ ታማርሰደ፤ ህንተኮ ዪና፤ እ ግያዋ አማንበይክታ። ሽን ቃራጸ አክያዋንቱነ ዋሹምያዋንቱ እ ግያዋ አማኒድኖ፤ ህንተንቱ ሀራይ አቶ ሄዋ በኢደካ፤ ህንተንቱ ናጋራጥ ሰሚደ፤ እ ግይያዋ አማንበይክታ” ያጌድ።

ዋይንያ ቱራ ግደን ኦሐያ ጎሻንቻቱዋ ሌምሱዋ (ማር. 12:1-12፤ ሉቃሳ 20:9-19)

33 ቃይካ የሱሰ ሀዋዳን ያጌዳ፤ “ሀራ ሌምሱዋካ ሰሰተ፤ ዋይንያ ጌተታያ ቱራ ቶኬዳ እት ብታኒ ደኤ፤ ዋይንያ ቱራ የሽ አሊደ ድራዳ፤ ቃይ ሄ ዋይንያ ጉምእያ ኦላካ ቦኬዳ፤ ሄዋ ናግያ አሳዉ አዲሳ ሹቻ ግምቤዳ። ሄዋጥ ጉይያን፤ ኮላ ኦሐያ አሳዉ አሚደ፤ ሀራ ጋይ ቤዳ።

34 ዋይንያ አይፍያ ማጽያ ዋዲ ጋክና፤ ባረና ጋክያዋ አኪደ ያና ማላ፤ ባረ ቆማቱዋ ባረ ኮላዋቱዋኮ ኪቲዳ።

35 ኮላዋቱ አ ቆማቱዋ ኦይቂደ፤ እቱዋ ዋዲድኖ፤ ቃይ የኩዋ ሹቻን ጸልቂድኖ።

36 ቃይካ ሄ ብታኒ ካሰዋንቱጥ ዳርያ ሀራ ቆማቱዋ ኪቲዳ፤ ኮላዋቱ ሄ ቆማቱዋካ ካሰዋንቱዋዳን ኦሌድኖ።

37 “ሽን ወርሰላን እ፡ ‘ታ ናኣ ኡንቱንቱ ቦንቻናዋንታ’ ያጌደ ባረ ናኣ ኡንቱንቱኮ ኪቲዳ።

38 “ሽን ኮላዋቱ ናኣ በኢደ፤ ባረንቱ ግዲዋን፤ ‘ጋድያ ላታናዌ ሀዋ፤ ቢደ እ ዋዲደ፤ ጋድያ ኑን ላታና’ ያጌድኖ።

39 ናኣ ኦይቂደ፤ ዋይንያ ቱራ ግደጥ ጋጸ ከሲደ ዋዲድኖ።

40 “ሰም ዋይንያ ቱራ ጎዳይ ይያ ዋደ፤ ሄ ኮላዋቱዋ ዋታኔ?” ያጌደ ኦቼዳ።

41 ኡንቱንቱ፡ “እ ሄ ኢታ አሳቱዋ ዋድ ወርሰደ፤ ዋይንያ ቱራይ አይፍያ

ዎደ ባረና ጋክያዎ ዎድያን ሹድያ ሀራ ከላዎቶ እማና” ያጌድኖ።

42 የሱስ ኡንቱንታ ሀዋዳን ያጌዳ፤ “ ግምቢያዎንቱ ካዲደ እዴዳ ሹቻይ፤

ጎዳ ጸጸዎ ምንሰያ፣ ኡባጥ እድያ ሹቻ ግዳድ።

ሀዌ ጎዳይ ኦሌዳዎ፤

ቃይ ኑ ጸላወካ ማላልሰያዎ፣ ያግያዎ ጸላ ማጻፋጥ ኡባካ ናባብ በይክቱ?

43 “ሄዎ ድራወ፣ ታን ሀንተንቶ ኦዳይ፤ ጸላ ካወተላይ ሀንተጥ እከቲደ፣ ሎኦ እይፍያ እምያ አሳወ እመታናዎ።

44 ሄ ሹቻ ቦላ ኩንድያ ኡባይ መኤሪታና፤ ቃይ ሄ ሹቻይ አሳ ቦላ ኩንድጥ፣ ሄ ኩንዴዳ ኡራ ሊቅሳና” ያጌዳ።

45 ቄሳቱዎ ካፓቱን ፓርሳዎቱ የሱስ ኦዳዳ ለምሱዎ ሰሴዳ ዎደ፣ ባረንቱዎ ሃሳይያዎ ኤራድኖ።

46 ኡንቱንቱ የሱሳ ኦይቃናወ ኮዬድኖ፤ ሽን የሱሳ ዳር አሳይ ናብያ ጊደ ቆፕ ኡቴዳ ድራወ፣ ሄ አሳወ ያዬድኖ።

## 22

እካነ ገሉዋ ኦዳዎ ለምሱዎ (ሉቃሳ 14:15-24)

1 የሱስ አሳወ ላኤንሱዎ ለምሱዎን ሀዋዳን ያጊደ ሃሳይዳ፤

2 “ሳሉዎ ካወተላይ ባረ ናእወ ማቶያ እማናወ ኡባባ ማኬዳ ካትያ ማላ።

3 ሄ ካቲ ቡላቻወ ኦድ ዎሌዳ አሳቱዎ ጸሳናወ ባረ ቆማቱዎ ከቲዳ፤ ሽን አሳቱ ያናወ ኮይበይክና።

4 “ቃይ ሀራ ቆማቱዎ፣ ጸሰቴዳዎንታ፣ “ታን ቁማ ገግሳድ፤ ታ ሳንጋቱን ታ ሞጶ ምያቱ ሹከቲድኖ፤ ኡባባይካ ማከቲዳ፣ ቡላቻ ሃ ዪተ” ያግተ፣ ያጊደ ከቲዳ።

5 ሽን ጸሰቴዳዎንቱ ኮየናን እጸይ፣ ባረንቱ ኦሶ ቤድኖ፤ እቱ ባረ ጎሻወ ቢና፣ የኩ ባረ ዛልኤወ ቤዳ።

6 እቴዳዎንቱ ቃይ ካትያ ቆማቱዎ ኦይቁ ዎዲደ ዎዲድኖ።

7 “ካቲ ዳር ሀንቀቲዳ፤ ቃይ ባረ ዎታዳራቱዎ የዲደ፣ ሄ ሽምቸዎ ዎዲዳዎንታ ዎዲሲደ፣ ኡንቱንቱ ካታማ ጉድሴዳ።

8 ሄዎጥ ጉይያን፣ ባረ ቆማቱዎ፣ ብሉላቻይ ማከቲዳ፤ ሽን ጸሰቴዳዎንቱ ቡላቻወ በሰያ አሳ ግድክና።

9 ሄዎ ድራወ፣ ዎጋ ቃዳ ቢደ፣ ሀንተንቱ ደሜዳ አሳ ኡባ ቡላቻወ ጸሰተ” ያጌዳ።

10 ሄ ቆማቱ ቃዳ ቢደ፣ ባረንቱ ደሜዳ አሳ ኡባ ሎኡዎ ኢታ ሺሺደ፣ ቡላቻ ዳሰያ ኩንሌድኖ።

11 “ሽን ካቲ ቁማ ማናወ ኡቴዳ አሳ በአናወ ገሌዳ ዎደ፣ ቡላቻ ማዩዎ ማይቤና እት ብታንያ ሄዎን በኢደ።

12 “ታ ላገወ፣ ቡላቻ ማዩዎ ማየናን ዋናደ ሀዎ ገላዲ?” ያግና ብታኒ ጮኤ ጌዳ።

13 “ሄዎጥ ጉይያን፣ ካቲ ባረ ቆማቱዎ፣ ‘ሀ ብታንያ ኩሽያን ገድያ ቃቺደ፣ ካረ ጱማ ከሰ ኦልተ፤ እ ሄዎን ዬካናን እቻ ጳቃና’ ያጌዳ።

14 “እያወ ጎፕ፣ ጸሰቴዳዎንቱ ዳራ፤ ሽን ደረቲዳዎንቱ ጉላ” ያጌዳ።

ጊራ ዎት ጊራነንቶ ኦቼዳ ኦሻ (ማር. 12:13-17፤ ሉቃሳ 20:20-26)

15 ሄዎጥ ጉይያን፣ ፓርሳዎቱ ቢደ፣ ኦ ሃሳያፕ ባላ ደሚደ፣ ኦ ኦይቃና ማላ ማቀቲድኖ።

16 ቃይ ባረንታ ካልያዎንቱገን ሄርድሳ ባጋቱዎጥ እማራዳዎንታ እኮ ከቲድኖ። ኡንቱንቱ፣ “ታማርሰያዎ፣ ኔን ቲሙዎ ሃሳይያዎን ጸሳ ኦግያ ቱማተላን ታማርሰያዎ ኔን ኤራቶ፤ እያወ ጎፕ፣ ኔን አሳጥ አሳ ሻካካነ ዲማያካ።

17 ነ ቆፋይ አየንቶ ኑወ ኦዳ፤ ኔን ሮመ ጋድያ ካትያ ቄሳሪወ ጊራ ጊርያዌ ዎጌዮ ዎጋ ግደኔ?” ያጌድኖ።

18 ሽን የሱስ ኡንቱንቱ ኢታ ቆፋ ኤሪደ፣ “ሀ ሎእ ማላትያ ኢታ አሳቶ፣ እያወ ታና ፓጪቲ?”

19 ጊራ ጊርያ ሚሻ ታና በሰተ” ያጌዳ። ሄዎጥ ጉዮ ኡንቱንቱ ብራ ሳንትምያ እወ እሄድኖ።

20 እ፣ “ሀ ማላይን ሱንላይ ኦዎ?” ያጌዳ።

21 ሄዎጥ ሰሚደ ኡንቱንታ ኦቶና፣ ኡንቱንቱ፣ “ሮመ ጋድያ ካትያ ቄሳሪዎ” ያጌድኖ።

ሄዎጥ ጉይያን፣ የሱስ ኡንቱንታ፣ “ዎቶፕ፣ ቄሳሪዎ ቄሳሪወ፣ ጸሳዎ ጸሳወ እምተ” ያጌዳ።

22 ኢንቴንቲ ሄዋ ሰሴዳ ዋደ፡ ማላለቲደ እ እጊደ ቤድኖ።

ሀይቄዳዋንቱ ደንዲዋባ (ማር. 12:18-27፤ ሉቃስ 20:27-40)

23 ሀይቄዳ አሳይ ደንደና ግያ ሳዲቃዋናቱዋፕ እት እት አሳቱ ሄ ጋላሰ የሱሳኮ ዪደ፡ ሀዋዳን ያጊደ፡ አ ኦቹድኖ፤

24 “ታማርሰያዎ፡ ሙሴ፡ ‘እት አሳይ ናአ የለናን ሀይቆፕ፡ ሄ ሀይቄዳዋ እሻይ እ ማቻቶ ላቲደ፡ ባረ እሻው ናአ የላናው በሴ’ ያጊደ።

25 ኑናና ላፑ እሻቱ ደኢኖ፤ ባይራይ ማቻቶ አኪደ፡ ናአ የለናን ሀይቄዳ፤ ሄዋፕ ጉይያን አ ማቻቶ አ እሻይ አኪደ።

26 ቃይ ላኢንላያዌካ ሀይቄዳ፤ ሄዘላያዌካ፡ ላፑንላ ጋካናውካ ሄዋዳን ሀይድኖ።

27 ኡባፕ ጉይያን፡ ሄ ምሽራታ ሀይቃዳ።

28 ያትና፡ ሀይቄዳ አሳይ ሀይቁዋፕ ደንድያ ጋላሰ ሄ ምሽራታ ላፑናቱዋፕ ሀቃዎ ማቹ ግዳኔ? እያው ጎፕ፡ ላፑናቱ ኡባይካ እዘ አኪድኖ” ያጊድኖ።

29 የሱሰ ዛሪደ፡ ሀዋዳን ያጊደ፤ “ጸሳ ማጸፋቱዋ ዋይ አ ዋልቃ ህንተንቱ ኤሪና ድራው ባሊታ።

30 እያው ጎፕ፡ ሀይቄዳ አሳይ ሀይቁዋፕ ደንድያ ጋላሰ፡ ሳሉዋን ደእያ ኪታንቻቱዋ ማላ ግዳናፕ እትን፡ አቱማ አሳይነ አከና፤ ማጫ አሳይነ ገለና።

31-32 ሽን ሀይቄዳዋንቱ ደንዲዋባ ግደፕ፡ ጸሳይ፡ ታን አብራሃመ ጸሳ፡ ይሳቃ ጸሳ፡ ያቆባ ጸሳ፡ ያጊደ ህንተው ኤዳዋዋ ኡባካ ናባብ በይክቱ፡ ጸሳይ ፓጾ ደእያዋንቱ ጸሳ ግድያዋፕ እትን፡ ሀይቄዳዋንቱ ጸሳ ግደና” ያጊደ።

33 ዳር አሳይ ሄዋ ሰሴዳ፡ አ ትምርትያን ማላለቲድኖ።

ኡባፕ አድያ አዛዙዋ (ማር. 12:28-34፤ ሉቃስ 10:25-28)

34 ሽን የሱሰ ሳዲቃዋናቱዋ ጮኡ ኦሴዳዋ ፓርሳዋቱ ሰሴዳ ዋደ፡ እትሳ ሽቄድኖ።

35 ኢንቴንቲ ግደፕ ሀግያ ታማርሰያ እቱ፡ የሱሳ ፓጫናው እትባ ኦቹዳ።

36 “ታማርሰያዎ፡ ሀግያ ግዲዋን ኡባፕ አድያ አዛዙ ሀቃዌ?” ያጊደ አ ኦቹዳ።

37 የሱሰ ዛሪደ፡ ሀዋዳን ያጊደ፤ “ኔን ጎዳ ነ ጸሳ ነ ኩመንሳ ዋዛናፕ፡ ነ ኩመንሳ ሽምፑዋፕ፡ ነ ኩመንሳ ቆፋፕ ሲቃ ያጊደ።

38 ሄዌ ኡባፕ ዳርያ አዛዙዋን ቃይ ኡባፕ አድያ አዛዙዋ።

39 ቃይ ላኢንላያ አዛዙካ አ ማላ፤ ሄዌ፡ ኔን ነ ሾሩዋ ነ ሁጲያዳን ሲቃ ግያዎ።

40 ሙሴ ሀግያ ኡባይነ ናባቱዋ ትምርቲ ሀ ላኡ አዛዛቱዋን ቃሽቱ” ያጊደ።

ክርስቶሳባ ኦቹዳ ኦሻ (ማር. 12:35-37፤ ሉቃስ 20:41-44)

41-42 ፓርሳዋቱ እትሳ ሽቄዳሳን የሱሰ ኢንቴንታ፡ “ክርስቶሳባ ዋጊደ ቆፕቱ? እ ኦ ናኤ?” ያጊደ ኦቹዳ።

ኢንቴንቲ፡ “ክርስቶስ ዳዊታ ናአ” ያጊድኖ።

43 የሱሰ ኢንቴንታ፡ “ያትና፡ ዳዊተ ባረና ጌሻ እያናይ ሃሳይሰና ክርስቶሳ ዋጊደ፡ ‘ሳዳ’ ጊደ ጼሲ?”

44 ቃይካ ዳዊተ፡ “ጎዳይ ታ ጎዳ፡ ታን፡ ና ሞርከቱዋ፡ ኔን የቆ ኤቄያዋ ኦሳና ጋካናው፡ ሀዋን ታፕ ኡሸቻ ባጋና ኡታደ ታናና እትፕ ዳናታ ጌዳ” ያጊደ።

45 ዳዊተ ክርስቶሳ፡ ‘ሳዳ’ ጊደ ጼሶፕ፡ ያትና፡ ክርስቶስ ዋጊደ ዳዊታ ናአ ግዲ?” ያጊደ።

46 የሱሳው እት ቃላ ዛሪናው ዳንዳዌዳ እት አሳይነ ባዋ፤ ቃይ ሄ ጋላሳፕ ደምና፡ ሀራ ኦሻ አ ኦቻናው ጸሌዳዌ ኦንነ ባዋ።

### 23

ሙሴ ሀግያ ታማርሰያዋንቱን ፓርሳዋቱዋ ኢታተላ (ማር. 12:38-39፤ ሉቃስ 11:43-46፤ 20:45-46)

1 ሄዋፕ ጉይያን፡ የሱሰ ሽቄዳ አሳውነ ባረና ካልያዋንቶ ሀዋዳን ያጊደ ሃሳይዳ፤

2 “ሀግያ ታማርሰያዋንቱን ፓርሳዋቱ ሙሴ ሀግያ ታማርሰያ ማታና ደኢኖ።

3 ሄዋ ድራው፡ ሀንተንቱ ኦላና ማላ፡ ኡንቱንቱ ሀንተንታ አዛዘያ ኡባባ ኦሐተነ ቃይ ናግተ፤ ሸን ኡንቱንቱ አላያዋዳን አላፕተ፤ አያው ጎፕ፡ ኡንቱንቱ ባረንቱ ኦድያዋ አላክኖ።

4 ቶካናው ዴጾያ ቶኩዋ ኡንቱንቱ ቃቺደ፡ አሳ ቶሲኖ፤ ሸን ባረንቱ ሁጺያን ሀራይ አቶ፡ ሄ ቶኩዋ ብራድያን ቦቻናውካ ኮይክኖ።

5 “ሸን ኡንቱንቱ ባረንቱ ኦሱዋ ኡባ አሳይ በአናዳን ኦሲኖ፤ አያው ጎፕ፡ ባረንቱ ሶሞአያንን ባረንቱ ኩሽያ ቀሰያን ቃቻያ ጽቅሰያና ደኢያ ክታፋ አሲኖን ባረንቱ ማዩዋ ማጫራካ አዲሲኖ።

6 አሳይ ባረንታ ሾቢደ አርሳን ቦንቾ ኡቱዋ ደሲኖ፤ ቃይ አይሁዳ ዋሳ ጎላቱዋንካ ዳሮ ሎአያ ኦይድያ ደሲኖ።

7 አሳይ ገዋን ባረንታ ቦንቺደ ሳርታና ማላን ታማርሰያዋ ጊደ ባረንታ ጸሳናዳን ኮይኖ።

8 “ሸን ሀንተንታ ታማርሰያዋ እቱዋ ጸላላ ግዴዳ ድራውን ሀንተንቱ ኡባይ አሻቱዋ ግዴዳ ድራው፡ እቱ እቱዋ፡ ታማርሰያዋ ጊደ ጸሶፕተ።

9 ሀ ሳኣን ኦናን ሳዉዋ ጊደ ጸሶፕተ፤ አያው ጎፕ፡ ሀንተንቶ ሳሉዋን ደኢያ እት አዉ ደኤ።

10 እቱ እቱዋ፡ ታማርሰያዋ ጊደካ ጸሶፕተ፤ አያው ጎፕ፡ ሀንተንቶ እት ጎዳይ፡ ክርሰቶሳ ጸላላይ ደኤ።

11 ሀንተንቱ ግደን ኡባፕ ዳርያዋ ሀንተንቶ ቆማ ግዳናዉ በሰ።

12 ባረና ዳርሰያዋ ኦንን ቶሽታና፤ ቃይ ባረና ቶቻያዋ ኦንን ቆቁ ጋና።

ሀግያ ታማርሰያዋንቱን ፓርሳዋቱ ቦረቲድኖ (ማር. 12:40፤ ሉቃሳ 11:39-42፤ 44፤ 52፤ 20:47)

13 “ሎአ ማላትያ ኢታቶ፡ ሀግያ ታማርሰያዋንቱን ፓርሳዋቶ፡ አሳዉ ሳሉዋ ካዉተሳ ሀንተንቱ ጎርድያ ድራው፡ ሀንተንቶ አየር፤ አያው ጎፕ፡ ሀንተንቱ ሁጸዉን ገልክታ፤ ቃይ ገላናዉ ኮይያዋንታካ ገልሰክታ።

14 “ሎአ ማላትያ ኢታቶ፡ ሀግያ ታማርሰያዋንቱን ፓርሳዋቶ አምኤቱዋ ጎልያ ሀንተንቱ ቦንቂደ፡ ሀንተንቶ

ሎአ ማላታናዉ ጸሳ ዋሳ አዲሲታ፤ ሄዋ ድራው፡ ሀንተንቶ አየር፤ ኡባፕ አድያ ፕርዳ ሀንተንቱ አካና።

15 “ሎአ ማላትያ ኢታቶ፡ ሀግያ ታማርሰያዋንቱን ፓርሳዋቶ ሀንተንቱ እት ኡራ አማንላናዉ አባንን ሳኣን ዩይያ ድራውን ቃይ ሀንተንቱ አ አማንላያ ዋደ፡ ሄ ኡራ ሀንተንቱዋፕ ላኤ ኩሽያ ኢቲዳ ጋናመዉ ናኣ አላያ ድራው፡ ሀንተንቶ አየር።

16 “ ሓንነ ጌሻ ጎልያን ጫቆፕ፡ አይነ ባዋ፤ ሸን ጌሻ ጎልያን ደኢያ ዋርቃን ጫቆፕ፡ ሄ ጫቁ አ ጋኬ’ ግያ ሀንተንቶ ቆቅ ኡቲደ አሳ ካለላያዋንቶ፡ ሀንተንቶ አየር።

17 ሀ ኤያቱ፡ ሀ ቆቃቱ፡ ዋርቃይ አዲዬ? ዋርቃ ጌሻ አላያ ጌሻ ጎሊ አዲ?

18 ቃይ ሀንተንቱ፡ ሓንነ ያርሹዋ ያርሽያባን ጫቆፕ፡ አይኔካ ባዋ፤ ሸን ኦንነ አ ቦላ ደኢያ ያርሹዋን ጫቆፕ፡ ሄ ጫቁ አ ጋኬ’ ያጊደ ታማርሲታ።

19 ሀ ኤያቱ፡ ሀ ቆቃቱ፡ ያርሹ አዲዬ? ዋይ ያርሹዋ ጌሻ አላያ አ ያርሽያባይ አዲ?

20 ሄዋ ድራው፡ ያርሹዋ ያርሽያባን ጫቁያ ኡራይ ሄ ያርሽያዋንካ ጫቁ፤ ቃይ አ ቦላ ደኢያ ኡባባንካ ጫቁ።

21 ጌሻ ጎልያን ጫቁያ ኡራይ፡ ሄ ጌሻ ጎልያንነ አ ግደን ደኢያ ጸሳን ጫቁ።

22 ሳሉዋን ጫቁያ ኡራይ፡ ጸሳ ካዉተሳ ኦይድያንነ ሄ ኦይድያን ኡትያዋን ጫቁ።

23 “ሎአ ማላትያ ኢታቶ፡ ሀግያ ታማርሰያዋንቱን ፓርሳዋቶ፡ ሀንተንቶ አየር። አያው ጎፕ፡ ካረላ አኑጋፕ፡ ሸላርያፕነ ኦካሽያፕ አሰራታ ሀንተንቱ እሚታ፤ ሸን ሀግያን ደኢያ ዳሪ ኩሽያዋንታ አጊታ፤ ሄዋንቱ ፕርዳ፡ ማርተላን ጽሎተላ፡ ሀራንታካ አገናን፡ ሀንተንቱ ኦላናዉ በሰያ የዋቱ ሀዋንታ።

24 ሀንተንቶ ቆቅ ኡቲደ፡ አሳ ካለላያዋንቶ፡ ሀንተንቱ ኡሻፕ ኡዲንጽያ ጋጪደ፡ ጋሉዋ ሞቲታ።

25 “ሎአ ማላትያ ኢታቶ፡ ሀግያ ታማርሰያዋንቱን ፓርሳዋቶ፡ ሀንተንቶ አየር። አያው ጎፕ፡ ሀንተንቱ ሻታነ

ከርያ ቦላ ባጋ ጌሺታ፤ ሸን እ ግዲዋን ቦንቄያንነ ኡዘተላን ኩንፊድታ።

26 ሀ ቆቃ ፓርሳዋ። ሻታነ ከርያ ጋርሳ ካሰታደ ጌሻ ድጋ፤ ሄዋፕ ጉይያን፣ ቦላ ባጋይካ ጌሻ ግዳናዋ።

27 “ሎእ ማላትያ ኢታቶ፣ ሀግያ ታማርሰያዋንቶነ ፓርሳዋቶ፣ ህንተንቶ አየር። እያው ጎፕ፣ ካረ ባጋና ቦሽንቻን ኦከቲድ፣ ሎእ ኡቲድ፣ ቃይ ጋርሳ ባጋና ሀይቄዳ አሳ መቀላይነ ምቄዳባይ ኡባባይ ኩሜዳ ዱፎቱዋ ማላቲታ።

28 ሄዋዳንካ፣ ቃይ ቦላ ባጋና አሳ ኡባው ጽሉዋ ማላቲታ፤ ሸን ህንተንቶ ጋርሳ ባጋና ሎእ ማላትያ ኢታተላይነ ማካላይ ኩም ኡቴዳ።

29 “ሎእ ማላትያ ኢታቶ፣ ሀግያ ታማርሰያዋንቶነ ፓርሳዋቶ፣ ህንተንቶ አየር። እያው ጎፕ፣ ናባቱዋ ዱፋዋ ቦላ ጎልያ ኬጺታ፤ ቃይ ጽላቱዋ ዱፋዋካ ሎይሊታ።

30 ቃይ ህንተንቱ፣ ሓን ቦን ኑ አዎቱዋ ዎደ ደኤዳዋንታ ግድንቶ፣ ኡንቱንቱና እትፕ ናባቱዋ ዎዶኮ ሸን፣ ያገታ።

31 ሄዋ ግደፕ፣ ናባቱዋ ዎዴዳዋንቱ ናና ህንተንቱ ግዴዳዋ ህንተንቱ ሁጺያን ማርካቲታ።

32 ሰም ህንተንቱ አዎቱ ደሜዳዋ ፖልክቱ!

33 “ሀ ሸሻቶ፣ ሸሻ ናናው፣ ጋናምያ ፕርዳፕ ዋኒደ አታንቱ?

34 ሄዋ ድራው፣ ቦይተ፣ ታን ናባቱዋ አዶ ኤራንቻቱዋነ ሀግያ ታማርሰያዋንታ ህንተኮ ኪታና። ኡንቱንቱፕ እቱዋ እቱዋ ህንተንቱ ዎዳናን ማሰቃልያ ቦላ ሞሰማርያን ድሺደ ካቃንታ፤ ቃይ እቱዋ እቱዋ ህንተንቱ ዎሳ ጎለቱን ልሱዋን ሸጫንታነ ካታማፕ ካታማ የደርሳንታ።

35 ሄዋ ድራው፣ ጽሉዋ አቤላ ዎዶደፕ ደሚደ፣ ጌሻ ጎልያፕነ ያርሽያ ሳፕ ግዲዋን ህንተንቱ ዎዴዳ ባራክያ ናእ ዛካራሳ ዎድያ ጋካናው፣ ሀይቄዳ ጽላቱዋ ኡባቱዋ ሱላ ድራው፣ ህንተንቱ ሙረታንታ።

36 ታን ህንተንቶ ቱሙዋ ኦዳይ፤ ሀ ኡባባይ ሀ ዎድያ አሳ ቦላ ጋካናዋ።

የሩሳላመው ኦይቲዳ ምኖ ኦዲዋ (ሉቃሳ 13:34-35)

37 “የሩሳላመ ካታማ አሳው፣ የሩሳላመ ካታማ አሳው፣ ናባቱዋ

ህንተንቱ ዎዴታ፤ ጸሳይ ህንተንቱኮ ኪቲዳዋንታካ ሹቻን ጫዲታ፤ ኩታታ ባረ ማራቱዋ ባረ ቀፍያን ሀጽዎዳን፣ ታን ህንተንቱ አሳ እትሳ ሸሻናው አፕ ካላ ኮያድታ! ሸን ታና ድጌድታ።

38 በአተ፣ ህንተንቱ ጎሊ ኡባካ ኦና ግዳናዋ።

39 እያው ጎፕ፣ ታን ህንተንቶ ኦዳይ፤ ህንተንቱ፣ ሳዳ ሱንላን ይያዌ አንጀቲዳዋ ጋና ጋካናው፣ ላኤንሉዋ ታና በእክታ፣ ጋይ” ያጌዳ።

## 24

የሱሰ ጌሻ ጎሊ ኮለታናዋ ካሰቲደ ኦዴዳ

(ማር. 13:1-2፤ ሉቃሳ 21:5-6)

1 የሱሰ ጌሻ ጎልያፕ ከሲደ ብያ ዎድ፣ ጌሻ ጎልያ ድርሳ ግድን ደእያ ጎልያ በሳናው እ ካልያዋንቱ እኮ ዬድኖ።

2 የሱሰ ዛሪደ ኡንቱንታ፣ “ሄዋ ኡባ በእቲ? ታን ህንተንቶ ቱሙዋ ኦዳይ፤ ሀ ጎለቱዋን ደእያ እት ሹቻይነ አተናን ኡባይ ኮለታና” ያጌዳ።

ዎድያ ወርሰላባ

(ማር. 13:3-13፤ ሉቃሳ 21:7-19)

3 የሱሰ ደብረ ዛይተ ጌተትያ ደርያ ቦላን ኡት ደእሸን፣ እ ካልያዋንቱ ባረንቱ ጸላላ እኮ ዪደ እ፣ “ሄዌ አወደ ሀናንቶ፣ ኑወ ኦዳርኪ፤ ቃይ ነ ዩሳውነ ዎድያ ወርሰላዉ ማላይ አያ ግዳኔ?” ያጌድኖ።

4 የሱሰ ዛሪደ፣ ኡንቱንታ ሀዋዳን ያጌዳ፤ “ህንተንታ ኦንነ ባለፍ ማላ ናገትተ።

5 እያው ጎፕ፣ ዳር አሳይ ታ ሱንላን፣ ጭን ክርሰቶሳ፣ ያጌደ ያና፤ ያቲደ ዳር አሳ ባለላና።

6 ማታን ደእያ ኦላ ዋሱዋነ ሃኩዋን ደእያ ኦላ ኦዲዋ ሰሳናው ህንተንቱ ደኢታ፤ ሄዋ ማላባይ ሀናናው በሰያ ድራው፣ ናገትተ፤ ሀርሳፕተ፤ ሸን ወርሰላይ ብራ።

7 እያው ጎፕ፣ እት ጋድያ አሳይ ሀራ ጋድያ አሳና ኦለታና፤ ቃይ እት ካዉተላይ ሀራ ካዉተላና ኦለታና፤ ኮሻይነ ቢታ ቃላይ ኡባ ሳን ደእናዋ።

8 ሄዌ ኡባይካ ኮይር ኦይላ ማላ።

9 “አሳይ ሄ ዎደ ህንተንታ ዋይሳና ሞቆናዎ፤ ታ ሱንሳ ድራወ፡ ጋደ ኡባይ ህንተንታ እጸናዎ።

10 ሄ ዎደ ጮራ አሳይ አማኑዋ አጋናዎንታ፤ ባረንቱ ግደን እቱ እቱዋ አሊደ አማናን እቱ እቱዋ እጸናዎ።

11 ቃይ ዋርዶ ናባቱ ጮራቱ ደንዲደ፡ ዳር አሳ ጭማናዎንታ።

12 ማካላይ ዳርያ ድራወ፡ ጮራ አሳ ሰቁ እርጸናዎ።

13 ሽን ወርሰላይ ጋካናወ ገንጭያ ኡራይ አታናዎ።

14 አሳወ ኡባወ ማርካ ግዳና ማላ፡ ካወተላ ዋንጋላ ሞሽራቹ ሳኦ ኡባን አይታናዎ፤ ሄዋጥ ጉይያን፡ ወርሰላይ ጋካናዎ።”

ባሻ ቱናተላ  
(ማር. 13:14-23፤ ሉቃሳ 21:20-24)

15 “ሄዎ ድራወ፡ ናብያ ዳኔል አዲዳ ባሻ ቱናተላይ ጌሻ ሳን ኤቄዳዎ ህንተንቱ በእና፤ ሄዌ ዋግያዌንቶ፡ ናብብያዌ አኬኮ።

16 “ይሁዳ ጋድያን ሄ ዎደ ደእያዎንቱ ደርያኮ ከሰና።

17 ጎልያ ሁጺያን ደእያ ኡራይካ ባረ ሶይን ደእያዎ አካናወ ዎጾ።”

18 ጋደን ደእያዌ ባረ ማዩዋ አካናወ ጉየ ሰዋ።”

19 ሄ ዎደ ሻሃራ ማጫዎንቶን ጳንሉያ ማጫዎንቶ አየር።

20 ባልጉዋን ዎይ ሳምባታን ህንተንቱ በተና ማላ፡ ጸሳ ዋሰተ፤

21 አያወ ጎጥ፡ አላሚ መጠቅደጥ ሆቹ ጋካናወ ደእቤናባይነ ቃይ ሀዋጥ ስንላወካ ኡባ ደኤና ኢታ ዋዩ ሄ ዎደ ደእናዎ።

22 ጸሳይ ሄ ጋላሳቱዋ ፓይዲዋ ጉልያዌ ባዌንቶ፡ አሳ ግዴዳ ኦንነ አተና፤ ሽን እ ባረ ዶሬዳ አሳቱዋ ድራወ፡ ሄ ጋላሳቱዋ ፓይዲዋ ጉላናዎ።

23 “ሄ ዎደ ኦንነ ህንተንታ፡ «በእተ። ክርሰቶስ ሀዋን ደኤ» ፡ሄዋን ደኤ» ያጎጥ አዋ አማናጥተ።

24 አያወ ጎጥ፡ ዋርዶ ክርሰቶሳቱን ዋርዶ ናባቱ ደንዳና፤ ያቲደ ባረንቶ ዳንዳየቶጥ፡ ሀራይ አቶ ጸሳይ ደሬዳዎንታካ ባለላናወ ዎልቃማ ማላታን ማላልሰያባ በሳናዎ።

25 በእተ፡ ታን ህንተወ ሄዋ ካሰታደ አዲድ።

26 “ሄዎ ድራወ፡ አሳይ ህንተንታ፡ «በእተ፡ ክርሰቶስ ባዙዋን ደኤ» ጎጥ፡ ያ ቦፕተ፤ ዎይ ህንተንታ፡ «በእተ፡ ቆልኦን ደኤ» ግንቶካ፡ ኤንቱንቱባ አማናጥተ።

27 አያወ ጎጥ፡ ዋልቃንላይ አዋይፊ ዶልያ ባጋጥ ዋልቃሚደ፡ አዋይፊ ወልያ ባጋ ጋካናወ ጸልቁ ግያዎደን፡ ታ ዩሳይ፡ አሳ ናኦ ዩሳይ፡ ሄዎዳን ሀናናዎ።

28 “ባኩታይ ደእያሳ ሾርቲ ሺቃና።”

አሳ ናኦይ፡ ክርሰቶስ ላኤንሉዋ ያና

(ማር. 13:24-27፤ ሉቃሳ 21:25-28)

29 “ሄ ዎደ ዋይያጥ ጉይያን፡ ኤላካ አዋይ ጳማና፤

አገናይ ፖእያዎ አጋናዎ፤ ጸልንታቱ ሳሉዋጥ ኩንዳናዎንታ፤

ቃይ ሳሉዋን ደእያ ዎልቃቱካ ቃጸታናዎንታ።

30 ሄ ዎደ ታ ማላይ፡ አሳ ናኦ ማላይ፡ ሳሉዋን ቤታናዎ፤ ሳኦን ሄ ዎደ ደእያ አሳ ዛሪ ኡባይ ዩካናዎንታ። ቃይ ታን፡ አሳ ናኦይ፡ ዎልቃናን ዎልቃማ ቦንቹዋና ሳሉዋጥ ሻርያ ግዶና ዩሽን፡ ኤንቱንቱ በእና።

31 እ ባረ ኪታንቻቱዋ ዎልቃማ ማላካታና ኪታና፤ ኪታንቻቱ አላመወ ሀ ጋጸጥ ያ ጋጸ ጋካናወ፡ ቃይ ሳኦን ኦይዱ ባጋጥ አወ ዶረቲዳ አሳ ሺሻናዎ።

ጎዳይ ያና ጋላሳ ማላታ

(ማር. 13:28-31፤ ሉቃሳ 21:29-33)

32 “ሉምሱዋ ባላሳቶ ጌተትያ ሞላትጥ አኬክተ፤ ባላሳታ አጭያ ዎደነ አዝ ሀይላይ ቆለትያ ዎደ፡ ቦኒ ማቲዳዎ ህንተንቱ ኤራንታ።

33 ሄዎዳንካ፡ ህንተንቱ ሄ ኡባባ በእያ ዎደ፡ እ ማቲደ ጥንግያ ሺቄዳዎ ኤርተ።

34 ታን ህንተንቶ ቱሙዋ ኦዳይ፤ ሀ ኡባባይ ሀናና ጋካናወ፡ ሀ ዎድያ አሳይ ሀይቁድገና።

35 ሳሉነ ሳኦይ አጳና፤ ሽን ታ ቃላይ ኡባካ አ።ና።

24:15 ዳኔል 9:27፤ 11:31፤ 12:11 24:21 ዳኔል 12:11፤ ሳዓ 7:14 24:29 ኢሳ. 13:10፤ 34:4፤ ሀዘ. 32:7፤ እዪ. 2:10፤ 31፤ 3:15፤ ሳዓ 6:12-13 24:30 ዳኔል 7:13፤ ዛካ. 12:10-14፤ ሳዓ 1:7

ጎዳይ ያና ጋላሳ ኦንነ ኤረና  
(ማር. 13:32-37፤ ሉቃሳ  
17:26-30፣ 34-36)

36 “ሸን ሄ ጋላሳነ ሄ ሳትያ አወዋ  
ጸላላጥ አትን፤ ሀራይ አቶ ሳሉዋን  
ደእያ ከታንቻቱዋ ግድና፤ ዋይ ታና  
ናእ ግድናካ እንነ ኤርያዌ ባዋ።

37 ታ ዩሳይ፤ አሳ ናእ ዩሳይ፤ ኖሄ  
ዋደ ሀኖዋ ማላ ግዳናዋ።

38 እያዉ ጎጥ፤ ባሻ ሃላ ዩሳጥ ካሰ  
ዋደ፤ ኖሄ ማርካብያን ገሌዳ ጋላሳይ  
ጋካናዉ፤ አሳይ ሜነ ኡሼነ፤ ቃይ አቱማ  
አሳይ እኬነ ማጫ አሳይ አሰና ገሌ።

39 ባሻ ሃላይ ዩደ፤ አንቱንታ  
ኡባ አፋና ጋካናዉ፤ አንቱንታ  
እኬክበይክና፤ ታን፤ አሳ ናእይ፤ ይያ  
ዋዲ፤ ሄዋ ማላ ግዳናዋ።

40 “ሄ ዋደ ላኡ አሳቱ ጋደን  
ኦልያዋንቱጥ አቱዋ አፋና፤ አቱ  
አታናዋ።

41 ላኡ ማጫዋንቱ ዋጸን  
ጋጭያዋንቱጥ አትኖ አፋና፤ አትና  
አታና።

42 “ሰም ሀንተ ጎዳይ አይ ጋላሰ  
ያናዌንቶ ሀንተንቱ ኤረና ድራዉ፤ ናግ  
ኡትተ።

43 ሸን ካይሱ ቃማጥ ዋይሳ ዋድያን  
ያንንቶ ጎልያ ጎዳይ ኤራደንቶ፤ ባረ  
ጎሊ ሶከተና ማላ፤ ቤጎቲደ ናግ  
ኡታናዋ ኤርተ።

44 ሄዋ ድራዉ፤ ሀንተንቱካ ገግ  
ኡትተ፤ እያዉ ጎጥ፤ ታን፤ አሳ ናእይ፤  
ሀንተንቱ ቆጥና ሳትያን ያና።

ኢታነ ሎኦ ቆማ ሊምሱዋ  
(ሉቃሳ 12:41-48)

45 “ያትና፤ ባረ ሶይ አሳዉ ቁማ  
ኮሽያ ዋድያን እማና ማላ፤ አ ጎዳይ  
ሱንሌዳ እማነቱዳ ዋዛናማ ቆማይ  
ኦኔ?

46 እ ሄዋዳን ኦልሸን፤ አ ጎዳይ ዩደ  
ደምያ ቆማይ እንጀቱዳዋ።

47 ታን ሀንተንቶ ቱሙዋ ኦዳይ፤  
ጎዳይ ሄ ቆማ ባረዋ ኡባ ሶላ ሱንላና።

48 ሸን ቆማይ ኢታ ግደጥ፤ ታ  
ጎዳይ ጋምኢደ ያናዋ፤ ያገደ ባረ  
ዋዛናን ቆጥደ።

49 ባረ ላገላ ቆማቱዋ ዋቋ ደሞጥ፤  
ማሶትያዋንቱና ሞጥነ ኡሾጥ፤

50 ሄ ቆማ ጎዳይ እ ቆጥቤና ጋላሳንነ  
እ ኤርቤና ሳትያን ያና።

51 ሄዋጥ ጉይያን አ ቃንጸሬሊደ።\*  
ሎኦ ማላትያ ኢታ አሳቱ ደእያ ሳን  
ዋሉና፤ ሄዋን እ ዩካናነ አቻ ቋቃና።

## 25

ታሙ ዋደራቱዋ ሊምሱዋ

1 “ሄ ዋደ ሳሉዋ ካወተሳይ ባረንቱ  
ኩራዝያ ኦይቂደ፤ ማቻቶ እክያዋ  
ሞካናዉ ካረ ከሴዳ ታሙ ዋደራቱዋ  
ማላታና።

2 አንቱንቱጥ አቼሻቱ ሶዛቱዋ፤ ቃይ  
አቼሻቱ ጭንጫ።

3 ሶዛቱ ባረንቱ ኩራዝያ ኦይቂድና፤  
ሸን ለምባ ኦይቂብይክና።

4 ሸን ጭንጫቱ ባረንቱ ኩራዝያን  
ጸራሙሰያን ለምባ ኦይቂድና።

5 ማቻቶ እክያዌ ዬናን ጋምእና፤  
ሄ ዋደራቱ ባረንታ ገምእሸሰና ግሰ  
ኤጌድና።

6 “ብላሄ ግዴዳ ዋደ፤ ‘ብእተ፤  
ማቻቶ እክያዌ ጋኬዳ፤ አ ሞካናዉ ካረ  
ከሰተ’ ያግያ ዋልቃማ ጫቡ ደንዴዳ።

7 “ሄ ዋደ ሄ ዋደራቱ ኡባቱ  
ቤጎቲደ፤ ባረንቱ ኩራዝያ ገግሴድና።

8 ሶዛቱ ጭንጫቱዋ፤ ና ኩራዝ  
ቶእና ሀንያ ድራዉ፤ ሀንተንቱ ለምባጥ  
ኦዉ እሚርክቱ ያጌድና።

9 “ሸን ጭንጫቱ ዛሪደ አንቱንታ፤  
ኦግተ፤ ኦዉነ ሀንተንቶ ግደና፤ ሄዋ  
ድራ ሀንተዉ ዛልእያዋንቱኮ ቢደ  
ሻም አክተ ያጌድና።

10 ሄዋጥ ጉዩ ሶዛ ዋደራቱ ለምባ  
ሻማናዉ ብድግና፤ ማቻቶ እክያዌ ጉቱ  
ገና፤ ገግ ኡቲዳ አቼሹ ዋደራቱ አናና  
አትጥ ቡላቻ ጎልያ ገሌድና፤ እፍላይካ  
ጎርዶት አጌዳ።

11 “ጉዩጥ ቃይ የኮ ዋደራቱ  
ዩደ፤ ናጎዳዉ፤ ጎዳዉ፤ ኦዉ ደያርኪ’  
ያጌድና።

12 “ሸን ማቻቶ እክያዌ ዛሪደ፤  
ናታን ሀንተንቶ ቱሙዋ ኦዳይ፤ ታን  
ሀንተንታ ኤርከ’ ያጌዳ።

13 “ሰም ታን፤ አሳ ናእይ፤ ያና ጋላሳ  
ዋይ ሳትያ ሀንተንቱ ኤረና ድራዉ፤  
ናግ ኡትተ።

ሄዙ ቆማቱዋ ሊምሱዋ  
(ሉቃሳ 19:11-27)

14 “እያዉ ጎጥ፤ ሳሉዋ ካወተሳይ  
ባረ ቆማቱዋ ጸሴደ፤ ባረዉ ደእያዋ



ኡንቱንቶ ሹዲደ፣ ኦግያ ባና ሀንያ ብታንያ በሴ።

15 ኡንቱንቱ ሁጲያን ሁጲያን ኡንቱንቱ ዋልቃ ኪና እቶ እቹሹ ሻእ ብራ፣ እቶ ላኡ ሻእ ብራ፣ ቃይ እቶ እት ሻእ ብራ እማደ፣ ባረ ኦግያ ቤዳ።

16 እቹሹ ሻእ ብራ እኬዳ ቆማይ ኤለካ ቢደ ዛልኢደ፣ ሀራ እቹሹ ሻእ ብራ ዋድሴደ።

17 ሄዋዳንካ፣ ቃይ ላኡ ሻእ ብራ እኬዳ ቆማይ ሀራ ላኡ ሻእ ብራ ዋድሴደ።

18 ሸን እት ሻእ ብራ እኬዳዌ ቢደ፣ ኦላ ቦኪደ፣ ባረ ጎዳ ሚሻ ሞግ አኬዳ።

19 “ዳሮ ዋድያጥ ጉይያን፣ ሄ ቆማቱዋ ጎዳይ ዪደ፣ ባረ ሚሻ ኡንቱንቱና ሄተቱዳ።

20 እቹሹ ሻእ ብራ እኬዳ ቆማይ ዪደ፣ ሀራ እቹሹ ሻእ ብራ ሹዲደ፣ ናጥ ጎዳዉ፣ ኔን ታዉ እቹሹ ሻእ ብራ እማዳ፤ በእ፣ ሀራ እቹሹ ሻእ ብራ ዋድሳድ፣ ያጌዳ።

21 አ ጎዳይ አ፣ ሳያናሾ! ኔን ሎእነ አማነትያ ቆማ፤ ኔን ጉላባን አማነታዳ። ታን ኔና ዳርባዉ ካፖ ኦላና፤ ሃ ገላደ ነ ጎዳና ናሽታ፣ ያጌዳ።

22 “ቃይ ላኡ ሻእ ብራ እኬዳዌካ ዪደ፣ ናጥ ጎዳዉ፣ ኔን ታዉ ላኡ ሻእ ብራ እማዳ፤ በእ፣ ታን ሀራ ላኡ ሻእ ብራ ዋድሳድ፣ ያጌዳ።

23 አ ጎዳይ አ፣ ሳያናሾ! ኔን ሎእነ አማነትያ ቆማ፤ ኔን ጉላባን አማነታዳ። ታን ኔና ዳርባዉ ካፖ ኦላና፤ ሃ ገላደ ነ ጎዳና ናሽታ፣ ያጌዳ።

24 “እት ሻእ ብራ እኬዳዌ ቃይ ዪደ፣ ናጥ ጎዳዉ፣ ኔን ዘራቤናሳጥ ቆይጭያ አሳ ግድያዋን ካላ ላላቤናሳጥ ማጽያ መቀሰ ባይና አሳ ግድያዋ ታን ኤራይ።

25 ታን ያያድ፤ ያፓደ ባደ ነ ብራ ቢታን ዋጋድ፤ በእ፣ ነ ብራይ ሀዌኩ፣ ያጌዳ።

26 “አ ጎዳይ ዛሪደ፣ አ ሀዋዳን ያጌዳ፤ ሳ ሊታ አዛላ ቆማዉ፣ ታን ዘራቤናሳጥ ቆይጭያ አሳ ግድያዋን ካላ ላላቤናሳጥ ማጽያ አሳ ግድያዋ ኤራዲ?

27 ያትና፣ ኔን ታ ሚሻ ዋድሰያዋንቱ ማታን ዋሌዳዋ ግድንቶ፣ ታን ሰምያ ዋደ ታ ሚሻ ዋድያና አካናዋሽን አቴዳ።

28 ሄዋ ድራዉ፣ ሄ ሚሻ አጥ ዋሐ አኪደ፣ ታሙ ሻእ ብራይ ደእያዋ እምተ።

29 እያዉ ጎጥ፣ ደእያ ኡባዉ ሀራይ ጉጀታና፤ አ ባረዉ ግድያዋጥ ዳርሲደ አካና፤ ሸን ባይናዋ ሀራይ አቶ፣ ሄ አዉ ደእያ ጉላይካ አጥ አከታናዋ።

30 ጎኤና ቆማ ካረ ጴማ ከሰ ኦልተ፤ ሄዋን አ ዬካናን ባረ አቻ ጳቃና፣ ያጌዳ።

ዋድያ ዉርሰላን ሀናና ፕርዳ

31 “ታን፣ አሳ ናኤይ፣ ኪታንቻቱዋ ኡባቱዋና ቦንቹዋን ይያ ዋደ፣ ታ ቦንቹ ካዉተላ ኦይድያን ኡታና።

32 ጎኤን ደእያ አሳይ ኡባይ ታ ሰንላ ሸቃናዋንታ፤ ሄምያዌ ዳርሳቱዋ ዴሻቱዋጥ ሻክያዋዳን፣ ታን ሄ አሳ ላኡ ከሳይ ሻካና።

33 ቃይ ዳርሳቱዋ ታጥ ኡሸቻ ባገና ኤሳደ፣ ዴሻቱዋ ታጥ ሀድርሳ ባገና ኤሳና።

34 “ሄዋጥ ጉይያን፣ ታን ካቲ ታጥ ኡሸቻ ባገና ደእያዋንታ ሀዋዳን ያገና፤ ናጥ አቡ እንጄዳዋንቶ፣ ሃ ዪደ ሳእይ መቶደጥ ሀቼ ጋካናዉ፣ ሀንተንቶ ጊዬዳ ካዉተላ ላትተ።

35 እያዉ ጎጥ፣ ታን ኮሻትና ሞዜድታ፤ ሳመትና ኡሹድታ፤ እማላ ግዳደ ቢናካ ሞኬድታ።

36 ታን ካሎትና ማይዜድታ፤ ሀርግና በኤድታ፤ ቃሽትና ታኮ ጋኪደ ኦቹድታ፣ ያገና።

37 “ሄዋጥ ጉይያን፣ ጽላቱ ዛሪደ፣ አ ሀዋዳን ያገና፤ ሳዳዉ፣ ኔን ኮሻትና፣ አዉደ በኢደ ሞዜደ? ዋይ ኔን ሳመትና፣ አዉደ በኢደ ኡሹደ?

38 ኔን እማላ ግዳደ ዪና አዉደ በኢደ ሞኬደ? ዋይ ኔን ካሎትና አዉደ ማይዜደ?

39 ቃይ ኔን ሀርግና፣ ዋይ ቃሽትና ኔኮ ቢደ እዉደ ኔና በኤደ? ያገናዋንታ።

40 ታን ካቲ ዛሪደ፣ ናጥ ሀንተንቶ ቱሙዋ ኦዳይ፤ ሀንተንቱ ሀ ታ እሻቱዋ ኡባጥ ሀራይ አቶ፣ ላፍያ እቶ ኡሌዳዋ ግድንቶካ፣ ሄዋ ታዉ ኡሌድታ፣ ያገና።

41 “ሄ ዋደ፣ ታጥ ሀድርሳ ባገና ደእያዋንታ ታን ያገና፤ ሳ ሸቀቱዳዋንቶ፣ ታ ማታጥ ክችተ፤ ቢደ ጸላህያ ካፖን አ ኪታንቻቶ ጊዬዳ መድና ታማን ገልተ።

42 እያው ጎጥ፣ ታን ኮሻትና፣ ታና ምዝብይክታ፣ ሳመትና ኡሸበይክታ።

43 ታን እማላ ግዳደ ቢና፣ ታና ምዝብይክታ፣ ካሎትና ማይዝበይክታ፣ ቃይ ሀርግና፣ ቃሸትናካ ታና በእበይክታ” ያጋና።

44 “ሄ ዋደ ኡንቱንቱ ቃይ ሀዋዳን ያገደ ዛራናዋንታ፣ ጎዳወ፣ ኔን ኮሻትና ዋይ ሳመትና፣ ዋይ እማላ ግዳደ ቢና ዋይ ካሎትና፣ ዋይ ሀርግና ዋይ ቃሸትና፣ እወደ በኢደ፣ ኔና ማደናን እጹዳ?” ያጋናዋንታ።

45 “ሄ ዋደ ታን ካቲ ዛራደ ኡንቱንታ፣ ታን ሀንተንቶ ቱሙዋ ኡዳይ፣ ሀንተንቱ ሀ ኡባጥ ላፍያ እቱዋ ማደናን እጹዳዋ፣ ታና ማደናን እጹዳዋ” ያጋና።

46 ሄዋንቱ መድና ሙራወ ባና፣ ሸን ጽላቱ መድና ደኦ ባና” ያገደ።

### 26

የሱሳ ቦላ ማቀቴድና

(ማር. 14:1-2፤ ሉቃስ 22:1-2፤ ዮሃ. 11:45-53)

1 የሱሳ ሀ ትምርትያ ኡባ ወርሴዳ ዋደ፣ ባረና ካልያዋንታ።

2 “ላኡ ጋላሳጥ ጉይያን፣ ፓሰጋ ባላ ቦንቶያ ጋላሳ ግድያዋ ኤሪታ። ሄ ጋላሰ ታና፣ አሳ ናኦ፣ አሳይ ማሰቃልያ ቦላ ምሰማርያን ድሽደ ካቃናወ አሊደ እማና” ያገደ።

3 ሄ ዋደ ቁሳቱዋ ካፓቱን ጋድያ ጫማቱ ቃያፋ ጌተትያ ቁሳቱዋ ኡባቱዋ ካፑዋ ዋጋ ጎልያን ሸቂደ።

4 አሳይ ኤረናን የሱሳ ኦይቂደ፣ ዋዳናወ ማቀቴድና።

5 ሸን ኡንቱንቱ፣ “አሳይ ዋላሳ ከሰና ማላ፣ ፓሰጋ ቦንቶያ ጋላሰ ሄዋ ኦሎኮ” ያገደና።

እት ማጫ ምሽራታ የሱሳ ሸቱዋ ጫጫፋዱ

(ማር. 14:3-9፤ ዮሃ. 12:1-8)

6 የሱሳ ቢታንያ ካታማን ኦሎዋ ሀርግያ ሰሞና ሶይን ደእሸን።

7 እት ምሽራታ አልባሰጽሮሳ ጌተትያ ሹቻጥ ኦሰቱዳ አልባሰጽሮሳ ባሪታ ኩሜዳ ዳሪ አልኦ ሸቱዋ አካደ ዩዳወና ቁማ እ ማና፣ ሄ ሸቱዋ የሱሳ ሁጲያን ጫጫፋዱ።

8 ሸን የሱሳ ካልያዋንቱ ሄዋ በኢደ፣ “ሀ ሸቱዋ ጮ ባይዙሳይ እያሴ?”

9 እያው ጎጥ፣ ሀ ሸቱዋ አልኦ ጋትያን ዛልኢደ፣ ሚሻ ሀዬሳወ እማናወ ዳንዳየቱ” ያገደና።

10 የሱሳ ኡንቱንቱ ግያዋ ኤሪደ፣ ኡንቱንታ ሀዋዳን ያገደ፣ “ሀ ምሽራቶ እያው ዋይሲቱ? እዛ ታወ ሎኦባ ኦላዱ።

11 ሀዬሳቱ ኡባ ዋደ ሀንተናና ደኢና፣ ሸን ታን ሀንተናና ኡባ ዋደ ደእሸ።

12 እዛ ሀ ሸቱዋ ታ ቦላ ትግያዌ ታና ሞጋናወ ገግሳናሳ።

13 ታን ሀንተንቶ ቱሙዋ ኡዳይ፣ ሳኦ ኡባን ሀ ዋንጋላ ምሽራቹዋ ኦድያሳን ሀቃን፣ አሳይ እዛ ዋዛና አሳና ማላ፣ እዛ ኦሴዳዌ ኦደታናዋ” ያገደ።

ይሁዳይ የሱሳ አሊደ እማናወ የወዋን ጊጌዳ

(ማር. 14:10-11፤ ሉቃስ 22:3-6)

14 ሄ ዋደ ታማን ላኡ የሱሳ ካልያዋንቱጥ እቱ ይሁዳ አሰቆሮቱ ያገትያዌ ቁሳቱዋ ካፓቱዋኮ

15 ቢደ፣ “ታን ሀንተንቶ የሱሳ ኦይፍጥ፣ ታወ እያ እማንቱ?” ያግና ኡንቱንቱ እወ ሀታሙ ብራ ቆፒደ እሚድና።

16 ሄዋጥ ጉይያን፣ ይሁዳይ የሱሳ አላ እማናወ እንጀትያ ዋድያ ዋቹ።

የሱሳ አይሁዳቱ ፓሰጋ ካወዋ ባረና ካልያዋንቱና ሜዳ

(ማር. 14:12-21፤ ሉቃስ 22:7-14፣ 21-23፤ ዮሃ. 13:21-30)

17 ባላ ዳቡዋ ምያ ጋላሳ ቦንቶያ ኮይሮ ጋላሰ፣ የሱሳ ካልያዋንቱ እኮ ዩደ፣ “ፓሰጋ ቦንቶያ ጋላሰ ኔን ማና ቁማ ሀቃን ገግሳኔ?” ያገደና።

18 ሄዋጥ ጉየ የሱሳ ኡንቱንታ፣ “ካታማ ቢደ፣ እት ብታንያ፣ ታማርሰያዌ ኔና፣ ታወ ዋዲ ጋኬዳ፣ ታን ታና ካልያዋንቱና ፓሰጋ ቦንቶያ ጋላሳ ነ ሶይን አላና” ጌዳ ጌተ” ያገደ።

19 እ ካልያዋንቱ የሱሳ ባረንታ እዛዘዋደን አሊደ፣ ፓሰጋ ቦንቶያ ጋላሰ ማና ቁማ ገግሴድና።

20 ሳኦይ ኦማርሴዳ ዋደ፣ የሱሰ ታማን ላኤ ኦ ካልያዋንቱና ቁማ ማናዉ ኡቲዳ።

21 ኡንቱንቱ ሚሸን፣ የሱሰ ኡንቱንታ፣ “ታን ሀንተንቶ ቱሙዋ ኦዳይ፤ ሀንተተ እት ኡራይ ታና አሊደ እማናዋ” ያጌዳ።

22 ኡንቱንቱ ዳሪ ዳጋሚደ፣ ሁጲያን ሁጲያን፣ “ጎዳዉ፣ ቱሙ ታኔሻ?” ጉሳ ደሚድና።

23 የሱሰ ዛሪደ፣ “ባረ ኩሽያ ታናና እትጥ ዋጪትያጥ የዲደ ቱሽያዌ ታና አላ እማና።

24 ታን፣ አሳ ናኦይ፣ ጸሳ ማጻፋይ ሀይቃና ጌዳዋዳን ሀይቃና፤ ሸን ታና፣ አሳ ናኦ፣ አላ እምያ ኡራዉ አየር፤ ሄ ኡራይ የለተናን አቴደንቶ አዉ ሎኦ ሸን” ያጌዳ።

25 አ አላ እምያ ይሁዳይ ዛሪደ፣ “ታማርሲያዎ፣ ኔን ግያዌ ታኔ?” ያጌዳ።

የሱሰ ዛሪደ አ፣ “ኔን ነ ሁጲያን ጋዳ” ያጌዳ።

ጎዳ ካዉዋ አክያ ዋጋ (ማር. 14:22-26፤ ሉቃሳ 22:15-20፤ 1 ቆር. 11:23-25)

26 ኡንቱንቱ ሚሸን፣ የሱሰ ዳቡዋ አኪደ፣ ጸሳ ጋላቲዳ፤ ሄ ዳቡዋ መንግራሊደ፣ ባረና ካልያዋንቶ እሚደ፣ “ሄይተ፤ ሚተ፤ ሀዌ ታ አሹዋ” ያጌዳ።

27 ጹኦ አኪደ፣ ጸሳ ጋላቲዳ። ኡንቱንቶ እሚደ፣ “ኡባይ ሀዋጥ ኡሸተ፤

28 አያዉ ጎጥ፣ ሀዌ ዳር አሳ ናጋራይ አቶ ጌተታና ድራዉ ጉክያ ታ ሱላ፤ ታ ሱላይ ኦራሳ ጫቁዋ።

29 ሸን ታን ሀንተንቶ ኦዳይ፤ ታን ታ አቡ ካዉተላን ኦራሳ ዋይንያ ኤሳ ሀንተንቱና ኡሻና ጋላሳይ ጋካናዉ፣ ላኤንሱዋ ሀ ዋይንያ ኤሳ ኡባካ ኡሸከ” ያጌዳ።

30 ማዘሙርያ የጸዋጥ ጉይያን፣ ደብረ ዛይተ ጌተትያ ደርያ ቤድና።

የሱሰ ጸጽርሰ ካዳናዋ ካሰቲደ ኦዳዳ (ማር. 14:27-31፤ ሉቃሳ 22:31-34፤ ዮሃ. 13:36-38)

31 የሱሰ ሄ ዋደ ኡንቱንታ፣ “ሀቼ ቃማ ሀንተንቱ ኡባይ ታና አጌደ ክቻና፤ አያዉ ጎጥ፣ ጸሳ ማጻፋይ፣ “ጸሳይ ደርሳ ሄምያዋ ዋቆናዋ፤ ሄዋጥ ጉይያን ደርሳ ዉዲ ላለታናዋ”

ያጌ። 32 ሸን ታን ሀይቁዋጥ ደንደዋጥ ጉይያን፣ ሀንተተ ካሰታደ ጋሊላ ባና” ያጌዳ።

33 ጸጽርሰ ዛሪደ፣ “ኡንቱንቱ ኡባቱ ኔና አጌደ ክቻናዋንታ፤ ታን ኔና ኡባካ የጋደ ክቻከ” ያጌዳ።

34 የሱሰ ጸጽርሳ፣ “ታን ነዉ ቱሙዋ ኦዳይ፤ ሀቼ ቃማ ኩቱ ዋሳናጥ ካሰ፣ ኔን ታና ሄዙ ካላ ካዳናሳ” ያጌዳ።

35 ጸጽርሰ ዛሪደ፣ “ታን ሀራይ አቶ፣ ኔናና እትጥ ሀይቁንቶካ፣ ኔና ኡባካ ካድከ” ያጌዳ። ቃይ የሱሳ ካልያዋንቱ ኡባቲካ ሄዋዳን ጌድና።

የሱሰ ጌተሰማንያን ዋሴዳ (ማር. 14:32-42፤ ሉቃሳ 22:39-46)

36 የሱሰ ሄ ዋደ ባረና ካልያዋንቱና ጌተሰማንያ ጌተትያሳ ቢደ ኡንቱንታ፣ “ታን ሀን ባደ ጸሳ ዋሰሸን፣ ሀንተንቱ ሀዋን ኡትሸተ” ያጌዳ።

37 ሄዋጥ ጉየ ጸጽርሳን ዛብድዮሳ ናና ላኡዋ ባረናና አፊደ፣ ዳር ካዩዋን ኡጋ ደሚዳ።

38 ቃይ ኡንቱንታ፣ “ታን ሀይቃና ጋካናዉካ ካየታይ፤ ሀዋን ቤጎቲደ፣ ታናና ናግተ” ያጌዳ።

39 ላፋ ሰንሳኮ ሸቂደ፣ ሳኦን ጉፋኒደ፣ “ታ አቡ፣ ዳንዳየትያዋ ግደጥ፣ ሀ ጹኦ ታጥ ድጋ፤ ሸን ኔን ኮይያዋዳን ሀናጥ አትን፣ ታን ኮይያዋዳን ሀናጥ” ያጌደ ጸሳ ዋሴዳ።

40 የሱሰ ባረና ካልያዋንቱከ ሰሚደ ዬዳ፤ ገምእሸዋንታ ደሚደ ጸጽርሳ፣ “ሀንተንቱ እት ሳተንቶካ ገምእሸናን ታናና ናጋናዉ ዳንዳይቤይክቱ፤

41 ጋጭያን ሀንተንቱ ገለና ማላ፣ ሞንጎን ጸሳ ዋሰተ፤ አያናይ ገገ ኡቲዳ፤ ሸን አሳተላ ኡሻይ ዳቡራንቻ” ያጌዳ።

42 የሱሰ ቃይ ላኤንሱዋ ቢደ፣ “ታ አቡ፣ ታን ሀ ዋልቃማ መቱዋ እከናን ደእሸን ጹኦ ደንላናዉ ዳንዳየተናዋ

ግድፍ፣ ኔን ግያዌ ሀኖ” ያጊደ ጸሳ ሞሴዳ።

43 ቃይካ ሰም ዪደ፣ እ ካልያዋንቱ አይፍያ ገምእሹ ጎዝ ዋሌዳ ድራሬ፣ ገምእሹዋንታ ደሜዳ።

44 ቃይካ ኡንቱንታ የግ ቢደ፣ ሄዘንሉዋ ካሰ ቃላ ዛሪደ፣ ጸሳ ሞሴዳ።

45 ሄዋፕ ጉይያን፣ ባረና ካልያዋንቶ ዪደ፣ “ሀእ ጋካናዉካ ገምእሹቲነ ሸምፕቲቲ? በአተ፣ ታና፣ አሳ ናኣ፣ ናጋራንቻ አሳቶ አሊደ እምያ ዋዲ ጋኪዳ።

46 ደንድና ቦይተ፤ በአተ፣ ታና አሉ እምያዌ ሀዌኩ ጋኪዳ” ያጊደ።

የሱስ ባረ ሞርከቱዋን ኦይቀቲዳ (ማር. 14:43-50፤ ሉቃሳ 22:47-53፤ ዮሃ. 18:3-12)

47 የሱስ ሄዋ ብር ሃሳይሸን፣ ታማነ ላኡ እ ካልያዋንቱፕ እቲ፣ ይሁዳይ፣ ጋክ ዋዴዳ፤ ቃይ ቁሳቱዋ ካፓቲነ ጋድያ ጭማቱ ከትና፣ ማሻነ ጸምእ ኦይቁዳ ጮራ አሳይ አናና እትፕ ዬዳ።

48 የሱሳ አሉ እምያዌ ሄ ጮራ አሳ፣ “ታን የርያዌ እ፤ እ ኦይቁተ” ያጊደ ማላ ኦድ ዋሌዳ።

49 ኡለካ የሱሳኩ ሸቂደ፣ “ታማርሲያዋ፣ ሳር ደእይ” ያጊደ አ የር እኬዳ።

50 የሱስ ይሁዳ፣ “ታ ላገዉ፣ ኔን አላናባ አሳ አጋ” ያጊደ።

ሄዋፕ ጉይያን፣ ሄ ጮራ አሳይ ሸቂደ፣ የሱሳ ሎይሉ ኦይቁዳ።

51 የሱሳና ደእያዋንቱፕ እቲ ባረ ማሻ ከሲደ ቁሳቱዋ ኡባቱዋ ካፑዋ ቆማ ሀይሳ ቃንጽ ኦሌዳ።

52 የሱስ ሄ ዋደ እ ሀዋዳን ያጊዳ፤ “ነ ማሻ አኪዳሳን ዛራደ ዋሳ፤ አያዉ ሳፕ፣ ማሻ ደንሉያ ኡባይ ማሻን ሀይቃና።

53 ታ አቡ ዳር ሻእ ከታንቻቱዋ እት ኩላን የዲደ፣ ታና ማዳና ማላ፣ ታን አ ዋሳናዉ ደንዳይያዋ ኤርኪ?

54 ያትና፣ ጸሳ ቃላይ ሀዋዳን ሀናናዉ በሴ ያጊዳዌ ዋኒደ ፖለታናዉ ደንዳዪ?” ያጊደ።

55 ሄዋፕ ጉይያን፣ የሱስ ሄዋን ሸቂዳ ጮራ አሳ ሀዋዳን ያጊዳ፤ “ታና ካይሶ ከሲደ፣ ካይሱዋ ኦይቁያዋዳን ኦይቃናዉ ማሻነ ጸምእ ኦይቁደ ዬድቲ? ታን ጌሻ ጎልያን ታማርሳደ፣

ጋላሳን ጋላሳን ህንተንቲና አልያ ዋደ ታና ኦይቁበይክታ፤

56 ሸን ሀዌ ኡባይ ሀይዳዌ ናባቲ ጸሳ ቃላን ጸፌዳዌ ፖለታናሳ” ያጊዳ። የሱሳ ካልያዋንቱ ሄ ዋደ ኡባቲ አ የግ ቤድና።

የሱስ ፕርዳ ሻንጎ አዴዳ (ማር. 14:53-65፤ ሉቃሳ 22:54-55፣ 63-71፤ ዮሃ. 18:13-14፣ 19-24)

57 የሱሳ ኦይቁዳዋንቲ ቁሳቱዋ ኡባቱዋ ካፑዋ ቃያፋኩ፣ ህግያ ታማርሲያዋንቲነ ጭማቲ ሸቂዳሳ አኪደ ቤድና።

58 ሸን ጸጽርሰ ቁሳቱዋ ኡባቱዋ ካፑዋ ድርሳ ግደ ጋካናዉ፣ ሃኩዋን አ ካሊዳ፤ የዉዋ ዉርሰላ በአናዉ ድርሳ ግደ ገሊደ፣ ናግያዋንቲና ኡት አጌዳ።

59 ቁሳቱዋ ካፓቲነ ሸቂዳ አሳይ ኡባይ የሱሳ ዋሳናዉ እ ቦላ ዋርዲዋ ማርካ ደማናዉ ኮዬድና።

60 ሸን ሀራይ አቶ ጮራ አሳይ ዪደ፣ አ ቦላ ዋርዲዋን ማርካትናካ አፕ አይነ ደምበይክና። ጉየፕ ላአቲ ዪደ፣

61 “ሀ ብታኒ፣ ታን ጸሳ ጌሻ ጎልያ ኮላደ፣ ሄዙ ጋላሳን ዛራደ ኬዳናዉ ደንዳይያ ጌዳ” ያጊደና።

62 ቁሳቱዋ ኡባቱዋ ካፑ ደንድ ኤቂደ የሱሳ፣ “ሀዋንቲ ኔና ሞትያ ሞቶ ነዉ ዛርያባይ ባዌ?” ያጊዳ።

63 ሸን የሱስ ጮኡ ጌዳ፤ ቃይካ ቁሳቱዋ ኡባቱዋ ካፑ አ፣ “ታን ኔና ደኡዋ ጸሳ ስንላን ጫላይ፤ ኔን ጸሳ ናኣ ክርሰቶሳ ግድፕ ኑዉ ኦዳ” ያጊደ።

64 የሱስ ዛሪደ፣ “ኔን ነ ሁጸዉካ ጋዳ፤ ሸን ታን ህንተንቶ ኡዳይ፤ ሀዋፕ ስንላን፣ ህንተንቲ ታና፣ አሳ ናኣ፣ ዋልቃማ ጸሳፕ ኡሸቻ ባጋና ኡቲዳዋነ ሳሉዋ ሻርያና ዪሸን በአና” ያጊዳ።

65 ሄዋፕ ጉይያን፣ ቁሳቱዋ ኡባቱዋ ካፑ ባረ ማዩዋ ፔድ ኦሊደ፣ “ሀዌ ቦሬዳ፤ ኔና ሀዋፕ ስንላን አያዉ ሀራ ማርካ ኮሺ? አ ሀእ ቦርያዋ ህንተንቲ ሰሴድታ።

66 ህንተንቲ ቆፋይ እዬ?” ያጊዳ። አንቲንቲ፣ “አዉ ሀይቁ በሴ” ያጊደ ዛራድና።

67 ሄዋፕ ጉይያን፣ ኡንቲንቲ አ ደሙዋን ጨቺደ፣ አ ደቺድና፤ ሀራንቲ ቃይ አ ባቂደ፣

68 “ክርስቶስ! ኔን ኔና ናበ ገሳሽን፣ ኔና ሾጩዳዊ እነንቶ እነ ኑወ ኦዳ!” ያጌድኖ።

ጳጳሮስ የሱሳ ካዴዳ (ማር. 14:66-72፤ ሉቃስ 22:56-62፤ ዮሃ. 18:15-18፣ 25-27)

69 ጳጳሮስ ጎልያፕ ካረና ድርሳ ግዶን ኡት ደእሸን፣ እት ቆማታ እኮ ያደ፣ “ኔንካ ጋለላ የሱሳና እትፕ ደእ” ያገዱ።

70 ሸን እ ኡንቱንቱ ኡባ ሰንላን ሄ ቆማቶ፣ “ኔን ግያዌ አየንቶ ታን ኤርከ” ያጌድ ካዴዳ።

71 ቃይ ቢደ ድርሳ ፐንግያኮ ከሰሸን፣ ሀራ ቆማታ አ በእደ፣ ሄዋን ደእያ አሳቶ፣ “ሀ ብታኒ ናዝራትያ የሱሳና ደኤ” ያገዱ።

72 ጳጳሮስ ላኤንሉዋ ጫቂደ፣ “ታን ሄዋ ብታንያ ኤርከ” ያጌዳ።

73 ላፋ ጋሞእሸን፣ ሄዋን ኤቄዳ አሳይ ጳጳሮሳኮ ዪደ፣ “ኔንካ ቱማ ኡንቱንቱና እትፕ ደእ፤ አያወ ጎፕ፣ ኔን ሃሳይያ ሃሳያይካ ኔና ኤርሴ” ያጌድኖ።

74 ሄዋፕ ጉይያን ጳጳሮስ፣ “ታን ሄዋ ብታንያ ኤርከ!” ያጌደ፣ ባረና ሸቃ፤ ጫቁዋ ደሚዳ።

ሄ ዋደ ኤለካ ኩቱ ዋስ አጌዳ።

75 ጳጳሮስ ባረና የሱሳ፣ “ኔን ኩቱ ዋሳናፕ ካስ ሄዙ ካላ ታና ካዳናሳ” ጌዳዋ ሀሳዪደ፣ ካረ ከሲደ፣ ሴለት ዩኬዳ።

## 27

የሱሳ ጳላጸሳ ሰንላ ፕርዳወ ሸቄዳ

(ማር. 15:1፤ ሉቃስ 23:1-3፤ ዮሃ. 18:28-32)

1 ዋንታ ጉራን ቄሳቱዋ ካፓቱ ኡባቱን ጋድያ ጭማቱ የሱሳ ዋዳናወ ማቀቱድኖ፤

2 ኡንቱንቱ የሱሳ ቃች አፊደ፣ ጋድያ አይሰያ ጳላጸሳወ አላ እሚድኖ።

3 የሱሳ ሄ ዋደ ኦይጫዳ ይሁዳይ ጳላጸሰ የሱሳ ቦላ ፕርዴዳዋ በኢደ፣ “አዬር! አይፍን አጋርክታ!” ያጌደ፣ ሄ ማንእያን ሀታሙ ብራ ቄሳቱዋ ካፓቱን ጋድያ ጭማቶ ጉየ ዛሪደ።

4 “ታን ጌሻ አሳ ኦይላደ ናጋራ አላድ” ያጌዳ።

ሸን ኡንቱንቱ እ፣ “ሄዌ ኑወ አያ ሙቱ? ሄዌ ነ ሸን” ያጌድኖ።

5 ይሁዳይ ብራ ጌሻ ጎልያን ኦል አጌዳ፤ ኡንቱንቱ ማታፕ ቢደ፣ ሱለት ሀይቄዳ።

6 ቄሳቱዋ ካፓቱ ብራ አኪደ፣ “ሀ ብራይ ሱላ ሚሻ ግድሸን፣ ኔን ጌሻ ጎልያ ሚሻና ጋልያዌ ዋጋ ግድና” ያጌድኖ።

7 ሄዋፕ ጉየ እትፕ ዘረቲደ፣ እማላ አሳወ ሞጎ ጋድያ አላናወ ኡርቃፕ ሚሻ ሙድያዋንቱ ጋድያ ሻሚድኖ።

8 ሄዋ ድራወ፣ ሄ ጋዲ ሀቹ ጋካናወካ፣ ሱላ ጋድያ ጌተቲደ ጸሰቱ።

9 ናብያ ኤርማስ፣ “ኡንቱንቱ እወ እማናወ ቆፔዳ ሀታሙ ሹቻ ብራ አኪደ።

10 ጎዳይ ታና አዛዘዋዳን፣ ኡርቃፕ ሚሻ ሙድያዋንቱ ጋድያ ሻማናወ እሚድኖ” ጌተቶዌ ሄ ዋደ ፖለቲዳ ጌዳ።

ጳላጸሰ የሱሳ ኡባባ ኦቹዳ (ማር. 15:2-5፤ ሉቃስ 23:3-5፤ ዮሃ. 18:33-38)

11 የሱሳ ጋድያ አይሰያዋ ሰንላ ሸቅና፣ ጋድያ አይሰያዌ እ፣ “ኔን አይሁዳቱዋ ካቱ?” ያጌደ አቹዳ።

የሱሳ እ፣ “ኔንካ ጋደእ” ያጌዳ።

12 ቄሳቱዋ ካፓቱን ጋድያ ጭማቱ አ ሞትና፣ ኡንቱንቶ አይነ ዛራዋ እምቤና።

13 ሄ ዋደ፣ ጳላጸሰ የሱሳ፣ “ሀዋንቱ ኔና ሞትያባ ኡባ ሰሰኪ?” ያጌዳ።

14 የሱሳ ሀራይ አቶ፣ እት ቃላካ ዛረናን እጽና፣ ጋድያ አይሰያዋንቱ ዳሪ ማላለቲዳ።

የሱሳ ሀይቆ ፕርደቲዳ (ማር. 15:6-15፤ ሉቃስ 23:13-25፤ ዮሃ. 18:39-40፤ 19:1-16)

15 ጋድያ አይሰያዌ ፓሰጋ ቦንቻያ ጋላሳን፣ አሳይ ኮይያ እት ኡራ ቃሹዋፕ ብልያ ዋጋይ ደኤ።

16 ሄ ዋደ እት ባርባና ጌተትያ የሱሳ ዳሮ ኤረቲዳ ኢታ ብታኒ ቃሾ ጎለን ደኤ።

17 ሄዋ ድራወ፣ ጮራ አሳይ እትሳ ሸቄዳሳን ጳላጸሰ፣ “ታን ሀንተንቶ ባርባና ግያ የሱሳ ብሎ፣ ዋይ

ክርስቶስ ጌተትያ የሱሳ ብሎ?" ያጊደ እሳ ኦቹዳ።

18 እያዉ ጎጥ፡ ኡንቱንቱ ቃናቲደ የሱሳ ኦሌዳዋ እ ኤሬ።

19 ጽላጸስ ፕርዳ ጎለን ኡት ደእሸን፡ ኦ ማቻታ ኦዉ፡ “ሄ ጽሎ ብታንያ ኦይን ኦላፓ፤ እያዉ ጎጥ፡ ታን ሀቼ ቃማ እኩሙዋን እባን ዳር ሙቶታድ” ያጋደ ኪታዱ።

20 ሸን ቄሳቱዋ ካፓቱን ጋድያ ጭማቱ ጽላጸስ ባርባና ብሊደ፡ የሱሳ ዋቆናዳን፡ ሸቄዳ አሳይ ኦ ዋሳና ማላ፡ አሳ ጭማድና።

21 ጽላጸስ ዛሬደ ኡንቱንታ፡ “ታን ኡንቱንቱ ላእቱዋፕ ሀንተዉ እና ብላናዳን ኮዪቱ?” ያገና ኡንቱንቱ፡ “ባርባና ብላናዳን ኮዪቶ” ያጌድና።

22 ጽላጸስ፡ “ያትና፡ ክርስቶስ ጌተትያ የሱሳ ዋቶ?” ያጊደ ኡንቱንታ ኦቶና ኡባይ፡ “ማስቃልያ ቦላ ሞስማርያን ጽሸቲደ ካቀቶ” ያጌድና።

23 ጽላጸስ አሳ፡ “እያዉ? ኦይ ኢታባ ኦሌዳ?” ያጌዳ።

ሸን አሳይ ካሰዋፕካ ባርንቱ ኮሻ ቆቁ ኦሊደ፡ “ማስቃልያ ቦላ ሞስማርያን ጽሸቲደ እ ካቀቶ” ያጌድና።

24 ዋላሳይ ደንዳናዋፕ አትን፡ ኦይን ሀንናዋ ጽላጸስ በኢደ፡ ሃላ እኪደ፡ “ሀ ብታኒ ሀይቂያዋን ታን ገልክ፤ ሄዋ ሀንተንቱ ኤርተ” ያጊደ ሸቄዳ አሳ ሰንላን ባር ኩሸያ ሜጨቱዳ።

25 ሸቄዳ አሳይ ኡባይ ዛሬደ፡ “ኦ ሱሳ ጎሚ ኑናን ኑ ናና ጋኮ” ያጌዳ።

26 ሄዋፕ ጉይያን፡ ጽላጸስ ባርባና ኡንቱንቶ ብሊዳ፤ ልሱዋን የሱሳ ሸጪደ፡ ማስቃልያ ቦላ ሞስማርያን ጽሸቲደ ካቃናዉ ኡንቱንቶ ኦሊደ እሜዳ።

ዋታዳራቱ የሱሳ ቦላ ቅሊጩድና (ማር. 15:16-20፤ ዮሃ. 19:2-

3)

27 ሄዋፕ ጉይያን፡ ጽላጸስ ዋታዳራቱ የሱሳ ጋድያ እይሰያዋ ቤሩዋ እፍና፡ ዋታዳራቱ ኡባይ ኦ ሞይያን ዩይ እጲደ ኤቂድና።

28 ኦ ማዩዋ ቃር እኪደ፡ ዞኦ ማዩዋ ኦ ማይዜድና።

29 ቃይ እጉንላ ካላቻ ገግሲደ፡ ኦ ሁጲያን ዋሌድና፤ ኦ ኡሸቻ ኩሸያን ማቃ ጸምኦ ኦይሊደ፡ ኦ ሰንላን ጉልባቲደ፡ “ኦይሁዳቱዋ ካተዉ፡ ሳሮ ደእይ!” ያጊደ፡ ኦ ቦላ ቅሊጩድና።

30 ኦ ቦላ ጩቹድና፤ ሄ ማቃ ጸምኦ እኪደ፡ ኦ ሁጲያ ሸጩድና።

31 ኡንቱንቱ ኦ ቦላ ቅሊጩዳዋፕ ጉይያን፤ ዞኦ ማዩዋ አፕ ቃር እኪደ፡ ኦ ማዩዋ ኦ ማይዜድና፤ ቃይ ማስቃልያ ቦላ ሞስማርያን ጽሸቲደ ኦ ካቃናዉ እፊድና።

የሱስ ካቀቱዳ (ማር. 15:21-32፤ ሉቃስ 23:25-43፤ ዮሃ. 19:17-27)

32 ኡንቱንቱ ካር ከሲደ፡ እት ሰሞና ጌተትያ ቀሬና ጋደ አሳ ደሚደ፡ የሱሳ ማስቃልያ ዋልቃን ቶሴድና።

33 ጎልጎታ ጌተትያሳ ጋኬድና። “ጎልጎታ” ያገትያዌ “ሁጲያሳ” ግያዋ።

34 ሄዋን ኡንቱንቱ ጫሜዳ ዋይንያ ኤሳ የሱሳዉ ኡሻናዉ እሜድና፤ ኦ ሄዋ ጋንጽ ጴሊደ፡ ኡሸናን እጴዳ።

35 ኡንቱንቱ ማስቃልያ ቦላ ሞስማርያን ጽሸቲደ ኦ ካቆዋፕ ጉይያን፤ ኦ ማዩዋ ሻኪደ፡ ሳማ የጊደ እኪድና።

36 ሄዋፕ ጉይያን፡ ኦ ናጋናዉ ሄዋን ኡት እኪድና።

37 ቃይ፡ “ሀዌ ኦይሁዳቱ ካትያ የሱሳ” ያጊደ ሞቱ ጸፈቶዋ ኦ ሁጲ ባጋና ዋሌድና።

38 የሱሳና ሄ ዋደ ላኡ ካይሳቱዋ እቱዋ አፕ ኡሸቻ ባጋና፡ ቃይ እቱዋ አፕ ሀድርሳ ባጋና፡ ማስቃልያ ቦላ ሞስማርያን ጽሸቲደ ካቂድና።

39 ኦግያና ኦቲያ አሳይ የሱሳ ካጲደ፡ ባርንቱ ሁጲያ ቃሊደ ቦሬድና።

40 “ጌሻ ጎልያ ኮላደ ሄዙ ጋላሳ ግድን ኬጽያዎ፡ ነ ሁጲያ እሻ፤ ኔን ጸሳ ናኦ ግድፕ፡ እነ ማስቃልያ ቦላፕ ዋቆ” ያጌድና።

41 ሄዋዳንካ፡ ቄሳቱዋ ካፓቱ ሀግያ ተማርሰያዋንቱናን ጭማቱዋና እትፕ የሱሳ ቦላ ቅሊጪደ፡ ሀዋዳን ያጌድና፤

42 “ሀራጊታ አሼዳ፤ ሸን ባረና አሻናዉ ዳንዳናና፡ እ እሰራኤልያ ካትያ፤ እነ ማስቃልያ ቦላፕ ሀእ ዎቶ፤ ኑንካ ቃይ እን አማናና፡፡

43 ጳላን እ አማነቲ፤ ጳላይ አ አሻናዉ ኮዮፕ እነ አሾ፤ አያዉ ጎፕ፡ እ ባረና፡ ታን ጳላ ናኣ፡ ጌ” ያጌድና፡፡

44 ቃይ ሀራይ አቶ፡ እናና ማስቃልያ ቦላ ሞስማርያን ትሸቲደ ካቀቲዳ ካይሳቲካ ሄዋዳን ጊደ፡ አ ቦላ ቅሊጩድና፡፡

የሱስ ሀይቄዳ (ማር. 15:33-41፤ ሉቃሳ 23:44-49፤ ዮሃ. 19:28-30)

45 ኡሱፑን ሳትያፕ ደሚደ፡ ኡዲፑ ሳትያ ጋካናዉ፡ ቢታይ ኡባይ ቆሚዳ፡፡

46 ኡዲፑ ሳት ግድያ ሄራን የሱስ ባረ ቃላ ቶቄ አሊደ፡ “ኡሎሄ፡ ኡሎሄ፡ ላማ ሳባቀታጊ?” ያጌዳ፡፡ ሄዋ ጉሳይ፡ “ታ ጳላዉ፡ ታ ጳላዉ፡ ታና አያዉ ጮኡ ጋድ?” ጉሳ፡፡

47 ሄዋን ኤቄዳ አሳፕ እቲ ሄዋ ሰሲደ፡ “ሀ ብታኒ ኤላሳ ጴሴ” ያጌዳ፡፡

48 ሄ ማንእያን ኡንቲንቲፕ እቲ ዎጺደ፡ እሰፖንጅያ አኪደ፡ ጫላ ዎይንያ ኤሳ ግደ የጊደ፡ ሄዋ ማቃ ጸምኣ ጴራን ዎሊደ፡ ኡሻናዉ አ ደናኮ ሺሼዳ፡፡

49 ሸን የኮንቲ፡ “እነ ደእሻ፡ ኤላሰ አ አሻናዉ ያናቄንቶ በእና” ያጌድና፡፡

50 የሱስ ላኢንሎዋ ባረ ቃላ ቶቄ አላ ዋሲደ፡ ሀይቄ አጌዳ፡፡

51 እኬክተ፤ ጌሻ ጎልያን ካቀቲዳ ጋርዱ ቆዋፕ ዱገ ጋካናዉ፡ ላኡ ከሲደ፡ ቸሸት ዎዴዳ፤ ሳእይ ቃጴዳ፡፡ ቃይ ዛላይካ ጳልቀቲዳ፤

52 ጮራ ዱፋ ደየቲዳ፡፡ ጳላ አሳፕ ጮራቲ ሀይቄዳዎንቲ፡ ሀይቄዋፕ ደንዴድና፡፡

53 ኡንቲንቲ ዱፋዋፕ ከሲደ፡ የሱስ ሀይቄዋፕ ደንደዋፕ ጉይያን፡ ጌሻ ካታማ ቤድና፤ ሄዋን ኡንቲንታ ጮራ አሳማ በኤዳ፡፡

54 ጴቲዋ ካፑን እናና የሱሳ ናግያ ዎታዳራቲ ሳእይ ቃጵያዋን ሄዋን ሀኔዳዋ ኡባ በኤዳ ዎደ ዳር ያዬድና፤ ያሻ ጋሱዋን፡ “ቱሙ ሀዌ ጳላ ናኣ” ያጌድና፡፡

55 ሄዋን ጮራ ማጫዎንቲ፡ ጋሊላፕ ደሚደ፡ የሱሳ ማዲደ ካልያዎንቲ፡ ሃኩዋን ኤቄደ ጴሊና፡፡

56 ኡንቲንቲ ግደን ማግዳላ ጌተትያ ካታማፕ ዬዳ ማይራማ፡ ያቆሳን የሴፎ ደያ ማይራማን ዛብድዮሳ ናና ዳያ ደእና፡፡

የሱስ ሞገቲዳ (ማር. 15:42-47፤ ሉቃሳ 23:50-56፤ ዮሃ. 19:38-42)

57 ሳእይ ኦማርሰያ ዎደ፡ የሴፎ ጌተትያ እት ዱሪ ብታኒ፡ አርማትያሳ ካታማ ብታኒ ዬዳ፤ እ ባረ ሁጳዉካ የሱሳ ካልያዎ፡፡

58 የሴፎ ጵላጸሳኮ ቢደ፡ የሱሳ አሃ አካናዉ ዎሴዳ፤ ጵላጸሰ የሴፎ እመታና ማላ አዛዜዳ፡፡

59 የሱሳ አሃ አኪደ፡ ጌሻ ሞጉዋ ማዩዋን

60 ጸጺደ ባረዉ ሞገታናዉ ሹቻ ዎጩዳ ኦራሳ ጎንጎሎዋ ግደን አ አሃ ዎሌዳ፤ ቃይ ሄ ጎንጎሎዋ ደናን ዎጋ ሹቻ ጎንደርስ ዎሊደ፡ ባሽ ቤዳ፡፡

61 ማግዳላ ካታማፕ ዬዳ ማይራማን የኮ ማይራማ ሄዋን ጎንጎሎዋኮ ሰሚደ ኡቲድና፡፡

62 ሳሞባታዉ ጊትያ ጋላሳፕ ዎንተላ ጋላሰ፡ ቄሳቲዋ ካፓቲነ ፓርሳዋቲ ጵላጸሳና ጋከቲደ፡ ሀዋዳን ያጌድና፤

63 “ሳዳዉ፡ ሄ ዎርዱ ፓጸ ደእያ ዎደ፡ ታን ሄዙ ጋላሳፕ ጉይያን፡ ሀይቄዋፕ ደንዳና፡ ያጎዋ ኮን ሀሳዬዳ፡፡

64 ሄዋ ድራዉ፡ አ ሞጌዳ ጎንጎሎዋ ሄዙ ጋላሳ ጋካናዉ፡ ሎይሳ ናጋና ማላ አዛዛርከ፤ ሄዌ ቆዮፕ አ ካልያዎንቲ ቢደ፡ አ አሃ ዉኢደ አሳዉ፡ ሀይቄዋፕ ደንዴዳ፡ ያጋናዎንታ፤ ላኤንሎያ ባላይ ካሰ ባላፕ ኡባ ያ ኢታና” ያጌድና፡፡

65 ጵላጸሰ ኡንቲንታ፡ “ሀንተንቶ ናግያዎንቲ ደእና፤ ቢደ ሀንተንቶ ዳንዳየትያ ኬና ናግሸተ” ያጌዳ፡፡

66 ሄዋፕ ጉየ ኡንቲንቲ ቢደ፡ ሹቻ ቦላ ማታፋ አታሚደ፡ ቃይ ናግያዎ ያን ዎሊደ፡ የሱሳ ሞጌዳ ጎንጎሎዋ ናግሴድና፡፡

# 28

የሱስ ሀይቁዋጥ ደንዴዳ  
(ማር. 16:1-10፤ ሉቃስ 24:1-12፤ ዮሃ. 20:1-10)

1 ሳዎጣታይ እድና ዋጋ ጋላስ ዋንታ ባካልያን፤ ማግዳላ ጌተትያ ካታማጥ ዬዳ ማይራማነ የኮ ማይራማ የሱስ ሞገቱዳ ጎንጎሉዋ በእናጧ ቤድኖ።

2 ጎዳ ኪታንቻይ ሳሉዋጥ ዎዴዳ ድራጧ። ሳእይ ዳር ቃዴዳ፤ ሄ ኪታንቻይ ዪደ፤ ሹቻ ጎንዶርስ ኦሊደ፤ አ ቦላ ከስ ኡቲዳ።

3 አ ማላይ ዋልቃንሳ ማላቲ፤ አ ማዩካ ሻቻዳን ቦላ።

4 ናግያዋንቱ ኪታንቻጧ ያሻ ኮኮሪደ፤ ሀይቁዳ አሳዳን ሀኔድኖ።

5 ኪታንቻይ ማጫዋንታ ሀዋዳን ያጌዳ፤ “ያዮጥተ፤ እያጧ ጎጥ፤ ማስቃልያ ቦላ ሞስማርያን ድሺደ ካቁዳ የሱሳ ሀንተንቱ ኮይያዋ ታን ኤራይ።

6 አ ሀዋን ባዋ፤ እያጧ ጎጥ፤ አ ባረ ጌዳዋዳንካ ሀይቁዋጥ ደንድ ድጌዳ፤ ሃ ዪደ፤ አ ሞገት ግሶሳ በእተ።

7 ሀንተንቱ ሀእ ኤለካ ቢደ፤ የሱሳ ካልያዋንቶ፤ የሱስ ሀይቁዋጥ ደንድ ድጌዳ። ቃይ አ ሀንተጥ ካሰቲደ፤ ጋሊላ ቤ፤ ሀንተንቱ አ ያን በእና፤ ያገደ ኦድተ። በእተ፤ ታን ሀንተንቶ ኦድድ” ያጌዳ።

8 ኡንቱንቱ ያዩድነ ቃይ ዳር ናሽቲደ፤ የሱስ ሞገቱዳ ጎንጎሉዋ ማታጥ ኤለካ ክቺደ፤ የሱሳ ካልያዋንቶ ኦዳናጧ ዎዴድኖ።

9 ሄ ማንእያን የሱስ ኡንቱንቱና ጋከቲደ ኡንቱንታ፤ “ሳር ደኢቲ” ያግ እጌዳ፤ ኡንቱንቱ አኮ ሸቅ አ ገድያ ኦይቂደ፤ አጧ ጎይኔድኖ።

10 የሱስ ሄ ዎደ ኡንቱንታ፤ “ያዮጥተ፤ ታ እሻቱ ጋሊላ ባና ማላ፤ ቢደ ኡንቱንቶ ኦድተ፤ ኡንቱንቱ ታና ያን በእናዋንታ” ያጌዳ።

11 ሄ ማጫዋንቱ ብያ ዎደ፤ ጎንጎሉዋ ናግያ ዎታዳራቱዋጥ እማራዳዋንቱ ካታማ ቢደ፤ ሀኔዳዋ ኡባ ቂሳቱዋ ካፓቶ ኦዴድኖ።

12 ቂሳቱዋ ካፓቱ ጭማቱዋና እትጥ ሸቅ ዘረቲደ፤ ዎታዳራቶ ዳር ሚሻ እሚደ፤

13 “ ኡን ገሞእሹዋን ደእሸን አ ካልያዋንቱ ቃማ ዪደ፤ አ አሃ ጧኤድኖ” ያግተ።

14 ሀ የጧዋ ጋድያ አይሰያዌ ሰሶጥ፤ ኑን አጧ ኦድ እማንሳና፤ ቃይ ሀንተንታ እይነ ሀርግሰናዳን ኦላና” ያጌድኖ።

15 ዎታዳራቱ ሚሻ አኪደ፤ ባረንቶ ኦዴዳዋዳን ኦሌድኖ። ሀ የጧ አይሁዳቱዋ ማታን ሀቺ ጋካናጧ፤ ኦደቲደ ደኤ።

የሱስ ባረና ካልያዋንቶ ቤቲዳ (ማር. 16:14-18፤ ሉቃስ 24:36-49፤ ዮሃ. 20:19-23፤ ኪታ 1:6-8፤ 1 ቆር. 15:3-8)

16-17 ሸን ታማነ እት አ ካልያዋንቱ የሱስ ባረንታ ቢተ ጌዳ ጋሊላ ጋድያ ቢደ አ በኤዳ ዎደ፤ አጧ ጎይኔድኖ፤ ሸን ኡንቱንቱጥ እቲ እቲ ሰዴድኖ።

18 የሱስ ኡንቱንቱኮ ሸቂደ፤ ኡንቱንታ ሀዋዳን ያጌዳ፤ “ማታይ ኡባይ ሳሉዋን ሳእን ታጧ እጧቲዳ።

19 ሄዋ ድራጧ፤ ሀንተንቱ ቢደ፤ አሳ ኡባ ታና ካልያዋንታ ኦላተ፤ አጧዋ ሱንሳን፤ ናኦ ሱንሳን ጌሻ እያና ሱንሳን ኡንቱንታ ጸማቅተ።

20 ታን ሀንተንታ አዘዜዳባ ኡባ ኡንቱንቱ ናጋና ማላ፤ ኡንቱንታ ታማርስተ፤ ታን ዎድያ ጧርሰላይ ጋካናጧካ ኡባ ዎደ ሀንተንቱና ደእያዋ አኬክተ” ያጌዳ።



# ማርቆስ ጻፊዳ ምሽራቹዋ ቃላ ገሉዋ

ማርቆስ ጻፊዳ ምሽራቹ ኮይሮ ደሚድካ፡ “ሀዌ ጸሳ ናእ የሱስ ክርስቶስ ምሽራቹዋ ቃላዉ ደመላ” ያጌ። ሀ ምሽራቹዋ ቃላ ግደን የሱስ ኑሱዋ አሳነ ማታይ ደእያ አሳ ግዲደ ሸቄዳ። የሱሳ ማታይ አ ትምርትያን፡ ጸላሀያ ጭታ ቦላ አዉ ደእያ ዋልቃንነ አሳ ናጋራ ኦቶ ግያዋን በኤቴዳ። የሱስ፡ “ታን አሳ ናእይ ዬዳዌ፡ አሳ፡ ናጋራ አይለተላጥ ላእ ከሳናዉ ታ ደኡዋ አላደ እማናሳ” ያጊደ አ ባረ ሁጳዉ ሃሳዬዳ።

ማርቆስ የሱሳ ታርክያ ሱሪነ ዋልቃ ኩሜዳ ኦግያን ኦደዳ። እ ጋናዉ ኮዮ ቆፋይካ የሱሳ ቃላነ ትምርትያ ግደን እ ኦፊዳ ማላልሰያ ኦሳቱዋ ቦላና። ጸማቅያ ዮሃንሳ ታርክያ፡ የሱሳ ጽንቃታን ፓጭያ ቃንላን ኤርሰ ሰሚደ፡ የሱሳ ትምርትያን ፓሉዋባ አሲደ ኦደዳ። ዋድያጥ ጉይያን የሱሳ ካልያዋንቱ አ ሎይሉ ኤር ቤዳዋ ከና አናና ኤቀትያዋንቱ አ ሎይሉ እጼድና። ወርሰላ ሸምፓቱ የሱሳ ደኡዋን ወርሰላ ሳምንታ ግደን ፖለቴዳ ኦሳቱዋ፤ ሄዋንቱካ አ ካቀላባነ አ ደንዲዋባ ኦድያዋንታ።

ማርቆስ ምሽራቹዋ ወርሰላን ቅንፍያ ግደን ደእያ 16:9-20 ፓይዳቱ ጌሻ ቃላ እት እት ብለላ ጸላላን ደእያዋንታ።

## ሸምፓቱዋ ኡባቶ አመቴዳ ቃንላ ቆፋቱዋ

ምሽራቹዋ ደመላ 1:1-13  
የሱስ ኑሱዋ ጋሊላን ደሜዳዋ 1:14—9:50  
የሱስ የሩሳላሙን ኦሶዋ 10:1-52  
የሩሳላሙን እዝ ዩሹዋን የሱሳ ወርሰላ ሳምንታ 11:1—15:47  
ጎዳ የሱሳ ደንዲዋ 16:1-8  
ሀይቁዋጥ ደንዲዳ ጎዳ ቆንጨላን ሳሉዋ ቡሳ 16:9-20

ጸማቅያ ዮሃንሳ አዋዩዋ (ማቶሳ 3:1-12፤ ሉቃሳ 3:1-18፤ ዮሃ. 1:19-28)

1 ጸሳ ናእ \* የሱስ ክርስቶስ ዋንጋላ ምሽራቹዋ ደመላ።

2 ናብያ እስያስ ጻፊዳ ማጻፋን ጸሳይ።

“በእ፤ ታ ከትያዋ ታን ኔፐ ሰንላዉ የዳና።

እ ነዉ ኦግያ ከሳናዋ።

3 እት ብታጌ ቢታ ባዙዋን ባረ ኮሻ ዶቄ ኦሲደ።

ሳዳ ኦግያ ጊግሰተ።

እ ሀመታና ሎሱዋካ።

አዉ ሱርሰተ። ጌዳዋዳን” ሀኔዳ።

4 ጸማቅያ ዮሃንስ አሳ ጸማቁድን።

“ጸሳይ ሀንተ ናጋራ እቶ ጋና ማላ።

ሀንተንቱ ናጋራጥ ሰሚደ ጸማቀትተ” ያግ ቃላ ኦዲደ ቢታ ባዙዋን ከሰ ዋዴዳ።

5 ይሁዳ ጋድያን ደእያ አሳይ ኡባይን የሩሳላሙ ካታማ አሳይ ኡባይ ዮሃንሳኩ ዬድና። ባረንቱ ናጋራካ ፓጽና፡ ዮሃንስ ሄ አሳ ዮርዳኖሳ ሻፋን ጸማቁዳ።

6 ዮሃንስ ጋሉዋ እስክያፐ ዳይቴዳ ማዩዋ ማዩደ። ባረ ጼሳን ዳፉዋ ዳንጨዳ፤ ቃይ ቦልያን ዋራ ኤሳ ሜዳ።

7 ዮሃንስ ቃላ ኦዲደ፡ “ታፐ ጉየና ዳሮ ምንያዌ ዬ፤ ሀራይ አቶ፡ አ ጫማካ ገድያፐ ከሳ ቶካናዉ ታን በስከ።

8 ታን ሀንተንታ ሃላን ጸማቃይ፤ ሸን እ ሀንተንታ ጌሻ አያናን ጸማቃናዋ” ያጌዳ።

የሱስ ጸማቀቴዳዋን ፓጨቴዳዋ (ማቶሳ 3:13-17፤ 4:1-11፤ ሉቃሳ 3:21-22፤ 4:1-13)

9 የሱስ ሄ ዋይ ጋሊላ ጋድያን ደእያ ናዝሬተ ካታማፐ ዪና፡ ዮሃንስ ዮርዳኖሳ ሻፋን እ ጸማቁዳ።

10 የሱስ ሃላፐ ከሶሳና ሳሉ ደየትሺናን ጌሻ አያናይ ባረ ቦላ ሀራጽያዳን ዋድሽን በኤዳ።

11 ቃይ ሳሉዋፐ፡ “ታን ሲቅያ ታ ናእይ ኔና፤ ታና ነባይ ናሸቼ” ያግያ ቃላይ ሰስቴዳ።

\* 1:1 ጸሳ ናእ- በን ጸፈቴዳ እት እት ብለላን ሀዌ ባዋ። 1:2 ሚልክ. 3:1 1:6 2 ካታ. 1:8 1:11 ደመላ 22:2፤ ማዝ. 2:7፤ አሳ. 42:1፤ ማቶሳ 3:17፤ 12:18፤ ማር. 9:7፤ ሉቃሳ 3:22

12 ኤለካ ጌሻ አያናይ አሳይ ባይና ሙላ ሳ አ የዳዳ።

13 የሱስ አሳይ ባይና ሳን ባርና ሴጻናይ ፓጭሽን፣ ኦይታሙ ጋላሳ ጋሌዳ፤ ዱአናካ ደኤዳ፤ ኪታንቻቱካ ዪደ፣ አዉ ኦሌድኖ።

የሱስ ሞልያ ኦይቂያ ኦይዱ አሳቱዋ ጸሴዳ

(ማቶሳ 4:12-22፤ ሉቃሳ 4:14-15፤ 5:1-11)

14 የሃንሰ ቃሸቶዋ ጉይያን፣ የሱስ ጸሳ ካዉተላ ዋንጋላ ምሽራቹዋ ኦዲደ፣ ጋሌላ ጋድያ ቢደ።

15 “ዋዲ ጋኬዳ፤ ጸሳ ካዉተላይካ ማታቱዳ። ህንተንቱ ናጋራፕ ሰሚደ፣ ዋንጋላ ምሽራቹዋ አማንተ” ያጌዳ።

16 የሱስ ጋሌላ አባ ሳንቂያና አዲደ፣ ሞልያ ኦይቂያዋንታ፣ ሰሞናን አ እሻ እንድራሳ፣ ባርንቱ ዳባ አባን የግንዋንታ በኤዳ።

17 ያቲደ አንቱንታ፣ “ታና ካልተ፤ ታን ህንተንታ ሞልያ ኦይቂያዋዳን አሳ ታኮ አህያ ኦግያ ታማርሳና” ያጌዳ።

18 ሄዋፕ ጉይያን አንቱንቱ ኤለካ ባርንቱ ዳባ አጌደ፣ የሱሳ ካሌድኖ።

19 የሱስ ጉላ ሰንሳወኮ ቢደ፣ ዛብድኖሳ ናና ላኤ እሻቱዋ፣ ያቆባን የሃንሳ ዋንግርያ ግድን ባርንቱ ዳባ ገግሰያዋንታ በኤዳ።

20 አ በኦሳንካ አንቱንታ ጸሰና፣ ባርንቱ አዉዋ፣ ዛብድኖሳ፣ አ ኦሳንቻቱዋና ዋንግርያ ግድን አጌደ፣ የሱሳ ካሌደ ቤድኖ።

ኢታ አያናይ ኦይቂዳ ብታኒ ፓጾዳ (ሉቃሳ 4:31-37)

21 አንቱንቱ ቅፍርናሆማ ጌተትያ ካታማ ዪደ ገሌድኖ፤ የሱስ ሳምባታ ጋላሳይ ጋኮ ዋደ፣ አይሁዳ ዋሳ ጎለ ገሊደ፣ ታማርሱዋ ደሞ አጌዳ።

22 ባርዉ ማታይ ደእያ አሳዳን፣ አሳ አ ታማርሰያዋፕ አትን፣ ሀግያ ታማርሰያዋንቱዳን ታማርሰና ድራዉ፣ አሳይ አ ትምርትያን ማላለቱዳ።

23 ሄ ዋደ ኢታ አያናይ ደእያ እት ብታኒ አይሁዳ ዋሳ ጎለ ገሌሳናካ ባር ኮሻ ጶቁ ኦሊደ።

24 “ናዝሬትያ የሱሳ፣ ኔን ኑፕ አያ ኮያይ? ኑና ቆይሳናዉ ያድ? ኔን አንንቶ ኤራይ፤ ኔን ጸሳፕ ኪተቱዳ ጌሻ ግድኪ!” ያጌዳ።

25 የሱስ ሄ ኢታ አያና፣ “ሀይዛ፤ ብታንያፕ ከሳ” ያጌደ አዛዜዳ።

26 ኢታ አያናይ ብታንያ ቡጨሬል፣ ዳሪ ዋሰሲደ፣ አፕ ከሰ አጌዳ።

27 አሳይ ኡባይ ማላለቱደ፣ “ሀዋ አይ? ሀ ብታኒ ባር ማታን ሀራይ አቶ፣ ኢታ አያናቱዋካ አዛዜዳ፤ አንቱንቱካ ቃይ አዉ አዛዘቲኖ፤ ሀዋ አይቦ ኦራላ ትምርቱ?” ያጌደ፣ ባር ግድን እቱ አቱዋ ኦቹዳ።

28 ጋሌላ ጋድያን ደእያ ሄራይ ኡባይ ኤለካ የሱሳ ዋርያ ሲሴድኖ።

የሱስ ዳር ሀርጋንቻቱዋ ፓሌዳ (ማቶሳ 8:14-17፤ ሉቃሳ 4:38-41)

29 የሱስ አይሁዳ ዋሳ ጎልያፕ ከሶሳን፣ ያቆባናን የሃንሳና እትፕ ሰሞናን እንድራሳ ሶይ ብ አጌዳ።

30 ሰሞና ቦሎታታ ቆጶዋ ሀርጋይ ግሴዳዉንባ አ ያ ጋኮሳናካ አዉ ኦድ አጌድኖ።

31 አ አዝኮ ሺቂደ፣ አዝ ኩሽያ ኦይቂደ፣ አዝ ደንሳ ኤሴዳ፤ ቆጶ አዘ አግና፣ አዝ አንቱንቶ አላዳ።

32 ሀርጌዳ አሳ ኡባን ኢታ አያናቱ ኦይቂዳ አሳ ኡባ ኦማርሰ አዋይ ዉሌዳዋፕ ጉይያን፣ አሳይ አኮ አሄድኖ።

33 ካታማን ደእያ አሳይ ኡባይ ሄ ካርያ ሺቂዳ።

34 የሱስ ደማ ደማ ሀርግያን ኦይቀቱዳ ጮራ አሳ ፓሊደ፣ ጮራ ጸሳሁቱዋካ ከሴዳ። አ ክርሰቶሳ ግድያዋ ኢታ አያናቱ ኤራዳ ድራዉ፣ አንቱንታ ሃሳይሰናን ድጌዳ።

የሱስ ጋሌላን ታማርሴዳ (ሉቃሳ 4:42-44)

35 የሱስ ጉራ ዋንቱማላን ደንዲደ፣ ሶይፕ ከሲደ፣ አሳይ ባይናሳ ቢደ ያን ጸሳ ዋሴዳ።

36 ሰሞን አናና ደእያዋንቱ አ ኮዪደ ቤድኖ።

37 አንቱንቱ አ ደሚደ፣ “አሳይ ኡባይ ኔና ኮዪ” ያጌድኖ።

38 ሄዋፕ ጉየ የሱስ ቃይ አንቱንታ፣ “ሄዋ ሄራን ደእያ ሀራ ካታማቱዋ ቦይተ፤ ታን ሄዋን ቃላ ኦዳናዉ በሴ፤ አያዉ ጎፕ፣ ታን ዬዳቂ ሄዋሳ” ያጌዳ።

39 አይሁዳ ዋሳ ጎለቱዋን ቃላ ኦዲድን ኢታ አያናቱዋ ከሲደ፣ ጋሌላ ጋድያ ኡባ ዩዬዳ።

የሱስ ኦሉ ኦይቂዳ ብታንያ ፓሌዳ (ማቶሳ 8:1-4፤ ሉቃሳ 5:12-17)

40 ኦሉ ኦይቂዳ እት ብታኒ የሱሳኮ ዪደ፣ አ ሰንሳን ጉልባቲደ፣ “ኔን

ኮዮ፡፡ ታና ጌሻ ፓላናው፣ ዳንዳያ” ያጊደ ዋሴዳ።

41 የሱስ እው ቃረቴዳ፤ ባረ ኩሽያ የድ፡ አ ቦቹደ፡ “ታን ኮያይ፤ ጌያ፤ ፓጻ!” ያጌዳ።

42 ኤለካ ኦሉ ብታንያ የድ አገና፡ ብታኒ ጌይ ፓጽ አጌዳ።

43 የሱስ ዳሪ ሀንቀቲደ፡ ኤለካ አ ከሰ የዴዳ።

44 እ ብታንያ፡ “ኔና ኤራ! ሀዋ ኦሰን ኦዶፓ፤ ሽን ባደ ነ ቦላ ቁሳ በሳ፤ ቃይ ኔን ሀእ ጌሻ ግዴዳዋ አሳ ኤርሳናው፡ ሙሴ አዛዜዳ ያርሹዋ ያርሻ” ያጌዳ።

45 ሽን ብታኒ ቢደ፡ የወዋ ኡባ ሳን አሳ ኡባዉ ኦዲዋን ሳለላ ደሜዳ፤ ሄዋ ድራው፡ የሱስ ቆንጭያ ከሲደ፡ ካታማ ገላናው ዳንዳይቤና፤ ሽን አሳይ ባይናሳ ጋጸን ደኤዳ፤ ቃይ አሳይ ኡባ ሳፕ አኮ ዬድና።

## 2

የሱስ ቦላይ ሰሌዳ ብታንያ ፓሌዳ (ማቶሳ 9:1-8፤ ሉቃሳ 5:17-26)

1 አማራዳ ጋላሳፕ ጉይያን፡ “የሱስ ቅፍርናሆማ ጉየ ሰሚደ፡ ሶይን ደኤ” ግያ ሃሳያይ ሰሰቴዳ።

2 ጎሊ አከናን እጽና፡ ሀራይ አቶ፡ ካሪካ ኡንእና ጋካናው ጮራ አሳይ ሸቄዳ፤ ሄዋንቶ የሱስ ቃላ ኦዴ።

3 ኦይዳ አሳቱ ቦላይ ሰሌዳ እት ብታንያ ቶኪደ፡ አኮ አሄድና።

4 አሳይ ጮራዳ ድራው፡ ብታንያ የሱሳኮ አፋናው ኡንቱንቶ ዳንዳየተናን እጽና፡ የሱስ ደእያ ባጋና ጎልያ ቃሪደ፡ ካራ ሉኬድና፤ ሄ ሉኬዳሳና ብታንያ እ ግሴዳ ሻንቻማና ዲገ ዋሌድና።

5 የሱስ ኡንቱንቱ አማኑዋ በእደ፡ ሄ ቦላይ ሰሌዳ ብታንያ፡ “ታ ናአው፡ ነ ናጋሪይ አቶ ጌተቴዳ” ያጌዳ።

6 ሀግያ ታማርሰያዋንቱፕ ሄዋን ኡቴዳ እቱ እቱ ባረንቱ ዋዛናን፡

7 “ላ ሀ ብታኒ ሀዋ ማላ ኢታባ ጸሳ ቦላ አያው ሃሳዪ? ጸሳ ጸላላፕ አትን፡ ሀራይ ኦኔ ናጋሪ አቶ ጋናው ዳንዳይያዋ?” ያጊደ ቆፔድና።

8 ኡንቱንቱ ባረንቱ ዋዛናን ሄዋዳን ቆፖዋ የሱስ ኤለካ ባረ አያናን ኤሪደ፡ ኡንቱንታ “ሀንተንታ ሀንተ ዋዛናን አያው ሄዋዳን ቆፒቱ?”

9 ቦላይ ሰሌዳ ብታንያ፡ “ነ ናጋሪይ አቶ ጌተቴዳ” ግያዋ ማቴዬ? ዋይ፡ “ደንዳ ኤቃደ ነ ሻንቻማ ቶካደ ሀመታ” ግያዋ ማቴ?

10 ሽን ታን፡ አሳ ናአው፡ ሳእ ቦላን ናጋሪ አቶ ጋናው ማታይ ደእያዋ ታን ሀንተንታ ኤርሳና” ያጊደ ሄ ቦላይ ሰሌዳ ብታንያ፡

11 “ኔና ጋይ፤ ደንዳ ኤቃ፤ ያታደ ነ ሻንቻማ ቶካደ ነ ሶይ ባ” ያጌዳ።

12 ብታኒ ኤለካ ደንድ ኤቁደ፡ ባረ ሻንቻማ ቶኪደ፡ አሳይ ኡባይ ጸልሸን ቢና አሳይ ኡባይ ማላለቲደ፡ “ኦን ሀዋ ማላባ ኡባካ በእ ኤርኮ” ያጊደ ጸሳ ጋላቴድና።

የሱስ ሌዊያ ጸሴዳ (ማቶሳ 9:9-13፤ ሉቃሳ 5:27-32)

13 የሱስ ጉጅካ ጋለላ አባ ደና ቤዳ፤ አሳይ ኡባይ አኮ ዬዳዋንታ ታማርሴዳ።

14 ሄዋና አዲደ፡ አልፎሳ ናአ ሌዊያ፡ ግያዋ ቃራጸ ቃንጸያ ሳን ኡቴዳዋ ደሚደ፡ “ታና ካላ” ያጌዳ። ሄዋፕ ጉየ ሌዊ ደንድ ኤቁደ፡ አ ካሌዳ።

15 የሱስ ቁማ ማናው ሌዊያ ሶይን ኡቴዳ ዋይ፡ ቃራጸ አክያ ጮራ አሳይን ናጋራንቻቱ አናና ከ ካልያዋንቱና እትፕ ኡቴድና። አ ካልያዋንቱ ግዶን ሄዋንቱ ማላ አሳቱ ዳራድና።

16 ሀግያ ታማርሰያ እት እት ፓርሳዋቱ የሱስ ናጋራንቻቱዋናን ቃራጸ አክያዋንቱና ቁማ ሚሽን በእደ፡ “አ አያው ናጋራንቻቱዋናን ቃራጸ አክያዋንቱና ቁማ ሚ?” ያጊደ፡ አ ካልያዋንታ ኦቹድና።

17 የሱስ ኡንቱንቱ ግያዋ ሰሲደ፡ “ሀርጋንቻቱዋፕ አትን፡ ፓጻ አሳው አክሚ ኮሸና፤ ታን ናጋራንቻቱዋ ጸሳናው ዬዳዋፕ አትን፡ ጽላቱዋ ጸሳናው ያበይከ” ያጊደ ኡንቱንቶ ዛራዳ።

ጸማባ ኤራናው ሸቄዳ ኦሻ (ማቶሳ 9:14-17፤ ሉቃሳ 5:33-39)

18 ጸማቂያ ዮሃንሳ ካልያዋንቱን ፓርሳዋቱ ጸሚና፤ አማራዳ አሳቱ የሱሳኮ ዬደ፡ “ዮሃንሳ ካልያዋንቱን ፓርሳዋቱዋ ካልያዋንቱ ጸሚና፤ ሽን

† 1:40 ታና ጌሻ ፓላ- ሀዋ ጉሳይ፡ ሀ ሀርጊ ቆፈቱዳዋ ላመታናው ዳንዳየና ኤሪቴዳ ጋደ ዋጋን ማራን፡ ሀራ አሳ ቆፋን እት አሳይ ጌሻ ግደና ጋና ማላ ኦድያዋ።

ኔና ካልያዎንቱ አያው ጸምክኖ?” ያጌድኖ።

19 የሱስ ኡንቱንታ “ቡላቻ ዬዳ አሳቱ ማቻቶ አክያዌ ባረንቱና ደእሸን፣ ጸማናው ዳንዳዪኖ? ማቻቶ አክያዌ ኡንቱንቱና ደእሸን፣ ጸማናው ዳንዳዪክኖ።

20 ሸን ማቻቶ አክያዎ ኡንቱንቱ ማታጥ አፋና ዎዲ ያናዎ፤ ኡንቱንቱ ሄ ዎደ ጸማናዋንታ።

21 “ኤጫ ማዩዎ ቦላ ኦራሳ □ፍያ ዎሐ ሰክያ አሳይ ባዎ፤ ኤጫ ዎሐ ሰኮፕ፣ ኦራሳ □ፊ ኤጫ ማዩዎ ፔ□ሬጤ፣ ፔ□ሳይካ ኮይሮዋፕ ዳራና።

22 ቃይ ሆኦ ዎይንያ ኤሳ ኤጫ ኦጎሩዋን ናእያ አሳይ ባዎ፤ ሸን ናኦፕ፣ ሄ ዎይንያ ኤሳይ ኦጎሩዋ ዳኬ፤ ባረወካ ዎፈቱ፤ ኦጎሩካ ባዬ፤ ሸን ሆኦ ዎይንያ ኤሳ ኦራሳ ኦጎሩዋን ናኤቱ” ያጌድኖ።

ሳምባታባ ኤራናው ሸቄዳ አሻ (ማቶሳ 12:1-8፤ ሉቃሳ 6:1-5)

23 የሱስ እት ሳምባታ ጋላስ ትሻ ባንጋ ግድና እድሸን፣ አ ካልያዎንቱና አናና ቢድ፣ ባንጋ ትሻፕ ዲሳ ደሜድኖ።

24 ፓርሳዎቱ የሱሳ፣ “በእ፤ ኔና ካልያዎንቱ ሳምባታ ጋላስ ህገ ግድናባ አያው ኦሴኖ?” ያጌድኖ።

25 የሱስ ኡንቱንታ፣ “ዳዊተ ኮሻቲድ፣ ምያባ ኮዬዳ ዎደ፣ ባረናና ደእያዎንቱና ኦሴዳዎ ኡባካ ናባብ በይክቱ?

26 አብያታር ቄሳቶ ኡባቶ ካፖ ግዴዳ ዎደ፣ ዳዊተ ጸሳ ጎልያ ገሊደ፣ ቄሳቱዎ ጸላላይ ማናፕ እትን፣ እንገ ማናው ህገ ግድናዎ ጎዳ ሰንላን ዎሴዳ ቁማ ሚድ፣ ባረናና ደእያዎንቶካ እሜዳ” ያጌድኖ።

27 ቃይካ የሱስ ኡንቱንታ፣ “ሳምባታይ አሳው መ□ቱዳዋፕ እትን፣ አሳይ ሳምባታው መ□ትቤና።

28 ሄዎ ድራው፣ ታን፣ አሳ ናአይ፣ ሀራይ አቶ፣ ሳምባታውካ ጎዳ” ያጌድኖ።

### 3

ኩሺ ሰሌዳ ብታንያ (ማቶሳ 12:9-14፤ ሉቃሳ 6:6-11)

1 የሱስ አይሁዳ ዎሳ ጎልያ ሸረትካ ገሌዳ፤ ሄዎን ኩሺ ሰሌዳ እት ብታኒ ደኤ።

2 እት እት አሳይ የሱሳ ሞታናው ኮዪድ፣ ኩሺ ሰሌዳ ብታንያ ሳምባታን አ ፓሐፕ በአናው ናጌ።

3 የሱስ ሄ ኩሺ ሰሌዳ ብታንያ፣ “ደንዳ ኤቃደ ሰንሳው ሃያ” ያጌድኖ።

4 ሄዎፕ ጉይያን አሳ፣ “ሳምባታን ሎኦባ ኦሳያዌ ዎጌየ ኢታባ ኦሳያዌ ዎጌ? አሳ ሸምቶዎ አሸያዌ ዎጌየ ዎድያዌ ዎጌ?” ያጌደ ኦቹዳ።

ሸን አሳይ ጮኤ ጌዳ።

5 የሱስ ሀንቀቲድ፣ ኡንቱንታ የሸ አሐ ጾሊድ፣ ኡንቱንቱ ኦድና ሰሰናዎንታ ግድያ ድራው፣ ኡንቱንቶ ዳሪ ካኖቲዳ፤ ሄ ብታንያ፣ “ኅ ኩሸያ ፕድ ኦላ” ያጌዳ፤ ብታኒ ፕድ ኦሐና፣ አ ኩሺ ፓጽ አጌዳ።

6 ፓርሳዎቱ አይሁዳ ዎሳ ጎልያፕ ካረ ከሲድ፣ የሱሳ ዎት ዎሳንንቶ ሄሮድሳና ደእያዎንቱና ማቀቲድኖ።

አሳይ አባ ላንቄያን የሱሳኮ ሸቄድኖ

7 የሱስ ባረና ካልያዎንቱና ጋሊላ አባ ቤዳ፤ ጋሊላፕ ጮራ አሳይ አ ካሌዳ።

8 ቃይካ ጮራ አሳይ ይሁዳፕ፣ የሩሳላመፕ፣ ኤደምያሳፕ፣ ዮርዳኖሳ ሻፋፕ ሄፍንሳ ባጋፕ፣ ጺሮሳ ካታማፕ፣ ሲዶና ካታማፕ የሱስ ኦሴዳዎ ሰሲድ፣ አኮ ዬዳ።

9 የሱስ ጮራ አሳይ ባረና ሱግ ኡንኤ□ና ማላ፣ ባረና ካልያዎንታ ዎንግርያ ባረው ጋምኤላና ማላ አዛዜዳ።

10 ዳሮ አሳ አ ፓሌዳ ድራው፣ ሀርግያ አሳይ ኡባይ አ ቦቻናው ሱገረቲ።

11 ኢታ አያናይ ደእያ አሳቱካ አ በኤዳ ዎደ ኡባን አ ሰንላን ጉፋኒድ፣ ባረንቱ ቃላ ጶቄ ኦሴድ፣ “ኔን ጸሳ ናአ ግድኪ!” ያጌድኖ።

12 የሱስ ሃ ኢታ አያናቱ ባረባ አሳው ኦዲድ፣ ባረና ቆንጭያ ከሰና ማላ፣ ኡንቱንታ ምንሲደ አዛዜዳ።

የሱስ ባረ ኪትያዎንታ ደራዳ (ማቶሳ 10:1-4፤ ሉቃሳ 6:12-16)

13 የሱስ ደርያ ቦላ ከሲድ፣ ባረ ኮዬዳ አሳቱዋ ባረኮ ጸሴዳ፤ ሄዋጥ ጉየ አኮ ቤድኖ።

14-15 ኢንቱንቱ ባረናና ደአና ማላነ ቃላ ኦዳናው ኢንቱንታ ኪታና ማላ፣ ኢታ አያናቱዋ አሳጥ ከሳናው ኢንቱንቶ ማታይ ደአና ማላ፣ ታማነ ላኡ አሳቱዋ ደሬዳ።

16 እ ደሬዳ ታማነ ላአቱ ሀዋንታ፡ ጸጽሮሳ ያጊደ ሱንጤዳ ሰሞና፡

17 ቦኣነርጌሳ ያጊደ ሱንጤዳ ዛብድኖሳ ሻና ያቆሳን ያቆሳ እሻ የሃንሳ። “ቦኣነርጌሳ” ግያዌ “ዋልቃማ አሳቱዋ” ግያዋ።

18 እንድራሳን ፕልጸሳ፣ ባርታላሞሳን ማቶሳ፣ ቶማሳን እልፕኖሳ ሻና ያቆሳ፣ ታደሳን ባረ ቢታው ሴለትያ ሰሞና፡

19 የሱሳ አል እሜዳ ይሁዳ አሰቆርታ።

የሱሳን ብኤል-ዘቡላ (ማቶሳ 12:22-32፤ ሉቃሳ 11:14-23፤ 12:10)

20 የሱስ ሶይ ቤዳ፤ ላኤንጡዋካ ቃይ ጮራ አሳይ ሸቅና፣ እነ አ ካልያዋንቱና ሀራይ አቶ፣ ቁማ ማናውካ ዳንዳይበይክኖ፤

21 አሳይ አ፣ “ጎዬ” ግያ ድራው፣ አ ዳባቱ ሄዋ ሰሲድ፣ አ አካናው ቤድኖ።

22 ሀግያ ታማርሰያ እት እት አሳቱ የራሳላሙጥ ዪድ፣ “የሱሳ ቦላ ብኤል-ዘቡል ደኤ” ያጌድኖ፤ ቃይ፣ “ጸላሀቱዋ ካፑ ባረጋው ዋልቃ እሞና፣ ኢታ አያናቱዋ ከሴ” ያጊደ ሃሳዬድኖ።

23 የሱስ አሳ ባረኮ ጸሴድ፣ ለምሱዋ ኦዲድ፣ “ሴጻናይ ሴጻና ዋት ከሳናው ዳንዳይ?

24 እት ካውተላይ ባረ ግደን ሻከቶጥ፣ ሄ ካውተላይ ኤቃናው ዳንዳየና፤

25 ቃይ እት ጎለ አሳይካ ባረ ግደን ሻከቶጥ፣ ሄ ጎለ አሳይካ ኤቃናው ዳንዳየና።

26 ሴጻናይ ባረናና ዋላቀቲደ ሻከቶጥ፣ ባያናጥ እትን፣ ደአና ዳንዳየና።

27 “ሸን ዋልቃማ አሳ ጎለ ገሊደ ካሰቲደ አ ቃቹናን ደኢድ፣ አ ሚሻ ቦንቃናው ዳንዳይያ አሳይ ባዋ፤

ቃቹዳዋጥ ጉይያን፣ አ ጎልያ ቦንቃናው ዳንዳየና።

28 “ታን ሀንተንቶ ቱሙዋ ጋይ፤ ጸሳይ አሳ ሻናው ናጋራ ኡባነ ኢንቱንቱ ቦርያ ቦርያ \* ኡባ አቶ ጋና፤

29 ሸን ጌሻ አያና ቦላ ኢታ ቦርያ ሃሳይያ ኦስነ መጅናው ናጋራ ግዳናጥ አትን፣ ጸሳይ ኡባካ አቶ ጌና” ያጌዳ።

30 የሱስ ሄዋ ጌዳዌ፣ እት እት አሳቱ፣ “የሱሳ ቦላ ኢታ አያናይ ደኤ” ያጌዳ ድራሳ።

የሱሳ ዳየን እሻቱዋ (ማቶሳ 12:46-50፤ ሉቃሳ 8:19-21)

31 የሱሳ ዳያነ አ እሻቱ ዪድ፣ ካረን ኤቁ እኮ አሳ ከቲደ፣ አ ጸሰሴድኖ።

32 ጮራ አሳይ አ ማታን ኡቴድኖ፤ ሄ ከተቱዳዌ አ፣ “በአ፤ ነ ዳያነ ነ እሻቱ ካረን ኤቁድ፣ ኔናና ጋከታናው ኮዪኖ” ያጌዳ።

33 የሱስ ዘሪድ፣ “ታ ዳያ ኦኔ? ቃይ ታ እሻቱ ኦኔ?” ያጌዳ።

34 ባረ ማታን ኡቴዳ አሳ የሸ አል ጸሊድ፣ “በአተ፤ ታ ዳያነ ታ እሻቱ ሀዋንቱሸ።

35 ጸሳይ ኮይያዋ ኦልያ ኡባይ ታ እሻ፣ ታ ምቻቶነ ታ ዳየ” ያጌዳ።

### 4

ዘረላ ዘርያዋ ለምሱዋ (ማቶሳ 13:1-9፤ ሉቃሳ 8:4-8)

1 የሱስ ሸረትካ ጋሊላ አባ ማታን ታማርሱዋ ደሜዳ፤ ጮራ አሳይ ባረ ሞይያን ዪይ አጂደ ሸቅ ኡትና፣ አባን ደእያ ዋንግርያ ግደ ገሊድ፣ አን ኡቴድኖ፤ ቃይ ሄ አሳይ ኡባይ አባ ሞይያን ደኤ።

2 እ ኢንቱንታ ዳርባ ለምሱዋን ታማርሲድ፣

3 “ሰሰተ፤ እት ብታኒ ዘረላ ዘራናው ከሴዳ።

4 እ ዘርሸን፣ እት እት ዘረላይ ኦግያ ዳናን ዋጂዳ፤ ሄዋ ካፉ ዪደ ሜዳ።

5 እት እት ዘረላይ እንጮ ቢታ ቦላ ዋጂዳ፤ ዳር ቢታይ ባይና ድራው፣ ሄ ዘረላይ ኤለካ ሞኬዳ።

6 አዋይ ከሴዳ ዋይ ሹሌዳ፤ አዲሳ ጸጸዋ የድቤና ድራው፣ መል አጌዳ።

3:19 14:10 3:22 ማቶሳ 9:34፤ 10:25 \*  
ኢታ፣ ባላነ ጌላ ሃሳያ። 3:29 ሉቃሳ 12:10

3:28 ቦርያ ቦርያ- ጉሳይ ጸሳ ቦላን አሳይ ሃሳይያ  
4:1 ሉቃሳ 5:1-3

7 እት እት ዘረፋይ አጉንፋ ግደን ምዴዳ፤ ሄዋን ሞኬዳዋ አጉንፋይ ድጨደ ጨልፍ፡ አይፈናን አቴዳ።

8 እት እት ዘረፋይ ቱኤ ቢታን ዘረቲደ ሞኬዳ፤ ድጨደ እቱ ሀታሙዋ፡ እቱ ኡሱቱን ታሙዋ አይፍና፡ እቱ ጾቱዋ አይፌዳ።”

9 ቃይካ የሱስ፡ “ሰሳናው ሀይላይ ደእያ ኡራይ ሰሶ” ያጌዳ።

የሱስ ለምሱዋን ኦዴዳ ጋሱዋ (ማቶሳ 13:10-17፤ ሉቃሳ 8:9-10)

10 ታማነ ላኤ የሱሳ ካልያዋንቱን እ ኦዴዳዋ ሰሴዳ ሀራ አሳቱ እ ባረካ ደእሸን እኮ ሸቂደ፡ ሄ ለምሱዋ ብለላ እ አቼድኖ።

11-12 የሱስ ኤንቱንቶ፡ “ሀንተንቶ ጸሳ ካወተሳ ጹራ የወዋ ኤራይ እመቱዳ፤ ሽን ሀራቱ ካወተሳጥ ካረና ደእያዋንቱ፡ ጾላ ጾሊደ በኤና ማላ፡ ቃይ ሰሳ ሰሴድካ እኬከና ማላ፡ ኤንቱንቱ ሸረቲደ ጸሳኮ ሰምና፡ እ ኤንቱንቱ ናጋራ አቶ ጌና ማላ፡ ኤንቱንቶ ኡባባይ ለምሱዋን ኦደቱ” ያጌዳ።

ዘርያዋ ለምሱዋ ብለላ (ማቶሳ 13:18-23፤ ሉቃሳ 8:11-15)

13 የሱስ ኤንቱንታ፡ “ሀ ለምሱዋ ኤርክቱ? ያትና፡ ለምሱዋ ኡባ ዋት ኤራንቱ?”

14 ዘርያዋ ጸሳ ቃላ ዘራ።

15 ቃላይ ዘረትያ ኦግያ ደናን ደእያዋንቱ ሀዋንታ፤ ኤንቱንቱ ቃላ ሰሴዳ ዋደ፡ ሴጻናይ ኤለካ ዪደ፡ ኤንቱንቱ ዋዛናን ዘረቱዳ ቃላ አፍ ድጌዳ።

16 ሀዋዳንካ ቃይ እንጮትያ ቢታን ዘረቱዳዋንቱ ሀዋንታ፤ ኤንቱንቱ ቃላ ሰሴዳ፡ ኤለካ ናሽቻን አኪና።

17 ኤንቱንቱ ሀእው ደእናጥ አትን፡ ኤንቱንቶ ምኖ ጸጹ ባዋ፤ ጉየጥ ቃላ ጋሱዋን ዋዪ ዋይ የደርሱ ይያ ዋደ፡ ኤንቱንቱ ኤለካ ጴበት አገና።

18 ቃይ አጉንፋ ግደን ዘረቱዳዋንቱ ሀዋንታ፤ ኤንቱንቱ ቃላ ሰሴዳዋንታ።

19 ሸን ሀ ሳኦ ደኦ ሀርግያዌ ዱረተላ ዳሰያዌን ሀራኦ አዋትያዌ ኤንቱንቱ ዋዛናን ገሊደ፡ ቃላ ጨልፍ አይፈናን አት አጌዳ።

20 ሸን ቱኤ ቢታን ዘረቱዳዋንቱ ቃላ ሰሴደ እክያዋንታ፤ እቱ ሀታሙዋ፡ እቱ ኡሱቱን ታሙዋ አይፍና፡ እቱ ጾቱዋ አይፌዳ” ያጌዳ።

ጸምጥያ ለምሱዋ (ሉቃሳ 8:16-18)

21 የሱስ ጉጂደ፡ “ጸምጥያ አሂደ፡ ግላጥ ዋይ አርሳጥ ጋርሳና ዋላያ አሳይ ደኢ? ጶቃሳን ዋ፤ኔ?”

22 እያው ጎጥ፡ ቆሴዳባይ ኡባይ ቆንጭያ ከሳናዋ፤ ቃይ ጌማን ዋሌዳባይ ኡባይ ቤተናን አተና።

23 ሰሳናው ሀይላይ ደእያ ኡራይ ደኢጥ ሰሶ” ያጌዳ።

24 ቃይካ ኤንቱንታ፡ “ሀንተንቱ ሰሰያዋ እኬኪደ ሰሰተ፤ ጸሳይ ሀንተ ማኬዳ ቆንኦን ሀንተንቶ ማካናዋ። እ ሀንተንቶ ዳርሲደ እማና፤

25 ደእያ ኡራው ጉጅ እማና፤ ባይናዋጥ ሀራይ አቶ፡ እው ደእያ ሄ ጉላቶካ አክ ድጋና” ያጌዳ።

ድጭያ ዘረፋ ለምሱዋ

26 የሱስ ቃይካ፡ “ጸሳ ካወተላይ ጋደን ካላ ዘርያ አሳ ማላ።

27 ሄ ብታኒ ቃማ ገምእሼ፤ ጉራ ደንዴ፤ እ ባረ ሁጳው ዋንንቶ ኤረናን፡ ሄ ዘረፋይ ሞኬን ድጭ።”

28 ቢታይ ካላ ባረካ ሞኬን አይፌ፤ ኮይሮ ጫርሻይ ጫሬ፤ ጉየጥ አይፋናው ኩኩሜ፤ ቃይ ወርሰላን ኩሙንላ አይፍያ አይፌ።

29 ሸን ካላይ ጋክያ ዋደ፡ ካላ ሺሸያ ዋዲ ጋኬዳ ድራው፡ ብታኒ ኤለካ ባጫን ጫኩዋ ገል አጌዳ” ያጌዳ።

ሳናፍጭያ ዘረፋ ለምሱዋ (ማቶሳ 13:31-34፤ ሉቃሳ 13:18-19)

30 የሱስ፡ “ኑን ጸሳ ካወተላ አያ ማላቱ ጋኔ? ዋይ እያና ለምሳኔ?”

31 ጸሳ ካወተላይ ሳናፍጭያ አይፋቶ ማላቱ። ሄ አይፋታ ዘርያ ዋደ፡ ሳኦን ደእያ ምሳ አይፊያ ኡባገገካ ጉጸው፤

32 ሄኖ ዘርና ሞካደ ሀራ አታክልትያ ኡባጥ ዳራው፤ ዳሮ ዳሻ ዳሻው። ካፋ እዘ ቃንካ ኩዋን ጎልያ ኬጻና ዳንዳይ” ያጌዳ።

33 የሱስ ሀዋ ማላ ዳሮ ለምሱዋን አሳይ ሰሳናው ዳንዳይያዋ ኬና፡ ባረ ቃላ ኦዴዳ።

34 አሳው ለምሱ ባይናን ኦይና፤ ሸን የሱሰ ባረና ካልያዋንቱ ጸላላና ደእያ ዋደ፤ ኢንቱንቶ ኡባባ ብሊደ ኦዴ።

የሱሰ ቤታ ጮኤ ኦሌዳ (ማቶሳ 8:23-27፤ ሉቃሳ 8:22-25)

35 ሄ ጋላስ ሳእይ ኦማርሰና፤ የሱሰ ባረና ካልያዋንታ “አባጥ ሄፍንጎ ፕፍይተ” ያጌዳ።

36 አ ካልያዋንቱ አሳ አጊደ፤ የሱሰ ካስ ገል ኡቱዳ ዋንግርያን ገሊደ፤ የሱሰ ባረንቱና አፌድና፤ ሀራ ዋንግራቱካ ሄዋን ደኢና።

37 ዋልቃማ ጎቱ ደንድና፤ ቤታይ ዋንግርያ ሸጭና፤ ሃላይ ኩማና ጋካናው ዋንግርያ ግደ ገሌዳ።

38 ሄ ዋደ የሱሰ ዋንግርያን ጉየ ባጋና ቦርኮላ ቦርኮቲደ ገምእሼዳ። የሱሰ ካልያዋንቱ አ ደንሳደ፤ “ታማርሰያዎ፤ ኑን ጳይያ ዋደ ጮኤ ገደ ጸላይ?” ያጌድና።

39 አ ቤጎቲደ ጎቱዋ፤ “ጮኤ ጋ” ጊደ፤ አባካ፤ “ዋፑ ጋ” ጌዳ፤ ጎቱካ ጮኤ ጊና፤ ኡባባይካ ዋፑ ጌዳ።

40 የሱሰ ባረና ካልያዋንታ “አያው ሀዋዳን ያዩቱ? ህንተንቱ ዋን አማንክቱ?” ያጌዳ።

41 ኡንቱንቱ ዳር ያዩደ ባረንቱ ግደን፤ “ሀዌ ላ ሀራይ አቶ፤ ጎቱን አባይ አዛዘትያዌ ኦኔ?” ያጌድና።

5

የሱሰ ኢታ አያናይ ኦይቄዳ ብታንያ ፓሌዳ (ማቶሳ 8:28-34፤ ሉቃሳ 8:26-39)

1 የሱሰን አ ካልያዋንቱ አባጥ ሄፍንጎው ፕኒደ፤ ገርገሰናና ጌተትያ ገድያ ጋኬድና።

2 አሳ ሞግያ ዱፋ ደኢያሳጥ ኢታ አያናይ ደእያ እት ብታኒ ከሲደ፤ የሱሰ ዋንግርያጥ ከሴዳ ዋደ፤ የሱሰና ጋከቱዳ።

3 ብታኒ ሄ ዱፋ ደእያ ሳን አቅ ፔሺደ፤ ያን ደኤ፤ አ ኦንን ሀራይ አቶ፤ ሳንላላታን ቃቻናውካ ዳንዳይቤና።

4 አያው ጎጥ፤ አ ዳር ዋደ ኡቁናንን ሳንላላታን ቃሸቲደ ደኤ፤ ሸን ሳንላላታ ዱሰረሌዳ፤ ኡቁናካ ማንጋራዳ፤ አ ጸናናው ዳንዳይዳዌ ኦንን ባዋ።

5 አ ኡባ ዋደ ጋላስን ቃማ፤ ሄ ዱፋ ደኢያሳንን ደርያ ቦላ ዋሴ፤ ባረ ቦላካ ሹቻን ጋራ።

6 የሱሰ ሃኩዋን በኤዳ ዋደ፤ አኮ ዋጽ ዩደ አው ጎይኔዳ።

7 ሄ ብታኒ ባረ ኮሻ ጶቁ ኦሊደ፤ “ኡባጥ ቦላ ጸሳ ናአው፤ የሱሰ፤ ኔናን ታና አይ ጋሊ? ታና ሙረና ማላ፤ ታን ኔና ጸሳ ሱንሳን ዋሳይ” ያጌዳ።

8 አ ሄዋ አያው ጌዴ ጎጥ፤ የሱሰ አ፤ “ላ ሀ ኢታ አያናው፤ ሀ ብታንያጥ ከሳ” ያጌዳዋሳ።

9 የሱሰ አ፤ “ኅ ሱንላይ ኦኔ?” ያጊደ ኦቹዳ።

አ፤ “ኡን ጮራ ግድያ ድራው፤ ታ ሱንላይ ሌገዮና” ያጌዳ።

10 ኢታ አያናቱዋ ሄ ጋድያጥ ከሰ የደና ማላ፤ የሱሰ ሞንሲደ ዋሴዳ።

11 ሄ ደርያ ቦላን ጮራ ጉዲንላ ወዲ ሄመቲ፤

12 ኢታ አያናቱ የሱሰ፤ “ኡና ህን ጉዲንላ ወድያኮ የዳርከ፤ ኢንቱንቱን ቢደ ገላና” ያጊደ ዋሰና።

13 የሱሰ፤ “ቢተ” ያጌዳ። ኢታ አያናቱ ብታንያጥ ከሲደ፤ ጉዲንላቱዋን ገሌድና፤ ላኡ ሻአ ግድያ ጉዲንላ ወዲ ካካ ሁጲያና ካጆቲደ፤ አባን ገሊደ፤ ሞተት አጌዳ።

14 ጉዲንላ ወድያ ሄምያዋንቱ ባቃቲደ፤ ሀይዳዋ ካታማንን ካታማጥ ጋጸ ጋድያን ኦዴድና፤ ሄዋ በአናው አሳይ ዬዳ።

15 አሳይ የሱሰኮ ዩደ፤ ጮራ ኢታ አያናቱ በን ኦይቄዳ ብታኒ ባረ ዋዛናይ ሰምና፤ ማዩዋ ማዩደ፤ ሄዋን ኡቱዳዋ በኢደ፤ ኡባይ ያዬዳ።

16 ሄዋ በኤዳ አሳቱ ኢታ አያናቱ ኦይቄዳ ብታኒ ሀይዳዋን ቃይ ጉዲንላ ወድያባ ሄ አሳው ኦዴድና።

17 ሄዋ ድራው፤ አሳይ ባረንቱ ጋድያጥ የሱሰ ባና ማላ፤ ዋሳ ደማዳ።

18 የሱሰ ዋንግርያን ገልሸን፤ ኢታ አያናቱ ኦይቄዳ ብታኒ የሱሰና ደእና ማላ፤ የሱሰ ዋሴዳ።

19 ሸን የሱሰ እጲደ አ፤ “ኅ ሶይ ሰማደ፤ ጎዳይ ነው አይ ማላ ዋልቃማባ ኦሌደንቶን ቃይ አ ነው አይ ማላ ኬከንቶ ነ ሶይ አሳው ኦዳ” ያጌዳ።

20 ብታኒ ቢደ፤ ታሙ ካታማ \* ግያ ሳን ዩዩደ፤ የሱሰ ባረው አይ ማላ ዋልቃማባ ኦሌደንቶ፤ ኦዲዋ

\* 5:20 ታሙ ካታማ- ሀዋንቱ እት ጭታ ግዴዳ ካታማቱ ሳማርያጥን ጋላላ ጋድያ አዋይ ዶልያ ባጋና ደእያዋንታ ግዴደ፤ ሄዋንቱን ደእያ አሳቱዋ ኤሻይካ ግሪከ አሳቱዋ ደኡዋ ኦግያ ካልያዋ በሴ።

ደሜዳ፤ እ ኑዳዳዋ ሰቤዳ አሳይ ኡባይ ማላለቱዳ።

ያእርሳ ናቶነ የሱሳ ማዩዋ ቦቹዳ ምሽራቶ (ማቶሳ 9:18-26፤ ሉቃሳ 8:40-56)

21 የሱሰ ሰሚደ፡ ዋንግርያን ገሊደ፡ እባ ፕኔዳዋፕ ጉይያን፡ ጮራ አሳይ አባ ማታን አኮ ዩይ አጂደ ሸቄድኖ።

22 ያእርሳ ግያዌ፡ አይሁዳ ዋሳ ጎልያ ካፓቱዋፕ እቱ፡ የሱሳ በኤዳ ዋደ አኮ ይ እ ገድያን ኩንዲደ።

23 “ታ ናታ ሀርጋደ ሀይቃናዉ፤ እዛ ፓዲደ ሎኦ ደእና ማላ፡ ያደ ነ ኩሽያ እዝ ቦላ ዋላርኪ” ያጊደ የሱሳ ምንሲደ ዋሴዳ።

24 የሱሰ ያእርሳና ቤዳ፤ እ ቢሸን ጮራ አሳይ እ ካሊደ መቶሌድኖ።

25 ታማነ ላኡ ላይሳ ኡባ እዝ ቦላፕ ሱሳይ ጎግያ እት ምሽራታ ደእዉ።

26 ጮራ እክማቱ እዝ እክምሸንካ፡ እዛ ፓጾ ካኤታዳ፤ ባረ ሚሻ ኡባ ዉርሰናካ እዝዉ ሃ ኢቴዳዋፕ አትን፡ አይነ እዘ ማድቤና።

27 ሄ ምሽራታ የሱሳባ ሰሳደ፡ አሳ ግድና የሱሳፕ ጉየና ያደ፡ አ ማዩዋ ቦቻዲ።

28 እያዉ ጎፕ እዛ፡ “ታን ሀራይ አቶ፡ አ ማዩዋ ቦቻፕካ ፓጾና” ያጋደ ቆፓዲ።

29 ኢፕ ጎግያ ሱሳይ ኤለካ ኤቁ አኔዳ፤ እዛ ባረ ዋይያፕ ፓጾዳዋ ባረ ቦላን ኤራ አጋዲ።

30 የሱሰ ባረፕ ዋልቃይ ከሴዳዋ ባረ ሁጳዉ ኤሪደ፡ ኤለካ ጮራ አሳ ግድን ጉየ ሰሚደ፡ “ታ ማዩዋ ቦቹዳዌ ኦኔ?” ያጊደ።

31 የሱሳ ካልያዋንቱ አ፡ “አሳይ ኔና ሱግያ ዋደ በእደ፡ ታና ኦኔ ቦቹዳዌ?” ያጋይ?” ጌድኖ።

32 የሱሰ ሄዋ ኦኔ ኦሌደንቶነ በእናዉ ዩሽ አሊደ ጼሌዳ፤

33 ሸን ምሽራታ ባረዉ ሀኔዳዋ ኤራደ፡ ያሻ ኮኮራደ ያደ የሱሳ ሰንላን ጉፋናዲ፤ ቃይ ቱማተላን ሀኔዳዋ ኡባ አዉ ኡዳዲ።

34 የሱሰ እዘ፡ “ታ ናቴ፡ ኔና ነ እማኑ ፓሌዳ፤ ሳሩዋን ባ፤ ነ ዋይያፕነ ፓጾ” ያጊደ።

35 የሱሰ ብር ሄዋ ገሸን፡ አይሁዳ ዋሳ ጎልያ ካፕዋ ሶይፕ ኪተቴዳ አሳቱ ዪደ፡ “ነ ናታ ሀይቃድጋዲ፤ ሰም ታማርሰያዋ እያዉ ዳቡርሳይ?” ያጊድኖ።

36 ሸን የሱሰ ኡንቱንቱ ግያዋ ሰሲደ፡ አይሁዳ ዋሳ ጎልያ ካፕዋ፡ “አማኖ ጸላላ አማናፕ አትን፡ ያዩፓ” ያጊደ።

37 የሱሰ ጸጽርሳፕ፡ ያቆባፕነ ያቆባ እሻ ዮሃንሳፕ ሀራይ ኦንነ ባረና ካለና ማላ ድጌዳ።

38 ኡንቱንቱ አይሁዳ ዋሳ ጎልያ ካፕዋ ሶይ ጋኬዳ ዋደ፡ የሱሰ አሳይ ሎይሳ ዩክያዋነ ዝላልያዋ በኤዳ።

39 ገሊደ አሳ፡ “አያዉ ሎይሳ ዩኪቴ? ናታ ገምእሻዲፕ አትን፡ ሀይቃበይኩ” ያጊደ።

40 ሄዋፕ ጉየ አሳይ አ ቦላ ሚጮዳ፤ ሸን አሳ ኡባ ካረ ከሲደ፡ ናት አዉዋነ አቶ ሄዋን ባረናና ደእያ አ ካልያዋንታን አኪደ፡ ናታ ደኢያሳ ገሌዳ።

41 የሱሰ ናት ኩሽያ ኦይቁደ፡ “ጸልታ፡ ቁሚ”፤ ያጊደ፤ ሄዋ ብለላይ፡ “ጉላ ናቴ፡ ታን ኔና ደንዳ ጋይ” ግያዋ።

42 ናታ ኤለካ ደንዳ ኤቃደ ሀመታዳ፤ እዛ ታማነ ላኡ ላይሳ ናቶ፤ ሄዋ ሀንያዋን አሳይ ዳር ማላለቱዳ።

43 የሱሰ ሄዋ ኡንቱንቱ ኦስነ ኦደና ማላ፡ ኡንቱንታ ምንሰ አዛዚደ፡ “እዝዉ ምያባ አምተ” ያጊደ።

### 6

የሱሳ ናዝራተን እከናን እጾድኖ (ማቶሳ 13:53-58፤ ሉቃሳ 4:16-30)

1 የሱሰ ሄዋፕ ከሲደ፡ ባረ ጋድያ ናዝራተ ካታማ ቤዳ፤ እ ካልያዋንቱካ አ ካሊደ ቤድኖ።

2 ሳምባታ ጋላሰ አይሁዳ ዋሳ ጎልያን ታማርሰዋ ደሜዳ፤ እ ታማርሰያዋ ሰቤዳ ጮራ አሳይ ማላለቱደ፡ “ሀዌ ሀ ኡባ ሀቃፕ ደሜዳ? ሀ አዉ እመቴዳ እጾ ኤራተላይ እይ? ጸሳይ ኦላያ ማላታ

† 5:41 ጸልታ፡ ቁሚ፡ ሀ ቃላቱ አራማይከ ጌተትያ ቃላን የሱሳ ዋድያን ፓላሰቲነ ጋደን ሃሳየትያዋ፡ ጸልታ ግያዌነ ቁም ግያዌ አማራጭ ቃላ ግድና፡ ሸን ግሪክያ ቃላ። \* 6:3 አናጽያ፡ ግሪክ ብላላን ሹቻ ዋይ ኡርቃ መልሲደ መድያ አሳ ጊደ ጎኤ።



እ ዋት ኦሊ? 3 ሀዌ አናጽያ \* ግደኔ? ማይራም ናኦ፡ ያቆባ እሻ፡ ዮሳ እሻ፡ ይሁዳ እሻ፡ ሰሞና እሻ ግደኔ? እ ምቻቱ ኑናና ሀዋን ደእያዋንታ ግድክና?” ያገደ፡ እ ግያዋ አከናን እጼድኖ።

4 የሱስ ሄ አሳው፡ “ናቢ ባረ ጋድያን፡ ባረ ዳባቱዋን ባረንቱ ሶይ አሳን ቦንቼተናዋጥ አትን፡ ኡባ ሳን ቦንቼቱ” ያገደ።

5 እ ሄዋን ባረ ኩሽያ አማራዳ አሳቱዋ ቦላ ዋሊደ፡ ኡንቱንታ ፓሌዳዋጥ አትን፡ ጮራ ማላታ ኦላናው እይነ ዳንዳይቤና።

6 አሳይ አማንቤና ድራው ማላለቱዳ።

የሱስ ታማነ ላኡ ባረና ካልያዋንቱ ታማርሳናዳን ኪቲዳ (ማቶሳ 10:5-15፤ ሉቃሳ 9:1-6)

ሄዋጥ ጉይያን፡ የሱስ ሄዋ ሄራን ደእያ ቄር ካታማቱዋን ዩይ ዩዩደ፡ አሳ ታማርሴዳ።

7 የሱስ ታማነ ላኡ ባረና ካልያዋንታ ባረኩ ጸሴደ፡ ላኡዋ ላኡዋ ኪቲዳ፤ ቃይ ኡንቱንቶ ኢታ አያናቱዋ ከሰያ ማታ አማዳ።

8 ኡንቱንታ፡ “ኡግያ ጸምኣጥ አትን፡ ቁማ፡ ቃርጨትያ፡ ሀንተው ሚሻ አያኔካ ኦይቆጥተ።

9 ሀንተንቱ ገድያን ጫማካ ዋሐተ፤ ሽን ላኡ ማዩዋ ማዮጥተ” ያገደ።

10 ቃይካ ኡንቱንታ፡ “ሀንተንታ አሳይ ሀቃን ሞኮጥነ፡ ሄዋጥ ከሳና ጋካናው፡ ሄ ጎልያን ኡት አግተ።

11 ሀንተንታ አሳይ ሞከናሳ ዋይ ሀንተ ኦድያባ ሰሰናሳ ሀቃ ግድግዳ፡ ሄ ጋድያን ደእያ አሳው ሄዌ ማርካ ግዳና ማላ፡ ሄዋጥ ከሲደ፡ ሀንተ ገድያጥ ባና ሾጭተ” ያገደ።

12 ታማነ ላኡ አ ካልያዋንቱ ቢደ፡ አሳይ ባረንቱ ናጋራጥ ሰማናዳን፡ ቃላ ኦዴድኖ።

13 ኡንቱንቱ አሳጥ ዳር ኢታ አያናቱዋ ከሲደ፡ ሀርግያ አሳ ጮራ ዛይትያ ኦኪደ ፓሌድኖ።

ጸማቅያ ዮሃንሳ ሀይቁዋ (ማቶሳ 14:1-12፤ ሉቃሳ 9:7-9)

14 አሳይ የሱሳ ሱንሳ ደንሕያ ድራው፡ ካትያ ሄርድስ ሄዋ ኡባ ሰሴዳ፤ እት እት አሳይ፡ “ጸማቅያ ዮሃንሳ ሀይቁዋጥ ደንጴዳ፤ ሄዋ አው

ዋልቃማ ማላታ ኦሕያ ዋልቃይ ደኤ” ያገደ።

15 ሽን ሀራንቱ እ፡ “ሀዌ ኤላሳ” ያገደኖ።

ሀራንቱ ቃይ፡ “ሀዌ ቦን ዋይ ናባቱዋ ማላትያ ናብያ” ያገደኖ።

16 ሽን ሄርድስ ሄዋ ሰሴዳ ዋይ፡ “ሄዌ ታን ቆድያ ሙጭሴዳ ጸማቅያ ዮሃንሳ፡ እ ሀይቁዋጥ ፓጼዳ” ያገደ።

17 አያው ጎጥ፡ ሄርድስ ባረ እሻ ፕልጶሳ ማቻቶ ሄርድያደ እክ ዋሌዳ፤ ሄርድስ እዘ ድራው፡ ባረ ሀጸው አሳ ኪቲደ፡ ዮሃንሳ ኦይሊደ፡ ቃሽሰ ዋሌዳ።

18 አያው ጎጥ፡ ዮሃንሳ ሄርድሳ፡ “ኔን ነ እሻ ማቻቶ አካናው ቦሰና” ያግ ዋሌዳ።

19 ሄርድያዳ ዮሃንሳው ኡሉዋን ሞርክያ ኦይቃይ አ ዋድሳናው ኮያዴ፤ ሽን ዳንዳያቦይኩ።

20 ዮሃንሳ ጽሎ አሳን ጌሻ አሳ ግዴዳዋ ሄርድስ ኤራዳ ድራው፡ አው ያዩደ፡ ሎይሕ ናግ ዋሌዳ፤ ዮሃንሳ ግያዋ ሰሴደ፡ ባረ ዋዛናን ዳርሰ ሙቶቲደካ አሳ ናሽቻን ሰሴዳ።

21 ሄርድስ ባረ የለቲዳ ጋላሰ፡ ጋድያ ኦይሰያዋንቶ፡ ሻላቃቶን ጋሊላን ደእያ ዋልቃማ አሳው ሾብያ ገግሴዳ ዋይ፡ ዉርሰላን ሄርድያዳ እንጀ ጋላሳ ደማዴ።

22 ሄርድያድ ናታ እማላ ሞክያሳ ገላ ዲራደ፡ ሄርድሳነ አ እማላቱዋ ናሽቻዳ፤ ሄዋጥ ጉዮ ካቲ ናትው፡ “ኔና ሎኤዳዋ አያ ግድግዳ ታና ኦቻ፤ ታን ነው እማና” ያገደ።

23 ቃይ እዘው ዳሪ ጫቁደ፡ “ኔን ኦቹዳዋ አያ ግድግዳ፡ ታን ነው እማና፤ ሀራይ አቶ፡ ታ ካውተላጥ ባጋ ግድግዳ፡ ታን ነው እማና” ያገደ።

24 ናታ ካረ ከሳይ ባረ ዳዮ፡ “አያ እማ ጎ?” ያጋደ ኦቻዴ።

እ ዳያ፡ “ጸማቅያ ዮሃንሳ ሀጺያ እማ ጋ” ያጋዴ።

25 ናታ ኤላካ ካትያኮ ባደ እ፡ “ጸማቅያ ዮሃንሳ ሀጺያ ዋጫትያን ዋላደ፡ ኔን ሀእ ታው እማናዳን ኮያይ” ያጋዴ።

26 ሄዋጥ ጉዮ ካቲ ዳሪ ቃረቲዳ፤ ሽን ባረ ጫቁዋ ድራውነ ባረ እማላቱዋ ድራው እዘው ጫቁዳ ጫቁዋ ኮላናው ኮይቤና።

27 ሄዎ ድራው፡ ኤለካ ናግያዎ ከቲደ፡ የሃንሳ ሁጲያ አሁና ማላ አዛዜዳ፤ ናግያዌ ቃሹ ጎለ ቢደ፡ የሃንሳ ቆድያ ሙጩዳ።

28 ሄ ሙጩዳዎ ዎጪትያን ዎሐ አሂደ፡ ናትዉ እሜዳ፤ ናታ ቃይ ባረ አትዉ እማዱ።

29 የሃንሳ ካልያዎንቱ ሄዎ ሰሴዳ ዎደ ዪደ፡ አ አሃ አፊደ ሞጌድኖ።

የሱስ እቼሹ ሻእ አሳ ሞዚደ ካልሴዳ ታርክያ

(ማቶሳ 14:13-21፤ ሉቃሳ 9:10-17፤ ዮሃ. 6:1-14)

30 የሱስ ከቴዳዎንቱ ሰሚደ፡ የሱሳና ጋከቲደ፡ ባረንቱ ኦፊዳባነ ባረንቱ ታማርሴዳባ ኡባ የሱሳዉ ኦጴድኖ።

31 ብያ አሳይነ ይያ አሳይ ዳርና፡ ሀራይ እቶ ቁማ ማናዉካ ኡንቱንታ ጋርን እጹዳ ድራው፡ የሱስ ኡንቱንታ፡ “ኑረካ ጉላ ሸምፕ አካናዉ አሳይ ባይናሳ ባይተ”፤ ያጌዳ።

32 የሱስነ ኡንቱንቱ ባረንቱ ጸላላ ዎንግርያን ኡቲደ፡ አሳይ ባይናሳ ቤድኖ።

33 ኡንቱንቱ ቢሸን፡ ጮራ አሳይ ኡንቱንታ በኢደ ኤራዳ፤ ካታማ ኡባፕ ገድያን ዎጲደ፡ ኡንቱንቱ ብያሳ ኡንቱንቱፕ ካሰቲደ ጋከኔድኖ።

34 የሱስ ዎንግርያፕ ከሲደ፡ ጮራ አሳ በኤዳ፤ አሳይ ሄምያ አሳይ ባይና ደርሳ ማላ ግዴዳ ድራው፡ ቃረቲደ አሳ ዳርባ ታማርሱዎ ደሚዳ።

35 ሳእይ ኦማርሰያ ዎደ፡ የሱሳ ካልያዎንቱ አኮ ዪደ፡ “ሀዌ ሳእይ አሳይ ባይና ሳእ፤ ሀእ ሳእይካ ቃም ድጌዳ፤”

36 አሳይ ሄራነ ቄር ካታማቱዎ ግደ ቢደ፡ ባረንቶ ምያባ ሻማና ማላ፡ አሳ ሞይዛ” ያጌድኖ።

37 ሸን የሱስ ዛሪደ ኡንቱንታ፡ “አሳዉ ምያባ ህንተ እምተ” ያጌዳ።

ሄዎፕ ጉየ ኡንቱንቱ፡ “ኑን ቢደ፡ ሳኡ ጴቱ ብራ ሳንትምያ ስ ቁማ ሻሚደ፡ አሳይ ማናዉ እማኔ?” ያጌደ አ ኦቼድኖ።

38 የሱስ ኡንቱንታ፡ “ህንተንቶ አፑን ዳቡ ደኢ? ቢደ በአተ” ያጌዳ።

ኡንቱንቱ በኢደ፡ “እቼሹ ዳቡዎን ላኡ ሞልያ” ያጌድኖ።

39 የሱስ ባረና ካልያዎንታ አሳ ኡባ ጭታን ጭታን ሻክ ሻኪደ፡ ማታን ኡትሳና ማላ አዛዜዳ።

40 አሳይ ጴቱ ጴቱነ እሻታሙ እሻታሙ ጭታን ጭታን ኡቲድኖ።

41 የሱስ እቼሹ ዳቡዎን ላኡ ሞልያ ኦይቂደ፡ ፑደ ሳሉዎ ጴሊደ፡ ጸሳ ጋላቲዳ፤ ዳቡቱዎ ማንሰደ አሳዉ ግሻና ማላ፡ ባረና ካልያዎንቶ እሜዳ፤ ቃይ ላኡ ሞልያካ ኡንቱንቱ ኡባዉ ሻኪድ።

42 አሳይ ኡባይ ሚደ ካሌድኖ።

43 ሄዎፕ ጉየ አቴዳ ዳቡቱዎ ደካይነ ሞልያ ደካይ ታማነ ላኡ ዛምቤልያ ኩሜዳዎ የሱሳ ካልያዎንቱ ደንሌድኖ።

44 ዳቡዎ ሜዳ አቴማ አሳይ እቼሹ ሻእ።

የሱስ አባ ቦላን ሀመቲደ ቤዳ (ማቶሳ 14:22-33፤ ዮሃ. 6:15-21)

45 ኤለካ የሱስ ሄ ጮራ አሳ ሞይዚደ፡ ባረና ካልያዎንቱ ዎንግርያን ገሊደ፡ አባፕ ሄፍንላን ደእያ ቤተሳይዳ ግያ ካታማ ባረፕ ሰንሳቲደ ባናዳን አዛዜዳ።

46 ኡንቱንታ ሞይዜዳዎፕ ጉይያን፡ ጸሳ ዎሳናዉ ዘዝያ ከሴዳ።

47 ሳእይ ቃምያ ዎደ ዎንግሪ ዎምባ ግዲዎን ደእሸን፡ የሱስ ዎምባፕ ጋጸን ባረካ ደኢ።

48 ጫርኩ አ ካልያዎንቱኮ ጫርክያ ድራው፡ ባረና ካልያዎንታ ዎምባ ቤታይ ሙቶልያዎ የሱስ በኢደ፡ ኩቱ ዎሳና ሀንያ ዎደ ዎምባ ቦላን ሀመቲደ፡ ኡንቱንቱኮ ዬዳ፤ ኡንቱንታ የግ አቆናዉ ኮዬዳ።

49 ሸን ዎምባ ቦላን አ ሀመትሸን፡ ኡንቱንቱ አ በኢደ፡ ባረንቶ ሞይትልያ ማላትና ዋሴድኖ።

50 እያዉ ጎፕ፡ ኡንቱንቱ ኡባይ አ በኢደ፡ ያሻ ኮኮሬድኖ፤ ሸን ኤለካ የሱስ ኡንቱንታ፡ “አይነ ባዎ፤ ታናተኔ ያዮፕተ” ያጌዳ።

51 የሱስ ኡንቱንቱና እትፕ ዎንግርያን ገልና፡ ጫርኩ ዎፑ ጌዳ፤ ኡንቱንቱ ዳር ማላለቲድኖ።

‡ 6:31 አሳይ ባይናሳ፡ ሀዌ ጋለላ ጌተትያ ዎምባፕ ፑደሃ ደላ ባጋና ደኢ። 6:45 ጴልተ። 6:34 ፓይ. 27:17፤ 1 ካታ. 22:17፤ 2 ኦዲዎ 18:16፤ ህዝ. 34:5፤ ማቶሳ 9:36 ስ 6:37 ብራ ሳንትምያ፡ በን ዎድያን አሳ ጋድያን እት ጋላሳ ኡንያ ኦሐ ፔሺዳ አሳዉ እት ብራ ሳንትሚ እመቲ። ማት። 20:2 ጴልተ።

52 እያው ጎጥ፣ ኡንቱንቱ ዎዛናይ ጆሌዳ ድራው፣ ኡንቱንቱ ኡክላባ እኬክበይክኖ።

የሱስ ገንሳሬጸን ሀርጋንቻቱዎ ፓሌዳ (ማቶሳ 14:34-36)

53 ኡንቱንቱ አባ ፕኒደ፣ ገንሳሬጸ ግያ ቢታ ጋኬድኖ፣ ያን ዎንግርያ ጋጸ ሺሽ ቃቼድኖ።

54 ኡንቱንቱ ዎንግርያፕ ዎድያዎን፣ አሳይ ኤላካ የሱሳ ኤርን

55 ሄዎ ሄራን ደእያ ጋድያ ኡባን ዎጸረቲደ፣ ሀርጋንቻቱዎ ሻንቻማን ቶኪደ፣ “የሱስ ደኤ” ገና ሰሴዳሳ አሁዎ ደሚደ።

56 የሱስ ቤዳ ሳ ኡባን ቁር ካታማን ግድና፣ ዎልቃማ ካታማን ግድና፣ ሄራ ግድን ግድናካ፣ ገያ ደንባን አሳይ ሀርጋንቻቱዎ አኮ አፌ። የሱስ ባረ ማዩዎ ማጫራ ግድፕን ሀርጋንቻቱዎ ቦሽሳና ማላ፣ አሳይ አ ዎሴዳ፤ ቦቼዳ ኡባይ ፓጾዳ።

# 7

የሱስ አሳ ዎጋፕ ኮሽናዎ ጳልቄዳ (ማቶሳ 15:1-9)

1 ፓርሳዎቱን የሩሳላመፕ ዪደ፣ ሙሴ ህግያ ታማርሰያ አማሬዳ አሳቱ የሱሳኮ ሺቁድኖ።

2 የሱሳ ካልያዎንቱፕ እቱ እቱ ቱና ኩሽያን፣ ሄዎ ግያዌ ሚጨተናን ቁማ ምያዎንታ \* በኤድኖ።

3 እያው ጎጥ፣ ፓርሳዎቱን አይሁዳ አሳይ ኡባይ ባረንቱ አዎቱዎ ዎጋ ናጊደ፣ ባረንቱ ኩሽያ ሎይል ሚጨተናን ሚክኖ።

4 ቃይ ገያፕ ዪደካ ሚጨተናን ደእደ ሚክኖ። ቃይ ኡንቱንቱ ባረንቱ አዎቱዎፕ እኬዳ ሀራ ጮራ ዎጋይ ደኤ፤ ሄዌካ ዎንጫ፣ ከርያ፣ ብራታፕ መዴዳ ሚሻን አርሳ ሚጫያ ዎጋ።

5 ፓርሳዎቱን ሙሴ ህግያ ታማርሰያዎንቱ የሱሳ፣ “ኔና ካልያዎንቱ እያው ኑ አዎቱዎ ዎጋ ካለናን እጺደ፣ ባረንቱ ኩሽያ ሚጨተናን ቁማ ሚኖ?” ያጊደ ኦቼድኖ።

6-7 የሱስ ኡንቱንታ ሀዎዳን ያጊዳ፤ “እስያስ ትምቢትያ ኦዴዳ ዎደ፣ ህንተንቱባ፣ ሎእ ማላትያ ኢታቱባ ጸፌዳዎዳንካ፣

“ ጳሳይ፣ “ሀዌ አሳይ ታና፣ ባረ ቦላ ደናን ቦንቼ።

ሽን ኡንቱንቱ ዎዛናይ ታፕ ሃኩዎን ደኤ፤

አሳይ ታው መላ ጎይኔ።

እያው ጎጥ፣ አሳይ ኦሌዳ አዛዙዎ፣

ጸሳ ሀግያ ማላትሲደ ታማርሴ” ጌዳ፣

ያጊደ ትምቢትያ ቱሙዎ ኦዴዳ።

8 “ጳሳ አዛዙዎ ህንተ አጊደ፣ አሳ ዎጋ ምንሲደ ናጊታ” ያጊዳ።

9 ቃይካ የሱስ፣ “ህንተንቱ ህንተ ዎጋ ናጋናው ጸሳ አዛዙዎ አጊታ።

10 እያው ጎጥ ሙሴ፣ ሳ አባነ ነ ዳዮ ቦንቻ፣ ቃይ፣ “ባረ አባነ ባረ አቶ ቦርያዌ ሀይቁዎን ሙረቶ” ያጊዳ።

11 ሽን እት ኡራው ባረ አውዎ ዎይ ባረ አቶ ማድያባይ ደእሽን እ፣ ሀዌ ቁርባንያ፤ ሀዎ ፕሳይ ጸሳባ ግያዎ፣ ጎጥ፣

12 እ ባረ አውዎ ዎይ ባረ አቶ ዎደፕ ማዳናዎ እይነ ኮይክታ።

13 ሀ ሀኖታን ህንተ ህንተንቱ ዎጋ ናጋናው፣ ጳሳ ቃላ ኮሊደ፣ ሄዎ ማላ ዳሮባ ኦሊታ” ያጊዳ።

አሳ ቱንሰያዎንታ (ማቶሳ 15:10-20)

14 የሱስ ጮራ አሳ ቃይካ ባረኮ ጼሲደ፣ “ኡባይ ታን ግያዎ ሰሰተነ እኬክተ።

15 አሳፕ ከሰያዌ አሳ ቱንሰያዎፕ አትን፣ ካረፕ አሳ ግዶ ገሊደ፣ አሳ ቱንሰያባይ እይነ ባዎ፤

16 ሰሳናው ሀይሳይ ደእያ ኡራይ ኦንነ ሰሶ” ያጊዳ።

17 የሱስ ጮራ አሳ አጊደ ሰይ ገሌዳ ዎደ፣ እ ካልያዎንቱ ሄ ሊምሱዎባ እ ኦቼድኖ።

18 እ ኡንቱንታ፣ “ህንተንቶካ ቃይ ገልቤኔ? ካረፕ አሳ ዎዛናን ገልያባይ እይነ አሳ ቱንሳናው ዳንዳየናዎ እኬኪቱ?

19 እያው ጎጥ፣ ቁማይ አሳ ኡሉዎ ግዶ ገሊደ፣ ካረው ከሰያዎፕ አትን፣ አሳ ዎዛና ግዶ ገለና” ያጊዳ።

\* 7:2 ሚጨተናን ቁማ ምያዎንታ- እይሁደ አሳቱዎ ዎጋን ሚጨተና ኩሽያን ቁማ ሙሳይ ቱዳናን ፓይደቱ። ሄዎ ቁማ ማናፕ ካሰና ኩሽያ ማቻ ሎይል ምንሲኖ። 7:6-7 አሳ. 29:13 7:10 ከሳ 20:12፤ 21:17፤ ዎጋ 20:9፤ ዛረ. 5:16

ሀዋዳንካ የሱስ ቁማ ኡባይ ቱና ግደናዋ ኤርሴዳ።

20 ቃይካ የሱስ ሀዋዳን ያጌዳ፤ “አሳ ቱንሰያባይ አሳ ዋዛና ግደፕ ከሰያባ።

21 እያው ጎፕ፣ አሳ ዋዛና ግደፕ ከሰያባ ኢታ ቆፋ፤ ዋሹምያዋ፤ ወእያዋ፤ ዋድያዋ፤ ጨራተፋ፤

22 የራተፋ፤ ኡዝያ ዋይ ባረና ደሰያዋ፤ ኢታተፋ ዋይ ጭምያዋ፤ ገንያ፤ ማጫዋ አዋትያዋ፤ ቃናትያዋ፤ ቦርያዋ ዋይ ዝግርያዋ፤ እዩዋ፤ ኤያተፋ።

23 ሀ ኢታባይ ኡባይ አሳ ዋዛና ግደፕ ከሲደ፣ አሳ ቱንሴ” ያጌዳ።

እት ግሪክ ምሽራት አማኑዋ (ማቶሳ 15:21-28)

24 የሱስ ሄዋፕ አገደ፣ ጸርሳነ ሲደና ግያ ካታማቱዋ ማታን ደእያ ጋድያ ቢደ፣ እት ጎልያ ገሌዳ፤ ቃይ እ ያን ደእያዋ ኦንነ ኤራናዋ ኮይቤና፤ ሽን ቆስቲደ ጋምእናዉ ዳንዳይቤና።

25 ሽን ባረ ጉፋ ናት ቦላ ኢታ አያናይ ደእያ እት ምሽራታ የሱሳባ ሰሳደ፣ ኤለካ እኮ ያነ አ ገድያን ጉፋና አጋዱ።

26 ሄ ምሽራታ አይሁዳ አሳ ግዲኩ፤ አ የለቲዳዌካ ሶርያ ግያ ጋድያና፤ አ ባረ ናትፕ ጸላሀያ ከሳና ማላ፣ የሱሳ ዋሳዱ።

27 ሽን የሱስ ዛሪደ፣ “ናናይ ካስቲደ ቁማ ካልና፤ እያው ጎፕ፣ ናና ቁማ እኪደ፣ ካናት ተ ኦልያዌ ሎአ ግደና” ያጌዳ።

28 ምሽራታ ዛሪደ፣ “ቱማካ ታ ጎዳዉ፣ ሀራይ እቶ ሳምፓ ምይያን ደእያ ካናቱካ ናናቱዋፕ አቴዳ ሱፓ ማኖ” ያጋዱ።

29 የሱስ ቃይ እዞ፣ “ሀ ኔን ሃሳዬዳ ቃላ ድራዉ፣ ጸላሂ ነ ናትፕ ከሴዳ፤ ሰም ነ ሶይ ባ” ያጌዳ።

30 ምሽራታ ባረ ሶይ ብያ ዋደ፣ እዝ ናትፕ ጸላሂ ከሰና፣ ሂጸን ግሴዳዉኖ ደማዱ።

የሱስ ቱለነ ዱደ ግዴዳ እት ብታንያ ፓሌዳ

31 የሱስ ጸርሳ ጋድያፕ ከሲደ፣ ሲደናና ነ ታሙ ካታማ ግያ ጋድያና ካንሌደ፣ ጋለላ አባኮ ቤዳ።

32 አሳይ ቱለነ ዱደ ግዴዳ ብታንያ የሱሳኮ አሂደ፣ ባረ ኩሽያ አ ቦላን ዋፋና ማላ፣ የሱሳ ዋሴድና።

33 የሱስ ባረካ ሄ ብታንያ ጮራ አሳፕ ጋጸ ከሲደ፣ ባረ ብራድያ አ ሀይላን የዴዳ፤ ቃይ ጨቻ ጨቹደ፣ አ እንጸርሳ ቦቹዳ።

34 ሳሎዋ ፑደ ጸሊደ፣ ቶክ ሸምፕደ፣ “ኤፍታህ”፣ ያጌዳ፤ ሄዋ ግያዌ ደየታ ግያዋ።

35 ብታንያ ሀይላይ ኤለካ ደየት አጌዳ፤ ቃይ አ ሃሳየና እንጸርሳይካ ብለት አጌዳ፤ ብታኒ አይነ ዋየተናን ሃሳዪ አጌዳ።

36 የሱስ አሳዉ፣ “ሀዋ ኦስነ ኦድፕተ” ያገደ ኦዴዳ፤ ሽን እ ዳርሰ ምንሰ ኦድና፣ አሳይ ቃይ ኦዴዋ ያ ዳርሴዳ።

37 ሄዋ ሰሴዳ አሳይ ኡባይ ዳር ማላለቲደ፣ “ኡባባካ እ ሎይሳ ኦሌ። ሀራይ እቶ ቱልያካ ሰሴ፤ ቃይ ዱድያካ ሃሳይሴ” ያጌድና።

### 8

የሱስ ኦይዱ ሻእ አሳ ምዜዳ (ማቶሳ 15:32-39)

1 ሄ ዋደ፣ ጮራ አሳይ ቃይ የሱሳኮ ሸቄዳ፤ አሳዉ ምያባይ ጳይና፣ የሱስ ባረና ካልያዋንታ ባረኮ ጸሲደ፣

2 “ሀ ጮራ አሳይ ታናና ሄዙ ጋላሳይ ጋካናዉ ጋምኢደ፣ ምያባ አይነ ደምቤና ድራዉ፣ ታን ኡንቱንቶ ቃረታይ።

3 ታን ኡንቱንታ ኮሻና ሶይ የደፕ፣ ቢደ ኦግያን ዳቡሪደ ኩንዳና፤ እያው ጎፕ፣ እቱ እቱ ሃኮ ሳፕ ዬዳ” ያጌዳ።

4 አ ካልያዋንቱ ዛሪደ፣ “ሀ አሳይ ባይና ሳን ሀ አሳ ኡባ ምዛናዉ ግድያ ቁማ ደማናዉ ዳንዳይያዌ ኦነ?” ያጌድና።

5 የሱስ ኡንቱንታ፣ “ሀንተንቶ አፑን ዳቡ ደአ?” ያገደ ኦቹዳ።

ኡንቱንቱ፣ “ላፑ ዳቡ ደኤ” ያጌድና።

6 የሱስ አሳ፣ “ሳእን ኡትተ” ያገደ አዛዜዳ፤ ቃይ ላፑ ዳቡዋ እኪደ፣ ጸሳ ጋላቲዳ፤ ሄ ዳቡዋ ማንሊደ፣ አሳዉ ግሻና ማላ፣ ባረና ካልያዋንቶ እማዳ። የሱሳ ካልያዋንቱ ሄ ጮራ አሳዉ ግሼድና።

† 7:27 ካናቶ- ሀ ቃላ እት እት አይሁደ አሳይ፣ አይሁደ ግደና አሳቶ ጎኤትያዋ። ‡ 7:34 ኤፍታህ- ሀ ቃላይ የሱስ ሀ አላምያን ደእደ ታማርሰያ ዋደ፣ ጎኤትያ ኦራማይክ ያገትያ ቃላን ሃሳዬዳዋ።

7 ኡንቱንቶ ቃይካ እማራዳ ሱፓ ሞለቱ ደአኖ፤ የሱስ ሄዋንቶካ ጸሳ ጋላቲድ፣ አሳው ግሻና ማላ፣ ባረና ካልያዋንታ አዛዜዳ።

8 አሳይ ኡባይ ሚደ ካልና አቲዳ ደካይ ላፑ ዛምቤልያ ኩሜዳዋ አ ካልያዋንቱ ደገሌድኖ።

9 ቁማ ሜዳ አሳይ ኦይዱ ሻአ ግዳና፤ ሄዋፕ ጉይያን፣ የሱስ አሳ የዴዳ።

10 አ ቃይ ባረና ካልያዋንቱና ኤላካ ዋንግርያን ገሊድ፣ ዳልማኑታ \* ግያ ጋድያ ቤዳ።

ፓርሳዋቱ ባረንቶ ማላታይ ኦስታና ማላ ኦቼድኖ (ማቶሳ 16:1-4)

11 ፓርሳዋቱ ዪድ፣ የሱሳና ፓሉማ ደሚድኖ።

የሱሳ ፓጫናው ኮዪድ፣ ሳሉዋፕ ማላታ ባረንታ በሳና ማላ ኦቼድኖ።

12 የሱስ ዳርስ ቶክ ሸምፒድ፣ “ሀ ዋድያ አሳይ እያው ማላታ ኮዪ? ታን ህንተንቶ ቱሙዋ ኦዳይ፤ ሀ ዋድያ አሳው ማላታይ ኡባካ እመተና” ያጌዳ።

13 ቃይ ኡንቱንታ ሄዋን አጊድ፣ ዛር ዋንግርያን ገሊድ፣ አባፕ ሄፍንሳ ፕኔዳ።

ፓርሳዋቱዋ እርሹዋን ሄርድሳ እርሹዋ (ማቶሳ 16:5-12)

14 የሱሳ ካልያዋንቱ ቁማ አፋናዋ ደጌድኖ፤ ኡንቱንቶ ዋንግርያ ግዶን እት ኡክላፕ ሀራይ ባዋ።

15 የሱስ ኡንቱንታ፣ “ህንተንታ ኤርተ፤ ፓርሳዋቱዋ እርሹዋፕን ሄርድሳ † እርሹዋፕ ናገትተ” ያጊደ አዛዜዳ።

16 ኡንቱንቱ ባረንቱ ግዶን፣ “አ ሀዋ ግያዌ ኑው ቁማይ ባይና ድራሳ” ያጊደ ሃሳያ ደሚድኖ።

17 የሱስ ኡንቱንቱ ግያዋ ኤሪድ፣ “ህንተንቶ ዳቡ ባይናዋ እያው ሃሳዪቱ? ሀእ ጋካናው ህንተው ገሊኔ? ዋይ እኩክክቱ? ህንተ ዋዛናይ ጀሌዳ?”

18 ህንተንቶ አይፊ ደኤ፤ በእክቱ? ቃይ ሀይሳይ ደኤ፤ ሰሰክቱ? ህንተንቶ ሀሳየተኔ?

19 ታን እቼሹ ዳቡዋ እቼሹ ሻአ አሳው መንሳ እሜዳ ዋድ፣ እፑን ዛምቤልያ ኩሜዳ ዶካ ደገሌድቱ?” ያጌዳ።

ኡንቱንቱ፣ “ታማን ላኡ ዛምቤልያ ኩሜዳ ዶካ ደገሌድ” ያጌድኖ።

20 “ታን ቃይካ ላፑ ዳቡዋ ኦይዱ ሻአ አሳው መንሳይ እሜዳ ዋድ፣ እፑን ዛምቤልያ ኩሜዳ ዶካ ደገሌድቱ?” ያጌዳ።

ኡንቱንቱ፣ “ላፑ ዛምቤልያ ኩሜዳ ዶካ ደገሌድ” ያጌድኖ።

21 አ ቃይ፣ “ሀእካ አኬክበይክቱ?” ያጌዳ።

የሱስ ቤተሳይዳን እት ቆቃ ፓሌዳ

22 የሱስን አ ካልያዋንቱ ቤተሳይዳ ግያ ካታማ ቤድኖ፤ አሳቱ ቆቃ ብታንያ የሱሳኩ አሂድ፣ ሄ ብታንያ ቦቻና ማላ፣ አ ዋሴድኖ።

23 የሱስ ቆቃ ብታንያ ኩሽያ ኦይቁድ፣ ሄራፕ ጋጸ ከሴዳ፤ አ አይፍያን ጨቺድ፣ ባረ ኩሽያ አ ቦላ ዋሊድ፣ “ነው እየንቶ ቤቱ?” ያጊደ ኦቼዳ።

24 ብታኒ ቶቁድ፣ “ታን አሳ በአይ፤ ሸን አሳይ ሀመቲድ፣ ምላ ማላቲ” ያጌዳ።

25 ሄዋፕ ጉይያን፣ የሱስ ሸረቲደ ብታንያ አይፍያን ባረ ኩሽያ ዋሌዳ። አ አይፊ ፓጾዳ፤ ብታኒካ ሎይሳ ጸሌዳ፤ ቃይ ኡባካ ጌሺደ በኤዳ።

26 የሱስ ብታንያ፣ “ሄራ ገሎፓ” ያግ አ ሶይ የዴዳ።

ጳጳርሳ አማኑዋን አ ማርካተላ (ማቶሳ 16:13-20፤ ሉቃሳ 9:18-21)

27 የሱስ ባረና ካልያዋንቱና ቁሳርያ ፕሊጸሳ ደእያ ቁር ሄራቱዋ ቤዳ፤ አ ቢሸን ኦግያን የሱስ፣ “ታና አሳይ ኦና ጊ?” ያጊደ ባረና ካልያዋንታ ኦቼዳ።

28 አ ካልያዋንቱ፣ “እት እት አሳይ ኔና፣ ጳማቅያ ዮሃንሳ ጌ፤ ሀራንቱ፣ ሳሌላሳ ጊኖ፤ ቃይ ሀራንቱ፣ ሳባቱዋፕ አቱዋ” ጊኖ። ያጌድኖ።

29 የሱስ ኡንቱንታ፣ “ህንተሽ ታና ኦና ጌቱ?” ያጊደ ኦቼዳ።

ጳጳርሰ፣ “ኔን ደረቲዳ ክርሰቶሳ” ያጊደ ዛራዳ።

\* 8:10 ዳልማኑታ- ሀዌ ኤረተና ሳእ። † 8:15 ሄርድሳ- ሀዌ ሄርድሰ እንትጸሳ ጌተትያ ዋጋ ሄርድሳ ጌተትያዋ ናእ። 8:18 ኤር. 5:21፤ ሀዘ. 12:2፤ ማር. 4:12

30 የሱስ፡ “ታባ ኦስነ ኦድፕተ” ያጊደ ኤንቱንታ አዛዜዳ።

የሱስ ባረና ጋካና መቱዋባነ ዋይያባ ኮይራዎ ሃሳዬ (ማቶሳ 16:21-28፤ ሉቃሳ 9:22-27)

31 የሱስ ባረና ካልያዋንታ፡ “ታን፡ አሳ ናአይ፡ ዳሪ ዋየታናዉ በሴ፤ ጭማቱ፡ ቁሳቱዋ ካፓቱነ ሀግያ ታማርሰያዋንቱ ታና እጻናዉ በሴ፤ ኤንቱንቱ ታና ዋጳናዉነ ታን ሄዘንሉያ ጋላሳፕ ጉይያን፡ ሀይቁዋፕ ደንዳናዉ በሴ” ያጊደ ታማርሱዋ ደሜዳ።

32 ሄዋ እ ኤንቱንቶ ጌሺደ ኦዳዳ፤ ጳጳርሰ አ አት ባጋ ዛሪደ፡ ዞረታ ደሜዳ።

33 ሸን የሱስ ጉየ ሰሚደ፡ ባረና ካልያዋንታ ጸሊደ ጳጳርሳ፡ “ሀ ሴጻናዉ፡ ክቻ ታ ማታፕ! ኔን አሳይ ቆፕያዋ ቆፕሳፕ አትን፡ ጸሳይ ቆፕያዋ ግደና” ያጊደ።

የሱሳ ካሉሳይ ኦቻያ ጋትያ (ማቶሳ 10:38-39፤ 16:24-28፤ ሉቃሳ 9:23-27፤ 14:26-27)

34 የሱስ ጮራ አሳነ ባረና ካልያዋንታ ባረኮ ጸሲደ፡ “ታና ካላና ኮይያ ኡራይ ደአፕ፡ ባረና ካዶ፤ ያቲደ ባረ ማሰቃልያ ቶኪደ፡ ታና ካሎ።

35 እያዉ ሳፕ፡ ባረ ሸምፑዋ ፥ አሻና ኮይያ ኡራይ ባይዛናዋ፤ ሸን ታ ድራዉነ ዋንጋላ ምሽራቹዋ ድራዉ ባረ ሸምፑዋ ባይዘያ ኡራይ አሻናዋ።

36 እት ኡራይ ሳኣን ደእያ ኡባባ ባረዉ ሸሺደ፡ ባረ ሸምፑዋ ባይዘፕ፡ አ እያ ማዳኔ?

37 እት ኡራይ ባረ ሸምፑዋ ዋዛናዉ አያ እማና ዳንዳይ?

38 ጸሳ እማና ሀ ናጋራንቻ የለታ ዋድያን፡ እት ኡራይ ታናንነ ታ ቃላን ዬላቶፕ፡ ታንካ፡ አሳ ናአይ፡ ቃይ ታ እዉዋ ቦንቹዋን ጌሻ ኪታንቻቱዋና ይያ ዋደካ፡ አን ዬላታና” ያጊደ።

### 9

የሱሳ ማላይ ላመቲዳዋ ኦድያ ታርክያ (ማቶሳ 17:1-13፤ ሉቃሳ 9:28-36)

1 የሱስ ኤንቱንታ፡ “ታን ሀንተንቶ ቱሙዋ ጋይ፤ እማራዳ አሳቱ ጸሳ ካዉተላይ ዋልቃና ይያዋ በኤናን ሀይቀናዋንቱ ሀዋን ደእና” ያጊደ።

2 የሱስ ኡሱፑን ጋላሳፕ ጉይያን፡ ባረናና ጳጳርሳ፡ ያቆነ የሃንሳ አኪደ፡ ኤንቱንቱ ጸላላ ዋልቃማ ደርያ ቦላ ከሴዳ፤ ኤንቱንቱ ሰንላን ላመቲዳ፤

3 አ ማዩካ ጸሌዳ፤ ሳኣን ማዩዋ ማጭያ ኦን ጌሻናዉ ዳንዳየናዋ ኬና ዳሪ ቦጻዳ።

4 ሄ ሄዙ የሱሳ ካልያዋንቱ፡ ኤላሰነ ሙሴ የሱሳና ሃሳይያዋንታ በኤድና።

5 ጳጳርሰ የሱሳ፡ “ታማርሰያዎ፡ ኑን ሀዋን ደእያዎ ኑዉ ሎአ፤ ኑን ሄዙ ዳሳቱዋ እቱዋ ነዉ፡ እቱዋ ሙሴዉ፡ ቃይ እቱዋ ኤላሳዉ ከጻና” ያጊደ።

6 እ ዋጋንንቶን ኤርቤና፤ እያዉ ሳፕ፡ እካ የኩንቱካ ዳሪ ያዬድና።

7 ሄዋፕ ጉይያን፡ ሻሪ ዪደ ኤንቱንታ ካምና ሻርያፕ፡ “ሀዌ ታን ሲቅያ ታ ናኣ፤ እ ግያዋ ሰሰተ” ግያ ቃላይ ዬዳ።

8 ኤላካ ኤንቱንቱ የሸ አላ ጸልያ ዋደ፡ የሱሳፕ አትን፡ ሀራ ኦናን ባረንቱ ማታን በእቦይክና።

9 ኤንቱንቱ ደርያፕ ዋድሸን፡ የሱስ ኤንቱንታ፡ “ታን፡ አሳ ናአይ፡ ሀይቁዋፕ ደንዳና ጋካናዉ፡ ሀንተ በኤዳባ ኦስነ ኦድፕተ” ያጊደ አዛዜዳ።

10 እ አዛዜዳዋ ኤንቱንቱ፡ “ኤኖ” ጊደ፡ ሀ ሀይቁዋፕ ደንድያዋ ግያዎ ዋግያዎ” ያጊደ፡ ባረንቱ ግደን ሃሳየቲድና።

11 ኤንቱንቱ የሱሳ፡ “ሀግያ ታማርሰያዋንቱ እያዉ፡ ኤላሰ ካሰቲደ ያናዉ በሴ’ ጊና?” ያጊደ ኦቹድና።

12 እ ዛሪደ ያጊደ፤ “ቱማካ፡ ኤላሰ ካሰት ዪደ፡ ኡባባ ጊግሴ፤ ያትና፡ እያዉ ጸሳ ማጻፋይ፡ ኤሳ ናአይ ዳሪ ዋየታናን እጸታና” ያጊ?

13 ሸን ታን ሀንተንቶ ኦዳይ፤ ኤላሰ ዬዳ፤ ቃይ አባይ ጸሳ ማጻፋን ጸፈቲዳዋዳንካ፡ አሳይ አ ባረ ኮዬዳባ ኦሴዳ” ያጊደ።

የሱስ ኢታ እያናይ ኦይቄዳ ናኣ ፓሌዳ (ማቶሳ 17:14-21፤ ሉቃሳ 9:37-43)

፥ 8:35 ሸምፑዋ- ግሪክያ ቃላን እዛዋ ዋይ አሳ ሸምፑዋ ጌተት ብለቲዳ። 9:2 2 ጳጳ. 1:17-18

14 የሱስ፣ ጳጳርስ፣ ያቆብነ የሃንሰ የኮ የሱሳ ካልያዋንቱኮ ሰሚደ ይያ ዋይ፣ ጮራ አሳይ ሄ ካልያዋንቱ የቸውን ኤቁዳዋን ሀግያ ታማርሰያ አማራዳ አሳቱ ኤንቱንቱና ፓሉመትያዋንታ በኤድኖ።

15 ሄ ጮራ አሳይ የሱሳ በኤዳ ዋደ ማላለት ዳጋሚደ፣ ኤለካ እኮ ዋጽ ዪደ፣ አ ሳሮቱዳ።

16 የሱስ ባረና ካልያዋንታ “ኤንቱንቱና እያ ፓሉመቲቲ?” ያጊደ ኦቹዳ።

17 ሄ ጮራ አሳ ግደፕ እት ብታኒ ዛሪደ፣ “ታማርሰያዎ፣ ታ ናአ ቦላን ሃሳያ ድግያ ኢታ እያናይ ደእያ ድራው፣ አ ኔኮ አካደ ያድ።

18 ሀ ኢታ እያናይ አ ኦይቁያ ዋደ ኡባን፣ አ ኦሌ፤ አ ደናናካ ሆሙ ፓርቲ፤ ቃይ አቻ ጋርጭሴ፤ ቦላካ ዘላሴ። አፕ ሀ ኢታ እያና ከሳና ማላ፣ ኔና ካልያዋንቶ ኦዳድ፣ ሽን ከሳናው ዳንዳይበይክና” ያጊደ።

19 የሱስ ዛሪደ ኤንቱንታ፣ “አማነና ሀ ዋድያ አሳወ! ታን ሀንተንቱና አወደ ጋካናው ደእኔ? ቃይ ሀንተንቱባ አወደ ጋካናው ዳንዳይኔ? ናአ ታኮ ሃ አክ ዪተ” ያጊደ።

20 ኤንቱንቱ ናአ እኮ አሄድኖ፤ ሄ ኢታ እያናይ የሱሳ በኢዳ ኤለካ ናአ ኮኮርሲ አጌዳ፤ ናአይ ሳእን ኩንዲደ፣ ደናና ሆሙ ጎቹ ጊሽን ጎንደረቲዳ።

21 የሱስ ሄ ናአ አወዋ፣ “ሀዌ ነ ናአ ኦይቆደፕ ዋይሳ ዋደ ግዳኔ?” ያጊደ ኦቹዳ።

ናአ አቡ፣ “አ ናአተላን ደእያ ዋድያፕ ደሚዳ።

22 አ ዋጻናው ዳር ዋደ ታማንነ ሃላን ኦሌዳ፤ ሽን ኔን ዳንዳዮፕ፣ ኦወ ቃረታደ ኦና ማዳርኪ” ያጊደ።

23 የሱስ አ፣ “ኔን ዳንዳዮፕ ጋይ? አማንያ አሳወ ኡባባይ ዳንዳዮቲ” ያጊደ።

24 ኤለካ ናአ አቡ ባረ ኮሻ ቶቁ ኦሊደ፣ “ታን አማናይ፤ ሽን ጉጃ አማናዳን፣ ታና ማዳርኪ” ያጊደ።

25 የሱስ አሳይ ዳር ዳር ብያዋ በኢደ፣ ኢታ እያና፣ “ናአ ቱለን ዲደ ኦሊዳ እያናው፣ ሀ ናአፕ ከሳ ጋይ ኔና ታ አዛዛይ፤ ቃይ ዛረላደ እን ገሎፕ” ያጊደ።

26 ሄ ኢታ እያናይ ዋሲደ፣ ናአ ዳርሰ ኮኮርሲደ፣ አፕ ከሴዳ። ናአይ ሀይቁዳዋ ማላትና፣ ዳር አሳይ፣ “ናአይ ሀይቁዳ” ያጊደ።

27 ሽን የሱስ ናአ ኩሽያ ኦይቁደ ደንላና፣ ናአይ ደንድ ኤቁዳ።

28 የሱስ ሶይ ገሌዳዋፕ ጉይያን፣ አ ካልያዋንቱ የሱሳ ዲማ፣ “ኦን ሄ ኢታ እያና ከሳናው እያው ዳንዳይበይኮ?” ያጊደ ኦቹድኖ።

29 የሱስ ዛሪደ፣ “ሄዋ ማላይ ዋሳፕን ጸማፕ አትን፣ ሀራባን ከሳናው ዳንዳዮና” ያጊደ።

የሱስ ባረና ጋካና መቼዋባን ሀይቁዋባ ላኤንሱዋ ኦዳዳ (ማቶሳ 17:22-23፤ ሉቃሳ 9:43-45)

30 ኤንቱንቱ ሄዋፕ ደንዲደ፣ ጋሊላና አዲደ ቤድኖ፤ የሱስ ባረ ደኢያሳ ኦንነ ኤራና ማላ ኮይቤና።

31 እያው ጎፕ፣ አ ባረና ካልያዋንታ “ታና፣ አሳ ናአ፣ አሳይ አሳወ አሊደ አማናን ዋጻና፤ ታን ቃይ ሄዙ ጋሳሳፕ ጉይያን፣ ሀይቁዋፕ ደንዳና” ያጊደ ታማርሴ።

32 ሽን ኤንቱንቶ አ ግያዌ ገልቤና፤ ቃይ አ ኦቻናውካ ያዬድኖ።

ኡባፕ አዲያዌ ኦኔ? (ማቶሳ 18:1-5፤ ሉቃሳ 9:46-48)

33 ኤንቱንቱ ቅርናሆማ ግያ ካታማ ቤድኖ፤ ሶይ ገሌዳዋፕ ጉይያን፣ የሱስ ኤንቱንታ፣ “ኦግያን እያ ፓሉመቲቲ?” ያጊደ ኦቹዳ።

34 ሽን ኤንቱንቱ ቢደ ኦግያን፣ “ኦ ግደን ኦ ኡባፕ አዲያዌ ኦኔ?” ያጊደ ፓሉመቲዳ ድራው፣ ጮኡ ጌድኖ።

35 የሱስ ኡቲደ፣ ታማነ ላኡ ባረና ካልያዋንታ ጴሲደ ኤንቱንታ፣ “ኦንነ ሰንሳወ አጻና ኮዮፕ፣ ኡባፕ ጉየ አዲደ፣ ሄ ኡባወ ቆማ ግዳናው በሴ” ያጊደ።

36 እት ጉላ ናአ ኦይቁደ፣ ኤንቱንቱ ግደን ኤሴዳ፤ ሄ ጉላ ናአ አድሚደ ኤንቱንታ።

37 “ሀዋንቱ ማላ ጉላ ናናፕ አቲዋ ታ ሱንላን ሞክያ ኦንነ ታና ሞኪ፤ ቃይ ታና ሞክያ ኦንነ ታና ኪቲዳዋ ሞክያዋፕ አትን፣ ታ ጸላላ ሞከና” ያጊደ።

የሱስ፣ “ኦባ ኤቀተና ኡራይ ኦ ባጋ” ያጊደ (ሉቃሳ 9:49-50)

38 የሃንሰ አ፣ “ታማርሰያዎ፣ እት አሳይ ነ ሱንላን ኢታ እያናቱዋ ከሰያዋ ኦን በኢደ፣ ኦ ባጋ ግደና ድራው፣ አ ድጌደ” ያጊደ።

39 ሽን የሱስ ያጌዳ፤ “ኦንነ ታ ሱንገን ማላታ ኦሊደ፤ ኤለካ ታ ቦላ ኢታባ ሃሳያናዉ ዳንዳይያዌ ባይና ድራዉ ድጎፕተ፤

40 ኢያዉ ጎፕ፤ ኑባ ኤቀተና ኡራይ ኑ ባጋ።

41 ታን ህንተንቶ ቱሙዋ ኦዳይ፤ ህንተ ታዋንታ ክርሰቶሳዋንታ ግድያ ድራዉ፤ ኦንነ ህንተንቶ ታ ሱንገን ቡልያ ሃላ ኡሻናዉ እዋፕካ፤ ባረ ጋትያ አካናዋ።

ናጋራ ጋሱዋ

(ማቶሳ 18:6-9፤ ሉቃሳ 17:1-2)

42 “ታና አማንያ ሀ ጉላቱዋፕ እቱዋ ባለልያ ኦናነ፤ ጋጭያ ዋጋ ዋጻ አ ቆድያን ቃቺደ፤ አባን አ ኦልያዌ አዉ ሎአ።

43-44 ነ ኩሺ ኔና ባለሉፕ፤ ቃንጸ ኦላ፤ ኔን ላኡ ኩሽያና \* ቃይ ኡባካ ቶኤና ጋናምያ ታማን ገልያዋፕ፤ ዲጸ ኩሽያና ደኡዋ ገልያዌ ነዉ ሎአ።

45-46 ነ ገዲ ኔና ባለሉፕ፤ ቃንጸ ኦላ፤ ኔን ላኡ ገድያና ኡባካ ቶኤና ጋናምያ ታማን የገትያዋፕ፤ ደማ ግዳደ ደኡዋ ገልያዌ ነዉ ሎአ።

47-48 ነ አይፊ ኔና ባለሉፕ፤ ዋጫ ኦላ፤ ኔን ላኡ አይፍናና ኡባካ ቶኤና ጋናምያ ታማን የገትያዋፕ፤ እት አይፍናና ጸሳ ካዉተላ ገልያዌ ነዉ ሎአ።

49 “ቁማን ማጽንያ የግያዋዳን፤ ታማይ አሳ ኡባ ቦላ የገታና።

50 ማጽኒ ሎአ፤ ሽን እ ማልኦና ጳዮፕ፤ ዛሪደ አ ዋት ማልኡላንቱ? ህንተንቱን ማጽኒ ደኡ፤ † ያተደ እቱ እቱዋና ሳርተላን ደአተ” ያጌዳ።

10

ማቻቶ የዳናዉ በስና

(ማቶሳ 19:1-2፤ ሉቃሳ 16:18)

1 የሱስ ሄዋፕ ደንዲደ፤ ዮርዳኖሳ ሻፋፕ ሄፍንላ ባጋና ይሁዳ ጋድያ ቤዳ። ጮራ አሳይ ሸረቲደ እኮ ሸቅና፤ ካስ እ ኦልያዋዳንካ ሄ አሳ ታማርሱዋ ደሜዳ።

2 እት እት ፓርሳዋቱ ፓጫናዉ የሱሳኮ ዪደ፤ “እት አሳይ ባረ ማቻቶ

የዳናዉ ኑዉ ህጊ አዛዚ?” ያጊደ አ ኦቺድና።

3 እ ዛሪደ፤ “ሙሴ ህንተንታ ዋግ አዛዜዴ?” ያጌዳ።

4 ኡንቱንቱ፤ “ሙሴ፤ ‘እት አሳይ ባረ ማቻቶ ፓራማ እሚደ የድ’ ጌዳ” ያጌድና።

5 የሱስ ዛሪደ ኡንቱንታ፤ “ህንተንቱ ኦድና ሰስናዋንታ ግድያ ድራዉ፤ ሙሴ ሀ አዛዙዋ ህንተንቶ ጸፊዳ።

6 ሽን ጸሳይ ኮይሮ መድያ ዋደ፤ አቱማ አሳነ ማጫ አሳ ኦሊደ፤ ኡንቱንታ መጴዳ።

7 ሄዋ ድራዉ፤ እት አሳይ ባረ አባነ ባረ ዳዮ አጊደ፤ ባረ ማቻትና እቱዋ ግዴ።

8 ኡንቱንቱ ላአቱ እት አሾ ግዲና፤ ሄዋ ድራዉ፤ ኡንቱንቱ እት አሳ ግድያዋፕ እትን፤ ላኡ አሳ ግድክና።

9 ሄዋ ድራዉ፤ ጸሳይ እትፕ ጋሌዳዋ አሳይ ሻኮፕ” ያጌዳ።

10 ኡንቱንቱ ሶይ ሰሜዳ ዋደ፤ የሱሳ ካልያዋንቱ ሀ የዉዋባ የሱሳ ዛር ኦቺድና።

11 የሱስ ኡንቱንታ፤ “ባረ ማቻቶ የዲደ፤ ሀራር እክያ ኡራይ ኦንነ አዘና ዋሹሜ።

12 ቃይ ማጫዉናካ ባረ አስናፕ ከሳደ ሀራ አስና ገሎፕ ዋሹማዉ” ያጌዳ።

የሱስ ጉላ ናና አንጄዳ

(ማቶሳ 19:13-15፤ ሉቃሳ 18:15-17)

13 የሱስ ጉላ ናና ቦቻና ማላ፤ እት እት አሳይ ናና እኮ አሄዳ፤ ሽን የሱሳ ካልያዋንቱ ሄ አሳ ሴራድና።

14 የሱስ ሄዋ በኢደ፤ ባረና ካልያዋንታ ህንቀቱዳ፤ ኡንቱንታ፤ “ጉላ ናናይ ታኮ ይያዋንታ ድጎፕተ፤ ኢያዉ ጎፕ፤ ጸሳ ካዉተላይ ሀዋንቱ ማላሳ።

15 ታን ህንተንቶ ቱሙዋ ጋይ፤ ጸሳ ካዉተላ ጉላ ናኡዳን አከና ኡራይ ኦንነ ሄ ካዉተላ ኡባካ ገለና” ያጌዳ።

16 ጉላ ናና እድሚደ፤ ባረ ኩሽያ ኡንቱንቱ ቦላ ሁጲያን ሁጲያን ዋሊደ፤ ኡንቱንታ አንጄዳ።

\* 9:43-44 ሀራ ጌሻ ማጻፋ ብለላቱ፤ ጉጹኒ ሙላ ሀይቀናሳነ ቃይ ሙላካ ቶኤና ጋናምያ ታማን፤ ያጌ። 9:45፤ 47 ጸልተ። † 9:50 ህንተንቱን ማጽኒ ደኡ። ሀዋ ጉሳይ የሱሳን አማንያዋንቱ ባረንቱ አማኑዋፕ ደንደ ጋሱዋን ኡንቱንቱ ቦላ መቱ ጋክንቶካ እቱ እቱዋና ሳርተላን ደአናዉ በሴ። 10:4 ዛረ. 24:1-4፤ ማቶሳ 5:13 10:6 ደመላ 1:27፤ 5:2 10:8 ደመላ 2:24



ሚሻ ሲቁሳይ አሁን መቱዋ  
(ማቶሳ 19:16-30፤ ሉቃሳ 18:18-30)

17 የሱሰ ባናው ከሴዳ ዎደ፣ እት ብታኒ ዎጸደ ይ እ ሰንላን ጉልባቲደ፣ “ሎኦ ታማርሰያዎ፣ መጅና ደኡዋ ላታናው ታን አያ አሉ?” ያጊደ አ ኦቼዳ።

18 የሱሰ፣ “እያው ታና ሎኦ ጋይ? ጸሳ ጸላላጥ አትን፣ ሀራ ሎኦ ኦንነ ባዎ።

19 ጸሳ አዛዙዎ፣ ‘ዎጶፓ፤ ዎሹዎፓ፤ ወእፓ፤ ዎርዲዎ ማርካቶፓ፤ ጭዎፓ፤ ነ አባነ ነ ዳዮ ቦንቻ’ ያግያዎ ኤራሳ” ያጊደ።

20 ብታኒ የሱሰ፣ “ታማርሰያዎ፣ ታን ሄዎ ኡባ ናአተላጥ ደማደ ሀእ ጋካናውካ ናጋይ” ያጊደ።

21 የሱሰ ብታንያ ደሴዳ፤ አ ጫድ ጸሊደ፣ “ኅወ እትባይ ፓጮዳ፤ ባደ ነው ደእያባ ኡባ ዛልአደ፣ ሄ ሚሻ ህዬሳው እማ፤ ኔን ሳሉዋን ዱረታና። ያቶዋጥ ጉይያን ያደ ታና ካላ” ያጊደ።

22 ሽን ብታኒ ሄዎ ሰሲደ፣ እ ዳር ዱረ ግድያ ድራው፣ ባረ ሶምእያ ጶምሲደ፣ ናሽተናን እጊደ ቤዳ።

23 የሱሰ ባረና ካልያዎንታ የሽ አላ ጸሊደ፣ “ዳር ዱረ አሳይ ጸሳ ካውተላ ገላናው ዋን መታንዳሻ!” ያጊደ።

24 አ ካልያዎንቱ አ ሃሳያ ሰሲደ ማላለቲድና፤ ሽን የሱሰ ቃይካ ኡንቱንታ፣ “ናቶ፣ ጸሳ ካውተላ ገላናው ዎት መታንዳሻ!” \*

25 ዱረ አሳይ ጸሳ ካውተላ ገላናዋጥ፣ ጋሉ ማርጥያ ጸእያና አጻናዌ ማታቱ” ያጊደ።

26 የሱሰ ካልያዎንቱ ማላለቲደ፣ “ያትና፣ ኦኔ አታናው ዳንዳይያዎ?” ያጊደ እቱ እቱዎ ኦቼድና።

27 የሱሰ ኡንቱንታ ጫድ ጸሊደ፣ “ሀዌ ጸሳው ዳንዳየትያዋጥ አትን፣ አሳው ዳንዳየተና፤ እያው ጎጥ፣ ጸሳው ኡባባይካ ዳንዳየቱ” ያጊደ።

28 ጳጵሮስ የሱሰ፣ “በአ፤ ኦን ኦባ ኡባ እጊደ፣ ኔና ካሌደ” ያጊደ።

29 የሱሰ፣ “ታን ህንተንቶ ቱሙዋ ጋይ፤ ታ ድራውነ ዎንጋላ ምሽራቹዎ ድራው፣ ጎልያ ዎይ እሻቱዋ ዎይ ምቻቱዋ፣ ዎይ አወዋ ዎይ አቶ ዎይ

ማቻቶ፣ ዎይ ናና ዎይ ጋድያ አጌዳ አሳይ ኦን፤

30 ሀእ ሀ ዎድያን ጾቱ ዳኩዋጥ ዳርያ ጎለቱዋ፣ እሻቱዋ፣ ምቻቱዋ፣ አቶ፣ ናና፣ ጋድያ፣ ቃይ መቱዋካ እካናዋ። ሰንላጥ ያና ዎድያንካ መጅና ደኡዋ አካናዋ።

31 ሽን ጮራቱ ሀእ ሰንላን ደእያዎንቱ ጉየ አጻና፤ ቃይ ጮራቱ ሀእ ጉየን ደእያዎንቱ ሰንላው አጻና” ያጊደ።

የሱሰ ባረና ጋካና መቱዋባነ ሀይቁዋባ ሄዘንሱዋ ኦዴዳ  
(ማቶሳ 20:17-19፤ ሉቃሳ 18:31-34)

32 ኡንቱንቱ የራሳላመ ቢደ፣ ኦግያን ደእና፤ የሱሰ ባረና ካልያዎንቱ ሰንላና ሀመቱ። ኡንቱንቱ ማላለቲድና፤ አ ካልያዎንቱ ያዬድና። ዛሪደ ታማነ ላኡ ባረና ካልያዎንታ ጋጸ ከሲደ፣ ባረና ጋካናባ ዲማዬደ ኡንቱንቶ ሀዋዳን ያጊደ ኦዴዳ፤

33 “በእተ፤ ኦን የራሳላመ ሀእ ከሶይተ፤ ያን ታና፣ አሳ ናኦ፣ ቁሳቱዋ ካፓቶን ሙሴ ህግያ ታማርሰያዎንቶ አሊደ እማና። ኡንቱንቱ ታ ቦላን ሀይቁዋ ፕርዳ ፕርዳ፤ ከንቱንቱ ቃይ አይሁዳ ግደና አሳውካ ታና አሊደ እማና።

34 ሄ አይሁዳ ግደና አሳይ ታ ቦላ ቅሊጫናነ ጩቻና፤ ታና ልሱዋን ሾጫናነ ዎጻና፤ ታን ቃይ ሄዙ ጋላሳጥ ጉይያን፣ ሀይቁዋጥ ደንዳና።”

ያቆብነ የሃንሰ ዎሴዳ ዎሳ  
(ማቶሳ 20:20-28)

35 ዛብድዮሳ ናናይ ያቆብነ የሃንሰ የሱሳኩ ዪደ፣ “ታማርሰያዎ፣ ኦን ኔና ዎሰያባ ኡባባ ኡው አሳርኪ” ያጊድና።

36 የሱሰ ኡንቱንታ፣ “ታን ህንተንቶ አያ አሉ?” ያጊደ።

37 ኡንቱንቱ አ፣ “ኅ ቦንቾ ካውተላን ኦን ኡትያ ዎደ፣ ኦጥ እቱዋ ኦጥ ኡሽቻ ባጋና ቃይ እቱዋ ሀድርሳ ባጋና ኡትሳርኪ” ያጊድና።

38 ሽን የሱሰ ኡንቱንታ፣ “ህንተንቱ አያ ዎሳናው በሰንቶካ ኤርክታ፤ ታን ኡሻናው በሰያ መቱዋ ጸኢ ኡሻናው ዳንዳይቱ? ቃይ ታን ጸማቀታናው በሰያ ጽንቃታ † ጸማቀታናው ዳንዳይቱ?” ያጊደ።

10:19 ከሳ 20:12-16፤ ዛረ. 5:16-20 \* 10:24 ዎት መታንዳሻ- ሀዋ እት እት ብለላይ ባረው ደእያባን እማንቶና አሳ ያጊደ። † 10:38 ጽንቃታ- ሀዋ ጉሳይ የሱሰ ጋኬዳ መቱዋ ጸኢ ጉሳ።

39 ሄዋጥ ጉየ ኡንቱንቱ ዛሪደ፡ “ኤ ዳንዳዬቶ” ያጌድኖ።

የሱስ ቃይ፡ “ታን ኡሻናዉ በሰያ መቱዋ ጸኢ ህንተ ኡሻና፤ ታን ጸማቀታናዉ በሰያ ጽንቃታካ ህንተ ጸማቀታና።

40 ሸን ታጥ ኡሸቻ ባጋና ሀድርሳ ባጋና ኡታናዋንታ ደርያዌ ታና ግድከ፤ ሸን ሄ ሳኦይ ጸሳይ እማናዉ ጊግስ ዋሌዳዋንቱሳ” ያጌድኖ።

41 የኩ ታሙ፡ የሱሳ ካልያዋንቱ ሄዋ ሰሴዳ ዋደ፡ ያቆባነ የሃንሳ ሀንቀቱድኖ።

42 የሱስ ኡንቱንታ ኡባ ባረኮ ጸሲደ፡ ሀዋዳን ያጌድኖ፤ “ ኣይሁዳ ግደናዋንታ ሞድያዋንታ፣ ጊደ ቆጥያዋንቱን ሄዋንታ ካለልያ አሳቱ ባረንቱ አሳ ሞድያዋ ኤሪታ።

43 ሸን ህንተ ግደን ሄዋ ማላ ግደና፤ ህንተ ግደን ዋጋታና ኮይያ ኦነነ ህንተንቶ ቆማ ግዳናዉ በሴ።

44 ቃይ ህንተ ግደን ኡባጥ ቦላ ግዳና ኮይያ ኦነነ ህንተ ኡባዉ አይለ ግዳናዉ በሴ።

45 እያዉ ሳጥ፡ ሀራይ አቶ ታን፡ አሳ ናኦይካ፡ አሳዉ ኦላናዉነ ጮራቱዋ ዋዛናዉ ዬዳዋጥ አትን፡ አሳይ ታዉ ኦላና ማላ ያበይከ” ያጌድኖ።

የሱስ ቆቃ ባርጸሞሳ አይፍያ ፓሌዳ

(ማቶሳ 20:29-34፤ ሉቃሳ 18:35-43)

46 ኡንቱንቱ እያርኮ ግያ ካታማ ቤድኖ፤ የሱስ ባረና ካልያዋንቱናን ጮራ አሳና እያርኮጥ ከሰሸን፡ ጽሞሳ ናኦይ ቆቃይ፡ ባርጸሞሳ ግያዌ፡ ኦግያ ደናን ዋሲደ ኡቱዳ።

47 ባርጸሞሰ ናዝራትያ የሱሳ ግዴዳዋ ሰሲደ፡ ባረ ኮሻ ቶቁ ኦሊደ፡ “ዳዊተ ናኦ ፥ የሱሳ፡ ታና ማራርኪ!” ያጉሳ ደሚዳ።

48 ጮራ አሳይ አ፡ “ሀይዛ!” ጊደ ሀንቀቱዳ።

ሸን፡ እ ባረ ኮሻ ካሰዋጥካ ዳርሰ ቶቁ ኦሊደ፡ “ዳዊተ ናኦዉ፡ ታና ማራርኪ!” ያጌድኖ።

49 የሱስ ኦግያን ኤቁደ፡ “አ ሃ ጸሰተ” ያጌድኖ።

ኡንቱንቱ ቆቃ፡ “አይነ ባዋ፤ ደንዳ ኤቃ፤ ኔና ጸሴ” ያጊደ ጸሴድኖ።

50 ቆቃይ ባረ ማዩዋ ኦል አጊደ፡ ጉጥ ደንድ ኤቁደ፡ የሱሳኮ ቤዳ።

51 የሱስ አ፡ “ታን ነዉ እያ ኦላናዉ ኮያይ?” ያጌድኖ።

ቆቃይ፡ “ታማርሰያዎ፡ ታን ጸላናዋ ኮያይ” ያጌድኖ።

52 የሱስ አ፡ “ባ፤ ነ አማኑ ኔና ፓሌዳ” ያጌድኖ። ኤለካ አ አይፊ ጸል አግና፡ ኦግያን የሱሳ ካል አጌዳ።

# 11

የሱስ ዋልቃማ ቦንቹዋን የሩሳላመ ገሌዳ

(ማቶሳ 21:1-11፤ ሉቃሳ 19:28-40፤ ዮሃ. 12:12-19)

1 ኡንቱንቱ የሩሳላመ ማቲደ፡ ደብረ ዛይተ ደርያ ማታን ደእያ ቤተፋንብ ቢታንያ ጋኬድኖ፤ የሱስ ባረና ካልያዋንቱጥ ላኡዋ ሰንላዉ ከቲደ፡

2 “ህንተንቱጥ ሰንላን ደእያ ሄራ ቢቲ፤ ያ ገሎሳና ኦነነ ኡባ ቶግቤና ቃሹዋን ደእያ ሀረ ማራ ህንተ ደማና፤ አ ብል ሃ አኪደ ዪተ።

3 ኦነነ ህንተንታ፡ ‘ሄዋ እያዉ አላተ?’ ያጊደ ኦሻጥ፡ ‘ሳዳዉ\* ሀዋ ኮሼ፤ ኤለካ ዛር ሃ የዳናዋ’ ያግተ” ያጌድኖ።

4 ኡንቱንቱ ቢደ፡ ሀረ ማራ ጥንግያ ማታን ኦግያን ቃች ዋሌዳዋ ደሚደ ብሌድኖ።

5 ሄዋን ኤቁዳ እት እት አሳቱ ኡንቱንታ፡ “ሀረ ማራ ዋታናዉ ብሊቲ?” ያጌድኖ።

6 የሱሳ ካልያዋንቱ የሱስ ባረንታ አዛዜዳዋ ኦድኖ፡ አሳቱ የድ አጌድኖ።

7 ኡንቱንቱ ሀረ ማራ የሱሳኮ አሂደ፡ ባረንቱ ማዩዋ አ ዘክያን ዋሌድኖ፤ የሱስ ሄ ሀረ ማራ ቶጌዳ።

8 ጮራ አሳይ ባረንቱ ማዩዋ ኦግያን ሂጾዳ፤ ቃይ ሀረንቱ ሞላ ሀይላ ካር ካሪደ፡ ኦግያን ሂጾድኖ።

9 የሱሳጥ ሰንላና ሀመትያ አሳይነ አ ጌዲዋ ካልያ አሳይ ባረንቱ ኮሻ ቶቁ ኦሊደ፡

“ጸሳይ ጋላተቶ! ጎዳ ሱንላን ይያዌ አንጀቱዳዋ።

10 ጎዳ ሱንላን ይያ ኑ አዉዋ ዳዊተ ካዉተላይ አንጀቱዳዋ።

ሳሉዋ ኡባጥ ቦላ ሳሉዋን ደእያ ጸሳይ ጋላተቶ” ያጌድኖ።

‡ 10:47 ዳዊተ ናኦ- አይሁደ አሳቱ ጸሳን ኦከቶዌ ዳዊተ ዘረፋጥ የለታናዋ ያጊደ ቆጥያ ድራዉ፡ ጸሳን ኦከቶዌ “ዳዊተ ናኦ” ያገት ጸሰቲ። \* 11:3 ጎዳ- ሀዋ ጉሳይ ሀርያ ጎዳ። 11:9 ማዘ. 118:25-26

11 የሱስ የሩሳላመ ቢደ፣ ጌሻ ጎልያ ገሌዳ፤ ቃይ ኡባባ ዩይ ዩይ ጴሌዳዋፕ ፑይያን፣ ሳኦይ ቃምያ ድራው፣ ታማነ ላኡ የሱሳ ካልያዋንቱና ቢታንያ ቤዳ።

የሱስ ሸቄዳ ባላስያ ምላቶ (ማቶሳ 21:18-19)

12 ዋንተላ ጋላስ ኡንቱንቱ ቢታንያፕ ከሲደ ቢሸን፣ የሱስ ኮሻቲዳ።

13 ሃኩዋን እት ባላስያ ግያ ምላቶ ሀይላ ማያ ኡቲዳወኖ በኢደ፣ ኦን ኤር እ ቦላ አይፊ ቤቶፕን ጊደ፣ በአናወ አዘኮ ቤዳ፤ ሸን አዘኮ እ ብያ ዋደ፣ ሀይላ ጸላላፕ አትን፣ አይነ አይፍያ ደምቤና፤ አያዉ ጎፕ፣ ባላሲ አይፍያ ዋዲ ጋክቤና።

14 የሱስ ሄ ባላሳቶ፣ “ኔፕ ሸረቲደ መድኖዉ ኦን አይፍያ ምፖ” ያጌዳ። የሱሳ ካልያዋንቱ እ ግያዋ ሰሴድኖ።

የሱስ ጌሻ ጎልያን ዛልአያዋንታ ከሴዳ (ማቶሳ 21:12-17፤ ሉቃሳ 19:45-48፤ ዮሃ. 2:13-22)

15 ኡንቱንቱ የሩሳላመ ቤድኖ፤ የሱስ ጌሻ ጎልያ ገሊደ፣ ሄዋን ዛልአያዋንታን ሻምያዋንታ ካረ የደርሱዋ ደሜዳ፤ ቃይ ሚሻ ላምያዋንቱ ጸራጴዛነ ደጎሙዋ ዛልአያዋንቱ አይድያ አላ የጊደ፣

16 ኦን አየንቶ ቶኪደ፣ ጌሻ ጎልያ ግቢያ ግደና አጳናዋ ድጌዳ።

17 የሱስ አሳ ሀዋዳን ያጊደ ታማርሴዳ፣ “ጸሳ ማጸፋን፣ ታ ጎሊ አይሁዳ ግደና አሳይ ኡባይ ጸሳ ዋስያ ጎሊ ጌተታና፣ ያገቲደ ጸፊት ኡቲዳ፤ ሸን ሀንተ እ ቦንቃንቻቱ ቆስትያ ጎንጎሉዋ ከሴድታ።”

18 ቄሳቱዋ ካፓቱን ሙሴ ሀግያ ታማርሴያዋንቱ ሄዋ ሰሲደ፣ አ ዋጳና ኦግያ ኮሻ ደሜድኖ፤ ሸን ጮራ አሳይ እ ታማርሴያዋን ማላለትያ ድራው፣ አዉ ያዬድኖ።

19 ሳኦይ ኦማርሴዳ ዋደ፣ የሱስነ አ ካልያዋንቱ ካታማፕ ጋጸ ከሴድኖ።

ባላስያ ግያ ምላታ መላዲ (ማቶሳ 21:20-22)

20 ኡንቱንቱ ዋንተላ ጋላስ ጉራ ኦግያና አዲደ፣ ሄ ባላሳታ ጸጹዋና መላ ድጌዳወኖ በኤድኖ።

21 ጸጽርሰ ሀሳዪደ፣ “ታማርሴያዎ፣ በእ፤ ኔን ሸቄዳ ባላሳታ መላ ድጋዲ” ያጌዳ።

22 የሱስ ዛሪደ፣ ኡንቱንታ ሀዋዳን ያጌዳ፤ “ጸሳ አማንተ።

23 ታን ሀንተንቶ ቱሙዋ ጋይ፤ ኦን ባረ ዋዛናን ሰፍን ባረ ጌዳባይ ሀናናዋ አማኒደ፣ ሀ ደርያ፣ ‘ደንዳደ አባን ኩንዳ’ ጎፕ ሀናና።

24 ሄዋ ድራው፣ ጸሳ ሀንተ ዋስያባነ ኦቶያባ ኡባ አክ ድጎዋዳን አማንተ፤ ሀንተ አካና።

25 ጸሳ ዋሳናዉ ሀንተ ኤቄያ ዋደ፣ ሳሉዋን ደአያ ሀንተ አዉ ሀንተ ናጋራ አቶ ጋና ማላ፣ ኦን ሀንተንታ ናቄዳባይ ደአፕ፣ አዉ አቶ ጌተ።

26 ሸን አሳ ናጋራ ሀንተ አቶ ጋና ጳዮፕ፣ ሳሉዋን ደአያ ሀንተ አዉካ ሀንተ ናጋራ ሀንተንቶ አቶ ጌና።”

የሱስ አያ ማታን ኦሊ ግያ ኦሻ (ማቶሳ 21:23-27፤ ሉቃሳ 20:1-8)

27 ኡንቱንቱ ቃይካ የሩሳላመ ቤድኖ፤ የሱስ ጌሻ ጎልያን ሀመትሸን፣ ቄሳቱዋ ካፓቱ፣ ሙሴ ሀግያ ታማርሴያዋንቱን ጭማቱ የሱሳኮ ዬድኖ።

28 እ፣ “ኔን ሀዋ ኦላናዉ ነዉ አይ ማታይ ደአ? ዋይ ነዉ ሀ ማታ አሜዳዌ ኦኔ?” ያጌድኖ።

29 የሱስ ዛሪደ ኡንቱንታ፣ “ታንካ ሀንተንታ እትባ ኦቻና፤ ታዉ አድተ፤ ታን ቃይ ሀዋ አይ ማታን ኦላይታንቶ፣ ሀንተንቶ ኦዳና።

30 ዮሃንስ ጸማቅያ ማታ አኬዳዌ ጸሳፔየ ዋይ አሳፔ? ታዉ ኦድተ” ያጌዳ።

31 ኡንቱንቱ ባረንቱ ግደን ፓሉማ ደሚደ፣ “ኑን፣ ጸሳፕ ዬዳ፣ ያጎፕ፣ እ ኑና፣ ያትና፣ ዮሃንስ ኦዴዳዋ አያዉ አማንበይክቱ?” ያጋና።

32 ሸን፣ ‘አሳፕ ዬዳ ጋይ?’ ” ያጌድኖ፤ ቃይ አሳይ ኡባይ ዮሃንስ ናብያ ግዴዳዋ ኤርያ ድራው፣ አሳዉ ያዬድኖ።

33 ሄዋ ድራው፣ ኡንቱንቱ የሱሳው፣ “ኑን ኤርኮ” ያጊደ ዛሪድኖ።

የሱስ፣ “ታንካ ሀዋ አይ ማታን ኦላይታንቶ፣ ሀንተንቶ ኦድከ” ያጌዳ።

# 12

ዎይንያ ቱራ ቶክያ ኦሳንቻቱዋ ለምሱዋ  
 (ማቶሳ 21:33-46፤ ሉቃሳ 20:9-19)

1 የሱስ ኤንቱንቶ ኦዲዋ ለምሱዋን ያገደ ደሜዳ፤ “እት ብታኒ ዎይንያ ግያ ቱራ ቶኪደ፤ ድርሳ የሽ አሊደ ድራዳ፤ ቃይ ሄ ዎይንያ ጉምእያ አላካ ቦኬዳ፤ ሄዋ ናግያ አሳዉ ናግያሳ ኬዴዳ፤ ሄዋ፣ ጉይያን፤ ኮሳ ኦሳያ አሳዉ እሚደ፤ ሁራ ገደ ቤዳ።

2 ዎይንያ አይፍያ ማጽያ ዎዲ ጋክና፤ ባረና ጋክያዋ አኪደ ያና ማላ፤ እት ቆማ ባረ ኮሳዋቱዋኮ ኪቲዳ።

3 ኮሳ ኦሳያዋንቱ አ ቆማ አይቂ ዋዲደ፤ ኩሽ መላ የዴድና።

4 ለኤንሱዋ ሀራ ቆማ ኤንቱንቱኮ ኪቲዳ፤ ኤንቱንቱ ሄ ቆማ ሀጺያ ጸልቂደ ፖክሰ የዴድና።

5 ዎይንያ ቱራ ጎዳይ ቃይካ ሀራ ቆማ ኪቲዳ፤ ሄ ቆማ ዎዲድና፤ ቃይ ሀራ ጮራቱዋካ ሄዋዳን ኦሊድና፤ እቱዋ እቱዋ ዋዲደ፤ ሀራቱዋ ዎዲድና።

6 “ዎይንያ ቱራ ጎዳዉ ኪታናዉ ኡባ፣ ዉርሰላን አ ዳሪ ሲቅያ አ ናኦ ጸላላይ አቲዳ፤ እ፤ ‘ኤንቱንቱ ታ ናኦ ቦንቹናን አግክና’ ጊደ፤ ባረ ናኦ ኤንቱንቱኮ ኪቲዳ።

7 “ሸን ኮሳ ኦሳያዋንቱ ባረንቱ ግደን፤ ‘ላታናዌ ሀዋ፤ ቢደ አ ዎዲይተ፤ አዉ ደእያዌ ኑዋ ግዳና!’ ያጌድና።

8 ናኦ አይቂ ዋዲደ፤ አ አሃ ዎይንያ ቱራ ግደ፣ ጋጸ ከሰ አሌድና።

9 “ሰም ዎይንያ ቱራ ጎዳይ ዋታኔ? ዪደ ሄ ኮሳዋቱዋ ዎዲ ዉርሲደ፤ ዎይንያ ቱራ ኮሳ ኦሳያ ሀራ አሳዉ እማናዋ።

10-11 “ ግምቢያዋንቱ ካድ እጹዳ ሹቻይ

ጎዳ ጸጸዋ ምንሰያ፤  
 ኡባ፣ አድያ ሹቻ ግዴዳ።  
 ሀዌ ጎዳይ ኦሊዳዋ፤  
 ቃይ ኑናካ ማላልሰያዋ፣  
 ያግያዋ ጸሳ ማጻፋ፣ ናባብ ሰይክቱ?”

ያጌዳ።

12 ቄሳቱዋ ካፓቱ፤ ሀግያ ታማርሰያዋንቱ፤ ጭማቱ የሱስ ሄ ለምሱዋ ባረንቱን ለምሱዳዋ ኤሬዳ ድራዉ፤ አ አይቃናዉ ኮዬድና፤ ሸን አሳዉ ያዪደ፤ ባሽ ቤድና።

ጊራ ጊራኔ አጋኔ ግያ ኦሻ  
 (ማቶሳ 22:15-22፤ ሉቃሳ 20:20-26)

13 ቃይ አ ሃሳያ፣ ባላ ደማና ማላ፤ ፓርሳዋቱዋ፣ ሄርድሳ ባጋቱዋ፣ \* አማራዳዋንቱ አኮ ኪትና ዪደ፤

14 “ታማርሰያዎ፤ ኔን ቱሙዋ ሃሳይያዋን አሳ፣ አሳ ሻክናዋ ኑን ኤሬቶ፤ አያዉ ጎ፣ ኔን አሳ ዲማያካ፤ ቃይ ጸሳ አግያ ቱማተላን ታማርሳ። ኑን ሮማ ካትያ ቄሳረዉ ጊራ ጊርያዌ ዋጌየ ዎጋ ግደኔ? ጊራ ጊራኔዬ ድጋኔ?” ያጌድና።

15 ሸን ኤንቱንቱ ሎአ ማላትያ አታ አሳ ግዴዳዋ የሱስ ኤሬደ፤ “ታና አያዉ ፓጪቲ? እት ሳንትምያ ሃ ታኮ አሀተ፤ ታን አነ በእና” ያጌዳ።

16 ኤንቱንቱ አዉ አሄድና፤ “ሀ ማላይነ ሱንሳይ ኦዋ?” ያጌደ ኤንቱንታ ኦቹዳ።

ኤንቱንቱ፤ “ቄሳረዋ” ያጌድና።

17 የሱስ ዛሪደ ኤንቱንታ፤ “ያቶ፣ ቄሳረዋ ቄሳረዉ፤ ጸሳዋ ጸሳዉ እምተ” ያግና ኤንቱንቱ አባ ማላለቲድና።

ሀይቁዋ፣ ደንዲዋ ኦሻ  
 (ማቶሳ 22:23-33፤ ሉቃሳ 20:27-40)

18 ሀይቁዳ አሳይ ደንደና ግያ ሳዲቃዋናቱዋ እት እት አሳቱ የሱሳኮ ዪደ፤ ሀዋዳን ያጌደ፤ አ ኦቹድና፤

19 “ታማርሰያዎ፤ ሙሴ ኑዉ ሀግያ ጸፊደ፤ ‘ማቻቶ አኪዳ አሳይ ናኦ የለናን ሀይቆ፣ ሄ ሀይቁዳዋ አሻይ አ ማቻቶ ላቲደ፤ ባረ አሻዉ ናኦ የላናዉ በሴ’ ያግያዋ ጸፊዳ።

20 እት ዎደ ላፑ አሻቱ ደእያዋንቱ፣ ባይራይ ማቻቶ አኪደ፤ ናኦ የለናን ሀይቁዳ።

21 ለኤንሱዋ አሻይ አዘ አኪዳ፤ አካ ናኦ የለናን ሀይቁዳ፤ ሄዘንሱዋዊካ ሄዋዳን ሀኔዳ።

12:1 አሳ. 5:1-2 12:10-11 ማዘ. 118:22-23 \* 12:13 ሄርድሳ ባጋቱዋ፡ ሀዋንታ ጉሳይ ሄ ዎደ ደእያ ካዉተላ ፖሎትካ ባጋና ካሰ ዎጋ ሄርድሳነ አ ናኦ ሄርድ አንትጸሳ ባጋቱዋን ኤንቱንታ ካልያ አሳቱዋ። 12:19 ዛረ. 25:5

22 ላፑናቱካ እዞ አኪደ፣ ናኣ የለናን ሀይቄድና፤ ኡባፕ ጉይያን፣ ቃይ ሄ ምሽራታ ሀይቃዱ።

23 ያትና፣ ሀይቄዳ አሳይ ሀይቁዋፕ ደንድያ ዎደ፣ እዛ ኡንቱንቱፕ ሀቃዎ ማቼ ግዳኔ? አያው ጎፕ፣ ላፑናቱካ እዞ አኪድኖ”።

24 የሱስ ዛሪደ ኡንቱንታ፣ “ህንተንቱ ባለትያዌ፣ ጸሳ ማጻፋቱዋን አ ዎልቃ ኤረና ድራሳ!

25 አያው ጎፕ፣ ሀይቄዳ አሳይ ሀይቁዋፕ ደንድያ ዎደ፣ ሳሎዋን ደእያ ከታገቻቱዋ ማላ ግዳናፕ አትን፣ አቱማ አሳይነ አከና፤ ማጫ አሳይነ ገለና።

26 ሸን ሀይቄዳዋንቱ ደንዲዋባ ግደፕ፣ ሙሴ ማጻፋን ጸፈቱዳ ጸራጋይ ዎያ ቡራባ ኦድያ ሳኣን፣ ጸሳይ ሙሳ፣ “ታን አብራሃመ ጸሳ፣ ይሳቃ ጸሳ፣ ያቆባ ጸሳ፣ ገድያዎ ኡባካ ናባብ ባይክቱ?

27 እፓጸ ደእያዋንቱ ጸሳ ገድያዋፕ አትን፣ ሀይቄዳዋንቱ ጸሳ ግደና፤ ህንተ ዳርሰ ባሌድታ” ያጌዳ።

ኡባፕ አድያ አዛዙዋ (ማቶሳ 22:34-40፤ ሉቃሳ 10:25-28)

28 ህግያ ታማርሰያዋንቱፕ እቱ ኡንቱንቱ ፓሉመትያዎ ሸቂደ ሰሴዳ፤ ቃይ የሱስ ኡንቱንቶ ሎኦ ዛሪዳዎ ሰሴዳ፣ “አዛዙዋ ኡባፕ አድያ አዛዙ ሀቃዎ?” ያጌደ የሱሳ ኦቼዳ።

29 የሱስ ዛሪደ፣ አ “አዛዙዋ ኡባፕ አድያ አዛዙዋ፣ “አሰራኤልያ አሳይ ሰሰተ፣ ጎዳይ ኑ ጸሳይ እት ጎዳ።

30 ህንተንቱ ጎዳ ህንተ ጸሳ ህንተ ኩመንሳ ዎዛናፕ፣ ህንተ ኩመንሳ ሸምቸዋፕ፣ ህንተ ኩመንሳ ቆፋፕ፣ ህንተ ኩመንሳ ዎልቃፕ ሲቅተ” ያጌ።

31 ቃይ አዛዙዋ ኡባፕ አድያ ላኤንሎ አዛዙ ሀዋ፤ “ኔን ነ ሾሩዋ ነ ሁጲያዳን ሲቃ ግያዋ፤ ሀዋንቱፕ አድያ ሀራ አዛዙ ባዎ” ያጌዳ።

32 ህግያ ታማርሰያዌ የሱሳ ያጌዳ፤ “ታማርሰያዎ፣ ቱሙዋ ጋዳ፤ ኔን “ጸሳይ እት ጸሳ ጸላላ። አፕ አትን፣ ሀራይ ባዎ ጌዳዌ ቱማ።

33 ጸሳ ኩመንሳ ዎዛናፕ፣ ኩመንሳ ቆፋፕ ኩመንሳ ዎልቃፕ ደሰያዌን ቃይ ባረ ሾሩዋካ ባረ ሁጲያዳን ሲቅያዌ፣ ጉድያ ያርሹዋፕ ሀራ ያርሹዋ ኡባፕ አዴ” ያጌዳ።

34 የሱስ ህግያ ታማርሰያዎ ዛሩ አዶ ኤራንቻ አሳ ዛሩዎ ግዴዳዎ በኢደ፣ “ኔን ጸሳ ካዉተሳፕ ሃካባይካ” ያጌዳ፤ ሄዋፕ ጉይያን፣ የሱሳ ሀራባ ኦቻናዉ ኦንነ ጸልቤና።

“የሱስ ኦ ናኤ” ያግያ ኦሻ (ማቶሳ 22:41-46፤ ሉቃሳ 20:41-46)

35 የሱስ ጌሻ ጎልያን ታማርሲደ፣ “ህግያ ታማርሰያዋንቱ ክርሰቶሳ ዎት ዳዊተ ናኣ ጌና?

36 ዳዊተ ባረና ጌሻ አያናይ ሃሳይሰና፣

“ ሳዳይ ታ ጎዳ፣ “ታን ነ ሞርከቱዎ፣ ኔን የቆ ኤቂያባ ኦላና ጋካናዉ፣

ሀዋን ታፕ ኡሸቻ ባጋና፣ ቦንቼታደ ኡታ” ጌዳ፣

ያጌዳ።

37 ዳዊተ ባረ ሁጲዉ ክርሰቶሳ፣ “ጎዳ፣ ጌደ ጴሶፕ፣ ያትና፣ ክርሰቶሰ ዋኒደ፣ ዳዊተ ናኣ ግዲ?” ያጌዳ።

ጮራ አሳይ የሱስ ግያዎ ናሸቻን ሰሴዳ።

የሱስ፣ “ሙሴ ህግያ ታማርሰያዋንቱፕ ናገትተ” ያጌዳ

(ማቶሳ 23:1-36፤ ሉቃሳ 20:45-47)

38 የሱስ ታማርሲደ፣ “ህግያ ታማርሰያዋንቱፕ ናገትተ፤ ኡንቱንቱ አዲሳ ማዩዎ ማዴደ ዩይያዋን ገያ ሄራንካ አሳይ ኡንቱንታ ቦንቼደ ሳርተያዎ ደሲኖ።

39 ኡንቱንቱ እይሁዳ ዎሳ ጎለቱዋን ዳሪ ሎእያ ኦይድያ ደሲኖ፤ ቃይ አሳይ ባረንታ እማላተላን ሞክያሳንካ ቦንቻ ሳኣ ደሲኖ።

40 ኡንቱንቱ እምኤቱ ጎልያ ቦንቂደ፣ ባረንቶ ሎኦ ማላታናዉ ጸሳ ዎሳ አዲሲኖ፤ ኡንቱንቱ ኡባፕ አድያ ሙራ አካናዋንታ” ያጌዳ።

እምኤት ምጹዎታ (ሉቃሳ 21:1-4)

41 የሱስ ጌሻ ጎልያን እሞታ የግያ ሳጽንያ ማታን ኡቲደ፣ አሳይ ባረ ሚሻ ሄ ሳጽንያን የግያዎ በኤዳ፤ ጮራ ዱረ አሳይ ዳር ሚሻ ሄ ሳጽንያን የጌድኖ።

42 እት ሀዬሳ እምኤታ ያደ፣ እት ሳንትምያን ላመትያ ላኤ ሰምበራቱዎ ሄ ሳጽንያን የጋዳ።

43 የሱስ ባረና ካልያዋንታ ጸሲደ፡ “ታን ህንተንቶ ቱሙዋ ጋይ፤ እሞታ ሳጽንያን የጌዳ አሳ ኡባፕ ሀ ሀዬሳ አምአታ ዳርሳደ የጋድ።”

44 እያው ጎፕ፡ ሀራቱ ኡባይ ባረንቶ ፓላሄዳ ሚሻፕ የጌድና፤ ሽን እዛ ባረ ፓጫፕ፡ ባረጫ ደእያ ደኡዋ ሙላካ አማ አጋዱ” ያጌዳ።

### 13

የሱስ ጌሻ ጎሊ ኮላታናዋ ካስቲደ ኦዴዳ

(ማቶሳ 24:1-2፤ ሉቃሳ 21:5-6)

1 የሱስ ጌሻ ጎልያፕ ከሰሸን፡ አ ካልያዋንቱፕ እቱ እ፡ “ታማርሰያዎ፡ ሀዌ እይበ ሎኦ ሹቻተንቶን ቃይ እይበ ሎኦ ሹቻ ጎላቱዋ በእይ!” ያጌዳ።

2 የሱስ ዛሪደ፡ “ሀ ዋልቃማ ሹቻ ጎላቱዋ በእይ? ሀ ጎላቱዋን ደእያ እት ሹቻይን አተናን ኡባይ ኮላታና” ያጌዳ።

ጎዳይ ያናፕ ካስቲደ ጋካና የደርሱዋን ዋይያ

(ማቶሳ 24:3-14፤ ሉቃሳ 21:7-19)

3 የሱስ ጌሻ ጎልያፕ ህን ባጋና ደብረ ዛይተ ደርያ ቦላን ኡቴዳ ዋይ፡ ጳጳርሰ፡ ያቆብ፡ የሃንሰን እንድራስ ባረንቱ ጸላላ አኮ ዪደ አ፡

4 “ሄዌ እዉደ ሀናንቶ፡ ኑዉ ኦዳርኪ፤ ቃይ ሄዌ ኡባይ ፖለታና ዋይያ ኤርሰያ ማላቱ እያ ግዳኔ?” ያጌደ ኦቹድና።

5 የሱስ ቃይ ኡንቱንቶ ሀዋዳን ያጌደ፡ ኦዳዋ ደሚዳ፤ ህንተንታ ኦንን ባለፍ ማላ ናገትተ።

6 ጮራ አሳቱ ታ ሱንላን፡ “ታን ክርሰቶሳ” ያጌደ ያናዋ፤ ጮራ አሳ ባለላና።

7 ማታን ደእያ ኦላ ኮሻን ሃኩዋን ደእያ ኦላ ኦዲዋ ህንተ ሰሰያ ዋይ፡ ሀርጎፕተ፤ ሄዋ ማላባይ ሀናናዉ በሴ፤ ሽን ዉርሰላይ ብራ።

8 እያው ጎፕ፡ እት ጋደ አሳይ ሀራ ጋደ አሳና ኦላታና፤ ቃይ እት ካዉተላይ ሀራ ካዉተላና ኦላታና፤ ቢታ ቃላይ ኡባ ሳን ደእና፤ ኮሻይካ ደእና፤ ሽን ሄዌ ኮይር የሉዋ ኦይላ ማላ።

9 ሽን ህንተ ህንተንቱ ሁጳዉ ናገትተ፤ እያው ጎፕ፡ አሳይ ህንተንታ

ኦይቂደ፡ ፕርዳ ጎሊዉ አሊደ እማና፤ ቃይ ባረ አይሁዳ ዋሳ ጎላቱዋንካ ህንተንታ ልሱዋን ሸጫና፤ ጋድያ ሞድያዋንቱ ሰንላንን ካታቱዋ ሰንላን ታ ድራዉ ህንተ ማርካታናዉ ኤቃና።

10 ምሽራቹዋ ቃላይ ኮይርና አሳዉ ኡባዉ ኦይት ድጋናዉ በሴ።

11 ኡንቱንቱ ህንተንታ ፕርዳ ጎሊ አህያ ዋደን አሊደ እምያ ዋይ፡ ዋት ሃሳያንተንቶ ኮይርና ሀርጎፕተ፤ ሄ ሳትያን ጸሳይ ህንተንቶ እምያባ ሃሳይተ። እያው ጎፕ፡ ጌሻ አያናይ ሃሳያናፕ አትን፡ ሃሳይያዋንቱ ህንተንታ ግድክታ።

12 እሻይ ባረ እሻ፡ አዉ ባረ ናኣ ዋድሳና፤ ቃይ ናናይ ባረንቱ አዋቱዋ ቦላንን ባረንቱ እየቱዋ ቦላ ደንዲደ፡ ኡንቱንታ ዋድሳና።

13 አሳይ ኡባይ ህንተንታ ታ ሱንላ ድራዉ እጻና፤ ሽን ዉርሰላይ ጋካናዉ ገንጭያዌ አታና።

የሩሳላመ ጋካና ዋልቃማ ኡታ መቱዋ

(ማቶሳ 24:15-28፤ ሉቃሳ 21:20-24)

14 ሽን ናብያ ዳኔል ኦዴዳ ባሻ ቱናተላይ ኤቃናዉ በሰናሳን ኤቂሽን ህንተ በእያ ዋይ፡ ሄዌ ዋግያዌንቶ፡ ናብብያዌ አኬኮ፤ ይሁዳ ጋድያን ሄ ዋይ ደእያዋንቱ ደርያኮ በትና።

15 ጎልያ ሁጳያን ደእያ ኡራይካ እትባ አካናዉ ዲገ ዋዲደ፡ ባረ ሶይ ገሎፕ።

16 ጋደን ደእያዌካ ባረ ማዩዋ አካናዉ ጌየ ሰሞፕ።

17 ሄ ዋይ ሻሃራ ማጫዋንቶን ቋንላያ ማጫዋንቶ እዬር።

18 ሽን ሀዌ ኡባይ ህንያ ዋዲ ባልጉዋ ግደና ማላ፡ ጸሳ ዋሰተ፤

19 እያው ጎፕ፡ ጸሳይ ሳኣ ኮይር መዴዳዋፕ ደሚደ፡ ሀእ ጋካናዉ፡ ኡባካ ደእቤና መቱ፡ ቃይ ሀዋፕ ሰንላዉካ ኡባ ደኤና መቱ አሳ ቦላ ሄ ዋይ ደእና።

20 ጎዳይ ሄ ጋላሳቱዋ ፓይዲዋ ጉላያዌ ባዌንቶ፡ አሳ ግዴዳ ኦንን አተና፤ ሽን እ ባረ ደራዳ አሳቱዋ ድራዉ፡ ሄ ጋላሳቱዋ ፓይዲዋ ጉላዳ።

21 ሄ ዋይ ኦንን ህንተንታ፡ “በእተ፤ ክርሰቶሰ ሀዋን ደኤ” ዋይ፡ “በእተ፤

ክርስቶስ፡ ሄዋን ደኤ” ያሳገጥ፡ ሄዋ አማኖጥተ።

22 እያዉ ሳገጥ፡ ዋርዳንቻ ክርስቶሳቱን ዋርዶ ናባቱ ደንዲደ ባረንቶ ዳንዳየቶጥ፡ ሀራይ አቶ ጸሳይ ዶሬዳዋንታካ ባለፋናዉ ማላታን ማላልሰያባ በሳና።

23 ሸን ህንተ ናገትተ፤ ታን ህንተንቶ ኡባባ ካሰታደ ኦዳድ።

ክርስቶስ ላኤንሎ ዩሳ (ማቶሳ 24:29-31፤ ሉቃሳ 21:25-28)

24 ሸን ሄ ዋደ ሄ ዋይያጥ ጉይያን፡

አዋይ ጱማና፤ አገናይ ፖእያዋ አጋና፤

25 ጸልንታቱ ሳሉዋጥ ኩንዳና።

ቃይ ሳሉዋን ደእያ ዋልቃቱካ ቃጸታና።

26 ሄ ዋደ ታን፡ አሳ ናእይ፡ ዋልቃማ ዋልቃናን ቦንቹዋና ሻርያ ግድና ዩሸን፡ ኤንቱንቱ በእና።

27 ሄ ዋደ ታን ኪታንቻቱዋ ሳኦ ኦይዱ ባጋ ኪታና፤ ሳኦ ጋጸጥ ሳሉዋ ጋጸ ጋካናዉ፡ ጸሳይ ዶሬዳ አሳ ሺሻና።

ዋድያ ዉርሰላይ ጋኬዳዋ ማላታ በሰያ ባላሰያ ምላቶ

(ማቶሳ 24:32-35፤ ሉቃሳ 21:29-33)

28 ለምሱዋ ባላሳቶ ግያ ምላትጥ ታማርተ፤ ባላሳታ አጭያ ዋደን እዝ ሀይላይ ሀይትያ ዋደ፡ ቦኒ ማቴዳዋ ህንተ ኤሪታ።

29 ሀዋዳንካ ህንተ ሄ ኡባባይ ሀንያዋ በእያ ዋደ፡ እ \* ማታቲደ ጥንግያ ሸቄዳዋ ተ ኤርተ።

30 ታን ህንተንቶ ቱሙዋ ኦዳይ፤ ሀ ኡባባይ ሀናና ጋካናዉ፡ ሀ ዋድያ የለታይ ሀይቂድገና።

31 ሳሉን ሳኦይ አፋና፤ ሸን ታ ቃላይ ኡባካ አ□ና።

ዉርሰላ ጋላሳን ሳትያ ኦንን ኤሪና

(ማቶሳ 24:36-44)

32 ሸን ሄ ጋላሳን ሄ ሳትያ አዉዋ ጸላላጥ አትን፡ ሀራይ አቶ ሳሉዋን ደእያ ኪታንቻቱዋ ግድና፡ ዋይ ታና ናኦ ግድናካ ኦንን ኤርያባይ ባዋ።

33 ሄ ዋዲ አዉደ ግዳንንቶ፡ ህንተ ኤሪና ድራዉ፡ ናገትተ፤ ምንተ፤ ጸሳ ዋሰተ።

34 ታ ዩሳይ ባረ ጎልያ እጊድ፡ ኦግያ ብያ ብታንያ ማላ፤ ብታኒ ባረ ቆማቶ ሁጺያን ሁጺያን ኦሱዋ አማደ፡ ኤንቱንታ ባረ ኦሶ ካፖ ኦሌዳ፤ ቃይ ካርያ ናግያዌካ ምንሲደ ናጋና ማላ አዛዜዳ።

35 ሄዋ ድራዉ፡ ምንተ፤ እያዉ ሳገጥ፡ ጎልያዉ አማርሳ ግድና፡ ዋይ ቃማ ብላሄ ግድና፡ ዋይ ኩቱ ዋሰያ ዋደ ግድና፡ ዋይ ጉራ ዋንቱማላን ግድና አዉደ ያንንቶ፡ ህንተ ኤርክታ።

36 ህንተንቱ እኬከናን እ ዮጥ፡ ህንተንታ ገምእኬዳዋንታ ደመና ማላ ምንተ።

37 ታን ህንተንቶ ኦድያዋ አሳ ኡባዉ ኦዳይ፤ ምንተ።

# 14

ክርስቶስ ቦላ ማቀቲድኖ (ማቶሳ 26:1-5፤ ሉቃሳ 22:1-2፤ ዮሃ. 11:45-53)

1 ፓሰጋ ባላ ግያዋ ቦንቻያ ጋላሳይን ጫልቤና ኡክላ ሙሳ ቦንቻያ ባላ ጋላሳይ ጋካናዉ ላኤ ጋላሳይ አቲዳ፤ ቄሳቱዋ ካፓቱን ሀግያ ታማርሰያዋንቱ አሳይ ኤሪናን የሱሳ ኦይቂደ ዋቆና ኦግያ ኮዪኖ።

2 “አሳይ ዋላሳ ከሰና ማላ፡ ፓሰጋ ቦንቻያ ጋላሰ ሄዋ አላኮ” ያጌድኖ።

የሱሳ ሸቱዋ ኦኬዳ ምሽራቶ (ማቶሳ 26:6-13፤ ዮሃ. 12:1-8)

3 የሱሰ ቢታንያ ጋድያን ኦሉዋ ሀርግያ ሰዋና ሶይን ቁማ ማናዉ ኡቲዳ ዋደ፡ እት ምሽራታ አልባሰጽርሳ ባሪታ ኩሜዳ ናርዶሳ ግያ ዳሪ አልኦ ሸቱዋ \* አካደ ያዲ፤ ሄ አልባሰጽርሳ ባሪታ መንላደ ሸቱዋ የሱሳ ሁጺያን ትጋዲ።

4-5 ሄዋን ደእያ አሳጥ እቱ እቱ ህንቀቲደ፡ “ሀ ሸቱዋ ጮ እያዉ ባይዛይ? ሀ ሸቱዋ ሄዙ ጾቱ ብራ ሳንትምያን ተ ዛልኢደ፡ ሚሻ ሀይሳዉ እማናዉ ዳንዳየቱ” ያጊደ ባረንቱ

13:24 እሳ. 13:10፤ ሀዘ. 32:7፤ እዪ. 2:10፤ 31፤ 3:15፤ ሳፃ 6:12 13:25 እሳ. 34:4፤ እዪ. 2:10፤ ሳፃ 6:13 13:26 ዳላላ 7:13፤ ሳፃ 1:7 \* 13:29 እ፡ የሱሳ ጉሳ። † 13:29 ማታቲደ ጥንግያ ሸቄዳዋ፡ ጉሳይ፡ የሱሳ የሳይ ማቴዳ ጉሳ። 14:1 ከሳ 12:1-27 \* 14:3 ዳሪ አልኦ ሸቱዋ፡ ጉሳይ ሎይሰ ሳዊያዋ ጉሳ። † 14:4-5 ብራ ሳንትምያ፡ 6:37 ጾልተ።

ገደን ሃሳዬና፤ ያቲደ ሄ ምሽራቶ ዳርሰ ሀንቀቲድና።

6 ሸን የሱሳ ሀዋዳን ያጌዳ፤ “ሀ ምሽራቶ እይነ ጎጥተ፤ እዞ እያወ መቶላቲ? እዛ ታወ ሎኦገ ኦላዲ።

7 ሀዬሳቱ ኡባ ዋደ ሀንተንቱና ደእና፤ ሀንተ ኮዬዳ ዋደ እወደነ ኡንቱንታ ማዳናወ ዳንዳዪታ፤ ሸን ታን ኡባ ዋደ ሀንተንቱና ደእከ።

8 እዛ ባረፍ ዳንዳየቱዳዋ ኦላዲ፤ ቃይ ታ ኦሳተላይ ሞገታናጥ ካሰታደ ሞሳ ገግሳናወ ሸቱዋ ኦካዲ።

9 ታን ሀንተንቶ ቱሙዋ ኦዳይ፤ ሳኦ ኡባን ዋንጋላ ምሽራቹዋ ኦድያሳን ሀቃንኔካ፣ ኦሳይ እዞ ቆገና ማላ፣ ሀ እዛ ኦሌዳዌ ኦደታና” ያጌዳ።

ይሁዳ አሰቆሮቱ የሱሳ አሊደ እማናወ ዘረታ ኤኖ ጌዳ

(ማቶሳ 26:14-16፤ ሉቃሳ 22:3-6)

10 ታማነ ላኡ የሱሳ ካልያዋንቱጥ እቱ ይሁዳ አሰቆሮቱ ፥ ግያዌ፣ የሱሳ ቁሳቱዋ ካገቶ አሊደ እማናወ ኡንቱንቱኮ ቤዳ።

11 ኡንቱንቱ ሄዋ ሰሴዳ ዋደ ናሽቲድ፣ “ኑን ነወ ሚሻ እማና” ያጌድና፤ ይሁዳ አሰቆሮቱ የሱሳ አሊደ እማናወ አንጀትያ ዋድያ ዋቹ።

የሱሳ ባረና ካልያዋንቱና ፓሰጋ ቁማ ሚዳ

(ማቶሳ 26:17-25፤ ሉቃሳ 22:7-14፤ 21-23፤ ዮሃ. 13:21-30)

12 ጫልቤና ኡክሳ ምያ ባላ ጋላሳ ቦንቶያ ኮይሮ ጋላሳ፣ ፓሰጋ ቁማ ማናወ ድርሳ ሹክያ ዋደ፣ የሱሳ ካልያዋንቱ እ፣ “ፓሰጋ ቦንቶያ ጋላሰ ኔን ማና ቁማ ኑን ሀቃ ቢደ ገግሳኔ?” ያጌደ ኦቹድና።

13 የሱሳ ባረና ካልያዋንቱጥ ላእቱዋ ሀዋዳን ያጌደ ኪቲዳ፤ “ካታማ ቢተ፤ ሀንተ ቢሸን፣ ኦቱዋን ሃላ ቶኬዳ እት ብታኒ ሀንተንቱና ጋከታናዋ፤ እ ካልተ።

14 እ ቢደ ገልያ ጎልያወዋ፣ ናታማርሰያዌ ኔና፣ “ታን ታና ካልያዋንቱና ፓሰጋ ቁማ ማናወ ታ እማላ ክፍሊ ሀቃኔ?” ያጌ፣ ያግተ።

15 ጎልያወ ሀንተንታ ፖቅያ ቦላን ደእያ ገግ ኡቲዳ ኦኮ ክፍልያ በሳና፤ ሄዋን ኑወ ገግሰተ” ያጌዳ።

16 ሄ ላኡ የሱሳ ካልያዋንቱ ከሲደ፣ ካታማ ቤድና፤ የሱሳ ባረንቶ ኦዲዳዋዳንካ ኡባባ ደሚደ፣ ፓሰጋ ቁማ ገግሴድና።

17 ሳኦይ ኦማርሰያ ዋደ የሱሳ ታማነ ላኡ ባረና ካልያዋንቱና ያ ቤዳ።

18 ኡንቱንቱ ኡቲደ ሳምፓጥ ቁማ ሚሸን፣ የሱሳ ኡንቱንታ፣ “ታን ሀንተንቶ ቱሙዋ ኦዳይ፤ ሀንተንቱጥ እቱ ታናና ምያዌ፣ ታና አሊደ እማናዋ” ያጌዳ።

19 እ ካልያዋንቱ ሎይላ ሰሰትና፣ ሁጲያን ሁጲያን እ፣ “ቱሙ ታኔሻ?” ግያዋ ደሚድና።

20 የሱሳ ዛሪድ፣ “እ ሀ ሀንተንቱ ታማነ ላእቱዋጥ እቱዋ፤ እ ታናና እትጥ ቱሻናወ ባረ ዳቡዋ ሻታን የድያዋ።

21 ታን፣ እሳ ናኦይ፣ ጳሳ ማጻፋይ ሀይቃና ጌዳዋዳን ሀይቃና፤ ሸን ታና፣ እሳ ናኦ፣ አሊደ እምያ ኡራወ እዬር፤ ሄ ኡራይ የለተናን ኦቲደንቶ፣ ኦወ ሎኦ ሸን” ያጌዳ።

ጎዳ ካወዋ እክያ ዋጋ (ማቶሳ 26:26-30፤ ሉቃሳ 22:14-20፤ 1 ቆሮ. 11:23-25)

22 ኡንቱንቱ ሚሸን፣ የሱሳ ዳቡዋ አኪደ፣ ጳሳ ጋላቲዳ፤ ሄ ዳቡዋ መንሊደ፣ ባረና ካልያዋንቶ እሚደ፣ “ሄይተ፤ ሀዌ ታ እሹዋ” ያጌዳ።

23 ጸኦ እኪደ፣ ጳሳ ጋላቲደ፣ ኡንቱንቶ እሜዳ፤ ኡባይ ሄ ጸኦጥ ኡሼድና።

24 የሱሳ፣ “ሀዌ ኦራሳ ጫቁዋን ስ ጮራ እሳ ድራወ ጉክያ ታ ሱላ።

25 ታን ሀንተንቶ ቱሙዋ ኦዳይ፤ ታን ጳሳ ካወተላን ኦራሳ ዋይንያ ኡሳ ኡሻና ጋላሳይ ጋካናወ፣ ላኡንሉዋ ሀ ዋይንያ ኡሳ ኡባካ ኡሸከ” ያጌዳ።

26 ማዝሙርያ የጴዳዋጥ ጉይያን፣ ደብረ ዛይተ ደርያ ቤድና።

ጳጵርሰ ካዳናዋ የሱሳ ካሰቲደ ኦዲዳ

(ማቶሳ 26:31-35፤ ሉቃሳ 22:31-34፤ ዮሃ. 13:36-38)

27 የሱሳ ባረና ካልያዋንቶ፣

14:7 ዛረ. 15:11 ፥ 14:10 ይሁዳ አሰቆሮቱ- 3:19 ጸልተ። 14:18 ማዝ. 41:9

፤ 14:24 ኦራሳ ጫቁዋ- ጳሳይ ባረ እሳወ የሱሳ ሀይቁዋ ባገና ቃላ ገሊዳ ኦራሳ ቃላ ጫቁዋ። ሄዌኔካ እ ጋክያ ጸኦ፣ እ ባረ ሱላ ጉሲደ እላ እሜዳ እ ደኡዋ። ሄዌኔካ፣ ኑ ኤጫ እሳተላይ ኡባይ ላመትና፣ ኦራዬዳ ጳሳ ሀጊ ኑ ዋካናን ጸልቲዳዋ ኦዲ። 14:24 ከሳ 24:8፤ ኤር. 31:31-34



“ህንተንቱ ኡባይ ታና የጊደ ዎጸንታ፤  
አያው ጎጥ፤  
ጸሳ ማጻፋይ፤ ጸሳይ ደርሳ  
ሄምያዎ ዎጻና፤  
ሄዋጥ ጉይያን ደርሳይ ኡባይ  
ላለታና ጌ”

ያጌዳ።

28 ሸን ታን ሀይቁዋጥ ደንዴዳዋጥ  
ጉይያን፤ ህንተንቱጥ ካሰታደ ጋሌላ  
ባሪ” ያጌዳ።

29 ጳጳሮስ ዛሪደ፤ “ኡንቱንቱ ኡባቱ  
ኔና የጊደ ቦጥካ፤ ታን ኔና ሙላካ  
የግከ” ያጌዳ።

30 የሱስ ጳጳሮሳ፤ “ታን ነው  
ቱሙዋ ኦዳይ፤ ሀቼ ቃማ ኩቱ  
ላኢንሉዋ ዋሳናጥ ካሰ፤ ኔን ታና ሄዙ  
ገደ ካዳናሳ” ያጌዳ።

31 ሸን ጳጳሮስ ካሰዋጥካ  
ምንሲደ፤ “ታን ሀራይ አቶ፤ ኔናና  
እትጥ ሀይቁንቶካ፤ ኔና ሙላካ ካድከ”  
ያጌዳ። ቃይ ሀራቱ ኡባቱካ ሄዋዳን  
ጌድኖ።

የሱስ ጌተሰማንያን ዎሴዳ  
(ማቶሳ 26:36-46፤ ሉቃሳ  
22:39-46)

32 ጌተሰማን ግያ ሳኦ ቤድኖ፤ የሱስ  
ባሪና ካልያዋንታ “ታን ጸሳ ዎሳናው፤  
ህንተንቱ ሀዋን ኡትሸተ” ያጌዳ።

33 የሱስ ጳጳሮሳ፤ ያቆባን የሃንሳ  
ባሪናና አፌዳ፤ ዳሪ ካዮቱዳን  
ሙቶቱዳ።

34 ቃይ ኡንቱንታ፤ “ታን ሀይቃና  
ጋካናውካ ካዮታይ፤ ሀዋን ታክሸተ፤  
ገምእሾጥተ” ያጌዳ።

35 ጉላ ሰንሳኮ ሸቂደ፤ ሳኦን  
ጉፋኒደ፤ ዳንዳየትያዎ ግደጥ፤ ሄ ዎዲ  
ባሪጥ አጻና ማላ፤ ጸሳ ዎሴዳ።

36 ቃይካ፤ “አባቦ።\* ታ አቦ፤  
ኡባባይ ነው ዳንዳየቱ፤ ሀ ጸኦ ታጥ  
ድጋ፤ ሸን ነ ሸንያዳን ሀኖጥ አትን፤ ታ  
ሸንያዳን ሀኖጥ” ያጌዳ።

37 የሱስ ባሪና ካልያዋንቱኮ ሰም  
ዪደ፤ ገምእሾዳዋንታ ደሚደ ጳጳሮሳ፤  
“ሰሞና፤ ገምእሻዲ? ኔን እት  
ሳተንቶን ናጋናው ዳንዳየባይኪ?”

38 ፓጭያን ህንተ ገለና ማላ፤  
ናገትተን ጸሳ ዎሰተ፤ አያናይ ጊግ  
ኡቱዳ፤ ሸን አሹ ዳቡራንቻ” ያጌዳ።

39 ቃይካ ቢደ ካሰዋዳንካ ጸሳ  
ዎሴዳ።

40 አ ካልያዋንቱኮ ጉዮ ሰሚደ አ  
ይያ ዎደ፤ ገምእሾዳዋንታ ደሚዳ፤  
ኡንቱንቱ አይፍያ ገምእሹ ጎዘ  
ዎሴዳ ድራው፤ አው አያ ሃሳዪናንቶካ  
ኤርባይክኖ።

41 ሄዘንሉዋ ኡንቱንቱኮ ዪደ፤  
“ሀአ ጋካናውካ ገምእሹቲን ሸምጥቲ?  
ግዳና፤ ዎዲ ጋኬዳ፤ በእተ፤ ታና፤ አሳ  
ናኦ፤ ናጋራንቻ አሳቱዋ ኩሸያን አሌደ  
አምያ ዎዲ ጋኬዳ።

42 ደንድና ቦይተ፤ በእተ፤ ታና አሌደ  
አምያዌ ሀዌኩ ጋኬዳ” ያጌዳ።

የሱስ ባሪ ሞርከቱዋ ኩሸያን  
ኦይቀቱዳ

(ማቶሳ 26:47-56፤ ሉቃሳ  
22:47-53፤ ዮሃ. 18:3-12)

43 የሱስ ሄዋ ብር ሃሳይሸን፤ ታማን  
ላኡ አ ካልያዋንቱጥ እቱ፤ ይሁዳ  
አሰቆርቱ፤ ኤለካ ጋክ ዎዴዳ፤ ቃይ  
ቄሳቱዋ ካፓቱ ህግያ ታማርሰያዋንቱን  
ጭማቱ ከትና፤ ማሻን ጸምአ ኦይቄዳ  
ጮራ አሳይ አናና እትጥ ዬዳ።

44 የሱሳ አሉ አምያዌ ሄ ጮራ  
አሳው፤ “ታን የርያዌ አ፤ አ ኦይቄደ  
ሎይሉ ናገደ፤ አፍተ” ያገደ ማሳ ኦድ  
ዎሴዳ።

45 ይሁዳ አሰቆርቱ ጋኮሳናካ  
የሱሳኮ ሸቂደ፤ “ታማርሰያዎ” ያገደ  
የሱሳ የር አኬዳ።

46 ሄ ጮራ አሳይ የሱሳ ምንሰ  
ኦይቄዳ።

47 ሸን ማታን ኤቄዳዋንቱጥ እቱ  
ባሪ ጨብያ ሾድን ቄሳቱዋ ኡባቱዋ  
ካቸዋ ቆማ ሾጪደ፤ አ ሀይላ ቃንጸ  
ኦሌዳ።

48 የሱስ ዛሪደ፤ ሄ ሸቂዳ  
ጮራ አሳ፤ “ታና ቦንቃንቻ ከሲደ፤  
ቦንቃንቻ ኦይቄዳዋዳን ኦይቃናው  
ጨብያን ጸምአ ኦይቄደ ዬድቱ?”

49 ታን ጌሻ ጎልያን ታማርሳደ፤  
ጋላሳን ጋላሳን ህንተንቱና ደአያ ዎደ  
ታና ኦይቄባይክታ፤ ሸን ጸሳ ማጻፋቱ  
ጌዳዌ ፖለታናው በሴ” ያጌዳ።

50 የሱሳ ካልያዋንቱ ኡባቱ አ የጊደ  
ብ አጌድኖ።

51 ናጻላ ጸላላ ማዬዳ እት ያላጋ  
ብታኒ የሱሳ ካልያዋ አሳይ ኦይቄዳ።

52 ሸን ሄ ብታኒ ናጻላ ኦሊደ፤ ካሉ  
ጸራ ዎጾዳ።

14:27 ዛካ. 13:7 \* 14:36 አባ. ጉሳይ ግሪክ ቃላንካ “አባ” ግድያ ዎደ፤ አራማይክ ቃላን  
“አባ” ግያዋ።

የሱሳ ፕሮድያ ሻንጋቱዋኮ አፌድኖ (ማቶሳ 26:57-68፤ ሉቃስ 22:54-55፤ 63-71፤ ዮሃ. 18:13-14፤ 19-24)

53 አሳይ የሱሳ ቄሳቱዋ ኡባቱዋ ካቸዋ ሶይ፣ ቄሳቱዋ ካፓቱዋ ኡባቱ፣ ጭማቱነ ህግያ ታማርሰያዋንቱ ሺቄዳሳ አፌድኖ።

54 ጳጳሮስ ቄሳቱዋ ኡባቱዋ ካቸዋ ድርሳ ግዲዋ ጋካናው ሃኩዋን አ ካሌዳ፤ ያን ናግያዋና ታማ ካሺድ፣ ኡት አኔዳ።

55 ቄሳቱዋ ካፓቱነ ሄዋን ሺቄዳ አሳይ ኡባይ የሱሳ ዋቆናው አ ቦላ ማርካ ኮዬድኖ፤ ሽን አይነ ደምቦይክኖ።

56 አያው ጎፕ፣ ጮራ አሳቱ አ ቦላን ዋርዲዋ ማርካቲድኖ፤ ሽን ኡንቱንቱ ማርካተሳይ እት ማላ ግድና።

57-58 እት እት አሳቱ ደንድ ኤቂደ የሱሳ ቦላ፣ “እ፣ ታን አሳይ ኬጾዳ ሀ ጌሻ ጎልያ ኮላደ፣ አሳይ ኬጾቤና ሀራ ጌሻ ጎልያ ሄዙ ጋላሳ ግደን ኬጾና ጊሽን፣ ኡን ሰሴዶ” ያጊደ ዋርዲዋ ማርካቲድኖ።

59 ሽን ሀራይ አቶ ኡንቱንቱ ማርካተሳይ ሄዋን እት ማላ ግድቤና።

60 ቄሳቱዋ ኡባቱዋ ካቸ አሳ ኡባ ሰንሳን ደንድ ኤቂደ የሱሳ፣ “ሀዋንቱ ኔና ሞትያ ሞቶ ነው ዛርያባይ ባዌ?” ያጊደ ኦቹዳ።

61 ሽን የሱሰ ጮኤ ጊደ፣ አይነ ዛርቤና፤ ቄሳቱዋ ኡባቱዋ ካቸ አ፣ “አንጀቲዳ ጸሳ ናአይ ክርሰቶስ ኔኔ?” ያጊደ ላኤንሉዋ ኦቹዳ።

62 የሱሰ ዛሪደ፣ “ኤ፣ ታና፤ ሀንተ ታና፣ አሳ ናአ፣ ዋልቃማ ጸሳፕ ኡሽቻ ባጋና ኡትደእሽናን ሳሉዋ ሻርያና ዪሽን በአና” ያጊዳ።

63 ቄሳቱዋ ኡባቱዋ ካቸ ባረ ማዩዋ ፔድ ኦሊደ፣ “ኑና ሀዋፕ ሰንሳን አያው ሀራ ማርካ ኮሺ?”

64 ሀንተንቱ አ ቦርያ ሰሴድታ፤ ሀንተ ቆፋይ አይ? ” ያጊዳ፤ ኡንቱንቱ ኡባይ፣ “እ ሀይቃና በሴ” ያጊደ አ ቦላ ፕሮዴድኖ።

65 ኡንቱንቱፕ እቱ እቱ አ ቦላ ጩሽሳ ደሜድኖ፤ አ አይፍያ ካም ደቺደ፣ “ኔና ደቺዳዌ ኦኔ? አን ተምቢትያ ኦዳ!” ያጊድኖ፤ ቃይ

ናግያዋንቱካ አ ቅንጻልያ ባቂደ አፌድኖ።

ጳጳሮስ የሱሳ ካዴዳ (ማቶሳ 26:69-75፤ ሉቃስ 22:56-62፤ ዮሃ. 18:15-18፤ 25-27)

66 ጳጳሮስ ድርሳ ግደን ሀርክና ደእሽን፣ ቄሳቱዋ ኡባቱዋ ካቸዋ ማጫ ቆማቱዋፕ እትና ያዲ።

67 ጳጳሮስ ታማ ካሸያዋ በአደ፣ ጫዳ ጸላደ፣ “ኔንካ ናዘሬትያ የሱሳና እትፕ ደአ” ያጊዳ።

68 ሽን ጳጳሮስ፣ “ኔን ግያዌ እየንቶ ታን ኤርከ፤ ታው እኬከተና” ያጊደ ካዴዳ፤ ያቲደ ድርሳ ፕንግያኮ ከሴዳ፤ ኩቱካ ዋሴዳ። †

69 ሄ ቆማታ ጳጳሮሳ በአደ፣ አ ማታን ኤቄዳ አሳቱዋ፣ “ሀ ብታኒካ ኡንቱንቱና ደኤ” ጋደ ጉጃደ ኦዲዋ ደማዲ።

70 ሽን ጳጳሮስ ቃይካ ካዴዳ፣ ጉሳ ጋምእሽን፣ ማታን ኤቄዳ አሳቱ ላኤንሉዋ ጳጳሮሳ፣ “ኔን ቱማ ኡንቱንቱና እትፕ ደአ፤ አያው ጎፕ፣ ኔን ጋሊላ ጋድያ አሳ” ያጊድኖ።

71 ሽን ጳጳሮስ፣ “ታን ሄዋ ሀንተ ግያ ብታንያ ኤርከ!” ያጊደ ባረና ሽቃነ ጫቁዋ ደሜዳ።

72 ኤለካ ኩቱ ላኤንሉዋ ዋሰ አኔዳ፤ ጳጳሮስ ባረና የሱሰ፣ “ኔን ኩቱ ላኤንሉዋ ዋሳናፕ ካሰ ሄዙ ገደ ታና ካደናሳ” ጌዳዋ ሀሳዪደ፣ ዳሪ ዬኬዳ።

# 15

የሱሳ ጽላጸሳኮ አፌድኖ (ማቶሳ 27:1-2፤ 11-14፤ ሉቃስ 23:1-5፤ ዮሃ. 18:28-38)

1 ዋንታ ጉራን ኤለካ ቄሳቱዋ ካፓቱ ጭማቱዋናኔ ሙሴ ህግያ ታማርሰያዋንቱና ሄዋን ሺቄዳ አይሁዳ ሻንጋቱዋ ኡባና ማቀቲደ፣ የሱሳ ቃቶ አፊደ፣ ጽላጸሳው አሊደ አሜድኖ።

2 ጽላጸሰ አ፣ “ኔን አይሁዳቱዋ ካቱ?” ያጊደ ኦቹዳ።

የሱሰ ዛሪደ አ፣ “ነ ግያዋዳና” ያጊዳ።

3 ቄሳቱዋ ካፓቱ የሱሳ ዳርባን ሞቱድኖ።

14:62 ዳላ 7:13 14:64 ዋጋ 24:16 † 14:68 ኩቱካ ዋሴዳ፡- ሀ ቃላይ በን ብለቲዳ እት እት ብለላን ባዋ።

4 ጵላጸስ ሸረቲደ የሱሳ፡ “ነገር ዘርያባይ ባዌ? ኤንቴንቴ ነ ሶላ ዎይሳ ሞቱዎ አህንቶ በእኪ?” ያጊደ ኦቼዳ።

5 ሸን የሱሳ ሀራባ ዛረናን እጽና፡ ጵላጸስ ማላለቴዳ።

የሱሳ ሶላ ሀይቁዎ ፕርዴድኖ (ማቶሳ 27:15-26፤ ሉቃስ 23:13-25፤ ዮሃ. 18:39-40፤ 19:1-16)

6 ጵላጸሳው ፓስጋ ባላ ቦንቻያ ጋላሳን አሳይ ኮይያ እት ኡራ ቃሹዋፕ ብልያ ዎጋይ ደኤ።

7 ሄ ዎደ እት ባርባና ግያ ብታኒ ዋላሳ ከሲደ ሸምቸዎ ዎጄዳ አሳቱዋና እትፕ ቃሹ ጎልያን ደኤ።

8 ሸቄዳ ጮራ አሳይ ጵላጸስ ካስ ኤረቶዎዳንካ ባረንቶ ማርታ ኦላና ማላ፡ አ ኦቼድኖ።

9 ጵላጸስ አሳ ዛሪደ፡ “ታን ህንተንቶ አይሁዳቱዎ ካትያ ብልያዎ ኮዪቴ?” ያጊደ ኦቼዳ።

10 አያው ጎፕ፡ ቄሳቱዎ ካፓቱ የሱሳ ቃናቲደ አል እሜዳዎ ጵላጸስ ኤሬዳ።

11 ሸን ቄሳቱዎ ካፓቱ የሱሳ ኮታ ባርባና ብላናዳን፡ ሄ ሸቄዳ አሳይ ጵላጸሳ ዎሳና ማላ፡ አሳ ማቄድኖ።

12 ጵላጸስ ላኤንጱዎ ዛሪደ፡ “ያትና፡ ሀ አይሁዳ ካትያ ህንተንቱ ግያዎ ዎቶ?” ያጊደ።

13 አሳይ ጵላጸሳው ዘር ዘር ባረንቱ ኮሻ ጶቁ ኦሊደ፡ “አ ካቃ” ያጊድኖ።

14 ጵላጸስ አሳ፡ “አያው? እ አይ ኢታባ ኦሌዴ?” ያጊደ።

ሸን አሳይ ካስዋፕካ ባረ ኮሻ ጶቁ ኦሊደ፡ “አ ካቃ” ያጊድኖ።

15 ጵላጸስ አሳ ናሸቻናው ኮዪደ፡ ባርባና አሳው ብሌዳ፤ ያቲደ ልሱዋን የሱሳ ዎታዳራቱዋን ሸጭሲደ፡ ካቃና ማላ ኤንቴንቶ አል እሜዳ።

ዎታዳራቱ የሱሳ ቅሊጩድኖ (ማቶሳ 27:27-31፤ ዮሃ. 19:2-3)

16 ሄዋፕ ጉይያን፡ ዎታዳራቱ የሱሳ ጋድያ ሞድያዎ ግቢያ አፊደ፡ ሱራ ዎታዳራቱዎ ኡባ እትፕ ጴሴድኖ።

17 ቃይ ዘኦ ማዩዎ አ ማይዜድኖ፤ አጉንሳ ካላቻ ገባሲደ፡ አ ሁጲያን ዎሌድኖ።

18 ሄዋፕ ጉይያን እ፡ “አይሁዳቱዎ ካተዉ፡ ሳርታይ ነገር ግደ” ያግ ሳርቲደ፡ አ ቅሊጩዎ ደሚድኖ።

19 የሱሳ ሁጲያ ማቃ ጸምኣን ሸጩድኖ፤ ቃይ አ ሶላን ጩቼድኖ፤ ጉልባቲደ አገላ ጎይኔድኖ።

20 አ ሶላ ቅሊጩዳዋፕ ጉይያን፡ ዘኦ ማዩዎ አፕ ቃር አኪደ፡ አ ማዩዎ አ ማይዜድኖ፤ ያቲደ ማስቃልያ ሶላን ምስማርያን ጵሺደ፡ አ ካቃናው አፊድኖ።

የሱሳ ካቄድኖ (ማቶሳ 27:32-44፤ ሉቃስ 23:26-43፤ ዮሃ. 19:17-27)

21 ኤንቴንቴ ቢደ፡ አስክንድራን ሩፎሳ የሌዳ አገዋ፡ እት ሰሞና ግያ ቀሬና ጋድያ አሳይ፡ ጋጸፕ ካታማ ይያዋና ጋከቲደ፡ የሱሳ ማስቃልያ ዎልቃን ቶሴድኖ።

22 ያቲደ ጎልጎታ ጌተትያሳ የሱሳ አፊድኖ። “ጎልጎታ” ግያዌ “ሁጲያ ጎሰያሳ” \* ግያዎ።

23 ካዋራ ግያ ጳሊ ዋላከቲዳ ዎይንያ ኤሳ የሱሳው ኡሻናው እሜድኖ፤ ሸን እ ኡሸናን እጴዳ።

24 ኤንቴንቴ አ ካቄድኖ፤ ቃይ ኦና ኦና ጋካንቶ ኤራናው አ ማዩዎ ሻኪደ፡ ሳማ የጌድኖ።

25 ኤንቴንቴ አ ካቄያ ዎደ፡ ዎንታፕ ሄዙ ሳተ።

26 “አይሁዳቱዎ ካትያ” ያግ አ ሞትያ ጸፋ ጸፊት ኡቴዳ።

27 የሱሳና ላኤ ካይሳቱዎ እቱዎ አፕ ኡሸቻ ባጋና፡ ቃይ እቱዎ አፕ ሀድርሳ ባጋና ማስቃልያ ሶላ ምስማርያን ጵሺደ ካቄድኖ።

28 ጸሳ ማጸፋይ፡ “ኢታባ ኦሌዳ አሳቱዋና እ ፓይደቴዳ” ያግያዌ ፖለቴዳ።

29 ኦግያና አጵያ አሳይ የሱሳ ካጲደ፡ ባረንቱ ሁጲያ ቃሊደ ሶሬድኖ፤ “ሰም፡ ኬሻ ጎልያ ኮላደ ሄዙ ጋላሳ ግደን ከጵያዎ።

30 እን ማስቃልያ ሶላፕ ዎዳይ፡ ነ ሁጲያ አሻ” ያጊድኖ።

15:21 ሮሙ 16:13 \* 15:22 “ሁጲያ ጎሰያሳ” ጌተትያዌ፡ አሳ ሁጲያ ማላትያ ሹቻይ ሄዋን ደእያ ድራጌ፡ ሁጲያ ጎሰያሳ ጌተቲዳ። 15:24 ማዘ. 22:18 15:28 አሳ. 53:12 15:29 ማዘ. 22:7፤ 109:25፤ ማር. 14:58፤ ዮሃ. 2:19

31 ሀዋዳንካ ቄሳቱዋ ካፓቱ ሙሴ ሀግያ ታማርሰያዎንጌና እትጥ የሱሳ ቦላ፡ “ሀራ እሳቱዋ አሼዳ፤ ሽን ባረና አሻናዉ ዳንዳየና፤

32 ኑን በሊደ አማናና ማላ፡ ክርሰቶስ እስራኤልያ ካቲ፡ እነ ማስቃልያ ቦላጥ ሀእ ዎጶ” ጊደ ቅሊጩድኖ። ቃይ ሀራይ አቶ፡ አናና ማስቃልያ ቦላ ምሰማርያን ድሸቲደ ካቀቲዳዋንጌካ እ ቦላ ቅሊጩድኖ።

የሱሳ ሀይቁዋባ (ማቶሳ 27:45-56፤ ሉቃሳ 23:44-49፤ ዮሃ. 19:28-30)

33 ኡሱፑን ሳትያፕ ደሚደ፡ ኡዲፑ ሳትያ ጋካናዉ፡ ጋድያ ኡባይ ጶሜዳ።

34 ኡዲፑ ሳትያን የሱስ ባረ ቃላ ጶቁ ኦሲደ፡ “ኤሎሄ፡ ኤሎሄ፡ ሳማ ሳባቅታኒ?” ተ ያጌዳ። ሄዋ ግያዌ፡ “ታ ጸሳዉ፡ ታ ጸሳዉ፡ ታና አያዉ አጋዲ?” ግያዎ።

35 ሄዋን ኤቄዳ አሳጥ እቱ እቱ ሄዋ ሰሲደ፡ “በእት፤ ኤሳሳ ጶሴ” ያጌዳ።

36 ሄ አሳጥ እቱ ዎጶ ዪደ፡ ዛንዛ ማላትያዎን ጫላ ዎይንያ ኤሳ ኩንጤዳ፤ ሄዋ ማቃ ጋትማ ጶራን ዎሊደ፡ “ደእሸተ አነ፤ ኤሳስ ማስቃልያፕ አ ዎላናዉ ያንንቶን እነ በኦይተ” ያጊደ የሱሳ ድናኮ ኤሻናዉ ሺሺዳ።

37 የሱስ ቃላ ጶቁ ኦሳ ዋሲደ፡ ሀይቄ አጌዳ።

38 ጌሻ ጎልያን ቃሸቲዳ ጋርዲ ቆሞፕ ዲገ ጋካናዉ፡ ላኡ ከሲደ ፖሸት ዎጶዳ።

39 ማስቃልያፕ ሰንላ ባጋና ሄዋን ኤቄዳ እት ጶቱዋ ካፑ፡ ሄዋ ኬና የሱስ ዋሲደ ሀይቄዳዋ በኤዳ ዎደ፡ “ሀ ብታኒ ቱሙ ጸሳ ናእ” ያጌዳ።

40 ሄዋን ሃኩዋን ኤቄደ ጶልያ አማራዳ ማጫዋንጌ ደኢና፤ አንቱንጌ ግድን ማግዳላ ግያ ካታማፕ ዬዳ ማይራማ፡ ቲፋ ያቆባን ዮሳ ዳያ ማይራማን ሳሎማ ደኢና።

41 ሄ ማጫ አሳቱ የሱስ ጋሊላን ደኢያ ዎደ፡ አ ካሌዳዋንታን አ ማዴዳዋንታ፤ ቃይ የሱሳና እትጥ የሩሳላመ ቤዳ ሀራ ጮራ ማጫ አሳቱ ሄዋን ደኢና።

የሱሳ ሞጉዋባ (ማቶሳ 27:57-61፤ ሉቃሳ 23:50-56፤ ዮሃ. 19:38-42)

42-43 ሳእይ አማርሴዳ ዎደ፡ ሄዋን ሺቄዳ አሳን ቦንቼቲዳ እት የሴፎ ግያ ብታኒ፡ ጸሳ ካዉተሳይ ያናዋ ናግ ኡቲዳዌ፡ አርማትያሳ ግያ ካታማ አሳይ ዬዳ፤ ሄ ጋላሳይ ዎንተሳ ሳምባታዉ ጊገትያ ጋላሳ ግዴዳ ድራዉ፡ የሴፎ ጸሊደ ጵላጸሳኮ ቢደ፡ የሱሳ አሃ አካናዉ ዎሴዳ።

44 ጵላጸሰ፡ የሱስ ኤላካ ሀይቄ ድጌዳዋ ሰሴዳ ዎደ ማላላቲዳ፤ ጶቱዋ ካፑዋ ጶሴደ፡ “አ ሀይቆደፕ ጋምኤዴ?” ያጊደ ኦቼዳ።

45 ጵላጸሰ የሱስ ሀይቄዳዋ ጶቱዋ ካፑዋፕ ሰሲደ፡ አ አሃ የሴፎ አካናዳን ኦሴዳ።

46 የሴፎ ሞጉዋ ማደዋ ሻሜዳ፤ የሱሳ አሃ ማስቃልያፕ ዎሳ ማደዋን ጸጺደ፡ ሹቻ ዎጩዳ አሳ ሞግያ ጎንጎሎዋ ግድን አ አሃ ዎሴዳ፤ ቃይ ሄ ጎንጎሎዋ ደናን ዎልቃማ ሹቻ ጎንደርሲደ ዎሴዳ።

47 ማግዳላ ካታማፕ ዬዳ ማይራማን ዮሳ ዳያ ማይራማ የሱሳ አሃ ኡንቱንጌ ሀቃን ዎሳንቶ በኢና።

# 16

የሱስ ሀይቁዋፕ ደንዴዳ (ማቶሳ 28:1-8፤ ሉቃሳ 24:1-12፤ ዮሃ. 20:1-10)

1 ሳምባታይ አጴዳዋፕ ጉይያን፡ ማግዳላ ካታማፕ ዬዳ ማይራማ፡ ያቆባ ዳያ ማይራማን ሳሎማ ቢደ፡ የሱሳ አሃ አካናዉ ሸቱዋ ሻሜድኖ።

2 ዎጋ ጋላስ ዎንቱማላ ዳር ጉራን ጸልቄ ከሰሸን፡ ሄ ጎንጎሎዋ ቤድኖ።

3 አንቱንጌ ባረንቱ ግድን እቱ እቱዋና፡ “ጎንጎሎዋ ደናፕ ኑዉ ሹቻ ኦኔ ጎንደርሲደ ድጋናዌሻ?” ያጊደ ሃሳዪኖ።

4 ኡንቱንጌ ጶልያ ዎደ፡ ሄ ዳር ዎልቃማ ሹቻ ጎንደርሰድጌዳዋ በኤድኖ።

5 የሱስ ሞገቲዳ ጎንጎሎዋ ግደ ገልያ ዎደ፡ እት ዎዳላ ብታኒ ቦላ ማደዋ ማዪደ፡ ኡሸቻ ባጋና ኡቲዳዋ በኢደ ዳጋሜድኖ።

† 15:34 ኤሎሄ፡ ኤሎሄ፡ ላማ ሳባቅታኒ፡- ሀ ቃላቱ የሱስ ሀ አላምያን እሹዋ ማዪደ ሰመረትያ ዎደ ሃሳየትያ አራማይክ ጌተትያ ቃላን ሃሳየቶዋ። 15:34 ማዚ. 22:1 15:36 ማዚ. 69:21 15:38 ከሳ 26:31-36

6 ሸን እ ኢንቲንታ፡ “ዳጋሞፕተ። ማሰቃልያ ቦላ ካቀቲዳ ናዝሬትያ የሱሳ ህንተንቱ ኮይያዎ ኤራይ። እ ሀዋን ባዋ፤ ደንድ ድጌዳ። ኢንቲንቱ አ ዋሌዳሳ ሀዋ በአተ።

7 ሸን ቢደ የሱስ ባረና ካልያዋንቱን ጸጽሮሳው፡ “የሱስ ህንተንቱፕ ካሰቲደ ጋለላ ቤ፤ እ ህንተንቶ ኦዴዳዋዳንካ ህንተንቱ አ ያን በእና’ ያጊደ ሀዋ ኦድተ” ያጌዳ።

8 ማጫ አሳቱ ያሻን ኮኮሪደ፡ የሱስ ሞገቲዳ ጎንጎሉዋፕ ከሲደ ባቃት አጌድኖ፤ ቃይ ኢንቲንቱ ያዬዳ ድራው፡ አሳው ሄዋ ኦስን አይነ ኦድበይክኖ።

ማጫ አሳቱ ቢደ፡ ባረንቶ ኦድቲዳባ ኡባ ጸጽሮሳውን አናና ደእያዋንቶ ቃንጎን ኦዴድኖ፤ ሄዋፕ ጉይያን፡ የሱስ ባረ ሁጳው ባረና ካልያዋንቱ ቦላ፡ መድኖው እሸያ ላመተና ጌሻ ምሽራቹዋ ቃላ፡ አዋይ ሞክያሳፕ ወልያሳ ጋካናው ከቲዳ።

የሱስ ማግደላ ማይራሞው ቤቴዳ (ማቶሳ 28:9-10፤ ዮሃ. 20:11-18)

9 የሱስ ሀይቁዋፕ ደንዴዳዋፕ ጉይያን፡ ዋጋ ጋላስ ጉራ፡ ላቹ ኢታ አያናቱዋ ከሴዳ ማግደላ ካታማፕ ዬዳ ማይራሞው ካሰቲደ ቤቴዳ።

10 እዛ ባደ ካሰ አናና ደእያዋንቶ፡ ቃረቲድን ዬኪደ ኡቴዳዋንቶ ኦዳዲ።

11 ሸን የሱስ ፓጻ ደእያዋን እዝው ቤቴዳዋ ኢንቲንቱ ሰሴዳ ዋደ፡ እዝ ኦዲዋ ቱማ ግበይክኖ።

የሱስ ላኡ ባረና ካልያዋንቶ ቤቴዳ (ሉቃሳ 24:13-35)

12 ሄዋፕ ጉይያን፡ ኢንቲንቱፕ ላአቱ ካታማፕ ከሲደ ቢሸን፡ ኦግያን የሱስ ኮይሮዋፕ ዲማቲደ፡ ኢንቲንቶ ቤቴዳ።

13 ኢንቲንቱ ጉየ ሰሚደ፡ ሀራቶ ኦዴድኖ፤ ሸን ሄዋንቱ ኢንቲንቱ ኦዲዋ ቱማ ግበይክኖ።

የሱስ ታማነ እት ባረና ካልያዋንቶ ቤቴዳ (ማቶሳ 28:16-20፤ ሉቃሳ 24:36-49፤ ዮሃ. 20:19-23፤ ኪታ 1:6-8)

14 ጉየፕ ታማነ እት የሱሳ ካልያዋንቱ ቁማ ሚሸን፡ የሱስ ኢንቲንቶ ቤቴዳ። ኢንቲንቶ አማኑ ባይና ድራው፡ እ ኢንቲንታ ሴሬዳ፤ ቃይ

ሀይቁዋፕ እ ደንዴዳዋ በኤዳዋንቱ ኢንቲንቶ ኦድና፡ ኢንቲንቱ አማነናን እጼዳ ድራውን ኦድና ሰሰናዋንታ ግድያ ድራው፡ እ ኢንቲንታ ሴሬዳ።

15 እ ኢንቲንታ ሀዋዳን ያጌዳ፤ “አላምያ ኡባ ቢደ፡ አሳ ኡባው ዋንጋላ ምሽራቹዋ ቃላ ኦድተ።

16 አማናዋን ጸማቶዋ አታና፤ ሸን አማነናዋ ቦላ ጸሳይ ፕርዳና።

17 ታናን አማንያዋንቱ ሀ ማላታቱዋ አላናዋንታ፡ ኢንቲንቱ ታ ሱንጎን ኢታ አያናቱዋ ከሳናዋንታ፤ ቃይ ኢንቲንቱ ዲማ ዲማ ኦራላ ቃላን ሃሳያናዋንታ።

18 ኢንቲንቱ ሸሻ ኦይቆፕካ፡ ዋይ አያን ዋድያ ማርዝያ ኡሸንቶካ ኢንቲንታ ቆሄና። ቃይ ኢንቲንቱ ባረንቱ ኮሸያ ሀርጋንቻቱዋ ቦላ ዋላና፤ ሄ ሀርጋንቻቱ ፓጻና” ያጌዳ።

የሱስ ሳሉዋ ፑደ ከሴዳ (ሉቃሳ 24:50-53፤ ኪታ 1:9-11)

19 ጎዳ የሱስ ባረና ካልያዋንቱና ሃሳዬዳዋፕ ጉይያን፡ ጸሳይ አ ፑደ ሳሉዋ አፍና፡ ጸሳፕ ኡሸቻ ባጋና ኡቴዳ።

20 እ ካልያዋንቱ ቢደ፡ ኡባ ሳን ዋንጋላ ምሽራቹዋ ኦዴድኖ። ጎዳይካ ኢንቲንቱና እትፕ ኦሌ፤ ኢንቲንቱ ኦድያ ቃላይካ ቱማ ግዴዳዋ ኢንቲንቱ ኦልያ ማላታቱዋን ኤርሴዳ። \*

\* 16:20 እት እት በን ጌሻ ማጻፋቱዋን ሀ ፓይዳቱ ባዋ።

የሩሳላመን እዝ የሹቀን የሱሳ ወርሰሳ ሳምንታ 19:28—  
23:56  
ጎዳ የሱሳ ደንዳዎ፣ ቆንጨላነ ሳሉቀ ቡሳ 24:1-53

# ሉቃስ ጸፊዳ ምሽራቸው ቃላ ገሉቀ

ሉቃስ ጸፊዳ ምሽራቸው፣ የሱሳ ኮይሮ ያናዎ ያገት ናባቱዋን አባይ አደቱዳዎ፣ ዳሮ ዎድያ፣ ናገቱዳ ህደታው ሁጳ ግዴዳዎ፣ እስራኤልያ አሳይ ናገደ ደእያ ጸሳን ኦከቱዳዎ፣ አሳ ዘረላ ኡባ አሸያዎ ግድያዎ ቆንጭሴ። የሱስ ጸሳ አወዋ፣ ሆዳቶ ምሽራቸው ቃላ ኦዳናው ከተቱዳዎ ግድያዋን ሀ ምሽራቸው ቃላይ አሳው ደእያ ዲማ ዲማ መቱዎ ቃርያ ዎልቃ ኦይቄዳዎ ግድያዎ ሉቃስ ኦዳ። ሉቃስ ምሽራቸው ቃላ ግድን፣ የሱሳ የሳባ ኦድያ ኮይሮ ሸምጋቱዋንን ቃይካ የሱስ ሳሉቀ ፑደ ከሴዳዎ ኦድያ ወርሰሳ ሸምጋቱዋን ሎይሊደ፣ አደቱዳዎ ናሸቻባ። የሱስ ሳሉቀ ከሴዳዎ፣ ጉይያን አማኑዋባይ ዎን ድጩደንቶን ዋን እኬደንቶ ኦድያ ታርክያ ሀ ማጻፋ ጸፊዳ ብታኒ የሱስ ከቴዳዎንቱ ኦሱቀ ማጻፋን ኦዳዳ።

ከታንቻቱዎ የሳባይ፣ የሱስ የለቲዳ ዎደ ወድያ ሄምያዎንቱ ቢደ በኤዳዎ ኦድያ ታርኪ፣ የሱስ ናኦተሳን ደኢደ ጌሻ ጎልያ ቤዳባይ፣ ቃረታንቻ ሳምራውያን ባዪደ ቤቲዳ ናኦ ታርኪ ሉቃስ ምሽራቸው ጸላላን ቤትያዎንታ። ሀ ምሽራቸው ቃላ ግድን ሀ ጋጸ፣ ሀን ጋጸ ጋካናው ሁጳ ግዲደ ጸለቲዳባይ ዎሳባ፣ ጌሻ አያናባ፣ የሱሳ ኦሱቀ ግድን ማጫ አሳው ደእያ ሳባን ጸሳይ ናጋራ አቶ ያግያባ።

## ሸምጋቱዎ ኡባቶ አመቲዳ ቃንሳ ቆፋቱዎ

ገሉቀ 1:1-4

ጸማቅያ የሃንሳን የሱሳ የለታ 1:5—2:52

ጸማቅያ የሃንሳን ኦሱቀ 3:1-20  
የሱሳ ጽንቃታን ፓጭያ 3:21—  
4:13

የሱስ ኦሱቀ ጋሊላን ደሞዎ 4:14—9:50

የሱስ ጋሊላ፣ የሩሳላመ ሰዎ 9:51—19:27

1-4 ቦንቸቲዳ ቶፍሎሳ፣ ኮይሮ ባረንቱ አይፍያን በኤዳዎንቱን ባረንቱ ቃላን ማርካቲዳዎንቱ ኦዳ ኦዳድና። ጸፊቲዳ የወዎ ታ ባጋን ኡባ ጸጸዋ፣ ብዳ ጸሎዋ፣ ጉየ፣ ታርክያ ማራ ናጌዳ ኦግያን ነወ ጸፋናው ሎኦ ግዴዳዎ ታው ቤቲዳ።

ጸማቅያ የሃንሳ የለታይ ኮይሮ አደቲዳ

5 ይሁዳ ጋድያ ካትያ ሄሮድሳ ዎድያን፣ \* አብያ ቄሳተላ ኦሱቀ ባጋ፣ ግዴዳ ዛካራሳ ጌተትያ እት ቄሳይ ደኤ። ማቻታካ ኤልሳቤጸ ጌተትያ አርን ያራ፣ የለቲዳወና።

6 ላአቲካ ጎዳ አዛዙዋን ሴራ ዳርሲደ ናግያዎንታን ካጼ ባንታን ጸሳ ሰንሳን ደእያ ጽላቲዎ።

7 ግድ፣ አትን ኤልሳቤጸ ማንሳ ግድ ድራው፣ የሉ ኦንቲንቶ ባዎ። ላአቲካ ላይሳ ሱጌዳዎንታ።

8 እት ጋላስ ዛካራሰ ባረ ባጋ ካላን ጸሳ ሰንሳን ቄሳተላን ኦልያ ዎደ።

9 ባረ ቄሳተላ ዎጋ ደያዳን ጌሻ ጎልያ ገሊደ እጻና ጩውሱዎ ተ ሳማይ አ ጋኬዳ።

10 እጻናይ ጩውያ ዎደ አሳይ ኡባይ ካረን ኤቄደ ዎሰ ደኤ።

11 ጎዳ ከታንቻይ እጻና ያርሹዎ ሳ፣ ኡሸቻና ኤቄደ አወ ቤቲዳ።

12 ዛካራሰካ በኤዳ ዎደ ዳጋሚደ ያሻን ሞተቲዳ።

13 ከታንቻይካ ቃይ ያጌዳ፣ “ዛካራሳ፣ ያዮ፣ ነ ዎሳይ ሰሰቲዳ፣ ነ ማቻታ ኤልሳቤጸ አቲማ ናኦ የላናውኦ።

14 አ የለታን ናሸታይነ እሻሉ ነወ ሀናናዎ፣ ጩራቲካ አ የለቶ ድራው ሀሹ ጋናዎንታ።

15 እካ ጎዳ ሰንሳን ዳራ ግዳናዎ። ማላይያ ዎይንያ ኡሻ ግድ ሀራ ማላይያ ኡሻ አይነ ኡሸና፣ ባረ ዳይ ኡሉዎን ደእሸን አያና ጌሻይ እን ኩማናዎ።

\* 1:5 ይሁዳ፣ ሀዎን ይሁዳ ጋድያ ጌተቲዳዎ ፍልስጶም ጋድያ ኡባ በሰያዎ። 1:5 1 ኦዳዎ 24:10 † 1:9 እጻና ጩውሱዎ፣ ሀዎ ጉሳይ ጩዋይ ዎሳ ኮታ ጸሳኮ ጋኬ ገደ ዎንታን ኦማርሰ ዎደ ጩውሰያ ዎጋ። 1:15 ገይ. 6:3

16 “እስራኤልያ አሳቱዋጥካ ጮራቱዋ ኤንቱንቱ ጎዳ ጸሳኩ፡ እዛራናዎ።

17 እካ ገገና አሳ ጎዳዉ ገግሳናዉ፡ አዎቱዋ ዋዛና ናናቱዋኩ፡ እዛዘተናዋንታካ ጽሎተላ ኤራኩ ዛራናዉ፡ ኤላሳ ፤ እያናንነ ዋልቃን ጎዳጥ ሰንላና ቤ።”

18 ዛካራሰካ ኪታንቻ፡ “ታን ጭማድ፡ ታማቻታካ ባረ ለይላን ስጌዳዉኖ፡ ሀዋ ታን እያን ኤራንታ?” ጌዳ።

19 ኪታንቻይካ ዛሪድ፡ “ታን ጸሳ ሰንላን ኤቂያ ጋብሬላ፤ ሀዋ ምሽራቹዋ ነዉ እዳናዉ ነኩ ከተታድ፤

20 ሄኮ ሄ ዋድያን ሀናና ታ ቃላ ነ አማናቤና ድራዉ፡ ሀ የዉ ሀናና ጋላሳይ ጋካናዉ ነን ዲዲ ግዳናሳ፤ ሃሳያናዉካ ዳንዳያካ” ጌዳ።

21 ሄ ዋድ አሳይ፡ ዛካራሰ ጌሻ ጎልያጥ ከሰናን እያዉ ጋምኤደንቶ ማላለቲደ ናጊኖ።

22 ከሴዳ ዋድያንካ ሃሳያናዉ ዳንዳይቤና፤ ጌሻ ጎልያን ሳፃ እ በኤዳዋ እኬኬድኖ፤ እካ ሃሳያናዉ ዳንዳይቤናዋ ጸርሰ በሲደ፡ ዲደ ግዲደ ደኤዳ።

23 ዛካራሰካ ባረ ኦሱዋ ዋድያ ዉርሶ ዋድ፡ ባረ ጎላ ሰሜዳ።

24 ሄዋጥ ጉይያን እ ማቻታ ኤልሳቤጸ ሻሃራደ እቼሹ እገና ባረና ገንላዲ።

25 ኤልሳቤጸካ፡ “ታ ቶሽያ አሳ ግደጥ ድጋናዉ ስ ጎዳይ ባረ ማሮተላን ታና ጸሎ ዋድ፡ ሀዋዳን ታዉ እሌዳ” ጋዲ።

የሱሳ የለታይ ካሰቲደ ኦደቲዳ

26 ኡሱፑንላ አገናን ጸሳ ኪታንቻ ጋብሬል ጋሊላ ጋድያን ናዘሬተ ካታማ

27 ዳቂታ ያራጥ ግዴዳ ዮሴፎ ጌተትያ ብታነዉ ኦሽታ ቃሽቴዳ ዋድራትኮ ጸሳ ማታጥ ከተቲዳ፤ ዋድራት ሱንላይካ ማይራዋ ጌተቲ።

28 ኪታንቻይካ ማይራዋኮ ዪደ፡ “ዳርሳደ ደሰታዉኔ፡ ሳሮተላይ ነዉ

ግደ፤ ጎዳይካ ኔናና ጋላ ደኤ፤ ኔንካ ማጫዋንቱ ግደን እንጀቲዳዉኖ” \* ያጌዳ።

29 ማይራማካ እ ሃሳያጥ ደንደዋን ዳርሳ ዳገማደ፡ “ሀዋ እያ ማላ ሳሮታ ግዳኔ” ጋደ የዉዋ ቆገዳ።

30 ኪታንቻይ እዘ፡ “ሀን ማይራሜ፡ ጸሳ ማታን ሳሳ ደማዳ ያዮገ።

31 ኔን ሻሃራደ፡ አቲማ ናእ የላናሳ፤ እ ሱንላካ የሱሳ ጋናሳ።

32 እካ ዳራ ግዳናዋ፤ ኡባጥ ቶቃ ጸሳ ናእ ጌተታና፤ ጎዳ ጸሳይ እ እቡ ዳዋታ ካዉተላ ኦይድያ እዉ አማናዋ።

33 እካ ያቆሳ ጎላን ሙድናዉ ካዉታናዋ፤ እ ካዉተላዉካ ዉርሰላይ ባዋ” ያጌዳ።

34 ማይራማካ ኪታንቻ፡ “ታን ዋድራቶ ግደ ድራዉ፡ ሀዋ ዋት ሀናናዌ?” ያጋዲ።

35 ኪታንቻይካ ዛሪደ እዘዉ፡ “እያና ጌሻይ ነ ቦላ ያናዋ፤ ቶቃ ጸሳ ዋልቃይ ኔናን ሽምጋናዋ፡ ሄዋ ድራዉ፡ ኔጥ የለትያዌ ጌሻ ጸሳ ናእ ጌተታና።

36 ነ ዳባታ ኤልሳቤጸ ባረ ጭማተላ ዋድያን አቲማ ናእ ሻሃራዲ። ማንላ ጌተቲዳዉና ኤልሳቤጸ ሻሃሮደጥ ኡሱፑንላ አገና ኦይቃዲ።

37 ጸሳ ጸንያ የዉ ባዋ” ያጌዳ።

38 ማይራማካ፡ “ታን ጎዳ አይላቶ፤ ኔን ጎዋዳን ሀና” ጋዲ። ሄዋጥ ጉይያን ኪታንቻይ እዘ ማታጥ ቤዳ።

ማይራማካ ኤልሳቤጸ ኦቻናዉ ባዲ

39 ማይራማካ ሄ አገና ግደን ደንዳደ ክል ዘዘትያ ይሁዳ ጋደን ደእያ እት ካታማ ኤሌላ ከሳዲ።

40 ዛካራሳ ጎላ ገላደ ኤልሳቤጸ ሳሮታዲ።

41 ኤልሳቤጸካ ማይራዎ ሳሮታ ሰሴዳ ዋድ፡ እዘ ኡሉዋን ደእያ ሻሃራይ ጉፔዳ፤ ኤልሳቤጸካ እያና ጌሻን ኩማዲ።

42 ባረ ከሻካ ቶቃ ኦሳደ፡ “ኔን ማጫዋንቱ ግደጥ እንጀቲዳዉኖ። ኔጥ የለትያዌካ እንጀቶዋ።

‡ 1:17 ኤላሳ፡ ሀዋ ጌተቲዳዌ፡ ካሰ ኤጫ ጫቁዋ ማጸፋን ናብያ ኤላሰ ኦራላባ ኦልያ ዋልቃን ኤራቲዳዋ ድራሳ። 1:17 ሚልክ. 4:5፣ 6 1:19 ዳኔላ 8:16፤ 9:21 § 1:25 ታ ቶሽያ አሳ ግደጥ ድጋናዉ፡ እሰና ገሌዳ ምሽራታ ናእ የለናን አቶጥ፡ እስራኤልያ አሳ ቆፋን፡ “ጸሳይ እዘ ሙር ደኤ” ያገታዉ። 1:27 ማቶሳ 1:18 \* 1:28 ኔንካ ማጫዋንቱ ግደን እንጀቲዳዉኖ፡ ሀ ቆፋይ ባን ጭሜዳ ግሪክያ ማጸፋን ባይናዋ ግድያ ድራዉ፡ እት እት እንግልዘሉዋን እማራሉዋ ማጸፋንካ ባዋ። 1:31 ማቶሳ 1:21 1:33 2 ሳሜላ 7:12፣ 13፣ 16፤ እሳ. 9:7 1:37 ደሙሳ 18:14

43 ኔን ታ ጎዳ ዳያ ታኮ ያናዉ ታን ኦኔ?

44 ሄኮ ነ ሳርታ ኮሻይ ታ ሀይላን ሰሰቲዳ ዎድ፣ ታ ኡሉዋን ደእያ ሻሃራይ ናሽቻን ጉፔዳ።

45 ጎዳይ ፖለቲ ጊደ እዘዉ ኦዴዳዎ አማኔዉና እዛ አንጀቲዳዉና” ያጋዲ።

ማይራሞ ጋላታ የላ (1:46-53)

46 ማይራማካ፡ “ታ ሸምፓታ ታ ጎዳ ቦንቻዉ፡ 47 ታ አያናይካ ታ ጸሳ፣ ታ ጳልያን፣ ሎይላ ናሽታዉ። 48 እካ ባረ አይላት ቶሽያ ጸሌዳ። ሀቼፕ ደመደ የለታይ ኡባይ አንጀቲዳዉኔ ጊና። 49 ዎልቃማ ግዴዳ እ፣ ደር የወዋ ታዉ ኦሴዳ፤

አ ሱንላይካ ጌሻ። 50 አ ማርታይ ያይያዎንቶ፣ የለታፕ የለታይ ጋካናዉ ደኤ። 51 ባረ ዎልቃን ሞኖ ኪታ ከተቲዳ፤ ባረንቱ ዎዛና ቆፋን ኦቶረትያዎንታ፣ ሳሌዳ። 52 ዎድያዎንታ ካዉተላ ማታ ኦይድያፕ ዎሴዳ፤ አሽካቲዎካ ቃይ ዶቄ ዶቄ ኦሴዳ። 53 ኮሻቲዳዎንታ ሎኦ የወዋን ካሊሴዳ፤ ዲራቱዎ ቃይ መላ የደርሴዳ። 54 ባረ ማርተላ ቆፒደ፣ ባረ አይልያ እሰራኤልያ ማዴዳ። 55 ኑ አዎቶ እ ኦዴዳዎዳን፣ አብራሃመዉን አ ያራዉ ጌዳዎ፣ መድናዉ ናጋና ድራሳ” ያጋዲ።

56 ማይራማካ ሄዙ አገና ኬና ኤልሳቤጽ ማታን ጋምኦዎፕ ጉይያን ባረ ጎላ ሰማዲ።

ጸማቅያ የሃንሳ የለታ

57 ኤልሳቤጽዉካ የልያ ዎዲ ጋክና፣ አቲማ ናኦ የላዲ።

58 እዝ ሸራቲን እዝ ዳቦ ግዴዳዎንቱ፣ ጎዳይ ማርተላ እዘዉ ኦሴዳዎ ሰሲደ እዝና አትፕ ናሽቲድና።

59 ሆሰፑንላ ጋላሳን ናኦ ቃጸራናዉ ዬድና፤ አ፣ አዉዋ ሱንላን ዛካራሳ ጊደ ሱንላናዉ ኮዬድና።

60 አ ዳያ ቃይ፣ “ሀነና፣ የሃንሳ ጌተታናዉ ኮሼ” ያጋዲ።

61 ኡንቲንቲካ እዘ፣ “ኅ ዳባቲዎፕ ሀቼ ጋካናዉ አቲካ ሀ ሱንላን ጸሰትቤና” ያጌድና።

62 አ አባ፣ ኦና ግያ ሱንላን ጸገታናዉ ኮይንቶ ጸርሰ ኦቼድና።

63 አ እቡካ ጸፍያባ ኦቶ አኪደ፣ “ናኦ ሱንላይ የሃንሳ” ጊደ ጸፍና፣ ኡባቲካ የወዋን ማላለቲድና።

64 ሄዋንካ ዛካራሳ ደናይ ደየቲዳ፣ አ እንጸርሳይካ ብለትና ሃሳያ ደመዳ፣ ጸሳካ ጋላቲዳ።

65 አ ሸራቲካ ደኢያሳ ኡባን ያሻን ኩሚድና። ሀ የወካ ዘዘትያ ይሁዳ ጋድያ ኡባን ዳሪ ሃሳየቲዳ።

66 ሀዎካ ሰሴዳዎንቲ ኡባቲ፣ “ሀ ናኦይ አያ ግዳኔሻ?” ያጊደ የወዋ ባረንቲ ዎዛናን ኦይቄድና፤ ጸሳይካ አናና ደእያዎ ኤራድና።

ዛካራሳ ጋላታን ትምቢትያ ኦዲዎ

67 የሃንሳ እቡ ዛካራሰ አያና ጌሻን ኩሚደ ትምቢትያ ያግ ኦዴዳ።

68 “እሰራኤልያ ጎዳይ ጸሳይ አንጀቶ፤ ዪደ ባረ አሳ ጸዎሴዳን ዎዜዳ።

69 ባረ አይልያ ዳዊተ ጎልያን፤ ዎልቃማ አሸያዎ ኦዉ ጊገሴዳ።

70 ሀዌካ ቦን ጎዳ ጌሻ ናባቲዎ ደናን ኦይቶዎዳን፣

71 አ ኦና፣ ኑ ሞርከቲዎፕ፤ ኦናና ኤቀትያዎንቲ ኩሸያፕ አሻናሳ።

72 ሀዎካ አ ኦሴዳዌ፣ ኑ አዎቶ፣ ማርተላ ቦሳናሳ፤ ባረ ጌሻ ጫቁዎ ዎዛና አሳናሳ።

73 ኑ አዉዎ አብራሃዎ፣ ጫቁዳ ጫቁዎ ቆፓናዉ።

74 ኑ ሞርከቲዎ ኩሸያፕ ከሲደ፣ ያሻይ ባንታን አዉ ኦሳናዳን፣ ማታ ኦዉ እሚዳ።

75 ሀዌኒካ፣ ኦና ኑ ዎድያ ኡባን፣ ጌሻተላን ጸሎተላን፣ ባረ ሰንላን ኤሳና ድራሳ።

76 ዛሪደካ፣ ኔና፣ ታ ናአዉ፣ ዶቃ ጸሳ ናብያ ጌተታናሳ፤ ኦግያ ጊግሳናዉ ጎዳፕ ሰንላና፣ ባናሳ።

77 አሳ ናጋራ ማርያ አቶተላ ኤራ፣ ኡንቲንቲ አማናሳ።

78 ሄዌካ ክልፕ ዬዳ ፖኡ፣ ኦና ጸዎሴዳዌ፣ ኑ ጸሳ ማርተላን ቃሪታ ጋሱዎና።



79 እ ፖሎካ ጳጳሳን ሀይቁዋ ኩዋን፡  
ኡቴዳዋንቶ ፖእሴ፤  
ኑ ገድያክ ሳርተላ ኦግያን  
ሱርሴ።”

80 ናኦይካ ድጩደ፡ አያናን ሞኔዳ፤  
እሰራኤልያ አሳዉ ቤቴዳ ጋላሳይ  
ገካናዉ መላ ቢታን ደኤዳ።

## 2

የሱሳ የለታባ  
(ማቶሳ 1:18-25)

1 ሄ ዎደ \* ሮማ ካዉተሳ ጋርሳን  
ደእያ አሳይ ኡባይ ሱንሳ ጸፈታናዳን  
ፓይደታናዳን አዉግሰጸሰ ቁሳረፕ †  
አዛዙ ከሴዳ።

2 ሄዎይካ፡ ቀረነዮሰ ‡ ሶርያ ጋድያ  
ሞድያ ዎደ ሀኔዳ ኮይር አሳ ፓይዳዎ።

3 ሀዎ ድራዉ እት እት አሳይ  
ጸፈታናዉ ባረ ካታማ ባረ ካታማ  
ቤዳ።

4 ዮሴፎካ ዳዊታ ጎልያፕን ያራፕ  
ግድያ ድራዉ ጋለላ አዉራጃን ደእያ  
ናዝራተ ካታማፕ ደንዲደ ዳዊታ  
ካታማ ግዴዳዉንኮ ይሁዳን ደእያ  
ቤተሌመ ጌተትያ ካታማ ከሴዳ።

5 ሄ ዎደ የልያ ዎዲ ማቴዳ እዉ  
ኦሽታ ኡቴዳ ማይራማካ እናና እትፕ  
ባዲ።

6 ኡንቱንቱ ሄዎን ደእሽን እዛዉ  
የልያ ዎዲ ጋኪ እኑዳ።

7 እዛካ ባይራ ናኦ § ግዴዳ  
አቱማ ናኦ የላዲ፤ እማሳይ ሸሞፕያ ሳ  
ደማቤና ድራዉ፡ ናኦ ማዩዋን ጸጸደ  
ጋጸትያን \* ቀራዲ።

ዉድያ ሄምያዋንታን ኪታንቻቱዎ

8 ሄ ጋድያን ቃማ ባረንቱ ዉድያ  
ሄማደ ደምባን አቅያዋንቱ ደእኖ።

9 ጸሳ ኪታንቻይ ቆፕናን ዪደ  
ኡንቱንቱ ሞይያን ኤቁዳ፤ ጎዳ ቦንቹ  
ኡንቱንቱ ዩሹዋን ፖኤዳ ዎደ፡  
ዎልቃማ ያሻይ ኡንቱንታ ኦይቁዳ።

10 ኪታንቻይ ኡንቱንታ፡ “ያዮፕተ፡  
አሳዉ ኡባዉ ሀንያ ዳር ናሽቻያ  
ምሽራቹዎ ታን ሀንተንቶ አሃድ።

11 ሀቹ ዳዊታ ካታማን አሽያዎ  
የለቴዳ። እካ ጎዳ ክርሰቶሳ።

12 ሀዎ ሀንተንቶ ማላ ግድ፡ ጋጭኖ  
ናኦይ ማዩዋን ጸጸተደ ጋጸትያ ግድን  
ግሴዳዎ ደማንታ” ያኔዳ።

13 ቆፕናን ጮራ ጸሳ ኪታንቻቱ  
ኮይር ኪታንቻና እትፕ ቆንጩድኖ።

14 ጸሳካ ጋላቲደ፡ ሀዎዳን ጌድኖ፡

“ቦንቹ ጸሳዉ  
ቦላ ሳሉዋን ግድ።  
ሳኦን እ ደሰያ አሳዉ  
ሳርተላይ ግድ”  
ያኔድኖ።

15 ኪታንቻቱ ኡንቱንቱፕ  
ሻከቲደ ሳሉዋ ከሰዋፕ ጉዮ፡  
ዉድያ ሄምያዋንቱ፡ “ጎዳይ ኦዉ  
ቆንጭሴዳዎ፡ ሀዎ ሀኔዳ የዉዎ  
በእናዉ ቤተሌመ ቦይተ” ጌተቴድኖ።

16 ኡንቱንቱካ ኤሌሊደ ቤድኖ።  
ማይራሞን ዮሴፎ ደማደ፡ ጋጭኖ  
ናኦይካ ጋጸትያን ግሴዳዎ በኤድኖ።

17 ሄዋፕ ጉይያን ጉሳ ናኦ ድራዉ  
ኦደቴዳዎ ቆንጭሴደ ኦደድኖ።

18 ሀዎ ሰሴዳ ኡባይ ኡንቱንቱ  
ኦዴዳ የዉዋን ማላለቴድኖ።

19 ማይራማ ቃይ ሀዎ ኡባ ባረ  
ዎዛናን ኦይቃደ ቆፓደ ጋምኦዲ።

20 ዉድያ ሄምያዋንቱካ ኡባ የዉ  
ኡንቱንቶ ኦደቴዳዎዳን ሀንና ደዎ  
ድራዉ፡ ሰሴዳዎን በኤዳዎ ኡባዉ ጸሳ  
ቦንቹድን ጋላቲደ ሰማድኖ።

21 ናኦዉ ሆሰቸን ጋላሳ ግድና  
ቃጸረትያ ዎዲ ጋኮ ዎደ፡ እ እት  
ኡሉዋን አታናፕ ካሰ፡ ኪታንቻይ ከሶ  
ሱንሳን፡ የሱሳ ጌተቴዳ።

የሱሰ ጌሻ ጎልያን ጸሳዉ ሹፍፍቴዳ  
22 ሙሴ ዎጋ ማራዳን ጌይያ ዎዲ  
† ፖለቴዳ ዎደ ዮሴፎን ማይራማ  
ጋጭኖ ናኦ ጸሳዉ ሹቆናዉ የሩሳላመ  
አክ ቤድኖ።

\* 2:1 ሄ ዎደ፡ ጌተቶዎ ጸማቅያ የሃንሰ የለት ሰማደ ብር ጉተላን ደእሽን የሱሰ የለቶ ዎድያና።  
† 2:1 ቁሳራ፡- ግያ ሱንሳይ ካትያ ጉሳ። ሄዎይካ ጮራ ጋድያ ሞድያ ዎልቃይ ደእያ ጮራ ካታቱዎ ካትያ  
ጉሳ። ‡ 2:2 ቀረነዮሰ፡- ጌተትያዎ ሮማ ካቲ አዉግሰጸሰ፡ ሶርያ ጌተትያ ይሁዳን ጋለላ አዉራጃቱዎ  
ኦይቁዳ ጋድያን ሱንሳዬዳዎ። § 2:7 ባይራ ናኦ፡- እሰራኤልያ አሳይ የለቴዳ ናኦ ኡባ ጎልያንካ ጸሳዉ  
በሰያዎ ጌኖ። \* 2:7 ጋጸትያ፡- ሀ ማሻይ ሞያይ ሞያባይ ሳኦን ላለተናን ማና ማላ የጊደ አምያባ።  
2:21 ዎጋ 12:3፤ ሉቃ 1:31 † 2:22 ጌይያ ዎዲ፡- አይሁዳቱዎ ማጫ አሳይ አቱማ ናኦ የሉዋፕፕ  
ጉይያን፡ “ጌሻ ግዲኩ” ያግ ቆፕና። ቃይካ ሄ ናኦይ ቃጸረታና ጋካናዉ እዛ ሰይፕ ከሰናዳን ኦሰታዉ። ሀ  
ዎዲ፡ ጌይያ ዎድያ ጌተቴ። ‡ 2:23 ባይራ ናኦይ፡- 2:7 ጸላተ። 2:23 ከሳ 13:2፤ 12

23 ሄዌኔካ ጎዳ ዋጋን፡ “አቱማ ናኣ ግዴዳ ባይራ ናኣይ ቶ ኡባይ ጸሳዉ ዲማቲዳዋ ግዳናዋ” ጌተት ጸፈቲዳዋዳን፡

24 ቃይካ ጎዳ ዋጋን፡ “ላኡ ደጎማቲዋ ዋይ ላኡ ሀራጸ ማራቲዋ” ጌተቶዋዳን፡ ጎዳዉ ያርሹዋ ያርሻናዉ አፌድና፡፡

25 ሄ ዋይ ጽሎን ገንጫ ግዴዳ ሰሞና ጌተትያ እት ብታኒ የሩሳላሙን ደኤ፡፡ እካ፡ እስራኤልያ አሳዉ አቶተላ ሀደታ ናግያዋን እያና ጌሻይ አ ቦላን ሸሞፔዳ አሳ፡፡

26 ጎዳን ኦከቲዳ ክርሰቶሳ በኤናን ሀይቀናዋ እያና ጌሻን አዉ ቆንጮሴዳ፡፡

27 እካ ሄ ዋይ እያና ጌሻይ ካለለና፡ ጌሻ ጎልያ ገሌዳ፡፡ ናኣ የላዋንቲ ኤርያ ዋጋ ማራዳን፡ ኮሽያዋ አዉ ፖላናዉ ጉላ ናኣ የሱሳ ኦይቂይ ገሎ ዋይ፡፡

28 ሰሞን ሞክ እክ ናኣ እድሚይ ጸሳ ጋላቲይ ሀዋ ያጌዳ፡፡

29 “ጎዳዉ፡ ኔን ቃላ ገሎ ማራዳን፡ ሀእ ታና ነ አይልያ ሳሩዋን ኔኮ አፋ፡፡

30-31 ጋሱካ፡ ታ አይፋቲ፡ አሳ ኡባ ሰንሳን ኔን ጊግሴዳ፡ አሽያ ሀደታ በኤድና፡፡

32 ሄዌካ እስራኤልያ ግዳና አሳዉ፡ ቆንጮላ እምያ ፖኤዋ፡፡ ቃይ ነ አሳዉ እስራኤላዉ ቦንቸዋ፡፡”

33 ዮሴፎን አ ዳያ አ ድራዉ ሃሳየቲዳ የዋ ማላለቲድና፡፡

34 ሰሞንካ አንጂራ ማይራዎ፡ “ሀዌ ናኣይ እስራኤልያን ጮራቶ ደንዲዋሰን ኩንደላዉ ጋሶ ግዳናዉ፡ ቃይካ ኢታ ሃሳይያዋንቶ ማላ ግዳናዉ ደረቲዳ፡፡

35 ጮራቶካ ዋዛና ቆፋይ ቆንጮዋ ግዳናዉ፡ ነ ሸሞፔካ ማሻን ቃንጸዋዳን ሴለታናዋ” ያጌዳ፡፡

36 ቃይካ አሴራ ያራፕ ግዴዳ ፓኤኤላ ናታ ሃሮ ጌተትያ ናባታ ደአዉ፤ እዛካ ሎይላ ጭማዳ፡፡ ባረ ዋደርተላን ገሌዳ አሰናና ላፑ ላይላ ደኤዳዉና፡፡

37 እዝ ላይላይካ ሆሰፑን ታማን ኦይዲዋ ግዳና ጋካናዉ ጋላሳን ቃማ

ጌሻ ጎልያፕ ሻከተናን ጸማንን ዋሳን ኪተታይ እምኤ § ግዳይ ጋሞኣድ፡፡

38 ሄ ዋይካ ሺቃይ ጸሳ ጋላታዲ፤ ቃይካ የሩሳላሙ አሳይ ዋዘታናዉ ናግያዋንቶ ኡባቶ ጋጭኖ ናኣ የሱሳባ ኦዳዲ፡፡

ዮሴፎን ማይራማ ናዝሬተ ሰሜድና

39 ዮሴፎን ማይራማ ጎዳ ሀግያን አዛዘቲዳዋ ኡባ ፖሎዋፕ ጉየ ጋለላ አዉራጅን ደአያ ባረንቲ ካታማ ናዝሬተ ሰሜድና፡፡

40 ጉላ ናኣይካ ድጩደን ሞኒይ ቤዳ፤ እድ ኤራንካ ኩሜዳ፤ ጸሳ እድ ኬካተላይ አ ቦላን ሸሞፔዳ፡፡

ጉላ ናኣ የሱሰ ጌሻ ጎልያን

41 ዮሴፎን ማይራማ ላይላን ላይላን ፓሰጋ ባላ ቦንቻናዉ የሩሳላሙ ካታማ ቢና፡፡

42 ናኣዉካ ታማን ላኤ ላይላ ግድ ዋይ ደዳን ባላዉ ህን የሩሳላሙ ከሴድና፡፡

43 ባላ ፖሎዋፕ ካላ ባረንቲ ጎለ ኡንቲንቲ ሰሞይ ጉላ ናኣ የሱሰ ዮሴፎን ማይራማ ኤረናን የሩሳላሙን እት አኔዳ፡፡

44 ኡንቲንቲና እትፕ ደአያዋ ማላትና እት ጋላሳ ኦግያ ሀመቲድና፡፡ ጉየፕ ቃይካ ባረንቲ ዳባቲዋናን ባረንቲ ሲቀትያዋንቲ ማታን ኮሻ ደሚድና፡፡

45 ጳዮ ዋይ ኮዪይ ህን የሩሳላሙ ሰሜድና፡፡

46 ሄዙ ጋላሳፕ ጉየ፡ ታማርሰያዋንቲ ግድን የሱሰ ኡቲይ ኡንቲንቲ ግያዋ ሰሲደን ኡንቲንታ ኦቺይ ጌሻ ጎልያ ጋርሳን ደአያዋ በኤድና፡፡

47 ሰሰያዋንቲ ኡባቲካ፡ አ አኬካንን አ ዛሩዋን ማላለቲድና፡፡

48 ዮሴፎን አ ዳያ አ በኦ ዋይ ማላለቲድና፡፡ አ ዳያካ፡ “ታ ናኣዉ፡ አያዉ ኑና ሀዋዳን ኦላይ? ነ አቡነ ታን ኔና ኮዪድ፡ ዳር መቶቲድ” ያጋዲ፡፡

49 የሱሰካ ኡንቲንቶ፡ “አያዉ ታና ኮዪቲ? ታ አቡ ጎላን \* ደአናዉ ታዉ ኮሽያዋ ኤርበይክቲ?” ያግ ዛሬዳ፡፡

§ 2:37 እምኤ- እምኤ ጉሳይ አሰናይ ሀይቁና ገለናን ጋምኤዳ ማጫዉና፡፡ ሀ ፓይዲዋን ጸፈቲዳ ሞሽራታ ላፑ ላይላ ጸላላ አሰናና ጋምኤዋፕ ጉየ 84 ላይላ ኡባ እምኤ ግዳይ ጋምኣድ፡፡ 2:39 ማቶሳ 2:23 2:41 ከሳ 12:1-27፤ ዛረ. 16:1-8 \* 2:49 ታ አቡ ጎላን- ጉሳይ፡ ታ አቡ ከቲዳ ኦሱዋ ፖላናዉ በሴ ጉሳ፡፡

50 ሄዋ ያግ ኦደፕ አትን፣ ኤንቲንቶ እ ኦዴዳ የወ እያ ግንቶ ገልቤና።

51 ሄዋፕ ሰሚደ፣ ኤንቲንቲና እትፕ ህን ናዘራት ቤዳ፤ ሄዋንካ ኤንቲንቶ አዛዘቱ። እ ዲያካ ሄዋ ኡባ ባረ ዋዛናን ዋላዲ።

52 የሱሰካ ኤራንነ ጌሳን፣ ሳባንካ ጸሳነ አሳ ሰንሳን ድጩዳ።

### 3

ጸማቅያ የሃንሰ የሱሳዉ ኦግያ ገግሴ

(ማቶሳ 3:1-12፤ ማር. 1:1-8)

1 ጽባርዮሳ ጌተትያ ካቲ ካወቲዳ ታማነ እቼሸለያ ላይላን ጸንጸናውያ ጽላጸሰ ይሁዳ ሞድያ ዎደ፣ ሄርድሰ ጋለላን ኦይደንሸያ ሻኩዋ ሞድያ ዎደ፣ እ አሻይ ፕልጸሰካ እጸርያንን ጸርኩንደሳን ኦይደንሸያ ሻኩዋ ሞድያ ዎደ፣ ልሳንዮሰካ አብሊንን ኦይደንሸያ ሻኩዋ ሞድያዋ ግዲደ ሞድ ደእሸን።

2 ሃንነ ቀያፋይ ቁሳቲዋ ካፓቲዋ \* ግዲደ ደእሸን፣ ጸሳ ቃላይ ዛካራሳ ናአ የሃንሳኩ መላ ቢታን ዬዳ።

3 የሃንሰ ዮርዳናሳ ሻፋ ሄራ ኡባ ቢደ፣ “ህንተ ናጋራይ እቶ ጌተታና ማላ ናጋራ ፓጺደ ጸማቀትተ” ያግ ታማርሴዳ።

4 ናብያ ኢሰያሳ ማጻፋን ጸፈቲዳ ቃላዳን፣

“መላ ቢታን ዋሰያ ብታንያ ኮሻይ፣

ሳዳዉ ኦግያ ገግሰተ፤

እ ኦግያካ ሱርሰተ።

5 ኦላይ ኡባይ ኩሞ፤

ደሪነ ዘዘ ደንባ ግደ፣

ገገና ኦጊ ኡባይ ገን፣

ሀንቶር ኦጊ ኡባይ ሊቆ።

6 ሄዋ ግደፕ፣

አሳይ ኡባይ ጸሳይ አሸያዋ በእና”

ያጌዳ።

7 ሀዋ ድራዉ የሃንሰ እ ኩሸያን ጸማቀታናዉ ከሴዳ አሳዉ ሀዋዳን ኦዲዋ ደሚዳ፣ “ሄንተና፣ ሾሻ ናቶ፤

ይያ ሀንቁዋፕ አታና ማላ ህንተንታ ኦን ማቄዴ?

8 ሰም ህንተንቲ ናጋራፕ ሰሜዳዋንቶ በሰያ አይፍያ አይፍተ። ህንተንቲ ዋዛናን አብራሃም ኑ እቡ ደኤ ጎፕተ። ጸሳይ አብራሃም ተ ናና ሀ ሹቻቲዋፕ ደንላናዉ ዳንዳዬ ያጋደ ታን ህንተንቶ ኦዳይ።

9 ሀእ ኡባ ቤጽ ሞላ ጸጸዋን ቃንጸናዉ ገግ ኡቲዳ፤ ሰም ሎኦ አይፍያ አይፈና ሞላይ ኡባይ ቃንጸቲደ ታማን ኦለታናዋ።”

10 “ያትና ሀእ ኑ እያ ኡዳይ?” ያጊደ እ ጮራ አሳይ ኦቼዳ።

11 የሃንሰካ፣ “ላኡ ማዩ ደእያዋ ባይናዋ እሞ፤ ቁማይ ደእያዋካ ባይናዋ ግሾ” ያግ ዛራዳ።

12 ቃራጸ ሺሸያዋንቲካ ጸማቀታናዉ ዪደ፣ “ታማርሰያዎ፣ ኑ እያ ኡዳይ?” ያግ ኦቼድና።

13 እ ኤንቲንቶ፣ “ጌተቶዋፕ አጼ ቃራጸ አላ ሺሸፕተ” ያግ ኦዴዳ።

14 ሄዋፕ ካላ ዎታዳራቲ፣ “ኑንሸ፣ እያ ኡዳይ?” ያግ እ ኦቼድና።

የሃንሰካ፣ “አሳ ሻሉዋ ናቁዋን ቦንቂ አኮፕተ፣ ኦናን ዎርዲዋን ሞቶፕተ፣ ህንተንቲ ድርጉ ህንተንቶ ግዳና” ያግ ዛራዳ።

15 ሄ ዎደ አሳይ ኡባይ ክርሰቶሳ ዩሳ ናጊደ ደእያ ድራዉ የሃንሳ፣ “ሀዋካ ክርሰቶሳ ግደናን አተና” ያጊደ ባረንቲ ዋዛናን ማሌድና።

16 የሃንሰ ኡባቲዋካ፣ “ታን ሃላን ጸማቃይ፤ ግደፕ አትን ታፕ ዎልቃማይነ ታንካ እ ጫማ ቃሹዋ ብላና ዳንዳየናዊ ቶ ብር ያናዋ፤ እካ አያና ጌሻንነ ታማን ጸማቃናዋ፤

17 እ ኩሸያን ካላ ዳላፕ ሻክ ጌሸያ ላይዳይ ደኤ። ካላ ኡዲማን ቡኮዋ ጌሽ ፑኒደ አይፍያ ድይያን ቆሌ፤ ሸን ዳላ ቶኤና ታማን ጉዴ።”

18 የሃንሰካ ሀራ ጮራ ቃላን ጮራ አሳ ማቂደ ሞሽራቸዋ ቃላ ኦዴዳ።

ሄርድሰ ጸማቅያ የሃንሳ ቃቼዳ 19 ጋለላ ሞድያ ሄርድሳ ቃይ ባረ እሻ ፕልጸሳ ማቻቶ ሄርድያደ እ አኬዳ

2:52 1 ሳሜላ 2:26፤ ለም. 3:4 \* 3:2 ቁሳቲዋ ካፓቲ ሃንነ ቀያፋይ- ሃና ካፖተላ ዋዲ የሱሰ የለታናፕ ካሰ 6-15 ላይላ ጋካናሳ። ቀያፋ ጌተትያ ሃና ቦሉ 18-37 ላይላ ካፖ ግዲደ የሱሳ የለታፕ ካሰ ጋምኤዳ። 3:4 እሳ. 40:3-5 3:7 ማቶሳ 12:34፤ 23:33 † 3:8 አብራሃም ናና- አይሁዳ እሳቲ ባረንታ ጸሳይ ደራዳ እሳ ያግ ቆፕና። ጋሱካ፣ በን ሀይታ ቃላይ ጸሳፕ ኑ እቡ አብራሃም እመቲዳ ያጊደ ቆፕያ ድራሳ። 3:9 ማቶሳ 7:19 3:12 ሉቃስ 7:29 ‡ 3:16 እ ጫማ ቃሹዋ ብላና ዳንዳየናዊ- ሀዋ ቆማ ዎይ ዳንጋጽራት ኦሱዋ።

ድራውን ሀራካ ጮራ ኢታ ኪታ ኪተቶ ድራው። የሃንሰ ሴሬዳ።

20 ሀዋ ድራው ሀ ኡባ ጉጂደ ሄሮድስ የሃንሳ ቃሾ ጎላ ገልሴዳ።

የሃንሰ የሱሳ ጸማቂዳ (ማቶሳ 3:13-17፤ ማር. 1:9-11)

21 እሳይ ኡባይ ጸማቀት ሰሞዋፕ ጉይያን የሱሰ ጸማቀቱዳ። እ ዋሰ ደእሽንካ ሳሉ ደየት አጌዳ።

22 ጌሻ አያናይካ ሀራጵያ ማላቲደ አ ቦላን ዋዪዳ። ሳሉፕፕካ። “ታ ደሰያ ናአይ ኔና፤ ኔናን ታን ናሽታይ” ያግያ ቃላይ ዬዳ።

የሱሳ የለታይ ካሰ ጉየ ማይዛፕ ደእያ ፓይዱዋ (ማቶሳ 1:1-17)

23 የሱሰ ታማርሱዋ ደሞደ አዉ ሀታሙ ላይሳ ግዴዳ፤ ጮራ አሳይካ ባረንቶ ማላቶዳን አ የሴፎ ናአ ያጊኖ፤ የሴፎ ኤለ ናአ፤

24 ኤለ ማተ ናአ፤ ማተ ሌዊያ ናአ፤ ሌዊ ሞልክ ናአ፤ ሞልክ ዮና ናአ፤ ዮን የሴፎ ናአ፤

25 የሴፎ ማታትያ ናአ፤ ማታት አሞጾ ናአ፤ አሞጾ ናሆመ ናአ፤ ናሆመ ኤሰሊመ ናአ፤ ኤሰሊመ ናገ ናአ፤

26 ናገ ማኦተ ናአ፤ ማኦተ ማታትዬ ናአ፤ ማታትዬ ሴመየ ናአ፤ ሴመይ የሴፎ ናአ፤ የሴፎ ዮዳ ናአ፤

27 ዮድ ዮናና ናአ፤ ዮናን ሬሰ ናአ፤ ሬሰ ዘሩባቤላ ናአ፤ ዘሩባቤል ሳላትያላ ናአ፤ ሳላትያላ ኔለ ናአ፤

28 ኔል ሞልክ ናአ፤ ሞልክ ሃደ ናአ፤ ሃደ ዮሳሰ ናአ፤ ዮሳሰ ቆሳማ ናአ፤ ቆሳማ ኤልማደመ ናአ፤ ኤልማደመ ኤረ ናአ፤

29 ኤረ የሴኤ ናአ፤ የሴኤ፣ ኤልኤዘራ ናአ፤ ኤልኤዘረ፣ ዮራመ ናአ፤ ዮራሞ ማጻተ ናአ፤ ማጻተ ሌዊያ ናአ፤

30 ሌዊ ሰሞና ናአ፤ ሰሞን ይሁዳ ናአ፤ ይሁዳይ የሴፎ ናአ፤ የሴፎ ዮናና ናአ፤ ዮናን ኤልያቄማ ናአ፤

31 ኤልያቄሞ ሜልያ ናአ፤ ሜልየ ማይናና ናአ፤ ማይናን ማጻተ ናአ፤ ማጻተ ናታን ናአ፤ ናታን ዳዊተ ናአ፤

32 ዳዊተ እስይ ናአ፤ እስይ እየቤዳ ናአ፤ እየቤዳ ቦኤድ ቦኤዝ ናአ፤ ቦኤዝ ሳልሞና ናአ፤ ሳልሞን ናሆሾና ናአ፤

33 ናሆሾን አሞናዳባ ናአ፤ አሞናዳብ ራማ ናአ፤ ራሞ አሪና ናአ፤ አሪናይ ሄዝሮና ናአ፤ ሄዝሮን ፐሬዛ ናአ፤ ፐሬዝ ይሁዳ ናአ፤

34 ይሁዳይ ያቆባ ናአ፤ ያቆብ ይሳቃ ናአ፤ ይሳቃ አብራሃሞ ናአ፤ አብራሃሞ ታራ ናአ፤ ታር ናኮራ ናአ፤

35 ናኮር ሴሪሄ ናአ፤ ሴሪህ ራጋዋ ናአ፤ ራጋው ፐላጋ ናአ፤ ፐላግ አሴራ ናአ፤ አሴር ሳላ ናአ፤

36 ሳል ቃይናና ናአ፤ ቃይናን አርፋክሲደ ናአ፤ አርፋክሲደ ሴመ ናአ፤ ሴመ ሮሄ ናአ፤ ሮሄ ላሜሄ ናአ፤

37 ላሜህ ማቱሳላ ናአ፤ ማቱሳል ሄኖክ ናአ፤ ሄኖክ ያሬዳ ናአ፤ ያሬድ ማላልኤላ ናአ፤ ማላልኤል ቃይናና ናአ፤

38 ቃይናን ሄኖሳ ናአ፤ ሄኖሰ ሴተ ናአ፤ ሴት አዳማ ናአ፤ አዳሞ ጸሳ ናአ።

### 4

የሱሳዉ ሽቄዳ ጸላህያ ፓጭያ (4:1-13፤ ማቶሳ 4:1-11፤ ማር. 1:12፤ 13)

1 የሱሰ ጌሻ አያናን ኩሚደ ዮርዳናሳ ሻፋፕ ሰሜዳ፤ አያናን መላ ሳኣ ካለሰቲደ ቤዳ።

2 ሄዋን ኦይታሙ ገላሳ ዳብሎሳን ፓጨቱዳ። ሄ ገላሳቱዋን አያን ሞቤና ድራው ወርሰሳ ፖሉዋ ሄራን አ ከሻቱዳ።

3 ዳብሎሰካ፣ “ኔን ጸሳ ናአ ግደፕ ሀ ሹታ፣ ‘ኡክላ ግዳ’ ጋደ አዛዛ” ያጌዳ።

4 የሱሰካ፣ “ኣሳይ ጸሳ ቃላ ኡባፕ አትን ኡክላ ጸላላን ደኤና’ ጌተት ጸሳ ቃላን ጸፈቱዳ” ያግ ዛሬዳ።

5 ዳብሎሰካ ቶቃ ግዴዳ ደርያ የሱሳ ከሲደ አላሞያ ካዉተላ ኡባ ልጾ አይፊ ሰማናዉ በሴዳ።

6 ዳብሎሰካ፣ “ሀ ካዉተላ ማታይነ ቦንቹ ኡባይ ታዉ እመቱዳ። ታን ታ ደሰያ ኦሰን እማና፤ ነዉካ እማና።

7 ሄዋ ግድያ ድራው፣ ነ ታ ሰንላን ታዉ ጎይናፕ ሀ ኡባይ ኔሳ ግዳናዋ” ያጌዳ።

8 የሱሰካ ዛሬዳ፣ “ ኣዳ ጸሳዉ ጎይና፣ አ ጸላላ ጎዳያ’ ጌተት ጸሳ ቃላን ጸፈቱዳ” ያጌዳ።

9-11 ዳብሎሰካ የሱሳ የሩሳላመ አፊደ ጌሻ ጎልያ ሁጲያ ከሲደ፣

“ ጳጳሪ ሄና ናጋና ማላ፡  
 ኪታንቻቱዋ ኪታናዋ፡  
 ኤንቱንቱካ ነ ገዲ ሹቻን ጹበተና  
 ማላ፡  
 ባረንቱ ኩሽያን ሄና ደንላናዋንታ”  
 ያገቲደ፡  
 ጌሻ ማጻፋን ጻፈቲዳ፤  
 እነ ኔን ጻሳ ናኣ ግደፕ፡  
 ሀዋፕ ዱገ ሄና ኦላ”  
 ያጌዳ።

12 የሱሰካ ዛሪደ፡ “ ሳ ጎዳ ጸሳ  
 ፓጮፓ፣ ጌተቲዳ” ያጌዳ።  
 13 ዱብሎሰካ ፓጮያ ኡባ  
 ዉርሶዋፕ ጉየ ጉላ ዋደዉ የሱሳፕ  
 ሻከቲዳ።

የሱሰ ጋለላን ኦሱዋ ደሜዳ  
 (ማቶሳ 4:12-17፤ ማር. 1:14፤  
 15)  
 14 የሱሰካ አያና ዋልቃን ጋለላ  
 ጋድያ ሰሜዳ። አ ዋሪካ የሹዋን ደእያ  
 ኡባ ጋኬዳ።  
 15 የሱሰካ አይሁዳቱዋ ዋሳ ጎልያን  
 ታማርሲደ አሳን ኡባን ጋላተቲዳ።

ናዝሬተን የሱሳ እጾድኖ  
 (ማቶሳ 13:53-58፤ ማር. 6:1-  
 6)

16 እ ባረ ድጮ ካታማ ናዝሬተ  
 ዬዳ፤ ካሰ ኦልያዋዳንካ ሳምባታ ጋላሰ  
 አይሁዳቱዋ ዋሳ ጎለ ገሊደ ናባባናዉ  
 ደንዲደ ኤቁዳ።  
 17-19 ናብያ ኢሰያሳ ን ጻፈቲደ  
 ጸጸቲዳ ማጻፋ አዉ እሜድኖ። ሄ  
 ማጻፋ ብሊደ፡

“ታን ሀየሳቶ ሞሽራቹዋ ኦዳናዉ  
 ኦከቲዳ ድራዉ ጎዳ አያናይ ታ  
 ቦላን ደኤ።  
 ቃሽቲዳዋንቶ ብለላ፡  
 ቆቃቶ ጸላና ማላ ኦዳናዉ፡  
 ቃይካ ናቀቲዳዋንታ ናቁዋፕ  
 ከሳና ማላ ደሰቲዳ ጎዳ ላይላ  
 ኦዳና ማላ፡ ታና ከቲዳ”

ጌተት ጻፈቲዳሳ ደሜዳ።  
 20 ማጻፋካ ጸጺደ አይሁዳቱዋ  
 ዋሳ ጎልያን ኦልያዋ እሚደ ኡቲዳ።  
 አይሁዳቱዋ ዋሳ ጎልያን ደእያ አሳይ  
 ኡባይ አ ጫድ ጸሌዳ።

21 የሱሰካ፡ “ሀቼ ህንተዉ  
 ናባበትና ህንተንቱ ሰሴዳ ቃላይ  
 ፖለቲዳ” ያጌዳ።

22 ኡባይ አዉ ማርካቲድኖ። አ  
 ደናፕ ከሰያ አጼ ኬካተሳ ቃላፕ  
 ደንዲዳዋን ማላለቲደ፡ “ሀዌ የሴፎ  
 ናኣ ግደኔ?” ጌድኖ።

23 የሱሰካ ሰ□ ባንታን ሀ  
 ሊምሱዋን፡ “ህንተንቱ ታዉ ጳልያ  
 ጎደዉ፡ ነ ሁጺያ ፓላ፡ ኔን  
 ቅፍርናሆማን ኦለና ኦ ሰሶዋ ኡባ ሀ ነ  
 ካታማንካ ቃይ ኦላ” ያጌደ ኦዲታ”  
 ያጌዳ።

24 ቃይካ፡ “ቱሙዋ ያጋይ፡ ናቢ ባረ  
 የለቶ ጋድያን ጋማካ ቦንቼተና።

25 “የዉዋን ቃይ ቱሙዋ ኦዳይ፡  
 ኤላሳ ዋድያን ሄዙ ላይላነ ኡሱቸን  
 አገና አራይ ቡከናን እጽና ሳኣ  
 ኡባን ዋልቃማ ከሻይ ገሊዳ ዋደ፡  
 አሰራኤለን ጮራ አምአቲ ደእኖ።

26 ኤላሰካ ሲዶና ጋድያን ደእያ  
 ሰራፍታ ሄራ እት አምአትኮ ከተቲዳፕ  
 አትን ኦኮነ ከተትቤና።

27 ናብያ ኤልሳኣ ዋድያንካ  
 አሰራኤልያን ጮራ ኦሉዋ ሀርግያን  
 \* ኦይቀቲዳዋንቱ ደእኖ፤ ሶርያ ቢታን  
 ደእያ ንእማነፕ አትን ኤንቱንቱፕ ኦንነ  
 ፓጽ ቤና” ያጌዳ።

28 አይሁዳቱዋ ዋሳ ጎልያን  
 ደእያዋንቱ ኡባቱ ሀዋ ሰሲደ ዳርሲደ  
 ሀንቀቲድኖ።

29 ኤንቱንቱ ደንዲደ የሱሳ  
 ካታማፕ ጋጸ ከሲደ ዱገ ኦላናዉ  
 ካታማይ ኬጸቲዳ ደርያ ሁጺያ  
 አፌድኖ።

30 ሸን የሱሰ ኤንቱንቱ ግዲዋና  
 አጲደ ቤዳ።

ኢታ አያናይ ኦይቁዳ ብታንያ  
 (4:31-37፤ ማር. 1:21-28)

31 ሄዋፕ ጉይያን የሱሰ ጋለላ  
 ጋድያን ደእያ ቅፍርናሆማ ካታማ  
 ቤዳ። ሳምባታ ጋላሳንካ አሳ  
 ታማርሴዳ።

32 እ ታማርሴያ ትምርቲ ማታን  
 ግድያ ድራዉ ሰሴዳ አሳይ ኡባይ  
 ማላለቲድኖ።

33 አይሁዳቱዋ ዋሳ ጎልያን ኢታ  
 አያናይ ኦይቁዳ ብታኒ ደኤ፤ ባረ ኮሻ  
 ጶቁ ኦላ ዋሲደ፡

34 “ሀያ ጎደ አጋርኪ ናዝሬትያ  
 የሱሳ፤ ኦዉ ሄናና አይ እትፕተላይ  
 ደእኖ? ኦና ባይዛናዉ ያድ? ኔን

4:9-11 ማዝ. 91:11-12 4:17-19 ኢሳ. 61:1-2 4:24 ዮሃ. 4:44 4:25 1 ካታ.  
 17:1 4:26 1 ካታ. 17:8-16 \* 4:27 ኦሉዋ ሀርግያ፡ ጸሳ ቃላይ ታማርሴትያ ዋድያ ኡባን፡  
 “ኦሉዋ” ግያ ቃላይ ጋልባ ቦላን ሳክያ ሳኩዋ ኡባዉ አከትያዋ። 4:27 2 ካታ. 5:1-14 4:32  
 ማቶሳ 7:28፤ 29

አንቶ ኤራድ፤ ኔን ጸሳ አዉ ኪቴዳ ጌሻ ግድኪ!” ያጌዳ።

35 የሱስካ፡ “ጮኤ ጋ፡ አጥካ ከሳ” ያግ ሴሬዳ። ኢታ አያናይ ብታንያ ኡንቱንቱ ግዱዋን ኩንድሲደ እይነ ቆሄናን አጥ ከሴዳ።

36 አሳይ ኡባይ ማላለቲደ እቱ እቶ፡ “ሀዌ እያ ቃሌ? ባረዉ ደእያ ማታንነ ዋልቃን ኢታ አያናቱዋ ሴሬ፤ ቃይ ኢታ አያናይካ ከሴ” ያጌደ ሃሳዬድኖ።

37 አ ዋሪካ ሄ የሹዋን ደእያ ጋድያ ኡባ ጋኬዳ።

የሱስ ጮራ ሀርጋንቻ እሳ ፓሌዳ (ማቶሳ 8:14-17፤ ማር. 1:29-34)

38 የሱስ እይሁዳቱዋ ዋሳ ጎልያፕ ደንዲደ ሰሞና ጎልያ ገሌዳ፡ ሰሞና ቦሎታታ ዋልቃሚ ቆጶዋ ሀርጋንነ ሀርጋታደ ግሴዳዉንዉ የሱስ እዞ ፓሳናዳን አሳይ አ ዋሴዳ።

39 አ ማታን ኤቁደ ቆጶዋ ሀርጋን ሴርና፡ ሀርጊ የዲሼዳ፤ ሄ ዋድያንካ ደንዲደ ኡንቱንቶ ኪተታዲ።

40 አዋይ ዉሎ ዋድያን ዲማ ዲማ ሀርጋንን ኦይቀቱዳ ሀርጋንቻቱዋ ኡባ እኮ አሄድኖ፤ እካ እቱዋ እቱዋ ቦላ ባረ ኩሽያ ዋሊደ ፓሌዳ።

41 ኢታ አያናቱካ፡ “ኔን ክርስቶሳ ጸሳ ናእ” ያግ ዋሲደ ጮራ አሳጥ ከሴድኖ። እ ክርስቶሳ ግደዋ ኡንቱንቱ ኤሬዳ ድራዉ ሃሳየና ማላ ድጌዳ።

የሱስ ጋሊላን ታማርሴዳ (ማቶሳ 4:23-25፤ ማር. 1:35-39)

42 ሳእይ ዋንቶ ዋደ አሳይ ባይናሳ ቤዳ፤ አሳይ ኡባይ አ ኮዬደ እ ደኢያሳ ዬድኖ። ባረንቱፕ ሻከት ቤናዳን ድጋናዉ ኮዬድኖ።

43 አ ቃይ፡ “ሀን ሀራ ካታማቶ ባደ ጸሳ ካዉተሳ ሞሽራቸዋ ቃላ ኦዳናዉ ኮሼ፤ ታን ኪተቴዳዌ ሀዋ ድራሳ” ያጌዳ።

44 ጋሊላን ደእያ እይሁዳቱዋ ዋሳ ጎሊን ቃላ ታማርሴደ ጋሞኤዳ።

\* 5:1 ገንሳሬጸ አባ- ጋሊላ አባዉ አመቲዳ ዲማ ሱንላ። 5:1 ማቶሳ 13:1፣ 2፤ ማር. 3:9፣ 10፤ 4:1 † 5:2 ዋንግርያ- ዋንግርያ ጌተቶዌ፡ ዋጋ ሃላ ዋይ አባ ቦላን አሳይ ሄናገላ ባጋ ጥናዉ ጎኤትያ ሚሻ። ሀይቆ አሳይ ዋንትያዋ ግደናዋ ኤራናዉ ኮሼ። 5:5 የሃ. 21:3 5:6 የሃ. 21:6 ‡ 5:12 ኦሎዋ- 4:27 ጸልተ።

# 5

የሱስ ኮይር ባረና ካልያዋንታ ደሬዳ

(ማቶሳ 4:18-22፤ ማር. 1:16-20)

1 እት ጋላስ የሱስ ገንሳሬጸ አባ \* ጋጸን ኤቁደ ደእሸን ጮራ አሳይ እኮ ሺቁደ ጸሳ ቃላ ሰሳናዉ ሱንት ደኢኖ።

2 ሄ ዋደ ላኡ ዋንግራቱ † አባ ጋጸን ኤቆዋ እ ቦኤዳ፤ ዋልያ ጲርያዋንቱ ቃይ ዋንግራቱዋፕ ዋዲደ ባረንቱ ዳባ ሜጭ ደኢኖ።

3 የሱስ ዋንግራቱዋ ግደፕ ሰሞናዉኖ ግዴዳዉንን ገሊደ ሳአፕ ያ አባኮ ጉላ ሺሻናዳን ኦቼዳ። ሄዋፕ ጉየ ዋንግርያ ቦላን ኡቲደ አሳ ታማርሴዋ ደሜዳ።

4 ታማርሴዋ ቦሎዋፕ ጉይያን ሰሞና፡ “ዋንግርያ ያ አባ ጨሙዋኮ ሺሸተ፤ ሀንተንቱ ዳባካ ዋልያ ጲራናዉ ኦልተ” ያጌዳ።

5 ሰሞንካ፡ “ጎዳዉ፡ ቃማ ኩሙንላ ዳቡር አቁደ እይነካ ኦይቁበይኮ፤ ሽን ሀእ ኔን ጎዋዳን ዳባ ኦሌቶ” ያግ ዛሬዳ።

6 ሄዋዳንካ ኦሌዳ ዋደ፡ ዳር ጮራ ዋልያ ኦይቁድኖ። ኡንቱንቱ ዳባቱካ ዲጸረታናዉ ሀኔድኖ።

7 ሀር ዋንግርያን ደእያ ላገላቱ ዪደ ማዳናዳን ዉቲድኖ፤ ኡንቱንቱ ላኡ ዋንግራቱዋንካ ዋልያ ኩንሐና ዋንግራቱ ሞተቱሳ ደሜድኖ።

8 ሰሞን ጸጽርሰካ ሀዋ ቦኤዳ ዋደ የሱሳ ጉልባታን ኩንዲደ፡ “ጎዳዉ፡ ታን ናጋራንቻ አሳ ግደ ድራዉ ታፕ ሻከታ” ያጌዳ።

9 ሀዋ ጌዳዌ እነ እናና እትፕ ደእያዋንቱ ኡባይ ባረንቱ ኦይቁዳ ዋልያ ጮራተሳን ማላለቲድኖ።

10 ሄዋዳንካ ቃይ ሰሞና ላገላ ግዴዳዋንቱ ዛብድኖሳ ናናቱ ያቆብነ የሃንሰ ማላለቲድኖ። የሱስካ ሰሞና፡ “ያዮፓ ሀዋፕ ጉይያን አሳ ጲርያዋ ግዳናሳ” ጌዳ።

11 ኡንቱንቱካ ዋንግራቱዋ ሃላፕ ጋጸ ከሲደ፡ ኡባባ አጊደ የሱሳ ካሌድኖ።

5:1 ማቶሳ 13:1፣ 2፤ ማር. 3:9፣ 10፤ 4:1 † 5:2 ዋንግርያ- ዋንግርያ ጌተቶዌ፡ ዋጋ ሃላ ዋይ አባ ቦላን አሳይ ሄናገላ ባጋ ጥናዉ ጎኤትያ ሚሻ። ሀይቆ አሳይ ዋንትያዋ ግደናዋ ኤራናዉ ኮሼ። 5:5 የሃ. 21:3 5:6 የሃ. 21:6 ‡ 5:12 ኦሎዋ- 4:27 ጸልተ።

የሱስ ኦሎ ኦሎ ተታገሮ ገሌዳ (ማቶሳ 8:1-4፤ ማር. 1:40-45)

12 የሱስ ካታማቱዋ ጸታዋን ደገሽን ኦሎ ፥ ቦላ ኡባ ሜዳ ብታሊ ደገያዌ የሱሳ በኢደ አ ሰንገላንካ ከንዲደ፤ “ጎዳዉ፤ ኔን ኮፑፕ ታና ፓፋናዉ ዳንዲያ” ያገደ ዋሴዳ።

13 የሱስካ ባረ ኩሽያ የድ ቦቹደ፤ “ደሳይ ጌያ!” ጌዳ። ሄማንእያንካ ኦሎ አ የዴዳ።

14 የሱስ አ፤ “ሀዋ ኦስነ ኦዶፓ። ሽን ቁሳኮ ባደ ኔና ቦሳ። ሄዋፕ ጉየ ኦሎዋ ሀርግያፕ ፓጾዳዋ ማርካ ግዳናን ሙሴ ሀግያን አዛዘቴዳ ያርሹዋ ሺሻ” ጌዳ።

15 ግደ ሽን አ ዋሪ ሎይል አኪደ ቤዳ፤ ዳር ጮራ አሳይካ የሱስ ኦድያዋ ሰሳናዉን ባረንቱ ሀርግያፕ ፓጾናዉ ሸቆድና።

16 የሱስ ጮራ ዋደ ጌማሳ ቢደ ዋሴ።

የሱስ ቦላይ ሰሌዳ ብታገሮ ገሌዳ (5:18-26፤ ማቶሳ 9:2-8፤ ማር. 2:3-12)

17 እት ጋላስ የሱስ ታማርሲደ ደገሽን ጋላላፕነ ህሁዳ ሄራ ኡባፕ፤ የሩሳላመ ዬዳ ፓርሳዋቱነ ሀግያ ታማርሲያዋንቱ ኡት ደገሽን ሀርጋንቻቱዋ ፓፋና ማላ ጸሳ አዉዋ ዋልቃይ አዉ እመቴዳ።

18 ሄ ዋደ ቦላይ ሰሌዳ § እት ብታገሮ አማራዳ አሳይ ሻንቻማን ቶክ እህ ጎላ ገልሲደ የሱሳ ሰንገላን ዋፋናዉ ኮዬድና።

19 አሳ ጮራተፋፕ ደንዴዳዋን የሱሳኮ ሺቃናዉ ዳንዲይበይክና። ሄዋ ድራዉ ቦላዉ ግእ ጎልያ ካራ \* ቃሪደ አ፤ ሻንቻማና አሳ ግደን የሱሳ ሰንገላን ዋሌድና።

20 የሱስካ ኡንቱንቱ አማኑዋ በኢደ፤ “ሀ ብታገዉ፤ ነ ናጋራይ አቶ ጌተቱዳ” ያጌዳ።

21 ሙሴ ሀግያ ታማርሲያዋንቱነ ፓርሳዋቱ፤ “ሀዌ ጸሳ ቦርያዌ ኦኔ? እት ጸሳፕ እትን ናጋራ አቶ ጋናዉ ኦን ዳንዲዩ?” ያግ ቆፋ ደሜድና።

22 የሱስካ ኡንቱንቱ ቆፋ ኤር ድራዉ ሀዋዳን ጌዳ፤ “እያዉ ሀንተንቱ ዋዛናን ሀዋዳን ቆፒቱ?

23 ሳ ናጋራይ አቶ ጌተቱዳ ጋናዋፕነ “ደንዲደ ባ” ጋናዋፕ ሀቃዌ ማቱ?

24 የዉዋን ቃይ ሀዋ ታን ጌዳዌ፤ አሳ ናአይ ቢታ ቦላን ናጋራ ማራናዉ ማታይ ደእያዋ ሀንተንቱ ኤራናዳና።” ሄዋፕካ ጉንዴዳ ብታገሮ፤ “ደንዲ ነ ሻንቻማ ቶካደ ነ ጎላ ባ ጋይ” ያጌዳ።

25 ጉንዲይካ አሳ ሰንገላን ደንደዋሽን ባረ ሻንቻማ ቶኪደ ጸሳ ጋላቲደ ባረ ሰይ ቤዳ።

26 ሀ ዋደ ኡባቱካ ዳሪ ማላላቴድና፤ ጸሳካ ጋላቲደ፤ “ሀቼ ማላባ በኤደ” ያገደ ያሻን ኩሜድና።

የሱስ ለዌያ ደሬዳ (5:27-32፤ ማቶሳ 9:9-13፤ ማር. 2:13-17)

27 ሄዋፕ ጉይያን የሱስ ከሲደ ቤዳ፤ ለዌያ ጌተትያ ቃራጸ ሺሽያዌ፤ ቃራጸ ሺሽያሳን ኡቶዋ በኢደ፤ “ታና ካላ” ጌዳ።

28 እካ ደንዲደ ኡባባ አገደ አ ካሌዳ።

29 ሄዋፕ ሰሚደ ለዌ ባረ ጎላን ዳር ሹብያ ገግሴዳ፤ ጮራ ቃራጸ ሺሽያዋንቱነ ሀራ ጮራ አሳይካ ኡንቱንቱና ኡተደ ሞ ደኢና።

30 ፓርሳዋቱነ ሀግያ ታማርሲያ፤ ኡንቱንቱና ኡልያዋንቱ፤ የሱሳ ካልያዋንቱ ቦላን፤ “እያዉ ቃራጸ ቃንጽያዋንቱና ናጋራንቻቱዋና ሚቴኔ ኡሺቱ?” ያገደ ዘዙሜድና።

31 የሱስካ፤ “ሀርጋንቻ አሳፕ እትን ፓጾ አሳዉ አክምያ ኮሸና።

32 ታን ዬዳዌ፤ ናጋራንቻቱ ባረንቱ ናጋራ ፓጺደ ሰማናዳናፕ እትን፤ ጽሳቱዋ ጼሳናዉ ያበይከ” ያግ ዛሬዳ።

የሱስ ጸማባ ኦሽቱዳ (5:33-39፤ ማቶሳ 9:14-17፤ ማር. 2:18-22)

§ 5:18 ቦላይ ሰሌዳ፡- ሀዋ ጉሳይ ግሪክ ቃላን “ፓራሎዋእይ” ጌተትያዋ። ሀ ቃላ ብለላይ እንግልዘሉዋን “ፓራላይዝድ” ጉሳ። ሀ ላኦቱዋካ ዳዉርሉዋን ብለላ እዋደ፤ ኪቼዳዋ ዋይ ቃጻና ማላ ዳቡራዳዋ ጉሳ። \* 5:19 ካራ፡- ሀ ፓይዳዋን ጌተቱዳ ጎልያ ካራይ ዳዉርዋ ማላ ግደናዳን፤ ፓላስቲን ጋደን ጎልያ ቦላን ደእያ ካራይ ገደ ቀረቲደ ኪጸቴ። ሄዋ ያተደ ቃይ ዳፈቲደ ጋጸን ጋጸን ሀራ ሞላይ ተጨትና ሎይል ኪጸቴ። ሄዋ ማላ ኪጸይ ኦራላ ቃላ ጫቁዋ ዋድያን ኤሪቲዳዋ። 5:30 ሉቃስ 15:1፣ 2

33 ሀዋጥ ጉይያን የሱሳ፡ “የሃንሳ ካልያዋንቱን ፓርሳዋቱዋ ካልያዋንቱ ኡባ ዋደ ጸሚኖን ዋሲኖ፤ ሽን ኔና ካልያዋንቱ ቃይ ኡባ ጋላሰ ሚኖን ኡሺኖ” ያጊደ ኦቹድኖ።

34 የሱሳካ፡ “ምሽራይ ኡንቱንቱና ደእሽን ምያታቱ ጸማናው ዳንዳዪኖ?

35 የወዋን ቃይ ምሽራይ ኡንቱንቱ፣ ሻከቲደ ባና ዋዲ ያናዋ፤ ሄ ዋደ ጸማናዋንታ” ያግ ዛሬዳ።

36 የሱሳካ ካልያ ለምሱዋ ኦዴዳ፡ “ኦራሳ ማዩዋ፣ ፔድ እኪደ ኤጫ ማዩዋ ቦላን □፣ፕዌ ባዋ፤ ጋሱካ ሀዋዳ ኦሎ፣ ማዩዋ ፔዴ፤ ኦራሳ □፣ፊካ ኤጫ ማዩዋን ገና።

37 ሀዋዳንካ ኤጫዳ ጭልግያን ተ ኦራሳ ዋይንያ ኤሳ ዋልያዋ ባዋ፤ ዋላ፣ ቃይ ኦራሳ ዋይንያ ኤሳይ ጭልግያ ዱሴ፤ ኤሳይካ ጉኬ፤ ጭልጋይካ ባዬ።

38 ኦራሳ ዋይንያ ኤሳ፡ ኦራሳ ጭልግያን ዋላናው በሴ።

39 ኤጫ ዋይንያ ኤሳ ኡሺደ ኦራሳ ኮይያዌ ኦንን ባዋ፤ ጋሱካ ኤጫይ ማልኤ ግያ ድራው።”

### 6

የሱሳ ካልያዋንቱ ሳምባታን ትሻ ዲሴድኖ (ማቶሳ 12:1-8፤ ማር. 2:23-28)

1 ሳምባታ ጋላሰ የሱሰ ባረና ካልያዋንቱና እትፕ እት ጎሻ ግዲዋና አድያ ዋደ እ ካልያዋንቱ ዛርጋፕ ትሻ ዲሴደ ባረንቱ ኩሽያን ሽገቺደ ሙሳ ደሚድኖ።

2 ፓርሳዋቱዋ ግደ፣ “ሳምባታ ጋላሳን አላናው ዋጋ ግደናዋ እያው ኦሴቱ?” ያጊድኖ።

3 የሱሰ፡ “ካትያ ዳዊተን እትፕ ደእያዋንቱ ኩሻቲዳ ዋደ ኦሴዳዋ ናባብ በይክቲ?

4 ዳዊተ ጸሳ ጎልያ ገሊደ ቄሳቱዋ፣ እትን ሀራ አሳይ ሜናዳን ድገቲዳ፡ ጸሳው ያርሸቲዳ ቁማ ሜዳ። እትፕ ደእያዋንቱካ እ እምናደ ሜድኖ” ያግ ዛሬዳ።

5 ሀዋጥ ካሊደ የሱሰ፡ “አሳ ናእይ ሳምባታው ጎዳ!” ጌዳ።

የሱሰ ኩሺ ጉንዴዳ ብታንያ ፓሌዳ (ማቶሳ 12:9-14፤ ማር. 3:1-6)

6 ሀራ ሳምባታ ጋላሳን የሱሰ አይሁዳቱዋ ዋሰያ ጎልያ ገሊደ ታማርሰ ደኤ። ሄዋንካ ኡሽቻ ኩሺ ሰሌዳ ብታኒ ደኤ።

7 ሀግያ ታማርሰያዋንቱን ፓርሳዋቱ የሱሳ ሞትያ ጋሱዋ ደማናው እ ሳምባታን አሳ ፓላፕ በአና ጊደ ናግ ደኤኖ።

8 እካ ኡንቱንቱ ቆፋ ኤሪደ ኩሺ ሰሌዳ ብታንያ፡ “ደንዳ አሳ ግዲዋን ኤቃ” ያጌዳ። ብታኒካ ደንድ ኤቁዳ።

9 ሄዋ፣ ሰሚደ የሱሰ፡ “ሀንንቶን ሳምባታ ጋላሳን ሎኦባ አላናው በሲዬ ኢታባ አላናው በሲ? ሸምፑዋ አሻናው በሲዬ ዋቆናው በሲ?” ያጌዳ።

10 የሱሰ ባረ ዩሹዋን ደእያ አሳ ኡባ ጸሎዋ፣ ጉይያን ብታንያ፡ “ካ ኩሽያ ምጫ!” ያጌዳ። እካ ምጫደ ፓዴዳ።

11 ኡንቱንቱ ሎይላ ሀንቄቲደ የሱሳ ቦላ አላናዋ ባረንቱ ግደን ማቀቲድኖ።

የሱሰ ታማን ላኤ ከቲቲዳዋንታ ደሬዳ (ማቶሳ 10:1-4፤ ማር. 3:13-19)

12 ሄ ዋድያን የሱሰ ደርያ ቦላ ዋሳናው ከሴዳ፤ ሄዋንካ ቃማ ኩሙንሳ ጸሳኮ ዋሲደ አቁዳ።

13 ሳእይ ዋንቶዋን ባረና ካልያዋንታ ጸሴዳ። ሄዋንቱ፣፣ ታማን ላእቱዋ ደሪደ፡ “ከቲቲዳዋንታ”\* ያጊደ ሱንሌዳ።

14 ኡንቱንቱ ሱንላይካ፡ ጸጽርሳ ገደ እ ሱንሌዳ ሰሞና፡ እ እሻ አንድራሳ፡ ያቆባ፡ ዮሃንሳ፡ ፕልጸሳን ባርታላሞሳ፡

15 ማቶሳ፡ ቶማሳ፡ አልፕዮሳ ናኦ ያቆባ፡ ባረ ጋደው ሴለትያ ሰሞና፡

16 ያቆባ ናኦ ይሁዳን የሱሳ አላ እሚዳ አሰቆርቱ ይሁዳ። †

የሱሰ ጮራ አሳ ታማርሴዳን ፓሌዳ (ማቶሳ 4:23-25)

17 የሱሰካ ኡንቱንቱና እትፕ ደርያ፣ ዋዲደ ደምባሳን ኤቁዳ። እ ካልያዋንቱ፣፣ ጮራ አሳይ ሄዋን

† 5:37 ጭልግያ- ሀዋ ዳውርሎዋን እመትያ ጉጃ ብለላይ ኤሳ ናእያ ኦጎሩዋ። 6:4 ዋጋ 24:9

\* 6:13 ከቲቲዳዋንታ- ሀዋ ጉሳይ ታማን ላኤ የሱሰ ከቲዳ ሀዋራቱዋ ጉሳ። † 6:16 አሰቆርቱ- ሀዋ ጉሳይ አይሁዳ ጋድያን ደእያ አሰቆርቱ ጌተትያ ጋድያ፣ ዬናን አተና ጉሳ። ሀ ሱንላ ብለላይ፡ “ዋርዳንቻ”። ቃይካ፡ “ሀይቆ አላ እምያዋ” ጉሳ።



ደኤ። ቃይካ እፕ ሰሳናውን ባረንቱ ሀርግያፕ ፓጻናው ይሁዳ ጋድያፕ፣ የሩሳላመ ካታማፕ፣ እባ ማታን ደእያ ጸረሳፕን ሲደናፕ ዬዳ ጮራ አሳይ ሄዋን ደኤኖ።

18 ሀ አሳይካ እ ሰሳናውን ባረንቱ ሀርግያፕ ፓጻናው ዬድኖ። ቱና እያናን ኦይቀቲደ መቶትያዋንቱካ ፓጻድኖ።

19 ዋልቃይ እፕ ከሲደ ኡባ ፓልያ ድራው አሳይ ኡባይ እ ቦቻናው ኮዬ።

እንጂዋባን መቱዋባ (ማቶሳ 5:1-12)

20 ባረና ካልያዋንታ ጸሊደ ያጌዳ። “ህንተንቱ ማንቃቱ እንጀቱዳዋንታ፤ እያው ሳፕ፣ ጸሳ ካውተላይ ህንተንቱዋ።

21 ህንተንቱ ሀእ ኮሻትያዋንቱ እንጀቱዳዋንታ፤ ግድን ካላፕታ፤ ህንተንቱ ሀእ ዬክያዋንቱ እንጀቱዳዋንታ፤ ግድን ሚጫንታ።

22 “አሳ ናእ ድራው ህንተንታ አሳይ እጽያ ዋደን ቶችያ ዋደ፣ ህንተንቱ ሱንላካ ኢታን ደንልያ ዋደ፣ እንጀቱድታ።

23 ሳሉዋን ህንተንቱ አካና ዋይታይ ዳራ ግድያ ድራው ሄ ጋለሰ ናሽቻን ጉፕ፣፤ ጋሱካ ካሰ ህንተንቱ አዋቱ ናባቱዋ ቦላን ሀዋዳን ኦሊደ ደኤድኖ።

24 “የወዋን ቃይ፣ ዱረ አሳቶ ህንተንቶ እየ፤ ህንተንቱ እሻሎ ደኤዋን ደኤድታ።

25 ህንተንቶ ሀእ ካሌዳዋንቶ እየ፤ ግድን ኮሻታንታ፤ ህንተንቶ ሀእ ሚጫዎንቶ እየ፤ ግድን ካዮታንታን ዬካንታ።

26 አሳይ ኡባይ ህንተንቱ ሎኦተላባ ሃሳይያ ዋደ፣ ህንተንቶ እየ፤ ካሰ ህንተንቱ አዋቱ ዋርዶ ናባቶ፣ ሀዋዳን ኦሊድኖ።

ሞርክያ ሲቃናው በሴ (ማቶሳ 5:38-48፤ 7:12)

27 “ሽን ታን ኦድያዋ ሰሰያዋንቶ ያጋይ፣ ህንተንቱ ሞርክቱዋ ደሰተ፤ ህንተና እጽያዋንቶ፣ ሎኦዋ ኦላተ፤

28 ህንተና ሸቂያዋንታ እንጀተ፣ ህንተና ናቂያዋንቶ፣ ዋሰተ።

29 እት ባጋ ሻይያ ባቂያዋ፣ ላእንሉዋካ በሳ፤ ኦንነ ነ ኮትያ አክያዎ፣ ነ ሻሞጫያካ ድጎፕ።

30 “ኅው ደእያዋ ኔና ዋሰያዎ፣ እማ፤ ነዋ እኤዳዋ፣ ዛራ ጋይ አቸፕ።

31 አሳይ ህንተንቶ ኦሳና ማላ ህንተንቱ ደሰያዋዳን፣ ህንተንቱካ ሀራው ሀዋዳን ኦላተ።

32 “ህንተንታ ደሰያዋንታ ጸላላ ደሶፕ እይ ጋላታይ ደኤ? ሀዋ ግደፕ ናጋራንቻቱካ ባረና ደሰያዋንታ ደሲኖ።

33 ህንተንቶ ሎኦባ ኦልያዋንቱ ጸላላው ህንተንቱ ሎኦባ ኦላፕ ሄዋ እይ ጋላታይ ደኤ? ናጋራንቻቱካ ሀዋዳን ኦሊኖ።

34 ታልኢደ ህንተው ዛራናው ዳንዳይያዋንቱ ጸላላው ታልኦፕ እይ ጋላታይ ደኤ? ባረ ታልኤዳዋ ዛሪደ አካናው ናጋራንቻቱካ ባረንቱ ጋርሳን ታልኤቲኖ።

35 ሽን ህንተንቱ፣ ህንተንቱ ሞርክያ ደሰተ፤ እንቱንቶካ ሎኦባ ኦላተ፤ ህንተንቱፕ ታልኦዋ ዛሪድ አካናው ቆፖፕተ። ሀዋ ህንተንቱ ፖሎፕ ህንተንቶ ጋቲ ዳራናዋ። ቃይ ህንተንቱ ኡባፕ ቦላ ጸሳ ናና ግዳንታ። እ ኢታቶን ጋላተናዋንቶካ ኬካ።

36 ህንተንቱ እቡ ማርያዋ ግደዋዳን ህንተንቱካ ማርያዋንታ ግድተ።

ሀራ አሳ ፕርዳናው በሰና (ማቶሳ 7:1-5)

37 “ኦ ቦላንካ ፕርደፕተ፣ ህንተንቱ ቦላንካ ፕርደተና፤ ሀራ ቦላ ኩናንያ ኦላፕተ፤ ህንተንቱ ቦላንካ ኩናን ኦሰተና። አቶ ጊተ፤ ጸሳይ ህንተንቶ አቶ ጋና።

38 አሞተ፤ ህንተንቶ እመታና። ህንተንቱ ማኬዳ ማካን ህንተንቶ ማከታና። ባቂ ናቂና ሲል ኩሞ ፓላህ ላለትያ ማካ ህንተንቱ ክወዋን አድንላና” ጌዳ።

39 ቃይካ የሱሰ ሀዋፕ ካልያ ሌሞሱዋ ኦይዳ፤ “ቆቃይ ቆቃ ካለላናው ዳንዳዪ? ቆቃይ ቆቃ ካለላፕ ላእቱካ ኦይቀቲደ ኦላን ኩንድክኖ?

40 ታማርያዋ ባረና ታማርሰያዋፕ አ□ና፤ ታማርያዋ ሞን ታማርፕ ባረና ታማርሰዋ ማላ ግዳናው ዳንዳዬ።

41 “ኅ እይፍያ ግደን ደእያ ቱሳ ከሰናን ደኤደ ሀራ ነ ላግያ እይፍያ ግደን ደእያ ሱላ እያው ጸላይ?

42 ነ አይፍያ ጋርሳን ደእያ ቱሳ በኤናን ሀራ አሳኮ ሺቃደ፣ ጥ አሻው፣ ነ አይፍያ ጋርሳጥ ሱላ ታ ከሶ?፣ ያጋናው ዋታ ዳንዳያይ? ሀ ሎኡዋ ማላትያ ኢታው፣ ኮይርታይ ነ አይፍያ ግድን ደእያ ቱሳ ከሳ። ሄዋጥ ጉይያን ነ እሻ አይፍያ ግድን ደእያ ሱላ ከሳናው ጌሻደ ጸላናው ዳንዳያ።

ሞላትን እዛ አይፊዳ አይፍያ (ማቶሳ 7:16-20፤ 12:33-35)

43 “ሎኡ ሞላይ ኢታ አይፍያ አይፈና፤ ሄዋዳንካ ኢታ ሞላይ ሎኡ አይፍያ አይፋናው ዳንዳያና።

44 ሞላይ ኡባይ ባረ አይፍያ አይፍያዋን ኤረቲ። እጉንሳጥ ዋደንሳ አይፊ ማጸተና፤ ሀዋዳንካ፣ ጸንዲቂያጥ ፣ ላድያ አይፍያ ማጸናው ዳንዳያተና።

45 ሎኡ አሳይ ባረ ሎኡ ዋዛናጥ ሎኡ የወዋ ሃሳዬ። ቃይ ኢታ አሳይ ባረ ኢታ ዋዛናጥ ኢታ የወዋ ሃሳዬ። እያወ ጎጥ፣ አሳይ ባረ ዳናን ሃሳይያዋ ባረ ዋዛናን ኩሜዳዋ ዳናይ ሃሳይያ ድራሳ።

ላኡ ቆዋ ጎልያ ኬጽያ አሳ (ማቶሳ 7:24-27)

46 “ታን ኦዶዋ አልክታ፣ ሽን እያወ ጎዳው፣ ጎዳው፣ ያጊደ ታና ጸጊቲ?

47 ታኮ ይያ ኡባይ ታ ቃላካ ሰሲደ ኦሱዋን ፔሽያዌ ኦና ማላትንቶ ታ ሀንተንታ በሳና፤

48 እካ ጎልያ ኬጺደ ዳር ኦላ ቦኪደ ዛላ ቦላ ግንቢደ ኬጺዳ አሳ ማላቲ፤ ድኡ ድኢደ ሄ ጎልያ ሱግናካ፣ ሞኖ ዛላ ቦላ ኬጸቶ ድራው ቃላናው ዳንዳይቤና።

49 ቃይ ታ ቃላ ሰሲደ ኦሱዋን ፔሽና ኡራይ ባሱ ባንታሳ ሻፍያ ቦላን ጎልያ ኬጺዳዋ ማላቲ። ድኡ ድኢደ ሄ ጎልያ ሱሳ ዋደ ኤለካ ኩንዬዳ፤ ሄ ጎሊካ ኢታ ዋዳ ዋዲደ ባዬዳ” ያጌዳ።

# 7

የሱስ ጾቱዋ ካፑዋ ቆማ ፓሌዳ (ማቶሳ 8:5-13፤ ዮሃ. 4:43-54)

1 የሱስካ ሀዋ ኡባ አሳ ሰንላን ሃሳይ ዉርሶዋጥ ጉይያን ሀን ቅፍርናሆማ ቤዳ።

2 ሄዋንካ እት ጾቱዋ ካፑ ደኤ። እ ዳርጥ ደሰያ አ ቆማይ ሀርጊደ ሀያናው ማቲዳ።

3 እካ የሱሳባ ሰሴዳ ዋደ፣ ባረ ቆማ ዋሲደ ፓላና ማላ ይሁዳ ጭማቱዋ ሀን እኮ ከቲዳ።

4 ኡንቲንቲካ የሱሳኮ ዪደ፣ “ሀ ብታኒ፣ ኔን አ ማዳናዳን ዳርጥ ኮዬዳ፤ 5 ጎሱካ ኦ አሳ እ ዳርጥ ደሲደ አይሁዳቱዋ ዋሰያ ጎልያ ኬጽሶዌካ ኦ” ያጊደ ዳርጥ ዋሴድኖ።

6 የሱስካ ኡንቲንቲና እትጥ ቤዳ። እካ ሀን ጎልያ ሄራ ገኬዳ ዋደ ጾቱዋ ካፑ ባረ ላገላቱዋ ባረኮ ጴሲደ፣ “ታ ጎዳው፣ ዳቡርፓ፤ እያወ ጎጥ፣ ኔና ታ ጎልያ ካራጥ ጋርሳ ባጋና ገልሳናው ታወ በሰና።

7 ሀዋ ድራው ነ ሰንላን ኤቃናውካ ሀራይ አቶ በሰያዋ ግድከ። ሽን ኔን ቃላ ጸላላ ኦዳ፤ ታ ቆማይካ ፓጸናዋ።

8 ታን ታጥ ቦላና ማታይ ደእያዋንቶ ኤኖ ጋደ ደእያ አሳ። ታጥ ጋርሳናካ ታን ከትሰያ ዋታዳራቲ ደእኖ። እቲዋ፣ ‘ባ’ ያግያ ዋደ፣ ቤ፤ ሀራካ ቃይ፣ ‘ሃያ’ ጎጥ ዬ። ታ ቆማይካ፣ ሀዋ ‘ኦላ’ ግያ ዋደ አዛዘቲ፤ ኦሌ” ያጌዳ።

9 የሱስካ ሀዋ ሰሲደ አ የወዋን ማላለቲዳ፤ ጉየ ሰሚደ አ ካልያ ዳር አሳ፣ “ታን ሀንተንቶ ቲሙዋ ጋይ፤ ታን ሀዋ ማላ አማኑዋ ሀራይ አቶ፣ እሰራኤልያ ጋርሳንካ በእበይከ” ያጌዳ።

10 ካሰ ከተቲዳ አሳቲካ ጾቱዋ ካፑዋ ጎላ ጉየ ሰምያ ዋደ፣ አ ቆማይ ፓጸዋ በኤድኖ።

የሱስ አምእት ናአ ሀይቁዋጥ ደንሌዳ

11 ዋንትሳ ጋላሰ የሱስ ባረና ካልያዋንቲናን ጮራ አሳና እትጥ ናይኖ ጌተትያ ካታማቶ ቤድኖ።

12 የሱስ ካታማ ጋካና ጾቱዋ ዋደ፣ አሳይ ሀይቁዳ እሃ ቶኪደ ከሴድኖ። ሀይቆዌካ ባረ ዳይወ መጽ እት ናአ፤ አታካ አሰናይ ባይና አምእቶ። ዳር ካታማ አሳይካ እዘ ካሌድኖ።

13 የሱስካ እዘ በኤዳ ዋደ ቃረቲደ፣ “ዬኮፓ!” ያጌዳ።

14 ሸቂደ ሻንቻማ ቦቹዳ፤ ቶኮዋንቲካ ኤቁድኖ። የሱስ፣ “ኔኖ ያላጋው፣ ደንዳ ጋይ!” ያግና።

15 ብታኒ ሱር ኡቲዳ። ሃሳያካ ደሜዳ። የሱስካ አ፣ አ ዳይወ እሜዳ።

፥ 6:44 ጸንዲቂያ- ሀ ሞላይ ጎምእርያ ዛርያ ግዲደ አ አይፊ እያወን ማደናዋ። 6:44 ማቶሳ 12:34

16 ኡባይካ ያሻን ኩሚደ፡ “ዋልቃማ ናቢ ኑ ጋርሳን ደንዴዳ፤ ጸሓይካ ባረ አሳ አሻናዉ ዬዳ!” ያጊደ ጸሓ ጋላቴድኖ።

17 ሄዌኔካ የሱሳ ዋሪ ይሁዳ ዩሹዋን ደእያ ጋድያ ኡባን ሰሰቴዳ።

ጸማቅያ የሃንሳ (ማቶሳ 11:1-19)

18 የሃንሳ ካልያዋንቱ ሀኖዋ ኡባ አዉ እዴድኖ። የሃንሰካ ባረና ካልያዋንቱ ላእቱዋ ጸሲደ።

19 “ያናዌ ኔኔየ? ዋይ ኑን ሀራ ናጋኔ?” ያግ፡ ኡንቱንቱ አቻና ማላ ህን የሱሳኩ ከቲዳ።

20 አሳቱካ የሱሳኩ ዪደ፡ “ጸማቅያ የሃንሰ፡ ያና ጌተቲዳዌ ኔኔየ? ዋይ ሀራ ናጋኔ? ያጊደ አቻና ማላ ኔኩ ከቲዳ” ያጊድኖ።

21 ሄ ዋድያን የሱሰ ጮራ አሳ ዲማ ዲማ ሀርግያፕ ፓሌዳ፤ ቱና እያናቱዋካ አሳፕ ከሴዳ፤ ጮራ ቆቃቱዋ አይፍያ ደዬዳ።

22 የሱሰካ የሃንሰ ኪቶዋንቶ፡ “ቢደ ህንተንቱ በኤዳዋን ሰሴዳዋ የሃንሳዉ ኦድተ፤ ቆቃቱ ጸላናዋንታ፤ ጉንዳቱ ሀመታናዋንታ፤ ኦሉ አይቆዋንቱ ጌያናዋንታ፤ ቱሌዳዋንቱ ሰሳናዋንታ፤ ሀይቆዳዋንቱ ደንዳናዋንታ፤ ሀይሳቶካ ሞሽራቹዋ ቃላይ ኦደታናዋ።

23 ታናን ጴብተና አሳይ ኡባይ አንጀቲዳዋንታ” ያጊድ።

24 የሃንሰ ከቲዳዋንቱ ብድንሳዋፕ ጉይያን የሱሰ አሳዉ የሃንሳባ ኦዲዋ ደሜዳ፡ “አያ በአናዉ ቢታ ባዙዋ ከሴድቲ? ጫርኩ ቃልያ ኡሱንሳ?”

25 ዋይ አያ በአናዉ ከሴድቲ? ሎኦ ማዩዋ ማዬዳ አሳ ደኡዋ? ሎኦ ማዩዋ ማዬዳዋንቱን ባረና ጊግሰያዋንቱ ካትያ ጎለን ደእኖ።

26 ዋይ አያ በአናዉ ከሴድቲ? ናብያ በአናዉ ከሴድቲ? ኤ፤ ታን ህንተንቶ ያጋይ፤ ህንተንቱ በአናዉ ከሰዌ ናብያፕካ አጴዋ።

27 ጸሓ ማጻፋን፡ ና ኦግያ ኔፕ ሰንሓና ጊግሰያ ከታንቻ ኔፕ ሰንሓናደ ከታና ጌተት የሃንሳባይ ጸፈቲዳዌ ሀዋ።

28 ማጫዋንቱፕ የለቲዳዋንቱ ጋርሳን ጸማቅያ የሃንሳፕ አድያ ኦንጎ ባዋ። ጸሓ ካዉተላን ቃይ ኡባፕ ላፋ ጌተትያዌካ አፕ አጻናዋ” ያጊድ።

29 ሀራይ አቶ ሸን ቃራጸ ከሰያዋንቱ አተናን ሀዋ የሱሰ ሃሳዮዋ ሰሴዳ ኡባይ የሃንሳ ኩሸያን ጸማቅቶዋንቱ ጸሓዉ በሰያ ቦንቹዋ አሜድኖ።

30 ሸን ህግያ ታማርሰያዋንቱን ፓርሳዋቱ የሃንሳን ጸማቅትቤና ድራዉ፡ ጸሓይ አንቱንቶ ቆፔዳዋ እጹድኖ።

31 የሱሰ፡ “ሰሞ ታን ሀ ዋድያ አሳ አያና ሊሞሶ? ኡንቱንቱ አያ ማላቲኖ?

32 ኡንቱንቱ ገያሳን ኡቲደ እቱ እቱዋ ጸሲደ፡ ‘ሱሱልያ ህንተንቶ ፑንናካ

ካእበይክታ፤ ዬኩዋ የላ ከሴድሸንካ ዬክበይክታ ያገትያ ናና ማላቲኖ ጌዳ።

33 ጸማቅያ የሃንሰ ቁማ ሜናን ዋይንያ ኤሳካ ኡሸናን ዪና፡ ኦ ቦላን ጋለናይ ደኤ” ያጊድታ።

34 ታን አሳ ናአይ ማደነ ኡሻደ ዪና፡ ‘ሀዌ ናፍሳማ፤ ዋይንያ ኤሳካ ኡሸያዋ፤ ቃራጸያዋንቶን ናጋራንቻቶ ደቡዋ” ያጊታ።

35 ግደፕ እትን ጸሓ እጹ ኤራተላይ ባረ አሱዋን ቱማ ግዲደ ቤቲዳ” ያጊድ።

ፓርሳዋያ ሰሞና

36 ፓርሳዋቱዋፕ እቱ ባረናና ቁማ ማና ማላ ሾቢና፡ የሱሰ አ ሶይ ቢደ ማናዉ ኡቲዳ።

37 ሄ ካታማን ናጋራንቻ ጌተቲዳ እት ሞሽራታ ደኤዉና፡ የሱሰ አ ሶይን ኡቲዳዋ ሰሳደ፡ አልባሰጽርሳ ጌተትያ ሹቻፕ ኦሰቲዳ አልባሰጽርሳ ባሬታ ኩሜዳ ሸቱዋ አካ ያዲ።

38 ጉየና አ ገድያ ማታን ኤቃደ፡ ዬካደ አ ገድያካ ባረ አፎላን ኦካ ደማዲ፤ እዝ አፎላይ ባይዜዳ አ ገድያካ ባረ ሁጲያ ብናናን ቁጫደነ አ ገድያ የራደ ገድያን ሸቱዋካ ጫጫፋዲ።

39 የሱሳ ባረ ሶይ ጸሴዳ ፓርሳዊካ ሀዋ በኢደ፡ “ሀዌ ናብያ ግዴደንቶ፡ ሀና አ ቦቻያ ሞሽራታ ኦንቶን ቃይካ እዛ ናጋራንቻ ግድያዋ እ ኤራና ሸን” ያጊድ።

40 የሱሰካ ዛሪደ፡ “ሰሞና፡ ታን ነዉ ኦድያ የዉ ደኤ” ያግና፡ ሰሞንካ፡ “ታማርሰያዋ፡ ኦዳ” ያጊድ።

41 የሱስ፡ “እት ብታንያፕ ሚሻ ታልኤዳ ላኡ አሳቱ ደእኖ። እቱዋ ማታን እቼሹ ጾቱ ዲናር፤ ቃይ የኩዋ ማታን እሻታሙ ደኤ።

42 ላእቶካ ጭግያዌ ጳይና፤ ላእቱዋ አጩዋካ ማር እኔዳ። ሀዋንቱፕ ሀቃዌ ሎይሳ ደሰያዋ ማላቲ?” ያኔዳ።

43 ሰሞንካ ዛሪደ፤ “ዳሩዋ አጎዋ ማላቲ” ያኔዳ። የሱስካ፤ “ቱሙዋ ዛሪዳ” ያኔዳ።

44 የሱስ ምሽራትኮ ጸሊደ፤ ሰሞና ሀዋዳን ያኔዳ፤ “ሀኖ ምሽራቶ በአዲ? ታን ነ ጎላ ዪና ሀራይ እቶ ሽን ሃላካ ታ ገድያዉ እማ በይካ፤ ሽን እዛ ባረ አፎላን ታ ገድያ እርጽሳዱ፤ ባረ ሁጲያ ብናናካ ቁጫዱ።

45 ኔን ታና የራ በይካ፤ ሽን እዛ ታን ገሎደፕ ደማደ ታ ገድያ የርያዋ አጋ በይኩ።

46 ኔን ታ ሁጲያን ዛይትያ ኦካ በይካ፤ ሽን እዛ ታ ገድያን ሽቱዋ ጫጫፋዱ።

47 ሀዋ ድራዉ ታ ህንተንቶ ኦዳይ፤ ዳርፕ እዛ ደሴዳዋ ድራዉ፤ ዳር ናጋራይ እዝዉ ደእያዌ ማረቲዳ፤ ጉላይ ማረትያዌ ጉላ ደሴ” ያኔዳ።

48 የሱስ ምሽራቶ፤ “ነ ናጋራይ ቁጩቲዳ” ያኔዳ።

49 የሱሳና እትፕ ቁማ ማናዉ ኡቲዳዋንቱ ባረንቱ ዋዛናን፤ “ናጋራይ ማራናዉ ዳንዳይያዌ ሀዌ ኦኔ?” ያኔድኖ።

50 የሱስ ምሽራቶ፤ “ነ አማኑ ኔና አሼዳ፤ ሳርተላን ነ ጎላ ባ” ያኔዳ።

### 8

የሱሳ ካሌዳ ማጫዋንታ

1 የሱስ ሀዋፕ ሰሚደ፤ ሳባኪድን ጸሳ ካዉተላ ምሽራቸው ቃላ ካታማንነ ሄራን ኦዲደ አጼዳ። ታማነ ላኡ የሱሳ ካልያዋንቱካ እናና እትፕ ደእኖ።

2 ኢታ እያናፕነ ለልቃሚ ሀርግያፕ ፓጾዳዋንቱ እት እት ማጫዋንቱካ ደእኖ። ሄዋንቱካ፤ ሳፑ ጸላሂ ከሴዳ ማግዳላ ጌተትያ ካታማፕ ዬዳ ማይራሞን።

3 ሄርድሳ ጎልያን ሱንላ ግዴዳ ኩዛ ማቻት የሃኖ፤ ሶሰና ጌተተዉናን ሀራ ጮራቱዋና እትፕ ግዲደ፤ የሱሳን አ ካልያዋንታ ሚሻን ማዴድኖ።

ዘረላ ሌምሱዋ

(ማቶሳ 13:1-9፤ ማር. 4:1-9)

4 ጮራ አሳይ ዳር ካታማቱዋፕ ሺቂዳ፤ የሱሳኮ ዬዳ ዋድያን ሌምሱዋን።

5 “ዘርያዌ ዘረላ ዘራናዉ ከሴዳ። ዘርያ ዋደ እት እት ዘረላይ፤ ኦግያ ደናን ዋዲደ የ□ቲዳ። ያትና ሳሉዋ ካፋ ሄዋ ሜዳ።

6 ሀራይ ቃይ ዛላ ቦላ ዋዲደ ዶሌዳ ዋደ ኮሽያ ሃላ ደመና ድራዉ መሌዳ።

7 ሀራ ዘረላይ አጉንላ ጋርሳን ዋዴዳ። አጉንላይ እትፕ ድጩደ ሞቲዳ።

8 ሀራይ ሎእያ ቱኤ ቢታን ዋዴዳ። ደሎዋፕ ጉይያን፤ ዘረቶዋፕ ጾቱ ኩሽያ ዳኩዋ ሞኬዳ” ያኔዳ።

የሱስ ሌምሱዋን ሃሳዬዳ ጋሱዋ

(ማቶሳ 13:10-17፤ ማር. 4:10-

12)

የሱስ ሀዋ ሃሳዬዳ፤ “ሀይላይ ደእያ ኡባይ ሰሶ” ያግ ቃላ ጶቁ ኦላደ ዋሴዳ።

9 አ ካልያዋንቱ፤ “ሀ ሌምሱ እያ ጉሴ?” ያግ አ ኦቼድኖ።

10 እካ ዛሪደ፤

“ህንተንቶ ጸሳ ካዉተላ ጸራ ኤራይ እመቲዳ፤ ሽን ሀራቶ፤ ጾሊድካ ኤረና ማላ፤ ሰሲድካ እኩከና ማላ ሌምሱዋን ኦዳይ” ያኔዳ።

የሱስ ዘረላ ሌምሱዋ ብሊደ

ኦዴዳ

(ማቶሳ 13:18-23፤ ማር. 4:13-

20)

11 የሱስ፤ “ዘረላ ሌምሱ ሀዋ፤ ዘረላይ ጸሳ ቃላ።

12 ኦግያ ጋጸን ዋዴዳ ዘረላይ፤ ጉላ ዋደዉ ቃላ ሰሰያ አሳ፤ ኤለካ ጸላሂ ዪነ፤ ኡንቱንቱ ሰሰዋን እማን አተና ማላን ቃላይ ዋዛናፕ ደገታና ማላ ኦላ።

13 ዛላ ቦላን ዋዴዳ ዘረላይ፤ ኮይር ቃላ ናሽቻን ሰሰያዋንታ። ሄዋንቱካ ጉላ ዋድያ እማንኔ ፓጩ ጋክያ ዋድያን ጸጹ ባንታ ድራዉ ኤለካ እማኑዋ ካዲኖ።

14 አጉንላ ጋርሳን ዋዴዳ ዘረላይ፤ ቃላ ሰሰያዋንታ፤ ሽን ደኡዋ ሀርጋይነ ዲረተላ እሻሉ ጩሌዳዋንታ። ሄዋንቱ ሎኦ አይፍያ እማናዉ ዳንዳይክኖ።

15 ሎኦ ቱኤ ቢታን ዎዴዳ ዘረላይ በሰያዌ፣ ሎኦን ጽሎ ዎዛናን ቃላ ሰሲደ ናግያ እሳነ ሄ ቃላን ሞን ኤቄደ ሎኦ ኣይፍያ ኣይፍያዋንታ።

ጸምጥያ (ማር. 4:21-25)

16 “ጸምጥያ ሳሲደ እትባን ቁምእ ኣግያዌ ዎይ ኣርሳፕ ጋርሳና ዎሕያዌ ኦንነ ባዎ።

17 ቆንጨናን ቆሱዋን ኣትያባይ እት የወነ ባዎ። ኤረተናንነ ቤትያሳ ከሰናን ኣታናባይ ኣይነ ባዎ።

18 ሄዎ ግድያ ድራወ ሎይሕ ኣኬካን ሰሰተ። ዎዛናፕ ሰሰያዎ ኡባዉ ጉጅ ኣኬካይ እመታና፤ ኣኬከናዎፕ ሄ ኣዉ ደእያዎ ማላትያ ኣኬካይካ ኣከታናዎ” ያጌዳ።

የሱሳ ዳዮን ኣ እሻቱዎ (ማቶሳ 12:46-50፤ ማር. 3:31-35)

19 ሄ ዎድያን ኣታነ እሻቱ የሱሳና ጋከታናዉ ኣኮ ዬድና፤ ሸን ኣሳ ጮራተላፕ ደንዶ ጋሱዋን ኣ ደማናዉ ዳንዳይበይክና።

20 እት ብታኒ፡ “ኣ ዳያነ ነ እሻቱ ኔናና ጋከታናዉ ኮዮ ድራዉ ካረን ዪደ ኤቄድና” ያግ ኦዴዳ።

21 ኣካ፡ “ታ ዳያነ ታ እሻቱ፡ ጸሳ ቃላ ሰሲደ ኦሱዎ ቦላን ፔሽያዋንታ” ያግ ዛሬዳ።

የሱስ ቤታ ጮኡ ኣሌዳ (ማቶሳ 8:23-27፤ ማር. 4:35-41)

22 እት ጋላሰ የሱስ ባረና ካልያዎንቱና እትፕ ዎንግርያ ገሊደ፡ “ኣባፕ ሄፍንሳ ቦይተ” ጌዳ። ኤንቱንቱካ ደንዲደ ሀመታ ደሜድና።

23 ፕን ደእያ ዎድ፡ የሱስ ገምእሼዳ። ኣባን ጎቱዎ ጫርኩ ደንዶ ድራዉ፡ ዎንግርያ ጋርሳን ሃላይ ኩምና ዳር መቶቱድና።

24 ኤንቱንቱ የሱሳኮ ሸቀደ፡ “ጎዳዉ፡ ጎዳዉ! ኦን ባዮይተቱ!” ያገደ ኣ ቤንሌድና።

እካ ቤንቲደ ጎቱዋን ሃላ ቤታ ሴርና፡ ጎቱን ሃላ ቤታይ ኤቄዳ፤ ኡባባይካ ጮኡ ጌዳ።

25 ኣካ፡ “ሀንተንቶ ኣመኑ ሀቃን ደኢን?” ያጌዳ።

ኤንቱንቱካ ያይ ማላላቲደ እቱ እቱዎ፡ “ሀዎዳን ጫርኩን ሃላይ ጮኡ ጌተ ገና ኣዛዘትያዌ ሀዌ ኦኔ?” ያገቱድና።

የሱስ ጸላሂ ኣይቄዳ ብታንያ ፓሌዳ (ማቶሳ 8:28-34፤ ማር. 5:1-20)

26 ጋሊላ ኣባፕ ሄፍንሳና ደእያ ገርገሰናና ጌተትያ ጋድያ፡ የሱስን ኣ ካልያዎንቱ፡ ዎንግርያን ፕኒደ ጋኬድና።

27 ሄ ሃላፕ ፕን ሳኣ ዎዶ ዎድ፡ ኢታ ኣያናን ኣይቀቱዳ እት ብታኒ፡ ካታማፕ ከሲደ ኣናና ጋከቱዳ። ዳር ዎድያፕ ደሚደ ማዩዎ ማየናን ካሎ ጎልያ ኣገደ ዲፋዎን ደኤ።

28 የሱሳ ደዎዎፕ ጉይያን፡ ዎሰ ኣ ሰንላን ጉፋኒደ ዎልቃማ ኮሻን፡ “ዎልቃማ ጸሳ ናኣ የሱሳ፡ ታዉነ ነዉ ኣይበ እትፕተላይ ደኢ? ታና ዎይሰፕርኪ፤ ታ ኔና ዎሳይ” ያጌዳ።

29 ኣ ሄዎ ኣያዉ ጌዴ ጎፕ፡ ብታንያ የግ ከሳና ማላ የሱስ ኣ ኣዛዘ ድራሳ።

ኢታ ኣያናይ ብታንያ ኣይቆደፕ ዳር ዎደ ግደ ድራዉ፡ ብራታ ሳንላላታን ገድያን ኩሽያ ቃሽቲደ ናገቱ። ሳንላላታ ዲሕ ኣኪደ ኢታ ኣያናይ ካለሕና ባዙዎ ቤ።

30 የሱሰካ፡ “ኣ ሱንላይ ኦኔ?” ያግ ኦቼዳ። እካ ጮራ ኢታ ኣያናይ ገል ኡቶ ድራዉ፡ “ሌግዮና” \* ያጌዳ።

31 ባረንታ የሱስ፡ “ሀን ጨዎ ኦላ ቢተ” ያገና ማላ ዎሴድና።

32 ሄዎን ደእያ ዘዘያ ጋጸን ሄመትያ ጮራ ጉዲንላቱ ደኢና። ጮራ ቱና ኣያናቱ፡ ሄ ጉዲንላቱዎ ጋርሳ፡ “ገልተ” ጋና ማላ የሱሳ ዎሴድና። ኣካ፡ “ቢደ ገልተ” ጌዳ።

33 ኢታ ኣያናቱካ ብታንያፕ ከሲደ ጉዲንላቱዎ ጋርሳ ገሌድና። ጉዲንላ ዉዲካ ላንቄያፕ ካጅቲደ ኤለካ ኣባን ሞተቱድና።

34 ጉዲንላ ሄምያዎንቱ ሀናዎ ኡባ በኦ ዎደ ሀራሳ ቢደ፡ ሄ ካታማንነ ዩሹዎን ሀናዎ ኦዴድና።

35 ኣዬ ሀኔደንቶ በኣናዉ ከሲደ፡ ኣሳይ የሱሳኮ ዬድና። ኢታ ኣያናይ ከሴዳ ብታኒ፡ ኣ ዎዛናይ ሰምና ማዩዎ ማዩደ የሱሳ ገድያ ማታን ኡቶዎ በኢደ ያዩድና።

8:16 ማቶሳ 5:15፤ ሉቃስ 11:33    8:17 ማቶሳ 10:26፤ ሉቃስ 12:2    8:18 ማቶሳ 25:29፤ ሉቃስ 19:26    \* 8:30 ሌግዮና- ሀ ሱንላይ ግሪክ ጌተትያ ቃላፕ ኣከቱዳ፡ ሱንላ ብሊላይ “ጮራ” ጉሳ።

36 ኢታ አያናን ኦይቀቲዳ ብታኒ ሞት ፓጾደንቶ በኤዳ አሳይ፡ ሀራ አሳወ ኦዴድኖ።

37 ገርገሰኛና ጋድያንን ሄ ሄራን ደእያ አሳይ ኡባይ ዳሪ ያዬዳ ድራው፡ የሱስ ባረንቱ ማታፕ ባና ማላ ሞሴድኖ። እካ ሞንግርያን ገሊደ ቤዳ።

38 ኢታ አያናይ ከሴዳ ብታኒካ የሱሳና ባና ገደ፡ አ ሞሴዳ፤ ሽን የሱስ፡

39 “ኅ ጎላ ሰማደ ጸሳይ ነዉ ኦሉ ሞልቃማባይ አየንቶ ማርካታ” ያግ የዳዳ።

ሀይቄዳ ናቶነ ሳከትያ ምሽራቶ (ማቶሳ 9:18-26፤ ማር. 5:21-43)

40 የሱስ ሰሜዳ ሞደ አሳይ ኡባይ ናግ ደእያ ድራው፡ አ ሞክ አኬድኖ።

41 ሄ ሞደ፡ አይሁደ አሳ ሞሳ ጎላዉ ሱንሳ ግዴዳ ያእርሳ ያገትያ ብታኒ አኮ ዬዳ። እካ የሱሳ ገድያ ሰንሳን ከንዲደ፡ ባረ ጎላ ገላና ማላ ሞሴዳ።

42 ጋሱተላይካ ታማነ ላኡ ላይላይ ኩሜዳ አዉ ደእያ እት ናታ ሀይቃናዉ ማታ ኡቶ ድራሳ።

የሱስ ብያ ሞደ ጮራ አሳይ አ የሹሞን ሱገቲደ መቶሴድኖ።

43 ሄ አሳ ግድን ሄ ሞድያን ታማነ ላኡ ላይላ ኡባ ሱላይ ጎግያ ምሽራታ ደእዉ። ባረ ደእያ ሻሉሞ ኡባ ቆልያ ኤርያሞንቶ ዉርሰናካ ፓላናዉ ዳንዳዮዌ ኦንነ ባሞ።

44 ጉየና ያደ አ ማዩሞ ማጫራ ቦቻዳ፤ ሄ ማንእያን ኢፕ ጎግያ ሱላይ ኤቄ አኬዳ።

45 የሱስ፡ “ኦኔ ታና ቦቻዌ?” ያገዳ።

ኡባይ ካድና ጳጳርስ፡ “ጎዳዉ፡ አሳይ ሱገቲደ መቶትያ ሞደ፡ ‘ኦኔ ታና ቦቻዌ’ ያጋይ?” ጌዳ።

46 ሽን የሱስ፡ “እት አሳይ ታና ቦቻዳ፤ ሞልቃይካ ታፕ ከሶሞ ታን ኤራይ” ያገዳ።

47 ምሽራታካ፡ የሱሳ እዛ ቦቻዌ ኤረተናን እትቤና ሞራደ፡ ኮኮራደ ዮና የሱሳ ሰንሳን ከንዳ አጋዴ። አያ ጋሱሞን የሱሳ ቦቻደንቶ እዛ ፓጾሞ ኡባ አሳ ሰንሳን ኦዳዴ።

48 እካ እዘዉ፡ “ሀ ምሽራቲ! ነ አማኑ ኔና ፓሴዳ፤ ሳር ባ” ያገዳ።

49 የሱስ ሃሳይ ደእሽን፡ አይሁዳ አሳ አማንያሞንቱ ሱንሳ ሶይፕ እት ብታኒ ዬዳዌ፡ “ኅ ናታ ሀያዲ፤ ሰም ታማርሰያሞ መቶላፕ” ያገዳ።

50 የሱስ ሀሞ ሰሲደ፡ “ያእርሳ፡ አማናፕ እትን፡ ያዮፕ! እዛ ፓጻናዉኑ” ያግ ዛራደ።

51 ሶይ ገሊደ፡ ጳጳርሳፕ፡ ያቆባፕ፡ ዮሃንሳፕ፡ ናት አቡፕነ ናት ዳይፕ እትን፡ ኦንነ ገላናዳን ኤኖ ግቤና።

52 ኡባይ ሄ ናትዉ ዬኪደነ ካዮቲድ ደእኖ። ሽን የሱስ፡ “ዬኮፕተ፡ ገሳዲፕ እትን ሀያበይኮ” ያገዳ።

53 እዛ ሀይቄዳሞ ኤሪደ አ ቦላ ማጫድኖ።

54 ግድፕ እትን የሱስ እዛ ኩሽያ ኦይቄደ፡ “ሀ ናቲ፡ ቤጎታ!” ያገዳ።

55 እዛ ሸሞፑካ ሰሞና ኤለካ ደንዳ ኤቄና ማናባ አማና ማላ፡ የሱስ አዛዜዳ።

56 እዛ አቡነ እዛ ዳያ ማላላቲድኖ፤ ሽን የሱስ ኡንቱንታ፡ ሀኖ የዉሞ ኦስነ ኦደና ማላ አዛዜዳ።

### 9

የሱስ ባረና ካልያ ታማነ ላእቲሞ ኪቲዳ

(ማቶሳ 10:5-15፤ ማር. 6:7-13)

1 የሱስ ታማነ ላኡ አ ካልያሞንታ እትፕ ባረኮ ጴሲደ፡ ጳላሀያ ኡባ አሳፕ ከሳናዉነ ሀርግያሞንታ ፓላና ማላ ሞልቃነ ማታ አሜዳ።

2 ጳላ ካዉተላባ ኦዳናዉነ ሀርጋንቻቱሞ ፓላና ማላ ኡንቱንታ ኪቲዳ።

3 አ ኡንቱንታ ኪቲደ፡ “ኦግያ ቢደ፡ ጳሞአ ግድናካ፡ ሞይ ቃርጨትያ፡ ሞይ ቁማ፡ ሞይ ሚሻ ግድናካ አያነ ኦይቆፕተ፤ ላኤንሉያ ማዩሞካ ኦይቆፕተ።

4 ሀንተና አሳይ ሀቃን ሞኮፕነ፡ ሄሞፕ ከሳና ጋካናዉ፡ ሀንተንቱ ገሊዳ ጎልያን ጋሞአተ።

5 ሄ ካታማ አሳይ ሀንተና ሞከናን እጾፕ፡ ሄሞፕ ከሲደ፡ ኡንቱንቱ ሀንተና ሞከናን እጾሞ ማርካ ግዳና ማላ፡ ሀንተንቱ ገድያፕ ባና ሸጭ ድገደ ቢተ” ያገዳ።

6 አ ካልያሞንቱ ቢደ፡ ቄር ካታማ ኡባን ምሽራቹሞ ቃላ ኦዲደነ ሀርጋንቻ ፓሊደ ዩዬድኖ።

ሄሮድስ ኦሴዳባ

(ማቶሳ 14:1-12፤ ማር. 6:14-29)

7 ሀጸ ጋሊላ ቢታ ካትያ ሄሮድስካ ሀኔዳ የወዋ ሰሲደ ያት ጌዳ። ጋሶተላይነካ እት እት አሳይ። “የሃሃነሰ ሀይቁዋፕ ደንዴዳ” ያጌ።

8 ሀራ አሳይ። “ኤላሰ ከሲደ ቤቱዳ” ያግያ ዋደ። ሀራንቱ ቃይ። “በን ናባቱዋፕ እቱ ሀይቁዋፕ ደንዴዳ” ያጌ።

9 ሄሮድስካ። “ታን የሃሃነሰ ቆድያ ቃንጽሳ ድጋድሽን፤ ሀዋዳን አሳይ ሃሳይያ ብታኒ ኦኔ?” ያጌደ። የሱሳ በአናዉ ኮዬዳ።

የሱስ እቼሹ ሻእ አሳ ሞዚደ ካልሴዳ

(ማቶሳ 14:13-21፤ ማር. 6:30-44፤ ዮሃ. 6:1-14)

10 የሱስ ኪቶዋንቱ ሰሚደ። ኤንቱንቱ ኦሴዳዋ አባባ የሱሳዉ ኦዴድኖ። እካ ኤንቱንታ እኪደ። ቤተሳይዳ ያገትያ ካታማ ማታን ደእያ ታካሳ ቤዳ።

11 አሳይ እ ደኢያሳ ኤሪደ ካልና። ኤንቱንታ ሞክ እኪደ ጸሳ ካወተላባ ኦዴዳ፤ ሀርግያፕ ፓጸናዉ በሰያዋንታካ ፓሴዳ።

12 ሳእይ ኦማርሰያ ዋደ። የሱሳ ካልያ ታማነ ላእቱ እኮ ዪደ። “ሀ አሳይ ኡባይ ኑ የሹዋን ደእያ ሄራ ግደነ ቁር ካታማቱዋ ግደ ቢደ። አቅያሳነ ቁማ ደማና ማላ ሞይዛ፤ እያዉ ጎፕ ኑን ሀዋን አሳይ ባይናሳን ደኤቶ” ያጌድኖ።

13 ሸን የሱስ ኤንቱንታ። “አሳዉ ማተትያባ ሀንተንቱ እምተ” ያጌዳ።

ኤንቱንቱ ዛሪደ። “እነ ቢደ። ሀ ኡባ አሳዉ ቁማ ሻመናን ጳዮፕ ኑዉ እቼሹ ሶሉዋፕነ ላኡ ሞልያፕ ሀራይ ባዋ፤ ሄዋ ኮን ሀ ጮራ አሳዉ ቁማ ሻማና ማላ ኮያይ?” ያጌድኖ።

14 (ጋሱካ። ሄዋን ደእያ አሳይ እቼሹ ሻእ ኬና።)\*

የሱስ ባረና ካልያዋንታ። “እሻታሙ እሻታሙ አሳ ጭታን ጭታን ሻክ ሻክ ኡትሰተ” ያጌዳ።

15 ኤንቱንቱካ እ ጎዋዳን ኡባ አሳካ ኡትሴድኖ።

16 የሱስካ እቼሹ ሶሉዋነ ላኡ ሞልያ ኦይቁደ። ፑደ ሳሉዋ ቦንጎት ጼሊደ ጸሳ ጋላቲዳ፤ ዱሲደ። አሳዉ ግሻና ማላ እ ካልያዋንቶ እሚዳ።

17 አሳይ ኡባይካ ሚደ ካሌድኖ። ኤንቱንቱፕ እቱዳ ደካ። ታማነ ላኡ ሳምፓ ኩሜዳዋ ደንጎድኖ።

ጳጵርሰ የሱሳባ አዋዬዳ (ማቶሳ 16:13-19፤ ማር. 8:27-29)

18 እት ጋሊስ የሱስ ባረካ ዋሰያ ዋደ። እ ካልያዋንቱካ አናና እትፕ ደእሸን። “አሳይ ታና ኦና ጌኖ?” ጌደ ኤንቱንታ ኦቼዳ።

19 ኤንቱንቱ ዛሪደ። “አሳይ ኔና ጸማቅያ የሃሃነሰ ያጌ፤ ሀራ አሳይ ቃይ ኤላሳ ፊ ያጌ፤ ሀራይ ቃይ በን ናባቱዋፕ እቱ ደንዴዳ ያጌ” ያጌድኖ።

20 የሱስ ኤንቱንታ። “ሀንተሽ። ታና ኦና ጌቱ?” ያጌዳ።

ጳጵርሰካ ዛሪደ። “ኔን ጸሳይ ኦኬዳ ክርሰቶሳ” ያጌዳ።

የሱሳ ካልያዋንቱ ሀናናዉ በሰያባ (ማቶሳ 10:38-39፤ 16:24-26፤ ማር. 8:34-38፤ ሉቃስ 14:26-27)

21 የሱስካ ኤንቱንታ። “ሀዋ ኦስነ ኦደፕተ” ያግ ሞንሰ እዛዚደ።

22 “ታን። አሳ ናእይ። ዳር መቱዋ አካናዉ በሴ፤ ጭማቱዋን። ቄሳቱዋ ካፓቱዋንነ ሙሴ ህግያ ታማርሰያዋንቱን እጸታናዉ ኮሺ፤ ኤንቱንቱ ታና ዋጳናዋንታ፤ ታንካ ሄዘንሎ ጋላስ ሀይቁዋፕ ደንዳናዉ በሴ” ያጌዳ።

23 የሱስካ አሳ ኡባ። “ታና ካላናዉ ደሰያዌ ደእፕ። ባረ ሁጲያ ካደ፤ ባረ ማሰቃልያ ፤ ጋላሳን ጋላሳን ቶኪደ ታና ካሎ።

\* 9:14 እቼሹ ሻእ፡- እስራኤልያ ዋጋን ማጫዋነ ቁር ናናይ ፓይደተና ድራዉ። እቼሹ ሻእ ጉሳይ ማጫዋነ ቁር ናና ፓይደናን ኩሜዳዋ። ሀ ፓይዱ ደእያ ኮይር ማራይ በን ማጻፋ እቱዋ እቱዋን ባዋ። † 9:19 ኤላሳ፡- ሀ ናቢ እ ሀይቆደፕ ዳር ዋደፕ ጉዮ። የሱስ ክርሰቶስ ቢታ ቦላን ታማርሲደ ደርያ ቦላ ዋሳዉ ከሲደ ላመት ቦጼዳዋፕ ጉዮ ባጋን አናና ሙሴና ሃሳዬዳ። ሄዋ ጉሳይ ሀይቁ ሰሚደ ዳር ጮራ ዋድያፕ ጉዮ ፓጸ ቆንጩዳ ጉሳ። 9:19 ማቶሳ 14:1፤ 2፤ ማር. 6:14፤ 15፤ ሉቃስ 9:7፤ 8 9:20 ዮሃ. 6:68፤ 69 9:23 ማቶሳ 10:38፤ ሉቃስ 14:27 ‡ 9:23 ማሰቃልያ፡- ሀዋ ጉሳይ። እት አሳይ ባረ ላይሳ ኡባን ጸሳ ካሊደ ሻከተናን ቶካናዉ በሰያ መቱዋነ ዋይያ።

24 ባረ ሸምቸው አሻናው ደስያዌ ኡባይ ባይዜ፤ ሽን ታ ድራው ባረ ሸምቸው ባይዜያዌ ኡባይ እሼ።

25 እት ኡራይ ሀ አላምያባ ኡባ አሺደ ባረ ሸምቸው ባይዜ፤ ሸምቸው ባይዜያዌ ለገናው ፓጭሶ፣ አያ ማዲ?

26 አሳይ ታናንነ ታ ቃላን ዬላቶ፣ ታን አሳ ናአይ፣ ታ ቦንቸውናን ጌሻ ኪታንቻቸው ቦንቸውና ይያ ወደ አን ዬላታናው።

27 ታን ሀንተንቶ ቱሙው ያጋይ፤ ሀዋን ደእያ አሳ፣ ጸሳ ካውተላ በአና ጋካናው ሀይቁዋ ሀይቁናዋንቱ እቱ እቱ ደእኖ” ያጌዳ።

የሱሳ ማላይ ላመቲዳ (ማቶሳ 17:1-8፤ ማር. 9:2-8)

28 የሱሳ ሀዋ ጎዋ፣ ጉይያን፣ እት ሳምንታ ኬና ጋምኢደ፣ ጳጳርሳን ዮሃንሳ፣ ያቆባካ እኪደ፣ ዋሳናው ደርያ ሁጲያ ከሴዳ።

29 እ ዋሰሽን፣ እ ዳሙው ማላይ ላመቲዳ፤ እ ማዩካ ቦጲደ ጳልቁዳ።

30 ቆፐናን ላኡ አሳቱ፣ ሙሴን ኤላሰ ከሰ ቤቲደ፣ የሱሳና ሃሳይ ደእኖ።

31 ኡንቱንቱ ቦንቸውን ቆንጭ ቤቲደ፣ የሱሳ ጸሳ ቆፋ ፖላናው የሩሳላመን ሀይቃናዋ § አና ሃሳይድኖ።

32 ጳጳርሳን አና እት፣ ደእያዋንታ ገምእሹ ጌርዬዳሽን፣ ኤላካ ቤጎቲደ እ ቦንቸውን አና ጋሶ ኤቄዳ ላኡ አሳቸው በኤድኖ።

33 ሄ ላኡ አሳቱ፣ የሱሳ ሞይያ፣ ሻከትያ ወደ፣ ጳጳርሰ የሱሳ፣ “ጎዳው፣ ሀዋን ደእያዌ ኑው ሎክ ግድያ ድራው፣ ሄዙ ዳሰያ እቸው ነው፣ እቸው ሙሴው፣ እቸው ኤላሳው ኬጳና” ያጌዳ።

34 ጳጳርሰ ሄዋ ሃሳይ ደእሽን፣ ሻሪ ዪደ ኡንቱንታ ካም አገና የሱሳ ካልያዋንቱ ያዬድኖ።

35 ሻርያ፣ “ታን ዶሬዳ ታ ናአይ ሀዋ፣ እ ግያዋ ሰሰተ” ያግያ ቃላይ ዬዳ።

36 ቃላይ ሰሰቶዋ፣ ጉይያን፣ የሱሳ ባረ ጸላላ ግዲደ ቤቲዳ፤ ኡንቱንቱካ የወዋ ባረንቱ ዋዛናን ኦይቂደ ሄ ዋድያን ኦንነካ አያን ኦድቤና።

የሱሳ ኢታ አያናን ኦይቀቲዳ ላኡ አሳቸው ፓሌዳ

(ማቶሳ 17:14-18፤ ማር. 9:14-27)

37 ዋንተላ ጋላሰ፣ የሱሳን ሄዙ እ ካልያዋንቱ ደርያ፣ ዲገ ዋድያ ወደ፣ ጮራ አሳይ የሱሳና ጋከቲዳ።

38 ሄ ወደ አሳ፣ እት ብታኪ ባረ ኮሻ ቶቁ ኦሊደ፣ “ታማርሰያዎ፣ ታወ ደእያዌ እት ናአ ግድ ድራው፣ ኔን እ በአና ማላ ኔና ዋሳይ፤

39 ቃይ ኢታ አያናይ ዋዛና አፍናን ደንዲደ እ ዋሰሴ፤ ደናና ፓርያና ጋካናው እ ኮርሲደ፣ ኡባ ጋላሰ መቶሰያዋ፣ እትን፣ እ ኤላ የደና።

40 ኔና ካልያዋንቱ ሄ ኢታ አያና ከሳና ማላ፣ ታን ኡንቱንታ ዋሳድ፤ ሽን ዳንዳይቦይክኖ” ያጌዳ።

41 የሱሳ ዛሪደ ኡንቱንታ፣ “አማና ሀ ወድያ ደሻ አሳው፣ ታን ሀንተናና አወደ ጋካናው ደእኔ? ቃይ ሀንተንቱባ አወደ ጋካናው ዳንዳይ? ነ ናአ ሃ አካያ” ያጌዳ።

42 ናአይ ዪደ ደእሽን፣ ኢታ አያናይ እ ሳኣን ኦሊደ ኮርሲዳ፤ የሱሳ ኢታ አያና ኡጋ ግ ናአ ፓሌደ እ አቦ ዛሪደ አሜዳ።

43 አሳይ ኡባይካ ጸሳ ዋልቃማ ዋልቃ፣ ደንደዋን ማላለቲድኖ።

የሱሳ ባረ ሀይቁዋ ላኡንሱዋ ኦይዳ

(ማቶሳ 17:22-23፤ ማር. 9:30-32)

44 “ታና አሳ ናአ፣ አሳይ አሳ ኩሽያን አሊደ እማናዎ፤ ሀንተንቱ ሀ የወዋ ደሳፕተ” ያጌዳ።

45 ሽን እ ግያዋ ኡንቱንቱ እኬክቦይክኖ። ኡንቱንቶ ገለና ማላ ኡንቱንቱ፣ ጌሜዳ ድራው፣ ሀ የወዋ የሱሳ ኦቻናው ያዬድኖ።

ኡባ፣ አድያዌ ኦይሻ? ያግያ እሻ (ማቶሳ 18:1-5፤ ማር. 9:33-37)

46 እ ካልያዋንቱ፣ “ኑ ግደ፣ ደርያዌ ኦይ?” ያጌደ ፓሌመቲድኖ።

47 የሱሳ ኡንቱንቱ ዋዛና ቆፋ ኤሪደ፣ ጉሳ ናአ አሂደ፣ ባረ ማታን ኤሲደ።



48 “ሀ ጉላ ናአ ታ ሱንላን ሞክያዌ ኦንነ ታና ሞኪዳ፤ ቃይ ታና ሞክያ ኡባይ፤ ታና ከቲዳ ታ አባ ሞኪ። ሀንተንቱ ኡባጥ ጉጽያዌ ኡባጥ ዳራ” ያጌዳ።

ሀንተንቱ ግያዋ ጳልቀና ኡራይ ሀንተንቱ ባጋ (ማር. 9:38-40)

49 ዮሃንስካ ዛሪደ፡ “ጎዳዉ፡ እት አሳይ ነ ሱንላን ኢታ እያናቱዋ ከሰያዋ ኑን በኢደ፡ ኑ ባጋ ግደና ድራዉ፡ አ ድጌደ” ያጌዳ።

50 ሽን የሱስ አ፡ “ሀንተንቱ ግያዋ ጳልቀናዌ ሀንተንቱ ባጋ ግድያ ድራዉ፡ አ ድጎተተ” ያጌዳ።

ሳማርያ ካታማ አሳቱ የሱሳ ሞካናዉ ኮይበይክኖ

51 የሱስ ሳሉዋ ብያ ዎዲ ማትና፡ ባር ዎዛና ቆፋ የሩሳላሙኮ ዛሪዳ።

52 ባረገጥ ሰንሳዉ ኡባ የወዋ ጊግሳና ማላ፡ ከተትያ አሳ ሳማርያ ካታማ ከቲዳ።

53 ሽን እ የሩሳላሙ ባናዉ ደንዴዳ ድራዉ፡ አሳይ አ ሞክበይክኖ።

54 አ ካልያዋንቱ ያቆብነ ዮሃንስ ሄዋ በኢደ፡ “ጎዳዉ፡ ኑን ኡላስ አላዋዳን።\* ታማይ ሳሉዋጥ ዪደ ኡንቱንታ ማናዳን ጴሳና ማላ ኮያይ?” ያጌድኖ።

55 ሽን የሱስ ጉየ ሰሚደ፡ ኡንቱንታ ሴራዳ። †

56 “ታን፡ አሳ ናአይ፡ አሳ ሸምጥዋ አሻናዉ ዮዋጥ አትን፡ ባይዛናዉ ያበይከ” ያጌዳ። ኡንቱንቱ ሀራሳን ደእያ ቄር ካታማ ቤድኖ።

የሱሳ ካልያዋንታ ጋክያ ፓጭያ (ማቶሳ 8:19-22)

57 ኡንቱንቱ ኦግያና ቢሸን፡ እት ብታኒ የሱሳ፡ “ጎዳዉ፡ ኑን ብያሳ ኡባ ታን ኔና ካላና” ያጌዳ።

58 የሱስ አ፡ “ዎራካናቶ ኦላይ፡ ሳሉዋ ካፋቶካ ጎሊ ደኤ፤ ሽን ታን፡

አሳ ናአይ፡ ገላ ሸምጥ አክያ ሳአይ ታዉ ባዋ” ያጌዳ።

59 የሱስ ሀራ ኡራ፡ “ታና ካላ” ያጌዳ።

ሸን፡ ብታኒ፡ “ጎዳዉ፡ ታን ካሰያን ባደ ታ አባ ሞጋና” ያጌዳ።

60 የሱስ፡ “ሀይቆዋንታ ባረንቱ ሀይቆዋንቱ ሞግኖ፤ ኔን ባደ፡ ጸሳ ካዉተላባ ኦዳ” ያጌዳ።

61 ቃይ ሀራ ብታኒ፡ “ጎዳዉ፡ ታን ኔና ካላና፤ ሽን ኮይሩዋን ታ ሶይ አሳ ባደ ሳርታና” ያጌዳ።

62 ሽን የሱስ አ፡ “ቦራ ጎሻናዉ ደሞዌ ኦንነ ጉየ ጴሎጥ ጸሳ ካዉተላዉ በሰና” ያጌዳ።

### 10

ሞሽራቹዋ ቃላዉ ከተቲዳ አሳቱዋ

1 ሀዋጥ ካላ ጎዳይ ሀራ ላፑን ታሙ

\* አሳ ሱንሊደ ላኡዋ ላኡዋ ኦሊደ አ ባናዉ ደእያ ካታማ ኡባ ከቲዳ።

2 የሱስ ኡንቱንታ፡

“ቆይቻዉ ጋኬዳ ካላይ ዳራ፤ ከተትያ አሳይ ጉላ። ሰም ቆይጨትያ ካላ ጎዳይ፡ ቆይቻዉ ከተትያዋንታ የዳና ማላ ዎስተ።

3 ታን ደርሳቱዋዳን ዋላቱዋ ግደ ሀንተና ከታይ፡ ቢተ።

4 ሀንተንቱ ኦገዉ እያነ ኦይቆጥተ፡ ቦርሳ፡ ቃርጨትያ፡ ጫማ፡ ግድናካ ኦይቆጥተ፤ አሳና ሳርተቲደ ኦግያን ዎድያ ወርሶጥተ። †

5 “ሀንተንቱ ገልያ ጎሊ ኡባ ካሰያን፡ ሳርተላይ ሀ ጎሊዉ ግደ፡ ያግተ።

6 ሄ ጎልያን ሳርተላ ደሰያ አሳይ ደአጥ፡ ሀንተንቱ ሳርታይ ሄ ጎልያን አቃናዎ፤ ኮየናዎ ግደጥ፡ ሀንተንቱ ሳርታይ ሀንተንቶ ሰማናዎ።

7 ሄ ጎልያን ኡንቱንቶ ደእያዋጥ ሚድነ ኡሺደ ደእሸተ፤ ኦሳንቻዉ አ

\* 9:54 ኡላስ አላዋዳን፡- እት እት ጌሻ ማጻፋ ብለላን፡ “ሀ አሳ ወርሳናዉ” ያጌ። † 9:55 ኡንቱንታ ሴራዳ፡- እት እት ጌሻ ማጻፋን ደእያ ብለላይ፡ “ኔን አይ ማላ እያንገቶ፡ ኔና ኤርኪ? አሳ ናአይ አሳ ሸምጥዋ አሻናዉ ዬዳጥ አትን፡ ባይዛናዉ ይቤና” ያጌ። 9:61 1 ካታ. 19:20 \* 10:1 ላፑን ታሙ፡- እት እት ጌሻ ማጻፋ ብለላን፡ “ላፑን ታማነ ላኡ”። አይሁዳ ዎጋን ቢታ ቦላን ደእያ አሳ ዘረላይ ላፑን ታማ። ሽን ካሰ ኤጫ ግሪክ ማጻፋ ብለላን ደእያዎ፡ “ላፑን ታማነ ላኡ”። ኦን ኤር የሱስ ባር ቃላ አላምያ ዩሹዋን ጋላናዉ ሀ ፓይዱዋና ቃራ አሳ ሱንሊደ ከተናን አገና ያግያ ቆፋይ ደኤ። 10:2 ማቶሳ 9:37፣ 38 10:3 ማቶሳ 10:16 † 10:4 አሳና ሳርተቲደ ኦግያን ዎድያ ወርሶጥተ፡- ሄ ጋላሳን ጋራተላን አላያ ሳርታይ ዎድያ ሎይላ ምያ ድራዉ፡ ሀዌ ሃሳየቲዳ። 10:4 ማቶሳ 10:7-14፤ ማር. 6:8-11፤ ሉቃስ 9:3-5 10:7 1 ቆር. 9:14፤ 1 ጽዋ. 5:18

ድርጉዋ ጭጋይ ኮሼ፤ እት ጎልያጥ ሀራ ጎልያ ዩዮጥተ።

8 “እይ ካጥማነ ህንተንቱ ገልያ ዎይ፤ አሳይ ህንተና ሞክ አኪደ ሞዛናዉ ሺሾዋ እያነ ሚተ።

9 ሄ ካጥማትን ደእያ ሀርጋንቻቱዋ ፓሊደ አሳዉ፤ ጸሳ ካዉተላይ ህንተኮ ማቴዳ፥ ያጊደ ኦድተ።

10 የወዋን ቃይ እይ ካጥማነ ገሎደ፤ አሳይ ህንተንታ ሞክ እከናዋንታ ግደጥ ሄ ካጥማ ቃዳእኮ ከሰኔ፤

11 ጭን ህንተና ዬላያናዉ፤ ሀራይ አቶ ኑ ገድያ ቦላን ደእያ ህንተንቱ ካጥማ ባናካ ህንተንቶ ቆቆፊቶ ስ፤ የወዋን ቃይ፤ ጸሳ ካዉተላይ ህንተንቱኮ ማቴዳዋ ኤርተ’ ያግተ።

12 ፕርዳ ጋላስ ሀ ካጥማትጥ ሶደማ ካጥማ ጋኬዳ ሙራይ ካዉሻናዋ ያጋደ ታን ህንተዉ ኦዳይ።

እማናን እጹዳ ካጥማቱዋ (ማቶሳ 11:20-24)

13 “እየ ነዉ ኮራዚነ፤ እየ ነዉ ቤተሳይደ፤ ህንተንቱን ሀኔዳ ማላታቱ ጸርሳ ካጥማን ሲደና ካጥማን ሀኔደንቶ፤ ሄዋን ደእያ አሳቱ ካዩዋ ማዩዋ ማዩደ፤ ብድንላ ቦላን ኡቲደ፤ በንጥ ባረንቱ ናጋራጥ ሰማናዋንታሽን።

14 ሀዋ ድራዉ፤ ሙረትያ ጋላስ ህንተንቱጥ አሊደ ጸርሳ ካጥማዉን ሲደና ካጥማዉ ሙራይ ካዉሻናዋ።

15 ሀነ ቅፍርናሆመ፤ ኔን ሳሉዋ ጉደ ዶቁ ጋናዉ ኮያድ? ዲገ ሰለልያ ዎዳናሳ።

16 “ህንተንቱ ግያዋ ሰሰያ አሳይ፤ ታን ግያዋ ሰሰ፤ ህንተንታ እጽያ ኡራይ ታና እጹ፤ ታና እጽያ ኡራይ ታና ኪቴዳዋካ እጹ” ያጌዳ።

እ ካልያዋንቱ ኪተቴዳሳጥ ሰሜድኖ

17 ላፑን ታሙ አሳቱካ፤ “ጎዳዉ፤ ኢታ እያናቱካ ነ ሱንላን ኑዉ እዛዘቴድኖ” ያጊደ ናሽቻን ሰሜድኖ።

18 የሱሰካ ኡንቱንቶ፤ “ሴጻናይ ዋልቃንላዳን ሳሉዋጥ ዎድሽን በኦድ።

19 ሰም ሾሻን ሶጉዋ የዳናዳን ህንተንቱ ሞርክያ ጸላህያ ዋልቃ ጸናና

ማላ ማታ እማድ። ህንተንታ ቆሀናዌ አይኔካ ደኤና።

20 ግደጥ እትን ህንተንቱ ሱንላይ ሳሉዋ ማዘገብያን ጸፊቶ ድራዉ፤ ናሽትተጥ እትን ኢታ እያናቱ እዛዘቶ ድራዉ ናሽቶጥተ” ያጌዳ።

የሱሰ ባረ ናሽቻ ቆንጭሴዳ (ማቶሳ 11:25-27፤ 16:13-17)

21 ሄ ዎድያን የሱሰ እያና ጌሻን ደር ናሽቲደ፤ “ሳሉዋን ሳኦ ጎዳዉ፤ ኔን ሀ የወዋ ታማርዋንቱጥን እጹ ኤራንቻቱዋጥ ገንላደ፤ ቁር ናናዉ ቆንጭሶ ድራዉ፤ ኔና ጋላታይ፤ ኤ፤ ታ ኢሶ፤ እያዉ ጎጥ፤ ሀዋ ኦላናዉ ነ ሎኦ ሽን ግደዳ።

22 “ኡባ የወ ታዉ ታ አቡጥ እመቴዳ። ናእይ እንቶ አዉዋጥ እትሽን ኦንነ ኤርያዌ ባዋ፤ ሄዎዳንካ እዉ እንቶ ናኣጥነ እ ቆንጭሳናዉ ኮዮ ኡራጥ እትን፤ ሀራይ ኦንነ ኤርያዌ ባዋ” ያጌዳ።

23 ካሊደካ የሱሰ ባረና ካልያዋንቱኮ ሰም ዎዲደ፤ ኡንቱንቱ ጸሳሳ፤ “ህንተንቱ በእያዋ ጸልያ አይፋቱ እንጀቴዳዋንታ።

24 ታ ህንተዉ ኦድያዌ እዬ ጎጥ፤ ጮራ ናባቲክ ካጥቱ ህንተንቱ በእያዋ በእናዉ አሞቴድኖሽን በእበይክና፤ ህንተንቱ ሰሰያዋካ ሰሳናዉ አሞቴድኖ፤ ሽን ሰሰበይክና” ያጌዳ።

አሳዉ ቃረትያ ሳማርያ ብታንያ

25 እት ጋላስ ሀግያ ኤርያዌ እቱ የሱሳ ፓጫናዉ እኮ ዪደ፤ “ታማርሰያዎ፤ መድና ደኡዋ ላታናዉ፤ ታን እያ ኦሎ?” ያግ ኦቹዳ።

26 የሱሰ ዛሪደ፤ “ሙሴ ሀግያ ማጸፋን ጸፊቶዌ እዬ? ኔን እያ ጋደ ብላይ?” ያጌዳ።

27 ብታንካ፤ “ሙሴ ሀግያ ማጸፋይ፤ ጸሳ ነ ጎዳ ፖሎ ነ ዋዛናጥ፤ ፖሎ ነ ሽምጥዋጥ፤ ፖሎ ነ ዋልቃጥን ፖሎ ነ ቆፋጥ ሲቃ፤ ሄዎዳንካ ነ ሳገላካ ነ ሁጲያዳን ደሳ” ያጌዳ።

28 የሱሰ እ፤ “ልከ፤ ቲሙዋ ጋደ፤ ሰም ኔንካ ሀዋ ኦላ፤ ደኡዋን ደእናሳ” ያጌዳ።

‡ 10:9 ጸሳ ካዉተላይ ህንተኮ ማቴዳ፡- ሀዋ ጉሳይ፤ “ጸሳ ካዉተላይ ሀዋን ዎይ ህንተንቱ ግደን ደኤ” ጉሳ። § 10:11 ባናካ ህንተንቶ ቆቆፊቶ፡- ሀዋ ጉሳይ፤ እጹዋ በሰያዋ። 10:11 ከታ 13:51 10:12 ደመላ 19:24-28፤ ማቶሳ 10:15፤ 11:24 10:15 አሳ. 14:13-15 10:16 ማቶሳ 10:40፤ ማር. 9:37፤ ሉቃስ 9:48፤ ዮሃ. 13:20 10:27 ዋጋ 19:18፤ ዛረ. 6:5

29 ሙሴ ህግያ ታማርሰያ ብታኒ ቃይ ባረና ጽሎ ኦላናዉ ኮዪደ የሱሳ፡ “ሆናሽን፡ ታ ላገላይ ኦኔ?” ያጊደ ኦቹዳ።

30 የሱስ ዛሪደ፡ “እት ብታኒ የሩሳላመፕ እያርኮ ቢደ ደእሸን፡ ኦግያ ቦላን ፓናቱ ኦ ደሚደ፡ ኦ ማዩዋ ቃርዋፕ ጉየ ሾጪደ፡ ሀይቃናዉ ፖሉ ጎደ ኦሊደ ቤድኖ።

31 ቆፕናን እት ቁሳይ ሄ ኦግያና ብደእያዌ፡ ሾጪቲደ ኩንዴዳ ብታንያ በኤዳ ዋደ፡ እያን ኦፍን ምይያና አዲደ ቤድ።

32 ሄዋዳንካ እት ሊዌ ሄ ኦግያና ብደኤ። እካ ብታንያ በኤደ፡ ምየት አዲዳ።

33 ሸን ሳማርያ አሳ ግዴዳ እት ብታኒ፡ ሄ ባገና አዲደ፡ ሀ ብታንያኮ ዬዳ። ኦ በኤዳ ዋደ አዉ ቃረቲዳ።

34 እኮካ ሸቂደ፡ ዛይትያን ዋይንያ ኤሳ \* ኦ ማይላን ትጊደ፡ ቃቹዳ። ሄዋፕ ጉየ ባረ ሀርያ ቶግሲደ፡ አማላይ አቅያ ጎልያ እክ ቤዳ፤ ሄዋን ብላዩደ ናጌዳ።

35 ዋንተላ ጋላስ ጉላ ብራ ባረ ኪሰያፕ ከሲደ፡ አማላይ አቅያ ጎልያ ጎዳዉ አሚደ፡ ሀ ብታንያ ታዉ ሎይላ ብላዩ፤ ሀዋፕ ዳሩዋ ኔን ከሶፕካ፡ ታን ሰምያ ዋደ ነዉ ጭጋና፡ ያጌዳ።

36 “ሰም ሀ ሄዙ አሳቱዋፕ፡ ፓናቱዋ ኩሽያን ሾጪቲደ ኩንዴዳ ብታነዉ፡ ላገ ግዴዳዌ ሀቃዋ ማላቲ?” ያጌዳ።

37 ህግያ ታማርሰያዌካ፡ “ሄ አዉ ቃረቶዋ” ያጌዳ።

የሱስካ ኦ፡ “ሰም ባደ ኔንካ ሄዋዳን ኦላ” ያጌዳ።

የሱስ ማርትነ ማይራም ሶይ ቤዳ

38 የሱስ ባረና ካልያዋንቱና ኦግያ ቢደ፡ እት ሄራ ጋርሳ ጋኬዳ። ሄዋን ማርቶ ጌተትያ እት ሞሽራታ ባረ ጎላን ሞካዱ።

39 እዘዉካ ማይራም ጌተትያ ሞቻታ ደእዉ፤ ሄናካ የሱሳ ገድያ ማታን ኡታደ፡ ኦ ኦድያዋ ሀይዛደ ደእዉ።

40 ማርታ ቃይ ሶይ ባገሳደ ዳቡራ ደእዉ፤ ሄዋ ድራዉ የሱሳኮ ሺቃደ፡ “ሆና ታ ሞቻታ፡ ኪታ ኡባ ታ ቦላ

ኦልና፡ ታን ታረካ ላባናደ ጸላደ ጮኤ ጋይ? ሆና ታና ማዳናዳን እዘዉ ኦዳ” ያጋዳ።

41 የሱስካ ዛሪደ እዘ፡ “ማርቱ፡ ማርቱ፡ ኔን ጮራ የዉዋ ቆፓደ ሀርጋ፤ ቃይካ መቶታ።

42 ሸን ኮሽያዌ እትባ፤ ማይራም ባረፕ ኦንን እከና ሎኦባ ደራዱ” ያጌዳ።

# 11

የሱስ ዋሳባ ታማርሴዳ (ማቶሳ 6:9-13፤ 7:7-11)

1 እት ጋላስ የሱስ እትሳን ዋሳ ዋሰ ደኤ። ዋሳ ዉርሶዋፕ ጉየ ኦ ካልያዋንቱፕ እቱ፡ “ጎዳዉ! የሃንሰ ባረና ካልያዋንታ ዋሳ ታማርሶዋዳን፡ ኑናካ ኔን ዋግ ዋሳነንቶ ታማርሳ” ያጌዳ።

2 እካ ኡንቱንታ፡ “ጸሳ ዋሲደ ያግ ዋሰተ፡

“ ሳሉዋን ደእያ ኑ አቦ፡  
ነ ሱንላይ እንጀቶ፤  
ነ ካዉተላይ ዮ፤  
ነ ሸኒ ሳሉዋን ሀናዋዳን ሳንካ ሀና፤

3 ጋላሳን ጋላሳን ኮሽያ ቁማ፡ ኑዉ ሀቹ እማ፤

4 ኑን ኑና ናቁዳዋንቱዋ፡ ኡባ አቶ ጎዋዳን፡ ኔንካ ኑ ናቁዋ አቶ ያጋ፤ ኑና ኢታፕ ናጋፕ አትን፡ ፓጭያን ገልሶፕ’ ያግተ” ያጌዳ።

5 ቃይካ የሱስ ባረና ካልያዋንታ፡ “ሀንተንቱፕ አቶ ሲቆ ላጊ ደእንቶ ግደ ብላሀያን አኮ ዪደ፡ ታ ሲቆ ላገዉ፡ ታዉ ሄዙ ሶሉዋ ታልእ፤

6 እያዉ ጎፕ፡ እት ታ ላገላይ ዪና ኦ ሞዝያዋ ላያድ’ ያግ ዋሴዳ ጎይተ።

7 ባረ ጎላን ደእያ ኦ ሲቆ ላጊ ሶይፕ ሃሳዪደ፡ ታና መቶላፕ፤ ፐንጊ ቃሸቲዳ፤ ታናናይካ ታናና ግሴድኖ፤ ሄዋ ድራዉ ታን ደንዳደ ነዉ አይነ አማናዉ ዳንዳይኮን ጋናዌ?

8 ታን ሀንተንቶ ኦድያዌ እዬ ጎፕ፡ ኦ አዉ ሲቆ ላግያ ግደ ድራዉ፡ አመነንቶኔካ ኡንኤሶ ድራዉ ኦ ኮይያዋ ኡባ እማ።

10:33 2 ኦዲዋ 28:15 \* 10:34 ዛይትያን ዋይንያ ኤሳ- ኦራላ ጫቁዋ ዋድያን ሀዋንቱ ላልያዋን ጌተቲደ እከቲኖ። ኡባ ሀዋን ጸፈቲዳ ዛይቲ፡ ኦራላ ላልያ ማላታ ጌተቲ። ያይ። 5:14 ጸልተ። 10:38 ዮሃ. 11:1

9 ሀዋ ድራሬ፡ ሞስተ፡ ህንተንቶካ እመታናዋ፤ ኮይተ፡ ደማንታ፤ ካርያ ዪደ ዴሰተ፡ ህንተንቶ ደየታናዋ፣ ያጋይ።

10 ጋሱካ፡ ዋሰያ ኡባይ እካናዋ፤ ኮይያ ኡራይካ ደማናዋ፤ ካርያ ዪደ ዴሰያ ኡራሬ፡ ፐንጊ ደየታናዋ።

11 “ህንተንቱ ግደፐ ባረ ናእው፡ ዋልያ ዋሰና ሾሻ፡ ቁማ እማ ጊና ሹቻ እምያ እዉ ደእ? ”

12 ዋይ ቁቁልያ ዋሰና ሱጉዋ እምዬ?

13 ህንተንቱ ኢታ ግድ ደእደ ህንተንቱ ናናዉ ሎኦባ እምያዋ ኤርፐ፡ ያትና ሳሉዋን ደእያ ህንተንቱ እዉ ባረና ዋሰያዋንቶ አያና ጌሻ ዋት ዳርሲደ እማንዴሻ?” ያጌዳ።

የሱሳን ብኤል-ዘቡላ

(ማቶሳ 12:22-30፤ ማር. 3:20-27)

14 እት ጋላሰ የሱሰ እት ብታንያፐ ዲድሰያ አያና ከሰዋፐ ጉየ ዲደ ብታኒ ሃሳዎ ደምና፡ አሳይ ማላለቱ።

15 ሸን ኡንቱንቱፐ እቱ እቱ፡ “ጋሌናቱዋ ካፑዋ ብኤል-ዘቡል እዉ ዋልቃ እምና ጋሌናቱዋ ከሴ” ያጌድና።

16 እቱ እቱ ቃይ የሱሳ ፓጫናዉ ሳሉዋፐ ማላታ በሳናዳን እፐ ኮዬድና።

17 ሸን የሱሰካ ኡንቱንቱ ቆፋ ኤሪደ ኡንቱንታ ሀዋ ያጌዳ፡ “ባረ ግደን ሻከትያ ካዉተላይ ኡባይ ቋያናዋ፤ ሻከትያ ጎሊካ ኩንዴ።

18 ያትና ሴዳና ካዉተላይ ባረ ግደን ሻከቶፐ አ ካዉተላይ ዋት ኤቃናዋ? ህንተንቱ ታና፡ ጸላህያ ካፑዋ ብኤል-ዘቡል ነዉ ዋልቃ እምና ከሳ፣ ያግ ሃሳዪታ።

19 ሰም ታን ብኤል-ዘቡላ ዋልቃን ጋሌናቱዋ ከሰያዋ ግደፐ ህንተንቱ ናናይ ኦ ዋልቃን ከሳናዋንቱ? ሀዋ ግድያ ድራሬ፡ ኡንቱንቱ ህንተንቱ ቦላን ፕርድያዋንታ ግዳናዋንታ።

20 ሸን ታን ጋሌናቱዋ ከሰያዋ ጸሳ ዋልቃና ግደፐ፡ ሰም ጸሳ ካዉተላይ ህንተንቱኮ ዬዳዋ ኤርተ።

21 “ዋልቃማ አሳይ በሰያዋዳን ምኒደ ባረ ጎልያ ናጎፐ፡ አ ሻሉ ሎይሰ ናጎታናዋ።

22 የዉዋን ቃይ እፐ ሞኑዋ ዳርያዋ ዪደ አ ቆሆፐን ጸናፐ እ እማነቲዳ ቶራን ጎንዳልያ እፐ ዋሌ እኪደ፡ እዉ ደእያ ሚሻ ግሸት እኪ።

23 “ታ ባጋ ግደናዋ ታናና ኤቀቲ፤ ታናና ሺሽ ቤናዌካ ላሌ።

ቱና አያናይ ካሰ የግ ቤዳ እሳኮ ሰሚደ ይያ ጋሱዋ (ማቶሳ 12:43-45)

24 “ቱና አያናይ እሳፐ ከሴዳ ዋደ፡ ባረዉ ሸምፕያ ሳ ኮዪደ፡ ሃላይ ባንታሳና እቲ ቤ። ሸምፕያ ሳ ደመናን አቶፐ፡ ታን ካሰ የጋ ከሴዳ ታ ጎልያ ሰማና፣ ያጌ፤

25 ሰምያ ዋደካ ጎሊ ፕተቲደ ጊጎዋ ደሜ።

26 ሄዋፐ ካላ፡ ቢደ ሀሪ እፐ ኢታ ላፑ ቱና አያናቱዋ እክ ያ ገሊደ፡ ሄዋን ደእኖ፤ ሄ ብታንያ ደኡ ኮይርዋፐ ካላዌ ኢቶዋ ግዴ” ያጌዳ።

27 የሱሰ ሀዋ ሃሳይ ደእሸን፡ እት ሞሽራታ ጮራ አሳ ግደፐ ባረ ኮሻ ቶቁ አላደ፡ “ኔና የሌዳዉናን ቋንጫዳ ነ ዳያ አንጀቲዳዉና” ያጋዳ።

28 የሱሰ ቃይ፡ “አንጀቲዳዋንቱ ጸሳ ቃላ ሰሲደ እዛዘትያዋንታ” ያግ ዛሬዳ።

ጸሳፐ ኦሰቶ ማላታ

(ማቶሳ 12:38-42፤ ማር. 8:12)

29 ጮራ አሳይ ሺቆ ዋደ የሱሰ፡ “ሀ የለታይ ኢታ፤ ኦራሳ ማላታ ኮዬ፤ ሸን ናብያ ዮናሳ ማላታፐ ሀሪይ እመተና።

30 ጋሱካ ዮናሰ ነነዌ ካታማ አሳዉ ማላታ ግደዋዳን፡ ታን፡ አሳ ናእይካ፡ ሀ የለታዉ ማላታ ግዳና።

31 አዋይ ሞክያሳ ጴልያ ዋደ፡ ኡሸቻ ዲገ ባጋና ደእያ ጋድያ ካታታ ሰሎሞንዉ ደእያ አቶ ኤራተሳ ሰሳናዉ ቢታ ገጸፐ ዬዳ ድራሬ፡ ፕርዳ ዋደ ሀ የለታን ደንዳደ ፕርዳናዉ፤ በእተ፡ ሰሎሞንፐካ አቶያዋ ሀዋን ደኤ።

32 ነነዌ አሳይ ፕርዳ ዋደ ህንተንቱ ቦላ ደንዲደ ፕርዳናዋንታ፤ አያዉ ጎፐ፡ ኡንቱንቱ ዮናሰ ኦደዋ ሰሲደ ባረንቱ ናጋራ ፓጽ ሰሚዳ ድራሳ፤ በእተ፡ ዮናሳፐ አቶያዋ ሀዋን ደኤ።

11:15 ማቶሳ 9:34፤ 10:25 11:16 ማቶሳ 12:38፤ 16:1፤ ማር. 8:11 11:23 ማር. 9:40 11:29 ማቶሳ 16:4፤ ማር. 8:12 11:30 ዮናሳ 3:4 11:31 1 ካታ. 10:1-10፤ 2 ኦዳዋ 9:1-12 11:32 ዮናሳ 3:5

ቦላ ፖእሰያ ጸምጥያ  
(ማቶሳ 5:15፤ 6:22-23)

33 “ሶይ ገልያ አሳው ፖአናዳን፡ ጸምጥያ ጸምጥደ ቋቃሳን ዋላና፡ አትን፡ ገማሳን ዋይ ፖኡዋ ካምያ የወዋጥ ጋርሳና ዋልያዌ ኦንነ ባዋ።

34 ነ አሳተላው ነ አይፊ ጸምጥያ ማላ፤ ነ አይፊ ፓጾ ግደጥ ነ ኩመንላ አሳተላይካ ፖኡዋ ደሚ፤ ሽን ነ አይፊ ሀርጎጥ ነ ኩመንላ አሳተላይካ ቋማ።

35 አኩካ፤ ሄዋ ግደያ ድራው፡ ነ ጋርሳን ደእያ ፖኡ ቋመናዳን ናገታ።

36 ሰም ነ አሳተላይ ኡባይ ፖኡዋን ኩሜዳዋ ግደጥ፤ ቋሚዳ አሳተላይ ኔናን ባይናዋ ግደጥ፡ ነ አሳተላይ ኡባይ፡ ጸምጥ ባረ ፖኡዋ ነ ቦላን ፖእሰያዋዳን፡ ነ ቦላን ዋጋጋ ፖኡዋ ግዳናዋ” ያጌዳ።

የሱስ ፓርሳዋቱዋን ሙሴ ህግያ ታማርሰያዋንታ ኩናኔዳ  
(ማቶሳ 23:1-36፤ ማር. 12:38-40፤ ሉቃስ 20:45-47)

37 የሱስ ሃሳያ ወርሶዋጥ ካላ፡ እት ፓርሳዌ ብታኒ ባረ ጎለን ቁማ ማናዳን አታሌዳ፤ የሱስካ እትጥ ገሊደ ጋይታን ኡቲዳ። \*

38 ፓርሳዊካ የሱሳ ቁማ ማናጥ ካሰያን ኩሽያ ሜጨት ቤናዋ በኢደ ማለለትና፡

39 ጎደይካ፡ “ህንተንቶ ፓርሳዋቶ፡ ጸኢነ ሻታ ቦላ ባጋ ጌሽታ፤ ሽን ህንተንቱ ጋርሳይ ኡዝያንነ ኢታተላን ኩሜዳ።

40 ህንተንቶ ኤያቶ! ቦላ ባጋ መዴዳዌ ጋርሳ መዴቤኔ?

41 ሽን ህንተንቱ ጸኢነነ ሻታ ጋርሳን ደእያዋ ህዬሳቶ እምተ፤ ሄ ዋደ ኡባይካ ህንተው ጌሻ ግዳናዋ።

42 “ሽን ህንተንቶ ፓርሳዋቶ፡ ህንተው አየ! አያው ጎጥ፡ አኑጋጥነ ጸሎትያጥ፡ አኑጥያ ዶኡዋጥ፡ ታሙ ኩሽያጥ እት ኩሽያ ጸሳው እሚታ፤ ሽን ቱሙ ፕርዳነ ጸሳ ሲቅያዋ ህንተንቱ አገታ። የወዋን ቃይ ሄዋ አገናን ሀዋ ኦላናዉ በሴ።

43 “ህንተንቶ ፓርሳዋቶ፡ ህንተው አየ! አያው ጎጥ፡ አይሁዳ አሳ ዋሳ

ጎለን ቦንቾ ኡቲዋ፡ ገያ ግደንካ ቦንቾ ሳርታ ኮዩታ።

44 “አሳይ ኤሪናን ቦላና ሀመትያ ቤተና ዲፋዋ ማላትያ ድራው ህንተው አየ!” ያጌዳ።

45 ሙሴ ህግያ ታማርሰያዋንቱጥ እቱ፡ “ታማርሰያዎ፡ ኔን ሀዋ ያጋ ሃሳዮ ድራው ኔና ቦራዳ” ያግ ዛራዳ።

46 የሱስ፡ “ህንተኛ ህግያ ኤርያዋንቶ፡ ህንተው አየ! አያው ጎጥ፡ አሳይ ቶኪደ ዳንዳየና ዴጾ ቶኩዋ ሀራ ቶሲታ፤ ሽን ህንተንቱ ህንተ ሀጸው ብራድያንካ ቦቾክታ።

47 “ህንተንቱ አዎቱ ዋዴዳ ናባቱዋ ዲፋዋ ሎይልያ ድራው ህንተው አየ!

48 ሰም ህንተንቱ አዎቱ ናባቱዋ ዋድና፡ ህንተንቱ አንቱንቱ ዲፋዋ ቦላን ጎልያ ኬጾያ ድራው፡ ናባቱዋ ኦሱ ሎአ ያጌደ፡ አንቱንቱዋ ማርካቲታ።

49 ሀዋ ድራው፡ ጸሳ አቋ ኤራተላይ፡ ታን ናባቱዋን የሱስ ኪቶዋንታ አንቱንቱኮ ኪታና፤ አንቱንቱካ ሄዋንቱጥ እቱዋ እቱዋ ዋዳናዋንታ፤ እቱዋ እቱዋ መቶላናዋንታ ያጌዳ።

50 ሀዋ ግደያ ድራው፡ ሀ አላሚ መቶደጥ ደሚደ ጉኬዳ ናባቱዋ ሱላው ሀ የለታይ አሸቱ።

51 አቤላጥ ደሚደ ያርሹዋሳጥነ ጌሻ ጎልያጥ ግዲዋን ጉኬዳ ዛካራሳ ሱላ ጋካናው ኮየቱ። † ኤ! ታን ጋይ፤ ሀ የለታይ ሀዋ አሸትያዋ።

52 “ህንተንቶ ሙሴ ህግያ ኤርያዋንቶ፡ ህንተው አየ! አያው ጎጥ ኤራ ጥንግያ ደይያ ቁልጥያ አኬድታ። ህንተንቱ ህንተ ሀጸውካ ገልበይክታ፤ ቃይ ገላናዉ ኮይያዋንታካ ድጌድታ” ያጌዳ።

53 የሱስ ሄዋጥ ከሶዋጥ ጉይያን፡ ህግያ ታማርሰያዋንቱን ፓርሳዋቱ አ ኦሻን ኡርጉንሉሳነ ኤቁቱሳ ደሚድና።

54 አ ደናጥ ሎኤናባይ ከሶጥ አይቃናዉ ጌዲና፤ ሽን ደምበይክና።

# 12

ሎአ ማላትያ ኢታተላጥ ናገታና ማላ ሴራ  
(ማቶሳ 10:26፤ 27)

\* 11:33 ማቶሳ 5:15፤ ማር. 4:21፤ ሉቃስ 8:16 ጉሳ። 11:42 ዋጋ 27:30 † 11:51 አይሁዳቱዋ ማጻፋቱዋ ጋርሳን ደመላ ማጻፋይ ኮይር ማጻፋ። አካ፡ አቤል አሳ ኡግጥ ኮይራዋን አሻይ አ ዋዴዳዋ ኦዳ። አይሁዳቱዋ ጌሻ ማጻፋቱዋን ወርሰላ ማጻፋይ ላኤንልያ ኦዲዋ ማጻፋ። ሄ ማጻፋን ዛካራሰ ወርሰላን ሀይቁዳዋ ኦድያ ድራሳ ሉቃስ አቤላጥ ዛካራሳ ጋካናዉ ጌዲቹ።

1 ሄ ዋድያን ጮራ ሻኢን ፓይደትያ አሳይ እቱ እቱዋ የጻፈ ጋካናው ሺቅ ደእሸን፣ የሱስ ባረና ካልያዋንቶ ኮይሮ ኦዳናው ደሚደ፣ “ፓርሳዋቱዋ እርሹዋፕ ርገትቱ፤ ሀዌካ ሎኦ ማላትያ ኤንቱንቱ እምያ ኢታ ትሞርትያ።

2 ሸን እያንከ ካመቲዳ የወ ቆንጫያ ከሰናን አተና፤ ቃይካ ጌሜዳ የወ ኤረተናን አተና።

3 ሄዋ ድራው ሀንተ ጳማን ሃሳዮዌ ኡባይ፣ ጋላስ ፖኤዋን ሰሰታናዋ፤ ሀንተንቱ አሳይ ባይናሳን ሀን ግሶ ጎልያን ሀይላን ሳሱኮዌ ኡባይ ጶቁ ጌዳ ሰሰትያ ቆንጨሳን አዋየታናዋ።

እት ጸሳ ጸላላው ያያና በሴ (ማቶሳ 10:28-31)

4 “ታናዳን አማንያዋንቶ፣ ታን ሀንተው ያጋይ፤ ሀእ አሹዋ ዋድያዋንታ፣ ሄዋፕ ካሳ ቃይ እያን ኦላናው ዳንዳየናዋንታ ያዮፕተ።

5 የወዋን ቃይ ሀንተንቱ ኦሰ ያያናው በሰንቶ ታን ሀንተንታ ኤርሳና፤ ሄዌካ ዋድዋፕ ጉይያን ጋናምያን ኦላናው ማታይ ደእያ ጸሳ ጸላላው ያይተ፤ ኤ፣ አወ ያይተ ያጋይ።

6 “አቼሹ ሱንያ ካፋቱ ሳንትምያን ሻመትክኖየ? ሄዋንቱፕ አትናን ኡሳ ጸሳይ ደገና።

7 ሸን ሀራይ እቶ ሀንተንቱ ሁጺያን ደእያ ብናናይ ኡባይካ ፓይደቲዳዋ፤ ሀዋ ድራው ያዮፕተ፤ ሀንተንቱ ጮራ ሱንያ ካፋቱዋፕ ዳሪታ።

የሱሳን አማንያዋንታን አ እጽያዋንታ (ማቶሳ 10:32፣ 33፤ 12:32፤ 10:19፣ 20)

8 “ታን ሀንተው ኦዳይ፤ ታባ አሳ ሰንላን ማርካትያዋ ኦሰን ታንካ አሳ ናአይ፣ ቃይ ጸሳ ኪታንቻቱዋ ሰንላን ማርካታና፤

9 ሸን አሳ ሰንላን ታና ካድያዋንታ ታንካ አሳ ናአይ፣ ቃይ ጸሳ ኪታንቻቱዋ ሰንላን ካዳና።

10 “ታ ቦላ፣ አሳ ናአ ቦላ፣ ቦርያ ቃላ ሃሳይያዌ ደኦፕ አ ናቁ አቶ ጌተታና፤ ሸን ጌሻ እያና ቦላ ቦርያ ቃላ ሃሳይያዌ ደኦፕ ቃይ አ ናቁ አቶ ጌተተና።

11 “አሳይ ሀንተንታ አይሁደ ዋሰያ ጎልያኮ፣ ጋድያ አይሰያዋንቱኮን ማታይ ደእያዋንቱ ሰንላ ፕርዳው ሺሸያ ዋይ፣ “ዋግ ዛራኔሻ? ዋይ እያ ጌደ ሃሳይኔሻ? ያጌደ ሀርሳፕተ፤

12 እያው ጎፕ፣ ሀንተና እያና ጌሻይ ሀንተንቱ ሄ ሳትያን ሃሳያናው በሰያባ ታማርሳናዋ” ያጌዳ።

ዱረ ብታንያ ቦዛተላ ኦድያ ሌምሱዋ

13 አሳ ጋርሳፕ እት ብታኒ የሱሳ፣ “ታማርሰያዋ፣ ኑ እቡ ሀይቁና ኑን ላታና ማላ አቲዳባ፣ ታው ግሻና ማላ ሀያ ጎደ ታ እሻው ኦዳ” ያጌዳ።

14 የሱሰ ቃይ፣ “ሀ ብታንው፣ ሀንተንቱ ቦላን ፕርድያዋ ግዳናዳን ሄዋ ሀንተው ግሻናዳን ታና ኦኔ ሱንሴዳዌ?” ያጌዳ።

15 ጉጂደካ ኡባቲዋ፣ “አሳ ሸምፖ ሻሉዋ ዱረተላይ ደኡዋ እመና ድራው፣ ያረትያዋፕኮን የራትያዋፕ ርገትቱ፤ ዱረተላ እመዋ ኡባፕካ ሀንተና ናግተ” ያጌዳ።

16 ካሊደካ ሀዋዳን ያግ ሌምሱዋ ኤንቱንቶ ኦዳዳ፣ “አወ ደእያ ቢታይ ዳርሲደ ካላ ሞኬዳ እት ዱረ ብታኒ ደኤ።

17 ሀ ብታኒ፣ “ታው ታ ካላ ዋላናው ግድያ ሳአይ ባንታዋ ድራው እያ ኦላሻ?” ያጌደ፣ ባረ ዋዛናን ቆፔዳ፤

18 ሀዋዳን ያግ ማሌዳ፣ “ታን ዋታን ጎፕ፣ ታው ደእያ ዩሰያ ኮላደ፣ ሀራ ኦክያ ዩሰያ መጻፍ ያጌደ ማሌዳ፣ ሄዋን ታ ካላን ታው ደእያ ሚሻ ኡባ ዋላና።

19 ያታደ ታና፣ “ኅ ካጫይ ዳር ሎኦኒ ነዉ ዳር ዋድያው ግድያ ማጺዋ ሺሻዳ፤ ሰም ሸምፓደ ማ፣ ኡሻ፣ ናሸታ” ጋና ያጌዳ።

20 “ሸን ጸሳይ አ፣ ‘ሀ ቦዛው፣ ሀቼ ቃማ ኔን ሀይቃ። ያትና ሀ ኔን ሺሹዳ ማጺ ኡባይ ኦሰ ግዳናዌ?’ ያጌዳ።

21 “ባረው ቢታ ቦላን ሻሉዋ ሺሸያዌ፣ ጸሳ ሰንላን ቃይ ማንቆ ግዴዳ አሳይ ሀ ብታንያ ማላ” ያጌዳ።

ኡባ ዋደ ጸሳን አማንቱሳ ኮሺ (ማቶሳ 6:25-34)

22 ሀዋፕ ካሳ የሱሰ ባረና ካልያዋንታ፣ “ሀዋ ድራው፣ ታ ሀንተው ኦዳይ፣ ሀንተንቱ ፓጸ ደእናው

አያ ማኔ? ህንተንቱ ቦላው አያ ማያኔ? ያጊደ ሀርሳጥተ።

23 “ጋሱካ፣ ሸምቸ ቁማጥ፣ ቃይ አሳተሳይ ማዩዋጥ አፍኔ?”

24 እነ ቁራቱዋ ጾልተ፤ አንቱንቱ ዘርክኖ፤ ጫክክኖ፤ አንቱንቶ ካላ ሸሽያ ሳኦይ ዋይ ዬሲ ባዋ፤ ሀኖጥ አትን፣ አንቱንታ ጸሳይ ምዜ፤ ህንተንቱ ካፋቱዋጥ ዳርጥ ዳርክቱ?

25 ህንተንቱጥ ዳሪ ቆጥደ ዳር ዋድያ ደአናው ዳንዳይያዋ ኦኔ?

26 “ሰም ህንተንቱ ሀ ላፋባ አላናው ዳንዳየናዋንታ ግደጥ አያው ሀራባው ሀርገቱቱ?”

27 ጨሻቱ ዋት ድጨኖንቶ እነ ጾልተ፤ አንቱንቱ ኪታን ዳቡርክኖ፤ ጥቱዋ ሱቁክኖ፤ ግደ ሸን ታን ህንተው ኦድያዋ፣ ሶሎሞን ሄዋ ከና ቦንቼቲዳዋ \* ግዲደ፣ ሄ ጨሻቱዋጥ አቱዋ ማላነ ማይቤና።

28 ህንተንቶ ላፋ አማኑ ደእያዋንቶ፣ ያቶጥ ጸሳይ ሀቼ ቤቲደ፣ ዋንት ታማን ኤጻናው አለትያ፣ ደንባን ዶልያ ማታ ሀዋዳን ማይዘያዋ ግደጥ፣ ህንተንታ ዋቲደ አንቱንቱጥ አሊደ ማይዘኔ?

29 “ሀዋ ድራው፣ ‘አያ ማኔ? አያ ኡሻኔ?’ ያጊደ ኡባ ዋደ ኮዮጥተነ ሀርሳጥተ።

30 አያው ጎጥ፣ ሀዋ ደማናው ሀ አላምያን ደእያ ጸሳን አማነተና አሳይ ሀርገቱቱ። ህንተንቶ ሀዋ ኡባይ ኮሸያዋ ሳሉዋን ደእያ ህንተንቱ አው ኤራ።

31 ሄዋ ሀንያዋ አጊደ፣ ጸሳ ካውተላ ኮይተ፤ እ ህንተንታ ኮሸያዋ ኡባ አማናዋ።

ሳኦን ባረ ዱረተላን አማነቶዌ ሳሉዋን ዋኒ? (ማቶሳ 6:19-21)

32 “ህንተንቱ ጉላ ግድንቶን፣ ሳሉዋ ህንተንቱ አው ባረ ካውተላ ህንተንቶ አማናው ናሸቲዳ ድራው ያዮጥተ።

33 “ህንተው ደእያዋ ዛልኢደ ማንቆ አምተ፤ ካይሱ ሸቀናሳን፣ ብልአይካ ማናሳን፣ ሳሉዋን ዉረና ሚሻ ዳጋዪደ፣ ኤጨና ቃርጭታቱዋ ህንተንቱ ሀጸው ዋሰተ።

34 አያው ጎጥ፣ ህንተንቱ ዋዛናይ ህንተ ሚሻይ ደእያ ሳን ደአናዋ።

ምኖ ኦሳንቻ 35 “ህንተ ጸሳይ ዳንጨቶዋ፣ ህንተ ጸምጥካ ፖኤዳዋ ግደ።

36 ህንተንቱካ፣ ባረንቱ ጎዳይ ዪደ ጥንግያ ቆጵያ ዋደ፣ ኤለካ ደያናው ቡላቻጥ ሰማና ጋካናው ናግያ ኦሳንቻቱዋ ማላትተ።

37 ባረንቱ ጎዳይ ሶይ ዬዳ ዋደ ቤጎት ደአሸን ደምያ ሄ ኦሳንቻቱ አንጀቲዳዋንታ። ታን ቱሙዋ ጋይ፤ እ አንቱንታ፣ ‘ኡትተ’ ጊደ፣ ባረ ዳንጨዋ ምንሲደ አንቱንቶ ቁማ አሊደ ሸራዋ።

38 ጎዳይ ሄካ ብላህያን ዋይ ሄካ ብላህያጥ ካላ ዬዳ ዋደ፣ ቤጎቲደ ገንጭ ናጊደ ቤትያ ቆማቱ አንጀቲዳዋንታ።

39 ሀዋ ቃይ ኤርተ፤ ካይሱ አይ ሳትያን ይንቶ ጎልያው ኤርንቶ፣ ጎሊ ቦከትያ ዋደ ጮኡ ጊደ ጸለናሸን።

40 አሳ ናአይ ቆጥና ሳትያን ያናዋ፤ ህንተንቱ ገገት ናግተ” ያጌዳ።

41 ጳጵርሰካ “ጎዳው፣ ሀ ሊምሱዋ ኔን ኦድያዋ ኑ ጸላላሴ ሀራ ኡባውካ አትጥ ኦዳይ?” ያጌዳ።

42 ጎዳይካ፣ “ሰም አንቱንቱ ባረ ሶይ አሳው ቁማ አማናው በሰያ ሳትያን አማና ማላ፣ እ ጎዳይ ሱንላያ አማነቲዳን ኤራንቻ ምዘያ ቆማይ ኦኔ?” ያጌዳ።

43 ጎዳይ ሰምያ ዋደ ሀዋዳን ኪተቲና ደምያ ቆማይ እ አንጀቲዳዋ።

44 ታን ህንተው ቱሙዋ ኦዳይ፤ ደእያ ማጺዋ ኡባ ቦላን እ ሱንላናዋ።

45 የውዋን ቃይ ሄ ቆማይ፣ “ታ ጎዳይ ኤለ ዬና፤ ጋምአናዋ” ያግ ባረ ዋዛናን ቆፖጥነ አቱማን ማጫ ቆማቱዋ ሸቻ ደሞጥ፣ ቃይካ ኮዮዋዳን ሙሳነ ኡሻ፣ ማላቱሳካ ደሞጥ።

46 ሄ ቆማ ጎዳይ፣ እ ቆጥና ጋላሰነ ሰድቤና ሳትያን ያናዋ፤ ሄ ዋድያን እ ቃንጸራሊደ፣ እ ግሹዋ ካጫካ አማነናዋንቱና እትሳ ኡዳናዋ።

47 ባረ ጎዳ ሸንያ ኤሪደ ገገናዌን እ ሸንያዳን ኪተተና ቆማይ፣ እ ኢታ ጶኦባ ጶኦባታናዋ።

\* 12:27 ሶሎሞን ሄዋ ከና ቦንቼቲዳዋ- አይሁዳ አሳይ ሶሎሞን ባረ ደኤዳ ላይላ ኡባን ዳር ዱረተላን ደኤዳ ጊደ ቆጥኖ። 12:27 1 ካታ. 10:4-7፤ 2 ኦዲዋ 9:3-6 12:35 ማቶሳ 25:1-13 12:36 ማር. 13:34-36 12:39 ማቶሳ 24:43፣ 44

# 13

48 ኤርቤናዊ ቃይ ጴጥሎስናው በሰያዋ አሌዳዊ፡ ጉላ ጴጥሎስ፡፡ ዳርባይ እመቴዳ እሳ ኡባ፡፡ አፕ ዳርባይ ኮዮቴ፤ ዋልቃማ ሀዳራይ እመቶዋ፡፡ አፕ ዳርባይ ኮዮቴ፡፡

49 የሱስ፡ “ታን ዬዳዌ፡ ሀ ሳአ ቦላ ታማ ሳላናሳ፤ ሀእካ ኤዴደንቶ፡ ታና አይ ኬና ናሽቻናዊሻ፡፡

50 ታን ጸማቃታና መቼዋ ጽንቃታይ ፖለታና ጋካናወ ዋናደ ኤንኤታይታ!

51 ሀ ሳአ ታን ዬዳዌ፡ ሳርተላ አሀናሳ ማላቲዬ? ሀንተዉ ማላቶ?፡፡ ታን ዮዌ፡ ሳርታዉ ግደናን ሻካናሳፕ አትን፡፡

52 አያዉ ጎፕ፡ ሀእፕ ደምና እት ጎልያን ደእያ አቼቹ አሳቱ ሻከታናዋንታ፤ ሄዛቱ ላአቱዋ ቦላ፡ ላአቱካ ሄዛቱዋ ቦላ ደንዲደ ዋላቃታናዋንታ፡፡

53 አዉ ናአ ቦላ፡ ናአይካ አዉዋ ቦላ፡ አታ ናት ቦላ፡ ናታካ አት ቦላ፡ ቦሎታታ ናአ ማኝ ቦላ፡ ናአ ማቻካ ቦሎታት ቦላ፡ ዋላሳን ደንዲደ ሻከታናዋንታ” ያጌዳ፡፡

ዋድያ ሀኖታ ኤሩዋ (ማቶሳ 16:2-3)

54 ቃይካ የሱስ አሳዉ፡ “አዋይ ዉልያ ባጋና ሀንተ ሻርያ በአ፡ ሀእ ሀ ሳትያን ሄኮ ዋልቃማ እራይ ቡካና ሀኔ” ያጌታ፤ ቱሙካ ቃይ ቡኩ፡፡

55 ዱገ ባጋና ጫርኩ ጫርኩደ፡ ሳቼ ሻማናዋ” ያጌታ፤ ጌተቶዋዳንካ ቃይ ሀኔ፡፡

56 ሀንተኖ ሎአ ማላትያ ኢታቶ፡ ሳእነ ሳሉዋ ጴሊደ፡ ሀናናዋ ኤሪታ፤ ሸን ሀ ዋድያባ ዋት ኤራናዉ ዳንዳይክቲ?

ሰጋተላባን ሞቱዋባ (ማቶሳ 5:25-26)

57 “ዋደ ሀንተንቱ ጽሎ ግዴዳ የዉዋ ሀንተንቶ አያዉ ፕርድክቲ?

58 ነ ሞርክያና እትፕ ፕርድያ ዳና ሰንላን ሺቃናዉ ቦደ፡ ብር ኦግያ ቦላ ደእሸን ሰገታ ድጋ፡፡ ሄዌ ቆየፕ ኔና ጎቼደ ፕርድያ ዳናኩ አፋና፤ ዳናይካ ፖልሰዉ አላ እማናዋ፤ ፖልሲ ቃሾ ጎላን የጋናዋ፡፡

59 ታን ነዉ አድያዌ፡ ዉርሰላ አጩዋ ጭጋና ጋካናወ ሄዋፕ ከሳካ” ያጌዳ፡፡

ናጋራፕ ሰመና ኡባይ ቆያና

1 ሄ ዋድያን እት እት አሳቱ የሱሳኮ ዪደ ጽላጸሰ ጋሊላ አሳ ዋዲደ አንቱንቱ ሱላ ያርሹዋና እትፕ ዋላኬዳዋ አዉ ኦዴድኖ፡፡

2 የሱሰካ ዛሪደ፡ “ሀዋንቱ ጋሊላ አሳቱ ሀይቄዳ ድራዉ፡ ያትና ኤንቱንቶ ሀራ ጋሊላ አሳ ኡባፕካ አዲደ ናጋራንቻቱዋ ግደዋንታ ማላቲኖ?

3 ታን ያጋይ፡ ሀዋዳን ግደና፤ የዉዋን ቃይ ሀንተ ናጋራ ፓጺደ ናጋራፕ ሰመናን እጸ፡፡ ሀንተንቱ ኡባቱካ ሄዋዳን ሀይቄታ፡፡

4 ዋይ ሳልሆማ ግምቢ ኤንቱንቱ ቦላ ኩንዲደ፡ ዋዴዳ ታማነ ሆሰፕን አሳቱዋ የሩሳላመን ደእያዋንቱ ኡባፕ አዲደ ናቆዋንታ ማላቲኖ?

5 ሀዋዳን ግደና ያጋይ፤ የዉዋን ቃይ ናጋራ ፓጺና ቆየፕ ኡባቱካ ሀዋዳን ባያንታ” ያጌዳ፡፡

6 የሱሰካ ሀዋዳን ያግ ሌምሱዋ ኦዴዳ፡ “እት ብታነዉ ዋይንያ ቱራ ጎሻ ጋደን ቶኩቴዳ ባላሰያ ጌተትያ አይፊ ሜተትያ ሞላታ ደእዉ፤ ሄ ብታኒካ ሞላታ አይፋደንቶነ ጊደ ዬዳዌ፡ አይኔካ አይፍያ ደምቤና፡፡

7 ዋይንያ ቱራ ናግያዋ እ፡ ታን ሀ ባላሰያ ጌተትያ ሞላትፕ አይፍያ ደማናዉ ሄኮ ላይላ ሰመርታደ አያነ ደማባይከ፡፡ ሄዋ ድራዉ ደካ ደንላ ድጋ፤ አያዉ ቢታ ጮ መልሳይ?” ያጌዳ፡፡

8 ናግያዊካ ዛሪደ፡ ሳዳዉ፡ ታን እ ዩሹዋ ሀሩማናዉን ፕቱዋ ኦላናዉ፡ ሀ ላይላ ጸላላዉ ባሻ፡፡

9 ሰንላዉ አይፎፕ ሎአ፤ ሸን አይፈናን እጸፕ ደከቱ” ጌዳ” ያጌዳ፡፡

የሱስ ቁና ሞሽራቶ ሳምባታ ጋላሳ ፓሌዳ

10 የሱሰካ እት ሳምባታ ጋላሰ አይሁዳ ዋሳ ጎላቱዋፕ አቱዋን ታማርሰ ደኤ፡፡

11 ሄዋንካ ታማነ ሆሰፕን ላይላ ኩመንላ ቱና አያናይ ቁንሴዳ ሞሽራታ ደእዉ፡፡ እዛካ ሱራደ ኤቃናዉ አይነ ዳንዳያባይኩ፡፡

12 የሱሰካ እዘ በኤዳ ዋደ ጴሲደ፡ “ሀ ሞሽራቱ፡ ነ ሀርግያፕ ፓጺዳ” ያጌዳ፡፡



13 የሱስ ባረ ኩሽያ እዝ ቦላ ዋልና፤ ሄ ዋይ ሱራ ሰት ጋ ኤቃደ ባረ ጸሳ ጋላታዲ።

14 ሽን እይሁዳ ዋሳ ጎላ ካቸ ቃይ የሱስ ሳምባታን ፓፌዳዋ ድራው ሀንቀት ዛርዋሽን አሳቱዋ። “ኪተታናው በሰያ ኡሱቸን ጋሳሳቱ ደኢና፤ ሄ ጋላሳቱን ዪደ ፓጽተፕ አትን ሳምባታን ግደና” ያጌዳ።

15 ጎዳይካ ዛሪደ፡ “ሀ ሎኦ ማላትያ ኢታ አሳቶ፤ ሀንተንቱፕ አቱካ ሳምባታ ጋላስ ቦራ ማጋዲዋፕ ዋይ ሀርያ ጋጸታፕ ብሊደ ሃሳ ኡሻናው አፈኔ?”

16 ሀና አብራሃሞ ያራ ግዴዳውና፡ ታማነ ሆሰቸን ላይላ ኩሙንሳ ጸላሂ ቃቹዳውና ሳምባታ ጋላስ ሄ ቃሹዋፕ ብለታናው በሰኬ?” ያጌዳ።

17 ሀዋ ኦዴዳ ዋይ ኤቃትያዋንቱ ኡባይ ዬላቴድና፤ አሳይ ኡባይ ቃይ እ ኡፌዳ ማላልሰያ ኡሱዋን ኡባን ናሽቴድና።

ሳናፍጭያ አይፍያ ዘረላ ሊምሱዋ

18 የሱስካ፡ “ጸሳ ካውተላይ አያ ማላቲ? እ አያ ማላትንቶ፤ ታን ሀንተንታ ዋታ በሶ?”

19 ጸሳ ካውተላይ ሳናፍጭያ ጌተትያ ቁር ሞላት አይፍያ ማላቲ። ሄ ሞላት አይፍያ አሳይ አኪደ ጎሻ ጋርሳን ዘራዳ፤ ዘረቶና ድጫደ ዋጋ ሞላ ግዳዲ፤ ያትና ሳሉዋ ካፋቱካ እዝ አጫ ቦላ ባረንቶ ጎልያ ኬጼድና” ያጌዳ።

እርሹዋ ሊምሱዋ (ማቶሳ 13:33)

20 የሱስካ ዛሪደ፡ “ጸሳ ካውተላይ አያ ማላትንቶ፤ ታን ሀንተንታ ዋታ በሶ?”

21 እት ምሽራታ ሄዙ ከርያ ጳልያ አካደ፡ ሙናቁዳ ሙናቃይ ኡባይ ደንዳና ጋካናው፡ እን ትጌዳ እርሹዋ ማላቲ” ያጌዳ።

ኡንኦ ፕንግያባ (ማቶሳ 7:13፣ 14፣ 21፣ 22)

22 ሄዋፕ ካላ የሱስ የሩሳላሙ ቢደ፡ ዋጋ ካታማንነ ቁር ካታማን ደእያ አሳ ታማርሲደ አዴዳ።

23 ሄ ዋይ እት ብታኒ ሸቂደ አ፤ “ሳዳው፡ ጸሳ ፕርዳፕ አትያዋንቱ ጉላ አሳ ጸላሌ?” ያጌዳ።

ሄዋፕ ጉየ የሱስ አንቱንታ፡

24 “ታን ሀንተንቶ ኦዳይ፤ ኡንኦ ፕንግያና ገላናው ባጸትተ። ጮራ አሳይ ገላናው ኮዪና፤ ሽን ዳንዳይበይክና።

25 ጎልያው ደንዳደ፡ እፍላ ቃቸዋፕ ጉየ ሀንተንቱ ካረን ኤቂደ፡ ሳዳው፡ ጎዳው፡ ኡው ደያርኪ” ያጌደ ጸሳ ደምያ ዋይ፡ እካ ዛሪደ፡ ሀቃፕ ዬድተንቶ፡ ታን ሀንተንታ ኤርከ” ያጋናዋ።

26 “ሄ ዋይ ሀንተንቱ፡ ሉን ኔናና አትፕ ሜዳ፤ ኡሼደ፤ ኔን ኑ ሄራንካ ታማርሳዳ” ያጋናዋንታ።

27 “የሱስ ቃይ፡ ታን ሀንተንቶ ኦዳይ፤ ሀንተንቱ ሀቃፕ ዬድተንቶ፡ ታን ሀንተንታ ኤርከ፤ ኡባቱካ ማካላንቻቱ ታ ማታፕ ሃክተ” ያጋናዋ።

28 “አብራሃሞ፡ ይሳቅ፡ ያቆብነ ናባቱ ኡባይ ሀንተንቱ ካረን ኤቂሽን፡ ጸሳ ካውተላን ደእያዋንታ ሀንተንቱ በእያ ዋይ፡ ሀንተንቶ ዬኮነ አቻ ጳቁዋ ግዳናዋ።

29 “አሳይ አዋይ ደልያሳፕነ ዉልያሳፕ፡ ቃይ ክልባጋፕነ ሀርክባጋፕ ዪደ፡ ጸሳ ካውተላ ጋይታን ኡቲና።

30 በአተ፤ ጉየቴዳዋንቱ፡ ሰንላታናዋንታ፤ ሰንላቱዳዋንቱ ቃይ ጉየታናዋንታ” ያጌዳ።

የሱስ የሩሳላሙን ኦፊዳባ (ማቶሳ 23:37-39)

31 ሄ ዋይ ፓርሳዋቱዋፕ እቱ እቱ የሱሳኮ ዪደ፡ “ሄሩድስ ኔና ዋቆናው ኮይያ ድራው፡ ሀዋፕ ባ ድጋ” ያጌድና።

32 የሱስ ዛሪደ፡ “ቢደ ሄ ዋራካናው፡ ሀቻን ዋንት ኢታ እያናቱዋ ከሳና፤ ሀርጋንቻቱዋካ ፓሳና፤ ሄዘንሎ ጋላስ ታ ኡሱዋ ዉርሳና” ያግተ።

33 ሀናፕ አትን ናቢ የሩሳላሙፕ ሀራሳን ሀይቃናው በሰና ድራው፡ ታን ሀቻ፡ ዋንትነ ዋንትፔሽ ኦግያ ቦላ ደእናው በሴ።

34 “የሩሳላሙ ካታማ አሳው፡ የሩሳላሙ ካታማ አሳው፡ ናባቱዋ ዋቂያዋንቶ፡ ሀንተንቱኮ ኪተቶዋንታ ሹቻን ጫድያዋንቶ፡ ኩታታ ባረ

13:14 ከሳ 20:9፣ 10፤ ዛረ. 5:13፣ 14 13:27 ማዝ. 6:8 13:28 ማቶሳ 22:13፤ 25:30፤ 13:28፣ 29፤ ማቶሳ 8:11፣ 12 13:30 ማቶሳ 19:30፤ 20:16፤ ማር. 10:31

ማራቱዋ ባረ ቀፍያፕ ጋርሳና ሺሻ ሀጽያዋዳን፤ ታን ህንተንቱ ናና እት ጋድያ ሺሻናዉ እፑ ገደ ኮያድታ! ሽን ታና ድጌድታ።

35 በእተ፤ ጸሳይ ህንተንቱ ጎልያ አይነ ኦልቤና፤ ታን ህንተንቶ ያጋይ፤ ህንተንቱ፤ ጎዳ ሱጎላን ይያዌ እንጀቱዳዋ፣ ጋና ጋካናዉ፤ ታና በእክታ” ያጌዳ።

### 14

የሱስ ሀርጋንቻ ሳምባታን ፓሌዳ  
1 ሳምባታ ጋላስ ፓርሳዋቱዋ ሱጎላቱዋፕ እቱዋ ጎላ የሱስ ቁማ ማናዉ ገሌዳ ዋደ፤ እያ ኪተትንቶ በእናዉ አሳቱ ናግ ደኢኖ።

2 ቦላይ ጋፍና መቶትያ እት ብታኒ የሱሳፕ ሰጎላና ደኤ።

3 የሱስ ሀግያ ታማርሰያዋንታን ፓርሳዋቱዋ፤ “ሳምባታን ፓላናዉ ዳንዳየት ዳንዳየተኔ?” ገደ ኦቹዳ።

4 ኡንቱንቱካ ጮኡ ጌድኖ። እ ሄ ብታንያ ቦላ ቦቶ ፓሊደ አ ሞይዜዳ።

5 የሱስ ኡንቱንታ፤ “ህንተንቱፕ ሀሪ ዋይ ቦራይ ኦላን ኩንድንቶ፤ ሳምባታ ገደ ኤሌል ከሰናዌ ኦኔ?” ጌዳ።

6 ኡንቱንቱካ ሀ የዋ እት ዛራዋን እማናዉ ዳንዳይበይከኖ።

#### እሸከተላባ

7 የሱስ ሾቡቶዋንቱ ቦንቾሳ ድርያ ዋይ ጼሊደ፤

8 “ኡንነ ቡላቻ ጸሶፕ፤ ቦንቹቱዳሳን ኡቶፓ፤ ኦን ኤር ኔፕ አሊደ ቦንቹቶዋ ጸሰቱዳዋ ግዳናዋ።

9 ኔናነ እነ ጸሳዋ ዪደ፤ ሀዋ፤ ኡቱዋ አዉ ዬዳ፣ ያግና፤ ሄ ዋድያን ዬላታደ ጸደና ደእያ ሳን ኡቱዋ ደማሳ፤

10 የዉዋን ቃይ ኔን ጸሴቶ ዋደ ኔና ጸሶዌ ዪደ፤ ታ ላገዉ፤ ክል ጶቃሳን ኡታ፣ ጋና ማላ፤ ባደ ኡባፕ ሆካሳን ኡታ፤ ሄ ዋደ ኔናና እት ስቱዳዋንቱ ኡባቱዋ ሰጎላን ነዉ ቦንቹ እመታናዋ፤

11 ባረ ሁጲያ ጶቁ ኦላያ ኡባይ ቶሽታናዋ፤ ባረ ሁጲያ ቶቶያዋንቱ ጶቁ ገኖ” ያግ ሌምሱዋ ኡንቱንቶ ኦዳዳ።

12 የሱስ ባረና ጸሴዳዋ ዛሪደ፤ “ኔን ላጸ ዋይ ካዉዋ ጊግሴዳ ዋደ፤ ነ ላገላቱዋ ዋይ ነ እሻቱዋ ዋይ ዱረ ነ

ሾራቱዋ ጸሶፓ፤ እያዉ ጎፕ፤ ኡንቱንቱ ኔና ባረንቱ ታራን ጸሴደ ኩሽያ ጭጋና ዳንዳዪኖ።

13 ሽን አታልያባ ጊግሴዳ ዋደ፤ ሀዬሳቱዋ፤ ጉንዳቱዋ፤ ደማቱዋን ቆቃቱዋ ጸሳ።

14 ኡንቱንቱ ነዉ ኩሽያ ዛራናዉ ዳንዳየናዋንታ ግድያ ድራዉ፤ ኔን እንጀታናሳ። ጽላቱ ሀይቁዋፕ ደንድያ ዋደ ጸሳይ ነዉ ኩሽያ ዛራናዋ” ያጌዳ።

#### ዋልቃማ ባላ ሌምሱዋ (ማቶሳ 22:1-10)

15 የሱስ ሃሳያ ዉርሰያ ዋደ፤ ቁማ ማናዉ ኡቶ አሳፕ እቱ ሀዋ ሰሲደ፤ “ጸሳ ካዉተላ ጋይታን ኡትያዌ እንጀቱዳዋ” ጌዳ።

16 የሱሰካ ሀዋዳን ጌዳ፤ “እት ብታኒ ዳር ሎኦ ካዉዋ ጊግሲደ፤ ጮራ አሳቱዋ ጸሴዳ።

17 ካዉዋ ዋዲ ጋክና፤ ካሰ ጸሰቶዋንታ፤ ሀእ ካዉ ጊጌዳ፤ ሃይተ፣ ገደ ጸሳና ማላ ባረ ጎላን ኪተትያ ቆማ ኡንቱንቱከ ከቲዳ።

18 ሽን ኡባቱካ እትፕ፤ ቤናዳን አጋና ማላ ዋሴድኖ፤ ኮይሮ ብታኒ ቆማዉ ኦዲደ፤ ታን ቢታ ሻሜዳ ድራዉ ባደ በእናዉ ኮሼ፤ ሄዋ ድራዉ ሀያ ጎደ ታዉ ሀንቀቶፓርክ” ጌዳ።

19 “ላኡንላያዌ ቃይ፤ ታን እቹሹ ዋላ ቦራቱዋ ሻሜዳዋንታ ዋጸ በእናዉ ብያ ድራዉ፤ ሀያ ጎደ ታዉ ሀንቀቶፓርክ” ጌዳ።

20 “ሀራይ ቃይ፤ ታን ማቻቶ አኬዳ ድራዉ፤ ያናዉ ዳንዳያበይከ” ጌዳ።

21 “ቆማይካ ዪደ ባረ ጎዳዉ፤ ሀኖዋ ኡባ ኦዳዳ። ሄ ዋደ ጎዳይ ዳሮ ሀንቀቲደ፤ ባረ ጎልያን ኪተትያ ቆማ፤ ህን ካታማ ኦግያን ሎሶ ኦግያ ኤሌላደ ከሳ፤ ማንቃቱዋን ጉንዳቱዋ፤ ደማቱዋን ቆቃቱዋ ሃ አካደ ያ” ጌዳ።

22 “አ ቆማይካ፤ ጎዳዉ፤ ኔን ታና አዛዘዋዳን ኦላድ፤ ሽን ሀእካ ሀራ አሳ አክያ ሳእይ ደኤ” ጌዳ።

23 ጎዳይካ ባረ ቆማ፤ ታ ጎሊ ኩማናዳን ሀን ኦግያፕ ካረ ባጋን ድርሳ ጋጸ ኡባ ከሳደ፤ አሳ ታ ጎላ አካደ ያ።

24 እያዉ ጎፕ፤ ኮይሮ ታ ጎላ ሾቡቱዳዋንቱ እት አሳይነ ታ ቁማ ሜና” ጌዳ።

የሱሳ ካላናው ባረና ያርሹሳ ኮሽ (ማቶሳ 10:37-38)

25 ጮራ አሳይ የሱሳና እትጥ ብደእያ ዋደ፤ እካ እሳኮ ጉየ ሰሚደ፤

26 “አንነ ታኮ ይያዌ ደአጥ ባረ አባነ አቶ፤ ባረ ማቻቶነ ባረ ናና፤ ባረ እሻቱዋነ ምቻቱዋ፤ ባረ ደኤዋ አሸናን ታጥ አል ደሶጥ፤ ታና ካልያዋ ጌተታናው ዳንዳየና።

27 እንነ ባረ ማሰቃልያ ቶኪደ፤ ታ ጌዲዋ ካለናን ጳዮጥ፤ ታና ካልያዋ ግዳናዎ ዳንዳየና።

28 “ሀንተንቱጥ እቱ ሹቻ ጎልያ ኬጻናው ኮዮጥ፤ ኪታ ዉርሳናው ግድያ ሻሉዋ ካሰቲደ ኤት ሄተናዌ እኔ?

29 ሄዌ ጳዮጥ፤ ጎልያ ደሚደ፤ ኪታ ዉርሳናው ዋልቃይ እጸጥ፤

30 በኤዳዋንቱ ኡባይ፤ ህ ብታኒ ኬጻናው ደሚዳ፤ ሽን ኪታ ዉርሳናው ዳንዳይቤና ጊደ ቅሊጨኖ።

31 “ዋይ ታሙ ሻእ አላንቻቱዋ አይቄዳ እት ካቲ፤ ሀራ ላታሙ ሻእ አላንቻቱዋ አይቄዳዋንቱና አለታናው ዳንዳየጥነ ኮይሮና፤ ታን ጸናኔ ጸንክታሻ ጊደ ኤት ቆጥኔ?

32 ባረው ዳንዳየተናን ጳዮጥ፤ አላዉ ይያ የኮ ካቲ ሃኩዋን ደእሸን ኪቲደ ሰገታናው ዋሴ።

33 ስም ሀዋዳንካ ሀንተንቱጥ እንነ ባረው ደእያዋ ኡባ አገናዌ፤ ታና ካልያዋ ግዳናው ዳንዳየና።

ጎኤና ማጽንያባ (ማቶሳ 5:13፤ ማር. 9:50)

34 “ማጽኒ ሎአ፤ ሽን ሎቅሎቀናን ጳዮጥ፤ ላእንሎ አ ዋት ሎቅሎቅሳናው ዳንዳየቲ?

35 ቢታወካ ሎኤና፤ ቱኤያናዉካ ማደናዋ ግደ ድራው፤ አሳይ አ ኦል አኔ። ሰሰያ ሀይሳይ ደእያዌ ሀዋ ሰሶ” ያጌዳ።

### 15

ባዬዳ ዶርሳ (ማቶሳ 18:12-14)

1 እት ጋላስ፤ ቃራጸ ሺሽያዋንቱን ናጋራንቻቱ ኡባይ የሱሳ ሰሳናው እኮ ሺቄድኖ።

2 ፓርሳዋቱን ሙሴ ህግያ ታማርሰያዋንቱ፤ “ሀ ብታኒ፤ ናጋራንቻቱዋ ሺሽያዋን ኤንቱንቱና ቁማ ምያዎ” ያጊደ ዙዙወድኖ።

3 የሱሰካ ሌምሱዋን ዛሩዋ ሀዋዳን ያግ ኦዴዳ፤

4 “ጾቱ ዶርሳይ ደእያ ኡራይ ሀንተንቱ ግደጥ ደእንቶ ሄዋጥ እቱ ባይንቶ ኡዲፑ ታማን ኡዲፑቱዋ ደንባን አጊደ ባዬዳዋ ቤታና ጋካናው ኮየናዌ እኔ?

5 ደሚዳ ዋደ ናሽቻን ባረ ሀሽያ ቦላን ዶርሳ ቶክ፤

6 ባረ ጎለ ሰሚደ፤ ባረ ደሰያዋንታን ሾራቱዋ እትጥ ጸሴደ፤ “ባዬዳ ታ ዶርሳ ደሞ ድራው፤ ታናና እትጥ ናሽትተ” ያጊደ ኦዴ።

7 ሄዋዳንካ ናጋራ ፓጸላ ኮሸና ኡዲፑ ታማን ኡዲፑ ጽላቱዋጥ አሊደ ናጋራ ፓጸያ እት ናጋራንቻን ሳሉዋን ዳሮ ናሽቻይ ግዳናዋ።

ባዬደ ቤቱዳ ሳንትምያ

8 “ቃይካ ታሙ ናሃሰያ ሳንትሚ \* ደእያ ምሽራታ ታሙዋጥ እቱ ባይንቶ ደማና ጋካናው ጸምጥያ ጸምጥደ፤ ጎልያ ጥታደ ሎይላ ኮየናውና እዛ እኔ?

9 እዛካ ደሚዳ ዋድያን ባረ ደሰያዋንታን ባረ ሾራቱዋ እትጥ ጸሳደ፤ ሓጥ ባዬዳ ሳንትምያ ደሚዳ ድራው፤ ታናና እትጥ ናሽትተ” ያጋደ ኦዴው።

10 ሄዋዳንካ ናጋራ ፓጸያ እት ናጋራንቻ ጋሶተላን ጸሳ ኪታንቻቱዋ ሰንላን ናሽቻይ ሀናናዎ” ያጌዳ።

ባያ ናኦ

11 ጉጂደ የሱሰ፤ “ላኡ ናናይ ደእያ እት ብታኒ ደኤ፤

12 ኤንቱንቱጥካ ቱፋ ናኦይ፤ ሳ ማጽዋጥ ታና ጋክያዋ እማ” ጌዳ። አዉካ ባረ ማጽዋጥ ናናቶ ግሼዳ።

13 ጉላ ዋድያጥ ጉይያን ቱፋ ናኦይ ባረና ጋኬዳዋ ኡባ ሺሽ አኪደ ሀን ሃኮ ጋደ ቤዳ፤ ሄዋን ባረ አኬዳ ሚሻ ኡባ ሳል ዉርሰ አጌዳ።

14 እካ ደእያዋ ኡባ ዉርሴዳዋጥ ጉይያን ሄ ጋደን ዋልቃማ ኮሻይ ገሌዳ፤ እካ ሙቱዋን ኤንኤቱሳ ደሚዳ።

14:26 ማቶሳ 10:37 14:27 ማቶሳ 10:38፤ 16:24፤ ማር. 8:34፤ ሉቃስ 9:23 15:2 ሉቃስ 5:29-30 \* 15:8 ናሃሰያ ሳንትሚ- ግርክ ቃላ ብለላን እትና፤ እት ጋላሳ ሙሞያ ኦል ፔሴዳ ዋልቃ ኦሳንቻው ጭገትያ ሚሻ ኪና ግድያዋ ኦዴ።

15 ሀዋ ድራው ሄ ጋደን ደእያዋንቱ፣ እቱዋኮ ሸቂደ፣ ታና ነው ቆማ አላርኪ? ያግና፣ ብታኒካ ባረ ጉዲንሳ ዉድያ ሄማና ማላ አ ደምባ የዳዳ።

16 ጉዲንሳ ዉዲ ምያ ሀልኡዋ ማናው አምቲዳ፤ ሽን ሄዌንቶካ አው አምያዌ ቤትቤና።

17 “ባረ ባይዙዋ ኤሮ ዋደ፣ ቁማይ ጸኒደ ሳኒን አትያ ታ አቦ አልያዋንቱ አፑኔ፤ ሽን ታን ሀዋን ኮሻን ሀይቃና ማታይታ?

18 ደንዲደ ታ አቡኮ ባኔ፣ ሀዋዳን ያጋና፤ ታ አቦ፣ ጸሳካ ኔናካ ናቃድ፤

19 ሀንፕ ጉየ ነ ናኦ ያገታደ ጸሰታናው በሰከ፤ ነው ከተትያዋንቱ፣ እቱዋዳን ታና ዋላርኪ ጋና፣ ጌዳ።

20 ሄ ማንእያን ደንዲደ ባረ አቡኮ ይዳ።

“አ ብሮ ሃኩዋን ደእሸን፣ አው በኢደ፣ አው ቃረቲዳ፤ እኮ ዋጽ ቢደ፣ አ እድም የራዳ።

21 “ናእይካ፣ ታ አቦ፣ ታን ጸሳካ ኔናካ ናቃድ፤ ሀንፕ ጉየ ነ ናኦ ጌተታደ ጸሰታናው በሰከ፣ ያጌዳ።

22 “ሽን አው ባረ ኦሳንቻቱዋ፣ ኤሌል ቢደ፣ ኡባፕ ደረቲዳ ሎኦ ማደዋ አሂደ፣ አ ማይዘተ፤ አ ብራድያን ምግዳዋ፣ አ ገድያንካ ጫማ ተ ዋላተ።

23 ሞዴዳ ኮሩማ አሂደ ሹክተ፤ ሞይተ፣ ናሽቶይተ።

24 እያው ጎፕ፣ ሀዌ ታ ናእይ ሀይቁዳ፤ ሽን ሀእ ፓጾዳ፤ ባዬዳ፤ ሽን ሀእ ቤቲዳ፣ ያግና፣ ናሽቻ ደሚድና።

25 “ሄ ዋድያን፣ ባይራ ናእይ ጋደን ደእያዌ ዪደ ጎለኮ ማትያ ዋደ፣ የላነ ዲሩዋ ኮሹንቻ ሰሴዳ።

26 እካ የው አየንቶ ኤራናው ኮዪደ፣ ቆማቱዋ፣ እቱዋ ዳሲደ፣ ሀዌ አዬ? ጊደ አቼዳ።

27 ቆማቱካ፣ ና እሻይ ሳሮ ዬዳ ድራው፣ ነ አቡ ሞዶ ኮሩማ አው ሹኬዳ፣ ያግ ኦዳድና።

28 “ባይራ ናእይ ሀንቀቲደ ጎለ ገልከ ያግ እጽና፣ አው ካረው ከሲደ፣ ገላናዳ ዋሴዳ።

29 ሽን አ ዛሪደ ባረ አባ፣ ሄኮ ሀዋ ከና ዋድያ ቆማዳን ነው ከተታድ፤ ነ አዛዘዋ፣ እቱዋኒካ ፓጭሳ በይከ፤ ታ ላገላቱዋና እት፣ ናሽታና ማላ ሀራይ

አቶ እት ዳሻ ቡልኡዋን ታው እማ በይካ፤

30 ሽን ሀዌ ነ ናእይ ነ ሚሻ ጫራቱዋና እት፣ ዲፍሲደ ዪና፣ ዲኮ ቦራ ሹካዳ፣ ያጌዳ።

31 “አውካ እ፣ ታ ናእው፣ ኔን ኡባ ጋላሳ ታናና እት፣ ደእ፤ ታሳ ግዴዳባይ ኡባይካ ነዋ።

32 ሽን ሀዌ ነ እሻይ፣ ሀይቁዳዌ ፓጾ ድራውን ባዬዳዌ ቤቶ ድራው፣ ኔን ሚድን ኡሺደ ናሽታናው በሴ፣ ያጌዳ። ጊደ ኦዳዳ።

# 16

ጋርሳና ሱንላተላ አኬዳ ጭንጫ ብታንያ

1 የሱሰ ባረና ካልያዋንቶ ኦዲደ፣ “እት ዱረ ብታኒ፣ ባረ ጎልያ ኡባ ቦላ ሱንሌዳ እት ብታኒ ደኤ፤ ሽን ሀ ብታኒ አ ሚሻ ባይዜ ያግያ ዝግርሳይ አ ጋኬዳ፤

2 ሄዋ ድራው ባረ ሱንሌዳ ብታንያ ዳሲደ፣ ሀዌ ታን ሰሰያ የው አዬ? ሀንፕ ጉየ ኔን ታ ጎልያንን ታ ሚሻ ቦላ ታፕ ጋርሳና ሱን፣ ታደ ከተታናው ዳንዳያቤና ድራው፣ ሀቼ ጋካናው ከተቲዳዋ ሄታደ ሹዳ ያጌዳ።

3 “ሱን፣ ቲዳዌ ባረ ዋዛናን፣ ታ ጎዳይ ታና ሱንላተላ፣ ኮላና ሀኔ፤ ሽን ታ ዋኖሻ? ጎሻናው ዋልቃይ ታው ባዋ፤ ዋሳናው ቃይ ታው ፖኬ።

4 ታ ኦላናባ ታ ኤራይ፤ እ ታና ሱንላተላ፣ ከሰፕ፣ ባረንቲ ጎለ ቢና፣ ታና ሞክያ ላገላቱዋ ታን ደማና ያጌዳ።

5 “ባረ ጎዳፕ ሻሉዋ ታልኤዳ አሳቱዋ ሁጺያን ሁጺያን ዳሲደ፣ ኮይሮ ብታንያ፣ ኔን ታ ጎዳፕ ዋይሳ ኬና ሻሉዋ ታልኤዳ? ያጌዳ።

6 “አካ፣ ታን ጾቱ ባረታ ኩሜዳ ዛይትያ ታልኤዳ? ያጌዳ።

“ሱን፣ ቲዳ ብታኒካ፣ ኔን ፓራማና ዋራቃታ ሄይ፤ ኡታደ ኤለካ አሻታማ፣ ጋደ ጸፋ ያጌዳ።

7 “ሄዋ፣ ሀራ ብታንያ፣ ኔን አፑኮዋ ታልኤዳ? ያጌዳ።

“ ጾቱ ቁንኦ ዛርጋ ያጌዳ።

† 15:22 ምግዳዋ፣ ጫማ፡- ሀ ቃላቱ ናኦ አቡ፣ አ ፖሎ ዋዛና፣ እኮዋ በሰያዋንታ፡- ምግዳ፣ ሄ ናእይ ጎለን ደእያ አሳቱዋ ኡባ፣ ሎኦ ጸላቲዳዋ በሴ፡- ጫማይ ቃይ፣ አ ባረ አቦ አይላ ግድዳን ናኦ ግድያዋ በሴ፡- አይላቱ ሄ ዋደ ጫማ ዋላክና።

“ሱንሳይካ፣ ‘ዋራቃታ ሄይ፤ ሆሰቸን ታማ ጋደ ጻፋ’ ያጌዳ።

8 “ሄ ሱንሳይ ጭንጨተላን ኦሴዳ ድራው፣ እ ጎዳይ እ ጋላቴዳ፤ እያው ጎጥ፣ ሀ አላምያ አሳይ ባረንቱዎ ፖኤዎ አሳጥ አጴዳ ጭንጨቱዎ።

9 “ታን ህንተንቶ ያጋይ፣ ‘ሀ አላምያ ሻሉ ዉርያ ዎደ፣ መጵናዉ ዉረና ጎልያን ህንተንታ ሞካና ማላ፣ ሀ ሚሻን ህንተንቶ ላግያ ደምተ።

10 ላፋ የዉዋን አማነቲዳዌ፣ ዎጋባካካ አማነቲ። ሽን ላፋ የዉዋን አማነትቤናዌ፣ ዎጋባካካ አማነተና።

11 ሰሞ ህንተንቱ ሀ አላምያ ሻሉዋን አማነተናዋ ግደጥ፣ ቱማተላ ሻሉዋ ህንተንቶ ኦኔ ሀዳራ ጊደ አማናዌ?

12 ህንተንቱ ሀራ አሳ ሻሉዋን አማነተናዋ ግደጥ፣ ህንተንቱ ሚሻ ኦኔ ህንተንቶ አማናዌ?’ ጌዳ።

13 “እት ካላ ላኡ ጎዳቶ ቆማታናዉ ዳንዳይያዌ አይ ቆማይካ ባዋ፤ እያው ጎጥ፣ እቱዋ እጸደ፣ ሀራ ደሴ፤ ዎይ እቱዋ ቦንቹደ፣ ሀራ ካጴ፤ ጸሳዉን ሻሎ ሞደታናዉ ዳንዳይክታ” ያጌዳ።

14 ሻሉዋ ደሴያ ፓርሳዋቱ ሀዋ ኡባ ሰሲደ፣ የሱሳ ቦላ ቅሊጩድና።

15 ሽን የሱሰ ኢንቱንታ፣ “ህንተንቱ አሳ ሰንላን ህንተንታ ጽሎ አሳ ኦልያዋንታ፤ ሽን ጸሳይ ህንተንቱ ዎዛና ኤሬ፤ እያው ጎጥ፣ አሳ ሰንላን ቦንቹቲዳዌ ጸሳ ሰንላን ቱና ግዴ።

ሙሴ ህግያባነ ገሉዋ አካባ (ማቶሳ 5:31-32፤ 11:12-13፤ ማር. 10:11-12)

16 “ሙሴ ህግያነ ናባቱ ጸፊዳ ማጻፋ \* የሃንሳ ዎድያ ጋካናዉ አሳይ አዛዘቲደ ደኤድና፤ ሄዋጥ ካላ ቃይ ጸሳ ካዉተሳይ ኦደቲዳ፤ አሳይ ኡባይ ያ ገላናዉ ኬሰቲ።

17 ሽን ህግያጥ እትባይ አትያዋጥ ሳሉነ ሳኦይ እጵያዌ ማታቲ።

18 “ሳረ ማቻቶ ብሊደ ሀራሮ አክያዌ ኡባይ ዎሹሜ፤ ቃይ አሰናጥ ብለቲዳ ማጫዉኖ አክያዌ ኦንካ ዎሹሜ።

ዱረ ብታንያባነ ማንቆ ግዴዳ አልአዛራባ

19 “ጋቲ ሎይሊደ አልኦ ግዴዳ ማዩዎ ማዩድን ጋላሳን ጋላሳን ኦቶሩዋን ናሽቲደ ደእያ እት ዱረ ብታኒ ደኤ።

20 ቃይካ ኩመንላ አሳተላን ማይሳይ ደእያ እት አልአዛራ ጌተትያ ህዬሳይ፣ ሀ ዱረ ብታንያ ካርያን ግሴዳ።

21 ሀ ዱረ ብታንያ ሳምፓጥ ላለቲዳ ሱፓ ማናዉ አሞቲ፤ ሀራይ አቶ ካናቱካ ዪደ አ ማይላ ላጩኖ።

22 “ሀ ህዬሳ ብታኒ ሀይቂና፣ ኪታንቻቲ አ አብራሃሞ ባጋ ቦንቻሳ አፊድና፤ ዱረ ብታኒካ ቃይ ሀይቂደ ሞገቲዳ።

23 ሰኦልያን ዳር ሴለቲደ ደእሽን፣ ጶቁ ጊደ ሃኩዋን አልአዛራ፣ አብራሃሞ ባጋን ደእያዎ ቦኤዳ።

24 “እካ ባረ ኮሻ ጶቁ ኦሲደ፣ ናአብራሃሞ፣ ታ አቦ፣ ታዉ ቃረታ። ሀ ታማ ሴላን መቶታ ደእያ ድራው፣ አልአዛር ባረ ብራጵያ ጸራ ሃላን ቦቹደ፣ ታ እንጸርሳ እርጽሳናዳን ሀያና ታኮ ኪታርኪ’ ያጌዳ።

25 “አብራሃሞ ቃይ፣ ‘ታ ናአው፣ ኔን ፓጸ ደእደ፣ ሎኦ ደኤዎ ደእና፣ አልአዛር ሎኤና መቶ ደእዎ ደኤዳዎ ቆፓ። ሀእ ቃይ አ ሀዋን ናሽትያ ዎደ፣ ኔን መቱዋ ቦላ ደእ።

26 “ሀዋጥ ሀራይ ቃይ፣ ሀዋጥ ያ ህንተንቱኮ አጻናዉ ኮይያዎንቱ አናዳን፣ ያን ደእያዎንቱካ ቃይ ሃ ኑኮ ፕነናዳን፣ ኑ ግደንን ህንተንቱ ግደን ዎጋ አፋ መጠቲዳ’ ያጌዳ።

27 “ዱረ ብታኒካ፣ ናአብራሃሞ፣ ሰሞ ሄዎ ግደጥ፣ ኔን አልአዛራ ታ አቡ ጎላ የዳና ማላ፣ ኔና ዎሳይ።

28 እያው ጎጥ፣ ታዉ እቹሹ እሻቱ ደእያ ድራው፣ ኡንቱንቱ ቃይ ሀ መቱዋሳ ዬና ማላ፣ ኡንቱንቶ አልአዛር ቢደ ማርካቶ’ ያጌዳ።

29 “አብራሃሞ ቃይ፣ ‘ሙሴነ ናባቱ ጸፊዳ ማጻፋይ ኡንቱንቶ ደኤ፤ ሄ ማጻፋይ ግያዎ ኡንቱንቱ ሰሲና’ ያጌዳ።

30 “ዱረ ብታኒ፣ ‘ሀኤ፤ አብራሃሞ፣ ታ አቦ፣ ሄዎ ግደና፤ ሽን እት ብታኒ ሀይቂዋጥ ደንዲደ፣ ኡንቱንቱኮ ብንቶ፣ ኡንቱንቱ ባረንቱ ናጋራ ፓጸደ፣ ሰማናዋንታ’ ያጌዳ።

\* 16:16 ሙሴ ህግያነ ናባቱ ማጻፋ፡- እይሀዳቲዋ ጌሻ ማጻፋቲዋ፤ ሄዋንታ ጉሳይ ኤጫ ጫዋዎ ማጻፋ። 16:16 ማቶሳ 11:12፣ 13 16:17 ማቶሳ 5:18 16:18 ማቶሳ 5:32፤ 1 ቆር. 7:10፣

31 “አብራሃምካ፣ ሐንቲንቱ ሙሴነ ናባቱ ጸፊዳ ማጻፋ ሰሰናዋ ግደ፣ ሀራይ እቶ እት ኡራይ ሀይቁዋ፣ ደንድ ይንቶካ አማንክኖ” ጌዳ” ያጌዳ።

# 17

ናጋራባ የሱስ ኦዲዳ (ማቶሳ 18:6፣ 7፣ 21፣ 22፤ ማር. 9:42)

1 የሱስ ባረና ካልያዋንታ፣ “አሳ ባለሌያዌ ዬናን አተና፤ ሽን ባለሌያዋ አሀያ ኡራዉ አዉ እየ፤

2 ሄ ብታኒ ሀ ጉላቱዋ፣ እቱዋ ባለሌያዋ፣ ጋጭያ ዋጸ ባረ ቆድያን ቃሸቲደ አባን ምተትያዌ አዉ ሎአ።

3 ሀንተ ሁጸዉ ናገትተ። “ህ እሻይ ኔና ናቆ፣ አ ዘራ። ቃይ ናጋራ፣ እ ሰሞ፣ እ ወ፣ አቶ ያጋ።

4 እት ጋላስ እ ኔና ላፍ ገደ ናቀደ፣ ላፍ ገደካ፣ ሐና ታ ናቃድ፣ ታና ማራ፣ ገደ ኔኮ ዮ፣ አዉ አቶ ጋ” ያጌዳ።

5 ከተቲዳዋንቱካ ጎዳ፣ “ኑዉ አማኑዋ ጉጃ” ያገደ ኦቹድኖ።

6 ጎዳይካ፣ “ሀንተዉ ሳናፍጭያ አይፍያ ከና አማኑ ደእነቶ፣ ሀንተንቱ ሀ ቦእያ፣ ሀዋ፣ ሸደታደ፣ አባን ቶከታ” ግንቶ ሀንተዉ ኤኖ ጋና” ያጌዳ።

ቆማይ ኦላናዉ በሰያ ኦሱዋ

7 ቃይካ የሱስ፣ “ሀንተ፣ ጎሽያዌ ዋይ ምያ ሄምያ ቆማይ ደእያ አሳይ ሀቀት ደአ፣ ጎሻ ጋደ፣ ዋይ ምያ ጋደ፣ ሰሞ ዋደ ኤላካ፣ ሐና ሸም፣ አካ፣ ቁማ ማናዉ ኡታ” ያገያዌ ኦኔ?

8 የዉዋን ቃይ፣ ታ ማና ካዉዋ ገግሳ፤ ታ ማናን ኡሻና ጋካናዉ ምናደ ታና ኤቃደ ምዛ። ሄዋ፣ ጉየ ነዉ ማ፣ ኡሻ” ያገያዋ ግደኔ?

9 ሄ ቆማይ ከተቲዳባ ኦሌዳ ድራዉ፣ ሄ ብታኒ ጋላታናዉ በሰኔ?

10 ሄዋዳንካ ሀንተ ቃይ አሳይ ሀንተና ከቶ ኦሱዋ ኦሌዳ ዋደ፣ ሐን ማደና ቆማቱዋ፤ ኑ ኦሶ ጸላላ ኦሌዳ” ያግተ” ያጌዳ።

የሱስ ኦሉ ኦይቄዳ ታሙ አሳቱዋ ፓሌዳ

11 የሱስ የሩሳላሙ ቢደ፣ ጋሊላ፣ ሳማርያ ግያ ጋዳቱዋ፣ ግዲዋና አጫዳ።

12 እ እት ጉላ ካታማቶ ገልያ ዋድያን፣ ሃኩዋን ኤቄዳ ታሙ ኦሉዋን ኦይቀቲዳዋንቱ እ በኤድኖ። ኡንቲንቱካ ሃኩዋን ኤቄደ።

13 ባረንቱ ኮሻ ጶቄ ኦሌደ፣ “የሱሳ፣ ጎዳዉ፣ ሀያ ጎደ ኑና ፓላርኪ!” ያጌድኖ።

14 የሱስ ኡንቲንታ በኢደ፣ “ቢደ፣ ሀንተንቱ ቦላ ቄሳቱዋ በሰተ” ያጌዳ። ኡንቲንቱካ ቄሳቱዋኮ ብደኢደ ኦሉዋ፣ ፓጾድኖ።

15 ኡንቲንቱ፣ እቱ ባረ ሀርግያ፣ ፓጾዳዋ በኢደ፣ ባረ ኮሻ ጶቄ ኦሌደ፣ ጸሳ ቦንቹደ ሰሜዳ።

16 ጋላቲደካ የሱሳ ገድያ ማታን ጉልባቲዳ፣ ሄ ብታኒ ሳማርያ አሳ።

17 የሱስ ዛሪደ፣ “ታሙ ፓጾቦይክኖ? ያትና ኡዲፍናቱ ሀቃን ደኢኖ?

18 አይሁዳ አሳ ግደና ሳማርያ ብታንያ፣ እትን፣ ጸሳ ቦንቻናዉ ሰሜዳዋንቱ ባዋ ጉሴ?” ያጌዳ።

19 የሱስ አ፣ “ደንዳ ባ፤ ነ አማኑ ኔና ፓሌዳ” ያጌዳ።

ጸሳ ካዉተላ ዩሳባ (ማቶሳ 24:23-28፣ 37-41)

20 ፓርሳዋቱ እት ጋላስ፣ “ጸሳ ካዉተላይ አዉደ ያኔ?” ገደ ኦቶና የሱስ፣ “ጸሳ ካዉተላይ ሀንተንቱ ናግያ ኦግያን ዬና” ያግ ዛሬዳ።

21 ቃይካ፣ “ኦን፣ ጸሳ ካዉተላይ ሀዋን ደኤ፣ ዋይ ሄዋን ደኤ” ጋናዉ ዳንዳየና፤ ጸሳ ካዉተላይ ሀንተንቱ ዋዛና ግደን ደኤ” ያጌዳ።

22 የሱስ ባረና ካልያዋንቶ ኦዲደ፣ “አሳ ናኦይ ቆንጭያ ጋላሳቱዋ፣ እቱዋ በአናዉ ሀንተንቱ አሞትያ ዋዲ ያና፤ ሽን በእክታ።

23 ቃይ ኡንቲንቱ ሀንተና፣ ሀዌኩ ሀዋና ዋይ ሄዋና፣ ያጋናዋንታ። ሽን ኡንቲንታ ካሊደ፣ ኡንቲንቱና ቦፕተ።

24 ዋልቃንሳይ ሳሉዋን ዋልቃምያ ዋደ፣ ሀ ጋጸ፣ ሀን ጋጸ ፖኤ ፖኤምዳን፣ አሳ ናኦ ዩሳይካ ሄዋዳን ሀናናዋ።

25 ሽን ኮይርቲደ አሳ ናኦይ ዳር ሙቱዋ ሙቶታናዉን ሄ ዋድያን ደእያ የላታን እጸታናዉ በሴ።

26 “ሐሃ ዋድያን ሀናዋዳንካ፣ አሳ ናኦይ ቆንጭያ ጋላሳንካ ሄዋዳን ሀናናዋ።

27 ሮሃ ማርካብያ ገሎ ጋላሳይ ጋካናው ኡንቱንቱ፣ ሚድን ኡሺደ፣ አኪድን አከቲደ ደአሸን፣ ባሻ ሃላይ ዪደ ኡባ አሳካ ባይዜዳ።

28 “ሃዋዳንካ፣ ሎጾ \* ዋድያን፣ አሳይ ሚድን ኡሺደ፣ ዛልኢደ፣ ቶኪድን ጎልያ ኮጺደ ደኤድና።

29 ሸን ሎጾ፣ ሶዶማፕ ከሶ ጋላሳን ቃይ ሳሉዋፕ ታማይን ኤጽያ ቦንቆ ሹቻይ ቡኬዳ፤ ኡባባካ ሚደ ወርሴዳ።

30 “አሳ ናአይ ቆንጭያ ጋላሳንካ ሀዋዳን ሀናናዋ።

31 ሄ ጋላሳን፣ ጎልያ ሁጺያን ደእያዋ፣ ጎላ ጋርሳን ደእያ ሚሻ አካናወ ዋጶ፣ ሀዋዳንካ ጎሻ ጋደን ደእያዋ፣ ጉዩ ሰዋ፣።

32 እነ ሎጾ ማቻትባ ቆፕተ!

33 ባረ ሸምፑዋ አሻናወ ኮይያ ኡባይ፣ ባይዜ፤ ባረ ሸምፑዋ ባይዘያ ኡባይ፣ ደኡዋን ናጌ።

34 ታ ህንተዉ ኦድያዌ አይ ጎፕ፣ ሄ ቃማን ላኡ አሳቱ እት ግሱዋን ግሳናዋንታ፤ ኡንቱንቱፕ እቱ አከትና ላኤንሉያዌ አታናዋ።

35 ላኡ ማጫ አሳቱ እት ዋጾን ጋጫናዋንታ፤ እትና አከትና፣ እትና አታናወኡ።

36 ላኡ አሳቱ ጎሻ ጋርሳን ደእኒ፤ እቱ አከታናዋ፣ ላኤንሉያዌ አታናዋ” ያጌዳ።

37 አ ካልያዋንቱ የሱሳ፣ “ጎዳዉ፣ ሄዌ ሀቃን ሀናናዋ?” ያጌድና።

አካ ዛሪደ፣ “ባኩታይ ደእያሳ ሾርቲ ሺቃናዋ” ያጌዳ።

### 18

ማንቆ ግዴዳ አምእትባነ ማካላንቻ ዳናባ

1 የሱስ ባረና ካልያወንቶ፣ ሳለተናን ኡባ ጋላስ ዋሳናዳን ሌምሱዋን ኦዴዳ።

2 እካ፣ “እት ካታማን ጸሳዉ ያየናዌ፣ አሳካ ቦንቼና እት ዳናይ ደኤ።

3 ሄ ካታማን አምኤ ምሽራታ ደእዉ። እዛካ ሄ ዳናኮ ያደ፣ ታ

ዋርከዉነ ታዉ ደእያ የወዋ ፕርዳ፣ ያጋዴ።

4 “ዳሮ ዋድያን እዘዉ ፕርደናን እጹዳ። ሸን ባረ ዋዛናን ቆፕደ፣ ታን፣ ኡባ ጸሳዉ ያያና ጳዮፕካ፣ አሳካ ቃይ ቦንቻና ጳዮፕ፣

5 ሀ አምኤ ምሽራታ ታና ላባንሉያ ድራዉነ ኡባ ዋደ ታኮ ያደ ታና ዳቡርሰና ማላ፣ ታን እዘዉ ፕርዳና ጌዳ።

6 “ሄ ማካላንቻ ዳናይ ጎዋ አኬክተ።

7 ጸሳይ ጋላስነ ቃማ ባረንታ ማዳና ማላ፣ ዳንዳያን እኮ ዋሰያ ደረታዋንቶ ፕርደና? እ ኡንቱንቶ ኤለካ ዛረኔ?

8 ታን ህንተንቶ ያጋይ፤ ኡንቱንቶ ኤሌል ፕርዳና፤ ሸን አሳ ናአይ ይያ ዋደ ሀ ቢታን አማኑዋ ደማኔሻ?” ያጌዳ።

ኦቶረትያ ፓርሳዊያነ ባረና ካዉሸሴዳ ቃራጾ ቃንጽያ ብታንያ

9 ባረንታ ጌሻ ጊደ አማንትያዋንቶነ ሀራ ኡባ ዳሪ ካድያዋንቶ፣ የሱስ ሀ ሌምሱዋ ኦዴዳ።

10 “ላኡ አሳቱ ዋሳናዉ ጌሻ ጎልያ \* ገሌድና፣ ሄዋንቱፕ እቱ ፓርሳዊያ፤ እቱ ቃይ ቃራጾ ቃንጽያዋ።

11 ፓርሳዊ ደንድ ኤቂደ ባረ ዋዛናን ዋሲደ፣ ጸሳዉ፣ ታን ሀራ አሳዳን፣ ቦንቂያዋንቱዳን፣ ማካልያዋንቱዳን፣ ዋሹምያዋንቱዳን፣ ዋይ ሀዋዳን ቃራጾ ሺሸና ድራዉ ኔና ጋላታይ።

12 ሳምንታን ላኡ ካላ ጸማይ፤ ታን ደምያ ኡባፕ ታው ኩሽያፕ እቱዋ አማይ፣ ያጌዳ።

13 “ሸን ቃራጽያ ብታኒ ሃኩዋን ኤቂደ፣ ባረ አይፍያን ፑደ ሳሉዋ ጶቁ ጊደ ጸላናዉካ ኮይቤና። ሸን ባረ ትራ ባቂደ፣ ጸሳዉ፣ ታን ናጋራንቻ፤ ታና ማራ” ያጌዳ።

14 ታን ህንተንቶ ኦድያዌ አይ ጎፕ፣ ካስ ብታንያፕ አዲደ ሀ ብታኒ ጽሎ ግዴደ ባረ ጎላ ሰሜዳ፤ ባረና ጶቁ ኦልያ ኡባይ ካዉሻና፤ ባረና ቃይ ካዉሸሴዳ ኡራይ ጶቁ ጋና” ያጌዳ።

\* 17:28 ሮሃ፣ ሎጾ- ጸሳይ ቢታ ባሻ ሃላን ባይዜዳ ዋደ፣ እ ናህነ እ ጎላ አሳ አሺዳ። ጸሳይ ሶዶማን ጋዋራ ካታማቱዋ፣ እዘን ደእያ ኢታ አሳቱዋ ኡባ ታማን ባይዜዳ ዋደ፣ ሎጾን እ ጎላ አሳ አሺዳ (ዶመላ 19:1-29 ጸልተ)። 17:29 ዶመላ 18:20—19:25 17:31 ማቶሳ 24:17፣ 18፣ ማር. 13:15፣ 16 17:32 ዶመላ 19:26 17:33 ማቶሳ 10:39፣ 16:25፣ ማር. 8:35፤ ሉቃስ 9:24፤ ዮሃ. 12:25 17:36 ማቶሳ 24:40 \* 18:10 ዋሳናዉ ጌሻ ጎልያ- አይሁዳ አሳይ ኡባ ዋደ ጌሻ ጎልያን ዋንታ ጉራንነ ጋላሳ ዋሰና።

የሱስ ጉላ ናና እንጂዳ (ማቶሳ 19:13-15፤ ማር. 10:13-16)

15 የሱስ ባረ ኩሽያ ዎሊደ እንጂና ማላ አሳይ ጉላ ናና እኪደ እኮ ዬድኖ። እ ካልያዋንቱካ በእ.ደ፣ አሳ እሄና ማላ ጌድኖ።

16 የሱስ ቃይ ጉላ ናና ባረኮ ዴሲደ፣ “ጉላ ናናይ ታኮ ያና ማላ አግተ፣ ድጎተ፤ ጸሳ ካወተላይ ሀዋንቱ ማላሳ።

17 ታን ሀንተንቶ ቱሙዋ ኦዳይ፤ ጸሳ ካወተላ ጉላ ናናን እከናዋንቱ ኡባይ ሄ ካወተላ ሙላካ ገለና” ያጌዳ።

18 ይሁዳ ቢታ ሞድያዋንቱ፣ እቱ፣ “ሎኦ ታማርሰያዎ፣ ታን መጅና ደኡዋ ላታናዉ እያ ኦላናዉ በሲ?” ያጌደ የሱሳ ኦቼዳ።

19 የሱሰካ እዉ፣ “እያዉ ታና ሎኦ፣ ያጋይ? እት ጸሳ፣ እትን፣ ሎኦ ኦንነ ባዋ፤

20 ጸሳ እዛዛቱዋ፣ “ዋሹዋ፣ ዋጵ፣ ዉእ፣ ዋርዲዋ ማርካቶ፣ ነ እባነ ነ ዳዮ ቦንቻ ያግያዋ ኤራ” ያጌደ ዛሬዳ።

21 ብታኒ ዛሬደ፣ “ሀዋ ኡባ፣ ናአተላ፣ ደማደ ናጋድ” ያጌዳ።

22 የሱሰካ ሀዋ ሰሲደ፣ “እትባይ ኔን ብርን ኦ□ናን አቶዌ ደኤ፤ ሄዋኔካ፣ ነዉ ደእያዋ ኡባ ዛልእደ ማንቃቶ እማ፤ ሀዋ አሉ፣ ሳሉዋንካ ኔን ዲረታና፤ ሄዋ፣ ጉዮ ታ ጌዲዋ ካላ” ያጌዳ።

23 ሄ ብታኒ ቃይ ሄዋ ሰሲደ ዳር ዲረ ግደ ድራዉ ዳር ካዮቱዳ።

24 የሱሰካ ሀ ብታኒ ዳር ካዮቶዋ በእደ፣ “ዲረ አሳይ ጸሳ ካወተላ ገላናዉ ዋት መታንዳሻ!

25 ዲረ አሳይ ጸሳ ካወተላ ገላናዋ፣ ጋሉ ማርፕያ ጸእያና አዳናዌ ማታቱ” ያጌዳ።

26 ሄዋ ሰሲዳ አሳይ፣ “ሰም ኦን አታናዉ ዳንዳዩ?” ያጌድኖ።

27 እካ ቃይ ዛሬደ፣ “አሳዉ ዳንዳየተናዌ ጸሳዉ ዳንዳየቱ” ያጌዳ።

28 ጸጽርሰ ዛሬደ፣ “ሰም ኦን ኦዉ ደእያ ኡባ አጌደ ኔና ካሌደ” ያጌዳ።

29 እካ፣ “ቱሙዋ ጋይ፣ ጸሳ ካወተላ ድራዉ ባረ ጎልያ፣ ዋይ ባረና የላዋንታ፣ ዋይ ባረ ማኙያ፣ ዋይ ባረ ናና፣ ዋይ እሻቱዋ እኤዳዌ።

30 ሀ ዋድያን ዳር ዳኩዋ፣ ሰንሳ ይያ ካወተላንካ መጅና ደኡዋ እከናዌ ኦንነ ባዋ” ያጌዳ።

የሱስ ባረ ሀይቁዋላ ሄዘንሉዋ ኦዴዳ (ማቶሳ 20:17-19፤ ማር. 10:32-34)

31 የሱሰካ ታማነ ላኤ ባረና ካልያዋንታ ባረኮ ዴሲደ፣ “ሰም የሩሳላመ ባና፤ አሳ ናአባይካ ናባቱ ማጸፋን ጸፈቱዳባይ ኡባይ ያን ፖላታና።

32 አይሁደ ግደናዋንቶ እ አሉ እማና፣ ቅሊጫና፣ ዳር መቶላና፣ እ ቦላን ጨቻና፤

33 ሸጮዋ፣ ጉይያን ዋዳና፣ ሄዘንሉያ ጋላሰ እ ደንዳና” ያጌዳ።

34 እንቱንቱካ ሀ የዉዋ፣ እያን አኩክበይክና፤ ሀይቁካ ኡንቱንቶ አኩክትቤና ድራዉ እ ሃሳዮባካ ኤርበይክና።

35 የሱሰ እያርኮ ማቴዳ ዋድያን፣ እት ቆቃ ብታኒ ዋሲደ ኦግያ ጋጸን ኡቱዳ።

36 ጮራ አሳይ እድያዋ ሰሲደ፣ “ሀዋ እይሻ?” ያግ ኦቼዳ።

37 አሳይካ እዉ፣ “ናዝሬትያ የሱሰ ሀዋና እድ ደኤ” ያግ ዛሬድኖ።

38 እካ፣ “ዳዊተ ናአ የሱሳ፣ ታና ማራርኪ” ጌደ ዋሴዳ።

39 አፕ ሰንሳና ቢደ ደእያዋንቱካ፣ ጮኤ ጋናዳን ሀንቀቱድኖ። እ ቃይ፣ “ዳዊተ ናአዉ፣ ታና ማራርኪ” ጌደ ዳር ዋሴዳ።

40 የሱሰካ ኤቂደ፣ ባረኮ አሀናዳን አሳዉ ኦዴዳ።

41 የሱሳኮ እ ጸቱዋ ዋድያን፣ የሱሰ፣ “ታን ነዉ እያ ኦላናዳን ኮያይ?” ያጌደ እ ኦቼዳ።

እካ ዛሬደ፣ “ጎዳዉ፣ ጸላናዉ ኮያይ” ጌዳ።

42 የሱሰካ፣ “ጸላ፣ ነ አማኑ ኔና ፓሌዳ” ያጌዳ።

43 ሄ ዋድያንካ ጸላ እኤዳ፤ ጸሳካ ቦንቺደ እ ጌዲዋ ካሌዳ።

አሳይ ኡባይ ብታንያ ጸሊደ፣ ጸሳ ጋላቱድኖ።

### 19

የሱሳነ ዛክዮሳ 1 የሱሰ ሀን እያርኮ ካታማ ገሊደ፣ ሄዋና እድ ደኤ።



2 ሱንሳይ ዛክሮሳ ጌተትያ እት ዲረ ብታኒ ሄዋን ደኤ። እካ ቃራጽያዋንቶ ካቸዋ።

3 ዛክሮሳ የሱሳ ጌተትያዋ ሀቃዌንቶ በአናው ኮይሽን ቃንሳ ግዴዳዋ ድራው። አሳ ጮራተላፕ ደንደዋን በአናው ዳንዳይቤና።

4 የሱስ ሄ ኦግያና አድያ ድራው። ሰንሳው አዲደ እት ቦእያ ቦላ ከሴዳ።

5 የሱስ ሄ ሳኣ ጋኪደ። ጶቁ ግ ፑደ ጸሊደ። “ዛክሮሳ፡ ሀቼ ነ ጎለን ፔሻናው በሰያ ድራው ኤለ ዋቆ” ያጌዳ።

6 እካ ኤሌል ቦእያፕ ዋዲደ። ናሽቻን የሱሳ ሞኬዳ።

7 ሄዋን ደእያ አሳ ኡባይ ሀዋ በኢደ። “ሀዌ ናጋራንቻ ጎለን ገሊደ እማላ ግዲደ ሾበታና ሀኔ” ጌደ ኡባቲካ ዙዙንሳ ደሜድና።

8 ዛክሮሳካ ቃይ ኤቂደ ጎዳ። “ጎዳው፡ ሰሞ ታው ደእያዋ ኡባፕ ባጋ ህየሳቶ እማና፤ ኦፕነካ ዋርዲዋን አኬዳዋ ግደፕ። ኦይዱ ዳኩዋ ኡዳደ ዛራና” ያጌዳ።

9 የሱሰካ ዛክሮሳው አዲደ። “ኔንካ አብራሃሞ ሼሻ ግድያ ድራው። ሀቼ አቶተላይ ሀ ጎለ አሳው ዬዳ።

10 እያው ጎፕ። አሳ ናኢይ ባዬዳዋ ኮያናውን እሻናው ዬዳ” ያጌዳ።

ታሙ ቆማቱዋ ሌምሱዋ (ማቶሳ 25:14-30)

11 አሳይ ሀዋ ሰሲደ ደእሸን የሱሰ። ህን የሩሳላመ ጸቱዋ ድራውን ኢንቱንቶ ጸሳ ካወተላይ ሀእካ ቆንጭያዋ ማላቶ ድራው ሌምሱዋ ኦዳዳ።

12 ሀዋዳን ያግ ደሜዳ፤ “እት ዋልቃሚ ብታኒ ባረው ካወተላ ቦንቹዋ አኪደ ሰማናው። ህን ሃኮ ጋድያ ቤዳ።

13 ባረ ቆማቱዋ ግደፕ ታሙዋ ጸሲደ። ኢንቱንቶ ታሙ ሚና \* ጌተትያ ሚሻ እዋዋሽን። ታን ሰማደ ያና ጋካናው። ሀ ሚሻን ዛልእሸተ” ያጌዳ።

14 “ሸን አ ጋድያ አሳይ አ እጾ ድራው። ሀ ብታኒ ኑ ቦላ ካተታናዳን ኑን ኮዮኮ ያጌደ። ጉዮና እ ደእያሳ አሳ ኪቲድና።

15 ግደፕ አትን። ሀ ብታኒ ካተ ግዲደ ህን ባረ ጋደ ሰሜዳ። ሄ ቆማቱ ሁጲያን ሁጲያን እ እዋ ሚሻን

ዛልኢደ አይ ከና ዋድሴድናንቶ ኤራናው ጸሰሴዳ።

16 “ኮይሮ ቆማይ ሸቂደ። ጎዳው። ኔን ታው እሚዳ ታሙ ሚና ዋድያ ታሙዋ ደማድ” ያጌዳ።

17 አ ጎዳይ አ። ሀያናሾ! ኔን ሎኦ ቆማ፤ ኔን ጉላ የወዋን እማነቲዳዋ ግዲደ ቤቶ ድራው። ታሙ ካታማቱዋ ቦላን ማታይ ነው እመቲዳ” ያጌዳ።

18 “ላኤንሰያዌካ ሸቂደ። ጎዳው። ኔን ታው እሚዳ እቼሹ ሚና ጌተትያ ሚሻይ እቼሹዋ ዋድዳ” ያጌዳ።

19 አ ጎዳይካ አ። ጎዳው እቼሹ ካታማቱዋ ቦላን ማታይ እመቲዳ” ያጌዳ።

20 ሀራ ሄዘንሰያ ቆማይ ሸቂደ። ጎዳው። ጩርቃን ጸጸ ዋሌዳ ነ ሚሻ ሀዋ በአ።

21 እያው ጎፕ። ኔን ዋላቤናሳፕ አክያዋ፤ ዘራቤናዋ ቆይጭያ መቀላ ባይና አሳ ግድያ ድራው። ነው ያያድ” ያጌዳ።

22 “ጎዳይካ። ሀ ኢታ ቆማይ፤ ኔን ሃሳዮ ቃላን ነ ቦላ ታን ፕርዳና። ዋላቤናዋ አክያዋ። ዘራቤናዋ ቆይጭያ መቀላ ባይና አሳ ግድያዋ ኤርፕ።

23 ታን ያደ ታ ሚሻ ዋድያና አካና ማላ። እያው ዋድሴያዋንቶ እማበይኪ?” ያጌዳ።

24 “ጎዳይካ። ሄዋን ኤቆዋንታ። ሀ ሚሻ አፕ ዋላ አኪደ ታሙ ሚናይ ደእያዋ እምተ” ያጌዳ።

25 ኢንቱንቱካ። ጎዳው። አው ታሙ ሚናይ ደኤ” ያጌድና።

26 “አካ። ታን ህንተንቶ ኦድያዎ። ደእያዋ ኡባው ጉጀታናዋ፤ ባይናዋፕ ቃይ ሄ ደእያዌካ እከታናዋ።

27 የወዋን ቃይ ታን ኢንቱንቱ ቦላን ካወተናዳን ኮይዳ ታ ሞርካቱዋ ታኮ አሂደ ታ ሰንሳን ሹክተ ጌዳ” ያጌዳ።

የሱሰ ዳር ቦንቹዋን የሩሳላመ ገሌዳ

(ማቶሳ 21:1-11፤ ማር. 11:1-11፤ ዮሃ. 12:12-15)

28 የሱሰ ሀዋ ጎዋፕ ካላ ህን የሩሳላመ ከሳናው ባረና ካልያዋንቱፕ ሰንሳቲደ ቤዳ።

29 ደብረ ዛይተ ጌተትያ ደርያ ማታን ደእያ ህን ቤተፋገን ቢታንያ

19:10 ማቶሳ 18:11 19:11 ማቶሳ 25:14-30 \* 19:13 ሚና- ሚና ጌተትያዎ። ግሪክ ቃላን ሞናሰ ግያዎ። ሀዋ ብላላይ። ሄ ዋደ ደእያ ኦሳንቻ አሳው እመትያ ሄዙ እገና ድርጉዎ። 19:26 ማቶሳ 13:12፤ ማር. 4:25፤ ሉቃስ 8:18

ጌተትያ ሄራ ካታማቱዋኮ ሸቂዳ ዎደ ባረና ካልያዋንቱ ላአቱዋ።

30 “ሀንተንቱ ስንላን ደእያ ቁር ካታማቱዋ ቢተ፤ ያ ሀንተንቱ ገልያ ዎደ፤ ኦንነ ብር ኡትቤና ሀረ ማራይ ቃሽት ኡቲዳዎ ደማንታ፤ ኦ ብሊደ ሃ ኦክ ዪተ።

31 ኦንነ ሀንተንታ፡ “ሀዋ ኦያዉ ብለቱ፤” ገደ ኦቾተ፡ “ኦ ባረ ጎዳዉ ተ ኮሸያ ድራሳ” ያግተ” ያጌዳ።

32 ከተቲዳዋንቱካ ቢደ፡ የሱስ ኡንቱንቶ ኦደዋዳን ሀንና ደሚድኖ።

33 ኡንቱንቱ ሀረ ማራ ብልያ ዎደ በኢደ ሀርያ ጎዳይ፡ “ሀረ ማራ ኦያዉ ብለቱ፤” ያጌዳ።

34 ኡንቱንቱካ፡ “ጎዳዉ ሀዌ ኮሺ” ያጌደ።

35 ሀረ ማራ የሱሳኮ ኦሄድኖ፤ ባረንቱ ማዩዋ ኦ ቦላን ዎሌደ የሱሳ ሀርያ ቶግሴድኖ።

36 ኦሳይካ የሱስ ብያ ኦግያ ቦላ ባረንቱ ማዩዋ ሂጾድኖ። †

37 ኦ ደብረ ዛይተ ጌተትያ ደርያ ዲገላ ኦፍያ ኦግያ ማቲዳ ዎደ፡ ዳር ጮራ ግዴዳ ኦ ካልያዋንቱ በኤዳ ጸሳይ ኦሌዳ ማላታዉ ኡባዉ ናሸቲደ፡ ባረንቱ ኮሻ ቶቁ ኦሌደ፡

38 “ጎዳ ሱንላን ይያ ካቲ፡

ኦንጀቲዳዋ፤  
ሳሉዋን ሳርታይ ግደ።  
ቃይ ክል ቶቃ ሳሉዋን ደእያ፡

ጸሳይ ቦንቼቶ” ያጌድኖ።

39 ኦሳ ጋርሳን ደእያ ኦት ኦት ጋርሳዎቱ የሱሳ፡ “ታማርሰያዎ፡ ኔና ካልያዋንታ ጮኡ ኦላርኪ” ያጌድኖ።

40 ኦካ ዛሪደ፡ “ታን ሀንተንቶ ኦዳይ፡ ኡንቱንቱ ጮኡ ጎተ፡ ሹቻይካ ዋሳናዎ” ያጌዳ።

41 የሱስ የሩሳላመ ማቲዳ ዎደ፡ ካታማቶ በኢደ፡ ዬኪደ፡

42 “ኣ ሳርታዉ ግድያዎ ኔን ሀቼ ኤራድንቶ ሎኦ፤ ሽን ሀኦ ሄዌ ነ ኦይፍያተ ጌሜዳ።

43 ኦያዉ ጎተ፡ ነ ቦላ ያና ዎዲ ደኤ፤ ሄ ዎደ ኔና ኦጽያዋንቱ ነ የሹዋን ድርሳ ድሪደ፡ ያገን ሃገን ደዲደ፡ ኔና ኡንኤልያ ዎዲ ያናዎ።

44 ኔና ነ ድርሳ ጋርሳን ደእያ ነ ኦሳ መንግሥት። ጸሳይ ኔና በኦናዉ

ዬዳ ዎድያ ኔን ኤራቤና ድራዉ፡ ኔና ኦጽያዋንቱ ሹቻ ኡባ ኦቲዋ ኦቲዋ ቦላገ ደንሊደ ሳላናዎ” ያጌዳ።

የሱስ ጌሻ ጎልያን ዛልእያዋንታ የደርሴዳ

(ማቶሳ 21:12-17፤ ማር. 11:15-19፤ ዮሃ. 2:13-22)

45 ሀዋጥ ካላ የሱስ ጌሻ ጎልያ ገሊደ፡ ዛልእያዋንታ ሄዋጥ ከሴዳ።

46 የሱስ ዛሪደ፡ “ ኦታ ጎሊ ጸሳ ዎሰያ ጎልያ ግዳናዎ ጌተቲደ ጸሳ ቃሳን ጸፈቲዳ። ሽን ሀንተንቱ ኦ ፓኑዋ ጎንጎሉዋ ኦሌድታ” ያጌዳ።

47 የሱስ ኡባ ዎደ ጌሻ ጎልያን ታማርሰ ደእሸን፡ ቁሳቱዋ ካፓቲ፡ ሙሴ ሀግያ ታማርሰያዋንቱን ኦሳ ኦይሰያዋንቱ ኦ ዎቆናዉ ኮዪኖ።

48 ሽን ኦሳይ ኡባይ ኦ ሃሳያጥ ኦቲን ኦተናን ሰሰ ኡቶ ድራዉ፡ ኦ ዎድያ ኦግያ ኡንቱንቱ ቆይድኖ።

## 20

የሱሳ ማታ ቦላ ደንዴዳ ኦሻ (ማቶሳ 21:23-27፤ ማር. 11:27-33)

1 ኦት ጋላስ የሱስ ኦሳ ጌሻ ጎልያን ታማርሰደን ሞሽራቸዋ ቃላ ኦዲደ ደእያ ዎደ፡ ቁሳቱዋ ካፓቲን ሙሴ ሀግያ ታማርሰያዋንቱ ጋድያ ጭማቱዋና ኦትጥ የሱሳኮ ዬድኖ።

2 ኡንቱንቱካ፡ “ሀ የደዋ ኔን ኦልያዌ ኦይ ማታንንቶ ኦዳ፤ ሀ ማታካ ነዉ ኦሜዳዌ ኦ ኦኔ?” ያጌደ ኦቼድኖ።

3 ኦካ፡ “ታ ሀንተና ኦት ኦሻ ኦቶያዌ ደእያዎ ኦከ ዛርተ።

4 ዮሃንሳ ጽንቃታይ ጸሳፔ ዎይ ኦሳፔ?” ያግ ኦቼዳ።

5 ኡንቱንቱ ባረ ግደን ማቀቲደ፡ “ጸሳጥ ጎተ፡ ሄዋ ግደጥ ኦኦያዉ ኦማንበይክቲ ኦና ያጋናዎ፤

6 ኦሳጥ ጎተ፡ ኦሳይ ኡባይ ዮሃንስ ናብያ ግድያዎ ኦማንያ ድራዉ ሹቻን ኦና ደቻናዋንታ” ያጌድኖ።

7 ሀዋሰ፡ “ሀቃጥ ዬደንቶ ኤርኮ” ገደ ኦዉ ዛሪድኖ።

† 19:31 ጎዳዉ- ሀዋን ጎዳዉ ጌተቶዎ፡ ሀረ ማራ ጎዳገሽን፡ ጸሳ ግደና። † 19:36 ማዩዋ ሂጾድኖ- ሀዋ ጉሳይ፡ ኦይሁዳ ኦሳ ዎጋን፡ ኡሪቲዳን ቦንቼትያ ኦሳዉ ኦስትያ ኦማላ ዋካ ዎጋ። 19:38 ማክ. 118:26 19:46 ኦሳ. 56:7፤ ኤር. 7:11 19:47 ሉቃስ 21:37 20:9 ኦሳ. 5:1

8 የሱሰካ፡ “ሀዋ ግደጥ ታንካ፡ ታን ኦ ማታን ሀ የወዋ ኦላይታንቶ ህንተንቶ ኦድከ” ያጌዳ።

9 ሀዋጥ ሰሚደ የሱሰ አሳዉ ሀ ሊምሱዋ ያግ ኦዲዋ ደሜዳ፡ “እት ብታኒ ዳር ዋይንያ ቱራቱዋ ቶኬዳ። ጎሻንቻቶ ኮላዉ እሚደ፡ እ ህን ሀራ ጋድያ ቢደ ጮራ ዋድያ ገምኤዳ።

10 ዋይኒ አይፍያ አይፎ ዋደ፡ ዋይንያ ጎሻ ጎዳይ ባረና ጋክያዋ አሀናዳን እት ቆማ ኮላዋቱዋኮ ከቲዳ። ከተት ቤዳዋካ ጶኦቢደ፡ ሙላ ኩሽያ የዴድኖ።

11 ሄዋጥ ሀራ ቆማ ከቲዳ። ኡንቱንቱ ሄዋካ ቃይ ጶኦቢደ፡ ቶቺደ፡ ሙላ ኩሽያ የዴድኖ።

12 ሀእካ ሀራ ሄዘንሰያ ቆማ ከቲዳ። ኡንቱንቱካ ቃይ እ ማሱንላደ፡ ህን ካረ ኦሌድኖ።

13 “ሄ ዋይንያ ቱራ ጎዳይካ፡ ‘ሰም አያ ኦላ? አነ ሀእ ታ ደሰያ ናኦ ኪታና፤ ኦን ኤር እ ቦንቸጥን’ ጌዳ።

14 ጎሻንቻቱ ቃይ ናኦ ቦኤዳ ዋደ፡ ላዋ እ ላትያዋ ግደ ድራዉ፡ ሀይተ ዋዲይተ፤ ሄዋጥ ጉየ፡ ቢታይ ኦሳ ግዳናዋ ጊደ ዘረቲድኖ።

15 ዋይንያ ቱራ ሳኦጥ፡ ህን ካረዉ ከሲደ አ ዋዲድኖ።

“ዋይንያ ቱራ ጎዳይካ ኡንቱንታ አያ ኦላንዴሻ?

16 ዮጥ ሄ ጎሻንቻቱዋ፡ ዋዳናዋ፤ ዋይንያ ቱራ ሳኦካ ሀራንቶ እማናዋ” ያጌድኖ።

አሳቱካ ሀዋ ሰሶ ዋደ፡ “ሀዋ ማላባ አሀፖ” ያጌድኖ።

17 የሱሰካ ህን ኡንቱንቱኮ ጴሊደ፡ “ ‘ሰም ሹቻ ጎልያ ኬጵያዋንቱ ካዴዳ ሹቻይ፡

እ ዋና ጎልያ ምንሰያ ሀጵ ሹቻ ግዴዳ

ጌተቲደ ጸፈቲዳዋ ብለላይ አይ?

18 ሀ ሹቻ ቦላን ኩንድያ ኡባይ ሙኤረቲ፤ ሹቻይካ እ ቦላን ኩንድያ ኡባይ ቡንቼታናዋ” ያጌዳ።

ጌራ፡ ጌራኔ አጋኔ ግያ ኦሻ (ማቶሳ 22:15-22፤ ማር. 12:13-17)

19 ሙሴ ህግያ ጸፍያዋንቱን ቄሳቱዋ ካፓቱ የሱሰ ሃሳዬዳ ሊምሱ፡ ኡንቱንቱ ቦላን ጌተቶዋ ኤር ድራዉ፡

ሄ ሳትያንካ እ ኦይቃናዉ ኮይድኖ። ሽን አሳዉ ያዬድኖ።

20 የሱሳ፡ ሄ ጋድያ ሞድያዋን እ ማታዉ አሊደ እማናዉ አ ደናጥ ከሰያ ቃላን ኦይቃናዉ እንጀትያ ዋድያ ናጊኖ። ሄዋ ድራዉ ጌሻ ማላቲደ ኦይላናዉ ዋቻያዋንታ ከቲድኖ።

21 ሄ ከተቶዋንቱካ የሱሳ፡ “ታማርሰያዋ፡ ኔን ቱማ የወዋ ሃሳይያዋን ታማርሰያዋ፡ ሄዋዳንካ ቃይ ጸሳ ኦግያ ቱማተላን ታማርሰያዋን ኦሰን ዲማየናዋ ኩን ኤራቶ።

22 ቃይካ ኡንቱንቱ፡ ሮማ ካትያ ቄሳረዉ ጌራ ጭጋናዉ ኮሺ ዋይ ኮሽኔ?” ያግ ኦቺድኖ።

23 እ ቃይ ኡንቱንቱ ደሻተላ ኤሪደ፡

24 “አነ ታና እት ዲናርያ \* በሰተ፤ ሄዋ ቦላን ደእያ ምሰሊን ጸፈቶዋ ኦና በሲ?” ጌዳ።

25 ኡንቱንቱካ፡ “ቄሳረዋ” ጊደ ዛሬድኖ፡ እኔካ፡ “ሄዋ ግደጥ፡ ቄሳረዋ፡ ቄሳረዉ እምተ፤ ጸሳዋ፡ ጸሳዉ እምተ” ያጌዳ።

26 ኡንቱንቱካ፡ እ ሃሳዬዳ ቃላን አሳ ሰንላን ኦይቃናዉ ዳንዳይበይክኖ። እ ዛሩዋን ማላለቲደ ጮኡ ጌድኖ።

ሀይቁዋጥ ደንዲዋባ ኦሻ (ማቶሳ 22:23-33፤ ማር. 12:18-27)

27 ሳዲቃዋናቱጥ እቱ እቱ የሱሳኮ ዪደ፡ ኦሻ አዉ ሺሴድኖ።

28 ኡንቱንቱካ የሱሳ፡ “ታማርሰያዋ፡ እት ብታኒ ማቻቶ አኪደ ናኦ የለናን ሀይያዋ ግደጥ፡ ምሽራቶ ሄዋ እሻይ ላታ እክ ናኦ የሊደ ባረ እሻዉ ዘረላ ዋላና ማላ ሙሴ ኦዉ ጸፊዳ።

29 እት ዋድያን ላፑ እሻቱ ደእያዋንቱ፡ ባይራይ ማቻቶ አኪደ የለናን ሀይቁ ኦይኖ።

30 ላኤንሰያዋካ እዘ ላቲዳ።

31 ሄዘንሰያዋካ ቃይ እዘ አኪዳ፤ ላፑናቱካ እዘ አኪደ ናኦ የለናን ሀይቁድኖ።

32 ዉርሰላን ምሽራታካ ሀይቃ አጋዴ።

33 ሰም ላፑናቱካ ሄ ምሽራቶ እኬዳ ድራዉ፡ ሀይቁዋጥ ደንዲዳ ዋደ፡ እዘ ኦሰ ማቺ ግዳኔ?” ያግ ኦቺድኖ።

34 የሱሰካ፡ “ሀ አላምያ ናናይ አኪኖን አከቲኖ።

35 ሽን ሀይቁዋጥ ደንዲደ፣ ሰንፋጥ ይያ ዋድያን ደአናው በሰያዋንቱ አክክኖን አከትክኖ።

36 አንቱንቱ ጸሳ ኪታንቻ ማላቲደ ደእያ ድራው፣ ሄዋጥ ሰሚደ ሀይቁክኖ። ሀይቁዋጥ ደንድያዋንታ ግድያ ድራው አንቱንቱ ጸሳ ናና።

37 ሙሴ፣ ጸሳይ አው ቆንጨዳ ዋራባ ጸፊዳ ታርክያ ጋርሳን፣ ጎዳ ጸሳ፣ ኣብራሃሞ ጸሳ፣ ይሳቃ ጸሳ፣ ያቆባ ጸሳ፣ ያጊደ ጸሱሳይ፣ ሀይቃዋንቱ ደንድያዋ በሴ።

38 ኡባይካ አው ሀይቁ ቤናዋንታ ግድያ ድራው፣ እ ሀይቁቤናዋንቱ ጸሳጥ አትን፣ ሀይቆዋንቱዋ ግድና። ያጌዳ።

39 እት እት ሙሴ ሀግያ ጸፊዳዋንቱካ፣ “ታማርሰያዎ፣ ሎኡዋ ሃሳያዳ” ያጌድኖ።

40 ሀዋጥ ሰሚደ፣ እቱካ እ ኦቻናው ጸሎጭ ባዋ።

የሱስ ኦኔ ግያ ኦሻ (ማቶሳ 22:41-46፤ ማር. 12:35-37)

41 ሀዋጥ ካላ የሱስ አንቱንታ፣ “አሳይ ክርሰቶሳ ዎት ዳዊተ ናኣ ያጊኖ?”

42-43 ጋሶተሳይኔካ፣ ዳዊተ ባረ ሁጸው ማዘሙረ ማጸፋ ጋርሳን፣

“ ጎዳይ ታ ጎዳ፣ “ታን ነ ሞርከቱዎ፣ ነ ጊድያጥ ጋርሳና ደአናዳን ኦላና ጋካናው፣

ታ ኡሽቻን ኡታ” ጌዳ፣ ያጌዳ።

44 “ሰሞ ዳዊተ ክርሰቶሳ፣ ጎዳ፣ ጊደ ጸሰያዋ ግድጥ፣ ዎት አው ናኣ ግዳና ዳንዳዪ?” ያጌዳ።

ሙሴ ሀግያ ታማርሰያዋንቱጥ ናገታና ማላ፣ የሱስ ሴፊዳ ሴራ

(ማቶሳ 23:1-36፤ ማር. 12:38-40)

45 አሳይ ኡባይ ሰሰሽን ባረና ካልያዋንቶ፣

46 “ሙሴ ሀግያ ታማርሰያዋንቱጥ ናገትተ፤ አንቱንቱካ፣ አዲሳ ቃሞሽያ ማዪደ ዩያናው፣ ገያይ ደእያ ሳን ቦንቾ ሳርታ አካናው፣ ዎሰያ ጎለን ቦንቾ ኦይድያን ኡታናው፣ ሾበቱዳሳን ቦንቾሳ ኮይያዋንታ።

47 ሄዋንቱካ አምአቱዋ ጎልያ ካሎይያዋንታ፤ ባረንታ በሳናው ዎሳ

አዲሰያዋንታ፤ አንቱንታ ኢታ ፕርዳይ ናገ” ያጌዳ።

## 21

አምእትባነ አዘ አሞታ (ማር. 12:41-44)

1 የሱስ ጶቁ ጊደ ጸልያ ዎድ፣ ዱረ አሳይ ጌሻ ጎልያን እሞታ ሺሽያ ሚሻ ግድን ባረንቶ ደእያዋጥ አንቱንቱ የግያ ዎድ በኤዳ።

2 ቃይካ እት ሀዬሳ አምኤ ሞሽራታ ላኡ ሰሞበርያ ሄዋን የግያ ዎድ በኢደ፣

3 “ታ ህንተው ቱሙዋ ጋይ፣ ሀ ሀዬሳ አምኤ ሞሽራታ፣ ኦጥን ዳሩዋ እማዱ።

4 ሀ አሳይ ኡባይ ባረንቶ ፓላሆዋጥ እሜድኖ፤ ሽን እዛ ባረ ሀዬሳተትሃ ዎልቃን ባረው ደእያዋ ኡባ እማዱ” ያጌዳ።

ጌሻ ጎሊ ኮለታናዋ የሱስ ካሰቲደ ኦዴዳ

(ማቶሳ 24:1-2፤ ማር. 13:1-2)

5 እ ካልያዋንቱጥ እቱ እቱ፣ “ጌሻ ጎሊ ሎኦ ሹቻንን ባላ ሺቁዋ እሞታን ሎኤዳዎ” ያግ ሃሳይያ ዎድ የሱስ፣

6 “ሀዌ ህንተንቱ በእያዌ ኡባይ ኮለተናን፣ ሹቻይ ሹቻ ቦላን ኬለቲደ አተና ዎዲ ያናዎ” ያጌዳ።

7 አንቱንቱካ፣ “ታማርሰያዎ፣ ሰሞ ሀዌ ሀናናዌ አውዴ? ቃይካ ሀዌ ሀናናው ማላይ አዬ?” ያጊድ ኦቼድኖ።

የሱስ ሙቱዋ ዎዲን ናሽቻ ዎዲ ያናዋ ኦዴዳ

(ማቶሳ 24:3-13፤ ማር. 13:3-13)

8 እካ፣ “ኦንን ባለፍዳን ናገትተ፤ ጮራ አሳይ፣ ታን ክርሰቶሳ፣ ያጊደ ቃይካ፣ ሞዲ ማቲዳ፣ ያጊደ ታ ሱንፋን ያናዋንታ፤ ህንተንቱ ቃይ አንቱንታ ካሎጥተ።

9 እላ የወዋነ አሳ ማካላባ ሰሰያ ዎድ ዳጋሞጥተ፤ ሀዌ ኮይሮ ሀናናው በሰያዎ ግድ ድራጥ አትን ወርሰላይ ብራ” ያጌዳ።

10 ሄዋጥ ካሊደ አሳው፣ “አሳይ አሳ ቦላ፣ ካውተላይካ ካውተላ ቦላ፣ ደንዳናዎ፤

11 ዎልቃማ ቢታ ቃላይ ሀናናዎ፤ ኮሻይን ሀርጊ፣ ዲማ ዲማሳን

መጋታናቸው ያሸንፈው የወንድ ስብከት ያልቃመ ማለታይ ሳሉዋጥ ሆናቸው።

12 “ሆኖ ስብከት ሆናጥ ካሰያን ቃይ አሳይ ህንተንታ ኮይቃናቸው፤ መቶፋናቸው፤ ህን እይሁዳቸው ዋሳ ጎላ አሳው አሉ እማናቸው፤ ቃሾ ጎላካ ገልጎናቸው፤ ካታቱዋ ስንፋንን ሞድያዋንቱ ስንፋን ሸሻናቸው፤ ሆኖ ኡባይ ታ ሱንፋ ጋሱዋን ህንተንታ ገካናቸው።

13 ሆኖካ ማርካታናው ህንተው ሎኦ ካጫ ግዳናቸው።

14 ሆኖ ግድያ ድራው፤ አይ ዛሩዋ እማኔ ገደ ኮይርቲደ ህንተንቱ ኡንኤተና ማላ ሆኖ ዋዛና አሉተ።

15 ኤቅታያዋንቱ ኡባይ፤ ኤቅታናውን ላካናው ዳንዳየና ቃላን አዶ ጭንጫተፋ ታን ህንተንቶ እማና።

16 ህንተንታ የሌዳዋንቱን ህንተንቱ እሻቱ፤ ህንተንቱ ዳባቱን ህንተንቱ ላገፋቱካ አተናን ህንተንታ አሉ እማናቸው፤ ህንተንቱጥካ እቱዋ እቱዋ ዋዳናቸው።

17 ታ ሱንፋ ድራው አሳ ኡባ ማታን አጸቴዳዋንታ ግዳንታ።

18 የወዋን ቃይ ህንተንቱ ሁጺያ ብናናጥካ እትናን ባዩኩ።

19 ምን ኤቂደ ህንተንቱ ሸምጥዋ አሺታ።

የሱስ የሩሳላሙ ባየፋባ ኦዴዳ (ማቶሳ 24:15-21፤ ማር. 13:14-19)

20 “የሩሳላሙ ኦላ አሳን ደደቴዳ ዋደ፤ እዝ ባየፋይ ማቴዳዋ ኤርተ።

21 ሄ ዋደ ይሁዳን ደእያዋንቱ ደርያኩ ባቃትኖ፤ ካታማን ደእያዋንቱ ቃይ ሄዋጥ ከሰኖ፤ ባላጋርያን ደእያዋንቱካ ያ ካታማኩ ገሎጥኖ፤

22 ጸሳ ቃላን ጸፈቴዳዋ ኡባይ ፖላታናዳን ሆኖ ሁሉዋ ከሰያ ዋድያ።

23 ቢታ ቦላን ዋልቃማ መቱ ሆናቸው፤ ሆኖ ደእያ አሳ ቦላን ሆንቁ ያናቸው፤ ሄዋ ድራው ሄ ዋድያን ሻሃርዋንቶን ቋንጫዋንቶ አየ!

24 አሳይ ኡባይ ማሻን ሆይቃናቸው፤ ጸሳ ኤርና ጋድያ ኡባቱካ አሞዱዋን ባናቸው፤ የሩሳላሙካ አይሁዳ ግደናቸው ዋዲ ፖላታና ጋካናው፤ ኡንቱንቱን የጠቅዳውኖ ግዳናውኑ።

ክርስቶስ ላኤንሉ ዩሳ (ማቶሳ 24:29-31፤ ማር. 13:24-27)

25 “አዋ፤ አገናንን ጸልንትያ ቦላ ማላታይ ሆናቸው፤ አባጥን ቤታ ኮሻጥ ደንደ ጋሱዋን ቢታ ቦላን ደእያ አሳይ ኡባይ ኡንኤታናቸው፤ ሆርጋናቸው።

26 ሳሉዋ ዋልቃይ ኡባይ ቃጽያ \* ድራው አሳይ ያሻንን አላምያ ቦላ አይ ያናቸው ያገደ ናጉዋን ዳቡራናቸው።

27 ሄ ዋደ አሳ ናኤይ ዋልቃን ዋልቃማ ቦንቹዋን ሻርያን ይያ ዋደ በእናቸው።

28 ህንተንቱካ፤ ሆ የወ ፖላቱሳ ደምያ ዋደ፤ ዋዙ ጸቱዋ ድራው ሰት ገደ ኤቂተ፤ ጥደ ዶቁ ገደ ጸልተ” ጌዳ።

ባላሰያ ጌትትያ ምላ ሌምሱዋ (ማቶሳ 24:32-35፤ ማር. 13:28-31)

29 ካሊደካ፤ ሆኖ ያግ ሌምሱዋ አዳዳ፤ “ዋደገፋጥን ሆር ምላ ኡባጥ ጸልተ፤

30 ሆይፋይ አጭና በእያ ዋደ፤ ሄ ዋደ ቦኒ ማቴዳዋ ህንተንቱ ኤሪታ።

31 ሄዋዳንካ ቃይ የዋቱ ፖላትያዋ በእያ ዋደ፤ ጸሳ ካውተፋታ ማቴዳውኖ ኤርተ።

32 “ታን ህንተው ቱሙዋ ጋይ፤ ሆኖ ኡባይ ፖላታና ጋካናው ሆ የለታይ አጠና።

33 ሳሉን ሳኤይ አዳና፤ ሸን ታ ቃላይ አጠና።

34 ሰም ዛዋይ ባይና ደኡዋን፤ ኡሻ ዳሩዋን ደኡዋባን ኡንኤትሸን ህንተንቱ ዋዛና ለጥናዳን ሄ ጋላሳይ ጸርያዳን ቆጥናን ህንተና ጋከናዳን ናገትተ፤

35 ሆኖ ቢታ ኡባን ደእያዋንቱ ኡባቱዋ ቦላን ጋካናቸው።

36 ሰም ይያ ኤታባ ኡባጥ ህንተንቱ አታናዳንን አሳ ናኤ ስንፋንካ ኤቃናው ዳንዳያና ማላ፤ ኡባ ዋደ ምን ዋሰተ” ያጌዳ።

37 የሱስ ጋላስ ጋላስ ጌሻ ጎልያን ታማርሲደ፤ ቃማ ቃማ ደብረ ዛይት ያገትያ ደርያኩ ከሲደ አቁ።

38 አሳይ ኡባይ አ ሰሳናው ጉራን ያ ጌሻ ጎልያ አኩ ዩኖ።

21:15 ሉቃስ 12:11-12 21:22 ሆስ 9:7 21:25 አሳ. 13:10፤ ሆዘ. 32:7፤ አይ. 2:31፤ ሳዓ 6:12፤ 13 \* 21:26 ሳሉዋ ዋልቃይ ኡባይ ቃጽ፡- ሆኖ ጉሳይ፤ በን ዋደ አሳይ፤ ሳሉዋን ደእያ ጸልንቲ ኡባይ እያና ዋልቃና ደኤ ገደ ቆጥ። 21:27 ዳኤላ 7:13፤ ሳዓ 1:7

# 22

ክርስቶስ ዋናው ማቀቴድና  
(ማቶሳ 26:1-5፤ ማር. 14:1-2፤ ዮሃ. 11:45-53)

1 ፓሰጋ ጌተትያ ማጋገ ኡክላ ምያ ባላይ ማቴዳ።

2 ቁሳቱዋ ካፓቱክ ሙሴ ህግያ ጸፍያዋንቱ የሱሳ ዋት ዋቋንንቶ፣ ዋጅያ ኦግያ ጌማን ኮዪድ፤ ሸን አሳው ያዪድ።

3 ጸላሂካ ታማነ ላኡ ካልያዋንቱ፣ ጸቱዋ ግዴዳ አስቆርቱ ይሁዳን ገሌዳ።

4 እካ ቢደ፣ የሱሳ ዋት አላ እማንንቶ ቁሳቱዋ ካፓቱዋና ጌሻ ጎልያ ናግያዋንቱ ካፓቱዋና እትፕ ሃሳዬዳ።

5 ኡንቱንቱካ ናሸቲደ፣ ሚሻካ ይሁዳው እማናው ወለቲድድና።

6 እካ ኤኖ ጌዳ፤ አሳይ ባይና ሳን የሱሳ አላ እማናው እንጀትያ ዋድያ ኮዬ።

የሱሳ አይሁዳቱዋ ፓሰጋ ማናው ገገቲዳ

(ማቶሳ 26:17-25፤ ማር. 14:12-21፤ ዮሃ. 13:21-30)

7 ማጋገ ኡክላ ምያ ባላ ቦንቶያ ዋዲ ገኬዳ፤ ሄ ዋዳካ ፓሰጋው ደርሳ ሹካናው በሰያ ዋድያ።

8 የሱሳ ጸጽሮሳን የሃንሳ፣ “ፓሰጋ ቁማ ኡን ማናዳን ቢደ ገግሰተ” ገደ ከቲዳ።

9 ኡንቱንቱካ ዛሪደ፣ “ሀቃን ገግሳናዳን ኮያይ?” ያግ ኦቹድና።

10 እካ፣ “ሀንተንቱ፣ ካታማ ገልያ ዋደ ኦቱዋና ሃላ ቶኬዳ ብታኒ \* ሀንተንቱና ገከታናዋ፤ እ ገልያ ጎልያ አ ካሊደ ገልተ፤

11 ሄ ጎልያዋካ፣ ጭማርሰያዌ ኔና፣ “ታን፣ ታና ካልያዋንቱና እትፕ ፓሰጋ ቁማ ምያ እማላ ክፍሊ ሀቃ ባገና ደኢ?” ያጌ ገተ።

12 ሄ ብታኒካ ፖቅያ ቦላን ደኢያ ሂጸት ኡቲዳ እኮ ክፍልያ ሀንተንታ በሳናዋ፤ ሄዋንካ ሳኦ ገግሰተ” ያጌዳ።

13 ኡንቱንቱ ቢደ፣ የሱሳ ጎዋዳንካ ብታንያ ደሚደ ፓሰጋ ቁማ ገግሴድና።

14 ፓሰጋ ቁማይ ማተትያ ሳቲ ጋኮ ዋደ፣ ታማነ ላኡ ከተቶዋንቱና እትፕ ቁማ ማናው ኡቲዳ።

15 እካ፣ “ታና ሙቱ ጋካናፕ ካሰያን ሀንተንቱና ሀ ፓሰጋ ቁማ ማናው ዳር አሞታደ ደኢይ።

16 እያው ጎፕ፣ ታ ሀንተው አድያዌ፣ ሀዌ ጸሳ ካውተሳን ፖለታና ጋካናው፣ ታን ላኡንሉዋ ሀዋፕ ሚከ” ያጌዳ።

17 ጸኦ እኪደ፣ ጸሳ ጋላቲደ፣ “ሀዋ ሄይተ፣ ሀንተንቱ ግዲዋን ግሸት ኡሸተ።

18 እያው ጎፕ፣ ታ ሀንተንቶ ያጋይ፣ ጸሳ ካውተላይ ያና ጋካናው፣ ሀቹፕ ደማደ ዋይንያ ኤሳ ኡሸከ” ያጌዳ።

19 ቃይ ማጋገ ኡክላ አኪደ፣ ጸሳ ጋላቲዳ፤ ሄ ኡክላ ሙንላ ኡንቱንቶ እሚደ፣ “ሀዌ ሀንተንቶ እመትያዌ ታ አሹዋ፤ ሀዋን ታና ቆፓና ማላ ሀዋ ሚተ” ያጌዳ።

20 ካወዋ ሞዋፕ ጉይያን፣ ካሰዋዳን ጸኦ ደንላ ኡንቱንቶ እሚደ፣ ሀዋዳን ያጌዳ። “ሀ ጸኦይ፣ ታ ሀንተንቱ ድራው ጉሰያ ታ ሱላ ቆፊልያ ኦራሳ ጫቁዋ።

21 ሸን በአተ፣ ታና አላ እማናው ደኢያ ብታኒ ጋይታን ታናና እትፕ ሜ።

22 እያው ጎፕ፣ ታን አሳ ናአይ ጸሳይ ጎዋዳን ባይ፤ ሸን ታና ናአይ እምያ ኡራው አወ እየ” ያጌዳ።

23 ኡንቱንቱ ግደፕ ሄዋ ኦላናው ደኢያዌ ኦና ግዳንንቶ፣ ባረንቱ ግደን ኦሻ ደሚድና።

ኡባፕ አድያዌ ኦኔ? ያግያ ኦሻ

24 ቃይ ባረንቱ ግደፕ ኦን አድንቶ ያገትያ ፓሉማይ ኡንቱንቱ ግደን ከሴዳ።

25 የሱሳ ኡንቱንታ ያጌዳ፣ “ሀ አላምያ ሞድያዋንቱ ባረንቱ አሳ ቦላ ጎዳቲና፤ ኡንቱንታ ሞድያዋንቱ ኬካቱዋ ጌተቲና።

26 ሸን ሀንተንቱ ሀዋዳን ሀሮፕተ፤ የወዋን ቃይ ሀንተንቱፕ ዶቃ ግዴዳዌ ሀንተ ኡባፕ ጉጽያዋ፤ ሀንተንታ ሞድያዌካ፣ ሀንተንቶ ቆማዳን ሀሮ።

27 “ቁማ ማናው ኡቲዳዋፕን ቁማ አሳው አልያዋፕን ኦን ቦንቹቲ? ቁማ ማናው ኡቲዳዋ ግደኔ? ታን ቃይ ሀንተንቱ ግደን ቁማ አልያ ቆማ ማላ።

22:1 ከሳ 12:1-27 \* 22:10 ሃላ ቶኬዳ ብታኒ- ሄ ዋደ ሄ ጋደን አሳ ጎላን ከተትያ አቱማ ቆማይ ሃላ ቶኮፕ፣ ሄ ጎላ ዲራ ግድያዋ በሴ። 22:20 ማቶሳ 26:26-28፤ ማር. 14:22-24፤ 1 ቆሮ. 11:23-25 22:26 ማቶሳ 23:11፤ ማር. 9:35

28 ቃይ ታን ፓጨትያ ዋድያን ህንተንቱ ታናና እትፕ ሞን ኤቄዳዋንታ።

29-30 እ ካወተፋ ኦይድያን ኡታና ማላ ታ አቡ ታና ሱንፋዋዳን፣ ታን ቃይ ታ ካወተፋን ታ ጋይታፕ ማናዳን ኡሻናዳን፣ ታማነ ላኡ እሰራኤልያ ያራቱዋ ቦላ ፕርዲደ፣ ካወተፋ ኦይድያን ኡታና ማላ ህንተንታ ሱንፋድ” ያጌዳ።

ጳጵሮስ ካዳናዋ የሱስ ካሰቲደ ኦዴዳ

(ማቶሳ 26:31-35፤ ማር. 14:27-31፤ ዮሃ. 13:36-38)

31 ጎዳይ፣ “ሰሞና፣ ሰሞና፣ ታን አድያዋ ሰሳ፤ ጸላሂ ህንተንታ አሳይ ዛርጋ ሀልእያዋዳን፣ ሀልእናዉ ጸሳ ዋሴዳ።

32 ሸን ታን ነ እማኑ ባየናዳን ነ ድራዉ ጋናታድ። ኔን ታኮ ሰምያ ዋደ ነ እሻቱዋ ሞንጎ” ያጌዳ።

33 ሰሞን ዛሪደ፣ “ጎዳዉ፣ ታን ኔናና ቃሸታናዉን ኔናና እትፕ ሀይቃናዉ ጊጋ ኡታድ” ያጌዳ።

34 የሱስ ቃይ፣ “ጳጵሮሳ፣ ታን ነዉ ያጋይ፤ ሀቼ ብላህያን፣ ኩቱ ዋሳናዉ ሂዙ ገደ ታና ኔን፣ ኦ ታን ኤርከ” ጋደ ካዳናዉ” ያጌዳ።

35 የሱስ ባርና ካልያዋንቶ፣ “ኮሮጁ፣ ቃርጨቲን ጫማይ ባንታን ታን ህንተንታ ከቶ ዋደ፣ ህንተንቶ እትባይ ፓጮዌ ደኢ?” ያጌዳ።

ኡንቱንቱካ፣ “እትባይነ ኑዉ ፓጮቤና” ያጌድና።

36 እካ ዛሪደ፣ “ሀእ ቃይ ኮሮጁኡ ደእያዌ እክ ቦ፤ ቃርጨት ደእያዌካ ሄዋዳን ኦፋ፤ ባይናዌ ቃይ ባር ማዩዋ ዛልኢደ ማሻ ሻሞ።

37 እያዉ ጎፕ ታ ህንተዉ ያጋይ፣ ሳዌ ማካላንቻቱና እትፕ ፓይደቲዳ፣ ያገት ጸሳ ማጸፋን ጸፈቲዳዌ፣ ታናን ፖለተናን አተና። ኤ፣ ታዉ ጌተቲዳዌ ሀእ ፖለታናዋ” ያጌዳ።

38 እ ካልያዋንቱ፣ “ጎዳዉ፣ ሀዋን ላኡ ማሻይ ደኢ” ያገና እካ፣ “ሄዌ ግዳናዋ” ያጌዳ።

የሱስ ደብር ዛይተ ደርያን ዋሴዳ (ማቶሳ 26:36-40፤ ማር. 14:32-42)

39 የሱስ ካታማፕ ከሲደ፣ ሀራ ጋላስ ብያዋዳንካ ደብር ዛይተ ቤዳ። ቃይ እ ካልያዋንቱካ እ ጌዴዋ ቤድና።

40 ሄ ሳእ ጋኪደ፣ “ፓጮያን ህንተንቱ ገለናን አታና ማላ፣ ዋሰተ” ያጌዳ።

41 ሹቻ ኦልና ጋክያሳ ኬና ኡንቱንቱፕ ሃክ ቤዳ። ጉልባቲደ፣

42 “ታ አቦ፣ ኔን ኮይያዋ ግደፕ፣ ሀ መቱዋ ጹኣ ታፕ ድጋ፤ ሸን ታ ሸን ግደፕ፤ ነ ሸን ግደፕ አትን” ያጌደ ዋሴዳ።

43 ሳሉዋፕ ዪደ ሞንሰያ ኪታንቻይ አዉ ቤቲዳ።

44 ባር ዋዛና ግደን ሴለቲደ፣ ዳሪ ዋሴዳ። እ ጫዋትያ ጫዉካ ሳእ ቦላን ጸክያ ሱፋ ማላቲዳ።

45 ዋሳፕ ደንዲደ፣ ባርና ካልያዋንቱኮ ጉየ ቢደ፣ ኡንቱንቱ ደርፕ ቃርቲዳ ድራዉ፣ ዳቡሪደ ገሞእሸዋንታ ጸሊደ፣

46 “እያዉ ገሞእሸቲ? ፓጮያን ገለናዳን ደንድ ዋሰተ” ያጌዳ።

የሱስ ባር ዋርከቱዋ ኩሸያን ኦይቀቲዳ

(ማቶሳ 26:47-56፤ ማር. 14:43-50፤ ዮሃ. 18:3-11)

47 የሱስ ሄዋ ሃሳይ ደእሸን፣ ጮራ አሳይ ዬድና። ታማነ ላኡ አ ካልያዋንቱፕ እቱዋ ግዴዳ ይሁዳ ጌተትያዌ ሄ አሳ ካለሊደ የራናዉ የሱሳኮ ሸቄዳ።

48 የሱስ ቃይ፣ “ይሁዳዉ፣ ኔን ታና አሳ ናኣ የራደ አፋ እማይ?” ያጌዳ።

49 አ ዩሹዋን ደእያ አ ካልያዋንቱ ሀንትያ የዉዋ ቦኦ ዋደ አ፣ “ጎዳዉ፣ ሀ አሳ ኔን ማሻን ቃንጸኔ?” ያጌድና።

50 ኡንቱንቱፕ እቱ፣ ቄሳቲዋ ኡባቱዋ ካፑዋ ቆማ ሾጨደ፣ አ ኡሸቻ ሀይፋ ቃንጽ ኦሊዳ።

51 የሱስ ቃይ ዛሪደ፣ “አግተ፣ ባሸተ” ያጌዳ። ብታንያ ሀይፋካ ቦቺደ ፓሴዳ።

52 የሱስካ ባርኮ ዬዳ ቄሳቲዋ ካፓቶ፣ ጌሻ ጎልያ ናግያዋንቶ፣ ሱንፋቶን ጋድያ ጮማቶ፣ “ፓኑዋ ኦይቄያዋዳን ማሻን ጸሞኣ ኦይቄደ ዪቲ?”

53 ጌሻ ጎልያን ታን ጋላሳን፣ ጋላሳን ህንተንቱና ደእያ ዋደ፣ ታና

ኦይቁበይክታ፤ ሽን ሀእ ሀዌ ሀንተንቱ ዋደን ጳማ ዋልቃ ዋደ” ያጌዳ።

ጳጳሮስ የሱሳ ካዳዳ (ማቶሳ 26:57-58፣ 69-72፤ ማር. 14:53-54፣ 66-72፤ ዮሃ. 18:12-18፣ 25-27)

54 የሱሳ ኦይቁ ቃቻደ፣ ቁሳቱዋ ኡባ ካፑዋ ጎለ አፊደ ገልሴድኖ። ጳጳሮስካ ኡንቱንቱፕ ጉዮ ሃኩዋን ኡንቱንቱ ጌዱዋ ካሌ።

55 ድርሳ ግደን ታማ ኤሊደ፣ እትፕ ኡት ደእሸን፣ ጳጳሮስ ኡንቱንቱ ግደን ዪደ ኡት አጌዳ።

56 ታማይ ፖእያ ባጋና ጳጳሮስ ኡቲደ ደእሸን፣ እት ቆማታ ሎይላ ጸላደ፣ “ሀዌካ ኣናና እትፕ ደኤ” ያገዱ።

57 ጳጳሮስ ቃይ፣ “ሀን ሞሽራቲ፣ ታን አ ኤርከ” ያግ ካዳዳ።

58 ጉላ ዋድያፕ ጉይያን፣ ሀራ ብታኒ ጳጳሮሳ በኢደ፣ “ኔን ኡንቱንቱና ጋላ ደእ” ያግና።

ጳጳሮስ ቃይ፣ “ሀዋ ብታነዉ፣ ታን ኣናና ጋላ ደእከ” ያጌዳ።

59 እት ሳተ ግድያዋ ጋምኢደ ሀራ ብታኒ ቆንጭሲደ፣ “እ ጋሊላ ጋደ አሳ ግድያ ድራዉ፣ ሀ ብታኒ ኣናና እትፕ ደእያዌ ቱማ” ያጌዳ።

60 ጳጳሮስ ቃይ፣ “ሀ ብታነዉ፣ ኔን ግያዌ አየንቶ ታን ኤርከ” ያጌዳ። ሄ ዋድያን እ ብርካ ሃሳይ ደእሸን፣ ኤላካ ኩቱ ዋሰ አጌዳ።

61 ጎዳይ ጉዮ ሰሚደ፣ ጳጳሮሳ ጸሌዳ፣ ጳጳሮስ ጎዳይ ባረና፣ “ሀቼ ኩቱ ዋሳና ጋካናዉ፣ ሄዙ ገደ ታና ካዳናሳ” ጌዳ ጎዳ ቃላይ አዉ ቆፈት አጌዳ።

62 ጳጳሮስ ድርሳፕ ካረ ከሲደ፣ ሴለቲደ ዬኬዳ።

63 የሱሳ ኦይቁዳ አሳይ ቅሊጪኖን ሾጪኖ።

64 አ አይፍያ ጎዝ ባቂደ፣ “ኔና ባቂዳዌ ኦኔ? ናብያ ግደፕ ኔና ደቻዋ አን ኦዳ” ያጊደ አ ኦቼድኖ።

65 ቃይ አ ሀራ ጮራ ቦርያ ቦሬድኖ።

የሱሳ ፕርዳዉ አፌድኖ (ማቶሳ 26:59-66፤ ማር. 14:55-64፤ ዮሃ. 18:19-24)

66 ሳኦይ ዋንትና ጋድያ ጭማ አሳቱ፣ ቁሳቱዋ ካፕቱኒ ሙሴ ሀግያ ታማርሰያዋንቱ፣ የሱሳ ባረንቱ ሺቁዳሳ አፊደ።

67 “ክርሰቶስ ኔኔ? አን ኑ ኦዳ” ያጌድኖ።

ሽን እ፣ “ታን ሀንተንቶ አደፕ ታና አማንክታ፤

68 ቃይ ሀንተንታ ታን ኦቻፕ አድክታ፤ ዋይ ቃሹዋፕ ታና ብልክታ።

69 ሽን ሀ ሳትያፕ ደምና ታን አሳ ናኦይ፣ ሀእፕ ደማደ፣ ዋልቃማ ጸሳ ኡሸቻ ባጋና ኡታና” ያጌዳ።

70 ኡንቱንቱ ኡባይ የሱሳ፣ “ያትና ኔን ጸሳ ናኤ?” ያጌድኖ።

እካ ዛሬደ፣ “ታን ጸሳ ናኦ ግደዋ ሀንተንቱ ሃሳዬድታ” ያጌዳ።

71 ኡንቱንቱካ፣ “ኑን ኑ ሀጳዉ አ ደናፕ ሰሴደ፤ ሀዋፕ ሰንሳዉ አይ ማርካ ኮሺ?” ያጌድኖ።

### 23

ጵላጸስ የሱሳ ኦቼዳ (ማቶሳ 27:1፣ 2፣ 11-14፤ ማር. 15:1-5፤ ዮሃ. 18:28-38)

1 ሄዋን ሺቁዳ ኡባቱካ እትፕ ደንዲደ፣ የሱሳ ጵላጸሳኮ አፌድኖ።

2 ኡንቱንቱካ፣ “ሀ ብታኒ ኑ አሳ ባለሊደ፣ አሳይ ሮመ ቢታ ካትያ ቁሳራዉ ጊራ እመና ማላ ድጊደ፣ ቃይ፣ ታን ካትያ፣ ያግሽን ደሚደ” ያጊደ ሞቱዋ ደሚድኖ።

3 ጵላጸሰካ የሱሳ፣ “ሀዋ፣ አይሁዳቱዋ ካቲ ኔኔ?” ያጊደ ኦቼዳ።

የሱሰ ዛሬደ አ፣ “ኔን ጋ ደኣሳ” ያጌዳ።

4 ጵላጸስ ቁሳቱዋ ካፕቶን አሳዉ ኦዲደ፣ “ታን ሀ ብታንያ ቦላን አይን ኢታ ኡሱዋ ደማበይከ” ያጌዳ።

5 ግደፕ አትን ኡንቱንቱ፣ “ሀ ብታኒ ጋሊላፕ ደሚደ፣ ሀራይ አቶ ሀዋ ጋካናዉካ፣ ይሁዳ ጋድያ ኡባ ባረ ትምርትያን ቃሊደ ደኤ” ያጊደ ሞንሰ ኦዳድኖ።

የሱሰ ሄርድሳ ሰንሳ ሺቁዳ

6 ጵላጸሰካ ሀዋ ሰሲደ፣ “እ ጋሊላ አሴ?” ያጊደ ኤራናዉ ኦቼዳ።

7 ጵላጸሰ ሄርድሳ ሞድያ ጋድያፕ የሱሰ ዬዳዋ ኤሬዳ ዋደ፣ ሄርድሰካ ቃይ ሄ ዋድያን የሩሳላመን ደእያ ድራዉ፣ አኮ የሱሳ የዳዳ።

8 ሄርድሰ ዳር ዋድያፕ ደሚደ የሱሳ በኣናዉ አሞት ደእያ ድራዉ፣ አ በኤዳ ዋደ ዳርፕ ናሸቲዳ። የሱሳ



ዋርያ ሰቤዳዎ ድራው፤ እ ኑራባ አልሸን በእናዉ ሀደታን ጋምኤዳ።

9 ሄሮድስ የሱሳ ዳርባ ኦቼዳ፤ ሸን የሱስ እዉ እያነ ዛርቤና።

10 ቄሳቱዋ ካፓቱነ ሙሴ ሀግያ ታማርሰያዋንቱ ሄዋን ኤቂደ፤ የሱሳ ሎይሳ ሞቲደ ደኢና።

11 ሄሮድስን እ ዋታዳራቱ የሱሳ ካዲደ፤ እ ቦላ ቅሊጩድና። ቦንቼቲዳ ማዩዋ እ ማይዚደ፤ ጵላጸሳኮ ዛሪደ የዳድና።

12 ሄሮድስን ጵላጸሰ ሀዋፕ ካሰና ሞርክያን ደኢና፤ ሸን ሄ ጋላሰ ሰገቱድና።

የሱሳ ሀይቃና ማላ ሞቲድኖ (ማቶሳ 27:15-26፤ ማር. 15:6-15፤ ዮሃ. 18:39—19:16)

13 ጵላጸሰ ቄሳቱዋ ካፓቱዋ፤ አይሰያዋንታን ሀራ ጮራ አሳ እትፕ ጼሲደ፤

14 ሀዋዳን ያጌዳ፤ “ ሳ ስታኒ አሳ ማካላተላዉ ደን።” ያጌደ ታኮ እሄድታ፤ ታንካ ህንተንቱ ሰንሳን ብዳ ጸላደ፤ ህንተንቱ ሸሼዳ ሞቱዋን እት ባላን እ ቦላን ደማበይከ።

15 ቃይ ሄሮድስካ እ ቦላን እይነ ደምቤና ድራው፤ ሃ ኑኮ ዛር የዳዳ፤ ህንተንቱ በእያዋዳንካ፤ ሀ ስታኒ እ ሀይቆ ጋሳያ እይነ እሳቤና።

16 ሀዋ ድራዉ ታን እ ሙራደ ብላና” ያጌዳ።

17 \*

18 አሳይ ኡባይ እትፕ ግዲደ፤ “ሀ ስታንያ ያ ድጋ! ባርባና ግያ የሱሳ ኑዉ ብላ!” ያጌደ ጫቦቲድና።

19 ባርባን ካታማን ዋላሳ ደንሳደ፤ አሳ ዋዴዳ ድራው፤ ቃሸቲዳዋ።

20 ጵላጸሰ የሱሳ ብላናዉ ኮዩደ፤ አሳዉ ላኤንሉዋ ጉጂደ ሃሳዬዳ።

21 ሸን ኡንቱንቱ፤ “ማሰቃልያ ቦላ ምሰማርያን ጵሻደ ካቃ! ካቃ!” ያግ ዋሴድና።

22 ጵላጸሰካ ሄዘንሉዋ ኡንቱንታ፤ “አያዉ? ሀ ስታኒ እሌዳ ኢታ ኡሱ አዩ? ታን እ ሀይቆ ጋሳያ ናቁዋ እይነ አፕ ደማበይከ፤ ሀዋ ድራው፤ እ ሙራደ ብላ የዳና” ያጌዳ።

23 ሸን ኡንቱንቱ ባረንቱ ኮሻ ዶቁ አሊደ፤ ካቃታናዳን ዳሪ ዋሴድና። ኡንቱንቱ ዋሱካ ጵላጸሰካ ቆፋ ላሜዳ።

24 ሀዋ ድራው፤ ጵላጸሰካ ኡንቱንቱ ኦሻይ ሰማናዳን የሱሳ ቦላን ፕርዳዳ።

25 አሳ ማካላዉ ደን። አደነ ሸምፑዋ ዋዲደ፤ ቃሸቲዳ ስታንያ ብለታናዳን ኡንቱንቱ ዋሶ ድራው፤ ሄ ስታንያ ብሌዳ። ሸን የሱሳ ባረንቱ ሸንያዳን ኮዮዋ ኦላና ማላ፤ አላ እሜዳ።

የሱስ ማሰቃልያን ካቀቲዳ (ማቶሳ 27:31-44፤ ማር. 15:21-32፤ ዮሃ. 19:17-27)

26 የሱሳ ኦይቂ አፊደ ደእሸን፤ ሰሞና ጌተትያ ቀሬና ስታኒ ሄራፕ ዪደ ደእሸን ደሚደ፤ ማሰቃልያ ቶሲደ የሱሳና ባና ማላ አሌድና።

27 ዳር ጮራ አሳይነ ዩክያ ማጫዋንቱ ጉየና ካሊና።

28 የሱስ ጉየ ሰሚደ ኡንቱንቶ፤ “ህንተና፤ የረሳላሙ ማጫዋንቶ፤ ህንተንቱ ሀጸዉነ ህንተንቱ ናናዉ ዩክተፕ አትን፤ ታዉ ዩኮፕተ፤

29 “ማንላ ግዴዳዋንቱነ የልቤና ኡሉ፤ ጳንሳቤና ጳንሳይ፤ እንጆቲዳዋንታን ጌተትያ ዋዲ ያናዋ።

30 ሄ ዋድያን፤ ‘ዘዛቶ፤ ኑ ቦላ ዋድተ፤ ዙኩላቲዋካ፤ ኑና ቆሰተ’ ያጋንታ።

31 ሰም ቃየ ምላን ሀዋዳን ሀሮፕ፤ ሙላ ምላን ዋናናዌ?” ያጌዳ።

32 የሱሳና እትፕ ካቀታና ማላ፤ ኢታ ኡሱዋ ኦሌዳ ሀራ ላኡ አሳቲዋካ አፊድና።

33 ቄራነዉ ጌተትያሳ ጋኬዳ ዋድያን፤ የሱሳ ካቂድና። ኢታ ኦላዋንታካ፤ እቲዋ ኡሸቻና፤ የኩዋ ሀድርሳና ካቂድና።

34 የሱስ፤ “ታ አቦ፤ ኡንቱንቱ ባረንቱ እሌዳዋ ኤረና ድራው፤ ኡንቱንቱ ናጋራ አቶ ጋ” ያጌዳ።

ኡንቱንቱካ እ ማዩዋ ሳማ የገቲደ ግሸት እኩድና።

35 አሳይ ኤቂ ጸልሸን፤ ጋድያ ሞድያዋንቱ፤ “ሀራንታ አሸ፤ ጸሳን ደረቲዳ ክርሰቶስ እ ግደፕ፤ እነ ባረ ሁጲያ አሸኑ?” ያጌደ ቅሊጩድና።

\* 23:17 ሀ ጋይዳ፡- “ጵላጸሰካ ጋሰጋ ባላ ቦንቼዋ ጋላሳን እት ኡራ ቃሸቲዋ ስልያ ዳያይ ደኤ” ያጌ። ሸን፡ ዳዉርሉዋ ጌሻ ማጻፋ ኡራላ ጫቁዋ ግዲዋን ሀ ጋይዳ ጸፈትቤና ጋሱ፤ ሀራ ጌሻ ማጻፋቲዋ ብለላቲዋን ኡባቲዋንካ ጸፈትቤና ድራሳ። 23:30 ሆስ 10:8፤ ሳዩ 6:16

36 ቃይ ዋታዳራቱካ ሸቂደ ቅሊጩድኖ፤ ጫሜዳ ዋይንያ ኤሳ አዉ እህ እሚደ።

37 “ሀዋ፥ ኔን አይሁዳ ካትያ ግደ፡ ነ ሁጲያ አሻ!” ያጌድኖ።

38 ሁጲሳናካ፥ “ሀዋ አይሁዳ ካትያ” ያግያ ጸፋዋ ጸፊድኖ።

39 ኢታ ኦሲደ ካቀቲዳዋንቱ፡ እቱ፥ ቦሪድን ቶቹደ፥ “ሀዋ ኔን ክርስቶሳ ግድከ? አነ አ ግደ፡ ነ ሁጲያ ኑና አሻ” ያጌድ።

40 የኩ ቃይ አ፥ “ኔን ሀዋ ማላትያ ፕርዳ ቦላ ደኢደካ ጸሳዉ ያይኪ?”

41 ኑን ከተቲዳ ባላን ሙራ አኪደ ደኤቶ፤ ኑዉ በሰያ ሙራ ቦላን ደኤቶ፤ ሸን ሀ ብታኒ እት ኢታባነ ኦሳቤና” ያግ ዛሬድ።

42 እ የሱሳ፥ “ኔን ነ ካዉተላ ዋልቃን ይያ ዋደ፥ ታና ቆፓ” ያጌድ።

43 የሱሰካ፥ “ታን ነዉ ቱሙዋ ኦዳይ፥ ሀቼ ታናና እት፡ ጋናትያን ደአናሳ” ያጌድ።

የሱሳ ሀይቁዋ (ማቶሳ 27:45-56፤ ማር. 15:33-41፤ ዮሃ. 19:28-30)

44 ሄ ዋደ ኡሱፑን ሳተ ግድያ ኬና፤ ሄዋ፡ ሁዳ፤ ሳትያ ጋካናዉ፥ ቢታ ኡባ ቦላን ቆሚ ግዴድ።

45 አዋይካ ባረ ፖኡዋ ድጌዳ፤ ጌሻ ጎልያ ጋርዳካ ፔቲደ ላኡዋ ከሴድ።

46 የሱሰካ ዳር ቆቁ ጌዳ ቃላን ዋሲደ፥ “ታ አቦ፥ ታን ታ ሸዋፑዋ ነ ኩሽያን አላ እማይ!” ያግ ሰዋዋ፡ ጉይያን አ ሀይቁዳ።

47 ጴቱዋ ካፑ ሀይዳ የዉዋ በኤዳ ዋደ፥ “ሀ ብታኒ ቱማካ ጽሎ አሳ” ያጌደ ጸሳ ጋላቲዳ።

48 ሀዋ በአናዉ እትሳ ሸቁዳ አሳይ ኡባይ ሀይዳ የዉዋ በኢደ፥ ባረንቱ ትራ ባቂደ ሰሜድኖ።

49 የሱሳ ኤርያ አሳይ ኡባይን ጋሊላ፡ ደሚደ አ ካሌዳ ማጫዋንቱ ሀዋ ጴሊደ፥ ሃኩዋን ኤቁድኖ።

የሱሰ ሞገቲዳ (ማቶሳ 27:57-61፤ ማር. 15:42-47፤ ዮሃ. 19:38-42)

50 አይሁዳ ሻንጋቱዋ ግዴዳዋንቱ፡ እቱ፥ ዮሴፎ ጌተትያ ሎእነ ጽሎ ብታኒ ደኤ።

51 ሀ ብታኒ ሻንጋቱዋ ማቁዋን ኡንቲንቱ ኦሱዋን እት፡፡፡ አሳቤና። ጸሳ ካዉተላ ዩሳ ሀደታን ናጌደ ደኤ።

52 ዮሴፎካ ጽላጸሳኩ ቢደ፥ የሱሳ አሃ አካናዉ ዋሴዳ።

53 አካናደን ጌተቶዋ፡ ጉዮ፥ አሃ ቦላ፡ ዋሴደ፥ ሎኦ ሞጌዋ ማዩዋን ጸጺደ፥ ሹቻ፡ ዋጩቲደ ሙቲዳ፥ ኦንነ ካሰ ሞገትቤና ኦላ ግደን ዋሴዳ።

54 ጋላሳይካ ሳዋባታ ዋካናዉ ገግያ ጋላሳ፤ ሳዋባታይካ ገላና ሀኔ።

55 ጋሊላ፡ ደሚደ የሱሳና እት፡ ዬዳ ማጫዋንቱ ካሊደ፥ ዱፋዋን አ አሃ ዋቲደ ዋሴድኖንቶ በኤድኖ።

56 ኡንቲንቱ ሀዋ፡ ሰይ ሰሚደ፥ ሸቱዋን ኦክያዋ አንሀዉ ገገሴድኖ። ሀግያ ማራዳን ሳዋባታ ጋላሰ ሸሞፔድኖ።

### 24

የሱሰ ሀይቁዋ፡ ደንዴዳ (ማቶሳ 28:1-10፤ ማር. 16:1-8፤ ዮሃ. 20:1-10)

1 ሳዋንታ፡ ከይር ጋላሳ፥ ማጫዋንቱ ገገሴዳ ሸቱዋ ኦይቂደ ደሪ ጉሪደ ዱፋዋኩ ቤድኖ።

2 ሹቻይካ ዱፋዋ ደና፡ ጎንደረትና በኤድኖ።

3 ኡንቲንቱ ዱፋዋ ጋርሳ ኦላ ገሎ ዋደ፥ ጎዳ የሱሳ አሃ ደምበይክኖ።

4 ማጫዋንቱ ሰቂደ ደእሸን፥ ዋጭዋጭያ ማዩዋ ማዬዳ ላኡ አሳቲ፥ ቆፕናን ኡንቲንቱ ሞይያን ኤቁድኖ።

5 ማጫዋንቱካ ያሻ፡ ደንደዋን ሳኦ ጴሊደ ደእሸን፥ ላኡ አሳቲ፥ “ደኡዋን ደእያዋ፥ አ አያዉ ሀይቆዋንቱ ግደ፡ ስዩቲ?”

6-7 እ ደንዴዳ፤ ሀዋን ባዋ። ቃይካ ጋሊላን ደእያ ዋድያን፥ ሳሳ ናኦይ ናጋራንቻቱዋ ኩሽያን አድ እመታናዋ፤ ማሰቃልያ ቦላን ካቀታናዋ፥ ሄዘንሎ ጋላሰ ሀይቁዋ፡ ደንዳናዋ ያገቶዋ ቆፕተ” ያጌድኖ።

8 ማጫዋንቱካ ሄ ዋደ ቃላ አኬኬድኖ።

9 ኡንቲንቱካ ዱፋዋ፡ ሰሚደ ሀ ኡባ የዉዋ ታማነ እት ኪተቶዋንቶን ኡንቲንታ ካልያዋንቶ ኡባቶ ኦዳድኖ።

10 ሀዋ የሱሰ ኪቶዋንቶ ኦዳዳዋንቱ፥ ማግዳላ፡ ዬዳ ማይራዋ፥ ዮሃና፥ ያቆባ ዳዮ ማይራዋን ኡንቲንቱና እት፡ ደእያ ሀራ ማጫዋንታ።

11 ኡንቲንቶ ማጫዋንቱ ኦድያ ቃላይ ቃጅያዋ ማላትና አማንበይክኖ።

12 ሸን ሄ ዎደ ጳጳርስ ደንዲደ ዲፋዎኮ ዎጾዳ። ያ ጋኪደ ሆክ ጾልያ ዎደ። ጋርሳን ሞጉዎ ማዮ ጸላላይ ደእያዎ በኤዳ። ሆኖ የወዋንካ ማላላተደ። ጎለ ሰሜዳ።

ኤማሁሳ ኦግያን የሱስ ላኤ አሳቶ ቆንጨዳ (ማር. 16:12፣ 13)

13 ሄ ጋላስ የሱሳ ካልያዎንቱ፣ ላኤ አሳቱ የሩሳላመ፣ ላኤ ሳትያ ሃክያ ኤማሁሳ ጌተትያ ሄራ ቢደ፤

14 እቱ እቱዋና ሀኔዳ የወዋ ኡባ ሃሳይ ደኢኖ።

15 ኤንቱንቱ ሃሳዪድን ዘረቲደ ደእሸን። የሱስ ባረ ሁጳጢ ዪደ ኤንቱንቱ ሞይያ ሸቂደ ኤንቱንቱና ቢደ ደኤ።

16 ሸን ኤንቱንቱ ባረ አይፍያን ጾሊደ እ ግድያዎ ሻክ ኤራናዉ ዳንዳይበይክኖ።

17 የሱስ። “ሀንተንቱ ኦግያ ቦላን እቱ እቱዋና ሃሳይያዎ እዬ?” ያግ ኦቹዳ። ኤንቱንቱካ ዳጋማን ለቼሚደ ኤቄድኖ።

18 ኤንቱንቱ እቱ ቀልዮጳ ጌተትያዎ። “ሀ ግዲዋን የሩሳላመን ሆኖ የወዋ ኤረናዌ ነ ጸላላይ ሀ ጋደዉ እማሉ?” ያግ ዛሬዳ።

19 የሱስ። “እ አይ?” ያግና። ኤንቱንቱ። “ጳሳ ሰንሳን አሳ ኡባ ሰንሳን ቃላንን ኪታን ሞኖ ናብያ ግዴዳ ናዝሬትያ የሱሳሳ ሃሳይቶ።

20 አካ ቄሳቱዋ ካፓቱን ኑና ሞድያዎንቱ ሀይቁዎ ፕርዳዉ አሉ እሜድኖ፤ ማስቃልያ ቦላን ዎጾድኖ።

21 ኑን ካሰና። ላስራኤልያ አሳ ዎዛናዎ ያግ ሀድቶዎ አ፤ ሸን ሀ የዉ ሀነቲደ እጾደ፣ ሄዙ ቃማ ግዴዳ።

22 ኑ ግደ፣ እት እት ማጫዎንቱ ኑና ማላልሴድኖ። ኤንቱንቱ ጉራን ሀን ዲፋዎ ቤድኖ።

23 ሸን የሱሳ አሃ ኤንቱንቱ ጳዮ ዎደ ሸረት ሰሚደ። እ ደንዴዳ፤ ያግያዎ ኪታንቻቱ ኦድሸን በኤደ ያግ ኦዴድኖ።

24 ኑ ግደ፣ እት እት አሳይ ዲፋዎ ቢደ ኤንቱንቱ ጎዎዳን ሀንና በኤድኖ፤ ሸን የሱሳ አሃ ደምበይክኖ” ያጌድኖ።

25 የሱስ ኤንቱንቶ። “ሀንተኖ። አኬከና አሳቶ። ሀንተንቱ ዎዛናን ናባቱ ኦደዎ ኡባ ኤላ እማንናዎንቶ፤

26 ክርስቶስ ሀ መቱዎ አካናዉን ባረ ቦንቹዎኮ ገላናዉ በሰኔ?” ያጌዳ።

27 ሄዎ፣ ሰሚደ የሱስ ሙሴ ማጻፋቱዋ፣ ሰሚደ። ጳሳ ማጻፋቱዎ ኡባን ጸፈቱዳ ባረባ ኤንቱንቶ ብሊደ ኦዴዳ።

28 ኤንቱንቱ ብደእያ ሄራ ማቴዳ ዎደ። የሱስ ሀራሳ ብያዎ ማላቱዳ።

29 ሄ ዎደ ኤንቱንቱ አ። “ጋሳሳይ ቃሚደ ደእያ ድራዉ። እማርሳይ ማቴዳ፤ ኑና እት ከቃ!” ያግ ሞንሰ ዎሴድኖ። ሀዎ ድራዉ። እካ ኤንቱንቱና እት፣ አቃናዉ ገሌዳ።

30 ኤንቱንቱ እት፣ ጋይታን ኡቱዳ ዎደ። ዳቡዎ ደንሊደ አንጃዳ፤ መንሊደ ኤንቱንቶ እሜዳ።

31 ኤንቱንቱ አይፊካ እ አኬካና ማላ ዳየትና። የሱሳ ግድያዎ ኤሬድኖ። እካ ኤንቱንቱ ሰንሳ፣ ጌሚዳ።

32 ኤንቱንቱካ እቱ እቱዋ። “ቃጳን እት፣ ኑ ደእሸን። ኑና አ ሃሳይሰያ ዎድያንን ጳሳ ማጻፋቱዋካ ኑዉ ቆንጭሲደ እ ኦድያ ዎድያን። ኑ ዎዛና ግደን ታማዳን ሴሌ ግደኔ?” ጌተቱድኖ።

33-34 ሄ ዎድያንካ ደንዲደ የሩሳላመ ሰሚድኖ። የሱስ ከቶ ታማን አታቶን ኤንቱንቱና እት፣ ደእያዎንቶ። “ጎዳይ ቱሙዋካ ደንዴዳ። ሰሞናዉካ ቤቱዳ” ያጌደ ሄዎን እት፣ ሸቆ ኡቱዳዎንታ ደሚድኖ።

35 ሄ ላአቱ። ቃጳን ሀኔዳዎን የሱስ ዳቡዎ መንሳያ ዎደ ዎት አ ኤሬድኖንቶ ኤንቱንቶ ኦዴድኖ።

የሱስ ባረና ካልያዎንቶ ቤቱዳ (ማቶሳ 28:16-20፤ ማር. 16:14-18፤ ዮሃ. 20:19-23፤ ኪታ 1:6-8)

36 ሀዎ ኤንቱንቱ ሃሳይ ደእሸን። የሱስ ኤንቱንቱ ግደን ኤቂደ። “ሳርተላይ ሀንተዉ ግደ” ያጌዳ።

37 ኤንቱንቶ ሞይትልያ በኦዎ ማላትና ዳጋሚደ። ያሻን ኩሜድኖ።

38 እካ ኤንቱንታ። “እያዉ ዳጋሚቱ? እያ ድራዉ ሀንተንቱ ዎዛናይ ሰጂ?”

39 ታን የሱሳ ግድያዎ ኤራናዉ። አነ ታ ኩሸያን ታ ገድያ በአተ፤ ታናን ሀንተንቱ በእያዎዳን። ሞይትለዉ አሸን መቀላይ ባዎ። አነ ታና ሀንተንቱ ኩሸያን ኦይቂ በአተ” ያጌዳ።

40 ሀዎ ያግ ሰሚደ። ባረ ኩሸያን ባረ ገድያ በሴዳ።

41 ኡንቱንቱካ ናሽቻፕ ደንደዋን፡  
አማናን ማላለት ደእሽን እ፡ “ሀዋን  
ሜተትያዌ ህንተንቶ ደኢ?” ያግ  
ኡንቱንታ ኦቼዳ።

42 ኡንቱንቱካ፡ ዲጸቴዳ ሞልያፕ  
ላፋ ፑሩዋ አዉ እሚድኖ።

43 እካ አኪደ ኡንቱንቱ ሰንፋን  
ሜዳ።

44 እካ፡ “ታን ህንተንቱና እትፕ  
ደኢደ፡ ‘ሙሴ ማጻፋን፡ ናባቱዋ  
ማጻፋን ቃላን ጸፈቶ ማዘሙረቱዋን  
ታ ድራዉ ጸፈቴዳ ኡባይ ፖለታናዉ  
በሴ’ ያጋደ ህንተንቶ ኦዴዳ የዉ ሀዋ”  
ያጌዳ።

45 ሄ ዋድያንካ ጸሳ ማጻፋቱዋን  
ጌተቶዋ አኬካና ማላ፡ ኡንቱንቱ ዋዛና  
ደዬዳ።

46 ኡንቱንቶ፡ “ ‘ክርስቶሳ ሙቱ  
ጋካናዋ፤ ሄዘንሉያ ጋላሰ ሀይቁዋፕ  
ደንደናዋ።

47 እ አ ሱንፋን ናጋራ ፓጸፋይነ  
ማርታ ደሙሳይ የሩሳላሙፕ ደሚደ  
አሳዉ ኡባዉ አደታናዋ’ ያገቲደ  
ጸፈቴዳ።

48 “ህንተንቱካ ሀዋ ማርካቱዋ።

49 ታ ህንተንቶ፡ ታ አቡ ቃላ ገሌዳ  
ህደታ የዳና፤ ሄዌ ጋካናዉን ህንተንቶ  
ዋልቃይ ሳሉዋፕ እመታና ጋካናዉ፡  
የሩሳላሙ ካታማን ናግሽተ” ያጌዳ።

የሱስ ሳሉዋ ሰሚደ ቤዳ  
(ማር. 16:19፣ 20፤ ኪታ 1:9-

11)

50 ሀዋፕ ጉይያን፡ ቢታንያ ጌተትያ  
ካታማ ጋካናዉ፡ ኡንቱንታ አፌዳ፤ ባረ  
ኩሽያ ሞጪደ ኡንቱንታ እንጂዳ።

51 ኡንቱንቱፕ ሻከቲደ፡ ሳሉዋ  
ቤዳ።

52 ኡንቱንቱ አዉ ጎይኒደ፡ ዳር  
ናሽቻን የሩሳላሙ ሰሚድኖ።

53 ቃይ ፓጩናን ጸሳ ጋላቲደ፡ ጌሻ  
ጎልያን ደኤድኖ።

# የሃንሳ ጳጳሳ ሞሽራቸዋ ቃላ ገሎዋ

የሃንሳ ጳጳሳ ሞሽራቸዎ፣ የሱስ አሹዋ ማዲደ አሳ ግድዋን ቤቴዳ ደኡዋ ጸሳ ቃላ ግድያዋ ቆንጭሴ። ሀ ማጻፋይ ባረ ሁጳው ቆንጭሰያዋዳን ሀ ሞሽራቸዋ ቃላይ ጸፈቴዳዌ፣ አ ናባብያ አሳይ የሱስ አሳ አሸያ ጳልያ ግዲደ ያናዋ ጌተቴዳ ጸሳ ናኦ ግድያዋ አማናና ማላን እን አማና ጋሱዋን መድና ደኡ ኡንቴንቶ ደኡናዋ ኡንቴንቶ ኤራና ማላ ጸፈቴዳ (20:31)።

ሞሽራቸዋ ቃላው ኮይሮ ሻኩ መድና ጸሳ ቃላይ፣ የሱስን እቱዋ ግድያዋ ያድ ሰሚደ፣ የሱስ አሸያዋ ግዲደ ያና ጌተቴዳ ጸሳ ናኦ ግድያዋ በሰያ ዲማ ዲማ ማላታቱዋ ሺሼ። ሄዋፕ ካሊደ ቃይ ሀ ማላታቱዋፕ ቤቴዳ አይፍያ ኦድያ ታርካቱ ካሊና። ሀ ክፍሊ እት እት አሳይ የሱሳን አማኒደ፣ አ ካልያዋንታ ግዴዳዋ ኦዴ፤ ሀራቱ ቃይ አ አያው እጼደንቶን እን አያው አማናኮ ጌደንቶ ደዲና። (ሸሞቸዋ 13-17) የሱስ ኦይቀቴዳ ኦማርሰ አው አ ካልያዋንቱና አይ ከና ሞኖ እትፕተላይ ደእንቶ፣ ቃይ አ ካቀታናው ማቴዳ ዋንተላ ጋላሰ ኡንቴንቶ ገገታና ማላን ሞናና ማላ አ ሃሳዬዳ ቃላ ኦዲና። ዉርሰላ ሸሞቸዋ የሱስ ኦይቀቴዳዋን ፕርዳው ሺቄዳዋ፣ አ ካቁዋን አ ደንዲዋ፣ ቃይካ ደንዲዋፕ ጉይያን ባረና ካልያዋንቶ አ ቆንጭዳ ሀኖታ ኦዲና።

የሃንሳ ጎዳ የሱስ ክርሰቶሳ ባጋና ቤትያ መድና ደኡዋ ቆንጭያን በሰያ ሀ አዶ ኬካተላይ ሀእፕ ደሚደ የሱስ አገ፣ ቱማን ደኡ ግድያዋ አማንያዋንቱሳ። የሃንሳ ጳጳሳ ሞሽራቸዋ ቃላ ሀራቱዋፕ ዲማይያዌ፣ አያና ቱማተላቱዋ ታማርሳናው ደኡዋ ኡባን አሳይ ሜዘቴዳ ቃላቱዋ ጎኤትያ ድራሳ። ሄዋንቱካ፣ ሃላ፣ ሶሉዋ፣ ፖኡዋ፣ ሄንላንቻ፣ ዶርሳ፣ ዋይንያ ሞላ፣ ዋይንያ አይፍያን ሄዋንታ ማላትያዋንታ።

ዋሹማደ አይቀቴዳ ሞሽራት ታርክያ 7:53—8:11 ጮራ ብለላቱን

በን ማጻፋቱ ባረንቱን ጉጅክና፤ ሀራቱ የሃንሳ ሞሽራቸዋን 21:24ፕ ጉይያን ገልሲና፤ ሀራንቱ ቃይ ሉቃሳ ሞሽራቸዋ ሉቃሳ 21:38ፕ ጉይያን ገልሲና፤ እት በን ጸፈቴዳ ብለላይ የሃንሳ ሞሽራቸዋ 7:36ፕ ጉይያን ገልሴዳ።

## ሸሞቸዋ ኡባቶ አመቴዳ ቃንሳ ቆፋቱዋ

ሀ ማጻፋ ጳጳሳዋ ቆፋ 1:1-18  
ጸማቅያ የሃንሳን የሱሳ ኮይሮ ካሊደዋንታ 1:19-51  
የሱሳ ኡሱዋ ደመላ 2:1—12:50  
የሩሳላመንን እዝ የሹዋን ዉርሰላ ጋላሳቱዋን ሀኔዳ የሱሳ ኡሱዋ 13:1—19:42  
ጎዳ የሱሳ ደንዲዋን ቆንጭላ 20:1-31  
ዉርሰላ ቁትያ፣ ጋሊላን ዛሪደ ባረና ካልያዋንቶ የሱስ ቆንጭዳዋ 21:1-25

- ደኡዋ ቃላ
- 1 ቃላይ ኮይሮ ደኤ፤ ቃላይካ ጸሳና እትፕ ደኤ፤ ቃላይካ ጸሳ።
  - 2 እ ኮይሮፕካ ጸሳና ደኤ።
  - 3 ኡባባይ ቃላ ባጋና መ□ቴዳ። መ□ቴዳባን ኡባባን እ ባይናን እትባይነ መ□ትቤና።
  - 4 እን ደኡ ደኤ፤ ደኡ አሳው ፖኡዋ።
  - 5 ፖኡ ዱማን ፖኤ፤ ዱማይ ፖኡዋ ጸንቤና።
  - 6 ጸሳፕ ከተት ዬዳ አ ሱንላይ የሃንሳ ጌተትያ እት ብታኒ ደኤ።
  - 7 አሳይ ኡባይ አ ባጋና አማናና ማላ፣ ፖኡዋባ ማርካታናው ዬዳ።
  - 8 ፖኡዋባ ማርካታናው ዬዳፕ አትን፣ አ ባረ ሁጳው ፖኡዋ ግደና።
  - 9 እካ ቱሙ ፖኡዋ ግዴዳዌ አሳው ፖኡሳናው ሀ ሳኦ ይያዋ።
  - 10 ቃላይ አላምያን ደኤ፤ ጸሳይ ቃላን አላምያ መዴዳ፤ ሸን አላሚ አ ኤርቤና።
  - 11 እ ባረ ባጋቱዋኮ ዬዳ፤ ሸን ኡንቴንቱ እ ሺሽ አክበይክና።
  - 12 ግደፕ አትን እ ባረና ሺሽ አኤዳ ኡባቶ፣ ባረ ሱንላን አማኔዳዋንቶ፣ ጸሳ ናና ግደና ማላ፣ ማታ አማዴ።
  - 13 ኡንቴንቱ ጸሳፕ የለቴድናፕ አትን፣ አሳይ የልያ ማራን ዋይ አሹዋ

1:6 ማቶሳ 3:1፤ ማር. 1:4፤ ሉቃሳ 3:1-2

ሸንያን ወይ አቱማ አሳ ሸንያ ጸላላን የለትበይክኖ።

14 ቃላይ አሳ ግዲደ፣ አጾ ከካተላንን ቱማተላን ኩሚደ ኑ ግዲዋን ደኤዳ። ኑን፣ እ ባረ አቦ እት ናኣ ግዲደ እኬዳ አዉ ደእያ ባረ አዉዋ ቦንቹዋ በኤደ።

15 የሃንሰ አባ ባረ ኮሻ ጾቁ አሲደ፣ “ታን፣ ታፕ ካላ ይያዌ ታፕ ቦላ፤ አያዉ ጎፕ፣ ታ የለታናፕ ካሰና እ ደእያዋ” ጋደ ህንተንቶ ኦዶዌ ሀዋ” ያግ ማርካቲዳ።

16 ኑን ኡባይ አ ኩሙንላ አጾ ከካተላን ፓላሄዳ እንጂዋ እኬደ።

17 ጸሳይ ሀግያ ሙሴ ባጋና እሚዳ፤ ሸን አጾ ከካተላይን ቱማተላይ የሱሰ ክርሰቶሳ ባጋና ዬዳ።

18 ጸሳ በኤዳ አሳይ ኦንን ባዋ፤ ባረ አዉዋ ማታን ደእያ ባረ ሁጳዉ ጸሳ ግዴዳዌ እት ናኣ ጸላላይ አባ ማርካቲዳ።

ጸማቅያ የሃንሳ ማርካተላ (ማቶሳ 3:1-12፤ ማር. 1:1-8፤ ሉቃሳ 3:1-18)

19 የሩሳላሙን ደእያ አይሁዳቱዋ አይሰያዋንቱ ቁሳቱዋን ሌዋቱዋ የሃንሳኮ፣ “ኔን ኦኔ?” ገደ አ ኦቻና ማላ ኪትና፣ የሃንሰ ኤንቱንቶ ማርካቲዳ ማርካተላይ ሀዋ።

20 የሃንሰ፣ “ታን ክርሰቶሳ ግድከ” ያገደ ጌሽ ማርካቲዳዋፕ አትን፣ ማርካቲዳ እጽቤና።

21 ኤንቱንቱ፣ “ያትና ኔን ኦኔ? ኔን ኤላሴ?” ያገደ አቼድኖ።

የሃንሰ፣ “አ ግድከ” ያገደ። ቃይካ ኤንቱንቱ፣ “ኔን ናቤ?” ያገደ አቼድኖ።

የሃንሰ፣ “ግድከ” ያግ ዛሬዳ።

22 ኤንቱንቱ፣ “ያትና ኔን ኦኔ? ኑን ኑና ከቲዳዋንቶ ኦዳና ማላ፣ ኔን ኔና ኦና ጋይ” ያገደኖ።

23 የሃንሰ ዛሬደ፣ “ናብያ እሳያሰ ጌዳዋዳን፣ ዋራን ባረ ቃላ ጾቁ አሲደ፣ “ ሳዳ ኦግያ ሰት አላተ!”

ግያ ኮሻይ ታዋ” ያገደ።

24 ቃይ ፓርሳዋቱ ኪቲዳ አሳቱ

25 የሃንሳ፣ “ኔን ክርሰቶሳ ዋይ፣ ኤላሳ ዋይ ናብያ ግዳና ቆየፕ፣ ያትና አያዉ ጸማቃይ?” ያገደ አቼድኖ።

26 የሃንሰ፣ “ታን ሃላን ጸማቃይ፤ ሸን ህንተንቱ ኤረናዌ እቱ ሀዋን ህንተንቱ ግዲዋን ደኤ።

27 እ ታፕ ካላ ዬ። ታን አ ጫማ ቃሹዋ ብላናዉካ በሰከ” ያግ ዛሬዳ።

28 ሀዌ ኡባይ የርዳናሳ ሻፋፕ ሄፍንላ ባጋ የሃንሰ ጸማቅያሳ ቢታንያን ሀኔዳ።

ጸሳ ኦርገ ደርሳ

29 የሃንሰ ዋንተላ ጋላሰ የሱሰ ባረኮ ይያዋ በኢደ፣ “ጸሳ ኦርገ ደርሳ፣ \* አላምያ አሳ ናጋራ ጳይሰያዌ፣ ሀዌሽ!”

30 ታን፣ “ታፕ ካላ እቱ ያናዋ፤ እ ታፕ ቦላ፤ አያዉ ጎፕ፣ ታ የለታናፕ ካሰና እ ደእያዋ” ጋደ ኦዶዳዌ ሀዋ።

31 እ ኦንቶ ታን ኤርከ፤ ሸን እሰራኤልያ አሳዉ አ ቆንጭሳናዉ ሃላን ጸማቃይ ያድ” ያገደ።

32 የሃንሰ ማርካቲደ፣ “ጌሻ አያናይ ሳሉዋፕ ሀራጽያዳን ዋድሽናን አ ቦላን ኡትሸን፣ ታን በኣድ።

33 ታን አ ኤርከ፤ ሸን ሃላን ጸማቃና ማላ ታና ኪቲዳ ጸሳይ፣ ጌሻ አያናይ ዋዲደ፣ እት አሳ ቦላ ሸምፕሸን፣ ኔን በአና፤ እካ ጌሻ አያናን ጸማቁ’ ያገደ ታዉ ኦዶዳ።

34 ታን ሄዋ በኣድ፤ እ ጸሳ ናኣ ግድያዋካ ማርካታይ” ያገደ።

የሱሰ ኮይሮ ባረና ካልያዋንታ ደሬዳ

35 ዋንተላ ጋላሰ የሃንሰ ሸረቲደካ ባረና ካልያዋንቱፕ ላኣቱዋና እትፕ ኤቆዳ፤

36 እ የሱሰ አድሸን በኢደ፣ “ጸሳ ደርሳይ ሀዌሽ!” ያገደ።

37 የሃንሳ ካልያ ላኣቱ የሃንሰ ግያዋ ሰሲደ፣ የሱሳ ካሌድኖ።

38 የሱሰ ባረና ካልያዋንታ ጉየ ሰም በኢደ፣ “አያ ኮዩቲ?” ያግ አቼዳ።

1:21 ዛረ. 18:15፣ 18፤ ሚልክ. 4:5 1:23 አሳ. 40:3 \* 1:29 ጸሳ ኦርገ ደርሳ- ፓሰጋ (ከሱዋ)፣ አይሁደ አሳቱዋ ፓይዲዋን ኒሳን ጌተትያ እገና ግዲደ ቶጽያ አሳ ፓይዲዋን ላፕንያን ሆሰፕንያ ከገናቱዋ። አይሁደ አሳን ፓሰጋ ጌተትዋ፣ ጸሳይ እሰራኤልያ አሳቱዋ ግብጾፕ ዋልቃማ ማላታን ከሱዳ ዋድያ ግድያ ድራሳ። ዋጋ 23:5-8 ጴልተ። ጸሳ ኦርገ ደርሳ፣ ኦራላ ጫቁዋን ክርሰቶሳን ጴሴቶ ጋሱ፣ እ ሀ አላምያ አሳ ሀይቆ ባረና አላ እሚደ መድና ሙራፕ ከሰ እኮ ድራሳ። 1 ቆር. 5:7፤ 1 ጳጵ. 1:18-19 ጴልተ።

ኡንቱንቱ ዛሪደ፡ “ረቢ፡ ኔን ሀቃን ደአይ?” ያጌድኖ፡ “ረቢ” ጉሳይ “ታማርሰያዎ” ግያዎ።

39 የሱስ ኡንቱንታ፡ “ሃ ዪደ በአተ” ያጌድኖ፡ ኡንቱንቱ ቢደ፡ እ ደአያሳ በኤድኖ፤ ሄ ጋላስ ሳአይ ታሙ ሳተ ሄራ ግድያ ድራው፡ ኡንቱንቱ አናና ፔሼድኖ።

40 የሃንሳ ጌዳዋ ሰሲደ፡ የሱሳ ካሌዳ ላኡ አሳቱዋፕ አቱ፡ ሰሞና ጳጳርሳ እሻ እንድራሳ።

41 እንድራስ ኮይሮ ባረ እሻ ሰሞና ደሚደ፡ “ኔን ጳሳይ ከቲዳዋና ጋከቲዳ” ያጌድኖ፡ ሄዋ ጉሳይ “ክርሰቶሳ” ግያዎ።

42 እንድራስ ሰሞና የሱሳኮ አሄዳ።

የሱስ ሰሞና ሰኢደ፡ “ኔን የሃንሳ ናአ ሰሞና፤ ነ ሱንሳይ ኬፋ ጌተታናዎ” ያጌድኖ፡ “ኬፋ” ግያዎ ብላላይ “ጳጳርሳ” ዎይ “ዛላ” ግያዎ።

የሱስ ፕልጶሳን ናትናኤላ ጾጌዳ

43 ዋንተላ ጋላስ የሱስ ጋላላ ባናው ቆፋ ቃቹዳ፤ እ ፕልጶሳና ጋከቲደ፡ “ታና ካላ!” ያጌድኖ።

44 ፕልጶስ፡ እንድራስን ጳጳርሰ ደኤዳ ቤተሳይዳ ጌተትያ ካታማፕ ዬዳ አሳ።

45 ፕልጶስ ናትናኤላና ጋከቲደ፡ “ሙሴ ማጻፋቱዋን ናባቱዋ ማጻፋቱዋን ተ አባይ ጻፈቱዳዋን፤ የሱሮ ናአ የሱስ ናዘሬተ ካታማን ደአያዋና ኩን ጋከቲደ” ያግ አይዳ።

46 ናትናኤላ ዛሪደ፡ “ናዘሬተ ካታማፕ ሎኦባይ ከሳናው ዳንዳዪ?” ያጌድኖ።

ፕልጶስ፡ “ያደ በአ” ያጌድኖ።

47 ናትናኤል ባረኮ ይያዎ የሱስ በኢደ፡ “ማካላይ ባይና ቱሙ አሰራኤልያ አሳይ ሀዋ!” ያጌድኖ።

48 ናትናኤል የሱሳ፡ “ኔን ታና ሀቃን ኤራይ?” ያግ አቹዳ።

የሱስ ዛሪደ፡ “ፕልጶስ ኔና ጾሳናፕ ካሰ፡ ኔን ባላሰያ ጌተትያ ሞፋፕ ህርክና ደአሸን፡ ታን ኔና በአድ” ያጌድኖ።

49 ናትናኤል ዛሪደ፡ “ታማርሰያዎ፡ ኔን ጳሳ ናአ! ኔን አሰራኤልያ ካትያ!” ያጌድኖ።

50 የሱስ፡ “ታን ኔና ባላሰያ ጌተትያ ሞፋፕ ህርክና በአድ ጌዳ ድራው

አማናይ? ኔን ሀዋፕ አድያዎ በአና!” ያጌድኖ።

51 ቃይካ የሱስ፡ “ታን ሀንተንቶ ቱሙዋ ኦዳይ፤ ሳሉ ደየትና፡ ጳሳ ኪታንቻቱ ታ ቦላ፡ አሳ ናአ ቦላ፡ ፑደ ከሰሸናን ዱገ ዎድሺን፡ ሀንተንቱ በአና” ያጌድኖ።

## 2

የሱስ ቃና ካታማ ቡላቻሳ ቤዳ

1 ሄዘንሎ ጋላስ ጋላላ ጋድያን ቃና ጌተትያ ካታማን ቡላቻይ ቡላቹቲዳ፤ የሱሳ ዳያ ሄ ቡላቻን ደአው።

2 የሱስካ ባረና ካልያዋንቱና አትፕ ሄ ቡላቻ ጸሰቲዳ።

3 ዎይንያ ኡሻይ ወር ድግና፡ የሱሳ ዳያ አ፡ “ኡንቱንቶ ዎይንያ ኡሻይ ወር ድጌዳ” ያጋ አቻዳ።

4 የሱስ ዛሪደ፡ “ታ ዳይ፡ ሀዌ ታ ኦሱዋ ግድያ ድራው፡ ነ ያያና ኮሸና። ታ ዎዲ \* ብር ጋከቤና” ያጌድኖ።

5 የሱሳ ዳያ ከተትያዋንቶ፡ “እ ሀንተንቶ ኦድያዎ አያ ግድፕን ኦሳተ” ያጋ አዳዳ።

6 አይሁዳቱ ካሰ ኦሳያ ደያዳን፡ ሜቻ ዎጋዉ አቱ አቱ ጾቱ ጸራሙሰያ ኦይቁያ ኡሱፑን ሹቻ ባላቱ ሄዋን ደአኖ።

7 የሱስ ከተትያዋንታ፡ “ባላቱዋን ሃላ ኩንሳተ” ያጌድኖ፤ ጌተቶዋዳንካ ኡንቱንቱ ባላቱዋን ደና ጋካናው ሃላ ኩንሴድኖ።

8 የሱስ ኡንቱንታ፡ “ሀእ ዳቂደ፡ ቡላቻ ካፕ አሞተ” ያጌድኖ፤ ኡንቱንቱ አው አፊደ አሜድኖ።

9 ቡላቻ ካፑ ዎይንያ ኡሻ ግዴዳ ሃላ ጋንጽ ጸሊደ፡ ሀቃፕ ዬደንቶ ኤርቤና፤ ሸን ሃላ ኩንሴዳ ኦሳንቻቱ ኤሪና። ቡላቻ ካፑ ማቻቶ አክያዎ ጸሲደ።

10 “ኦንነ አይፈ ግዴዳ ዎይንያ ኡሻ አማላ አሳ ካሰቲደ ኡሼ፤ ያቲደ አሳይ ዳርሰ ኡሼዳዋፕ ጉይያን፡ ቅራርያ ኡሼ። ሸን ኔን አይፈ ግዴዳ ዎይንያ ኡሻ ሀኖ ጋካናው ናጋዳ!” ያጌድኖ።

11 የሱስ ባረ ኦሴዳ ዎልቃማ ማላታቱዋፕ ሀዋ ኮይራዋ ጋላላ ጋድያን ቃና ጌተትያ ሄራን ኦሴዳ፤

† 1:45 ሙሴ ማጻፋቱዋን ናባቱዋ ማጻፋቱዋን፡ አይሁዳቱዋ ማጻፋ፡ ኤጫ ጫቁዎ። 1:51 ደመላ 28:12 \* 2:4 ታ ዎዲ፡ ሀዋ ጉሳይ የሱሳ ቱሙ ቦንቹ በኤታናው በሴን እ ጳሳ ናአ ግዳዊ ኤረታናው በሴ ግያዎ።

ሄዋን ባረ ቦንቸዎ እ ቆንጭሰና፡ እ ካልያዋንቱ እን አማኔድኖ።

12 ሄዋጥ ጉይያን፡ የሱሰ ባረ ዳይና፡ ባረ እሻቱዋናን ባረና ካልያዋንቱና እትጥ ቅፍርናሆማ ጌተትያ ካታማ ቢደ አማራዳ ጋላሳ ታኬድኖ።

የሱሰ ጌሻ ጎልያ ግቢያጥ ዛልእያዋንታ ከሴዳ

(ማቶሳ 21:12-13፤ ማር. 11:15-17፤ ሉቃሳ 19:45-46)

13 አይሁዳቱ ቦንቸያ ፓሰጋ ባላ ጋላሳይ ማታትና፡ የሱሰ የሩሳላመ ቤዳ።

14 ጌሻ ጎልያ ግቢያን ሚዛ፡ ዶርሳን ደጎማቱዋ ዛልእያ እሳ ደሚዳ፤ ቃይ ሀራቱ ባረንቱ ኦይድያን ኡቲድ፡ ሚሻ ላምያዋንታ ደሚዳ።

15 እ ጎላ ጅራፍያ ዶቂድ፡ እሳ ኡባ ዶርሳናን ሞያና ጌሻ ጎልያ ግቢያጥ ካረዉ ከሲደ የደርሴዳ። ሚሻ ላምያዋንቱ ኦይድያካ አለ የጊድ፡ ኡንቱንቱ ሚሻ ላሌዳ።

16 ደጎሙዋ ዛልእያዋንታ እ፡ “ሀ ደጎማቱዋ ሀዋጥ ከሰተ፤ ታ አሉ ጎልያ ገያ አላጥተ!” ያጌድኖ።

17 የሱሳ ካልያዋንቱ ጸሳ ማጸፋን፡ “ታን ነ ጎላዉ ሴለትያ ሴላይ ታና ታማዳን ጉዳ” ጌተቲደ ጸፈቱዳዋ ሀሳዬድኖ።

18 ሄዋጥ ጉዩ፡ አይሁደ እሳ አይሰያዋንቱ ዛሪድ፡ “ካዉ ሀዋ ኦላናዉ ዳንዳይያ ማታይ ደእያዋ ኮና አያ ማላታ በሳኒ?” ያጌድኖ።

19 የሱሰ፡ “ሀ ጌሻ ጎልያ ኮልተ፤ ታን ሄዙ ጋላሳን ዛራደ ኬጻና” ያጌድኖ።

20 ቃይካ አይሁደ እሳ አይሰያዋንቱ፡ “ሀ ጌሻ ጎልያ ኬጻናዉ ኦይታማን ኡሱቱን ላይላ እኬዳ፤ ሽን ኔን ሄዙ ጋላሳን ኬጻኒ?” ያጌድኖ።

21 ሽን እ ሃሳዬዳ ጌሻ ጎሊ ባረ አሳተላባ።

22 ሄዋ ድራዉ፡ የሱሰ ሀይቁዋጥ ደንዴዳዋጥ ጉይያን፡ የሱሳ ካልያዋንቱ እ ሄዋ ጌዳዋ ሀሳዬድኖ። ቃይ ኡንቱንቱ ጸሳ ማጸፋይ ጌዳዋን የሱሰ ሃሳዬዳዋ አማኔድኖ።

23 ፓሰጋ ባላ ቦንቸያ ዎድ፡ የሱሰ የሩሳላመን ደእሽን፡ እ አዳዳ ማላታ በኢድ፡ ጮራ አሳይ አ አማኔድኖ።

24 ሽን የሱሰ አሳ ኡባ ኤርያ ድራዉ፡ ሄዋንታ አማንቤና።

25 አሳባ ኡን እዉ ማርካታና ማላ ኮይቤና፤ አያዉ ጎጥ፡ አሳ ዎዛናን አዬ ደእንቶ፡ እ ባረ ሀጸዉ ኤርያ ድራሳ።

### 3

የሱሳን ንቆድሞሳ

1 ፓርሳዋቱዋጥ ግዴዳ ካጥዎ ንቆድሞሳ ጌተትያ እት ብታኒ ደኢ።

2 ንቆድሞሰ ቃማ የሱሳኩ ዪደ፡ “ታማርሰያዎ፡ ኔን ኮና ታማርሳና ማላ ጸሳይ ኪቱዳ ገድያዎ ኮን ኤሬቶ፤ አያዉ ጎጥ፡ ጸሳይ አናና ደእያ አሳጥ አትን፡ ሀ ኔን አልያ ዎልቃማ ማላታቱዋ ኦላናዉ ዳንዳይያ አሳይ ባዎ” ያጌድኖ።

3 የሱሰ ዛሪድ፡ “ታን ነዉ ቱሙዋ ኦዳይ፤ አሳይ ላኤንሱዋ የለታና ቆየጥ፡ ጸሳ ካዉተላ በአናዉ ዳንዳየና” ያጌድኖ።

4 ንቆድሞሰ፡ “ጭማ አሳይ ዋኒደ ላኤንሱዋ የለታናዉ ዳንዳይ? ባረ ዳይ ኡሉዋ ሰም ገሊደ፡ ላኤንሱዋ የለታናዉ አሳይ ዳንዳይ?” ያጌድኖ።

5 የሱሰ ዛሪድ፡ “ታን ነዉ ቱሙዋ ኦዳይ፤ አሳይ ሃላጥን ጌሻ አያናጥ የለታና ቆየጥ፡ ጸሳ ካዉተላ ገላናዉ ዳንዳየና።

6 አሳይ አሹዋን አሳጥ የለቱ፤ ሽን አሳይ አያናን ጌሻ አያናጥ የለቱ፤

7 ህንተንቱ ላኤንሱዋ የለታናዉ በሴ፡ ጋደ ታን ኦዴዳ ድራዉ፡ ማላለቶ።

8 ጫርኩ ባረ ኮዬዳሳ ጫርኩ። ኔን አ ኮሹንቻ ሰሳሳ፤ ሽን እ ሀቃጥ ይንቶ ዎይ ሀቃ ብንቶ ኤራካ። ጌሻ አያናጥ የለቱዳ ኡባይ ሄዎ ማላ” ያጌድኖ።

9 ንቆድሞሰ፡ “ሀዋ ዋኒደ ሀናናዉ ዳንዳይ?” ያጌደ ኦቹዳ።

10 የሱሰ ዛሪድ፡ “ኔን እሰራኤላቱዋ ታማርሰያዎ ግዳደ ሀዋ ኤርኪ?”

11 ታን ነዉ ቱሙዋ ኦዳይ፤ ኔን ኤርያዎ ሃሳዬቶን በኤዳዎ ማርካቱቶ፤ ሽን ኮን ማርካትያዎ ህንተንቱ አክክታ።

12 ታን ህንተንቶ ሳአባ ኦድና፡ አማንናዋንታ ግደጥ፡ ሳሉዋባ ኦድና ዋን አማንናቱ?

13 ሳሉዋጥ ዎዴዳ ታጥ አትን፡ ሳሉዋ ከሴዳዋ ኡንን ባዋ፤ ሳሉዋን ደእያ አሳ ናአይ ታና።



14-15 “መሥሪያው ወይን ጸንቆሚሉዋ ሸሻ ሱሌዳዋዳን፣ ታና አማኔዳ ኡባይ መድና ደኡዋ አካና ማላ፣ ታን አሳ ናኦይ ማሰቃልያ ቦላ ፑደ ደንዳና በሴ።

16 “ጸሳ ናኦ አማንያ ኡባይ መድና ደኡዋ አካና፣ አትን፣ ጳየና ማላ፣ ጸሳይ ሀ አላምያ አሳ ሎይላ ሰቄዳ ድራው፣ ባረ መጽ አት ናኦ አማኔ።

17 አያው ጎፕ፣ ጸሳይ ባረ ናኦ ሀ አላምያ አሳ ፕርዳናው ከትቤና፤ ሸን ኡንቱንታ አ ባጋና አሻናው ኪቲዳ።

18 “አ ናኦ አማንያ ኦንነ ፕርደተና፤ ሸን ናኦን አማንና ኦንነ፣ ጸሳ ናኦ አቱዋ አማንቤና ድራው፣ ሀአካ ፕርደት ኡቲዳ።

19 አሳ ቦላ ይያ ፕርዳይ ሀዋ፣ ፖኡ ሀ አላምያ ዬዳ፤ ሸን አሳ ኪታይ ኢታ ግድያ ድራው፣ ፖኡዋፕ አሊደ፣ ጳማ ሲቄዳ።

20 ኢታባ ኦላያ ኦንነ ፖኡዋ አጼ፤ አያው ጎፕ፣ ባረ ኪታይ ቆንጨና ማላ፣ ፖኡዋኮ ሸቀና።

21 ሸን ቱሙዋ ኦላያ ኦንነ ጸሳይ አዛዜዳዋዳን፣ አ ኦላዳዋ ፖኡ ቆንጭሳና ማላ፣ ፖኡዋኮ ሸቀ” ያጌዳ።

የሱሳነ ጸማቅያ ጥሃንሳ

22 ሄዋፕ ጉይያን፣ የሱሳነ አ ካልያዋንቱ ይሁዳ ጋድያ ቤድና፤ የሱሳ ሄ ጋድያን ኡንቱንቱና አማራዳ ዋድያ ኡቲዳ፣ አሳ ጸማቂደ ደኤ።

23 ቃይ ጥሃንሳ ሳሊመ ማታን ደኤያ ሄናና ግያ ሳን ዋጋ ሃሳይ ደኤያ ድራው፣ አሳይ አኮ ዪና ጸማቁ።

24 ሄዋ ሀኔዳዋ ጥሃንሳ ቃሸታናፕ ካሰና።

25 ሄዋፕ ጉይያን፣ ጥሃንሳ ካልያዋንቱና አማራዳ አይሁዳቱዋ ሜቻ ዋጋባ \* ፓሉመቲድና።

26 ኡንቱንቱ ጥሃንሳኮ ቢደ፣ “ታማርሰያዎ፣ የርዳናሳ ሻፋፕ ሄፍንሳን ኔናና ደኤያዎ፣ ኔን አባ ማርካቶዎ፣ በአ ሀአ ጸማቁ፤ አሳይ ኡባይካ አኮ ቤ” ያጌድና።

27 ጥሃንሳ ዛሪደ፣ “ጸሳይ አማና ጳዮፕ፣ አሳይ አይነ አካናው ዳንዳየና።

28 “ታን ክርሰቶሳ ግድከ፤ ሸን ታን አፕ ሰንፋው ከተታድ” ጌዳዋ ሀንተ ሀንተንቱ ሁጸው ማርካ።

29 ምሽራ ማጫውና ደኤያ ኡራይ እካ ምሽራ፤ ሄ ምሽራ ምያታይ ኤቂደ፣ አ ግያዋ ሰሰያዊ አ ሃሳያን ዳር ናሸቲ። ሄዋ ድራው፣ ሀዋ ታ ናሸቻይ ፖሊቲዳ።

30 አ ዳርና ታ ጉጽና በሴ” ያጌዳ።

31 ቦላፕ ይያዊ ኡባፕ ቦላ። ሳኦፕ ቤቲዳዊ ሳኦሳ። አካ ሳኦባ ሃሳዬ። ሳሉዋፕ ይያዊ ኡባፕ ቦላ።

32 አ ባረ በኤዳባነ ሰሴዳባ ማርካቲ፤ ሸን አ ማርካተላ አክያዊ ባዋ።

33 አ ማርካተላ አክያ ኦንነ ጸሳይ ቱማንቻ ግድያዋ ሄዋን ማርካቲ።

34 ጸሳይ ኪቲዳዊ ጸሳ ቃላ ኦዴ፤ አያው ጎፕ፣ ጸሳይ ባረ ጌሻ አያና ፓላሀሲደ አሜ።

35 ጸሳይ ባረ ናኦ ሲቂደ ኡባባ አ ኩሸያን ዋሌዳ።

36 ናኦ አማንያ ኡራው መድና ደኤ ደኤ፤ ሸን ናኦ አማንናዋ ቦላ ጸሳ ሀንቁ ደኤናዋፕ አትን፣ አ ደኡዋ በኤና።

4

የሱሳነ ሳማርያ ምሽራቶ

1-3 የሱሳ ጥሃንሳዋፕ ዳርያ ባረና ካልያዋንታ ባረኮ ሺሼን ጸማቁ ግያዋ ፓርሳዋቱ ሰሴዳዋ የሱሳ ኤራዳ ዋደ፣ ይሁዳ አገደ፣ ጋሊላ ቤዳ፤ ግድፕ፣ የሱሳ ካልያዋንቱ ጸማቁዳዋፕ አትን፣ የሱሳ ባረ ሁጸው ኦናን ጸማቅቤና።

4 ጋሊላ ቢደ፣ ሳማርያና አቆናዊ አ አሸናባ ግዴዳ።

5 ሄዋ ድራው፣ ያቆብ ባረ ናኦ የሱሳ አማኔ ጋድያ ማታን ደኤያ ሰካር ጌተትያ ሳማርያ ካታማ ቤዳ።

6 ሄ ሳኦን ያቆባ ሃላ ኦላይ ደኤ፤ የሱሳ ሀመታን ዳቡራደ፣ ሄ ሃላ ኦላ ማታን ኡቲዳ። ሄ ዋደ ሳኦይ ኡሱፑን ሳትያ ሄራ።

7 ሳማርያ ምሽራታ ሃላ ዱቃናው ዬዳውና የሱሳ፣ “ታና ሃላ ኡሻርኪ!” ያጌዳ።

8 የሱሳ ካልያዋንቱ ቁማ ሻማናው ካታማ ቤድና።

9 ሄ ምሽራታ ዛሪደ አ፣ “ኔን አይሁዳ አሳ ግዳደ፣ ሳማርያ ማጫ አሳ ግዴዳ ታና፣ ዋታ ደኡዋ አምያ ሃላ ኡሻ ጋይ?” ያጋዱ፤ አያው ጎፕ።

\* 3:25 አይሁዳቱዋ ሜቻ ዋጋባ- ሀዋ ጉሳይ አይሁዳቱ ባረንቱ ጎይናና ጋላናው ኦላያ ዳማ ዳማ ባረንታ ሜቻባይነ ባረንቱ ሳንያ ሜጭያ ዋጋቱ ደኤያዋ በሴ። 4:5 ደመላ 33:19፤ ኢያሳ 24:32 4:9 አዘራ 4:1-5፤ ናሀ. 4:1-2

አይሁዳቶን ሳማርያ አሳው እትተላይ ባይና ድራሳ።

10 የሱስ ዛሪደ እዘ፡ “ኔን ጸሳ አሞታነ ቃይ ኔና ጥና ሃላ ኡሻ” ግያዌ ኦነንቶ ኤርያዋ ግድንቶ፡ አ ዋሳናሳ፤ እካ ነዉ ደኡዋ እምያ ሃላ እማና” ያጌዳ።

11 ምሽራታ ዛሪደ፡ “ጎዳዉ፡ ነዉ ዲቁያባይ ባዋ፤ ኦላይካ ጨሙዋ። ያትና፡ ደኡዋ እምያ ሃላ ሀቃጥ አካኒ?

12 ኑዉ ሀ ሃላ ኦላ እማዳ ኑ አዉዋ ያቆባጥ ኔን ዳራይ? እ፡ አ ናናይነ አ ሙሂ ሀዋጥ ኡሼድና” ያጋዱ።

13 የሱስ ዛሪደ፡ “ሀ ሃላጥ ኡሽያ ኦነን ላኤንሱዋ ሳመታናዋ።

14 ሽን ታን እምያ ሃላ ኡሽያ ኦነን ላኤንሱዋ ሳመተና። ታን እምያ ሃላይ ሄ አ ግደን ሙድና ደኡዋስ ፑልትያ ፑልቱዋ ግዳናዋ” ያጌዳ።

15 ምሽራታ፡ “ጎዳዉ፡ ታን ሳመተና ማላነ ሃላ ትካናዉካ ሃ ዬና ማላ፡ ታዉ ሄ ሃላ እማ!” ያጋዱ።

16 የሱስ እዘ፡ “ባደ ነ አሰና ጴሳደ ሃ ሰማ” ያጌዳ።

17 ምሽራታ ዛሪደ፡ “ታዉ አሰናይ ባዋ” ያጋዱ።

የሱስ፡ “ታዉ አሰናይ ባዋ ግያዋን ቱሙዋ ጋዳ።

18 ኔን እቼሹ አሰና ገላዳ፤ ሀእ ኔናና ደእያ ብታኒ ነ አሰና ግደና። ኔን ሀእ ታዉ ኦዴዳዌ ቱማ” ያጌዳ።

19 ምሽራታ ቃይ፡ “ጎዳዉ፡ ኔን ናብያ ግድያዋ ታ ሀእ ኤራድ፤

20 ኑ ሳማርያ አሳ አዋቱ ሀ ደርያን \* ጎይኔድና፤ ሽን አይሁዳቱ ሀንተንቱ አሳይ ጸሳዉ ጎይናዉ በሰያ ሳአይ የሩሳላሙና ያጌታ” ያጋዱ።

21 የሱስ፡ “ሀ ምሽራቱ፡ ታና እማና፤ ሀ ደርያን ዋይ የሩሳላሙን አዉዋ ጸሳዉ ሀንተንቱ ጎይነና ዋዲ ያናዋ።

22 ሀንተንቱ ሳማርያ አሳይ ሀንተ ኤረናባዉ ጎይኒታ፤ ጸሳይ ኑና አይሁዳቱዋ ጎኤቲደ አቶተላ አሀያ ድራዉ፡ ኑን ኑ ኤርያዋ ጎይኔቶ።

23 ሽን አዉዋ ጸሳዉ ቱሙዋጥ ጎይንያዋንቱ እ፡ ጌሻ እያና ዋልቃንነ ጸሳ ጸሳተላዳን ጎይንያ ዋዲ ማታቲዳ፤ ኡባ ሀእካ ጋኬዳ። እያዉ ጎጥ፡ አሳ ባረዉ ጎይናና ማላ፡ አዉ ጸሳይካ ሀ ኦግያን ጎይንያዋንታ ኮዬ።

24 ጸሳይ እያና፤ አዉ ጎይንያዋንቱካ ጌሻ እያና ዋልቃን ጸሳ ጸሳተላዳን ጎይናናዉ በሴ” ያጌዳ።

25 ምሽራታ፡ “ማሰሀያ ጌተትያ ኦከቶዌ ያናዋ ታን ኤራይ። እ ይያ ዋደ ኑዉ ኡባባ ኦዳናዋ” ያጋዱ።

26 የሱስ፡ “ሀ ኔናና ሃሳይያዌ ታን አ” ያጌዳ።

27 ሀዋ ኡንቱንቱ ሃሳይሽን፡ የሱሳ ካልያዋንቱ ቤዳሳጥ ሰማድና። የሱስ ምሽራትና ሃሳይሽን ኡንቱንቱ በኢደ ዳርሰ ማላላቲድና፤ ሽን ምሽራቶ፡ “እያ ኮያይ?” ዋይ የሱሳ፡ “አናና አያዉ ሃሳይያ?” ጌደ ኦቾዌ ኦነን ባዋ።

28 ሄዋጥ ጉይያን፡ ምሽራታ ባረ ሃላ ኦቱዋ አጋ ባሻ ጉየ ካታማ ባደ አሳዉ።

29 “ታን ኦሌዳዋ ኡባ ታዉ ኦዴዳ ብታንያ በአናዉ ደንድተ፤ ሄዌ ክርሰቶሳ ግዳንዴሻ?” ያጋዱ።

30 አሳይ ካታማጥ ከሲደ፡ የሱሳኮ ቤዳ።

31 ሄዌ ሀንሽን፡ አ ካልያዋንቱ የሱሳ፡ “ጉላባ ማርኪ!” ያጌደ ዋሴድና።

32 ሽን እ፡ “ታዉ ሀንተንቱ ኤረና ቁማይ ታን ምያዌ ደኤ” ያጌዳ።

33 ሄዋ ድራዉ፡ አ ካልያዋንቱ ባረንቱ ግድን፡ “አዉ ምያባ አሄዳ አሳይ ደኒኤሻ?” ያጌድና።

34 የሱስ ኡንቱንቶ፡ “ታ ቁማይ ታና ኪቲዳዋ ሽንያ ኦሱሳነ አ ኦሱዋ ፖሱሳ።

35 ሀንተንቱ፡ ‘ኦይዱ አገናጥ ጉይያን፡ ካሳይ ጫከታናዋ’ ጊክቲዬ? ታን ሀንተንቶ ኦዳይ፤ ጎሻ ሎይሐ ጴልተ፤ ካሳይ ጫካ በሴዳ።

36 ዘርያዌን ጫክያዌ እትጥ ናሽታና ማላ፡ ጫክያዌ ድርጉዋ አኬን ካሳ ሙድና ደኔ ሺሴ።

37 ሀ ጋሱዋን፡ ‘ኦቱ ዘሪ፤ ቃይ እቱ ጫኬ’ ግያ ሃሳይያ ቱማ።

38 ሀንተንቱ ዳቡርቤናዋ ጫካና ማላ፡ ታን ሀንተንታ ከታድ፤ ሀራቱ ኦሐ ዳቡራድና፤ ሀንተንቱ ሀራቱዋ ዳቡራን ገሌድታ” ያጌዳ።

39 ምሽራታ፡ “እ ታን ኦሌዳ ኡባባ ኦዴዳ” ጋደ ማርካቲዳ ድራዉ፡ ሄ ካታማን ደእያ ሳማርያ አሳጥ ጮራይ የሱሳ አማኔዳ።

40 ሳማርያ አሳይ የሱሳኮ ዬዳ ዋደ፡ ባረንቱ ማታን ጋምአና ማላ፡ የሱሳ ዋሰና እ ያን ላኡ ጋላሳ ኡቲዳ።

\* 4:20 ሀ ደርያን፡ ግያዌ ደርያ ጌርዛና ግዲደ ሴኬማ ጌተትያ ካታማ ማታን ደእያዋ።

41 እ ኦድያ ቃላ ድራው፤ ካሰዋጥ ጮራ እሳይ አማኔዳ፤

42 ቃይ ኡንቱንቱ ሞሽራቶ፤ “ኑን ኑ ሁጸው እ ግያዋ ሰሲደ አማኔዳዋጥ አትን፤ ነን ማርካቲዳ ድራሳ ግደና፤ እ ቱሙ አላምያ አሳ አሽያዋ ግድያዋካ ኑን ኤራድ” ያጌድኖ።

የሱስ እት ካፑዋ ናኣ ፓሌዳ

43 ለኡ ጋላሳጥ ጉይያን፤ የሱስ ሳማርያጥ ከሲደ፤ ጋለላ ጋድያ ቤዳ።

44 አያው ጎጥ፤ እ ባረ ሁጸው፤ “ናቢ ባረ ጋድያን ቦንቼተና” ያግ ኦዳዳ።

45 የሱስ ጋለላ ጋኬዳ ዋደ፤ ጋለላ አሳይ እ ሞኬዳ፤ ፓሰጋ ቦንቼያ ጋለሰ ኡንቱንቱ የሩሳላሙን ደኢያ ድራው፤ እ ኦሌዳ ኡባባ በኤድኖ።

46 የሱስ ሃላ ዋይንያ ኡቫ ከሴዳ፤ ጋለላን ደኢያ ቃና ካጥማ ቤዳ። ቅፍርናሆማን እ ናአይ ሳከትያ፤ ካትያ ጎለን ኦላያ እት ካፑ ደኤ።

47 የሱስ ይሁዳጥ ጋለላ ዬዳዋ ሄ ካፑ ሰሲደ፤ አኮ ዪደ ሀይቃናው ማቲዳ ባረ ናአ ቢደ ፓላና ማላ፤ የሱሳ ዋሴዳ።

48 የሱስ ሄ ካፑዋ፤ “ጸሳይ ኦላያ ማላጥን ሄቾ ጊሰያባ በኤናን ደኢደ፤ ሀንተንቱ አይን አማንክጥ” ያጌዳ።

49 ሄ ካፑ ዛሪደ፤ “ሳዳው፤ ታ ናአይ ሀይቃናን ደኢሸን፤ ታናና ባርኪ” ያጌዳ።

50 የሱስ፤ “ባ፤ ነ ናአይ ፓጸ ደአናዋ!” ያጌዳ።

ሄ ካፑ የሱስ ጌዳዋ አማኒደ ቤዳ።

51 እ ባረ ጎለ ቢሸን፤ እ ቆማቱ አናና ኦግያን ጋከቲደ አ፤ “ሳ ናአይ ፓጸ ደኤ” ጌድኖ።

52 እ ባረ ቆማቱዋ ባረ ናአው አይ ሳትያን ከኬደንቶ ኦቾና ኡንቱንቱ፤ “ዘኖ ላፑ ሳትያን ቆጶ አ አኔዳ” ያጌድኖ።

53 ናኣ አው የሱስ ባረው፤ “ሳ ናአይ ፓጸ ደአናዋ” ጌዳዋ ሄ ሳትያና ግዴዳዋ ሀሳዬዳ። ሄዋ ድራው፤ እነ አ ሶይ አሳይ ኡባይ አማኔድኖ።

54 ሀዌ የሱስ ይሁዳጥ ጋለላ ዪደ ኦሌዳ ላኤንላ ማሳጥ።

### 5

የሱስ ጉንዳ ብታንያ ዳጋት ኡቴዳ ሃላ ማታን ፓሌዳ

1 ሄዋጥ ጉይያን፤ የሱስ አይሁዳቱ ቦንቼያ ባላው የሩሳላሙ ቤዳ።

2 የሩሳላሙን ደርሳ ጥንግያ ማታን እብራይስጸ ቃላን ቤተሳይዳ ጌተትያ ዳጋት ኡቴዳ ሃላይ ደኤ፤ ሄ ዳጋት ኡቴዳ ሃላ ዩይ አዴዳ እቼሹ ካሻይ ደኤ።

3 ሄዋን ጮራ ሀርጋንቻቱ፤ ቆቃቱ፤ ዋባቱን ሰሌዳዋንቱ ግሴድኖ። [ሃላይ ቃጽያዋ ናጊኖ።

4 አያው ጎጥ፤ እት እት ገደ ጎዳ ኪታንቻይ ሄ ዳጋቲዳ ሃላኮ ገሊደ፤ ሃላ ቃሌ፤ ሃላይ ቃጸዳዋጥ ጉይያን፤ ኮይር ገሌዳ ኡራይ ባረና ኦይቄዳ አይ ሀርግያጥካ ፓጶ።]

5 ሄዋን ሀታማን ሆሰፑን ላይላ ሳከቲዳ እት ብታኒ ደኤ።

6 ሄ ብታኒ ሄዋን ግሴዳዋ የሱስ በኢደ፤ ዳር ዋድያ ሳከቲዳዋካ ኤሪደ ብታንያ፤ “ፓጸናው ኮያይ?” ያጌዳ።

7 ሳከትያ ብታኒ ዛሪደ፤ “ሳዳው፤ ሃላይ ቃጽያ ዋደ፤ ታና ሃላን የግያ አሳይ ቆዬዳ፤ ታን ገላና ሀንያ ዋደ፤ ሀራ ኡራይ ታጥ ካሰቲደ ገል አኔ” ያጌዳ።

8 የሱስ አ፤ “ደንዳ ኤቃ፤ ኔን ግሶዋ ቶካደ ባ” ያጌዳ።

9 ብታኒ ኤላካ ፓጸ አኔዳ፤ ባረ ግሶዋ ቶኪደ ቤዳ።

ሄዌ ሀኔዳዌ ሳምባጥ ጋላሳና።

10 ሄዋ ድራው፤ አይሁዳቱ ፓጶዳ ብታንያ፤ “ሀቼ ሳአይ ሳምባጥ፤ ኔን ነ ግሶዋ ቶካ ብያዌ ዋጋ ግደና” ያጌድኖ።

11 ሸን ብታኒ፤ “ታና ፓሌዳዌ፤ ሳ ግሶዋ ቶካደ ባ” ያጌዳ” ጊደ ኡንቱንቶ ዛሪዳ።

12 ኡንቱንቱ አ፤ “ኔና፤ ሳ ግሶዋ ቶካደ ባ” ጌዳዌ አ ኦኔ?” ጊደ ኦቼድኖ።

13 ሸን ሄዋን ጮራ አሳይ ደኢያ ድራውን፤ የሱስካ ጌሙቲዳ ድራው፤ ብታኒ ባረና ፓሌዳዌ ኦነንቶ ኤረና።

14 የሱስ ጉየጥ ሄ ብታንያ ጌቫ ጎልያን ደሚደ፤ “በአ፤ ኔን ሀአ ፓጸዳ፤ ሀዋጥካ ኢታባይ ኔና ጋከና ማላ፤ ላኤንላ ናጋራ ኦላፓ” ያጌዳ።

15 ሄዋጥ ጉይያን፤ ብታኒ ቢደ፤ ባረና ፓሌዳዌ የሱሳ ግድያዋ አይሁዳ አሳ ካጥቶ ኦዳዳ።

\* 5:4 ሀ ፓይዳ እት በን ኮይርቲደ ጸፈቲዳ ጌቫ ማጸፋቱዋን ባዋ። 5:10 ናሀ. 13:19፤ ኤር. 17:21

16 የሱስ ሀዋ ሳምባታን እሴዳ ድራው፡ ኢንቱንቱ የሱሳ የደሳን ዋይሱዋ ደሜድና።

17 የሱስ ዛሪደ ኢንቱንቶ፡ “ታ አቡ ኡባ ዋደ እሴ፤ ታንካ አላናው በሴ” ያጌዳ።

18 ሄዋ ድራው፡ የሱስ ሳምባታ ጋላሳ ቦንቼና ድራ ጸላላሳ ግደናን፤ ባረና ጸሳና ቃራዪደ፡ “ጸሳይ ታ አባ” ጌዳ ድራው፡ እይሁዳ እሳ ካፓቱ አ ዋዳናው ካሰዋፕ ምንሲደ ኮዪና።

ጸሳ ናአ ማታ

19 የሱስ ዛሪደ ኢንቱንቶ፡ “ታን ሀንተንቶ ቱሙዋ ኦዳይ፤ ናአይ ባረካ እይን ኦ□ና። እ ባረ አቡ አላሽን በእያዋ ጸላላ እሴ፤ አው አላያዋ ናአይካ እሴ።

20 እያው ጎፕ፡ አው ባረ ናአ ሲቄ፤ ቃይ እ አላያ ኦሱዋ ኡባባ ባረ ናአ በሴ። ኡባ ሀንተንቱ ማላለታና ጋካናው፡ እ ሀዋፕ እድያ ኦሱዋካ ባረ ናአ በሳናዋ።

21 ጋሱኔ፡ አው ሀይቄዳዋንታ ሀይቁዋፕ ደንሴደ ሸምፑዋና ዋላያዋዳን፡ ናአይካ ቃይ ባረ ኮዮዋንታ ሸምፑዋና ዋላ።

22-23 አሳይ ኡባይ አውዋ ቦንቼያዋዳን፡ ናአካ ቦንቻና ማላ፡ አው ፕርዳ ኡባ ናአው እሜዳዋፕ አትን፡ እ ኦናን ፕርደና፤ ናአ ቦንቼና ኡራይ፡ አ ኪቲዳ አውዋካ ቦንቼና።

24 “ታን ሀንተንቶ ቱሙዋ ኦዳይ፤ ታ ቃላ ሰሰያዋን ታና ኪቲዳዋን እማንያዋ መፅና ደኡ ደኤ። ሀይቁዋፕ ደኡ እ ፕኔዳዋፕ አትን፡ ፕርደተና።

25 ታን ሀንተንቶ ቱሙዋ ኦዳይ፤ ሀይቄዳ አሳይ ጸሳ ናአ ኮሻ ሰሰያ ዋዲ ያናዋ፤ ሄዋኔካ ሀኤ። ሄ ኮሻ ሰሰያዋንቱ ሸምፑዋና ደአና።

26 እያው ጎፕ፡ አዋ ደኡዋ እምያ ዋልቃይ ደእያዋዳን፡ ደኡዋ እምያ ሄ ዋልቃ ባረ ናአውካ እሜዳ።

27 ጸሳ አው ባረ ናአው ፕርድያ ማታ እሜዳ፤ እያው ጎፕ፡ ናአይ አሳ ናአ።

28 “ሀዋን ማላለቶፕተ፤ እያው ጎፕ፡ ዱፋዋን ደእያዋንቱ እ ኮሻ ሰሰያ ዋዲ ዬ።

29 ሰሲደ ኢንቱንቱ ዱፋዋፕ ጋጸ ከሳና፤ ሎኦባ እሴዳዋንቱ ደኡዋን ደአናው ደንዳና፤ ቃይ ኢታባ እሴዳዋንቱ ፕርደታናው ደንዳናዋንታ።

የሱሳው ማርካቴዳ አሳቱዋ  
30 “ታን ታፕ እይን አላናው ደንዳይከ፤ ጸሳይ ታው እዴዳዋዳን ፕርዳይ። ታ ፕርዳይ ቱማ፤ እያው ጎፕ፡ ታን ታና ኪቲዳዋ ሸንያ ፖልያዋፕ አትን፡ ታን ደሰያዋ አላከ።

31 “ታን ታ ሁጸው ታባ ማርካቶፕ፡ ታ ማርካተላይ ቱማ ግደና።

32 ታባ ማርካትያዌ ሀራይ ደኤ፤ እ ታባ ማርካትያዌ ቱማ ግድያዋ ታን ኤራይ።

33 “ሀንተንቱ የሃንሳኮ እሳ ኪትና፡ እ ኢንቱንቶ ቱሙዋ ማርካቴዳ።

34 ታን ሄዋ ሀንተንታ አትኖ ጋደ ግያዋፕ አትን፡ አሳ ማርካተላይ ታው ኮሻና ግደና።

35 የሃንሰ ሙቃዳዳን፡ ኤጼዳን ፖእሴዳ፤ ሀንተንቱካ አማራዳ ዋድያ አ ፖኡዋን ናሽታናው ኮዬድታ።

36 “ሸን ታው የሃንሳዋፕ አድያ ማርካተላይ ደኤ፤ እያው ጎፕ፡ ታን ዉርሳናው ታ አቡ ታው እሜዳ ኪታይ፡ ሀ ታን አላያዌ፡ እ ታና ኪቲዳዋ ግድያዋ ማርካቴ።

37 “ቃይ ታና ኪቲዳ ታ አቡ ባረ ሁጸው ታባ ማርካቴ። ሀንተንቱ እ ኮሻ እይን ሰሰበይክታ፤ እ ማላካ በእበይክታ።

38 እ ኪቲዳዋ አማናና ድራው፡ እ ቃላይ ሀንተንቱ ዋዛናን ባዋ።

39 “ጸሳ ማጸፋቱዋፕ መፅና ደኡዋ ደምያዋ ሀንተው ማላትና፡ ኢንቱንታ ብዲታ፤ ኢንቱንቱካ ታባ ማርካትያዋንታ።

40 ሸን ደኡዋ ደማናው ታኮ ይያዋ ሀንተንቱ ኮይክታ።

41 “ታን አሳፕ ቦንቼዋ ኮይከ።

42 ሸን ታን ሀንተንቱ ዋዛናን ጸሳ ሲቄ ባይናዋ ኡራይ።

43 ታን ታ አቡ ሱንላን ያድ፤ ሸን ታና አክበይክታ። ሸን ሀራ አሳይ ባረ ሱንላን ይያ ዋደ፡ እ አኪታ።

44 ሀንተንቱ እቱ እቱዋ ቦንቼታ፤ ሸን እት ጸሳፕ ይያ ቦንቼዋ ኮይክታ። ያትና፡ ዋኒደ አማናናው ዳንዳዪተ?

45 “ታን ታ አቡ ሰንላን ሀንተንታ ሞትያዋ ሀንተው ማላቶፕ፤ ሀንተንታ ሞትያዌ፡ ሀንተ ሀይታ ዋላያ ሙሳ።

46 ሀንተንቱ ሙሳ እማኔዳባ ግድንቶ፡ ታናካ አማናንታ፤ እያው ጎፕ፡ ታባ ጸፌዳዌ እ።

47 ሸን ሀንተንቱ እ ጸፊዳዋ አማናን እጸጥ፡ ታን ግያዋ ዋት አማናንቱ?” ያጌዳ።

6

የሱስ 5,000 አሳ ምዜዳ (ማቶሳ 14:13-21፤ ማር. 6:30-44፤ ሉቃሳ 9:10-17)

1 ሄዋጥ ጉይያን፡ የሱስ ጋሊላ አባጥ ዋይ ጽብርያደሳ አባጥ ሄፍንሳ ፕኔዳ።

2 እ ሀርጋንቻቱዋ ቦላ ኦሴዳ ዋልቃማ ማላታ በኤዳ ድራው፡ ጮራ አሳይ እ ካሌዳ።

3 የሱስ ደርያ ከሲደ፡ ያን ባርና ካልያዋንቱና እትጥ ኡቲዳ።

4 አይሁዳቱ ቦንቶያ ፓሰጋ ጋላሳይ ጋኬዳ።

5 የሱስ ሰንሳኮ ጸሊደ፡ ጮራ አሳይ ባርኮ ይያዋ በኢደ ፕልጸሳ፡ “ሀ አሳ ኡሳ ምዛናው ግድያ ቁማ ሀቃጥ ሻማኔ?” ያጌዳ።

6 እ ሄዋ ፕልጸሳ ፓጫናው ጌዳ፤ አያው ጎጥ፡ እ ባር ሀጸው እያ ኦላና በሰንቶ ኦላናባ ኤሬ።

7 ፕልጸሰ ዛሪደ የሱሳ፡ “ሀጲያን ሀጲያን፡ ሀራይ እቶ እት እት ባርሱዋ ጋላናው፡ ላኡ ጾቱ ድናርያን ሻሜዳ ኡክላይካ ግደና” ያጌዳ።

8 ቃይ የሱሳ ካልያዋንቱጥ እቱ፡ ሰሞን ጸጽሮሳ አሻይ እንድራሰ።

9 “ባንጋ ኡክላ እቸቹኑ ላኡ ሞሊ ደእያ እት ናአይ ሀዋን ደኤ፤ ሸን ሀ አሳ ኡባው ሄዌ ዋት ግዳኔ?” ያጌዳ።

10 የሱስ ባርና ካልያዋንታ፡ “አሳይ ኡታናዳን እላት” ያጌዳ። ሄ ሳአን ዳር ማታይ ደኤ። አሳይ ኡባይ ኡቲዳ፤ አቱማ አሳይ እቸቹ ሻአ ግድያዋ።

11 የሱስ ኡክላ እኬዳ፤ ጸሳ ጋላቲደ፡ ሄዋን ኡቲዳ አሳው ግሼዳ። ሞልያካ ሄዋዳን ኦላና አሳይ ባር ኮዬዳዋ ከና ሜዳ።

12 ኡንቱንቱ ኡባይ ካሊዳዋጥ ጉይያን፡ የሱስ ባርና ካልያዋንታ “እትባይካ ጮ ባየና ማላ፡ አቲዳ ደካ ሺሽተ” ያጌዳ።

13 ሄዋ ድራው፡ ኡንቱንቱ ኡባካ ሺሺድና፤ አሳይ ካልና አቲዳ ባንጋ ኡክላ ደካ ሺሺደ፡ ታማነ ላኡ ዛምቤልያ ኩንሴድና።

14 አሳይ የሱስ ኦሴዳ ዋልቃማ ማላታ በኤዳ ዋይ፡ “ሀዌ ቱሙዋጥ ሀ ሳአ ያና ጌዳ ናብያ” ያጌድና።

15 ኡንቱንቱ ዪደ ባርና ዋልቃን ኦይቁ ካትያ ኦላናው ሀንያዋ የሱስ ኤሪደ፡ ባርካ ደርያ ቦላ ሸረቲደ ከሴዳ።

የሱስ አባ ቦላን ሀመቲደ ቤዳ (ማቶሳ 14:22-33፤ ማር. 6:45-52)

16 ሳአይ ኦማርሴዳ ዋይ፡ የሱሳ ካልያዋንቱ እባኮ ቤድና፤

17 ሳአይ ቃሜዳ፤ ሸን የሱስ ኡንቱንቱኮ ሄ ሳቲ ጋካናው ይቤና፤ ሄዋ ኡንቱንቱ ዋንግርያን ገሊደ፡ አባ ፕን ሄፍንሳ ቅፍርናሆማ ቤድና።

18 ዋልቃማ ጫርኩ ጫርኬዳ ድራው፡ አባይ ቃጾዳ፤

19 እት ሳትያ ከና ኡንቱንቱ አባ ሻጎዋጥ ጉይያን፡ የሱስ አባ ቦላን ሀመቲደ ይያዋ በኢደ ያዬድና።

20 ሸን እ፡ “ያዮፕተ፤ ታናቲ!” ያጌዳ።

21 ኡንቱንቱ ዋንግርያን እ ገልሳናው ኮዬድና፤ ዋንግሪ ኡንቱንቱ ብያሳ አባ ጋጸ ኤላካ ጋክ አጌዳ።

የሱስ ደኡዋ ኡክላ

22 ዋንተሳ ጋላሰ፡ አባጥ ሄፍንሳና አቲዳ ጮራ አሳይ አባ ቦላ እት ዋንግርያ ጸላላይ ደእያዋ በኤድና፤ የሱስ ባርና ካልያዋንቱና ዋንግርያን ገሊደ፡ ኡንቱንቱና ቤናን፡ ኡንቱንቱ ባርካ ቤዳዋ እኬኬድና።

23 ሸን ጽብርያደሳጥ ሀራ ዋንግራቱ የሱስ ጸሳ ጋላትና፡ አሳይ ኡክላ ሜዳሳ ማታ ዬድና።

24 አሳይ የሱስ ዋይ እ ካልያዋንቱ ሄዋን ባይናዋ በኢደ፡ የሱሳ ኮያናው ዋንግርያን ገሊደ፡ ቅፍርናሆማ ቤድና።

25 አሳይ የሱሳ አባጥ ሄፍንላን ደሜዳ ዋይ፡ “ታማርሰያዎ፡ ሀዋ አውደ ያዲ?” ያጌድና።

26 የሱስ ዛሪደ፡ “ታን ሀንተንቶ ቱሙዋ ኦዳይ፤ ሀንተንቱ ታና ኮይያዌ ኡክላ ሜዳ ድራሳን ካሌዳ ድራሳ ግድያዋጥ እትን፡ ዋልቃማ ማላታ በኤዳ ድራሳ ግደና።

27 መድና ደኡዋ ቁማው፡ ታን አሳ ናአይ ሀንተንቶ አማናዎ፡ ኦላተጥ እትን፡ ሳምያ ቁማው ኦላፕተ፤ እያው ጎጥ፡ አው ጸሳይ ሄዋ ጳሽሳናው ማታፋ አታሞ ዋሴዳ” ያጌዳ።

28 ሄዋጥ ጉይያን ኡንቱንቱ፡ “ኑን ጸሳ ኦላዋ ኦላናው እያ ኦላናው በሲ?” ያጌደ የሱሳ ኦቺድና።

29 የሱስ ዛሬደ፣ “ህንተንቱ ኦላና ማላ፣ ጸሳይ ኮይያ ከታይ ሀዋ፤ እ ከቲዳዋን አማንት” ያጌዳ።

30 ኡንቱንቱ ዛሬደ፣ “ኑን በኢደ፣ ኔናን አማናና ማላ፣ አይ ዋልቃማ ማላታ ኦላኒ? እያ ከተታኒ?”

31 ጸሳ ማጸፋን፣ ኡንቱንቱ ማና \* ማላ ሳሉዋጥ ኡክላ አሜዳ፣ ያገት ጸፈቶዋዳን፣ ኑ አዎቱ መላ ቢታን ማና ሜድኖ” ያጌድኖ።

32 የሱስ፣ “ታን ህንተንቶ ቱሙዋ ኦዳይ፤ ህንተንቶ ሳሉዋጥ ቱሙ ኡክላ አምያዌ ታ አገጥ አትን፣ ህንተንቶ ሳሉዋጥ ኡክላ አሜዳዌ ሙሳ ግደና።

33 አያው ሳጥ፣ ቱማ ግዴዳ ጸሳ ኡክላይ፣ ሳሉዋጥ ዎድያዌ ሀ አላምያ አሳው ደኡዋ አማ” ያጌዳ።

34 ኡንቱንቱ ዛሬደ፣ “ጎዳው፣ ኑካ ሄ ኡክላ ኡባ ዎደ አማ” ያጌድኖ።

35 የሱስ፣ “ታን ደኡዋ ኡክላ፤ ታኮ ይያ ኡራይ ኡባካ ኮሻተና። ቃይ ታና አማንያ ኡራይ እይነ ሳሙተና።

36 ሸን ታን ህንተንቶ ኦዴዳዋዳን፣ ህንተንቱ ታና በኤድታ፤ ሸን አማንክታ።

37 ታ አቡ ታው አምያ ኡባይ ታኮ ያናዋ፤ ቃይ ታኮ ይያ ኦናን ኡባካ ታን ካረ የድኸ።

38 አያው ሳጥ፣ ታን ታና ከቲዳዋ ሸንያ ፖላናው ሳሉዋጥ ያድጥ አትን፣ ታ ሸንያ ፖላናው ያበይከ።

39 ታና ከቲዳዌ ኮይያዌ ሀዋ፤ ታን እ ታው አሜዳ ኡባቱዋካ ዉርሰሳ ጋላሰ ደንላናጥ አትን፣ አቱዋካ ባይዛና ማላ ኮየና።

40 አያው ሳጥ፣ ታ አቡ ኮይያዌ ሀዋ፤ ታና ናእ በኢደ፣ አማንያ ኡባቱ መድና ደኡዋ አካናዋንታ፤ ታንካ ሄ ኡባቱዋ ዉርሰሳ ጋላሰ ደንላና” ያጌዳ።

41 የሱስ፣ “ታን ሳሉዋጥ ዎዴዳ ኡክላ” ጌዳ ድራው፣ አይሁዳቱ አ ቦላ ዙዙሜድኖ።

42 ኡንቱንቱ፣ “ሀዌ ኑን አ አዉዋን አ አቶ ኤርያ የሱፎ ናእ የሱሳ ግደኒ? ያትና፣ እ ዋጊደ፣ “ታን ሳሉዋጥ ዎዳድ” ጋናው ዳንዳደ?” ያጌድኖ።

43 የሱስ ዛሬደ፣ “አቱ አቱዋና ዙዙምያዋ አግተ።

44 ታና ከቲዳ ታ አቡ ታኮ አሄዳ አሳጥ አትን፣ ታኮ ያናው ዳንዳይያ

አሳይ ባዋ፤ ታንካ ዉርሰሳ ጋላሰ አ ደንላና።

45 ናባቱ ጸሳይ አሳ ኡባ ታማርሳና፣ ያጊደ ጸፈድኖ፤ አዉ ግያዋ ሰሰያዌነ አዉዋጥ ታማርያዌ ኦንነ ታኮ ዬ።

46 ጸሳ ማታጥ ዬዳዋጥ አትን፣ ጸሳ በኤዳ አሳይ ባዋ፤ አ ጸላላይ ጸሳ በኤዳ።

47 “ታን ህንተንቶ ቱሙዋ ኦዳይ፤ ታና አማንያ ኡራው መድና ደኡ ደኤ።

48 ታን ደኡዋ ኡክላ።

49 ህንተንቱ አዎቱ መላ ቢታን ማና ሜድኖ፤ ሸን ሀይቄድኖ።

50 አሳይ አጥ ሚደ ሀይቀና ኡክላይ ሳሉዋጥ ይያዌ ሀዋ።

51 ሳሉዋጥ ዎዴዳ ደኡዋ ኡክላይ ታና፤ ኦንነ ሀ ኡክላጥ ሞጥ፣ መድናዉ ደእናዋ፤ ቃይ ሀ አላምያ አሳው ደኡ ግዳና ማላ፣ ታን አማና ኡክላይ ታ አሹዋ” ያጌዳ።

52 አይሁዳቱ፣ “ሀ ብታኒ ባረ አሹዋ ኑን ማና ማላ፣ ኑዉ ዎቲደ አማናዉ ዳንዳደ?” ያጊደ ባረንቱ ግዴዋን ፓሉመቲድኖ።

53 ሄዋ ድራው፣ የሱስ ኡንቱንታ፣ “ታን ህንተንቶ ቱሙዋ ኦዳይ፤ ታ አሹዋ፣ አሳ ናእ አሹዋ፣ ህንተንቱ ማና ዳዮጥ፣ ቃይ ታ ሱላካ ኡሻና ዳዮጥ፣ ህንተው ደኡ ባዋ።

54 ታ አሹዋ ምያ ኡራውነ፣ ታ ሱላ ኡሸያ ኡራው መድና ደኡ ደኤ። ታን ዉርሰሳ ጋላሰ ኡንቱንታ ደንላና።

55 አያው ሳጥ፣ ታ አሹ ቱሙ ቁማ፤ ታ ሱላይካ ቱሙ ኡሻ።

56 ታ አሹዋ ምያ ኡራይነ ታ ሱላ ኡሸያ ኡራይ ታናን ደኤ፤ ታንካ አናን ደኤ።

57 ደኡዋ አዉ ታና ከትና፣ ታን አ ጋሱዋን ደእያዋዳን፣ ታና ምያ ኡራይካ ታ ጋሱዋን ደእና።

58 ሳሉዋጥ ዎዴዳ ኡክላይ ሀዋ፤ ህንተንቱ አዎቱ ሚደ ሀይቄዳ ማና ማላ ግደና፤ ሀ ኡክላ ምያ ኡራይ መድናዉ ደእና” ያጌዳ።

59 የሱስ ቅፍርናሆማ ካታማን አይሁዳ ዎሳ ጎለን ታማርሲደ፣ ሀዋ ኦዳዳ።

መድና ደኡዋ ቃላ

60 የሱሳ ካልያዋንቱጥ ዳርያ ባጋይ ሄዋ ሰሴዳ ዎደ፣ “ሀዌ ገለና

\* 6:31 ማና- እስራኤልያ አሳይ ግብጹ ጋድያጥ ከሰ ካናን ቢደ መላ ቢታን ሀመቲደ ብያ ዎደ፣ ኡንቱንቱ ማናዳን ጸሳይ አሜዳ ማልእያ ቁማ። ማና ጉሳይ እብራይሲጽያ ቃላን “ሀዌ እዬ?” ግያዋ። 6:31 ከሳ 16:4፣ 15፤ ማዘ. 78:24 6:45 አሳ. 54:13

ትምርትያ፤ ሀዋ ኦን አካናዌ?” ያጌድኖ።

61 ሸን የሱስ ባረና ካልያዋንቱ ሄዋ ዙዙሜዳዋ ኤሪደ። “ሀዌ ሀንተንታ ጹቢ?”

62 ሰሞ ታን፣ አሳ ናኦይ፣ ካስ ደኢያሳ ፑደ ከሰሸን በእንቶ አያ ገንቱ?

63 ጌሻ አያናይ ደኡዋ እሜ፤ አሳ ሞኖታይ አይነ ጎኤና። ታን ሀንተንቶ ኦዴዳ ቃላይ አያናነ ደኡዋ።

64 ሸን ሀንተንቱ ግዲዋን አማናዋንቱ ደኢኖ” ያጌዳ፤ አያዉ ጎፕ፣ አማናዋንቱ ሀቃዋንተንቶን ባረና አላ አማናዌ ኦንንቶ የሱስ ኮይሮፕ ደሚደ ኤሪደ።

65 ቃይካ የሱስ፣ “ታ አሱፕ ግዳና ጳዮፕ ኦንን ታኮ ያናዉ ዳንዳየና ያጋደ ታ ኮዴዳዌ ሄዋ ድራሳ” ያጌዳ።

66 ሄዋ ጋሱዋን፣ የሱሳ ካልያዋንቱፕ ጮራቱ አ አገደ፣ ጉየ ሰሜድኖ፤ ላኤንጶ አ ካልበይክኖ።

67 የሱስ ቃይ ታማነ ላኤ ባረና ካልያዋንታ “ሀንተካ አገደ ባናዉ ኮዩቱ?” ያጌዳ።

68 ሰሞን ጳጵሮስ ዛሪደ፣ “ጎዳዉ፣ ኑን ኦኮ ባኔ? ነዉ መድና ደኡዋ ቃላይ ደኤ።

69 ኔን ጳሳ ጌሻ ግድያዋ ኑን አማኔቶነ ኤሪቶ” ያጌዳ።

70 የሱስ አንቱንታ፣ “ታን ሀንተንታ ታማነ ላኤቱዋ ድራበይክታ? ቃይ ሀንተፕ እቱ ጸላህያ” ያጌዳ።

71 የሱስ ሄዋ ሰሞና ናኦ ይሁዳ አስቆሮታ † ጌ፤ አያዉ ጎፕ፣ ይሁዳይ የሱሳ ካልያ ታማነ ላኤቱዋፕ እቱዋ፤ እ የሱሳ አላ አማናዋ።

# 7

የሱስ ዳሰያ ባላዉ የሩሳላመ ቤዳ

1 ሄዋፕ ጉየ፣ የሱስ ጋሊላን ያ ሃ ዩዬዳ፤ አይሁዳቱ አ ዋጳናዉ ኮይያ ድራዉ፣ ይሁዳን ዩያና ኮይቤና።

2 አይሁዳቱ ቦንቶያ ዳሰያ ባላይ ጋክ ኡቱዳ።

3 ሄዋ ድራዉ፣ የሱሳ እሻቱ አ፣ “ኔና ካልያዋንቱ ኔን ኦሳያዋ በአና ማላ፣ ሀዋፕ ደንዳደ ይሁዳ ጋድያ ባ።

4 አያዉ ጎፕ፣ ባረዉ ኤሪታናዉ ኮይያ አሳይ ኦንነ ባረ ኦሱዋ ገን። ኔን

ሀዋንታ ኦሳና፣ ነባ አላምያ ኡባይ ኤሮ!” ያጌድኖ።

5 አያዉ ጎፕ፣ ሀራይ አቶ አ እሻቱካ አ አማንበይክኖ።

6 የሱስ አንቱንታ፣ “ታዉ እንጀትያ ዋዲ ጋክቤና፤ ሸን ሀንተንቶ አይ ዋደካ እንጀቱ።

7 አላሚ ሀንተንታ እጻናዉ ዳንዳየና፤ ሸን ታን ሳኦ ኪታይ ኢታ ግድያዋ ማርካትያ ድራዉ፣ ታና እጾዳ።

8 ባላ ቦንቶያሳ ሀንተንቱ ቢተ፤ ታዉ እንጀትያ ዋዲ ጋክቤና ድራዉ፣ ታን ባላ ቦንቶያሳ ባናዌ ብራ” ያጌዳ።

9 እ ሀዋ ጌደ፣ ጋሊላን አቱዳ።

የሱስ ዳሰያ ባላሳን ቤቱዳ

10 ሸን አ እሻቱ ባላ ጋላሳ ቦንቶያሳ ቤዳዋፕ ጉይያን፣ እካ አሳይ በኤናን ጌማን ያ ቤዳ።

11 አይሁዳቱ ባላ ጋላሳ ቦንቶያሳን አ ኮዩኖ፤ “እ ሀቃን ደኤ?” ያጌደ፣ አ ላቢኖ።

12 አሳ ግዲዋን ዳሮ ዙዙንላይ ደንዴዳ። አማራዳ አሳይ፣ “እ ሎኦ አሳ” ያጌ፤ ሀራቱ ቃይ፣ “አ፣ እ አሳ ባላላ” ያጌደ።

13 ሸን አይሁዳቱ ያዬዳ ድራዉ፣ ኦንነ አባ ቆንጭያን ሃሳየና።

14 ባላ ቦንቶያ ጋላሳ ባጋን፣ የሱስ ጌሻ ጎልያ ቢደ፣ ታማርሱዋ ደሜዳ።

15 አይሁዳቱ ማላላቲደ፣ “ሀ ብታኒ አይነ ታማረናን ሀዋ ኬና ዋን ኤሪዴ?” ያጌድኖ።

16 ሄዋ ድራዉ፣ የሱስ ዛሪደ፣ “ታና ታማርሰያዌ ታና ከቱዳ ጳሳ ማታፕ ይያዋፕ አትን፣ ታዋ ግደና።

17 ጳሳ ሸንያ ኦሳናዉ ዳሰያ ኦንነ ሀ ታን ታማርሰያዌ ጳሳ ማታፕ ይንቶ ዋይ ቃይ ታን ታፕ ሃሳይይታንቶ ኤራና።

18 ባረዋ ሃሳይያ ኡራይ ባረ ሁጲያዉ ቦንቶዋ ኮዩ፤ ሸን ባረና ኪቱዳዌ ቦንቶታና ማላ ኮይያ ኡራይ ቱማንቻ፤ አን ዋርደባይ ባዋ።

19 ሙሴ ሀንተንቶ ሀግያ እምቤኔ? ሸን ሀንተፕ እቱን ሀግያ ናገና። ታና አያዉ ዋጳናዉ ኮዩቱ?” ያጌዳ።

20 አሳይ ዛሪደ፣ “ኔናን ጳላሂ ደኤ፤ ኔና ዋጳናዉ ኦኔ ኮዩዳዌ?” ያጌዳ።

21 የሱስ፣ “ታን እት ዋልቃማባ ኦሳና፣ ሀንተንቱ ኡባይ ማላላቲድታ።

† 6:71 አስቆሮታ፡- ሀ ቃላ ብላላይ፣ “ዋረትያ ብታንያ” ዋይ “ሀይቆ አላ እምያ ብታንያ” ግያዋ።  
7:2 ዋጋ 23:34፤ ዛረ. 16:13

22 ህንተንቱ ናና ህንተንቱ ደካላና ማላ፡፡ ሙሴ ህንተንታ አዛዜዳ፡፡ ሸን ደካሉሳይ ህንተንቱ አዎቱዋና ዬዳዋ፡፡ እትን፡፡ ሙሴና ይቤና፤ ሄዎ ህንተንቱ ሳምባታን አቱማ ናና ደካሊታ፡፡

23 ሙሴ ሀገ አዛዜዳ ድራው፡፡ ህንተንቱ ሳምባታን ደካልያዎ ግዶ፡፡ ያትና ታን እት አሳው ኩሙንላ ቦላ ፓሌዳ ድራው፡፡ ታና አያው ሀንቀቲቱ?

24 ቱሙ ፕርዳ ፕርድተፕ እትን፡፡ አሳ ዳሙዋ ጸሊደ ፕርድተፕ” ያጌዳ፡፡

ሀዌ ክርስቶስ?

25 ሄዎ ድራው፡፡ የሩሳላሙ አሳፕ እቱ እቱ፡፡ “ኢንቱንቱ ዋጻናው ኮይያ ብታኒ ሀዎ ግደኔ?

26 በእት፡፡ ቆንጭያን እ ሃሳዬ፤ ኢንቱንቱ አ እይነ ገክኖ፡፡ ሀዌ ክርስቶሳ ግድያዎ ኑ ካፓቱ ቱሙ ኤሪኖሻ?

27 ሸን ኩን አ ሀቃፕ ዬደንቶ ኤሮይተ፤ ክርስቶስ ይያ ዎደ፡፡ አ ሀቃፕ ይንቶነ ኦንነ ኤሪና” ያጌድኖ፡፡

28 ሄዎፕ ጉይያን፡፡ የሱሰ ጌሻ ጎልያን ታማርሲደ፡፡ ባረ ቃላ ቶቁ ኦሊደ፡፡ “ህንተንቱ ታና ኤሪታ፤ ቃይ ታን ሀቃፕ ዬደንቶካ ኤሪታ፡፡ ታን ታ ሸንያን ያበይከ፤ ሸን ታና ከቱዳዌ ቱማንቻ፤ ህንተንቱ አ ኤርክታ፡፡

29 ሸን ታን አ ኤሪይ፤ አያው ጎፕ፡፡ አ ታና ከትና፡፡ ታን አ ማታፕ ያድ” ያጌዳ፡፡

30 ሄዎ ድራው፡፡ ኢንቱንቱ አ አይቃናው ኮዬድኖ፤ ሸን አ ዎዲ ብር ጋክቤና ድራው፡፡ ኦንነ አ ቦላ ኩሸያ ዋሰቤና፡፡

31 ሸን ዳር አሳይ የሱሳ አማኒደ፡፡ “ክርስቶስ ይያ ዎደ፡፡ ሀ ብታኒ ኦሌዳ ማላታፕ ዳርያዎ ኦላኔዬ?” ያጌድኖ፡፡

የሱሳ አይቃናው ዎታዳራቱ ከተቱድኖ

32 ፓርሳዎቱ ዳር አሳይ የሱሳባ ዙዙምያዎ ሰሴድኖ፤ ቁሳቱዋ ካፓቱነ ፓርሳዎቱ አ አይቁ ቃሸሳናው አማራዳ ዎታዳራቱዋ ከቱድኖ፡፡

33 የሱሰ፡፡ “ታን ህንተናና ላፋ ጋምአና፤ ሄዎፕ ጉይያን፡፡ ታና ከቱዳዎኮ ባና፡፡

34 ህንተንቱ ታና ኮያና፤ ሸን ደምክታ፤ አያው ጎፕ፡፡ ታን ደአያ ሳኦ ህንተንቱ ባናው ዳንዳይክታ” ያጌዳ፡፡

35 አይሁዳቱ እቱ አቱዋና፡፡ “ሀዌ ኩን አ ደመናሳ ሀቃ ባና ሀኒ? አይሁዳቱ ደአያ ግሪክ ካታማ ቢደ፡፡ ግሪክ አሳቱዋ ታማርሳና ሀኒ?

36 እ፡፡ ‘ህንተ ታና ኮያና፤ ሸን ደምክታ፤ ቃይ፡፡ ታን ደአያሳ ህንተንቱ ባናው ዳንዳይክታ፤ ያጌ፤ ሄዎ ግያዌ ዋግያዌ?” ያጌድኖ፡፡

ደኡዋ እምያ ሃላ

37 ሄ ባላ ጋላሳ ቦንቻያ ጋላሳፕ ዋናትያ ወርሰላ ጋላሳን የሱሰ ደንድ ኤቂደ፡፡ ባረ ቃላ ቶቁ ኦሊደ፡፡ “ሳሙቴዳ ኤራይ ኦንነ ታኮ ዪደ ኡሾ፡፡

38 ታናን አማንያዎ፡፡ ጸሳ ማጻፋይ ግያዎዳን፡፡ አ ኡሉዋፕ ደኡዋ እምያ ሃላ ፑልቱ ጎጋናዎ” ያጌዳ፡፡

39 አ ሄዎ አ አማኔዳዎንቱ አካና ጌሻ አያናባ ሃሳዬዳ፡፡ የሱሰ ብር ባረ ቦንቻዎኮ ከሰቤና \* ድራው፡፡ ሄ ዎደ ጌሻ አያናይ ኢንቱንቶ እመትቤና፡፡

አሳ ግድን መፍቱዳ ጳልቀላ

40 ሄ አሳፕ ዳርያ ባጋይ አ ግያዎ ሰሲደ፡፡ “ቱሙ ሀዌ ናገትያ ናብያ” ያጌድኖ፡፡

41 ሀራንቱ፡፡ “ሀዌ ክርስቶሳ” ያጌድኖ፡፡

ሸን ሀራንቱ ቃይ፡፡ “ክርስቶስ ጋሊላፕ ዬና፡፡

42 ጸሳ ማጻፋይ፡፡ ‘ክርስቶስ ዳዊተ ዛርያፕ፡፡ ዳዊተ ደኤዳ ቤተሌሙ ካታማፕ ያና፤ ጌኔዬ?” ያጌድኖ፡፡

43 የሱሳ ጋሱዋን አሳይ ባረ ግዲዋን ሻከቱዳ፡፡

44 ሄ አሳፕ እቱ እቱ አ አይቃናው ኮዬድኖ፤ ሸን ኩሸያንነ አ ቦቻቦይክኖ፡፡

45 ጌሻ ጎልያ ናግያዎንቱ ቁሳቱዋ ካፓቱዋኮነ ፓርሳዎቱዋኮ ሰም ዬዳ ዎደ ኢንቱንቱ ናግያዎንታ፡፡ “አያው አ አህበይክቱ?” ያጌደ ኦቹድኖ፡፡

7:22 ደመላ 17:10፤ ዋጋ 12:3 7:37 ዋጋ 23:36 7:38 ሀዘ. 47:1፤ ዛካ. 14:8 \* 7:39 የሱሰ ብር ባረ ቦንቻዎኮ ከሰቤና- የሃንሳ ሞሽራቸዋ ቃላን፡፡ የሱሳው ኩሙንላ ቦንቻ እመቲዳዌ፡፡ አ ማስቃልያ ቦላን ካቀቱዳ ዎደነ ባረ አቡ ኡሸቻ ባጋን ኡታናው ሀይቁዋ ጸኒደ ደንዴዳ ዎድያና ግድያዎ ቆንጭሴ፡፡ 7:42 2 ሳሜላ 7:12፤ ሚክ. 5:2



46 ጌሻ ጎልያ ናግያዋንቱ ኢንቱንቶ፡ “ሀ ብታኒ ሃሳዬዳዋዳን፡ ኡባካ ኦንነ ሃሳይቤና!” ያጌደ ዛሬድና።

47 ፓርሳዋቱ ዛሬደ፡ “እ ሀንተናካ ባለሉዋ?”

48 ካፓቱዋፕ ዋይ ፓርሳዋቱዋፕ እ አማኔዳ አሳይ ደኢ?

49 ሽን ሀግያ ኤረና ሀ አሳይ ሸቀቱዳዋ” ያጌድና።

50 ኢንቱንቱፕ እቱ ካሰና የሱሳኮ ቤዳ ንቆድሞሰ ኢንቱንታ፡

51 “እት ኡራይ ግያባ ሰሰናን ዋይ እ እያ ኦፊደንቶ ኤረናን ደኢደ፡ ካሰቲደ አ ቦላ ፕርድያዌ ኮ ሀግያን ደኢ?” ያጌድና።

52 ኢንቱንቱ ዛሬደ እ፡ “ኔንካ ቃይ ጋለላ ጋድያ አሴ? ጋለላ ጋድያፕ ናቢ ቤተናዋ ጸሳ ማጻፋቱዋ ብዳደ ኤራ” ያጌድና።

ዋሹማደ ኦይቀቱዳ ምሽራቶ

53 አሳይ ኡባይ አጌደ፡ ባረ ሶይ ባረ ሶይ ቤዳ።

**8**

1 ሽን የሱሰ ዋጋራ ሞላን ኤረቲዳ ደርያኮ ቤዳ።

2 ዋንተላ ጋላሰ ጉራን ጌሻ ጎልያ ሰሜዳ፤ ኡባ አሳይ እኮ ዪና፡ ኡቲደ ኢንቱንታ ታማርሱዋ ደሚዳ።

3 ሙሴ ሀግያ ታማርሰያዋንቱን ፓርሳዋቱ ዋሹምሽን ኦይቀቱዳ እት ምሽራቶ እኮ አሄድና። ኢንቱንቱ አሳ ኡባ ሰንላን እዞ ኤሲደ የሱሳ፤

4 “ታማርሰያዋ፡ ሀ ምሽራታ ዋሹማደ ኦይቀታዳ።

5 ሀግያ ቦላን ሙሴ ሀን ማላ ማጫ አሳ ሹቻን ጫዳና ማላ፡ ኑና አዛዜዳ። ያትና ኔን ዋጋይ?” ያጌድና።

6 ኢንቱንቱ ሄዋ ጌዳዌ የሱሳ ሞትያዋ ደሚደ አ ፓጫናሳ፤ ሽን የሱሰ ሆኪደ፡ ባረ ብራድያን ቢታ ቦላ ጸፌዳ።

7 ኢንቱንቱ አ ኦቺደ አገናን እጽና፡ ፑደ ጶቁ ጊደ፡ “ሀንተንቱ ግዲዋን ናጋራ አለቤና አሳይ ካሰቲደ፡ እዞ ሹቻን ጫደ” ያጌድና።

8 ቃይካ ሆኪደ፡ ቢታ ቦላ ጸፌዳ።

9 ኢንቱንቱ ሄዋ ሰሴዳ ዋደ፡ ካሰቲደ ጭማቱ ከሰና፡ እቱ እቱ ከሲደ ወሬድና፤ እ ሰንላን ምሽራታ ኤቃ ደእሽን፡ የሱሰ ባረ ጸላላ አቲዳ።

10 እ ፑደ ጶቁ ጊደ ምሽራቶ፡ “ምሽራቱ፡ አሳቱ ሀቃን ደኢና? ኦንነ ነ ቦላ ፕርድቤኔ?” ያጌድና።

11 ምሽራታ፡ “ሳዳወ፡ ኦንነ ታ ቦላ ፕርድቤና” ያጌድና።

የሱሰ እዞ፡ “ታንካ ነ ቦላ ፕርድካ፤ ባ፤ ላኤንላደ ናጋራ አላፓ” ያጌድና። \*

12 ቃይካ የሱሰ አሳወ፡ “ታን አላመወ ፖኡዋ፤ ታና ካልያ ኦንነ ደኡዋ እምያ ፖኡዋ ደማናፕ አትን፡ ጴማን ኡባካ ሀመተና” ያጌደ ሃሳዬዳ።

13 ሄዋፕ ጉዮ ፓርሳዋቱ፡ “ኔን ነባ ማርካታሳ፤ ነ ማርካተላይ ቱማ ግደና” ያጌድና።

14 የሱሰ ዛሬደ፡ “ታን ታባ ማርካቶፕካ፡ ታ ማርካተላይ ቱማ፤ እያወ ጎፕ፡ ታን ሀቃፕ ያድታንቶን ቃይ ሀቃ ባይታንቶ ኤራይ፤ ሽን ሀንተንቱ ኤርክታ።

15 አሳይ ፕርድያ ኦግያን ሀንተንቱ ፕርዲታ፤ ታን እት ኡራ ቦላካ ፕርድካ።

16 ሽን ታን ፕርድያዋ ግደፕነ፡ ታ ፕርዳይ ቱማ፤ እያወ ጎፕ፡ ታና ኪቲዳ ታ አቡ ታናና ደኤፕ አትን፡ ታን ታረካ ደእከ።

17 ላኡ አሳ ማርካተላይ ቱማ ግድያዌ ሀንተንቱ ሀግያን ጸፈት ኡቲዳ።

18 ታን ታባ ታ ሁጳዉ ማርካታድ፤ ቃይ ታና ኪቲዳ ታ አቡካ ታባ ማርካቱ” ያጌድና።

19 ኢንቱንቱ፡ “ኅ አቡ ሀቃን ደኢ?” ያጌደ የሱሳ ኦቺድና።

የሱሰ ዛሬደ፡ “ሀንተንቱ ታናካ ዋይ ታ አባካ ኤርክታ፤ ታና ኤሬዳዋ ግድንቶ፡ ታ አባካ ኤራንታ” ያጌድና።

20 የሱሰ ጌሻ ጎልያ ታማርሲደ፡ እምታ ሚሻይ ኡትያ ሳጽንያ ማታን ሄዋ ሃሳዬዳ። እ ኦንነ ኦይቁቤና፤ እያወ ጎፕ፡ አ ዋዲ ብር ጋክሰና።

አማናን እጾዳዋንቶ እመቲዳ ሞኖ እኩክሱዋ

21 ቃይካ የሱሰ ኢንቱንታ፡ “ታን ባና ሀንተንቱ ታና ኮያና፤ ሽን ሀንተንቱ፡ ሀንተንቱ ናጋራን ሀይቃንታ። ታን ብያሳካ ባናዉ ሀንተንቱ ዳንዳይክታ” ያጌድና።

8:5 ዋጋ 20:10፤ ዛረ. 22:22-24 \* 8:11 7:53—8:11 እት እት በን ጸፈቲዳ ጌሻ ማጻፋቱዋን ሀ ፓይዱ ባዋ። 8:17 ዛረ. 19:15

22 አይሁዳቱ፣ “እኔ፣ ታን ብያሳ ህንተንቱ ባናወ ዳንዳይክታ፣ ያጌ፤ እ ባረና ባረካ ዋጃኔየ?” ያጌድኖ።

23 የሱሰ ዛሪደ፣ “ህንተንቱ ጋርሳ አሳ፤ ታን ቦላ አሳ። ህንተንቱ ሀ አላምያ አሳ፤ ታን ሀ አላምያ አሳ ግድከ።

24 ህንተንቱ፣ ህንተንቱ ናጋራን ሀይቃናዋ ታን ህንተንቶ አይዳዋ ሀዋሳ፤ ታን ታና ተ ግድያዋ ህንተንቱ አማናና ጳዮፕ፣ ህንተንቱ፣ ህንተንቱ ናጋራን ሀያንታ” ያጌዳ።

25 አንቱንቱ፣ “ኔን ኦኔ?” ያጌደ ኦቹድኖ።

የሱሰ ዛሪደ፣ “ታን ታና።  
26 ታን ህንተባ ሃሳይያባይነ ፕርድያባይ ዳርባይ ደኤ። ሽን ታና ከቱዳዋ ቱማንቻ፤ ቃይ ታን አፕ ሰሴዳዋ አላምያ አሳዉ ኦዳይ” ያጌዳ።

27 እ ባረ አዉዋባ ሃሳይያዋ አንቱንቱ አኬክበይክኖ።

28 ሄዋ ድራዉ፣ የሱሰ አንቱንታ፣ “ታና አሳ ናኣ ህንተንቱ ማሰቃልያ ቦላ ፑደ ደንላያ ዋይ፣ ታን ታና ግድያዋን ቃይ ታን ታ አቡ ታና ታማርሴዳዋዳን ሃሳይያዋፕ አትን፣ ታ ሽንያን አይነ ኦፍዋ ህንተንቱ ኤራንታ።

29 ቃይ ታና ከቱዳዋ ታናና ደኤ፤ ታን ኡባ ዋደ እ ናሽቶያዋ ኦልያ ድራዉ፣ እ ታ ጸላላ አግቤና” ያጌዳ።

30 የሱሰ ሄዋ ሃሳይሽን ሰሴዳ ዳር አሳይ አ አማኔድኖ።

ናጋራ አይለተላፕ ላእ ከሳ

31 የሱሰ ባረና አማኔዳ አይሁዳቱዋ፣ “ህንተንቱ ታን ታማርሴያዋ አዘዘቶፕ፣ ቱሙ ታና ካልያዋንታ።

32 ህንተንቱ ቱማተላካ ኤራንታ፤ ቃይ ቱማተላይ ህንተንታ አይለተላፕ ከሳናዋ” ያጌዳ።

33 አንቱንቱ ዛሪደ፣ “ኑን አብራሃዋ ዛረ፤ ኑን ኦሰነካ አይለትበይኮ። ያትና ኔን ዋጋይ፣ ኣይለተላፕ ህንተንቱ ከሳንታ” ጋይ። ያጌድኖ።

34 የሱሰ፣ “ታን ህንተንቶ ቱሙዋ ኦዳይ፤ ናጋራ ኦልያ ኦንነ ናጋራ አይልያ።

35 አይሊ ኡባ ዋደ ሶይን ደኤና፤ ሽን ናኣይ መድኖዉ ጎለን ደኤ።

36 ናኣይ ህንተንታ አይለተላፕ ከሶፕ፣ ህንተንቱ አይለተላፕ ቱሙ ከሳንታ።

37 ህንተንቱ አብራሃዋ ዛረ ግድያዋ ታን ኤራይ፤ ሽን ታ ታማርሴያዋ ህንተንቱ አከና ድራዉ፣ ታና ዋጃናዉ ኮዪታ።

38 ታን ታ አቡ ታና በሴዳዋ ሃሳይይ፤ ቃይ ህንተንቱካ ህንተንቱ አዉዋፕ ሰሴዳዋ ኦልታ” ያጌዳ።

39 አንቱንቱ ዛሪደ፣ “ኑ አቡ አብራሃማ” ያጌድኖ።

የሱሰ አንቱንታ፣ “ህንተንቱ አብራሃዋ ናና ግዴደንቶ፣ እ ኦሌዳ ኦሱዋ ማላ ኦላንታ።

40 ሽን ጸሳፕ ሰሴዳ ቱሙዋ ኦዳይ ታና ህንተንቱ ዋጃናዉ ኮዪታ፤ አብራሃሙ ሄዋዳን ኦልቤና።

41 ህንተንቱ፣ ህንተንቱ አዉ ኦሌዳዋ ኦልታ” ያጌዳ።

አንቱንቱ ዛሪደ፣ “ኑን ዋሹማን ድቃላተላ የለትበይኮ፤ ኑዉ እት አዉ፣ ጸሳ ጸላላይ ደኤ” ያጌድኖ።

42 የሱሰ አንቱንታ፣ “ህንተንቱ ጸሳ ናና ቱሙ ግዴደንቶ፣ ታና ሲቃና፤ አያዉ ጎፕ፣ ታን ጸሳ ማታፕ ያደ ሀዋን ደኤ። ታና እ ከቱዳዋፕ አትን፣ ታን ታ ሽንያን ያበይከ።

43 ታን ታማርሴያዋ ህንተንቱ አኬከናዋ አያሴ? ታን ታማርሴያዋ ህንተንቱ አከና ድራሳ።

44 ህንተንቱ፣ ህንተንቱ አዉዋ ኢታ አያና ናና፤ ቃይ ህንተንቱ፣ ህንተንቱ አዉ አዋትያዋ ኦላናዉ ኮዪታ። እ ካሰፕ ዶሚደ፣ ሽምቸዋ ዋጂዳዋ፤ ቱማተላይ እን ባይና ድራዉ፣ ቱማተላኮ ሸቅ ኤረና። እ ዋርዱዋ ሃሳይያ ዋድ፣ ባረፕ ሃሳይ፤ አያዉ ጎፕ፣ እ ዋርዳንቻን ቃይ ዋርዳካ አዉዋ።

45 ሽን ታን ቱሙዋ ሃሳይያ ድራዉ፣ ህንተንቱ ታና አማንክታ።

46 ህንተፕ ታና ናጋራ ኦልሽን በኣድ ጋናዉ ዳንዳይያዋ ኦኔ? ታን ቱሙዋ ሃሳይያዋ ግደፕ፣ ታና አያዉ አማንክቱ?

47 ጸሳ አሳ ግዴዳ ኡራይ ጸሳይ ግያዋ ሰሴ፤ ህንተንቱ ጸሳ አሳ ግደና ድራዉ፣ ጸሳይ ግያዋ ሰሰክታ” ያጌዳ።

የሱሰ አብራሃሞፕ ካሰናካ ደኤ

48 አይሁዳቱ ዛሪደ፣ “ኑን ኔና፣ ኔን ሳማርያ አሳ፤ ኔናን ኢታ አያናይ ደኤ? ገደ ባይዜዶ?” ያጌድኖ።

† 8:24 ታን ታና- አይሁደ አሳዉ ዋልቃማን ጌሻ ግዴዳ ጸሳ ስንላይ “ያህዌህ” ግዴደ፣ ሀዋ ብለላይካ ታን ታና ግያዋ።

49 የሱስ ኢንቲገታ፡ “ታ ቦላ ኢታ አያናይ ባዋ። ታን ታ አባ ቦንቻይ፤ ሽን ህንተንቱ ታና ካወሺታ።

50 ታን ታ ሁጲያወ ቦንቸዋ ኮይከ፤ ሄዋ ታወ ኮይያዌን ፕርድያዌ ደኤ።

51 ታን ህንተንቶ ቱሙዋ ኦዳይ፤ ታን ታማርሰያዋ ናግያ ኦንነ ኡባካ ሀይቀና” ያጌዳ።

52 አይሁዳቱ ዛሪደ፡ “ነ ቦላ ኢታ አያናይ ደእያዋ ኦን ሀእ ኤራደ። አብራሃሙ ሀይቄዳ፤ ናባቱ ሀይቄድኖ፤ ሽን ኔን፤ ታ ቃላ ናግያ ኦንነ ኡባካ ሀይቀና” ያጋ።

53 ኔን ሀይቄዳ ኑ አወዋ አብራሃሞፕ ዳራይ? ናባቱ ቃይ ሀይቄድኖ። ኔን ኔና ኦና ጋደ ቆፓይ?” ያጌድኖ።

54 የሱስ፡ “ታን ታና ቦንቸ፡ ታ ቦንቸ ሙላ፤ ህንተንቱ ኑ ጸሳ ግያ ታ አቡ ታና ቦንቸ።

55 ህንተንቱ አ ኤራና ቆየፕካ፡ ታን አ ኤራይ። ታን አ ኤርከ ጎፕ፡ ህንተንቱዋዳን ዋርዶ ግዳይ፤ ሽን ታን አ ኤራይ፤ ቃይ አ ቃላካ ናጋይ።

56 ህንተንቱ አወ አብራሃሙ፡ ታ የሳ ዋድያ በአናወ ላሞቴዳ፤ በአደካ ናሽቴዳ” ያጌዳ።

57 አይሁዳቱ ዛሪደ አ፡ “ነወ ሀራይ አቶ አሻታሙ ላይላ ኩሞቤናዌ አብራሃማ በአዳ?” ያጌድኖ።

58 የሱስ ኢንቲገታ፡ “ታን ህንተንቶ ቱሙዋ ኦዳይ፤ አብራሃሞ የለታናፕካ ካስ ታን ታና” ያጌዳ።

59 ሄዋ ድራወ፡ ኢንቲገታ የሱሳ ጫዳናወ ሹቻ አኬድኖ፤ ሽን የሱስ ኢንቲገታፕ ጌሙቴደ፡ ጌሻ ጎልያፕ ቤዳ።

### 9

የሱስ ቆቃ ግዲደ የለቴዳ ብታንያ ፓሌዳ

1 የሱስ ቢደ፡ የለቶደፕ ቆቃ ግዲደ ደእያ አት ብታንያ በኤዳ።

2 የሱሳ ካልያዋንቱ የሱሳ፡ “ታማርሰያዎ፡ ሀ ብታኒ ቆቃ ግዲደ የለታናዳን፤ ናጋራ ኦሌዳዌ ኦኔ? አ ኦሌዳየ? ዋይ አ የሌዳዋንቱ ኦሌድኖ?” ያጌደ ኦቼድኖ።

3 የሱስ፡ “ጸሳ ኪታይ አ ቦላን ቆንጫና ማላ ቆቄዳፕ አትን፤ አ ዋይ አ ዳያን አ አቡ ናጋራ ኦለበይከኖ።

4 ኑን ሳኦይ ቃመናን ደእሸን፤ ታና ኪቲዳዋ ኦሱዋ ኦላናወ ቦሴ። ኦንነ ኦላናወ ዳንዳየና ቃማይ ዬ።

5 ታን አላሞያን ደእደ አላመወ ፖኦ” ያጌዳ።

6 የሱስ ሄዋ ጊደ፡ ሳኦን ጨቼዳ፤ ባረ ጨቻን ጉላ ኡርቃ ሹግሲደ፤ ሄ ኡርቃን ቆቃ ብታንያ አይፍያ ኦኪደ።

7 “ባደ ሳልሆማ ግያ ዳጋቴዳ ሃላን ነ አይፍያ ሜጫ” ያጌዳ። “ሳልሆማ” ግያዌ “ከተቲዳዋ” ጉሳ። ሄዋ ድራወ፡ ብታኒ ቢደ፡ ባረ አይፍያ ሜጫቴደ፡ ጸሊደ ሰሜዳ።

8 ብታንያ ሾራቴነ ብታኒ ካስ ዋሰሸን በኤዳ አሳይ፡ “ሀዌ ኡቲደ ዋሰያ ብታንያ ግደኔዬ?” ያጌድኖ።

9 ቃይ አማራዳዋንቱ፡ “ሀዌ አተኔ” ያጌድኖ።

ሀራንቱ ቃይ፡ “ቱይት፡ ሀዌ አ ማላትያዋፕ አትን፤ አ ግደና” ያጌድኖ።

ሽን ብታኒ፡ “ታን አቴ” ያጌዳ።

10 ኢንቲገታ ብታንያ፡ “ያትና፡ ነ አይፊ ዋን ጸሌዳ?” ያጌደ ኦቼድኖ።

11 አ ዛሪደ፡ “የሱሳ ጌተትያ ብታኒ ጉላ ኡርቃ ሹግሲደ፡ ታ አይፍያ ሃላን ባደ ነ አይፍያ ሜጫታ” ያጌዳ። ታን ባደ ሜጫታደ ጸሊድ” ያጌዳ።

12 ኢንቲገታ አ፡ “አ ሀቃን ደኢ?” ያጌደ ኦቼድኖ።

ብታኒ፡ “ታን ኤርከ” ያጌዳ።

13 ኢንቲገታ ካስ ቆቄደ ጸሌዳ ብታንያ ፓርሳዋቴዋኮ አፊድኖ።

14 የሱስ ኡርቃ ሹግሲደ፡ ብታንያ አይፍያ ፓሌዳ ጋሳሳይ ሳሞባታ ጋላሳ።

15 ሄዋ ድራወ፡ ብታኒ ዋን ጸሌደንቶን ፓርሳዋቱ አ ጉጂደ ኦቼድኖ። ብታኒ ኢንቲገታ፡ “አ ታ አይፍያን ጉላ ኡርቃ ዋሌዳ። ታ አይፍያ ሜጫታደ ሀእ ጸሊድ” ያጌዳ።

16 ፓርሳዋቴዋፕ አቱ አቱ፡ “ሀዋ ኦሌዳ ብታኒ ሳሞባታ ህግያ ናገና ድራወ፡ ጸሳ ማታፕ ይቤና” ያጌድኖ።

ሽን ሀራንቱ፡ “ናጋራንቻ አሳይ ሀዋ ማላ ዋልቃማ ማላታ ዋን ኦላናወ ዳንዳዪ?” ያጌደ ኢንቲገታ ባረንቱ ግዲዋን ሻከቴድኖ።

17 ሄዋ ድራወ፡ ፓርሳዋቱ ብታንያ አት ካላ ጉጂደ፡ “አ ነ አይፍያ ደዬዳ ድራወ፡ አባ ዋጋይ?” ያጌድኖ።

ብታኒ፡ “አ ናብያ” ያጌዳ።

18 አይሁዳቱ ሄ ጸሌዳ ብታንያ አቶነ አወዋ ጸሊደ ኦቻና ጋካናወ። ብታኒ ቆቃ ግዴዳዋን ሀእ እ ጸልያዋ አማንበይክኖ።

19 አይሁዳቱ አ አቶነ አወዋ። “ህንተንቱ፣ ቆቃ ግዲደ የለቲዳ፣ ግያ ህንተንቱ ናአይ ሀዌ? ያትና፣ ሀእ ዋኒደ ጸሌዳ?” ያጊደ ኦቻድኖ።

20 ብታንያ ዳያነ አወ። “ሀዌ ኦ ናአ ግዴዳዋን ቆቃ ግዲደ የለቲዳዋ ኑን ኤራቶ።

21 ሽን ሀእ እ ዋን ጸሌደንቶ፣ ኑን ኤርኮ፣ ዋይ አ አይፍያ ኦን ፓሌደንቶ፣ ኑን ኤርኮ። አ ኦቻተ፤ አ ደንዛ አሳ፤ ባረባ ሃሳያናወ ዳንዳዬ!” ያጊድኖ።

22 ብታንያ ዳያነ አወ አይሁዳቶ ያዬዳ ድራወ። ሄዋ ጌድኖ፤ አያወ ጎፕ፣ አይሁዳቱ የሱሰ ክርሰቶሳ ያጊደ ማርካቶያ ኡራይ ደአፕ፣ ሄ ኡራ አይሁዳ ዋሳ ጎልያፕ ከሳናወ ካሰት ቆፋ ቃቻ ዋሌድኖ።

23 አ ዳያነ አወ። “አ ደንዛ አሳ፤ አ ኦቻተ!” ጌዳዌ ሀዋሳ።

24 ሄዋ ድራወ። ቆቃ ግዲደ የለቲዳ ብታንያ ኡንቱንቱ ላኤንሉዋ ጸሊደ፣ “ጸሳ ጋላታ፤ ሀ ብታኒ ናጋራንቻ ግድያዋ ኑን ኤራቶ” ያጊድኖ።

25 ብታኒ፣ “አ ናጋራንቻ ግድያዋን፣ ግድናዋ ኤርከ፤ ታን ቆቃ ግድያዋን ሀእ ጸልያዋ ሄ እትባ ኤራይ” ያጊድኖ።

26 ኡንቱንቱ ዛሪደ ብታንያ፣ “አ ነወ አያ ኦሌዳ? አ ነ አይፍያ ዋት ፓሌዳ?” ያጊድኖ።

27 አ ኡንቱንታ፣ “ታን ህንተንቶ ኦዳድ፤ ሰሰበይክታ። አያወ ላኤንሉዋ ሰሳናወ ኮዪቲ? ህንተካ የሱሳ ካልያዋንታ ግዳናወ ኮዪቲ?” ያጊድኖ።

28 ኡንቱንቱ አ ቦሪደ፣ “ኔን ሄ ብታንያ ካልያዋ፤ ኑን ሙሳ ካልያዋንታ።

29 ጸሳይ ሙሴወ ሃሳዬዳዋ ኑን ኤራቶ፤ ሽን ሀ ብታንያ ግደፕ፣ አ ሀቃፕ ዬደንቶነ ኑን ኤርኮ” ያጊድኖ።

30 ብታኒ፣ “አ ሀቃፕ ዬደንቶነ ህንተንቱ ኤረናዌ ማላልሰያዋ፤ ሽን አ ታ አይፍያ ፓሌዳ!

31 ጸሳወ ያይያ ኡራይነ ጸሳይ ኮይያዋ ኦላያ ኡራይ ደአፕ፣ ሄ ኡራባ ጸሳይ ሰሰያዋፕ አትን፣ ናጋራንቻቱዋባ ሰሰና።

32 ቆቃ ግዲደ የለቲዳ አሳ አይፍያ ኦንነ ፓላና፣ ሳአይ መታደፕ ደምና፣ ሰሰት ኤረና።

33 ሀ ብታኒ ጸሳፕ ይቤናዋ ግድንቶ፣ እትባነ አላናወካ ዳንዳየና” ያጊድኖ።

34 ኡንቱንቱ ዛሪደ አወ። “ኔን ናጋራን የለታደ ድጩዳዌ ኑና ታማርሳናወ ኮያይ?” ያጊድኖ፤ አይሁዳ ዋሳ ጎልያፕ ካረ አ ከሴድኖ።

ዋዛና ቆቃተሳ

35 ኡንቱንቱ ብታንያ ካረ ከሴዳዋ የሱሰ ሰሴዳ፤ የሱሰ ብታንያ ደሚደ፣ “አሳ ናአ አማናይ?” ያጊድኖ።

36 ብታኒ የሱሳ፣ “ሳዳወ፣ ታን አ አማናናዳን እ ኦኔ? ታወ ኦዳርኪ!” ያጊድኖ።

37 የሱሰ ብታንያ፣ “ኔን አ በአዳ፤ ሀ ኔናና ሃሳይያዌካ አ” ያጊድኖ።

38 ብታኒ ዛሪደ፣ “ሳዳወ፣ አማናይ” ያጊደ የሱሳወ ጎይኔዳ።

39 የሱሰ፣ “ቆቃቱ ጸላና ማላነ ጸልያዋንቱ ቆቃና ማላ፣ ታን ፕርዳናወ ሀ ሳአ ያድ” ያጊድኖ።

40 አናና ደአያ አማራዳ ፓርሳዋቱ ሄዋ ሰሲደ፣ “ኑንካ ቆቀዬ?” ያጊደ ኦቻድኖ።

41 የሱሰ፣ “ህንተንቱ ቆቃ ግዴደንቶ፣ ህንተንቶ ናጋራ ግድና፤ ሽን ሀእ ህንተንቱ፣ ኑን ጸሌቶ” ያጊታ፤ ህንተንቱ ናጋራና ደአታ” ያጊድኖ።

10

የሱሰ ሎኦ ሄንጻንቻ

1 የሱሰ፣ “ታን ህንተንቶ ቱሙዋ ኦዳይ፤ ድርሳ ሰኩዋ ፕንግያና ገለናን ሀራሳና ገልያ ኦንነ ካይሱዋን ፓኑዋ።

2 ሽን ፕንግያና ገልያዌ ድርሳ ሄምያ አሳ።

3 ፕንግያ ናግያዌ አወ ፕንግያ ደዬ፤ ድርሳቱካ አ ኮሻ ሰሳና፤ አ ባረ ድርሳቱዋ ኡንቱንቱ ሱንጻን ሱንጻን ጸሊደ፣ ካረ ካለፋና።

4 አ ባረዋንታ ካረ ከሴዳዋፕ ጉይያን፣ ኡንቱንቱ ሰንጻና ሀመቱ፤ ኡንቱንቱካ አ ኮሻ ኤርያ ድራወ፣ አ ካለኖ።

5 ሀራ ኡራ ኮሻ ኡንቱንቱ ኤረና ድራወ፣ አፕ ባቃታናፕ አትን፣ አ ጌዲዋ ካልክኖ” ያጊድኖ።

6 የሱሰ ኡንቱንቶ ሀ ሌምሱዋ ኦዳዳ፤ ሽን አ ኡንቱንቶ አይ ኦድንቶካ ኡንቱንቱ አኬክበይክኖ።

7 የሱሰ ቃይካ ኡንቱንቶ፣ “ታን ህንተንቶ ቱሙዋ ኦዳይ፤ ታን ድርሳቶ ገልያ ፕንግያ።

8 ታጥ ካሰ ዬዳ ኡባይ ካይሱዋን ፓኑዋ፤ ሸን ደርሳቱ ኡንቱንቱ ግያዋ ሰሰበይክኖ።

9 ጥንጊ ታና፤ ታናን ገልያ ኦንነ ኦታናዋ። እ ገላናን ከሳና፤ ቃይ ሎኦ ማታይ ደእያ ሳካ ደማናዋ።

10 ካይሱ ወእናው፣ ዋጃናውን ጃይሳናው ይያዋጥ እትን፣ ሀራባው ዬና፤ ታን ኡንቱንቶ ደኡ ደእና ማላን ኩሚደ ፓላሀና ማላ ያድ።

11 “ታን ደርሳ ሎይላ ሄምያዋ፤ ደርሳ ሎይላ ሄምያዋ ሄ ደርሳቱዋ ድራው ሀይቁ።

12 ሚሻ ኦኪደ ሄምያ ኡራይ ዋልያ ይያ ዋደ በእደ፣ ደርሳቱዋ የግ ባሺደ ባቃቱ። ኦያው ጎጥ፣ ደርሳቱ ኦዋንታ ግድክኖ፤ ቃይ እካ ደርሳቱዋ ሄምያዋ ግደና። ሄዋ ድራው፣ ደርሳቱዋ ኦይቁን ላሌ።

13 ሻሉዋ ኦኪደ ሄምያዋ ባረ ሻሎ ሄምያ ድራውን ደርሳባይ ኦ ቆፊና ድራው፣ ደርሳቱዋ ኦኪደ ባቃቱ።

14-15 “ታን ደርሳ ሎይላ ሄምያዋ፤ ታ ኦቡ ታና ኤርያዋዳን፣ ታንካ ቃይ ታ ኦባ ኤራይ። ሄዋዳንካ፣ ታን ታ ደርሳቱዋ ኤራይ፤ ታ ደርሳቱካ ታና ኤራኖ። ቃይ ታን ታ ደርሳቱዋ ድራው፣ ሀይቃናው ኮያድ።

16 ሀ ሰኩዋን ባይና ሀራ ደርሳቱካ ታዉ ደእና። ታን ኡንቱንታካ እሀናው በሴ። ቃይ ኡንቱንታ ታ ኮሻ ሰሳና፤ እት ዉዲ ደእና፤ ሄምያዋካ እቱዋ ግደናዋ።

17 “ታን ታ ሸምጥዋ ዛራደ እካና ማላ፣ ኦሳደ እማናው ኮይያ ድራው፣ ታ ኦቡ ታና ሲቁ።

18 ታን ደሳደ ታ ሸምጥዋ ኦሳ እምያዋጥ ኦትን፣ ታጥ ኦንነ ኦከና። ታዉ ታ ሸምጥዋ ኦሳ እምያ ማታይ ደኤ፤ ቃይ ዛራደ እካናውካ ማታይ ደኤ። ታን ሀ ኦዛዙዋ ታ ኦዉዋጥ እካድ” ያጌድ።

19 ሄ ሃሳያ ድራው፣ ኦይሁዳቱዋ ግደዋን ቃይካ ሻኩ መጠቅድ።

20 ኡንቱንቱጥ ደርያ ባገይ፣ “ኦን ጸላሂ ደኤ! ኦ ጎዬ! ኦ ሃሳያ ኦያዉ ሰሲቱ?” ያጌድኖ።

21 ሀራቱ ቃይ “ጸላሂ ኦይቁዳ ኦሳይ ሀዋዳን ሃሳየና፤ ጸላሂ ቆቃ ኦሳ ኦይቆና ዴልሳናው ዳንዳዪዬ?” ያጌድኖ።

የሱሰ እጻቴዳ

22 የሩሳላመን ጌሻ ጎልያ ኦንጅሴዳ ገላሳ ሀሳይሰያ ባላይ ጋኬዳ፤ ሳኦይ ሄ ዋደ ባልጉዋ።

23 የሱሰ ጌሻ ጎልያን ሶሎሞና ባራንዳን፣ ያን ሃን ሀመቱ።

24 ኦይሁዳቱ የሱሳ ማታን ዩይ ኦጂደ፣ “ኔን ኑና ኦዉደ ጋካናው ሰድሳይ ዋሳኒ? ኔን ክርሰቶሳ ግደጥ፣ ኑዉ ጌሻደ ኦዳ” ያጌድኖ።

25 የሱሰ ኡንቱንቶ ዛራደ፣ “ታን ሀንተንቶ ኦዳድ፤ ሸን ታና ኦማንክታ፤ ታን ታ ኦቡ ሰንሳን ኦሳያ ኪታይ ታባ ማርካቱ።

26 ሸን ሀንተንቱ ታ ደርሳ ግደና ድራው ኦማንክታ።

27 ታ ደርሳቱ ታ ኮሻ ሰሲኖ፤ ታን ኡንቱንታ ኤራይ፤ ኡንቱንቱካ ታና ካሊኖ።

28 ታን ኡንቱንቶ መድና ደኤዋ ኦማይ፤ ቃይ ኡንቱንቱ ኡባካ ሀይቁክኖ። ኦንነ ታ ኩሸያጥ ኡንቱንታ ዋሳ ኦካናው ዳንዳየና።

29 ኡንቱንታ ታዉ ኦሚዳ ታ ኦቡ ኦጥን \* ኦጂ፤ ኦንነ ታ ኦቡ ኩሸያጥ ኡንቱንታ ዋሳ ኦካናው ዳንዳየና።

30 ታን ታ ኦቡ እቱዋ” ያጌድ።

31 ኦይሁዳቱ የሱሳ ጫዳናው ቃይካ ሹቻ ደንጤድኖ።

32 የሱሰ ኡንቱንታ፣ “ታን ኦሳናው ታ ኦቡ ታዉ ኦሚዳ ዳር ሎኦ ኡሱዋ ሀንተንታ በሳድ፤ ሄዋንቱጥ ሀቃዋንቱ ድራው፣ ታና ሹቻን ጫዳናው ኮይቱ?” ያጌድ።

33 ኦይሁዳቱ ዛራደ፣ “ኔን ኔና ሎኦ ኡሱዋ ድራው፣ ሹቻን ጫዳናው ኮዮኮ፤ ሸን ኔን ጸሳ ቦላ ቦርያ ቃላ ሃሳይያ ድራውን ቃይ ኦሳ ግደደ ነ ሁጲያ ጸሳ ኦሌዳ ድራው፣ ጫዳናው ኮይቶ!” ያጌድኖ።

34 የሱሰ ዛራደ፣ “ሀንተንቱ ሀግያን ጸሳይ፣ ‘ሀንተ ጸሳቱዋ’ ጌዳዌ ጸፈትቤኔ?

35 ጸሳ ማጻፋቱዋ ሳማናው ዳንዳየተና፤ ጸሳይ ባረ ቃላይ ዬዳ ኦሳቱ፣ ‘ጸሳቱዋ’ ጌደ ጴሴዳዋ ግደጥ።

36 ታን፣ ‘ታን ጸሳ ናኦ’ ጌዳ ድራው፣ ታ ኦቡ ኦንጂደ፣ ሳኦ ኪቱዳ ታና፣ ‘ጸሳ ቦላ ቦርያ ቃላ ሃሳያ’ ያጌቱ?

37 ታን ታ ኦቡ ኦሳያዋ ኦሳና ጃዮጥ፣ ታና ኦማናጥተ።

\* 10:29 ኦጥን፡- ኡባጥ ጉሳ። 10:33 ዋጋ 24:16 10:34 ማዘ. 82:6

38 ሸን ታን ኦልያዎ ግደፕ፡ ሀራይ አቶ ሀንተንቱ ታና አማናና ቆየፕካ፡ ታ አቡ ታናን ደእያዋነ ታንካ ታ አቡን ደእያዎ ኤራናዳንነ አኩካናዳን፡ ታ አሱዋ አማንተ” ያጌዳ።

39 ቃይካ ኡንቱንቱ አ ኦይቃናዉ ኮዬድና፤ ሸን አ ኡንቱንቱፕ ከሰ አሲደ ቤዳ።

40 የሃንሰ ካሰ ጸማቅያሳ የርዳናሳ ሻፋፕ ሄፍንሳ የሱሰ ፕኒደ፡ ያን ደኤዳ።

41 ዳሮ አሳይ የሱሳኮ ዩደ፡ “የሃንሰ ዋልቃማ ማላታ ኦልቤና፤ ሸን አ ሀ ብታንያሳ ሃሳዬዳባይ ኡባይ ቱማ” ያጌድና።

42 ያን ዳሮ አሳይ የሱሳ አማኔዳ።

### 11

#### አልአዛራ ሀይቁዋ

1 ቢታንያ ግያ ቁር ካታማን አልአዛራ ግያ እት ብታኒ ሀርጌዳ፤ ሄ ካታማይ ማይራማነ እዝ ምቻታ ማርታ ደኤዳ ካታማ።

2 ጎዳ ገድያ ሸቱዋ አካደ፡ ባረ ብናናን አ ገድያ ቁጩዳዉና ሄ ማይራዋ፤ ሀርጌዳዋ ቃይ እዝ እሻ አልአዛራ።

3 ሄዋ ድራዉ፡ ምቻቱ፡ “ጎዳዉ፡ ኔን ሲቅያዌ ሀርጌዳ” ጌደ የሱሳዉ ከቲድና።

4 የሱሰ ሄዋ ሰሴዳ ዋደ፡ “ታን ጸሳ ናአይ ሀርግያ ጋሱዋን ቦንቹታና ማላ፡ ጸሳ ቦንቾ ሀ ሀርጌ አልአዛራ ኦይቁዳፕ አትን፡ ዋድያ ሀርግያ ግደና” ያጌዳ።

5 የሱሰ ማርቶ፡ እዝ ምቻቶን አልአዛራ ሲቁ፤

6 አልአዛር ሀርጌዳዋ የሱሰ ሰሴዳ ዋደ፡ ባረ ደእያ ሳኣን ላኡ ጋላሳ ፔሼዳ።

7 ሄዋፕ ጉይያን፡ የሱሰ ባረና ካልያዋንታ “ላኤንሉዋ ይሁዳ ጋድያ ቦይተ” ያጌዳ።

8 የሱሳ ካልያዋንቱ ዛሪደ፡ “ታማርሰያዋ፡ ጉላ ዋድያፕ ካሰ አይሁዳቱ ኔና ሹቻን ጫዳናዉ ኮዬድና፤ ቃይካ ያ ባረ?” ያጌድና።

9 የሱሰ፡ “እት ጋላሳን ታማን ላኡ ሳቲ ደኤኔየ? ጋላሰ ሀመትያ አሳይ ቆብተና፤ አያዉ ጎፕ፡ አ ሀ ሳኣ ፖኡዋ ቦኤ።

10 ሸን ቃማ ሀመትያ ኡራይ ደአፕ፡ ፖኡ እን ባይና ድራዉ፡ ቆብቱ” ያጌዳ።

11 የሱሰ ሄዋ ጌዳዋፕ ጉይያን፡ ቃይካ ኡንቱንቶ፡ “ኑ ዳቡ አልአዛር ገምእሼዳ፤ ሸን ገምእሹዋፕ አ ደንሳናዉ ታን ባይ” ያጌዳ።

12 የሱሳ ካልያዋንቱ ዛሪደ፡ “ጎዳዉ፡ አ ገምእሼዳዋ ግደፕ፡ አዉ ሎአናዋ” ያጌድና።

13 አልአዛር ሀይቁዳዋ የሱሰ ኦዴዳ፤ ሸን አልአዛር ገምእሼደ ግሴዳዋ ኦዴዳ ጌደ፡ ኡንቱንቱ ቆፔድና።

14 ሄዋ ድራዉ፡ የሱሰ ጌሺደ ኡንቱንታ፡ “አልአዛር ሀይቁዳ።

15 ሀንተንቱ አማናና ማላ፡ ታን ሄ ሳኣን ደኤናዋ፡ ሀንተንቱ ድራዉ ናሸታይ። ሸን ደንድተ፤ እኮ ቦይተ” ያጌዳ።

16 ሄዋፕ ጉይያን፡ ማንትያ ጌተትያ ቶማሰ ባረ ላገላቱዋ የሱሳ ካልያዋንታ፡ “የሱሳና ሀይቃናዉ ኔንካ ቃይ ቦይተ!” ያጌዳ።

የሱሰ፡ ደንዳዋን ደኡዋ

17 የሱሰ ጋክያ ዋደ፡ አልአዛራዉ ሞገቶደፕ ኦይዱ ጋላሳ ግዴዳዋ ደማዳ።

18 ቢታንያ ካታማይ የሩሳላመፕ ሄዙ ከሎ ማትርያ ከና ሃኬ።

19 ዳሮ አይሁዳቱ ማርቶን ማይራዋ ኡንቱንቱ እሻይ ሀይቁዳዋ መንግሳናዉ ዬድና።

20 ማርታ የሱሰ ዬዳዋ ሰሳደ፡ አ ሞካናዉ ከሳዱ፤ ሸን ማይራማ ጎላን አታዱ።

21 ማርታ የሱሳ፡ “ጎዳዉ፡ ኔን ሀዋን ደኤዳዋ ግድንቶ፡ ታ እሻይ ሀይቀና።

22 ሸን ኔን ዋሰያዋ አይ ግደፕ፡ ጸሳይ ነዉ ሀራይ አቶ ሀእካ አማናዋ ታን ኤራይ” ያጋዱ።

23 የሱሰ፡ “ነ እሻይ ሀይቁዋፕ ደንዳና” ያጌዳ።

24 ማርታ፡ “ዋድያ ዉርሰላን\* ደንዳዋ ጋላሰ፡ አ ሀይቁዋፕ ደንዳናዋ ታን ኤራይ” ያጋዱ።

25 የሱሰ እዝዉ፡ “ታን ደንዳዋን ደኡዋ፤ ታና አማንያ ኡራይ ሀራይ አቶ፡ ሀይቆፕካ ደኡዋን ደአናዋ።

\* 11:24 ዋድያ ዉርሰላን- ጸሳይ አሳ ዘረላ ኡባ ፕርዳዉ ሸሸያ ዋደ ጉሳ።

26 ቃይ ደኡዋን ደእያ ኡራይነ ታና አማንያ ኡራይ ኡባይ ኡባካ ሀይቀና፤ ሄዋ ኔን አማናይ?” ያጌዳ።

27 ማርታ ዛራደ፡ “ጎዳው፡ ኤ ታን አማናይ፤ ኔን ጸሳ ናኣ፡ ሳኣ ያናው ደእያ ክርሰቶሳ ግድያዋ ታን አማናይ” ያጋዱ።

28 ማርታ ሄዋ ጌዳዋፕ ጉይያን፡ ባይ ባረ ምቻትው ጌማን ጸሳደ፡ “ታማርሰያዋ ዪደ፡ ኔና ኮዬ” ያጋዱ።  
29 ማይራማ ሄዋ ሰሴዳ ዋደ፡ ኤሌላ ደንዳ ኤቃይ የሱሳኮ ባዱ።

30 የሱሰ ማርታ አ ሞኬዳ ሳኣን ደኤፕ አትን፡ ብር ቄር ካታማ ጋክቤና።

31 ማይራሞ መንፍቅደ፡ ጎለን እዝና ደእያ አይሁዳቱ፡ እዛ ኤለካ ደንዳ ኤቃይ ካረ ከሰያዋ በኢደ፡ አልእዛር ሞገቱዳ ዱፋዋ ባይ ያን ዩካናው ሀናው ያጊደ፡ እዞ ካሊደ ከሴድና።

32 ማይራማ የሱሰ ደኢያሳ ባይ የሱሳ በኤዳ ዋደ፡ አ ገድያ ቦላን ከንዳዳ፤ “ጎዳው፡ ኔን ሀዋን ደኤዳዋ ግድንቶ፡ ታ እሻይ ሀይቀና ሽን!” ያጋዱ።

33 የሱሰ እዛ ዩክያዋን ቃይ እዝና ዩዳ አይሁዳቱካ ዩክያዋ በኢደ፡ ባረ ዋዛናን ዳር ሴለቲዳ፤ ቃይ ቶክ ሸምፔዳ።

34 ኢንቲንታ፡ “ሀቃን ሞጌድቲ?” ያጊደ አችና፡ “ጎዳው፡ ያደ በአ” ያጊደ ዛሬድና።

35 የሱሰ አፎጾዳ።

36 ሄዋ ድራው፡ አይሁዳቱ፡ “አልእዛራ እ አይ ኬና ሲቅንቶ በአተ!” ያጌድና።

37 ሽን ኢንቲንቲፕ እቱ እቱ፡ “ሀዌ ቆቃ ብታንያ ጸልሴዳዌ ሀ ብታኒ ሀይቀናዳን ኡዳናው ዳንዳየኔ?” ያጌድና።

የሱሰ አልእዛራ ሀይቁዋፕ ደንጮዳ

38 የሱሰ ቃይካ ዋዛናፕ ቃረቲደ፡ አልእዛር ሞገቱዳ ዱፋዋኮ ቤዳ፤ ሄ ዱፋ ጎንጎሉዋ ግዲደ ሹቻን ቁምኤት ኡቲዳ።

39 የሱሰ፡ “ሹቻ ድግተ!” ያጊደ አዛዜዳ።

ሀይቁዳ ብታንያ ምቻታ ማርታ፡ “ጎዳው፡ እ ሀይቆደፕ ኦይዱ ጋሳሳ ግዴዳ ድራው፡ ሀእ ጽንቃናዋ!” ያጋዱ።

40 የሱሰ ማርታ፡ “አማንያዋ ግድፕ፡ ኔን ጸሳ ቦንቹዋ በአናዋ ታን ነው ኦዳበይክታ?” ያጌዳ።

41 ኢንቲንቲ ሹቻ ደንጮድና፤ የሱሰ ሳሉዋ ፑደ ጸሊደ፡ “አዋ፡ ታን ግያዋ ኔን ሰሴዳ ድራው፡ ኔና ጋላታይ።

42 ኔን ኡባ ዋደ ሰሰያዋ ታን ኤራይ፤ ሽን ሀዋን ዩይ አጲደ ኤቁዳ አሳይ ኔን ታና ኪቲዳዋ አማናና ማላ፡ ሀዋ ታን ኢንቲንቲ ድራው ጋይ” ያጌዳ።

43 የሱሰ ሄዋ ጌዳዋፕ ጉይያን፡ ባረ ቃላ ቶቁ ኦላደ፡ “አልእዛራ፡ ሃ ከሳ!” ያጌዳ።

44 ሀይቁዳ አልእዛራ ኩሺነ ገዲ ሻሉዋን ቃሽት ኡቲደ አ ዴሙካ አፍላን ካመት ኡቲዳዌ ከሰና የሱሰ ኢንቲንታ፡ “ብል አግተ! ቦ!” ያጌዳ።

ክርሰቶሳ ቦላ ማቀቲድና (ማቶሳ 26:1-5፤ ማር. 14:1-2፤ ሉቃሳ 22:1-2)

45 ሄዋ ድራው፡ ማይራሞኮ ዩዳ አይሁዳቱዋፕ ጮራቲ የሱሰ ኦሌዳዋ በኢደ፡ አ አማኔድና።

46 ሽን ኢንቲንቲፕ እቱ እቱ ፓርሳዋቱዋኮ ቢደ፡ የሱሰ ኦሌዳዋ ኢንቲንቶ ኦዴድና።

47 ሄዋፕ ጉይያን፡ ቁሳቲዋ ካፓቲነ ፓርሳዋቱ ሸቁዋ ሺሺደ፡ “ሀ ብታኒ ዳር ዋልቃማ ማላታ ኦልያ ድራው፡ አያ ኦሳኔ?”

48 ኮን አ ጮኡ ጊደ፡ አጎፕ፡ አሳይ ኡባይ አ አማናናዋ፤ ቃይ ሮመ ጋድያ አሳቲ ዪደ፡ ኑ ጌሻ ጎልያነ ኑ አሳ ጳይሳና” ያጌድና።

49 ኢንቲንቲፕ እቱ ቃያፋ ግያ፡ ሄ ላይላ ቁሳቲዋ ኡባቲዋ ካፕ ግዴዳዌ፡ “ሀንተንቲ አይነ ኤርክታ!”

50 አሳይ ኡባይ ጳይያዋፕ አሳ ኡባ ድራው፡ እት አሳይ ሀይቁያዌ ሎአ ግድያዋ ሀንተንቲ አኬክተ?” ያጌዳ።

51 አ ሄዋ ባረፕ ግቤና፤ ሽን ሄ ላይላ ቁሳቲዋ ኡባቲዋ ካፕ ግድያ ድራው፡ የሱሰ አይሁዳ አሳ ድራው ሀይቃናው በሰያዋ ናቢ ኦዴዳ።

52 ቃይ የሱሰ አይሁዳ አሳ ጸላላው ሀይቀና፤ ሽን ላለት ደእያ ጸሳ ናና እቲዋ ኦላ ሺሻናው ሀይቃናዋ።

53 ሄ ጋላሳፕ ደሚደ፡ ኢንቲንቲ አ ዋጳናው ማቀቲድና።

54 ሄዋ ድራው፡ የሱሰ አይሁዳቲ ግዲዋን ቆንጭያን ያ ሃ ሀመትቤና፤ ሽን መላ ቢታ ጋጸን ደእያ ጋድያ፡ ኤፍሬማ ጌተታያ ካታማ ቤዳ። ባረና ካልያዋንቲና ሄዋን ታኬዳ።

55 አይሁዳቱ ፓሰጋ ቦንቶያ ጋላሳይ ማቲዳ፤ ቃይ ዳር አሳይ ባረና ጌሻናው። ፓሰጋ ቦንቶያ ጋላሳይ ጋካና ገሰ ዲማ ዲማ ሳፕ የሩሳላሙ ቤድ።

56 ኡንቲንቱ የሱሳ ኮዪና፤ ጌሻ ጎልያን ኤቂድ። “አያ ቆፒቲ? ፓሰጋ ቦንቶያሳ የሱስ ዬኔ?” ያጊደ እቱ እቱዋ እቱድና።

57 ቃይ ቄሳቱዋ ካፓቱን ፓርሳዋቱ የሱሳ ቃቻናው። እ ደኢያሳ ኤርያዌ ኦንጎ ባረንቶ ኦዳና ማላ አዛዜድና።

### 12

የሱሳ ሸቱዋ ኦኬዳ ምሽራቶ (ማቶሳ 26:6-13፤ ማር. 14:3-

9)

1 ፓሰጋ ቦንቶያ ጋላሳፕ ኡሱቱን ጋላሳ ካሰቲድ። የሱስ እ ሀይቁዋፕ ደንጮዳ አልአዛር ደኢያ ቢታንያ ግያ ካታማ ቤዳ።

2 ሄ ሳኢን ኡንቲንቱ አዉ ካዉዋ ካጮድና፤ አልአዛር አናና ኡቲደ እትፕ ምያዋንቱ ግደን ኡት ደአሸን። ማርታ ካዉዋ ግሻ ምዛዴ።

3 ማይራማ ዳር ሻሉዋን ዛልኤትያ እት ጸራሙሰያ ግድያ ርድሳ ጌተትያ ጌሻ ሸቱዋ አሃድ። የሱሳ ገድያ ኦካይ ባረ ብናናን እ ገድያ ቁጫዴ፤ ጎልያ ኡባይ ሸቱዋ ሳዉዋን ቶሸኩ ጌ።

4 ሸን የሱሳ ካልያዋንቱፕ እቱ። የሱሳ አሐ እማናዌ። ይሁዳ አሰቆሮቱ።

5 “ሀ ሸቱ ሄዙ ጾቱ ዲናርያን ዛልኤትና። እያዉ ሄዌ ሀይሳዉ አመተኔ?” ያጊዳ።

6 እ ካይሱዋ ግዴዳ ድራዉ። ሄዋ ጌዳፕ እትን። ሀይሳዉ ቃረቲደ ግቤና፤ እ ሚሻ ቃርጨትያ ኦይቂያዋ ግድያ ድራዉ። ኡባ ዎደ አፕ ባረዉ አኬዳ።

7 የሱስ። “ሀ ሸቱዋ ታን ሞገትያ ጋላሳይ ጋካናዉ እዛ እያዉ ምንጃኔ? እዛ አግተ።

8 ሀይሳቱ ኡባ ዎደ ሀንተናና ደአና፤ ሸን ታን ኡባ ዎደ ሀንተናና ደአከ” ያጊዳ።

9 አይሁዳቱዋፕ ዳር አሳይ የሱስ ቢታንያን ደኢያዋ ሰሲድ። ያ ቤዳ፤ ኡንቲንቱ የሱሳ በአና ግሻ ጸላላዉ ገደናን። እ ሀይቁዋፕ ደንጮዳ አልአዛራካ በአናዉ ቤድና።

10 ሄዋ ድራዉ። ቄሳቱዋ ካፓቱ አልአዛራካ ቃይ ዎቆናዉ ማቀቲድና።

11 እያዉ ሳፕ። አልአዛራ ጋሱዋን ዳር አይሁዳቱ ባረና ካለልያዋንታ አጊድ። የሱሳ አማኒና።

የሱስ ቦንቶዋን የሩሳላሙ ገሌዳ (ማቶሳ 21:1-11፤ ማር. 11:1-11፤ ሉቃሳ 19:28-40)

12 ዎንተላ ጋላሰ ፓሰጋ ቦንቶያሳ ዬዳ ዳር አሳይ የሱስ የሩሳላሙ ብያዋ ሰሲዳ።

13 ያቲደ ዛምባ ሀይላ ኦይቂድ። \* እ ሞካናዉ ከሴድና። ባረንቱ ኮሻ ቶቁ ኦሲድ።

“ጸሳይ ጋላተቶ! ጸሳ ሱንሳን ይያ እሰራኤልያ ካቲ አንጀቲዳዋ!”

ያጊድና።

14-15 ጸሳ ማጻፋይ።

“ጽዮን ካታማዉ። ያዮፓ! በእ። ነ ካቲ ሀረ ማራ ቦላ ኡቲደ ዬ” ግያዋዳን። የሱስ ሀረ ማራ ደሚደ። እ ቶጌዳ።

16 የሱሳ ካልያዋንቱ ሄዋ ካሰ አኬክበይክና፤ ሸን የሱስ ቦንቶቲዳዋፕ ጉይያን። ጸሳ ማጻፋይ ሄዋ ኡባ ጌዳዋን ቃይ ኡንቲንቲካ ሄዋ ኡባ የሱሳዉ ኦጲዳዋ ሀሳዬድና።

17 አልአዛር ሞገቲዳ ጎንጎላዋፕ የሱስ እ ጴሲድ። ሀይቁዋፕ ደንጮዳ ዎደ። የሱሳና ደኢያ ዳር አሳይ የሱሳዉ ማርካቲዳ።

18 ዳር አሳይ እ ሞካናዉ ከሴዳዌ። እ ሄ ዎልቃማ ማላልያዋ ኦጲዳ ድራሳ።

19 ሄዋ ድራዉ። ፓርሳዋቱ እቱ እቱዋ። “ሀንተንቱ እይነ አሳናዉ ዳንዳየናዋ በእቲ! በእተ። ጋደ ኡባይ አ ጌዲዋ ካሌዳ” ያጊድና።

20 ፓሰጋ ቦንቶያ ጋላሰ ጎይናዉ የሩሳላሙ ቤዳዋንቱ ግደን እት እት ግሪክ አሳቲ ደኢና።

21 ኡንቲንቱ ጋላላ ጋድያን ቤተሳይዳ ጌተትያ ካታማፕ ዬዳ ፕልጸሳኮ ቢድ። “ጎዳዉ። ኦን የሱሳ በአናዉ ኮዬቶ” ያጊደ ዎሴድና።

22 ፕልጸሰ ቢድ። እንድራሳዉ ኦድና ላአቲካ ቢድ። የሱሳዉ ኦይድና።

23 የሱስ ኡንቲንቶ ሀዋዳን ያጊዳ፤ “ታን። አሳ ናአይ። ቦንቶትያ ሳቲ ጋኬዳ።

12:8 ዛረ. 15:11 \* 12:13 ዛምባ ሀይላ ኦይቂድ- ሀዌ አይሁዳ አሳይ ኤሪቲዳ አሳ ሞክያ ዎጋ። 12:13 ማዘ. 118:25



24 ታን ሀንተንቶ ቱሙዋ ኑዳይ፤ እት ዛርጋ አይፋታ ቢታን ዋዳአደ ዋቃና ዳዮፕ፡ ባረካ አታው። ሽን ሄ ዛርጋ አይፋታ ዋቆፕ፡ ዳሮ አይፍያ አይፋው።

25 ባረ ሸምፑዋ ሲቅያ ኦንነ ባይዜ፤ ቃይ ባረ ሸምፑዋ ሀ ሳኣን እጽያ ኦንነ መጵና ደኦ አሼ።

26 ኦንነ ታዉ አጥፕ፡ ታና ካላናዉ በሴ፤ ቃይ ታን ደእያ ሳኣን ታዉ አልያዌካ ደእናዋ። ታዉ አልያ ኦናነ፡ ታ አቡካ እ ቦንቻናዋ።

27 “ሀእ ታ ሸምፑ ዳሮ ኤንኤቲዳ፤ ያትና ዋጎ? ታን፡ ፍታ አቦ፡ ታና ሀ ሳታትፕ አሻርክ፣ ያጎ? ቱይት፡ ታን ሀ ሳትያን ዬዳዌ ሀዋ ድራሳ።

28 ታ አቦ፡ ነ ሱንላ ቦንቻ” ያጌዳ። ሄ ዋደ ሳሉዋፕ፡ “ታን ታ ሱንላ ቦንቻድ፤ ቃይካ ጉጃደ ቦንቻና” ያግያ ቃላይ ዬዳ።

29 ሄ ሳኣን ኤቁዳ ጮራ አሳይ ሄ ቃላ ሰሲደ፡ “ሄዌ ጉጉንላ” ያጌዳ።

ሀራንቱ ቃይ፡ “ኪታንቻይ አዉ ሃሳዬዳ” ያጌድ።

30 የሱሰ ዛሪደ ኤንቱንታ፡ “ሀ ቃላይ ሀንተንቱ ድራዉ ዬዳዋፕ አትን፡ ታ ድራሳ ግደና።

31 ሀ ሳኣይ ፕሮደትያ ዋዲ ሀእ፤ ሀ ሳኣ ተ ሞድያዌ ሀእ ካረ ኦለታናዋ።

32 ቃይ ታን ማሰቃልያ ቦላ ካቀትያ ዋደ፡ አሳ ኡባ ታኮ ጎቻና” ያጌዳ።

33 እ ሄዋ ጌዳዌ አይ ማላ ሀይቁዋ እ ሀይቃንቶነ ኤንቱንታ ኤርሳናሳ።

34 ዳሮ አሳይ ዛሪደ የሱሳ፡ “ኡ ሀጊ ክርሰቶሰ መጵናዉ ደእያዋ ኦዳ። ያትና፡ ኔን ዋጋይ፡ ፍላሳ ናእይ ማሰቃልያ ቦላ ካቀታና፣ ጋይ? ሄ አሳ ናእይ ኦኔ?” ያጌድ።

35 የሱሰ፡ “ፖኤ ሀንተናና ጉላ ዋድያ ጋምኦናዋ። ሀንተንቶ ጳመና ማላ፡ ፖኤ ደእሸን፡ ፖኤዋን ሀመትተ። ጳማን ሀመትያ ኡራይ ሀቃ ብንቶነ ኤረና።

36 ፖኤዋ አሳ ግዳና ማላ፡ ሀንተንቶ ፖኤ ደእሸን፡ ፖኤዋ አማንተ” ያጌዳ። የሱሰ ሄዋ ሃሳዬዳዋፕ ጉይያን፡ ቢደ ኤንቱንቱፕ ጌመቲዳ።

አይሁዳቲ አማንናን እጼዳ ሀናታ 37-38 እ ሄዋ ኪና ዋልቃማ ማላታ ኤንቱንቱ ሰንላን አጥፕካ፡ ናብያ አሳያሰ።

“ሳዳዉ፡ ኑ ማርካተላ ኦን አማኔዳ? ጎዳይ ባረ ዋልቃ ኦና በሴዳ?”

ጌዳዌ ቱማ ግዳና ማላ፡ ኤንቱንቱ እ አማንበይክና።

39-40 አሳያሰ ቃይካ፡ “ኤንቱንቱ አይፊ ጸለና ማላ፡ ኤንቱንቱ ዋዛናይካ እኬከና ማላ፡

ኤንቱንቱ ጸሳኮ ሰምና፡ እ ኤንቱንታ ፓርና ማላ፡

ጸሳይ ኤንቱንቱ አይፍያ ቆቅሴዳ። ኤንቱንቱ ዋዛና ዳምሴዳ”

ጌዳ ድራዉ፡ ኤንቱንቱ አማናናዉ ዳንዳይበይክና።

41 አሳያሰ የሱሳ ቦንቹዋ በኤዳ ድራዉነ ቃይ አባ ሃሳዬዳ ድራዉ፡ ቶ ሄዋ ጌዳ።

42 ሄዋ ግድናካ፡ ሀራይ አቶ አይሁዳቲ ካፓቱዋፕካ ጮራቲ የሱሳ አማኔድ። ሽን ፓርሳዋቱ ባረና አይሁዳቲ ዋሳ ጎልያፕ ከሲና ጊደ ያዬዳ ድራዉ፡ አማኔዳ ጊደ ማርካትበይክና።

43 አያዉ ጎፕ፡ ኤንቱንቱ ጸሳ ሳባፕ አሊደ፡ አሳ ሳባ ሰቄድ።

44 የሱሰ ባረ ቃላ ቶቁ አሊደ ያጌዳ፤ “ታና አማንያ ኦንነ ታና ኪቲዳዋካ አማንያዋፕ አትን፡ ታ ጸላላ አማንና።

45 ታና በእያ ኦንነ ታና ኪቲዳዋካ በኢ።

46 ታና አማንያ ኡባይ ጳማን ደኤና ማላ፡ ታን ፖኤዋ ግዳደ ሳኣ ያድ።

47 ታ ቃላ ሰሲደ አዛዘተና ኡራ ኦናነ ታን ፕሮድከ፤ እያዉ ጎፕ፡ ታን አላምያ አሻናዉ ዬዳዋፕ አትን፡ ፕሮዳናዉ ያበይከ።

48 ታና እጽያ ኦናነ ቃይ ታ ቃላ እከና ኦናነ ፕሮድያዌ ደኤ። ታን ኦዴዳ ቃላይ ዉርሰላ ጋላሰ ሄ ኡራ ፕሮዳና።

49 አያዉ ጎፕ፡ ታን ሀዋ ታፕ ሃሳያበይከ፤ ሽን ታና ኪቲዳ ታ አቡ ታን ጋናዋነ ሃሳያናዋ ታና አዛዜዳ።

50 ቃይ እ አዛዙ መጵና ደኤዋ አሀያዋ ታን ኡራይ፤ ሄዋ ድራዉ፡

† 12:31 ሀ ሳኣ፡- ጉሳይ ሀ አላምያ ግዳደ ሀ ጥሃጎ ምሽራቸዋን ደእያ ሀ ሳኣ ግያዌ ሀ ሳኣ ቦላ ደእያ እሳነ ኤንቱንቱ ካሃ ባረሳ አሊደ ሞድያ ኢታ እያና ዋልቃ በሴ። 12:34 ማዘ. 110:4፤ እሳ. 9:7፤ ሀዘ. 37:25፤ ዳኤላ 7:14 12:37-38 እሳ. 53:1 12:39-40 እሳ. 6:10 ‡ 12:41 አሳያሰ የሱሳ ቦንቹዋ በኤዳ ድራዉነ ቃይ አባ ሃሳዬዳ ድራዉ፡ ዋይ አሳያሰ ጸሳ ቦንቹዋ በኤዳ ድራዉነ ቃይ የሱሳባ ሃሳዬዳ ድራዉ፡

ታን ኦድያዊ ታ አቡ ታና ኦዳ ጊደ ኦዴዳዋ” ያጌዳ።

### 13

የሱሰ ባረ ካልያዋንቱ ገድያ ማጩዳ

1 ፓሰጋ ቦንቶያ ጋላሳይ ጋካናፕ ካሰቲድ፣ ሀ ሳኦፕ ሻከቲድ፣ አወዋኮ ብያ ዋዲ ጋኬዳዋ የሱሰ ኤራዲ፤ ሀ ሳኦፕ ደኦያ ባረዋንታ ኡባ ዋደ ሲቆዳ፤ ወርሰላይ ጋካናዉ ኡንቱንታ ሲቆዳ።

2 የሱሰን ካልያዋንቱ ካወዋ ሚሸን፣ ሰሞና ናኦ ይሁዳ አሰቆርቱ የሱሳ አላ እማናዳን፣ ጸላሂ አ ቆፍሰ ዋሌዳ።

3 የሱሰ ባረ አዉ ኡባባ አ ኩሽያን ዋሌዳዋ፣ ቃይ ጸሳ ማታፕ አ ዬዳዋን፣ ሰሚደ አኮ ባናዋ ኤራዳ።

4 የሱሰ ምያሳፕ ደንድ ኤቂድ፣ ቦላ ባጋ ማዩዋ ቃር ዋሊድ፣ ፖጸ ባረ ጸሳን ዳንጩዳ።

5 ሄዋፕ ጉይያን፣ ሃላ ሚቻ ሚሻን ትጊድ፣ ባረና ካልያዋንቱ ገድያ ሚቻን ባረ ጸሳን ዳንጩዳ ፖጸን ቁጩሳ ደሚዳ።

6 የሱሰ ሰሞን ጸጽሮሳኮ ዪና ጸጽሮሰ፣ “ጎዳዉ፣ ኔን ታ ገድያ ማጩናዉ ሀናይዬ?” ያጌዳ።

7 የሱሰ ዛሪደ አ፣ “ታን ኦልያዋ ኔን ሀኦ ኤራካ፤ ሸን ጉየፕ ኤራናሳ” ያጌዳ።

8 ጸጽሮሰ፣ “ኔን ታ ገድያ ኡባካ ማጩካ!” ያጌዳ።

የሱሰ አ፣ “ታን ነ ገድያ ማጩና ጳየፕ፣ ነዉን ታዉን እትፕተላይ ባዋ” ያጊደ ዛሪዳ።

9 ሰሞና ጸጽሮሰ የሱሳ፣ “ጎዳዉ፣ ያቶፕ፣ ታ ገድያ ጸላላ ሚጮፓ፤ ታ ኩሽያካ ታ ሁጲያካ ማጩ!” ያጌዳ።

10 የሱሰ ዛሪደ፣ “ቦላ ማጩት ድጌዳ ኡራይ ኦንን ገድያፕ ሀራባ ማጩታናዉ ኮሸና፤ አዉ ኡባሳይካ ጌሻ። ቃይ ሀንተንቱካ ጌሻ፤ ሸን ኡባይ ጌሻ ግድክታ” ያጌዳ።

11 አያዉ ጎፕ፣ የሱሰ ባረና አላ እማና ኡራይ ኦንንቶን ኤራዳ፤ አ፣ “ሀንተንቱ ኡባይ ጌሻ ግድክታ” ጌዳዌ ሀዋሳ።

12 ኡንቱንቱ ገድያ ማጩዳዋፕ ጉይያን፣ የሱሰ ባረ ማዩዋ ማዪደ፣ ባረሳ ጉየ ሰሞ ብ ኡቲደ ኡንቱንታ ያጌዳ፤ “ታን ሀንተንቶ ኦሌዳዋ አኬከቱ?”

13 ሀንተንቱ ታና፣ ታማርሰያዋን ጎዳዉ ጊታ፤ ታን ሄ ሀንተንቱ ግያዋ ገድያ ድራዉ፣ ሎይሌድታ።

14 ታን ሀንተንቶ ጎዳን ሀንተንታ ታማርሰያዋ ግዳደ፣ ሀንተንቱ ገድያ ማጩያዋ ግድፕ፣ ሀንተንቱካ እቱ እቱዋ ገድያ ማጩናዉ ቦሴ።

15 አያዉ ጎፕ፣ ታን ሀንተንቶ ኦሌዳዋዳን፣ ሀንተንቱካ ኦላና ማላ፣ ሀንተንቶ ሊምሱዋ ግዳድ።

16 ታን ሀንተንቶ ቱሙዋ ኦዳይ፤ ቆማይ ባረ ጎዳፕ አ□ና። ቃይ ከተቲዳ ኡራይካ ባረና ከቲዳዋፕ አ□ና።

17 ሀንተንቱ ሄዋ ኤሪደ ኦልያዋ ግድፕ አንጀቲዳዋንታ።

18 “ታን ሀንተንቶ ኡባባ ሃሳይከ። ታን ደራዳዋንታ ኤራይ፤ ሸን ጸሳ ማጸፋይ፣ ታን ባርሴዳዌ ታ ኩሽያ ሳኤዳ” ጌዳዌ ቱማ ግዳናዉ ቦሴ።

19 ሄዌ ሀንያ ዋደ ታን ታና \* ገድያዋ ሀንተንቱ እማናና ማላ፣ ሄዌ ሀናፕ ካሰታደ ሀንተንቶ ሀናናዋ ኦዳይ።

20 ታን ሀንተንቶ ቱሙዋ ኦዳይ፤ ታን ከቲያ ኦናን ሞክያ ኡራይ ታናካ ሞኬ፤ ቃይ ታና ሞክያ ኦንን ታና ከቲዳዋ ሞኬ” ያጌዳ።

የሱሰ ባረና አላ እማናዌ ኦንንቶ ካሰቲደ ኦዴዳ

(ማቶሳ 26:20-25፤ ማር. 14:17-21፤ ሉቃሳ 22:21-23)

21 የሱሰ ሄዋ ሃሳይዳዋፕ ጉይያን፣ ባረ ዋዛናን ዳር ሙቶቲደ፣ “ታን ሀንተንቶ ቱሙዋ ኦዳይ፤ ታና ሀንተፕ እቱ አላ እማናዋ” ጊደ ቆንጮያን ኦዴዳ።

22 እ ኦና ሃሳይንቶን፣ ካልያዋንቶ ኡባካ ኤሪተናን እጽና፣ እቱ እቱዋ ጸሌድና።

23 የሱሳ ካልያዋንቱፕ እቱ፣ የሱሰ ሲቅያዌ፣ የሱሳ ማታን ኡቲዳ።

24 ሄዋ ድራዉ፣ ሰሞና ጸጽሮሰ ሄ ካልያዋ ሰሞኢደ፣ “አ ኦና ግንቶ፣ አነ አ ኦቻ” ያጌዳ።

25 ሄዋ ድራዉ፣ ሄ ካልያዌ የሱሳ ሀይላኮ ሸቂደ፣ “ጎዳዉ፣ እ ኦኔ?” ያጌዳ።

26 የሱሰ ዛሪደ፣ “ታን ኡክላን ጫባ ቱሻደ እምያዌ አ” ያጌዳ። ቃይ ኡክላ ሙንላ አኪደ፣ ጫባ ቱሺደ፣ ሰሞና ናኦ፣ ይሁዳ አሰቆርታዉ እሚዳ።

13:18 ማክ. 41:9 \* 13:19 ታን ታና- የሀ። 8:24 ጴላተ።

27 ይሁዳይ ኡክላ መንገዳዋ አካዋጥ ጉይያን፣ ሴጻናይ ኤለካ ይሁዳን ገሌዳ። የሱስ አ፣ “ኔን ኦላናዋ ኤሌላ ኦላ!” ያጌዳ።

28 ሸን ሄ ሳኣን ኡቲዳዋንቱጥ ኦንን የሱስ ሄዋ አ አያዉ ጌደንቶን ኤርቤና።

29 ይሁዳይ ሚሻ ቃርጨትያ ኦይቂያ ድራዉ፣ ካልያዋንቱጥ እቱ እቱ የሱስ ይሁዳ፣ “ፓሰጋ ቦንቾያ ጋላሳዉ ባረና ኮሸዋ ባደ ሻማ ያደ ህይሳዉ ምጹዋታ እማ ጌዳ። ምደ ቆፔድና።

30 ይሁዳይ ኡክላ መንገዳዋ አኪደ፣ ኤለካ ካረ ከሴዳ፤ ሄ ዋደ ሳኣይ ቃማ።

ኦራላ አዛዙዋ

31 ይሁዳይ ካረ ከሴዳዋጥ ጉይያን፣ የሱስ ያጌዳ፤ “ሀእ ታን አሳ ናኣይ ቦንቾታድ፣ ጸሳይካ ታ ባጋና ቦንቾቲዳ።

32 ጸሳይ ታ ባጋና፣ አሳ ናኣ ባጋና ቦንቾቶጥ፣ እ ባረ ሁጸዉ ታና አሳ ናኣ ቦንቾናዋ፤ ቃይ እ ታና ኤለካ ቦንቾናዋ።

33 ታ ናቶ፣ ታን ህንተናና ዳር ዋድያ ጋምእከ። ህንተንቱ ታና ከያና፤ ሸን ታን አይሁዳቱዋ፣ ታን ብያሳ ህንተንቱ ባናዉ ዳንዳይክታ፣ ጌዳዋዳን፣ ህንተዉካ ሀእ ኦዳይ።

34 ታን ህንተንታ ኦራላ አዛዙዋ አዛዛይ፤ እቱ እቱዋ ሰቅተ። ታን ህንተንታ ሰቅዳዋዳንካ፣ ህንተንቱ እቱ እቱዋ ሰቃና በሴ።

35 ህንተንቱ እቱ እቱዋና ሰቅቶጥ፣ ታና ካልያዋንታ ግድያዋ አሳይ ኡባይ ኤራና” ያጌዳ።

ጸጵሮሰ ካዳናዋ የሱስ ካሰቲደ ኦዴዳ

(ማቶሳ 26:31-35፤ ማር. 14:27-31፤ ሉቃስ 22:31-34)

36 ሰሞን ጸጵሮሰ የሱሳ፣ “ሳዳዉ፣ ኔን ሀቃ ባይ?” ያጌዳ።

የሱስ ዛሪደ፣ “ታን ብያሳ ኔን ሀእ ታና ካላናዉ ዳንዳያካ፤ ሸን ጉየጥ ካላና” ያጌዳ።

37 ጸጵሮሰ፣ “ሳዳዉ፣ ታን ኔና ሀእ ካላናዉ አያዉ ዳንዳይክታ? ታን ነ ድራዉ፣ ሀይቃናዉካ ጊጋ ኡታድ!” ያጌዳ።

38 የሱስ ዛሪደ፣ “ታ ድራዉ ሀይቃናዉ ሀእ ቱሙ ጊጋ ኡታዲ? ታን

ነዉ ቱሙዋ ኦዳይ፤ ኩቱ ዋሳናጥ ካሰ፣ ኔን ታና ሄዙ ገደ ካዳናሳ” ያጌዳ።

14

የሱስ አዉዋኮ አፍያ ኦግያ

1 የሱስ ካልያዋንታ “ህንተንቱ ዋዛናይ ሀርገ፣ ጸሳን አማንተ፤ ታናንካ አማንተ። \*

2 ታ አሱ ጎለን ደር ሳኣይ ደኤ። ሄዋ ግደንቶ፣ ታን ህንተንቶ ሄዋ ኦድከ፤ ታን ህንተንቶ ሳኣ ጊግሳናዉ ባይ።

3 ታን ባደ ሳኣ ጊግሴዳዋጥ ጉይያን፣ ታን ደእያ ሳኣን ህንተንቱካ ደእና ማላ፣ ሰማ ያደ ህንተንታ ታኮ አፋና።

4 ቃይ ህንተንቱ ታን ብያ ኦግያ ኤሪታ” ያጌዳ።

5 ቶማሰ፣ “ሳዳዉ፣ ኔን ብያሳ ኩን ኤርኩ፤ ኦግያ ዋረደ ኤራናዉ ዳንዳይቶ?” ያጌዳ።

6 የሱስ ዛሪደ፣ “ኦጊ፣ ቱሙካ ደኤ ታና፤ ታ ባጋናጥ አትን፣ ኦንን ታ አሱኮ ባናዉ ዳንዳየና።

7 ህንተንቱ ታና ኤርያዋ ግድንቶ፣ ታ አባካ ኤራና፤ ሀእጥ ደሚደ፣ ህንተንቱ አ ኤሪታን ቃይ አ በኤድታ” ያጌዳ።

8 ፕልጸሰ የሱሳ፣ “ሳዳዉ፣ አዉዋ ኮና በሳ፤ ሄዋ ኑዉ ግዳናዋ” ያጌዳ።

9 የሱስ ዛሪደ ያጌዳ፤ “ፕልጸሳ፣ ታን ሀዋ ኩና ዋድያ ህንተናና ደእናካ ታና ኤርኪ? ታና በኤዳ ኡራይ አዉዋካ በኤዳ፤ ያትና፣ ኔን ዋጋደ፣ ሳዉዋ ኮና በሳ፣ ጋይ?”

10 ታን አዉዋ ግደን ደእያዋ ቃይ አዉካ ታ ግደን ደእያዋ ኔን አማንኪ? ታን ህንተንቶ ኦድያ ቃላ ታን ታጥ ኦድከ፤ ሸን ታ ግደን ደእያ አዉ ባረ አሱዋ አሉ።

11 ታን አዉዋ ግደን ደእያዋን ቃይ አዉካ ታ ግደን ደእያዋ ታና አማንተ፤ ሄዋ ቆየጥ፣ ታ ኡሱዋባዉ ታና አማንተ።

12 “ታን ህንተንቶ ቱሙዋ ኦዳይ፤ ታና አማንያ ኡራይ ታን ኦልያ ኡሱዋ አላና። ታን አዉዋኮ ብያ ድራዉ፣ ሄ ኡራይ ሀዋጥ አድያ ኡሱዋ አላና።

13 አዉ ናኣ ጋሱዋን፣ ታ ባጋና ቦንቾታና ማላ፣ ታ ሱንላን ህንተንቱ ዋሰያ ኡባባ ታን ህንተንቶ ፖላና።

14 ህንተንቱ ታ ሱንላን ታና አያን ኦቾጥካ፣ ታን ፖላና።

\* 14:1 ጸሳን አማንተ፤ ታናንካ አማንተ። ጸሳን አማኑ ህንተዉ ደኤ ጉሳይ፣ ታናንካ አማኑ ደኤ ጉሳ።

የሱሰ አያና ጌሻ ኪታናው እሜዳ ሀደታ

15 “ህንተንቱ ታና ሲቅያዋ ግደፕ፡ ታ አዛዙዋ ናጋና።

16-17 ታን አወዋ ዋሳና፤ ህንተናና መድናው ደአና ማላ፡ ቱማተላ አያና፡ ሀራ መን። ስልያዋ ህንተንቶ እ እማና። ሀ ሳእይ ሄ ቱማተላ አያና በኤናዋን ኤረናዋ ግድያ ድራው፡ እ አካናው ዳንዳየና፤ ሸን እ ህንተናና ደእያ ድራውን ህንተንቱ ግደን ደአና ድራው፡ ህንተንቱ እ ኤሪታ።

18 “ታን ህንተንታ አውነ አታ ባይና ዪአ ናናዳን ህንተረካ አጋባሽከ፤ ታን ሰማደ ህንተንቱኮ ያና።

19 ጉላ ዋድያፕ ጉይያን፡ አላሚ ታና ላኤንሉዋ በኤና፤ ሸን ህንተንቱ ታና በአና፤ ታን ደኡዋን ደእያ ድራው፡ ህንተንቱካ ቃይ ደኡዋን ደአና።

20 ታን ታ አወዋ ግደን ደእያዋን ህንተንቱ ታ ግደን ደእያዋ፡ ቃይ ታን ህንተንቱ ግደን ደእያዋን ህንተንቱ ሄ ጋላሰ ኤራና።

21 “ታ አዛዙ እ ማታን ደእያ አሳይ፡ ቃይ ሄ አዛዙዋካ ናግያዋ፡ እ ታና ሲቅያ አሳ። ታና ሲቅያ አሳ ታ አቡካ ሲቁ፤ ታንካ እ ሲቃይ። ታን አወ ቆንጫና” ያጌዳ።

22 ይሁዳ አሰቆርታ ግደና ይሁዳይ የሱሳ፡ “ገዳው፡ ነን ነ ሁጲያ አላምያ በሰናን፡ ኑና በሳና ግያዋ ዋጋደ ገይ?” ያጌዳ።

23 የሱሰ፡ “ታና ሲቅያ ኦንነ ታ ቃላ ናጌ፤ ታ አቡ እ ሲቃናዋ፤ ቃይ ታ አቡነ ታንነ አኮ ዪደ፡ አናና ደአና።

24 ታና ሲቃና ኡራይ ኦንነ ታ ቃላወ አዛዙተና፤ ህንተንቱ ሰሰያ ቃላይ ታና ኪቱዳ አወዋፕ አትን፡ ታዋ ግደና።

25 “ታን ህንተናና አትፕ ደአደ ሀዋ ህንተንቶ አዳድ፤

26 ሸን ጌሻ አያናይ፡ መን። ስልያዋ፡ አወ ታ ሱንላን ኪታናዋ፡ ህንተንታ ኡባባ ታማርሳናዋ። ታን ህንተንቶ አዳዳ ኡባባካ ህንተንታ ሀሳይሳናዋ።

27 “ታን ሳርተላ ህንተናና ዋላይ፤ ታ ሳርተላ ህንተንቶ እማይ። ታን አላሚ እምያ ሳርተላ ማላ እምከ። ህንተንቱ ሀርሳፕተነ ያዮፕተ።

28 ታን ህንተንቶ፡ “ታን ባይ፤ ሸን ሰማደ ህንተንቱኮ ያና፡ ጌዳዋ ሰሴድታ፤ ህንተንቱ ታና ሲቁዳዋ ግድንቶ፡ ታፕ አወ ዳርያ ድራው፡ ታን አወዋኮ ብያዋን ህንተንቱ ናሸታንታ።

29 ሄዋ ሀንያ ዋደ ህንተንቱ አማናና ማላ፡ ሄዋ ሀንናን ደእሸን፡ ሃናና ካሰታደ ታን ህንተንቶ አዳድ።

30 “ሀ አላምያ ሞድያዋ ይያ ድራው፡ ታን ሀዋፕ ሰንላን ህንተናና ሎይላ ሃሳይከ። ታና እ አይነ ኦላናወ ዳንዳየና።

31 ሸን ታን አወዋ ሲቅያዋ አላሚ ኤራናው በሴ፤ ቃይ ታንካ አወ ታና አዛዙዳዋዳን ኦላይ። ደንድ ኤቁተ፤ ሀዋፕ ባይተ።

### 15

ዋይንያ ግያ ቱራው ቱሙ አኑ የሱሳ

1 “ታን ዋይንያ ጌተትያ ቱራው ቱሙ አና፤ ጎሻንቻይ ታ አባ።

2 ታ ግደን ደእያ አይፍያ አይፈና ቱራ ማራ ኡባ እ ካራ፤ አይፍያ ቱራ ማራ ኡባይ ካሰዋፕ ሎይላ አይፋናዳን፡ ሄ ማራ ጸራ እ ጭጊደ ጌሻና።

3 ታን ህንተንቶ ሀእ ኦዳዳ ቃላ ጋሱዋን፡ ህንተንቱ ጌሻ።

4 ታ ግደን ደአተ፤ ታንካ ህንተንቱ ግደን ደአና። ዋይንያ ቱራ ማራይ አኑዋና አትፕ ደኤናን ጳዮፕ፡ ሄ ማራይ ባረካ አይፍያ አይፋናወ ዳንዳየናዋዳን፡ ህንተንቱካ ታ ግደን ደኤናን ጳዮፕ፡ አይፍያ አይፋናወ ዳንዳይክታ።

5 “ታን ዋይንያ ቱራው አና፤ ህንተንቱ ሄ ቱራ ማራቱዋ። ታ ግደን ደእያ ኡራይ፡ ታንካ እ ግደን ደእያ ኡራይ፡ ዳር አይፍያ አይፋና፤ አያወ ጎፕ፡ ታን ባይናን ህንተረካ አይነ ኦላናወ ዳንዳይክታ።

6 ታ ግደን ደኤና ኡራይ ቱራ ማራዳን፡ ካረን የግና መሌዳዋ ሺሺደ ታማን ዋላና፡ እ ኤጻናዋ።

7 ህንተንቱ ታ ግደን ደአፕ፡ ቃይ ታ ቃላይካ ህንተንቱ ግደን ደአፕ፡ ህንተንቱ ኮዬዳዋ እያ ግድናካ ዋሰተ፤ ህንተንቱ አካንታ።

8 ህንተንቱ ዳር አይፍያ አይፎፕነ ቃይ ታና ካልያዋንታ ግደፕ፡ ሄዋን ታ አቡ ቦንቼታናዋ።

9 አወ ታና ሲቁዳዋዳን፡ ታንካ ህንተንታ ሲቃድ፤ ታ ሲቁዋን ደአተ።

10 ታን ታ አቡ አዛዙዋ ናጋደ እ ሲቁዋን ደኤዳዋዳን፡ ህንተንቱካ ታ አዛዙዋ ናጎፕ፡ ታ ሲቁዋን ደአነታ።

11 “ታ ናሸቻይ ህንተናና ደአና ማላ፡ ህንተንቱ ናሸቻይ ኩሙንላ

ግዳና ማላ፡ ታን ሀዋ ህንተንቶ ኦዲድ።

12 ታ አዛዙ ሀዋ፤ ታን ህንተንታ ሲቅያዎዳን፡ ህንተንቱካ እቱ እቱዋና ሲቀትተ።

13 ባረ ሸምቸዋ ባረ ላገጣ አሊደ እምያዋት አድያ ሲቁ እስካ ሳዋ።

14 ታን ህንተንታ አዛዙዳዋ ኡባ ኦፋ፡ ህንተንቱ ታ ላገቱዋ።

15 “አይሊ ባረ ጎዳይ አልያዋ ኤረና ድራው፡ ታን ህንተንታ ሀዋ፡ ስንገጣው አይላቱዋ ጊከ፤ ሽን ታን ህንተንታ ታ ላገቱዋ ጋድ። አያው ጎ፡ ታ አወዋ፡ ስሴዳ ኡባባ ታን ህንተንቶ ኦዲድ።

16 ታን ህንተንታ ደሬዳዋ፡ ህንተንቱ ህንተንቱ ታና ደርባይክታ። ህንተንቱ ቢደ አይፍያ አይፋና ማላን ደአና ማላ፡ ታን ህንተንታ ሱንገላድ። ቃይ አወካ ህንተንቱ ታ ሱንገላን\* ዋሴዳዋ ኡባ እማና።

17 ታን ህንተንታ አዛዝያዋ ሀዋ፤ እቱ እቱዋና ሲቀትተ።

የሱስ ሀ አላሚ እጽያዋ ኦዲዳ

18 “አላሚ ህንተንታ እጸ፡ ካስቲደ ታና እጹዳዋ እኬክተ።

19 ህንተንቱ አላምያሳ ግደደንቶ፡ አላሚ ባረዋዳን ህንተንታ ሲቃና፤ ሽን ታን ህንተንታ አላምያ፡ ደሬዳዋ፡ አትን፡ ህንተንቱ አላምያሳ ግድክታ፤ አላሚ ህንተንታ እጽያዋ ሀዋሳ።

20 ኅይሊ ባረ ጎዳ፡ ዳረና ጋደ ታን ህንተንቶ ኦዲዳዋ ሀሳይተ። ኡንቱንቱ ታና የደርሴዳዋ ግደ፡ ህንተናካ የደርሳና። ኡንቱንቱ ታ ቃላ ናጌዳዋ ግደ፡ ህንተንቱ ቃላካ ናጋናዋንታ።

21 ሽን ኡንቱንቱ ታና ኪቱዳዋ ኤረና ድራው፡ ሀ ኡባ ታ ጋሱዋን ኡንቱንቱ ህንተንቱ ባላ ኦላናዋንታ።

22 ታን ያደ ኡንቱንቶ ኦዲናዋ ግድንቶ፡ ኡንቱንቶ ናጋራ ግደና፤ ሽን ሀእ ኡንቱንቱ ኦልያ ናጋራ ጋሶይያዋ ባዋ።

23-24 ታና እጽያዋ ታ አወዋካ እጹዳ። ኦንካ ኦልቤና ኦሱዋ ኡንቱንቱ ግደን ታን ኦልቤናባ ግድንቶ፡ ኡንቱንቶ ናጋራ ግደናን አታናዋ፤ ሽን ሀእ ኡንቱንቱ ታን ኦልዳ ኦሱዋ በኢደ፡ ታናካ ታ አወዋካ እጹድ።

25 ሽን ኡንቱንቱ ሀግያን፡ ‘ታና ጮ እጹድና’ ጌተቲደ ጸፈቱዳዋ ፖለታና ማላ፡ ሀዋ ሀኔዳ።

26 “ሽን አወዋ፡ ይያ ቱማተላ አያናይ መንጃያዋ ያናዋ። ታን አወዋ፡ ህንተንቶ አ የዳና፤ ቃይ አ ታባ ማርካታናዋ።

27 ህንተካ ቃይ ካስፐ ደሚደ፡ ታናና ደእያ ድራው፡ ታባ ማርካታና።

### 16

1 “ታን ሀዋ ህንተንቱ ጹብተና ማላ፡ ህንተንቶ ኦዲድ።

2 ኡንቱንቱ ህንተንታ ባረንቱ አይሁዳዋ ዋሳ ጎልያ፡ ስሰ የዳናዋንታ። ሄዋ ባላ ቃይ ህንተንታ ዋድያ ኡራይ ጸሳው ኦልያዋ አወ ማላትያ ዋዲ ያናዋ።

3 ኡንቱንቱ ሄዋ ህንተንቱ ባላ ኦልያዋ ታናን አወዋ ኤረና ድራሳ።

4 ሽን ኡንቱንቱ ሄዋ ህንተንቱ ባላ ኦልያ ዋዲ ጋክያ ዋደ፡ ታን ህንተንቶ ኦዲዳዋ ህንተንቱ ሀሳና ማላ፡ ታን ህንተንቶ ሀዋ ኦዲድ።

ጌሻ አያና ኦሱዋ

“ታን ህንተናና ደእያ ድራው፡ ኮይር ሄዋ ህንተንቶ ኦዲባይከ።

5 ሽን ሀእ ታን ታና ኪቱዳዋኮ ባይ፤ ሽን ህንተ፡ ኦን፤ ‘ሀቃ ባይ?’ ጊደ ታና ኦቶያዋ ባዋ።

6 ሽን ታን ሀዋ ኦዲዳ ድራው፡ ህንተንቱ ዋዛናን ዳር ካዩ ደኤ።

7 ሽን ታን ህንተንቶ ቱሙዋ ኦዲይ፤ ታን ብያዋ ህንተንቶ ሎእ። አያው ጎ፡ ታን ባና ጳዮ፡ መንጃያዋ ህንተንቱኮ ዬና፤ ሽን ታን ቦ፡ አ ህንተንቱኮ የዳና።

8 ቃይ መንጃያዋ ዬደ፡ ኡንቱንቱ ናጋራባ፡ ጸሳ ጽሎተላባን ፕርዳባ ሀ ሳእ አሳይ ባይዜዳዋ በሳናዋ።

9 ናጋራባይ አሳይ ታና አማና ድራሳ።

10 ጽሎተላባይ ቃይ ታን አወዋኮ ብያ ድራው፡ ህንተንቱ ታና ላኤንጹዋ በእክታ።

11 ጸሳ ፕርዳባይ ቃይ አላምያ ሞድያዋ ፕርደቱዳ ድራሳ።

12 “ታን ህንተንቶ ኦዲናባይ ዳርባይ ደኤ፤ ሽን ሀእ ህንተንቶ ገለና።

\* 15:16 ታ ሱንገላን- ዋይ “ታና ካልያዋንታ ግድያ ድራው” 15:25 ማዘ. 35:19፤ 69:4

13 ቱማተሳ አያይይ ይያ ወደ፡ ሀንተንታ ቱማተሳ ኡባኮ ካለፋና። አያዉ ጎጥ፡ እ ባረ ሰሴዳዋ ኦዳናጥ አትን፡ ባረጥ አይነ ኦደና። ቃይ ሰንፋጥ ያናባ ሀንተንቶ እ ኦዳና።

14 እ ታና ቦንቻናዋ፤ አያዉ ጎጥ፡ እ ታዉ ደእያዋጥ አኪደ፡ ሀንተንቶ ኦዳና።

15 አዎ ደእያባይ ኡባይ ታዋ፤ መን።አያዋ ታዉ ደእያባጥ አኪደ፡ ሀንተንቶ ኦዳናዋ ታን ጌዳዌ ሀዋሳ።

የሱሳ ካልያዋንቱ ካዩ ናሽቻዉ ላመታና

16 “ጉላ ዋድያጥ ጉይያን፡ ሀንተንቱ ታና በእክታ፤ ቃይ ጉላ ዋድያጥ ጉይያን፡ ሀንተንቱ ታና በአና” ያጌድ።

17 የሱሳ ካልያዋንቱጥ እቱ እቱ ባረንቱ ግደን፡ “ ጉላ ዋድያጥ ጉይያን፡ ሀንተንቱ ታና በእክታ፤ ቃይ ጉላ ዋድያጥ ጉይያን፡ ሀንተንቱ ታና በእንታ፤ አያዉ ጎጥ፡ ታን አዉዋኮ ባይ፣ ግያዌ ሄዌ ዋግያዌ?” ያጌድና።

18 “ ጉላ ዋድያጥ ጉይያን፣ ግያዌ ዋግያዌ? እ አያዉ ሃሳይንቶነ ኑዉ ኤረተና” ያጌድና።

19 እንቱንቱ ባረና አቻናዉ ኮይያዋ የሱሰ ኤሪደ፡ ኤንቱንታ ያጌዳ፤ “ታን፡ ጉላ ዋድያጥ ጉይያን፡ ሀንተንቱ ታና በእክታ፤ ቃይ ጉላ ዋድያጥ ጉይያን፡ ሀንተንቱ ታና በአና፣ ጌዳዎ ሀንተንቱ እቱ እቱዋ ኦቺቱ?

20 ታን ሀንተንቶ ቱሙዋ ኦዳይ። ሀንተንቱ ዩካናነ ካዮታና፤ ሽን ሀ አላሚ ናሽታና። ቃይ ሀንተንቱ ካዮታና፤ ሽን ሀንተንቱ ካዮቶዌ ናሽቻ ግዳናዋ።

21 እት ምሽራታ ናአ የላና ሀንያ ዋደ፡ ባረ የልያ ዋዲ ጋኬዳ ድራዉ፡ ኦይቀታዉ፤ ሽን ናአይ የለቱዳዋጥ ጉይያን፡ ናአይ ሀ ሳእን የለቱዳ ናሽቻ ድራዉ፡ ባረ ኦይላ ሀሳዩኩ።

22 ሄዋ ድራዉ፡ ሀንተንቱካ ሀንተንቱ ዋዛናን ካዮቲታ፤ ሽን ታን ላኤንቱዋ ሀንተንታ በአና፤ ቃይ ሀንተንቱ ዋዛናይ ሎይላ ናሽታና፤ ሀንተንቱ ናሽቻ ኦንነ ሀንተጥ አከና።

23 “ሄ ጋላሰ ሀንተንቱ ታና አይነ ዋሰክታ። ታን ሀንተንቶ ቱሙዋ ኦዳይ፤ ሀንተንቱ ታ ሱንፋን ዋሰያዋ ኡባ አዉ ሀንተንቶ እማናዋ።

24 ሀእ ጋካናዉ ታ ሱንፋን አይነ ዋሰበይክታ፤ ሀንተንቱ ናሽቻይ ፖለታና ማላ፡ ጸሳ ዋሰተ፤ ሀንተንቱ አካና።

25 “ሀዋ ታን ሀንተንቶ ሌምሱዋን ኦዳድ፤ ሽን ታን ሌምሱዋን ኦደና ዋዲ ያናዋ፤ ሽን አዉዋባ ታን ሀንተንቶ ቆንጭያን ኦዳና።

26 ታን ሄ ጋላሰ፡ ሀንተንቱ ታ ሱንፋን አዉዋ ዋሳና፤ ቃይ ሀንተንቱ ድራዉ፡ ታን አዉዋ ዋሳና ጊከ።

27 አያዉ ጎጥ፡ አዉ ባረ ሀ-ጸዉ ሀንተንታ ሲቁ፤ ሀንተንቱ ታና ሲቅያ ድራዉነ ታን አዉዋ ማታጥ ዬዳዋ አማና ድራዉ፡ እ ሀንተንታ ሲቁ።

28 ታን አዉዋ ማታጥ ሀ አላምያ ያድ፤ ቃይ ሀ አላምያ አጋደ አዉዋኮ ባና” ያጌድ።

29 የሱሳ ካልያዋንቱ ዛሪደ የሱሳ፡ “በእ፡ ሀእ ኔን ቆንጭያን ሃሳያሳ፤ ሌምሱዋን አይነ ሃሳያካ።

30 ኔን ኡባባ ኤርያዋ ኑን ሀእ ኤሪቶ፤ ቃይ ኔና ኦንነ አቻና ማላ፡ ኔን ኮየናዋ ኤሪቶ፤ ሄዌ ኑና ኔን ጸሳጥ ዬዳዋ አማንቤ” ያጌድና።

31 የሱሰ ዛሪደ ኤንቱንታ፡ “ሀእ አማንቲ?

32 በእተ፡ ሀንተንቱ ሀንተንቱ ጎላ ጎላ ላለትያ ዋዲነ ታ ጸላላ የግ ባሽያ ዋዲ ያናዋ፤ ሀእካ ይ ድጌዳ። ሽን አዉ ታናና ደእያ ድራዉ፡ ታ ጸላላ ግድከ።

33 ሀንተንቱ ታ ግደን ደኢደ፡ ሳሮ ደአና ማላ፡ ታን ሀዋ ሀንተንቶ ኦዳድ። አላምያን ሀንተንቱ ዋየታና። ሽን ምንተ፤ ታን አላምያ ጸናድ” ያጌድ።

# 17

የሱሳ ዋሳ

1 የሱሰ ሄዋ ሃሳዬዳዋጥ ጉይያን፡ ፑደ ሳሉዋ ጸሊደ፡ ሀዋዳን ያጌዳ፤ “ታ አሮ፡ ዋዲ ጋኬዳ፤ ነ ናአይ ኔና ቦንቻና ማላ፡ ኔንካ ነ ናአ ቦንቻ።

2 አያዉ ጎጥ፡ ኔን አዉ እጫዳ ኡባዉ መቋና ደኡዋ እ እማና ማላ፡ አሳ ኡባ ቦላን አዉ ማታ እማዳ።

3 አሳይ ኔና እት ቱሙ ጸሳ ግዴዳዋ ኤራና ማላነ፡ ቃይ ኔን ኪቲዳ የሱሰ ክርሰቶሳ ኤራና ማላ፡ ሀዌ መቋና ደኡዋ።

4 ኔን ታዉ ኦላናዉ እጫዳ ኦሱዋ ፖላደ፡ ኔና ሳእን ቦንቻድ።

5 ሀእካ ቃይ አዎ፣ አላሚ መጠቃናጥ ካሰ ነ ማታጎ ታዉ ደእያ ቦንቹዋን ነ ሰንሳን ታና ቦንቻ።

6 “አላሞያ አሳጥ ኔን ታዉ እሚዳዋንቶ ነ ሰንሳ ኤርሳድ፤ አንቱንቱ ነዋንታ፤ ቃይ ኔን አንቱንታ ታዉ እማዳ። አንቱንቱ ነ ቃላዉካ አዛዘቱድና።

7 ሀእ ኔን ታዉ እሚዳ ኡባባይ ኔጥ ዬዳዋ አንቱንቱ ኤሪና።

8 እያዉ ጎጥ፣ ኔን ታዉ እሚዳ ቃላ ታን አንቱንቶ እማድ፤ አንቱንቱካ ሄ ቃላ እኬድና። ታን ነ ማታጥ ዬዳዌ ቱማ ግድያዋ ኤሪደ ኔን ታና ኪቱዳዋካ እማኔድና።

9 “ታን አንቱንቶ ዋሳይ፤ አላመዉ ኔና ዋሰከ። ሸን ኔን ታዉ እሚዳ አሳዉ ዋሳይ፤ እያዉ ጎጥ፣ አንቱንቱ ነዋንታ።

10 ታዉ ደእያ ኡባባይ ነባ፤ ቃይ ነዉ ደእያ ኡባባይካ ታባ። ታን አንቱንቱ ባገር ቦንቹታድ።

11 ታን ሀዋጥ ጉይያን፣ አላሞያን ደእከ፤ አንቱንቱ አላሞያን ደእና፤ ታን ሀእ ኔኮ ባይ። ጌሻ አዎ፣ ሀ ኔን ታዉ እሚዳዋንቱ ኔንጎ ታን እቱዋ ግድያዋዳን፣ አንቱንቱ እቱዋ ግዳና ማላ፣ አንቱንታ ነ ሰንሳን ናጋ።

12 ታን አንቱንቱና አላሞያን ደእደ፣ ኔን ታዉ እሚዳ ነ ሰንሳ ዋልቃን አንቱንታ ናጋድ። ታን አንቱንታ ናጋድ፤ ጸሳ ማጻፋይ ጌዳዌ ፖለታና ማላ፣ ባሻይ በሰያ ኡራጥ አትን፣ አንቱንቱጥ ሀራይ ኦንጎ ባይቤና።

13 “ሀእ ታን ኔኮ ባይ፤ አንቱንቱ ዋዛናን ታ ናሽቻይ ፖለታና ማላ፣ ሀዋ ታን አላሞያን ሃሳያይ።

14 ታን አንቱንቶ ነ ቃላ እማድ፤ ታን አላሞያሳ ግደናዋዳን፣ አንቱንቱካ አላሞያሳ ግደና ድራዉ፣ አላሚ አንቱንታ እጼዳ።

15 ኔን ጸላህያጥ አንቱንታ ናጋና ማላ ዋሰያዋጥ አትን፣ አላሞያጥ ከሳና ማላ ዋሰከ።

16 ታን አላሞያሳ ግደናዋዳን፣ አንቱንቱካ አላሞያሳ ግድክና።

17 ኔን ቱማተሳን አንቱንታ ነዋንታ አላ፤ ነ ቃላይካ ቱማተሳ።

18 ኔን ታና አላሞያ ኪቱዳዋዳን፣ ታንካ አንቱንታ አላሞያ ኪታድ፤

19 ቃይ አንቱንቱ ቱማተሳን ነዉ ዲማታና ማላ፣ አንቱንቱ ድራዉ፣ ታን ታ ሁጲያ ነዉ ዲማያድ።

20 “ታን አንቱንቱ ጸላላዉ ዋሰከ፤ ሸን አንቱንቱ ቃላ ኦድና፣ ታና አማኔዳዋንቶካ ዋሳይ።

21 አንቱንቱ ኡባይ እቱዋ ግዳና ማላ፣ ታን ዋሳይ። አዎ፣ ኔን ታ ግደን ደእያዋዳን፣ ቃይ ታንካ ነ ግደን ደእያዋዳን፣ አንቱንቱ ኑ ግደን ደእና። ቃይ ኔን ታና ኪቱዳዋ አላሚ አማናና ማላ፣ አንቱንቱ እቱዋ ግድና።

22 ኔንጎ ታን እቱዋ ግድያዋዳን፣ አንቱንቱ እቱዋ ግዳና ማላ፣ ኔን ታና ቦንቹዳዋዳን፣ ታንካ አንቱንታ ቦንቻድ።

23 ታን አንቱንቱ ግደን ደእና፣ ኔን ታ ግደን ደእና፣ ቃይ ኔን ታና ሲሰያዋዳን፣ አንቱንታካ ሲቆዋን ኔን ታና ሀ አላሞያ ኪቱዳዋ አላሚ ኤራናዳን፣ አንቱንቱ ኡባ እቱዋ ግድና።

24 “አዎ፣ ሳእይ መጠቃናጥ ካሰ ኔን ታና ሲቆዳ ድራዉ፣ ታዉ እሚዳ ታ ቦንቹዋ አንቱንቱ በእና ማላ፣ ኔን ታዉ እሚዳዋንቱ ታን ደእያ ሳእን ታናና ደእና ማላ ኮያድ።

25 “ጽሎ አዎ፣ አላሞያ አሳይ ኔና ኤረና፤ ሸን ታን ኔና ኤራይ። ቃይ ኔን ታና ኪቱዳዋ ሀዋንቱ ኤሪና።

26 ኔን ታና ሲቆዳ ሲቆ አንቱንቱ ግደን ደእና ማላ፣ ቃይ ታንካ አንቱንቱ ግደን ደእና ማላ፣ ታን ነ ሰንሳ አንቱንታ ኤርሳድ፤ ሰንሳዉካ ኤርሳና” ያጌዳ።

# 18

የሱሰ ባረ ሞርከቱዋ ኩሽያን ኦይቀቱዳ (ማቶሳ 26:47-56፤ ማር. 14:43-50፤ ሉቃሳ 22:47-53)

1 የሱሰ ሄዋ ጊደ፣ ጸሳ ዋሴዳዋጥ ጉይያን፣ ባረና ካልያዋንቱና ቀድሮና ገያ ዛንጋራ ጥጵዳ። ሄ ሳእን አትክልትያ ሳእይ ደእኔ፤ የሱሰን የሱሳ ካልያዋንቱ ገሌድና።

2 የሱሳ አላ እሚዳ ይሁዳይ ሄ ሳእ ኤራዳ፤ እያዉ ጎጥ፣ የሱሰ ኡባ ዋደ ባረና ካልያዋንቱና ሄዋን ሸቄ።

3 ሄዋ ድራዉ፣ ካለላያ ቄሳቱዋ ካፓቱን ፓርሳዋቱ ይሁዳና ባናዳን እሚዳ ሮማ ዋታዳራቱን ጌሻ ጎልያ ናግያዋንቱ ኩራዝያ፣ ያቢያን ቶራ ኦይቁደ ሄ ሳእ ቤድና።

4 የሱሰ ባረና ጋካናዉ ሀንያ ኡባባ ኤሪደ፣ ጋጸ ከሲደ፣ “እና ኮዪቲ?” ያጌዳ።

5 አንቱንቱ ዛሪደ፣ “ናዘሬትያ የሱሳ ኮዪቶ” ያጌድኖ።

የሱሰ ዛሪደ፣ “ታን አ” ያጌዳ።

የሱሳ አላ እሜዳ ይሁዳይካ ሄዋን አንቱንቱና ኤቄዳ፤

6 የሱሰ፣ “ታን አ” ጌዳ ዎደ፣ አንቱንቱ ጉየኮ ሸቀደ፣ ሳኣን ከንዲድኖ።

7 የሱሰ ቃይካ፣ “እና ኮዪቲ?”

ያግ እኛና አንቱንቱ፣ “ናዘሬትያ የሱሳ” ያጌድኖ።

8 የሱሰ ዛሪደ፣ “ታን አ ግድያዎ ሀንተንቶ ኦዲድ፤ ሰም ሀንተንቱ ታና ኮይያዎ ግደጥ፣ ሀዋንታ የድተ” ያጌዳ።

9 እ፣ “ታ አቡ፣ ኔን ታዉ እሜዳዎንቱጥ ሀራይ እቶ፣ እቱዋካ ባይዛበይከ” ጌዳቄ ፖለታና ማላ፣ ሄዋ ጌዳ።

10 ሰሞን ጳጳርሳዉ ማሻይ ደኤ፤ እ ሄ ማሻ ሾድን ቄሳቱዋ ኡባቱዋ ካፑዋ ቆማ ኡሸቻ ሀይላ ሾጪደ፣ ቃንጽ የጌዳ። ሄ ቆማ ሱንላይ ማልኮሳ።

11 የሱሰ ጳጳርሳ፣ “ና ማሻ ሾኩዋን ዛራደ ዋላ! ታ አቡ ታዉ እሜዳ ሙቱዋ ጸኣ ታን ኡሸክታ?” ያጌዳ።

የሱሰ ቄሳቱዋ ካፑዋ ሃና ሰንላ ሸቄዳ

12 ሻላቃይ፣ ዳር ዎታዳራቱን ቃይ ጌሻ ጎልያ ናግያዋንቱ የሱሳ ኦይቄደ ቃቼድኖ።

13 ኮይር የሱሳ ሃናኮ አፌድኖ፤ ሃን ሄ ላይላ ቄሳቱዋ ካፓቱዋ ግዳዳ ቃያፋ ቦሉዋ።

14 “አሳ ኡባ ድራዉ፣ እት አሳይ ሀይቄንቶ ሎኦ” ጌደ አይሁዳቱዋ ዘሬዳቄ ቃያፋ።

ጳጳርሰ የሱሳ ካዳዳ (ማቶሳ 26:69-70፤ ማር. 14:66-68፤ ሉቃሳ 22:55-57)

15 ሰሞን ጳጳርሰን ሀራ እት ካልያዌ የሱሳ ካሊደ ቤድኖ። ሄ ሀራ ካልያዎ ቄሳቱዋ ካፑ ኤሬዳ፤ ሄዌ የሱሳና ቄሳቱዋ ካፑዋ ድርሳ ጋርሳ ገሌዳ።

16 ሸን ጳጳርሰ ካረና ድርሳ ጥንግያን ኤቄዳ። ቄሳቱዋ ኡባቱዋ ካፑ ኤርያ ሀራ ካልያዎ ካረ ከሲደ፣ ጥንግያ ናግያ ናትዉ ኦዲደ፣ ጳጳርሳ ድርሳ ጋርሳ ገልሴዳ።

17 ጥንግያ ናግያ ናታ ጳጳርሳ፣ “ኔን ሀ ብታንያ ካልያዋንቱ እቱዋ ግድኪዬ?” ያጋዲ።

እ፣ “ቱይት፣ ታን ግድከ” ያጌዳ።

18 ሳአይ ሜግያ ድራዉ፣ አይላቱን ጌሻ ጎልያ ናግያዋንቱ ታማ ኤጲደ፣ ቦንቄዳዎ ዩይ እድ ኤቄደ ካሸኖ፤ ጳጳርሰካ አንቱንቱና ኤቄደ፣ ሄ ታማ ካሼ።

ቄሳቱዋ ካፑ የሱሳ ኦኦ ኦሻ (ማቶሳ 26:59-66፤ ማር. 14:55-64፤ ሉቃሳ 22:66-71)

19 ቄሳቱዋ ኡባቱዋ ካፑ፣ የሱሳ ካልያዋንቱባን እ ትምርትያባ ኦቼዳ።

20 የሱሰ አዉ ዛሪደ፣ “ታን አሳ ኡባዉ ቆንጭያን ኦዲድ። ታን አይሁዳ ኡባይ ሸቅያ አይሁዳ ዎሳ ጎለን ጌሻ ጎልያን ኡባ ዎደ ታማርሳድ፤ ጌማን አይነ ሃሳያበይከ።

21 ያትና፣ ኔን ታና አያዉ ኦቻይ? ታን ኦዳዳዎ ሰሴዳ አሳ ኦቻ፤ ሄ አሳይ ታን ኦዳዳዎ ኤሬዳ” ያጌዳ።

22 የሱሰ ሄዋ ጌዳ ዎደ፣ ሄዋን ኤቄዳ ዎታዳራቱዋጥ እቱ የሱሳ ባቄደ፣ “ቄሳቱዋ ኡባቱዋ ካፑዋ ቦላ ሀዋዳን ዛራይ።” ያጌዳ።

23 የሱሰ ዛሪደ፣ “ታን ባላባ ሃሳይዳዎ ግደጥ፣ ሀዋን ደአያ አሳ ኡባዉ ኦዳ፤ ሸን ታን ቱሙዋ ሃሳይዳዎ ግደጥ፣ ታና አያዉ ባቃይ?” ያጌዳ።

24 ሄዋ ድራዉ፣ ሃን፣ ቃሸት ኡቲዳ የሱሳ፣ ቄሳቱዋ ኡባቱዋ ካፑዋ፣ ቃያፋኮ የዳዳ።

ጳጳርሰ የሱሳ ላኢንሉዋ ካዳዳ (ማቶሳ 26:71-75፤ ማር. 14:69-72፤ ሉቃሳ 22:58-62)

25 ጳጳርሰ ሄዋን ኤቄደ፣ ታማ ካሼ፤ ሀራንቱ እ፣ “ኔን ሀ ብታንያ ካልያዋንቱ እቱዋ ግድኪዬ?” ያጌዳ።

ጳጳርሰ፣ “ቱይት፤ ታን ግድከ” ያጌደ ካዳዳ።

26 ቄሳቱዋ ኡባቱዋ ካፑዋ ቆማቱዋጥ እቱዋ፣ ጳጳርሰ ሀይላ ቃንጾዳ ብታንያ ዳቡ ጳጳርሳ፣ “ታን ኔና አናና ዳር አታክልትያ ግደን በአበይክታዬ?” ያጌደ ኦቼዳ።

27 ጳጳርሰ ቃይካ ካዳዳ፤ ኤለካ ኩቱ ዋሰ እጌዳ።



የሱስ ጽላጸሳ ሰገላ ሺቄዳ  
(ማቶሳ 27:1-2፣ 11-14፤ ማር.  
15:1-5፤ ሉቃሳ 23:1-5)

28 ኢንቲንቲ የሱሳ ቃያ ጎለጥ ርመ  
አሳ አይሰያዋ ኦሶ ጎልያ አፊድና።  
ሳአይ ዋንታ ጉራ፤ አይሁዳቱ ፓሰጋ  
ቦንቶያ ጋላሳ ቁማ ማናው፣ ባረንቲ  
ሁጺያው ቱና ማላ፣ ርመ አሳ  
አይሰያዋ ኦሶ ጎልያ ገልቢይክና።

29 ሄዋ ድራው፣ ጽላጸሰ ኢንቲንቲኮ  
ካረ ከሲደ፣ “ሀ ብታንያ ህንተንቲ  
አያን ሞቲቲ?” ያጌድና።

30 ኢንቲንቲ፣ “እ ኢታባ አሰቤናዋ  
ግድንቶ፣ ኮን አ ኔኮ አሆኮ” ያጌድና።

31 ጽላጸሰ ዛሪደ ኢንቲንቲ፣  
“ህንተንቲ አ አፊድ፣ ህንተንቲ ህጊ  
ግያዋዳን፣ እ ቦላ ፕርድተ” ያጌድና።

አይሁዳቱ፣ “ኦናን ዋድያ ማታይ  
ኑወ ባዋ” ያጌድና።

32 ሀዌ ሀኔዳዌ የሱስ አይ  
ማላ ሀይቁዋ ሀይቃንንቶ ኤርሳናው  
ሃሳዬዳዌ ፖለታናሳ።

33 ጽላጸሰ ባረ ኦሱዋ ጎለ  
ላኤንሎዋ ገሊደ፣ የሱሳ ጸሲደ፣ “ኔን  
አይሁዳ ካቲ?” ያጌደ አ ኦቼዳ።

34 የሱስ ጽላጸሳ፣ “ሀ ኦቫ ኔን  
ኔጥ ኦቻይዬ ዋይ ሀራ አሳይ ነዉ ታባ  
ኦዴዴ?” ያጌድና።

35 ጽላጸሰ ዛሪደ፣ “ታና አይሁዳ  
አሳ ጋይ? ነ ዛራቲን ቁሳቲዋ ካፓቲ  
ኔና ታዉ አሐ እሜድና፤ ኔን አያ  
ኦላዲ?” ያጌድና።

36 የሱስ፣ “ታ ካዉተላይ ሀ  
አላምያና ግድና። ታ ካዉተላይ ሀ  
አላምያና ግዴደንቶ፣ ታና አይሁዳቶ  
አሐ እመናዳን፣ ታዉ አላምያንቲ ታዉ  
ኦለታና፤ ሽን ታ ካዉተላይ ሀ አላምያና  
ግድና” ያጌድና።

37 ሄዋ ድራው፣ ጽላጸሰ የሱሳ፣  
“ያትና፣ ኔን ካቲየ?” ያጌደ ኦቼዳ።

የሱስ ዛሪደ፣ “ኔን ታና ካትያ ጋድ።  
ታን ቲሙዋ ማርካታና ድራው የለታድ፤  
ቃይ ሄዋ ድራው፣ ሀ አላምያ ያድ።  
ቲሙዋ ባጋ ግዴዳ ኦንን ታን ግያዋ  
ሰሴዳ” ያጌድና።

38 ጽላጸሰ፣ “ቲሙ አዬ?”  
ያጌድና።

ጽላጸሰ ሄዋ ጌዳዋጥ ጉይያን፣  
አይሁዳቲዋኮ ካረ ከሲደ፣ “ታን አን  
አይ ባላን ደማቢይከ።

39 ሽን ፓሰጋ ቦንቶያ ጋላሰ፣ አት  
አሳ ታን ህንተንቲ ቃሹዋጥ ብልያ  
ደያይ ደኤ፤ ታን ህንተንቲ አይሁዳቲ  
ካትያ ብልያዋ ኮዪቲ?” ያጌድና።

40 ኢንቲንቲ ዛሪደ፣ ባረንቲ ኮቫ  
ጶቁ ኦሊደ፣ “ባርባና ብላጥ አትን፣  
እ ግድና!” ያጌድና። ሽን ባርባን  
ፓኦቁ።

# 19

ዋታዳራቲ የሱሳ ቦላ ቅሊጤድና  
(ማቶሳ 27:27-32፤ ማር.  
15:15-21)

1 ሄዋጥ ጉይያን፣ ጽላጸሰ የሱሳ  
አይቁደ፣ ልሱዋን ሾጤዳ።

2 ዋታዳራቲ አጉንላጥ ካላቻ  
ገግሲደ፣ አ ሁጺያን ዋሌድና፤ ቃይ  
ዘአ ማዩዋካ አ ማይዜድና።

3 እኮ ሺቄደ፣ “አይሁዳ ካተው፣  
ሸምቸዋ ጋምአ!” ያጌደ አ ቫይያ  
ባቄድና።

4 ጽላጸሰ ቃይካ ካረ ከሲደ  
አይሁዳቲዋ፣ “ብአተ፣ ታን አን አይ  
ባላን ደማቤናዋ ህንተንቲ ኤራና ማላ፣  
አ ህንተንቲኮ ካረ ከሳና” ያጌድና።

5 ሄዋጥ ጉይያን፣ የሱስ አጉንላ  
ካላቻ ባረ ሁጺያን ዋሊደ፣ ዘአ  
ማዩዋ ማዪደ፣ ካረ ከሴዳ፤ ጽላጸሰ  
አይሁዳቲዋ፣ “ብታንያ ሀዋ ብአተ”  
ያጌድና።

6 ቁሳቲዋ ካፓቲን ዋታዳራቲ አ  
ቤዳ ዋደ፣ ባረንቲ ኮቫ ጶቁ ኦሊደ፣  
“ማሰቃልያ ቦላ ምሰማርያን ጵቫደ አ  
ሱላ! ሱላ!” ያጌድና።

ጽላጸሰ ኢንቲንቲ፣ “ህንተንቲ አ  
አፊደ፣ ማሰቃልያ ቦላ ምሰማርያን  
ጵቫደ ሱልተ፤ አያው ጎጥ፣ ታን አይ  
ባላን ደማቢይከ” ያጌድና።

7 አይሁዳቲ ዛሪደ፣ “ኑወ ህጊ  
ደኤ፤ ኑ ህጊ ግያዋዳን፣ እ ሀይቃናው  
ቢሴ፤ አያው ጎጥ፣ እ ባረና ጸሳ ናአ  
ኦሌዳ” ያጌድና።

8 ጽላጸሰ ሄዋ ሰሴዳ ዋደ፣ ካሰዋጥ  
ሎይሐ ያዬዳ።

9 ቃይካ ጽላጸሰ ባረ ኦሱዋ ጎለ  
ሰም ገሊደ የሱሳ፣ “ኔን ሀቃጥ  
ያዲ?” ያጌደ ኦቼዳ፤ ሽን የሱስ አዉ  
አይን ዛርቤና።

10 ሄዋ ድራው፣ ጽላጸሰ አ፣ “ታዉ  
ኦድኪ? ኔና ብላናው ዋይ ማሰቃልያ  
ቦላ ምሰማርያን ጵቫደ ካቃናው ታዉ  
ማታይ ደኤያዋ ኤርኪየ?” ያጌድና።

11 የሱስ፣ “ጸሳይ ነዉ ቦላጥ ማታ  
አምቤናባ ግድንቶ፣ ነዉ ታ ቦላ ማታይ  
ደኤና ሽን። ሄዋ ድራው፣ ታና ነዉ አሐ  
እሜዳዌ አድያ ናጋራ ኦሌዳ” ያጌድና።

የሱሳ ሀይቆ ፕርዳድኖ  
(ማቶሳ 27:15-31፤ ማር. 15:6-20፤ ሉቃሳ 23:13-25)

12 ጵላጸስ ሄዋ ሰሲዳ ዋደ፡ የሱሳ ብላናዉ ኦግያ ኮዬዳ፤ ሸን አይሁዳቱ ባረንቱ ኮሻ ጶቁ ኦሊደ፡ “ኔን አ ብልያዋ ግደፕ፡ ካትያ ቁሳረ ዳቦ ግዳካ! ባረና ካትያ ግያ ኦንን ቁሳረ ሞርከ!” ያጌድኖ።

13 ጵላጸስ ሄዋ ሰሲዳ፡ የሱሳ ካረ ከሴዳ፡ ያተደ ሹቻ ባሱዋ ግያ ሳኣን ፕርዳ ኦይድያን ኡቲዳ፤ እብራይስጻ ቃላን ሄ ሳኣይ ጋይታ ግያዋ።

14 ሄ ጋላሳይ ፓሰጋ ቦንቶያ ጋላሳዉ ገግሰያ ጋላሳ፤ ሳኣይ ኡሱፑን ሳትያ ሄራ ግዳናዋ። ጵላጸስ አይሁዳቱዋ፡ “ህንተንቱ ካትያ ሀዋ በእተ!” ያጌድ።

15 አይሁዳቱ ባረንቱ ኮሻ ጶቁ ኦሊደ፡ “ድጋ! ድጋ! ማሰቃልያ ቦላ ሞሰማርያን ጵሻደ ሱላ!” ያጌድኖ። ጵላጸስ ዛሪደ፡ “ህንተንቱ ካትያ ታን ማሰቃልያ ቦላ ሞሰማርያን ጵሻደ ሱልያዋ ኮዩቲ?” ያጌደ ኦቼዳ።

ቁሳቱዋ ካፓቱ፡ “ቁሳረፕ ሀራ ካቲ ኡዉ ባዋ!” ያጌድኖ።

16 ሄዋፕ ጉይያን፡ ኦንቱንቱ ማሰቃልያ ቦላ ሞሰማርያን ጵሻደ፡ የሱሳ ካቃና ማላ፡ ጵላጸስ ኦንቱንቶ አሐ ኦሚዳ።

የሱሳ ሱሌድኖ  
(ማቶሳ 27:32-44፤ ማር. 15:21-32፤ ሉቃሳ 23:26-43)

ኦንቱንቱ የሱሳ ኦይቂደ፡ አፊድኖ።

17 የሱሰ ባረ ማሰቃልያ ቶኪደ፡ ጉግያሳ ጌተትያሳ ቤዳ። “ጉግያሳ” \* ግያዋ እብራይስጻ ቃላን “ጎልጎታ” ግያዋ።

18 ኦንቱንቱ ሄ ሳኣን ማሰቃልያ ቦላ ሞሰማርያን ጵሻደ፡ የሱሳ ካቂድኖ፤ ቃይ አናና ሀራ ላኡ አሳቱ፡ እቱዋ ያ ባጋና ቃይ እቱዋ ሀ ባጋና የሱሳ ግዲዋን ዋሊደ፡ ማሰቃልያ ቦላ ሞሰማርያን ጵሻደ ካቂድኖ።

19 ጵላጸስ ጵፋትያ ጻፊደ፡ ማሰቃልያ ቦላ ዋሌዳ። እ ጻፊዳዌ፡ “አይሁዳቱ ካትያ፡ ናዘሬትያ የሱሳ” ያጌ።

20 የሱሰ ማሰቃልያ ቦላ ሞሰማርያን ጵሻቲደ ሱለቲዳ ሳኣይ

ካታማ ማታን ደእያ ድራዉ፡ ዳር አይሁዳቱ ሄ ጵፋትያ ናባቤድኖ። ጵፋቲ እብራይስጻ ቃላን፡ ሮማይስጻ ቃላን ግሪክ ቃላን ጻፈቲዳ።

21 ሄዋ ድራዉ፡ አይሁዳ ቁሳቱዋ ካፓቱ ጵላጸሳ፡ “ ሀ ብታኒ ባረና አይሁዳ ካትያ ያጌዳ፡ ጋይ ጻፋፕ አትን፡ ላይሁዳ ካትያ፡ ጋይ ጻፎፕ” ያጌድኖ።

22 ጵላጸሰ፡ “ታን ጻፊዳዋ ጻፋ ድጋድ” ያጌደ ዛሬዳ።

23 ዋታዳራቱ ማሰቃልያ ቦላ ሞሰማርያን ጵሻደ፡ የሱሳ ካቂዳዋፕ ጉይያን፡ አ ማዩዋ አኪደ፡ ኦይዲ ከሰ ሻኬድኖ፤ እት እት ዋታዳራ እት ሻኩ ጋኬዳ። አ አዲሳ ማዩዋካ አኬድኖ፤ አዲሳ ማዩ ሀሸያፕ ደሚደ፡ ዳገ ገካናዉ የደ ማየትያዋፕ አትን፡ ቃንጸቲደ ሰከትቤና።

24 ዋታዳራቱ እቱ እቱዋ፡ “አና ጋካነንቶ፡ ሳማ ዋይ ኤጸ የጋናፕ አትን፡ ማዩዋ ፔጶኮ” ያጌድኖ። ሄዋ ሀኔዳዌ ጸሳ ማጻፋይ፡ “ታ ማዩዋ ሻክ አኬድኖ፤ ታ አዲሳ ማዩዋን ሳማ የጌድኖ” ግያዋ ፖለታናሳ። ሄዋ ድራዉ፡ ዋታዳራቱ ሄዋ አሌድኖ።

25 ሸን የሱሳ ማሰቃልያ ማታን አ ዳያ፡ አ እት ሞቻታ፡ ቃልዮጸ ማቻታ ማይራማን ማግዳላ ጌተትያ ካታማፕ ዬዳ ማይራማ ኤቂድኖ።

26 የሱሰ ባረ ዳያን እ ሲቅያ ካልያዌ ሄዋን ኤቂዳዋንታ በኢደ፡ ባረ ዳዮ፡ “ሀ ሞሽራቲ፡ ነ ናኣ ሀዋ በእ!” ያጌድ።

27 ሄዋፕ ጉይያን፡ ሄ ካልያዋ “ኅ ዳዮ ሀኖ በእ!” ያጌድ። ሄ ካልያዌ እዘ ሄ ሳትያፕ ደሚደ፡ ባረ ሶይ አፊዳ።

የሱሳ ሀይቁዋ  
(ማቶሳ 27:45-56፤ ማር. 15:33-41፤ ሉቃሳ 23:44-49)

28 ሄዋፕ ጉይያን፡ የሱሰ ኡባባይ ሀቅ ፖለቲዳዋ ኤሪደ፡ ጸሳ ማጻፋይ ጌዳዌ ፖለታና ማላ፡ “ታና ሳማ” ያጌዳ።

29 ሄ ሳኣን እት ጵጋ ኩሜዳ ጫላ ዋይንያ ኤሳይ ደኤ። ኦንቱንቱ አሰፕንጅያ ሄ ዋይንያ ኤሳን የጌደ፡

\* 19:17 “ጉግያሳ” ሄዋን አሳ ጉግያ ማላት መጠቀሚያ ዋጋ ሹቻይ ደእያ ድራዉ፡ “ጉግያሳ ጌተቲዳ”። 19:24 ማዘ. 22:18 19:28 ማዘ. 69:21፤ 22:15

ሀሰጽያ ጌተትያ ሞላ ጸራን ዋሊደ፡ የሱሳ ደናኮ ሺሺድኖ።  
30 የሱሰ ዋይንያ ኤሳ ጋንጽ በኤዳዋጥ ጉይያን፡ “ፖለቴዳ” ያጌዳ።

የሱሳ ሞይያ ቶራን ጫዴድኖ ቃይ ሄዋጥ ጉይያን፡ ባረ ሁጺያ ቶቺደ፡ ባረ ሸሞጥዋ እሚዳ።

31 ሄ ጋላሳይ አይሁዳቶ ገገትያ ጋላሳ ተ ግድያ ድራውነ ቃይ ሄ ሳሞባታይ ዳር ቦንቾ ግድያ ድራው፡ ሳሞባታን አሳቱዋ እሃይ ማሰቃልያ ቦላ ፔሽና ማላ፡ ሱለቴዳ አሳቱዋ ሱይልያ መንሊደ።፤ ማሰቃልያጥ ዋላና ማላ፡ አይሁዳቱ ጽላጸሳ ዋሴድኖ።

32 ሄዋ ድራው፡ ዋታዳራቱ ዪደ፡ የሱሳና ሱለቴዳ ኮይሮ ብታንያ ሱይልያ መንሊድኖ፤ ቃይ እናና ሱለቴዳ ላኤንላ ብታንያ ሱይልያካ መንሊድኖ።

33 ሸን የሱሳኮ ዬዳ ዋደ እ ሀይቂ ድጌዳዋ በኢደ፡ እ ሱይልያ መንሊይክኖ።

34 ግደጥነ፡ ዋታዳራቱዋጥ እቱ አ ሞይያ ቶራን ጫዴዳ። ኤለካ ሱላይነ ሃላይ ጎግ አጌዳ።

35 ህንተንቱ እማናና ማላ፡ ሀዋ በኤዳዌ ማርካቲዳ፤ እ ማርካትያዌካ ቱሙጥ፤ ቃይ ባረ ሃሳያይ ቱማ ግድያዋ እ ኤሬዳ።

36 ሄዌ ሀኔዳዌ ጸሳ ማጸፋይ፡ “አ መቀላቱዋጥ እቱነ መኤና” ጌዳዌ ፖለታናሳ።

37 ቃይካ ጸሳ ማጸፋይ ሀራይ፡ “አሳይ ባረ ጫዴዳዋ በእና” ያጌ።

የሱሰ ሞገቴዳ (ማቶሳ 27:57-61፤ ማር. 15:42-47፤ ሉቃሳ 23:50-56)

38 ሄዋጥ ጉይያን፡ አርማትያሳ ጌተትያ ካታማጥ ዬዳ የሴፎ የሱሳ እሃ አኪደ አፋናዉ ጽላጸሳ ዋሴዳ፤ የሴፎ አይሁዳቶ ያዬዳ ድራው፡ አሳይ ኤረናን የሱሳ ካልያዋ።

የሴፎ ዋሰና ጽላጸሰ፡ “አፋ” ያጌዳ። ሄዋ ድራው፡ የሴፎ ቢደ፡ የሱሳ እሃ አፊዳ።

39 ቃይ ንቆድሞስ ሄዋጥ ካሰ የሱሳኮ ቃማ ዬዳዌ፡ ካዋራናን ጎዳረ ኡላና ዋላከቴዳ ኦይታማን እቺሹ ኪሎ ግራመ ግድያዋ ከና ሸቱዋ ኦይቂ አኪደ፡ የሴፎና ዬዳ።

40 ሄ ላኡ አሳቱ የሱሳ እሃ አኪደ፡ አይሁዳቱ እሃ ጸጽያ ዋጋዳን፡ ሸቱዋና ጋሊደ፡ ሞጉዋ አፍላን ጸጸድኖ።

41 የሱሰ ማሰቃልያ ቦላ ሞሰማርያን ድሸቲደ ሱለቴዳ ሳኦን ዳሮ አትክልትያ ሳኦይ ደኤ፤ ሄ አትክልትያ ሳኦ ግደን ሹቻ ዋጭ ከሴዳ ብሮ ኦንነ ሞገትቤና ኦራላ ዱፋ ደኤ።

42 ሄ ዱፋ ማታን ደእያ ድራውነ ቃይ አይሁዳቱ ሳሞባታዉ ገገትያ ጋላሳ ግድያ ድራው፡ የሱሳ ያን ዋሴድኖ።

## 20

የሱሰ ሀይቂዋጥ ደንዴዳ (ማቶሳ 28:1-8፤ ማር. 16:1-8፤ ሉቃሳ 24:1-12)

1 ዋጋ ጋላሰ ጉራን፡ ብሮ ዲብዲብያዋን፡ ማግዳላ ጌተትያ ካታማጥ ዬዳ ማይራማ የሱሰ ሞገቴዳ ዱፋዋኮ ባደ ሹቻይ ሃ ጎንጎሉዋ ደናጥ ደንድክቼዳዋ በኣዱ።

2 ሰሞን ጸጽሮሳኮነ የሱሰ ሰቅያ የኮ ካልያዋኮ፡ እዛ ዋጸደ ባደ፡ “ዱፋዋጥ ጎዳ አፍ ድጌድኖ፤ ሀቃን እ ዋሴድኖንተን ኦን ኤርኮ” ያጋዱ።

3 ሄዋ ድራው፡ ጸጽሮሰን የኮ ካልያዌ አጊደ፡ ዱፋዋኮ ቤድኖ።

4 ላኡካ እትጥ ዋጸድኖ፤ ሸን የኮ ካልያዌ ጸጽሮሳጥ አድ ካሰቲደ፡ ሄ ዱፋዋኮ ጋኬዳ።

5 ሄ ካልያዌ ሆኪደ፡ ሞጉዋ አፍላ በኤዳ፤ ሸን ግደ ገልቤና።

6 ሰሞን ጸጽሮሰ አ ካል ዪደ፡ ዱፋዋ ግደ ገሌዳ። ያቲደ ሞጉዋ አፍላይ ሄዋን ደእያዋ በኤዳ፤

7 ቃይ የሱሳ ሁጺያን ጸጸት ኡቴዳ አፍላይ ሄ ጸጸቲዳዋዳንካ ዱማ እት ሳኦን ደእያዋ በኤዳ፤ ሄ አፍላይ ዱማ ደኤጥ እትን፡ ሞጉዋ አፍላና እትጥ ደኤና።

† 19:31 አይሁዳቶ ገገትያ ጋላሳ፡ ፓሰጋይ ሳሞንታጥ እት ጋላሳ አዉይነ ግዳና ዳንዳዬ፤ ሸን የሃንሳ ሞሽራቸ ታማርሰያዋዳን፡ ፓሰጋ ዋደ ሀርናዉ በሰያዌ፡ ላይላ ላይላን የሱሰ ማሰቃልያን ካቀት ሀይቂዳ ሳሞባታና ግዳና ኮሺ። ‡ 19:31 ሱለቴዳ አሳቱዋ ሱይልያ መንሊድ፡ ሀ ዋጋይ ሮመ ካዉተላ ዋጋዳን፡ ማሰቃልያን ሱለቴዳ አሳቱ ኤለካ ሀይቃና ማላ እላያ ኦገያ ጉሳ። 19:36 ከሳ 12:46፤ ፓይ. 9:12፤ ማክ. 34:20 19:37 ዛካ. 12:10፤ ሳዓ 1:7

8 ሄ ዎደ፣ ካሰቲደ ጎንጎሉዋኮ ጋከዳ የኮ ካልያዌ ገል በኢደ አማኔዳ።

9 የሱሰ ሀይቁዋጥ ደንዳናው በሰያዋ ኦድያ ጸሳ ማጻፋ ኡንቱንቱ ብር አከክበይክኖ።

10 ሄዋጥ ጉይያን፣ ካልያዋንቱ ባረንቱ ጎላ ሰሚደ ቤድኖ።

የሱሰ ማግዳላ ማይራምዉ ቤቲዳ (ማቶሳ 28:9-10፤ ማር. 16:9-11)

11 ሸን ማይራማ ሄ ዱፋዋ ደናን ኤቃይ ዩካደ ሆካደ ዱፋዋ ግደ ጸላዳ።

12 ቦላ ማዩዋ ማዬዳ ላኡ ከታንቻቱ የሱሳ አሃይ ግሴዳ ሳኣን እቱ ሁጲሳና እቱ ገድሳና ኡቲዳዋንታ በኣዱ።

13 ኡንቱንቱ እዘ፣ “ምሸራቲ፣ አያዉ ዩካይ?” ያጊደ ኦቹድኖ።

እዘ፣ “አሳቱ ታ ጎዳ እፍ ድጌድኖ፤ ኡንቱንቱ ሀቃን ዋጴድኖንቶን ታን ኤርከ” ያጋዱ።

14 ሄዋ ጌዳዋጥ ጉይያን፣ ጉየ ሰማ ጸላደ፣ የሱሰ ኤቁዳዋ በኣዱ። ሸን እ የሱሳ ግዴዳዋ አከካበይኮ።

15 የሱሰ እዘ፣ “ምሸራቲ፣ አያዉ ዩካይ? ኦና ኮያይ?” ያጊደ ኦቹዳ።

ማይራማ አትክልትያ ናግያዋ ጋደ፣ “ጎዳዉ፣ ኔን አከዳዋ ግድገ፣ አ ሀቃን ዋላድንቶ፣ ታዉ ኦዳርከ፤ ታን አ አካና” ያጋዱ።

16 የሱሰ እዘ፣ “ማይራማ” ያጌዳ። አ አኮ ሰማደ፣ አብራይሰጸ ቃላን “ራቡኒ” ያጋዱ፤ ሄዋ ብለላይ “ታማርሰያዎ” ግያዋ።

17 የሱሰ እዘ፣ “ታን ብር ታ አዉዋኮ ባቤና ድራዉ፣ ታና ቦቾጋ፤ ሸን ታ አሻቱዋኮ ባደ፣ “ታን ታ አዉዋኮን ሀንተንቱ አዉዋኮ፣ ታ ጸሳኮን ሀንተንቱ ጸሳኮ፣ ፑደ ባይ ጌዳ” ጋደ ኡንቱንቶ ኦዳ” ያጌዳ።

18 ማግዳላ ጌተትያ ካታማጥ ዬዳ ማይራማ ጎዳ በኤዳዋን እዘዉ አ ሄዋ ኦዳዳዋ ባደ ካልያዋንቶ ኦዳዳ።

የሱሰ ባረ ካልያዋንቶ ቤቲዳ (ማቶሳ 28:16-20፤ ማር. 16:14-18፤ ሉቃሳ 24:36-49)

19 ሄ ዋጋ ጋላሰ አማርሰ፣ ካልያዋንቱ አይሁዳቶ ያዬዳ ድራዉ፣ ፐንግያ ጎርዲደ፣ ሸቅ ኡት ደእሸን፣ የሱሰ ዬደ፣ ኡንቱንቱ ግዲዋን ኤቁደ፣ “ሳርተላይ ሀንተንቶ ግደ” ያጌዳ።

20 ሄዋ ጌዳዋጥ ጉይያን፣ ባረ ኩሸያን ባረ ምይያ ኡንቱንታ በሴዳ፤ ካልያዋንቱ ጎዳ በኤዳ ዎደ ሎይላ ናሸቲድኖ።

21 የሱሰ ላኤንሉዋ ኡንቱንቶ፣ “ሳርተላይ ሀንተንቶ ግደ፤ ታ አኮ ታና ኪቲዳዋዳን፣ ታንካ ሀንተንታ ኪታይ” ያጌዳ።

22 ሄዋ ጌዳዋጥ ጉይያን፣ ኡንቱንቱ ቦላ ኡፋ ጊደ ሸምፔዳ፤ ቃይ፣ “ጌሻ አያና አክተ።

23 ሀንተንቱ አቶ ጌዳ አሳ ናጋራይ አቶ ጌተታናዋ፤ ሀንተንቱ አቶ ጌናዋንቱ ናጋራይ አቶ ጌተተና” ያጌዳ።

የሱሳን ቶማሳ

24 ሸን ታማን ላኡ ካልያዋንቱጥ እቲ፣ ማንትያ ግያ ቶማሰ፣ የሱሰ ዬዳ ዎደ ኡንቱንቱና ባዋ።

25 ሄዋ ድራዉ፣ የኮ ካልያዋንቱ ቶማሳዉ፣ “ኔን ጎዳ በኤደ!” ያጌድኖ።

ሸን ቶማሰ ኡንቱንቶ፣ “ምሰማርያን አ ጫደቲዳ አ ኩሸያን ደእያ ማላ በኤናን ሄ ማላ ታ ብራድያን ቦቹናን፣ ቃይ ታ ኩሸያ አ ምይያን ዬዳ በኤናን ታን አማንከ” ያጌዳ።

26 ሳምንታጥ ጉይያን፣ የሱሳ ካልያዋንቱ ቃይካ ጎላን ሸቅ ኡቲድኖ፤ ቶማሰካ ኡንቱንቱና ደኤ። ፐንጊ ቃሸት ኡት ደእሸን፣ የሱሰ ዬደ፣ ኡንቱንቱ ግዲዋን ኤቁደ፣ “ሳርተላይ ሀንተንቶ ግደ” ያጌዳ።

27 ሄዋጥ ጉይያን፣ የሱሰ ቶማሳ፣ “ኅ ኩሸያ ሃ አሃደ፣ ታ ኩሸያ በእ፣ ቃይ ኅ ኩሸያ ሃ አሃደ፣ ታ ምይያን ዬዳ በእ፣ ኔን አማንያዋ ግዳጥ አትን፣ አማንናዋ ግዳጥ!” ያጌዳ።

28 ቶማሰ ዛሪደ፣ “ታ ጎዳዉ፣ ታ ጸሳዉ!” ያጌዳ።

29 የሱሰ፣ “ኔን ታና በኤዳ ድራዉ አማናዳ፤ በኤናን አማኔዳዋንቱ አንጀቲዳዋንታ” ያጌዳ።

ሀ ማጻፋ ቆፋ

30 የሱሰ ሀ ማጻፋን ጸፈትቤና ሀራ ዳር ማላታቱዋ ባረና ካልያዋንቱ ሰንላን ኡጴዳ።

31 ሸን የሱሰ፣ እ ክርሰቶሳ፣ ጸሳ ናኣ ግድያዋ ሀንተንቱ አማናና ማላን፣ ቃይ አ አማኒደ አ ሱንላን ደኡዋ ሀንተንቱ ደማና ማላ፣ ሀዌ ጸፈቲዳ።

# 21

የሱስ ላፑ ካልያዋንቶ ቤቴዳ

1 ሄዋጥ ጉይያን፣ የሱስ ጽብርያደሳ ጌተትያ አባ ጋጸን ባረ ካልያዋንቶ ላኢንሱዋ ቤቴዳ። እ ኡንቱንቶ ሀዋዳን ቤቴዳ።

2 ሰሞን ጳጳርሰነ ማንትያ ጌተትያ ቶማስ፣ ቃና ጋሊላጥ ዬዳ ናትናኤል፣ ዛብድዮሳ ናናይን \* የሱሳ ካልያዋንቱጥ ሀራ ላአቱ እትጥ ደኢኖ።

3 ሰሞን ጳጳርሰ ኡንቱንቶ፣ “ታን ሞልያ ኦይቃናዉ ባይ” ያጌዳ።

ኡንቱንቱ፣ “ኑንካ ኔናና ባና” ያጌደ፣ ከሲደ ዋንግርያ ግደ ገሌድኖ፤ ሸን ኡንቱንቱ ሄ ጋላስ ቃማ ሞልያ አይነ ኦይቁበይክኖ።

4 ዋንትያ ዋይ አዋይ ከሳናጥ ካስ፣ የሱስ አባ ጋጸን ኤቁዳ፤ ሸን እ ካልያዋንቱ የሱሳ ግዴዳዋ ኤርበይክኖ።

5 የሱስ ኡንቱንታ፣ “ናቶ፣ ሞልያ ኦይቁበይክቱየ?” ያጌዳ።

ኡንቱንቱ ዛሪደ፣ “አይነ ኦይቁበይኮ” ያጌድኖ።

6 እ ዛሪደ፣ “ሀንተንቱ ዳባ ዋንግርያጥ ኡሸቻ ባጋኮ የግተ፤ አማራዳዋ ሀንተንቱ ኦይቃና” ያጌዳ። ሄዋ ድራዉ፣ ዳባ ኡሸቻ ባጋኮ የግና፣ ሞሊ ዳራዳ ድራዉ፣ ጎቾ ከሳናዋ ኡንቱንታ ጸኔዳ።

7 የሱስ ሲቅያ እ ካልያዋ ጳጳርሳ፣ “ሀዌ ጎዳተኔ!” ያጌዳ። ሰሞን ጳጳርሰ ጎዳ እ ግዴዳዋ ሰሴዳ ዋይ፣ ካሎ ደኢያ ድራዉ፣ ባረ ማዬዋ ማዬደ፣ አባ ግደ ጉፕ ገሌዳ።

8 ሸን የኮ ካልያዋንቱ ሞሊ ኩሞ ኡቴዳ ዳባ ጎቹደ፣ ዋንግርያን አባጥ ጋጸ ከሴድኖ፤ ኡንቱንቱ አባጥ ላኡ ጸቱ ዋቋ ከና ሃኪደ ደኢናጥ አትን፣ ሎይሐ ሃኪደ ደኢክኖ።

9 ኡንቱንቱ አባጥ ጋጸ ከሴዳ ዋይ፣ ጸጸንሳ ቦንቁዋን ሞሊ ደኢያዋን ኡክላ በኤድኖ።

10 የሱስ ኡንቱንታ፣ “ሀእ ሀንተንቱ ኦይቁዳ ሞልያጥ አማራዳዋ ሃሞተ” ያጌዳ።

11 ሰሞን ጳጳርሰ ዋንግርያን ገሊደ፣ ጸታን አሻታማነ ሄዙ ዋጋ ሞላቱ ኩሞ ኡቴዳ ዳባ ጎቹደ፣ አባጥ

ጋጸ ከሴዳ፤ ሞሊ ሄዋ ኬና ዳር ግድናካ ዳባይ ዳክትቤና።

12 የሱስ ኡንቱንታ፣ “ሀ ዪደ፣ ቃንእያ ቃንእተ” ያጌዳ። የሱሳ ካልያዋንቱጥ አቱ፣ “ኔን ኦኔ?” ጌደ እ ኡቻናዉ ጸልቤና፤ አያዉ ጎጥ፣ ጎዳ እ ግዴዳዋ ኡንቱንቱ ኤራድኖ።

13 የሱስ ዪደ፣ ኡክላ አኪደ፣ ኡንቱንቶ አሜዳ፤ ሞልያካ ሄዋዳን አሜዳ።

14 የሱስ ሀይቁዋጥ ደንዴዳዋጥ ጉይያን፣ ባረ ካልያዋንቶ ቤትሸን ሀዌ ሄዘንሱዋ።

የሱሳነ ጳጳርሳ

15 ኡንቱንቱ ቁማ ሜዳዋጥ ጉይያን፣ የሱስ ሰሞን ጳጳርሳ፣ “የሃንሳ ናኦ ሰሞና፣ ታና ሀዋንቱጥ አላደ ሲቃይ?” ያጌዳ።

ሰሞን ጳጳርሰ፣ “ኤ ጎዳዉ፣ ታን ኔና ደሲያዋ ኔን ኤራሳ” ያጌዳ።

የሱስ አ፣ “ታ ድርሳ ማራቱዋ ሄማ” ያጌዳ።

16 የሱስ ቃይካ፣ “የሃንሳ ናኦ ሰሞና፣ ታና ሲቃይ?” ያጌዳ።

ሰሞን ጳጳርሰ፣ “ኤ ጎዳዉ፣ ታን ኔና ደሲያዋ ኔን ኤራሳ” ያጌዳ።

የሱስ፣ “ታ ድርሳቱዋ ሄማ” ያጌዳ።

17 የሱስ ሄዘንሱዋ፣ “የሃንሳ ናኦ ሰሞና፣ ታና ደሳይ?” ያጌዳ።

የሱስ ሄዘንሱዋ ሰሞን ጳጳርሳ፣ “ታና ደሳይ?” ያጌደ ኦቹዳ ድራዉ፣ ጳጳርሰ ካዮቲደ፣ “ጎዳዉ፣ ኔን ኡባባ ኤራሳ፤ ታን ኔና ደሲያዋ ኔን ኤራሳ” ያጌዳ።

የሱስ፣ “ታ ድርሳቱዋ ሄማ።

18 ታን ነዉ ቱሙዋ ኦዳይ፤ ኔን ዋዳላተላን ደኢያ ዋይ፣ ነ ጸሳን ሳቂያ ኔረካ ዳንጫደ፣ ኔን ኮዬዳሳ ባሳ። ሸን ጭሜዳዋጥ ጉይያን፣ ነ ኩሸያ ሞጫ በሳሳ። ኔና ሀራ ኡራይ ዳንጭሳናዋ፤ ኔን ደሲናሳካ አፌ” ያጌዳ።

19 የሱስ ሄዋ ጳጳርሰ አይ ማላ ሀይቁዋ ሀይቁደ፣ ጸሳ ቦንቆሳንንቶን ኤርሳናዉ ጌዳ፤ ቃይ ሄዋ ጌዳዋጥ ጉይያን፣ የሱስ ጳጳርሳ፣ “ታና ካላ” ያጌዳ።

የሱሳነ የኮ ካልያዋ

20 ጳጳርሰ ጉየ ሰሚደ፣ የሱስ ሲቅያ ካልያዋ ባረጥ ጉየና ይያዋ በኤዳ፤

\* 21:2 ዛብድዮሳ ናና- አሻቱዋ ግዴዳ ያቆባነ የሃንሳ። † 21:15 “ታና ሀዋንቱጥ አላደ ሲቃይ?” ሀዋ ጉሳይ፣ “ታና ሀ የዋቱዋ ሲቅያዋጥ አላደ ሲቃይ?” ጉሳ።

ሄ ካልያዌ ካዉዋ ሞያ ሳኒን የሱሳኮ ሸቂደ ኦ፡ “ጎዳዉ፡ ኔና ኦሎ እማናዌ ኦኔ?” ያጌዳዋ።

21 ጳጳሮስ ሄ ካልያዋ በኢደ የሱሳ፡ “ጎዳዉ፡ ሀ ብታኒ ቃይ ዋናኔ?” ያጌዳ።

22 የሱስ ኦ፡ “ታን ያና ጋካናዉ እ ደኦና ማላ ታን ኮዮፕ፡ ሄዌ ኔና ኦያ መቲ? ኔን ታና ካላ” ያጌዳ።

23 ሄዋ ድራዉ፡ ሄ ካልያዌ ሀይቀና ግያ ሃሳያይ እሻቱዋ ኡባኮ ጋኬዳ፤ ሸን የሱስ፡ “ታን ያና ጋካናዉ፡ እ ደኦና ማላ፡ ታን ኮዮፕ፡ ኔና ኦያ መቲ?” ጌዳዋፕ አትን፡ “ሀይቀና” ግቤና።

24 ሄ የዉዋባ ማርካቲዳዊን ቃይ ሄዋ ጳጳራዊ ሄ ካልያዋ አ ማርካተሳይ ቱማ ግድያዋ ኩን ኤሬቶ።

25 የሱስ ኦሌዳ ሀራ ዳሮባይካ ደኤ፤ ኡባባይ ሀጲያን ሀጲያን ጳፊትንቶ፡ ጳፊትያ ማጻፋቶ ሀ ሙሊ አላሚ ግዳናዋ ታዉ ማላተና።

# የሱስ ኪቴዳዋንቱ ኦሎቆ ገሎቆ

የሱስ ኪቴዳዋንቱ ኦሎቆ ገተትያ ማጻፋይ፡ ሉቃስ ምሽራቹዋ ካሊደ ጸፈቲዳ ማጻፋ። እዉ ደእያ ሁጳ ቆፋይ ኮይሮ የሱስ ካሌዳ አሳቱ ጌሻ አያና ካለስቲደ፡ አባ ኦድያ ምሽራቹዋ ቃላ “የሩሳላሙን፡ ይሁዳ ጋድያ ኡባን፡ ሳማርያን፡ ሳኦ ጋጸ ጋካናዉ” ምሽራቹዋ ቃላ ዋት ጋድያ ኡባ ጋሌደንቶ ኦዳናሳ (ኪታ 1:8)። ማጻፋይ ክርስትና አማኑ አይሁዳ አሳቱዋ ግደን ደመቲደ፡ ኩመንጎላ አላምያን ደእያ አሳ ኡባ አማኑዋ ግዳና ጋካናዉ ዋን እኩደንቶ ኦድያ ታርክያ። ጸፊ፡ አማንያ አሳቱ ሮማ ካወተጎ ኦላናዉ ጋርሳና ማቀትያ አሳ ግደናዋን ክርስትና አማኑ አይሁዳቱዋ አማኑዋ ኩመንጎላ ኦላያዋ ግድያዋ ኤርሳናዉ ዳርስ ዳቡሪደ ኦሌዳ።

የሱስ ኪቴዳዋንቱ ኦሎ የሱሳባ ኦድያ ምሽራቹዋ ቃላይ ጋክያ ሳኦይ ዋድያን ዋድያን እክ እክ ብያዋን ዋሳ ጎሊ ኤቁዳዋ ቆንጭስያዋ ሄዙ ሁጳ ሳን ሻካናዉ ዳንዳየቱ፡

1. ክርስትና አማኑ የሱስ ሳሎዋ ፑደ ብ ሰምና ደመቲዳባ፤
2. እስራኤልያ ጋድያ ኡባ ጋኬዳባ፤
3. ሮመ ፑጂደ ሜድትራንያ አባ ዩሹዋን ደእያ ጋድያን እኩዳዋ ኦዳ።

የሱስ ኪቴዳዋንቱ ኦሎቆ ማጻፋን ዳርፕ ኤሪቶቄ ጌሻ አያና ኦሎቆ ግድሽን፡ ጸንጸቆስተ ጋላስ የሩሳላሙን ደእያ አማንያዋንቱ ቦላ ዋልቃፕ እ ዋዴዳዋ፡ ሀዋዳንካ ማጻፋ ግደን ኦድቲዳ አሳቱዋ ኡባን ቤቲዳዋዳን፡ ጌሻ አያናይ ዋሳ ጎልያን ዋሳ ጎልያ ካለላያዋንታ ካለሌዳዋን ምንሴዳዋ ፑጂደ ኦዳ። በን ዋደ ኦስትያ ክርስትና ኪታይ ዲማ ዲማ ኦዳዳ ቃላ ግደፕ ማጽ ከሰና፡ ቃንጎን ሸቄዳ። የሱስ ኪቴዳዋንቱ ኦሎቆ ግደን ፖለቲዳ ኪታቲካ ሄ ኦሎ አማንያ አሳ ደኡዋንን አማንያዋንቱ እትፕተጎላን ደእያ ዋልቃይ አይ ኬና ዳረንቶ ኦዳ።

# ሸምፓቱዋ ኡባቶ እመቲዳ ቃንጎ ቆፋቱዋ

ማርካተጎዉ ጊፑዋ 1:1-26  
 ዉርስሳን የሱስ እሜዳ አዛዙዋን ህደታ 1:1-14  
 ይሁዳ ኮታ ገሌዳዋ 1:15-26  
 የሩሳላሙን ኦስቲዳ ማርካተጎ 2:1—8:3  
 ይሁዳንን ሳማርያን ኦስቲዳ ማርካተጎ 8:4—12:25  
 ጳዉሎስ ኪተቲዳ ኦሎቆባ 13:1—28:31  
 ጳዉሎስ ኪተቲዳ ኦሎ ኮይሮ ሀመታ 13:1—14:28  
 የሩሳላሙ ሸቄዋ 15:1-35  
 ጳዉሎስ ኪተቲዳ ኦሎ ላኤንላ ሀመታ 15:36—18:22  
 ጳዉሎስ ኪተቲዳ ኦሎ ሄዘንላ ሀመታ 18:23—21:16  
 የሩሳላሙን፡ ቁሳርያንን ሮመን ህኔዳ ጳዉሎስ ቃሹዋ 21:17—28:31

1-2 ቶፍሎሳ፡ የሱስ ሳሎዋ ቤዳ ጋላሳይ ጋካናዉ፡ ኦላናዉን ታማርሳናዉ ደሜዳዋ ኡባባ ታን ታ ኮይሮ ማጻፋን \* ጻፋድ። ሳሎዋ ባናፕ ካስ እ ባረ ዶሪደ ኪቴዳዋንታ ጌሻ አያናን አዛዜዳ።

3 እ ባረ ኪቴዳዋንቶ ኦይታሙ ጋላሳ ቤቲድን ቃይ ጸሳ ካዉተጎላ ኡንቱንቶ ኦዳደ፡ ባረ ዋይያፕ ጉይያን፡ ሀይቁዋፕ ደንዴዳዋ ሰ ሳይናን ሎይላ አማንሌደ፡ ባረና ኡንቱንታ በሴዳ።

4 ኡንቱንቱና እትፕ ደእደ፡ ኡንቱንታ ሀዋዳን ያጊደ አዛዜዳ፤ “የሩሳላሙፕ ከሶፕተ፤ ሽን ህንተንቱ ታፕ ሰሴዳ ታ አቡ ህንተንቶ እማና ጊደ ሀድቲዳዋ ናግተ።

5 እያዉ ጎፕ፡ ዮሃንስ ሃላን ጸማቄዳ፤ ሽን ጉላ ዋድያፕ ጉይያን፡ ጌሻ አያናን ህንተንቱ ጸማቀታንታ” ያጊደ።

የሱስ ሳሎዋ ቤዳ (ማር. 16:19-20፤ ሉቃስ 24:50-53)

6 የሱስ ኪቴዳዋንቱ የሱሳና ጋክቲዳ ዋደ እ፡ “ሳዳዉ፡ ሀ ዋድያን እስራኤላቶ ካወተጎ ዛራኒ?” ያጊደ ኦቲድና።

7 የሱስ ከንቱንታ፡ “ታ አቡ ባረ ጎዳተላን ኬሬዳ አገናነ ዎድያ ሀንተንቱ ኤራናሳ ግደና።

8 ሸን ጌሻ አያናይ ሀንተንቱ ቦላ ዎድያ ዎደ፡ ዎልቃ ሀንተንቱ አካንታ፤ ያቲደ የሩሳላመንገ ለሁዳ ጋድያ ኡባን፡ ሳማርያንገ ጋድያ ጋጸ ኡባ ጋካናዉ ታዉ ማርካትያዋንታ ግዳንታ” ያጌዳ።

9 ሃዎ ጌዳዋጥ ጉይያን፡ ከንቱንቱ ጸልሸን፡ ቶቁ ቶቁ ጊደ፡ ሳሉዋ ቤና፡ ኤንቱንቱ አይፍያጥ ሻሪ እ ገንፌዳ።

10 የሱስ ቦላዉ ደንድያ ዎደ፡ ከንቱንቱ ሳሉዋ ጫድ ጸልሸን፡ ቦላ ማዩዋ ማዬዳ ላኡ አሳቱ ኤለካ ኤንቱንቱ ማታን ኤቁደ።

11 “ጋለላ አሳቶ፡ ሳሉዋ ጸሊደ፡ ሀንተንቱ አያዉ ኤቁድቱ? ሀ ሀንተንቱጥ ሳሉዋ ቤዳ የሱስ ሳሉዋ ብያዋ ሀንተንቱ በኤዳዋዳንካ፡ ሰሚደ ያናዋ” ያጌድና።

ይሁዳ ኮታ ማትያስ ደረቲዳ (ማቶሳ 27:3-10)

12 ሃዎጥ ጉይያን፡ የሱስ ኪቴዳዋንቱ ደብረ ዛይተ ጌተትያ ዎጋራ ሞላ ደርያጥ የሩሳላመ ሰሜድና። ዎጋራ ሞላ ደሪ የሩሳላመጥ እት ኪሎ ሞትርያ ኬና።

13 የሱስ ኪቴዳዋንቱ የሩሳላመ ገሊደ፡ ባረንቱ ደእያ ሳእ ቶቃ ፑደ ከሴድና፤ ያ ከሴዳዋንቱ ሱንሳይ ጸጽርሳ፡ ዮሃንሳ፡ ያቆባ፡ አንድራሳ፡ ፕልጸሳ፡ ቶማሳ፡ ባርታላሞሳ፡ ማቶሳ፡ አልፕሶሳ ናኣ ያቆሳ፡ ባረ ጋድያዉ ሴለትያ ተ ሰሞናን ያቆባ ናኣ ይሁዳ።

14 ሀዎንቱ ኡባቱ ማጫዎንቱና፡ የሱሳ ዳይ ማይራሞናን የሱሳ እሻቱዋና ኡባይ እት ዎዛና ግዲደ፡ ኡባ ዎደ እትጥተላን ዎሳዉ ሺቁና።

15 ሄ ዎደ፡ ጸጽርሰ ጸታን ላታማ ግድያ አማንያ አሳ ሺቁዋን እትጥ ደእያ ባረ እሻቱዋ ግድን ደንድ ኤቁደ፡ ሀዎዳን ያጌዳ፤

16 “ታናዳን አማንያዋንቶ፡ የሱሳ ኦይቁዳዋንታ ካለፌዳ ይሁዳባ ጌሻ አያናይ ካሰ ዳዋተ ደናን ኦዴዳ ጸሳ ማጸፋ ቃላይ ፖለታናዉ በሴ።

17 አያዉ ጎጥ፡ ይሁዳ አሰቆርቱ ኑናና ደኤ፤ ቃይ ኑናና እቱዋ ግድ

ገይደቲደ ኦሎቀ ባጋይ ደእና ማላ ደረቲዳ” ያጌዳ።

18 ይሁዳ አሰቆርቱ ባረ ኢታ ኦሎቀን ደሚዳ ሚሻን ጋድያ ሻሚዳ፤ ሰንሳዉ ጉፋኒደ ኩንድና፡ እ ኡሉ ግዲዋጥ ዳከቲዳ፤ አ ማራጫ ኡባይካ ካረዉ ጸልጸት ከሰ አጌዳ።

19 ይሁዳ ቦላ ሀይዳዋ የሩሳላመን ደእያ አሳይ ኡባይ ሰሴዳ፤ ሃዎ ድራዉ፡ ሄ ጋድያ ባረንቱ ቃላን አከልዳማ ጊደ ሱንፌድና፤ ሃዎ ብለላይ ሱላ ጋድያ ገያዎ።

20 ጸጽርሰ ኦዲደ፡ አያዉ ጎጥ፡ ማዝሙርያ ማጸፋን፡ አ ጎሊ መላ አቶ፤ አንገ ሃዎን ደኦፖ

ቃይ አ ሱንሳተላካ ሀራይ ኦኮ ጌተቲደ ጸፈቲዳ።

21-22 ሃዎ ድራዉ፡ እት አሳይ ጎዳ የሱሳ ደንዳዋ ማርካታናዉ፡ ኑናና ጋከታናዉ በሴ፤ ዮሃንስ ጸማቁዳ ዎድያጥ ደሚደ፡ የሱስ ኑጥ ሳሉዋ ቤዳ ዎዲ ጋካናዉ፡ ጎዳ የሱስ ኑናና ሀመቲዳ ዎድያ ኡባን እ ኑናና ደእያዎንቱጥ እቱዋ ግድ ሱንታናዉ በሴ።

23 ሃዎጥ ጉዮ አማንያ አሳይ ደር ዮስጸሳ ግያ ባርሳባ ጌተትያ ዮሴፎን ማትያሳ ላኡዋ ኤሴድና።

24-25 ሃዎጥ ጉይያን፡ ጸሳ ዎሲደ፡ “ኡባ ዎዛና ኤርያ ጎዳዉ፡ ይሁዳ አሰቆርቱ ባረሳ ባናዉ የጊደ ቤዳ ኦሎቀን የሱስ ኪቴዳ ኦሎቀ ሀዳራ አካናዳን፡ ሀ ላኡ አሳቱዋጥ እቱዋ ኔን ደራዳዎ ኑና በሳ” ያጌድና።

26 ከንቱንቱን ሳማ የጌድና፤ ሳማይ ማትያሳ ቦላን ዎድና፡ ማትያሰ የሱስ ኪቴዳ ታማነ እት ኪተታዋንቱና ገይደቲዳ።

## 2

የሱሳ ካልያዋንቱ ቦላ ጌሻ አያና ዎ

1 ጸንጸቆስተ\* ግያ ጋላሳይ ጋኬዳ ዎደ፡ አማንያዋንቱ ኡባቱ እትጥ ግዲደ፡ እትሳ ሺቁ ደእሸን፡

† 1:13 ባረ ጋድያዉ ሴለትያ- ሀ ሱንሳይ ካላጥ ርመ አሳና ኤቀቲደ ኦለቲዳ አይሁደ አሳዉ እመቲዳዎ።  
1:20 ማዝ. 69:25፤ 109:8 \* 2:1 ጸንጸቆስተ- አይሁድያ አሳይ ፓሰባ ባላ ቦንቾደጥ እሻታው ጋላሳይ እፅ ሰሞና ቦንቾትያ ዛርጋ ቆይቻ ባላ ጌተትያዎ። 2:1 ዎጋ 23:15-21፤ ዛረ. 16:9-11



2 ወልቃማ ጎቱዋዳን ጉምያ ጉንጎይ ዋዛና አገርን ሳሉዋጥ ዪደ፣ ኢንቲንቱ ኡቴዳ ጎልያ ኡባ ኩሜዳ።

3 ቃይ ታማ ላጩዋዳን ፖዳግያዌ ኢንቲንቱ ቤቲደ፣ ሻከት ሻከት፣ ኢንቲንቱ ኡባ ቦላ ዋዴዳ።

4 ኢንቲንቱ ኡባን ጌሻ አያናይ ኩሚደ፣ ዲማ ዲማ ቃላን ሃሳያና ማላ፣ ኢንቲንታ ዳንዳይሰና፣ ሃሳያ ደሜድኖ።

5 ሳኣን ደእያ አሳ ዘረላ ኡባጥ ዪደ፣ ጸሳው ያይያ እትጥ ደእያ አይሁዳቱ የሩሳላሙን ደእኖ።

6 ሀ ጉንጎ ሰሴዳ ዋደ፣ አሳይ ኡባይ ሺቄዳ፤ ኢንቲንቱ ባረንቱ ቃላን ቃላን ሃሳይሸን ሰሴዳ ድራው፣ ግያዋ ቆዬድኖ።

7 አሳይ ኡባይ ማላለቲደነ ሀዌ ኦራላባ ጊደ፣ “በእት፤ ሀ ሃሳይያዋንቱ ኡባቱ ጋለላ አሳቱዋ ግድክኖ?”

8 ያትና፣ ኑን ኑ የለቲዳ ጋይ ቃላን ኢንቲንቱ ሃሳይሸን ዋኒደ ሰሴቶ?

9 ኑን ጸርተ አሳቱ፣ ሜዳነ አሳቱ፣ ኤላሜጸ አሳቱ፣ ላኡ ሻፋቱዋጥ ግዲዋን ደእያዋንቱ፣ ይሁዳን፣ ቃጳደቅያን፣ ጸንጸሳን፣ ኢሰያን፣

10-11 ፕርግያን፣ ጵንፍልያን፣ ግብጾን፣ ቀሪና ባጋን ደእያ ሊብያ ዋራዳቱዋን ደእያዋንቱ፣ ሮመጥ ዬዳ እማሳቱ፣ አይሁዳቱ፣ አይሁዳተላው ላሙቲዳ ኑጥ አማራዳዋንቱ፣ ቃርጾስ አሳቱ፣ አራብያ አሳቱ፣ ጸሳይ ኦሌዳ ዋልቃማ ኦሱዋ ኑ ቃላን ኢንቲንቱ ሃሳይሸን ሰሴዳ። ያጌድኖ።

12 ኡባይካ ማላለቲደ፣ የዉ ባረንቶ ገለናን እጽና ባረንቱ ግድን፣ “ላ ሀዌ ዋግያዌ?” ያጌድኖ።

13 ሸን ሀራ አሳቱ አማንያዋንቱ ቦላን ቅለጪደ፣ “ሀዋንቱ ኡሺደ ማላቲድኖ” ያጌድኖ።

ጸጽሮሳ ሃሳያ

14 ሸን ጸጽሮሰ፣ የሱሰ ከቴዳ ሀራ ታማነ እት ከተቶዋንቱና ደንድ ኤቂደ፣ ባረ ኮሻ ቶቁ ኦሊደ፣ ኢንቲንቶ ሀዋዳን ያግ ኦዴዳ፤ “አይሁዳቶ፣ ቃይ የሩሳላሙን ደእያ ኡባቶ፣ ታን ኦድያዋ ሰሰተ። ሀዌ ሀንተንቶ ኤረቶ፤ ሀንተንቱ ቆጥያዋዳን፣ ሀዋንቱ ማላትባይክኖ።

15 አያዉ ጎጥ፣ ዋንታጥ ብር ሄዙ ሳተ ግዴ።

16 ሸን ሀዌ ናብያ ኢዩኤል ሃሳይዳዋ።

17 “እ ሃሳይደ፣ ጽሳይ ሀዋዳን ያጌዳ፤

ዋድያ ዉርሰላን ሀዋዳን ሀናናዋ። ታን አሳ ኡባ ቦላን ታ አያና ጉሳና።

ሀንተንቱ አቱማ ናናይነ ሀንተንቱ ማጫ ናናይ

ትምቢትያ ኦዳናዋንታ። ሀንተንቱ ዋዳላ ናናይካ ሳፃ

በአናዋንታ፤ ሀንተንቱ ጭማቱካ እኩሙዋ እኩሙታናዋንታ።

18 ሄ ጋሳሳቱን ታ አቱማ ቆማቱዋ ቦላንነ

ታ ማጫ ቆማቱዋ ቦላን ታን ታ አያና ጉሳና።

ሄዋጥ ጉየ ኢንቲንቱ ትምቢትያ ኦዳናዋንታ።

19 ቃይ ታን ቦላ ሳሉዋን ኦራላባ፣ ጋርሳ ሳንካ ማላታ በሳና።

ሱላይ፣ ታማይነ ሻርያዳን፣ ካሜዳ ጨዋይ ደእኖ።

20 ዋልቃማን ቦንቾ ግዴዳ ጎዳ ጋሳሳይ፣

ጋካናጥ ካስ አዋይ ቆማና፤ አገናይካ ሱላ ማላታና።

21 ሄ ዋደ ሀዋዳን ሀናናዋ፤ ጎዳ ሱንላ ጾሰያ ኦንነ አታና’ ያጌዳ።

22 “እስራኤልያ አሳቶ፣ ሀ ቃላ ሰሰተ፤ ናዝሬትያ የሱሰ ሀንተንቱ ግድን ጸሳይ ባረናን ኦሌዳ ዋልቃማ ኦሱዋን፣ ኦራላባንነ ማላታን ሀንተንቶ ቋሽሴዳ አሳ፤ ሄዋ ሀንተንቱካ ኤሪታ።

23 የሱሰ ሀንተንቶ እመታና ማላ፣ ጸሳይ ካስ ባረ ሸንያንነ ባረ ኤራን ባረ ቆፋ ቃቾ ዋሌዳ፤ ያትና፣ አ ሀንተንቱ ናጋራንቻቱዋ ኩሸያን ማሰቃልያ ቦላ ምሰማርያን ቋሽሴዳ፣ ካቅሰ ዋድሴድታ።

24 ሸን ሀይቁ የሱሳ ኦይቃናዉ ዳንዳይቤና ድራው፣ ጸሳይ ሀይቁዋ ሴላ አጥ ቆይሴደ፣ አ ደንሌዳ።

25 አያዉ ጎጥ፣ ዳዊተ የሱሳባ ሀዋዳን ያጌዳ፤

“ ታን መቶተናዳን፣ ጎዳይ ታ ኡሸቻን ደእያ ድራው፣ ታን ኡባ ዋደ ጎዳ ታ ማታን በአይ።

26 ሄዋ ድራው፣ ታ ዋዛናይ ናሽቲዳ፤ ታ እንጸርሳንካ ናሽቻይ ኩሜዳ።

ቃይ ታ ቦላይካ ሎኦ ደእና ገደ።  
ናሸቻን ናጌ።

27 እያዉ ጎጥ፣ ታ ሸምጥጥ፣  
ሰኦልያን አገካ።

ቃይ ነ ጌሻ ናኦ አሃካ ዎቀላካ።  
28 ኔን ታና ደኡቀ ኦግያ ኤርሳዳ።

ኔን ታናና ደእያዋን፣  
ታን ዳሪ ናሸታይ፣

ያጌዳ።  
29 “እሻቶ፣ ኑ አዎቱዎ ካጥዎ  
ዳዊተባ ታን ህንተንቶ ጌሻይ አደናዉ  
በሴ፤ ዳዊተ ሀይቂደ ሞገቱዳ፤ አ ዱፋ  
ሀቼ ጋካናዉካ ኑ ማታን ደኤ።

30 ዳዊተ ናብያ ግዳዳ ድራዉን  
ጸሳይ አ ናና ዘርሳጥ እቱዎ አ ካዉተላ  
ኦይድያን ኡትሳናዉ እዉ ጫቄዳዎ  
ኤራዳ ድራዉ።

31 ክርሰቶሳ ደንዲዎ ሰንላዉ  
ጸሊደ፣ ኦኦ ሸምጥ ሰኦልያን አትቤና፤  
አ ቦላይካ ዎቁቤና፣ ገደ ኦዳዳ።

32 “ጸሳይ የሱሳ ሀይቁዋጥ  
ደንሌዳዎ ኑን ኡባይ ማርካ።

33 ሄዎ ድራዉ፣ ጸሳይ ባረጥ ኡሸቻ  
ባጋን † አ ጾቁ ጾቁ ኦሊደ፣ እዉ  
ጌሻ እያና አማና ጌዳዎዳን፣ ጌሻ እያና  
አኪደ፣ ሀዋ ህንተንቱ ሀእ በእያዋን  
ሰሰያዎ ኑ ቦላ ጉሴዳ።

34-35 “እያዉ ጎጥ፣ ዳዊተ ባረ  
ሁጳዉ ሳሉዎ ከሰቤና፤ ሸን ያጌዳ፤  
“ ሳዳይ ታ ጎዳ፤ “ታን ነ ሞርከቱዎ፣  
ኔን ገድያን የጳ ኤቁያዎ ኦላና  
ጋካናዉ

ሀዋን ታጥ ኡሸቻ ባጋና ኡታ”  
ጌዳ፣

ያጌዳ።

36 “ሄዎ ድራዉ፣ ጸሳይ ማስቃልያ  
ቦላ ሞሰማርያን ሀ ህንተንቱ ድሺደ  
ካቄዳ የሱሳ ጎዳን ክርሰቶሳ ኦሌዳዎ  
እስራኤልያ አሳ ዘርሳይ ኡባይ ቱሙጥ  
ኤር” ያጌዳ።

37 አሳይ ጳጵሮስ ጌዳዎ ሰሴዳ  
ዎደ፣ አሳዉ ዎዛናይ ዳርጥ ቦሸትና፣  
ጳጵሮሳን የሱሰ ኪቴዳ ሀራቱዎ፣ “ኑ  
እሻቶ፣ ያትና ኑን እያ ኡዳኔ?”  
ያጌድኖ።

38 ጳጵሮስ ኡንቱንታ፣ “ህንተንቱ  
ናጋራይ አቶ ጌተታና ማላ፣ ናጋራጥ  
ሰሚደ፣ ህንተንቱ ሁጲያን ሁጲያን  
የሱሰ ክርሰቶሳ ሱንላን ጸማቀትተ።  
ጸሳይ እምያ ጌሻ እያና ህንተንቱ  
አካና።

39 እያዉ ጎጥ፣ ጸሳይ አማና  
ጌዳ ቃላይ ህንተንቱሳ፣ ህንተንቱ  
ናናቱዋሳን ጎዳይ ኑ ጸሳይ ባረኮ ጸሰያ  
ሃኩዋን ደእያዋንቱ ኡባሳ” ያጌዳ።

40 ጳጵሮስ ኡንቱንቶ ቃላ ሀራካ  
ጉጅ ማርካቲደ፣ “ሀ ዎድያ ጌላ አሳጥ  
ህንተንቱ ሁጲያ አሸተ” ያጌደ ዘራዳ።

41 ጳጵሮስ ኦዳዳዎ እኬዳዋንቱ  
ጸማቀቱድኖ፤ ሄ ጋላሰ ሄዙ ሻአ ግድያ  
አሳይ አማኔድኖ።

42 ኡንቱንቱ የሱሰ ኪቴዳዋንቱ  
ትምርትያን፣ እትጥተላን ኡክላ መንላ  
ምያዋንን ጸሳ ዋሳን ገንጨኖ።

አማንያ አሳይ እሻተላንን  
እትጥተላን ደእያ ደኡዎ

43 የሱሰ ኪቴዳዋንቱ ኩሸያን ዳር  
ኦራላባይን ማላታቱ ኦሰትና፣ አሳ ኡባ  
ያሻይ ኦይቄዳ።

44 አማኔዳ ኡባቱ እትጥ ደእኖ፤  
ቃይ ባረንቶ ደእያባ ኡባካ እትጥ ሻክ  
ኡኬድኖ።

45 ኡንቱንቱ ባረንቱ ጋድያን ባረንቶ  
ደእያባ ዛልእ ዛልኢደ፣ ኦናን ኮሼዳ  
ኬና ሚሻ ኡባዉ ሻኬድኖ።

46 ቃይ ኡባ ጋላሰ፣ እት ዎዛና  
ግዲደ፣ ጌሻ ጎልያን ፓጨናን ጋከቲደ፣  
ባረንቱ ጎላ ጎላ ጸሰቲደ ናሸቻንን  
ፓሸካ ዎዛናን ቁማ ሚኖ።

47 ጸሳ ጋላቲደ፣ አሳ ኡባን  
ሳበቱድኖ። ቃይ ጎዳይ አማን  
አትያዋንታ ጋላሰ ጋላሰካ ኡንቱንቱ  
ቦላ ጉጅ።

### 3

እት ዋባ ብታኒ ፓጾዳ

1 እት ጋላሰ፣ ጳጵሮስን የሃንሰ ጸሳ  
ዋሳናዉ ኡዱጥ ሳትያን ጌሻ ጎልያ  
ቤድኖ።

2 የለቶደጥ ደሚደ፣ ጉንዳ ግዲደ  
ደእያ እት ብታኒ ጌሻ ጎልያ ጎልያ አሳጥ  
ሚሻ ዋሳናዉ፣ ኡባ ጋላሰ ዳሪ ሎኦ  
ግያ ጌሻ ጎልያ ጥንግያን አሳይ አፊደ  
ዎሰያዌ ደኤ።

3 ሄ ዋባ ብታኒ፣ ጳጵሮስን የሃንሰ  
ጌሻ ጎልያ ገላና ሀንሸን በኢደ፣ ሚሻ  
ኡንቱንታ ዋሴዳ።

4 ጳጵሮስ የሃንሳና አ ጫድ  
ጸሊደ፣ “ኑኮ ሃ ጾላ” ያጌዳ።

2:30 ማዝ. 132:11፤ 2 ሳሜላ 7:12-13 † 2:33 ኡሸቻ ባጋ፡- ጉሳይ ቦንቱዋን ዎልቃ በሰያ ሳኦ። 2:34-35 ማዝ. 110:1

5 ዋባ ብታኒ ኡንቱንቱፕ እትባ ኦሳናዉ ኮዪደ፡ ኡንቱንቱኮ ጸሌዳ።

6 ሸን ጸጽሮስ ኦ፡ “ታወ ሚሻይ ባዋ፤ ሸን ታወ ደእያባ ታን ነወ እማና፤ ናዝራትያ የሱስ ክርስቶሳ ሱንግላን ደንዳደ ሀመታ” ያጌዳ።

7 ያቲደ፡ ዋባ ብታንያ ባረ ኡሸቻ ኩሸያን ኦይቂደ፡ ፑደ ደንጤዳ፤ ኤላካ ኦ ገዲነ ሚሸ መቀላይ ምን እጌዳ።

8 ብታኒ ፑደ ጉፒደ፡ ደንድ ኤቁዳ፤ ያነ ሃነ ሀመታ ደሚዳ። ሄዋፕ ጉይያን ሀመቲደ፡ ጉፒድነ ጸሳ ጋላቲደ፡ ኡንቱንቱና እትፕ ጌሻ ጎልያ ገሌዳ።

9 እ ሀመትሸናን ጸሳ ጋላትሸን፡ ኦሳይ ኡባይ ኦ በኤዳ።

10 ያቲደ፡ ሚሻ ዋሳናዉ ዳሪ ሎኦ ግያ ጌሻ ጎልያ ፐንግያን ኡቲዳዌ ኦ ግዴዳዋ እኬኬድና፤ እ ሀኔዳዋ በኢደ ማላለቲድና።

ጸጽሮስ ጌሻ ጎልያን ሃሳዬዳ ሃሳያ

11 ብታኒ ጸጽሮሳነ የሃንሳ ኦይቂ ኡቲዳ ዋደ፡ ኦሳይ ኡባይ ማላለቲደ፡ ሶሎሞነ ባራንዳ \* ግያ ሳን እትፕ ኡንቱንቱኮ ዋጼድና።

12 ጸጽሮስ ኦሳ በኤዳ ዋደ ኡንቱንቱ ያጌዳ፤ “እስራኤልያ ኦሳቶ፡ እያወ ሀዋ ማላለቲቱ? ዋይ እያወ ኑና ጫድ ጸሌቲቱ? ኑን ኑ ዋልቃን ዋይ ጸሳ ማላትያዋን ሀ ብታንያ ሀመጤዳዋ ሀንተንቶ ማላቲ?

13 ኦብራሃሞ ጸሳይ፡ ይሳቃ ጸሳይ፡ ያቆባ ጸሳይ፡ ኑ እዎቲዋ ጸሳይ፡ ሀንተንቱ ኦሳ እማዳዋ ጽላጸስ ብላናዉ ቆፕ ኡቲዳ ዋደ፡ ሀንተንቱ ኦ ሰንግላን፡ ኡን ኦ ኤርኮ፡ ጌዳ ባረ ናኦ የሱሳ ቦንቼዳ።

14 ሸን ሀንተንቱ ጌሻነ ጽሉዋ፡ ኡን ኦ ኤርኮ፡ ጊደ፡ ሸምቸዋ ዋጼዳዋ ኦ ድራ ሀንተንቶ ብላናዉ ጽላጸሳ ዋሴድታ።

15 ደኡዋ እምያዋ ሀንተንቱ ዋጼድታ፤ ሸን ጸሳይ ሀይቁዋፕ ኦ ደንጤዳዋ ኑን ማርካ።

16 ሀ ዋባ ብታንያ የሱሳ ሱንግላ ዋልቃይ ምንሴዳ፤ ሀንተንቱ በእያዌነ ኤርያዌካ እ ኦ ሱንግላን እማንያዋን ኦሰቲዳ፤ ሀ ሀንተንቱ ኡባ ሰንግላን ኦ ሀዋዳን ሎይጤዳዋ፡ የሱሳ እ እማንያዋ።

17 “ሀእካ ታናዳን እማንያዋንቶ፡ ሀንተንቱካ ሀንተንታ ካልያዋንቱዳን፡ ኤረናን ኦጤዳዋ ታን ኤራይ።

18 ሸን ጸሳይ በን፡ ናባቲዋ ኡባቲዋ ደናን፡ ‘ክርስቶስ ዋየታና በሴ’ ያጊደ ኦዴዳ፤ ባረ ኦዴዳዋካ ሄዋዳን ፖሌዳ።

19-20 ሰም ጸሳይ ሀንተንቱ ናጋራ ማራናዳን፡ ጎዳ ማታፕ እያና ምናተላ ዋዲ ሀንተንቶ ያናዳንነ ጸሳይ የሱስ ክርስቶሳ ካስ ሀንተንቶ ኦይቶዋዳን የዳናዳን፡ ሀንተንቱ ናጋራ ፓጺደ ጸሳኮ ሰምተ።

21 ጸሳይ ጌሻ ግዴዳ ባረ ናባቲዋ ደናን በንፕ ደሚደ ሃሳዬዳዋዳን፡ ኡባባይ ኦራጽያ ዋዲ ጋካናዉ፡ የሱስ ሳሉዋን ጋምኦናዉ በሴ።

22 ሙሴ፡ ‘ሳዳይ ጸሳይ፡ ሀንተንቱ ዛርያ ግደፕ ሀንተንቶ ታናዳን ናብያ ደንሳና፤ ሀንተንቱ ኦ ግያዋ ኡባ ሰስተ።

23 ሄ ናቢ ኦድያዋ ሰስና ኦሳይ ኦንነ ኦሳ ግደፕ ሻከት ጳዮ’ ያጌዳ።

24 “ቃይ ሳሚላፕ ደሚደ፡ ኦፕ ካላ ደንዴዳ ናባቲ ኡባቲ፡ ሀ ዋድያባ ኦዴድና።

25 ሀንተንቱ ናባቲዋ ናና፤ ቃይ ጸሳይ ኦብራሃሞ፡ ‘ሳኦን ደእያ ኦሳ ኡባ ታን ነ ዘረላ ባጋና ኦንጅና’ ያጊደ ኑ ኦዎቲዋና ጫቂዳ ጫቁዋ ላትያ ናና።

26 ጸሳይ ሀንተንታ ኡባቲዋ ሀንተንቱ ኦታ ኦሰዋፕ ዛሪደ ኦንጅና ማላ፡ ባረ ቆማ ተ ደንጤዳ፡ ሀንተንቶ ኮይሮ የዴዳ” ያጌዳ።

### 4

ጸጽሮስነ የሃንሰ ኦይሁዳቲዋ ሻንጋቲዋ ሰንግላ ሸቂድና

1 ጸጽሮስነ የሃንሰ ኦሳዉ ኦድሸን፡ ቁሳቲዋ ካፓቲ፡ ጌሻ ጎልያ ዋታዳራቲዋ እዛዘያዌነ ሳዲቃዋናቲ።

2 ኡንቱንቱ ኦሳ ታማርሰያ ድራዉነ ሀራ ኦሳቲ ሀይቁዋፕ ደንዳናዋ ማርካ ግዳና ማላ፡ የሱስ ሀይቁዋፕ ደንዴዳዋ ኦዴዳ ድራዉ፡ ዳሪ ይሎቲደ፡ ኡንቱንቱኮ ዬድና።

3 ኡንቱንታ ኦይቂደ፡ ሳኦይ ኦማርሰድጎ ድራዉ ዋንታናዉ ቃሻ ጎላ ገልሴድና።

\* 3:11 ሶሎሞነ ባራንዳ- ጌሻ ጎልያ እዋይ ዳልያ ሰንግላ ባጋና ጮራ ኦሳይ ሸቆያ እዲሳነ እኮ ሳኦ።  
3:22 ዛረ. 18:15፣ 18 3:23 ዛረ. 18:19 3:25 ደመላ 22:18 † 3:26 ቆማ- ጸሳ ኦወዋን ደረቲዳ ናኦ።

4 ሽን ቃላ ሰሴዳዋንቱ፣ ጮራቱ አማኔድኛ፤ አቱማ አሳ ፓይዱ እቼሹ ሻእ ኬና ግዴዳ።

5-6 ዋንተላ ጋላሰ፡ ኢንቱንታ ሞድያዋንቱ፡ አይሁዳ አሳ ጭማቱ፡ ሙሴ ህግያ ታማርሰያዋንቱ፡ ቁሳቱዋ ኡባቱዋ ካፓቱ ሃን፡ ቃያፍ፡ ዮሃንስ እስክንድርን ቁሳቱዋ ኡባቱዋ ካፓቱዋ ዳባቱ ኡባይ የሩሳላሙን ሸቆድኛ።

7 የሱስ ኪቴዳዋንታ ባረንቱ ግዴዋን ኤሲደ፡ “አያ ዋልቃን ዋይ ኦ ሱንላን ሀዋ ህንተንቱ ኦፊድቱ?” ያጊደ እቼድኛ።

8 ሄ ዋይ ጳጳርሰ ባረናን ጊሻ አያናይ ኩሞና፡ ኢንቱንታ ሀዋዳን ያጊዳ፤ “አሳ ካለልያዋንቶ፡ አይሁዳ አሳ ጭማቶ፡

9 ሀቼ ሀ ሀርጋንቻ ብታንያዉ ኦስቲዳ ሎኦ ኦሱዋባን እ ዋን ፓዴደንቶ፡ ህንተንቱ ኦና ሸፕ።

10 ማሰቃልያ ቦላ ሞሰማርያን ህንተንቱ ድሹደ ካቁና፡ ጳሳይ ሀይቁዋ፣ ደንጤዳ ናዘሬትያ የሱስ ክርሰቶሳ ሱንላን ሀ ብታኒ ፓዲደ፡ ህንተንቱ ሰንላን ኤቁዳዌ ህንተንቱ ኡባዉን እስራኤልያ አሳ ኡባዉ ኤረቶ።

11 ጎልያ ኬጽያዋንቱ ህንተንቱ ካጂደ እጹዳ ቱሳይ ጎልያ ኡባ ቶክያ ኮሽያ ቱሳ ግዴዳ።

12 አሳይ አቶተላ የሱሳ ባጋና ደማና፣ አትን፡ ሀራ ኦ ባጋናን ደመና፤ ኑን ኦ ሱንላን ኦላናዉ በሴ፤ አያዉ ጎፕ፡ ጳሳይ ሳሉዋ፣ ጋርሳን አሳዉ እማዳ ሀራ ሱንላይ ባዋ” ያጊዳ።

13 ሸቆዋ አሳይ ጳጳርሰን ዮሃንስ ጸሌዳ ጸላ በኤዳ ዋይ፡ ኢንቱንቱ ታማርቤና ጮ አሳ ግዴዳዋ እኬኪደ ማላለቲድኛ፤ ኢንቱንቱ የሱሳና ደእያዋካ ኤሬድኛ።

14 ቃይ ፓጾዳ ብታኒ ጳጳርሳናን ዮሃንሳና ኤቁዳዋ አሳይ በኢደ፡ ግያዋ ጳዴድኛ።

15 ሽን ጳጳርሰን ዮሃንስ ሸቆዋ፣ ካረ ከሳና ማላ አሳይ አዛዚደ፡ ባረ ግድን ዘረቲደ፡

16 “ሀ አሳቱዋ አያ ኡዳኔ? አያዉ ጎፕ፡ ኢንቱንቱ ኮሽያን ኦስቲዳ ዋልቃማ ማላታቱ የሩሳላሙን ደእያ ኡባዉ ቤቱዳ። ኑን ሄዋ ኤርኮ ጋናዉ ዳንዳዮኮ።

17 ሽን የዉ አሳዉ ላለተና ማላ፡ ሀዋ፣ ሰንላዉ ሀ አሳቱ የሱሳ ሱንላ

ኦስን ኦደናደን፡ ሞንሲደ ኢንቱንታ፡ ‘ህንተና ኤርተ’ ጎይተ” ያጊድኛ።

18 ኢንቱንቱ ጸሲደ፡ የሱሳ ሱንላ ሙሉካ ደን፣ ሩዳንን አባ ታማርሰናዳን አዛዜድኛ።

19 ሽን ጳጳርሰን ዮሃንስ ዛሪደ፡ “ጳሳዉ ኤኖ ግያዋ እጊደ፡ ህንተንቶ ኤኖ ግያዌ ጳሳ ሰንላን ሎኤንቶን እን ህንተ ፕርድተ።

20 አያዉ ጎፕ፡ ኑን በኤዳባን ሰሴዳባ ኦደናን አጋናዉ ዳንዳዮኮ” ያጊደ ሸቆዳ አሳዉ ኦዴድኛ።

21 ሸቆዳ አሳይ ኢንቱንታ ሙራናዉ ጋሶትያባይ ጳይና፡ ላኤንጹዋ ዳርሰ ፓሉሙቲደ፡ ሀኔዳባዉ አሳይ ኡባይ ጳሳ ጋላትያ ድራዉ፡ ኢንቱንታ ብሊደ የዴድኛ።

22 ሄ ሀርግያ፣ ፓላያ ማላታቱ አዉ ኦስቲዳ ብታኒ የለቶደ፣ ላይላይ አዉ ኦይታሙዋ፣ ለዴዳ።

የሱስ ኪቴዳዋንቱ ሀራ አማንያ አሳቱ ጳዳማ ዋይ ዋሴዳ ዋሳ

23 ጳጳርሰን ዮሃንስ ብለቲደ፡ ባረንቱ ዳባቱዋኮ ቢደ፡ ቁሳቱዋ ካፓቱን አይሁዳ ጭማቱ ባረንታ ጌዳባ ኡባ ኢንቱንቶ ኦዴድኛ።

24 ኢንቱንቱ ሄዋ ሰሴዳ ዋይ፡ እት ዋዛና ግዲደ፡ ጳሳ ሀዋዳን ያጊደ ዋሴድኛ፤ “ኡባ ሞድያ ጎዳዉ፡ ሳሉዋ፡ ሳኦ፡ አባን ኢንቱንቱ ግድን ደእያ ኡባዉ ሙዴዳዋ፡

25 ኑን ነዉ ኦልያ ኑ አዉዋ ዳዊተ ደናን ጌሻ አያናን ሃሳያደ፡

“ ኣይሁዳ ግድና አሳይ አያዉ ይሎቲደ?

ቃይ አሳይ አያዉ ዳንበናባዉ ማቀቲደ?

26 ሳኦ ካታቱ ገቢቲድኛ፤ ጋድያ ሞድያዋንቱ ጎዳ ቦላንን እ ኦኬዳ ክርሰቶሳ ቦላ እት፣ ደንዴድኛ” ያጋደ ሃሳያዳ።

27 “አያዉ ጎፕ፡ ሄርድስን ጳንጸናውያ ጽላጸስ አይሁዳ ግድና አሳናን እስራኤልያ አሳና፡ ኑን ኦኬዳ ክርሰቶሳ ነ ጌሻ ናኦ የሱሳ ቦላ ደንዳናዉ፡ ሀ ካታማን ሸቆዳዌ ቱማ።

28 ቃይ ኑን ነ ዋልቃንን ነ ሽንያን ሀናና ጋደ ቆፓ ኡቲዳባ ኡባ ኦላናዉ ሸቆድኛ።

29 ሀእካ ጎዳዉ፡ ኢንቱንቱ ናሰያ ጸላ፤ ኑን ኔና ካልያዋንቱ፡ ነ ቃላ

ኩመንሳ ቆንጨተላን ኦዳናዳን፡ ኑና ዳንዳይሳ።

30 ፓሳናው ነ ዋልቃ በሳ፤ ቃይ ነ ጌሻ ናላ የሱሳ ሱንላን ኦራላባን ማላታ ኦሰሳ” ጊደ ዋሴድና።

31 ኡንቱንቱ ጸሳ ዋሴዳዋፕ ጉይያን፡ ሄ ኡንቱንቱ ሺቄዳሳይ ቃጾዳ። ኡንቱንቱ ኡባን ጌሻ ኣያናይ ኩሞና፡ ጸሳ ቃላ ቆንጨተላን ኦዳድና።

ኮይር አማኔዳ አሳቱዋ እትተላ ደኡዋ

32 አማንያዋንቱ ኡባቱ ቆፋንነ ዋዛናን እቱዋ ግዴድና። ኡንቱንቱ መሂ ኡባይ እትተ ደእያዋፕ እትን፡ ባረው ደኤዳባ ኦንነ ባረንቱባ ግቤና።

33 የሱሰ ኪቴዳዋንቱ ጎዳ የሱሰ ሀይቁዋፕ ደንዴዳዋ ዋልቃማ ዋልቃን ማርካቲና፤ ቃይ ጸሳይ ኡንቱንቶ ኡባው አጾ ኬካተላ ዳርሲደ እሜዳ።

34 አማንያዋንቱ ግደን መቶታንቻይ እቱን ባዋ፤ አያው ጎፕ፡ ቢታይ ዋይ ጎሊ ደእያዋንቱ ኡባቱ ዛልኢደ፡ አኬዳ ሚሻ አሂደ።

35 የሱሰ ኪቴዳዋንቶ አሚና፤ ሄ ሚሻይ አሳው ኮሽያዋዳን ሻከት፡ ሀ-ጲያን ሀ-ጲያን እመቲ።

36 ቆጶሮሳ ጌተትያ ሳን የለቲዳ ዮሴፎ ግያ ሌዌያ ዛሪ እቱ ደኤ፤ ኦ ሱንላ የሱሰ ኪቴዳዋንቱ ባርናባሳ ጌድና። ሄዋ ብለላይ “መንግሥት ናኦ” ግያዋ።

37 ባርናባሰ ባረው ደእያ ጋድያ ዛልኤዳ ሚሻ አሂደ፡ የሱሰ ኪቴዳዋንቶ እሜዳ።

5

ሀርንያን አ ማቻት ሳጺር

1 እት ሀርንያ ጌተትያ ብታኒ ባረ ማቻት ሳጺርና ጋድያ ዛልኤዳ።

2 ሄ ዛልኤዳ ሚሻፕ ባረ ማቻታ ኤርሸን እሺደ፡ አቶዋ የሱሰ ኪቴዳዋንቶ እሜዳ።

3 ሸን ጳጵሮስ ሀርንያ፡ “ኔን ጌሻ ኣያና ጭማደ ነ ጋድያ ዛልኤዳ ሚሻፕ ሻካ አሻና ማላ፡ ጸላሂ ነ ዋዛናን አያው ገሌዴ?

4 ኔን ዛልአናፕ ካሰ ጋዲ ነዋ ግደኔ? ቃይ ኔን ዛልአ ሰሞናካ ሚሻይ ኔሳ ግደኔ? ያትና፡ ሀዋ ማላባ ኦሳናው አያው ነ ዋዛናን ቆፓዲ?

ኔን ጸሳው ዋርዶቶዋፕ እትን፡ አሳው ዋርዶታባይካ” ያጌዳ።

5 ሀርኒ ሄ ቃላ ሰሴዳ ኤለካ ኩንዲደ ሀይቁ አጌዳ፤ ሄዋ ሰሴዳ ኡባይ ዳር ያዬዳ።

6 ዋዳላ አሳቱ ሶይ ገሊደ፡ አ አሃ ጸጺደ፡ ካረው ከሰ አ ሞጌድና።

7 ሄዙ ሳት ግደዋፕ ጉይያን፡ ሀርንያ ማቻታ ሄዋ ኤረናን ደኣደ ገላዲ።

8 ጳጵሮስ እዞ፡ “ሀንተንቱ ጋድያ ሀን ኬና ሚሻን ዛልኤድቲ? አነ ታው ኦዳ” ያጌዳ።

እዞ፡ “ኤ ሀን ኬና ሚሻን ዛልኤደ” ያጋዲ።

9 ጳጵሮስ ሞሽራቶ፡ “ኔን ነ አሰናይ ጎዳ ኣያና ፓጫናው አያው ዘረቲድቲ? በእ፤ ነ አሰና ሞጌዳ አሳቱ ካረን ደኣና፤ ነ አሃካ ኡንቱንቱ ካረ ከሳና” ያጌዳ።

10 ሞሽራታ ሄ ማንአያን ጳጵሮሳ ገድያ ማታን ኩንዲደ ሀይቃ አጋዳ፤ ዋዳላ አሳቱ ገልያ ዋደ ሀይቁዳውና ደሚደ፡ ካረ ከሴዳዋፕ ጉዮ፡ እዞ አሰና ዲፋዋ ማታን ሞጌድና።

11 አማንያ አሳ ኡባይን ሄዋ ሰሴዳ ሀራ አሳይ ኡባይ ዳር ያዬዳ።

የሱሰ ኪቴዳዋንቱ ኩሽያን ኦሰቲዳ ኦራላባቱዋን ማላልሰያዋንታ

12 የሱሰ ኪቴዳዋንቱ ዳር ማላታን ኦራላባ አሳ ግደን ኦሊና፤ አማንያ ኡባቱ ሶሎሞን ባራንደን እትተ ሺቄና።

13 ሀራ አሳፕ ኡንቱንቱና ጋከታናው ሀራይ አቶ እቱን ጸልቤና፤ ሸን አሳይ ኡንቱንታ ቦንቹ።

14 አማንያ እቱማ አሳይን ማጫ አሳይ ካሰዋፕ ጮራይ ጎዳው ጉጀቲ።

15 ሄዋ ድራው፡ አሳይ ሀርጋንቻቱዋ ሻንቻማንነ ሳሌናን ቀር ቶኪደ፡ ጳጵሮስ ሄዋና አድያ ዋደ ሀራይ አቶ፡ አው ኩዌንቶን ኡንቱንቱፕ እቱዋ እቱዋ ቦላና አፋና ማላ፡ ካታማ ኦግያ ዶና ከሲደ ዋጴ።

16 ቃይ ጮራ አሳይ የሩሳላመ ማታን ደእያ ካታማቱዋፕ ሀርጋንቻቱዋን ኢታ አያናን ኦይቀቲዳ አሳቱዋ አክ ዬድና፤ ኡባቱካ ፓጾድና።

የሱሰ ኪቴዳዋንቱ ቦላ የደሳይ ደንዴዳ

17 ሄዋፕ ሰሞና ቄሳቱዋ ካፑን አናና ደእያ ሳዲቃዋናቱ ኡባቱ የሱሰ ኪቴዳዋንታ ዳር ቃናቲደ፡ ኡንቱንቱ ቦላ ደንዴድና።

18 ቃይ የሱስ ኪቴዳዋንታ ኦይቂደ፡ ኡባ አሳ ቃቻያ ጎልያን የጌድኖ።

19 ሸን ጎዳ ኪታንቻይ ቃማ ቃሾ ጎለ ፕንግያ ደደደ፡ የሱስ ኪቴዳዋንታ ካረ ከሲደ።

20 “ህንተንቱ ቢደ፡ ጌሻ ጎልያን ኤቂደ፡ ሀ ኦራሳ ደኡዋ ቃላ ኡባ አሳዉ ኦድተ” ያጌድኖ።

21 የሱስ ኪቴዳዋንቱ ሄዋ ሰሴዳ ዋደ፡ ዋንቱማላን ጌሻ ጎልያ ገለደ፡ ታማርሳናዉ ደሚድኖ።

ቃይ ቄሳቱዋ ካፑክ አናና ደእያዋንቱ ዪደ፡ ሸቄዳ አሳና እስራኤልያ ጭማቱዋ ኡባቱዋ እትፕ ጸሲደ፡ የሱስ ኪቴዳዋንታ ባረንቱ ሰንላ እሀና ማላ፡ ዋታዳራቱዋ ቃሾ ጎለ ኪቴድኖ።

22-23 ሸን ዋታዳራቱ ቃሾ ጎለ ቢደ፡ የሱስ ኪቴዳዋንታ ደሞቦይክኖ፤ ጉየ ሰሚደ ሸቄዳ አሳዉ፡ “ኑን ብያ ዋደ ቃሾ ጎለ ካርያ ዳር ሞንስ ቃቻና፡ ናግያዋንቱካ ፕንግያን ኤቂዳዋንታ ደሚደ፤ ሸን ኮን ቃሾ ጎልያ ደይያ ዋደ፡ ጎለ ጋርሳን ሀራይ አቶ እት አሳይነ ባዋ” ያጌድኖ።

24 ጌሻ ጎልያ ዋታዳራቱዋ ኪትያዌነ ቄሳቱዋ ካፓቱ ሄዋ ሰሴዳ ዋደ፡ “ሀዌ ዋኑዋሻ? ቃይ ግድን አዬ ሀናንዳሻ?” ያጌደ ሀርጌድኖ።

25 ሄዋፕ ጉይያን፡ እት ብታኒ ኡንቱንቱኮ ዪደ፡ “በእተ፤ ቃሾ ጎልያን ህንተ ቃቹዳ አሳቱ ጌሻ ጎልያን ኤቂደ፡ አሳ ታማርሲኖ” ያጌደ ኡንቱንቶ ኦዴ።

26 ጌሻ ጎልያ ዋታዳራቱዋ አዛዝያዌ ዋታዳራቱዋና ቢደ፡ የሱስ ኪቴዳዋንታ አሄዳ፤ ሸን ኡንቱንቱ ባረንታ አሳይ ሹቻን ጫዳናዋንታ ገደ ያዬዳ ድራዉ፡ ኡንቱንታ ሎዳን አሄድኖ።

27 ኡንቱንቱ የሱስ ኪቴዳዋንታ አሄደ፡ ሄዋ ሸቄዳ ሻንጉዋ ሰንላን ኤሰና፡ ቄሳቱዋ ካፑ ኡንቱንታ።

28 “ህንተንታ ኑን ሄ ብታንያ ሱንላን ታማርሰና ማላ ሞንሲደ አዛዝቦይኮ? በእተ፤ ህንተ ትሞርትያ የራሳላሙ ካታማ ኡባ ጋሌድታ፤ ቃይ ሄ ብታንያ ሸሞፑዋን ኑና ኦይላናዉ ቆፒታ!” ያጌደ ኦቹዳ።

29 ጸጽርሰነ የሱስ ኪቴዳ ሀራንቱ ዛሪደ ያጌድኖ፤ “ኑን አሳዉ አዛዝታናፕ ጸሳዉ አዛዝታናዉ በሴ።

30 ማሰቃልያ ቦላ ሞሰማርያን ጅሽ ካቂደ፡ ህንተ ዋዴዳ የሱሳ ኑ አዋቱዋ ጸሳይ ሀይቁዋፕ ደንሌዳ፤

31 እስራኤላቶ ናጋራፕ ሰማነ ናጋራ አቶ ጉሳ የሱስ እማና ማላ፡ ጸሳይ ሞድያዋነ አሸያዋ አ ኦሊደ፡ ባረፕ ኡሸቻ ባገን ጶቁ ጶቁ ኦሌዳ።

32 ሄዋ ኑን ማርካ፤ ቃይ ጸሳይ ባረዉ አዛዝትያዋንቶ እሚዳ ጌሻ አናናይካ ማርካ” ያጌድኖ።

33 ሸቄዳ አሳይ ሄዋ ሰሴዳ ዋደ፡ ዳር ይሎቲደ፡ የሱስ ኪቴዳዋንታ ዋጳናዉ ቆፕድኖ።

34 ሸን አሳ ኡባን ዳር ቦንቹቲዳ ጋማልያላ ጌተትያ፡ ህግያ ታማርሰያ እት ፓርሳዌ፡ ሸቁዋን ደንድ ኤቂደ፡ የሱስ ኪቴዳዋንቱ ጉላ ዋድያ ካረ ከሳና ማላ

35 አዛዚደ ሄዋን ሸቄዳ አሳ ሀዋዳን ያጌዳ፤ “እስራኤልያ አሳቶ፡ ህንተ ሀ አሳቱዋ ኦላና ቆፕያዋን ህንተንታ ናግተ።

36 አያዉ ጎፕ፡ ሀዋፕ ካሰ ዋድያን ተዋዳሳ ጌተትያዌ ባረና ዋልቃማ ገደ ደንዴዳ፤ ደንድና አይዱ ጴቱ ግድያ አሳቱ አናና ጋከቲድኖ፤ ሸን አ ዋድኖ፡ አ ካሌዳ ኡባቱካ ላለቲደ፡ ማደና አሳ ግዲደ አቲድኖ።

37 ሄዋፕ ጉይያን፡ አሳይ ፓይደትያ ዋደ፡ ጋለላ ይሁዳይ ደንዲደ፡ ዳር አሳ ፓኑዋ ኦሊደ ካለሌዳ፤ ሸን አካ ዋድኖ፡ አ ካሌዳ አሳይ ኡባይ ላለቲዳ።

38 “ሀአካ ታን ህንተንቶ ኦዳይ፤ ሀ አሳቱዋፕ ሻከትተ፤ ኡንቱንታ ቦቾፕተ። አያዉ ጎፕ፡ ሀ ቆፋይነ ሀ ኦሱ አሳይ ኦሌዳዋ ግደፕ ጳያና።

39 ሸን ሀ ቆፋይነ ሀ ኦሱ ጸሳፕ ዬዳዋ ግደፕ፡ ህንተ ኡንቱንታ ጳይሳናዉ ዳንዲይክታ፤ ኑን ኤር ሀዋ ሀኒደ ጸሳና ህንተ አተተናዳን” ያጌዳ።

40 ሄዋፕ ጉየ ሸቄዳ አሳይ ጋማልያላ ዘርያ አከደ፡ የሱስ ኪቴዳዋንታ ጸሲደ፡ ልሱዋን ሾጭሴድኖ፤ ሄዋፕ ጉይያን ኡንቱንታ፡ “የሱሳ ሱንላ ላኤንሉዋ ኡባካ ደንሶፕተ” ግ ብለደ የዴድኖ።

41 የሱሳ ሱንላ ድራዉ፡ ኡንቱንቱ ኡጋቲደ ዬላታናዉ በሰያባ ቆፕዳ ድራዉ፡ ሻንጉዋ ሰንላፕ ናሽቲደ ከሴድኖ።

42 ኡንቱንቱ ኡባ ጋለሰ ጌሻ ጎልያንን አሳ ሶይን የሱስ፡ ክርሰቶሳ ግዴዳዋ ታማርሰያዋን ኦድያዋ ያ ጉጂድኖ።

6

ዋሳ ጎልያ ማድያ ላፑ አሳቱ ደረቲድኖ

1 ሄ ዋደ፥ ካልያዋንቱ ፓይዱ ዳር ዳር ቢሸን፥ ግሪከ ቃላ ሃሳይያ አይሁዳቱነ ይሁዳን ደእያ አይሁዳቱ ዋላቀቱድኖ፤ አያው ጎፐ፥ ግሪከ ቃላ ሃሳይያ አይሁዳቱ፥ “ኡባ ጋላሰ ግሸትያ ቁማን ኑ አሰናይ ሀይቆ ማጫዋንቱ ናቀቲኖ” ያጌድኖ።

2 የሱሰ ኪቴዳ ታማነ ላእቱ ዋሳ ጎላ አሳ ኡባ ጸሲድ፥ ሀዋዳን ያጌድኖ፤ “ኑን ጸሳ ቃላ ኦድያዋ አገደ፥ ቁማ ግሻናው ኑዉ በሰና።

3 አሻቶ፥ ሎአ ጌተትያዋንታ ጌሻ አያናይነ አቶ ኤራተላይ ኩሜዳ ላፑ አሳቱዋ ህንተ ግደፐ ደርተ፤ ኑን ቃይ ኡንቱንታ ሀ ኦሶ ሱንላና።

4 ሸን ኑን ጸሳ ዋሳንነ ቃላ ኦድዋን ሞናና” ያጌድኖ።

5 የሱሰ ኪቴዳዋንቱ ሃሳይዳ ሃሳያይ አሳ ኡባ ናሸቼዳ፤ ሄዋፐ ጉየ፥ አማኑነ ጌሻ አያናይ ኩሜዳ እስጵፋኖሳ፥ ፕልጸሳ፥ ጽርኮርሳ፥ ንቃርና፥ ጽሞና፥ ጸርሜና አይሁዳቱዋ አማኑዋን ገሌዳ አንጸክያ ኒቆላዋሳ ደሬድኖ።

6 ያቲደ የሱሰ ኪቴዳዋንቱ ሰንላን ኡንቱንታ ኤሰና፥ የሱሰ ኪቴዳዋንቱ ጸሳ ዋሴዳዋፐ ጉይያን፥ ባርንቱ ኩሸያ ኡንቱንቱ ቦላ ዋሴድኖ።

7 ጸሳ ቃላይ አክ አክ ቤዳ፤ ካልያዋንቱ ፓይዱዋን የሩሳላመን ዳርሰ ዳር ዳር ቤዳ፤ ቃይ ጮራ ቂሳቱካ አማኑድኖ።

ዋሳ ጎልያ ካለልያ እስጵፋኖሰ ኦይቀቱዳ

8 አቶ ኬካተላይነ ዋልቃይ ኩሜዳ እስጵፋኖሰ፥ አሳ ግደን ኦራላባነ ዋልቃማ ማላታ ኦሴ።

9 አይለተላፐ ከሴዳ አሳ ግያ አይሁዳ አማንያዋንቱፐ፥ ቀሪናፐ፥ እስክንድርያ አሳቱዋፐ፥ ክልቂያፐ፥ ኢሰያፐ ዬዳ እት እት አሳቱ ደንዲድ፥ እስጵፋኖሳና ፓሌሙቲድኖ።

10 ሸን እስጵፋኖሰ አቶ ኤራተላንነ አያናን ሃሳይያዋ ድጋናዉ ዳንዳይበይክኖ።

11 ሄ ዋደ ኡንቱንቱ፥ “ሙሴ ቦላነ ጸሳ ቦላ እ ቦርያ ቃላ ሃሳይሸን ሰሴዶ” ግያ ዋርዶ አሳቱዋ ሻሜድኖ።

12 አሳ ኡባ፥ ጭማቱዋን ሙሴ ህግያ ታማርሰያዋንታ ህንቀሴድኖ፤ እስጵፋኖሳኮ ዪደ አ ኦይቂድ፥ ሸቄዳ አሳኮ አህና።

13 እ ቦላ ጸሴዳ ዋርዶ ማርካቱ፥ “ሀ ብታኒ ሀ ጌሻ ጎልያ ሙሴ ህግያ ቦርያዋ አዉደነ አገና።

14 አያው ጎፐ እ፥ “ሀዌ ናዝሬትያ የሱሰ ሀ ጌሻ ጎልያ ኮላና፤ ሙሴ ኑዉ አሜዳ ህግያካ ላማና” ያግሸን፥ ኑን ሰሴዶ” ያጌድኖ።

15 ሸቆዋን ኡቲዳ አሳይ ኡባይ እስጵፋኖሳ አኬኪደ ጸልያ ዋደ፥ አ ሶሞእ ኪታንቻ ሶሞእያ ማላቲ።

7

እስጵፋኖሳ ሃሳያ

1 ቂሳቱዋ ኡባቱዋ ካፑ እስጵፋኖሳ፥ “ሀዌ ቱማ?” ያገደ ኦቼዳ።

2 እስጵፋኖሰ፥ “ታናዳን አማንያዋንቶ፥ ታ አዋቶ፥ ሰሰተ! ኑ አዉዋ ኡብራሃሞ ብር ካራነ ባናፐ ካሰ ማሰጸጸምያን ደእሸን፥ ቦንቾ ጸሳይ አዉ ቤቲደ።

3 ና ቢታፐነ ነ ዳባቱዋፐ ሻከታደ፥ ታን ኔና በሰያ ጋድያ ባ” ያጌዳ።

4 ሄ ዋደ አብራሃሞ ካላዳዋቱ ጋድያፐ ከሲደ፥ ካራነን ደአናዉ ቤዳ። አ አቡ ሀይቂዳዋፐ ጉይያን፥ ጸሳይ አ ሀ ጋደ ህንተ ሀእ ደእያሳ አሄዳ።

5 እ ሀ ጋድያፐ ሀራይ አቶ፥ ገድያን የድያ ሳእካ አብራሃሞ አምቤና፤ ሸን አዉ ናአይ ቆየፐካ፥ ጸሳይ እ፥ ታን ነዉነ ኦፐ ጉይያን፥ ነ ዘርላዉ ሀ ጋድያ ላታ ኦላደ አማና ያጌዳ።

6 ጸሳይ አብራሃሞ፥ ና ዛራቱ ሀራ ጋድያን ደአና፤ ያን አይዱ ጴቱ ላይላዉ ኡንቱንቱ አይለታና ናቀታና።

7 ሸን ታን ነ ዘርላ ሞድያ አሳ ቦላ ፕርዳና፤ ሄዋፐ ጉይያን፥ ኡንቱንቱ ሄ ጋድያፐ ከሲደ፥ ሀዋን ታዉ ጎይናና ያጌዳ።

8 ጸሳይ አብራሃሞ ዘርላይ ቃጸርታና ማላ አናና ጫቂና፥ ይሳቃ እ የሊደ፥ ሆሰፑንላ ጋላሰ ቃጸሬዳ፤ ይሳቅ ያቆባ ቃጸርና፥ ቃይ ያቆብ ታማነ ላኡ አዋቱዋ ካፐቱዋ ቃጸሬዳ።

9 “አዎቱዋ ካፓቱ የሴፎ ቃናቲደ፡ ግብጹ ጋድያው አይለታናዳን፤ አ ዛልኤድኖ፤ ሽን ጸሳይ እናና እትፕ ደኤ።

10 ጸሳይ ዋይያ ኡባፕካ አ ከሴዳ፤ ቃይ ግብጹ ካትያ ሰንገንካ ናሹዋን እጅ ኤራተላ አው እሜዳ፤ ግብጹ ካቲ የሴፎው ግብጹ ጋድያን ባረ ጎልያ ኡባ ዋዳናዳን፤ ሱንገተላ እሜዳ።

11 “ግብጹ ጋድያንን ካናን ጋድያን ኡባን ኮሻይ ገሊደ፤ ጮራ አሳ መቶሌዳ፤ ሄ ጋሱዋን ኑ አዎቱ ቁማ ደግቦይክኖ።

12 ያቆብ ግብጹ ጋድያን ካላይ ደእያዋ ሰሲደ፤ ኑ አዎቱዋ ኮይሮ ያ የዴዳ።

13 ለአንሱዋ ቡሳን የሴፎ ባረ እሻቶ ኤረቲዳ፤ ቃይ ግብጹ ካቲካ የሴፎ ዛርያ ኤራዳ።

14 የሴፎ ባረ አውዋ ያቆብን ባረ ዳቡ ኡባይ ሙሊካ ላቸን ታማን እቼሹ አሳይ ባረኮ ያና ማላ፤ ኪቲደ ጸግሴዳ።

15 ያቆብ ግብጹ ጋድያ ዋዲደ ሀይቄዳ፤ ኑ አዎቱካ ያን ሀይቄድኖ።

16 ኡንቲንቲ አሃይ ሄዋፕ ሰኬማ ጌተትያ ጋድያ ቶከቲደ፤ ያን አብራሃሞ ሀዋራ ናናፕ ዳር ብራን ሻሜዳ ሲፋዋን ሞገቲዳ።

17-18 “ሽን ጸሳይ አብራሃሞ እማና ጌዳዌ ፖለትያ ዋዲ ጋካና ማትና፤ የሴፎ ኤረና ሀራ ካቲ ግብጹ ጋድያን ደንዳና ጋካናው፤ አሳይ ዳር ዳር ቤዳ።

19 ሄ ካቲ ኑ ዛርያ ጭሚደ፤ ጉላ ናናይ ሀይቃና ማላ፤ ካረ ኡንቲንቲ ከሰ አላናዳን፤ ኑ አዎቱዋ ኡንኤሌዳ።

20 “ሙሴ የለቲዳዌ ሄ ዋደ፤ ጸሳ ሰንገን እ ዳር ሎኦ ናኦ ግዴዳ፤ ባረ አውዋ ጎልያን ሄዙ አገና ጋካናው ድጨዳ።

21 ሙሴ ዋራ ኦለቲዳ ዋደ፤ ግብጹ ካትያ ናታ ደማደ ባረ ናኦዳን አ ድቻዴ።

22 ሙሴ ግብጻቱዋ እጅ ኤራተላ ኡባ ታማሪደ፤ ቃላንን ኦሱዋን ዋልቃማ አሳ ግዴዳ።

23 “ሽን ሙሴው የለቶደፕ ላይላይ አይታሙዋ ኩሜዳ ዋደ፤ ባረ እሻቱዋ፤ እሰራኤልያ አሳቱዋ በእናው ባረ ዋዛናን ቆፔዳ።

24 እሰራኤላቱዋፕ እቱዋ ግብጻፕ እቱ ናቁሽን በኢደ፤ ሄ እሰራኤልያ ማዴዳ፤ ሄ ናቄዳ ግብጹ ብታንያ ዋዲደ፤ አ ሀሊዋ ከሴዳ።

25 ሙሴ ባረ እሻቱዋ ባረ ባጋና ጸሳይ እሻና ሀንያዋ ኡንቲንቲ እኬኬድኖ ገደ ቆፔዳ፤ ሽን ኡንቲንቲ እኬክበይክኖ።

26 “ዋንተላ ጋላስ ላኦ እሰራኤልያ አሳቱ እቱ እቱዋና ዋጋትያዋንታ ደሚደ፤ ኡንቲንታ ሰገላናው ኮዪደ፤ ሓሳቶ፤ እሻቱ ሀንተንቲ አያው እቱ እቱዋ ናቁቲ?” ያጌዳ።

27 “ሽን ሄ ባረ ሾሩዋ ናቄያዌ ሙሳ፤ ሄና ኑ ቦላ ሞድያዋን ዳና ኦሊደ፤ ሱንጉሌዳዌ ኦኔ?”

28 ኔን ዝና ግብጹ ብታንያ ዋዴዳዋዳን፤ ታናካ ዋዳኖው ኮያይ?” ያገደ፤ ሙሳ ካረው ሱግ የጌዳ።

29 ሙሴ ሄዋ ሰሴዳ ዋደ ግብጻፕ ከሲደ፤ ሞድያማ ጋድያን በተ ግድ ደኢደ፤ ላኦ እቱማ ናና ያን የሌዳ።

30 “ሳዳ ኪታንቻይ አይታሙ ላይላፕ ጉይያን፤ ሲና ደርያ ማታን ደእያ ባዙዋ ቡራን ኤጽያ ታማ ላጨዋ ግድን ሙሴው ቤቲዳ።

31-32 ሙሴ ባረ በኤዳዋ ማላለቲደ፤ እኬክ ጸላናው ቡራ ማታን እ ሸቅ ደእሸን፤ ጎዳ ቃላይ፤ ታን ነ አዎቱዋ ጸሳ፤ አብራሃሞ ጸሳ፤ ይሳቃ ጸሳ፤ ያቆባ ጸሳ” ያገደ ሙሴኮ ዬዳ። ሙሴ ያሻ ኮኮሪደ፤ ጸላናው ጸልቤና።

33 “ሳዳይ ሙሳ፤ ሄን ኤቄዳ ቢታይ ጌሻ ግድያ ድራው፤ ነ ገድያን ደእያ ጫማካ ከሳ።

34 ታን ግብጹን ደእያ ታ አሳ ዋይያ ጌሻ በኣደ፤ ቃይ ኡንቲንቲ ኦልያካ ሰሳደ፤ ኡንቲንታ እሻናው ዋዳኦድ። ሀኦ ሃያ። ታን ኔና ግብጹ ኪታና” ያጌዳ።

35 “ሄ ሙሳ እሰራኤላቱ፤ ሄና ኑና ሞድያዋን ዳና ኦሊደ ሱንጉሌዳዌ ኦኔ?” ያገደ እጵድኖ፤ ቡራ ግድን አው ቤቲዳ ኪታንቻን ሞድያዋን አሸያዋ ግዳና ማላ፤ ጸሳይ አ ኪቲዳ።

7:9 ደመላ 37:11፣ 28፣ 39:2፣ 21 7:10 ደመላ 41:39-41 7:11 ደመላ 42:1-2 7:13 ደመላ 45:1፣ 16 7:14 ደመላ 45:9-10፣ 17-18፣ 46:27 7:15 ደመላ 46:1-7፣ 49:33 7:16 ደመላ 23:3-16፣ 33:19፣ 50:7-13፣ ኢያሳ 24:32 7:17-18 ከሳ 1:7-8 7:19 ከሳ 1:10-11፣ 22 7:20 ከሳ 2:2 7:21 ከሳ 2:3-10 7:23 ከሳ 2:11-15 7:29 ከሳ 18:3-4 7:30 ከሳ 3:1-10 7:35 ከሳ 2:14



36 ሄ ሙሴ እስራኤላቱዋ ግብጾ ጋድያን ዙ አባን ሙላ ቢታን፤ ኦይታሙ ላይላው ኦራላባን ማላታ ኦሊድ፤ ግብጾጥ ካለሌዳ።

37 “እስራኤልያ አሳው፤ ጸሳይ ታና ደንሌዳዋዳን፤ ህንተ ዛርያ ግደጥ ታ ማላ ናባያ ህንተንቶ ደንላናዋ’ ያጌዳዌ ሄ ሙሳ።

38 እ እስራኤልያ አሳ ማባራና እትጥ ሙላ ቢታን ደኤዳዋ፤ እ ኑ አዎቱዋናን ሲና ደርያ ቦላን ባረጠ ሃሳዬዳ ኪታንቻና እትጥ ደኤዳ። ያቲደ ጸሳጥ ደኤዋ ቃላ ኑዉ እማናዉ አኩዳ።

39 “ሙሴዉ ኑ አዎቱ አዛዘታናዉ ደሰበይክና፤ ሸን ገደ አ ሱግ ኦሊድ፤ ጉዮ ግብጾ ሰማናዉ አዋቲድና።

40 ቃይ አርና፤ ናኑና ካለልያ ጸሳቱዋ ኑዉ መጻ፤ አያዉ ጎጥ፤ ሀ ኑና ግብጾጥ አሄዳ ሙሴ ዋኔደንቶ ኑን ኤርኮ’ ያጌድና።

41 ሚዛ ማራ ማላትሲድ፤ ሄ ዋደ ኤቃ ኦሌድና፤ ሄ ኤቃዉ ያርሹዋ ያርሹድ፤ ባረንቱ ኩሺ አሌዳ ኦሱዋን ናሸቲድና።

42 ሸን ጸሳይ ኡንቱንቶ ዙክያ ዛሬዳ፤ ኡንቱንቱ ሳሉዋ ጸልንትያዉ ጎይናናዳን፤ ኡንቱንታ አጌዳ፤ ናባቱዋ ማጸፋን፤

“ እስራኤልያ አሳቶ፤ ኦይታሙ ላይላ፤

አሳይ ባይና ሳን ሹኬዳ መሀያን ያርሹዋ፤

ታዉ ያርሹድቱ፤

43 ህንተንቱ ህንተንቶ ጎይናናዉ አሌዳ ኤቃቱዋ፤ ሞሎካ ዲንካንያን

ረፋና ግያ ህንተ ጸሳ ጸልንትያ ቶኬድታ።

ታን ህንተንታ ባብሎጎጥ ህን ባጋ የዳና

ጌተቲደ ጸፈቲዳ።

44 “ሙሴ ባረ በኤዳዋ ማላትሲድ፤ ጎይይ እዉ ኦይዳዋዳን መጴዳ ማርካ ዲንካኒ ኑ አዋቶ ሙላ ቢታን ደኤ።

45 ቃይ ኑ አዎቱ ዲንካንያ ባረንቱ አዎቱዋጥ ካላን አኪድ፤ ጸሳይ ካሰ የደርሴዳ አይሁዳ ግድና አሳ ቢታ ኦይቁዳ ዋደ፤ ኢያሱና ገልሴድና፤ ሄ

ዲንካኒ ዳዋተ ደእያ ዋዲ ጋካናዉካ ሄዋን ደኤዳ።

46 ዳዋተ ጸሳን ሳበቲዳ፤ ቃይ ያቆባ፤ ጎይይ ደእና ጎልያ ኬጸናዉ ጸሳ ዋሴዳ።

47 ሸን እዉ ጎልያ ኬጾዳዌ ሰሎሞና።

48-50 “ሸን ናቢ፤

“ ሳዳይ፤ “ሳሉ ታ ካዉተላ ኦይድያ፤ ሳኦይካ ታ ገዲ የድያ ሳ።

ያትና፤ ታዉ አያ ማላ ጎልያ ኬጸንቲ? ዋይ ታን ሸምጋናሳይ ሀቃኔ?

ሀ ኡባባ ታ ኩሽያን መጻበይክታ? ” ያጌ

ጌዳዋዳን፤ ኡባጥ ቦላ ጸሳይ አሳይ ኬጾዳ ጎልያን ደኤና።

51 “ህንተንቱ አይበ ሞርጊ ሞና አሴ? ህንተንቱ ዋዛናይ ጸሳ ቃላ አካናዉ አይበ ዳሚዳዌ? ህንተንቱ ሀይሳይካ ዋን ቱሌዳ? ኡባ ዋደ ጌሻ አያናዉ አዛዘተናን እጺታ።

52-53 ናባቱዋን ህንተንቱ አዎቱ የደርሰቤናዌ ኦኔ? ጸሳ ናኦይ ጽሉ ያናዋ ካሰቲደ ኦይዳዋንታካ ዋጴድና። ሀእ ህንተንቱካ ኪታንቻቱዋ ኩሽያጥ ጸሳ ሀግያ አኪደ አዛዘትቤናዋንቱ፤ ጽሉዋ አላ እሚደ ዋጴድታ” ያጌዳ።

እስጽፋናሳ ሹቻን ደቺደ ዋጴድና

54 ኡንቱንቱ ሄዋ ሰሴዳ ዋደ፤ ባረንቱ ዋዛናን እስጽፋናሳዉ ዳር ይሎቲድ፤ ባረንቱ መተርሻ ሳኢደ ናሴድና።

55 ሸን እስጽፋናሰ ባረናን ጌሻ አያናይ ኩሞና፤ ሳሉዋ ፑደ ጫድ ጴሊድ፤ ጸሳ ቦንቹዋን የሱሰ ጸሳጥ ኡሽቻ ባጋን ኤቁዳዋ በኤዳ።

56 ያቲድ፤ “ጴልተ፤ ታን ሳሉ ደየትና፤ አሳ ናኦይ ጸሳጥ ኡሽቻ ባጋን ኤቁዳዋ በአይ” ያጌዳ።

57 ኮሻ ጴቁ አላ ዋሲድ፤ ባረንቱ ሀይላ ቱጨድ፤ እትጥ ግድ አኮ ዋጴድና።

58 ካታማጥ ጋጾ አ ከሲድ፤ ሹቻን ጫዳድና። ማርካቱካ ባረንቱ ማዩዋ ከሲድ፤ እት ሳኦላ ጌተትያ ዋዳላ ማታን ዋሌድና።

7:36 ከሳ 7:5፤ 14:21፤ ገይ. 14:33 7:37 ዛረ. 18:15፤ 18 7:38 ከሳ 19:1—20:17፤ ዛረ. 5:1-33 7:40 ከሳ 32:1 7:41 ከሳ 32:2-6 7:43 አሞጾ 5:25-27 7:44 ከሳ 25:9፤ 40 7:45 ኢያሳ 3:14-17 7:46 2 ሳሜላ 7:1-16፤ 1 ኦዲዋ 17:1-14 7:47 1 ካታ. 6:1-38፤ 2 ኦዲዋ 3:1-17 7:48-50 አሳ. 66:1-2 7:51 አሳ. 63:10

59 እስጵፋኖስ፡ “ታ ጎዳ የሱሳ፡ ታ ሸምጥዋ አካ” ያገደ ጸግሸን፡ ኢንቲንቱ ሹቻን እ ደቺኖ።

60 ሄ ዎደ እ ጉልባቲደ፡ ባረ ኮሻ ጶቁ አሏደ፡ “ታ ጎዳዉ፡ ሀ ናጋራ ኢንቲንቱን አቶ ጋ” ያገደ። ሄዋ ጊን ሀይቁ አጌዳ።

### 8

ሳኦል አማንያ አሳ የደርሴዳ

1 ሳኦል እስጵፋኖስ ሀይቁ ሎእ ግ አኬዳ። ሄ ጋላስ የሩሳላመን ደእያ አማንያዋንቱ ቦላ ዋልቃማ የደርሱ ደንዴዳ፤ የሱስ ኪቴዳዋንቱን አትን፡ አማንያዋንቱ ኡባቲ ይሁዳ ጋድያንን ሳማርያ ጋድያን ላለቲድኖ።

2 ጸሳ አሳቲ እስጵፋኖሳ ሞጌድኖ፤ ቃይ እዉ ዳር ዬኬድኖ።

3 ሸን ሳኦል አማንያ አሳ ጳይሳናዉ ባጸቲ፤ ኡባ ጎልያ ገል ገሊደ፡ አቲማ አሳን ማጫ አሳ ጎቶ ጎቺደ፡ ቃሾ ጎላ የዴ።

ዎንጋላ ሞሽራቹ ሳማርያን ኦደቲዳ

4 ላለቲዳ አማንያዋንቱ ቃላ ኦዲደ፡ ኡባሳ ቤድኖ።

5 ፕልጸስ ሳማርያ ካታማ ዎጲደ፡ ክርስቶሳባ አሳዉ ኦዴዳ።

6 ጮራ አሳይ ፕልጸስ ጌዳዋ ዳርስ አኬኪደ ሰሴዳ፤ እ ኦልያ ማላታካ በኤዳ።

7 እያዉ ጎፕ፡ ኢታ እያናቱ ኮሻ ጶቁ አል ሃሳዪደ፡ ጮራ አሳፕ ከሴድኖ፤ ቃይ ጮራ ሰሴዳዋንቱን ዋባቲ ፓጾድኖ።

8 ሄ ካታማን አሳይ ዳር ናሽቲዳ።

9 ሸን ሰሞና ጌተትያ እት ብታኒ ካስ፡ ባረና ዋልቃማ ግ ካዪድ፡ ሳማርያ አሳ፡ “ላ ሀዌ አይበ ኦራሳቤ” ጊሲደ ሄ ካታማን ደኤዳ።

10 ጉላተላፕ ደሚደ፡ ዎጋተላ ጋካናዉ፡ አሳይ ኡባይ፡ “ጸሳ ዋልቃይ ዳር ዋልቃማይ ሀዋ” ጊደ አባ ሰሴ።

11 ዳር ዎድያፕ ደሚደ፡ ካዩዋን ሳማርያ አሳ “ላ ሀዌ አይባ ኦራሳቤ” ጊሴዳ ድራዉ፡ አሳይ አባ ሰሴ።

12 ሸን ፕልጸስ ጸሳ ካዉተላባን የሱስ ክርስቶሳ ሱንላባ አቲማዋንቶን ማጫዋንቶ ሞሽራቹዋ ኦዲደ፡ ኢንቲንቱ አባ አማኒደ ጸማቀቲድኖ።

13 ቃይ ሰሞንካ ባረ ሀጳዉ አማኒደ ጸማቀቲዳዋፕ ጉይያን፡ ፕልጸሳና እትፕ ደኢደ፡ ኦስትያ ማላታን

ጸሳይ ኦሴዳ ዋልቃማ ማላታ በኢደ ማላለቲዳ።

14 የሱስ ኪቴዳ የሩሳላመን ደእያዋንቱ፡ ሳማርያ አሳይ ጸሳ ቃላ አኬዳዋ ሰሴዳ ዎደ፡ ጸጵርሳን የሃንሳ ኢንቲንቱን የዴድኖ።

15 ጸጵርሳን የሃንሰ ዎጲደ፡ አማንያዋንቱ ጌሻ አያና አካና ማላ፡ ኢንቲንቶ ጸሳ ዎሴድኖ፤

16 እያዉ ጎፕ፡ ሳማርያ አሳቲ ጎዳ የሱሳ ሱንላን ጽንቃታ ጸላላ ጸማቀቲዳዋፕ አትን፡ ኢንቲንቱፕ እቲዋ ቦላንን ጌሻ አያናይ ዎድቤና።

17 ሄ ዎደ ጸጵርሳን የሃንሰ ባረንቲ ኩሽያ ኢንቲንቱ ቦላ ዎልዋፕ ጉይያን ኢንቲንቱ ጌሻ አያና አኬድኖ።

18 የሱስ ኪቴዳዋንቱ ባረንቲ ኩሽያ ኢንቲንቱ ቦላ ዎልና፡ ኢንቲንቶ ጌሻ አያናይ እመቲዳዋ ሰሞን በኤዳ ዎደ፡ ጸጵርሳሰን የሃንሳዉ ማሻ አሂደ።

19 “ታንካ ታ ኩሽያ ዎልያ ኡባይ ጌሻ አያና አካና ማላ፡ ሀ ማታ ታዉካ እሜርክቲ” ያጌዳ።

20 ሸን ጸጵርሰ እዉ ሀዋዳን ያጌዳ፤ “ኔን ጸሳ አዎታ ማሻን ሻማናዉ ቆፔዳ ድራዉ፡ ነ ማሻይ ኔናና ጮ ጳዮ።

21 ነ ዎዛናይ ጸሳ ሰንላን ሱረ ግደና ድራዉ፡ ነዉ ሀዋን ግሹ ባዋ።

22 ያቶዋፕ ጉይያን ሀ ነ ዎዛና ኢታ ቆፋ ድራዉ፡ ናጋራፕ ሰማ፤ ኦን ኤር ነ ዎዛናን ደእያ ኢታ ቆፋ ጸሳይ አቶ ጋንንቶን ጸሳ ዋሳ።

23 እያዉ ጎፕ፡ ኔን ዳር ቃናትያ ኦይቃይ ናጋራ ቃሹዋን ደእያዋ ታን በአይ” ያጌዳ።

24 ሄዋፕ ጉዩ ሰሞን ጸጵርሳሰን የሃንሳዉ ዛሪደ፡ “ሀንተንቲ ጌዳዋፕ እትባይን ታና ጋከና ማላ፡ ሀንተ ታዉ ጸሳ ዎሰተ” ያጌዳ።

25 ጸጵርሳሰን የሃንሰ ማርካቲዳዋፕን ጎዳ ቃላ ኦዴዳዋፕ ጉይያን፡ ጉዩ የሩሳላመ ሰሜድኖ፤ ያቲደ ሳማርያን ደእያ ዳር ቄር ካታማቲዋን ሞሽራቹዋ ቃላ ኦዴድኖ።

ፕልጸስ ቶጵያ አሳ ግዴዳ ሹፋ ጸማቂዳ

26 ጎዳ ኪታንቻይ ፕልጸሳ፡ “ደንደደ የሩሳላመፕ ጋዛ አፍያ አሰ ባይና መላ ሳኦ ኦግያኮ ባ፤ ሄ ኦጊ አዋይ ከሰያሳ ጴልያ ዎደ ኡሸቻ ዳገሃ ባጋና ደኤ” ያጌዳ።

27 ፕልጸስ ደንዲደ ቤዳ። ሀንደኮ ጌተትያ ቶጵያ ካታትዉ ቢታ ዎድያ

9

እ ሚሻ ኡባካ ናግያ ቶጵያ አሳ ግዴዳ እት ሹፋይ ደእያዌ ጎይናናዉ የሩሳላሙ ቤዳ።

28 ፓራይ ጎቶያ ጋርያን ኡቲደ፣ የሩሳላሙ ጉየ ሰሚደ፣ ናብያ ኢሰያሳ ማጻፋ ናባቤ።

29 ጌሻ እያናይ ፕልጶሳ፣ “ሄ ጋርያኮ ሺቃደ እትጥ ግዳ” ያጌዳ።

30 ፕልጶስ ዋጽ ዪደ፣ ናብያ ኢሰያሳ ማጻፋ ሹፋይ ናባብሽን ሰሲደ አ፣ “ኔን ናባብያዋ አኬካይ?” ያጌዳ።

31 ሹፋይ፣ “ታዉ ኡዲደ አኬክሰያ አሳይ ባይናን ዋኒደ አኬከቲ?” ያጌዳ፤ ቃይ ባረናና ጋርያን ከሲደ ኡታና ማላ፣ ፕልጶሳ ዋሴዳ።

32 ሹፋይ ናባብያ ማጻፋይ፣ “ደርሳዳን እ ሹከታናዉ ላገቱ።

ደርሳ ማራይ ባረ እሰክያ ቃንጽያዋ ሰንፋን ጭኡ ግያዋዳን፣

እካ ባረ ደና ፖክቤና።

33 እ ካዉሹዳዋዳን አዉ ጽሎ ፕርዳይ ጳዬዳ።

የሱሳ ደኡ ሀ ሳአጥ ፑደ አከት ድጌዳ ድራዉ፣

እ ዛርያባ እኔ ኦዳናዌ?” ያጌዳ።

34 ሹፋይ ዛሪይ ፕልጶሳዉ፣ “ናቢ ሀዋ ኦዋ ኦዲ? ባረባ ኦድዬ ዋይ ሀራ አሳባ ኦዲ? ታዉ ኦዳርኪ” ያጌዳ።

35 ፕልጶስ ዛሪይ፣ ጸሳ ማጻፋ እ ናባብያሳጥ ደሚደ፣ የሱሳባ ሞሽራቹዋ ቃላ አዉ ኦዳዳ።

36 ኡንቱንቱ ኦግያ ኦይቂ ቢደ፣ ሃላይ ደኢያሳ ጋኬድና፤ ሹፋይ፣ “ሃላ ሀዋ በአ፤ ጸማቀትያዋ ታና ድግያዌ አዬ?” ያጌዳ።

37 ፕልጶስ አ፣ “ኔን ነ ኩሙንፋ ዋዛጥ አማኖ፣ ዳንዳያ” ያጌዳ።

እ ዛሪይ፣ “የሱሰ ክርሰቶስ ጸሳ ናኦ ግድያዋ ታን አማናይ” ያጌዳ።

38 ጋር ኤቃና ማላ ሹፋይ አዛዝና፣ እነ ፕልጶስ ላኦቱ ዲገ ዋጲደ፣ ሃላን ገልና ፕልጶስ አ ጸማቂዳ።

39 ኡንቱንቱ ሃላጥ ጋጸ ከሴዳ ዋደ፣ ጎዳ እያናይ ፕልጶሳ ልጽ ኦሲደ፣ አፍ አጌዳ፤ ላኤንሎዋ ሹፋይ ፕልጶሳ በአቤና፤ ሽን ባረ ኦግያ ናሽቲደ ቤዳ።

40 ፕልጶስ ባረ ሁጳዉ አዘጸሳን ደእያዋ ኤራዳ፤ ቃይ ቁሳርያ ያና ጋካናዉካ፣ ካታማ ኡባን ዩዪደ ሞሽራቹዋ ቃላ ኦዳ።

ሳኦል ክርሰቶሳን አማኔዳ (22:6-16፤ 26:12-18)

1 ሽን ሳኦል ጎዳ ካልያዋንታ ዋጳናዉ ማንዲደ፣ ቁሳቱዋ ኡባቱዋ ካቸዋኮ ቤዳ።

2 ያቲደ ጎዳ ኦግያ ካልያ አሳቱዋ ማጫዋንታን አቱማዋንታ ደሞ፣ ቃቺደ የሩሳላሙ አሀናዉ፣ ዳማሰቆን ደእያ አይሁዳ ዋሳ ጎለቶ ዳብዳቤያ ጸፋናዉ አ ዋሴዳ።

3 እ ቢደ፣ ዳማሰቆ ካታማ ጋካና ማቶደ፣ ቆፕናን ሳሎፕ፣ ዋልቃማ ፖኡ አ ዩሹዋ ኡባን ፖኤዳ።

4 ሳኦል ሳኦን ኩንድ ኡትና፣ “ሳኦል ሳኦላ፣ እያዉ ታና ዋይሳይ?” ግያ ቃላ ሰሴዳ።

5 ሳኦል፣ “ታ ጎዳዉ፣ ኔን ኦኔ?” ያገደ ኦቹዳ።

የሱሰካ፣ “ታን ኔን የደርሳደ ደእያ የሱሳ” ያጌዳ።

6 ሽን ሳኦል ኩኮራድነ ማላለቲደ፣ “ታ ጎዳዉ፣ ታን እያ ኦላናዳን ኮያይ?” ያጌዳ።

ጎዳይ አ፣ “ደንዳደ ካታማ ገላ፤ ኔን ኦላናዉ በሰያባይ ነዉ ያን ኦደታናዋ” ያጌዳ።

7 ሳኦላና ኦግያን ብያ አሳቱ አይነ ሃሳየናን ኤቂ አገደ፣ ኮሻ ሰሲኖ፤ ሽን ኦናነ በእቤክኖ።

8 ሳኦል ሳኦጥ ደንድና፣ አ አይፊ ደየቱዳ ዋደ፣ አይነ ጸላናዉ ዳንዳይቤና፤ ሄዋ ድራዉ፣ ኡንቱንቱ አ ኩሽያ ኦይቂ ጎቹደ፣ ዳማሰቆ ገልሴድኖ።

9 ሄዙ ጋላሳ ጋካናዉካ እ ጸልቤና፤ አይነ ሞቤና፤ አያኔካ ኡሽቤና።

10 ዳማሰቆን እት ሀናንያ ግያ ካልያዋ ደኤ፤ ጎዳይ ሳጸን አ፣ “ሀናንዉ” ያጌዳ።

ሀናኒ፣ “ታ ጎዳዉ፣ ሀዋን ደእይ” ያጌዳ።

11 ጎዳይ አ፣ “ደንዳደ ሱረ ጌተትያ ኦግያ ባደ፣ ይሁዳ ሶይን እት ሳኦል ግያ ጸርሴሰፕ ዬዳ ብታንያ ኮያ፤ እያዉ ጎፕ፣ አ ዋሴ።

12 ቃይ ሀናንያ ግያ ብታኒ ገሊደ፣ ሳኦል ላኤንሎዋ ጸላናዳን፣ ባረ ኩሽያ አ ቦላ ዋሳያዋ ሳጸን በኤዳ” ያጌዳ።

13 ሀናኒ ዛሪይ፣ “ታ ጎዳዉ፣ የሩሳላሙን ነ ጌሻ አሳ ቦላ ሄ ብታኒ

አይ ኬና ኢታባ ኦሌደንቶ፣ ታን ዳር አሳጥ ሰሳድ።

14 ቃይ ዳማሰቆን ነ ሱንጎ ጸሰያዋንታ ኡባ ቃቻናው፣ ቁሳቱዋ ካፓቱ አወ ማታ አሜድና” ያጌዳ።

15 ሸን ጎዳይ አ፣ “ሳኦል አይሁዳ ግደና አሳ ሰንጎን፣ ካታቱዋ ሰንጎንን አሰራኤልያ አሳ ሰንጎን፣ ታ ሱንጎ ኤርሳናውን ታወ ኦላናዳን ደረቱዳ ሚሻ ግደያ ድራው፣ ኔን ባ።

16 አያወ ጎጥ፣ ታ ሱንጎ ድራው፣ አ አይ ኬና ዋየታናወ በሰንቶ፣ ታን አ በሳና” ያጌዳ።

17 ሀናኒ ቢደ፣ ሶይ ገሊደ፣ ባረ ኩሽያ ሳኦላ ቦላ ዋሊደ፣ “ታ አሻወ ሳኦላ፣ ኔን ይያ ኦግያን ነወ ቤቱዳ የሱሰ፣ ኔን ጸላና ማላን ጌሻ አያናይ ኔናን ኩማና ማላ፣ ታና ኪቲዳ” ያጌዳ።

18 ኤለካ፣ አየንቶ ፖቁዋ ማላይ ሳኦላ አይፍያፕ ዋድና፣ ሳኦል ላኤንሱዋ ጸሌዳ፤ ቃይ ደንዲደ ጸማቀቲዳ።

19 ቁማ ሚደ ምነት፣ ዳማሰቆን ደእያ ካልያዋንቱና አማራዳ ጋላሳ ጋምኤዳ።

ሳኦል ዳማሰቆን ታማርሴዳ

20 ኤለካ፣ “የሱሰ ክርሰቶስ ጸሳ ናኦ” ያጌደ፣ አይሁዳ ዋሳ ጎለቱዋን ቃላ ኦዳዳ።

21 ሄዋ ሰሴዳ ኡባይ ማላለቲደ፣ “ሀዌ የሩሳላሙን የሱሳ ሱንጎ ጸሰያዋንታ ቆይሰያዋ ግደኔ? ቃይ ኡንቱንታ ቃቺደ፣ ቁሳቱዋ ካፓቱዋ ሰንጎ አፋናወ ይቤኔየ?” ያጌድና።

22 ሸን ሳኦል ቃላ ኦድያ ኦዱ ምን ምን ቤዳ፤ የሱሰ ቃይ ክርሰቶሳ ግድያዋካ አ ከኬክሲደ ኦዳዳ ድራው፣ ዳማሰቆን ደእያ አይሁዳቱ አወ ዘርያዋ ቆይድና።

23 ጮራ ጋላሳጥ ጉይያን፣ አይሁዳቱ ሸቂደ፣ ሳኦላ ዋቆናወ ዘረቱድና።

24 ሸን አይሁዳቱ ባረና ዋቆናወ ቆፖዋ ሳኦል ሰሴዳ፤ ኡንቱንቱ አ ዋቆናወ ቃማን ጋላሰ ካታማ ፐንግያ ናጊና።

25 ሸን ካልያዋንታ አ ቃማ አፊደ፣ ድርሳ ሁጲያና ቁንኣን ዱገ ዋሌድና።

ሳኦል የሩሳላሙን ታማርሴዳ

26 ሳኦል የሩሳላሙ ጋኬዳ ዋደ፣ ካልያዋንቱና እትፕ ጋከታናወ ሸቆ

በኤዳ፤ ሸን ካልያዋ አ ግዴዳዋ ኡባይ አማነናን እጺደ፣ አወ ያዬድና።

27 ሸን ባርናባሰ ሳኦላ የሱሰ ኪቲዳዋንቱን እፊዳ፤ ኦግያን ጎዳ አ ዋኒደ በኤደንቶ፣ አወ ጎዳይ ዋት ሃሳዬደንቶን ቃይ ሳኦል ዳማሰቆን የሱሳ ሱንጎን ያየናን ዋት ቃላ ኦዳደንቶ፣ ኡንቱንቶ ጌሺደ ኦዳዳ።

28 ሳኦል የሩሳላሙን ዩዪደን ጎዳ የሱሳ ሱንጎን ያየናን ቃላ ኦዲደ፣ የሱሰ ኪቲዳዋንቱና እትፕ ደኤዳ።

29 ቃይ ሳኦል ግሪክ ቃላ ሃሳይያ አይሁዳቱዋና ሃሳይያ ፓሌሙቲ፤ ሸን ኡንቱንቱ አ ዋቆናወ ኮዬድና።

30 አሻቱ ሄዋ ሰሴደ፣ ሳኦላ ዱገ ቁሳርያ አፊደ፣ ጸርሴሰ የዳድና።

31 ይሁዳን፣ ጋላላን ሳማርያን ኡባን ደእያ አማንያ አሳቱ ሳርተላን ደኤድና፤ ቃይ ምኔድና፤ ጎዳወ ያይያዋንን ጌሻ አያና ሚዳዋን ጌሙቲደ፣ ፓይዱዋንካ ዳር ዳር ቤድና።

ጸጽርሰ ሊድያንን የጸን ታማርሴዳ

32 ጸጽርሰ ኡባ ሳን ዩዪደ፣ ሊዳን ደእያ ጌሻ አሳቱዋኩ ቃይ ዋዳዳ።

33 ያቲደ ሄዋን ሆሰፑን ላይላ ሰሊደ፣ አርሳን ግሲደ ደእያ እት ኤንያ ግያ ብታንያ ደሚዳ።

34 ጸጽርሰ ኤንያ፣ “ኤናው፣ የሱሰ ክርሰቶስ ኔና ፓሌ፤ ደንዳደ ነ ሂጸ የጋ”\* ያጌዳ። ሄዋፕ ጉየ ኤለካ ደንድ ኤቁዳ።

35 ሊዳንን ሳርናን ደእያ አሳይ ኡባይ ኤንያ በኢደ፣ ጎዳኩ ሰሜድና።

36 የጸ ካታማን እት ጸቢቶ ጌተትያ አማነውና ደአው፤ ጸቢቶ ጉሳይ ግሪክ ቃላን ደርቆ ግያዋ። እዛ ባረ ደኤዳ ዋድያ ኡባን ሎኦባ ኦላደን ሀዬሳ ማዳደ ደአው።

37 ሄ ዋደ እዛ ሀርጋደ ሀይቁና፣ አሳይ እዝ እሃ ሚጫደ፣ ፖእያ ፑደ ከሲደ ግሰሴዳ።

38 ሊዳይ የጸወ ማታ፤ ካልያዋንቱ ጸጽርሰ ሊድያን ደእያዋ የጸን ሰሴደ፣ “ሀያና ኑኮ ኤለካ ያርኪ” ያግያ ኪታ ላኡ አሳቱዋ ቦላ ክኩ ኪቲድና።

39 ሄዋፕ ጉየ ጸጽርሰ ደንዲደ፣ ኡንቱንቱና ብ ጋክና፣ ፖቆያ ፑደ አ ከሲደ፣ ክፍልያ ገልሴድና። እሰን ባይና አምኤ ማጫዋንቱ ኡባይ ዬኪደን ደርቃ ኡንቱንቱና ደእያ ዋደ

\* 9:34 ሂጸ የጋ፡- ሀዋ ጉሳይ ሜተትያባ ጊግሳ ጉሳ።

ኦሴዳ ቃምሻቱዋን ማያቱዋ ኡባ ጸጽሮሳ በሲደ፣ እ ዩሹዋን ዩይ አጲደ ኤቄድኖ።

40 ጸጽሮሰ ኡንቱንታ ኡባ ካረ ከሲደ፣ ጉልባት ጸሳ ዋሴዳ፤ ቃይ አሃኮ ሰሚደ፣ “ጸቢቱ፣ ደንዳ” ያጌዳ፤ ጸቢታካ ባረ አይፍያ ዶያ ጸጽሮሳ በኣደ፣ ጶቃ ኡታዱ።

41 ጸጽሮሰ እዞ ባረ ኩሽያን ማዲደ፣ ደንሰ ኤሴዳ፤ ሄዋፕ ጉይያን፣ አማንያዋንታን አሰን ባይና አምኤ ማጫዋንታ ጸሲደ፣ ፓጼዳዉኖ ኡንቱንቶ አሚዳ።

42 ሀ ዩዉ ዮጳ ካታማ ኡባን ላለትና ጮራ አሳይ ጎዳ አማኔድኖ።

43 ጸጽሮሰ ዮጳን እት ሰሞና ግያ ጋልባ ቃጭያዋና ዳሮ ዋድያ ጋምኤዳ።

### 10

ጸጽሮሳን ቆርነልዮሳ

1 ቁሳርያን “ጸላቱዋ ኦላ አሳቱዋ” ጌተትያ ኦላንቻቶ እት ጴታቱዋ ካፑ ቆርነልዮሳ ግያዌ ደኤ።

2 ቆርነልዮሰ ጸሳ ሎይሊደ አማንያ አሳን፣ ባረ ሶይ አሳ ኡባና እትፕ ጸሳዉ ጎይንያ አሳ፤ አይሁዳ ህይዳካ እ ዳሮ ማዴ፤ ቃይ ጸሳ ኡባ ዋደ ዋሴ።

3 እት ጋለሰ ኡዲፕ ሳትያ ሄራን፣ “ቆርነልዮሳ” ጊደ ጴሰያ ጸሳ ኪታንቻይ ባረኮ ገልሸን፣ ቆርነልዮሰ ሳጸን ጌሺደ በኤዳ።

4 ቆርነልዮሰ ያዪደ፣ ኪታንቻ ጫድ ጴሊደ፣ “ታ ጎዳዉ፣ እ አይ?” ያጌዳ።

ኪታንቻይ ዛሪደ፣ ሀዋዳን ያጌዳ፤ “ን ዋሳይን ኔን ህይዳ ማድያዌ ጸሳ ሰንላን ሀሳየታናዉ ሳሉዋ ቤዳ።

5 ሀእ ዮጳ አሳ ኪታደ፣ ጸጽሮሳ ጌተትያ ሰሞና አህሳ።

6 ጸጽሮሰ አባ ደናን ደእያ ጋልባ ቃጭያ ሰሞና ጎለን አማላተላን ኡቱዳ፤ ኔን ኦላናዉ በሰያዋ እ ነዉ ኦዳናዋ” ያጌዳ።

7 ቆርነልዮሰ ባረዉ ኦዳዳ ኪታንቻይ ቢና፣ ባረ ቆማቱዋፕ ላአቱዋን ጸሳዉ ጎይንያ ባረፕ ሻከተና ዋታዳራቱዋፕ እቱዋ ጴሲደ።

8 ኡንቱንቶ ኡባባ ኦዲደ፣ ኡንቱንታ ዮጳ ኪቱዳ።

9 ዋንተላ ጋለሰ ኡንቱንቱ ቢደ፣ ዮጳ ካታማኮ ማትሸን፣ ጸጽሮሰ ኡሱፑን

ሳትያ ሄራን ጎልያ ቦላን ደምባዪደ ኦሴዳሳ ጸሳ ዋሳናዉ ከሴዳ።

10 ቃይ ኮሻቲደ፣ ቁማ ማናዉ ኮይዳ፤ ሸን ቁማይ ካእሸን፣ ሳፃ በኤዳ።

11 ሳሉ ደየትና፣ ዋልቃማ ማዩዋ ማላትያባይ ኦይዱ ባጋና ኦይቀቲደ፣ ሳእን ዋድሸን፣ ጸጽሮሰ በኤዳ።

12 ሄዋን ኦይዱ ገድያና ደእያ መሃ፣ ደእይ፣ ሸሻይ፣ ዛሪን ካፋ ኡባይ ደኤ።

13 “ጸጽሮሳ፣ ደንዳ ኤቃደ ሹካ ማ” ግያ ቃላይ አኮ ዬዳ።

14 ሸን ጸጽሮሰ፣ “ታ ጎዳዉ፣ ሀነና! ታን ቱናባን ሸንይያባ ኡባካ ማ ኤርከ” ያጌዳ።

15 ቃይ ላኤንሉዋ፣ “ጸሳይ ጌሼዳዋ ኔን ቱንሰፓ” ግያ ቃላይ አኮ ዬዳ።

16 ሄዙ ገደ ሄዋዳን ጌዳ፤ ሄዋፕ ጉይያን፣ ኤላካ ሄ ዋልቃማ ማዩዋ ማላትያዌ ፑደ ሳሉዋ አከት አጌዳ።

17 ጸጽሮሰ ባረ በኤዳ ሳፃ ብለላይ አያ ግዳንዴሻ? ያጊደ፣ ባረ ዋዛና ግድን፣ “ላ ሀዌ አይ?” ጊሸን፣ ቆርነልዮሰ ኪቱዳ አሳቱ ሰሞና ጎሊ ደኢያሳ ኮዪደ፣ እ ፐንግያን ኤቄድኖ።

18 ባረንቱ ኮሻ ጶቄ ኦሊደ፣ “ጸጽሮሳ ጌተትያ ሰሞና ግያ አማላይ ሄዋን ደኢ?” ያጊደ ኦቹድኖ።

19 ጸጽሮሰ ሳጸን በኤዳባ አኬካናዉ ቆፋን ሸክደእሸን፣ ጌሻ አያናይ እ፣ “በእ፣ ሄዙ \* አሳቱ ኔና ኮዪኖ፤

20 ደንዳደ ዋቋ፤ ታን ኡንቱንታ ኪቱዳ ድራዉ፣ ሰ□ናን ኡንቱንቱና ባ” ያጌዳ።

21 ጸጽሮሰ አሳቱዋኮ ዋቋደ፣ “ህንተንቱ ኮይያዌ ታና። አያ አካና ዬድቱ?” ያጌዳ።

22 ኡንቱንቱ፣ “ጸሳዉ ያይያ ጽሉ አይሁዳ አሳ ኡባን ዳሮ ቦንቹቱዳ ጴታቱዋ ካፑዋ ቆርነልዮሰ፣ ኔና ባረ ሶይ አፍሲደ፣ ቃላ ኔፕ ሰሳና ማላ፣ ጸሳ ጌሻ ኪታንቻይ አዉ ኦዳዳ” ያጌድኖ።

23 ጸጽሮሰ አሳቱዋ አማላ ኦላ ሸባናዉ ሶይ ሞኬዳ።

ዋንተላ ጋለሰ፣ ደንዳደ ኡንቱንቱና ቤዳ፤ ዮጳ ካታማን ደእያ እሻቱዋፕ እቱ እቱ አናና እትፕ ቤድኖ።

24 ዋንተላ ጋለሰ፣ ቁሳርያ ጋኬድኖ፤ ቆርነልዮሰ ባረ ዳባቱዋን ባረ ላገላቱዋ እትፕ ጴሰ ሸሺደ፣ ጸጽሮሳ ናጌ።

\* 10:19 ሄዙ- እት እት ማጻፋቱ ጮራ ጊና፤ እት ማጻፋይ ላኤ ያጌ።

25 ጳጳሮስ ገላና ሀንሸን፡ ቆርነልዮስ እናና ጋከቲደ፡ እ ሰንላን ከንዲደ፡ አው ጎይኔዳ።

26 ሸን ጳጳሮስ፡ “ደንዳ! ታንካ ታ ሁጳው አሳ” ያጊደ እ ደንሌዳ።

27 ጳጳሮስ ቆርነልዮሳና ሃሳዪደ፡ ሶይ ገሌዳ፤ እ ገልያ ዋደ ጮራ አሳይ ሸቄዳዋ ደሚደ፡

28 አሳ፡ “አይሁዳ አሳይ ሀራ ዛርያና እትተላን ደእናው፡ ዋይ ጋከታናው ዋጋ ግደናዋ ሀንተ ሁጳው ኤሪታ፤ ሸን ታን ኦናነ ቱና ዋይ ሸንይያባ ጌና ማላ፡ ጸሳይ ታና በሴዳ።

29 ሄዋ ድራው፡ ሀንተ ታው ከትና፡ ፓሉማይ ባይናን ያድ። ሀእ፡ ‘ታና አያው እሀሴድቱ?’ ያጋደ ሀንተንታ ኦቻይ” ያጌዳ።

30 ቆርነልዮስ ሀዋዳን ያጌዳ፤ “ታን ሀቼ አይዱ ጋላሳፕ ካሰ ሀ ሳትያን ኡዱፑ ሳትያ ዋሳ ታ ሶይን ጸሳ ዋሰሸን፡ ጸልቂያ ማዩዋ ማዬዳ አሳይ ታ ሰንላን ኤቂደ፡

31 ታና፡ ‘ቆርነልዮሳ፡ ጸሳይ ነ ዋሳ ሰሴዳ፤ ኔን ሀዬሳ ማድያዋካ ሀሳዪዳ።

32 ሰዎ አሳ ዮጳ ከታደ፡ ሰዎን ጳጳሮሳ ግያዋ ጸሰሳ፤ ሰዎን ጳጳሮስ ሰዎና ግያ ጋልባ ቃጭያዋ ጎለን አባ ሰዎን እማላተላ ኡቲዳ” ያጌዳ።

33 ሄዋ ድራው፡ ታን ኔኮ ኤለካ ከታድ፤ ኔንነ ያደ ሎይላዳ፤ ሰዎ ኔን ኑው አዳናው ጸሳይ ኔና አዛዜዳዋ ኡባ ሰሳናው ሀእ ኑን ኡባይ ሀዋን ጸሳ ሰንላን ደኤቶ” ያጌዳ።

ጳጳሮሳ ሃሳያ

34-35 ጳጳሮስ ሃሳያ ሀዋዳን ያግ ደሜዳ፤ “ጸሳይ አሳ ሰዎእያ ጸለና፤ ሸን ጋደ ኡባን ባረው ያይያዋን ጽሎ ኦሱዋ ኦልያዋ ጋላትያዋ ታን ቱሙ አኬካድ።

36 ጸሳይ አሳ ኡባ ጎዳ፡ የሱስ ክርስቶሳ ባጋና፡ ሳርተላ ኦዲደ፡ ሀ ዋንጋላ ሞሽራቹዋ እስራኤልያ አሳው ከቴዎዋ ሀንተንቱ ኤሪታ።

37 ዮሃንስ ቃላ ኦዴዳ ጽንቃታፕ ጉይያን፡ ጋለላፕ ደሚደ፡ ይሁዳ ጋድያ ኡባን ሀኔዳዋ ሀንተ ኤሪታ።

38 ጸሳይ ናዝራትያ የሱሳ ጌሻ አያናንነ ዋልቃን ኩንሌዳ፤ ጸሳይ አናና ደእያ ድራው፡ ሎኦባ እ ኦሊድን ጸላሀያ ካፕ ሞደቲዳ ኡባ ፓሊደ ዩዬዳ።

39 “አይሁዳ ጋድያንነ የሩሳላሙን እ ኦሊዳ ኡባባው ኑን ማርካ። ኡንቱንቱ ማሰቃልያ ቦላ ሞሰማርያን ድሸ ካቂደ፡ እ ዋዴድና።

40 ሸን ጸሳይ ሄዘንልያ ጋላሳን ሀይቁዋፕ እ ደንሌደ በሴዳ።

41 ጸሳይ ኮይሮ ደሬዳ ማርካቱዋ ኑና፡ እ በሴዳፕ አትን፡ እሳ ኡባ ግደና፤ ሀይቁዋፕ እ ደንዴዳዋፕ ጉይያን፡ ኑን አናና ሜዳነ ኡሼደ።

42 ጸሳይ ዋንጋላ ሞሽራቹዋ አሳው ኑን ኦዳናው፡ ፓጳ ደእያዋንቱ ቦላን ሀይቁዋንቱ ቦላን ፕርዳናው እ ሱንሌዳዌ የሱሳ ግዬዳዋ ኑን ማርካታናው ኑና አዛዜዳ።

43 ጸሳይ እን እማንያ ኡባ ናጋራ እ ሱንላን አቶ ጋናዋ ናባቱ ኡባቱ ማርካቲና” ያጌዳ።

አይሁዳ ግደና አሳቱ እማኒደ ጌሻ አያና አኬድና

44 ጳጳሮስ ብር ሄ የወዋ ኦድሸን፡ ቃላ ሰሰያ ኡባ ቦላ ጌሻ አያናይ ዋድ አጌዳ።

45 ጳጳሮሳና ዮጳፕ ዬዳ፡ እማንያ ቃጸረቲዳ አይሁዳ ኡባቱ አይሁዳ ግደናዋንቱ ቦላንካ ጌሻ አያና እዋታይ ጉኬዳ ድራው ማላለቲድና።

46 አያው ጎፕ፡ ኡንቱንቱ ዲማ ዲማ ቃላን ሃሳይሸን ጸሳ ዳርተላ ሳቢሸን ሰሴድና።

ሄ ዋደ ጳጳሮስ ዛሪደ፡

47 “ሀዋንቱ ቃይ ኑናዳን ጌሻ አያና አኬዳዋንቱ ጳማቀተናዳን፡ ሃላ ኡንቱንታ ድጋናው ዳንዳይያዌ ኦኔ?” ያጌዳ።

48 ኡንቱንቱ የሱስ ክርስቶሳ ሱንላን ጳማቀታና ማላ፡ ኡንቱንታ አዛዜዳ፤ ሄዋፕ ጉይያን፡ ኡንቱንቱ ባረንቱና እማራዳ ጋላሳ ኡታና ማላ፡ እ ዋሴድና።

11

ጳጳሮስ አይሁዳ ግደና አሳፕ እማኔዳዋንቱ ሶይ አያው ገሌደንቶ ኦዴዳ

1 የሱስ ከቴዎዋንቱን ይሁዳ ኡባን ደእያ እሻቱ፡ አይሁዳ ግደናዋንቱካ ጸሳ ቃላ አኬዳዋ ሰሴድና።

2 ጳጳሮስ የሩሳላሙ ቤዳ ዋደ፡ ቃጸረቲዳ አሳቱ አናና ፓሉሙቲደ፡

3 እ፡ “ኔን ቃጸረትቤናዋንቱከ ገላደ፡ ኡንቱንቱና ቁማ ማዳ” ያጌድኖ።

4 ሽን ጳጳርሰ ሀይዳዋ ኮይረዋፕ ደሚደ፡ ማራን ማራን ሀዋዳን ያጌደ ኦዴዳ፤

5 “ታን የጳ ካታማን ጳሳ ዋሰሽን፡ ታን አያናን ግዳደ ሳፃ በአድ፤ ዋልቃማ ማዩዋ ማላትያዌ ኦይዱ ባገና ኦይቀቲደ፡ ሳሉዋፕ ዋዲደ፡ ታኮ ዬዳ።

6 ሄዋ ግዱዋ ታን ጫዳ ጴልያ ዋደ፡ ኦይዱ ገዲ ደእያ መሀያ፡ ዱኦ፡ ሾሻ፡ ዛርያን ካፋዋ በአድ።

7 ቃይ፡ ጳጳርሳ፡ ደንዳ፤ ሹካ ማ፡ ግያ ቃላ ታን ሰሳድ።

8 “ሸን ታን፡ ታ ጎዳዉ፡ ሀነና! ቱናባይ ዋይ ሸነይያባይ ኡባካ ታ ደናኮ ሸቅ ኤረና፡ ጋድ።

9 “ቃላይ ሳሉዋፕ ላኤንሉዋካ፡ ጳሳይ ጌሼዳዋ ኔን ቱና ጎፓ” ያጌደ ታዉ ዛሬዳ።

10 “ሄዌ ሄዙ ገደ ሀንና፡ ዉርሰላን ኡባባይ ሳሉዋ ፑደ ጎሽቲዳ።

11 ሄ ማንእያን ሄዙ አሳቲ ቁሳርያፕ ታኮ ከተቲደ፡ ታን ደእያ ጎልያ ጋክ አጌድኖ።

12 ታንካ ሰፍን ኡንቱንቱና ባና ማላ፡ ጌሻ አያናይ ታዉ ኦዴዳ። ቃይ ሀ ኡሱፑን አሻቲ የጳፕ ታናና ቁሳርያ ቢና፡ ኮን ቆርነልዮሳ ሰይ ገሌደ።

13-14 ከታንቻደ ባረ ሰይን ኤቂደ ባረና፡ ጳጳርሳ ጌተትያ ሰዋና ጴዳናዉ አሳ የጳ ከታ፤ ኔን ነ ጎል አሳይ ኡባይ አትያ ቃላ አ ነዉ ኦዳናዋ፡ ጌዳዋ ቆርነልዮሰ ዋት ሰሴደንቶ፡ ኦዉ ኦዴዳ።

15 “ታን ሃሳያናዉ ደምያዋን ጌሻ አያናይ ኮይሮ ኑ ቦላ ዋዲዳዋዳን፡ ኡንቱንቱ ቦላካ ዋድ አጌዳ።

16 ጎዳይ፡ የሃንሰ ሃላን ጳማቁዳ፤ ሸን ሀንተንቱ ጌሻ አያናን ጳማቃትንታ” ያጌድ ቃላ ታን ሀሳያድ።

17 ጳሳይ ኦዉ ጎዳ የሱሰ ክርሰቶሳ አማኔዳዋንቶ አሜዳ አዎታ ማላ አይሁዳ ግደናዋንቶካ ቃይ አዎፕ፡ ሰም ጳሳ ድጋናዉ ታን ኦኔ?” ያጌዳ።

አማንያዋንቱ ክርሰታን ጌተቲድኖ

18 ኡንቱንቱ ሀዋ ሰሴዳ ዋደ ባረንቱ ፓሉማ አጌደ፡ “ያትና፡ ጳሳይ አይሁዳ ግደናዋንቱካ ቃይ ናጋራፕ

ሰሚደ ደአናዳን፡ ኡንቱንታ ካጨዳ” ያጌደ ጳሳ ጋላቲድኖ።

19 እሰጽፋኖሳ ቦላ ጋኬዳ ዋይያ ጌዱዋን ላላቲዳ አማንያዋንቱ ቃላ አይሁዳቱዋ ጳላላፕ አትን፡ ሀራዉ አቶን ኦደናን፡ ፕንቀ፡ ቆጲርሳነ አንጾክያ ጋካናዉ የዬድኖ።

20 ሸን ቆጲርሳፕን ቀሪናፕ ዬዳ አት አት አማንያ አሳቲ አንጾክያ ቢደ፡ ጎዳ የሱሳ ዋንጋላ ምሽራቹዋ ኦዲደ፡ ግሪክ አሳዉካ \* ኦዴድኖ።

21 ጎዳ ዋልቃይ ኡንቱንቱና ደኤ፤ ቃይ ጮራ አሳይ አማኒደ፡ ጎዳኮ ሰሚድኖ።

22 ሀ የዉ የሩሳላመን ደእያ አማንያ አሳዉ ሰሰትና፡ አማንያ አሳይ ባርናባሳ አንጾክያ ከቲዳ።

23 ባርናባሰ አንጾክያ ቤዳ ዋደ፡ ጳሳ አጵ ከካተላ ኦሱዋ በአደ ናሽቲዳ፤ ኡንቱንቱ ኡባይ ጎዳን ባረንቱ ኩመንሳ ዋዛፕ ምን ደአናዳን፡ ኡንቱንታ ዘሬዳ።

24 አያዉ ጎፕ፡ ባርናባሰ ጌሻ አያናይን አማኑ ኩሜዳ ሎኦ አሳ፤ ሄ ጋሱዋን ጮራ አሳይ ጎዳኮ ዬድኖ።

25 ሄዋፕ ጉይያን፡ ባርናባሰ ሳኦላ ኮያናዉ ጳርሴሰ ቤዳ።

26 ያቲደ ሳኦላ ደሜዳ ዋደ፡ አንጾክያ አሄዳ። ባርናባሰን ሳኦል አማንያ አሳና አት ላይላ ኩመንሳ ኡቲደ፡ ጮራ አሳ ታማርሴድኖ፤ ካልያዋንቱ አንጾክያን አማንያ አሳ ጌተቲደ፡ ኮይሮ ጴሰቲድኖ።

27 ናባቲ የሩሳላመፕ አንጾክያ ሄ ዋደ ዋዲድኖ።

28 ኡንቱንቱ ግደፕ አጋቦሳ ግያዌ ደንዲደ፡ ሳኦ ኡባን ዋልቃማ ኮሻይ ደንዳናዋ አያና ዋልቃን ትምቢትያ ኦዴዳ፤ ሄዌ ሀይዳዌ ቃላዉደዮሳ ካዉተላ ዋድያና።

29 ካልያዋንቱ ሁጲያን ሁጲያን ባረንቱ ዋልቃ ኬና ሚሻ ከሲደ፡ ይሁዳን ደእያ ባረንቱ አሻቶ ማዱዋ የዳናዉ ቆፋ ቃቻድኖ።

30 ኡንቱንቱ ሄዋዳን ኦሊደ፡ ሚሻ ባርናባሳ ቦላንን ሳኦላ ቦላ ዋሳ ጎላ ጭማቶ የዴድኖ።

# 12

ዋሳ ጎላን ዋልቃማ ኢታ የደሳይ ደሜዳ

\* 11:20 ግሪክ አሳ፡ ሀዋ ጉሳይ ግሪክ ቃላ ሃሳይያ አይሁደ ዋይ ሀራ አሳ።

1 ካትያ ሄሮድስ \* ሄ ዎደ ዋሳ ጎላ አሳጥ አማራጭዎንታ ዋይሱዋ ደመዳ።

2 የሃንሳ እሻ ያቆባ ማሻን ዋድሴዳ።

3 ሄዌ አይሁዳቱዋ ናሸቹዳዋ በኢደ፣ ጉጅ ጳጳርሳካ ኦይቄዳ፤ ሄዌ ማጋገ ኡክሳ ባላ ቦንቻያ ጋላሳቱዋና።

4 ጳጳርሳ ኦይቄደ ቃቹዳ። ፓሰጋ ባላ ቦንቻያ ጋላሳቱዋጥ ጉይያን፣ ጋደ አሳ ሰንሳ አላናዉ ቆፒደ፣ ኦይዱ ኦይዱ ዋታዳራቱ እ ናገናዳን፣ ታማነ ኡሱፑን ዋታዳራቶ አሊደ አማዳ።

5 ሄዋ ድራዉ፣ ጳጳርሰ ቃሾ ጎልያን ናገቱ፤ ሸን ዋሳ ጎላ አሳይ አዉ ምንሲደ ጳሳ ዋሴ።

ኪታንቻይ ጳጳርሳ ቃሾ ጎላጥ ከሴዳ

6 ሄሮድስ ጳጳርሳ አሳ ሰንሳ አላናዉ ቆፓናጥ ካሰ ቃማ፣ ጳጳርሰ ላኡ ሳንሳላታን ቃሸቲደ፣ ላኡ ዋታዳራቱዋጥ ግዳዋን ገምእሼዳ፤ ናገያዋንቱካ ቃሾ ጎላ ጥንግያን ኤቄደ ናገኖ።

7 አኬከናን ደእሸን፣ ጎዳ ኪታንቻይ ሄዋን ኤቄ አኬዳ፤ ቃሾ ጎላንካ ፖኡ ፖኢ አኬዳ። ኪታንቻይ ጳጳርሳ ምይያ ደቕ ቤጎሊደ አ፣ “ኤላ ደንዳ” ያጌዳ፤ ሄ ማንእያን ሳንሳላታይ አ ኩሸያጥ ዋድ አኬዳ።

8 ኪታንቻይ አ፣ “ነ ሱርያ ዳንጫ፤ ነ ጫማካ ዋላ” ያግና፣ ጳጳርሰ ሄዋዳን ኦሴዳ፤ ኪታንቻይ፣ “ነ ማዩዋ ማያደ ታና ካላ” ያጌዳ።

9 ጳጳርሰ ቃሾ ጎልያጥ ከሲደ፣ ኪታንቻ ካሌዳ፤ አዉ ሳፃ በእያዋ ማላቲዳጥ አትን፣ ኪታንቻይ አልያባይ ቱማ ግዴዳዋ ኤርቤና።

10 ኪታንቻይን ጳጳርሰ ኮይር ዋታዳራጥን ላኤንሳ ዋታዳራጥ አጂደ፣ ካታማ አፍያ ብራታ ጥንግያኮ ጋኬድና፤ ጥንጊካ ኤንቱንቶ ባረካ ደየት አኬዳ፤ ኤንቱንቱ ከሲደ አት ኦግናና ቢሸን፣ ኪታንቻይ ኤላካ ጳጳርሳጥ ሻከት አኬዳ።

11 ጳጳርሰ ባረና ጋኬዳባ አኬኪደ፣ “ታና ጎዳይ ባረ ኪታንቻ ኪቲደ፣ ሄሮድሳ ኩሸያጥን አይሁዳ አሳይ ናግ

ኡቲዳ ኡባባጥ አሼዳዋ ሀእ ቱሙ ኤራድ” ያጌዳ።

12 እ ሄዋ አኬኬዳ ዋደ፣ ጮራ አሳይ አትጥ ሸቄደ ጳሳ ዋሰያሳ፣ ማርቆሳ ግያ የሃንሳ ዳይ ማይራም ሶይ

13 ቢደ ጥንግያን ጳሰና፣ አት ሮዶ ግያ ቆማታ ደያናዉ ያዳ።

14 ሮዳ ጳጳርሳ ቃላ ግዴዳዋ ኤሬዳ ዋደ፣ ባረና ናሸቶና፣ ጥንግያ ደየናን ጉየ ዋዳደ፣ ጳጳርሰ ካረን ኤቄዳዋ አሳዉ አዳዳ።

15 አሳይ እዞ፣ “ሀነ፣ ኔን ጎያ” ያጌዳ። ሮዳ ጳጳርሳ ግዴዳዋ ጌሻደ አዳዳ። ኤንቱንቱ፣ “ሄዌ አ ኪታንቻ” ያጌድና።

16 ሸን ጳጳርሰ ካረን ጳሰደ አገናን አጽና፣ አሳይ ካርያ ደይ፣ አ በኢደ ማላላቲድኖ።

17 ሸን ኤንቱንቱ ጮኤ ጋና ማላ፣ ጳጳርሰ ባረ ኩሸያን ጳርሲደ፣ ጎዳይ ቃሾ ጎልያጥ አ ዋት ከሴደንቶ፣ ኤንቱንቶ ቆንጮስ አዳደ፣ “ሀዋ ያቆባዉን ፣ እሻቶ ስ ኦድተ” ጌደ፣ ከሰ ሀራሳ ቤዳ።

ሄሮድሳ ሀይቁዋ

18 ሳአይ ዋንቲዳ ዋደ፣ ጳጳርሰ ሀቃ ብድጌደንቶ ገና ዋታዳራቱዋ ግደን ዳር ዋላሳይ ከሴዳ።

19 ሄሮድስ ጳጳርሳ ኮይሸን፣ እ ጳዬዳ ዋደ፣ ናገያዋንታ ቆሪደ፣ ኤንቱንታ ዋዳና ማላ አዛዜዳ፤ ሄዋጥ ጉይያን፣ ይሁዳጥ ቁሳርያ ዋዲደ፣ ሄዋን አማራዳ ዋድያ ኡቲዳ።

20 ሄሮድስ ጳጳርሳ አሳዉን ሲደና አሳዉ ሎይሳ ሀንቀቲዳ፤ ኤንቱንቱ ጋደ አሳይ ካላ ሄሮድሳ ጋደ አሳጥ ደምያ ድራዉ፣ ኤንቱንቱ አትጥ ግዴደ፣ አ ጎልያ ካፑዋ ብላስጳሳ ባረንቱ ባጋ ኦሴደ፣ ሰገታና ማላ ዋሳናዉ ሄሮድሳኮ ቤድኖ።

21 ሄሮድስ ሱንቲዳ ጋላሰ፣ ባረ ካዉተሳ ማዩዋ ማዩደ፣ ካዉተሳ አይድያን ኡቲደ፣ አሳዉ ሃሳዬዳ።

22 አሳይ፣ “ሀዌ ጳሳ ቃላ፤ አሳ ቃላ ግደና” ያጌደ ኮሻ ጳቁሲደ ሃሳዬዳ።

23 ሄሮድስ ጳሳ ቦንቻቤና ድራዉ፣ ሄ ማንእያን ጎዳ ኪታንቻይ አ ደቕና፣ ጉጹንያን ማተቲደ፣ ሀይቁ አኬዳ።

\* 12:1 ሄሮድስ- ሀዋ ጉሳይ ሄሮድስ አግሬጳ ኮይሩዋ ግዴደ፣ ፓላስቲን ግያ ጋድያ ኡባ ሞድያዎ። ሃዌኔካ ዋጋ ሄሮድስ ሄዘላ የለታ። 12:4 ከሳ 12:1-27 † 12:15 እ ኪታንቻ- እ ናግያ ኪታንቻ ግደናን አገና ጉሳ። ‡ 12:17 ያቆባ- ጎዳ እሻ። § 12:17 እሻቶ- አማንያ ሀራቶ።



24 ሸን ጳላ ቃላይ ድጩን ዳር ዳር ቤ።

25 ባርናባሳን ሳኦል ባረንቱ እሱዋ ፖሊድ፣ ማርቆሳ ግያ ዮሃንሳ ባረንቱና አኪድ፣ የሩሳላመፕ ሰሜድና።

### 13

ባርናባሳን ሳኦል ጌሻ አያናይ ደርና፣ ታማርሳናዉ ከተቲድኖ

1 አንጻክያን ደእያ አማንያ አሳ ግዶን ናባቱን ታማርሳናዋንቱ ደእኖ፤ እንቱንቱካ ባርናባሳ፣ ካረሳ ግያ ሰሞና፣ ቀሬናፕ ዬዳ ሉቅዮሳ፣ ጋድያ ሞድያ ሄርድሳና \* ድጩዳ ሞናህን ሳኦል።

2 እንቱንቱ ጎዳዉ ጎይንሸናን ጸምሸን፣ ጌሻ አያናይ፣ “ታን ጸሴዳ እሱ ባርናባሳን ሳኦል ታዉ ዲማይተ” ያጌዳ።

3 እንቱንቱ ጸሜዳዋፕን ዋሴዳዋፕ ጉይያን፣ ባረንቱ ኩሸያ ባርናባሳ ቦላንን ሳኦል ቦላን ዋሴድ፣ እንቱንታ የዴድና።

ባርናባሳን ሳኦል ቆጶሮሳ ቤድኖ

4 ሄዋ ድራዉ፣ ጌሻ አያናይ እንቱንታ ከትና፣ ሴሉቅያ ዋጴድኖ፤ ሄዋፕ ዋንግርያን ገሊድ፣ ቆጶሮሳ ሃላን ደደቲዳሳ ቤድኖ።

5 እንቱንቱ ሰልማና ጋኪድ፣ አይሁዳ ዋሳ ጎሊቱዋን ጳላ ቃላ ኦዴድኖ፤ እንቱንታ ማዳናዉ ዮሃንሳ ተ እንቱንቱና ደኤ።

6 እንቱንቱ ቆጶሮሳ ሃላን ደደቲዳ ሳኦ ኡባ ጳፋ ጋካናዉ ዩዩድ፣ ናብያ እት ዋርዳንቻ፣ አይሁዳ አሳ ባር-የሱሳ ግያ ሻሬቹዋ ደሜድና።

7 ሄ ሻሬቹ ጋድያ ሞድያ ሳርግዮሳ ጳዉሎሳ ግያ አኩካንቻ ብታንያና ደኤ። ሳርግዮሳ ጳዉሎሳ ባርናባሳን ሳኦል ባረኮ ጸሴድ፣ ጳላ ቃላ ሰሳናዉ ኮዬዳ።

8 ሸን ሻሬቹዋ ኤልማሰ (ግሪክ ቃላን ሄዌ አ ሱጎላ) ጋድያ ሞድያዋ አማኑዋ ድጋናዉ ኮዩድ፣ እንቱንቱ ሃሳያ ጳልቁዳ።

9 ሸን ጳዉሎሳ ግያ ሳኦል ባረናን ጌሻ አያናይ ኩምና፣ ሻሬቹዋ ጫድ ጌሲድ።

10 አ፣ “ላ ሀ ጸላህያ ካቸዋ ናኦዉ፣ ገነተላይ ኡባይን ኢታተላይ ኡባይ ኩሜዳዎ፣ ጽሎተላ ኡባ ሞርከዉ፣ ጎዳ ኦግያ ሱርያ ጌላይያዋ አግኪ?”

11 በእ፤ ሀእ ጎዳ ኩሺ ነ ቦላ ደኤ፤ ኔን ቆቃ ግዳና፤ አማሬዳ ዋዲ ጋካናዉ፣ አዋ ፖኡዋ በእካ” ያጌዳ።

ሄ ማንእያን ሻናቻይን ጳማይ አ አይፍያ ጎዘና፣ ባረ ኩሸያ ኦይቂድ፣ ካለልያ ኡራ ኮዩድ ዩዩዳ።

12 ሄ ዋደ ጋድያ ሞድያዌ ሄዋ በኤዳ ዋድ፣ ጎዳይ ታማርሳናዋን ማላለቲድ አማኔዳ።

ባርናባሳን ጳዉሎሰ ጲሲድያን ደእያ አንጻክያ ቤድኖ

13 ጳዉሎሰን አናድ ደእያዋንቱ ጳፋፕ ደንዲድ፣ ጽንፍልያን ደእያ ጳርገ ዋንግርያን ቤድኖ፤ ዮሃንሰ እንቱንቱፕ ሻከት፣ የሩሳላመ ሰሜዳ።

14 ሸን እንቱንቱ ጳርገፕ አጲድ፣ ጲሲድያን ደእያ አንጻክያ ጋኬድኖ፤ ሳምባታ ጋላሳን አይሁዳ ዋሳ ጎሊ ገሊድ ኡቲድኖ።

15 ሙሴ ህገን ናባቱዋ ማጻፋይ ናባበቲዳዋፕ ጉይያን፣ አይሁዳ ዋሳ ጎሊ ካፓቱ፣ “ኑ እሻቶ አሳ ሞንሰያ ቃላይ ህንተንቶ ደኡ፣ አሳዉ ሃሳዬርክቲ” ያጌድ እንቱንቶ ኪቲድኖ።

16 ጳዉሎሰ ደንድ ኤቂድ፣ ባረ ኩሸያን ጳርሲድ፣ ሀዋዳን ያጌዳ፤ “እሰራኤልያ አሳቶ፣ ጳሳዉ ያይያዋንቶ ሰሰተ።

17 ሀ እሰራኤልያ አሳ ጳሳይ ኑ አዋቱዋ ደሪድ፣ ግብጼ ጋድያን አማላተላን እንቱንቱ ደእሸን፣ እንቱንታ ጮርሴዳ፤ ባረ ዋልቃማ ዋልቃንካ ግብጼ ጋድያፕ እንቱንታ ከሴዳ።

18 ባዙዋን አይታሙ ላይላ ኬና ኑ አዋቱዋ አ ዳንዳዬዳ።

19 ካናን ግያ ጋድያን አይሁዳ ግደና ላፑ ካወተላ ጳይሲድ፣ እንቱንቱ ጋድያ ባረ አሳ ላትሴዳ።

20 ሄዋፕ ጉይያን፣ ናብያ ሳሜላ ዋድያ ጋካናዉ፣ አይዳ ዴታን እሻታሙ ላይላ ኬና ዳናቱዋ እንቱንቶ አሜዳ።

21 ሄዋፕ ጉይያን፣ እንቱንቱ ባረንቶ ካትያ አማና ማላ ዋሰና፣ ጳሳይ

\* 13:1 ሄርድሳ- ሄርድ አንትጳሳ ገተትያ ዋጋ ሄርድሰ ናኦ። ሄዌካ ጋለላ ግያ ጋድያ ሞድያዎ። ሉቅ። 3:1 ጸልተ። † 13:5 ዮሃንሳ- ሀራ ሰጎላይ ማር. 12:12፣ 25 ጸልተ። 13:17 ከሳ 1:7፤ 12:51 13:18 ገይ. 14:34፤ ዛረ. 1:31 13:19 ዛረ. 7:1፤ ኢያሳ 14:1 13:20 ዳኤላ 2:16፤ 1 ሳሜላ 3:20 13:21 1 ሳሜላ 8:5፤ 10:21

በንያማ ዛርያፕ ቁሳ ናኣ ሳኦላ ኦይታሙ ላይሳው ካተታና ማላ፡ ኡንቲንቱ እሚዳ።

22 ጳሳይ ሳኦላ ሻራዳዋፕ ጉይያን፡ ኡንቲንቱ ቦላ ዳዊተ ካተታና ማላ፡ ኦ ደንሌዳ፤ ዳዊተባ ማርካቲደ፡ ታን ኮይያ ኡባባ ታ ዋዛናዳን ኦላያ እሰይ ናኣ ዳዊታ ደማድ፡ ያጌዳ።

23 “ጳሳይ፡ ታን ዳዊታ ዛርያፕ እሰራኤልያ እሳ እሸያዋ አሁና ቃላ ገሌዳዋዳንካ፡ የሱሳ አሄዳ።

24 የሱሰ ያናፕ ካሰ እሰራኤልያ አሳይ ኡባይ ባረንቱ ናጋራፕ ሰሚደ ጳማቅታና ማላ፡ ዮሃንስ ቃላ ኦዴዳ።

25 ቃይ ዮሃንስ ባረ ኦሱዋ ወርሳና ሀኒደ እሳ፡ ታና ኦና ጊደ ቆፒቱ? ታን ህንተ ናግያዋ ግድከ፤ ሸን በእተ፡ ኦ ገድያ ጫማ ቃሹዋካ ገድያፕ ብላናው ታው በሰናዌ ታፕ ጉየና ዬ፡ ያጌዳ።

26 “ታናዳን እማንያዋንቶ፡ አብራሃሙ ዘረሳቶ፡ ቃይ ሀዋን አይሁዳ ግደናዋንቶ ጳሳው ያይያዋንቶ፡ ሀ እቶተሳ ቃላይ ኦው ከተቲዳ።

27 እያው ሳፕ፡ የሩሳላሙን ደእያ አሳይነ ኡንቲንቱ ካፓቱ የሱሳነ ሳምባታ ጋላሳ ኡባን ናባበትያ ናባቱዋ ቃላ እኬክቤና ድራው፡ ኦ ቦላ ፕርዲደ፡ ናባቱዋ ቃላ ፖሌድና።

28 የሱሳ ዋድሳናው እት ጋሱካ ኡንቲንቱ ቤተናን እጽና፡ ጽላጸሰ አ ዋዳና ማላ ዋሴድና።

29 “ኡንቲንቱ የሱሳባይ ጳሳ ማጻፋን ጳፊቲዳዋ ኡባ ፖሌዳ ዋደ፡ ማሰቃልያፕ አ ዋሊደ ዋጌድና።

30 ሸን ጳሳይ ሀይቁዋፕ የሱሳ ደንሌዳ።

31 ሄዋፕ ጉይያን ኦ ባረናና ጋሊላፕ የሩሳላሙ ዬዳ አሳቶ ጮራ ጋላሳ ቤቲዳ ኡንቲንቱ ሀእ አባ አሳው ማርካቲና።

32 “ጳሳይ ኦ አዋቶ እማና ጌዳ ዋንጋላ ሞሽራቹዋ ኦን ህንተንቶ ኦዴቶ።

33 ዳዊተ ማዘሙርያ ማጻፋን ላኤንሶ ሸምፑዋን፡

“ ኦን ታ ናኦ።

ሀቼ ታን ነ አዉዋ ግዳድ።

ጌተቲደ ጳፊቲዳዋዳን፡ ጳሳይ የሱሳ ደንሌዳ፡ ኦ አዋቶ እማና ጌዳዋ ኦው ኡንቲንቱ ናናው ፖሌዳ።

34 ላኤንሶ-ዋ ኦ ሀይቁና ማላ፡ ሀይቁዋፕ ኦ ደንሌዳዋ ጳሳይ፡ ታን ዳዊተው እማና ጌዳ እማነቲዳ ጌሻ እንጂዋ ህንተንቶ እማና፡ ያጊደ ሃሳዬዳ።

35 ሄዋ ድራው፡ ማዘሙርያ ማጻፋን ሀራሳን ቃይ፡ ና ጌሻ ናኣ እሃካ ሙሰሳካ፡ ያጌዳ።

36 እያው ሳፕ፡ ዳዊተ ባረ ዋድያን ጳሳ ቆፋ ኦላዳዋፕ ጉይያን ሀይቁደ፡ ባረ አዋቱዋና ሀይቁ ሙሴዳ።

37 ሸን ጳሳይ ሀይቁዋፕ ደንሌዳዌ ሙሰቤና።

38-39 “ሄዋ ድራው፡ ታናዳን እማንያዋንቶ፡ ናጋራ እቶ ጌተቲዳዌ ህንተንቶ የሱሳ ባጋና ኦደቲዳዌን፡ ሙሴ ህግያን ጽላናው ህንተንቶ ዳንዳየተና ኡባባፕ እን እማንያ ኡባይ ጽላናዌ ህንተንቶ ኡሪቶ።

40 ሄዋ ድራው፡ ናባቲ ጌዳዌ ህንተ ቦላ ጋከና ማላ ናገተተ።

41 “ ጳሳይ ጌዳባ ቀሊጭያዋንቶ፡ በእተ፤ ሀራይ አቶ እት ኡራይ ህንተንቶ ኦድንቶካ፡ ህንተ እማነና ኦሱዋ ታን ህንተንቱ ዋድያን፡ ኦላያ ድራው፡ ፖራ ጌተ፤ ሀይቁተ፡ ጌድና” ያጌዳ።

42 ጳውሎስነ ባርናባስ አይሁዳ ዋሳ ጎልያፕ ከሰሸን፡ አሳይ ኡንቲንታ ላኤንሶ-ዋ ሳምባታካ ሄዋ ጉጂደ ኦድና ማላ ዋሴድና።

43 ሸቁ ላላቲዳዋፕ ጉይያን፡ ጮራ አይሁዳቲነ አይሁዳቱዋ እማኑዋን ገሊደ ጳሳው ያይያ ጮራቱ፡ ጳውሎስነ ባርናባሳ ካሊድና፤ የሱሰ ኪቴዳዋንቱ ጳሳ አዶ ኬካተላን ሞን ደእና ማላ፡ ኡንቲንቶ ኦዲደ ሞንሴድና።

44 ላኤንሶ-ዋ ሳምባታን እማሬዳ አሳቱዋፕ እትን፡ ካታማ ኦሳይ ኡባይ ጳሳ ቃላ ሰሳናው ሸቁዳ።

45 ሸን አይሁዳቱ ጮራ አሳ በኤዳ ዋደ፡ ጳውሎሳ ቃናቲድና፤ ኦ ሃሳያ ጳልቁደ፡ ኦ ቦራድና።

46 ጳውሎስነ ባርናባስ ጳሊደ፡ “ጳሳ ቃላይ ካሰቲደ ህንተንቶ ኦደታናው ኮሼ፤ ሸን ቃላ ህንተ እጾዳ ድራውነ መድና ደኡዋ አካናው

ህንተንቶ በሰና ገደ። ህንተ ህንተንቱ ሁጺያን ፕርዴዳ ድራው፤ በእተ፣ ኑን አይሁዳ ግደናዋንቱኮ ሰሜቶ።

47 አያው ጎፕ፣ ጎዳይ ኑና። “ ላሳይ ኡባይ ህንተ ባጋና አታና ማላ።

ህንተንታ ታን፤ አይሁዳ ግደናዋንቶ ፖኡዋ ኦላድ፣ ያግ አዛዜዳ” ያጌድኖ።

48 አይሁዳ ግደናዋንቱ ሄዋ ሰሴዳ ዋደ፤ ናሽቲደ ጸሳ ቃላ ቦንቼድኖ፤ ቃይ መድና ደኦ ደረቲዳ ኡባይ አማኔድኖ።

49 ጎዳ ቃላይ ሄ ጋድያ ኡባ ጋዜዳ።

50 ሸን አይሁዳቱ ጸሳው ጎይንያ ቦንቼቲዳ ማጫዋንታን ካታማን ደእያ ዋልቃማ አሳቱዋ ጳውሎሳ ቦላንን ባርናባሳ ቦላ ደን።አና፤ አሳቱ ኡንቱንታ የደርሱዋ ደሚደ፤ ባረንቱ ጋድያፕ ከሴድኖ።

51 ሸን የሱስ ኪቴዳዋንቱ ኡንቱንታ እጽዋዋንቶ ማላታ ግዳና ማላ፤ ባረንቱ ገድያፕ ባና ሾጪደ፤ ፤ አቆንዮን ካታማ ቤድኖ።

52 ቃይ አንጾክያን ደእያ ካልያዋንቱንካ ጌሻ አያናይነ ናሽቻይ ኩሜዳ።

### 14

ጳውሎስን ባርናባስ አቆንዮን ቤድኖ

1 ካስዋዳንካ ጳውሎስን ባርናባስ አቆንዮንን አይሁዳቱዋ ዋሳ ጎል ገሊደ፤ ቃላ ኦዴድኖ፤ ሄዋፕ ጉይያን ጮራ አይሁዳቱን አይሁዳ ግደናዋንቱ አማኔድኖ።

2 ሸን አማንቤና አይሁዳቱ አይሁዳ ግደናዋንቱ ዋዛና ላሚደ፤ እሻቱዋ ቦላ ሀንቀሌድኖ።

3 የሱስ ኪቴዳዋንቱ ሄዋን ዳር ዋድያ ጋምኤድኖ፤ ኡንቱንቱ ጎዳባ ያየናን ኦዴድኖ፤ ጎዳይ ማላታን ኡራላባ ኡንቱንቱ ኦላና ማላ፤ ኡንቱንቶ ዋልቃ አሜዳዋን ባረ አጼ ኬካተላ ቃላባይ ቱማ ግዴዳዋ ማርካቲዳ።

4 ሸን ካታማ አሳይ ሻከት፤ ባጋይ አይሁዳቱዋኩ፤ ባጋይ የሱስ ኪቴዳዋንቱኮ ሰሜድኖ።

5 አይሁዳ ግደናዋንቱን አይሁዳቱ ባረንቱ ካፓቱዋና እትፕ የሱስ

ኪቴዳዋንታ ቆሀናውን ሹቻን ጫዳናው ቆፔዳ ዋደ።

6 የሱስ ኪቴዳዋንቱ ሄዋ ኤሪደ፤ ልስጽራን ደርቦ ጌተትያ ልቃኦንያ ካታማቱዋን ኡንቱንቱ ሄራን ደእያ ጋድያ ብ አጌድኖ፤

7 ሄዋን ዋንጋላ ሞሽራቹዋ ኦዴኖ።

8 ባረ ዳይ ኡሉዋፕ የለቶደፕ ደሚደ፤ ላኡ ገዲ ሰልና፤ ኡባካ ሀመተና እት ብታኒ ልስጽራን ደኤ።

9 ሄ ብታኒ ጳውሎስ ኦድሸን ሰሴ፤ ጳውሎስ አ ጫድ ጾልያ ዋደ፤ ፓዳናው አው አማኑ ደእያዋ በኢደ፤

10 ኮሻ ቶቁሲደ እ፤ “ሰት ጋይ ነ ገድያን ኤቃ” ያጌዳ፤ ጉፕ ደንዲደ፤ ሀመታ ደሚዳ።

11 ጳውሎስ ኦሌዳዋ አሳይ በኢደ፤ ባረ ኮሻ ልቃኦንያ ቃላን ቶቁ ኦሌደ፤ “ጸሳቱ አሳ ማላቲደ ኑኮ ዋጴድኖ” ያጌዳ።

12 አሳይ ባርናባሳ፤ “ድያ”\* ገደ፤ ጳውሎስ ሃሳያው ዋናትያ ድራው፤ እ፤ “ሄርሚሳ” ገደ ሱንጴዳ።

13 ጌሻ ጎሊ ካታማ ማታን ደእያ ድያ ቁሳይነ አሳይ ኮራማቱዋን ዳሪ ሎእያ ጨሻቱዋ የሱስ ኪቴዳዋንቶ ያርሹዋ ያርሻናው ኮዪደ፤ ፕንግያ አሄድኖ።

14 ሸን የሱስ ኪቴዳ ዣርናባስን ጳውሎስ ሄዋ ሰሴዳ ዋደ ባረንቱ ማዩዋ ፔጲደ፤ አሳ ግደ ዋጺደ፤

15 ባረንቱ ኮሻ ቶቁ ኦሌደ፤ ሀዋዳን ያጌድኖ፤ “አሳው፤ ሀዋ አያው ኦሌቲ? ኑንካ ህንተንቱዋዳን መፍቲዳ አሳ፤ ሀ ፓፍ የወዋፕ ሳሉዋን ሳእ፤ አባነ ኡንቱንቱ ግድን ደእያ ኡባባ መጴዳ ደኡዋ ጸሳኮ ህንተ ሰማና ማላ፤ ህንተንቶ ኑን ዋንጋላ ሞሽራቹዋ ኦዴቶ።

16 እ በን አሳ ዘረላይ ኡባይ ባረንቱ ኦግያ ባና ማላ የድ አጌዳ።

17 ህንተንቶ አራ ሳሉዋፕ ቡክሴዳ፤ ካላካ አ ዋድያን አሜዳ፤ ቃይ ቁማ አሚደ፤ ህንተንታ ሎይላ ናሽቼ፤ ያቲደ ህንተንቶ ሎካኑ ኦሌደ፤ ኡባ ዋደካ ባረው ማርካ ጳይቤና” ያጌድኖ።

18 የሱስ ኪቴዳዋንቱ ሄዋ ገደ፤ ባረንቶ አሳይ ያርሸና ማላ፤ መቶቲደ ድጌድኖ።

19 አንጾክያፕን አቆንዮንፕ ዪዳ አይሁዳቱ አሳ ባረንቱ ባጋ ዛሪደ፤

፤ 13:51 ባረንቱ ገድያፕ ባና ሾጪደ፡- ሀዋ አሳይ አከናን እጾዋ በሰያ ኦግያ። \* 14:12 ድያ፡- ጉሳይ ግሪካቱዋ ጸሳቱዋ ኡባቱዋፕ ቦላ ጌተት ፓይደትያ ኡንቱንቱ ኤቃ። 14:15 ከሳ 20:11፤ ማዜ. 146:6

ሹቻን ጳውሎስ ጫዳድኖ፤ ኢንቲንቶ ሀይቁዳዋ ማላትና፣ ካታማፕ ካረዉ አ ጎቶ ከሴድኖ።

20 ሸን ካልያዋንቱ አ ማታን ዩይ አዲደ ኤቁሸን፣ አ ደንዲደ፣ ካታማ ገሌዳ። ዋንተላ ጋላስ ባርናባሳና እትፕ ደርቦ ቤዳ።

ጳውሎስን ባርናባስ አንጾክያ ስሜድኖ

21-22 ኢንቲንቱ ደርቦ ካታማን ዋንጋላ ሞሽራቸዋ ኦዲደ፣ ጮራ አሳይ የሱሳ አማናና ማላ ኦፊዳዋፕ ጉይያን፣ ልሰጽራ፣ አቆንዮንነ ጲሲድያን ደእያ አንጾክያ ስሜድኖ፤ ያቲደ ሄዋን ካልያዋንታ ሞንሲደነ ኢንቲንቱ አማኑዋን ሞን ደእና ማላ ዘሪደ፣ “ኑን ጸሳ ካዉተላ ገላናዉ ሎይላ ዋየታና ቦሴ” ያጌድኖ።

23 ቃይ አማንያዋንቶ ደእያ ሳን ደእያ ሳን ጭማቱዋ ደሪደ፣ ጸሜዳዋፕን ዋሴዳዋፕ ጉይያን፣ ኢንቲንቱ አማኔዳ ጎዳዉ ኢንቲንታ ሀዳራ አሜድኖ።

24 ጲሲድያ ጋድያፕ አዲደ፣ ጽንፍልያ ዩድኖ፤

25 ጳርገን ቃላ ኦፊዳዋፕ ጉይያን፣ አጻልያ ቤድኖ።

26 ሄዋፕ ኢንቲንቱ ባረንቱ ፖሌዳ ኦሱዋ ድራዉ፣ አሳይ ኢንቲንቱ ሀዳራ ጸሳ አዶ ከካተላዉ አሜዳ አንጾክያ ማርካብያን ስሜድኖ።

27 አንጾክያ ጋኬዳ ዋደ አማንያ አሳ ሺሺደ፣ ጸሳይ ባረንቱና እትፕ ኦፊዳ ኡባባ፣ አይሁዳ ግደና አሳይ አማናና ማላ፣ ኢንቲንቶ ፕንግያ ደይዳዋ፣ አሳዉ ኦጆድኖ።

28 ያቲደ ሄዋን ካልያዋንቱና ዳር ዋድያ ጋምኤድኖ።

### 15

የሩሳላመ ሺቁዋ

1 እት እት አሳቱ ይሁዳፕ አንጾክያ ዋዲደ፣ “ሙሴ ዋጋዳን፣ ሀንተ ቃጸረተናዋ ግደፕ፣ አታናዉ ዳንዳይክታ” ያጌደ አሻቱዋ ታማርሱዋ ደሜድኖ።

2 ጳውሎስን ባርናባስ ኢንቲንቱና ዳርስ ዋላቀቲደ ፓሉሙትና፣ አንጾክያን ደእያ እት እት ሀራ አሳቱ ሄ ፓሉማ ድራዉ፣ ጳውሎሳናን ባርናባሳና

የሩሳላመ ቢደ፣ የሱስ ኪቴዳዋንቱናን ጭማቱዋና ጋከታናዉ ቆፋይ ቃሸቲዳ።

3 አማንያ አሳቱ ኢንቲንታ ኪቲደ ኦግያን ማድሸን፣ አይሁዳ ግደናዋንቱ ጸሳኮ ስሜዳዋ ኦዲደ፣ ፕንቁያናን ሳማርያና አዲድኖ፤ ሄዋ አሻቱዋ ኡባ ሎይላ ናሸቹዳ።

4 ኢንቲንቱ የሩሳላመ ጋኬዳ ዋደ፣ አማንያዋንቱ፣ የሱስ ኪቴዳዋንቱን ጭማቱ ኢንቲንታ ሞኬድኖ፤ ጸሳይ ባረንቱን ኦፊዳዋ ኡባ ኦጆድኖ።

5 ሸን ፓርሳዋቱዋ ባጋፕ አማኔዳ እት እት አሳቱ ደንድ ኤቁደ፣ “ሀንተንቱ ኢንቲንታ ቃጸራናዉን ሙሴ ሀግያ ናጋና ማላ አዛዛናዉ ቦሴ” ያጌድኖ።

6 የሱስ ኪቴዳዋንቱን ጭማቱ ሄዋ ዘረታናዉ ሸቁድኖ።

7 ሎይላ ሃሳዬዳዋፕ ጉይያን፣ ጳጽርስ ደንድ ኤቁደ፣ ኢንቲንታ ሀዋዳን ያጌዳ፤ “ታናዳን አማንያዋንቶ፣ አይሁዳ ግደናዋንቱ ዋንጋላ ሞሽራቸዋ ቃላ ታ ደናፕ ሰሲደ አማናና ማላ፣ ታና ጸሳይ ሀንተ ግደፕ ቦን ደሬዳዋ ሀንተንቱ ኤሪታ።

8 አሳ ዋዛና ኤርያ ጸሳይ ጌሻ አያና ኦዉ አሜዳዋዳን፣ ኢንቲንቶካ አሚደ ቱማዬዳ።

9 ኢንቲንቱ አማኔዳ ድራዉ፣ አ ኢንቲንቱ ዋዛና ጌሺደ፣ ኦ ግዲዋንነ ኢንቲንቱ ግዲዋን ዱማተላ ዋላቤና።

10 ሄዋ ድራዉ፣ ኦ አዋቱን ኩን ቶካናዉ ዳንዳይቤና ዋልቃማ ቶኩዋ ካልያዋንቱ ሞርግያን ዋላደ፣ ሀእ ሀንተ አያዉ ጸሳ ፓጩቲ?

11 ሸን ጎዳ የሱስ ክርስቶሳ አዶ ከካተላን ኢንቲንቱ አቴዳዋዳን፣ ኩንካ አቴዳዋ አማኔቶ” ያጌዳ።

12 አሳይ ኡባይ ጮኡ ጊደ፣ ባርናባስን ጳውሎስ አይሁዳ ግደና አሳ ግደን ባረንቱ ባጋና ጸሳይ ኦፊዳ ማላታን ኦራላባ ኡባ ኦድሸን ሰሴ።

13 ኢንቲንቱ ሃሳያ ዉርሴዳዋፕ ጉይያን፣ ያቆብ ሀዋዳን ያጌደ ዛሬዳ፤ “አሻቶ፣ ታን ግያዋ ሰሰተ።

14 ጸሳይ አይሁዳ ግደናዋንቱ ግደፕ ባረዉ ሀንያ አሳ አካናዉ አይሁዳ ግደናዋንቶ ኮይር ዋት ቆፔደንቶ ስሞን ኦጆዳ።

15-18 ናብያ ቃላይ ሀዋና ጊ፤ ጎይደ ዳር ዋድያፕ ደሚደ፣ አሳ ሀዋ ኤርሲደ፣ ጸሳ ማጻፋን ሀዋዳን ያጌዳ፤

“ሳዋጥ ጉይያን፣ ሳኣን ደእያ ሀራ  
 አሳይ ኡባይ፣  
 ታዋ ግዳናው፣  
 ታን ዴሴዳ አይሁዳ ግደና አሳይ  
 ኡባይ፣  
 ጎዳ ኮያና ማላ፣ ታን ሰማና።  
 ታን ኮለቲደ ኩንዴዳ ጎልያዳን፣  
 ሀኔዳ ዳዊተ ካወተላ ደንላና።  
 ኮለቲዳዋካ ዛራደ ኬጻና፤  
 ታን ላኤንሎዋ አ ኤሳና  
 ያጌዳ።

19 “ሄዋ ድራው፣ ታ ቆፋ  
 ግደጥ፣ አይሁዳ ግደናዋንቱጥ ጸሳኮ  
 ሰምያዋንታ ኩን መቶላናው ኮሸና።

20 ሸን ኡንቱንቱ ኤቃን ቱኔዳዋ ሜና  
 ማላ፣ ዋሹመና ማላ፣ ባኩቲዳ መሀያ  
 አሹዋ ሜና ማላ፣ ሱላ ኡሸና ማላ፣  
 ኡንቱንቱ ኩን ዳብዳቢያ ጸፋናው ኮሼ።

21 አያው ጎጥ፣ ሙሴ ሀግያ ካሰ  
 የለታጥ ደሚደ ሳምባታን ሳምባታን  
 አይሁዳ ዋሳ ጎለቱዋን ናባቢደ፣ አ  
 ቃላ ካታማ ኡባን ኦድያዋንቱ ደእኖ”  
 ያጌዳ።

22 ሄዋጥ ጉይያን፣ የሱሰ  
 ኪቴዳዋንቱን ጭማቱ ዋሳ ጎለ  
 አሳ ኡባና እትጥ ባረንቱ ግደጥ  
 አማራዳ አሳቱዋ ደሪደ፣ ጳውሎሳና  
 ባርናባሳና አንጾክያ የዳናው ቆፋ  
 ቃቹድና፤ ኡንቱንቱ ዳር ቦንቼቲዳ  
 ላኡ አሳቱዋ ባርሳባ ጌተትያ ይሁዳን  
 ሰላሳ ደራድና።

23 ያቲደ ሀዋዳን ግያ ዳብዳቢያ  
 ጸፊደ፣ ኡንቱንቱ ቦላ ኪቴድና፤ “ኩን  
 የሱሰ ኪቴዳዋንቱን ጭማቱ ሀንተ  
 እሻቱ፣ አንጾክያን፣ ሶርያንን ክልቂያን  
 ደእያ አይሁዳ ባጋ ግደና እሻቶ ኑ  
 ሳርታ ኪቴቶ።

24 “ኩን አዛዝቤና አሳቱ ኑ ግደጥ  
 ቢደ፣ ህንተንቱ ቃጸጸታናውን ሙሴ  
 ሀግያ ናጋናው በሴ፣ ጊደ፣ ሀንተንታ  
 መቶሴዳዋን ይሎዬዳዋ ሰሲደ።

25-26 ኑ ጎዳ የሱሰ ክርስቶሳ ሱንላ  
 ድራው፣ ባረንቱ ሸምቸዋ ኦሌዳ ኩን  
 ሲቅያ ባርናባሳና ጳውሎሳና ደረቲዳ  
 አሳቱዋ ሀንተንቱኮ ኪታናው እት  
 ዋዛናን ኑ ቆፋ ቃቹደ።

27 ሄዋ ድራው፣ ኩን ጸፊዳዋ  
 ኡንቱንቱ ባረንቱ ሁጳው ባረንቱ ድናን  
 ሀንተንቶ ኦዳና ማላ፣ ይሁዳን ሰላሳ  
 ኪቴድ።

28-29 “አያው ጎጥ፣ ኤቃው  
 ያርሼዳዋ ሞጥተ፤ ሱላ ኡሸጥተ፤  
 ባኩቲዳ መሀያ አሹዋ ሞጥተ፤  
 ዋሹዋጥተ። ሀ ኮሸያዋንቱጥ አትን፣  
 ሀራ ዴጽያ የወዋ ሀንተንታ ቶሰና  
 ማላ፣ ኩን ጌሻ አያናይ የወዋ ኤኖ  
 ጊደ አኬድ፤ ሀ ኡባባጥ ሀንተ ሁጳያ  
 ናጎጥ፣ ሀንተንቱ ሎኦባ ኦሊታ። ሰም  
 ሳር ደእተ” ያጌድና።

30 ሄዋ ድራው፣ ኪቴዳዋንቱ  
 ሞይዘት፣ አንጾክያ ዋጲደ፣ አማንያ አሳ  
 ሺሺደ፣ ዳብዳቢያ አሳው አሜድና።

31 ኡንቱንቱ ሄ ሞንሰያ ዳብዳቢያ  
 ናባቢዳ ዋደ፣ ናሸቲድና።

32 ቃይ ይሁዳይን ሰላሰ ባረንቱ  
 ሁጳው ናባቱዋ ግድያ ድራው፣ እሻቱዋ  
 ሎይሰ ማቂደ ሞንሴድና።

33 ኡንቱንቱ አንጾክያን አማራዳ  
 ጋላሳ ኡቴዳዋጥ ጉይያን፣ እሻቱ  
 ሳርተላን ሞይዘና፣ ባረንታ  
 ኪቴዳዋንቱኮ ሰሜድና።

34 ሸን ሰላሰ ያን አታናው ባረ ቆፋ  
 ቃቹዳ። \*

35 ቃይ ጳውሎስን ባርናባሰ ሀራ  
 ጮራ አሳቱዋና እትጥ ጎዳ ቃላ  
 ታማርሲደን ዋንጋላ ሞሽራቹዋ  
 ኦዲደ፣ አንጾክያን ኡቴድና።

ጳውሎስን ባርናባሰ ሻከቲድና

36 አማራዳ ጋላሳጥ ጉይያን፣  
 ጳውሎስ ባርናባሳ፣ “ኩን ጎዳ ቃላ  
 ኦዴዳ ካታማ ኡባን ኑ እሻቱ  
 ዋት ደእኖንቶ፣ ጉየ ሰሚደ፣ ጸሞሰ  
 በኦይተ” ያጌዳ።

37 ሄዋጥ ጉየ ባርናባሰ ማርቆሳ  
 ጌተትያ ዮሃንሳ ባረንቱና አፋናው  
 ኮዬዳ።

38 ሸን ጳውሎስ ማርቆሳ ባረንቱና  
 አፋናው ኮይቤና፤ አያው ጎጥ፣ አ  
 ኡንቱንቱጥ ጵንፍልያን ሻከቲዳ፤ ቃይ  
 ኡንቱንቱና ኦሶ ብቤና።

39 ኡንቱንቱ ግዲዋን ሎኤና  
 ዋላሳይ ከሰና፣ እቲ እቲዋጥ ሻከቲዳ፤  
 ባርናባሰ ማርቆሳ አኪደ፣ ማርካብያን  
 ቆጲርሳ ቤዳ።

40 ሸን ጳውሎስ ሰላሳ አክና፣  
 እሻቱ አ ሀዳራ ጸሳ አቶ ኬካተላው  
 አሜዳዋጥ ጉይያን ቤዳ።

41 ያቲደ አማንያ አሳቱዋ ሞንሲደ፣  
 ሶርያናን ክልቂያና አጼዳ።

15:20 ከሳ 34:15-17፤ ዋጋ 17:10-16፤ 18:6-23 \* 15:34 ሰላሰ አንጾክያን አታናው ባረ ቆፋ  
 ቃቹዳ፣ ግያዋ ጮራ ሀራ ቃላ ብለላን ባዋ።

# 16

ጽሞቶስ ጳውሎስና ስላሰና ጋከቴዳ

1 ጳውሎስ ቃይ ደርበነ ልስጽራ ቤዳ፤ ሄዋን ጽሞቶሳ ጌተትያ ካልያዌ፡ እት አማንያ አይሁዳ ምሽራት ናአይ ደኤ፤ እ እቡ ግሪክ አሳ።

2 ልስጽራንን እቆንዮንን ደእያ እሻቱ ጽሞቶሳሳ ሎይል ማርካቴድኖ።

3 ጳውሎስ እ ጽሞቶሳ ባርናና አፋናወ ኮዪድ፡ እ እቡ ግሪክ \* አሳ ግዴዳዋ ሄዋን ደእያ አይሁዳ ኡባይ ኤርያ ድራው፡ እ ኦይቂደ ቃጸሬዳ።

4 ኡንቱንቱ ካታማቱዋና ቢድ፡ የሱስ ኪቴዳ የሩሳላሙን ደእያዋንቱን ጭማቱ ዋሌዳ ህግያ አማንያዋንቱ ናጋና ማላ፡ ኡንቱንቱ ኦዲደ እጄድኖ።

5 ሄዋ ድራው፡ አማንያዋንቱ አማኑዋን ምን፡ ፓይዲዋንካ ጋላሳፕ ጋላሳን ዳር ዳር ቤድኖ።

ጳውሎስ ማቅደንያ ባናዳን ጸገቴዳ

6 ኢሰያን ቃላ ኦደና ማላ፡ ገሻ አያናይ ኡንቱንታ ድጌዳ ድራው፡ ፕርግያ ጋድያናን ጋላትያ ጋድያና እጄድኖ።

7 ኡንቱንቱ ሚሰያ ዛዋ ጋኬዳ ዋደ፡ ቢታንያ ባናወ ኮዪድኖ፤ ሸን የሱሳ አያናይ ኡንቱንታ ድጌዳ።

8 ሄዋ ድራው፡ ኡንቱንቱ ሚሰያ ማታና አጂድ፡ ጽርኣዳ ዋጄድኖ።

9 ጳውሎስ ቃማ ሳጸን እት ማቅደንያ ብታነ ባርና፡ “ማቅደንያ ፕናደ ኑና ማዳርኪ” ያጌደ ኤቂ ዋሰሽን በኤዳ።

10 ሳፃ እ በኤዳዋፕ ጉይያን፡ ኑን ኤለካ ማቅደንያ ባናወ ኮዪድ፤ አያወ ጎፕ፡ ዋንጋላ ምሽራቹዋ ያን ደእያ አሳወ ኦደናወ፡ ጸሳይ ኑና ጸሴዳዋ ኑወ ማላቴዳ።

ሊዳ ፕልጽሱዮሳን ክርስቶሳ አማናዲ

11 ሄዋ ድራው፡ ጽርኣዳፕ ደንዲድ፡ ስት ጌደ ማርካብያን ሳምትራቀ ቤድ፤ ዋንተላ ጋላስ ናጹለ ቤድ።

12 ሄዋፕ ፕልጽሱዮሳ ቤድ፤ ፕልጽሱዮሳ ማቅደንያ ቢታወ ሁጸ ካታማ፤ ቃይ ሮሙ አሳይ ደእያ ካታማ፤ ኑን ሄ ካታማን አማራዳ ጋላሳ ኡቴዳ።

13 ሳምባታ ጋላስ፡ ካታማፕ ጋጸን ሻፋ ደናን አይሁዳቱ ጸሳ ዋሰያ ሳአይ ደእያዋ እኬኪደ ቤድ፤ ሄዋን ኡቴደ ሺቄዳ ማጫ አሳወ ቃላ ኦዲድ።

14 እት ሊድያ ጌተተውና፡ ትያጽርና ካታማፕ ያደ ጸሳ አማንውና፡ ዘኦ ማዩዋ ዛልእያ ምሽራታ፡ ኑን ኦድያዋ ሰሳዲ፤ ጳውሎስ ኦድያዋካ እዛ ሰሳና ማላ ጸሳይ እ ዋዛና ደዬዳ።

15 ሊድያ ባር ሶይ አሳና እትፕ ጸማቅቲዳዋፕ ጉይያን ኑና፡ “ህንተንቱ ታና ጎዳ ቱማተላን አማናወ ጌደ ቆፖፕ፡ ታ ሶይን ደእሸተ” ጋደ ዋሳዲ፤ ምንሳደ ሸባዲ።

ጳውሎስን ስላሰ ቃሽቴድኖ

16 ኑን ጸሳ ዋሰያሳ ቢሸን፡ ኢታ አያናይ እዝ ቦላ አቅና ካይያ እት ቆማ ናታ ኑናና ጋከታዲ፤ ሄ ናታ ካያደ ዳር ሚሻ ባር ጎዳቶ ደማዲ።

17 ጋከታደ ጳውሎስን ኑና ካላደ፡ “ሀዋንቱ ህንተንቱ አታና ኦግያ ኦድያዋንቱ፡ ኡባፕ ቦላ ጸሳ አይለቱዋ” ጋደ ኮሻ ጶቄ ኦላደ ሃሳያወ።

18 ኡባ ጋላስ ሄዋዳን ጋወ፤ ሸን ጳውሎስ ይሎቲደ ጉዮ ሰም፡ ሄ ኢታ አያና፡ “ኔን አፕ ከሳና ማላ የሱስ ክርስቶሳ ሱንላን ኔና አዛዛይ” ያጌዲ፤ ሄ ማንእያን ኢታ አያናይ ኢፕ ከስ አጌዳ።

19 ሸን እዝ ጎዳቱ ባርንቱ ሚሻ ደማና ኦጊ ጳዬዳዋ በኢድ፡ ጳውሎስን ስላሳ ኦይቂደ፡ ገያ ሳኣን ደእያ ዳናቱዋ ሰንላ ጎቶ ከሴድኖ።

20 ዳናቱዋ ሰንላ ኡንቱንታ አፊድ፡ “ሀዋንቱ አይሁዳ አሳ ግዲድ፡ ኑ ካታማ አሳ ሎይል ሙቶሲኖ።

21 ኑን ሮሙ ጋድያ አሳ ግዲድ፡ አካናወን ኦላናወ ዋጋ ግደናባ ታማርሲኖ” ያጌድኖ።

22 አሳይ እት ባጋ ግዲድ፡ ጳውሎስ ቦላንን ስላሳ ቦላ ደንጄዲ፤ ዳናቱካ ኡንቱንቱ ማዩዋ ቃር እኪድ፡ ጸምኣን ኡንቱንታ ሸጫና ማላ አዛዜድኖ።

23 ኡንቱንቱ ዳርስ ዋጄዳዋፕ ጉይያን፡ ቃሽ ጎልያን የጌድኖ። ቃሽ ጎልያ ናግያዋካ ኡንቱንታ ምንሰ ናጋናዳን አዛዜድኖ።

24 ቃሽ ጎልያ ናግያዋ ሄ አዛዙዋ አኪድ፡ ጳውሎስን ስላሳ ቃሽ ጎልያ

\* 16:3 እ እቡ ግሪክ እ ኦይቂደ ቃጸሬዳ፡ ግሪክ አሳይ ባርንቱ ናና ቃጸርከና። ሸን ጽሞቶስ ቃጸረታና ጳዮፕ፡ አይሁደ አሳይ እ አከና ድራው፡ ጳውሎስ እ ኦይቂደ ቃጸሬዳ።

ቆልኦ ገልሴዳ፤ ኢንቱንቱ ገድያካ ሞላና ጋህ ዳራጸደ ያቼዳ።

25 ሸን ቃማ ብላሄ ግድያ ሄራን ጳውሎስን ሰላሰ ጸሓዊ ዋሲደ፤ ማዝሙርያ የጸደ ጸሓዊ ጋላቲኖ፤ ቃሸቶ አሳይ ኢንቱንቱ ግያዋ ሰሴ።

26 ቃሾ ጎልያ ጸጹ ቃጸና ጋካናው ዋዛና አፍን ቢታይ ዳርሰ ቃጸዳ፤ ሄ ማንእያን ፕንጊካ ኡባይ ደየት አግና፤ ቃሸቱዳ አሳ ኡባ ሳንላላታይ ብለት ዋዴዳ።

27 ቃሾ ጎልያ ናግያዌ ገምእቹዋፕ ቤተትያ ዋደ፤ ቃሾ ጎልያ ፕንጊካ ኡባይ ደየቱዳዋ በኢደ፤ ቃሸቶ አሳይ ከሰ አኪደ ብድጌዳዋ አው ማላትና፤ ባርና ዋዳናው ቆፒደ፤ ጩብያ አኬዳ።

28 ሸን ጳውሎስ ኮሻ ጶቁ ኦሲደ፤ “ኔን ኔና እያን ኦፕ፤ እያው ጎፕ፤ ኑን ኡባይ ሀዋን ደኤቶ” ያጌዳ።

29 ቃሾ ጎልያ ናግያዌ ጸምፕያ ዋሰ አኪደ፤ ኤለካ ቆልኦ ዋጶዳ፤ ኮኮሪደ ጳውሎሳ ሰንፋንን ሰላሰ ሰንፋን ጉፋኔዳ፤

30 ኢንቱንታ ካረ ከሲደ፤ “ታ ጎዳቶ፤ ታን አታናው እያ ኦፋና በሲ?” ያጌዳ።

31 ጳውሎስን ሰላሰ አ፤ “ጎዳ የሱሰ ክርሰቶሳ አማና፤ ኔን አታና፤ ነ ሶይ አሳይካ” ያጌድና።

32 ኢንቱንቱ አውነ አ ሶይን ደእያ ኡባው ጎዳ ቃላ ኦዴድና።

33 ቃማ ሄ ሳትያንካ ቃሾ ጎልያ ናግያዌ ኢንቱንታ አፊደ ኢንቱንቱ ማይላ ማጩዳ፤ ሄ ማንእያን ባረ ሶይ አሳ ኡባና ጸማቀት አጌዳ።

34 ጳውሎሳን ሰላሳ ፑደ ባረ ሶይ አፊደ፤ ኢንቱንቶ ቁማ አሌዳ፤ እ ባረ ሶይ አሳ ኡባና ጸሓ አማኔዳ ድራው፤ ናሽቱዳ።

35 ዋንትና ዳናቱ፤ “ሄ አሳቱዋ ብላ” ያጌደ፤ ፖልሰያ ካፓቱዋ አኮ ኪቲድና።

36 ሄዋፕ ጉየ ቃሾ ጎልያ ናግያዌ፤ “ሀንተንቱ ብለታና ማላ፤ ዳናቱ ታው ኪቲድና፤ ሰም ሀእ ከሲደ ሳርተላን ቢተ” ያጌደ ሄ ኪታ ጳውሎሳው አዴዳ።

37 ሸን ጳውሎስ ሄ ፖልሰያ ካፓቱዋ፤ “ኑን ርመ ጋደ አሳ ተ ግድሸን፤ ኢንቱንቱ ኑና ፕርዳይ ባይናን አሳ ሰንፋን ዋዲደ፤ ቃሾ ጎልያን የጌድና።

ሀእ ኑና ጌማን ከሰ የዲና? ሀንና፤ ኢንቱንቱ ባረንቱ ሀጸው ዪደ፤ ኑና ከሰና” ያጌዳ።

38 ፖልሰያ ካፓቱ ዳናቶ ሄዋ ኦድና፤ ጳውሎስን ሰላሰ ርመ ጋደ አሳ ግዴዳዋ ሰሴዳ ዋደ፤ ያዬድና።

39 ሄዋ ድራው፤ ዳናቱ ዪደ ኢንቱንታ፤ “ኑን ሀንተንታ ናቁደ” ጌድና። ቃሾ ጎልያፕ ካረ ኢንቱንታ ከሲደ፤ ካታማፕ ከሲደ ባና ማላ ዋሲድና።

40 ጳውሎስን ሰላሰ ቃሾ ጎልያፕ ከሲደ፤ ሊድያ ሶይ ቤድና፤ ያን እሻቱዋና ጋከቲደ፤ ኢንቱንታ ሞንሲደ ሄዋፕ ቤድና።

### 17

ተሰሎንቀን ደንዴዳ ዋላሳ

1 ጳውሎስን ሰላሰ፤ አምፕጸሊሳናን አጸሎንያና አዲደ፤ ተሰሎንቀ ዬድና፤ ተሰሎንቀን አይሁዳ ዋሳ ጎሊ ደኤ።

2 ጳውሎስ ባረ ደያዳንካ ያ ገሌዳ፤ ሄዋን ሄዙ ሳምባታ ጋላሳቱዋን ጸሓ ማጸፋቱዋፕ አሳና ሃሳዬዳ፤

3 ክርሰቶስ ዋይያ አካናውነ ሀይቁዋፕ ደንዳናው በሰያዋ ኢንቱንቶ ብሊደ ኦዲድነ ቱማ ግዴዳዋካ ኢንቱንታ ኤርሲደ፤ “የሱሰ ሀ ታን ሀንተንቶ ኦድያዌ ክርሰቶሳ” ያጌ።

4 ኢንቱንቱፕ እቱ እቱ የው ቱማ ግዴዳዋ አኬኪደ፤ ጳውሎሳናን ሰላሰና ጋከቲድና፤ ሀዋዳንካ፤ ጸሓው ጎይንያ ጮራ ግሪክ አሳይነ ጮራ ቦንቼቲዳ ማጫዋንቱ፤ ጳውሎሳናን ሰላሰና ጋከቲድና።

5 ሸን አይሁዳቱ ቃናቲደ፤ እት እት ኦሱ ባይና ኢታ አሳቱዋ ቆጫፕ ሺሺደ ካታማ አሳ ዋላሴድና፤ ጳውሎሳን ሰላሳ አሳኮ ከሳና ማላ ኮዪደ፤ ያሶና ጎልያ ደዴድና።

6 ጳውሎስን ሰላሰ ኢንቱንቶ ቤተናን እጽና፤ ያሶናን እት እት እሻቱዋ ካታማ ካፓቱዋኮ አፊደ፤ “ሀዋንቱ ጋድያ ኡባ መቶሌዳዋንቱ፤ ሀዋካ ዬድና።

7 ያትና ያሶን ኢንቱንታ ባረ ሶይን ዋሌዳ፤ ሀዋንቱ ኡባይ፤ “የሱሳ ግያ ሀራ ካቲ ደኤ ጊደ ቁሳረ አዛዙዋ ሞንሲና” ያጌደ፤ ኮሻ ጶቁሲደ ሃሳዬድና።

8 ሺቁዳ አሳይነ ካታማ ካፓቱ ሄዋ ሰሲደ መቶቲድና።

† 16:37 ርመ ጋደ አሳ፡- ርመ ካውተላን ኤረቲደ ደእያ ጉላ አሳይ ሄ ጋደ አሳቱዋ ጌተቲና። ሄዋንቶካ ቃይ ሀራቱዋፕ ዲማትያ ማታይነ ካጫይ ደኤ።

9 ካፓቱ ያሶናን ሀራቱዋ ዋሰያን ብሌድኛ።

ጳውሎስን ሰላስ ቤርያ ቤድኛ

10 አማንያዋንቱ ጳውሎስን ሰላሳ ሳኦይ ቃምያዋን ኤላካ ቤርያ የዴድኛ። ያ ጋኪደ፣ አይሁዳ ዋሳ ጎላ ገሌድኛ።

11 ቤርያ አሳቱ ተሰሎንቀን ደእያ አሳቱዋ፣ ኦድ ዶየቶ ዋዛናይ ደእያ ድራው። “ጳውሎስ ጌዳዌ ቱመንቶን” ያገደ፣ ኡባ ጋላስ ጳሳ ማጻፋቱዋ ታማሪደ፣ ቃላ ኩመንጎ ላሞታን አኬድኛ።

12 ሄዋ ድራው፣ ኦንቱንቱ፣ ጮራቱ፣ ግሪካቱዋ፣ ቦንቼቴዳ ጮራ ማጫዋንቱን ጮራ አቱማ አሳቱ አማኔድኛ።

13 ሸን ተሰሎንቀን ደእያ አይሁዳቱ ጳውሎስ ጳሳ ቃላ ቤርያንካ ኦዴዳዋ ሰሴዳ ዋደ፣ ቤርያ ዪደ፣ አሳ አናና ዋላሴድኛ።

14 ሄዋ፣ ጉይያን፣ አሻቱ ኤላካ ጳውሎሳ አባ ማታን የድ አጌድኛ፤ ሸን ሰላስን ጽሞቶስ ቤርያን አቱድኛ።

15 ጳውሎሳ ሞይዜዳ አሳቱ አቱና ጋሌድኛ፤ ሄ አሳቱ ሰላስን ጽሞቶስ ባረንቶ ዳንዳየቱዳዋዳን፣ ኤላካ ባረኮ ያና ማላ፣ ጳውሎስ ኪቴዳ ኪታ አኪደ፣ ቤርያ ሰሜድኛ።

ጳውሎስ አቱና ቤዳ

16 ጳውሎስ አቱናን ሰላሳን ጽሞቶሳ ናገደ፣ ካታማን ኤቃይ ኩሜዳዋ በእደ ይሎቴዳ።

17 ሄዋ ድራው፣ አይሁዳ ዋሳ ጎልያን አይሁዳቱዋናን ጳሳው ጎይንያ አይሁዳ ግደና አሳቱዋና ፓሉመቴ፤ ቃይ ኡባ ጋላስ ገያን ባረናና ጋከትያ አሳናካ ፓሉመቴ።

18 ቃይ ኤፕቆርሳ፣ \* እስጸእክያ፣ † ዬዳ እት እት ኤራንቻቱ ጳውሎሳና ፓሉመቴድኛ፤ ኦንቱንቱ፣ አቱ አቱ፣ “ሀ ቶፊናይ እያ ሃሳያናው ኮዩ?” ያጌድኛ።

ሀራቱ ጳውሎሳ የሱሳባን ሀይቁዋ፣ እ ደንዴዳዋ ባረንቶ ኦድያ ድራው፣ “ኦራሳ ጳሳቱባ ኦድያዋ ማላቱ” ያጌድኛ።

19-20 ጳውሎሳ ኦይቁደ፣ “ሀ ኔን ታማርሰያ ኦራሳ የወ አየንቶ ኑና ኤርሳርኪ? እያው ጎፕ፣ ኔን ኑወ ኦራሳባ ኦዳሳ፤ ሰም ሀዌ አየንቶ ኑን ኤራናው ኮዬቶ” ያገደ ጳውሎሳ አርዮስ፣ ጎሳ ጌተትያሳ አፊድኛ።

21 አቱና አሳይ ኡባይን ሄዋን ደእያ እማላቱ ኦራሳባ ሃሳዪድን ሰሴደ ፔሸያዋ፣ አትን፣ ሀራባን ፔሸክኛ።

22 ጳውሎስ አርዮስ፣ ጎሳን ደእያ ሸቁዋ ሰንሳን ኤቁደ፣ ሀዋዳን ያጌደ፤ “አቱና አሳቶ፣ ጳሳቶ ኡባባን ሀንተንቱ ዳሪ ያይያዋ ታን በአይ።

23 እያው ጎፕ፣ ታን ሀንተንቱ ጎይንያዋ ጸላደ አድሸን፣ “ኤረተና ጳሳው ጌተቲደ ጸፊቴዳ ያርሹዋ ሳኦ ቃይ ደማድ፤ ሄዋ ድራው፣ ሀ ሀንተ ኤረንጎን ጎይንያዋ ታን ሀንተንቶ ኦዳይ።

24 “አሳምያን አላምያን ደእያ ኡባባ መዴዳ ጳሳይ ሳሉዋን ሳኦ ጎዳይ፣ አሳይ ኬዴዳ ገሻ ጎልያን ደኤና።

25 አየንቶ ፓጩዳ አሳዳን፣ አሳ ኩሸያ እ ጸላና፤ እያው ጎፕ፣ እ ባረ ሁጸው ደኡዋ ሸምቶዋን ኡባባ አሳ ኡባው እማዳ።

26 ጳሳይ አሳ ዛርያ ኡባ እት ኡራፕ መዲደ፣ ጋድያ ኡባን ዋሌዳ፤ እ ባረ ሁጸው ኦንቱንቱ ደእና ዋድያን ሳኦ ካሰ ዛዋዬዳ።

27 “አ ሄዋ ኦሌዳዌ ኦንቱንቱ ኦይቁ ኦይቁ ጸሊደ፣ ባረና ኮዪደ፣ ኦን ኤር ደማናዋንቱሻ ግያዋና፤ ግደፕን፣ ጳሳይ ኑፕ ኦስን ሃኮ ግደና።

28 እያው ጎፕ፣ ሀንተንቱ፣ እት እት ኤራንቻቱ፣ “ኑን አ ናና፣ ጌዳዋዳን፣ ኑን እን ፓጸ ደኤቶን ቃጸቱቶ።

29 ሰም ኑን ጳሳ ናና ግዴዳ ድራው፣ ጳሳይ አሳ ጭንጫተላንን ቆፋን ዋርቃ፣ ዋይ ብራፕ ዋይ ሹቻ፣ ኦስቴዳዋ ማላቱ ያገደ፣ ቆፓናው በሰና።

30 ሄዋ ድራው፣ ጳሳይ አሳይ ኤርቤና ዋድያ አሌዳ፤ ሸን ሀእ ኡባ ሳን አሳይ ኡባይ ናጋራ፣ ሰማና ማላ አዛዜዳ።

31 እያው ጎፕ፣ ጳሳይ ዋድያ ኬር ዋሌዳ፤ ሄ ዋድያን ባረ ዶራዳ ኡራን ሳኪን ደእያ አሳ ኡባ ቦላ ጽሎ ፕርዳ እ ፕርዳና፤ አሳ ኡባው ሀይቁዋ፣ የሱሳ ደንሌዳዋን ሄዋ ቱማዬዳ” ያጌድኛ።

\* 17:18 ኤፕቆርሳ- ሀዋ ጋድያ ግዲደ፣ ሀ ጋድያን ደእያ አሳቱ ናሽቶያ አሳ ደኦ ኮይር ሳኦ አይቁዳ ያግ ታማርሰያ ኤፕቆርሳ ግያ ብታንያ ትምርትያ ካልያዋንታ። † 17:18 እስጸእክያ- ሀዌካ ጋድያ ግዲደ፣ ሀ ጋድያ ደእያ አሳቱ፣ ባረና ሞዲሳነ ባረ ቆፋን ካለስትያዋ አሳይ ታማራና በሴ፣ ያግያ ትምርትያ ታማርሰያ ዜና ያገትያ ብታንያ ትምርትያ ካልያዋንታ። 17:24 1 ካፓ. 8:27፣ አሊ. 42:5፤ ኪታ 7:48



32 ኡንቲንቲፕ እት እት አሳቱ ሀይቁፕፕ ደንዲዋባ ጳውሎሳፕ ሰሲደ፣ አ ቦላ ቅሊጤድኖ፤ ሸን ሀራ አሳቱ አ፣ “ኑን ሀዋ ኔፕ ጉጂደ ሰሳና ኮዬቶ” ጌድኖ።

33 ሄዋ ድራው፣ ጳውሎስ ኡንቲንቲ ግደፕ ከሴዳ።

34 ሸን እት እት አቱማ አሳቱ ጳውሎሳና ጋከቲደ አማኔድኖ፤ ኡንቲንቲ ግዲዋን አርዮሰፓጎሳን ደእያ ፕርዳ ጎላ ዳናይ ድዮናሰዮሰ፣ ዳማሪሶ ጌተትያ እት ሞሽራትና ሀራ አሳቱ ደኢኖ።

# 18

ጳውሎስ ቆርንቶሳ ቤዳ

1 ሄዋፕ ጉይያን፣ ጳውሎስ አቴናፕ ከሲደ፣ ቆርንቶሳ ቤዳ።

2 ሄዋን አቁላ ግያ እት አይሁዳ ብታንያ ደሜዳ፤ አቁላይ ጳንጸሳን የለቲዳ፤ አይሁዳ አሳይ ኡባይ ርመፕ ከሳና ማላ፣ ቃላዉደዮስ አዛዜዳ ድራው፣ አማራዳ ዋድያፕ ካሰ፣ አ ባረ ማቻት ጵርሰቁላና ጳልያፕ ዬዳ፤ ጳውሎስ ኡንቲንቲና ጋከታናው ቤዳ።

3 አ ኦሱነ ኡንቲንቲ ኦሱ እት ማላ ዲንካንያ ሰካ ግድያ ድራው፣ ኡንቲንቲና ኡቲደ፣ እትፕ ኦሴዳ።

4 ጳውሎስ ሳሞባታ ኡባን አይሁዳቲዋና ግሪካቲዋ አማንላናው አይሁዳ ዋሳ ጎልያን ፓሉመቲ።

5 ሰላሰነ ጽዋቶስ ማቅደንያፕ ዬዳ ዋደ፣ ጳውሎስ አይሁዳቶ የሱስ ባረ ሁጳው ክርሰቶሳ ግዴዳዎ ቃላ ኦዲዋ ቶሌዳ።

6 ሸን ኡንቲንቲ ጳውሎሳ ሃሳያ ጳልቁናን አ ቦርና፣ ጳውሎስ ባረ ማዩፕ ባና ቆቆፊደ፣ \* “ህንተንቲ ኢታተላይ ህንተንታ ኦይቆ፤ ታን ሄዋን ገልከ፤ ሀዋፕ ህን ባጋን ታን አይሁዳ ግድና አሳኮ ባይ” ያጌዳ።

7 ሄዋፕ ከሲደ፣ ጳሳው ጎይያ ዮሰጸሳ ግያ ብታንያ ሶይ ቤዳ፤ ዮሰጸሳ ጎሊ አይሁዳ ዋሳ ጎልያ ማታን ደኤ።

8 አይሁዳ ዋሳ ጎላ ካፑ ቃርሰጸሰ ባረ ሶይ አሳ ኡባና ጎዳ አማኔዳ፤ ቆርንቶሳ አሳቲዋፕካ ጮራቲ ጳሳ ቃላ ሰሴዳ ዋደ፣ አማኒደ ጳማቅቲድኖ።

9-10 ጎዳይ እት ቃማ ሳጸን ጳውሎሳ፣ “ያዮፓ፤ ኦዳ፤ ጮኡ ጎፓ። ታን ኔናና ደእያ ድራው፣ ኔና ቆሀናው ኢታባን የጋና አሳይ ኦንን ባዋ፤ አያው ጎፕ፣ ታው ሀ ካታማን ጮራ አሳይ ደኤ” ያጌዳ።

11 ጳውሎስ ጸሳ ቃላ አሳ ታማርሲደ፣ እት ላይላነ ኡሱፑን አገና ኡንቲንቲና ኡቴዳ።

12 ጋልዮስ አካይያ ጋድያ ሞድያ ዋደ፣ አይሁዳቲ እትፕ ጳውሎሳ ቦላ ደንዲደ፣ ፕርዳ ጎላ አ ኦፊደ።

13 “ሀ ብታኒ ሙሴ ሀግያ እጺደ፣ አሳይ ጳሳው ጎይናና ማላ ጭማ” ያጌድኖ።

14 ጳውሎስ ሃሳያና ሀንሸን፣ ጋልዮስ አይሁዳቲዋ፣ “አይሁዳቶ፣ ሄዋ ባላ ኦሱዋ ዋይ ኢታ ናቆ ግደፕ፣ ታን ህንተንቲባ ዳንዳያደ ሰሳናው ቦሴ።

15 ሸን ቃላው ሱንላውን ህንተ ሁጳ ሀግያው ህንተንቲ ፓሉመቻፕ፣ ህንተ ሁጳው ኤርተ፤ ሀዋ ታን ፕርድከ” ያጌዳ።

16 ፕርዳ ጎልያፕ ካረው ኡንቲንታ ከሴዳ።

17 ሄዋፕ ጉይያን፣ ግሪክ አሳይ ኡባይ አይሁዳ ዋሳ ጎላ ካፑዋ ሶስተኒሳ ኦይቁደ፣ ፕርዳ ጎልያ ሰንላን ሾጬድኖ፤ ሸን ጋልዮሳ ሄዋ አይነ መትቤና።

ጳውሎስ አንጸክያ ቤዳ

18 ጳውሎስ ዳር ዋድያ ቆርንቶሳን ኡቴዳዋፕ ጉይያን፣ እሻቲዋ ሳርቲደ፣ ጵርሰቁልናን አቁላና ማርካብያን ሶርያ ቤዳ፤ ባረው ሸቄዳ ጋሱ ደእያ ድራው፣ ክንክርያ ካታማን ባረ ሁጲያ ሜደቲዳ። †

19 ኡንቲንቲ ኤፈሶነ ጋኬዳ ዋደ፣ ጳውሎስ ጵርሰቁሎን አቁላ ያን የግ ዬዳ፤ ሸን ባረው አይሁዳ ዋሳ ጎላ ገሊደ፣ አይሁዳቲዋና ፓሉመቲዳ።

20 ኡንቲንቲ ባረንቲና ዳር ዋድያ ኡታና ማላ ጳውሎሳ ዋሰና አ እጾዳ።

21 ሸን ኡንቲንቲፕ ሻከቲደ፣ “ጳሳይ ጎፕ፣ ላኤንሱዋ ህንተንቲኮ ሰማና” ያጌደ ኤፈሶናፕ ማርካብያን ቤዳ።

\* 18:6 ማዩፕ ባና ቆቆፊደ፡- ሀዋ ጉሳይ ገድያፕ ባና ቆቆፍያዋና አታ። † 18:18 ሁጲያ ሜደቲዳ፡- ጳውሎስ ጉላ ዋድያው “ዳማታና” ጌደ ጫቁዳ። ሀዋ ጉሳይ፣ ባረ ሁጲያካ ሜደተና፤ ዋይንያካ ኡሸና ጉሳ። ሸን አ ጫቁዳ ዋዲ ወርደ፣ ባረ ሁጲያ ሜደቲደ ጳሳው ያርሹዋ ያርሻናው ቦሴ ጉሳ። 18:18 ፓይ. 6:18

22 ቁሳርያ ጋኬዳ ዋደ የሩሳላመ ቢደ፣ አማንያ አሳ ሳሮቴዳዋፕ ጉይያን፣ አንጾክያ ዋዴዳ።

23 ያን አማራዳ ዋድያ ጋምኢደ ቤዳ፤ ካልያዋንታ ኡባ ሞንሲደ፣ ጋላትያናን ፕርግያና አዴዳ።

አጲሎስ ኤፈሶናን ቆርንቶሳ ቤዳ

24 እስክንድርያን የለቴዳ አይሁዳ አሳ እት አጲሎሳ ግያ ሎኦ ሃሳይያዋ ኤፈሶን ቤዳ፤ ጸሳ ማጻፋቱዋ እ ዳርስ ኤርያ አሳ።

25 ጎዳ ኦግያካ ታማራዳ አሳ፤ የሃንሳ ጽንቃታ ጸላላ ኤሪደ፣ አያናን ባረ ጋርሳን ኤጸቲደ፣ የሱሳባ ሱርሲደ ሃሳዬዳን ታማርሴዳ።

26 ያቲደ አይሁዳ ዋሳ ጎልያን ያየናን ሃሳያ ደሜዳ። ጽርስቁላይን አቁላይ እ ኦድያዋ ሰሴዳ ዋደ፣ ባረንቱና ሶይ አ አፊደ፣ ጸሳ ኦግያ ካሰፕ ሱርሲደ፣ አዉ ጌሽ ኦዴድና።

27 አጲሎስ አካይያ ፕናና ኮይና፣ አሻቱ እ ሞንሲደ፣ አካይያን ደእያ ካልያዋንቱ አ ሞካና ማላ፣ አንቱንቶ ዳብዳቢያ ጸፊድና፤ እ ያ ጋኪደ፣ ጸሳ አጾ ኬካተላን አማንያዋንታ ዳር ማዴዳ።

28 አያዉ ጎፕ፣ የሱስ ባረ ሁጳዉ ክርስቶሳ ግዴዳዋ አይሁዳቶ ጸሳ ማጻፋቱዋፕ ቆንጭሲደ፣ አሳ ሰንላን ሞንሲደ ኦዴዳ።

### 19

ጳውሎስ ኤፈሶን ቤዳ

1 አጲሎስ ቆርንቶሳን ደእሸን፣ ጳውሎስ ቆዋ ባጋና አዲደ፣ ኤፈሶን ቤዳ፤ እት እት ካልያዋንታ ደሜዳ።

2 ጳውሎስ ኤንቱንታ፣ “ሀንተንቱ አማኔዳ ዋደ ጌሻ አያና አኬድቴ?” ያጌደ ኦቹዳ።

ኤንቱንቱ፣ “ቱይት፣ አክበይኮ፤ ሀራይ አቶ፣ ጌሻ አያናይ ደእያዋካ ሰሰበይኮ” ያጌድና።

3 ጳውሎስ ኤንቱንታ፣ “ያትና፣ አያን ጸማቀቲድቴ?”\* ያጌዳ።

ኤንቱንቱ፣ “ኑን የሃንሳ ጽንቃታን ጸማቀቲዳ” ያጌደ ዛሬድና።

4 ጳውሎስ፣ “የሃንሰ ባረፕ ጉይያን ይያ የሱስ ክርስቶሳን አሳይ አማናና ማላ፣ አሳዉ ኦዲደ፣ ናጋራፕ ሰምያ ጽንቃታን ጸማቀዳ” ያጌዳ።

5 ኤንቱንቱ ሄዋ ሰሴዳ ዋደ፣ ጎዳ የሱስ ክርስቶሳዉ ግዳናዉ ጸማቀቲድና።

6 ጳውሎስ ባረ ኩሽያ ኤንቱንቱ ቦላ ዋዴዳ ዋደ ጌሻ አያናይ ኤንቱንቱ ቦላን ዋድና፣ ዲማ ዲማ ቃላን ሃሳዬድና፤ ቃይ ትምቢትያካ ኦዴድና።

7 ሄዋን ታማን ላኡ አሳቱዋ ግድያዋንቱ ደእና።

8 ጳውሎስ አይሁዳ ዋሳ ጎላ ገሊደ፣ ጸሳ ካዉተላባ ፓሉመቲደን አኬክሲደ፣ አሳና ሄዙ አገና ግድያዋ ኬና ያየናን ሃሳዬ።

9 ሸን ኤንቱንቱፕ እቱ እቱ ማካሊደ፣ ጮራ አሳ ሰንላን ጎዳ ኦግያ ቦሪደ አማንናን አጽና፣ ጳውሎስ ኤንቱንቱፕ ሻከት፣ ባረና ካልያዋንታ ባረናና አፊዳ፤ ጽራሮሳ ግያ ትምርተ ጎልያን ኡባ ጋላስ ፓሉመቲ።

10 ጳውሎስ ላኡ ላይላ ጋካናዉ ቃላ ኦዴዳ፤ ሄዋ ድራዉ፣ ኢሰያን ደእያ አሳይ ኡባይ፣ አይሁዳቱካ አይሁዳ ግደናዋንቱካ ጎዳ ቃላ ሰሴድና።

ጸሳይ ጳውሎሳ ኩሽያን ኦዴዳ ኦራሳባ

11 ጸሳይ ጳውሎሳ ባጋና ዲማ ማላታ ኦዴዳ።

12 ሄዋ ድራዉ፣ አሳይ አ ቦላይ ቦቹዳ ማራብያ ዋይ ማዩዋ ሀርጋንቻቶ አፊ፤ ሀርጋንቻቱካ ፓጺና፤ ኢታ አያናቱካ ኤንቱንቱፕ ከሲና።

13 ኢታ አያናቱዋ ከሲደ ዩይያ አይሁዳቱዋፕ እቱ እቱ፣ “ጳውሎስ ቃላ ኦድያ የሱሳ ሱንላን ኑን ሀንተንታ ከሰተ ጌደ አዛዜቶ” ያጌደ፣ ኢታ አያናቱ ደእያ አሳቱዋ ቦላን ጎዳ የሱሳ ሱንላ ጾስ በኤድና።

14 ቁሳቱዋ ካፕዋ አሰቁዋ ግያ እት አይሁዳ ብታንያዉ ሄዋ ኦዴዳ ላፕ ናናይ ደእና።

15 ኢታ አያናይ ኤንቱንቶ ዛሪደ፣ “ታን የሱሳ ኤራይ፤ ጳውሎሳካ ኤራይ። ሸን ሀንተንቱ ኦኔ?” ያጌዳ።

16 ኢታ አያናይ ደእያ ብታኒ ኤንቱንቱ ቦላ ፕፕ ዋድና፣ ኤንቱንቱ ማሱንጺደ፣ ሄ ጎልያፕ ካሎ ዋጻና ጋካናዉ፣ ዋልቃሚደ ጸኔዳ።

17 ኤፈሶንን ደእያ አይሁዳቱን አይሁዳ ግደናዋንቱ ኡባይ ሄዋ ሰሲደ ኡባይ ዳር ያዬድና፤ ጎዳ የሱሳ ሱንላይካ ዳር ቦንቹቲዳ።

\* 19:3 አያን ጸማቀቲድቴ? ሀዋ ጉሳይ ኦ ሱንላን ጸማቀቲድቴ፣ ጉሳ።

18 አማንያዋንቱ፣ ጮራ አሳቱ ባረንቱ ኦሎዳዋ ፓጺድን ቆንጮያን ኦሎዳ ዪድ።

19 ብትያዋንቱ፣ ጮራቱ ባረንቱ ማጻፋቱዋ ሺሺድ፣ አሳ ኡባ ሰንፋን ጉዳድና፤ ሄ ማጻፋቱዋ ጋትያ ሄትያ ዋድ፣ እሻታሙ ሻእ ብራ ሳንትምያ ግዴዳ።

20 ሄዋ ማላ ዋልቃማ ኦግያን ጸሳ ቃላይ ድጩን እኬ።

ኤፊሶን ካታማን ዋላሳይ ደንዴዳ

21 ሄዋ ፖላቴዳዋ ጉይያን ጳውሎስ፣ “ታን የሩሳላሙ ባደ ርመካ ቃይ በእናዉ በሴ”፣ ያጊድ፣ ማቅደንያናን አካይያና አፏድ፣ የሩሳላሙ ባናዉ ቆፋ ቃቹዳ።

22 ቃይ ባረና ማድያዋንቱ፣ ላአቱዋ ጽሞቶሳን ኤራሰጸሳ ማቅደንያ ከቲድ፣ ባረዉ ኢሰያን አማራዳ ዋድያ ጋምኤዳ።

23 ጎዳ ኦግያ ድራዉ፣ ሄ ዋደ ዳሮ ዋላሳይ ከሴዳ።

24 አያዉ ጎፕ፣ ጸጋራ ብራ ሙሽሲደ ትግ መጵያ ድመጽሮሳ ግያ እት ብታኒ ኦርጸሚስ ጌሻ ጎልያ ሞሰልያ ብራፕ ትግ ትጊድ፣ አሳንቻቶ ዳሮ ዋድያ ደሜ።

25 ሄዋንታን ኡንቱንቱዋ ማላ ኦሎብ ኦሎዳዋንታ እትፕ ሺሺድ፣ ሀዋዳን ያጌዳ፤ “አሳዉ፣ ኑ ዲረተላይ ሀ ኦሎብና ግድያዋ ሀንተ ኤሪታ።

26 ሄዋ ጳውሎስ፣ ኦሳ ኩሺ መጴዳዋንቱ ጸሳቱዋ ግድክኖ፣ ያጊድ፣ ኤፊሶን ጸላላን ግድናን አማራዳ ጋዳቱዋ፣ እትን፣ ኢሰያን ኡባን ጮራ አሳዉ ኦድ አማንጮዳዋ ሀንተንቱ በኤድታን ሰሴድታ።

27 ሎኤናባይ፣ ኑ ኦሎ ካታናዋ ጸላላ ግድና፤ ሽን ኢሰያን ደእያ ኡባቱን ሳኦ ኡባን ደእያዋንቱ ጎይያ ዋልቃማ ጸሳቶ ጌተትያ አርጸሚስ ጌሻ ጎሊ ቦንቹተናን አታናዋን፣ እዝ ዳሮተላይ ኩንዳናዋ” ያጌዳ።

28 አሳይ ሄዋ ሰሴዳ ዋደ ሎይሐ ሀንቅቲደ “ኤፊሶን አርጸሚሳ ዋልቃማ” ያጊደ ጫቦቴድና።

29 ካታማ ኡባን ዋላሳይ ደንዴዳ፤ ጳውሎስና ሀመትያ ማቅደንያ አሳቱዋ ጋዮሳን አርሰጽሮኮሳ ባረንቱና ኦይቂ አኪድ፣ እትፕ ካሳ ሳኦ ዋድድና።

30 ጳውሎስካ አሳይ ሺቄዳሳ ገላናዉ ኮዬዳ። ሽን ካልያዋንቱ አ ድጌድና።

31 ኢሰያ ጋድያ ካፓቱዋ፣ ጳውሎስ ላገላቱዋ፣ እቱ እቱ ጳውሎስዉ ከቲድ፣ ካሳ ሳኦን ቆንጮያ ከሲደ አ ቤተና ማላ፣ አ ዋሴድና።

32 ሺቁዋን ዋላሳይ ደንድና፣ ዳርያ ባጋ አሳይ ሀራይ አቶ አያዉ ሺቄደንቶ ኤረና ድራዉ፣ እቱ እትባዉ ዋላቀትያ ዋድ፣ የኩ ቃይ ሀራባዉ ዋላቀቱ።

33 አይሁዳቱ አሰክንድራ አሐ በሰና፣ እት እት አሳይ አ ሃሳና ማላ፣ አሳ ግደፕ ሰንፋዉ አ አሌዳ፤ አሳይ ጮኤ ጋና ማላ፣ አ ባረ ኩሽያን ጸርሰ በሲድ፣ አሳዉ ሞተታናዉ ኮዬዳ።

34 ሽን አሰክንድረ አይሁዳ አሳ ግዴዳዋ አሳይ ኤራዳ ዋድ፣ ላኤ ሳተ ግድያዋ ኬና ኡባይ እት ቃላን፣ “ኤፊሶን አርጸሚሳ ዋልቃማ” ያጊደ ጫቦቴድና።

35 ካታማዉ ጸፈ ግዴዳዊ አሳ ጮኤ ኦሊድ፣ ሀዋዳን ያጌዳ፤ “ኤፊሶን አሳዉ፣ ኤፊሶን ካታማይ ዋልቃማ አርጸሚሰስን ሳሎዋፕ ዋዴዳ ኤቃ ሹቻዉ ኤቃ ጎልያ ናግያዋ ግዴዳዋ ኤረና አሳይ ኦኔ?

36 ሀዋ ካድያ አሳይ ባይና ድራዉ፣ ሀንተንቱ ዋፑ ጋናዉን ድርበናን አጋናዉ በሴ።

37 አያዉ ጎፕ፣ ሀዋንቱ ጌሻ ጎልያ ሚሻ ዉእቤናዋንታ ኑ ጸሳቱዋካ ቦርቤናዋንታ አሄድታ።

38 ሄዋ ድራዉ፣ ድመጽሮስን አናና ደእያ ኦሳንቻቱ አሳ ሞተናዉ ኮዮፕ፣ ፕርዳ ጎሊ ደያ ደኤ፤ ቃይ ጋድያ ሞድያዋንቱካ ደኤና፤ ኡንቱንቱ ባረንቱ ግድን ሞተተና።

39 ሽን ሀንተ ሀራ የወዋ ኮዮፕ፣ ሀግያ ሺቁዋን የወዋ ቃቻና።

40 አያዉ ጎፕ፣ ሀቹ ሀኔዳዋ ሻቢረላ ጊድ፣ ርመ ጋድያ አሳቱ ኑና ሞተና፤ ሀ ሺቆካ ጋሱ ባይና ድራዉ፣ ኦን ጋሱዋ ኦዳናዉ ዳንዳዮኩ”

41 ያጊደ ሺቁዋ ላሌዳ።

## 20

ጳውሎስ ማቅደንያን ግሪክ ቤዳ  
1 ዋላሳይ አርጸዳዋ፣ ጉይያን፣ ጳውሎስ ካልያዋንታ አህሲደ ዞራዳ፤

† 19:21 ጳውሎስ ሀዋ አያና ጌሻን ካለሰቲደ ሃሳዬዳዋ።

ኢንቱንታ፡ “ሳሩዋን ደእተ” ጊደ፡ ማቅዶንያ ባናዉ ከሴዳ።

2 ሄ ጋድያና እዲደ፡ ቃላ ኦዲደ፡ አሳ ሎይላ ምንሴዳዋ፡ ጉይያን፡ ግሪክ ጋደ ዬዳ።

3 እ ሄዋን ሄዙ አገና ኡቲደ፡ ማርካብያን ሰርያ ባናዉ ቆፕሽን፡ አይሁዳቱ ባረና ዋቆናዉ ከይያዋ በኢደ፡ ማቅዶንያና ጉዮ ሰማናዉ ባረ ቆፋ ቃቹዳ።

4 ጳውሎሳ ሞይዜዳዋንቱ፡ ቤርያ፡ ጳርሃሳ ናኦ ሰሲጳርሳ፡ ተሰሎንቀ፡ አርሰጳርኮሳን ሰኮንድሳ፡ ደርበ፡ ገዮሳን ኢሰያ፡ ትክቆሳን ጳርፍሞሳ፡ ቃይ ጳሞቶሳ።

5 ሄዋንቱ ሰንገላዉ ቢደ፡ ኑና ጳርኦዳን ናጊና።

6 ኑን ኡክላ ባላ ጋላሳ ቦንቾዋ፡ ጉይያን፡ ፕልጽሰዮሳ ግያ ጋድያ፡ ማርካብያን ደንዲደ፡ እቼሹ ጋላሳን ጳርኦዳን ኡንቱንታ ጋኪደ፡ ያን ላፑ ጋላሳ ኡቴደ።

ጳውሎስ ጳርኦዳ ቤዳ

7 ኑን ዋጋ ጋላሳ \* ኡክላ መንገሳናዉ ሸቅ ደእሸን፡ ጳውሎስ ዋንትና ባናዉ ቆፕዳ ድራዉ፡ ኡንቱንቶ ቃላ ኦዲደ፡ ቃማ ብላሂ ጋካናዉ የወዋ አዲሴዳ።

8 ኑን ሸቅ ኡቴዳ ፖቅያን ጮራ ጸምፒ ደኤ።

9 ኤዉጽኮሳ ግያ እት ዋዳላይ ማሰኮታያ ቦላ ኡቲደ፡ ዳርሰ ገምእሼዳ። ጳውሎስ ሃሳያ አዲሴዳ ዋደ፡ ኤዉጽኮሰ ገምእሹዋን ሀይራዳዋ ሄዘንላያ ፖቅያ፡ ሳኦን ከንዲደ ሀይቄዳዋ አሳይ ደንሴዳ።

10 ሸን ጳውሎስ ዋዲደ፡ አ ቦላ ጉፋኔዳ። አ እድሚደ፡ “አ ሸምፑ ከሰቤና ድራዉ ሀርገፕተ” ያጌዳ።

11 ያቲደ ፑደ ፖቅያ ከሲደ፡ ኡክላ መንገሲደ ሜዳ፤ ሳእይ ዋንታና ጋካናዉ፡ ዳር ዋድያ ሃሳዬዳዋ፡ ጉይያን ቤዳ።

12 ዋዳላይ ፓጽና፡ ሶይ አፊደ፡ ዳርሰ ናሸቲድና።

ጳውሎስ ጳርኦዳ፡ ሞሊጸ ቤዳ

13 ሸን ጳውሎስ ባረና ያፕ ኑን ሞካና ማላ፡ ኑዉ ኦዲዳ ድራዉ፡ ካሰቲደ ማርካብያኮ ቢደ፡ አሰሳ ባናዉ ደንዴደ፤ አያዉ ጎፕ፡ ገድያን

ባናዉ እ ቆፕዳ ድራዉ ኑና ሄዋዳን አዛዜዳ።

14 እ ኑና አሰሳን ጋከትና፡ ማርካብያን አ አኪደ ሞጽሊን ዬደ።

15 ዋንተላ ጋላሰ ያፕ ማርካብያን ደንዲደ፡ ክዮሳ ሄራ ጋኬደ፤ ቃይ ዋንተላ ጋላሰ ሳሞሳ ፕኤደ፤ ትሮግልዮመን አቂደ፡ ዋንትና ሞሊጸ ዬደ።

16 አያዉ ጎፕ፡ ጳውሎስ ኢሰያን ዳሪ ጋምኤናን ኤፈሶን ላንቄያና አቆናዉ ባረ ቆፋ ቃቹዳ፤ ባረዉ ዳንዳዮቶ፡ ጳንጸቆስተ ጌተትያ ጋላሰ የሩሳላመ ጋካናዉ ኤሌሌ።

ጳውሎስ ኤፈሶን ጭማቶ ወርሰላ ሃሳያ ሃሳዬዳ

17 ጳውሎስ ሞሊጸ፡ ኤፈሶን ኪቲደ፡ እማንያ አሳ ካለላያዋንታ ጸግሴዳ።

18-19 ዋሳ ጎለ ጭማቱ ጳውሎሳኮ ዪና፡ ኡንቱንታ አ ሀዋዳን ያጌዳ፤ “ታን ኢሰያ ገሌዳ ኮይሮ ጋላሳ፡ ደምና፡ ካዉሻተላንን ደር አሮላን ጎዳዉ አላደ፡ አይሁዳቱዋ ሸቆዋ፡ ታና ጋኬዳ ፓጩ ግዴዳ ዋድያ ኡባን ህንተንቱና ዋናደ ደኦድታንቶ ህንተንቱ ኤሪታ።

20-21 ናጋሪ፡ ጳሳኮ ሰምያዋን ኑ ጎዳ የሱስ ክርስቶሳ አማንያዋ አይሁዳቶን አይሁዳ ግድናዋንቶ ማርካታደ፡ ሸቆዋንካ ህንተንቱ ጎለን ጎለንካ ህንተንቶ ኦዲደ ታማርሴዳዋ፡ ህንተንታ ጎእያባ፡ እትባን ፓጭሳ ቢይከ።

22 “በአተ፤ ሀእካ ታን ጌሻ አያናዉ አዛዘታደ፡ የሩሳላመባይ፤ ያን ታዉ አዬ ከሳንቶን ኤርከ።

23 ጌሻ አያናይ ቃሹን ዋዪ ታና ናግያዋ ካታማ ኡባን ታዉ ኦደ።

24 ሸን ታ ዋላ ፖላናዉን ጎዳ የሱስ ክርስቶሳ፡ ታን አኬዳ ኦሱዋ ጳሳ አዶ ከካተላ ዋንጋላ ሞሸራቹዋ ማርካታያዋ ፖላናዉ፡ ታ ሸምፑዋ ማደናዋዳን ፓይዳይ።

25 “በአተ፤ ታን ሀእካ ጳሳ ካዉተላባ ኦዲደ፡ ህንተንቱ ኡባ ግደን ዪያድ፤ ሰም ሀዋ፡ ሰንገላዉ ህንተንቱ፡ ኦንን ታና በኤናዋ ኤራይ።

26 ሄዋ ድራዉ፡ ህንተንቱ፡ እት ኡራይ ባዮ፡ ታን ሄዋን ገለናዋ ሀቼ ህንተንቶ ጌሻደ ኦዲደ።

\* 20:7 ዋጋ ጋላሳ፡ ግሪክያ ማጻፋን፡ ሳምባታቱዋ፡ እቱዋን ያጌ።

27 እያው ጎጥ፣ ጸሳይ አፋናው ቆፔዳዋ ኡባ ህንተንቶ አይነ አሸናግ አዲድ።

28 “የሱስ ባረ ሱላን ዋዜዳ ጸሳ አማንያዋንታ ናግተ፤ ቃይ ጌሻ እያናይ ህንተንታ ካፓቱዋ አሊደ ሱንጤዳ ወድያ ኡባን ህንተንቱ ሁጲያ ናግተ።

29-30 ታን ቤዳዋጥ ጉይያን፣ ወድያው ቃረተና ኢታ ዋራካናቱ ህንተንቱ ግደ ገላናዋንታ፣ ካልያዋንታ ባረንቱ ጌዴዋ ካለፋናው ዋርዴዋ ሃሳይያ አሳቱ ህንተንቱ ግደጥ ደንዳናዋ ኤራይ።

31 ሄዋ ድራው፣ ታን ሄዙ ላይላ ቃማነ ጋላሳ አፎላን ህንተንታ ሁጲያን ሁጲያን ምንሰያዋ አጋቤናዋ ቆፒደ ገንጭተ።

32 “ሀእካ ህንተንታ ምንሳናውን ጌሻ አሳ ኡባ ግደን ላትሳናው ዳንዳይያ ጸሳውን አ እጅ ከካተላ ቃላው ህንተንታ ሀደራ እማይ።

33 “ታን ኦፐን ብራ ዋይ ዋርቃ ዋይ ማዩዋ አዋታበይከ፤

34 ታን ሀ ታ ኩሽያን ታናነ ታናና እትጥ ደእያዋንታ ኮሼዳዋ ኦፊዳዋ ህንተንቱ ህንተንቱ ሁጲው ኤሪታ።

35 ህንተንቱ ሀዋዳን ዳቡር አሊደ፣ ዳቡራንቻቱዋ ማዳናውን ጎዳ የሱስ ባረ ሁጲው፣ ላክያዋጥ አምያዌ አንጀቱዳዋ፣ ጌዳዋዳን፣ አ ቃላ ህንተንቱ ዋዛና አፋናው በሰያዋ ታን ጮራ ኦግያን ህንተንታ በሳድ” ያጌዳ።

36 ጳውሎስ ሄዋ ሃሳይ ወርሲደ፣ ኡንቱንቱ ኡባና እትጥ ጉልባቲደ፣ ጸሳ ዋሴዳ።

37 ኡንቱንቱ ኡባይ ጳውሎሳ እደሚደ፣ ዩኪደ የሬድኖ።

38 ኡባጥ እ፣ “ታና ላኡንጡዋ ኡባካ በእክታ” ያጌዳ ቃላይ ኡንቱንታ ዳሮ ቃረላና ማርካብያ ጋካናው አ ዋይዜድኖ።

## 21

ጳውሎስ የሩሳላሙ ቤዳ

1 ኑን ኤፈሶን ጭማቱዋጥ ሻከቲደ፣ ቆሳ ጌተትያ ሃላን ደደቶ ሳኦ ዩ አጌደ፤ ዋንትሳ ጋላስ ሮዳ ጋኬደ፤ ሄዋጥ ጳጵራ ቤድ።

2 ፕንቀ ፕንያ ማርካብያ ደሚደ፣ አን ገሊደ ባናው ደንዳይ።

3 ኑን ቆጶራሳጥ በአናው ዳንዳይያሳ ዩደ፣ አዋይ ከሰያሳ ጸልያ ዋይ

ቆጶራሳ ሀድርሳ ባጋ የጊደ፣ ሶርያ ቤደ፤ ሄዋጥ ጉይያን ጶራሳ ጋኬደ፤ እያው ጎጥ፣ ማርካብ ባረ ጫና ጶራሳን ዋሴ።

4 ያን ካልያዋንታ ደሚደ፣ ኡንቱንቱና ላፔ ጋላሳ ኡቲደ፤ ጳውሎስ የሩሳላሙ ቤና ማላ፣ ኡንቱንቱ እው አያናን ኡዳድኖ።

5 ኑን ኡንቱንቱና ኡትያ ዋዲ ወርና፣ ከሲደ ቤደ፤ ኡንቱንቱ ኡባቱ ባረንቱ ማጫዋንቱናን ባረንቱ ናናና እትጥ ካታማጥ ካረው ከሳና ጋካናው፣ ኑና ዋይዜድኖ፤ ኑን አባ ዳናን ጉልባቲደ፣ ጸሳ ዋሴድ።

6 ሄዋጥ ጉይያን፣ እቱ እቱዋ ሳሮቲደ፣ ማርካብያን ገሊደ፤ ኡንቱንቱ ባረንቱ ሶይ ሰሜድኖ።

7 ኑን አባ ኦግያ ወርሲደ፣ ጶራሳጥ ጳጶላማይስ ጋኬደ፤ እሻቱዋ ሳሮቲደ፣ ኡንቱንቱ ማታን እት ጋላሳ ፔሼድ።

8 ዋንትሳ ጋላስ ከሲደ፣ ቁሳርያ ቤደ፤ ዋንጋላ ሞሽራቹዋ ኦድያ ፕልጶሳ ሶይ ጋኪደ፣ አ ማታን ኡቲደ፤ የሩሳላሙን ደረቲዳ ላፔናቱዋጥ እ እቱዋ።

9 ፕልጶሳው ናባቱዋ ግዳዳ ኦይዳ ዋደር ማጫ ናናቱ ደኢኖ።

10 ኑን ኡንቲይዳ ጋላሳ ኡቲዳ ዋይ፣ ናብያ አጋሰሳ ግያ ብታኒ ይሁዳጥ ቁሳርያ ዬዳ።

11 ኑን ዩደ፣ ጳውሎሳ ሳቂያ አኪደ ባረ ኩሽያን ባረ ገድያ ቃቺደ፣ “ጌሻ እያናይ ግያዌ ሀዋ፤ ሀ ሳቂያ ጎዳ የሩሳላሙን አይሁዳቱ ሀዋዳን ቃቺደ፣ አይሁዳ ግደና አሳቶ አሊደ አማና” ያጌዳ።

12 ኑን ሄዋ ሰሴዳ ዋይ፣ ኑን ያን ደእያ አሳቱ ጳውሎስ የሩሳላሙ ቤና ማላ ዋሴድ።

13 ሸን ጳውሎስ ዛሪደ፣ “ህንተንቱ ዩኪደነ ታ ዋዛና ቃረትሲደ ዋኒቲ? ታን ጎዳ የሱሳ ሱንላ ድራው ቃሽታናዋ ጳላሳ ግደናን፣ ሀራይ እቶ የሩሳላሙን ሀይቃናውካ ገጋ ኡታድ” ያጌዳ።

14 ዘርያ እ አከናን እጽና፣ “ሳዳይ ጌዳዌ ሀኖ” ያጌደ ጮኡ ጌደ።

15 ያን አማራዳ ዋድያ ጋምኤዳዋጥ ጉይያን፣ ጊገቲደ የሩሳላሙ ባናው ከሴዳ።

16 ቁሳርያን ደእያ ካልያዋንቱጥ አማራዳዋንቱ ቃይ ኑናና ቤድኖ፤ ኡንቱንቱ ኑን አቃናሳ ሞናሶና ግያ ቆጶራሳ ብታንያ ሶይ ኑና አፌድኖ፤ ሞናሶን ዳሮ ዋድያጥ ደሚደ ካልያዋ።

ጳውሎስ የሩሳላሙን ያቆባ ኦፕቶ  
17 ኑን የሩሳላሙ ጋኬዳ ዋደ፡ እሻቱ  
ኑና ናሽቻን ሞኬድኖ።

18 ዋንትሳ ጋላስ፡ ጳውሎስን ኑን  
ያቆባና ጋከታናዉ ቤድ። ዋሳ ጎላ  
ጭማቱ ኡባቱካ ደኢኖ።

19 ጳውሎስ ኢንቱንታ ሳሮቱዳዋፕ  
ጉይያን፡ እይሁዳ ግደና አሳ ግደን ባረ  
ባጋና ጳሳይ ኦሌዳዋ ኢንቱንቶ ወርሲደ  
ኦይዳ።

20 ኢንቱንቱ ሄዋ ሰሴዳ ዋደ ጳሳ  
ጋላቲድ፡ ጳውሎሳ ሀዋዳን ያጌድኖ፤  
“ኑ እሻዉ፡ እይሁዳቱዋ ግደን ጳሳ  
አማኔዳዋንቱፕ አፑን ሻአይ ደኢኖንቶ  
በአሳ፤ ኢንቱንቱ ኡባይ ሀግያ ምንሰ  
ናጊኖ።

21 የሩሳላሙ እይሁዳቱ፡ እይሁዳ  
ግደናዋንቱ ጋድያን ደኢያ እይሁዳ  
ኡባይ ባረንቱ ናና ቃጻረና ማላ፡ ዋይ  
እይሁዳቱ ኦሌያዋ ካለና ማላ፡ ሙሴ  
ሀግያካ ባይዛና ማላ ኔን ታማርሰያዋ  
ሰሴድኖ።

22 ያትና፡ እዬ ሎኤ? ኔን ዬዳዋ  
ጮራቱ ሰሰያ ድራዉ፡ ሸቀናን አግክኖ።

23 “ሄዋ ድራዉ፡ ሀዋ ኑን ነዉ  
ኦድያዋ ኦላ፤ እትፕ ሸቀ ደኢያ ኦይዱ  
አሳቱ ኑ ማታን ደኢኖ።

24 ኢንቱንታ አካደ ኢንቱንቱና ጌያ፤  
ቃይ ኢንቱንቱ ባረንቱ ሁጲያ ሜደታና  
ማላ፡ ኢንቱንቶ ሚሻ እማ፤ ኢንቱንቱ  
ኡባይ ነዋ ሲሴዳዋ ቱማ ግደናዋን ኔን  
ነ ሁጲዉካ ቃይ ሙሴ ሀግያ ናጋደ  
ማራን ደኢያዋ ኤራና።

25 “ሸን አማኔዳ እይሁዳ ግደና  
አሳቱዋ ግደፕ፡ ኢንቱንቱ ኤቃዉ  
ያርሹዳዋ ሜና ማላን ሱላ ኡሸና ማላ፡  
ባኩቱዳ ሙሀያ እሹዋ ሜና ማላን  
ዋሹሙና ማላ፡ ኑን የዉዋ ቃቸድ፡  
ኢንቱንቶ ዳብዳቢያ ጳፌደ” ያጌድኖ።

26 ሄዋፕ ጉይያን፡ ጳውሎስ ዋንትሳ  
ጋላስ አሳቱዋ አከደ፡ ኢንቱንቱና  
ጌዬዳ፤ እ ባረንታ ጌሹሳ አዉደ ፖልንቶ  
ኤርሳናዉን ቃይ ያርሹዋ ሁጲያን  
ሁጲያን አዉደ አማንንቶ ኤርሳናዉ  
ጌሻ ጎልያ ገሌዳ።

ጳውሎስ ጌሻ ጎልያን ኦይቀቱዳ

27-28 ላፑ ጋላሳይ ዉራና ሀኖድ፡  
ኢሰያፕ ዬዳ እይሁዳቱ ጌሻ ጎልያን  
ጳውሎሳ በኢድ፡ አሳ ኡባ ሀንቀሏድ፡  
“እሰራኤልያ አሳዉ፡ ኑና ማድተ፤  
እሰራኤልያ አሳ፡ ሙሴ ሀግያን ሀ  
ጌሻ ጎልያ እጲድ፡ ኡባ ሳን አሳ

ኡባ ታማርሰያዋ ሀ ብታንያ፤ ጉጂደ  
ቃይ ግሪክ አሳካ ጌሻ ጎልያ ገልሲድ፡  
ሀ ጌሻ ሳኦ ቱንሴዳ” ያግ ዋሲድ፡  
ጳውሎሳ ኦይቀድኖ።

29 ኢንቱንቱ ካሰ ኤፈሶንን ደኢያ  
ጽሮፍሞሳ ጳውሎሳና ካታማን በኤዳ  
ድራዉ፡ ጌሻ ጎልያ ጳውሎስ አ  
ገልሴዳዋ ኢንቱንቶ ማላቱዳ።

30 ካታማ ኡባይ ሻቢረቱዳ፤ አሳይ  
ኡባይ ሸቀደ ጳውሎሳ ኦይቀድ፡ ጌሻ  
ጎልያፕ ካረዉ ጎቾ ከሴዳ፤ ሄ  
ማንኢያን ጌሻ ጎልያ ፕንገቱ ቃሸት  
ኢጌድኖ።

31 አሳይ ጳውሎሳ ዋዳና ሀንሸን፡  
“የሩሳላሙ ካታማይ ሙላካ ሻቢረት  
ድጌዳ” ግያ ሃሳያይ ሮመ ጋድያ ኦላ  
ካፖ ጋኬዳ።

32 ሄ ኦላ ካፑ ዋታዳራቱዋን  
ጴታቱዋ ካፓቱዋ እትፕ አከደ፡ ዋጲደ  
አሳ ቦላ ከሰ ዋጴዳ፤ አሳይ ኦላ  
ካፑዋን ዋታዳራቱዋ በኤዳ ዋድ፡  
ጳውሎሳ ሾጭያዋ ባሽ ኢጌዳ።

33 ሄ ዋድ፡ ሄ ኦላ ካፑ ሸቀ፡  
ጳውሎሳ ኦይቀድ፡ ላኤ ሳንላላታን  
ቃሽታና ማላ አዛዚድ፡ እ ካንቶን ቃይ  
ኢያ ኦሌደንቶን አሳ ኦፕድ።

34 አሳፕ ባጋይ እትባዉ ዋሰያ  
ዋድ፡ ባጋይ ሀራባዉ ዋሴ፤ ዋሱ  
ጮራዳ ድራዉ፡ ኦላ ካፖ ቱሙዋ  
ኤራናዉ ዳንዳየተናን እጽና፡ ዋታዳራቱ  
ጳውሎሳ ባረንቱ ደኢያሳ አፋና ማላ፡  
ኢንቱንታ አዛዜዳ።

35 የጲደ ከሰያ ደላ ጳውሎስ ጋኬዳ  
ዋድ፡ አሳ ሱገላ ድራዉ፡ ዋታዳራቱ አ  
ቶኬድኖ።

36 ኢያዉ ጎፕ፡ ጮራ አሳይ፡ “አ  
ዋዳ!” ያጊድን ዋሲደ ካሌ።

ጳውሎስ ሞቶ ዛሩዋ እሜዳ

37 ዋታዳራቱ ጳውሎሳ ባረንቱ  
ደኢያሳ አፋና ሀንሸን ጳውሎስ ኦላ  
ካፑዋ፡ “ታን ነዉ እትባ ኦድ?”  
ያጌዳ።

ሄ ኦላ ካፑ ጳውሎሳ፡ “ኔን ግሪክ  
ቃላ ኤራይ?”

38 ኔን ሀዋፕ ካሰ ዋድ፡ ዋላሳ  
ከሳደ ሸሞፑዋ ዋጴዳዋንቱፕ ኦይዱ  
ሻእ አሳቱዋ አሳይ ባይና ሙላ ሳኦ  
ካለሌዳ ግብጹ ብታንያ ግድኩ?”  
ያጌዳ።

39 ሸን ጳውሎስ፡ “ታን እይሁዳ  
አሳ፤ ቃይ ክልቂያን ደኢያ ጸርሴሰን

የለቴዳ ሁጸ ካታማን ደእያ አሳ። ሆኖ ታና አሳው ሃሳይሳርኪ?” ያጌዳ።

40 አላ ካቸ እ። “ሃሳያ” ያግና። ጳውሎስ የጲደ ከሰያ ደሳን ኤቂደ። አሳይ ጮኡ ጋና ማላ። ባረ ኩሽያን አሳኮ ጸርሴዳ። አሳይ ጮኡ ጊና። እብራይስጽ ቃላን ሃሳዪደ። ሆዋዳን ያጌዳ።

## 22

1 “ታናዳን አማንያዋንቶ፣ ታ አዋቶ፣ ታን ሀእ ሀንተንቶ ኦድያ የወዋ ሰሰተ!”

2 ጳውሎስ ኤንቱንቶ እብራይስጽ ቃላን ሃሳይያዋ ሰሰደ። ካሰፐ ሎይላ ጮኡ ጊና እ ሆዋዳን ያጌዳ።

3 “ታን ክልቂያን ደእያ ጸርሴሰን የለታደ። ሀ ካታማን ጋማልያል ታና ታማርሰና ድጫደ። ኑ አዋቱዋ ሀግያካ ሞንሳ ታማራደ። ሀቼ ሀንተ ኡባይ ሀንያዋዳንካ፣ ታን ጸሳ የዋ ሴለትያ አይሁዳ አሳ።

4 ታን ማጫ አሳን አቱማ አሳ ኦይቃ ኦይቃደ ቃሾ ጎለን የጌዳ አሳን። ሀ ኦግያ ካልያ አሳ ዋድሳና ጋካናወ ሙቶሌዳ አሳ።

5 ሆዋዳንካ፣ ቃይ፣ ቁሳቱዋ ኡባቱዋ ካቸን ጭማ ኡባ ሸቁ ታዋ ማርካታናወ ዳንዳይ፤ ታን ዳማሰቆን ደእያ ኤንቱንቱ እሻቱዋ አይሁዳቶ፣ ኤንቱንቱፐ ዳብዳቢያ አካደ። ሄዋን ደእያ አሳቱ ቆሄቲደ ሙረታናዳን፣ የሩሳላሙ ኤንቱንታ አሀናወ ያ ባድ።

ጳውሎስ ክርሰቶሳኮ ሰሜዳ ባረ ሰማባ ኦዳዳ

(9:1-19፤ 26:12-18)

6 “ታን ባደ ዳማሰቆ ማቴዳ ዋደ፣ ሴታ ጋላሳ ግድሽን፣ ቆፐናን ሳሉዋፐ ዋልቃማ ፖኡ ታ ማታን የይ አጲደ ፖኤዳ።

7 ታን ሳኣን ኩንዳ ኡታደ፣ ‘ሳኦላ፣ ሳኦላ፣ ታና አያወ የደርሳይ?’ ግያ ቃላ ሰሳድ።

8 “ታን ዛራደ፣ ‘ታ ጎዳወ፣ ኔን ኦኔ?’ ያጋድ።

“ሄዋፐ ጉዩ፣ ‘ታን ኔን የደርሰያ ናዝራትያ የሱሳ’ ያጌዳ።

9 ታናና እትፐ ደእያዋንቱ ፖኡዋ በኢደ ያዬድና፤ ሽን ታወ ሃሳይያዋ ቃላ ሰሰበይክኖ።

10 “ ‘ታ ጎዳወ፣ ታን አያ ኦሉ?’ ያጋድ።

“ሳዳይ ታና፣ ‘ደንዳደ ዳማሰቆ ባ። ኔን ኦላናወ ጸሳይ ቆፐዳ ኡባባይ ነወ ያን ኦደታናዋ’ ያጌዳ።

11 ሄ ዋልቃማ ፖኡዋ ድራወ፣ ታ አይፊ ቆቅና፣ ታናና ደእያ አሳቱ ታ ኩሽያ ኦይቂደ፣ ታና ጎቶና፣ ዳማሰቆ ጋካድ።

12 “ዳማሰቆን ደእያ አይሁዳ ኡባይ ሎይላ ቦንቶያ እት ሀናንያ ግያ ብታኒ፣ ኑ ሀግያወ አዛዘቲደ፣ ጸሳወ አመቴዳ አሳ።

13 ሀናኒ ታኮ ዪደ፣ ታ ማታን ኤቂደ ታና፣ ‘ታ እሻወ ሳኦላ፣ ጼላ’ ያጌዳ። ታን ሄ ዋደ ሄ ማንእያን እኮ ጼላ አጋድ።

14 “እ ታና ሆዋዳን ያጌዳ፤ ‘ኑ አዋቱዋ ጸሳይ ኔን አ ቆፋ ኤራናወ፣ አ ጽሎ ናኦ በአናወን አ ደናፐካ ሃሳያ ሰሳናወ ኔና ካሰና ድሬዳ።

15 አያወ ጎፐ፣ ኔን በኤዳባን ሰሴዳባ አሳ ኡባ ሰንላን አወ ማርካታናሳ።

16 ሀእካ አያወ ጋምአይ? ደንዳደ ጸማቃታ፤ አ ሰንላ ጼሳደ፣ ነ ናጋራፐካ ሜጨታ ያጌዳ።

17 “ታን ጉዩ የሩሳላሙ ሰማደ ጌሻ ጎልያን ዋሰሽን፣ ታ አያናን ግዳድ።

18 ጎዳይ ታና፣ ‘ኤሌላደ፣ የሩሳላሙ ከሳ አያወ ጎፐ፣ ኔን ታወ ሆዋን ማርካታናዋ አሳይ አከና’ ያግሽን ታን አ በኦድ።

19 “ታን፣ ‘ታ ጎዳወ፣ አይሁዳ ዋሳ ጎልያ ኡባን ኔና አማንያዋንታ ኦይቃደ ዋዴዳዋን ቃሾ ጎልያን የጌዳዋ ኤንቱንቱ ኤራና።

20 ኤንቱንቱ ነ ማርካ አሰጽፋናሳ ዋድያ ዋደ፣ ታን ሄ የወዋ ኤኖ ጋድ። ቃይ ኤንቱንቱ ሞይያን ኤቃደ፣ አ ዋድያዋንቱ ማዩዋ ናጋይ’ ያጌዳ።

21 “ሳዳይ ታና፣ ‘ታን ኔና አይሁዳ ግደና አሳኮ ሃኮ ሳ ኪትያ ድራወ ባ፣ ጌዳ” ያጌዳ።

ጳውሎስ ርመ አሳ ግድያዋ ቆንጭሴዳ

22 ጳውሎስ ሄ ቃላ ሃሳያና ጋካናወ አሳይ እ ግያዋ ሰሴ፤ ሄዋፐ ጉይያን፣ ባረንቱ ኮሻ ቆቁ ኦሊደ፣ “ሆዋ ጋድያፐ ቆይሳ፤ እ ደአናወ በሰና” ያጌድኖ።

23-24 ኤንቱንቱ ዋሰሽን፣ ባረንቱ ማዩዋ ቦላወ ኦልሽንን ባና ጫርኩዋን ላልሽን፣ ኦላ ካቸ ዋታዳራቱ ጳውሎሳ ባረንቱ ደኢያሳ አፋና ማላ አዛዘዳ። ቃይ አሳይ አያወ ሄዋዳን አ

ቦላ ዋሴድናንቶ ኤራናው፣ ጳውሎሳ ልሱዋን ሾጫና ማላ፣ ኡንቴንታ አዛዜዳ።

25 ሸን ዋታዳራቱ ጳውሎሳ ዳፋዋን ምንሰ ቃቹዳ ዋደ፣ ጳውሎሰ ባረ ማታን ኤቄዳ ጾታቱዋ ካቸዋ። “ሮመ ጋድያ አሳ ፕርዳይ ባይናን ሾጭያዋ ሀንተንቶ ዋጌ?” ያጌዳ።

26 ሄዋ ጾታቱዋ ካቸ ሰሴዳ ዋደ፣ ኦላ ካቸዋቦ ቢደ፣ “ሀ ብታኒ ሮመ አሳ። ኔን አያ ኦላና ቆፓይ?” ያጌደ ኦቹዳ።

27 ኦላ ካቸ ጳውሎሳኮ ሸቄደ፣ “ኔን ሮመ አሴ? ታዉ ኦዳ” ያጌዳ።

ጳውሎሰ፣ “ኤ” ያጌዳ።

28 ኦላ ካቸ ጳውሎሳዉ ዛሪደ፣ “ታን ሀ ዛረተላ ዳሮ ሚሻን ሻማድ” ያጌዳ።

ሸን ጳውሎሰ፣ “ታን ሄ ዛረላፕ የለታድ” ያጌዳ።

29 ሄዋ ድራው፣ ጳውሎሳ ብዳናዉ ቆፕዳዋንቴ ኤለካ አፕ ሻከት አኔድና። ኦላ ካቸካ ጳውሎሰ ሮመ አሳ ግዴዳዋ ኤራዳ ዋደ ያዬዳ፤ አያዉ ጎፕ፣ ሳንላላታን አ ቃሽሰ ዋሴዳ።

ጳውሎሰ አይሁዳቱዋ ሻንጋቱዋኮ ሸቄዳ

30 ዋንተላ ጋላሰ ኦላ ካቸ፣ አይሁዳቱ ጳውሎሳ አያዉ ሞቲድሎንቶን ጌሺደ ኤራናዉ ኮዪደ፣ ጳውሎሳ ብሌዳ። ያቲደ ቄሳቱዋ ካፓቱን አሳይ ኡባይ ሺቃና ማላ አዛዜዳ፤ ቃይ ጳውሎሳ ዲገ ዋሴደ፣ ኡንቴንቱ ሰንላን ኤሴዳ።

### 23

1 ጳውሎሰ ሄዋን ሸቄዳ አሳ ጫድ ጸሊደ፣ “ታናዳን አማንያዋንቶ፣ ታን ሀቼ ጋካናዉካ ጸሳ ሰንላን ታ ደኡዋ ኡባን ትላ ዋዛናን ደአድ” ያጌዳ።

2 ቄሳቱዋ ኡባቱዋ ካቸ ሀናኒ፣ ጳውሎሳ ደና ባቃና ማላ፣ አ ማታን ኤቄዳዋንታ አዛዜዳ።

3 ጳውሎሰ ሄ ዋደ አ፣ “ላ ሀ ቦሽንቻን ኦኬዳ \* ጎዳው፣ ጸሳይ ኔና ባቃና። ኔን ታ ቦላ ሀግያን ፕርዳናዉ ኡታደ፣ ዋጋይ ባይናን ታና ባቃና ማላ አዛዜዳ?” ያጌዳ።

4 ጳውሎሳ ማታን ኤቄዳዋንቴ አ፣ “ኔን ጸሳ ቄሳቱዋ ኡባቱዋ ካቸዋ ቦራይ?” ያጌድና።

5 ሄዋፕ ጉየ ጳውሎሰ፣ “ታናዳን አማንያዋንቶ፣ አ ቄሳቱዋ ኡባቱዋ ካቸዋ ግዴዳዋ ታን ኤራቦይከ፤ አያዉ ጎፕ፣ ሳ ጋድያ ሞድያዋ ቦላ ኢታ ቃላ ሃሳዮፓ” ጌተቲደ ጸሳ ማጻፋን ጸፈቲዳ” ያጌዳ።

6 ሸን ጳውሎሰ ባጋቱ ሳዲቃዋናቱዋ፤ ባጋቱ ፓርሳዋቱዋ ግዴዳዋ በኢደ፣ “ታናዳን አማንያዋንቶ፣ ታን ፓርሳዋያን ፓርሳዋያ ናአ፤ ‘ሀይቄዳዋንቴ ሀይቄዋፕ ደንዳናዋንታ’ ጋደ ታን ናሸቻን ናግያ ድራው፣ ኡንቴንቱ ታ ቦላ ፕርዳድ” ያጌደ፣ ጶቄ አሊደ ሃሳዬዳ።

7 ጳውሎሰ ሄዋ ያግና፣ ፓርሳዋቱዋ ግድን፤ ሳዲቃዋናቱዋ ግድን ዋላሳይ ከሰና፣ ሸቄዳ አሳይ ላለቲዳ።

8 አያዉ ጎፕ፣ ሳዲቃዋናቱ፣ “ሀይቄዳ አሳይ ደንደና፤ ኪታንቻይካ አያናይካ ባዋ” ያጌድና፤ ፓርሳዋቱ ቃይ ላኡካ ደአያዋ አማኒና።

9 ዋልቃማ ዋላሳይ ደንዳዳ፤ ፓርሳዋቱዋ ባጋፕ ሙሴ ሀግያ ታማርሰያዋንቱ ደንድ ኤቄደ፣ “ሀ ብታንያ ቦላ አይነ ባላ ደምቦይኮ፤ አዉ አያናይ ዋይ ኪታንቻይ ሃሳዮናን አገና” ያጌደ ፓሌመቲድና።

10 ዋላሳይ ዳርና፣ ኦላ ካቸ ጳውሎሳ ኡንቴንቱ መንግራሳንቶን ግ ያዪደ፣ ባረ ዋታዳራቱ ዋዲደ፣ ኡንቴንቱ ግደፕ አ ኤለካ ከሲደ፣ ባረንቱ ደአያሳ አፋና ማላ አዛዜዳ።

11 ሄ ቃማ ጎዳይ ጳውሎሳ ማታን ኤቄደ፣ “ጳውሎሳ፣ ኔን ታዉ የሩሳላመን ማርካቲዳዋዳን፣ ሮመንካ ማርካታናዉ ቦሴ፤ ሞና፤ አይነ ባዋ” ያጌዳ።

ጳውሎሳ ዋዳናዉ ኦስቲዳ ማቁዋ

12 ዋንትሳ ጋላሰ፣ አይሁዳቱ ጳውሎሳ ዋዳና ጋካናው፣ ሜናዳንነ ኡሸናዳን፣ ጫቀቲደ ገገቲድና።

13 ጳውሎሳ ቦላ ሄዋ ማቀቲዳ አሳቱ ኦይታሙዋፕ ዳሪና።

14 ኡንቴንቱ ቄሳቱዋ ካፓቱዋኮነ ጭማቱዋኮ ዪደ፣ “ኡን ጳውሎሳ ዋዳና ጋካናው፣ አይነ ባረናዳን፣ ገገት ኡቲደ።

15 ሄዋ ድራው፣ ሀንተንቱን ሸቄዳ አሳይ ጳውሎሳባ ጌሺደ ብድያዋ

\* 23:3 ቦሽንቻን ኦኬዳ- እት ኡራይ ሎአ ማላታና ማላ ኦሱሳ፣ ሸን ግደና። 23:5 ከሳ 22:28



ማላቲደ፡ ኦላ ካፑ ኦ ህንተንቱኮ ዲገ ሞላና ማላ ኦችተ፤ ኮን ኦ ሃ ሺቃና፣ ገሰና ኦ ሞዳና ገገ ኡቴደ” ያጌድና።

16 ሸን ጳውሎሳ ሞቻት ናኦይ ሄ ማቁዋ ሰሴዳ ዋደ፡ ቢደ ሞታዳራቱ ደኢያሳ ገሊደ፡ ጳውሎሳው ኦዴዳ።

17 ጳውሎሰ ጴታቱዋ ካፓቱዋ፣ አቱዋ ጴሲደ፡ “ሀ ናኦ ኦላ ካፑዋኮ አፋ፤ አያው ጎፕ፡ ኦላ ካፖ ኦ ኦድያዌ ደኤ” ያጌድና።

18 ሄዋ ድራው፡ ጴታቱዋ ካፑ ናኦ ኦላ ካፑዋኮ አፊደ፡ “ቃሾ ጎሊን ደኢያ ጳውሎሰ፡ ሀ ናኦይ ነው አየንቶ ኦድያባይ ደኢያ ድራው፡ ታና ባረኮ ጴሲደ፡ ኦ ኔኮ አሀናዳን፡ ታና ዋሴዳ” ያጌድና።

19 ኦላ ካፑ ናኦ ኩሸያ ኦይቁደ፡ ዲማ ጋጸ ከሲደ፡ “ኔን ታው ኦዳናባይ አይ?” ያጌደ ኦቹዳ።

20 ናኦይ ኦላ ካፖ፡ “ኦይሁዳቱ ጳውሎሳባ ካሳፕ ሞንሰ ኦችያዋ ማላቲደ፡ ኔን ሺቁዋ ኦ ኡትሳናዳን፡ ኔና ሞንት ዋሳናው ዘረታ ቃቹድና።

21 ሸን ኔን ኡንቱንቱ ግያዋ ሰሶፓ፤ አያው ጎፕ፡ ኦይታሙዋ፣ ዳርያ አሳቱ ጳውሎሳ ዋዳና ጋካናው፡ ቁማ ማናዳን ነላ ኡሸናዳን፡ ጫቀቲደ ጌመት ኡቲደ ኦ ናጊና፤ ኔን ግያዋ ሰሳናው ሀኦካ ገገት ኡቲደ ናጊና” ያጌድና።

22 ሄዋ ድራው፡ ኦላ ካፑ ናኦ፡ “ሀ የውዋ ኔን ታና ኤርሴዳዋ ኦሰነ ኦደፓ” ያጌደ አዛዜዳዋ፣ ጉይያን፡ ኦ የዴዳ።

ጳውሎሰ ጋድያ ሞድያ ፍልክሳ ሰንሳ ሺቁዳ

23 ኦላ ካፑ ጴታቱዋ ካፓቱዋ፣ ላኡዋ ጴሲደ፡ “ቁሳርያ ባናው፡ ላኡ ጴቱ ሞታዳራቱዋ፡ ላፑን ታሙ ፓራ ኦይቁዳ አሳቱዋነ ላኡ ጴቱ ቶራንቻቱዋ ቃማ፣ ሄዙ ሳትያን ገገሰተ፤

24 ጋድያ ሞድያ ፍልክሳኮ ጳውሎሳ ሳርተሳን ጋላናው ቶግሰያ መሀያን ገገሰተ” ያጌደ፡ ኡንቱንታ አዛዜዳ።

25 ኦላ ካፑ ሀዋዳን ግያ ዳብዳቢያ ጳፌዳ።

26 “ቃላውደዮሳ ሉሰዮሳ፤ ጋድያ ሞድያ ቦንቹቲዳ ፍልክሳ! ሳርተሳይ ነው ግድ።

27 አይሁዳቱ ሀ ብታንያ ኦይቁደ ዋዳና ሀንሸን፡ ርመ ካታማ አሳ ኦ ገዴዳዋ ኤራደ፡ ሞታዳራቱዋና ጋካደ ኦ አሻድ።

28 ኡንቱንቱ ኦ አያው ሞቲድናንቶ ኤራናው ኮያደ፡ ዲገ ኡንቱንቱ ሺቆ ኦ አፋድ።

29 ኡንቱንቱ ባረንቱ ሀግያባ ኦ ኦቹዳዋ ኦ ሞቲዳዋ፣ አትን፡ ኦ ዋድሰያ ዋይ ቃሸሰያ ሞቶ ግደና።

30 ኡንቱንቱ ሀ ብታንያ ቦላ ማቀት ኡቴዳ ዘግርሳይ ታና ጋክና፡ ታን ሄ ማንኢያን ኦ ኔኮ የዳ አጋድ፤ ኦ ሞትያዋንቱካ ቢደ፡ ነ ሰንሳን ሞታና ማላ ኦደድ፤ ሳር ደኤ” ያጌድና።

31 ሄዋ ድራው፡ ሞታዳራቱ አዛዜቲዳዋዳንካ ጳውሎሳ አኪደ፡ ቃማ አንትጳሪሪሳ ገጴድና።

32 ሞንትሳ ጋላሰ አናና ባና ማላ ፓራ ቶጎ አሳቱዋ ዋሊደ፡ ገድያን ብያዋንቱ ጉየ ሞታዳራቱ ደኢያሳ ሰሜድና።

33 ፓራዋንቱ ቁሳርያ ገሊደ፡ ዳብዳቢያ ጋድያ ሞድያዋ አሚደ፡ ጳውሎሳ ኦ ሰንሳ አሌድና።

34 ጋድያ ሞድያዌ ዳብዳቢያ ናባቤዳዋ፣ ጉይያን፡ ጳውሎሰ ሀቃ አውራጃ አሰንቶ ኦ ኦቹዳ፤ ክልቁያ አሳ ኦ ግዴዳዋ ኤራዳ ዋደ።

35 “ታን ነባ ኔና ሞትያዋንቱ ይያ ዋደ ሰሳና” ያጌደ፡ ሞታዳራቱ ሄርድሳ ካውተሳ ጎሊን ኦ ናጋና ማላ አዛዜዳ።

## 24

ጳውሎሳ አይሁዳቱ ሞቲድና

1 እቹሹ ጋላሳ፣ ጉይያን፡ ቁሳቱዋ ኡባቱዋ ካፑ፡ ሀናንያ፡ ጭማቱዋና ኔ ጳርጸሎሳ ግያ እት ጸባቃና ዲገ ቁሳርያ ዋዴዳ፤ ኡንቱንቱ ጋድያ ሞድያዋ ቦላ ጳውሎሳ ሞቲድና።

2-3 ጳውሎሰ ጴሰቴዳ ዋደ፡ ጳርጸሎሰ ኦ ሀዋዳን ያጌደ፡ ሞቱዋ ደሚዳ።

“ቦንቹቲዳ ፍልክሳ፡ ኔን ነ ባጋና ዳር ሳርተሳ ደሚደሸን፡ ነ ቆፋን ሀ ጋድያው ኡባባን ኡባሳንካ ሎኦ ላሚ ቤትያዋ ኔና ሎይላ ጋላቲደ፡ ሀዋ አኬቶ።

4 ሸን ታን ኔና ጋምኤናን፡ ደያ ግዴዳ ነ ኬካተሳን ኡባ ኔን ቃንሳን ሰሳና ማላ፡ ኔና ዋሳይ።

5 አያው ጎፕ፡ ሀ ብታን ጳቦ ግዲደ፡ ሳኦ ኡባን ደኢያ አይሁዳቱዋ ግድን ዋሳሳ ደንሌዳ፡ ናዘራዋቱ ባጋ አሳ ካለሉያዋ ግዴዳዋ ኤራደ።

6 ሀራይ አቶ ጌሻ ጎልያካ ቱንሳናው ኮይሸን ኦ ኦይቁደ፡ ኦ ሀግያዳን፡ ኦ ቦላ ፕርዳናው ቆፔደ፤

7 ሸን ኦላ ካጥቀ ሉሰዮሰ ዪደ፡ ሞልቃን ኑ ኩሸያጥ አ ሞላ እኬዳ።

8 አ ሞትያዋንቱካ ኒኮ ያና ማላ አዛዜዳ፤ ኔን ነ ሁጸው ሀ ብታንያ ብዳደ፡ ኑን አ ሞትያ የወዋ ኡባ ኤራናወ ዳንዳያ” ያጌዳ።

9 አይሁዳቱካ ቃይ፡ “ሀ የወ ቱማ” ገደ፡ አ ቆፋ እኬድኖ።

ጳውሎስ ፍልክሳ ሰንፋን ሞቶ ዛሩዋ እሜዳ

10 ጋድያ ሞድያዌ ጳውሎሳ ያናዳን ወትና፡ አ ሀዋዳን ያገደ ዛሪዳ፤ “ኔን ዳሮ ሞድያጥ ደማደ፡ ሀ አሳወ ፕሮዳደ ደእያዋ ታን ኤራደ፡ ታ የወዋ ናሽቻን ዛራይ።

11 ታን የሩሳላመ ጎይናናወ ከሶደጥ ታማነ ላኡ ጋላሳጥ ዳሪናዋ ኔን ነ ሁጸው ኤራና ዳንዳያ።

12 አይሁዳቱ ታና ጌሻ ጎልያን ግድና፡ አይሁዳ ሞሳ ጎሊን ግድና፡ ካታማን ግድና፡ ኦናናን ፓሉመትሸን ሞይ አሳ ሸሻደ ማቂሽን፡ እት ኡራናን በእበይክኖ።

13 ኡንቱንቱ ሀእካ ታና ሞትያዋ ሻትማናወ ዳንዳይክኖ።

14 “ሸን ታን ሀዋ ነወ ኦዳይ፤ ታን ሙሴ ሀግያን ደእያዋን ናባቱ ጳፌዳ ኡባባ አማናዳን፡ ኑ አዎቱዋ ጳሳወ ኡንቱንቱ ሞርዶ ግያ ኦግያን ጎሽታይ።

15 ሀዋንቱ ባረንቱ ሁጸወ፡ ‘ኦሳይ ኡባይ፡ ሞርዶካ ጽሉካ ሀይቁዋጥ ደንዳናዋንታ” ግያዋዳን፡ ታንካ ኡንቱንቱ ደንድያዋ ጳሳን ሀድታ ሞላደ አሙዋን ናገይ።

16 ሄዋ ድራወ፡ ታን ቃይ፡ ጳሳ ሰንፋንን አሳ ሰንፋን ኡባ ሞይ፡ ፖኩ ባይና ትላ ሞዛናይ ታወ ደእና ማላ ሞናይ።

17 “ታን የሩሳላመጥ ከሶደጥ ጮራ ላይላጥ ጉይያን፡ ታ ጋደ ሀይሳወ ሚሻ አማናወን ያርሹዋ ያርሻናወ የሩሳላመ ባድ።

18 ሄዋ ኦሐሸን፡ አሳይ ሸቀናን፡ ሞላሳይ ደንደናን፡ ታን ጌሻ ጎልያን ጌይሸን፡ ኡንቱንቱ ታና ደሚድና።

19 ሸን ኢሲያጥ ዬዳ እት እት አይሁዳቱ ሄዋን ደእኖ፤ ኡንቱንቱ ታ ቦላ የወዋ ኮዮጥ፡ ዪደ ታና ነ ቦላን ሞታናወ በሴ።

20-21 ሞይ ታን ኡንቱንቱ ግደን ኤቃደ፡ ‘ሀይቁዳዋንቱ ደንዳናዋ አማንያ ድራወ፡ ሀቼ ህንተ ሰንፋን ታ ቦላ ፕሮዳድ” ጋደ ሃ ጳቂሳደ ሃሳዬዳ

እት ቃላጥ አትን፡ ሸቁዋ ሰንፋን ኤቂሸን፡ ታ ቦላ እት ባይዙዋ ደሚዳዋ ግድጥ፡ ሀዋንቱ ባረንቱ ሁጸወ ሀዋን ኦዳናዋንታ” ያጌዳ።

22 ሸን ፍልክሰ ጳሳ ኦግያባ ጌሽ ኤራዳ ድራወ፡ “ታን ህንተ የወዋ ኦላ ካጥቀ ሉሰዮሰ ይያ ሞደ ኦግያ ኦይላና” ያገደ፡ ፕሮድያ ሞድያ ሰንፋወ ኬሪዳ።

23 ፍልክሰ ቃይ ጳውሎሳ ቃቼናን ናጋና ማላን አ ዳባቱዋጥ ኦንን እወ ኦሐሸን፡ ሞይ አኮ ዪሸን ድገና ማላ፡ ጴታቱዋ ካጥቀ አዛዜዳ።

ጳውሎስ ፍልክሳን ድሩሰላ ሰንፋ ሸቁዳ

24 አሚራዳ ጋላሳጥ ጉይያን፡ ፍልክሰ አይሁዳ አሳ ዛሪ ግዴዳ ባረ ማቻት ድሩሰልና ዪደ፡ ጳውሎሳ ኪት አህሲደ፡ የሱስ ክርሰቶሳን አማንያ ኦግያ አ ሃሳይሸን ሰሴዳ።

25 ጳውሎስ ጽሎተላባ፡ ባረ ሁጸያ ናጉዋባን ያና ፕሮዳባ ሃሳይሸን፡ ፍልክሰ ያዪደ፡ “ኔን ሀእወ ባ፤ ታወ ሚኬዳ ሞደ፡ ኔና ኪታደ ጴግሳና” ያጌዳ።

26 ሄዋ ሞይ ቃይ ጳውሎስ ብለታናወ፡ ባረወ ማጋንጸ አማንዴሻ ገደ ቆጥዳ፤ ሄዋ ድራወ፡ ዳሮ ሞደ አ አህሲ አህሲደ፡ አናና ሃሳዬ።

27 ላኡ ላይላ ኩሜዳዋጥ ጉይያን፡ ፍልክሳ ኮታ ጳርቂዮሳ ፕሰጸሰ አኬዳ። ፍልክሰ አይሁዳቱዋ ናሽቻናወ ኮዪደ፡ ቃሾ ጎሊን ጳውሎሳ ባሽ አጌዳ።

## 25

ጳውሎስ ሮመ ካትያኮ ባረ የወዋ አኪደ ባናወ ኦቼዳ

1 ፕሰጸሰ አወራጃ ገሌዳ ሄዘንሉያ ጋላሳጥ ጉይያን፡ ቂሳርያጥ የሩሳላመ ቤዳ።

2 ያን ቁሳቱዋ ካጥቱን አይሁዳቱዋ ካለሉያዋንቱ ጳውሎሳ ሞቱድኖ።

3 ኡንቱንቱ ጳውሎሳ ሞታናወ ኦግያን ቆሰት ኡታናወ፡ ባረንቶ ሎካ ጳሊደ አ የሩሳላመ አሀና ማላ፡ ፕሰጸሳ ሞሴድኖ።

4 ፕሰጸሰ ኡንቱንቶ፡ “ጳውሎስ ቂሳርያን ቃሸት ኡቱዳ፤ ታን ታ ሁጸወካ ኤላካ ያ ጉዮ ሰማናወ ቆጋ ኡታድ።

5 ሄዋ ድራወ፡ አ አየንቶ ባይዜዳዌ ደአጥ፡ ህንተንቱ ግደን አዎትያዋንቱ

ታናና ቁሳርያ ቢደ። አ ሞትኖ” ያጊደ ዛሬዳ።

6 ፕሰጸሰ የሩሳላመን ሆሰፑን ዎይ ታሙ። ጋላሳፕ አገርን ኡቲደ። ቁሳርያ ቤዳ፤ ዎንትሳ ጋላሰ ፕርድያሳን ኡቲደ። ጳውሎሳ አሀና ማላ አዛዜዳ።

7 አ ጋኬዳ ዎደ። የሩሳላመፕ ዬዳ አይሁዳቱ አ ማታን ዩይ አፎ ኤቁደ። ባረንቶ ሻትማናዉ ዳንዳየተና ዳር ዴጾ ሞቱዋ አ ቦላ ዎሌድኖ።

8 ጳውሎሰ ሞተቲደ። “ታን አይሁዳቱዋ ሀግያካ ጌሻ ጎልያካ ሮመ ካትያ ቁሳራካ አይነ ናቃቢይከ” ያጌዳ።

9 ፕሰጸሰ አይሁዳቱዋ ናሽቻናዉ ኮዪደ ጳውሎሳ። “ፑደ የሩሳላመ ከሳደ። ሀ የወዋባ ያን ታ ሰንላን አሽታናዉ ኮያይ?” ያጊደ ኡቼዳ።

10 ሽን ጳውሎሰ። “ታን አሽታናዉ በሰያ ቁሳራ ፕርዳ ጎለን ኤቃድ። ኔንካ ሎይላ ኤርያዋዳን። ታን አይሁዳቱዋ አይነ ናቃቢይከ።

11 ሰሞ ታን ናቁዳዋ ዎይ ሀይቃናዉ በሰያዋ ኡሌዳዋ ግደፕ። ሀይቁዋፕ አታና ጊከ፤ ሽን ኡንቱንቱ ታና ሞትያ ሞቱ መላ ግዴዳዋፕ ሀን ባጋን። ኡን ታና ኡንቱንቱ አሌደ አማናዉ ዳንዳየቲ፤ ቁሳረ ታባ ፕርድ ጋደ ኡቻይ” ያጌዳ።

12 ሄዋፕ ጉይያን። ፕሰጸሰ ባረናና ዘረትያዎንቱና ዘረት ሰማይ አ። “ኔን ቁሳረ ታባ ፕርድ ጋደ ኡቻዳ፤ ቁሳራኮ ባናሳ” ያጊደ ዛሬዳ።

ፕሰጸሰ ጳውሎሳባ አግርጸና ማቀቱዳ

13 አማራዳ ጋላሳፕ ጉይያን። ካትያ አግሪጳይነ ባርኒቀ ፕሰጸሳ ሳርታናዉ ቁሳርያ ቤድኖ።

14 ያን ኡንቱንቱ ጮራ ጋላሳ ኡት ደአሽን። ፕሰጸሰ ካትያዉ ጳውሎሳባ ሀዋዳን ያጊደ ኡዴዳ፤ “ሀዋን ፍልክሰ ቃቺደ ባሽ ቤዳ እት ብታኒ ደኤ።

15 ታን የሩሳላመን ደአሽን። ቁሳቱዋ ካፓቱን አይሁዳ ጭማቱ አ ቦላ ፕርድና ማላ። ታና ዎሲደ። አባ ታዉ ኡዴድኖ።

16 ታን። “ሞተቲዳ ኡራይ ባረና ሞትያዎንቱና እትፕ ኤቀናንነ ባረና ሞቲዳ የዎ ዛሩዋ እመናን። ኦና ግደፕነ አሌደ አምያዌ ሮመ አሳዉ ዎጋ ግደና’ ያጋደ ኡንቱንቶ ዛራድ።

17 “ሄዋ ድራዉ። ኡንቱንቱ ሀዋን ሸቄዳ ዎደ። ታን ጋሞኤናን ዎንትሳ

ጋላሰ። ፕርዳ ጎለ ገላደ ጳውሎሳ አሀና ማላ አዛዛድ።

18 አ ሞትያዎንቱ ኤቁደ። ኢታባን አ ሞተናን አግክኖ ጋደ ታን ቆፔዳዋዳን። አይነ አ ሞትቦይክኖ።

19 ሽን ኡንቱንቱ ባረንቱ አማኔዳባንቱባነ ጳውሎሰ። ‘ፓጻ ደኤ’ ግያ ሀይቁዳ እት የሱሳ ጌተትያ ብታንያባ አናና ፓሌመቱድኖ።

20 ታን ሀ የወዋ ዎታደ ብዳ ደማንታንቶ። ቆፋ ቃቼናን ደአደ። ጳውሎሰ የሩሳላመ ቢደ። ሀ የወዋ ያን ኡሽታናዉ ኮይንቶን ጋደ አ ኡቻድ።

21 ሽን ጳውሎሰ ባረ የወዋ አዉግሰጸሰ ቁሳረ ኡግያ ኮይላና ጋካናዉ ናገታናዳን ኡቻና። ታን አ ቁሳራኮ የዳና ጋካናዉ። አ ቃሽታና ማላ አዛዛድ” ያጌዳ።

22 ሄዋፕ ጉየ አግሪጳይ ፕሰጸሳ። “ታን ታ ሁጳዉካ ቃይ ሄ ብታኒ ግያዎ ሰሳና ኮያይ” ያጌዳ።

ፕሰጸሰ አ። “ኔን ዎንት አ ግያዎ ሰሳናሳ” ያጌዳ።

23 ዎንትሳ ጋላሰ። አግሪጳይነ ባርኒቀ ዳር ቦንቹዎን ኦላ ካፓቱዋናን ካታማን ደአያ ዎልቃማ አሳና ዪደ። ፕርዳ ጎለ ገሌድኖ፤ ፕሰጸሰ ጳውሎሳ አሀና ማላ አዛዛና አሄድኖ።

24 ፕሰጸሰ ሀዋዳን ያጌዳ፤ “ካትያ አግሪጳ። ሀዋን ኡናና ደአያ አሳ ኡባዉ። አይሁዳ አሳይ ኡባይ የሩሳላመንካ ሀዋንካ ዋሲደ። ‘አ ሀዋፕ ሰንላዉ ፓጻ ደአናዉ በሰና’ ያጊደ። ታና ዎሴዳ ብታንያ ሀዋ በኢታ።

25 ሽን አ አይነ ሀይቃናዉ በሰያዋ ኡሌዳዋ ታን ደማቦይከ፤ አ ባረ ሁጳዉ። ‘አዉግሰጸሰ ቁሳረ ታባ ፕርድ ያጋደ ኡቻድ’ ጌዳ ድራዉ። ቁሳራኮ አ የዳናዉ ታን ቆፓድ።

26 ታን አባ ታ ጎዳ አዉግሰጸሰ ቁሳረዉ ጸፋናዉ ቱሙ የዉ ታዉ አይነ ባዋ፤ ሄዋ ድራዉ። አ ሎይላ ኡሽቶዋፕ ጉይያን። ታን ጸፍያባ ደማና ማላ። ሀንተንቱ ሰንላ። ካትያ አግሪጳ። ኡባ ነ ሰንላ አ አሃድ።

27 አያዉ ጎፕ። ቃሽቲዳ ኡራ ኪትያ ዎደ። አ አያዉ ሞቲደንቶ። ኤርሰናን ጮኤ ግ ባሽያዌ ታዉ ኤያተላ ማላቲ” ያጌዳ።

26

ጳውሎሰ አግሪጳ ሰንላን ሃሳዬዳ

ሃሳያ

1 አግሪጶስ ደግሞ፡ “ኔን ነባ ሃሳያናወ ዳንዳያ” ያጌዳ። ሄ ወደ ጳውሎስ ባረ ኩሽያ ሞጩደ ሀዋዳን ያግ ዛሬዳ።

2-3 “ካትያ አግሪጶስ፡ አይሁዳቱዋ ዋጋን ፓሎማ ኡባ ኔን ሎይላደ ኤርያ ድራው፡ ታና አይሁዳቱ ሞትያ የወዋ ኡባ ሀቼ ታን ነ ሰንላን ዛርያዋ ታ ካጫይ ዳርሰ ሎኦ ያጋደ ቆፓይ፤ ሄዋ ድራው፡ ኔን ታ ሃሳያ ሳለተናን ሰሳና ማላ፡ ኔና ዋሳይ።

4 “ታን ናኦተላፕ ደማደ ታ አሳ ግድንን የሩሳላሙን ደኤዳ ታ ደኤዋ አይሁዳ ኡባቱ ካሰፕ ደማደ ኤሪና።

5 ታን ኮይሮፕ ደማደ፡ ኑ አማኑዋ ሀግያ ኦፕን ሞንሲደ ናግያ ፓርሳዋቱዋ ባጋ ፓርሳዋ ግዳደ ደእያዋ፡ ኡንቱንቱ ማርካታናወ ኮዮፕ ኤሪና።

6 ታን ሀእካ ጸሳይ ኑ አዋቶ አማና ጌዳዋ ናሽቻን ናግያ ድራው፡ ፕርደታናወ ሀዋን ኤቃይ።

7 ቃይ ታማነ ላኡ ኑ አዋቱዋ ዛራቱ ጸሳዉ ቃማነ ጋላስ ኡባደ ሞንሰ ጎይኒደ፡ ጸሳይ አማና ጌዳዋ አካናወ ናሽቻን ናግያ፤ ካትያ አግሪጶስ፡ አይሁዳቱ ታና ሞትያዌ ታን ሄዋ ናሽቻን ናግያ ድራሳ።

8 አይሁዳቶ፡ ጸሳይ ሀይቄዳዋንታ ደንላያዋ አያወ አማንክቱ?

9 “ታን ታ ሁጸወካ ናዘራትያ የሱሳ ኤቃታናወ በሴ ጋደ ካሰ ቆፓድ።

10 ታን የሩሳላሙን ኡጫዳዌ ሀዋ፤ ቄሳቱዋ ካፓቱዋፕ ማታ አካደ፡ ጸሳ አሳቱዋፕ ጮራቱዋ ቃሽሳድ፤ ኡንቱንታ ዋድያ ዋደካ ኡንቱንታ ሀይቄያዋ ደሳድ።

11 አይሁዳ ዋሳ ጎላ ኡባን ዳር ዋደ ኡንቱንታ ሙራደ፡ ባረንቱ አማኑዋ ኡንቱንቱ አጋና ማላ ጎደታድ፤ ታን ዋጋይ ባይናዋ ኡንቱንቶ ሀንቀታደ፡ ሀራይ አቶ፡ ሀራ ጋድያ ካታማ ጋካናወካ ኡንቱንታ ሙቶላይ።

ጳውሎስ ባረ ሁጸወ ክርሰቶሳ ዋት አማኔደንቶ ኦዴዳ

(9:1-19፤ 22:6-16)

12 “ታን ሀ ዋዋ ቄሳቱዋ ካፓቱዋፕ ማታን አዛዙዋ አካደ ዳማስቆ ባድ።

13 ካተወ፡ ታን ሴታ ጋላስ ኦግያን ደእሸን፡ አዋ ፖኡዋፕ ሎይላ አድያ ፖኡ ታናን ታናና ቤዳዋንታ የይ አዲደ፡ ሳሎዋፕ ፖእሸን በኣድ።

14 ኑን ኡባይ ሳእን ኩንዴዳ ዋደ፡ አብራይስጥ ቃላን፡ “ሳኦላ፡ ሳኦላ፡ ታና አያወ የደሳን ሙቶላይ? ኔን ታና አጸሳን ኔና ቆሃሳ” ያጌደ ታወ ኦድሸን ሰሳድ።

15 “ያታደ፡ ‘ታ ጎዳወ፡ ኔን ኦኔ?’ ያጋድ።

“ጎዳይ፡ ‘ታን ኔን የደሳን ሙቶላያ የሱሳ።

16 ሸን ደንዳ ኤቃ፤ አያወ ጎፕ፡ ሀቼ ኔን ታና ቤኤዳዋን ታን ኔና ሰንላፕ በሳናዋ ሀራንቶ ማርካታና ማላ፡ ታወ ኦላያዋ ኡዳደ ኔና ሱንላናወ ነወ ቆንጫድ።

17-18 ኡንቱንቱ ታና አማንና፡ ኡንቱንቱ ናጋራይ አቶ ጌተታናዳን፡ ጸሳይ ደራዳ አሳ ግድን ኡንቱንቱ ባረንቱ ደእያሳ ደማናዳን፡ ቃይ ቆማፕ ፖኡዋ ሰማናዳንን ጸላህያ ጎዳተላፕካ ጸሳኮ ሰማናዳን፡ ኡንቱንቱ አይፍያ ኔን ደያና ማላ፡ አሰራኤልያ አሳፕን ታን ኔና ኡንቱንቱኮ ኪትያ አይሁዳ ግደናዋንቱፕ ኔና አሻና ያጌዳ።

19 “ካትያ አግሪጶስ፡ ሄዋ ድራው፡ ታወ ሳሎዋፕ ቤቴዳ ሳጸወ ታን አዛዘታናዋ እጸበይከ።

20 ሸን ታን ካሰታደ፡ ዳማስቆንን የሩሳላሙን ሄዋፕ ጉይያን፡ ይሁዳ ጋድያ ኡባን ደእያዋንቱስን አይሁዳ ግደናዋንቶ ባረንቱ ናጋራፕ ሰማና ማላ፡ ቃይ ናጋራፕ ሰማናወ በሰያዋ ኦሊደ፡ ጸሳኮ ሰማና ማላ ቃላ ኦዳድ።

21 ሄዋ ድራው፡ አይሁዳቱ ታና ጌሻ ጎልያን ኦይቄደ ዋቆናወ ኮዬድና።

22-23 ሄዋ ድራው፡ ታን ጸሳ ማዲዋ አካደ፡ ዳርነ ጉላወ ሀቼ ጋካናወካ ኤቃደ ማርካታይ። ናባቱነ ሙሴ፡ ክርሰቶስ ሙቶታናወ በሴ፤ ቃይ ሀይቄዋፕ ኮይሮ ደንዳደ፡ አይሁዳቶን አይሁዳ ግደናዋንቶ አቶተላ ፖኡዋ ኦዳናወ በሴ፤ ጌዳዋዳን፡ ታንካ ኡንቱንቱ ሃሳዬዳዋፕ ሀራ እትባነ ሃሳዬዳባይ ባዋ” ያጌዳ።

24 ጳውሎስ ባረንቱባ ሀዋዳን ያጌደ ዛርሸን፡ ፕሰጸሰ ኮሻ ቆቁ ኦሊደ አ ሃሳያ ቆሳናወ፡ “ጳውሎሳ፡ ኔን ጎያ፤ ኔን ዳሪ ታማራዳዌ ኔና ጎሻና ሀኔ” ያጌዳ።

25 ሸን ጳውሎስ ሀዋዳን ያጌዳ፤ “ቦንቼቴዳ ፕሰጸሳ፡ ታን ቱማተላን

ሎኦ የወዋነ ዎዛና ቆፋ ሃሳይያዋጥ አትን ጎይከ።

26 ታን ካትያ አግሪጻዉ ሀ የወዋ ቆንጫያን ኦድያዋ እ ኤሬ፤ እያዉ ጎጥ፤ ሀ የወ ጌማን ኦሰትቤና ድራው፤ ሀዋጥ እቱን አጥ ጌመናዋ ታን ጌሻደ ኤራይ።

27 “ካትያ አግሪጻ፤ ኔን ናባቱ ጌዳዋ አማናይ? ኔን ኡንቱንቱ ጌዳዋ አማንያዋ ታን ኤራይ” ያጌዳ።

28 ካትያ አግሪጻይ ጳውሎሳ፤ “ሀእ ሀ ቃንፋ ዎዳትንካ ታና አማንፋናዉ ኮያይ?” ያጌዳ።

29 ሄዋጥ ጉየ ጳውሎሰ፤ “ዳር ዎደ ግድና፤ ጉፋ ዎደ ግድና፤ ነ ጳላላ ግዳካ፤ ሽን ሀቼ ታን ኦድያዋ ሰሰያ ኡባይ ቃይ ታዋዳን ቃሽቶጥኖ አትን፤ ታ ማላ ግዳናዳን ጸሳ ዎሳይ” ያጌዳ።

30 ሄዋጥ ጉይያን ካቱ፤ ዋድያ ፕሰጸሰ፤ ባርኒቀነ፤ ኡንቱንቱና ደእያ ኡባይ ደንድ፤

31 እት ባጋ ሰሚደ፤ እቱ እቱዋና፤ “ሀ ብታኒ ሀይቁሳይ አቶ ሸን፤ ቃሹዋሰካ በሰያባ ኦሐቤና” ያግ ሃሳዬድኖ።

32 አግሪጻይ ፕሰጸሳ፤ “ሀ ብታኒ፤ ቁሳሪ ታባ ፕርዶ” ግቤንንቶ፤ ብለታናዉ ዳንዳዬ ሸን” ያጌዳ።

## 27

ጳውሎሰ ርመ ቤዳ

1 ኑን ማርካብያን ጸልያ ባናዉ ቆፕ ኡቲዳ ዎደ፤ ጳውሎሳን ሀራ አማራዳ ቃሽቲዳ አሳቱዋ አዉግሰጸሳ ዎታዳራቱዋ ግያዋንቱጥ እት የልዮሳ ግያ ጸታቱዋ ካፖ አሊደ እሜድኖ።

2 ኢሰያ ጋጸን ደእያ ጋዳቱዋ ብያ አድራሞጽዮና ማርካብያን ገሊደ ቤዶ፤ ማቅዶንያ አሳ ግድያ ተሰሎንቀ አርሰጽርኮሰ ኑናና ደኤ።

3 ዎንትሳ ጋላሰ ኑን ሲዶና ጋክሸን፤ የልዮሰ ጳውሎሳዉ ዳርጥ አ፤ “ነ ዳባቱ ኔና ኮሸያባ ማዳና ማላ፤ ኔን ኡንቱንቱኮ ባናዉ ዳንዳያ” ያጌዳ።

4 ሄዋጥ ደንዲደ፤ ሰንፋና ኑ ቦላ ጫርክያ ድራው፤ ቆጶሮሳ ሃፋን ደደቲዳ ሳኣን ጫርከና ባጋ ቤዶ።

5 ክልቂያ ማታንን ጽንፍልያ ማታን ደእያ አባ ፕኒደ፤ ለቅያን ደእያ ሙራ ጋኬዶ።

6 ሄዋን ጸታቱዋ ካፑ ጸልያ ብያ እሰክንድርያ ማርካብያ ደሚደ፤ እን ኑና ገልሴዳ።

7 ኑን ጮራ ዎድያ ሎዳን ቢደ፤ ዳር መቱዋን ቀንደሳ ካታማ ጋኬደ፤ ሄዋና ባናዉ ኑና ጫርኩ ድግና ሳልሞናና አዲደ፤ ሃፋን ደደቲዳ ቃርጾሳን ጫርኩዋጥ ተኤቲደ ቤዶ።

8 ቃይካ ዳር መቱዋን ጋጸና ጋጸና አዲደ፤ ላሰያ ካታማ ማታን ደእያ አባ ደናን ማርካቢ ዎፑ ጊደ ሸምጥያ ሳ ጌተትያሳ ዬደ።

9 ኑን ሄዋን ጮራ ዎድያ ጋምኤዳዋጥ ጉይያን፤ ጸማይ ብለት ድጌዳ ድራው፤ ማርካብያን ብያዌካ ሀርግሽን ጳውሎሰ ኡንቱንታ ዞሪደ፤

10 “አሳዉ፤ ኑ ቡሳን ዎልቃማ ቦሻይን ዳር ባሻይ ደእናዌ ታዉ ቤቲ፤ ባሻይ ይያዌ ጫና ቦላን ማርካብያ ቦላ ጸላላን ግደና፤ ኑ ሸምጥዋ ቦላካ ያናዋ” ያጌዳ።

11 ሸን ጸታቱዋ ካፑ ጳውሎሰ ጌዳዋጥ አሊደ፤ ማርካብያን ደእያዋንታ አዛዝያዌን ማርካብያ ጎዳይ ግያዋ አማኔ።

12 ሄ አባ ማታ ካታማይ ባልጉዋ ሻጫናዉ ኡንቱንቶ ሚከና ካታማ፤ ሄዋ ድራው፤ ጮራ አሳቱ ባርንቶ ዳንዳዮቶጥ፤ ፕንቀ ግያ ካታማ ጋኬደ፤ ባልጉዋ ያን ሻጫና ማላ፤ ያጥ ደንዳናዉ ዞሪቲድኖ፤ ፕንቀን ደእያ ማርካቢ ሸምጥያ ሚኮ ሳኦይ ደየቲዳዌ፤ አዋይ ወልያሳጥን ኡሸቻ ባጋጥ ግዲዋን፤ ቃይ ዉልያሳጥን ሀድርሳጥ ግዲዋና።

አባ ቦላን ጎቱ ደንዴዳ

13 አዋይ ከሰያሳ ጸልያ ዎደ ኡሸቻ ዲገሃ ባጋ ጫርኩ ሎዳን ጫርኬዳ ዎደ፤ ባርንቱ ቆፔዳዋደን ሀኔዳዋ ኡንቱንቶ ማላትና ደንዴድኖ፤ ማርካቢ ቤና ማላ ኦይቂያ ብራታ ፑደ ዳፊደ፤ ቃርጾሳ ማታቲደ፤ ላንቂያና አዴድኖ።

14 ሸን ዳሪ ጋምኤናን፤ “አዉራቂሰ”\* ግያ ዳር ዎልቃማ ጎቱ ሃፋ ግደን ደእያ ሳኣጥ ዲገ ኡንቱንቱ ቦላ ደንዴዳ።

15 ሄ ጎቱ ማርካብያ ደቺደ አ□ናን ድግና፤ ባናዉ ኑዉ ዳንዳየተናን እጾዳ ድራው፤ ማርካብያ እ አፍያሳ አጊደ ቤዶ።

\* 27:14 “አዉራቂሰ” ጌተትያ ዎልቃማ ጎቱ ክል ፑደሃጥ ዉላሃ ባጋ ጫርክያዋ ግድያዋ ቦሴ።

16 ኑን ቁዳ ግያ ሃላን ደደቲዳ ጫርኩዋጥ ገሜዳ ሳና እድያ ዋደ፣ ዳርሰ መቶቲደ ማርካብያ ዋንግርያን ናግ እሻናው ዳንዳዬድ።

17 ኡንቱንቱ ዋንግርያ ጉደ ከሴዳዋጥ ጉይያን፣ ጋድያን ማርካብያ ጸጺደ፣ ምንሰ ቃቺድና፤ ሰርጽሳ ግያ ሻሬ ኩሜዳ ሳን ባረንታ ኩንድሳንንቶን ጊደ ህርጊደ፣ ማርካብያ እፍያ ሻራ ዋሊደ፣ ጫርኩዋን ማርካብያ ጮ የድ አጌድና።

18 ጎቱ ዋልቃሚደ ኑ ቦላን ዋልቃሚዳ ድራው፣ ዋንትሳ ጋላሰ ጫናጥ አባን ኦሉዋ ደሚድና።

19 ሄዘንላያ ጋላሰካ ማርካብያን ደእያ ሚሻ ኡንቱንቱ ባረንቱ ኩሽያን ኦሌድና።

20 ኑን ዳር ዋድያ አዋን ጸልንትያ በኤናን፣ ዋልቃሚ ኡሹ ኑ ቦላ ቡክሽን፣ ሰንሳጥ ጳየናን አቶኮ ጊደ ቆፔድ።

21 ኡንቱንቱ ዳር ዋድያ ቁማ ሜናን ጋምኤዳዋጥ ጉይያን፣ ጸዉሎሰ ሄ ዋደ ኡንቱንቱ ግደን ደንድ ኤቁደ፣ ሀዋዳን ያጌዳ፤ “አሳው፣ ህንተንቱ ታ ዘርያ እኩደንቶን ቃርጾሳጥ ደንደናን አቲደንቶ፣ ሀዋ ማላ ባየላይን ቆሁ ኑና ጋከና።

22 ሽን ሀእካ ታን ህንተንታ ያዮጥተ ጋደ ዙራይ፤ እያው ጎጥ፣ ሀ ማርካብ ባየናጥ አትን፣ ህንተንቱጥ አት ኡራ ሸምጥካ ባየና።

23 እያው ጎጥ፣ ጸሳ ኪታንቻይ፣ ታና ሞዴዳ ታን ጎይንያ ጸሳዌ፣ ዘኖ ቃማ ታ ማታን ኤቁደ።

24 ‘ጸዉሎሳ፣ ያዮጋ፤ ኔን ርመ ጋድያ ካትያ ቁሳራ ሰንሳን ኤቃናው በሴ፤ በእ፣ ጸሳይ ባረ ኬካተላን ኔናና ብያ አሳ ኡባ ሸምጥዋ አሻና’ ያጌዳ።

25 ሄዋ ድራው አሳው፣ ያዮጥተ። እያው ጎጥ፣ ሄ ኪታንቻይ ታው ኡዴዳዋዳን ሀናናዋ ታን ጸሳ እማናይ፤

26 ሽን ጫርኩ ኑና እት ሃላን ደደቲዳ ሳእን አባ ድናን ደምእሳና” ያጌዳ።

27 ታማነ ኦይደንላ ጋላሰ ሚድትራንያ አባን ኑና ጫርኩ ያነ ሃነ ሱግሽን፣ ማርካብያን ኦልያዋንቶ ቃማ ብላሂ ቢታኮ ማቴዳዋ ማላቲዳ።

28 ኡንቱንቱ ልክያ ጋድያ ጾራን ዴጽያባ ቃቺደ፣ ሃላን የግና፣ ሃላይ ኦይታሙ ሞትርያ ጨማቴዳዋ ኤሬድና። ጉላ ጋምኤደ፣ ላኤንሉዋ

የጊደ፣ ሀታሙ ሞትርያ ጨማቴዳዋ ኤሬድና።

29 ኡንቱንቱ ሹቻትያሳን ኩንደና ማላ ያዬደ፣ ማርካብ ቤና ማላ ኦይቁያ ኦይዱ ብራታ ማርካብያጥ ጉየና አባን የጊደ፣ ሳእይ ዋንታና ማላ፣ ባረንቱ ጸሳቱዋ ዋሲና።

30 ማርካብያን ኦልያዋንቱ ማርካብያጥ ክቻናው ኮዬደ፣ ማርካብ ቤና ማላ ኦይቁያ እማራዳ ብራታቱዋ ማርካብያጥ ሰንሳ ባጋና አባን የግያዋ ማላቲደ፣ ዋንግርያ አባን ዋሌዳ ዋደ።

31 ጸዉሎሰ ጾታቱዋ ካፑዋን ዋታዳራቱዋ፣ “ሀዋንቱ ማርካብያ ግድን ደእና ጳየጥ፣ ህንተንቱ አታናው ዳንዳይክታ” ያጌዳ።

32 ሄዋጥ ጉይያን፣ ዋታዳራቱ ዋንግሪ ቃሽቲዳ ጋድያ ቃንጺደ፣ የድ አጌድና።

33 ሳእይ ዋንታና ሀንሸን፣ ጸዉሎሰ ኡባይ ቁማ ማና ማላ፣ ሀዋዳን ያጊደ ዋሲዳ፤ “ህንተንቱ ሀቼና ታማነ ኦይዱ ጋሳሳ ናጌድታ፤ ቃይ ሄ ኡባንካ ቁማ ሞበይክታ።

34 ሄዋ ድራው፣ ጉላ ቁማ ህንተንቱ ማና ማላ፣ ታን ህንተንታ ዋሳይ፤ እያው ጎጥ፣ ህንተንቱ ጋጾ ደእናው ጉላ ቁማ ማና ኮሼ፤ ሀራይ አቶ ህንተንቱ ሁጺያ ብናናጥ አቲካ ባየና” ያጌዳ።

35 ጸዉሎሰ ሀዋ ጊደ፣ ኡክላ አኪደ፣ ኡባ ሰንሳን ጸሳ ጋላቲዳ፤ መንላ ሙሳ ደሚዳ።

36 ሄዋጥ ጉይያን ኡባይ ሎይላ፣ ባረንቶ ቃይ ቁማ ሜድና።

37 ኑን ማርካብያን ደእያዋንቱ ላኡ ጾታን ላፑን ታማነ ኡሱፑና።

38 ኡንቱንቱ ሚደ ካሌዳ ዋደ፣ ጫና ዘርጋ አባን ኦሊደ ማርካብያ ዴጾዋ ካዉሽሴድና።

ማርካብያ መኡሳ

39 ሳእይ ዋንቲዳ ዋደ፣ ማርካብያን ኦልያዋንቱ ጋድያ ኤርበይክና፤ ሽን ሃላይ ጎጊደ አባን ገሌዳሳ ሞይያን ደእያ ሻፍያ እኩካን ጾሌድና። ባረንቶ ዳንዳየትንቶ፣ ማርካብያ ሄ ሻፍያኮ ላጋናው ባረንቱ ቆፋ ቃቺድና።

40 ያቲደ ማርካብ ቤና ማላ ኦይቁያ ብራታቱዋ ብሊደ፣ አባ ግደ የጌድና፤ ሄ ዋደ፣ ማርካብያ ኮዬዳሳ ዛሪደ ላግያ ሞላ ቃቺደ ጋድያ ብሌድና፤ ሄዋጥ ጉይያን፣ ጫርኩ ማርካብያ ሰንሳው ሱጋና ማላ፣ ማርካብያ እፍያ ሻራ ሰንሳ ባጋና ዶቁ ኦሊደ፣ ቡሳ ደሚድና።

41 ሽን ማርካቢ ጨሙ ደኢያሳጥ አዲድ ሃላን ደደቲዳ ሳኢ ማታን ደኢያ ደላሳን ደምኤት ኤቄዳ፤ ማርካብያው ጉዮ ባጋይ ቤታ ሱገላን መኤረትሸን፡ ሰንላ ባጋይ ዱገ ድሸቲደ፡ ቃጸናን እጽ ኤዴ።

42 ዎታዳራቱ ቃሸቲዳ አሳጥ እቱን ሃላ ዋዲደ ከሰ እክቤና ማላ፡ ኡንቱንታ ዋዳናው ዘረቲድና።

43 ሽን ጾታቱዋ ካፑ ዳዉሎሳ አሻናው ኮዩደ፡ ዎታዳራቱዋ ማቁዋ እጾዳ፤ ሃላ ዋዳ ኤርያ ኡባይ ማርካብያጥ ሃላን ጉፕ ጉፕደ ካሰቲደ ጋጸ ከሳና ማላ እዛዜዳ።

44 አቴዳዋንቱፕ አማራዳዋንቱ ሳንቃን፡ አማራዳዋንቱ ቃይ ማርካብያ መኡዋን ከሳና ማላ እዛዜዳ፤ ሄዋዳን ኡባቲካ ጋጸ ሳርተላን ከሴድና።

### 28

ጳውሎስ ማልታ ግያ ሃላን ደደቲዳ ሳኢ ቤዳ

1 ኑን ጋጸ ሳርተላን ከሴዳ ዋደ፡ ሄ ሃላን ደደቲዳ ሳኢይ ማልታ ጌተትያዋ ኤሬደ።

2 ሃላን ደደቲዳ ሳኢን ደኢያ አሳቱ ኑው ዳር ኬካተላ ኬኬድና፤ እራይ ቡካናው ደሚዳ ድራውን ሜገዋ ድራው፡ ታማ ኤሌደ፡ ኑና ኡባ ሞኬድና።

3 ጳውሎስ ዳር ቃይጾርያ ሞላ ሞጺደ ታማን የግሸን፡ ማርካማ ሾሻይ ሴላ ድራው ከሲደ፡ አ ኩሽያን ጸጸቲደ፡ አ ዱኬዳ።

4 ሃላን ደደቲዳ ሳኢን ደኢያ አሳቱ ቅርጫንትያ ሾሻይ ጳውሎሳ ኩሽያን ጸጸቲዳዋ በኤዳ ዋደ እቱ እቶ፡ “ቱሙ ሀ ብታኒ ሸምፑዋ ዋድያ አሳ፤ ሀራይ አቶ አባጥ እ አትናካ ኑ ጸሳ ፕርዳይ አ ፓጸ ደኦ ግቤና” ያጌድና።

5 ሽን ጳውሎስ ባረ ኩሽያፕ ቅርጫንትያ ሾሻ ወጸኪደ፡ ታማን ኦሌዳ፤ አ እይን አላቤና።

6 አንቱንቱ፡ “አ ቦላይካ ጋፌ፤ ዋይ አኬከናን ኩንዲደ ሀዬ” ያጌደ አ ናጊና፤ ሽን ጮራ ዋድያ ናጊደ፡ አ ቦላን እይን ዲማቲዳባይ ዳይና፡ “ሀዌ ጸሳን” ያጌደ ባረንቱ ቆፋ ባሽ አጌድና።

7 ሄዋ ሄራን ሃላን ደደት ኡቲዳ ሳኢ ካፑዋ ፑፕልዮሳ ግያዎ ጋዲ ደኤ፤ እ

ኑና እማሳተላ፡ ሄዙ ጋላሳ ሲቁዋን ሞክ ሞይዜዳ።

8 ፑፕልዮሳ አቡ ቆጶዋ፡ ሴላን ኡሉዋ ካዳ ሳከት ግሲደ ደኤ፤ ጳውሎስ አ ሳይ ገሊደ፡ አዉ ጸሳ ዋሴዳ፤ ባረ ኩሽያ አ ቦላ ዋሊደ፡ አ ፓሌዳ።

9 ሄዋፕ ጉይያን፡ ሄ ሃላን ደደቲዳ ሳኢን ሀርግያ ሀራ ኡባ አሳይካ ቃይ ዪደ ፓጶዳ።

10 ሄዋፕ ሰምና ኑና ዳር ቦንቹዋ ቦንቹድና፤ ኑን ማርካብያን ባናው ደንዴዳ ዋደ፡ አገው ኑና ኩሽያባ ኑው እሜድና።

ጳውሎስ ማልታፕ ሮመ ቤዳ

11 ሄዙ አገናፕ ጉይያን፡ ሃላን ደደቲዳ ሳኢን ባልጉዋ አሊደ፡ “ማንተ ጸሳን” \* ግያ እስክንድርያ ማርካብያን ባናው ደንዴዳ።

12 ኑን ሰራኩሰ ግያ ካታማ ገሊደ፡ ያን ሄዙ ጋላሳ ኡቲደ።

13 ሄዋፕ ዩዩደ፡ ረገዩመ ግያ ካታማ ጋኬደ፡ እት ጋላሳፕ ጉይያን፡ አዋይ ከሰያሳ ጾልያ ዋደ ኡሸቻ ዱገሃ ባጋ ጫርኩ ጫርክና፡ ዋንትሳ ጋላስ ፑትያሉሳ ግያ ካታማ ዬደ።

14 ሄዋን ኑን እት እት አማንያዋንታ ደምና፡ ባረንቱና ላፑ ጋላሳ ኡታና ማላ፡ ኑና ዋሴድና፤ ሄዋፕ ቃይ ሮመ ዬደ።

15 ሮመን ደኢያ አማንያዋንቱ ኑባ ሰሲደ፡ አፍያሳ ገያን “ሄዙ አቅያሳ ጌተትያሳ” ጋካናው ኑና ሞካናው ዬድና፤ ጳውሎስ አንቱንታ በኤዳ ዋደ ጸሳ ጋላቲደ፡ ዋዛናን ሞንሴዳ።

ጳውሎስ ሮመን ታማርሴዳ

16 ኑን ሮመ ገሌዳ ዋደ፡ ጳውሎስ ባረና ናግያ ዎታዳራና ባረካ ደአናዳን ኦሰቲዳ።

17 ሄዙ ጋላሳፕ ጉይያን፡ ጳውሎስ አይሁዳቱዋ ካፕቱዋ ባረኮ ጼሴዳ፤ አንቱንቱ ሸቄዳ ዋደ፡ አንቱንታ ሀዋዳን ያጌዳ፤ “ታናዳን አማንያዋንቶ፡ ታን ኑ አሳ ዋይ ኑ አዋቱዋ ዋጋ ኢታባ እይን ኦርናን፡ ታና የሩሳላሙን ቃቺደ፡ ሮመ አሳው አሊደ እሜድና።

18 አንቱንቱ ታና ብዴዳዋፕ ጉዮ፡ ሀይቃናው በሰያባይ ታ ቦላ እይን ባይና ድራው፡ ታና ብላናው ኮዬድና።

\* 28:11 ማንተ ጸሳን- ሀዋንቱ ላኤ አቱማ ናናቱ፡ ካሰቶርን ፓሎክሳ ጌተትያዋንቱ ዘወሰ ናናቱዋ ግዲደ፡ ማርካብያን ደኢያ አሳቱዋ ናግያ ጸሳቱዋ ጌተቲደ ጸሰቲና።

19 ሸን ሄዋ አይሁዳቱ ኤና ጌናን እጹዳ ዎደ፣ ታባ ቄሳሪ ፕሮዶ፣ ጋናዌ ታና ኮሼዳ፣ አትን፣ ታን ታ ዛርያ ሞትያባይ ታዉ ደእና ግደና።

20 ታን ህንተንቱና ጋክታናዉን ሃሳያናዉ ህንተንታ ጸሴዳዌ ሄዋሳ፤ አያዉ ጎፕ፣ እሰራኤልያ አሳይ ናሽቻን ናግያዋ ድራዉ ታን ሀ ሳንላላታን ቃሽታድ” ያጌዳ።

21 አይሁዳ ጭማቱ ጳዉሎሳ፣ “ኑን ይሁዳ፣ ነባዉ ዳብዳቢያ እክበይኮ። ኑ እሻቱዋ፣ ሀራይ አቶ፣ አቱካ ዪደ፣ ነባ ኦድቤና፤ ዎይ ነ ሱንላ ባይዚደ፣ ኑዉ እድቤና።

22 ሸን ሄ አሳ ሱንላ ኡባ ሳን አሳይ ባይዚደ ሃሳይያዋ ኑን ኤርያ ድራዉ፣ ነ ቆፋ ሰሳናዉ ኮዬቶ” ያጌድና።

23 ኡንቱንቱ ባረንቱ ያና ጋላሳ ጳዉሎሳዉ ኬሪደ፣ ሄ ጋላሰ ጮሪደ እ ደኢያሳ ዬድና፤ እካ ኡንቱንቶ ጳሳ ካዉተላባ ማርካቱደ። ቃይ ኡንቱንቱ የሱሳባ አማናና ማላ፣ ሙሴ ህግያፕነ ናባቱ ጳፌዳዋ፣ እኪደ ኡንቱንታ ታማርሲደ፣ ዋንታ፣ ሐማርሰ ጋካናዉ ሎይላ ኦዶዳ።

24 ባጋቱ ጳዉሎሰ ጌዳዋ አማኔድና፤ ሸን ባጋቱ አማንበይክና።

25 ኡንቱንቱ ባረንቱ ግደን የዉዋ ኤና ጌናን እጹዳ ዎደ፣ ጳዉሎሰ እትባ ጌዳዋ፣ ጉይያን ቤድና፤ እ ሀዋዳን ያጌዳ፤ “ጌሻ እያናይ ኑ አዋቶ ናብያ ኢሰያሳ ማጻፋን።

26 “ ኔን ሄ አሳኮ ባደ ሀዋዳን ጋ፤ “ህንተንቱ ሰሳ ሰሳና፣ ሸን ህንተንቶ ገለና፤ ህንተንቱ ጸላ ጸላና፣ ሸን በእክታ።

27 አያዉ ጎፕ፣ ሀ አሳ ዎዛናይ ጉዙሜዳ፤ ባረንቱ ሀይላ ቱልሴድና፤ ባረንቱ አይፍያካ ጨሉሜድና። ሄዌ ባዌንቶ፣ ባረንቱ አይፍያን በእና፤ ኡንቱንቱ ሀይላይካ ሰሳና፤ ኡንቱንቱ ዎዛናይካ እኬካና፤ ኡንቱንቱ ታኮ ጳሳኮ ሰማና። ቃይ ታንካ ኡንቱንታ ፓላና” ያጋ፣ ያጌዳ።

28 “ሰሞ ሀዌ ጳሳ አቶተላይ፣ አይሁዳ ግደናዋንቶ ኪተቱደዌ ህንተንቶ ኤረቶ። ቃይ ኡንቱንቱካ ሰሳና” ያጌዳ።

29 [ጳዉሎሰ ሄዋ ጌዳዋ፣ ጉይያን፣ አይሁዳቱ ባረንቱ ግደን ዳር ፓሎሙቲደ ቤድና።]†

30 ጳዉሎሰ ክራ ጎልያን ላኡ ላይላ ኩሙንላ ደኢደ፣ ባረኮ ይያ ኡባ ሞኬ።

31 ባረና ኡን ኡን ጌናን ጳሳ ካዉተላባን ጎዳ የሱሰ ክርሰቶሳባ ኦዲደ፣ ያየናን ዳሪ ቆንጭሲደ ታማርሲዳ።

28:27 እሳ. 6:9-10 † 28:29 ዲማ ዲማ ማጻፋቱ ሀዋ ጉጅያዌ፣ ጳዉሎሰ ሀዋ ጌዳዋ፣ ጉይያን ግያዋና።



# ጳውሎስ ሮመ አሳው ጳፌዳ ኪታ ገሉዋ

የሱስ ኪቴዳ ጳውሎስ ሮመ አሳው ጳፌዳ ኪታይ፡ ጳውሎስ ሮመን ደእያ ዋሳ ጎልያ ጸሞሳናው ቆፔዳ ድራው፡ እ ባናው ኡንቴንቴ ገዢ ናጋናዳን ኦላናሳ። ጳውሎስ ቆፋይ ሮመን ደእያ አማንያዋንቴና ጉላ ዋድያ ኦሌዳዋፕ ጉይያን፡ ኡንቴንቴ ማድና እስፔን ባናሳ። ክርስትና አማኑዋባ ባረ ኤሬዳዋን ሄዋ ቃይ አማንያ አሳይ ኦሱዋን ፔሻና ሀናታ ቆንጭሲደ ጳፌዳ። ጳውሎስ ቆፋይ ኩመንሳ ሀናታን ቤትያዌ ሀ ኪታና።

ጳውሎስ ሮመን ደእያ አማንያዋንቶ ሳርታ አላዋፕን ኡንቴንቶ ዋሳናዋካ ህድታ አዋዋፕ ጉይያን፡ ኪታው ግዶ ቆፋይ “ሞሽራቹዋ ቃላይ ጸሳይ እሳ ጽልስያዌ፡ ኮይሩዋፕ ዉርስላ ጋካናው አማኑዋና ግድያዋ ኦዳ” (1:17)

ሄዋፕ ጉይያን ጳውሎስ ሀ ቆፋ አሲ ዳፌ፡ አይሁዳቱዋ ግድናካ አይሁዳ ግደና እሳ ግድናካ ኡባይ ናጋራው ሞደትያዋንታ ግድያ ድራው፡ ኡንቴንቴ ጸሳና ሰገታናው ኮሼ። አሳይ ጸሳና ሰገታናው ዳንዳይያዌ የሱስ ክርስቶሳን አማንያዋና። ጸሳና መድያ ኦራላ እትፕተላ አይፊ ኦራላ ደኡዋ ግድያዋ ጳውሎስ አሲደ ኦዳዳ። አማንያ አሳይ ጸሳና ሳሮ ደኤ። ቃይ ጸሳ አያና ባጋና ናጋራን ሀይቁዋ ዋልቃፕ ብለቴ። ጳውሎስ ጸሳ ቆፋይን አማንያ አሳ ደኡዋ ግድን ኦላያ ጸሳ አያና ዋልቃ ቆፋይ አየንቶ ኦዳ (5-8)። ሄዋፕ ካሊደ ቃይ ጳውሎስ፡ “ጸሳይ አሳ ናናው ቆፔዳ ቆፋ ግድን አይሁዳቱን አይሁዳ ግደና አሳቱ ዋኒደ እትፕ ዋጸታናው ዳንዳያናዋንቴሻ?” ያግያ ኦሻ ዛራናው ባጸቲደ ደኤ።

ቃይካ ጳውሎስ፡ አይሁዳቱ የሱሳ አከናን ኪዬዳዌ ጸሳ ቆፋ ግድያዋ ኦዳ። አያው ጎፕ፡ ሀዋ ማላ ሀናታን አሳ ዘረሳይ ኡባይ ጸሳይ የሱሳ ባጋና ቆንጭሴዳ አዶ ኬካተላን እትፕተላ ኦላናሳ። ግደ ሸን፡ አይሁዳቱ የሱሳ አካናው ዋዲ ያናዋ ጳውሎስ አማኔ።

ዉርስላን ጳውሎስ ክርስትና ደኡዋ ዋኒደ ደኤናው በሰንቶ ኦዳ። ጸሳው ኦላናባ፡ አማንያ አሳቱ ባረንቴ ጋድያስን ባረንቴ ግድን እቱ እቶ ሰቁዋንን ማታን ኦላናባን ቆፋ ጋሱዋን ደንድያ ኦሻቱዋባ ቆንጭሲደ ኦዳ።

## ሸሞፓቱዋ ኡባቶ እመቴዳ ቃንሳ ቆፋቱዋ

ሮመ ኪታ ሁጸ ቆፋ ገሉዋ 1:1-17 አቶተላይ አሳው ኮሸያዋ ግድያዋ

1:18—3:20

ጸሳ አሹዋ ኦግያ 3:21—4:25

የሱሳን ቤትያ ኦራላ ደኡዋ 5:1—

8:39

እሰራኤልያ አሳው ደእያ ጸሳ ቆፋ

9:1—11:36

ክርስትናው በሰያ ኦሱዋ 12:1—

15:13

ዉርስላ ቆፋን ሳርታ 15:14—

16:27

1 ባረ ሞሽራቹዋ ቃላ ኦዳናው ጸሳይ ድራደ ጴሴዳ ክርስቶሳ የሱሳ ቆሚይ፡ የሱስ ክርስቶስ ኪቴዳ ጳውሎስ፡ ታን ሀ ዳብዲቢያ ጸሳይ።

2 ጸሳይ ዳር ዋደፕ ካስ ባረ ናባቱዋ ባጋና ሞሽራቹዋ ቃላ አማና ያጌዳዌ ጸሳ ጌሻ ማጻፋቱዋን ጸፈቴዳ፤

3 ሄ ሞሽራቹዋ ቃላይ አሳ ግዲደ ዳዋተ ዛርያፕ የለቴዳ ጸሳ ናኦ፡ ኦ ጎዳ የሱስ ክርስቶሳባ።

4 ቃይ እ ባረ ጌሻ አያናን \* ሀይቁዋፕ ደንዳዳዋን፡ ጸሳ ናኦ ግድያዋ ዋልቃማ ዋልቃን በሴዳ።

5 አይሁዳ ግደና አሳይ ኡባይ አማናናዳንን አዛዘታናዳን፡ ኦን ኡንቴንታ ካለላና ማላ፡ ጸሳይ ክርስቶሳ ሱንላ ድራው፡ ክርስቶሳ ባጋና አዶ ኬካተላን የሱስ ኪቴዳዋንታ ግድያ ማታ ኦው እሚዳ።

6 የሱስ ክርስቶሳዋ ግዳናዳን፡ ጸሳይ ጴሴዳ ህንተንቴካ ሄዋንቴ ግድን ደኤታ።

7 ጸሳይ ሰቅያዋንቶን ጌሻባ ኦላናው ጴሴዳ ሮመ ጋድያን ደእያ ኡባቶ ጸሳ ኦ አወዋፕን ጎዳ የሱስ ክርስቶሳፕ አዶ ኬካተላይን ሳርተላይ ህንተንቶ ግድ።

## ጋላታ ዋሳ

8 ካስታይ ታን ህንተንቴ አማኔ ሳኦ ኡባን ሰስቴዳ ድራው፡ የሱስ ክርስቶሳ ባጋና ህንተንቶ ታን ጸሳ ጋላታይ።

\* 1:4 ባረ ጌሻ አያናን፡ ዋይ “እን ደእያ ጌሻ አያና”

9-10 እያው ጎተ፡ ታን ኡባ ዋደ ታ  
ዋሳን ህንተንታ ሀሳይሰያዎ፡ ጸሳይ፡  
ታን እ ናኣ ሞሽራቹዋ ቃላ ኦድያዋን  
ታ አያናን እው ኦሳያዌ ማርካ። ጸሳይ፡  
ባረ ሸንያን፡ ታን ሀእ ህንተንቱባ ባናው  
ታ ኦግያ ሚኮያናዳን፡ ኡባ ዋደ ዋሳይ።

11 እያው ጎተ፡ ታን ህንተንታ  
ምንሳናው፡ ህንተንቱና እትፕ አያና  
አሞታ ቫካና ማላ፡ ህንተንታ በአናው  
ላሞታይ።

12 ታን ግያዌ፡ ህንተንቱካ ታካ እት  
ዋደ ምነታና፡ ህንተንቱ ታ አማኑዋን፡  
ቃይ ታንካ ህንተ አማኑዋን ምነታና።

13 ታናዳን አማንያዋንቶ፡ ታን ኡባ  
ዋደ ህንተንቱባ ባናው ቆፓድ። ሸን  
ታና ድግያባይ ደእያዋ ህንተ ኤራናው  
በሴ፤ ታን ሀራይ እቶ አይሁዳ ግደና  
ሀራ አሳፕካ እይፍያ ደሚዳዋዳን፡  
ህንተንቱፕካ እይፍያ ደማናው ኮያይ።

14 ታን አሳ ኡባው፡ ግሪክ አሳውን  
ታማርቤና አሳው ቃይ እጅ ኤራንቻቶን  
ኤያቶ ቃንጻና አጩ፤ ደኤ።

15 ሄዋ ድራው፡ ታው ዳንዳየቱዳ  
ኬናን ሮመን ደእያ ህንተንቶካ  
ምሽራቹዋ ቃላ ኦዳናው አሞታይ።

ምሽራቹዋ ቃላይ ጸሳ ዋልቃ

16 ሞሽራቹዋ ቃላይ ታና ዬላየና፤  
እ አማንያ ኡባ፡ ካሰቲደ እይሁዳ አሳ  
ቃይ እይሁዳ ግደና አሳ አሻናው ጸሳፕ  
ይያ ዋልቃ።

17 እያው ጎተ፡ ጸሳ ማጻፋይ፡ “ጽሉ  
ጸሳን አማነቲደ ደእና” ያግያዋዳን፡  
ጸሳይ አሳ ኮይሮፕ ወርሰሳ ጋካናው፡  
አማኑዋን ጽልሰያዋ ሞሽራቹዋ ቃላይ  
ቆንጭሴ።

አሳ ኢታ ኦሱዋ

18 ቱማተላይ ኤሪታናዋ ባረንቱ ኢታ  
ሀናታን ድግያ ናጋራ ኦሱዋ ኡባ ቦላንን  
አሳ ኢታ ኦሱዋ ኡባ ቦላን፡ ጸሳ ሀንቁ  
ሳሉዋፕ ዋጂደ ቆንጫና።

19 ኢንቱንቱ ጸሳባ ኤራና  
ዳንዳይያዌ ኢንቱንቶ ቆንጩ፤ እያው  
ጎተ፡ ጸሳይ ኢንቱንቶ ቆንጭሴዳ።

20 ቤተና አ ሀናታይ፡ ሄዌካ  
አ መጅና ዋልቃይን አ ጸሳተላይ  
እትፕ ጸሳይ ሀ አላምያ መጅዳዋፕ  
ደሚደ፡ ኢንቱንቶ ቆንጪደ ቤቱዳ፤  
ኢንቱንቱ ሄዋ ጸሳይ መጅዳባፕ  
በአናው ዳንዳይያ ድራው፡ ኢንቱንቶ  
ጋሶይያባይ ባዋ።

21 እያው ጎተ፡ ኢንቱንቱ ጸሳ  
ኤሮፕካ፡ እው በሰያ ቦንቹዋ  
እምቦይክና፤ ቃይ እ ጋላትክና። ሸን  
ኢንቱንቱ አላላ ከሰናባ ቆፕና፤ ቃይ  
ኢንቱንቱ አኬክና ዋዛናይ ጳሜዳ።

22 ኢንቱንቱ ባረንታ አጭዳ ኤራንቻ  
ጊና፤ ሸን ኢንቱንቱ ኤያ።

23 ኢንቱንቱ ሀይቀና ጸሳው ጎይንያዋ  
እጺደ፡ ሀይቂያ አሳ መ□ታ፡ ካፋቱዋ  
መ□ታ፡ ደአቱዋ መ□ታን ትራን  
ጎሽትያዋንቱ መ□ታ መ□ቱዳዋንቶ  
ጎይኔድና።

24 ሄዋ ድራው፡ ኢንቱንቱ እቱ  
አቱዋና ፖኮባ ኦላና ማላ፡ ጸሳይ  
ኢንቱንቱ ዋዛናይ አሞትያ ቱናባ  
ኦላናዳን ኢንቱንታ አጌዳ።

25 እያው ጎተ፡ ኢንቱንቱ ጸሳ  
ቱማተላ ዋርዱዋን ላሜድና፤ ቃይ  
መጅዳ ጸሳ አጊደ፡ እ መጅዳባው  
ጎይኔድና ኦሌድና። ጸሳይ መጅናው  
ጋላተቱዳዋ። አመንእ።

26 ሄዋ ድራው፡ ጸሳይ ኢንቱንቱ  
ፖኮባ አሞታና ማላ፡ ኢንቱንታ አጌዳ፤  
ሀራይ እቶ ኢንቱንቱ ማጫዋንቱ  
ባረንቶ በሰያዋ አጊደ፡ በሰናዋ  
ሀኔድና።

27 ሀዋዳንካ፡ አቱማ አሳይ ቃይ  
ባረንቶ በሰያዋዳን ማጫዋንቱና  
ጋከትያዋ አጊደ፡ አቱ አቱዋና ጋከታናው  
ኮዬድና፤ አቱማ አሳይ አቱ አቱዋና  
ፖኮባ አሏይ፡ ባረንቱ ኦሌዳ ባላን  
ባረንቶ በሰያ ፕርዳ እኬድና።

28 ኢንቱንቱ ጸሳ ኤራናው ደሰናን  
እጾዳዋ ኬና ጸሳይ ኢንቱንቱ በሰናዋ  
ኦላና ማላ፡ ኢንቱንቶ ፓ□ና ቆፋ  
እሜዳ።

29 ኢንቱንቱን ቱናተላይ፡ ኢታተላይ፡  
የራተላይን ኢታ ሀናታይ ኩሜዳ፤  
ቃይ ኢንቱንቱን ቃናቱ፡ ሸምፑዋ  
ዋጅያ ቆፋይ፡ ፓሉማይ፡ ጭሙሳይን  
ኢታ ቆፋይ ኩሜዳ፤ ቃይ ኢንቱንቱ  
ሶቅያዋንታ።

30 ዝግርያዋንታ፡ ጸሳ እጽያዋንታ፡  
ቦርያዋንታ፡ ኦቶሪትያዋንታ፡  
ጩቀትያዋንታ፡ ኢታባ ኦላናው  
ኮይያዋንታን ባረንቱ አዋን አትው  
አዛዘተናዋንታ።

31 ቆፋይ ባይናዋንታ፡ አማኑ  
ባይናዋንታ፡ ሀራንቶ ቃረተናዋንታን  
ማረናዋንታ።

32 ኢንቱንቱ ሀዋንቱ ማላ  
ኦሳዋንቶ ሀይቁ በሴ ግያ ጸሳ ሀግያ

ኤሪድ፣ ሀዋንታ ኦሊኖ፣ ሄዋ ጸላላ ግደና፣ ሀዋንታ ኦሊኖንታካ ኦሊኖ ጊደ ሞንሲኖ።

# 2

## ጸላ ፕርዳ

1 ሄዋ ድራው፣ ኔኖ ሀራንቱ ቦላ ፕርድያዎ፣ ነዉ ጋሪይያባይ ባዋ፤ እያዉ ጎፕ፣ ኔን ሀራንቱ ቦላ ፕርድደ፣ ሄ ኔን ኡንቱንቱ ቦላ ፕርድያዎ ማላ ኦሊፕ፣ ነ ቦላ ፕርድዳ።

2 ኔን ሀዋ ማላ ኦሊፕ ኦሊፕ ኦሊፕ ቦላ ጸላይ ጽሎ ፕርዳ ፕርድያዎ ኤሪድ።

3 ኔኖ፣ ሀዋ ማላ ኦሊፕ ኦሊፕ ቦላ ፕርድያዎ፣ ቃይ ሄ ኔን ፕርድያዎ ማላ ኦሊፕ፣ ኔን ጸላ ፕርዳፕ እትያዎ ማላ፤?

4 ዋይ ጸላ ዋልቃማ ከካተላ፣ ገንጨዋን ዳንዳያ ካቆይሻ? ጸላይ ኔና ናጋራፕ ዛራናዉ ኮይያ ድራው፣ እ ከካ ግድያዎ ኔን ኤሪዳ።

5 ሸን ህንተንቶ ጉዙማ ዋዛናይን ናጋራፕ ሰመና ዋዛናይ ደኤ፤ ሄዋ ድራው፣ ጸላ ሀንቁን ጽሎ ፕርድይ ቆንጭያ ጋላሰ፣ ኔን ነ ቦላ ሀንቁዋ ካሰዋፕ ዳርሳ።

6 ጸላይ አሳ ኡባዉ አ ኦሊፕ ማላ እማናዎ።

7 እት እት አሳቱ ሎኦባ ዳንዳያን ኦሊኖ፣ ቃይ ጋላታ፣ ቦንቹዋን ባየና ደኤዋ ኮይኖ፤ ኡንቱንቶ ጸላይ መድና ደኤዋ እማና።

8 ሸን ሀራንቱ ኢታባ ኦላናዉ ያረቲኖን ቱማተላ እጺኖ፤ ጸላይ ኡንቱንቱ ቦላ ባሻን ሀንቁዋ የዳና።

9 ኢታባ ኦሊፕ አሳይ ኡባይ መቶታናን ዋየታና፤ ሄዋ ካሰቲደ፣ አይሁዳ አሳ ጋካና፤ ሄዋፕ ቃይ አይሁዳ ግደና አሳ ጋካና።

10 ሸን ጸላይ ሎኦ ኦሊፕ ኦሊፕ ኡባቶ ጋላታ፣ ቦንቹዋን ሳርተላ እማና። ካሰቲደ አይሁዳቶ እማና፤ ሄዋፕ ቃይ አይሁዳ ግደናዋንቶ እማና።

11 አያዉ ጎፕ፣ ጸላ አይፍያን አሳይ ኡባይ እት ማላ።

12 ሙሴ ህጊ ባይናን ናጋራ ኦሊዳ ኡባይ ህጊ ባይናን ቆያና። ሙሴ ህጊ ደእሸን፣ ናጋራ ኦሊዳ ኡባይ ህግያን ፕርድታና።

13 አያዉ ጎፕ፣ ጸላ ሰንላን ህግያ ናግያዋንቱ ጽሊኖፕ እትን፣ ህግያ ሰሰያዋንቱ ጽልክና።

14 አይሁዳ ግደና አሳዉ ህጊ ባዋ፤ ሸን ባረንቱ ትላ ቆፋን ህጊ አዛዝያዎ ኦሊኖ፤ ኡንቱንቶ ህጊ ቆየፕካ፣ ኡንቱንቱ ባረንቱ ሀጸዉ ህጊ።

15 ህጊ አዛዝያዎ ኡንቱንቱ ዋዛና ግድን ጸፈቲዳዎ ኡንቱንቱ ሀናታይ በሴ፤ እት እት ካላ ኡንቱንቱ ትላ ቆፋይ ኡንቱንቶ ማርካትያ ድራዉን ቃይ እት እት ካላ ኡንቱንቱ ቆፋይ ኡንቱንታ ሞትያ ድራው፣ ዋይ ቃይ ኡንቱንቱና ጋዳትያ ድራው፣ ሄዋ ቱማ ግድያዎ ኤርሴ።

16 ታን ታማርሴዳ ሞሽራቹዋ ቃላዳን፣ አሳ ዋዛናን ጊሜዳ ቆፋ ጸላይ የሱሰ ክርስቶሳ ባገና ሀዋዳን ፕርድና።

## አይሁዳቱዋን ሙሴ ህግያ

17 ሸን ኔን ኔና አይሁዳ ጋሳ፤ ህግያን ዘምፓደ ጸላን ጨቀታ።

18 ኔን ኦላና ማላ፣ ጸላይ ኮይያዎ አየንቶ ኤሪ፤ ቃይ ቱማ ግድያዎ ደራናዉ ህግያፕ ታማራዳ።

19-20 ኔን ቆቃቱዋ ካለልያዎ፣ ቃይ ቆማን ደእያዋንቶካ ፖእሰያዎ፣ ኤረናዋንታ ኤርሰያዋን ናናቱዋ ታማርሰያዎ ግድያዎ ኤራድ፤ ህግያፕ ኔን ኩመንላ ኤራተላን ቱማተላ ደምያዎ ኤራሳ።

21 ያትና፣ ኔን ሀራቱዋ ታማርሰያዎ ኔና ነ ሀጸዉ አያዉ ታማርሰኪ? ኔን፣ “ዉኦፓ” ያጋደ ቃላ ኦዳሳ። ሸን ኔን ነ ሀጸዉ ዉአይየ?

22 ኔን፣ “ዋሹዋፓ” ያጋ። ሸን ኔን ነ ሀጸዉ ዋሹማይ? ኔን ኤቃ ሸንታ። ሸን ኤቃይ ደእያ ጎልያ ቦንቃይ?

23 ጸላ ህጊ ነዉ ደእያ ድራው፣ ኔን ጨቀታሳ፤ ሸን ሄ ህግያ መንላደ ጸላ ዬላያይ?

24 አያዉ ጎፕ፣ ጸላ ማጻፋይ፣ “አይሁዳ አሳቶ፣ ህንተ ጋሱዋን አይሁዳ ግደና አሳቱዋ ግድን ጸላ ሱንላይ ባይ” ያጌ።

25 ኔን ህገዉ አዛዘቶ፣ ነ ቃጸራይ ማዲዋና ደኤ፤ ሸን ኔን ህግያ መንላፕ፣ ኔን ቃጸረቲዳዎ ቃጸረትቤናዋዳን ፓይደቲ።

26 አይሁዳ ግድና አሳይ ቃጸረተናን ሀገ እዛዝያ ርገጥ፡ ጸሳይ አ ቃጸረቴዳዋዳን ፓይደኔ?

27 ህንተንቱ፡ አይሁዳ አሳቱ፡ ህንተንቶ ጸፈቴዳ ሀገ ደኦጥካ ቃይ ህንተ ቃጸረቶጥካ፡ ሀግያ ህንተ መንሐያ ድራው፡ አይሁዳ ግድና አሳይ ቦላ ቃጸረታና ጳጥጥ፡ ሀገው እዛዘቲደ፡ ህንተ ቦላ ፕርዳና።

28 አያው ጎጥ፡ አይሁዳ አሳ ማላትያ ኡባይ ቱሙ አይሁዳ አሳ ግድና፤ ቃይ አሳይ ባረ አሹዋ አሳተላ ቃጸረቴዳ ድራው፡ ቱሙ አይሁዳ አሳ ግድና።

29 ሸን ቱሙ አይሁዳ አሳ ግያ ኡራይ ጋርሳ ባጋና አይሁዳ አሳ \* ግዴዳዋ፤ ቃጸረትያዋ ጸሳ አያናን አሰትያ ዋዛና ቃጸራጥ አትን፡ ጸፈቴዳ ሀግያና ግድና፤ ሄ ኡራይ ባረ ጋላታ ጸሳጥ አክያዋጥ አትን፡ አሳጥ አክቤና።

**3**

አይሁዳቱ አማነናን አጉሳን ባይዜድኖ

1 ያትና፡ አይሁዳ አሳቱ አያን አይሁዳ ግድና አሳጥ አጲኖ? ዋይ ቃጸረትያዋን አይ ማዱ ደኢ?

2 ሀዌ አይሁዳቱዋ ኡባባን ሎይሐ ማዴ፤ ኡባባጥ ካሰ ጸሳይ ባረ ኪታ ሀዳራ አይሁዳቶ እሜዳ።

3 ያትና አንቱንቱጥ እቱ እቱ አማነተናዋ ግድጥ፡ ዋኒ? ሄዋ ድራው፡ ጸሳይ አማነተና ያግያዋ?

4 ሄዋ ግድና፤ አሳይ ኡባይ ዋርዳንቻ ግድጥ፡ ጸሳይ ግያዌ ቱማ ግዳናው በሴ። ጸሳ ማጻፋይ፡ “ኔን ሃሳይያ ዋደ፡ ኔን ጽሎ ግድያዋ ኤርሳናው ኮሼ፤ ኔን ሞተትያ ዋደ፡ ሻትማናው በሴ” ያጌ።

5 ሸን ኑ ባይዙ ጸሳ ጽሎ አሱዋ ኤርሰንቶ፡ ኑን ዋጋኔ? ኑ ቦላ ሀንቁዋ አሀያ ጸሳይ ባይዛንቹ? ታን አሳይ ግያዋዳን ጋይ።

6 ሄዌ ዋዪ ሀናና፡ አያው ጎጥ፡ ሄዋዳን ግድጥ፡ ጸሳይ ሀ አላምያ ቦላ ዋት ፕርዳኔ?

7 ሸን ታ ዋርዱዋን ጸሳ ቱማተላይ አ ቦንቾ ዳርጥ፡ ያትና፡ ሀዋ ጋካናው አያው ታ ቦላ ናጋራንቻዳን ፕርዱ?

8 ያትና ኑን፡ “ሎኡ ያናዳን፡ እነ ኢታባ ኦዳይተ” አያው ጎኮ? እት እት አሳይ ሀዋ ታና ሞቲደ ቦሬድኖ፤ አንቱንቱ ጸሳጥ በሰያ ፕርዳ አካና።

አሳይ ኡባይ ናጋራንቻ

9 ሄዋ ድራው፡ ኑን ዋጋኔ? ኑን አይሁዳቱ፡ አይሁዳ ግድና አሳጥ ዳሬቶ? ሄዋ ግድና፤ አያው ጎጥ፡ አይሁዳቱካ አይሁዳ ግድና አሳቱካ ኡባይ እትጥ ናጋራጥ ጋርሳን ደአያዋ ታን ካሰ ህንተንቶ ኦዳድ።

10 ጸሳ ማጻፋይ ሀዋዳን ያጌ፤ “ጽሎ አሳይ እቱን ባዎ። 11 እኬክያ አሳይካ ባዎ፤ ዋይ ጸሳ ኮይያዌካ ባዎ።

12 አሳይ ኡባይ ኦግያጥ ካረ ከሴድኖ፤ ኡባይ ሙለካ ማደናዋ ግዴዳ። ሎኦባ ኦላያ ኦንነ ባዎ፤

13 ሀራይ እቶ እቱን ባዎ። 14 አንቱንቱ ድናይ ደያ ደአያ ዱፋዋ ማላ።

15 ባረንቱ እንጸርሳን ዋርደቱድኖ። አንቱንቱ ድናጥ አሳ ዋጵያ ሸሻ ይሻ ማላ ሃሳይያ ከሴ።

16 አንቱንቱ ድናን ሸቃይነ ጫሞባይ ኩሜዳ።

17 አንቱንቱ ሱላ ጉሳናው፡ ዳሪ ኤሌሊኖ።

18 ባይዙነ ኮላሳይ፡ አንቱንቱ ቤዳሳን ሀቃንነ ጳየና።

19 አንቱንቱ ሳርተላ ኦግያካ ኤርክኖ። 20 ቃይ ጸሳው ያይያባይ፡ አንቱንቱ ቆፋን ባዎ” ያጌ።

21 አሳ ኡባ ሃሳያ ድጋና ማላነ ኩሙንላ ሳኦ ጸሳ ፕርዳጥ ጋርሳው አላና ማላ፡ ሀግያ ግድን ኦደቱዳ ኡባባይ ሀግያጥ ጋርሳን ደአያ አሳው ሃሳይያዋ ኑን ኤራቶ።

22 ጸሳ ሰንላን ኦንነ ሀገ እዛዝያዋ ኦላያዋን ጽለና፤ ሀገ እት አሳይ ናጋራ ኦሌዳዋ ኡራናዳን ኦሌ።

አሳይ ጽልያዌ አማኑዋና

23 ሸን ጸሳይ አሳ ጽልሰያ ኦገ ሀገ ባይናጥ ሀኦ ቆንጩዳ፤ ሀገነ ናባቱ ሄ ጽሎተላባ ማርካቴድኖ።

24 ጸሳይ አሳ የሱሰ ክርሰቶሳ አማንያዋን ጽልሴ፤ ጸሳይ ሄዋ አ አማንያ ኡባው ኦሌ፤ አይ ሻኮተላይነ ባዎ።

\* 2:29 አይሁዳ ጉሳይ ጋላተትያዋ ግዲደ ሰንሳይ ይሁዳጥ ዬዳ። 2:29 ዛረ. 30:6 3:4 ማዝ. 51:4 3:10 ማዝ. 14:1-3 3:13 ማዝ. 5:9 3:14 ማዝ. 10:7 3:15 ኢላ. 59:7-8 3:18 ማዝ. 36:1 3:20 ማዝ. 143:2፤ ጋላ. 2:16

23 እያው ጎጥ፡ አሳይ ኡባይ ናጋራ ኦሌዳ፤ ጸሳ ሰንቸካ ኢንቲንቶ ጉዳዳ።

24 ሽን ኤንቲንቲ ጸሳይ እምያ እ እቶ ከካተላን፡ ባረጎታ ዋዝያ ክርሰቶሰ የሱሳ ባጋና ጮ ጽሌድና።

25 የሱሳ ሱሳን አሳይ እ አማኒደ፡ ባረ ናጋራው ማሮተላ ደማናው፡ ጸሳይ እ እሜዳ፤ ጸሳይ ሄዋ ባረ ጽሎተላ በሳናው ኦሌዳ፤ እ በን ዎድያን አሳ ናጋራ ዳንዳዪደ፡ ካድ ባሽ አኔዳ፤ ሽን

26 ሀ ዎድያን ባረ ጽሎተላ በሳናው አሳ ናጋራ አገና፤ ጸሳይ ሄዋ ኦሳያዎን እ ባረ ሁጳው ጽሎ ግድያዎን የሱሳ አማንያ ኡባ ጽልሰያዎ በሴ።

27 ያትና፡ ኩን እያው ጨቀታኔ? አይነ ባዎ። እያ ጋሱዎኔ? ኩን ሀገው ኤና ግያዎኔ? ግደና፤ አማኑዎ ሀገያናጥ አትን።

28 እያው ጎጥ፡ አሳይ አማኑዎን ጽላናጥ አትን፤ ሀገ እዛዝያዎ ኦሳያዎና ግደና ያገደ ቆጥቶ።

29 ዎይ ጸሳይ አይሁዳቱዎ ጸላላው ጸሴ? አይሁዳ ግደና አሳው ጸሳ ግደኔ? ቱማ፡ አይሁዳ ግደናዎንቶካ እ ቃይ ጸሳ።

30 እቶ ጸሳ ጸላላይ ደኤ፤ አይሁዳቱዎ ኤንቲንቲ አማኑዎን እ ጽልሳና፤ ቃይ አይሁዳ ግደናዎንታካ ኤንቲንቲ አማኑዎን ጽልሳና።

31 ያትና፡ ኩን ሀገያ አማኑዎን ጋጸ ሱጋኔ? ግደና፤ ሀገያ ምንሶይተጥ አትን።

6 ሀዋዳንካ፡ አይ ኦሱነ ባይናን፡ ጸሳይ ጽሎዎዳን ገይዴዳ አሳ ናሽቶያባ ዳዊተ ሃሳዬዳ ዎደ ጌዳዎ ሀዎ።

7 “ጸሳይ ኤንቲንቲ ባይዘዎ አቶ ጌዳዎንቲ ኤንቲንቲ ናጋራ ካሜዳዎንቲ አገጀቲዳዎንታ።

8 ጎዳይ እ ናጋራ ገይደና አሳይ አገጀቲዳዎ” ያጌ።

9 ያትና፡ ሀ ዳዊተ ሃሳዬዳ አገጂ ቃጸረቲዳ አሳ ጸላላሴየ? ዎይ ቃይ ቃጸረትቤና አሳቱዋሴ? እያው ጎጥ ኩን፡ “ጸሳ ማጸፋይ፡ ኄብራሃዎ ጸሳ አማኔዳ፤ ጸሳይ ሄዋ አው ጽሎተላን ገይዴዳ ያጌ” ጎይተ።

10 ያትና፡ ሀዎ አውደ ሀኔዴ? ኣብራሃዎ ቃጸረት ሰምነየ? ዎይ ቃጸረታናጥ ካሰኔ? ቃጸረታናጥ ካሰናጥ አትን። ቃጸረትና ግደና።

11 ገየጥ እ ቃጸረቲዳ፤ ጸሳይ እ አማኑዎ ድራው፡ እ ቃጸረታናጥ ካሰ እ ጽሎ ኦሌዳዎ ኤርሳናው፡ እ ቃጸራይ ማላ ግዴዳ። ሄዌካ ቃይ ቃጸረትናን ጸሳ አማንያ ኡባቱዎ ጸሳይ ጽሎ ኦሌዳ ገይዳናዳን፡ ኤንቲንቶ ኣብራሃዎ አወዎ ግዳናሳ።

12 እ ቃጸረቲዳዎንቶካ አወዎ፤ ግደጥካ፡ ኤንቲንቲ ቃጸረቲዳ ድራሳ ግደና፤ ሽን ኩ አወዎ ኣብራሃዎ ቃጸረታናጥ ካሰ አማንያ አማኑዎ ማላ ካልያዎንቶካ አወዎ።

### 4

ጸሳይ አማና ጌዳባይ አማኑዎን አከቲ

አብራሃዎ አማኑዎን ጽሌዳ  
1 ያትና፡ ኩን ኑው አሹዎን ዛረ ግድያ አብራሃዎ እያ ደሜዳ ጋኔ?

2 እያው ጎጥ፡ አብራሃዎ ኦሱዎን ጽሌዳዎ ግደጥ፡ አው ጨቀትያባይ ደኤ፤ ሽን ጸሳ ሰንላን ጨቀታና ዳንዳና።

3 እያው ጎጥ፡ ጸሳ ማጸፋይ ዋጊ? “አብራሃዎ ጸሳ አማኔዳ፤ ጸሳይ ሄዋ አው ጽሎተላን ገይዴዳ” ያጌ።

4 ኦሳያ ኡራይ አክያ ሚሻ ባረው በሰና አከጥ አትን፡ አው ጮ አመትያዎዳን ገይደተና።

5 ሽን ኦሱዎ ኦሻና፡ ናጋራንቻ ጽልሰያ ጸሳ አማንያ ኡራ፡ ጸሳይ እ አማኑዎን እ ጽልሴ።

13 ኣብራሃዎሰነ እ ዘረላው ጸሳይ፡ “ሀ ሳእ ታን ሀንተንቶ አማና” ያጌዳዌ፡ ኣብራሃዎ ጸሳ አማኒደ ጽሌዳ ድራሳጥ አትን፡ ሀገው እ ኣዛዘቲዳ ድራሳ ግደና።

14 እያው ጎጥ፡ ሀገው ኣዛዘትያዎንቲ ጸሳይ አማና ጌዳዎ ላትያዎንታ ግደጥ፡ አሳ አማኑ ማደናባ ግዴዳ፤ ጸሳይ ጌዳዌካ መላ ግዴዳ፤

15 ሀገ ጸሳ ቦሻ አሄ፤ ሽን ሀገ ባይናሳን ሀገያ መንሐያባይ ባዎ።

16-17 ሄዎ ድራው፡ ሀገያ ናግያዎንቲ ጸላላው ግደናን፡ ቃይ ኣብራሃዎ አማኔዳዎዳን፡ አማንያ ኣብራሃመ ዘረላ ኡባው ጸሳይ አማና ጌዳዌ፡ ዎይታዳን ቱማታናዎ

አማኑቀና። አብራሃም ኑወ ኡባወ አወቀ። ጸሳ ማጻፋይ፡ “ታን ኔና ጮራ ካወተላቶ አዎ አላድ” ግያዎዳን፡ ሀይቁዳዎንቶ ደኡዎ አምያ፡ ባረ አዛዙዎን ባይናባ ደእያባዳን ኦሊደ ጸሰያ፡ እ አማኑዳ ጸሳ ሰንላን አብራሃም ኑወ ኡባወ አወቀ።

18 ጸሳ ማጻፋይ አብራሃም፡ “ነ ዘረላይ ሀዎ ኬና ግዳና፡ “ነ ዘረላይ ሀዎ ኬና ግዳና፡ ሀዎ ኬና ግዳና ጊደ፡ ናሸቻን ናጋናወ ዳንዳየና ዎደ፡ አብራሃም አማኒደነ ሰንላጥ ደማና ጊደ፡ ናሸቻን ናጊደ፡ ጮራ ዘረላወ አወቀ ግዴዳ።

19 ሄ ዎደ፡ አብራሃም የለቶይጥ ጸቱ ላይላ ኩማና ሀንያ ጭማ፤ ሽን ባረ ዳቡራንቻ አሳተላነ ሳራ ናኣ የላናወ ዳንዳየናዎ ቆፔዳ ዎደ፡ እ ባረ አማኑቀን ዳቡርቤና።

20-21 ጸሳ እ ቦንቺደ፡ እወ አማና ጌዳ ጸሳይ ቃይ ፖላናወ ዳንዳይያዎ ሎይላ ኤሪደ ባረ አማኑቀን ምኔዳዎጥ አትን፡ አማናን እጺደ፡ ጸሳይ አማና ጌዳዎ ስቲቤና።

22 ሄዎ ድራወ፡ ጸሳይ ቃይ አ አማኑቀ ጽሎተላን ፓይዴዳ።

23 “እወ ጽሎተላን ፓይዴዳ” ግያ ቃላይ አ ጸላላወ ጸፈትቤና።

24 ሄ ቃላይ ኑ ጎዳ የሱሳ ሀይቁዎጥ ደንሌዳ ጸሳ አማንያ ኑወካ ጽሎተላን ፓይደታና ማላ ጸፈቲዳ።

25 ጸሳይ አ ኑ ናጋራ ድራወ፡ ሀይቆ አሊደ አምና፡ እ ኑና ጽልሳናወ ሀይቁዎጥ ደንዴዳ።

### 5

አማኑቀን ቤትያ ሳርተላነ ሰጋተላ

1 ሄዎ ድራወ፡ ኑን አማኑቀን ጽሌዳዎን፡ ኑ ጎዳ የሱሳ ክርስቶሳ ባጋና ኑወ ጸሳና ሳርተላይ ደኤ፤

2 ቃይ እ ኑና ሀእ ኑን ደእያ ጸሳ አዶ ኬካተላ ግደ አማኑቀን አሄዳ፤ ያትና፡ ኑን ጸሳ ቦንቺዎ ቫካናወ ኑወ ደእያ ሀይታን ጨቁቲቶ።

3-4 ሄዎ ጸላላ ግደና፤ ኑን ኑ ዎይያንካ ናሸቲቶ፤ እያወ ጎጥ፡ ዎይያጥ ዳንዳያይ፡ ቃይ ዳንዳያጥ ፓጭያን ምንያዎ፡ ፓጭያን ምኖታጥ ሀይታይ ይያዎ ኑን ኤሪቶ።

5 ጸሳይ ኑወ አማዳ ጌሻ እያና ባጋና ባረ ሲቁዎ ኑ ዎዛናን ጉሴዳ ድራወ፡ ሄ ኑን ደማናወ ናሸቻን ናግ ኡቴዳዎ ኑና ይላየና።

6 እያወ ጎጥ፡ ኑን ብሮ ዎልቃይ ባይቀዎንታ ግዲደ ደእሸን፡ ጸሳይ ደራዳ ዎዲ ጋክና፡ ክርስቶስ ናጋራንቻቱዎ ድራወ ሀይቁዳ።

7 ጽሎ ኡራ ድራወ፡ እት ኡራይ ሀይቃናዎ ዳሮ ሙቶባ፤ ሽን ሎኦ አሳ ድራወ ሀይቃናወ፡ “ኤኖ” ግያ ኡራይ ኑን ኤር ቤተናን አገና።

8 ሽን ኑን ብሮ ናጋራንቻ ግዲደ ደእሸን፡ ክርስቶስ ኑ ድራወ ሀይቁዳ፤ ሄዎ ጸሳይ ኑና እይ ኬና ሲቅንቶነ አ ሲቁዎ አርሴ።

9 ሰም ኑን ሀእ አ ሱላን ጽሌዳዎ ግድገ፡ አ ባጋና ጸሳ ሀንቁዎጥ አታና።

10 እያወ ጎጥ፡ ኑን ጸሳና ካሰ ሞርከ፤ ሽን አ ናኣ ሀይቁዎን አናና ሰገቲደ። ሄዎጥ አሊደ፡ ሀእ ኑን ጸሳና ሰገቲዳዎጥ ጉይያን፡ እ ፓጻ ግድያ ድራወ ኑና አሻና።

11 ሽን ሄዎ ጸላላ ግደና፤ ሀእ ኑና ጸሳና ሰገሌዳ ኑ ጎዳ የሱሳ ክርስቶሳ ባጋና ኑና ጸሳባይ ናሸቺ።

ሀይቁ አዳማን ዪና፡ ደኡ ክርስቶሳን ዬዳ

12 ሄዎ ድራወ፡ ናጋራይ ሀ ሳኣ እት አሳ ባጋና ገሌዳ፤ ሄ ናጋራይ ባረናና ሀይቁዎ አሄዳ፤ ሄዎ ጋሱዎን፡ አሳይ ኡባይ አዳማ ባጋና ናጋራ ኑሌዳ ድራወ፡ ሀይቁ አሳ ዛርያ ኡባ ጋኬዳ።

13 ሀጊ አመታናጥ ካሰ፡ ሀ አላምያን ናጋራይ ደኤ፤ ሽን ሀጊ ባይና ዎደ ናጋራይ ፓይደተና።

14 ሽን አዳማ ዎድያጥ፡ ሙሴ ዎድያ ጋካናወ፡ ሀይቁ አሳ ኡባ ሞዴዳ፤ ሀራይ እቶ አዳም ጸሳ ሀገወ አዛዘተናን እጸዳዎዳን፡ ናጋራ ኦሳቤናዎንታካ ሀይቁ ሞዴዳ።

እያወ ጎጥ፡ አዳም ያናዎ ለምሱዎ።

15 ሽን ጸሳ አምታይ አዳማ ናጋራ ኬና ግደና ድራወ፡ ኡንቲንቲ እት ማላ ግድክና፤ እት ብታንያ ናጋራ ድራወ፡ ጮራ አሳይ ሀይቁዳዎ ቱማ፤ ሽን ጸሳ አዶ ኬካተላይነ አ አምታይ እት አሳ አዶ ኬካተላ ባጋና፡ የሱሳ ክርስቶሳ አዶ ኬካተላ ባጋና ጮራ አሳወ ዳራዳ።

16 ጸሳ አምታይ ናጋራ ኡሌዳ ብታንያ ባጋና ዬዳዎ ማላ ግደና፤ እያወ ጎጥ፡ አዳም እት ናጋራ ኡሌዳዎጥ ጉይያን፡ ጸሳይ አ ባይዜዳዎዳን ፕርዴዳ፤ ሽን

አሳይ ዳር ናጋራ ኦሴዳዋጥ ጉይያን ጸሳይ፡ “ህንተንቱ ባይዘበይክታ” ጊደ፡ ባረ እጅ ኬካተላ ኡንቱንታ በሴ።

17 እያው ጎጥ፡ እት ብታንያ ናጋራ ጋሱዋን፡ እ ናጋራ ባጋና፡ ሀይቁ ካውቲዳዋ ቱማ፤ ሸን እት ኡራይ፡ የሱስ ክርስቶስ ኦሴዳባይ እይ ኬና ዳሬ፤ ጸሳ ዳር እጅ ኬካተላ ጽሎተላ አዎታ አክያ ኡባይ ክርስቶሳ ባጋና ጸኒደ ደእና።

18 ሰዎ እት ኡራይ ናጋራ ኦሴዳ ጋሱዋን አሳ ኡባ ቦላ ባይዘዳዋዳን ፕርዳይ ዬዳ። ሄዋዳንካ እት ኡራይ ጽሎባ ኦሴዳ ጋሱዋን፡ ጸሳይ አሳ ኡባ፡ “ባይዘበይክታ” ጊደ ኡንቱንቶ ደኡዋ እሜዳ።

19 እያው ጎጥ፡ እት ኡራይ አዛዘተናን እጹዳ ጋሱዋን፡ ዳር አሳይ ናጋራንቻ ግዴዳ፡ ሀዋዳንካ ቃይ እቱ ኤና ጌዳዋን ጮራ አሳይ ጽሳና።

20 ናጋራ ዳርሳናው ሀገ ዬዳ፤ ሸን ናጋራይ ዳርያ ዋደ ጸሳ እጅ ኬካተላይ ሎይሳ ዳራዳ።

21 ናጋራይ ሀይቁዋ ዋልቃን ካውቲዳዋዳን፡ ሀዋዳንካ ቃይ ጸሳ እጅ ኬካተላይ ጽሎተላ ዋልቃን ካውቲደ፡ ኑ ጎዳ የሱስ ክርስቶሳ ባጋና፡ ኑና መድና ደኡ ካለሌ።

### 6

ናጋራጥ ሻከቲደ ክርስቶሳን ደኡሳ

1 ያትና፡ ኑን ዋጋኔ? ጸሳ እጅ ኬካተላይ ዳራናዳን፡ ናጋራን ሞኒደ ደእኔ?

2 ግደና፤ ኑን ናጋራ ኦሴና ማላ ሀይቁድጌደ። ያትና፡ ኑን ሀዋጥ ሰንላው ዋት እ ግደን ደእኔ?

3 ዋይ ኑን ኡባቱ ክርስቶሳ የሱሳና እትጥ ግዳናው፡ ጸማቁቲዳ ዋደ፡ እ ሀይቁዋንካ እናና እትጥ ግዳናው ጸማቁቲዳዋ ኤርክቲ?

4 ሄዋ ድራው፡ ክርስቶስ ባረ አውዋ ቦንቾ ዋልቃን ሀይቁዋጥ ደንደዋዳን፡ ኑንካ ኦራሳ ደኡዋ ደእናው፡ እ ሀይቁዋ እናና ሻካናው ጽንቃታን እናና እትጥ ሞገቲደ።

5 እያው ጎጥ፡ ኑን እ ሀይቁዳዋዳን ሀይቁደ፡ እናና እቲዋ ግደጥ፡ ሀዋዳንካ፡ ሀይቁዋጥ እ ደንደዋዳን ኑንካ ደንዲደ፡ እናና እቲዋ ግዳና።

6 ኑን ሀዋጥ ሰንላው ናጋራው አይለ ግደና ማላ፡ ቃይ ኑ ናጋራንቻ አሳተላ ዋልቃይ ጳያና ማላ፡ ኑ ኤጫ አሳተላ

ክርስቶሳና ማሰቃልያ ቦላ ሞሰማርያን ድሸት ካቱቲዳዋ ኤራቶ።

7 እያው ጎጥ፡ እት ኡራይ ሀይቁያ ዋደ ናጋራ ዋልቃይ እ ሞደና፤ ሸን

8 ኑን ክርስቶሳና ሀይቁዳዋ ግደጥ፡ አናና ቃይ ደእናዋ አማኔቶ።

9 እያው ጎጥ፡ ክርስቶስ ሀይቁዋጥ ደንዲዳዋ፡ ቃይ ላኤንሉዋ እ ሀይቁናዋን ሀይቁ ሰንላጥ እ ሞደናዋ ኑን ኤራቶ።

10 እ እት ካላካ ሀይቁዳ፤ ናጋራው እ ቦላ ዋልቃይ ባዋ፤ ሸን እ ሀ ደእያ ደኡዋ ጸሳው ደኤ።

11 ሀዋዳን ቃይ ህንተ ናጋራ ኦሴናዳን፡ ህንተንታ ሀይቁዳዋዳን ቆፕተ፤ ሸን ጎዳ ክርስቶሳ የሱሳ ባጋና ጸሳው ህንተ ፓጸ ደእያዋዳን፡ ህንተንታ ቆፕተ።

12 ሄዋ ድራው፡ ህንተ ህንተንቲ አሳተላ አዎ አዛዘታና ማላ፡ ናጋራይ ሀይቁያ ህንተ አሳተላ ሞደፖ።

13 ቃይ ህንተ አሳተላጥ እት ሳን ኢታ ኡሱዋ ኦላናው ናጋራው አዎፕተ፤ ሸን ሀይቁዋጥ ደንዲዳ አሳዳን ህንተንታ ጸሳው አዎፕተ፤ ቃይ ህንተ ኩመንሳ አሳተላካ ጽሎ ኡሱዋ ኦላናው ጸሳው አዎፕተ፤

14 እያው ጎጥ፡ ናጋራይ ህንተንታ ሞዳናው ዳንዳየና፤ ህንተ ጸሳ እጅ ኬካተላ ጋርሳና ደኢታጥ አትን፡ ሀግያጥ ጋርሳና ደእክታ።

ጽሎተላው አይለ ግድያዎ

15 ያትና፡ ዋናኔ? ጸሳ እጅ ኬካተላ ጋርሳና ደእኖጥ አትን፡ ሀግያጥ ጋርሳና ደኤና ድራው፡ ናጋራ ኦላኔ? ግደና፤

16 ህንተ ህንተንታ እት ኡራው አዛዘታናው፡ አይለያዳን አላደ አዎያ ዋደ፡ ሄ ህንተንታ አዛዘያዎ አይለቲዋ ግድያዎ ኤሪታ፤ ዋይ ህንተ ህንተንቶ ሀይቁዋ አህያ ናጋራው ኤና ጌታ፤ ዋይ ህንተ ህንተንታ ጽሎ ኦላያ አዛዘ ኤኖ ጌታ።

17 ሸን ጸሳው ጋላታይ ግደ፤ እያው ጎጥ፡ ናጋራው ካሰ ህንተ አይለ፤ ሸን ጉየጥ ህንተ አኬዳ ትምርትያ ግደን ደእያ ቱማተላው ህንተ ኩመንሳ ዋዛናጥ አዛዘቲድታ።

18 ህንተንቲ ናጋራ አይለተላጥ ከሲደ፡ ጽሎተላው አይለ ግዴድታ።

19 ህንተንቲ መጋታን ዳቡራንቻ ግድያ ድራው፡ ታን ኦሰካ ገልያ ሃሳያ ሃሳያይ፤ ህንተ ካሰ ህንተ ኩመንሳ አሳተላ ናቁዋ ኦላናው፡ ቱናተላውን ናቆ

አይለ ኦሴደ እሜድታ፤ ሀእ ሄዋዳንካ ሀንተ ኩመንጎ ላሳተጎ ጌሻባ ነጋናው፡ ጽሎተጎዉ አይለ ኦሴደ እምተ።

20 ሀንተንቱ ናጋራዉ እይለቲይ ደእያ ዎደ፡ ጽሎተጎዉ ሀንተንቶ ጎዳ ግደና።

21 ሀንተንታ ሀእ ዩላይያ የዋቱዋ ሄ ዎደ ኦሴዳዋጥ እይ ማዲዋ ደሚድቱ? እያዉ ጎጥ፡ ሄ የዋቱዋ ዉርሰጎይ ሀይቁዋ።

22 ሸን ናጋራ እይለተጎጥ ሀንተ ከሲደ፡ ጸጎዉ ኤኖ ጌድታ፤ ቃይ ሀንተ ኦልያ ኡባባን ሀንተንታ ኡባካ እዉ አሴደ እሜድታ። ሄዌ ሀንተንቶ ዎረ፤ ሄዋ ዉርሰጎይ መድና ደኡዋ።

23 እያዉ ጎጥ፡ ናጋራ ጋቲ ሀይቁዋ። ሸን ጸጎይ ኑ ጎዳ ክርሰቶጎ የሱጎ ባጋና እምያ እምታይ መድና ደኡዋ።

### 7

ሙሴ ሀግያ ቃሹዋጥ ብለትያዎ

1 ታናዳን እማንያዋንቶ፡ ሀንተንቱ ኡባይ ሀግያ ኤርያ ድራዉ፡ ታን ግያዎ ሎይል ኤሪታ፤ ሀጊ እት አጎይ ፓጻ ደኤዳ ዎደ ጸላላን እ ሞዴ።

2 እያዉ ጎጥ፡ አሰና ገሌዳ ሞሽራታ እዝ አሰናይ ፓጻ ደኤዳ ኬናን፡ ሀግያን አናና ቃሽታ ኡታዱ፤ ሸን እዝ አሰናይ ሀይቆጥ፡ አናና ጫቄዳ ሀጊ እዝ ሞደና።

3 ሄዋ ድራዉ፡ እዛ ባረ አሰናይ ፓጻ ደእሸን፡ ሀራ እቱማዋ ገሎጥ፡ አጎይ እዞ፡ “ዋሹመዉና” ጋና። ሸን እዝ አሰናይ ሀይቆጥ፡ ሀጊ እዝ ሞደና፤ እዛ ሀራ አሰና ገሎጥን እዝ ኦንነ፡ “ዋሹመዉና” ገሎጥ።

4 ታናዳን እማንያዋንቶ፡ ሄዋዳን ሀንተንቱ ቃይ ክርሰቶጎ ላሳተጎጥ እት ባጋ ግድያ ድራዉ፡ ሀንተንቱ እ ባጋና ሀይቁድታ። ቃይ ኦን ጸጎ ማድያ ኦሱዋ ኦጎና ማላ፡ ሀንተንቱ ጸጎይ ሀይቁዋጥ ደንሌዳ ክርሰቶጎዋንታ።

5 እያዉ ጎጥ፡ ኦን ኑ አጎተጎይ ኮዬዳዋዳን ደእያ ዎደ፡ ሀጊ ኦን ናጋራ ኦጎናዳን፡ ኦና ደን፤ ላይ ኑ አጎተጎ ግድን ኢታ እሙ፤ ደእያ ድራዉ፡ ኦን ሀይቆ አይፍያ አይፊድ።

6 ሸን ሀእ ኦን ኦና ቃቹዳዎ ሀይቁዳ ድራዉ፡ ጸጎይ ኦና ሀግያ ቃሹዋጥ ብሌዳ። ሄዋ ድራዉ፡ ኦን ጌሻ እያናይ ገግሴዳ ኦራጎ ኦግያን ጸጎዉ ኤኖ

ጋናዋጥ አትን፡ ጸጎቱዳ ሀጊ ኦዉ ገግሴዳ ኤጫ ኦግያን ኤኖ ጎኩ።

ሀግያን ናጋራ

7 ያትና፡ ኦን ዋጋኔ? ሀጊ ባረ ሁጸዉ ናጋራ? ሄዋ ግደና፤ ሸን ሀጊ ናጋራይ አየንቶ ታና ኤርሴዳ። እያዉ ጎጥ፡ ታን ሀጊ፡ “አጎባ እሞቶጥ” ግቤንንቶ፡ አጎባ እሞትያዌ አየንቶ ኤርከ።

8 ሸን ናጋራይ ታን ኡባባ አሞታና ማላ፡ አዛዙዋ ባጋና ታ ቦላ ኦግያ ደሚዳ፤ እያዉ ጎጥ፡ ሀጊ ባዌንቶ፡ ናጋራዉ ዎልቃይ ባዋ።

9 ካሰ ሀጊ ባይና ዎደ ታን ፓጻ፤ ሸን አዛዙ ዬዳ ዎደ ናጋራይ ደኡ ሰምና፡

10 ታን ቃይ ሀይቃድ፤ ታና ፓጻ ዎጎናዉ ጸጎይ ቆፔዳ አዛዙ፡ ታዉ ሀይቁዋ አሄዳ።

11 እያዉ ጎጥ፡ ናጋራይ አዛዙዋ ባጋና ታና ጭምያ ኦግያ ደሚዳ፡ ሄ አዛዙዋን ታና ዎዴዳ።

12 ሄዋ ድራዉ፡ ሀጊ ጌሻ፤ አዛዙካ ጌሻ፡ ጽላነ ሎኦ።

13 ያትና፡ ሎኦባይ ታዉ ሀይቁዋ አሄዳ? ሄዋ ግደና፤ ሸን ታዉ ሄዋ ናጋራይ አሄዳ፤ አጎይ ናጋራይ አየንቶ ሻኪደ ኤራና ማላ፡ ናጋራይ ሎኦባ ባጋና፡ ታዉ ሀይቁዋ አሄዳ። ቃይ አዛዙ፡ “ኦንነ ናጋራ ኦጎናዉ በሰና” ያግያ ድራዉ፡ ናጋራይ ካሰዋጥ እጅ እቲዳ።

አጎ ደኡዋ ጋርጎን ደእያ ባጽያ

14 ኦን ሀጊ ጸጎዋ ግድያዎ ኤሪቶ፤ ሸን ታን ታና ናጋራዉ ዛልኤዳ ሀይቁያ አጎ፤

15 ታን ኦልያዎ ዎዛና አልከ፤ እያዉ ጎጥ፡ ታን እጽያዎ ኦጎይጥ አትን፡ ታን ኦጎናዉ ደሰያዎ ኦልከ።

16 ታን እጽያዎ ኦልያዎ ግድጥ፡ ሀጊ ሎኦ ግድያዎ ማርካታይ።

17 ሄዋ ግድጥ፡ ሄ የዉዋ ታ ቦላ ደእያ ናጋራይ ኦልያዋጥ አትን፡ ሀእ ታን ኦልከ።

18 ታናን፡ ሄዌን ታ አጎተጎን ሎኦባይ ደኤናዎ ታን ኤራይ፤ እያዉ ጎጥ፡ ሎኦባ ኦልያ እሙ፡ ታ ቦላ ደኡጥካ፡ ታን ሄ ሎኦባ ኦጎናዉ ዳንዳይከ።

19 ታን እጽያ ኢታባ ኦጎይጥ አትን፡ ታን ደሰያ ሎኦባ ኦልከ።



20 ሸን ታን እጽያዎ አልያዎ ግደፕ፡ ሄዎ ታ ሶላ ደእያ ናጋራይ አልያዎፕ አትን፡ ሀእ ሄዎ አልያዌ ታና ግድከ።

21 ሰም ታን ሎኦባ ኦላናዉ ደሰሸን፡ ኢታባ አልያዌ ታዉ ሀገ ግድያዎ ደማድ።

22 እያዉ ጎፕ፡ ታን ታ ዎዛና ግደን ጸሳ ሀግያን ናሽታይ፤

23 ሸን ታ ሶላ ግደን ደእያ ታ ዎዛና ቆፋ ሀግያና ዋፍትያ ዲማ ሀግያ በእይ። ሄ ሀገ ታ ሶላ ግደን ደእያ ናጋራ ኦሰሰያ ሀግያን ታና ቃሸሴ።

24 ታን እይባ ናሽቶ ባይና እሴ! ታና ሀይቆ አፍያ ሀ አሳተላፕ አሻናዌ ኦኔ?

25 ኑ ጎዳ የሱሰ ክርሰቶሳ ባጋና ጸሳዉ ጋላታይ ግደ።

ሰም ታን ታ ዎዛና ቆፋን ጸሳ ሀገዉ ኤኖ ጋይ። ሸን ታ አሳተላን ታና ናጋራ ኦሰሰያ ሀገዉ ኤኖ ጋይ።

### 8

ጌሻ እያናይ ኮይያዎዳን ደኡሳ

1 ሄዎ ድራዉ፡ ክርሰቶሳ የሱሳና ደእያዎንቱ ሶላን ፕርዳይ ሀእ ባዎ፤

2 እያዉ ጎፕ፡ ክርሰቶሳ የሱሳ ባጋና ኑዉ ደኡዎ እምያ ጌሻ እያና ሀገ ታና \* ናጋራ ሀግያ አይለተላፕ ሀይቁዎ ሀግያ አይለተላፕ ከሴዳ።

3 አሳ አሳተላይ ዳቡራንቻ ግድያ ድራዉ፡ ሀገ አላናዉ ዳንዳይቤናዎ ጸሳይ ኦሴዳ፤ ናጋራንቻቱዎ አሳተላ ማላ አሳተላና ደእያ ባረ ናኦ፡ አሳይ ኦሴዳ ናጋራዉ ያርሹዎ ግዳናዉ ጸሳይ ከተደ፡ አሳ አሳተላ ግደን ደእያ ናጋራ ፕርዳይ።

4 ጌሻ እያናይ ኮይያዎዳን ደእያዎንቱፕ አትን፡ ኑ አሳተላይ ኮይያዎዳን ደእያዎንቱ ሶላ፡ ኑ ሶላ፡ ሀግያ ጽሎ አዛዙ ፖለታና ማላ፡ ጸሳይ ሀዎ ኦሴዳ።

5 ባረንቱ አሳተላይ ኮይያዎዳን ደእያዎንቱ ባረንቱ አሳተላባ ቆፕኖ፤ ሸን ጌሻ እያናይ ኮይያዎዳን ደእያዎንቱ ጌሻ እያናባ ቆፕኖ።

6 አሳተላባ ቆፋሳይ ሀይቁዎ አሄ፤ ሸን ጌሻ እያናባ ቆፋሳይ ደኡዎን ሳርተላ አሄ።

7 አሳተላባ ቆፋሳይ ጸሳዉ እጾ፤ እያዉ ጎፕ፡ አሳተላይ ጸሳ ሀገዉ

ኤኖ ጌና፤ ቃይ ኤኖ ጋናዉካ አዉ ዳንዳየተና።

8 ባረንቱ አሳተላዉ ኤኖ ግያዎንቱ ጸሳ ናሽቻናዉ ዳንዳይክኖ።

9 ሸን ጸሳ እያናይ ሀንተንቱን ደኡፕ፡ ጌሻ እያናይ ግያዎዳን ደኡታፕ አትን፡ ሀንተ አሳተላይ ኮይያዎዳን ደእክታ። ሸን ኦንነ ክርሰቶሳ እያናይ ባይናዎ ግደፕ፡ ሄ ኡራይ ክርሰቶሳዎ ግደና።

10 ሸን ክርሰቶሰ ሀንተንቱን ደኡፕ፡ ሀንተ አሳተላይ ናጋራ ጋሱዎን ሀይቁዳዎ፤ ሸን ሀንተ እያናይ ጽሎተላ ጋሱዎን ሀንተንቱን ፓጻ ደኡ።

11 ሸን የሱሳ ሀይቁዎፕ ደንሴዳ ጸሳ እያናይ ሀንተ ግደን ደኡፕ፡ ሀይቁዎፕ ክርሰቶሳ ደንሴዳ ጸሳይ ቃይ ሀንተንቱን ደእያ ባረ ጌሻ እያናን፡ ሀይቁያ ሀንተ አሳተላዉካ ደኡዎ እማና።

12 ሰም ታናዳን እማንያዎንቶ፡ ኑን አጩዎና ደኡቶ፤ ኑ አሳተላይ ኮይያዎዳን ደእናዉ ኑዉ በሰና።

13 እያዉ ጎፕ፡ ሀንተ ሀንተ አሳተላይ ግያዎዳን ደኡፕ፡ ሀንተ ሀይቃና፤ ሸን ሀንተ ሀንተ ናጋራ ኦሱዎ ጌሻ እያናን ዎጾፕ፡ ፓጻ ደእና።

14 ጸሳ እያናይ ካለልያ ኡባቱ ጸሳ ናና።

15 እያዉ ጎፕ፡ ኑን ኑ ኮሻ ጾቁ ኦሴደ፡ “አባ! ታ አቦ” ያገደ ጼሰያ፡ ኑና ጸሳ ናና ከሰያ ጌሻ እያና ጸሳፕ እኩደፕ አትን፡ ላኢንሉዎ ያያናዉ አይለ ከሰያ እያና አክበይኮ።

16 ጸሳ እያናይ ባረ ሁጸዉ ኑ እያናና ግዲደ፡ ኑን ጸሳ ናና ግድያዎ ማርካቱ።

17 ኑን ኦ ናና ግደፕ፡ አ ባረ አሳዉ ምንጂዳ አንጂዎ ላታና፤ ቃይ ኑን ጸሳይ ክርሰቶሳዉ ምንጂዳዎካ እናና ላታና፤ ኑን ክርሰቶሳ ዋይያ እናና ሻኮፕ፡ አ ቦንቹዎካ እናና ሻካና።

ጸሳ ናናዉ ቆንጫናዉ ደእያ ቦንቹዎ

18 እያዉ ጎፕ፡ ኑን ሀእ ዋየትያ ዋይያ ኑዉ ሰንላፕ ቆንጫና ቦንቹዎና ጋላናዉ፡ ኡባካ ዳንዳየተና ጋይ ታን ቆፓይ።

19 ጸሳይ መጴዳ መፍታ ኡባይ ጸሳ ናናይ ቆንጫናዎ ሎይላ ላሞት ኡቲዳ።

20 እያዉ ጎፕ፡ መፍታ ኡባይ ማዲ ባይናባ ግዳናዳን፡ ጸሳይ አ ሶላ

\* 8:2 ታና- እት እት ጌሻ ቃላ ብለላይ፡ ኔና ዎይ ሀንተንታ ያጌ፤ ሀራይ ቃይ ኑና ያጌ።

ፕሮዴዳ፤ ሰንፋፕ ደማና ጊደ ናሽቻን ናግ ኡታናዳን ኡጴዳ ጸሳይ ኮዬዳ ድራው ሀኔዳፕ እትን፥ መጠታ ኡባይ ባረ ሀጸው ኮዬዳዋን ግደና።

21 መጠታ ኡባይ ባረ ሀጸው ባሻ አይለተፋፕ እት ጋላስ ከሳናዋ፤ ቃይ ሄ መጠታቱ ጸሳ ናናይ አይለተፋፕ ከሴዳ ቦንቾ ከሳ ሻካና።

22 አያው ጎፕ፥ መጠታ ኡባይ እትፕ ሀዋ ጋካናው፥ ማጫ አሳ የሉ ኦይቁና ኦልያዋዳን፥ ሳኩዋን ኦልያዋ ኑን ኤሬቶ።

23 ቃይ ሄዋ ጸላላ ግደና፤ ኑን፥ ጌሻ አያና ጸሳ ባይራ እሞታዳን ኦሊደ አኬዳዋንቱ፥ ኑ ሀጸው ጸሳይ ኑና ባረ ናና ኦላናዳን ኑ ኩመንሳ አሳተሳ ዋዛናዳን ናጊደ፥ ኑ ግደን ኦሉቶ።

24 አያው ጎፕ፥ ኑን ጸሳይ እማና ጌዳዋን አቲዶ። ሸን ኑን ጸሳይ እማና ጌዳዋ በኦፕ፥ ያትና፥ ሄዌ ናሽቻን ናግያዋ ግደና፤ አያው ጎፕ፥ ባረ በአያዋ ደማና ጊደ፥ ናሽቻን ናግያዋ ኦኔ?

25 ሸን ኑን በኤናዋ ደማና ጊደ፥ ናሽቻን ናጎ፥ ሄዋ ዳንዳዪደ ናጌቶ።

26 ሀዋዳን ቃይ ጌሻ አያናይ ኑ ዳቡራ ማዳናው ዬ፤ አያው ጎፕ፥ ኑን ጸሳ ዋት ዋሳናው በሰንቶ ኤርኮ፤ ሸን ጌሻ አያናይ ባረ ሀጸው ቃላን ቆንጭሳናው ዳንዳየተና ኦልያን ኑው ጋናቲ።

27 ቃይ አሳ ዋዛና ብድያ ጸሳይ፥ ጌሻ አያናይ እ ኮይያዋዳን፥ ጸሳ ናቶ ጋናትያ ድራው፥ ጌሻ አያና ቆፋይ አየንቶ ኤሬ።

28 ጸሳይ ባረና ሲቅያዋንቶ፥ ባረ ቆፋዳን ጴሴዳዋንቶ፥ ኡባ የወዋ ሎኦተላው ኦልያዋ ኑን ኤሬቶ።

29 ጸሳይ ባረ ናኦይ ጮራ አሻቱዋ ግደን ባይራ ግዳናዳን፥ እ ካሰ ኤሬዳዋንታ ቃይ ባረ ናኦ ማላታናዳን፥ ካሰቲደ ቆፋ ቃቼዳ።

30 ጸሳይ ካሰቲደ ቆፕዳዋንታ፥ ኡንቲንታ ቃይ ጴሴዳ፤ ሄ ጴሴዳዋንታካ ጌሼዳ፤ ሄ ጌሼዳዋንታካ ቃይ ቦንቼዳ።

ጸሳ ሲቁዋ

31 ያትና፥ ኑን ሀዋ ኡባ ዋጋኔ? ጸሳይ ኑ ባጋ ግደፕ፥ ኑና ኑን ኤቀታናዌ?

32 እ ሀራይ አቶ ባረ ናኦካ ዋይያፕ ጉየ አሽቤና፤ ሸን አ ኑው ኡባው አሊደ

እሞ አጌዳ። እ ባረ ናኦ እሚዳዌ ቃይ ኑው ኡባባ ጮ እመኔ?

33 ጸሳይ ደራዳዋንታ ኦኔ ሞታናዌ? ጸሳይ ባረ ሀጸው ኡንቲንታ ጸላሴዳ።

34 ያትና፥ ኡንቲንቲ ቦላ ፕሮዳናው ዳንዳይያዌ ኦኔ? ሄዋ ጎፕ፥ ሀይቁዋፕ ደንዲደ፥ ጸሳፕ ኡሸቻ ባጋና ኡቲዳ፥ ክርሰቶሰ የሱሳ፤ እ ቃይ ኑው ጋናቲ።

35 ሰሞ ኑና ክርሰቶሳ ሲቁዋፕ ሻካናዌ ኦኔ? ዋዪ ዋይ መቱ ዋይ የደርሱ ዋይ ኮሻይ ዋይ ካሉ ዋይ ያሻይ ዋይ ኦላይ ኑና ሻካኔ?

36 ጸሳ ማጸፋይ፥ “ኑን ነ ድራው፥ ኡባ ጋላስ ሀይቁቶ፤ ሹካው አፍያ ደርሳዳን ፓይደቲቶ” ያጌ።

37 ሸን ኑን ኑና ሲቁዳ እን ሀ የወዋ ኡባን ኑና ጸንያዋንቲፕ አጴቶ።

38-39 አያው ጎፕ፥ ሀይቁዋ ግድና፥ ደኡዋ፥ ኪታንቻቱዋ ግድና፥ ሞድያዋንታ፥ ሀእ ደአያዋንታ ግድና፥ ሰንፋፕ ያናዋ፥ ዋልቃማቱዋ ግድና፥ ቦላ ሳሉዋ ግድና፥ ጋርሳ ሳኦ፥ አይ መጠታ ግድናካ፥ ኑ ጎዳ ክርሰቶሳ የሱሳን ደአያ ጸሳ ሲቁዋፕ ኑና ሻካናው ዳንዳየናዋ ታን ኤሬድ።

9

ጸሳይ ካሰ ደራዳ እሰራኤልያ አሳ

1 ታን ቱሙዋ ሃሳያይ፤ ታን ክርሰቶሳሳ፤ ቃይ ዋርደትከ። ጌሻ አያናይ ሞድያ ታ ትላ ዋዛናይ ታን ዋርደተናዋ ታው ማርካቲ።

2-3 ታው አሹዋን ዛረ ግድያ ታናዳን አማንያዋንቶ፥ ታ ዋዛናን ዳር ቀረታይነ አገና ቆፋይ ደኤ። አያው ጎፕ፥ ታን ታ ሀጸው ኡንቲንቲ ድራው፥ ጸሳ ሸቃፕ ጋርሳና ደኦርክታሻ! ቃይ ክርሰቶሳፕካ ሻክታርክታሻ!

4 ኡንቲንቲ እሰራኤልያ አሳቱዋ፤ ጸሳይ ኡንቲንታ ባረ ናና ኦሊደ፥ ባረ ቦንቼዋ ኡንቲንቲና ሻኬዳ። ኡንቲንቲና ቃላ ገሊደ፥ ሀግያ ኡንቲንቶ እሚዳ። ኡንቲንቲ ጸሳው በሰያ ኦግያን ጎይኒና፤ ቃይ ጸሳይ እማና ጌዳዋካ አኬድና።

5 ኡንቲንቲ ዘረሳን ካሰ አዎቱዋ ዛረ፤ ቃይ ክርሰቶሰካ አሹዋን ኡንቲንቲ ዛረ። እ፥ ኡባፕ ቦላ ግዲደ ሞድያ፥ መድናው ጋላተቲዳዌ ጸሳ። አመንእ።

6 ሸን ታን፥ “ጸሳይ እማና ጌዳዌ አታና” ያግከ። አያው ጎፕ፥ እሰራኤልያ

አሳ ኡባቱ ጸሳይ ደሬዳዋንታ ግድክኛ።

7 ቃይ አብራሃም ዘረሳቱ ኡባቱ ጸሳ ናና ግድክኛ። ጸሳይ አብራሃም፣ “ነ ዘረሳይ ይሳቃ ባጋና ጸሰታናዎ” ያጌዳ።

8 ሄዋ ጉሳይ ኡንቱንቱ ጸሳይ እማና ጌዳ ኦግያን የለቲዳ ናናይ ዘርያዳን ፓይደታና፤ ሽን አሳ ቆፋዳን የለቲዳዋንቱ ጸሳ ናና ግድክኛ ጉሳ።

9 አያው ጎፕ፣ ጸሳይ እማና ጌዳ ሃሳዬዳዊ ሀዋ፤ “ታን ሀ ጌተቲዳዋዳን ሄ ዎደ ያና፤ ሳራካ አቲማ ናአ የላና” ያጌዳ።

10 ሄዋ ጸላላካ ግደና፤ እርቢቃ የሌዳ ማንተ ናና አዉ እቲዋ፤ እካ ኑ አዉዋ ይሳቃ።

11-12 ሽን እት ናአ ደሬዳ ጸሳይ ባረ ሁጸዉ ቆፔዳዋ ግዳናዳን፣ ጸሳይ እርቢቅዉ፣ “ባይራይ ቲፋዉ አዛዘታና” ያጌዳ፤ እ ሄዋ ኡንቱንቱ የለታናፕን ኢታባ ዎይ ሎኦባ አይነ ኦላናፕ ካሰና ጌዳ። ሄዋ ድራዉ፣ ጸሳ ደሩ አ ጸሴዳዋዳንፕ አትን፣ ኡንቱንቱ አሌዳዋና ግደና።

13 ጸሳ ማጻፋይ፣ “ያቆባ ሲቃድ፤ ሽን ኤሳ እጻድ” ያጌ።

14 ያትና፣ ኑን ዋጋይ? ጸሳይ ደሸሲደ ፕርዳ? ሄዋ ግደና።

15 አያው ጎፕ፣ ሙሴዉ እ፣ “ታን ማራናዉ ኮይያዋንታ ማራና፤ ቃይ ቃረታናዉ ኮይያዋንቶካ ቃረታና”

ያጌዳ።  
16 ሰዎ ጸሳይ አሳ ማርያዌ እ ማራናዉ ኮይያ ድራሳፕ አትን፣ አሳይ ኮይያ ዎይ አሌያ ድራሳ ግደና።

17 አያው ጎፕ፣ ጸሳ ማጻፋይ ግብጾ ካትያዉ፣ “ታን ታ ዎልቃ ኔናን በሳናዉን ታ ሱንሳይ አላምያ ኡባን ኦደታናዉ፣ ሄዋ ታን ኔና ካዉላድ” ያጌ።

18 ሰዎ ጸሳይ ማራና ኮይያዋ ማራ፤ ቃይ ዎዛና ጎርዳና ኮይያዋ ዎዛና ጎርዳ።

ጸሳ ሀንቁዋን ማርታ

19 ሰዎ ሀንተ ታና፣ “ሄዌ ቲማ ግደፕ፣ ጸሳይ አሳ ባይዞ አያው ቶሺ? ጸሳይ ጌዳዋ እጻድ ጋናዌ ኦኔ?” ያጋናዉ ዳንዳዪታ።

20 ሽን ታ ላገዉ፣ ጸሳዉ ዛራናዉ ኔን ኦኔ? ኡርቃፕ ሙፍዳ ማሻይ ጉየ ዛሪደ ባረና ሙጴዳዋ፣ “ታና ሀዋዳን አያው ሙጴዳ?” ጌደ ኦቻናዉ ዳንዳዪ?

21 ዎይ ኡርቃ ሙጴያዌ ባረ ሙጴያ ኡርቃ ባረ ኮይያዋዳን ኦላናዉን እት ማላ ኡርቃፕ እቲዋ ቦንቾ ማሻ ኦሊደ፣ ቃይ እቲዋ ቶሽቲዳ ኦሱዋ አሌያ ማሻ ኦሊደ ሙጴናዉ አዉ ማት ባዌ?

22 ጸሳይ ኦሌዳዌ ሀዋና እቲዋ። እ ባረ ሀንቁዋ በሳናዉን ባረ ዎልቃ ኤርሳናዉ ኮይዳ፤ እ ባረ ሀንቁዋን ፕርዳናዋንታ፣ ባይዛናዉ ገግ ኡቲዳዋንታ፣ ዳሮ ገንጨዋን ዳንዳዪዳ።

23 ቃይ እ ማራዳዋንቶ፣ ባረ ቦንቹዋ አካናዉ ገግሰ ዎሌዳዋንቶ እ አይ ኬና ቦንቹትንቶን በሳናዉ ኮይዳ።

24 ኑን እ ጸሴዳዋንታ፤ ሽን አይሁዳ አሳ ጸላላፕ ግደናን፣ አይሁዳ ግደና አሳ ግደፕካ ጸሴዳ።

25 ሆሰአ ማጻፋን እ ግያዌ ሀዋ፤ “ታ አሳ ግደናዋንታ፣ ታ አሳ ጋይ ጸሳና።

ታን ሲቃቤና ዘርያካ፣ ታ ሲቃቶ ጋይ ጸሳና።

26 ህንተንቱ ታ አሳ ግድክታ ግያዋ፣ ኡንቱንቱ ሰሴዳ ሄ ሳኣን፣ ኡንቱንቱ፣ ‘ደኡዋ ጸሳ ናና ጌተቲደ ጸሰታናዋንታ”

ያጌ።  
27 እሰያሰ እሰራኤልያ አሳባ ያጌደ ሃሳዬዳ፤

“እሰራኤልያ አሳይ አባ ማታን ደእያ ሻፍያ ኬና ግደፕካ፣ ኡንቱንቱፕ አማራዳዋንቱ ጸላላይ አታና።

28 አያው ጎፕ፣ ጎዳይ ሳኣ ቦላን ደእያ አሳ ኡባ ቦላ፣ ኤለካ ፕርዳና”

ያጌዳ።  
29 እሰያሰ ካሰቲደ፣ “ኡባፕ ዎልቃማ ጎዳይ፣

ኑዉ አማራዳ ዘረላ አሽነንቶ፣ ኑን፣ ሰደማ ካታማዳን፣ ጋዎራ ካታማዳን ሀኔደሽን” ያግ ሃሳዬዳ።

30 ያትና፡ ኑን ዋጋኔ? ጽሎተላ ኮይቤና አይሁዳ ግደና አሳይ አማኑዋን ጽሌዳ፤

31 ሸን አሰራኤልያ አሳይ ባረንታ ጽልሰያ ሀግያ ኮዬዳዋንቱ ሄ ሀግያ ደምበይክኖ።

32-33 አያው ደምበይክኖ? ኡንቱንቱ ኦሎዋናፕ አትን፡ አማኑዋን ጽሎተላ ኮይቤና ድራሳ። ኡንቱንቱ ጸሳ ማጻፋይ፡

“አኩክተ፤ ታን ጽዮንን አሳ ጱቢያ ሹቻ፡

ኡንቱንቱ ኦግያን ዛላ ዋላና።

ሸን አን አማንያ ኦንነ ዬላተና” ያጊደ ጸፈቶዋዳን ጱቢያ ሹቻን ጱብቲድኖ።

### 10

አሰራኤልያ አሳይ ጸሳ ኦግያ ካልቤና

1 ታናዳን አማንያዋንቶ፡ ታን አሰራኤልያ አሳው ታ ኩመንላ ዋዛናፕ አሞትያዌነ ጸሳ ዋሰያዌ ኡንቱንቱ አታናሳ፤

2 አያው ጎፕ፡ ኡንቱንቱ ጸሳው ኦላናው ሎይላ ኮይያዋ ታን ማርካታይ፤ ሸን ኡንቱንቱ ጸሳው ኦላናው ሎይላ ኮይያ ኮሻይ ቱሙ ኤራተላፕ ግደና።

3 አያው ጎፕ፡ ጸሳይ አሳ ጽልሰያ ኦግያ ኡንቱንቱ ኤረናን፡ ባረንቱ ሁጳ ጽሎተላ ኤሳናው ኮዬድኖ፤ ቃይ ባረንቱ ሁጳው ጸሳይ አሳ ጽልሰያ ኦግያ ኤኖ ግበይክኖ።

4 አያው ጎፕ፡ አማኔዳ ኡባይ ጽላናዳን፡ ክርሰቶሰ ሀግያ ቆፋ ፖሌዳ።

አቶተላይ ኡባሳ

5 አሳይ ህገው አዛዘቲደ ጽልያባው ሙሴ፡ “ህጊ አዛዘያዋ ኦላያ ኦንነ ሄ ሀግያን ፓጻ ደአና” ያግ ጸፌዳ፤

6 ሸን አማኑዋን ጽልያባው ጌተቲዳዌ ሀዋ፤ “ሳ ዋዛናን፡ ሓን ሳሉዋ ፑደ ባኔ?” ጎፕ። ሄዌ ክርሰቶሳ ዲገ ዋላናሳ፤

7 ዋይ ‘ዲገ ሳኣ ጋርሳ ዋላናዌ ኦኔ?’ ጎፕ። ሄዌ ክርሰቶሳ ሀይቁዋፕ ደንላናሳ።

8 ሸን አ ግያዌ ሀዋ፤ ‘ጸሳ ቃላይ ነ ማታና፤ ነ ደናንነ ነ ዋዛናን ደኤ’

ጌተቲዳ” ያጌ። ሄዌካ ኑን ህንተንቶ ኦድያ አማኑዋ ቃላ።

9 ኔን፡ “የሱሰ ጎዳ” ጋደ ነ ደናን ማርካቶፕ፡ ቃይ ጸሳይ ሀይቁዋፕ አ ደንሌዳዋ ነ ዋዛናን አማኖፕ፡ ኔን አታና።

10 አያው ጎፕ፡ አሳይ ባረ ዋዛናን አማኒደ ጽሌ፤ ባረ ደናንካ ማርካቲደ አቲ።

11 ጸሳ ማጻፋይ፡ “አን አማንያ ኦንነ ዬላተና” ያጌ።

12 አይሁዳ አሳነ አይሁዳ ግደና አሳ ግደን ዲማተላይ ባዋ። አት ጸሳይ ኡባ ጎዳ፤ አ ባረና ጸሰያ ኡባቶ ዳር ኬካ።

13 አያው ጎፕ፡ ጸሳ ማጻፋይ፡ “ጎዳ ሱንላ ጸሰያ ኦንነ አታና” ያጌ።

14 ያትና፡ ኡንቱንቱ አ አማንቤናዋንታ ግደፕ፡ ዋት አ ጸሳናው ዳንዳዪኖ? ቃይ ቃላ ሰሰቤናዋንቱ ዋን አማናናው ዳንዳዪኖ? ቃላ ኦድያዌ ጳዮፕ፡ ኡንቱንቱ ዋን ሰሳናው ዳንዳዪኖ?

15 ቃይ ቃላ ኦድያዋንቱ ከተተናን አጎፕ፡ ኦሱ ዋት ኦደታናው ዳንዳዪኖ? አያው ጎፕ፡ ጸሳ ማጻፋይ፡ “ናሽቶያ ሞሽራቹዋ ኦድያዋንቱ ዩሳይ ዋት ሎኢ!” ያጌ።

16 ሸን ኡንቱንቱ ኡባይ ዋንጋላው አዛዘትብይክኖ፤ አያው ጎፕ አሰያሰ፡ “ታ ጎዳው፡ ኑን ማርካቲዳዋ ኦን አማኔዳ?” ያጌዳ።

17 ሰሞ አሳይ ቃላ ሰሲደ አማኔ፤ ቃይ አት ኡራይ ክርሰቶሳ ቃላ፡ ኦድና ሰሴ።

18 ሸን ኡንቱንቱ ቃላ ሰሰቤናዌ ቱሜ ጋደ ታን ኦቻይ። ቱማ ኡንቱንቱ ሰሴድኖ፤ ጸሳ ማጻፋይ፡

“ኡንቱንቱ ሃሳያ ኮሻይ ሳኣ ኡባን ላለቲዳ፤ ኡንቱንቱ ቃላይካ ሳኣ ጋጻ ጋኬዳ” ያጌዳ።

19 ሸን አሰራኤልያ አሳቲ ኤርቤይክኖዬ ጋደ ታን ኦቻይ። ሙሴ ካሰ፡ “ታን ህንተንታ አሳ ግደና አሳቲዋን ሴልሳና፤

ቃይ ኤያ አሳቲዋን ታን ህንተንታ ህንቆላሳና” ያጌዳ።

20 ቃይ አሰያሰ ዳር ጸሊደ፡

9:32-33 አሳ. 28:16 10:5 ዋጋ 18:5 10:13 አዪ. 2:32 10:15 አሳ. 52:7 10:19 ዛረ. 32:21 10:20 አሳ. 65:1 10:6 ዛረ. 30:12-14 10:11 አሳ. 28:16 10:16 አሳ. 53:1 10:18 ማዚ. 19:4

“ታና ኮይቤናዎንቶ ቤታድ፤  
 ታና ኦቶቤናዎንቶካ ቆንጫድ”  
 ያጌ።  
 21 ሸን እስራኤላቱዋባ እ ሃሳዬድ፤  
 “ጋላሳ ኡባ እዛዘተናዎንቶን  
 ታዋ እጽጋዎንቶ ታ ኩሽያ  
 ሞጫድ”  
 ያጌ።

# 11

ጸሓይ እስራኤልያ አሳ ወርሰ  
 አልቤና  
 1 ያትና፣ ጸሓይ ባረ አሳ እጾደ ጋደ  
 ኦቶ? ሄዋ ግደና፤ እያዉ ሳጥ፣ ታን  
 ታ ሁጸዉ እስራኤልያ አሳ፤ አብራሃመ  
 ዛረ፤ በገንጫ ያራ።  
 2 ጸሓይ ኮይሮ ደሬዳ ባረ አሳቱዋ  
 እጽና፤ ጸሓ ማጻፋይ፣ ኤላሳ ታርክያ  
 ግደና፣ ኤላሰ እስራኤላቱዋ ጸሓ  
 ሰንላን ዋት ሞትንቶ፣ ህንተ ኤሪታ።  
 3 “ጎዳዉ፣ ኡንቱንቱ ሄ ሰንላን  
 ናባቱዋ ዋጂድና፤ ነ ያርሸያ ሳካ  
 ኮሌድና። ያትና፣ ታን ታ ጸላላይ  
 አታድ። ቃይ ኡንቱንቱ ታናካ ዋጻናዉ  
 ኮይዳ።” ያጌዳ።  
 4 ጸሓይ አዉ ዋግ ዛሬዳ? “ታን  
 ኤቃ ባአላዉ ጉልባትቤና ላፑ ሻእ አሳ  
 ታዉ አሻድ” ያጌዳ።  
 5 ሀዋዳንካ ቃይ ሀ ዋድያን፣ ጸሓይ  
 ባረ አጼ ኬካተላን ደሬዳ አማሬዳ  
 አሳቱ ደኢና።  
 6 ሸን እ ባረ አጼ ኬካተላን ደሬዳጥ  
 አትን፣ ኡንቱንቱ ኡሱዋን ኡንቱንታ  
 ደርቤና፤ ሄዋ ጻፑጥ፣ እ አጼ ኬካተላይ  
 ቱሙ እጼ ኬካተላ ግደና።  
 7 ያትና፣ አይ? እስራኤልያ አሳቱ  
 ባረንቱ ኮይያዋ ደሞበይክና፤ ሸን  
 ጸሓይ ደሬዳ አማሬዳዎንቱ ደሜድና።  
 የኮንቱ ዋዛናይ ሞኔዳ።  
 8 ሀዋዳንካ፣ ጸሓ ማጻፋይ፣  
 “ጸሓይ ኡንቱንቱ ባረንቱ አይፍያን  
 በኤናዳን  
 ባረንቱ ሀይላን ሰሰናዳን፣  
 ሀዋ ጋካናዉ ኡንቱንቶ፣  
 አዛላ አያና እሜዳ”  
 ያጌዳ።  
 9 ቃይ ዳዊተ ያጌዳ፤  
 “ኡንቱንቱ ሞያ ጋይታይ ኡንቱንታ  
 ጲርያዳን ኦይቆ፤  
 ኡንቱንታ ጉፋንላ፤ ኡንቱንቶ  
 ኩሽያ ሸር ጭጎ።

10 ኡንቱንቱ ጸላናዳን፣ ኡንቱንቱ  
 አይፊ ጎዘቶ፤  
 ኡባ ዋይ ባረንቱ ሙቱዋን ቁኒደ  
 ደኢና”  
 ያጌዳ።  
 11 ያትና፣ አይሁዳቱ ጴብቲዳ  
 ዋደ፣ ደንደናዳን ኩንዴድና? ሄዋ  
 ግደና፤ ኡንቱንቱ ናጋራ ኦሌዳ ድራዉ፣  
 አቶተላይ ኡንቱንቱ አይሁዳ ግደና  
 አሳቱዋ ቃናታናዳን፣ አይሁዳ ግደና  
 አሳዉ ዬዳ።  
 12 ሸን አይሁዳቱ ናጋራ ኦሌዳ  
 ድራዉ፣ አላመዉ ዳር እንጂ ዬዳ፤ ቃይ  
 ኡንቱንቱ ኩንደላይካ አይሁዳ ግደና  
 አሳዉ ዳር እንጂዋ አሄዳ። ያትና፣  
 አይሁዳቱ ኡባይ ጉጀትያ ዋደ፣ እንጂ  
 ዋይሳ ኬና ዳራንዴሻ!  
 አይሁዳ ግደና አሳይ አታና አቶተላ  
 13 ሸን ታን ሀእ ሀንተንቶ፣ አይሁዳ  
 ግደና አሳዉ ሃሳያይ፤ ታን አይሁዳ  
 ግደና አሳዉ የሱሰ ከቲዳዋ ግድያ  
 ድራዉ፣ ታ ኡሱዋ ቦንቻና።  
 14 ታን ታ ዛረ ግድያ አሳቱዋ  
 ቃናታንቻቱዋ አላጥ፣ ኡን ኤር  
 ኡንቱንቱጥ አማሬዳዋንታ አሸናን  
 አግከ።  
 15 እያዉ ሳጥ፣ ጸሓይ ኡንቱንታ  
 እጾዳ ዋደ፣ ሀ አላሚ ጸሓና ሰገቲዳ።  
 ያትና ጸሓይ ኡንቱንታ ሺሽ አክያ ዋደ፣  
 ሀይቁዳዋ ደኡዋ ደማናጥ አትን፣ አይ  
 ሀና፤?  
 16 ኮይሮ አይፈ ባጋ ሙናቃይ  
 እንጀቲዳዋ ግደጥ፣ ሙሙ ሙናቃይካ  
 ቃይ እንጀቲዳዋ ግደና፤ እት ሞላ ጸጹ  
 እንጀቲዳዋ ግደጥ፣ ሀይላይ ኡባይካ  
 ቃይ እንጀቲዳዋ ግደና።  
 17 ሸን ዋራን ደሌዳ ዋጋራ ሞላ  
 ቃንካጥ እቱዋ እቱዋ ካሬዳሳን፣ ኔና  
 ዋራን ደሌዳ ዋጋራ ሞላ ማላ ሄ  
 ዋጋራና ጋሐ ቃቹደ፤ ኔን ቃይ ዛይቲ  
 ከሰያ ዋጋራ ሞላ ጸጹዋና እትጥ ደኢ።  
 18 ሰም ኔን ሄ ካረት ዋጂዳ  
 ቃንካቱዋ ቦላን ኦቶረታናዉ በሰና፤  
 ሸን ኔን ኦቶረትያዋ ግደጥካ፣ ጸጹ  
 ኔና ቶኬጥ አትን፣ ኔን ጸጹዋ ቶከናዋ  
 አኬካ።  
 19 ሄዋ ድራዉ ኔን፣ “ኤ፤ ሸን  
 ቃንካቱ ታን ኡንቱንቱ ሳእን ገላናዳን  
 ካረቲድና” ያጋና።

10:21 አሳ. 65:2 11:3 1 ካታ. 19:10፣ 14 11:4 1 ካታ. 19:18 11:8 ዛረ. 29:4፤  
 አሳ. 29:10 11:9 ማዝ. 69:22-23

20 ሄዌ ቱማ፤ ኢንቱንቱ አማንቤና ድራው፡ ካረቲድኖ፤ ኔን አማኔዳ ድራው፡ ሄ ሳኣን ኤቃዳ። ሸን ያያፕ አትን፡ ኦቶር ቆፋ ቆፖፓ።

21 አያው ጎፕ፡ ጸሳይ መፍታ ቃንካ ማላትያዋንቶ፡ አይሁዳቶ ቃረትቤናዋ ግደፕ፡ ነው ቃረትያዋ ማላት?

22 ሰሞ ጸሳ ኬካተላን ጸሳተላ በአ። ኩንዴዳዋንቶ እ ጸሳ፤ ሸን ኔን አ ኬካተላን ሞናደ ደአፕ፡ እ ነው ኬካ፤ ሄዌ ጳዮፕ፡ ኔንካ ቃይ ቃንጸታና።

23 አይሁዳቱክ ቃይ አማነናን እጽያዋ አጎፕ፡ ጸሳይ ካሰ ኢንቱንቱ ደአያ ሳን ዛሪደ ዋላና፤ አያው ጎፕ፡ እ ኢንቱንታ ዛሪደ ዋላናው ዳንዳዬ።

24 አያው ጎፕ፡ ጸሳይ ህንተንታ ዋራን ደአያ ኮይር መፍታ ዋጋራ ሞላፕ ቃንጸደ፡ ህንተንቱ መፍታን ዋራን ደሎዋንቱዳን ግደናን ገደን ቶኬዳ ዋጋራ ሞላና ጋላ ኦይሌዳዋ ግደፕ፡ ያትና፡ ሄ ካረት ዋዴዳ ኮይር መፍታ ቃንካቱዋ ዛረሊደ፡ ኢንቱንታ ኮይር መፍታን ደሌዳ ባረንቱ ዋጋራ ሞላና ጋላ ቃቻናው፡ እ አዬ ጸናናዌ?

ጸሳ ማርታይ ኡባሳ

25 ታናዳን አማንያዋንቶ፡ ታን ህንተ ኤራናዳን ኮይያ ቱሙ ጸራ የወ ደኤ፤ ሄዌ ህንተ ህንተንታ ህንተረካ፡ ኩን አዴዳ ኤራንቻ ያገደ ቆፕያዋ ድጌ፤ እሰራኤልያ አሳፕ ባጋይ ሰሰናን እጾዳ፤ ሸን ሄ ሰሰናን እጽያዌ አይሁዳ ግደና ሸን ኩሙንላ ፓይዱ ጸሳኮ ጋካናው ጋሞአና።

26 ሀዋዳንካ፡ እሰራኤልያ አሳይ ኡባይ አታና፤ ጸሳ ማጻፋይ ሀዋዳን ያጌ፤ “አሸያዌ ጽዮን ጌተትያ ካታማፕ ዪደ፡ ናጋራ ኦሱዋ ኡባ ያቆባ ዛርያፕ ድጋና።

27 ታን ኢንቱንቱ ናጋራ አቶ ያግያ ዋደ፡ ኢንቱንቱና ገላና ቃላ ጫቁ ሀዋ” ያጌ።

28 አይሁዳ ግደና አሳቶ፡ አይሁዳቱ ዋንጋላ ሞሸራቹዋ ባጋና ህንተ ድራው፡ ጸሳና ሞርከ፤ ሸን ጸሳ ድሩዋ ባጋና አዋቱዋ ድራው፡ ኢንቱንቱ እ ሰቆያዋንታ።

29 አያው ጎፕ፡ ጸሳይ ባረ እሜዳዋ ጉየ እኮና፤ ቃይ ባረ ጴሴዳዋ እጸድ ጌና።

30 አይሁዳ ግደናዋንቶ፡ ጸሳው ህንተ ካሰና አዛዘትባይክታ፤ ሸን አይሁዳቱ እዛዘተናን እጾዳ ድራው፡ ጸሳ ማርተላ ሀእ ህንተ እኬድታ።

31 ሀዋዳን፡ ህንተ እኬዳ ማርተላ ድራው፡ አይሁዳቱ ቃይ ጸሳ ማርተላ ሀእ አካናዳን፡ ጸሳው አዛዘተናን እጾድኖ።

32 አያው ጎፕ፡ ጸሳይ አሳ ኡባ ማራና ማላ፡ አሳይ ኡባይ አው አዛዘተናን እጽያ ሆናታን ቃቹዳ።

33 ጸሳ ዱረተላይ ዋይሳ ኬና ዳሪ? አ አዶ ኤራተላይን አ ኤራተላይ ዋይሳ ኬና ጩሜ? አ ፕርዳ ኦዳናዌ ኦኔ? አ ባረ ኦሳያዋ አያው ኦሳንቶ፡ ኦኔ አኬክያዌ?

34 ሄዋ ጸሳ ማጻፋይ፡ “ጎዳ ዋዛና ኤርያዌ ኦኔ? አ ዘራናው ዳንዳይያዌ ኦኔ?

35 ዋይ ባረ ኩሸያ ዛራና ማላ፡ አው እትባ እሜዳዌ ደኢ?” ያጌ።

36 አያው ጎፕ፡ ኡባባ እ መዴዳ፤ ቃይ ኡባባይካ አ ማታንን አውን ደኢ፤ ጸሳው መድናው ቦንቹ ግደ። አመንእ።

12

ጸሳው ኦላናዳን ኩን ዋኒደ ደአናው በሲ?

1 ሰሞ ታናዳን አማንያዋንቶ፡ ህንተ ህንተ ኦናተላ ጸሳ ናሽቻያ ደኢን ጌሻ ያርሹዋ ኦሊደ፡ ጸሳው ሺሻናዳን፡ ታን ህንተንታ ጸሳ ማርተላን ዋሳይ፤ ጸሳው ህንተ ጎይናናው በሰያ ቱሙ ኦጊ ሄዋ።

2 ጸሳይ ህንተ ቆፋ ኡባና ዱማዪደ፡ ህንተንታ ላሞፕ አትን፡ ሀ አላሞያ አሳ ማላቶፕተ። ሄ ዋይ ህንተ፡ ጸሳ ሸኒ፡ ሎኦባይ፡ አ ናሽቻያባይን ቃይ ፖሎ ግዴዳባይ እየንቶ ኤራንታ።

3 ጸሳይ ታው እሜዳ አዶ ኬካተላን ታን ህንተንቶ ኦዳይ። ህንተንቱ ቆፓናው በሰያዋፕ አሊደ፡ ኦቶሩዋን ቆፖፕተ፤ ጸሳይ ህንተንቶ ሀጺያን ሀጺያን እሜዳ አማኑዋ ኬናን ህንተ ቦላ ፕርድተ።

4 ኑ እት ቦላ ግደን፡ ጮራ ቦላ ቆሞቱ ደአኖ፤ ሄ ቆሞቱዋ ኡባውካ ዱማ ዱማ ኦሱ ደኢ።

5 ሀዋዳን፡ ኩን ጮራ አሳ ግደፕካ፡ ክርሰቶሳ ባጋና እት አሳ። ቃይ ኩን

11:26 ኢሳ. 59:20    11:27 ኤር. 31:33-34    11:33 ኢሳ. 55:8    11:34 ኢሳ. 40:13  
11:35 ኢዮባ 41:11    11:36 1 ቆር. 8:6

እት አሳተፋ ቆሞቱዋዳን፤ እቱ እቱዋና ኦይቀት ኡቴድ።

6 ጸሳይ ኑዉ እሜዳ አጾ ከካተፋን ዲማ ዲማ እሞታይ ደኤ። ኑ እሞታይ ናበተፋ ግደፒ፣ ኑዉ ደእያ እማኑዋ ከና አዳናዉ በሴ።

7 ሀራቱዋ ማዲሳ ግደፒ፣ ሄ ኦሱዋን ምናናዉ በሴ፤ ታማርሱሳ ግደፒ፣ ሄ ታማርሱዋን ምናናዉ በሴ።

8 ሀራ አሳቱዋ ሞንሱሳ ግደፒ፣ ሄ ኦሱዋን ምናናዉ በሴ። ባረ ሁጳዉ ደእያባፒ ሀራቶ እምያ ኦንነ ዋዛናፒ እሞ። ማታይ ደእያ ኡራይ ሞንሱ ኦፋናዉ በሴ፤ ሀራቶ ኬክያ ኡራይ ናሽቻን ኬካናዉ በሴ።

9 ሀንተንቱ ሲቁ አሳ በሳናዉ ሲቀትያዋ ግዳናዉ በሰና። ኢታባ እጽተ፤ ሎኦባ ሞንሲደ ኦይቀተ።

10 እቱ እቱዋና እሻቱዋዳን ሲቀትተ፤ እቱ እቱዋ ቦንቻያዋን ናሽትተ።

11 ሞኒደ ኦአተ፤ አዛሎፕተ፤ ሀንተ ኩመንጎፋ ዋዛናፒ ጎዳዉ ኦአተ።\*

12 ጸሳይ ሀንተንቶ እማና ጌዳዋን ናሽትተ፤ ዋይያን ገንጭተ። ኡባ ዋደ ጸሳ ዋሰተ፤

13 ጸሳ አሳቱዋ ኮሽያባን ማድተ፤ እማፋ ዋክተ።

14 ሀንተንታ የደርሰያዋንታ አንጅተ፤ ኡንቱንታ አንጅተ፤ እትን፤ ሸቆፕተ።

15 ናሽትያዋንቱና ናሽትተ፤ ዬክያዋንቱናካ ዬክተ።

16 አሳ ኡባዉ እት ማላ ቆፋ ቆፕተ፤ አላያባን ኡባን ሀንተንታ ቶቺደ ደእተ። እትን፤ ኦቶረቶፕተ፤ ሀንተንታ ሀንተረካ አጾ ኡራንቻ ጊደ ቆፖፕተ።

17 ኦንነ ሀንተንቶ ኢታባ ኦሶፒ፣ ሄ ኡራዉ ኢታባ ኦሶ ዛርፕተ፤ አሳ ኡባዉ ሎኦባ ኦፋናዉ ቆፕተ።

18 አሳ ኡባና ሳርተፋን ደእናዉ፣ ሀንተ ባጋና፣ ሀንተንቶ ዳንዳየቴዳባ ኡባ ኦአተ።

19 ታናዳን አማንያዋንቶ፣ ሀንተ ሀንተ ሁጳዉ አሳዉ ሀሉዋ ከሶፕተ። ጸሳይ ሀሉዋ ከሳናዳን፣ አ ቦላ ኦሳተ። እያዉ ጎፒ፣ ጸሳ ማጻፋይ፣

“ጎዳይ፣ ታን ሀሉዋ ከሳና፤ ታን ኩሽያ ጭጋና” ጌ” ያጌ።

20 ሸን ጸሳ ማጻፋይ፣

“ሳ ሞርኪ ኮሻቶፒ፣ ሞዛ።

ሳመቶፒ፣ ኡሻ። እያዉ ጎፒ፣ ኔን ሄዋ አላያዋን፣ አ ዳርሳ ዬላያሳ” ያጌ።

21 ኢታባ ሎኦባን ጸናፒ አትን፣ ኢታባይ ኔና ጸናፖ።

### 13

ጋድያ አይሰያዋንቶ ኤኖ ጋናዉ በሴ

1 አሳይ ኡባይ ጋድያ አይሰያዋንቶ ኤኖ ጋናዉ በሴ፤ እያዉ ጎፒ፣ ጸሳይ ጌናን ደእሸን፣ ጋድያ አይሰያዋ ደእናዉ ዳንዳየና። ሀእ ደእያ አይሰያዋንቱካ ጸሳይ ዋሌዳዋንታ።

2 ሄዋ ድራዉ፣ ሀእ ደእያ አይሰያዋንታ እጽያ ኦንነ ጸሳ አዛዙዋ እጼ፤ ባረ ቦላ ፕርዳ አሄ።

3 እያዉ ጎፒ፣ አይሰያዋንቱ ኢታባ አላያዋንታ ያሻናዋፒ አትን፣ ሎኦባ አላያዋንታ ያሽክና። አይሰያዋ ያየናን አጋናዉ ኮያይ? ያቶፒ ሎኦባ ኦፋ፤ አ ኔና ጋላታና።

4 እያዉ ጎፒ፣ አ ነዉ ሎኦባ ኦፋናዉ፣ ጸሳዉ ቆማ። ሸን ኔን ኢታባ ኦሶፒ፣ ኢታባ ኦሌዳዋ አ ሴርያ ድራዉ፣ አዉ ያያ፤ አ ጸሳ ቆማ። ቃይ ኢታባ አላያዋንቱ ቦላ ጸሳ ሀንቁዋ አ አሄ።

5 ሄዋ ድራዉ፣ ጋድያ አይሰያዋንቶ ኤኖ ግያዋ ጸሳ ሙራ ጸላላሳ ግደናን፣ ሀንተንቱ ዋዛና ቆፋ ድራዉካ ኤኖ ጋናዉ በሴ።

6 እያዉ ጎፒ፣ ጋድያ አይሰያዋንቱ ባረንቱ ኦሱዋ አላያ ዋደ፣ ጸሳዉ አላያ ድራዉ፣ ሀንተ ቃራጸ ቃንጽያዋ ሄዋሳ።

7 ኡባ አሳዉካ በሰያዋ እሞተ። ጊራ ጊራናዉ በሰያዋ ጊርተ፤ ቃራጸ ቃንጸናዉ በሰያዋ ቃንጽተ፤ ያያናዉ በሰያዋ ያይተ፤ ቦንቹ በሰያዋ ቦንቶተ።

እቱ እቱዋና ሲቀትተ  
8 ሀንተንቱ እቱ እቱዋና ሲቀታናፒ አትን፣ ሀራ አጩ ኦ ቦላንነ ደኦፖ። እያዉ ጎፒ፣ ሀራ ሲቅያ ኦንነ ሀጊ ግያዋ ፖሌዳ።

9 “ዋሹዋፒ፣ ዋጲፒ፣ ዉኦፒ፤ አሳባ አሞቶፒ” ግያ አዛዛቱን ሀራ አዛዛቱ ኡባቱ፣ “ሳ ሾሩዋ ነ ሁጳያዳን ሲቃ” ግያ አዛዙዋን ኩሚና።

\* 12:11 ኩመንጎፋ ዋዛናፒ ጎዳዉ ኦአተ- ጌሻ እያናን ካለሰቲደ ከተትያዋንታ ግድተ። † 12:16 ሀንተንታ ቶቺደ ደአተ- እሸከ ግድተ ጉሳ። 12:16 ሊሞ. 3:7 12:19 ዛረ. 32:35 12:20 ሊሞ. 25:21-22 13:9 ከሳ 20:13-15፣ 17፤ ዛረ. 5:17-19፣ 21፤ ዋጋ 19:18

10 ባረ ሾሩዋ ሲቅያ ኦንነ አዉ ኢታባ ኦ□ና፤ ሃዋ ድራዉ፣ ሾሩዋ ሲቅያዌ ሀግና ኡባዉ ኤና ግያዎ።

11 ገምእሹዋፕ ሀንተ ቤጎትያ ሳቲ ሀእ ጋኬዳ ድራዉ፣ ሀ ዎድያ እኬክተ። እያዉ ጎፕ፣ ኑን ኮይሮ እማኔዳ ዎድያፕ፣ ኑን አትያ ዎዲ ሀእ ኑኮ ማታቴዳ።

12 ቃማይ አፋናዉ ሀኔ፤ ጋላሳይ ማታቴዳ። ሰም ኑን ጴማ ኦሱዋ አጊደ፣ ፖኡዋን ኦለታናዉ፣ ኦላ ሚሻ ማዮይተ፤

13 ጋላሰ ፖኡዋን ደእያ አሳዳን፣ እነ ማራ ደኦይተ። የሳንነ ማሉዋን ግደፕ፤ ዎሹሙሳንነ ዎሹማናዉ ካጄሉሳና ግደፕ፤ ፓሉማንነ ቃናትያን ግደፕ።

14 ሸን ጎዳ የሱሰ ክርስቶሳ፣ ኦላ ሚሻ ኦ ማይተ፤ ሀንተ ናጋራንቻ አሳተሳይ ባረ ዎዛና አሙዋ ፖላናዳን፣ አዉ ቆፖፕተ።

### 14

አሳ ቦላ ፕርደናን አጉሳ

1 አማኑዋን አዛልያ ኡራ ሺሽ አክተ። ሸን እ ባረ ሁጳዉ ቆፕያባን አናና ፓሉሙቶፕተ።

2 እት ኡራ አማኑ እ እያ ሚናና ድገና። ሸን አማኑዋን አዛልያ ኡራይ ጋደን ሞኬዳባ ጸላላ ሚ።

3 ኡባባ ምያ ኡራይ ኡባባ ሚና ኡራ ካጴፕ፤ ኡባባ ሚና ኡራይካ ኡባባ ምያ ኡራ ቦላ ፕርደፕ። እያዉ ጎፕ፣ ጸሳይ አ ሺሽ እኬዳ።

4 ሀራ አሳ ቆማ ቦላ ፕርደያዌ ኑን ኦኔ? እ ኩንድና ዎይ ደንድና ባረ ጎዳሳ፤ ሸን ጎዳይ አ ደንሳናዉ ዳንዳይያ ድራዉ፣ እ ኤቃና።

5 እት ኡራይ፣ “ሀቃ ጋላሳይ ሀራ ጋላሳቱዋፕ አጴ” ያጊደ ቆፕያ ዎደ፣ ሀራይ፣ “ኡባ ጋላሳቱካ እት ማላ” ጊደ ቆፔ። አሳይ ኡባይ ሁጲያን ሁጲያን ሃዎዳን እያዉ ቆፕንቶ እኬኮ።

6 እት ጋላሳ ሀራ ጋላሳቱዋፕ አሊደ ቦንቾያ ኡራይ ጎዳ ቦንቾ ቦንቼ፤ ቁማ ምያ ኡራይካ ጎዳ ቦንቾ ሚ። እያዉ ጎፕ፣ እ ሄ ቁማ ድራዉ፣ ጸሳ ጋላቲ። ቁማ ሚናዌካ ጎዳ ቦንቾ ሚናን እኬዳ፤ ቃይ ጸሳ ጋላቲ።

7 እያዉ ጎፕ፣ ኑፕ ኦንነ ባረ ሁጲ ጸላላዉ ደኤና፤ ቃይ ኦንነ ባረ ሁጲ ጸላላዉ ሀይቃና።

8 ኑን ፓጸ ደአፕ፣ ጎዳዉ ደኤቶ፤ ቃይ ሀይቆፕካ፣ ጎዳዉ ሀይቆቶ። ሰም ኑን ፓጸ ደአፕ ዎይ ሀይቆፕካ ጎዳሳ።

9 ሃዎ ድራዉ፣ ክርስቶሰ ፓጸ ደእያዎንቶን ሀይቆዳዎንቶ ጎዳ ግዳናዉ ሀይቁይ፣ ሀይቁዋፕ ደንዴዳ።

10 ያትና፣ ኑን ነ እሻ ቦላ እያዉ ፕርዳይ? ዎይ ኑን ነ እሻ እያዉ ካፋይ? ኑን ኡባይካ ጸሳ ፕርዳ ኦይድያ ሰንሳን ኤቃና።

11 እያዉ ጎፕ፣ ጸሳ ማጸፋይ፣ “ ታን ጎዳይ ታ ደኡዋን ጫቃይ፤ አሳይ ኡባይ ታ ሰንሳን ጉልባታና።

ቃይ ታን ጸሳ ግድያዎ፣ አሳይ ኡባይ ማርካታና’ ያጋይ” ያጌ።

12 ሰም ኑን ሁጲያን ሁጲያን ኑባ ጸሳዉ ኦዳና።

ናጋራ ኦሶ ጋሱዋ ግደፕ

13 ሃዎ ድራዉ፣ ኑን እቱ እቱዋ ቦላ ፕርድያዎ ሀዋፕ ሰንሳዉ እነ አጎይተ። ሸን ኡባፕ አሊደ፣ ሀንተ እሻ ጴቢያባ ዎይ ናጋራን ኦልያባ ኦ□ናዳን ቆፋ ቃቾተ።

14 ታን ጎዳ የሱሰ ክርስቶሳና ደእያዎን፣ ባረ ሁጳዉ ቱና ግድያባይ ባይናዋ ኡራይነ እኬካይ። ሸን እት ኡራይ እትባ ቱና ጊደ ቆፖፕ፣ ሃዌ አዉ ቱና ግዴ።

15 ኑን ምያባ ድራዉ፣ ነ እሻ ቆሆፕ፣ ሰም ኑን ሲቁዋን ደእካ። ክርስቶሰ አ ድራዉ ሀይቁዳ አሳ ነ ምያ ቁማን ባይዘፕ።

16 ሰም ኑን ሎኦባ ግያዎ አሳይ ካጴፕ።

17 እያዉ ጎፕ፣ ጸሳ ካዉተሳይ ጌሻ እያይ እምያ ጽሎተላ፣ ሳርተላነ ናሽቻ ግድያዎፕ አትን፣ ሙሳነ ኡሻ ግድና።

18 እያዉ ጎፕ፣ ክርስቶሳዉ ሀዋዳን ኦልያ ኡራይ ኦንነ ጸሳ ናሽቼ፤ አሳይካ አ ጋላቲ።

19 ያቶፕ፣ እነ ኑን ሳርተላ አሀያባነ ኑና እቱዋ እቱዋና ምንሰያባ ኡባ ኮዬቶ።

20 ጸሳ ኦሱዋ ቁማ ድራዉ ባይዘፕ። ቁማይ ኡባይ ጌሻ፤ ሸን ሀራ ኡራ ናጋራን የግያዎ ሙሳይ ኢታ።

21 ሃዎ እሹዋ ሚናን ዎይ ኡሻ ኡሽናን አግያዌ ዎይ ነ እሻ ጴቢያባ እያን ኦ□ናን አግያዌ ሎኦ።



22 ሀ የወዋን ነ አማኑቀ ኔጥነ ጸሳጥ ግዲዋን ናጋ። እት ኡራይ ሎኦ ጊደ እ አማኑቲዳዋ ኦሳያ ዋደ። “ታን ሎኡቀ ኦሳድ” ጊደ ባረ ዋዛናን አማኑቶፕ። ሄ ኡራይ ቱሙ አንጀቲዳዋ።

23 ሸን እ ሄ ሞያባን ሰጹኦፕ። አ ሙሳይ አማኑቆና ግደና ድራው። ጸሳይ አ ቦላ ፕርዴ፤ ቃይ አማኑ ባይናን ኦሌዳዋ አያይኔካ ናጋራ።

### 15

አሳ ናሽቻናዉ በሰያ ኦግያ

1 ኔን አማኑቆን ሞኔዳዋንቱ ዳቡራንቻቱዋ ቶኩቀ ቶካናዉ በሴ፤ ኑን ኑ ጸላላ ናሽቻናዉ በሰና።

2 ኑን ሀጲያን ሀጲያን ኑ እሻ ማዳናዉ። አማኑቆን አ ሞንሳናዉን ናሽቻናዉ በሴ።

3 አያዉ ጎፕ። ሀራይ አቶ ክርሰቶሰካ ባረና ናሽቻቤና። ሸን ጸሳ ማጸፋይ። “ኔና ቦሬዳዋንቱ ቦሬዳ ቦሪ ታ ቦላ ዋዴዳ” ጌዳዋዳን ሀኔዳ።

4 ጸሳ ማጸፋይ ኑዉ አምያ ገንጫንን ሞኖታን ኑን ደማና ጊደ ናሽቻን ናግ ኡቲዳዋ ደኦና ማላ። ጸሳ ማጸፋን ጸፈቲዳ ኡባባይ ኑና ታማርሳናዉ ጸፈቲዳ።

5-6 ሀንተንቱ ኡባይ እት ዋዛና ግዲደ። እት ቃላን ጸሳ። ኑ ጎዳ የሱሰ ክርሰቶሳ አዉዋ። ቦንቻና ማላ። ገንጨዋን ሞኖተላ አምያ ጸሳይ። ሀንተንቶ ክርሰቶሰ የሱሰ ኦሌዳዋዳን። እቱ እቱዋና እትፕ ደኦን እት ቆፋ አሞ።

ጳውሎሳ ኦሱዋን አማኑና አሳዉ ጋኬዳ ሞሽራቹዋ ቃላ

7 ሄዋ ድራው። ክርሰቶሰ ሀንተንታ ሞኬዳዋዳን። ጸሳ ቦንቻ እቱ እቱዋ ሞክተ።

8-9 አያዉ ጎፕ። ጸሳይ አማኑቲዳዋ ግድያዋ ኤርሳናዉ። ጸሳይ አዋቶ አማና ጌዳዋ ቱማያናዉን አይሁዳ ግደና አሳይ ጸሳ አ ማርተላ ድራው ቦንቻናዉ ክርሰቶሰ አይሁዳቶ ቆማ ግዴዳዋ ሀንተንቶ ኦዳይ። ሄዋ ጸሳ ማጸፋይ። “ሄዋ ድራው። ታን ኔና።

አይሁዳ ግደና አሳ ግድን ጋላታና፤ ነ ሱንሳካ ሳባና”

ያጌ።

10 ቃይካ።

“አይሁዳ ግደና አሳቶ። ጸሳ አሳቱዋና ናሽተተ”

ያጌ።

11 ቃይካ ጉጂደ።

“ሀንተንቶ። አይሁዳ ግደና አሳቶ ኡባቶ።

ጎዳ ጋላትተ፤ አሳዉ ኡባዉ። አ ጋላትተ”

ያጌ።

12 ቃይካ አሰያሰ።

“አሰይ ዘረላይ ዪደ። አይሁዳ ግደና አሳ ሞዳናዉ ደንዳና።

ቃይ ኡንቱንቱ አ ባጋና ደማና ጊደ።

ናሽቻን ናጋና”

ያጌ።

13 ሀንተንቱ አካና ጊደ ናሽቻን ናግያዋ ጌሻ አያና ዋልቃን ድጫናዳን። ሀንተንቶ አማና ጌዳ ጸሳይ። ሀንተ አ አማንያ ድራው። ሀንተንቶ ናሽቻን ሳርተላ ኩንሊደ አሞ።

ጳውሎሰ ጸሊደ ጳፌዳ ጋሱዋ

14 ታናዳን አማንያዋንቶ። ሀንተንቱን ሎኦተላይን ኡራተላይ ኡባይ ኩሜዳዋን ቃይ እቱ እቱዋ ዘራናዉ ዳንዳይያዋ ታን ታ ሀጳዉ ኤራድ።

15-16 ሸን ታን ሀንተንታ እትባ እትባ ጉጂ ቆፍሳናዉ። ሀ ዳብዳቢያ ግድን አይን ያየናን ሀንተንቶ ጸፋድ። ታን ክርሰቶሳ የሱሳ ቆማ ግዳደ። አይሁዳ ግደና አሳዉ ኦሳዳዳን። ጸሳይ ታዉ አጹ ከካተላ አሜዳ ድራው። ታን አይን ያያበይከ፤ አይሁዳ ግደና አሳይ ጌሻ አያና ባጋና ጸሳዉ ጌሻ ግዲደ። አ ናሽቻያ ያርሹዋ ግዳናዳን። ጸሳ ዋንጋላ ሞሽራቹዋ ኦድያዋን ጌሻተላን ኦሳይ።

17 ሄዋ ድራው። ታን ክርሰቶሳ የሱሳን ግዳደ ጸሳዉ ኦሳያባን ጨቀታናዉ ዳንዳይያ።

18-19 አይሁዳ ግደና አሳይ ጸሳዉ አዛዘታናዳን። ክርሰቶሰ ታ ባጋና ቃላን። ኦሱዋን። ማላን። ማላታ ዋልቃንን ጌሻ አያና ዋልቃን ኦሌዳዋ ጸላላ ታን ኦዳናፕ እትን። ሀራባ ኦዳናዉ ጸልከ። ሄዋ ድራው። የሩሳላመፕ ደማደ። አልዋርቆና ጌተቶያ ጋድያ ጋካናዉ ያያደ። ክርሰቶሳ ዋንጋላ ሞሽራቹዋ ወርሳ ኦዳድ።

20 ሀዋዳንካ። ታን ሀራ አሳይ ደሜዳዋ ቦላን ደመናዳን። ክርሰቶሳ

ሱንሳይ ጸሰትቤናሳን ዋንጋላ ምሽራቸዋ ኦዳናው አዋታድ።

21 ሽን ጸሳ ማጻፋይ፡

“አባይ ሀዋ ጋካናው ኦደትቤናዋንቱ አ በአናዋንታ፤

ቃይ አባ ሰሰቤናዋንቱ አኬካናዋንታ”

ያጌ።

አሳቱዋ ናሽቶያዋ ግዳናዳን፡ ጸሳ ዋሰተ።

32 ቃይ ጸሳይ ጎፕ፡ ታን ህንተንቱኮ ናሽቻን ባይ፡ ህንተ ማታን ሸምፓና።

33 ሳሮተላ ጸሳይ ህንተንቱና ኡባና ግድ። አመንአ።

# 16

ጳውሎስ ሮመ ባናው ቆፔዳ

22 ሄዋ ድራው፡ ታን ጮራ ዋይ ህንተንቱኮ ያናው ኮያይ፤ ሽን ያናው ዳንዳያበይከ።

23 ሽን ታን ሀእ ሀ ሄራን ታ ኦሱዋ ወርሴዳ ድራውን ጮራ ላይላፕ ደማይ ህንተንታ ባይ በአናው ላሞቴዳ ድራው

24 ሀእካ ህንተንቱኮ ባና ጋይ ቆፓይ፤ ታን እሰፔን ጌተትያ ጋድያ ባይ ህንተንታ በአናው ኮያይ፤ ቃይ አማራዳ ዋድያ ህንተንታ በአደ ናሽቶዋፕ ጉይያን፡ እሰፔን ቢሸን፡ ህንተ ታና ማዳና ማላ ኮያይ።

25 ሽን ሀእ ታን ጸሳ አሳቱዋ ማዳናው፡ የሩሳላመባይ።

26 አያው ጎፕ፡ ማቅደንያን አካይያ ጌተትያ ጋድያን ደእያ ዋሳ ጎሊ አሳቱ የሩሳላመን ደእያ ህዌሳቶ ሚሻ አማናው ኮዌድና።

27 ኡንቱንቱ ባረንቱ ሀጳው ሀዋ አላናው ቆፋ ቃቼድና፡ ኡንቱንቱ ሄ ህዌሳቱዋ ማዳናዋ ኡንቱንቶ አጩ ደኤ፤ አያው ጎፕ፡ አይሁዳቱ ባረንቱ አያና አንጂዋ አይሁዳ ግደና አሳቱዋና ሻኬዳዋ ግደፕ፡ አይሁዳ ግደና አሳቱካ ቃይ ባረንቶ ደኤዳባን አይሁዳቱዋ ማዳናው በሴ።

28 ሄዋ ድራው፡ ታን ሀ ኦሱዋ ወርሴዳዋፕ ጉይያንን ኡንቱንቶ ሸቄዳ ሚሻ ኡባ አማዳዋፕ ጉይያን፡ እሰፔን ባይ ህንተ ማታና አፋና።

29 ታን ህንተንቱኮ ብያ ዋይ፡ ክርሰቶሳ አንጂ ታናን ኩምና ባናዋ ኤራይ።

30 ታናዳን አማንያዋንቶ፡ ታው ጸሳ ህንተ ዋሲደ፡ ዋሳን ህንተ ታናና ምናናዳን፡ ጎዳ የሱሰ ክርሰቶሳ ባጋናን ጌሻ አያናይ አምያ ሲቆተላን ታን ህንተንታ ዋሳይ።

31 ታን ይሁዳን ደእያ አማንናዋንቱፕ አታናዳንን ቃይ ታን የሩሳላመን አልያ ኦሱ ያን ደእያ ጸሳ

ሳርታ

1 ክንክርያ ጌተትያ ካታማን ደእያ አማንያ አሳና አልያ ኑ ምቻታ ፔባ ሎኦ ማጫ አሳ ግድያዋ ታን ህንተንታ ኤርሳይ።

2 ህንተንቱ እዞ ጌሻቱ ጎዳ ሱንሳን ሞክያዋዳን ሞክተ፤ ቃይ እዛ ህንተንቱፕ ኮይያዋ አያ ግደፕካ፡ እዞ ማድተ፤ አያው ጎፕ፡ እዛ ባረ ሀጳው ጮራ አሳ ማዳው፤ ቃይ ታና ታ ሀጳውካ ዳርሳ ማዳው።

3 ክርሰቶሳ የሱሳ ኦሱዋ ታናና እትፕ አልያ ጽርሰቁልውን እዞ እሰና አቁላሰ ታ ሳርቶዋ ኦድተ።

4 ኡንቱንቱ ታ ሸምፕዋ ድራው፡ ባረንቱ ሸምፕዋ አል አሜድና። ኡንቱንታ ታ ጸላላ ግደናን፡ አይሁዳ ግደና አሳ አማንያ አሳይ ኡባይካ ጋላቱ።

5 ቃይ ኡንቱንቱ ጎልያ አማንያ አሳይ ሸቅያሳ ኡሊደ ጋከትያ አሳ ኡባ ሳር ጌተ። ኡሲያ ጋድያን ክርሰቶሳ ኮይሮ አማኔዳ ታ ሲቅያ ኤፓንቶሳው፡ ታ ሳርቶዋ ኦድተ።

6 ህንተንቶ ሎይላ ዳቡሬዳ ማይራዋ ሳርትተ።

7 ታናና ቃሾ ጎሊን ደኤዳ ታ ዳቦ ግዳዳ አይሁዳቱዋ፡ አንድሮንቆሳን ዩንያሳ ሳርትተ። የሱሰ ኪቲዳዋንቱ ግደን ኡንቱንቱ ሎይላ ኤረቲዳዋንታ። ቃይ ኡንቱንቱ ክርሰቶሳ ታፕ ካሰና አማኔድና።

8 ጎዳና እትፕተላን ደእያ ታ ሲቆ ላግያ አምፕልያቶሳው ታ ሳርቶዋ ኦድተ።

9 ክርሰቶሳ ኦሱዋ ኑናና እትፕ አልያ ኡርባናሳን ታን ሲቅያ እሰጸኩሳ ሳርትተ።

10 ክርሰቶሳና እ ደእያዋ ኤረትና ፓጭያ ጸኔዳ አጸሊሳው ታ ሳርቶዋ ኦድተ፤ አርሰጸብሎሳ ሰይ አሳውካ ታ ሳርቶዋ ኦድተ።

11 ታ ዳቦ ግዴዳ አይሁዳዊያ ሄሮድዮናነ ክርስቶሳ እማንያ ናርሲስሳ ሶይ እሳ ሳርትተ።

12 ጎዳ ኦሱዋን ዳቡርያ ትሩፋይናነ ትሩፎሮ ጌተትያ ማጫዋንታ ሳርትተ፤ ቃይ ጎዳዉ ዳር ዳቡራደ ኦልያ ሲቅያ ፐርሲሶ ሳርትተ።

13 ጎዳ ኦሱዋን ሎይል ኤሪቴዳ ሩፎሳየዉነ ታና ባረ ናኣዳን ማዴዳ አ ዳይዉ ታ ሳርቶዋ ኦድተ።

14 ታ ሳርቶዋ አስንክሪቶሳዉ፣ ፕሌጎናዉ፣ ሄርሜሳዉ፣ ፓትሮባሳዉነ ኡንቱንቱና ደእያ አማንያ እሻቱዋ ኡባዉ ኦድተ።

15 ፕሌጎና፣ ዩሎ፣ ኔርያ፣ አ ምቻቶ፣ ኦሎምፖሳነ ኡንቱንቱና ደእያ ጸሳ አሳቱዋ ኡባ ሳርትተ።

16 ጌሻ አሳዉ በሰያ የረታ የረቲደ፣ እቱ እቱዋ ሳርትተ፤ ክርስቶሳን አማንያዋንቱ ኡባቱ ህንተንታ ሳር ያጌድኖ።

ዉርስላ ዘርያ

17 ታናዳን አማንያዋንቶ፣ አሳ ግድን ሻኮተላ መድያዋንታ፣ አሳ አማኖ ዱቦ ግድያዋንታነ ህንተ ታማሬዳ ትምርትያና ጋከተናዋ ታማርሰያዋንታ አከካናዳን፣ ታን ህንተንታ ዋሳይ። ኡንቱንቱኮ ሸቆፕተ።

18 አያዉ ጎፕ፣ ሄዋ ማላባ ኦልያዋንቱ ባረንቱ ኡሎ ኦሊኖፕ አትን፣ ኑ ጎዳ የሱስ ክርስቶሳዉ ኦልክኖ፤ ባረንቱ ላብያ ሃሳያንን ቅድያን ኢታባ ቆፕና አሳ ዋዛና ባለሊኖ።

19 ዋንጋላዉ ህንተ አዛዘቱዳዋ አሳይ ኡባይ ሰሴዳ። ሄዋ ድራዉ፣ ታን ህንተባን ናሽታይ፤ ሸን ሎኦተላዉ ህንተ አዴዳ ኤራንቻ ግዳናዳንነ ቃይ ኢታባዉ አሽከ ግዳናዳን ኮያይ።

20 ሳርተላ ጸሳይ ሴጻና ህንተ ገድያፕ ጋርሳና ሃከና ማታ ዋደ ጋጫና።

ኑ ጎዳ የሱስ ክርስቶሳ አዶ ኬካተላይ ህንተንቱና ግድ።

21 ታናና ኦልያ ጽሞቶስ ህንተንታ ሳር ያጌ፤ ቃይ ሀዋዳንካ፣ ታ ዳባቱ ሉቅዮስ፣ ያሶንነ ሶሲጳጽሮሰ ህንተንታ ሳር ያጊኖ።

22 ታን፣ ጸርጽዮስ፣ ሀ ዳብዳቢያ ጸፊዳዊ፣ ህንተንቶ ጎዳ ሱንላን ሳርታ ኪታይ።

23 አማንያ አሳይ ኡባይ አ ሶይን ሸቅያ ታ ሲራ ጋዮስ ህንተንታ ሳር ያጌ፤ ካታማ ሚሻ ኦይቂያ ኤራሰጸሰነ

ኑ እሻይ ቁዋርጸሰ ህንተንታ ሳር ያጊኖ።

24 ኑ ጎዳ የሱስ ክርስቶሳ አዶ ኬካተላይ ህንተንቱና ኡባና ግድ። አመንእ።

25 ኑን ጸሳ ጋላቴቶ። ታን ዋንጋላ ባጋና የሱስ ክርስቶሳባ ኦዴዳዋዳንነ ዳር ዋድያፕ ጌሚደ፣ ሀእ ቆንጨዳ ቱማተላዳን፣ ህንተ አማኑዋን ህንተንታ ጸሳይ ምንሳናዉ ዳንዳዬ።

26 ሸን ሀእ ናባቱ ጸፊዳዋ ባጋና ቱማተላይ ቆንጭያን ኤረታናዳን ኦሴዳ፤ ቃይ አሳ ኡባይ ጸሳ አማኒደ አዛዘታናዳን፣ መድና ጸሳ አዛዘዋን፣ ሀ አላምያን ደእያ አሳ ዘረላ ኡባዉ ቆንጨዳ።

27 አዴዳ ኤራተላይ አ ጸላላዉ ደእያ እት ጸሳዉ የሱስ ክርስቶሳ ባጋና መድናዉ ቦንቹ ግድ። አመንእ።

# ጳውሎስ ቆርንቶሳ አሳው ጻፊዳ ኮይሮ ኪታ ገሉዋ

ጳውሎስ ቆርንቶሳ አሳው ጻፊዳ ኮይሮ ኪታይ፡ ጳውሎስ ቆርንቶሳ ካታማን ደእያ አማንያዋንቱ ግደን ክርስትና ደኡዋን አማኑዋ ጸልያባን ደንዴዳ መቱዋ ጳይሳናው ቆፒደ ጻፊዳዋ። ሄ ዋደ ቆርንቶሳ ካታማይ ሄ ገደን ደእያ አሳይ ጎኡትያ ኤሪቴዳ ግሪክ ካታማ። ሄዋ ቦላካ ቃይ አካይያ ጌተትያ ሮማ ካውተላው ሁጳ ካታማ። ሀ ካታማይ ዋልቃማ ዛልእያን፡ ጋምኢደ ሞኔዳ ዋጋን፡ ሎይሐ አክ አክ ብያ የዳ ደኡዋን ዋይ ገናባ ሀንያዋን ሀይማኖትያ ሞራተላን ኤሪቴዳዋ።

የሱስ ኪቴዳዌ ምንሲደ ኦዳናው ኮዬዳዌ፡ ሄ አማንያዋንቱ ግደን ደእያ ሻኮተላባን የዳ ደኡዋባ፡ ዋሹማባን ገሉዋ አካባ፡ ዋሳ ጎለ ዋጋባ፡ ጌሻ እያና አዋታቱዋባን ሀይቁዋ ደንዱዋባ። የሱስ ኪቴዳዌ ሀ ምሽራቹዋ ቃላ ሀ አሻቱዋ ቦላ ምንሲደ ኦድያዋ ናገደ ሺሺ።

ሲቁ ጸሳይ ባረ አሳው አማዳ አዋታ ኡባፕ አድያዋ ግድያዋ ኦድያ ሸምቸዋ ታማን ሄዙ፡ ሀ ማጻፋን ዳሮ ኤሪቴዳዋ ጌተቲደ ቆፈቱ።

## ሸምፓቱዋ ኡባቶ አመቴዳ ቃንሳ ቆፋቱዋ

- ገሉዋ 1:1-9
- አማንያዋንቱ ግደን ደንዴዳ ሻኮተላ 1:10—4:21
- የዳ ደኡዋባን ሰይ አሳ ደኡዋባ 5:1—7:40
- አማንያዋንታን ክርስትና አማኑዋ አክቤናዋንታ 8:1—11:1
- አማንያዋንቱ ደኡዋን ጎሽታ ዋጋ 11:2—14:40
- ክርስቶስ ሀይቁዋ ጸን ደንደዋን አማንያዋንቱ ደንዱዋባ 15:1-58
- ይሁዳን ደእያ መቶታንቻቶ አመቴዳ ማዲዋባ 16:1-4
- ወርሰላ ቁትያ 16:5-24

1 ታን፡ ጸሳ ሸንያን የሱስ ክርስቶስ ኪቴዳዋ ግዳናው ጸሰቴዳ ጳውሎስ፡ ኑ እሻ ሰስተኒስ፡

2 ቆርንቶሳን ደእያ ጸሳ አማንያ አሳቶ፡ የሱስ ክርስቶሳን ጌዬዳዋንቱሰን፡ ኑው ጎዳ ግድያ ኑ ጎዳ የሱስ ክርስቶሳ ሱንላ ኡባ ሳኒን ጸሰያ ኡባቱዋና ጌሻ ግዳናው ጸሰቴዳዋንቶ ሀ ዳብዳቢያ ጸፊቶ።

3 ጸሳይ፡ ኑ አወን ኑ ጎዳይ የሱስ ክርስቶስ ሀንተንቶ አቋ ኬካተላን ሳርተላ አዋ።

### ጸሳ ጋላቱሳ

4 ጸሳይ ክርስቶሳ የሱሳ ባጋና ሀንተንቶ አማዳ አቋ ኬካተላ ድራው፡ ታን ኡባ ዋደ ሀንተንቶ ጸሳ ጋላታይ።

5-6 ታን ክርስቶሳው ማርካትያዌ ሀንተንቱን ምኔዳ ድራው፡ ሀንተ ኡባባን፡ ሃሳያ ኡባን ኤራተላ ኡባን፡ እን ዲረቴድታ።

7 ሀዋዳን ሀንተ ኑ ጎዳ የሱስ ክርስቶሳ ዩሳ ናግሸን፡ እያና አዋታፕ ሀራይ አቶ አቱን ሀንተንቶ ፓጩና።

8 ቃይ ኑ ጎዳ የሱስ ክርስቶሳ ጋላሳን ሀንተ ካቋ ባይናዋንታ ግዳናዳን፡ ወርሰላይ ጋካናው አ ሀንተንታ ምንሳናዋ።

9 ባረ ናኦ ኑ ጎዳ የሱስ ክርስቶሳ አትፕተላው ሀንተንታ ጸሴዳ ጸሳይ አማንቴዳዋ።

አማንያ አሳ ግደን ሻኮተላይ መፍቻ

10 ሸን ታናዳን አማንያዋንቶ፡ እት ዋዛናን እት ቆፋን እትፕ ግዳናፕ አትን፡ ሻኮተላይ ሀንተ ግደን ደኤና ማላ፡ ሀንተ ኡባይ እት ሃሳያ ሃሳያናዳን፡ ኑ ጎዳ የሱስ ክርስቶሳ ሱንላን ታን ሀንተንታ ዋሳይ።

11 እያው ጎፕ፡ ታናዳን አማንያዋንቶ፡ ቃሎኦ ሰይ አሳይ ሀንተንቱባ፡ ሀንተ ግደን ዋሳይ ደእያዋ፡ ታው ኦዲድና።

12 ታን ግያዌ ሀዋ፤ ሀንተንቱ ሁጲያን ሁጲያን፡ “ታን ጳውሎሳዋ። ታን አጲሎሳዋ። ታን ኬፋዋ። \* ታን ክርስቶሳዋ” ያጌታ።

13 ክርስቶስ ሻከቲዬ? ሀንተንቱ ድራው፡ ማስቃልያ ቦላ ምስማርያን ቋሽቲደ ካቀቲዳዌ ጳውሎስ? ዋይ ሀንተ ጳውሎሳው ግዳናው ጸማቀቲድቲ?

\* 1:12 ኬፋ፡ ሀዌ ግሪክ ሱንላ ግዲደ፡ ብለላይ ዛላ ግያዋ። ሀራ ጌሻ ማጻፋቱዋን ኬፋ ሱንላይ ጸጽሮሳ።

14 ታን ቃርሰጸሳጥን ጋዮሳጥ አትን፤ ሀንተንቱጥ ኦናን ጸማቃቤና ድራጫ፤ ጸሳ ጋላታይ።

15 ሄዋ ድራጫ፤ ኦንን ሀንተንታ ታጫ ግዳናዳን ጸማቀቱድታ ጋናጫ ዳንዳየና።

16 ቃይ፤ ኤ፤ እስጽፋኖሳ ሶይ አሳካ ታን ጸማቃድ። ሸን ሀራ ጉጂደ ጸማቃድታንቶን ዋዛና አላስ።

17 አያጫ ጎጥ፤ ክርሰቶሰ ታና ሞሽራቹዋ ቃላ ኦዳና ማላ ኪቴዳጥ አትን፤ ጸማቃና ማላ ኪትቤና፤ ቃይ ክርሰቶሰ ማስቃልያ ቦላ ሀይቄዳዌ መላ ግደና ማላ፤ ታን አሳ አዴዳ ኤራተላ ቃላን ታማርሰስ።

ክርሰቶሰ ጸሳ አዴዳ ኤራን ዋልቃ

18 አያጫ ጎጥ፤ ክርሰቶሰ ማስቃልያ ቦላ ሀይቄዳዋ ኦድያ ቃላይ ዳይያዋንቶ ኤያተላ። ሸን ኦጫ አትያዋንቶ ጸሳ ዋልቃ።

19 ጸሳ ማጻፋይ፤

“ታን ኤራንቻቱዋ አዴዳ ኤራተላ፤

ባይዛና፤

ቃይ አኬካንቻቱዋ አኬካካ

ዳይሳና”

ያጌ።

20 አዴዳ ኤራንቻይ ሀቃን ደኢ? ሀግያ ታማርሰያዌ ሀቃን ደኢ? ዋይ ሀ አላምያ ጸናናጫ ፓሎመትያዋንቱ ዋናንድኖሻ? ጸሳይ ሀ ሳኦ አዴ ኤራተላይ ኤያተላ ግድያዋ ባሴዳ!

21 አያጫ ጎጥ፤ አሳይ ባረ ሁጸ አዴ ኤራተላን ባረና ጸሳ ኤረና ማላ፤ ጸሳይ ባረ አዴ ኤራተላን ድጊደ፤ ኦን ኦድያ ኤያ ቃላን አማንያዋንታ አሻናጫ ቆፔዳ።

22 አይሁዳቱ ማላታ ኦቹና። ቃይ ግሪክ አሳቱ አዴ ኤራተላ ዋልቃማ ኮሻ ኮዪና።

23 ሸን ኦን ማስቃልያ ቦላ ሞሰማርያን ድሸቲደ ካቀቲዳ ክርሰቶሳባ ኤዴቶ። ሄዌ አይሁዳቶ ዱቦ፤ ቃይ አይሁዳ ግድናዋንቶ ኤያተላ።

24 ሸን ጸሳይ ጴሴዳዋንቶ አይሁዳቶካ ግሪካቶካ ኦን ኦድያ ጸሳ ዋልቃይን አ አዴ ኤራተላይ ክርሰቶሳ።

25 አያጫ ጎጥ፤ ጸሳ ኤያተላይ አሳ አዴዳ ኤራተላጥ አዴ፤ ቃይ አ ላፋተላ ጌተትያዌካ አሳ ሞናተላጥ ሞኔ።

26 ሰሞ ታናዳን አማንያዋንቶ፤ ጸሳይ ሀንተንታ ጴሴያ ዋይ ሀንተ ዋይሳ ማላ እስንቶ ቆጥተ። አሳ ቆፋን ሀንተ ግደን አዴ ኤራንቻቱ፤ ዋልቃማቱን ቶቃ ሼሻቱ ዳራ ግድክና።

27 ሸን ጸሳይ አዴዳ ኤራንቻቱዋ ዬላያናጫ፤ አላምያን ደኢያ ኤያቱዋ ደራዳ፤ ቃይ ሞናቱዋ ዬላያናጫ፤ አላምያን ደኢያ ላፋቱዋ ደራዳ።

28 ጸሳይ ሀ አላምያን ዋልቃማባ ጊደ ቆጥያዋ ዳይሳናጫ፤ ሀ አላምያ ማደናባ ካቶቶን ሀንቤናባ ደራዳ።

29 ሄዋ ድራጫ፤ ኦንን ጸሳ ሰንፋን ጨቀታናጫ ባሴና።

30 ሸን ጸሳይ ሀንተንቶ ክርሰቶሰ የሱሳ ደኤዋ ኦላ አሜዳ። ክርሰቶሰ ኦጫ አዴ ኤራተላ፤ ጽሎተላ፤ ጌሻተላን አቶተላ ግዴዳ።

31 ሄዋ ድራጫ፤ ጸሳ ማጻፋይ፤

“ጨቀትያ ኤራይ ኦንን፤

ጎዳይ ኦሌዳዋን ጨቀቶ”

ያጌ።

## 2

ኦን ክርሰቶሳ ካቃባ ማርካቲቶ

1 ታናዳን አማንያዋንቶ፤ ታን ጸሳ ቱማተላ ጹራ \* ሀንተንቶ ኦዳናጫ ሀንተንቱኮ ዬዳ ዋይ፤ ቶቃ ቃላንን አዴዳ ኤራተላን ኦዳናጫ ያሰይኤ።

2 አያጫ ጎጥ፤ ታን ሀንተንቱና ደኢደ፤ የሱሰ ክርሰቶሳጥን ቃይ ማስቃልያ ቦላ ሞሰማርያን ድሸቲደ አ ካቀቲዳዋጥ አትን፤ ሀራባ ኤረናዳን፤ ታ ቆፋ ቃቻድ።

3 ታን ዳቡራንን ያሻን ዳር ኮኮርሳን ሀንተንቱና ደኢድ።

4 ታን ታማርሰያዋን ኦድያዋ ጸሳ አያናንን ዋልቃን ቆንጭሳይጥ አትን፤ ጨሚ ግዲደ አዴዳ ኤራተላ ቃላና ግድና።

5 ሄዋ ድራጫ፤ ሀንተ አማኑ ጸሳ ዋልቃናጥ አትን፤ አሳ አዴ ኤራተላን ዘምጥቤና።

ጸሳ አዴዳ ኤራ

6 ኦን አያናን ዋዛናማቱዋ ግደን አዴ ኤራተላ ሃሳዬቶ። ሸን ሄዌካ ሀ አላምያ አዴ ኤራተላ ግደና፤ ዋይ ሀ አላምያ ሞድያ ዳይያዋንቱ አዴ ኤራተላ ግደና።

\* 2:1 ጸሳ ቱማተላ ጹራ፡- እት እት ጌሻ ማጻፋ ብለላቱ፤ ጸሳባ ማርካተላ፤ ያጊና።

7 ሸን ኑን ኦድያ አቶ ኤራተሳይ፣ ጸሓይ ካሰቲድ፣ ጮራ ዋድያፕ ካሰ ኑ ቦንቾ ደሬዳ አሳፕ ጌሜዳ እ ጹራ አቶ ኤራተሳ።

8 ሀ አላምያ ሞድያዋንቱፕ ኦንነ ሀ አቶ ኤራተሳ ኤርቤና። ኡንቱንቱ ኤራዳዋ ግድንቶ፣ ቦንቾ ጎዳ ማሰቃልያ ቦላ ምስማርያን ድሺደ ካቁክኖ።

9 ሸን ጸሓ ማጻፋይ፣ “ኦንነ አይፍያን በእቤናዋ፣ ሀይላንካ ሰሰቤናዋ፣ ቃይ ኦንነ ባረ ዋዛናን ቆፕቤናዋ ጸሓይ ባረና ሲቅያዋንቶ ገግሴዳዋ”

ግያዋዳን ኑን ሃሳዬቶ። 10 ጸሓይ ባረ ጹራ የወዋ ባረ አያናን ኑና ኤርሴዳ፤ አያወ ጎፕ፣ ጌሻ አያናይ ጸሓባ ሀራይ አቶ ጌሜዳ የወዋ ኡባ ብዴ።

11 አያወ ጎፕ፣ አሳን ደእያ አሳ አያናፕ አትን፣ አሳባ ኤርያዌ ኦኔ? ሀዋዳንካ፣ ቃይ ጸሓባ ጸሓ አያናፕ አትን፣ ኦንነ ኤረና።

12 ኑን ጸሓይ ኑወ እሜዳባ ኡባ ኤራናወ እ ኑወ የዴዳ አያና እኬደፕ አትን፣ አላምያ አያና እክበይኮ።

13 ኑን አያና የወዋ † አያና የወዋና ጋሊድ፣ ጌሻ አያናይ ኑና ታማርሴዳ ቃላን ሀዋ ሃሳዬቶፕ አትን፣ አሳ አቶ ኤራተሳይ ኑና ታማርሴዳ ቃላን ሃሳዮኮ።

14 ሸን ጌሻ አያናይ ባይና አሳይ ጸሓ አያና የወዋ እከና፤ አያወ ጎፕ፣ ሄዌ አወ ኤያተላ። የወ ጌሻ አያናን ፓጨትያ ድራወ፣ እ ኤራናወ ዳንዳየና።

15 ሸን ጌሻ አያናይ ደእያ አሳይ ኡባባ ሻኬ፤ ሸን እ ባረ ሁጸወ ኦናን ሻከተና።

16 አያወ ጎፕ፣ ጸሓ ማጻፋይ፣ “ጎዳ ዋዛና ኤርያዌ ኦኔ? እ ዘራናወ ዳንዳይያዌ ኦኔ?” ያጌ። ሸን ኑወ ክርሰቶሳ ዋዛናይ ደኤ። †

### 3

ጸሓ ካልያዋንቱ ኦሱዋ

1 ታናዳን አማንያዋንቶ፣ ታን ጌሻ አያናይ ደእያ አሳወ ሃሳይያዋዳን፣ ሀንተንቶ ሃሳናወ ዳንዳይበይከ።

ሸን ሀ አላምያ አሳወ ሃሳይያዋዳን አማኑዋን ምንቤና ክርሰቶሳን ደእያ ጉላ ናና ማላ አሳወ ሃሳይያዋዳን ሃሳያድ።

2 ሀንተንቱ ብር ምኖ ቁማ ማናወ ዳንዳይቤና ድራወ፣ ታን ሀንተንታ ማላ ፓካድ፤ ሀራይ አቶ፣ ሀእካ ዳንዳይበይክታ።

3 አያወ ጎፕ፣ ሀንተ ሀእካ ሀ አላምያ አሳዳን ደኢታ። ሀንተንቱ ሀ አላምያ አሳ ግድያዋ ሀንተ ግድን ደእያ ቃናቲን ፓሉማይ ኤርሰኔ? ቃይ ሀ አላምያ አሳዳን ሰመረቲታ።

4 አያወ ጎፕ፣ ሀንተንቱፕ እቱ፣ “ታን ጳወሎሳዋ” ጎፕ፣ ሀራይ ቃይ፣ “ታን አጲሎሳዋ” ጎፕ፣ ሀ አላምያ አሳ ማላ ግድክቲ?

5 ያትና፣ አጲሎሰ ኦኔ? ጳወሎሰ ኦኔ? ኑን ሀንተንታ አማንሴዳ ጸሓ ካልያዋንታ። ጸሓይ ኑወ ሁጲያን ሁጲያን እሜዳ ኦሱዋ ኦሴቶ።

6 ታን ፑትያ ቶካድ፤ አጲሎሰ ሃላ ኡሼዳ፤ ሸን ጸሓይ ፑትያ ድቼዳ።

7 ሄዋ ድራወ፣ ድቾያ ጸሓፕ አትን፣ ቶክያዌካ ሃላ ኡሽያዌካ አያን ግድና።

8 ቶክያዌን ሃላ ኡሽያዌ እት ማላ፤ ሸን ጸሓይ ሁጲያን ሁጲያን አ ዳቡራ ኬና አወ ዋይታና።

9 ኑን ጸሓወ እትፕ ኦሳያ አ ኦሳንቻቱዋ ግድያ ድራወ፣ ሀንተ አ ኦሱዋ ሳኦ።

ቃይካ ሀንተ ጸሓ ጎልያ።

10 ጸሓይ ታወ እሜዳ አቶ ኬካተላን ኤራንቻ አናጽዳዳን፣ ጎልያ ባሱዋ ባሳድ። ሀራ ኡራይ እ ቦላ ኬጾ። ሸን እ ቦላ ኬጽያ ኦንነ ዋት ኬጽንቶ፣ ባረ ሁጸወ ናገቶ።

11 አያወ ጎፕ፣ ጸሓይ የሱሰ ክርሰቶሳ ጸላላ ባሶ ኦሊደ ዋሴዳ። አፕ ሀራ ባሱዋ ባሳናወ ኦንነ ዳንዳየና።

12 ሸን ሀ ባሱዋ ቦላ ኦንነ ዋርቃን ግድና፣ ብራን ግድና፣ አልኦ ሹቻን ግድና፣ ምላን ግድና፣ ጋታን ዋይ ማቃን ኬጸፕ።

13 አሳ ኡባ ኦሱ ቆንጭያ ከሳናዋ። አያወ ጎፕ፣ ታማን ቆንጫና ድራወ፣ ሄ ጋላሳይ አሳ ኡባ ኦሱዋ በሳና። አሳይ ኡባይ ባረ ኦሱዋ ዋት ኦሴደንቶን ታማይ ፓጫና።

2:9 እሳ. 64:4 † 2:13 አያና የወዋ- ጌሻ አያናይ እሜዳ ቃላ። ‡ 2:16 ኑወ ክርሰቶሳ ዋዛናይ ደኤ- ሀዋ ጉሳይ፣ ኑን ክርሰቶሰ ቆፕያዋዳን ቆፕቶ ጉሳ። 2:16 እሳ. 40:13

14 ኦን ሳሱዋ ቦላ ኬጼዳ ኦሱ ሞኒደ አቶ፡ እ ዋይታ አካናዎ።

15 ኦ ኦሱነ ፑደቶ፡ ሄ ኡራይ ቆሄታና። እ ባረ ሁጳው አታና፤ ሽን ታማ ግደፕ ከሰ አኮዋዳን አታና።

16 ህንተንቱ ጸሳይ አቅያ ጌሻ ጎልያ ግድያዋን ጸሳ አያናይ ህንተንቱን ደእያዋ ኤርክቲ።

17 ኦን ጸሳ ጌሻ ጎልያ ኮሎፕ፡ ጸሳይ አ ኮላና። አያው ጎፕ፡ ጸሳይ አቅያ ጌሻ ጎሊ ጌሻ፤ ሄ ጌሻ ጎሊካ ህንተንታ።

18 ኦን ባረ ሁጳያ ጭዋፖ። ህንተንቱ፣ ኦን ባረና ሀ አላምያን አቶ ኤራንቻ ያጊደ ቆፖ፡ አቶ ኤራንቻ ግዳናው፡ ኤያ ግደ።

19 አያው ጎፕ፡ ሀ አላምያ አቶ ኤራተሳይ ጸሳ ሰንሳን ኤያተሳ። ጸሳ ማጻፋይ፡

“ጸሳይ አቶ ኤራንቻቱዋ፡ ኤንቱንታ ኤንቱንቱ ገንያን ኦይቄ”

ያጌ።

20 ቃይ፡

“አቆዳ ኤራንቻቱዋ ቆፋይካ፡ ማዲ ባይናዋ ግድያዋ ጎዳይ ኤሬ”

ያጌ።

21 ሄዋ ድራው፡ ኦን አሳን ጨቀቶ። አያው ጎፕ፡ ኡባባይካ ህንተዋ።

22 ጳውሎሰካ፡ አጲሎሰካ፡ ኬፋይካ፡ ሀ አላሚካ፡ ደኡካ፡ ሀይቁካ፡ ሀእ ደእያዋካ፡ ሰንሳፕ ያናዌካ፡ ኡባይካ ህንተዋ።

23 ህንተንቱ ክርሰቶሳዋንታ፤ ክርሰቶሰካ ጸሳዋ።

### 4

ክርሰቶሳ ካልያዋንታ

1 አሳይ ኦና ክርሰቶሳው አለያዋንቱዳንን ጸሳ ጎሊን ደእያ ጸራና ግያ አሳዳን ቆፖ።

2 ያቲደ ሄ አሳቱ ባረንቱ ጎዳው አማነቲዳዋንታ ግዲደ፡ ቤታናው ኮሺ።

3 ሽን ህንተ ዋይ ሀራይ ታ ቦላ ፕርዶፕ፡ አይነ ግደና። ሀራይ አቶ፡ ታንካ ታ ሁጲያን ፕርድከ።

4 አያው ጎፕ፡ ታን ታ ሁጲያን አያኔካ ኤርያባይ ባዋ፤ ሽን ታና ሄዌ ጸልሰና። ታና ፕርድያዊ ጎዳ።

5 ሄዋ ድራው፡ ጎዳይ ቆማን ጌሜዳባ ፖኡዋ ከሰያዌ፡ ዋዛና ቆፋ ቆንጭሰያዊ ያና ዋዲ ጋካናው ኦ ቦላንን ኦናን ፕርዶፕ። ሄ ዋይ፡ አሳይ ኡባይ ሁጲያን ሁጲያን ጸሳፕ ሳባ ደማናዋ።

6 ታናዳን አማንያዋንቶ፡ ህንተንቱ፣ ኦን አቱ ታማርሰያዋ ሳቢደ፡ ሀራይ ታማርሰያዋ ቦረና ማላ፡ “ጸሳ ማጻፋን ጸፈቲዳዋ ቦንቻ” ያግያዋ ህንተ ኦናና ታማራና ማላ፡ ህንተ ድራው፡ ታባነ አጲሎሳባ ሊምሱዋዳን አዳድ።

7 አያው ጎፕ፡ ሀራቱዋፕ ኔና ኦኔ ቆቂሴዳዌ? ኔን ጸሳፕ አካቤናባይ ነው አይ ደእያዋ? ያትና፡ ኔን አኬዳዋ ግደፕ፡ አያው አካቤናዋዳን ጨቀታይ?

8 ሀእ ህንተ ካሌድታ። ሀእ ዲረቲድታ። ኦን ባይናን ህንተረካ ካውቲድታ። ኦንካ ህንተንቱና ካተታናዳን፡ ህንተ ካውቲድተንቶ ሎአ ሽን።

9 አያው ጎፕ፡ ታው ማላትያዋዳን፡ ኦን ሀ ሳአው፡ ኪታንቻቶን አሳው ካሳ ግዴዳ ድራው፡ ጸሳይ ኦና የሱሰ ኪቲዳዋንታ ሀይቆ ፕርደቲዳ አሳዳን፡ ኡባፕ ወርሰሳ ኦሌዳ።

10 ኦን ክርሰቶሳ ድራው ኤያ፡ ሽን ህንተ ክርሰቶሳን አቆዳ ኤራንቻ። ኦን ዳቡራንቻ፡ ሽን ህንተ ሞና። ህንተንቱ ቦንቼቲዳዋንታ፡ ሽን ኦን ቶሽቲዳዋንታ።

11 ሀ ዋዲ ጋካናው፡ ኦን ኮሻቲቶ፤ ሳመቲቶ፤ ካሎቲቶ፤ ደሽቲቶ። ቃይ ደእያ ሳአ ቆይደ ዩዬቶ።

12 ኦን ኦ ኩሽያን ኦሊደ ዳቡሬቶ። ኦና አሳይ ሽቂያ ዋይ፡ አንጄቶ። ኦና የደርሰ ዩይያ ዋይካ ዳንዳዬቶ።

13 ኦ ቦላ ኢታባ ሃሳይያ ዋይ፡ ኦን ሎኦ ቃላ ዛሬቶ። ኦን ሀዋ ጋካናሰካ፡ ሀ ሳአ ፕቲዋን ኡባባ ቡራ ግዴዳ።

14 ታን ታ ሲቅያ ናናዳን፡ ህንተንታ ሴራናው ሀዋ ጸፋድፕ አትን፡ ዩላያናው ጸፋቢይከ።

15 አያው ጎፕ፡ ክርሰቶሳን ህንተንታ ድቕያ ታው ሻአ አሳይ ህንተንቶ ደአፕካ፡ ህንተንቶ እት አውዋፕ ሀራይ ባዋ። አያው ጎፕ፡ ታን ሞሽራቹዋ ቃላ ህንተንቶ አሄዳዋዳን፡ ክርሰቶሳ የሱሳን ህንተንቶ አውዋ ግዳድ።

16 ሰዎ ታናዳን ህንተ ያጋደ ህንተንታ ዋሳይ።

17 ሃዋ ድራው፡ ጎዳን አማኒቴዳ ታ ሲቅያ ታ ናኣ ጽሞቶሳ ህንተንቱኮ ከታድ። እ ኡባ ሳኣን ደእያ አማንያ አሳ ኡባው ታን ታማርሰያ ክርሰቶሳ የሱሳን ደእያ ታ ኦግያ ህንተንታ ሀሳይሳናዋ።

18 ታን ህንተንታ በእናው ህንተንቱኮ ዩናባ ማለትና፡ ኦቶረትያ እት እት አሳቱ ደእኛ።

19 ሸን ጎዳይ ጎጥ፡ ታን ህንተንቱኮ ኤለካ ባይ ሄ ኦቶረትያ አሳቶ ሃሳያ ግደናን፡ ኡንቱንቱ ዋልቃ ኤራና።

20 እያው ጎጥ፡ ጸሳ ካውተላይ ጸሳ ዋልቃናጥ እትን፡ ሃሳያና ግደና።

21 ታን ህንተንቱኮ ሙርያ ጸምኦና ዮዮ ዋይ ሲቁዋናን አሸከ እያናና ዮ? ሀቃዋ ደሪቴ?

### 5

አማንያ አሳ ግደን አስቲዳ ፖኮባ

1 ህንተንቱ ግደን ፖኮ ዋሹማ ኦሱ ደእያዌ ዝግረቲ፤ ሃዋ ማላ ፖኮ ዋሹማ ኦሱ ሀራይ አቶ፡ ጸሳ አማኒና አሳ ግደንን ባዋ። እያው ጎጥ፡ ባረ አውዋ ማቻቶ እኬዳ አሳይ ደኤ።

2 ህንተንቱካ ኦቶረቲድታ። ሃዋጥ ህንተ ካዮታናው በሰኔ? ሃዋ ማላ ፖኮ ኦሱዋ ኦሌዳ ብታኒ ህንተ ግደጥ ክቻናው በሴ።

3-4 እያ ግድናካ ታን ታ አሳተላን ህንተንቱና ደኤናን ጸዮጥካ፡ እያናን ህንተንቱና ደእይ። ሀእ ህንተንቱና ደእያዋዳን ሀናደ፡ ሃዋ ማላ ኦሱዋ ኦሌዳ ብታንያ ቦላ ኑ ጎዳ የሱሰ ክርሰቶሳ ሱንላን ፕርዳድጋድ። ህንተንቱን ታ እያናይ ኑ ጎዳ የሱሰ ክርሰቶሳ ዋልቃና እትጥ ሸቂደ።

5 ሄ ብታንያ እያናይ ጎዳ የሱሰ ፕርዳው ይያ ጋላሳን አታና ማላ፡ ናጋራን ኩሜዳ እ ቦላ ኮላናዳን ሴጻናው ህንተ አማናዳን፡ ታን ፕርዳድ።

6 ህንተንቱ ጨቁ ሎኣ ግደና። ጉላ እርሹ ሙናቃ ኡባ ደንሐያዋ ኤርክቱ?

7 ህንተንቱ ኦራላ ግዳና ማላ፡ ናጋራ እርሹ ጫሌዳዋ ከሰተ። ህንተንቱ እርሹ ባይና ሙናቃ ማላ። እያው ጎጥ፡ ኑ ፓሰጋ ደርሳይ፡ ክርሰቶሰ ያርሸቲዳ።

8 ሃዋ ድራው፡ ኑን ኡክላ ባላ ሱረተላንን ቱማተላን ቦንቻናጥ እትን፡

ጫላ እርሹዋን፡ ኢታተላ እርሹዋንን ጌላተላ እርሹዋን ቦንቻኮ።

9 ዋሹማናው ቆፕያዋንቱና ህንተ እትጥ ጋይተና ማላ፡ ህንተንቶ ዳብደቢያ ጸፋድ። \*

10 ታን ግያዌ ሀ አላምያን ደእያ ዋሹማናው ቆፕያዋንቱጥ ዋይ ዮራትያዋንቱጥ፡ ካይሶትያዋንቱጥ ዋይ ኤቃው ጎይንያዋንቱጥ ኡባካ ሻከታና ማላ ግደና። ሃዋ ግደጥ፡ ሀ አላምያጥ ህንተ ሻከት ባናው በሴ ጉሳ።

11 ሸን እሻቱዋ ሀእ ጌተትያዋንቱጥ እቲን ዋሹማናው ቆፕያዋንቱ ዋይ ሚሻው ዮራትያዋንቱ ዋይ ኤቃው ጎይንያዋንቱ ዋይ አሳ ሱንላ ባይዝያዋንቱ ዋይ ማላትያዋንቱ ዋይ ወእያዋንቱና ህንተንቱ እትጥተላ ኦር ማላ፡ ታን ህንተንቶ ጸፋድ። ሃዋንቱ ማላና ሀራይ አቶ፡ ቁማካ እትጥ ሞጥተ።

12 እያው ጎጥ፡ ዋሳ ጎለጥ ካረና ደእያዋንቱ ቦላ ፕርዳናው ታና እዬ ጋሊ? ህንተንቱ ግደን ዋሳ ጎለን ደእያዋንቱ ቦላን ህንተ ፕርድክቱየ?

13 ሸን ካረና ደእያዋንቱ ቦላን ጸሳይ ፕርዳና። ሄ ኢታባ ኦሌያ ኡራ ህንተ ግደጥ ከሰ ድግተ።

### 6

አማንያ አሳ ግደን ደእያ ዋላሳ ዋቲደ ጳይሳናው በሲ?

1 ህንተንቱጥ እት ኡራው ባረ እሻና ሞቱ ደእያባ ግደጥ፡ አማንያዋንቱ ቦላ ፕርደታናዋ ባሺደ፡ አማኒናዋንቱ ቦላ ፕርደታናው ዋን ጸሊደ ቤዳ?

2 አማንያዋንቱ አላምያ ቦላ ፕርዳናዋ ኤርክቱ? ያትና፡ አላምያ ቦላ ህንተ ፕርዳናዋንታ ግደጥ፡ ኡባባጥ ጉጵያዋ ፕርዳናው ዳንዳይክቱ?

3 ሀ ደኡዋባይ አቶ ሸን፡ አማንያዋንቱ ከታንቻቱዋ ቦላ ፕርዳናዋ ኤርክቱ?

4 ያትና፡ ህንተንታ ሀ አላምያ ደኡዋባው ፕርዳ ጎለ ቡሳይ ኮሾጥ፡ አማንያ አሳይ ካዴዳ አሳን ፕርድሳናው አፊቱ?

5:1 ዛረ. 22:30 5:7 ከሳ 12:5 5:8 ከሳ 13:7፤ ዛረ. 16:3 \* 5:9 ዳብደቢያ ጸፋድ፡- ሀዋ ጸፋናጥ ካሰና ጳውሎስ ቆርንቶሳ እሳው ጳፌዳ ሀራ ቆንጭንን ኤረትቤና ዳብደቢ ደኤ ጉሳ። 5:13 ዛረ. 13:5፤ 17:7



5 ታን ህንተንታ ዩላያናዉ ሀዋ ጋይ፤ ሀዋ ግዳናዉ በሲ? ህንተንቱ ግደን እሻቱዋ ሰገላናዉ ዳንዳይያ ሎኦ ኤራንቻ እሳይ እቱነ ባዌ?

6 ሸን እት እሻይ የኮ እሻ ፕርዳ ጎለን ሞቲደ፣ ሄ የወዋ አማነና አሳን ፕርድሲ?

7 ሰም እቱ እቱዋ ሞትያዌ ህንተ ግደን ደአፕ፣ ሄዌ ህንተ ኩንዴዳዋ በሴ። ሄዋፕ ህንተ ናቀትያዌነ ጭመትያዌ ሎኤኔ?

8 ሸን ህንተ ህንተ ሁጸዉ እቱ እቱዋ ሀራይ አቶ፣ ህንተ እሻቱዋካ ናቂታነ ጭሚታ።

9 ዎይ ማካላንቻቱ ጸሳ ካዉተላ ላተናዋ ኤርክቱ? ባሎፕተ። ዎሹማናዉ ቆፕያዋንቱ ዎይ ኤቃዉ ጎይንያዋንቱ ዎይ ዎሹምያዋንቱ ዎይ እቱማዋ ግዲደ፣ እቱማዋና ግሰያዋንቱ።

10 ዎይ ካይሳቱ ዎይ ሚሻዉ የራትያዋንቱ ዎይ ማላትያዋንቱ ዎይ እሳ ሱንላ ባይዘያዋንቱ ዎይ ቦንቂያዋንቱ ጸሳ ካዉተላ ላትክና።

11 ህንተንቱፕካ እት እት እሳይ ሄዋንቱ ማላ። ሸን ጎዳ የሱሰ ክርሰቶሳ ሱንላንነ ኑ ጸሳ እያናን ህንተ ማጨቲደ ጌዬድታ፤ ቃይ ጽሌድታ።

ህንተንቱ አሳተላ ጸሳ ቦንቾ ፔሸተ

12 እት ኡራይ፣ “ታን ኮዬዳባ ኡባ ኦላናዉ ዳንዳይያ” ጋና ዳንዳይያ። ሸን ኡባይካ ታና ማደና። ታን ኮዬዳባ ኡባ ኦላናዉ ዳንዳይያ። ሸን እይኔካ ታና ሞደና።

13 ቃይ ሀራይካ፣ “ቁማይ ኡሉዋባ፤ ኡሉካ ቁማሳ” ጌ። ሸን ጸሳይ ኡሉዋካ ቁማካ ቆይሳና። አሳ አሳተላይ ጎዳ የሱሳሳፕ አትን፣ ዎሹማሳ ግደና። ጎዳ የሱሰካ አሳ አሳተላሳ።

14 ጸሳይ ጎዳ የሱሳ ሀይቁዋፕ ደንሌዳ፤ ቃይ ኑናካ ሀይቁዋፕ ባረ ዎልቃን ደንላና።

15 ህንተንቱ አሳተላይ ክርሰቶሳ አሳተላና እቱዋ ግድያዋ ህንተ ኤርክቱ? ያትና፣ ታን ክርሰቶሳ አሳተላና እቱዋ ግድያዋ እፋደ፣ ጫራት አሳተላና እቱዋ ኦላናዉ በሲ? በሰና!

16 ዎይ ጫራትና እትፕተላ መድያ ኡራይ እዝና እት አሳተላ ግድያዋ ኤርክቱ? እያዉ ጎፕ፣ ጸሳ ማጸፋይ፣

“ኡንቱንቱ ላአቱ እት እሾ ግዳና” ያጌ።

17 ሸን ጎዳና እትፕተላ መድያ ኡራይ እያናን አናና እቱዋ ግዴ።

18 ዎሹማፕ ሃክተ። እት ኡራይ ኦልያ ሀራ ናጋራ ኡባይ ኦ አሳተላፕ ካረና ደኤ፤ ሸን ዎሹምያዌ ባረ ቦላን ናጋራ ኦሌ።

19 ዎይ ህንተ ቦላይ ጸሳይ ህንተንቶ እማዳ ህንተንቱን ደእያ ጌሻ እያይ እቅያ ጌሻ ጎልያ ግድያዋ ኤርክቱ? ቃይ ህንተ ህንተ ሁጸያሳ ግድክታ።

20 እያዉ ጎፕ፣ ጸሳይ ህንተንታ ጋትያን ሻማዳ። ሄዋ ድራዉ፣ ህንተ አሳተላን ኦ ቦንቾተ።

### 7

ገሉዋ አካባሰ ኦሸቲዳ ኦሻነ እመቲዳ ዛሩዋ

1 ህንተንቱ ታዉ ጸፊዳ የዎ አቱማ አሳይ ማጫዉና ቦቼንንቶ ሎኦ።

2 ሸን ዎሹማ ጋሱዋ ድራዉ፣ አቱማ አሳዉ ሁጸያን ሁጸያን ማቻታ ደኤ። ቃይ ማጫ አሳዉካ ሁጸያን ሁጸያን አሰናይ ደኤ።

3 አሰናይ ባረ ማቻትዉ አሰናተላን በሰያባ ኦላ፤ ቃይ ሄዋዳን፣ ማቻታካ ባረ አሰናዉ ማቼተላን በሰያባ ኦላ።

4 ማቻታ ባረ አሳተላዉ ጎዳ ግዲኩ፤ ሸን እዘ አሰናይ ጎዳ። ሀዋዳንካ፣ ቃይ አሰናይ ባረ አሳተላዉ ጎዳ ግደና፤ ሸን ኦ ማቻታ ጎዳ።

5 ህንተንቱ ህንተ ግደን ጸሳ ዎሳን ገንጫናዉ ሄ ዎድያዉ ዘረታን ድገታናፕ አትን፣ እቱ እቱዋ ድጎፕተ። ህንተንቱ ህንተንታ ናገና ድራዉ፣ ሴጸናይ ህንተንታ ፓጨናዳን፣ እትፕ ደእተ።

6 ሸን ታን ህንተንታ ሄዋ ህንተ ደሶዋዳን ህንተ ጋይፕ አትን፣ ኦዛዘክ።

7 ታን አሳይ ኡባይ ታናዳን ሀንንቶ ደሳይ። ሸን ጸሳይ አሳዉ ሁጸያን ሁጸያን ዳማ ዳማ እሞታ እም ዎሌዳ፤ እቶ ሀዋዳን፣ ቃይ የኮ ሄዋዳን እም ዎሌዳ።

8 ሄዋ ድራዉ፣ ታን ማቻቶ አክቤናዋንቱን አሰናይ ሀይቆ ማጫዋንቱ ታናዳን ጮ ደኤናንቶ፣ ኡንቱንቶ ሎኦ ጋይ።

9 ሸን አሙዋን ጉደትያዋጥ አክያዌን ገልጻዊ ሎኦ ግድያ ድራው፡ ኡንቲንቱ ባረንታ ናጋናዉ ዳንዲያና ጳዮፕ፡ አክኖን ገልፍ።

10-11 ማቻታ ባረ አሰናፕ ሻከቱቱ። ሸን ሻከቶፕን ገለናን ደኡ፤ ዎይ ባረ አሰናና ሰገቱ። አሰናይካ ባረ ማቻቶ የዶፖ ያጋደ፡ እኩዳዋንታን ገሌዳዋንታ አዛዛይ። ሸን ሀዋ አዛዝያዌ ጎዳፕ አትን፡ ታና ግድከ።

12 ታን ሀራቱዋ ሀዋዳን ጋይ፤ ጎዳ ግድና። አማናና ማቻታ ደእያ አማንያ አሳይ ኦንነ ደአፕ፡ አ ማቻታ አናና አትፕ ደእያዋ አ ደሶፕ፡ አዘ የዶፖ።

13 ቃይ አማናና አሰናይ ደእያ አማንያ ማቻታ ደአፕ፡ አዘ አሰናይ አዘና አትፕ ደእያዋ አዘ ደሶፕ፡ አፕ ሻከቱቱ።

14 እያዉ ጎፕ፡ አማናና አሰናይ ባረ አማንያ ማቻትና ደኢደ ጌዬዳ። ቃይ አማናና ማቻታ ባረ አማንያ አሰናና ደኢደ ጌያዲ። ሄዌ ባዌንቶ፡ ሀንተንቱ ናናይ ቱና፤ ሸን ሀእ ኡንቲንቱ ጌሻ።

15 ሸን አማናናዌ ሻከታና ኮዮፕ ሻከቶ። አማንያ ማቻቶ ግድና፡ ዎይ አሰና ግድና፡ ሀዋ ማላ የዉዋን ቃሽትክና። እያዉ ጎፕ፡ ጸሳይ ኑና ሳርፕተላን ደአናዉ ጴሴዳ።

16 አማንያ ማቻቱ፡ ኔን ነ አሰና አሻንንቶን ኦ ኤር? ዎይ አማንያ አሰናዉ ኔን ነ ማቻቶ አሻንንቶን ኦ ኤር?

ጸሳይ ሀንተንታ ኮይር ጴሴያ ዎይ ሀንተንቱ ደእያ ሀናታን ደአፕ

17 ግድፕን፡ አሳይ ሁጲያን ሁጲያን ጎዳይ አዉ አሚዳዋዳንን ቃይ ጸሳይ ባረና ጴሴዳዋዳን ደኡ። ሄዌ አማንያ አሳ ኡባ ታን ታማርሴዳ ሀግያ።

18 ኦንነ ቃጸረት ኡቲደ፡ ጸሳ አማኔዳዋ ግድፕ፡ ባረ ቃጸራ ማላ ድጎ። ቃይ ኦንነ ቃጸረተናን ደኢደ፡ ጸሳ አማኔዳዋ ግድፕ ቃጸረቶ።

19 እያዉ ጎፕ፡ ጸሳ አዛዙዋ ናጋናፕ አትን፡ ቃጸረትና ቃጸረታና ጳይና አላሊ ባዋ።

20 አሳይ ሁጲያን ሁጲያን ጸሳይ ባረና ጴሴያ ዎይ ደእያዋዳን ደኡ።

21 ጸሳይ ኔና ጴሴያ ዎይ ኔን አይለ? አይነ ባዋ፤ ሸን ኔን አይለተላፕ ከሳናዉ ዳንዳዮፕ ከሳ።

22 እያዉ ጎፕ፡ አይለ ግድ ኡቱዳ አሳ ጎዳይ ጴሶፕ፡ አ ጎዳይ አይለተላፕ ከሴዳ አሳ። ሀዋዳንካ፡ አይለ ግድና

አሳ ክርሰቶሰ ጴሶፕ፡ አ ክርሰቶሳ አይለ።

23 ጸሳይ ሀንተንታ ጋትያን ሻሚዳ። አሳ አይለ ግድፕተ።

24 ታናዳን አማንያዋንቶ፡ አሳይ ሁጲያን ሁጲያን ጸሳይ አ ጴሴያ ዎይ ደእያ ደኡዋዳን፡ ጸሳና ደኡ።

ገለት አከትቤናዋንቱባነ አምኤቱዋባዉ አሸቲዳ አሻ

25 ዎድራቶ ጎዳይ ታና አዛዜዳባይ ባዋ። ሸን ታን ጎዳዉ አማነቲዳዋ ግዴዳ ድራዉ፡ አፕ ማርተላ አኬዳዋዳን፡ ሀንተንታ ዘራይ።

26 ሰዎ ሀእ ሙቶ ታዉ ሀዌ ሎኦ ማላቲ፤ አሳይ ሀዋዳን ሀኒደ ደአፕ ሎኦ።

27 ኔን ማቻቶ አካ ድጌዳዋ ግድፕ፡ አዘ የዳናዉ ኮዮፕ። ማቻቶ አካቤናዋ ግድፕ፡ አካናዉ ኮዮፕ።

28 ሸን ኔን ማቻቶ አኮፕ፡ ናጋራ ኦላባይካ። ወድራታካ አሰና ገሎፕ፡ ናጋራ ኦላባይኩ። ሸን አከትያዋንቶን ገለትያዋንቶ ኡንቲንቱ ደኡዋን ዎልቃማ ሙቱ ደኤ። ታን ሀንተንታ ሄ ሙቱዋፕ አሻናዉ ኮያይ።

29 ሸን ታናዳን አማንያዋንቶ፡ ታን ግያዌ ሀዋ፤ ዎዲ ዉራዲ። ሀዋፕ ሰንሳዉ አኬዳ አሳቱ፡ አክቤና አሳዳን ሀንኛ።

30 ዬክያዋንቱ ዬከናዋዳን፡ ናሽትያዋንቱ ናሽተናዋዳን፡ ሻምያዋንቱካ ሻሚደ አይነ ባይናዋዳን፡

31 ሀ አላምያ ደኡዋን ማደትያዋንቱ ኡባካ ማደተናዋዳን ሀንኛ። እያዉ ጎፕ፡ ሀ አላምያ ደኡ አትያዋ።

32 ሀንተንቱ ሀርገናን ደእናዋ ታን ደሳይ። አክቤናዌ ጎዳ ናሽቻናዉ ኮይያ ድራዉ፡ አ ኦሱዋባ ቆፔ።

33 ሸን አኬዳዌ ባረ ማቻቶ ናሽቻናዉ ኮይያ ድራዉ፡ ሳኦባ ቆፔ።

34 አ ቆፋይ ሻከቲዳ። አሰና ገላቤና ወድራታ ባረ አሹዋንነ ባረ ሸምፑዋን ጌያናዉ ኮይያ ድራዉ፡ ጎዳ ኦሱዋባ ቆፓዉ። ሸን አሰና ገሌዳዉና ባረ አሰና ናሽቻናዉ ኮይያ ድራዉ፡ ሳኦባ ቆፓዉ።

35 ታን ሀዋ ሀንተንታ ማዳና ማላ ጋይፕ አትን፡ ሀንተንታ ጴባናዉ ጊከ። ሸን ሀንተ ሰሰዋዳን ደኢደ፡ ጎዳ ኦሱዋ ሀንተና አሚደ ኦላና ማላ ኮያይ።

36 ኦንነ ባረ ገግሴዳ ዎድራቶ እክያ ዎዲ ጋክና፡ ባረና ናጋናዉ እዉ ዳንዳየተናን እጸጥ፡ እዞ እኮ፡ እ እዞ እኮጥ፡ ሄዋን ናጋራይ ባዎ።

37 ሸን እ ባረ ዎዛናን ሞኖጥ፡ እከናን ጋምእና ዳንዳዬ። ቃይ ባረና ናገደ፡ ባረ ገግሴዳ ዎድራቶ እከናን ጋምእና ጎጥ፡ ኦንነ ዎልቃን ስናን ባረ ዎዛናን ቆፋ ቃቼዳዎ ግደጥ ሎይሌዳ።

38 ሄዎ ድራዉ፡ ዎድራቶ እክያ ኡራይ ሎይሌዳ፤ ቃይ እከናዌ ኡባ እላ ሎይሌዳ።

39 አሰና ገሌዳ ሞሽራታ ባረ አሰናይ ደኤዳ ኬናን እናና እትጥ ደእናዳን ቃሸታ ኡታዳ። ሸን እ ሀይቆጥ፡ ጎዳ አማንያ አሳ ኦናን ግደጥ፡ ባረ ደሴዳ አሰና ገላናዉ ዳንዳያዉ።

40 ታ ቆፋ ግደጥ፡ ገላናን ደእንቶ፡ እዛ ናሸቻን ደእና። ቃይ ታናን ጸሳ አያናይ ደእያዎ ታን ኤራይ።

8

ኤቃዉ ያርሼቲዳ ቁማባ

1 ኤቃዉ ያርሼዳ ቁማባ ግደጥ፡ ኩን ኡባይካ ኤሬቶ። ኤራይ ኦቶርሴ፤ ሸን ሲቁ አማኑዋን ድቼ።

2 ኦንነ ባረዉ እትባ ኤርያዎ ማላቶጥ፡ እ ብር ኤራናዉ በሰያዎ ኤርሴና።

3 ሸን ኦንነ ጸሳ ሲቆጥ፡ ጸሳይ አ ኤሬ።

4 ሄዎ ድራዉ፡ ኤቃዉ ያርሼዳ ቁማ ሙሳባ ግደጥ፡ ኤቃ ኡባይ አላሞያን አያን ግደናዋን፡ እት ጸሳጥ እትን፡ ሀራይ ባይናዎ ኩን ኤሬቶ።

5 አያዉ ጎጥ፡ ጮራ ጸሳቲነ ጮራ ጎዳቱ ደእና። ሸን ሀራይ አቶ፡ ሳሉዋን ግድና ሳኳን ግድና፡ ጸሳቲዎ ጌተትያዎንቱ ደእጥካ።

6 ኡባባ መጺዳዌ ኩን አዉ ደእያዌ፡ እት ጸሳይ፡ አዉ፡ ኑዉ ደኤ። ቃይ ኡባባይ እን መጠቲዳዌነ ኩን እን ደእያዌ እት ጎዳይ፡ የሱስ ክርሰቶሰካ ኑዉ ደኤ።

7 ሸን ሀ ኤራይ አሳ ኡባዉ ደኤና። እት እት አሳቱ ኤቃ ዶዬዳ ድራዉ፡ ሀእ ጋካናዉ ማና፡ “ኤቃዉ ያርሼዳ ቁማ” ያገደ ማና። ቃይ ኡንቱንቱ ዎዛናይ ሸጋ ግዴዳዎን፡ ኡንቱንቶ ሀ ቁማን ቲኔዳዎ ማላቲ።

8 ሸን ቁማይ ኑና ጸሳኮ ሸቃናዳን ማደና። ኩን ማና ቆይንቶካ ኑዉ አይነ ፓጩና፤ ሞጥነ ኑዉ አይነ ጉጀተና።

9 ሸን ሀዌ ሀንተ ሀንተ ደሶዎዳን ሀንያዌ ሹጎ አማኑዎና ደእያዎንታ ናጋራን የገና ማላ ናገትተ።

10 አያዉ ጎጥ፡ ኔን ኤራንቻይ ኤቃዉ ያርሼዳ ቁማ ማናዉ ኤቃ ጎልያን ኡቲዳ ዎደ፡ ሹጎ አማኑዎና ደእያ እት አሳይ ኔና በእጥ፡ ኤቃዉ ያርሼዳ ቁማ አ ማናዉ አ ዎዛናይ ቆጥኔዬ?

11 ሄዎ ግደጥ ሀ ሹጎ አማኑዎና ደእያ ነ እሻይ፡ ክርሰቶሰ አ ድራዉ ሀይቁዳዌ፡ ነ ኤራን ባዬ።

12 ሀዎዳንካ፡ ሀንተ ሀንተ እሻቲዎ ናቁያዎንነ ኡንቱንቱ ሹጎ ዎዛና ማይልያዎን ክርሰቶሳ ናቂታ።

13 ሄዎ ድራዉ፡ ቁማይ አማንያ ታ እሻ ቆቢያዎ ግደጥ፡ አ ቆቢና ማላ፡ ታ ደእያ ላይላን ሙላካ እሹዎ ሚከ።

9

የሱስ ኪቲዳዎንቶ ደእያ ማታነ ኡንቱንቱ ኦላናዉ በሰያባ

1 ታን እይለተላይ ባይና አሳ ግድክታ፡ የሱስ ኪቲዳዎ ግድክታ? ኑ ጎዳ የሱስ ክርሰቶሳ በአበይክታ? ሀንተንቱ ታን ጎደዉ ኦሌዳ ታ ኦሱዋጥ ቤቲዳዎንታ ግድክቲዬ?

2 ታን ሀራንቶ የሱስ ኪቲዳዎ ግዳና ቆየጥካ፡ ሀንተንቶ የሱስ ኪቲዳዎ ግድያዌ ኤረቲዳዎ፤ አያዉ ጎጥ፡ ታን ጎዳን የሱስ ኪቲዳዎ ግድያዎ ሀንተ ማርካ።

3 ታና ቦርያዎንቶ ታን እምያ ዛራ ሀዎ።

4 ማናዉነ ኡሻናዉ ኑዉ ማት ባዌ?

5 የሱስ ኪቲዳ ሀራቲዎዳንነ ጎዳ እሻቲዎዳን፡ ጳድሮሳዎዳን፡ ኤና ግያ ማቻቶ እትጥ እኪደ ባናዉ ኑዉ ማታይ ባዌ?

6 ዎይ ኑ ደኦ ኦሌደ ባጸታናዉ በሰያዌ ታናን ባርናባሳ ጸላሌ?

7 አይ ዎደነ ባረ ሚሻ ሚደ፡ ዎታዳራተላ ኦላያዌ ኦኔ? ዎይ ዎይንያ ቲራ ቶኪደ፡ አ አይፍያ ሚናዌ ኦኔ? ዎይ ሚዛ ዉድያ ሄሚደ፡ ሄ ሚዛ ዉድያጥ ማላ ኡሸናዌ ኦኔ?

8 ታን ሀዎ አሳ ቆፋ ጸላላን ጋይታ? ዎይ ሀገ ቃይ ሀዎ ጌኔ?

9 አያዉ ጎጥ፡ ሙሴ ህግያን፡ “ካላ የድያ መሀያ ዶና ቃቾጋ” ጌተቲደ

ጻፈቱዳ። ጸሳይ መሀያባ ቆፒደ ሀዋ ጊ?

10 ዎይ እ ሄዋ ግያዌ ሙላካ ኑ ድራሳ ግደኔ? ቱማካ ኑ ድራዉ ጸፈቱዳ፤ ጎሽያ ብታኒካ ካላ ቡክያ ብታኒካ፣ “ታና ጋክያዎ አካና” ያጊደ ኦላናዉ በሴ።

11 ኑን ህንተ ግደን እያና የዉዋ ዘራዳዋንታ ግዲደ፣ ኑ አሾ ማደ ግድያዎ ህንተንቱፕ ጫኮፕ ዳርቤ?

12 ሀራቱ ሄዋ ህንተንቱፕ አካናዉ ኡንቱንቶ ማታይ ደአፕ፣ ኑዉ ኡንቱንቱዋፕ እድያ ማታይ ባዌ?

ሽን ኑን ክርሰቶሳ ሞሽራቹዋ ቃላዉ ጲቦ ግደናዳን፣ ኡባባ ገንጭያዋፕ አትን፣ ሄ ማታን ጎኤትበይኮ።

13 ጌሻ ጎልያን አልያ አሳቱ ባረንቱ ቁማ ጌሻ ጎልያፕ እክያዋ ኤርክቱ? ቃይ ያርሽያሳን አልያዋንቱ ያርሹዋፕ እክያዋ ኤርክቱ?

14 ሀዋዳንካ፣ ቃይ ሞሽራቹዋ ቃላ ኦድያዋንቱ ባረንቱ ደኦ ኮሽያባ አፕ ደማናዳን፣ ጎዳይ አዛዜዳ።

15 ሽን ታን ሀ ማታ ኡባን እይነ ጎኤታበይኮ። ታን ሀዋ ጸፈዳዌ ሄዋ ማላ ማታይ ታዉ ደእናዉ በሴ ያግያዋና ግደና። እያዉ ጎፕ፣ ታ ጩቁዋ ኦንነ መላ ከሰያዋፕ ሀይቂያዌ ታዉ ሎአ።

16 ሞሽራቹዋ ቃላ ኦዳናዉ ታን አዛዘታ ኡቱዳ ድራዉ፣ አ ኦዶፕካ ታዉ ጩቁትያባዌ ባዋ። ሞሽራቹዋ ቃላ ኦደናን አጎፕ፣ ታዉ እየር።

17 እያዉ ጎፕ፣ ታን ሀዋ ደሳደ አላፕ፣ ታዉ ዎይታይ ደኤ። ሽን ታን ደሰናን እጸፕካ፣ ሞሽራቹዋ ቃላ ድራዉ ሀዳራ ጸሳይ ታዉ እሜዳ።

18 ያትና፣ ታ ዎይታይ እዬ? ሞሽራቹዋ ቃላ ኦዳደ፣ ታዉ ዋንጋላን ደእያ ኩመንላ ማታን ጎኤትናን፣ ሞሽራቹዋ ቃላ ጮ ኦድያዋ።

19 ታን ኦሰነ አይለ ግድከ ሽን፣ ጮራቱዋ ዛራናዉ ታና ኡባዉ አይለ ከሳድ።

20 ታን አይሁዳቱዋ ዛራናዉ ኡንቱንቱና ኡንቱንታ ግዲደ ደኤድ። ታ ሁጳዉ ሀግያፕ ጋርሳና ደእከ። ሽን ሀግያፕ ጋርሳና ደእያዋንታ ዛራናዉ ሀግያፕ ጋርሳና ደእያ አሳ ማላ ግዲድ።

21 ታን ህጊ ባይና አሳቱዋና ደኤደ፣ ህጊ ባይና አሳዳን ሀናድ። ጸሳ ህጊ ጳይና ግደና። ሽን ህጊ ባይናዋንታ ዛራናዉ፣ ክርሰቶሳ ሀግያፕ ጋርሳና ደኤድ።

22 ታን አማኑዋን ዳቡርያዋንታ ዛራናዉ፣ ኡንቱንቱ ማላ ግዲድ። ታን አይ ኦግያንነ አማራዳ አሳቱዋ አሻናዉ፣ ኡባ አሳቱዋና ኡባባን ኡንቱንቱ ማላ ግዲድ።

23 ታን ሞሽራቹዋ ቃላ አንጂዋ ሻካናዉ፣ ሞሽራቹዋ ቃላ ድራዉ፣ ኡባባ ኦላይ።

24 ዋሳን ጸናና ጊደ ዎጽያ ኡባይ እትፕ ዎጾ። ሽን እቱዋ ጸላላይ ዎይታ እክያዋ ኤርክቱ? ሀዋዳን ህንተንቱካ ዎይታ አካናዉ ዎጽተ።

25 ካሳዉ ባረና ጊገሰያ ኦንነ ኡባባን ባረና ናጌ። አሳይ ሄዋ ዳቡርያዌ ጸኔዳዎ እመትያ ባይያ ካላቻ ደማናሳ። ሽን ኑን ዳቡርያዌ መድናዉ ደእያዋን ባየና ካላቻ ደማናሳ።

26 ሄዋ ድራዉ፣ ታን ቆፍ ባይናን ዎጽያዋዳን ዎጽከ። ጫርኩዋ ይምፕያ አሳዳንካ ጮ ኦለትከ።

27 ሽን ታን ሀራንቶ ኦዴዳዋፕ ጉይያን፣ ታ ሁጳዉ ዎይታፕ አተና ማላ፣ ታ አሳተላ ናገታናዳን ኦላይ።

### 10

ኤቃዉ ጎይናናዉ በሰና  
1 ሄዋ ቦላን ታናዳን አማንያዋንቶ፣ ታን ህንተ ሀዋ ኤራና ማላ ኮያይ። ኑ አዎቱ ኡባይ ሻርያፕ ጋርሳና ደኤድና፤ ኡባይካ አባ ግደና ፕኔድና።

2 ኡንቱንቱ ኡባይ ሙሴና እትፕ ግዳናዉ፣ ሻርያንነ አባን ጸማቀቱድና።

3 ኡንቱንቱ ኡባይ ሄ እት እያና ቁማ ሜድና።

4 ቃይ ኡባይካ ሄ እት እያና ኡሻ ኡሼድና። እያዉ ጎፕ፣ ኡንቱንቱ ባረንታ ካለልያ እያና ዛላፕ ፑልቶዋ ኡሼድና፤ ሄ ዛላይካ ክርሰቶሳ።

5 ሽን ጸሳይ ኡንቱንቱፕ ዳርያ ባጋቱዋን ናሽትቤና ድራዉ፣ ኡንቱንቱ አሃይ አሳይ ባይና ሳን ላለቱዳ።

6 ኡንቱንቱ ኢታባ አምቱዳዋዳን፣ ኑ ዎዛናይ ቃይ ኢታባ አሙዋፕ ናገታናዳን፣ ሄዌ ኡባይ ኑዉ ትምርተ ግዴዳ።

9:13 ዛረ. 18:1 10:1 ከሳ 13:21-22፤ 14:22-29 10:3 ከሳ 16:35 10:4 ከሳ 17:6፤ ፓይ. 20:11 10:5 ፓይ. 14:29-30 10:6 ፓይ. 11:4

7 ጸሳ ማጻፋይ፥ “አሳይ ማናውን ኡሻናው ኡቲድና፤ ቃይ ዲሮ ደንድ ኤቁድና” ያግያዎዳን፤ ኤንቲንቲፕ እቲ እቲ ኤቃው ጎይኔዳዎዳን፤ ሀንተ ጎይናፕተ።

8 ኤንቲንቲፕ እቲ እቲ ዎሹሚዳዎዳን፤ ኩን ዎሹማናው በሰና። ሄዎ ጋሱዋን ኤንቲንቲፕ እት ጋላሰ ላታማነ ሄዙ ሻአይ ሀይቁዳ።

9 ኤንቲንቲፕ እቲ እቲ ጎዳ ፓጪደ፥ ሸሻን ዲከት ሀይቁዳዎዳን፤ ኩን ጎዳ ፓጪናው በሰና።

10 ኤንቲንቲፕ እቲ እቲ ዙዙምና፥ ዎድያ ኪታንቻን ኤንቲንታ ዳይሴዳዎዳን ዙዙሞፕተ።

11 ሀዌ ኡባይ ሀራቶ ትምርተ ግዳናዳን ኤንቲንቲ ቦላ ጋኬዳ። ቃይ ኑና ዎድያ ዉርሰላይ ጋካና ማቲዳዎንታ ሴራናው ጸፈቲዳ።

12 ሄዎ ድራው፥ ምና ኤቃድ ጊደ ቆፕያ ኡራይ ኦን ኩንደናዳን፤ ባረና ናጎ።

13 ሀንተንታ ጋክያ ፓጪ፥ አሳ ኡባ ጋክያ ፓጪያ ማላፕ እትን፤ እይነ ዲማተና። ሀንተንቲ ዎልቃይ ዳንዳይያዎፕ እቲያ ፓጪያን ሀንተ ፓጪታናው ኮየና ጸሳይ አማነቲዳዎ። ሸን ሀንተንታ ፓጪ ጋክያ ዎደ፥ ሄ ፓጪያ እ ሀንተንታ ዳንዳይሳና። ቃይ ሄ ፓጪያፕ ሀንተንቲ ከሰያ ኡግያካ እ አማና።

14 ሄዎ ድራው፥ ታ ደሰያዎንቶ፥ ኤቃው ጎይናፕተ።

15 ሀንተንቲ ዎዛናማ አሳ ግዴዳ ድራው፥ ታን ሀንተንቶ ኑዳይ። ታን ግያዎ ሀንተ ፕርድተ።

16 ኩን ጸሳ ጋላቲደ ሻክያ እንጂዎ ጸአይ ክርሰቶሳ ሱላና እትፕተላይ ደእያዎ ግደኔ? ቃይ ኩን ሙንሕያ ኡክላይ ክርሰቶሳ እሹዎና እትፕተላይ ደእያዎ ግደኔ?

17 እት ኡክላይ ደእያ ድራው፥ ኩን ጮራ ግደፕካ፥ እት አሳተላ። እያው ጎፕ፥ ኩን ኡባይካ ሄ እት ኡክላ ሻከቲቶ።

18 እሰራኤልያ አሳ ጸልተ። ያርሹዎ ምያዎንቲ ያርሸያሳና እትፕተላይ ደእያዎንታ ግድክና?

19 ሰሞ ታን ዋጋይታ? ኤቃው ያርሸቲዳ ቁማይ ማዲ ዎይ ኤቃይ ማዲ?

20 ማደና፤ ሸን ታን ግያዌ ጸሳ አማነና አሳቲ ኢታ አያናቶ ያርሸያዎፕ እትን፤ ጸሳው ያርሸክና። ኢታ አያናቲዎና ሀንተ እትፕ ዙፕታና ማላ፥ ታን ኮይከ።

21 ጎዳ ጸአፕ ኡሺደ ቃይ ኢታ አያናቲዎ ጸአፕ ኡሻናው ሀንተ ዳንዳይክታ። ጎዳ ጋይታፕ ሀንተ ግሸቲደ ቃይ ኢታ አያናቲዎ ጋይታፕ ማናው ዳንዳይክታ።

22 ሄዎ ኦሊደ ኩን ጎዳና ጸኖታናው ኮሺ? ኩን አፕ ሞኔቶ?

23 ሀንተፕ እቲ እቲ፥ “ኡባባ ኦላናው ታና ድግባባ ሰሞ”፤ ሸን ኡባባይ ማደና፥ “ኡባባ ኦላናው ድግባባይ ባዎ፤ ሸን ኡባባይ ጌሸና” ያገኛ።

24 ኦንነ ሀራ አሳ ማድያባ ቆፖፕ እትን፤ ሀራይ እቶ እቲነ ባረና ማድያባ ቆፖ።

25 ገያን አጸረ ታራን ዛልኤትያ አሹዎ ሀንተ ዎዛና ቆፋን፥ እይነ ሰፍን ሚተ።

26 እያው ጎፕ፥ አላሚነ እን ደእያባይ ኡባይ ጎዳባ።

27 እት አማነና አሳይ ሀንተንታ እማላ ኦሕ ሸባናው ጸሰና ባናው ኮዮፕ፥ ሀንተ ዎዛና ቆፋን፥ እይነ ሰፍን ሀንተ ሰንሳ እ አሕያባ ኡባ ሚተ።

28 ሸን እት ኡራይ ሀንተንቶ፥ “ሀዌ ኤቃው ያርሹዳዎ” ጎፕ፥ ሄ ሀንተንቶ ኦዴዳ ብታንያ ድራውን ቃይ ሀንተ ዎዛና ቆፋ ድራው፥ ሄ ቁማ ሞፕተ።

29 ታን ግያዌ ነ ዎዛና ቆፋ ድራሳ ግደና፤ ሸን የኮ ብታንያ ዎዛና ቆፋ ድራሳ።

ታን ታ ሀናናው ዳንዳይያ ታ ሀናታ ሀራ አሳ ዎዛናይ እያው ፕርዲ?

30 ታን ጸሳ ጋላታይ ቁማ ሞፕ፥ ጸሳ ጋላታይ ሜዳ ቁማው እያው ቦረታይታ?

31 ሰሞ ሀንተ እያነ ሞፕ፥ ዎይ እያነ ኡሸፕ፥ ዎይ ሀንተ እያነ ኦላፕ፥ ኡባባ ጸሳ ቦንቾ ኦላፕ።

32 ሀንተንቲ እይሁዳ አሳቶ ዎይ ግሪከ አሳቶ ዎይ ጸሳ አማንያዎንቶ ዲቦ ግደፕተ።

33 ታን ቃይ ጮራቲ አታና ማላ፥ ኤንቲንቲ ኡባ ማደናዳንፕ እትን፤ ታ ሁጳው ማዲዎ ኮየናን፤ አሳ ኡባ ኡባባን ናሸቶያዎዳን፤ ሀንተንቲካ ሄዎዳ ኦላፕ።

10:7 ከሳ 32:6    10:8 ፓይ. 25:1-18    10:10 ፓይ. 16:41-49    10:18 ዋጋ 7:6  
10:20 ዛረ. 32:17    10:22 ዛረ. 32:21    10:26 ማዘ. 24:1

# 11

1 ታን ክርስቶሳ ሌምሱዋ ካልያዋዳን፤ ህንተንቱካ ታዋ ካልተ።

አሳይ እትጥ ዋሰያ ዋደ ደአናዉ በሰያ ዎጋ

2 ታናዳን አማንያዎንቶ፤ ህንተ ኡባባን ታና ሀሳይያ ድራዉን፤ ዎጋ ታን ህንተንቶ እሚዳዋዳን፤ ህንተ ምንሲደ ናግያ ድራዉ፤ ህንተንታ ጋላታይ።

3 ሸን ክርስቶሳ አቱማዋ ኡባዉ ሁጳ ግድያዎ፤ አቱማ አሳይ ማጫ አሳዉ ሁጳ ግድያዎን ቃይ ጸሳይ ክርስቶሳዉ ሁጳ ግድያዎ ህንተ ኤራና ማላ ኮያይ።

4 ጸሳ ዋሲደ፤ ዎይ ትምቢትያ ኡዲደ፤ ባረ ሁጲያ ጎዘያ አቱማ አሳይ ኡባይ ክርስቶሳ ቶቼ።

5 ቃይ ጸሳ ዋሳደ ዎይ ትምቢትያ ኡዲደ፤ ባረ ሁጲያ ጎዘና ማጫዉና ባረ አሰና ቶቻዉ፤ አያዉ ጎጥ፤ አዛ ባረ ሁጲያ ሜደታ ድጎንና እት ማላ።

6 ማጫዉና ባረ ሁጲያ ጎዘና ጳዮጥ፤ ቃንጽሱ። ሸን አዛ ባረ ሁጲያ ቃንጽሳናዊ ዎይ ሜድሳናዊ ፖኮጥ፤ ባረ ሁጲያ ጎዘ።

7 አቱማዊ ጸሳ ሌምሱዋን ቦንቹዋ ግድያ ድራዉ፤ ባረ ሁጲያ ጎዘናዉ በሰና፤ ሸን ማጫዉና አቱማዋ ቦንቾ።

8 አያዉ ጎጥ፤ ማጫዉና አቱማዋጥ ቤታዲጥ አትን፤ አቱማዊ ማጫዉንጥ ቤትቤና።

9 አያዉ ጎጥ፤ ማጫዉና አቱማዋ ድራዉ መጠታዲጥ አትን፤ አቱማዊ ማጫዉን ድራዉ መጠታቤና።

10 ሃዋ ድራዉ፤ ማጫዉና ባረ አሰና አይሱዋጥ ጋርሳና ደአያዋ ኤርሳናዉን ከታንቻቱዋ ድራዉ፤ አዘ ሁጲያን ጎዘያባይ ደአናዉ በሴ።

11 ሸን ጎዳን ማጫዉና አቱማዊ ባይናን ደኡኩ፤ አቱማዊካ ማጫዉና ባይናን ደኤና።

12 አያዉ ጎጥ፤ ማጫዉና አቱማዋጥ መጠታዲዋዳን፤ ቃይ አቱማዊካ ማጫዉንጥ የለቲዳ። ቃይ ኡባባይካ ጸሳጥ ዬ።

13 ህንተንቱ ህንተ ሁጲዉ ፕርድተ። ማጫዉና ባረ ሁጲያ ጎዘናን ጸሳ ዋሳናዉ በሲ?

14-15 አቱማዊ ባረ ሁጲያ ድቾጥ፤ አዉ ፖኮ። ሸን ማጫዉና ባረ ሁጲያ ድቾጥ፤ አዘዉ ቦንቾ ግድያዎ ሀራይ አቶ፤ መጠታንቶን ህንተንታ ታማርሰኔ? አያዉ ጎጥ፤ ማጫዉን ሁጲ አዘ ካማናዉ አዘዉ እመቲዳ።

16 ሸን ኦን ሀ የዉዋን ፓሉመታናዉ ኮዮጥ፤ ኑዉ ግድና ዎይ ጸሳ አማንያዎንቶ ግድናካ፤ ሀዋጥ ሀራ ዎጋይ ባዋ።

ጎዳ ካዉዋ አክያ ዎጋ (ማቶሳ 26:26-29፤ ማር. 14:22-25፤ ሉቃሳ 22:14-20)

17 ህንተ ሺቅያዌ ኢታባሳጥ አትን፤ ሎኦባሳ ግደና ድራዉ፤ ታን ሀ አዛዙዋ አማደ ህንተንታ ጋላትከ።

18 ሸን ህንተ ዋሳ ጎላን ሺቅያ ዎደ፤ ህንተ ግደን ጳልቀላይ ደአያዋ ታን ሰሳይ። ቃይ ሃዌ እት ባጋና ቱማ ግድያዋ አማናይ።

19 አያዉ ጎጥ፤ ህንተ ማታን አማንቲዳዋንቱ ቆንጭ ኤረታና ማላ፤ ህንተ ግደንካ ቃይ ሻኩ ደአናዉ በሴ።

20 ሃዋ ድራዉ፤ ህንተ እትጥ ሺቅያ ዎደ፤ ህንተ ሺቁ ጎዳ ካዉዋ ማናሳ ግደና።

21 አያዉ ጎጥ፤ ህንተ ቁማ ምያ ዎደ፤ ኡባይ ሁጲያን ሁጲያን ባረዋ ባረዋ ምያ ድራዉ፤ አቱ ኮሻቲ፤ አቱ ቃይ ማላቲ።

22 ማናዉን ኡሻናዉ ህንተንቶ ጎሊ ባዌ? ዎይ ጸሳ ዋሳ ጎልያ ካጲቲ? ቃይ አይን ባይናዋንታ ዬላዪቲ? ታን ህንተንታ ዋሳ? ሀ የዉዋን ታን ህንተንታ ጋላቶ? ጋላትከ።

23 አያዉ ጎጥ፤ ታን ቃይ ህንተንቶ አሜዳ ትምርትያ ጎዳጥ አካድ። ጎዳ የሱሱ ኡንቲንቲ አ አሌደ አሜዳ ቃማ ዳቡዋ አኪደ።

24 ጸሳ ጋላቲዳ፤ ዳቡዋ መንሊደ፤ “ሄይተ፤ ሚተ። ሀዌ ህንተ ግሻታዉ ባረና አሜዳ ታ አሹዋ። ሀዋን ታና ቆጥተ” ያጌዳ።

25 ሀዋዳንካ፤ ካዉዋ ሚደ ሰምና፤ ጸኡ ቃይ አኪደ፤ “ሀዌ ጸኡይ ታ ሱላን ታን ጫቄዳ ኦራላ ጫቁዋ። ህንተንቱ አጥ ኡሹዳ ዎደ ኡባን ሃዋን ታና ቆጥተ” ያጌዳ።

26 አያዉ ጎጥ፤ ህንተ ሀ ዳቡዋ ሜዳ ዎደ ኡባን ሀ ጸኡጥ ኡሹዳ ዎደ

11:7 ደመላ 1:26-27 11:8 ደመላ 2:18-23 11:23 ማቶሳ 26:26-28፤ ማር. 14:22-24፤ ሉቃሳ 22:19፤ 20 11:25 ከሳ 24:6-8፤ ኤር. 31:31-34

ኡባን ጎዳይ ያና ጋካናወካ፣ አ ሀይቁዋ ኡዲታ።

27 ሄዋ ድራው፣ በሰናን ደኢደ ጎዳ ዳቡዋ ምያዌ፣ ዋይ ጎዳ ጸ-አፕ ኡሽያዌ ኦንነ አ አሹዋነ አ ሱላ አጮቲ።

28 ሸን አሳይ ባረ ሁጲያ ፓጮ። ያቲደ ዳቡዋ ሞ። ጸ-አፕካ ኡሾ።

29 አያዉ ጎፕ፣ ጎዳ አሹዋ ሻኪደ ኤረናን ዳቡዋ ምያዌነ ጸ-አፕካ ኡሽያዌ ባረ ሁጲዋ ፕርዳ ሜኔ ኡሼ።

30 ሄዋ ድራው፣ ህንተ ግደን ጮራቱ ዳቡራንቻነ ሀርጋንቻ ግደድኖ፣ ቃይ ኡንደኔዳዋንቱ ሀይቁድኖ።

31 ሸን ኩን ኩ ሁጲያ ቱሙ ፓጮድንቶ፣ ጸሳይ ኑና ፕርደና።

32 ኩን ፕርደትያ ዋይ፣ ሀ አላምያና አትፕ ፕርደተና ማላ፣ ጎዳይ ኑና ሴሬ።

33 ሄዋ ድራው፣ ታናዳን አማንያዎንቶ፣ ጎዳ ካወዋ ማናዉ ህንተ ሸቅያ ዋይ፣ እቱ እቱዋ ናግተ።

34 ኦንነ ኮሻቴዳዋ ግደፕ፣ አትፕ ሸቅያ ዋይ ጸሳ ፕርዳን ህንተ ገለና ማላ፣ ባረ ሶይን ሞ።

አቱዳዋ ታን ያ ባደ ገግሳና።

## 12

ጌሻ አያና አሞታቱዋ

1 ታናዳን አማንያዎንቶ፣ ጌሻ አያና አሞታባ ህንተ ኤራናዉ ኮያይ።

2 ህንተንቱ ጸሳ አማና ዋይ፣ ኡባ ዋይ ካልያዋዳንካ፣ ሃሳየና ኤቃቱዋኮ ህንተ ቤዳዋ ኤሪታ።

3 ሄዋ ድራው፣ ጸሳ አያናይ ካለልያ አሳይ ኦንነ፣ “የሱሰ ሸቀቶ” ያጊደ ሃሳየናዋነ ቃይ ጌሻ አያናይ ካለላፕፕ አትን፣ ሀራይ አቶ አት አሳይነ፣ “የሱሰ ጎዳ” ጋናዉ ዳንዳየናዋ ታን ህንተንታ ኤርሳይ።

4 አያና አሞታይ ዲማ ዲማ፤ ሸን አምያ አያናይ አቱዋ።

5 ቃይ ኦልያ ኦሱ ዲማ ዲማ፤ ሸን ጎዳይ አቱዋ።

6 ኦሱዋ ኦላናዉ ዲማ ዲማ ኦጊ ደእሸን፣ ሄ ኦልያ ኦግያ ኡባ አሳ ኡባዉ ቆንጮሱያ ጸሳይ አቱዋ።

7 ሸን አሳ ኡባ ማዳናዉ፣ ጌሻ አያና ቆንጮሱያ ዋልቃይ ኡባዉ ሁጲያን ሁጲያን እመቲዳ።

8 አያዉ ጎፕ፣ ጌሻ አያናይ አቶ አቶ ኤራተላ ሃሳያ አሜዳ፤ ቃይ አቶ ኤራተላ ሃሳያ አሜዳ።

9 ሄ ጌሻ አያናይ አቶ አማኑዋ አሚደ፣ የኮ ሀርጋንቻ ፓልያ ዋልቃ አሜዳ።

10 ጌሻ አያናይ አቶ ማላታ ኦልያ ዋልቃ አሚደ፣ አቶ ትምቢትያ ኦድያ ዋልቃ አሜዳ። አቶ አያናቱዋ ግዲዋን ደእያ ዲማተላ ኤርያ ዋልቃ አሚደ፣ አቶ ዲማ ዲማ ቃላን ሃሳይያ ዋልቃ አሜዳ። ቃይ አቶ ዲማ ዲማ ቃላን ሃሳይዳዋ ብልያ ዋልቃ አሜዳ

11 ሸን ሀ ኡባባ ኦልያዌ ሄ አት ጌሻ አያና። አሳ ኡባዉ አ ባረ ኮይያዋዳን፣ ዲማ ዲማ አሞታ ሻክ ሻኪደ አሜዳ።

አት ቦላን ደእያ ዲማ ዲማ አሳተላቱዋ

12 ክርሱቶሰ ጮራ አሳተላቱ ደእያ አት ቦላ ማላ። ቦላይ ጮራ አሳተላቱዋፕ ሙቲዳዋ ግደፕካ፣ አት ቦላ።

13 አያዉ ጎፕ፣ ኩን አይሁዳ አሳ ግደፕነ ዋይ ግሪኮ አሳ ግደፕ፣ ዋይ አይለ ግደፕነ ዋይ ዋማኖ ግደፕ፣ ኡባይ አት ጌሻ አያናን አት ቦላ ግዳናዉ ጸማቁቲዳ። ቃይ ኩን ኡባይ አት ጌሻ አያና ኡሼድ።

14 አያዉ ጎፕ፣ ቦላዉ አሳተላይ ጮራ ግድያዋፕ አትን፣ አቱዋ ግደና።

15 ገዲ፣ “ታን ኩሽያ ግደና ድራው፣ ቦላ ቆሞ ግድክ” ጎፕ፣ አ ሄዋ ግያዌ ቦላ ቆሞ ግድያዋ ድጋኔ?

16 ሀይላይካ፣ “ታን አይፍያ ግደና ድራው፣ ቦላ ቆሞ ግድክ” ጎፕ፣ አ ሄዋ ግያዌ ቦላ ቆሞ ግድያዋ ድጋኔ?

17 ቦላይ ኡባይ አይፍያ ጸላላ ግድንቶ፣ ዋቲደ ሰሳናዉ ዳንዳዪ? ቃይ ቦላይ ኡባይ ሀይላ ጸላላ ግድንቶ፣ ዋቲደ ሰንጋናዉ ዳንዳዪ?

18 ሸን ጸሳይ ባረ ኮይዳዋዳን፣ ቦላ አሳተላቱዋ እቱዋ እቱዋ ቦላን ዋልዳ።

19 ኡባይ አት ቆሞ ግድንቶ፣ ቦላይ ሀቃን ደእኔ?

20 ሸን አሳተላቱ ጮራ ግደፕካ፣ ቦላይ አቱዋ።

21 አይፊ ኩሽያ፣ “ኔን ታና ኮሻካ” ጋናዉ ዳንዳየና። ዋይ ቃይ ሁጲ ገዳቱዋ፣ “ህንተንቱ ታና ኮሽክታ” ጋናዉ ዳንዳየና።

22 ሸን ላፋ ማላትያ ቦላ አሳተላቱ ሎይላ ኮሽያዋንታ።

23 ቦላ አሳተላቱዋፕ ቦንቼተናዋንታ ኑወ ማላትያዋንታ ኩን

ሎይል ቦንቼቶ። ቃይ ኑና ዩላይያ ቦላ አሳተላቱዋካ ሎይል ቦንቼቶ።

24 ኑ ቦላ፣ ስታይ ቤትያ ባጋዉ ማዩ ኮሸና፤ ሸን ፖክያ ባጋ አሳተላቱዋ ሎይል ማይዛናዳን፤ ጸሳይ አሳተላ እት፣ ጋሌዳ።

25 ቦላ አሳተላቱ እቱ እቶ እት ማላ ቆፋ ቆፓና፣ እትን፤ ቦላን ዲማተላይ ደእናዉ በሰና።

26 ቦላ አሳተላቱዋ፣ እቱ ሴለቶ፣ ቦላ አሳተላቱ ኡባይካ እናና ሴለቲና፤ ቦላ አሳተላቱዋ፣ እቱ ቦንቼቶ፣ ቦላ አሳተላቱ ኡባይ እናና ናሽቲና።

27 ሀንተንቱ ኡባይ ክርሰቶሳ ቦላ፤ ቃይ ሁጲያን ሁጲያን ሀንተ ኡባይካ እ ቦላ አሳተላቱዋ።

28 ጸሳይ ዋሳ ጎለን እት እት አሳቱዋ። ኮይሩዋን የሱሰ ኪቲዳዋንታ፣ ላኢንሱዋን ናባቱዋ፣ ሄዘንሱዋን ታማርሰያዋንታ፣ ሄዋ፣ ፕይያን፣ ማላታ እሳያዋንታ፣ ሄዋ፣ ፕይያን፣ ፓሳያ ዋልቃይ ደእያዋንታ፣ ማድያዋንታ፣ ዋሳ ጎልያ አይሰያዋንታ ዲማ ዲማ ቃላን ሃሳይያዋንታ እሌዳ።

29 ኡባቱ የሱሰ ኪቲዳዋንቱ? ኡባቱ ናባቱ? ኡባቱ ታማርሰያዋንቱ? ኡባቱ ማላታ እሌዳ?

30 ኡባዉ ፓሳያ ዋልቃይ ደኢ? ኡባቱ ዲማ ዲማ ቃላን ሃሳይያ? ቃይ ዲማ ዲማ ቃላን ሃሳይያዋ ኡባቱ ብሊና?

31 ሸን ኡባ፣ ለጵያ እዋታ ሎይል ኮይተ።

ቃይ ኡባ፣ ሎይል ለጵያ ኦግያ ታን ሀንተንታ በሳና።

### 13

ቱሙ ሲቁዋ

1 ታን አሳ ቃላንን ኪታንቻ ቃላን ሃሳዮ፣፣ ታዉ ሲቁ ጳዮ፣፣ ታ ሃሳይያ ጮ ዋሰያ ዳዋላ ማላ፤ ዋይ ቆልጫካትያ ጽናጽልያ ማላ።

2 ናበተላ እዋታይ ታዉ ደኢ፣፣ ታን ገሜዳ የዉዋ ኡባን ኤራተላ ኡባ ኤርንቶካ፣ ቃይ ደርያ ደንሳ ድግያ አማኑ ታዉ ደኢ፣፣ ሲቁ ጳዮ፣፣ ታን አያን ግድከ።

3 ታዉ ደእያዋ ኡባ ሀይሳቱዋ ሞዛናዉ እምንቶካ ሀራይ እቶ፣ ታ ቦላ ታማን ጉዳናዉ አላ እምንቶካ ሲቁ ጳዮ፣፣ ታና አይን ማደና።

4 ሲቁ ዳንዲያንቻ። ሲቁ ኬኬ። ሲቁ ቃናተና። ጨቀተና፤ ቃይ ኦቶረተና።

5 ሲቁ ባረዉ በሰናዋ ኦግና፤ ኡዘተና፤ ይሎተና፤ ሲቁ ናቀቲዳዋካ ፓይደና።

6 ሲቁ ቱማተላን ናሽትያዋ፣ እትን፤ ዋርዲዋን ናሽተና።

7 ሲቁ ኡባባ ዳንዲያ። ኡባባይካ ሀናናዋ ገደ፣ ናሽቻን ናጌ። ኡባባን ገንጮ።

8 ሲቁ ሙላካ ጳዮና። ሸን ናበተላይካ እታና። ዲማ ዲማ ቃላን ሃሳይያዋካ እታና። ኤራተላይካ ጳዮና።

9 አያዉ ጎ፣ ኑን ኤራተላ፣ ፓጮ ኤራቶ፤ ትምቢትያ፣፣ ፓጮ ኦዴቶ።

10 ሸን ኩሙንላ ግዴዳዋ ይያ ዋደ፣ ፓጮይ ጳዮና።

11 ታን ናአተላን ደእያ ዋደ፣ ናአዳን ሃሳይያ። ናአዳን ቆፓይ። ቃይ ናአዳንካ አኬካይ። ዋደላ ግዴዳ ዋደ፣ ናአተላ ሀኑዋ አገድ።

12 ኑን ሀእ በእያዋ ማሰቶትያን በእያ ለምእ ለምእያ ማላ ማላ፤ ሸን ሄ ዋደ ኑን ኑ አይፍያን ቆንጮያን በእና። ሀእ ታን ኤራተላ፣ ፓጮ ኤራይ፤ ሸን ጸሳይ ታና ዉርሲደ ኤርያዋዳን፣ ሄ ዋደ ታንካ ዉርሳ ኤራና።

13 ሸን ሄዋ ግደ፣፣ አማኑ፣ ሀናናዋ ገደ ናሽቻን ናግያዋን ሲቁ፣ ሀዋንቱ ሄዛቱ ሞኒደ ደእና። ሀዋንቱ፣ ለጵያዋ ሲቁዋ።

### 14

ጌሻ አያና እዋታን ኡንቱንቱ ማዲዋ

1 ሲቁዋ ካልተ። አያና እዋታካ ሎይል ኮይተ። ሸን ኡባ፣ ለሌደ፣ ናበተላ ኮይተ።

2 አያዉ ጎ፣ ዲማ ዲማ ቃላን ሃሳይያ ኡራይ ጸሳዉ ሃሳይ፣ እትን፤ አሳዉ ሃሳዮና። አያዉ ጎ፣ እ ሃሳይያዋ ኦንን አኬከና። ሸን አሳዉ ቆንጮቤና የዉዋ አያና ዋልቃን ሃሳይ።

3 ሸን ናቢ አሳ ማዳናዉ፣ ዙራናዉን ሞንሳናዉ አሳዉ ሃሳይ።

4 ዲማ ዲማ ቃላን ሃሳይያ ኡራይ ባረና ማዴ። ሸን ናቢ ዋሳ ጎልያ ማዴ።

5 ሀንተንቱ ኡባይ ዲማ ዲማ ቃላን ሀሳይያዋ ታን ደሳይ። ሸን ናበተላ ሄዋ፣ ፓላደ ደሳይ። አያዉ ጎ፣ ዲማ ዲማ ቃላን ሃሳይያዋ ሄ ሃሳይያዋ ዋሳ ጎልያ ማዳናዉ ብልያ አሳይ ጳዮ፣፣



ዲማ ዲማ ቃላን ሃሳይያዋጥ ናበተላይ አይ።

6 ሸን ታናዳን አማንያዋንቶ፡ ሀእ ታን ሀንተንቱኮ ባይ፡ ዲማ ዲማ ቃላን ሃሳይያይ፡ ሳጸን ዋይ ኤራተላን ዋይ ናበተላን ዋይ ታማርሰያዋን ሀንተንቶ ኦዳና ቆዮጥ፡ ታን ሀንተንታ አያ ማዳይታ?

7 ሀራይ አቶ፡ ሸሞጥ ባይናባይ ሱሱልያ ግድና ዋይ ዲላ ግድና ካኢይ፡ ባረ ካሳ ዲማተላ ኤርሳና ቆዮጥ፡ ሱሱልያ ፑናጥ፤ ዋይ ዲላ ዲጸጥ፡ አሳይ ዋቲደ ኤራኔ?

8 ቃይ ጸራምባ ዋሱ ሎይሳ ኤሪታና ቆዮጥ፡ አላው ኦኔ ገታናዊ?

9 ሀዋዳንካ፡ ቃይ ዲማ ዲማ ቃላን ሀንተ ሃሳይያዊ ቆንጨ ግድናን ቆዮጥ፡ ሀንተ ሃሳይያዊ አሳይ ዋት አኬካኔ? አያው ጎጥ፡ ጫርኮ ሀንተ ሃሳይታ።

10 ሀ አላምያን ጮራ ቃላይ ደኤ፤ ሸን ብላላይ ባይና ቃላይ እቱነ ባዋ።

11 ሸን እት አሳይ ሃሳይያ ቃላ ታን ኤራና ቆዮጥ፡ ሄ ሃሳይያዊ ታው አማላ ግዴ፤ ታንካ አው አማላ ግዳይ።

12 ሀዋዳንካ፡ ቃይ ጌሻ አያና እሞታ ሀንተ አካናው ሎይሳ ኮይያዋንታ ግድያ ድራው፡ ዋሳ ጎልያ ድቻናው ማዳዋ ኡባባጥ አሊደ ኮይተ።

13 ሄዋ ድራው፡ ዲማ ዲማ ቃላን ሃሳይያዊ ባረ ሃሳይያዊ ብላናው ዲንዳና ማላ፡ ጸሳ ዋሶ።

14 አያው ጎጥ፡ ታን ዲማ ዲማ ቃላን ጸሳ ዋሶጥ፡ ታ አያናይካ ዋሶ፤ ሸን ታ ጋርሳ ቆፋይ አይነ ጎኤተና።

15 ያትና፡ ታን ዋቶ? ታን ታ አያናን ጸሳ ዋሳና፤ ቃይ ታ ቆፋንካ ጸሳ ዋሳና። ታ አያናን የጸና፤ ቃይ ታ ቆፋንካ የጸና።

16 ሄዋ ግዳና ቆዮጥ፡ ኔን ነ አያና ጸላላን ጸሳ ጋላትያዋ ግድጥ፡ ሄ ሳኣን ኔን ግያዋ ኤሪና አሳይ ኔን ጸሳ ጋላትያዋ ኤሪናን፡ ኔን ጋላቲዳዋን ዋቲደ፡ “አመንእ” ጋኔ?

17 ኔን ጸሳ ጋላትያዊ ሎኦ፤ ሸን ሄዋ የኮ ብታንያ ማደና።

18 ታን ዲማ ዲማ ቃላን ሀንተ ኡባጥ አላደ ሃሳይያ ድራው፡ ጸሳ ጋላታይ።

19 ሸን ታን ዋሳ ጎሊን ሀራቱዋ ታማርሳናው ዲማ ዲማ ቃላን ታሙ ሻእ ቃላቱዋ ሃሳይያዋጥ እቼሹ ቃላቱዋ ታ ዋዛና ቆፋን ሃሳይናው ደሳይ።

20 ታናዳን አማንያዋንቶ፡ ሀንተ ኢታ የወዋን ጉላ ናና ማላ ግዳናጥ እትን፡ ቆፋን ጉላ ናና ማላ ግድጥ፤ ሀንተ ጋርሳ ቆፋን ዋዛናማቱዋ ግድጥ።

21 ጸሳ ማጸፋን፡ “ሳይይ፡ ታን ሀ አሳው፡ ዲማ ዲማ ቃላን ሃሳይያ አሳን፡ አማላቱዋ ደናን ሃሳይና።

ሸን ሄዋንካ፡ ታን ግያዋ ኡንቱንቱ ሰሰክና” ያጌ” ጌተቲደ ጸፈቲዳ።

22 ሰሞ ዲማ ዲማ ቃላን ሃሳይያዊ አማንናዋንቶ ማላታ ግድያዋጥ እትን፡ አማንያዋንቶ ማላታ ግድና። ቃይ ናባቱዋጥ ሃሳይያዊ አማንያዋንቶ ማላታ ግድያዋጥ እትን፡ አማንናዋንቶ ማላታ ግድና።

23 ሄዋ ድራው፡ አማንያ አሳይ ኡባይ እትጥ ሸቂደ፡ ቃይ ኡባይካ ዲማ ዲማ ቃላን ሃሳይያጥ፡ ታማርቤና አሳይ ዋይ አማንና አሳይ ገሊደ፡ ሀንተንታ ኡባ፡ “ሳይታ” ጌኔ?

24 ሸን ታማርቤና አሳይ ዋይ አማንና አሳይ ዋሳ ጎሊ ገልያ ዋይ፡ አሳይ ኡባይ ትሞቢትያ ኦድጥ፡ እ ባረ ሰሰያዋን ባረ ናጋራ አኬኬ። ቃይ ሄ ሰሴዳባ ኡባንካ እ ፕርደታና።

25 አ ዋዛናን ጌሚዳ ቆፋይካ ቆንጫና። ሀዋዳንካ ቃይ፡ “ጸሳይ ቱሙ ሀንተ ግድን ደኤ” ያጌደ ማርካቲደ፡ ጉፋኒደ ጸሳው ጎይናና።

አሳይ እትጥ ዋሰያ ዋደ ደአናው በሰያ ዋጋ

26 ሰሞ ታናዳን አማንያዋንቶ፡ አይ? ሀንተንቱ እትጥ ሸቅያ ዋይ፡ ሁጺያን ሁጺያን፡ እቶ ማዘሙሪ ደኤ፤ እቶ ታማርሰያዊ ደኤ፤ እቶ ሳጸይ ደኤ፤ ቃይ እቶ ዲማ ዲማ ቃላን ሃሳይያዊ ደኤ፤ እቶ ብልያዊ ደኤ። ኡባይካ ዋሳ ጎልያ ማድያዋ ግዳናው በሴ።

27 ኣንነ ዲማ ዲማ ቃላን ሃሳይያጥ፡ ላኡ ግዲደ፡ ዋይ ዳርጥ ሄዙ ግዲደ፡ ካላን ካላን ሃሳይናው በሴ። ቃይ ሀራ እቲ ኡንቱንቱ ሃሳይያዋ ብሎ።

28 ሸን ብልያ አሳይ ቆዮጥ፡ ዲማ ዲማ ቃላን ሃሳይያዊ ዋሳ ጎልያን ጮኤ ጎ። ባረ ሁጸውነ ጸሳው ሃሳይ።

29 ናባቱካ ላኡ ግዲደ ዋይ ሄዙ ግዲደ ሃሳይና። ቃይ ሀራንቱ ኡንቱንቱ ግያዋ ሻክና።

30 ሽን ጸሳይ ሄ ሳኣን ኡቲዳ ሀራው እትባ ቆንጭሶ፡ ካሰና ሃሳይያዌ ጮኡ ጎ።

31 እያው ጎ፡ ኡባይ ታማራና ማላነ ኡባይ ሞናና ማላ፡ ካላን ካላን ትሞቢትያ ኦዳናው ዳንዳዪታ።

32 ትሞቢትያ ኦድያዋንቱ እሞታይ ኡንቱንቶ አዛዘቱ።

33 እያው ጎ፡ ጸሳይ ሳሮተላ ጸሳ፡ አትን፡ ጫቡዋ ጸሳ ግደና።

ጌሻቱ ዋሳ ጎላቱዋ ኡባን፡

34 ማጫዋንቱ ሺቁዋ ጋርሳን ጮኡ ጊና። እያው ጎ፡ አይሁዳቱዋ ሀጊ ግያዋዳንካ ኡንቱንቱ ሞደታና፡ አትን፡ ሺቁዋ ጋርሳን ሃሳያናው ኡንቱንቶ ማትባዋ።

35 ማጫዋንቱ ሺቁዋ ጋርሳን ሃሳይያዌ ፖኮ ግድያ ድራው፡ አየንቶ ኡራናው ኮዮ፡፡ ሶይን ባረንቱ እሰና ኦቶና።

36 ጸሳ ቃላይ ኮይሮ ሀንተ፡፡ ዬዴ? ዋይ ሀንተ ጸሳላኮ ዬዴ?

37 ኦን ባረና ሩባያ ዋይ ጸሳ አያናይ ደእያ አሳ ያጊደ ቆፖ፡፡ ታን ሀንተንቶ ጸፍያዌ ጎዳ አዛዘዋ ግድያዋ አኬኮ።

38 ሽን ኦን አኬካና ጳዮ፡፡ አኬኮፖ ባሽ አጎ።

39 ሄዋ ድራው፡ ታናዳን አማንያዋንቶ፡ ትሞቢትያ ኦዳናው ሎይላ እሞትተ። ቃይ ዲማ ዲማ ቃላን ሃሳይያዋካ ድጎ፡፡

40 ሽን ኡባባይካ ዋጋን ማራን ሀና።

# 15

ክርስቶስ ሀይቁዋ፡፡ ደንዴዳባ

1 ታናዳን አማንያዋንቶ፡ ታን ሀንተንቶ ኦዴዳ ሞሽራቹዋ ቃላ ሀንተ አኬዳዋን ቃይ ሀንተ አማኑ አን ኤቁዳዋ ሀንተንታ ቆሷይ።

2 ሀንተንቱ አማኑ ሙላ ግዳና ጳዮ፡፡ ቃይ ታን ሀንተንቶ ኦዴዳ ቃላ ሎይላ ኦይቆ፡፡ ሀንተ ሄ ሞሽራቹዋ ቃላን አቴድታ።

3 እያው ጎ፡ ታን ቃይ አኬዳዋ ኡባባ፡፡ አዲይ ኮሽያዋ ካሰታይ ሀንተንቶ አማኑ። ሄቁ አዬ ጎ፡ ጸሳ ማጸፋይ ግያዋዳን፡ ክርስቶስ ኑናጋራ ድራው

4 ሀይቁደ ሞገቱዳ። ጸሳ ማጸፋይ ግያዋዳንካ፡ ሄዘንልያ ጋላሰ ሀይቁዋ፡፡

5 ደንዲደ፡ ጸጸርሳው ቆንጮዳ። ሄዋ፡፡ ጉይያን፡ ባረ ኪቲዳ ታማነ ላእቶ ቆንጮዳ።

6 ሄዋ፡፡ ጉይያን፡ እቹሹ ጾቱዋ፡፡ ዳርያ ባረና ካልያ አሳው እት ካላ ቆንጮዳ። ኡንቱንቱ፡ ዳርያ ባጋይ ሀና ጋካናሰካ ፓጸ ደኢና፤ ሽን አማራዳዋንቱ ሀይቁድና።

7 ሄዋ፡፡ ጉይያን፡ ያቆላው ቆንጮዳ፤ ጉየ፡፡ ባረ ኪቲዳ ኡባቶ ቆንጮዳ።

8 ቃይ ኡባ፡፡ ወርሰላን፡ ዋዲ ጋከናን የለቲዳ ታውካ ቆንጮዳ።

9 እያው ጎ፡ የሱሰ ኪቲዳ ኡባ፡፡ ታን ላፋ፤ ታን ጸሳ ዋሳ ጎልያ ዋይሴዳ ድራው፡ የሱሰ ኪቲዳዋ ጌተታይ ጸሰታናውካ በሰከ።

10 ሽን ጸሳ እጾ ኬካተላን ታን ታናካ። ቃይ ታው እ እሚዳ እጾ ኬካተላይ ሙላ ግድቤና፤ ሽን ታን ኡንቱንታ ኡባ፡፡ አላይ ኦላድ። ሽን ታናና ደእያ ጸሳ እጾ ኬካተላይ አሌዳ፡፡ አትን፡ ታና ግድካ።

11 ሰሞ ታና ግድ፡፡ ካ፡፡ ዋይ ኡንቱንታ ግድ፡፡ ኮን ኡባይ ኦድያዌ ሀዋ፤ ሀንተንቱካ ሀዋ አማኑድታ።

አሳይ ሀይቁዋ፡፡ ደንዳናባ

12 ክርስቶስ ሀይቁዋ፡፡ ደንዴዳዋ ኦድያዋ ግድ፡፡ ሀንተንቱ፡፡ እት እት አሳቱ ያትና ዋቲደ፡ “ሀይቁዳ አሳይ ሀይቁዋ፡፡ ደንደና” ያጊና?

13 ሀይቁዳ ኡራይ ሀይቁዋ፡፡ ደንድቤናዋ ግድ፡፡ ያትና ሄኮ ክርስቶስካ ሀይቁዋ፡፡ ደንድቤና ግያዋ።

14 ክርስቶስ ሀይቁዋ፡፡ ደንድቤናዋ ግድ፡፡ ያትና ኮን ኦድያዌካ ሙላ፤ ቃይ ሀንተ አማኑካ ሙላ።

15 ቃይ ኮን፡ “ክርስቶሳ ሀይቁዋ፡፡ ደንጤዳ” ያጊደ ጸሳባ ማርካቲዳ ድራው፡ አ ዋርዶ ማርካቲዋ ግዲደ ቤቲድ። ሽን ሀይቁዳዋንታ ሀይቁዋ፡፡ እ ደንጤናዋ ግድ፡፡ ክርስቶሳካ ደንጤና።

16 እያው ጎ፡ ሀይቁዳዋንቱ ሀይቁዋ፡፡ ደንደናዋ ግድ፡፡ ሰሞ ክርስቶስካ ደንድቤና።

15:3 አሳ. 53:5-12 15:4 ማዘ. 16:8-10፤ ማቶሳ 12:40፤ ከታ 2:24-32 15:5 ማቶሳ 28:16-17፤ ማር. 16:14፤ ሉቃሳ 24:34፤ 36፤ ዮሃ. 20:19 15:8 ከታ 9:3-6

17 ክርስቶስ ሀይቁዋጥ ደንድቤናዎ ግደጥ፡ ህንተ አማኑካ መላ፤ ቃይ ህንተ ሀዋ ጋካናዉካ ናጋራና ደኢታ።

18 ሰሞ ክርስቶሳ አማኒደ ሀይቁዳዋንቱካ ቃይ ቆዬድኖ ግያዋ።

19 ኑን ሀ ደኡዋ ጸላላዉ ክርስቶሳን ሀደቱዳ \* ግደጥ፡ ሀ አላምያን ደኢያ አሳ ኡባጥካ ኑባይ ሎኤና።

20 ሽን ክርስቶስ ሀይቁዳዋንቱ ደንደ ባይራ ግዲደ፡ ሀይቁዋጥ ደንዴዳዌ ቱማ።

21 አያዉ ጎጥ፡ ሀይቁ እት አሳ ባጋና ሀ አላምያ ዬዳ፡ ሀይቁዳዋንቱ ደንዲካ ቃይ እት አሳ ባጋና ዬዳ።

22 አያዉ ጎጥ፡ አሳይ ኡባይ አዳማና እትጥተላ መጴዳ ድራዉ ሀይቁዳዋዳን፡ ክርስቶሳና እትጥተላ መጴዳ ድራዉ፡ ኡባይ ደኦ ደንዳና።

23 ሽን ኡባይካ ባረ ካላን ካላን ደንዳና። ክርስቶስ ኡባጥ ካስቲደ ደንዴዳ፤ ሄዋጥ ጉይያን፡ ክርስቶሳዋንቱ ክርስቶስ ይያ ዎደ ደንዳና።

24 ሄዋጥ ጉይያን፡ ክርስቶስ ማታ ኡባ፡ ጎዳተላ ኡባን ዎልቃ ኡባ ቆይሲደ፡ ጸሳዉ ባረ አቦ ካዉተላ እምያ ዎደ፡ ዎድያ ዉርሰላይ ያናዋ።

25 አያዉ ጎጥ፡ ጸሳይ አ ሞርከቱዋ ኡባ አ ገድያጥ ጋርሳና ዎሳና ጋካናዉ፡ ክርስቶስ ሞዳናዉ በሴ።

26 ኡባጥ ዉርሰላን ቆይደ ደኢያ ሞርኪ ሀይቁዋ።

27 አያዉ ጎጥ፡ ጸሳ ማጻፋይ፡ “ጸሳይ ኡባባ አ ገድያጥ ጋርሳና ዎላደ ሞድሴዳ” ያጌ። ሽን ኡባባ አ ገድያጥ ጋርሳና ዎላደ ሞድሴዳ ግያ ዎደ፡ ኡባባ ኦሌዳ ጸሳጥ እትን፡ የኮ ኡባይ ሞደቱዳ ግያዌ ቆንጨ።

28 ሽን ኡባባይ ክርስቶሳዉ ሞደቱዳዋጥ ጉይያን፡ ክርስቶስ ቃይ ባረ ሁጸዉ ኡባባ ባረና ሞድሴዳ ጸሳዉ ሞደታና። ጸሳይ ቃይ ኡባባ ዉርሲደ ሞዳና።

29 ሄዋ ግዳና ቆጥጥ፡ ሀይቁዳዋንቱ ኮታ ጸማቀትያዋንቱ አያ ኦሊኖ? ሀይቁዳዋንቱ ኡባካ ደንደናዎ ግደጥ፡ አሳይ ሀይቁዳዋንቱ ኮታ አያዉ ጸማቀቲ?

30 ያትና፡ ኑን ኡባ ዎደ አያዉ ሀሳየና መቱዋን ገሌቶ?

31 ታናዳን አማንያዋንቶ፡ ታን ኑ ጎዳ ክርስቶሳ የሱሳን ታዉ ደኢያ ህንተናን ጨቀታደ፡ ጋላሳን ጋላሳን ሀይቃይ።

32 ታን ኤፊሶንን አሳ ቆፋዳን ዲኤና ባጸቴዳዌ ታና አያ ማዲ? ሽን ሀይቁዳዋንቱ ሀይቁዋጥ ደንደናዎ ግደጥ፡

“ሰሞ ሞይተነ ኡሾይተ፤ አያዉ ጎጥ፡ ኑን ዎንት ሀይቃና” ግያዎ ማላ።

33 ጭምቶጥተ፤ ኢታ ላገተላይ ሎኦ ሀሮታ ባይዜ።

34 ጽሎተላኮ ሰሞተ። ናጋራ ኦሎጥተ። ህንተንቱጥ እት እት አሳይ ጸሳ ኤረና፤ ታን ሀዋ ህንተንታ ዬላያናዉ ጋይ።

ሀይቁዋጥ ደንዴዳ ቦላ ሀሮታ

35 ሽን እት አሳይ፡ “ሀይቁዳ አሳይ ዋኒደ ደንዳይ? ኡንቱንቱ አያ ማላ ቦላና ያኔ?” ያገናን አገና።

36 ኔኖ ኤያዉ፡ ኔን ጋድያን ዘርያ ዘረሳይ ሀይቀናን ሞከና።

37 ኔን ዘርያዌ ዘርጋ ግድና ዎይ ሀራ ቆሞ ካላ ግድና፡ አይፍያ ጸላላጥ እትን፡ ላም ደሊደ ከሰያዎ ግደና።

38 ሽን ጸሳይ ዘረላዉ ባረ ደሴዳ ቦላ እማ፤ ቃይ ዘረላ ኡባዉካ ሁጲያን ሁጲያን ኡንቱንቱ ቦላ እማ።

39 መ□ታ ኡባ አሹ እቱዋ ግደና። ሽን አሳ አሹ እቱዋ፤ መሀያ አሹ ዲማ፤ ካፋቱዋ አሹካ ዲማ፤ ቃይ ሞልያ አሹካ ዲማ።

40 ቃይ ሳሉዋ አሳተላቱን ሳኦ አሳተላቱ ደኢኖ። ሽን ሳሉዋ ቦላ ቦንቹ ዲማ፤ ቃይ ሳኦ ቦላ ቦንቹ ዲማ።

41 አዎይፍያዉ አ ሁጲ ቦንቹ ደኤ። አገናዉካ አ ሁጲ ቦንቹ ደኤ። ቃይ ጸልንታቶካ ዲማ ቦንቹ ደኤ፤ አያዉ ጎጥ፡ እት ጸልንቲ የኮ ጸልንትያጥ ቦንቹዋን ዲማጥ።

42 ቃይ ሀይቁዳዋንቱ ሀይቁዋጥ ደንድያ ዎደ ሄዋዳን ሀናና፤ ሀይቁያ ቦላይ ሞገቲደ፡ ሀይቀና ቦላ ግዲደ ደንዳና።

43 ቦላይ ቶሽያን ሞገቲደ፡ ቦንቹዋን ደንዳና። ቃይ ዳቡራን ሞገቲደ፡ ዎልቃን ደንዳና።

\* 15:19 ሀድታ- ክርስቶሳን ኑ ዎሌዳ ኑ ኡባ ሀድታይ፡ ሀ አላምያን ደኡዋሳ ግደጥ፡ ሀ አላምያን ደኢያ ሀራ አሳቱዋ ኡባጥካ ኑባይ አጲደ ኢታ፡ ጉሳ። 15:25 ማዜ. 110:1 15:27 ማዜ. 8:6 15:32 ኢሳ. 22:13

44 መ□ታ ቦላይ ሞገቲደ፡ ጌሻ አያናን ካለሰትያ ቦላ ግዲደ ደንዳና። መ□ታ ቦላይ ደአ፡ ቃይ ጌሻ አያናን ካለሰትያ ቦላይካ ደኤ።

45 ሀዋዳንካ፡ ቃይ ጸሳ ማጻፋን፡ “ኮይሮ ብታነ፡ አዳም፡ ፓጾ ደእያ አሳ ግዲደ መ□ቲዳ” ያጌ። ሽን ዉርሰላ አዳሞ ደአዋ አሞያ አሳ ግዴዳ።

46 ሽን መ□ታ አሳይ ኮይሮ ዪና፡ ጌዶፕ አያና አሳይ ዬዳፕ አትን፡ አያናዌ ኮይሮ ይቤና።

47 ኮይሮ አዳሞ ቢታፕ መ□ቲዳ፤ እ ቢታፕ መ□ቲዳዋ። ላኤነሉዋ አዳሞ ሳሉዋፕ ዬዳ።

48 ሀ ሳእ አሳቲ ቢታፕ መ□ቲዳዋ ማላቲኖ። ቃይ ሳሉዋ አሳቲ ሳሉዋፕ ዬዳዋ ማላቲኖ።

49 ኑን ቢታፕ መ□ቲዳዋ ማላ ማዬዳዋዳን፡ ሳሉዋፕ ዬዳዋ ማላካ ቃይ ማያና።

50 ታናዳን አማንያዋንቶ፡ ታን ግያዌ ሀዋ፤ አሹነ ሱላይ፣ ጸሳ ካዉተላ ላታና ደንዳየና። ቃይ ዋቂያዌ ዋቀናዋ ላተና።

51-52 ሰሰተ! ታን ህንተንቶ አትባ ጹራይ። ኑን ኡባይ ሀይቆኮ። ሽን ዉርሰላ ጹራሞባይ ፑነትያ ዋደ፡ ልጹዳ አይፊ ጸላናዉ ዋዛና አ□ናን ላመታና። እያዉ ሳፕ፡ ጹራሞባይ ፑነትያ ዋደ፡ ሀይቁዳ አሳይ ዋቀና አሳ ግዲደ ደንዳና፤ ኑንካ ላመታና።

53 እያዉ ሳፕ፡ ሀዌ ዋቂያዌ ዋቀናዋ ማያናዉ በሰ፤ ቃይ ሀዌ ሀይቁያዌ ሀይቀናዋ ማያናዉ በሰ።

54 ሽን ሀዌ ዋቂያዌ ዋቀናዋ ማይያ ዋደ፡ ቃይ ሀዌ ሀይቁያዌ ሀይቀናዋ ማይያ ዋደ፡ ሄ ዋደ፡ ጸሳ ማጻፋይ፡ “ሀይቁ ጸነቲደ ሞተቲዳ።

55 ሀይቆ፡ ነ ይሻይ ሀቃነ? ሀይቆ፡ ነ ጸኑ ሀቃነ?” ጌዳ ቃላይ ፖለታና።

56 ሀይቁ ዲክያ ዋልቃ ናጋራፕ ደሜ፤ ቃይ ናጋራይ ዋልቃ ህግያፕ ደሜ።

57 ሽን ኑ ጎዳ የሱሰ ክርሰቶሳ ባጋና ኑና ጸንሰያ ጸሳ ጋላታይ ጋኮ።

58 ታን ሲቅያ ታናዳን አማንያዋንቶ፡ ሄዋ ድራዉ፡ ቃጸናን ሞን ኤቂተ። ህንተንቲ ዳቡራይ ጎዳ ባጋና መላ ግደናዋ ኤሪደ፡ ኡባ ዋደ ጎዳ ኦሱዋ አዛለናን ኦአተ።

# 16

የሩሳላመን ደእያ አማንያ አሳዉ ሺቄዳ ሚሻ ማዲዋ

1 ጸሳ አሳቶ ሚሻ ሺሻናዉ ጋላትያን ደእያ አማንያ አሳቶ ታን ቃላ ገሌዳዋዳን፡ ህንተንቲካ ቃይ ሄዋዳን ኦአተ።

2 ህንተንቲ ታን ያ ብያ ዋደ፡ ሚሻ ሺሸና ማላ፡ ህንተ ኡባይ ዋጋ ጋላሰ ጋላሰ፡ ህንተ ደሞያ ኬናፕ ህንተ ጎለን ዳጋይተ።

3 ታን ያ ጋክያ ዋደ፡ ህንተ አማንያ አሳ ኦና ግደፕነ፡ ህንተ አሜዳዋ ጋላና ማላ፡ ዳብዳቤያና ኡንቲንታ የሩሳላመ ኪታና።

4 ቃይ ታን ኡንቲንቲና ባናዉ ኮሾፕ፡ ኡንቲንቲ ታናና እትፕ ባናዋንታ።

ጳውሎሳ ቆፋቲዋ

5 ታን ማቅደንያና አጳአደ፡ ህንተንቲኮ ባና፤ እያዉ ሳፕ፡ ታን ማቅደንያና አጳይ።

6 ታን ብያሳ ሀቃ ግደፕነ፡ ታ ቡሳን ህንተ ታና ማዳና ማላ፡ ህንተ ማታን አማራጭ ዋድያ ጋሞኤናን አግከ። ዋይ ባልጉዋካ ህንተ ማታን ሻጨናን ዋያ አጋና።

7 እያዉ ሳፕ፡ ታን ሀእ ያና አጳአደ ሄ ኦግያና ህንተንታ በአናዉ ኮይከ። ጎዳይ ሳፕ፡ ህንተ ማታን አማራጭ ዋድያ ታካናዉ ቆፓይ።

8 ሽን ታን ጸንጸቆስተ ግያ ጋላሳይ ጋካናዉ ኤፈሶነን ጋሞአና።

9 ታዉ ኦሱ ኩሜዳ እኮ ፐንጊካ ያን ደየቲዳ። ቃይ ታዉ ጮራ ሞርከቲ ደኢና።

10 ጽሞቶስ ህንተንቲኮ የፕ፡ ህንተ ማታን እ ያየናን ደአናዳን፡ አ ሎይሉ አይቂተ። እያዉ ሳፕ፡ እካ ቃይ ጎዳ ኦሱዋ ኦአ።

11 ሄዋ ድራዉ፡ ኡንካ አ ካጶፖ። ሽን እ ታኮ ሳሮ ሰማና ማላ፡ አ ማዲደ ሳሮተላን ዋይዝተ። እያዉ ሳፕ፡ ታን እ አሻቲዋና ሰማናዋ ናጋ ኡታድ።

12 ሽን ኑ አሻ አጲሎስ የኮ አሻቲዋና ህንተንቲኮ ባና ማላ፡ ታን አ ሞንሳ ዋሳድ። ሽን ሀእ ህንተንቲኮ ባናዉ ኮይቤና፤ እ ባረዉ ሚክያ ዋደ ህንተንቲኮ ባናዋ።

ዉርሰላ ዘርያነ ሳሮታ

15:45 ደመላ 2:7 † 15:50 ሀ ሳእ ቦላ ደኢደ አሳይ ማዬዳ አሹዋነ ሱላ፡ ጉሳይ ሀ አላሞያ አሳተላ ጉሳ። 15:51-52 1 ተሰ. 4:15-17 15:54 እሳ. 25:8 15:55 ሆሰ 13:14

13 ቤጎትተ። አማኑዋን ምን ኤቂተ።  
ጸልተ። ጎብተ።

14 ኦሱዋ ኡባ ሲቁዋን ኦሳተ።

15-16 ታናዳን አማንያዋንቶ።  
እስጵፋኖስን እ ሶይ አሳይ ግሪከን ኮይሮ አማኔዳዋንታ ግድያዋን ጸሳ አሳቶ ኦሳናዉ ባረንታ አሜዳዋ ህንተ ኤሪታ። ህንተንቱካ ኡንቱንቱ ማላ አሳዉ፤ ኡንቱንቱና ኦሳያ ኡባዉ ዳቡርያ ኡባዉ ኤኖ ጋናዳን፤ ታን ህንተንታ ዋሳይ።

17 እስጵፋኖስ፣ ፓርዶናጵስን አካይቆስ ህንተ ባይናሳን ታና ቦራስሰቤና ድራዉ፤ ኡንቱንቱ ዩሳን ታን ናሽታይ።

18 ኡንቱንቱ ህንተንታ አያናን ምንሴዳዋዳን፤ ታናካ አያናን ምንሴዳ ድራዉ፤ ሄዋንቱ ማላ አሳቱዋ ደሳጥተ።

19 ኢሰያን ደእያ አማንያ አሳይ ህንተንታ፣ “ሳሬ፣ ሎኤ” ጊኖ። አቁላይነ ጵርሰቂላ ባረንቱ ሶይን ሸቅያ ዋሳ ጎላ አሳናካ ህንተንቶ ጎዳ ሳርታ ዋዛናፕ ኪቲኖ።

20 እሻቱ ኡባይ ህንተንቶ ሳርታ ኪቲኖ።  
እቱ እቱዋና ጌሻ የረታ የረቲደ ሳርተትተ።

21 ታን ጸዉሎስ ሀ ሳርታ ታ ኩሽያን ጸፋድ።

22 ጎዳ የሱስ ክርሰቶሳ ሲቀና አሳይ ደኦፕ፣ እ ሸቀቱዳዋ ግድ። ኑ ጎዳዉ፤ ሃያ።

23 ጎዳ የሱስ ክርሰቶሳ አጾ ከካተላይ ህንተንቱና ግድ።

24 ክርሰቶሳ የሱሳን ደእያ ህንተንቱ ኡባና ታ ሲቁ ግድ። አመንእ።

# ጳውሎስ ቆርንቶሳ አሳው ጻፈዳ ላኤንሶ ኪታ ገሎቀ

ጳውሎስ ቆርንቶሳ አሳው ጻፈዳ ላኤንሶ ኪታይ ጻፈቴዳዌ፡ ጳውሎሳው ቆርንቶሳን ደእያ አማንያ አሳና ደእያ ጋከላይ ዳሮ መቱዋ ግደ ገል ኡቴዳ ዋድያና። እት እት አማንያ አሳቱ እት እት ቶሽያ ጳውሎሳ ቦላ ዋሌድኖ፤ ግደገን ጳውሎስ ስጋተላ መቆናው ላሞታይ ባረው ደእያዋ በሲደ፡ ሄዌ ሀንያ ዋደ ዋልቃማ ናሽቻ ናሽታናው ዳንዳይያዋ ቆንጭሴ።

ሀ ኪታ ኮይሮ ደመላን ጳውሎስ ቆርንቶሳን ደእያ አማንያዋንቱና ባረው ደእያ ጋኮተላ ቆንጭሲደ፡ አማንያዋንቱ ግደን ደንዴዳ ቶሽያስነ ጻልቀላው፡ እ ኡንቱንቶ አያው ሞኖ ዛሩዋ እሚደንቶ ኦደ። ሄዋናካ ጋሊደ ሀዌ አ ሴራይ ኡንቱንታ ናጋራጥ ሰማውነ ስጋተላው ካለሌዳ ድራው፡ ሰስቲዳ ናሽቻ ኡንቱንቶ ቆንጭሴ። ካሊደ ቃይ ይሁዳን ደእያ አማንያዋንታ ማድያዋ ባረንቱዋጥ ጮ እማና ማላ፡ ኡንቱንታ ሀሳይሴ። ወርሰላ ሸምጋቱዋን ጳውሎስ የሱሳጥ ከተቲዳዋ ግድያዋ ቦላ ሺቄዳ ሞቶ ዛሩዋ ቃላ እሜ፡ አያው ጎጥ፡ ቆርንቶሳ አማንያዋንቱ ግደን እት እት አሳቱ ባረንታ ቱሙ የሱስ ኪቲዳዋንታ ከሲደ፡ “ጳውሎስ የሱስ ኪቲዳዋ ግደና፤ እ ዋርዱዋ” ያገደ፡ አ ሞቲኖ።

## ሸምጋቱዋ ኡባቶ እመቴዳ ቃንላ ቆፋቱዋ

ኡባጥ ስንላትያ የወዋ 1:1-11  
ጳውሎስን ቆርንቶሳን ደእያ አማንያዋንታ 1:12—7:16  
ይሁዳን ደእያ አማንያዋንቶ እመቴዳ ማዲያ 8:1—9:15  
ጳውሎስ ባረ ከተቲዳ ማታው ኤቀታናው ሺሼዳ ቃላ ማርካ 10:1—13:10  
ወርሰላ ቁትያ 13:11-14

1 ታን ጳውሎስ፡ ጸሳ ሸንያን፡ ክርስቶስ የሱስ ኪቲዳዌነ ኑ እሻይ ጽሞቶስ ጸሳው ጎይንያ ቆርንቶሳ ካታማን ደእያ አማንያዋንቶነ አካይያን ደእያ ጸሳ ናናቶ ሀ ዳብዳቢያ ጻፈቶ።

2 ጸሳ ኑ እወዋጥነ ጎዳ የሱስ ክርስቶሳጥ፡ እጾ ኬካተላይነ ሳርተላይ ሀንተንቶ ግደ።

ጳውሎስ ጸሳው ሺሼዳ ጋላታ  
3 ጸሳ ኑ ጎዳ የሱስ ክርስቶሳ እወዋ፡ ማርተላ እወዋነ መንግሥቱዋ ኡባ ጸሳ ጋላታይ ጋኮ፤

4 ጸሳይ ኑና ኑ ሀጸወ መንግሥቱዳ መንግሥቱዳን፡ ዳሮ ዋይያ ዋየትያዋንታ ኑንካ መንግሥቱዳን፡ ኑ ዋይያ ኡባን እ ኑና መንግሥቱ።

5 እያው ጎጥ፡ ኑን ክርስቶሳ ባጋና ዳሮ ዋይያ ዋየትያዋዳን፡ ሄዋዳንካ፡ ቃይ ኑና እ ባጋና ዳሮ መንግሥቱዋን መንግሥቱ።

6 ኑን ዋየቶጥ፡ ሄዌ ሀንተና መንግሥቱዳሳነ ሀንተና እሻናሳ፤ ቃይ ኑን ሞነቶጥ፡ ኑን ዳንዳይዳ ዋይያ ማላ ሀንተካ ገንጨደ ዳንዳይያ ማላ፡ ጸሳይ ሀንተውካ ቃይ መንግሥቱዋ ዳንዳይያ እማናሳ።

7 ሀንተ ደማና ገደ፡ ሀድታን ናግ ኡቴዳዌ ዳሮ ሞኖ፤ እያው ጎጥ፡ ሀንተ ኑናና ዋየቲዳዋዳን፡ ሄዋዳን መንግሥቱዋካ ኑናና አካናዋ ኑን ኤሬቶ።

8 ኑ ኑናዳን ጸሳ ካልያዋንቶ፡ ኑን ኢሰያ ጋድያን ዋየቲዳ ዋይያ ሀንተና ሀሳይሳናው ኮዬቶ፤ ኑ ዋይ ኑ ዋልቃጥ ዳርና፡ ኑና ዋጄ ገደ፡ ሀርጋና ጋካናው፡ ኑና ዋጋይ ባይናዋ ዴጴዳ።

9 ኑን ኑ ቦላ ሀይቁዋ ፕርዳይ ፕርደቲዳ ያገደ ቆፔደ፤ ሸን ሄዌ ሀኔዳዌ ሀይቁዳ እሳ ሀይቁዋጥ ደንሳያ ጸሳን ኑን አማንታናጥ እትን፡ ኑ ሁጲያን አማንተናዳና።

10 ጸሳይ ሀዋ ማላ ኢታ ሀይቁዋጥ ኑና እሼዳ፤ እ ኑና እሻና፤ ስንላጥካ እ ኑና እሻናዋ ገደ፡ ሀድታን ናግ ኡቴደ።

11 ሀንተ ዋሴዳ ዳሮ ዋሳን ኑወ አንጂ ሰሜዳ ድራው፡ ዳሮ አሳይ ኑ ድራው ጸሳ ጋላታና ማላ፡ ሀንተካ ቃይ ኑና ዋሳን ማዳና ኮሼ።

## ለመቴዳ ጳውሎሳ ቆፋ

12 ኑን ጨቀትያዌ ሀዋ፤ ሀ ሳኣን ኑን ደእያ ደኡ፡ ኡባ ቃይ ሀንተናና ኑወ ደእያ እትጥተላይ ጸሳ እጾ ኬካተላናጥ እትን፡ እሳ እጴዳ ኤራተላና ግደናዋ፡ ቃይ ጸሳይ እሜዳ ገሻተላንነ ሱረተላን ኑን ደእያዋ ዋካና ቆፋይ ኑወ ማርካቲ።

13-14 እያው ጎጥ፡ ሀንተ ናባባናውነ እኬካናው ዳንዳይያዋ ጸላላ ሀንተንቶ

ጸፍያዎ ለትን፣ ኑን ሀራባ ህንተንቶ ጸፎኩ። ኑ ጎዳ የሱሳ ጋለሰ ኑን ህንተናን ጨቀታናዎዳን፣ ህንተካ ኑናን ጨቀታና ማላ፣ ህንተ ሀእ ወርሰ እኬከና የወዋ ግድን ወርሰ እኬከና ጋደ ቆገይ።

15 ሄዋ ታን ሎይላ ኤሬዳ ድራው፣ ህንተ ለኤ ገደ ጎኤታና ማላ፣ ኡባፕ ካሰታደ ህንተኮ ባናወ ቆፋ ቃቻድ።

16 ታን ማቅደንያ ባደ ህንተናና ጋከታናዋን ቃይ ያፕ ሰማደ ህንተ ማዳና ይሁዳ አድሸን፣ ህንተ ታና ማዳናዎ ቆገ ኡታድ።

17 ሄዋ ድራው፣ ታን ሄዋ ቆገደ ታናን አማነትባይክታ? ታን ታ ቆፋ ቃቻያ ዋደ፣ ሳኦ አሳዳን እት ኩላን፣ “ኤ፣ ኤ” ዋይ፣ “ግደና፣ ግደና” ጋናወ ጊጋ ኡታድታ?

18 ሸን ጸሳይ አማነቲዳዎ ግድያዎ ቱማ ግድያዎዳን፣ ኑን ህንተንቶ ኦድያ ቃላይ “ኤ” ግያዋን “ግደና” ግያዎ ግደና።

19 አያወ ጎፕ፣ ታን፣ ሰላሰነ ጽዋቶሰ ህንተ ግደን ኦዴዳ ጸሳ ናኦይ፣ የሱስ ክርሰቶሰ “ኤ” ግያዎፕ ለትን፣ “ግደና” ግያዎ ግደና። ሸን ጸሳ ባጋና እ ኡባ ዋደካ “ኤ”።

20 አያወ ጎፕ፣ ጸሳይ አማና ጌዳባወ ኡባወ ኤና ጌዳዌ ክርሰቶሳ ባጋና ፖለታና፤ ሄዋ ድራው፣ ኑን ክርሰቶሳ ባጋና ጸሳ ቦንቾ፣ አመንእ \* ጌቶ።

21 ጸሳይ ክርሰቶሳ ባጋና ኑናን ህንተና መንግሥት ኦኬ።

22 ኑን አዎ ግድያዎ ኤርሰያ ማታፋ እ ኑ ቦላ ዋሏደ፣ ባረ ጌሻ አያና ዋሰያዳን፣ ኑ ዋዛና ግደን ዋሏዳ።

23 ቃይ ታን ቆርንቶሳ ቤናን እጌዳዌ ህንተና ቆሄናዳና። ሄዋ ዋርዶ ግድፕ ታና ሙራናወ ታ ሸምፑዋን ጸሳይ ማርካ።

24 ኑን ህንተና ናሽቻናወ ህንተናና እትፕ ኦሰያዋንታፕ ለትን፣ ህንተ አማንያዎን ህንተና ጎደታናወ ኮይያዋንታ ግድኮ፤ አያወ ጎፕ፣ ህንተንቱ ህንተ አማኑሳን ምኒደ ደኢታ።

## 2

1 ታን ላኤንሉዋ ህንተና ካዮየና ማላ፣ ህንተኮ ቤናዳን፣ ታ ቆፋ ቃቻድ።

2 አያወ ጎፕ፣ ታን ህንተና ካዮይያዎ ግድፕ፣ ሀ ታን ካዮዬዳ ህንተ ታና ናሽቻናፕ ለትን፣ ኦኔ ታና ናሽቻናዌ?

3 ታን ህንተንቶ ሄ ዳብዳቢያ ጸፊዳዌ፣ ታና ናሽቻናወ በሰያ አሳቱዋን ታን ካዮታናወ ህንተኮ ባናወ ኮያቤናዋሳ፤ ታን ናሽቻያ ዋደ፣ ህንተ ኡባይካ ቃይ ናሽታናዎ ህንተ ኡባን አማነታይ።

4 አያወ ጎፕ፣ ታን ህንተንቶ ዳር ዋይያንን ቱጋን ቃይ ዳር አፎላና ጸፊዳዌ፣ ህንተና ካዮየናሳ ግደና፤ ሸን ታን ህንተና ኡባቱዋ አይ ኬና ሲቃይታንቶ ህንተ ኤራናዳና።

ባይዛንቻወ አቶ ግያዎ  
5 ሸን እት ኡራይ ሀራ ካዮዬዳዎ ግድፕ፣ ታን እ የወዋ ዳርሳናወ ኮይከ፤ እ ህንተና ኡባቱዋ ካዮዬዳፕ ለትን፣ ታ ጸላላ ካዮይቤና።

6 ህንተፕ ዳርያ ባጋ አሳይ ሄ ብታንያ ማላ አሳ ሄዋዳን ሙርፕ፣ ሄ ሙራይ አወ ግዳናዎ።

7 ሄዋ ድራው፣ ሄ ብታኒ ሎይላ ካዮተና ማላ፣ ህንተ አወ አቶ ጋናወነ እ መንግሥቱወ በሴ።

8 ሄዋ ድራው፣ ህንተ አ ምንሲደ ሲቅያዎ እ ኤራና ማላ፣ ታን ህንተና ዋሳይ።

9 አያወ ጎፕ፣ ህንተ ታወ አዛዘታናወ ኡባ ዋደ ጊግ ኡቴድተንቶን ቃይ ፓጭያ ህንተ ዳንዳይንቶ ኤራናወ፣ ሄ ዳብዳቢያ ህንተንቶ ጸፋድ።

10 እት ኡራይ ናቄዳዎ ህንተ አቶ ግያ ዋደ፣ ታንካ ቃይ አቶ ጋይ፤ ታን አቶ ጌዳዎ ግድፕ፣ አቶ ጌዳዎ አያን ክርሰቶሳ ሰንሳን ህንተ ድራው፣ አቶ ጋድ።

11 ሴጸናይ ኑኮ ዪደ፣ ኑና ጭመና ማላ፣ ታን አቶ ጋድ፤ አያወ ጎፕ፣ ኑን እ ቆፋ ኤራቶ።

ኡራሳ ጫቁዎ ኦሳንቻቱዋ ጸኑዋ  
12 ታን ክርሰቶሳ ምሽራቹዋ ቃላ ኦዳወ ጸርኦዳ ቤዳ ዋደ፣ ጎዳይ ያን ታወ ፕንግያ ደይ ዋሏዳ።

13 ታን ታ እሻ ቲታ ያን ደማቤና ድራው፣ ታወ አያናይ ሸምፕቤና። ሄዋ ድራው፣ ያን ደኢያ አሳ፣ “ሳር ደኢተ” ጋደ ማቅደንያ ባድ።

14 ሸን ክርሰቶሳ ባጋና ኡባ ዋደ ኑና ጸና ካለሰያ ጸሳ፣ ቃይ ክርሰቶሳ

\* 1:20 አመንእ- “አመንእ” ግያ ቃላይ ሀዋን “ኤ” ያንቻያ ብለላ ኦይቁ።

ትምርትያ ኑ ባጋና ሸቱዋዳን፡ ኡባሳ ጋልያዎ ጋላታይ ጋኮ።

15 እያው ጎፐ፡ ኑን አትያ አሳ ግዲዋንን ቆይያ አሳ ግዲን ክርሰቶስ ጸሓው ያርሽያ ሳወዋ ቶሽኩ ግያ ሸቱዋ ማላ።

16 ኑን ቆይያዋንቶ ዜእያ ሀይቁዋ፤ ቃይ አትያዋንቶ ደኡዋ እምያ ሳዊያ ሸቱዋ፤ ያትና፡ ሄዋ አላናው ዳንዳይያዋ ኦኔ?

17 ኑን ጸሓ ቃላ ገሎባዳን፡ ዋላኪደ ዛልእያ ሀራ ጮራ አሳቱዋ ማላ ግደኮ፤ ሸን ጸሓይ ኑና ኪትና፡ አማካቲደ ጸሓ ሰንሓን ክርሰቶሳ ባጋና ቃላ ኦዴቶ።

### 3

ጸሓ ኦራላ ጫቁዋ

1 ኑን ሸረቲደ፡ ኑ ሁጲያ ሳባናው ደሜደዬ? ዋይ ሀራ አሳቱዋዋዳን፡ ሳባ ዳብዳቢያ ህንተንቶ የዳናው ዋይ ህንተፕ አካናው ኮዬቶ?

2 ህንተንቱ ህንተ ሁጲያን አሳይ ኡባይ ኤራናዳንን ናባባናዳን፡ ኑ ዋዛናን ጸፈት ኡቲዳ ኑ ዳብዳቢያ።

3 ሀ ዳብዳቢያ ክርሰቶስ ባረ ሁጲያን ጸፊደ፡ ኑ ቦላ ኪቲዳዊ ቱማ፤ ሀ ዳብዳቢ ደኡዋ ጸሓ ጌሻ አያናን አሳ ዋዛናን ጸፈቲዳዋፕ አትን፡ ሹቻ ቦላ ቃላምያን ጸፈትቤና።

4 ኑው ክርሰቶሳ ባጋና ጸሓን ሀዋ ማላ አማኑ ደኤ።

5 ኑ ዳንዳይያ ጸሓፕ ይያዋፕ አትን፡ ሀ ኡሱዋ ኑን ኑ ሁጲያን ኦላናው ዳንዳይቶ ግያዌ ኑው አያይን ባዋ።

6 ኑን ኦራላ ጫቆ አላና ማላ፡ ጸሓይ ኑና ዳንዳይሴዳ፤ ሄ ኦራላ ጫቆ ጌሻ አያናዋፕ አትን፡ ጸፈቲዳ ህግያዋ ግደና። ጸፈቲዳ ህገ ሀይቁዋ አሄ፤ ሸን ጌሻ አያናይ ደኡዋ አሄ።

7 ሹቻ ዋጪደ ጸፊዳ ህገ አመትያ ዋደ፡ ጸሓ ቦንቹ ቤቲዳ፤ ሙሴ ሰምእያን ደእያ ጸለላይ ቆይያዋ ግደፕካ፡ ሄ ጸለላይ ዳር ዋልቃማ ግድያ ድራው፡ እስራኤልያ አሳይ ኦ ሰምእያ ትሽ እላ ጸላናው ዳንዳይቤና። ሀይቁዋ አህያ ህገ ኦልያ ኡሱ ሀዋ ማላ ቦንቹዋና ይያዋ ግደፕ፡

8 ጌሻ አያናይ ኦልያ ኡሱዋ ቦንቹ አይ ኬና ዳራኔ?

9 እያው ጎፐ፡ አሳይ ፕርዳ አክያ ኡሱ ቦንቹ ግደፕ፡ አሳይ ጽልያ ኡሱዋ ቦንቹ ዋኒደ ዳራንዳሻ?

10 እያው ጎፐ፡ ካሰ ቦንቹ ሀእ ባረፕ ሎይላ አጵያ ቦንቹዋ ጋሱዋን ቦንቹዋ ቆይዳዊ ቱማ።

11 እያው ጎፐ፡ ሄ ቆይዳዋን ቦንቹ ደእያዋ ግደፕ፡ ሙጵናው ደእያዋን አይ ኬና ዋልቃማ ቦንቹ ደእንዳሻ?

12 ኑን ሀድታን ናግያ ሀዋ ማላባይ ኑው ደእያ ድራው፡ ቆንጭያን ጸሊደ ሃሳዬቶ።

13 እስራኤልያ አሳይ ቆይያ ቦንቹዋ ወርሰላ በኤና ማላ፡ ባረ ሰምእያ ናጸላን ካሜዳ ሙሴ ማላ ግደኮ።

14 ሸን ኡንቲንቲ ዋዛናይ ደንጭሌዳ፤ እያው ጎፐ፡ ኡንቲንቲ ኤጫ ጫቁዋ ናባብያ ዋደ፡ ሀቹ ጋካናውካ፡ ሄ ናጸላይ ኡንቲንቲ ዋዛና ካም ዋሌዳ፤ ኦንን ክርሰቶሳና ጋከትያ ዋደ ጸላላን ሄ ናጸላይ ክቹ።

15 ሸን ኡንቲንቲ ሙሴ ማጻፋ ናባብያ ዋደ ኡባን ሀቹ ጋካናውካ፡ ሄ ናጸላይ ኡንቲንቲ ዋዛና ካም ዋሌዳ።

16 ሸን ጸሓ ማጻፋይ፡ “ኦንን ጎዳኮ ሰምያ ዋደ፡ እዉደን ሄ ናጸላይ ቃረቲ” ያጌ።

17 ጎዳይ ጌሻ አያና። ጎዳ አያናይ ደእያ ሳን አይለተላይ ባዋ።

18 ኑን ኡባይካ ናጸላን ካመትቤና ሰምእያን ጎዳ ቦንቹዋ በእና \* ቃይ ጌሻ አያና ግድያ ጎዳፕ ይያ ሄ ቦንቹ ኑና ባረና ማላትሲደ፡ ቦንቹዋፕ ቦንቹ ላማና።

### 4

ጳውሎስ ባረ ኡሱዋን አማካቲዳ አሳ

1 ሰም ጸሓይ ኑው ሀ ኡሱዋ ባረ ማርተላን ኦላናዳን እሜዳ ድራው፡ ኑን ሳለቶኮ።

2 ኑን ጌማን ኦልያ ዬላይያ ኡሱዋ ኡባ አጎይተ፤ ቃይ ገንያ ኡሱዋካ ኦላኮ፤ ዋይ ጸሓ ቃላ ዋርዲዋና ዋላኮ፤ ሄዋዳንካ፡ ቱሙዋ ቆንጭያን ሃሳዬደ፡ ጸሓ ሰንሓን ሱረ ዋዛናው ኑና ሸሸይተ።

3:3 ከሳ 24:12፤ ኤር. 31:33፤ ህዘ. 11:19፤ 36:26 3:6 ኤር. 31:31 3:7 ከሳ 34:29  
3:13 ከሳ 34:33 3:16 ከሳ 34:34 \* 3:18 ናጸላን ካመትቤና ሰምእያን- እት አሳ ደኡዋን ሰንሓ ሀናናባይ፡ ካሃ ጋርሳን ጳልቁ ቤትያዋዳን ጉሳ።



3 ኑን ኦድያ ዋንጋላ ሞሽራቹ ጌሜዳዋ ግደጥካ፣ ጳይያ አሳቱዋ ጸላላው ጌሜዳ።

4 ሀ ሳኦ ጸሳይ አማነና አሳቱዋ ቆፋ ጅልሴዳ፤ ክርስቶሳ ሰንቹዋ፣ ዋንጋላ ሞሽራቹዋ ፖኤዋ ባረንቶ ፖእያዋ፣ ጸሳ ማላትያዋ ኡንቱንቱ በኤና ማላ፣ ኡንቱንታ ድጌዳ።

5 አያው ጎጥ፣ የሱሰ ክርስቶሰ ጎዳ ግድያዋን አ ድራው ኑን ኑ ሁጲያን ህንተንቶ ቆማ ግድያዋ ኦደቶጥ አትን፣ ኑባ ኦደኮ።

6 አያው ጎጥ፣ “ጴማጥ ፖኤ ፖእና” ጌዳ ጸሳይ ኑ ዋዛናን ባረ ፖኤዋ ፖእሴዳ፤ ቃይ እ ባረ ሰንቹ ኤራተላ ፖኤዋ ክርስቶሳ ሰንላን ፖእያዋ ኑው አማናው ፖእሴዳ።

7 ሸን ኡባጥ አድያ ዋልቃይ ጸሳዋጥ አትን፣ ኑሳ ግደናዋ በሳናው ኑው ሀ ሞንጃይ ኤርቃጥ መጠቴዳ ሚሻ ግዴዳ ኑ ግደን ደኤ።

8 ኑን ኡባ ባጋናካ ኡንኤቴደ፤ ሸን መኤረትበይኮ፤ ቃይ አት አት ዋደ ሰዴቶ፤ ሸን ኑ ኡባናካ አግበይኮ።

9 ኑን የደርሰቴደ፤ ሸን ጸሳይ ኑና ኦልቤና፤ ቃይ ኑ ሞርከቱ ኑና ኦል አጌድና፤ ሸን ኑን ጳይበይኮ።

10 ቃይ የሱሳ ደኤ ኑ አሳተላን ቤታና ማላ፣ ኑን ኡባ ዋደ አ ሀይቁዋ ኑ አሳተላን ቶክ ዩዬቶ።

11 አያው ጎጥ፣ ሀይቁያ ኑ አሳተላ ቦላ የሱሳ ደኤ ቤታና ማላ፣ ፓጸ ደእያ ኑን እ ድራው፣ ኡባ ዋደ ሀይቁቶ።

12 ሄዋ ድራው፣ ሀይቁ ኑ ግደን ኦሌ፤ ሸን ደኤ ቃይ ህንተ ግደን ኦሌ።

13 ጸሳ ማጸፋይ፣ “ታን አማኔዳ ድራው ሃሳያድ” ያጌ፤ ሄ አማኑዋ አያናይ ኑውካ ደእያ ድራው፣ ኑንካ አማኔቶ፤ ሄዋ ድራው፣ ሃሳዬቶ።

14 ጸሳይ፣ ጎዳ የሱሳ ሀይቁዋጥ ደንሌዳዌ፣ ኑናካ ቃይ የሱሳና ሀይቁዋጥ ደንሌደ፣ ህንተናና አትጥ ባረ ሰንላ ሸሻናዋ ኤራቶ።

15 ሀዌ ኡባይ ህንተ ድራሳ፤ ጸሳ አጵ ከካተላይ ዳር አሳ ጋክያ ዋደ፣ አሳይ ጸሳ ሰንቹ ዳር ጋላታ አማና።

አማኑዋን ደኤሳ

16 ሄዋ ድራው፣ ኑን ሳለቶኮ፤ ኑው ሀራይ አቶ፣ ቦላ ባጋ አሳተላይ ዋቁንቶካ፣ ጋርሳ ባጋ አሳተላይ ጋላሳን ጋላሳን ኦራጹ።

17 አያው ጎጥ፣ ሀእው ዋየትያ ሀ ጉሳ ዋዩ፣ ኡባጥ ሎይሳ ዳርያ መድና ቦንቹዋ ኑው ቤትሳና።

18 ኑን ቤተናዋ ጸሌቶጥ አትን፣ ቤትያዋ ጸሌኮ፤ አያው ጎጥ፣ ቤትያባይ ሀእሳ፤ ሸን ቤተናዌ መድናው ደእያዋ።

5

1 አያው ጎጥ፣ ኑን ደእያ ሀ ሳኦ ዲንካጌ ኮለቶጥ፣ ኑው አሳይ ኬጽቤና ጎሊ፣ ጸሳይ ኬጾዳዌ፣ ሳለዋን መድናው ደእያዋ ኑን ኤራቶ።

2 ኑን ሀ አላምያን ደኢደ ዳር ኦሌቶን ሳለዋን ደእና ኑ ጎልያ ማያናው ሎይሳ አሞቴቶ።

3 ኑን ሄዋ ማዬደ፣ ካሎቶኮ፤

4 ኑን ሀ ሳኦ ዲንካንያን ደኢደ፣ ዴጸቲደ ኦሌቶ፤ አያው ጎጥ፣ ሀይቁያ አሳተላይ ደኤዋን ሞተታና ማላ፣ ኑን ማያናው ኮዬቶጥ አትን፣ ካሎታናው ኮዮኮ።

5 ኑና ሀዋ ጊግሴዳዌ ጸሳ፤ ቃይ እ ባረ ጌሻ አያና ዋሰ ኦሌደ፣ አሜዳዌ አ።

6 ሄዋ ድራው፣ ኑን ኡባ ዋደ አማነቴቶ፤ ቃይ ኑን ኑ ጎለን ሀ አሳተላን ደኤዳ ኬናን፣ ጎዳጥ ሻከቲደ ደእያዋካ ኤራቶ።

7 አያው ጎጥ፣ ኑን አማኑዋን ደኤቶጥ አትን፣ በእያዋን ደኤኮ።

8 ኑን አማንሌ፤ ቃይ ሀ አሳተላን ኑ ጎልያ አግ ጎለ ቢደ ጎዳና አትጥ ደእያዌ ኑና ሸቹ።

9 ሄዋ ድራው፣ ኑን ቃይ አሹዋን ደእና ደእና ጳይና፣ ኑ ቆፋይ አ ናሸቻናሳ።

10 አያው ጎጥ፣ ኑን ሁጲያን ሁጲያን ኦሌዳ ኦሱ ሎኦ ግድና፣ ዋይ ኢታ ግድና፣ ኑው በሰያዋ አካናው፣ ክርስቶሳ ፕርዳ ኦይድያ ሰንላን ኡባይካ ሺቃናው በሴ።

አሳ ጸሳና ዳቦይያ ኦሱዋ

11 ሄዋ ድራው፣ ኑን ጸሳው ያዩሳይ አየንቶ ኤሪደ፣ ሄዋዳን ቃይ አሳካ አማንሌቶ፤ ጸሳይ ኑና ኡባና ኤሪ፤ ቃይ ህንተካ ህንተ ዋዛና ቆፋን ኑና ኤሪታ ያጋደ ቆፓይ።

12 ቤትያባን ጨቀትያዋንቱጥ አትን፣ ዋዛናን ደእያዋን ጨቀተና አሳቶ ህንተ ኦድ ዛርያባይ ደእና ማላ፣ ህንተ ኑናን ጨቀታናዳን፣ ኑን

ህንተንቶ ጋሱዋ ግዳናዉ ኮይያዋፕ ኣትን፡ ኑና ጋላጋናዉ ኮዮኩ።

13 ኑን ጎይያዋ ግደፕ፡ ጸሳ ቦንቹዋሳ፤ ዋይ ቃይ ዋዛናና ደእያዋ ግደፕ፡ ህንተና ጎእናሳ።

14 ክርስቶሳ ሲቁ ኑና ግዳ፤ አያዉ ጎፕ፡ እት አሳይ አሳ ኡባዉ ሀይቁዳዋ ኑን አኬኬይ፤ ሄዋ ግደፕ አሳይ ኡባይ አናና ሀይቁዳ።

15 ፓጻ ደእያዋንቱ ባረንቱ ድራዉ ሀይቁዳዋን ቃይ ሀይቁዋፕ ደንዴዳዋ ደእናፕ እትን፡ ሰንሳፕ ባረንቱ ሀ-ጸዉ ደኤና ማላ፡ እ አሳ ኡባ ድራዉ ሀይቁዳ።

16 ሄዋ ድራዉ፡ ኑን ሀዋፕ ሰንሳዉ ኦናን አሳ ቆፋን ፕርዶኮ፤ ሀራይ አቶ፡ ኑን ክርስቶሳ ካሰ አሳ ቆፋን ፕርዳዳዋ ግደፕ፡ ሰም ሰንሳፕ ሄዋዳን ፕርዶኮ።

17 ሄዋ ድራዉ፡ ኦንን ክርስቶሳና ደእፕ፡ ኦራሳ መፍ፡ ጭማይ አዴዳ፤ በእተ፡ ኡባባይካ ኦራዴዳ።

18 ክርስቶሳ ባጋና ኑና ባረናና ሰገሌዳ ጸሳይ ኡባባካ ኦሌዳ፤ ቃይ እ ኑዉ ሀራቱዋ ባረናና ሰገለያ ኦሱዋ እማዳ።

19 ጸሳይ ክርስቶሳ ባጋና አሳ ኡባ ባረናና ሰገሌ፤ አሳ ናጋራካ አሳ ቦላ ፓይደና፤ ቃይ አሳ ባረናና ሰገለያ ኪታካ ኑዉ እማዳ።

20 ሰም ጸሳይ ኑ ባጋና ህንተንቶ ሃሳይያዋዳን፡ ኑንካ ክርስቶሳ ድራዉ ሃሳይያ እ ኪቱዳዋንታ፤ ቃይ ኑን ህንተና፡ “ጸሳና ሰገትተ” ጊደ፡ ክርስቶሳ ድራዉ ዋሴቶ።

21 ኑን ጸሳ ጽሎተሳ ክርስቶሳ ባጋና አካና ማላ፡ ናጋራ ኤረና ክርስቶሳ ኑ ድራዉ፡ ጸሳይ ናጋራንቻ ኦሌዳ።

### 6

1 ህንተ ኑናና ጸሳ ኦሱዋ ኦሌዳ፡ እ አዶ ከካተሳ አኪደ ሀንና ኦግያን ጎእተና ማላ፡ ኑን ህንተና ዋሴቶ።

2 አያዉ ጎፕ ጸሳይ፡ “ታን እንጀ ዋድያን፡ ኑን ግያዋ ሰሳድ፤ ቃይ አቶተሳ ጋላሰ፡ ኑና ማዳድ” ያጌ። በእተ፡ እንጀ ዋዲ ሀእ። በእተ፡ አቶተሳ ጋላሳይ ሀቻ።

3 ኑን ኑ ኦሱዋ ኦንን ቦራናዋ ኮዮኮ፤ ቃይ አናን ጹባናዋ ኮዮኮ።

4 ሸን ኡባባን ኑን ጸሳ ኦሳንቻቱዋ ግድያዋ ኑ ሀጺያን በሴደ፤ ዳር ገንጫን፡ ዋይያን፡ መቱዋን፡ ዋልቃማ ቱጋን።

5 ልሱዋን ሾጩትያዋን፡ ቃሹዋን፡ ሻቢረቱሳን፡ ዳቡራን፡ ገምእሹዋ ጳይያዋን፡ ጸማን።

6 ጌሻተሳን፡ ኤራተሳን፡ ዳንዳያን፡ ኬካተሳን፡ ጌሻ አያናን፡ ቱሙ ሲቁዋን።

7 ቱሙዋ ሃሳይያዋን፡ ጸሳ ዋልቃን ኑን ጸሳ ኦሳንቻቱዋ ግድያዋ ኑ ሀጺያን በሴደ፤ ቃይ ጽሎተሳ ቶራ ኡሸቻ ኩሸያን፡ ጎንዳልያ ሀድርሳ ኩሸያን ኦይቃና።

8 ኑን ቦንቹቲደን ቶሸቲደ፤ ቦረቲደን ጋላተቲደ። ቃይ ቱሙዋ ሃሳይቶ፤ ሸን አሳይ ኑና ዋርዱዋ ጊደ ቆፕ።

9 ኑን አሳይ ኤረና አሳ ማላ፤ ሸን አሳይ ኡባይ ኑና ኤራ፤ ኑን ሀይቁዳ አሳ ማላ፤ ሸን ህንተ በእያዋዳንካ ደኤቶ፤ ሙረቲዳ አሳ ማላ፤ ሸን ሀይቁበይኮ።

10 ኑን ካዮትያዋንታ ግደፕ፡ ኡባ ዋደ ናሸቱቶ። ህዬሳ ማላቲቶ፤ ሸን ዳር አሳ ዱረዬቶ፤ ቃይ አያይነ ባይና አሳ ማላቲቶ፤ ሸን ኡባባይካ ኑዋ።

11 ቆርንቶሳን ደእያ አሳዉ፡ ኑን ህንተንቶ ቆንጭያን አዴደ፤ ኑ ኡሉዋካ ህንተና በሴደ፤

12 ኑን ህንተንቶ ድብበይኮ፤ ድቤዳዋንቱ ህንተና፡ ኑን ኑ ኡሉዋ ህንተንቶ ገንለበይኮ፤ ሸን ህንተ ኡሉዋ ኑዉ ገንሌዳዋንቱ ህንተና።

13 ሀእ ታን ታ ናናዉ ሃሳይያዋዳን፡ ህንተንቶ ሃሳይያ፤ ኑን ህንተና ኑ ኡሉዋ በሴዳዋዳን፡ ህንተካ ኑና ህንተ ኡሉዋ አሰ ደዪደ በሰተ።

አማንና አሳና ዙፕተና ማላ ሴራ

14 አማንና አሳቱዋና ዙፕቲደ፡ ጊገና ኦሱዋ ኦሎፕተ። አያዉ ጎፕ፡ ጽሎተሳዉን ናጋራዉ አያን ጋከሳይ ደኢ? ፖኦን ጹማዉ አያን እትፕተሳይ ደኢ?

15 ክርስቶሳን ዳብሎሳ \* እትፕ ጋለያባይ አይ? ቃይ አማንያዊን አማንናዊ ኮጽያዊ አይ ደኢ?

6:2 ኢሳ. 49:8 \* 6:15 ዳብሎሳ፡ ግሪክያ ማጻፋይ “በልያር” ጌ። ሄዋ ጉሳይ አብራይሰጽያን “በልያል” ግያዋ። ላኡዋ ብላላይካ “ማካላንቻ” ዋይ “ማደናዋ” ጉሳ።

16 ጸሳ ጌሻ ጎለውን ኤቃው አይቦ  
ዘተተላይ ደኢ? አያው ጎተ ጸሳይ።

“ታን ኢንቱንቱ ግደን ደአናን  
ኢንቱንቱ ግደን ሀመታና።  
ታን ኢንቱንቱ ጸሳ ግደና፤  
ቃይ ኢንቱንቱካ ታ አሳቱዋ  
ግደና”  
ጌዳዋዳን፣ ኩን ደኡዋ ጸሳ ጌሻ ጎልያ።

17 ሄዋዳንካ፣ ቃይ ጎዳይ፣  
“ኢንቱንቱ ግደተ ከሰተ፤  
ኢንቱንቱ፣ ሻከትተ።  
ቱናባካ ቦቾፕተ።  
ታን ሀንተና ሞካ አካና።

18 ቃይ ታን ሀንተንቶ አወዋ ግደና፤  
ሀንተካ ታዉ አቱማ ናናቱዋ፣  
ማጫ ናናቱዋ ግደንታ።  
ታን ኡባፕ ዎልቃማ ጎዳይ፣  
ሀዋ ኦዳይ”  
ያጌዳ።

**7**

1 ሄዋ ድራው፣ ታ ሲቃቶ፣ ጸሳይ ሀ  
ኡባባ ኑዉ እማና ጌዳዋፕ ሀን ባጋን፣  
ኑ እሹዋን ኑ ሸሞፕዋ ቱንሰያ ኡባባፕ  
ኑ ሁጲያ እን ጌሾይተ፤ ቃይ ጸሳዉ  
ያይያዋን ኡባና ጌዴደ ደኤቶ።

ጳውሎሳ ናሽቻ

2 ሀንተ ኡሉዋ ኑና በሰተ፤ ኩን ኦናን  
ናቁበይኮ፤ ኦናን ቆሀበይኮ፤ ቃይ ኦናን  
ጭምበይኮ።

3 ታን ሄዋ ሀንተ ቦላ ፕርዳናዉ  
ጊከ፤ አያው ጎፕ፣ ታን ካሰ ሀንተንቶ  
ጌዳዋዳንካ፣ ሀንተንቱ ኑ ዎዛናን  
ደኢታ፤ ኩን ደአናካ ሀይቁናካ፣ እትፕ  
ደኤቶ።

4 ታን ሃሳይያዋ ሀንተፕ ቆሰከ፤ ታን  
ሀንተናን ጩቀታይ፤ ኑ ዎይያ ኡባን  
ታን ሎይላ ምናይን ናሽታይ።

5 አያው ጎፕ፣ ሀራይ አቶ ኩን  
ማቅደንያ ቤዳ ዎደ፣ ኡባ ባጋንካ  
ዎየቱዶፕ አትን፣ ሸምፕበይኮ፤ ሀራ  
አሳና ዎላሳይ ደኤ፤ ኑ ዎዛናንካ ያሻይ  
ደኤ።

6 ሽን ካዉሼዳዋንታ መን።ሐያ  
ጸሳይ፣ ቲቶ ዩሳን ኑና መን።ሐዳ።

7 ኑና ካሰዋፕ አሐ ናሽቻያዎ፣  
ቲቶ ዩሳ ጸላላ ግደና፤ ሽን ሀንተ  
አ መን።ሐዳዎ፣ ሀንተ ታና በአናዉ  
አሞቲዳዋን ታዉ ቃረቲዳዋ ቃይ ሀንተ  
ታና ማዳናዉ ገገቲዳዋ አ ኑዉ ኦዳዳ።

8 አያው ጎፕ፣ ታ ዳብዳቢ ሀንተና  
ካዮዬዳዋ ግደፕካ፣ አያው ጸፋድታሻ  
ጊከ፤ አያው ጸፋድታሻ ጎፕካ፣ ታ  
ዳብዳቢ ሀንተና ጉላ ዎድያ ካዮዬዳዋ  
በአይ።

9 ሀእ ታና ናሽቻያዎ ታን ሀንተና  
ካዮዬዳ ድራሳ ግደና፤ ሽን ሀንተ  
ካዩ ሀንተና ናጋራፕ ዛራዳዋ ድራሳ፤  
አያው ጎፕ፣ ኩን ሀንተና አያንን  
ቆሄናዳን፣ ጸሳይ ባረ ኮዬዳዋዳን፣  
ሀንተና ካዮዬዳ።

10 አያው ጎፕ፣ ጸሳይ ኮይያ ካዩ  
ናጋራፕ ዛራደ አቶተላኮ አሄ፤ ሄዌካ  
ታን ባይዛድ ጌና ዎዛና፤ ሽን አላምያ  
ካዩ ሀይቁዋ አሄ።

11 ጸሳይ ሄ ሀንተ ካዩዋን አይ  
አይፍያ እሜደንቶ በአተ። ሀንተና  
አይ ኬና ደን።ሐደንቶን ሀንተ ጌሻተላ  
ቱማያናዉ ሀንተና አይ ኬና ዛራዋ  
አምሴደንቶ፣ አይ ኬና ሀንቀሐደንቶን  
አይ ኬና ታዉ ያሽሴደንቶ፣ አይ  
ኬና ሴልሴደንቶ፣ አያ ኬና ታና  
ላሞትሴደንቶን ናቆ ኦሱዋ አላዋንታ  
ሙራናዉ አይ ኬና ጊግሴደንቶ ፓጭ  
በአተ፤ ሀንተ ሀንተ ሁጲያን ጌሻ  
ግዴዳዋ ኡባባንካ ኤርሴድታ።

12 ሄዋ ድራው፣ ታን ሄ ዳብዳቢያ  
ሀንተንቶ ጳጌዳዋ ግደፕካ፣ ናቁዳ  
ኡራ ዎይ ናቁቲዳ ኡራ ድራሳ ግደና፤  
ሽን ሀንተ ኑዉ ዎይሳ ቆፕንቶን ጸሳ  
ሰንላን ሀንተንቶ ቆንጭሳናዉ ታን  
ጸፋድ።

13 ኩን ምኔዳዎ ሄዋ ድራሳ፤ ሄ ኑ  
ምናታ ቦላ፣ ቲቶ ናሽቲዳዋ ኩን ኡባፕ  
ዳርያ ናሽቻ ናሽቲዳ። አያው ጎፕ፣  
ሀንተ ኡባይ አ ሀርጋፕ ሸምፕሴድታ።

14 ታን ሀንተዋ ሳባደ አዉ አድና፣  
ሀንተ ታና ዬላይበይክታ፤ ሽን ኩን  
ሀንተንቶ ኡባ ዎደ ቱሙዋ ሃሳይዳ፤  
ሄዋዳንካ፣ ኩን ቲቶ ሰንላን ሀንተዋ  
ሳቤዳዎ ቱማ ግዴዳ።

15 ሄዋ ድራው፣ ሀንተ ኡባይ አዉ  
ያዴደ ኮኮሪደ፣ አ ዎት ሞኬድተንቶን  
ቃይ አዉ አይ ኬና አዛዘቲድተንቶ አ  
ሀሳይያ ዎደ፣ ሀንተና ሎይሐ ሲቁ።

16 ታን ኡባባን ሀንተና እማንያ  
ድራው ናሽታይ።

**8**

ጸሳ አሳቱዋ ኬካተላ አሞታ

6:16 ዎጋ 26:12፤ ሀዘ. 37:27፤ 1 ቆር. 3:16፤ 6:19 6:17 ኢሳ. 52:11 6:18 2 ሳሜላ  
7:14፤ 1 ኦዲዋ 17:13፤ ኢሳ. 43:6፤ ኤር. 31:9

1 ኑዋዳን ጸሳ አሳቶ፡ ጸሳ አጾ ከካተላይ ማቅደንያ አማንያዎንቱ ግደን ኦሌዳዎ ህንተና ኤርሳናው ኮዬቶ።

2 ኢንቱንቱ አዴዳ ዋይያን ዋልቃማ ፓጭያ ፓጩቲድኖ፤ ሸን ኢንቱንቱ ህዬሳ ግደፕካ፡ ባረንቱ እምያዎን ዳር ኬክኖን ቃይ ዋልቃማ ናሽቻ ናሽቲኖ።

3 አያው ጎፕ፡ ኢንቱንቱ ባረንቱ ዋልቃ ከና ቃይ ሀራይ አቶ ባረንቱ ዋልቃፕካ ዳርያዎ ደሲደ እሜዳዎ ታን ማርካ።

4 ኢንቱንቱ ጸሳ አሳቱዋ ማድያ ሎኦ ኦሱዋ ኑናና ኦሳናው ኑና ዳር ዋሴድኖ።

5 ኢንቱንቱ ኩን ቆፔዳዋፕ አሊደ ኦሌድኖ፤ ካሰቲደ ኢንቱንቱ ባረንቱ ሁጺያ ጎዳው እሜዳዋፕ ጉይያን፡ ጸሳ ሸንያዳን፡ ኑወካ ባረንቱ ሁጺያ እሜድኖ።

6 ሄዋ ድራው፡ ኩን ሀ ሎኦ ኦሱዋ ደሜዳ ቲቶ ጉጅ ኦሳናዳን ህንተና ማዲደ፡ ሄ ኦሱዋ ፖልሳናዳን አ ዋሴድ።

7 ሸን ህንተ ኡባባን፡ አማኑዋን፡ ሃሳያን፡ ኤራተላን፡ ዋልቃማ ሎኦ አሙዋን፡ ኑና ሲቅያዋንካ ዱረቲዳዋዳን፡ ሀ ሎኦ ኦሱዋንካ ህንተንቱ ከካ ግዳናዋ ኩን ኮዬቶ።

8 ታን ሄዋ አዛዛናው ጊከ፤ ሸን ሀራቱዋ ዋልቃማ ሎኦ አሙዋ ባገና ህንተ ሲቁ አይ ከና ቱመንቶ ኤራናው ገይ።

9 አያው ጎፕ፡ ህንተ ኑ ጎዳ የሱሰ ክርሰቶሳ አጾ ከካተላ ኤሪታ፤ ክርሰቶሰ ዱረ ግድ ደኢደ፡ ህንተ አ ህዬሳተላን ዱረታናዳን፡ ህንተ ድራው ህዬሴዳ።

10 ታን ሀ የወዋ ህንተና ዘርያዌ ሀዋ፤ ዝላይላ ህንተ ደሜዳዋ ሀእ ወርሰያዌ ህንተንቶ ሎኦ፤ ህንተ ኦሶ ጸላላው ግደናን፡ ኦሳና ቆፋውካ ካሰቲዳዋንታ።

11 ህንተ ኦሳናው ሎይላ አሞቲዳዌ አሊደ ፖሌዳዋና ጊጋ ግዳና ማላ፡ ህንተንቶ ዳንዳየቲዳዋዳንካ ኦሱዋ ፖልታ።

12 አያው ጎፕ፡ እት ኡራይ አማናው ሎይላ ኮኖፕ፡ እ ባረው ደኤዳ ከና አማናፕ አትን፡ አው ባይናዋ አፕ አከና።

13 አያው ጎፕ፡ ታን ሀራንቱ ዋይያፕ ሸምፕና፡ ህንተ ዋየትተ ጊከ፤ ህንተ ኡባይካ ቃራ ደእናዳናፕ አትን።

14 ኢንቱንቱ ፓላሀይ ህንተ ፓጭ ኩንላና ማላ፡ ህንተንቶ ሀ ዋድያን ደእያ ፓላሀይ ኢንቱንቱ ፓጭ ኩንላና ኮሼ፤ ላኡካ ሄዋን ቃራን ጎኤቲኖ።

15 ጸሳ ማጻፋን፡ “ዳርሲደ ሺሼዳዎ ፓላሀይና፤ ቃይ ጉላ ሺሼዳዎካ ፓጭሴና” ጌተቲደ ጸፈቲዳ።

ቲታን አ ላገላ

16 ሸን ኩን ህንተንቶ ቆፕያዋ ማላ፡ ዋልቃማ ቆፋ ቲታ ቆፍሴዳ ጸሳ ጋላታይ ገኮ።

17 ቲቶ ህንተኮ ባናው ባረ ቆፋ ቃቼዳዌ፡ ባረ ሁጺያን ህንተና ማዳናው ዳር አሞቲዳ ግሻፕ አትን፡ ኑ ዘርያ ጸላላ አኬዳዋና ግደና።

18 ሞሽራቹዋ ቃላ ኦድያ ባረ ኦሱዋን አማንትያ አማንያዎንቱ ሰንላ ኡባን ዳር ቦንቼቲዳ እሻ ኩን አናና አትፕ ኪቲቶ።

19 ሄዋ ቦላን ቃይ፡ ሀ ኩን ኦላያ ሎኦ ኦሱዋ አ ኑናና አትፕ ኦሳናውን ጎዳ ቦንቻ ኩን ሀራቱዋ ማዳናው ሎይላ አሞትያዋ በሳናው አማንያ አሳቱ አ ደሪደ ሱንላድኖ።

20 ኩን ኦላያ ሀ ከካ አሞታ ድራው፡ ኦንከ ኑና ዝግረና ማላ ናገቲቶ።

21 አያው ጎፕ፡ ኩን ጎዳ ሰንላን ሎኦባ ኦሳናዋ ጸላላ ግደና፤ ሸን አሳ ሰንላንካ ሎኦባ ኦሳናው ቆፔቶ።

22 ኩን ዳር ገደ ፓጭ በኤዳ ኑ እሻ፡ ኡባ ዋደ ህንተና ማዳናው ዳር አሞትያዋ፡ ሀ አሳቱዋና ህንተኮ ኪቲቶ፤ ቃይ ሀእ አ ህንተና ዳር አማንያ ድራው፡ ህንተና ማዳናው ካሰዋፕ አሊደ ሎይላ አሞቲ።

23 ቲቶዋ ግደፕ፡ አ ህንተና ማዳናው ታናና አትፕ ኦላያ ታ ላግያ፤ የኮ እሻቱዋ ግደፕ፡ ኢንቱንቱ አማንያ አሳቱ ኪቲዳዋንታን ኢንቱንቱ ደኡ ክርሰቶሳ ቦንቻሰያዋ።

24 ሰም አማንያዎንቱ ኡባቱ ህንተ ሲቁ ቲማ ግደያዋ ኤራና ማላ፡ ቃይ ኩን ህንተዋ ሳቢያዌ ለከ ግደያዋ ኤራና ማላ፡ ህንተ ሲቁዋ ኢንቱንታ በሰተ።

9

ፓጭይ ደእያዋንታ ማዲሳ

1 ይሁዳን ደእያ ጌሻ አሳቱዋ ማዳናው የድያባው ታን ህንተንቶ ጸፋናው ኮሸና።

2 ህንተ ማዳናው ሎይላ እሞትያዋ ታን ኤርያ ድራው፡ ማቅደንያን ደእያ አሳው ህንተዋ ሳባድ። ታን ኡንቱንቶ፡ “አካይያን ደእያ እሻቱ ዘላይላፕ ደሚደ፡ ማዳናው ገቢቱድና” ያጋደ ኦዲድ፤ ቃይ ህንተ ዋልቃማ እሙካ ኡንቱንቱፕ ዳርያ ባጋ ደን።

3 ሽን ታን ኡንቱንቶ ጌዳዋደንካ ኑን ሀ የወዋ ህንተናን ጨቀትያዋ መላ ግደና ማላ፡ ህንተ ገቢቱዳዋንታ ግዳናዳን፡ ሀ እሻቱዋ ህንተኮ ኪታይ።

4 ማቅደንያ አሳቱ ታናና ዪደ፡ ህንተ ገቢተናን ደእሸን፡ ህንተና ደሞፕ፡ ኑ ጸላላ ግደናዳን፡ ህንተ ኑፕ አጹዋ ዬላታንታ፤ ሽን ኑን ህንተና ሎይላ አማኒደ ጨቀቱዳዋሳ።

5 ሄዋ ድራው፡ ታን ሀ እሻቱ ታፕ ሰንፋት ህንተኮ ቢደ፡ ህንተ እማና ጌዳ እሞታ ካሰቲደ ገግሳና ማላ፡ ኡንቱንታ ዋሳናው ኮሸያዋ እኩካድ። ሄዋፕ ጉይያን፡ ሄ እሞታይ ታን ጋክያ ዋደ ገገ ኡታናዋ፤ ሄዋ ቃይ ዋልቃን ህንተ እሞያዋ ግደናን፡ ደሲደ እሞያዋ ኤርሴ።

6 ሀዋ እኬክተ፤ ጉላ ዘረላ ዘርያ ኡራይ ጉላ ካላ ጫካና፤ ዳር ዘረላ ዘርያ ኡራይ ቃይ ዳር ካላ ጫካና።

7 ጸሳይ ናሸቻን እሞያ ኡራ ሲቅያ ድራው፡ ቃረቲደ ዋይ ደሰናን እሞያዋ ግደናን፡ እሞያ ኡራይ ሁጺያን ሁጺያን ባረ ዋዛናን ቆፔዳዋ እሞ።

8 ጸሳይ ህንተንቶ ግድያዋ ኡባ ዋደ ደአናዳንን ቃይ ሀራቶካ ህንተ እማናው ግድያዋ ደአናዳን ህንተና ኮሸያ ኡባባ ህንተንቶ እማናው ዳንዳዬ።

9 ጸሳ ማጸፋይ፡ “እ ሀዬሳ አሳው ዳርሲደ እሜ፤ ቃይ አ ጽሎተላይ መድናው ደአናዋ”

ያጌ።

10 ጸሳይ፡ ዘርያዋ ዘረላን ማናው ቁማ እሞያዋ፡ ህንተና ኮሸያ ዘረላ ኡባ ህንተንቶ እማና፤ ቃይ ህንተ ጽሎተላፕ ዳር አይፍያ አይፍሳናው ሄ ዘረላ ድቻናዋ።

11 ዳር አሳይ ህንተ እሞያ እሞታ ኑፕ እኪደ፡ ጸሳ ጋላታናዳን፡ ህንተ ኡባ ዋደ ዳርሲደ እሞያዋንታ ግዳና

ማላ፡ ጸሳይ ህንተና ኡባ ባጋና ዲረያና።

12 እያው ጎፕ፡ ሀ ህንተ ኦሳያ ኦሱ ጸሳናናው ኮሸያዋ ኩንላ እሞያዋ ጸላላ ግደና፤ ሽን ጸሳው ዳር ጋላታ እሞያዋን ኩሚደ ጎጌ።

13 ሀ ህንተ ኦሱ ህንተ አማኑዋ ኤርሰያ ድራው፡ ዳር አሳይ ክርሰቶሳ ዋንጋላ ህንተ አማኒደ ማርካትያዋን ህንተ ማዲዋ ኡንቱንቱናን ሀራ ኡባቱዋና ሻኪደ፡ ዳርሰ እሞያዋ ጸሳ ቦንቻና።

14 ኡንቱንቱ ህንተንቶ ጸሳ ዋሲደ፡ ህንተናን ደእያ ጸሳ አጹ ኬካተላይ ዛዋይ ባይናዋ ድራው፡ ህንተና ላሞቱቶ።

15 ዛዋይ ባይና ጸሳ አጹ ኬካተላ ድራው፡ ጸሳ ጋላታይ ጋኮ።

### 10

ጳውሎስ ሞትያዋንቶ ዛሬዳ ዛሩዋ

1 ታን ጳውሎስ፡ ህንተ፡ “እ ኑናና ደእያ ዋደ እሸከ” ግያዋ፡ ቃይ፡ “ኑፕ ሃክ ደእያ ዋደ ኑ ቦላ ጸሌ” ግያዋ፡ ሎእነ እሸከ ግዴዳ ክርሰቶሳ ባጋና ህንተና ዋሳይ።

2 ኑና ሀ ሳአ ደያዳን ደአና ጊደ ቆፕያ እት እት አሳቱዋ ቦላ ታን ጸላናዋ ኤራይ፤ ሽን ታን ህንተኮ ብያ ዋደ ህንተ ታና ጸልሰና ማላ፡ ህንተና ዋሳይ።

3 እያው ጎፕ፡ ኑን ሀ ሳአን ደአፕካ፡ ሀ ሳአ አሳዳን ኦላቶኮ።

45 እያው ጎፕ፡ ኑን ኦላትያ ቶራይ ሀ ሳአዋ ግደና፡ ሽን ጌሱዋ ላላናው ዋልቃና ደእያ ጸሳ ቶራ። ኑን አሳ ቆፋ ቆይሴቶ፤ ቃይ ጸሳ ኤራተላ ቦላ ደንዲደ ቆቢያ ኦቶር ቆፋ ኡባ ላሌቶ፡ ሄ ቆፋ ኡባይ ክርሰቶሳው አዛዘታና ማላ እሞዴቶ።

6 ህንተ አዛዘትያዋ ፖሌዳዋፕ ጉይያን፡ አዛዘተናን እጽያዋ ኡባ ኑን መራራናው ገቢታና።

7 ህንተ ሰንፋን ደእያዋ ጴልተ፤ ኦንነ ባረና ክርሰቶሳዋ ጊደ ቆፖፕ፡ ሄዋ ጉጅ ቆፖ፤ ክርሰቶሳዋ እ ግዴዳዋዳን፡ ኑንካ ቃይ አዋ።

8 እያው ጎፕ፡ ጎዳይ ኑዉ እሜዳ ኑ እዋተላን ታን ሎይላ ኦቶረትያዋ ግደፕካ፡ ሄዋን ዬልትከ፤ ሄ ኑዉ እሜዳ እዋተላይ ህንተና ኬጸናሳፕ አትን፡ ኮላናሳ ግደና።

9 ታን ታ ዳብዳቢያን ህንተና ያሸሳናው ጸፎ አሳ ማላታደ ቤታናው ኮይከ።

10 እያው ጎጥ፡ እት እት አሳይ፡ “ጳውሎሳ ዳብዳቢ ዳጸነ ዎልቃማ፤ ሸን ጳልያ ዎደ እ ዳቡራንቻ፤ አ ሃሳይይካ ፓ□ና” ያጌ።

11 ሃዎ ማላ አሳይ ኑን ሃኩዎን ደኢደ ጳፍያ ዳብዳቢያንን ያን ህንተናና ደኢደ አልያ ኦሱዋን ዲማተላ ባይናዎ አከካና ኮሼ።

12 ኑን ባረና ናሽያ እት እት አሳቱዋና ኑና ፓይዳናው ዎይ ልክሳናው ኮዮኮ፤ ሸን ኡንቱንቱ ባረና እቱ እቱዋና ልክሲድነ ቃይ ባረና እቱ እቱዋና ቃራዪደ፡ ኡባና ኤዬድኖ።

13 ሸን ኑን ጳሳይ ኑው ኤሴዳ ዛዎ ግደን ጨቀትያዎጥ አትን፡ ሄ ዛዎጥ ፕኒደ ጨቀትኮ፤ ሄ ዛዎይ ህንተኮካ ጋኬ።

14 ኑን ህንተኮ ጋክቤናዎ ማላቲደ፡ ዛዎ ፕናኮ፤ እያው ጎጥ፡ ኑን ክርስቶሳ ምሽራቹዎ ቃላ ኦዲደ፡ ህንተኮ ካሰ ጋኬደ።

15 ኑን ጳሳይ ኤሴዳ ዛዎ ፕኒደ፡ ሀራ አሳይ ኦሴዳ ኦሱዋን ጨቀትኮ፤ ሸን ህንተ አማኑ ድጭ ድጭ ብያ ዎደ፡ ኑን ህንተ ግደን አልያ ኦሱዋ ዛዎይ ካሰዎጥ ሎይላ አክ አክ ባናዎ ጊደ ቆፔቶ።

16 ኑን ምሽራቹዎ ቃላ ህንተ ደኢያሳጥ ህን ባጋን ኦዳና፤ ቃይ ሀራ ዛዎን ኦሰት ድጌዳ ኦሱዋንካ ጨቀትኮ።

17 ሸን ጳሳ ማጻፋይ፡ “ጨቀትያ ኡራይ ኦንከ ጎዳ ሎኦተሳባን ጨቀት” ያጌ።

18 እያው ጎጥ፡ ጎዳይ ናሽያ ኡራጥ አትን፡ ባረና ናሽያ ኡራይ ጋላተተና።

# 11

ጳውሎሳን ባረና የሱሰ ኪቲዳ ግያ ዎርዳንቻቱዎ

1 ህንተ ታ ኤያተላ ጉላ ዳንዳይንቶ ሎአ። ሀያና ዳንዳይተ።

2 ጳሳይ ቃናትያዎዳን፡ ታንካ ህንተው ቃናታይ፤ እያው ጎጥ፡ ታን ህንተና እት እቱማዎ፡ ክርስቶሳው አማና ጋደ፡ እቱማዎ ኤረና ጌሻ ዎደራቲዳን ጊግሳ ዎላድ።

3 ሸን ሸሻይ ባረ ማካላን ሃዎና ባለጴዳዎዳን፡ ክርስቶሳው ህንተ አማዳ ህንተ ሱረ ቆፋይ ባይቤናዌ ዎራ ባንዴሻ ጋደ ሀርጋይ።

4 እያው ጎጥ፡ እት ኡራይ ዪደ፡ ኑን ህንተንቶ ኦዳዳ የሱሳጥ ሀራ የሱሳ ህንተንቶ ኦደጥ፡ ዎይ ህንተ አኬዳ አያናጥን ዎንጋላጥ ዲማ አያና፤ ዎንጋላ ህንተ አኮጥ፡ ህንተ ኤኖ ጊደ አኬድታ ጉሳ።

5 የሱሰ ኪቲዳ ሀ ዎናቱዎጥ ታን አያንካ ላፍያዎ ታው ማላተና።

6 ታን ሃሳይያ ሃሳያን ታማራቤና አሳ ግደጥካ፡ ኤራተላን ግድከ፤ ሸን ኑን ህንተንቶ ሀ የወዎ አሳ ኡባ ግደን ኡባ ባጋና ቆንጭሴደ።

7 ዎይ ታን ህንተና ሚሻ ኡቼናን፡ ጳሳ ምሽራቹዎ ቃላ ህንተንቶ ጮ ኦዳዳዎን ህንተና ጶቁ ኦላናው ታ ሁጲያ ቶቹዳዌ ታው ናጋራ ግዳንዴሻ?

8 ታን ህንተንቶ ኦላናው ሀራ አማንያ አሳጥ ሚሻ አኬዳዎ፡ ሃዎንታ ቦንቃድ።

9 ቃይ ታን ህንተናና ደእሸን፡ ታና መትና፡ ህንተጥ እት ኡራካ ዎይሳባይከ። እያው ጎጥ፡ ማቅደንያጥ ዬዳ እሻቱ ታና ኮሼዳ ኡባባ ታው አማድኖ፤ ታን ህንተና ዎይሰና ማላ፡ ካሰ ቶኮ ግዳቤናዎዳንካ ሰንላውካ ቶኮ ግድከ።

10 ክርስቶሳ ቱማተላይ ታናን ደእሸን፡ ሀ ታ ጨቁ አካይያ ጋድያን ሀቃንነ አተና።

11 ታን ሀዎ እያው ጋይታ? ህንተና ሲቀና ድራሴ? ታን ህንተና ሲቅያዎ ጳሳይ ኤራ።

12 ሸን ሄ ባረንቱ ጨቀትያዎን ኑን አልያዎዳን ኦላናው ጋሶትያዎንቱ ጋሱዎ ድጋናው፡ ሀእ ታን አልያ ኦሱዎ ጉጃደ ኦላና።

13 እያው ጎጥ፡ ኡንቱንቱ የሱሰ ኪትቤና ዎርደ አሳቱዎ፤ ሄዎንቱ ማላ አሳቱ ክርስቶሰ ኪቲዳዎንታ ማላታናው ባረንቱ ማላ ላመረለያ ኪተትቤና ዎርዳንቻቱዋን ላባንቻ ኦሳንቻቱዎ።

14 ሃዌ ማላልሰያዎ ግደና፤ እያው ጎጥ፡ ሴጻናይ ባረ ሀጳው ፖኤዎ ኪታንቻ ማላታናው ባረ ማላ ላሜ።

15 ሃዎ ድራው፡ ሴጻና ኦሳንቻቱ ጽሎተላ ኦሳንቻቱዎ ማላታናው ባረንቱ ማላ ላዎጥ፡ ሄዌ ዎልቃማባ

ግደና፤ ኢንቱንቱ ወርሰላን ባርንቱ ኦሱዋ ማላ አካና።

ጳውሎስ ጋኬዳ መቱዋ

16 ታን ላኤንሉዋካ ጋይ፤ ታና ኦንነ ኤያ ገደ ቆፖፖ፤ ሸን ህንተ ታና፣ እ ኤያ ጎፕካ፣ ታን ጉላ ጨቀታናዳን፣ ታና ኤያ ገተ።

17 ታን ሀዋዳን ጸላደ ጨቀታደ ሃሳይያዌ፣ ኤያተላ ሃሳያፕ አትን፣ ታና ጎዳይ አዛዝና ግደና።

18 ዳር አሳይ ሀ ሳአባን ጨቀትያ ድራወ፣ ታንካ ጨቀታና።

19 ህንተ አዴዳ ኤራንቻ ግድያ ድራወ፣ ኤያ አሳዋ ናሽቻን ዳንዳዪታ።

20 አያዉ ጎፕ፣ ኦንነ ህንተና አይሉፕ፣ ዋይ ህንተዋ ሞፕ፣ ዋይ ህንተዋ ቦንቆፕ፣ ህንተ ቦላ ኦቶሪቶፕ፣ ዋይ ህንተ ሻይያ ባቆፕ፣ ዳንዳዪታ።

21 ኦን ሄዋ አላናዉ ዳር ዳቡራንቻ ግዴዳዋ ታን ዬላታደ ኦዳይ።

ሸን ኦንነ አትባን ጸሊደ ጨቀቶፕ፣ ታንካ ጨቀታናዉ ጸላይ፤ ታን ኤያ አሳዳን ሃሳያይ።

22 ኢንቱንቱ አብራዌ? ታንካ አብራዌ። ኢንቱንቱ አሰራኤልያ አሴ? ታንካ አሰራኤልያ አሳ። ኢንቱንቱ አብራሃሃዉ ዛረ? ታንካ ቃይ አብራሃሃዉ ዛረ።

23 ኢንቱንቱ ክርሰቶሳ ቆማቱ? ታንካ ኢንቱንቱፕ አድያ ቆማ፤ ታን ጎይያ አሳዳን ሃሳያይ፤ ታን ዳር ኦላ ዳቡራድ፤ ዳር ዋድያ ቃሽታድነ ልሱዋን ሾጨታድ፤ ቃይ ዳር ዋድያ ሀይቃደ አታድ።

24 አይሁዳቱ ታና አቼሹ ገደ፣ ሀታማነ ኡዲፔኦዋ ልሱዋን ሾጨድና።

25 ሮመ አሳይ ታና ሄዙ ገደ ጸምኦን ሾጨዳ፤ አት ጋላሰ ሹቻን ጫድ ጫዲደ አጌዳ፤ ማርካቢ ሄዙ ገደ መእና፣ አባ ግደን አት ቃማነ አት ጋላሳ አቃደ ፔሻድ።

26 ታን ዳር ኦግያ ሀመታድ፤ ታና ከንሉ ሃላይነ ቦንቃንቻቱ ቦንቁ ድገደ አሼዳ፤ ቃይ ታ ቢታ አሳይነ አይሁዳ ግደና አሳይ ቦንቁ ድገደ አሼድና። ቃይካ ካታማይ፣ ባዙ፣ አባይ፣ ታና ያሽሴዳ፤ ዋርዳዋ ዳባቱካ ታና ቦንቁ ድገደ አሼድና።

27 ታን ዳቡራድነ መቶታድ። ዳር ገደ ገምእሹዋ ጳያድ፤ ኮሻታድ፤

ሳመታድ። ዳር ገደ ጸማድ፤ ቃይ ማገታድነ ካሎታድ።

28 ሀራባ ኡባፕካ ኡባ ጋላሰ ታዉ ቶኩዋ ግዴዳባይ፣ ዋሳ ጎልያ ኡባዉ ሀርግያዋ።

29 ዳቡርያዌ ኦኔ? ታን ዳቡርክታዬ? ናጋራን ገልያዌ ኦኔ? ታን ኡንኤታደ አዉ ቃረትክታዬ?

30 ታን ጨቀታናዉ ኮሽያዋ ግድፕ፣ ታን ዳቡራንቻ ግድያዋ ኤርሰያዋን ጨቀታና።

31 መድናዉ አንጀቱዳ ጸሳይ፣ ኦ ጎዳ የሱሰ ክርሰቶሳ አዉ፣ ታን ዋርዶተናዋ ኤሬ።

32 ዳማሰቆ ካታማን አረታሳ ግያ ካትያፕ ጋርሳና ጋድያ ሞድያዌ፣ ታና ኤይላናዉ ዳማሰቆ ካታማ ናግሴ።

33 ሸን ካታማ ግምቢያ ድርሳ ማሰኮትያና ታና ቁንኦን ዲገ ዋሉና፣ አፕ ከሳ አካድ።

# 12

ጳውሎስ ሳዎ

1 ጨቀትያዌ ታዉ አይነ ጎኤናዋ ግድፕካ፣ ታን ጨቀታናዉ ቦሴ። ሸን ታን ጎዳባን ጎዳፕ ቆንጨዳዋ ሃሳያና።

2 ታማን ኦይደ ላይላፕ ካሰ፣ ሄዘንሉ ሳሉዋ ፑደ ቤዳ አት ብታንያ፣ ክርሰቶሳ አማንያዋ፣ ታን ኤራይ፤ ሄ ብታኒ ባረ አሳተላን ቤዴ ዋይ ሳጸን ቤደንቶ፣ ታን ኤርከ፤ ጸሳይ ኤሬ።

3 ሄ ብታንያ፣ ሄዘንሉ ሳሉዋ ፑደ ቤዳዋ፣ ኤራይ፤ እ ባረ አሳተላን ቤደንቶን ዋይ ሳጸን ቤደንቶ፣ ታን ኤርከ፤ ጸሳይ ኤሬ።

4 ሄዋን ሄ ብታኒ አሳይ ሃሳያናዉ ዳንዳየናዋ፣ አሳ እንጸርሳይካ ሃሳያናዉ ዳንዳየናዋ ሰሴዳ።

5 ታን ሄ ብታንያባን ጨቀታና፤ ሸን ታን ዳቡራንቻ ግድያዋ ኤርሰያ ድራወ፣ ታ ሁጲያን ጨቀትከ።

6 ታን ጨቀታናዉ ኮይያዋ ግድፕካ ኤያ ግድከ፤ አያዉ ጎፕ፣ ታን ቱሙዋ ሃሳያዌ። ሸን አሳይ ታዋ ታናን በአያዋፕን ታፕ ሰሰያዋፕ አላደ ቆፕና ማላ ናገታይ።

7 ቃይ ጸሳይ ታዉ ዳር ቆንጨዳ ዋልቃማ የወዋፕ ደንዴዳዋን ኦቶረተናዳን ድጋናዉ ታና ጫድ ኦይቁያ፣ ሴጸና ኪታንቻይ፣ ታና መቶላናዉን ታን ኦቶረተና ማላ፣ ታና ናጋናዉ ታዉ አመቱዳ።

8 ሃዋ ታጥ ሻካና ማላ፡ ታን ጎዳ ሄዙ ገደ ዋሳድ።

9 ጎዳይ ታና፡ “ታ አጼ ኩካተላይ ነዉ ግዳናዎ፤ እያዉ ጎጥ፡ ታ ዋልቃይ ነ ዳቡራን ፖሊቲ” ያጌዳ፤ ሃዋ ድራዉ፡ ክርስቶሳ ዋልቃይ ታናን ደእና ማላ፡ ታ ዳቡራን ጨቀታናዉ ታን ዳር ናሽታይ።

10 ታን ክርስቶሳ ድራዉ ዳቡርያዋን፡ እሳን ቦረትያዋን፡ ዋየትያዋን፡ የደርሰትያዋን፡ መቶትያዋን ናሽታይ፤ እያዉ ጎጥ፡ ታን ዳቡርያ ዋድ፡ ሄ ዋደ ሞናይ።

ጳውሎስ ቆርንቶሳ አሳዉ ኦንኤቲደ ቆፔዳ

11 ታን ጨቀቲዳዋን ኤያድ፤ ሸን ሃዋ ህንተ ታና ዋልቃን ኦሰሴድታ፤ እያዉ ጎጥ፡ ህንተ ታና ጋላታናዉ በሴ፤ ታን እያንን ኤረተናን ጳዮጥካ፡ የሱስ ኪቲዳ ጴቃ ገተቲዳ ኤባቱዋጥ ላፍከ።

12 ታና የሱስ ኪቲዳዌ ቱማ ግድያዋ ኤርሰያ ማላይ፡ ኦራላባይን ዋልቃማ ኦሱ ህንተ ግድን ዳር ገንጫን ኦሰቲዳ።

13 ታን ታ ሁጲያን ህንተና ዋይሳቤናዋጥ አትን፡ ሀራ አማንያ አሳቱዋጥ ህንተ እያን ላፊቲ? ሀያና ታን ህንተና ናቄዳዋ ታዉ እቶ ገተ።

14 ታን ህንተኮ ባናዉ ገሳደጥ፡ ሀዌ ታዉ ሄዘንሳ ዋደ፤ ታን ህንተና ዋይሰከ። ታን ህንተና ኮይያዋጥ አትን፡ ህንተ ሚሻ ኮይከ፤ እያዉ ጎጥ፡ አዉን አታ ባረንቱ ናናዉ ሚሻ ምንጅያዋጥ አትን፡ ናናይ ባረንቱ አዋን አትዉ ምንጅክና።

15 ታን ህንተ ሸምፖ ታዉ ደእያዋ ታናና ጋላደ ናሽቻን እማና፤ ያትና፡ ታን ህንተና ሎይላ ሲቅያ ድራዉ፡ ህንተ ታና ላፋ ሲቁቲ?

16 ግድግዳ፡ ታን ህንተና ዋይሳቤከ፤ ሸን ህንተ ታና፡ “ኔን ኑና ጭማደ ማካላን አይቃዳ” ያገንታ።

17 ታን ሀራይ አቶ፡ ህንተኮ ኪቲዳ እት አሳ ባጋናን ህንተጥ ጎኤታድታ?

18 ቲቶ ህንተኮ ባና ማላ፡ ታን ዋሳድ፤ ቃይ አማንያ እሻካ እናና የዳድ። ቲቶ ህንተጥ ጎኤቲዳ? ኑን ኑ ኦሱዋ እት ቆፋን አለበይኮ? ቃይ ኑ ሀኑካ እቱዋ ግደኔዬ?

19 ኑን ኡባ ዋደካ ህንተ ሰንላን ኑ ሁጲዉ ሞተትያዋ ህንተንቶ ማላቲ? ኑን ክርስቶሳን ደእያዋንቱዳን፡ ጳሳ ሰንላን ሀእ ጋካናሰካ ሃሳዬቶ። ኑ

ሲቃቶ፡ ኑን አልያ ኡባባይካ ህንተና ማዳናሳ።

20 እያዉ ጎጥ፡ ታን ህንተኮ ብያ ዋድ፡ ኑን ኤር ታን ኮይያዋ ማላ ህንተ ግድናን አጋነንቶን፤ ቃይ ታንካ ህንተ ኮይያዋ ማላ ግድናን አጋነንቶን። ቃይ ኑን ኤር ሃዋን ፓሎሚ፡ ቃናቲ፡ ህንቁ፡ የራይ፡ ዘግርሳይ፡ ሳርተላ ድጉሳይ፡ ኦቶሩ፡ መቲ ደኤናን ዋዪ አጋና፤ ታና ያሼ።

21 ታን ህንተኮ ላኤንሉዋ ብያ ዋድ፡ ታ ጳሳይ ህንተ ሰንላን ታና ካዉሻነንቶን ያያይ፤ ታን ናጋራ ካሰ አሊደ፡ ባረንቲ ኦፊዳ ቱናተላጥ፡ ዋሹምያዋጥን እሙዋጥ ስምቤና ዳር አሳቶ ዬከናን አግከ ጋደ ያያይ።

### 13

ዉርሰላ ዘርያን ሳርታ

1 ሀዌ ታዉ ህንተኮ የሳይ ሄዘንሳ ዋድ። እይ ሞቲካ ላኤ ዋይ ሄዙ ማርካይ ማርካትና ፕርደታናዉ ኮሼ።

2 ታን ላኤንሉዋ ህንተናና ጋከቲዳ ዋድ፡ ህንተና ናገትተ ጋድ፤ ሀእካ ሃኩዋን ደእጥካ፡ ህንተና ናገትተ ጋይ። ታን ቃይካ ህንተኮ ብያ ዋድ፡ ናጋራ ካሰ ኦፊዳዋንታካ ቃይ ሀራቱዋ ኡባቱዋካ ሙረናን አግከ።

3 እያዉ ጎጥ፡ ክርስቶስ ታ ባጋና ሃሳይያዋ ኤርሰያዋ ህንተ ኮይታ። እ ህንተናና ሃሳይያ ዋደ አ ዋልቃጥ አትን ቤትያዌ አ ዳቡራ ግድና።

4 እያዉ ጎጥ፡ ክርስቶስ ማስቃልያ ቦላ ሞሰማርያን ጵሽቲደ፡ ዳቡራን ካቀቲዳ፤ ሸን ጳሳ ዋልቃን ፓጸ ደኤ። እያዉ ጎጥ፡ እ ዳቡራንቻ ግዴዳዋዳን፡ ኑንካ ዳቡራንቻ፤ ሸን ህንተናና ሃሳይያዋን ኑን ጳሳ ዋልቃን እናና ደእና።

5 አማኑዋን ህንተ ምን ደእንቶ እነ ህንተና ፓጭተ፤ ህንተና ብድተ። ክርስቶስ ህንተናን ደእያዋ ህንተ ኤርክቲ? ሃዌ ጳዮጥ ፓጭያን ኩንዴድታ ጉሳ።

6 ኑን ፓጭያን ኩንድቤናዋ ህንተ ኤርያዋ አማናይ።

7 ህንተ አታባ ሙሉካ ኦር ማላ፡ ኑን ጳሳ ዋሴቶ። ኑን ፓጭያ ዳንዳይያዋንታ ግዲደ ቤታናሳ ግድና፤ ሸን ኑን ፓጭያ ዳንዳየናዋንታ ማላቲደ ቤቶጥካ፡ ሎኦባ ህንተ ኦላናሳ።



8 እያው ጎጥ፡ ኑን ቱሙቀ ጸላላው ኦላናጥ እትን፡ ቱሙቀጥ ሀራ እይነ ኦላናው ዳንዳዮኮ፤

9 ኑን ዳቡራንቻ ሸን ህንተ ዎልቃማ ግዶደ ናሸቲቶ። ህንተ ፖሎ ግዳና ማላ ኑን ጸሳ ዎሴቶ።

10 ታን ህንተጥ ሃኩቀን ደእደ ጸፌዳቄ ሄቀ ድራሳ፤ ታን ህንተኮ ብያ ዎደ፡ ጎዳይ ታው እሜዳ ማታን ዘምፓደ፡ ህንተና መቶላናው ታና ዎዪ ኮሻና። ሄ ማታይ ታን ህንተና ኬጸናው ታው እመቲዳቀጥ እትን፡ ህንተና ኮላናው እመትቤና።

11 ዉርሰላን ታናዳን ጸሳ ካልያቀንቶ፡ ሳሮ ደእተ፤ ባል ባይናን ደእተ፤ ታ ዘርያ ሰሰተ፤ እት ዎዛና ግዲደ ደእተ፤ ሳሮተላን ደእተ። ሲቁዎነ ሳሮተላ ጸሳይ፡ ህንተናና እትጥ ደእና።

12 እቱ እቱዎና ጌሻ የረታ የረቲደ ሳሮተትተ።

13 ጸሳ እሳ ኡባቱ ህንተና ሳሮ ሳሮ ጊኖ።

14 ጎዳ የሱሰ ክርሰቶሳ እጾ ኬካተላይ፡ ጸሳ ሲቁ፡ ጌሻ እያና እትጥተላይ ህንተናና ኡባና ግዶ። እመንእ።

# ጳውሎስ ገላትያ አሳው ጳፌዳ ኪታ ገሎቀ

የሱስ አሸያዎ ግድያዎ ኦድያ ምሽራቸዎ ቃላይ፡ ዲማ ዲማ ሳኣን ኦድትሺናን አይሁዳ ግደና አሳይካ አማኒደ እክ እክ ቢሸን፡ “አማንያ አሳ ግደናዉ ሙሴ ህግያ ፖላናዉ ኮሺዬ ኮሺኔ?” ግያ ዋላሳይ እትፕ ደንዴዳ። ሄ ዋደ ጳውሎስ፡ “አማንያ አሳ ግደናዉ ሙሴ ህግያ ፖላናዉ ኮሸና፤ የሱሳን ኦራሳ ደኡዎ ደማናዉ እን አማኖ አሳይ፡ ጳሳ ሰንላን ጽላናዉ ዳንዳይያዌ አማኖ ጸላላና” ያጊደ ታማርሱዎ ደሜዳ። ሸን ቄር ኢሰያ ግድን፡ “አሳይ ጳሳ ሰንላን ጽላናዉ የሱሳን አማንያዎ ጸላላ ግድናን፡ ሙሴ ህግያካ ፖላናዉን ቃጸረታናዉ ኮሺ” ያጊደ ጳውሎሳ ትምርትያ ጳልቄያ አሳቱ ደኢና።

ጳውሎስ ሀዋ ገላትያ ኪታ ጳፌዳዌ ሀ ባላ ትምርትያን ጭመቲዳ አሳ ሱረ አማኖን አማኑዎ ደኡ ዛሪደ ካለላናሳ። ጳውሎስ ኮይር ደሚደ፡ እ ባረና፡ “ታን የሱስ ኪቲዳዌ” ያግ ኤርሲደ ደሚ። የሱስ ኪቲዳዎ ኦሲደ ኦ ጴሴዳዌ ጳሳፕ አትን፡ አሳ ግደናዎን ቃይ እ ከተቲዳዌ አይሁዳ ግደና አሳቱዋሳ ግድያዎ ቆንጭሲደ ኦዴ። ሄዋናካ ኦቀቲደ፡ አሳይ ጽላናዉ ዳንዳይያዌ አማኑዎ ጸላላና ግድያዎ ኦዴ። ወርሰላ ሸምፓቲዎን አማኑዎ ኤሻይ የሱሳ አማንያ አማኑዋፕ ከሰያ ሲቁዋፕ ፑልትያዎ ግድያዎ ኦዴ።

## ሸምፓቲዎ ኡባቶ አመቴዳ ቃንላ ቆፋቲዎ

ገሎቀ 1:1-10

ጳውሎስ ጳሳፕ ኪተቲዳ ማታ

1:11—2:21

ጳሳ እጹ ኬካተላ ምሽራቸዎ ቃላ

3:1—4:31

ክርስቲና ላከተላን አማኑዎ 5:1—

6:10

ወርሰላ ቁትያ 6:11-18

1 ታን ጳውሎስ፡ የሱስ ክርስቶስን ቃይ ሀይቁዋፕ እ ደንጴዳ ጳሳይ እዉ ኪቲዳዋፕ አትን፡ አሳፕ ዋይ አሳ ባገና ኪተቲዳዎ ግድከ።

2 ሀ ታንን ታናና ደኢያ አማንያ እሻቱ ኡባይ፡ ገላትያ ገድያን ደኢያ አማንያ አሳ ኡባዉ ሳርታ ኪቲቶ።

3 ጳሳይ ኑ እዉን ኑ ጎዳይ የሱስ ክርስቶስ ህንተንቶ እጹ ኬካተላን ሳርተላ እዎ።

4 ኑ ጳሳ፡ ኑ እዉዎ ሸንያን ክርስቶስ ሀ ኢታ ኦሱ ኦስትያ ዎድያፕ ኑና እሻና ማላ፡ ኑ ናገራ ድራዉ፡ ባረ ሀጺያ እሜዳ።

5 ጳሳዉ መድፕ መድና ገካናዉ ቦንቹ ግድ። አመንእ።

ምሽራቸዎ ቃላ ቱሙ እቲዎ ጸላላ

6 ክርስቶሳ እጹ ኬካተላን ህንተንታ ጴሴዳ ጳሳ እጊደ፡ ሀራ ዎንገላኮ፡ ህንተ ኤሌሊደ፡ ዎት ሰሜድተንቶ ታዉ ኦራሳባ ግዴዳ።

7 ህንተንታ ቡልእክያዎንቱን ክርስቶሳ ምሽራቸዎ ቃላ ጌላያናዉ ኮይያ አማራዳ አሳቱ ደኢናፕ አትን፡ ቱሙፕ ሀራ ምሽራቸዎ ቃላይ ባዎ።

8 ሸን ሀራይ አቶ ኑና ግድና፡ ዎይ ሳሎዋፕ ኪታንቻ ግድና፡ ኑን ህንተንቶ ካሰ ኦዴዳ ምሽራቸዎ ቃላፕ ዲማትያዎ ህንተንቶ ኦድያዎ ግድፕ፡ እ መድናዉ ሸቀቲዳዎ ግድ።

9 ካሰ ኑን ጌዳዎዳን፡ ሀእካ ላኤንሉዎ ታን ኦዳይ፤ ህንተ እኬዳ ምሽራቸዎ ቃላፕ ዲማትያዎ እንን ህንተንቶ ኦድፕ፡ ሄ ኡራይ መድናዉ ሸቀቲዳዎ ግድ።

10 ሀዌ ታና አሳፕ ሳባ ኮይያዎ ማላትሲ? ማላትሲና! ታን ጳሳይ ሎእ ግያዎ ኮያይ። ዎይ ታን አሳ ናሸቻናዉ ኮያይታ? ታን ሀእካ አሳ ናሸቻናዉ ኮይያዎ ግድፕ፡ ክርስቶሳ እይላ ግድከ።

ጳውሎስ የሱስ ኪቲዳዎ ግዴዳ ሀኑዎ

11 ታ እሻቶ፡ ታን ህንተንቶ ኦዴዳ ምሽራቸዎ ቃላይ አሳፕ ግደናዎ ህንተንቶ ኦዳይ።

12 እያዉ ሳፕ፡ ታዉ የሱስ ክርስቶስ ቆንጭሴዳፕ አትን፡ ታን ምሽራቸዎ ቃላ አሳፕ እካቢይከ፤ አሳይ ታና ታማርሰቤና።

13 ካሰ ታን አይሁዳ አማኑዎን ደኢያ ዎደ፡ ዋናደ ደኢድታንቶ፡ ህንተ ሰሴድታ፤ ታን ክርስቶሳ አማንያዎንታ ቃረታይ ባይናን የደርሳድን ጳይሳናዉ ባጸታድ።

14 ታ ዎደ ደኤዳ አሳቱዋፕ ጮራቱዋ አይሁዳ አማኑዋ ሀግያ ናጉዋን አዳይ፤ ኑ አዎቱዋ ዎጋ ኦፐን አዳኦ ሲቃድ።

15-16 ሸን ጸሳይ ባረ አቶ ከካተፋን፣ ታን ብሮ ታ ዳይ ኡሉዋን ደእሸን፣ ባረው ኦፋናው ታና ጸሴዳ፤ አባ ኦድያ ምሽራቹዋ ቃላ አይሁዳ ግደና አሳው ታን ኦዳና ማላ፣ ጸሳይ ባረ ናኦ ታው ቆንጭሳናው ኮዬዳ ዎደ፣ ዘረታናው ኦኮን ባበይከ።

17 ዎይ ታፕ ካሰ የሱሰ ከቲዳዋንቱና ጋከታናው የሩሳላመ ባበይከ፤ ሸን ታን ኤላካ አራብያ ጌተትያ ጋድያ ባድ። ሄዋፕ ዳማሰቆ ግያ ካታማ ሰማድ።

18 ሄዙ ላይላፕ ጉይያን፣ ጸጽሮሳና \* ጋከታናው የሩሳላመ ባድ፣ አናና ታማን እቼሹ ጋላሳ ኡታድ።

19 ሸን የሱሰ ከቲዳዋንቱፕ ጎዳ እሻ ያቆባፕ አትን፣ ሀራቱዋና ጋከታበይከ።

20 ታን ህንተንቶ ጸፍያዋን ዎሪ ባዋ፤ ታን ህንተንቶ ዎርዱዋ ኦደናዋ ጸሳይ ማርካ!

21 ሄዋፕ ጉይያን፣ ሶርያ ጌተትያ ጋድያን ክልቁያ ጌተትያ ጋድያ ባድ።

22 ይሁዳን ደእያ ክርሰቶሳን አማንያዋንቱ ታናና ኤረታ ግድክና።

23 ሸን ሀራ አሳይ፣ “ኑና የደርሰ ዩይያ ብታኒ ሀዋፕ ካሰ እ ዳይሳናው ኮይያ አማኑዋባ ሀእ ኦዴ” ግያዋ ኡንቱንቱ

24 ሰሲደ ታባን ጸሳ ጋላቴድና።

## 2

ጳውሎስ ከቲቶዋ ግድያዎ ሀራቱዋ ማታን ኤረቲዳ

1 ሄዋፕ ሰማደ ታን ታማን ኦይዱ ላይላፕ ጉይያን፣ ባርናባሳና ላኤንሱዋ የሩሳላመ ባድ፣ ቲታካ ታናና አካደ ባድ።

2 ጸሳይ ታው ሳጸን ቆንጭሴዳ ድራው ባደ ታን ሀእ ኦላያ ኦሱ ዎይ ካሰ ኦሌዳዎ መላ አተና ማላ፣ ክርሰቶሳን አማንያዋንታ ካለላያዋንታ ዳማ ሸሻደ፣ አይሁዳ ግደና አሳው ታን ኦድያ ምሽራቹዋ ቃላይ አይ ማለንቶ ኡንቱንቶ ኦዳድ።

3 ሸን ሀራይ አቶ ታናና ደእያ ቲታ እ ግሪክ ጋድያ አሳ ግድሸን፣ ቃጸረቶ ጊደ ጎደትበይክና።

4 ግደፕካ፣ ዎርዱዋን ኑው እሻቱዋ ማላት ዩደ፣ ኑናና ዋላከቲዳ ጮራ አሳቱ እ ቃጸራናው ኮዬድና። ሄ አሳቱ ክርሰቶሳ የሱሳን ኑው ደእያ ኦን ኮዬዳዋዳን ሀናና ዳንዳይያ ላአተፋ ዎቹደ ቋሻናው፣ ወኤቲደ ኑ ግደ ገሊደ ኑና አይለ ኦፋናው ኮዬድና።

5 ሸን ምሽራቹዋ ቃላ ቱማተላይ ህንተንቱና ምን ደእና ማላ፣ ኦን ሀራይ አቶ ጉፋ ዎድያካ ኡንቱንቶ ሞደትበይከ።

6 ሸን ካፓቱዋ ማላትያዋንቱ ታው አይን ኦራሳ ቆፋ እምበይክና፤ ሀዋ አያው ጋይታ ጎፕ፣ ሀዋፕ ካሰ ኡንቱንቱ ኦና ግድናካ ታና መትያባ ግደና፤ ጸሳይ አሳ ሰምእያ ጸሊደ ፕርደና።

7 ሸን ጉየፕ ጸሳይ ጸጽሮሳው፣ አይሁዳቶ ምሽራቹዋ ቃላ ኦድያ ሀዳራ እማዳዋዳን፣ ታውካ አይሁዳ ግደና አሳው ምሽራቹዋ ቃላ ኦድያ ሀዳራ እማዳዋ ኡንቱንቱ በኤድና።

8 አያው ጎፕ፣ ጸጽሮሰ አይሁዳቶ የሱሰ ከቲዳዋ ግዴዳዋዳን፣ ታንካ ጸሳ ዎልቃን አይሁዳ ግደና አሳው የሱሰ ከቲዳዋ ግዳድ።

9 ቃይ ካለላያዋንታ ማላቲደ ቤትያዋንቱ፣ ያቆብ፣ ጸጽሮሰን የሃንሰ፣ ታው እመቲዳ አቶ ከካተፋ ኤሪደ፣ ታናን ባርናባሳ ኑ ኩሸያ ኦይቁደ ሳሮቲድና። ታንከ ባርናባሰ አይሁዳ ግደና አሳ ግደን ኦፋናዳን፣ ቃይ ኡንቱንቱ አይሁዳቱዋ ግደን ኦፋናዳን ቃቹደ ደንዴዶ።

10 ኡንቱንቱ ኑና ካሰፐካ ታን ኦፋናው ቆፓደ ደእያ ሀዬሳቱዋ ማዳናዋ ጸላላ ቆፍሴድና።

ጳውሎስ አንጾክያን ጸጽሮሳ ትምርትያ ጸልቁዳ

11 ሸን ጸጽሮሰ አንጾክያ ግያ ካታማ ዬዳ ዎደ፣ እ ባይዜዳ ድራው፣ ቆንጭያን ታን አ፣ “ኔን ባይዛንቻ” ያጋድ።

12 አያው ጎፕ፣ ያቆባ ማታፕ ከተቲዳ አማራዳ አሳይ ያናፕ ካሰ አይሁዳ ግደና አሳቱዋና ቁማ ሜ፤ ሸን ኡንቱንቱ ዬዳዋፕ ጉይያን፣ አይሁዳ ግደናዋንቱ አማንያዋንታ ግዳናው

\* 1:18 ጸጽሮሳ፣ ግሪክ ማጻፋይ ኪፋ ያጌ። ብለላይካ አራማይክ ቃላን “ዛላ” ግያዎ። 2:6 ዛረ. 10:17

ቃጻረታናዉ ኮሼ ግያዋንቶ ያዬዳ ድራዉ፡ ሞያዋ ኤሲደ፡ አይሁዳ ግደናዋንቱፕ ሻከቲዳ።

ግደፕ፡ ክርስቶስ ጮ መላ ሀይቄዳ ጉሳ።

13 ቃይ የኮ አማኔዳ አይሁዳቱ ጳጵሮሳና ያሻ ዶሜድኖ፤ ሀራይ አቶ ባርናባሰካ ኡንቱንቱና ያሻንቻ ግዴዳ።

3

ጽሎተላይ አማኖ ጸላላን ቤቲ

14 ሸን ኡንቱንቱ ሞሽራቹዋ ቃላ ቱማተላዳን፡ ሱረ ሀመተናዋ በአደ፡ ጳጵሮሳ ሄ ኡባ አሳ ሰንላን፡ “ኔን ጸሳ አሳ አይሁዳ ግዳደ፡ ኡንቱንቱዳን ግደናን ጸሳ አሳ ግደና አይሁዳ ግደናዋንቱዳን ደአ፤ ሸን ያትና፡ ዋታይ አይሁዳ ግደናዋንታ፡ ‘አይሁዳቱዋዳን ደአተ’ ጋደ ግዳይ?” ያጋድ።

1 አከካይ ባይና ጋላትያ አሳቶ፡ ታን ሀንተና ክርስቶስ ማስቃልያ ቦላን ሞሰማርያን ጵሽቲደ ካቀቲዳዋ ቆንጮሳይ ታማርሳድ። ያትና፡ ቱዋ ሀንተ ኤኖ ጌና ማላ፡ ሀንተንታ ብቲዳዌ ኦኔ?

አይሁዳቱካ አይሁዳ ግደናዋንቱካ አትያዌ አማኑዋና

2 እነ ታዉ ሀ እት የወዋ ጸላላ ኦድተ፡ ጸሳ አያና፡ ሀጊ ግያዋ ናጊደ አከድቲ ዋይ አማኑዋን ሰሲደ አከድቲ?

15 ኑን የለታን አይሁዳ፤ “ናጋራንቻ ግዴዳ አይሁዳ ግደና አሳቱዋ” ግደኩ።

3 ሀንተንቱ ሄዋ ኬና ኤዬ? ጸሳ አያናን ደኡዋ ዶሚደ፡ ሀእ ሀንተ ዋልቃን ፖሊቲ?

16 ሄዋ ግደፕካ፡ አሳይ የሱስ ክርስቶሳ አማኒደ ጸሳ ሰንላን ጽላናፕ አትን፡ ሙሴ ሀግያ ናጉዋን ጽላናዋ ኤራደ፤ አሹዋ ማዬዳ አሳይ ኡባይ ሙሴ ሀግያ ናጉዋን ጽላና ድራዉ፡ ኑን ኑ ሀጸዉካ ሙሴ ሀግያ ናጉዋን ግደናን፡ ክርስቶሳን አማኒደ ጽላና ማላ፡ ክርስቶስ የሱሳን አማኔዳ።

4 ሀንተንቱ ዳቡራ ኡባዉ አይነ ማዲ ባዌ? ቱማ ማዲ ደኤ።

17 ሸን ኑዉ ክርስቶሳን ደእያ አትፕተላን ጽላናዉ ኮይያዋንታ ግዲደ፡ ኑ ሀጸዉ ናጋራንቻ ግዲደ ቤቶፕ፡ ያትና ክርስቶስ ናጋራ ታማርሰያዌ? ሄዌ ሙላካ ዋርዶ!

5 ያትና፡ ጸሳይ ሀንተንቶ ጌሻ አያና አምያዌነ ሀንተ ግደን ማላታ ኦልያዌ፡ ሙሴ ሀግያ ሀንተ ኦልዳ ድራሴ? ዋይ ሞሽራቹዋ ቃላ ሰሲደ፡ ሀንተ አማኔዳ ድራሴ?

18 አያዉ ጎፕ፡ አት ካሳካ አጋ ድጌዳዋ ታን ላኤንሉዋ ኦልያዋ ግደፕ፡ ታን ታ ሀጸዉ ሀግያ መንሐያዋ ግደያዋ ኤርሳይ።

6 ሀዋዳንካ፡ አብራሃም ጸሳ አማኔዳ ድራዉ፡ ጸሳይ እ ጽሉዋዳን ጼሌዳ።

19 ታን ጸሳዉ ፓጻ ደአና ማላ፡ ሀግያ ባጋና ሀገዉ ሀይቃድ።

7 ሄዋ ድራዉ፡ አማንያዋንቱ አብራሃም ዛረ \* ግድያዋ ኤርተ።

20 ታን ክርስቶሳና አ ማስቃልያ ቦላ ሞሰማርያን ጵሽታይ ካቀታድ፤ ሰም፡ ሀእ ፓጻ ደእያዌ ታና ግድከ። ሸን ክርስቶስ ታ ግደን ደኤ፤ ታን ሀእ ደእያ ደኡ፡ ታና ሲቂደ፡ ታ ድራዉ፡ ባረ ሁጲያ አሜዳ ጸሳ ናአን ደእያ አማኑዋና።

8 ጸሳይ አይሁዳ ግደና አሳ አማኑዋን ጽልሳናዋ ጸሳ ማጻፋይ ካሰት በኢደ፡ “ሀ አላምያን ደእያ አሳይ ኡባይ ኔናን አንጀታና” ያጊደ፡ ሞሽራቹዋ ቃላ አብራሃም ካሰቲደ ኦዴዳ።

21 ታን ጸሳ አጼ ከካተላ እጽከ፤ አሳይ ሀግያ ባጋና ጽሎተላ ደምያዋ

9 ሄዋ ድራዉ፡ አብራሃም አማኒደ አንጀቲዳዋዳን፡ አማንያዋንቱ አዋዳካ አንጀታና።

2:16 ማዝ. 143:2፤ ሮመ 3:20፤ 22 \* 3:7 አማንያዋንቱ አብራሃም ዛረ፡- ጸሳይ አብራሃም ደራዳ፤ ሄ ድራዉ ኦንካ አብራሃም ናእ ጌተቲዳዌ፡ ጸሳ ናእ ግድያዌ አማኑቲዳ። 3:29 ጸልተ። 3:7 ሮመ 4:16 3:8 ደመላ 12:3 † 3:11 ጸሳ ሰንላን ጽላቱ እን አማኑቲደ ደኡዋን ደአና፡ ጸሳይ አኬዳ አሳይ አማኑዋፕ ደንዴዳዋን ደኡዋን ደኤ። 3:12 ዋጋ 18:5

12 ህጊ አማኑቸን ባሰት ኤቂቤና፤ ሸን ጸሳ ማጻፋይ፡ “ህጊ ግያዋ ፖልያዋ እን ደኡቸን ደእና” ያጌ።

13 ጸሳ ማጻፋን፡ “ሞላ ቦላ ካቀት ሀይቂያ ኦንነ ሸቀቲዳዋ” ጌተት ጸፈቲዳ ድራው፡ ክርሰቶስ ኑ ድራው ሸቀቲዳዋ ግዲደ፡ ኑና ሀግያ ሸቃፕ ዋዝ እኬዳ።

14 ክርሰቶስ ሄዋ አያው ኦሴዴ ጎፕ፡ ጸሳይ አማና ጎፕ፡ ጌሻ አያና ኑን አማኑቸን አካናዳንነ አብራሃም እንጂ ባረ ባጋና እይሁዳ ግደና አሳ ጋካና ማላ ጊደ ኦሴዳ።

ህጊ ሀደታ ቃላ ኮለና

15 ታናዳን አማንያዋንቶ፡ ታን አሳይ ግያዋዳን ህንተንቶ ጋይ፤ ሀራይ አቶ ላኡ አሳቲ አት የወዋ ሃሳዪደ፡ ጫቁዋ ዋሌዳዋፕ ህን ባጋን፡ ኦንነ ሄ ጫቁዋ ብላናው ዋይ ሀራባ ሄ ጫቁዋ ቦላ ጉጅናው ዳንዳየና።

16 አብራሃምን አ ዛሪ ጸሳይ ሰንፋፕ አማና ጊደ ሃሳዪዳዋ ሰሴድና። ጸሳ ማጻፋይ ጮራ አሳወ ሃሳይያዋዳን፡ “ነ ዘረፋቶ” ጌና፤ ዋጊ ጎፕ፡ “ነ ዛረው” ያጌ። ሄዋነ፡ አት አሳ ጸላላ ጌ፤ እካ ክርሰቶሳ።

17 ታን ግያዋ ሀዋ፤ ጸሳይ አብራሃም ጫቂደ፡ ሀ ጫቁዋ ታን ናጋና ያጌዳ። ኦይዱ ጸታነ ሀታሙ ላይፋፕ ጉይያን ዬዳ ሙሴ ህጊ ጸሳይ ዋሌዳ ሀ ጫቁዋ ጳይሳናውን ሰንፋፕ አማና ጊደ ሃሳዪዳዋ ድጋናው ዳንዳየና።

18 አያው ጎፕ፡ ጸሳይ አምያ ላታይ ሀግያን ቤትያዋ ግደፕ፡ ያትና ጸሳይ ሰንፋፕ አማና ጊደ፡ ቃላ ገሌዳዋና ግደና ግያዋ፤ ሸን ጸሳይ አማና ጊደ ቃላ ገሌዳዋን ላታ አብራሃም አማዳ።

19 ያትና፡ ህጊ አያው ደኢ? ህጊ ባይዞ አሱቀ ግድያባይ አየንቶ በሳናው ጸሳይ አማና ጊደ ሃሳዪዳ አብራሃም ዛሪ ያና ጋካናው ጉጀቲዳ፤ ኪታንቻ ባጋና ሙሴ ጋናትያዋን አመቲዳ።

20 ጋናይ አት ኡራ ጸላላሳ ግደና፤ ሸን ጸሳይ አቲዋ።

ሀግያ ቆፋ

21 ያትና፡ ጸሳይ ሰንፋፕ አማና ጊደ ሃሳዪዳዋ፡ አት ህጊ፡ “ሀነና” ያጌ? እእ! ሄዋ ጌና። አያው ጎፕ፡ ህጊ አሳው ደኡቀ አማናው

ዳንዳይያባ ግደፕ፡ ጽሎተሳይካ ቱሙ ሀግያ አዛዘትያዋፕ ቤቲ ግያዋ።

22 ሸን የሱሰ ክርሰቶሳ አማንና፡ ጸሳይ ሰንፋፕ አማና ጊደ ቃላ ገሌዳ ላአተሳይ፡ አማንያዋንቶ አመታና ማላ፡ አሳይ ኡባይ ናጋራው ሞደቲደ ደእያዋ፡ ጸሳ ማጻፋይ ኦዴ።

23 ሸን ካሰ ሀ አማኑ ያናው፡ ሰንፋፕ ቆንጫና አማና ህጊ ኑና ቃሸቲዳ አሳዳን ጎርድ ዋሌዳ።

24 ሄዋ ድራው፡ ኑን አማኑቸን ጽላና ማላ፡ ክርሰቶስ ያና ጋካናው ህጊ ኑና ናግያዋ ግዴዳ።

25 ሸን ሀእ ሰም አማኑ ዬዳ ድራው፡ ህጊ ሀዋፕ ሰንፋው ኑና ናግያዋ ግደና።

26 ህንተንቲ ኡባይ አማኑቀ ባጋና ክርሰቶሳ የሱሳን እቲዋ ግዴዳ ጸሳ ናና።

27 አያው ጎፕ፡ ህንተ ክርሰቶሳና እቲዋ ግዴና ማላ ጸማቀቲዳ ኡባቲ ክርሰቶሳ ማዬድታ።

28 ሄዋ ድራው፡ እይሁዳ አሳ ግድንነ ግሪክ አሳ ግድን ዲማተሳይ ባዋ፤ አይልያ ዋይ ዋማኑቀ ግድን ዲማተሳይ ባዋ፤ አቲማዋ ዋይ ማጫ አሳ ግድን ዲማተሳይ ባዋ። አያው ጎፕ፡ ህንተንቲ ኡባይካ ክርሰቶሳ የሱሳን አት አሳ።

29 ህንተንቲ ክርሰቶሳዋ ግደፕ፡ ሰም ህንተንቲ አብራሃም ዛረ፤ ቃይ ጸሳይ ሰንፋፕ አማና ጊደ ቃላ ገሌዳዋ ላትያዋንታ።

# 4

ኑን ጸሳ ናና ግድያዋ

1 ሸን እኬክተ፤ ባረ አቡዋ ላትያ ናአይ ናአተሳን ደኢደ፡ ደእያዋ ኡባው ጎዳ ግደፕካ፡ አይላቲዋፕ እው ዲማትያሳይ ባዋ።

2 ሸን ባረ አቡ ጌዳ ዋዲ ወራና ጋካናው፡ አ ሀዳራ እኬዳዋንቲ ኩሽያንነ እ ሚሻ ናግያዋንቲ ኩሽያን ደኤ።

3 ሀዋዳን ኑንካ ቃይ ናአተሳን ደእያ ዋደ፡ ሀ አላምያ ሞድያ አያናቶ አይላቲደ።

4 ሸን ያናው በሰያ ዋዲ ጋኬዳ ዋደ፡ ጸሳይ ማጫውንፕ የለቶዋ፡ ሙሴ

3:13 ዛረ. 21:23 3:16 ደመላ 12:7 3:17 ከሳ 12:40 † 3:29 አብራሃም ዛረ፡ ሀእ ኑን አብራሃም ጎላ አሳ። ሄዋሳ ጳውሎስ ገላትያ አሳው ኦዲደ፡ አት አሳይ የሱሳ አማኔዳ አማኑቸን አብራሃምው ቱሙ ናአ ያገቲደ ጸገቲ። ሄዋ ጉሳይ ጸሳ ናአ ጉሳ፡ 3:7 ጸልተ።

ሀገወ ሞደትያ አሳ ጋርሳን የለቴዳዎ፣ ባረ ናኣ ኪቴዳ።

5 እያዉ ኪቴዳ ጎፐ፣ ሀግያን ሞደቲደ ደእያዎንታ ዎዛናዉነ ኑና ባረ ናና ኦላናዉ ኪቴዳ።

6 ጸሳይ ሀንተ አ ናና ግድያ ድራዉ፣ “አባቦ፣ ታ አቦ” ጊደ ዋሰያ ባረ ናኣ እያና፣ ኑ ዎዛና ግደ ኪቴዳ።

7 ሄዎ ድራዉ፣ ሀዋፐ ሰንሳዉ ኔን ጸሳ ናኣ ግድያዎፐ አትን፣ እይለ ግዳካ፤ ቃይ ኔን አ ናኣ ግደፐ፣ ክርሰቶሳ ሳጋና ጸሳይ ቃላ ገሌዳባ ላትያዎ።

ጳውሎስ ጋላትያ አሳባ ሀርጌዳ

8 ሸን ሀንተ ሀዋፐ ካሰ ጸሳ ኤረናን ደእይ፣ ቱማ ግደና ጸሳቶ እይለ ግዲደ ኤኖ ጌድታ።

9 ሸን ሀእ ጸሳ ኤሪደ፣ ኡባካ ጸሳን ኤረቲደ፣ ላፋነ ቃይ ካፍቴዳ ሀ እያናቱዋኮ ዋኒደ ሰሚቴ፣ ሸረት ሰም፣ እይለ ግዲደ፣ ላኤንሉዎ አንቱንቶ ኤኖ ጋናዉ ኮዪቴ፣

10 ዲማቴዳ ጋላሳቱዎ፣ አገናቱዎ፣ ዎደቱዎን ላይላቱዎ ሀንተ ሎይሉ ናኑዋን እይለቴድታ።

11 ታና ሀንተባይ ያሼ፤ ታን ሀንተንቶ ጮ ጋደ መላ ዳቡራድታሻ?

12 ታናዳን አማንያዎንቶ፣ ታን ሀንተንቱዳን ሀኔዳ ድራዉ፣ “ሀንተንቱካ ታናዳን ሀንተ” ጋደ፣ ሀንተንታ ዎሳይ፤ ሀንተ ታና እይነ ናቁበይክታ።

13 ታን ኮይር ሀንተንቶ ሞሽራቹዎ ቃላ ኦዳዳዎ ታና ሀርግሰሺና ግድያዎ ሀንተ ኤሪታ።

14 ታዉ ፓጸተላይ ጳዪደ፣ ሀንተንቶ ፓጩ ግድናካ፣ ታና ካፍብይክታ፤ ሸንትካበይክታ። ሄዎ ድራ ኡባ ታና ጸሳ ኪታንቻ ሞክያዎዳን፣ ዎይ ክርሰቶሳ የሱሳ ሞክያዎዳን ሞኬድታ።

15 ያትና፣ ሄኮ ሀንተ ናሸትያዎ ቤተና! ታና ግደፐ፣ ሀንተንቶ ዳንዳየትያባ ግድና፣ ታዉ ሀንተ ሀንተንቱ እይፍያ ዎጫ እምንቶን እጸናዎ ማርካታይ።

16 ያትና ታን ሀንተንቶ ቱሙዎ ኡድያ ድራዉ፣ ሀንተ ሞርከ ግዲይታ?

17 ሀራ አሳቱ ሀንተንቶ ቃረትያዎ ማላቲኖ፤ ሸን ኤንቱንቱ ቆፋይ ሎኤና፤

እያዉ ጎፐ፣ ሀንተ ኤንቱንቶ ቃረታና ማላ፣ ታፐ ሀንተንታ ሻካናዉ ኮዪኖ።

18 ሸን ታን ሀንተ ማታን ደእያ ዎደ ጸላላን ግደናን፣ ኡባ ዎደካ ሎኦባን ሀንተ ኮየትያዎንታ ግደፐ ሎኦ።

19 ታ ሲቆ ናቶ፣ ክርሰቶሳ መጋታይ ሀንተንቱን ቤታና ጋካናዉ፣ ማጫዉኖ ኦይላይ ሳክያ ኬና፣ ታን ሀንተ ድራዉ ሳከታይ።

20 ሸን ታን ሀንተንቶ ሀርግያ ድራዉ፣ ሀእ ሀንተ ማታ ባደ ሀንተንቱና ዶናን ሃሳያንቶ፣ ዳሪ ደሳይ።

አጋርነ ሳር ሌምሱዎ

21 ሙሴ ሀግያን ሞደቲደ ደእናዉ ኮይያዎንቶ፣ ሀጊ ግያዎ ሰሰክቴ? እነ ታዉ ኦድተ።

22 እያዉ ጎፐ፣ ጸሳ ማጸፋይ፣ “አብራሃሞ ዳንጋጽራትፐን ጎዳትፐ የለቴዳ ላኡ ናናይ ደእኖ” ያጌ።

23 ሸን ዳንጋጽራት ናክይ አሳይ ናኣ የልያ ማራዳንካ የለቴዳ፤ ቃይ ጎዳት ናክይ፣ ጸሳይ ሰንሳፐ እማና ጊደ ቃላ ገሌዳዎን የለቴዳ።

24 ሀ ላኡ ማጫዎንቱ ላኡ ጫቆ ግድያ ሌምሱ። ኤንቱንቱፐ እትና፣ ሙሴዉ ሀጊ እመቴዳ ሲና ደርያፐ ጫቁ ዬዳዉና፣ ባረ ናና እይለተላዉ የላዲ፤ እዛካ አጋር።

25 ሀ አጋራ አራብያ ጌተትያ ጋድያን ደእያ ሲና ደርያን ሌምሰታዉ፤ ቃይካ ሀእ ደእያ የሩሳላመን ሌምሰታዉ፤ እያዉ ጎፐ፣ የሩሳላመ ካታማይ ባረ ግድን ደእያ አሳ ኡባና ሙሴ ሀግያ እይለተላን ደኤ።

26 ሸን ሳሉዋን ደእያ የሩሳላመ እይለተላን ደኡኩ፤ እዛ ኑዉ አቶ ግዴዳ ሳር።

27 እያዉ ጎፐ፣ ጸሳ ማጸፋይ፣ “ሀኔ፣ የላቤና ማንላቴ፣ ናሸታ፤ የሉዎ ኦይላይ ኦይቁ ኤረናዉኔ፣ ነ ኮሻ ጶቁ ኦላደ አልላ! እያዉ ጎፐ፣ ባረ አሰናና ደእያ ማጫዉንፐ፣ ባረካ ደእያ ማጫዉንዉ ጮራ ናናይ ደእና” ያጌ።

28 ታናዳን አማንያዎንቶ፣ ኑንካ ሳር ናኣ ይሳቃዳን፣ ጸሳይ ሰንሳፐ እማና ጊደ ቃላ ገሌዳ ናና።

29 ሸን ሄ ዎደ አሳ ማራዳን የለቴዳዋ፣ ጸሳ አያናይ ጌዳዋዳን የለቴዳዋ የደርሰ ድጎዋዳን፣ ሀእካ ሄዎ ማላ።

30 ሸን ጸሳ ማጻፋይ ዋጊ? “ዳንጋጽራት ናእይ ጎዳት ናእና እትጥ ላተና ድራው፣ ዳንጋጽራት እዝ ናእና እትጥ ከሳ የዳ” ያጌ።

31 ሄዎ ድራው፣ ታናዳን አማንያዋንቶ፣ ኑን ጎዳት ናና ግድያዋጥ አትን፣ ዳንጋጽራት ናና ግድኮ።

### 5

ክርስቶስን አይለተላጥ ከሱሳ

1 ኑን አይለተላይ ባይናን፣ ደእና ማላ፣ ክርስቶስ ኑና አይለተላጥ ከሱዳ፤ ሰም ምኒደ ኤቁተ፤ ሳኤንሱዋ አይለተላ ሞርገ ምላሽ ዋጸቶፕተ።

2 ስሰተ፣ ታን ጻዉሎስ፣ ሀንተንታ ያጋይ፤ ሀንተ ቃጸረትያዎ ግድጥ፣ ክርስቶስ ሀንተንታ አይነ ማደና።

3 ቃጸረትያ ኡባቱ ሀጊ ግያዎ ኡባ ፖሊደ ናጋናዉ በሰያዎ ጉጃደ ቆፈላይ።

4 ሀግያ ናጊደ ጽላናዉ ኮይያዎንቶ፣ ክርስቶስ ሻከቴድታ፤ ጸሳ አጼ ከካተላጥካ ኩንዴድታ።

5 ኑና ግድጥ፣ ኑን ጸሳ አያና ባጋና አማኑዋን ጽላናዉ ናሽቻን ናጌቶ።

6 አያዉ ጎጥ፣ ኑን ክርስቶስ የሱሳና እትጥ ደኦጥ፣ ሲቁዋን ኦሳያ አማኑዋጥ አትን፣ ቃጸረትናካ፣ ቃጸረተናን አገናካ ኑና አይነ ማደና።

7 ካሰ ሎኦ ዎጺታ፤ ሸን ቱማተላዉ ሀንተ ኤኖ ጌና ማላ፣ ኦኔ ሀንተንታ ድጌዳዋ?

8 ሀ ጭሙ ሀንተንታ ጴሴዳ ጸሳጥ ይቤና።

9 አሳይ ግያዎዳን፣ ጉላ እርሹ ሙናቃ ኡባ ደንሌ።

10 ሀንተንቱ ሀራባ ቆጥናዎ ታን ጸሳን አማነታይ፤ ሸን ሀንተንታ መትያ ኡራይ ኑና ግድጥ፣ ጸሳጥ ባረ ፕርዳ አካናዎ።

11 ሸን ታናዳን አማንያዋንቶ፣ ታን ሀዋ ጋካናዉ ቃጸራይ ከሸያዎ ኦድያዎ ግድጥ፣ ታና አያዉ የደርሰኖ? ሄዎ ቱማ ግድጥ፣ ታን ክርስቶስ ማሰቃልያባ ታማርሰና አይነ መትያባይ ባዎ።

12 ሀንተንታ መቶሳዎንቱ ባረንታ ባረንቶካ ጎይሬርክኖሻ!

13 ሀንተንታ ግድጥ፣ ታናዳን አማንያዎንቶ፣ አይለተላጥ ከሳናዉ ጴሴቲድታ። ግድጥካ አይለተላጥ ሀንተ ከሱዳዎን፣ ሀንተ አሳተላ አሙ ሀንተንታ ሞዶጋ። ሄዎ ድራ ሲቁዋን እቱ እቶ ሞደትተ።

14 አያዉ ጎጥ፣ ሀጊ ኡባይ እት ሃሳያን ቃሸቴዳ፤ እካ፣ “ካ ሸሩዎ ነ ሁጲያዳን ሲቃ” ያግያዎ።

15 ሸን ሀንተ እቱ እቱዋና ሳኤትያዎን ማተትያዎ ግድጥ፣ ሀንተ ሀንተ ግድን ዉረና ማላ ናገትተ።

አያናን አሹዎ

16 ሸን ስሰተ፤ ጸሳ አያናይ ሀንተንታ ካለላያዎ ግድጥ፣ ሀንተ አሹዎ አሙዎ ሙሉካ ፖልክታ።

17 አያዉ ጎጥ፣ ኑ አሹ አሞትያዎ ጌሻ አያናይ እጴ፤ ቃይ ጌሻ አያናይ አሞትያዎ ኑ አሹ እጴ፤ ሀዋንቱ እቱ እቱዋና እጸቴና። ሄዎ ድራው፣ ሀንተ ደሰያዎ ኦሳናዉ ዳንዳይክታ።

18 ሸን ጸሳ አያናይ ሀንተንታ ካለላያዎ ግድጥ፣ ሙሴ ሀጊ ሀንተንታ ሞደና።

19 አሹዎ ኦሱ ኤሪቴዳዎ፤ እካ አይ ጎጥ፣ ዎሹምያዎ፣ ቱናተላ፣ አጴዳ ቱናተላ ኦሱዎ።

20 ኤቃዉ ጎይንያዎ፣ ብትያዎ፣ ሞርከተላ፣ ፓሉማ፣ ቃናትያዎ፣ ሀንቁዎ፣ ባረና ደሰያዎ፣ ዋላቀትያዎ፣ እቱ እቱዋጥ ሻከትያዎ።

21 አሳዎ አሞትያዎ፣ ማሶትያዎ፣ የላንቻ ግድያዎን ሀዋንታ ማላትያዎንታ። ካሰካ ታን ሀንተንቶ ኦዴዳዎዳን፣ ሀዋንታ ማላትያዎንታ ኦሳያዎንቶ ጸሳ ካዉተላን ገልያሳይ ባዎ።

22 ሸን ጌሻ አያና አይፊ፣ ሲቁዎ፣ ናሽቻ፣ ሳርተላ፣ ዳንዳያ፣ ከካተላ፣ ሎኦተላ፣ አማነትያዎ።

23 አሸከተላ፣ ባረ ሁጲያ ናግያዎ። ሄዋንታ ማላትያዎንታ ድግያ ሀጊ ባዎ።

24 ክርስቶስ የሱሳ ግድያዎንቱ ባረንቱ አሳተላ አ ኢታ ቆፋናን አ አሙዋና እትጥ ማሰቃልያ ቦላን ምሰማርያን ድሺደ ካቁድና።

25 ኡዉ ጌሻ አያናይ ደኡዎ አሞዋጥ ጉይያን፣ ኑና ቃይ እ ካለሉ።

26 እነ ኦቶሪትያዎ፣ ዎይ እቱ እቱዎ ሀንቀሏዎ፣ ዎይ እቱ እቱዎ ቃናትያዎ አጎይተ።

### 6

እቱ እቱዎና ማደትያዎ

1 ታናዳን አማንያዎንቶ፣ ሀንተናን ጌሻ አያናን ደእያዎንቱ እት ኡራይ አይ ባይዙዎ ኦሊደ፣ ቤቶፕካ፣ አሽከተፋ አያናን አ ሱርሰተ፤ ቃይ ሀንተ ፓጮተና ማላ፣ ሀንተ ሁጲያ ናግተ።

2 እቱ እቱዎ ቶኩዎ ቶክተ፤ ሄዎ ኦሎዎን ክርሰቶሳ ሀገጧ አዛዘቲታ።

3 አያዉ ጎፕ፣ እት ኡራይ አይነ ሀነናን ደኢደ፣ እትባ እ ሀኔዳዎ አዉ ማላቶ፣ ባረ ሁጲያ ጭሜ።

4 ሸን አሳይ ኡባይ ሁጲያን ሁጲያን ባረ ኦሱዎ ፓጮ፤ ሄዋፕ ጉይያን፣ ሀራ አሳዎና ልከናን፣ ባረ ሁጲ ኦሱዎ ጸላላን አማንትያዎ ደማና።

5 አያዉ ጎፕ፣ አሳይ ኡባይ ሁጲያን ሁጲያን ባረፕ ናገትያዎ ኦላና ባሴ።

6 ሸን ጸሳ ቃላ ታማርያዌ ባረዉ ደእያ ሎኦባ ኡባ ባረና ታማርሰያዎና ሻኮ።

7 ሀንተንታ ሀንተረካ ጭዋፕተ። ኦንነ ጸሳ ቦላ ቅለጫናዉ ዳንዳየና፤ አያዉ ጎፕ፣ አሳይ ባረ ዘርያዎ ዛረሊደ ቆይጫና።

8 ባረ አሹዎ አሙዋን ዘርያዎ ግደፕ፣ አሹዎ አሙዋፕ ሀይቁዎ ቆይጫና። ሸን ጸሳ አያናን ዘርያዎ ግደፕ፣ ጸሳ አያናፕ መጅና ደኡዎ ቆይጫና።

9 እነ ሎኦ ኦሱዎ ኦላናዉ ሞኖይተ። አያዉ ጎፕ፣ ኦን ሞን ኦላፕ፣ ቆይጫዎ ዎዲ ሰንፋፕ ያናዎ።

10 ሄዎ ግደፕ ሀ ኦላናዉ ኦን ዳንዳይያዎን፣ አሳ ኡባዉ ሎኦባ ኦላይተ፤ ሸን ኡባፕ አሊደ፣ ኦናና አማኑዎን ደእያዎንቶ ሎኦባ ኦላይተ።

ዉርሰፋ ዘርያነ ሳርታ

11 ታን ታ ኩሸያን፣ አይ ማላ ዎልቃማ ፕደላቱዎን፣ ሀዎ ሀንተንቶ ጸፋድታንቶ በእተ።

12 አሳ ሰንፋን ሎኢደ ቤታናዉ ኮይያ ኡባቱ፣ ሀንተ ቃጸረታና ማላ ኮዪና፤ ሸን ሄዎ ኡንቱንቱ ኦሎዎ ባረንቶ ክርሰቶሳ ማስቃልያ ድራዉ የደርሰተናን አታና ጸላላሳ።

13 አያዉ ጎፕ፣ ኡንቱንቱ ሀንተ ቃጸረቱዳዎን ጨቀታናዉ ሀንተንታ

ቃጸረትኖ ጊኖፕ አትን፣ ሀራይ አቶ ቃጸረቱዳዎንቱካ ባረንቱ ሁጲዉ ሙሴ ሀግያ ናግክኖ።

14 ሸን አላሚ ታዉ ካቀትና፣ ታንካ አላመዉ ካቀቲዳ የሱሰ ክርሰቶሳ ማስቃልያፕ አትን፣ ታን ጨቀትያባይ ሀራባይ ታፕ ሃኮ።

15 አያዉ ጎፕ፣ ክርሰቶሰ የሱሳን ኦራፋ መፓ ታ ግድያዌ ማደፕ አትን፣ ቃጸረትናካ ቃጸረተናን አግናካ አይነ ማደና።

16 ሀ ዎጋን ሀመትያ ኡባቱዎ ቦላንነ ጸሳ አሳ ኡባ ቦላ፣ ሳርተላይነ ማርተላይ ግድ።

17 ታን የሱሳዉ ማይቲዳ ማላ ታ ቦላን ቶኬዳ ድራዉ፣ ሀዋፕ ሰንፋዉ እት አሳይካ ታና መቶላፕ።

18 ታናዳን አማንያዎንቶ፣ ኦ ጎዳ የሱሰ ክርሰቶሳ እጾ ኬካተላይ ሀንተንቱና ግድ። አመንአ።



# ጳውሎስ ኤፌሶና አሳው ጳጳዳ ኪታ ገሉቆ

ጳውሎስ ኤፌሶናን ደጋፊ አሳው ጳጳዳ ኪታን ኡባባፕ አሊደ እ ጴጌዳዊ፡ “ጳሳ ቆፋ ኦሱቆን ፔሻናዌ ሳሉቆን ሳኣን ደጋፊባይ ኡባይ እትፕ ሸቂደ፡ እት ክርስቶሳ ማታ ጋርሳን አቅያ ዎዲ ጋካና” ያግያ ቆፋ (1:10)። ሄዎ ቦላንካ ጉጃይ የሱስ ክርስቶሳና እትፕ ግዲደ፡ አሳ ዛርያ ኡባይ እቱዎ ግዳና ማላ፡ ሀ ዎልቃማ ቆፋ ኦሱቆን ፔሻናዳን ጳሳ አሳ ሀሳይሴ።

ኤፌሶና ኪታይ ኮይሮ ሳን ጳፊ እትፕተላዎ ጳፋናዉ ደሜዳዎ አሲደ፡ ጳሳይ እዉ ባረ አሳ ዎት ዶሬደንቶ፡ ኡንቱንቱካ አ ናኣ፡ የሱስ ክርስቶሳን ባረንቱ ናጋራፕ ማረቲደ፡ ዎን ላኣ ከሴደንቶን ጳሳ ዎልቃማ ሀይታ ቃላይ ጌሻ እያና ባጋና ዎት ኤረቴደንቶ ኦዴ። ላኡንልያ ሻኩዎን ቃይ ጳፊ ሀ ኪታ ናባብያዎንቱ ባረንቱ እትፕተላ ደኡዎን ክርስቶሳን ኡንቱንቶ ደጋፊ እትፕተላይ ቱማ ግዳና ማላ ኡንቱንቱ ዎኒደ ደእናዉ በሰንቶ ቆፍሴ።

አሳይ ክርስቶሳን ደጋፊ እትፕተላን ዎኒደ ደእናዉ ዳንዳይንቶ ዲማ ዲማ ሂላ ሃሳያን ቆንጨዳ። አማንያ አሳይ እት አሳተላ ሌምሱቆ ግድያ ዎደ፡ ክርስቶስ ሄ አሳተላዉ ሁጺያ ግዴ። አማንያ አሳይ ግምቢያ ጎልያን ሌምሰትያ ዎደ፡ ክርስቶስ ሄ ግምቢያ ጎለዉ ጎዳ ጸጹዎ ምንሰያ ዎና ሹቻ ግዴ። አማንያ አሳይ ማቶያዳን ሌምሰትያ ዎደ፡ ክርስቶስ አሰናዳን ግዴ። ጳፍያዌ ክርስቶሳ ባጋና ቆንጨዳ ጳሳ እቶ ከካተላ ዳሮ ቶቂስ ናሽ ሃሳዪደ፡ ጨማቴዳ ቆፋ ሸሼ። እ ኡባባካ ክርስቶሳ ሲቁዎን፡ እ ያርሸቶዎን፡ እ ማሮተላን፡ እ እቶ ከካተላን እ ሳሮተላ ባጋና ጴሊ።

## ሸምፓቱዎ ኡባቶ አመቴዳ ቃንላ ቆፋቱዎ

ገሉቆ 1:1-2  
ክርስቶሳን አማንያ አሳ 1:3—3:21  
ክርስቶሳን ቤትያ ኦራላ ደኡዎ 4:1—6:20  
ዉርሰላ ቁትያ 6:21-24

1 ታን ጳሳ ሸንያን ክርስቶስ የሱስ ኪቱዳ ጳውሎስ፡ ኤፌሶናን ደጋፊ ጳሳ ናናዉ ቃይ ክርስቶሳ የሱሳዉ አማንቲደ ደጋፊዎንቶ ሀ ዳብዳቢያ ጳፋይ።

2 ጳሳ ኑ አወዎፕን ጎዳ የሱስ ክርስቶሳፕ እቶ ከካተላይን ሳሮተላይ ሀንተንቶ ግዴ።

ክርስቶሳፕ ቤትያ እያና እንጂዎ 3 እያና እንጂዎ ኡባን ክርስቶሳ ባጋና ቦላ ሳሉቆን ኑና እንጂዳ ጳሳ፡ ኑ ጎዳ የሱስ ክርስቶሳ አወዎ፡ ኑን ጋላቲቶ።

4 ኑን አ ሰንላን ጌሻቱዎን ፖኩ ባይናዎንታ ግዳና ማላ፡ ጳሳይ ኑና ሳኣይ መጋታናፕ ካስ፡ ክርስቶሳ ባጋና ባረ ሲቁዎን ዶሬዳ።

5 ጳሳይ ባረ ሸንያን ባረ ደሴዳዎዳን፡ የሱስ ክርስቶሳ ባጋና ኑና ባረ ናናቱዎ ኦላናዉ ካሰቲደ ቆፕ ዎሌዳ።

6 ጳሳይ ባረ ሲቅያ ናኣ ባጋና ኑዉ ጮ እሜዳ እቶ ከካተላ ቦንቹዎ ድራዉ፡ ኑፕ ጋላታ አካናዉ ሄዎ ኦሌዳ።

7 ኑን ጳሳ እቶ ከካተላ ዳራዎዳን፡ ክርስቶሳ ሱላን ዎዘቲደ፤ ሄዎን ጳሳይ ኑ ናጋራ አቶ ጌዳ።

8 ጳሳይ ባረ እቶዳ ኤራተላ ኡባንን ባረ ዎዘና ቆፋ ኡባን ባረ እቶ ከካተላ ኑዉ ዳርሲደ እሜዳ።

9 አያዉ ጎፕ፡ ጳሳይ ባረ ቆፕዳዎ ኦሌዳ፤ ቃይ ክርስቶሳ ባጋና ፖላናዉ ቆፕ ዎሌዳ ጸራ የወዎ ኑና ኤርሴዳ።

10 ጳሳይ ዎድያ ዉርሰላይ ጋክያ ዎደ ፖላናዉ ቆፕዳ ቆፋይ ክርስቶሳ ዎና ኦሊደ፡ ሳሉቆን ሳኣን ደጋፊ መጋታ ኡባ እትፕ እን ሸሻናዎ።

11 ኡባባይ ጳሳ ቆፋዳንን እ ጌዳዎዳን ሀኔዳ፤ ጳሳይ ካስቲደ ቆፕ ዎሌዳዎዳን፡ ክርስቶሳ ባጋና ኑን አዎንታ ግዳናዳን፡ ኑና ዶሬዳ።

12 ኑን ካስቲደ፡ ክርስቶሳ ባጋና አካና ጌደ ናሽቻን ናግያዎንቱ፡ ጳሳ ቦንቹዎ ጋላቲቶ።

13 ሀንተዉካ ቃይ ሄዎዳን ሀኔዳ፤ ቱሙ ኪታ፡ ሀንተንቶ አቶተላ አሄዳ ምሽራቹዎ ቃላ፡ ሀንተ ሰሴዳ ዎደ ክርስቶሳ አማኔድታ፤ ጳሳይ ሀንተንቶ እማና ጌዳ ጌሻ እያና ባጋና፡ ሀንተ አዎ ግድያዎ ኤርሰያ ማታፋ ሀንተ ቦላ ዎሌዳ።

14 ጳሳይ ባረ አሳዉ እማና ጌዳዎ ኑን ላታና ጋካናዉ፡ ጌሻ እያና ዎሰተላ

አይቁደ። ሄዌ ቃይ አ ቦንቾ፣ ጋላታ ግዳናዎ።

ጳውሎስ ኤፌሶና አሳው ዋሴዳ 15 ሄዋ ድራው፡ ጎዳ የሱሳ ህንተ አማንያዋን ጌሻቱዋ ኡባ ህንተ ሲቅያዎ ታን ሰሶደፕ ደማደ።

16 ህንተንቶ ጳሳ ጋላትያዎ አጋቢይከ፤ ጳሳ ዋሳይ ህንተውካ ዋሳይ።

17 ቃይ ጎዳ የሱሰ ክርሰቶሳ ጳሳይ፡ ቦንቾዎ አው፡ ጳሳ ህንተ ኤራናዳን፡ ህንተና አዴዳ ኤራንቻ ኦልያ ቃይ ጳሳ ህንተንቶ ቆንጭሰያ ጌሻ አያና ህንተንቶ አማናዳን፡ ታን ዋሳይ።

18 ጳሳይ ህንተ አካና ጊደ፡ ናሽቻን ናግ ኡቴዳዎ ህንተና ጴሴዳዋን እ ባረ አሳው አማና ግያ አንጅ አይ ከና ዱረንቶ ህንተ ኤራናዳን፡ ጳሳይ ህንተ ዋዛና ደይና፡ እ ፖኡዎ ህንተ በአናዳን፡ ታን ጳሳ ዋሳይ።

19-20 ቃይ አ አማንያ ኑናን አ ዋልቃይ ሎይሎ ኦሌ። ሀ ኑናን ደእያ ዋልቃይን ሀይቁዋፕ ክርሰቶሳ ደንሌደ፡ ሳሉዋ ሳኣን ጳሳፕ ኡሽቻ ባጋና \* ኡትሴዳ ዋልቃማ ዋልቃይ አቱዋ።

21 ክርሰቶሰ ሳሉዋ ሱንገቱዋፕ፡ ጎዳተሳይ ደእያዋንቱፕ፡ ዋልቃማቱዋፕን ጎዳቱዋ ኡባፕ ቦላ ግዲደ ዋዴ፤ እ ሀአ ደእያ የለታ ጳላሳን ግደናን፡ ሰንገፕ ያና የለታንካ ሀራ ሱንገተሳ ኡባፕ ቶቄ።

22 ጳሳይ ኡባባ ክርሰቶሳ ገድያፕ ጋርሳን ዋድሲደ፡ ቃይ ጳሳይ እ ኡባባን ኡባፕ ቦላና ጎዳ ግዳናዳን፡ ዋሳ ጎላው አ አማዳ።

23 ዋሳ ጎላ ክርሰቶሳ አሳተሳ፤ ዋሳ ጎላ ክርሰቶሰ ኡባ ሳን ኡባባ ኩንሎያ አ ፖሉዋ።

## 2

ክርሰቶሳን ሀይቁዋፕ ደኦ ፕንያዎ

1 ህንተ አዛዘተናን እጼዳ ድራውን ህንተ ናጋራ ድራው፡ ካሰ ዎድያን አያና ሀይቁዋ ሀይቁድታ።

2 ሄ ዎደ ህንተ ሀ አላምያ የለታ ኢታ ኦግያ ሀመቲድታ፤ ጫርኩዋ ግድን ደእያ ዋልቃማ አያናቱዋ ካፖ ቃይ ጳሳው አዛዘተና አሳ ሀአ ዋድያ አያናው አዛዘቲድታ።

3 ኑንካ ቃይ ኡባይ ሄ አሳ ማላ፤ ቃይ ኑን ኑ አሽዋ አሙዋዳን ደኤደ፤ ኑ አሽነ ኑ ዋዛናይ ኮዬዳዎ ኦሌደ። ኑንካ ሀራቱዋዳን፡ ኑ መፍታን ጳሳ ሀንቁዋ አካናው ደኤቶ።

4 ሽን ጳሳ ማርተላይ ዳራ ግድያ ድራው፡ ባረ ሲቁዋ ዳሩዋዳን፡

5 ኑን አው አዛዘተናን እጸደ፡ ሀራይ አቶ አያናን ሀይቁዳዋንታ ግድናካ፡ እ ክርሰቶሳና ኑው ደኡዋ አማዳ። ጳሳ አቶ ኬካተሳን ህንተ አቲድታ።

6 ኑን ክርሰቶሰ የሱሳና ሳሉዋን ሳኣን ዋዳናዳን፡ ጳሳይ ኑና አናና አትፕ ሀይቁዋፕ ደንሌዳ።

7 እ ሰንገፕ ያና ዎድያን፡ ኑው ክርሰቶሰ የሱሳን ደእያ ኬካተሳን፡ ኡባፕ አዴያ ባረ አቶ ኬካተሳ ቶቃተሳ በሳናው ሄዎ ኦሌዳ።

8 አያው ጎፕ፡ ህንተ ጳሳ አቶ ኬካተሳን፡ አማኑዋን አቲድታ፤ ሀዌ ጳሳ አሙዋፕ አትን፡ ህንተ ኦሱዋና ግደና።

9 ህንተ ዳቡራን ቤትቤና ድራው፡ ህንተ ጩቀትያባይ አያይነ ባዋ።

10 አያው ጎፕ፡ ኑን ጳሳ መፍታ፤ እ ኑው ካሰቲደ ጊገሰ ዋሌዳ ሎኦ ኦሱዋ ኑን አላናዳን፡ ክርሰቶሰ የሱሳ ባጋና ኑና መዴዳ።

ክርሰቶሳን ቤትያ አትፕተሳ

11 ሄዎ ድራው፡ ህንተኖ ዛርያን አይሁዳ ግደና አሳቶ፡ ባረንቱ አሳተሳ ቦላ ኩሽያን ኦሰቲዳዋን፡ ባረና ቃጸረቲዳዋንታ ግያ አይሁዳቱ፡ ቃጸረትቤናዋንታ ጊደ ጴሰያዋንቶ፡ ህንተ ካሰ ኣነንቶ አክከተ።

12 ሄ ዎደ ህንተ ክርሰቶሳፕ ሻከቲድታ፤ አማላ ግዲደ፡ እሰራኤልያ አሳፕ ሃኪደ ደኤድታ፤ ጳሳይ ባረ አሳው አማና ጊደ ጫቄዳ ጫቁዋፕ አይነ ደምቦይክታ፤ ሀ ሳኣ ቦላ ህንተ ደማና ጊደ፡ ናሽቻን ናግ ኡቴዳዎ ደመናንነ ቃይ ጳሳይ ባይናን ደኤድታ።

13 ሽን ህንተ ካሰ ሃኪደ ደእያዋንቱ ሀአ ክርሰቶሳ የሱሳና ደኤደ፡ ክርሰቶሳ ሀይቁዋን ማታ ሸቁድታ።

14 አያው ጎፕ፡ ክርሰቶሰ አይሁዳ አሳን አይሁዳ ግደና አሳ አቱዋ ኦሌደ፡ ኑው ሳርተሳ አሄዳ። አንቲንቲ ላኡዋ ሻኪደ፡ ዋርከ ኦሎ ዋሌዳ ዋርከተሳ ጎዳ ባረ አሳተሳን ኮል የጌዳ።

\* 1:19-20 ኡሽቻ ባጋ፡- ዋልቃነ ቦንቾዎ ሳኣ። 1:22 ቆል. 1:18

1:19-20 ማዘ. 110:1 1:22 ማዘ. 8:6

15 እ ባረ ሁጳጤ ሀ ላኡ ዛራቱዋፕ እት ኦራፋ አሳ መጂደ ሳርተፋ ዋሳና። አይሁዳ አሳቱዋ ህግያ እ አዛዛቱዋን ዋጋቱዋና እትፕ ጳይሴዳ።

16 ክርስቶስ ማስቃልያ ቦላ ምስማርያን ድሸቲደ ሀይቄዳ ባረ ሀይቄዋን ሞርከተፋ ጳይሴዳ፤ ቃይ ማስቃልያ ባጋና ላኡ ዛራቱዋካ እት አሳ ኦላ ሰገሊደ፤ ጳሳኮ እሄዳ።

17 ክርስቶስ ዪደ፤ ጳሳፕ ሃኪደ ደእያ ህንተንቶ አይሁዳ ግደናዋንቶ፤ እ ማጎን ደእያ አይሁዳቶ ኡባ። ምሽራቹዋ ቃላ ሳርተፋ ኦደዳ።

18 እያፊ ጎፕ፤ ኑን ኡባይ፤ አይሁዳቱካ አይሁዳ ግደናዋንቱካ፤ እት ጌሻ አያናን ክርስቶሳ ባጋና አዉዋ ሰንፋ ሺቃናዉ ዳንዳዬቶ።

19 ሰም ህንተ አይሁዳ ግደና አሳቱ ሀዋፕ ሰንፋዉ አላጋ ዋይ እማፋ ግድክታ፤ ሀእ ህንተን ጌሻቱ እት ቢታ አሳ፤ ቃይ ጳሳዉ ህንተ ሶይ አሳ።

20 የሱስ ኪቲዳዋንቱን ትምቢትያ ኦድያዋንቱ ባሴዳ ባሱዋ ቦላ ህንተካ ኬጳቲድታ፤ ጎዳ ጳጳዋ ምንስያ ዋና ሹቻይ ክርስቶስ የሱሳ።

21 እ ጎልያ ኡባ እትፕ ሺሽ ኦይቄደ፤ ጳሳ ባጋና ጌሻ፤ ጳሳ ጌሻ ጎላ ግዳና ማላ ድቹ።

22 ህንተ ቃይ ጳሳይ ባረ አያናን ደእያ ጎልያ ግዳናዉ፤ ሀራቱዋ ኡባና እትፕ ክርስቶሳን ኬጳቲታ።

### 3

ጳጳሎስ አማኒና አሳዉ ኦሌዳ ኦሱዋ

1 ሄዋ ድራዉ፤ ህንተኖ አይሁዳ ግደና አሳቶ፤ ታን ጳጳሎስ ህንተ ድራዉ ክርስቶስ የሱሳ ቃሾ አሳ ግጫዳዌ፤ ጳሳ ዋሳይ።

2 ጳሳይ ባረ አጼ ኬካተፋን፤ ታን ህንተና ማዳናዳን፤ ሀ ኦሱዋ ታዉ እማዳዋ ህንተ ሎይሳ ሰሴድታ።

3 ጳሳይ ባረ ጳራ ቆፋ ታዉ ቆንጭሲደ፤ ታና ኤርሴዳ፤ ታን ሄዋ ቃንፋን ጳፋድ።

4 ቃይ ታን ጳጳዳዋ ህንተ ናባብያ ዋደ፤ ክርስቶሳን ጳራ ታን ዋታ አኬካድታንቶን ኤራናዉ ዳንዳዬታ።

5 በን ዋደ አሳይ ሄ ጳራ የዉዋ ሰሰቤና፤ ሽን ጳሳይ ሄዋ የሱስ ኪቲዳ ጳሳ ናናቶን ትምቢትያ ኦድያዋንቶ፤ ጌሻ አያናን ሀእ ቆንጭሴዳ።

6 ጳራ የዉ ሀዋ፤ አይሁዳ ግደና አሳይ ዋንጋላ ባጋና፤ ጳሳ እንጂዋ አይሁዳቱዋና እትፕ ላቲኖ፤ ኡንቲንቲ እት አሳተፋን ሻከተናን ደእና፤ ቃይ ክርስቶስ የሱሳ ባጋና ጳሳይ እማና ጌዳዋ አይሁዳቱዋና ሻኪኖ።

7 ጳሳይ ባረ ኦሱዋ ዋልቃ ባጋና ታዉ እማዳ አጼ ኬካተፋን ታን ሀ ዋንጋላዉ ቆማ ግዳድ።

8 ታን ጌሻቱዋ ኡባ ግደን ላፍያዋ ግድፕካ፤ አይሁዳ ግደና አሳዉ ዛዋይ ባይና ክርስቶሳ ድረተፋ ምሽራቹዋ ቃላ ኦድያ ሀ ካጫ ጳሳይ ታዉ እማዳ።

9-10 ቃይ ታን ሄዋን ጳሳ ጳራ ቆፋ አሳ ኡባዉ ቆንጭሳ ኦዳና፤ ኡባባ መጂዳ ጳሳይ ባረ ጳራ የዉዋ በን ዋደ ገንሰ ዋሌዳ። ጳሳይ ሀእ ሄዋ ዋሳ ጎልያ ባጋና ሳሉዋ ሳኣን ደእያ ካፓቶን ጎዳተፋይ ደእያዋንቶ ዛዋይ ባይና ባረ አጼዳ ኤራተፋ ቆንጭሳናዉ ኦሌዳ።

11 ጳሳይ ሄዋ ኑ ጎዳ ክርስቶስ የሱሳ ባጋና እ ፖሌዳ ባረ መጅና ቆፋዳን ኦሌዳ።

12 ኑን ክርስቶስ የሱሳና እትፕ ግዲደ፤ እ አማንያ አማኑዋን አማኑቲደ፤ እይን ያየናን ጳሳ ሰንፋ ሺቃናዉ ዳንዳዬቶ።

13 ሄዋ ድራዉ፤ ታን ህንተዋን መቶትያዋን ህንተ ህርገና ማላ፤ ህንተና ዋሳይ፤ እያዉ ጎፕ፤ ታን ህንተ ቦንቾ መቶታይ።

#### ክርስቶሳ ሲቁዋ

14-15 ሄዋ ድራዉ፤ ታን ሳሉዋን ሳኣን ደእያ አማንያ ጎልያ አሳይ ኡባይ አፕ ዬዳ \* ጳሳ ሰንፋን ጉልባታይ።

16-17 ጳሳይ ባረ ቦንቹዋ ዳሩዋዳን፤ ባረ ጌሻ አያናን፤ ህንተንቶ ህንተ ጋርሳ አሳተፋን ህንተ ምንያ ዋልቃ እማናዳን፤ ቃይ አማኑዋ ባጋና ክርስቶስ ህንተ ዋዛና ባረ ጎልያ መጳናዳን፤ ታን ጳሳ ዋሳይ፤ ቃይካ ህንተ ጳጳዋ የዲደ፤ ቶከቲደ ሲቁዋን ምናናዳን፤ ጳሳ ዋሳይ።

2:17 አሳ. 57:19 \* 3:14-15 አፕ ዬዳ፡- አፕ ደንዳዋን፤ እቱዋ እቱዋ ሁጲያን ሁጲያን ኤርያዋሳ።  
† 3:18 እከንቶ፤ አዲሰንቶ፤ ሉቀንቶን ጨመንቶ፡- ሀዌ በሰያዌ ሳሉዋን ደእያ የሩሳላዋ ዋይ ጳሳ ሲቁዋ ዋይ ጳሳ አጼ ኤራ ዋይ የሱሳ ማስቃልያዉ ደእያ ብለላ።

18 ቃይ ጌሻቱዋ ኡባና ክርሰቶሳ ሲቁ አይ ኬና አከንቶ፡ አዲሰንቶ፡ ጵቀንቶን ጨመንቶ ፊ ኤርያ ዋልቃ ህንተንቱ ደማናዲን፡ ታን ጸሳ ዋሳይ።

19 ኤራተላፕ አድያ ክርሰቶሳ ሲቁዋ ህንተ ኤራናዲንን ቃይ ጸሳዋ ግድያ ኡባባን ህንተ ፖል ኩማናዲን፡ ታን ጸሳ ዋሳይ።

20-21 ስም ኑ ግድን አላያ ባረ ዋልቃ ባጋና ኑን ዋሰያዋ ዋይ ቆፕያዋ ኡባፕ ሎይል ዳርሰ አላናዉ ዳንዲይያ ጸሳዉ፡ ዋሳ ጎልያንን ክርሰቶሰ የሱሳን ኡባ ዋይ መጵናፕ መጵና ጋካናዉ ቦንቹ ግድ። አመንአ።

### 4

ቦላ እትፕተላ

1 ሄዋ ድራዉ፡ ታን ጎዳዉ አላያ ድራዉ ቃሽቱዳዌ ጸሳይ ህንተና ጸሴዳ ጸሳዉ በሰያ ደኡዋ ህንተ ደአናዲን፡ ታን ህንተና ዋሳይ።

2 ኡባ ዋይ ህንተ ህንተ ሁጲያ ካዉሽያዋንታ፡ አሽከቱዋን ዳንዲያንቻቱዋ ግድተ፤ እቱ እቱዋ ማድያዋን ህንተ ሲቁዋ በሰተ።

3 ህንተና እትፕ ጋል ቃቻያ ሳርተላን፡ ጌሻ አያናይ ህንተንቶ እምያ እትፕተላ ናጋናዉ ምንተ።

4 ጸሳይ ህንተና ጸሴዳ ህድታይ፡ ህንተ ደማና ጊደ ናግ ኡቱዳዌ መጽ እቱዋ ግድዋዳን፡ እት አሳተላይነ እት ጌሻ አያናይ ደኤ።

5 እት ጎዳይ፡ እት አማኑነ እት ጽንቃታይ ደኤ።

6 ኡባ ጎዳይ፡ ኡባ ባጋና አላያዌ፡ ኡባ ግድን ደአያዌ፡ እት ጸሳይ፡ ኡባ አዉ ደኤ።

7 ሽን ክርሰቶሰ እሜዳ እሙዋዳን፡ ኑን ሁጲያን ሁጲያን ዲማ እሙዋ አኬድ።

8 ሄዋ ድራዉ፡ ጸሳ ማጻፋይ፡ “እ ፑደ ጵቃሳ ከሴዳ ዋይ፡ እሞደቱዳዋንታ አፊዳ፤ አሳዉካ እሞታ እሜዳ” ያጌ።

9 ያትና፡ “ፑደ ከሴዳ” ግያዌ ዋግያዌ? እ ኮይር ዲግ ዋጴዳ፤ ሄዌ ሳአዉ ህርክ ዉርሰላሳ ዋጴዳ ግያዋ።

10 ሀ ዲግ ዋጴዳዌ ባረ ሁጲዉ አ፤ ሄ እ ኡባባ ኩማናዲን፡ ሳሉዋ ኡባፕ ጵቀያሳ ፑደ ከሴዳ።

11 አሳዉ እሞታ እሜዳዌ አ፤ እ እቱዋ እቱዋ የሱሰ ኪቱዳዋንታ፡

ሀራቱዋ ትምቢትያ አድያዋንታ፡ ቃይ ሀራቱዋ ምሽራቹዋ ቃላ አድያዋንታ፡ ቃይካ ሀራቱዋ ዋሳ ጎልያ ካለላያዋንታን ታማርሰያዋንታ አል ሱንሴዳ።

12 እ ሄዋ ጌሻቱ ኡባይ አማንያ አሳ አሱዋ አላናዲንን ክርሰቶሳ ቦላን ኬጸታናዲን ጊግሳናዉ አሴዳ።

13 ቃይ ኑን ኡባይ ጸሳ ናአ አማንናን ኤርና ቤትያ እትፕተላኮ ጋካና፤ ኑን ክርሰቶሳ ፖሎ ድቻ ኬና ድጨደ፡ ደንዛ አሳ ግዳናዳና።

14 ኑን ቤታን ያን ሃነ ሾጨቲደ፡ ባረንቱ ጭምያ ሀናታን አሳ ባላ ኦግያ ካለላያ ገንያ አሳ ትምርትያ ጫርኩዋ ኡባን ሱንቲደ፡ ሀዋፕ ሰንላዉ ናአ ግዳናዉ በሰና።

15 ሽን ኑን ሲቆተላን ቱሙዋ ሃሳዪደ፡ ሁጲ ግድያ ክርሰቶሳኮ ኡባባን ድጫናዉ በሴ።

16 ቦላ ግድን ደአያ ዲማ ዲማ ሻኮታይ እን እትፕ ኦይቀቲድና፤ ቃይ ኩመንላ ቦላይ ባረዉ እመቲዳሳ ኡባን እቱ እቱዋና ጋከቲደ፡ እትፕ ኦይቀት ኡቲዳ፤ ሄ ዲማ ዲማ ሻኮታይ አላናዉ በሰያዋ አላያ ዋይ፡ ኩመንላ ቦላይ ሲቁዋን ድጨኑን ባረና ኬጾ።

ክርሰቶሳን ቤትያ ኦራላ ደኡዋ

17 ሄዋ ድራዉ፡ ታን ሀዋ ህንተንቶ ጎዳ ሱንላን ኦዳይነ ማርካታይ። ህንተ ጎአ ባይና ቆፋ ቆፕያ አይሁዳ ግድና አሳቱዋዳን ደኡፕተ።

18 ኡንቱንቱ ዋዛናይ ጴማን ደኤ፤ ኡንቱንቱ አይነ ኤረናዋንታን አዛዘተና ድራዉ፡ ጸሳይ እምያ ደኡዋፕ ሃኬድና።

19 ኡንቱንቱ ማታን ዬላ ግያዌ ባዋ፤ ኡንቱንቱ ዋሹማዉ ካጃላናዉ ባረንቱ ሁጲያ አል እሚና፤ ቃይ ቱናባ ኡባ ፓጭ ባይናን አላናዉ ሎይል የራትያዋንታ።

20 ሽን ህንተ ክርሰቶሳዋ ሄዋዳን ታማርሰይክታ።

21 አባ ቱሙ ሰሴድታ፤ ቃይ ቱማተላይካ የሱሳን ደአያዋ፡ አፕ ታማራድታ።

22 ህንተ ካሰ ደአያ ደኡዋ አግተ፤ ቃይ ባረ ጭምያ እሙዋን ጳይያ ህንተ ኤጫ አሳተላ ጳይሰተ።

23 ህንተ ዋዛናይነ ቆፋይ ኡባና ኦራዳናዉ በሴ።

24 ቱሙ ጽሎተፋንነ ጌሻተፋን ጸሳ ሊሞሱዋን መጠቅዳ ኦራፋ አሳተፋ ማይተ።

25 ስም ዋርዶቶጥተ። ኑን ኡባይ ክርሰቶሳ አሳተፋን እት አሳ ግድያ ድራው፣ አሳይ ኡባይ ባረ እሻው ቱሙዋ ሃሳያናው በሴ።

26 ሀንቀትተ፤ ሸን ሀንተ ሀንቁዋን ናጋራ አላጥተ። ሀንተ ሀንቁዋን ደእሸን፣ አዋይ ዉሎፖ።

27 ጸላሃው ጸእያ እሞጥተ።

28 ዉእያ ኡራይ ሀዋጥ ሰንፋዉ ዉኡፖ፤ ሸን ሄዋ አጊደ፣ ሀይሳቱዋ ማዳናው፣ ባረ ኩሽያን ሎኦባ ኦሊደ ዳቡሮ።

29 ሀንተ ሃሳይ ሰሰያዋንታ ጎኦና ማላ፣ ኮሽያዋዳን መንጠልያ ሎኦ ቃላይ ሀንተ ደናጥ ከሶጥ አትን፣ ኢታ ቃላይ ሙላካ ከሶፖ።

30 ጸሳይ ሀንተና ዋዝያ ጋላሳዉ ሀንተ አታመት ኡቲዳ ጸሳ ጌሻ እያና ካየጥጥተ።

31 እጽያ ሀናታ፣ ይሉዋ፣ ሀንቁዋ፣ ዋሱዋን ጫሻ ኡባ ኢታተፋ ኡባና ሀንተጥ ጳይሰተ።

32 እቱ እቶ ከክተነ ቃረትተ፤ ቃይ ጸሳይ ክርሰቶሳ ባጋና ሀንተንቶ እቶ ጌዳዋዳን፣ ሀንተካ እቱ እቱዋ እቶ ገተ።

### 5

ፖኡዋን ደእተ

1 ስም ጸሳይ ሲቅያ ናናቱዋዳን፣ አ ማላትተ።

2 ቃይ ክርሰቶሰ ኑና ሲቂደ፣ ባረ ሁጺያ ጸሳዉ ናሽቶያ ያርሹዋዳንነ እሞታ ኦሊደ እሚዳዋዳን፣ ሀንተካ ሲቁዋን ደእናው በሴ።

3 ሸን ጸሳ ናናው በሰያዋዳን፣ ሀንተ ግድን ዋሹምያዌነ ቱናተፋ ኡባይ፣ ዋይ ሚሻ እሞትያዌ ሙላካ ሰሰቶፖ።

4 ዬላይያዌነ ኤያ ሃሳይ ዋይ ፓና ቅጂ ሀንተንቶ በሰናዋ ግድያ ድራው፣ ሀንተ ማታን ኡባካ ደኡፖ፤ ሀንተ ሄዋ ኡባ አጊደ፣ ጸሳ ጋላታናው በሴ።

5 ሀዋ ኤርተ፤ ኦንነ ዋሹምያዋ ዋይ ቱናባ ኦሳያዋ፣ ዋይ ሚሻ እሞትያዋ ግድፖ፣ ክርሰቶሳ ካዉተፋን ጸሳ ካዉተፋ ላታናው ዳንዳየና፤

ሚሻ እሞትያዌ ኤቃዉ ጎይንያዋጥ ዲማተና።

6 ሀንተና ኦንነ ፓና ሃሳያን ጭሞፖ፤ እያዉ ጎፕ፣ ሀዋ ጋሱዋን ጸሳ ሀንቁ እዛዘተና አሳ ቦላ ያና።

7 ስም ሄዋ ማላ አሳና ዙፕቶጥተ።

8 እያዉ ጎፕ፣ ካሰ ሀንተ ጴማን ደኤድታ፤ ሸን ጎዳ ባጋና ሀእ ፖኡዋን ደኢታ፤ ፖኡዋን ደእያ አሳዳን ፖኡዋን ሀመትተ።

9 እያዉ ጎፕ፣ ፖኡ ሎኦተፋ፣ ጽሎተፋነ ቱማተፋ ኡባ እይፌ።

10 ጎዳ ናሽቶያባይ እየንቶ ታማርተ።

11 ጎእ ባይና ጴማ ኦሱዋ ቆንጭሰ በሰተጥ አትን እናና ዋላክቶጥተ።

12 ኡንቱንቱ ጌማን ኦሳያዌ ሀራይ አቶ ሃሳይያዌካ ፖኤ።

13 ሸን ኡባባይ ፖኡዋ ከሰያ ዋደ፣ ቆንጭያን ቤታና፤ እያዉ ጎፕ፣ ቆንጭያን ቤትያ ኡባባይ ፖኡዋ።

14 ሄዋ ድራው፣

“ገሞእሽያዋ፣ ቤንታ፤ ሀይቁዋጥካ ደንዳ፤ ክርሰቶሰ ነዉ ፖእሳናዋ” ያጌ።\*

15 ስም ሀንተ ዋን ደእንቶ እኬክተ፤ እዴዳ ኤራተፋና ደእያ አሳዳን ደእተጥ አትን፣ እዴዳ ኤራተፋይ ባይና አሳዳን ደእጥተ።

16 ዋዲ ኢታ ግድያ ድራው፣ ሀንተ ዋድያ ሀንተዉ ዳንዳየቶዋዳን ሎኦተፋዉ ጎኤትተ።

17 ሄዋ ድራው፣ ጎዳይ ኮይያዌ አየንቶ እኬክተጥ አትን፣ ኤያ ግድጥተ።

18 ቃይ ሀንተናን ጌሻ እያናይ ቃንጸናን ኩሞጥ አትን፣ ሀንተና ባይዝያ ዋይንያ ግያ ኤሳ ኡሺደ ማላቶጥተ።

19 ማዘሙርያ የፋን፣ ጋላቲደ የጽያዋንነ እያና የፋን እቱ እቱዋና ሃሳይተ፤ ቃይ ጋላትያ የፋንነ ማዘሙርያ የጽያዋን ሀንተ ዋዛናን ጎዳ ጋላቲደ የጽተ።

20 ኑ ጎዳ የሱሰ ክርሰቶሳ ሱንፋን፣ አዉዋ ጸሳ ኡባባዉ ኡባ ዋይ ጋላትተ።

አሰናባነ ማቻትባ  
21 ክርሰቶሳዉ ያዪደ፣ እቱ እቶ ሞደትተ።

4:25 ዛካ. 8:16 4:26 ማዘ. 4:4 5:2 ከሳ 29:18፤ ማዘ. 40:6 \* 5:14 ሀዌ ማዘሙርያ ግዲደ እማኤዳ አሳይ ጸማቀትያ ዋደ የጸትያዋ።

22 ማቼቶ፡ ጎዳው ሞደትያዎዳን፡ ህንተ አሰናው ሞደትተ።

23 አያው ጎፕ፡ ክርስቶስ ዎሳ ጎላው ሁጳ ግድያዎዳን፡ አሰናይካ ባረ ማቻትው ሁጳ፤ ቃይ ክርስቶስ ባረ ሁጳያን፡ ባረ ቦላ ግድያ ዎሳ ጎልያ አሽያዎ።

24 ሸን ዎሳ ጎሊ ክርስቶሳው ሞደትያዎዳን፡ ማቼቱ ቃይ ባረንቱ አሰናው ኡባባን ሞደታናው በሴ።

25 አሰናቶ፡ ክርስቶስ ዎሳ ጎልያ ሲቁደ፡ ባረ ሁጳያ እዘው እሜዳዎዳን፡ ህንተካ ህንተ ማቻቱዎ ሲቅተ።

26 አ ዎሳ ጎልያ ባረ ቃላን ሃላን ማጭ ጌሺደ፡ ጳሳው ዲማያናው ሀዋ ኦሴዳ።

27 ክርስቶስ ዎሳ ጎልያ ቅታይ ዎይ ደሙዎ ጭፍሰያዌ ዎይ ሄዎ ማላትያዌ ባይናን፡ አ ኩሙንላ ቦንቹዎና ጌሻን ቦረተናዎ ኦሴደ፡ ባረ ሁጳው ሸሻናው ኮዬዳ።

28 ሰሞ ቃይ አሰናይ ባረ ማቻቶ ባረ ቦላዳን ሲቃናው በሴ፤ ባረ ማቻቶ ሲቅያዌ ባረና ሲቁ።

29 አያው ጎፕ፡ ባረ ቦላ እጽያ አሳይ ሙላካ ባዎ፤ ሸን ክርስቶስ ዎሳ ጎልያ ሙዝያዎዳንን ናግያዎዳን ኦንን ባረ ቦላ ሙዜን ናጌ።

30 አያው ጎፕ፡ ኦን አ ቦላ ዲማ ዲማ አሳተላ።

31 ጳሳ ማጻፋይ፤ “ሄዎ ድራው፡ አቱማዌ ባረ አዉዎን ባረ ዳዮ አጊደ፡ ባረ ማቻትና እትፕ ደአና፤ አንቱንቱ ላኡካ እት አሹዎ ግደና” ያጌ።

32 ሀ ጵራይ ዎልቃማ ቱማተላ፤ ሸን ታን ሀዌ ክርስቶሳባን ዎሳ ጎልያባ ኦዴ ያጋይ።

33 ግደፕካ፡ ቃይ አሰናይ ሁጳያን ሁጳያን ማቻያ ባረ ሁጳያዳን ሲቃናው በሴ፤ ማቻታካ ባረ አሰና ቦንቻናው በሴ።

### 6

የሌዳዎንቱባን የለቲዳ ናናቱዋባ

1 ናቶ፡ ህንተና የሌዳዎንቶ ጎዳ ቦንቻዎዳንን እዘዘትተ፤ አያው ጎፕ፡ ሀዌ ኦሳናው በሰያዎ።

2-3 “ጎዳ ኡባባይ ሎአናዳንን ሳኣን ነ ላይላይ አዲቃናዳን፡ ነ አዉዎን ነ ዳዮ ቦንቻ” ግያ እዘዘ ጳሳይ እማና ጌዳ ህደታና ደእያ ኮይር እዘዘዎ።

4 አዎቶ፡ ህንተ ህንተ ናናቱዎ ጎዳ ሴራንን ዘርያን ድቶተፕ አትን፡ ኡንቱንታ ህንቀላፕተ።

ጎዳቱዋባን አይላቱዋባ  
5 አይላቶ፡ ክርስቶሳው ኦልያዎዳን፡ ህንተ ጎዳቶ ያሻተላንን ኮኮርሳን ሱረ ዎዛናፕ እዘዘትተ።

6 ጳሳይ ጌደዋ ኦልያዎንቱዳን፡ ክርስቶሳ አይላቱዎዳን፡ ዎዛናፕ አላተፕ አትን፡ አሳ ናሸቻናው ኦልያዎዳን፡ አሳይ በኦ ጊደ አላፕተ።

7 አሳው ግደናን ጎዳው ኦልያዎዳን፡ ፎቦናን ዎዛናፕ አላተ።

8 አይላ ግድና ዎይ ዎማኑዎ ግድና፡ አ ኦልያ ሎኦ ኦሶ ኡባው ጎዳይ ሁጳያን ሁጳያን ዎይታናዎ ኤሪታ።

9 ጎዳቶ፡ ህንተ አይላቱዎ ናሰያዎ አጊደ፡ ኡንቱንቶ ሄዎዳን አላተ፤ ህንተናን ኡንቱንታ ጋላ ዎድያ ጎዳይ፡ ኦናን ማድ ፕርደናዌ፡ ሳሉዋን ደእያዎ ኤሪታ።

ጳሳ ኦላ ሚሻቱዋባ  
10 ዉርሰሳን፡ ጎዳንን አ ዎልቃማ ዎልቃን ኡባ ዎደ ሞንተ።

11 ጳላህያ ኢታ ጭሙዎ ተአናው ህንተ ዳንዳያና ማላ፡ ጳሳይ ህንተንቶ እምያ ኦላ ማደዎ ኡባ ማይተ።

12 አያው ጎፕ፡ ኦን ቦላ ሳሉዎ ደእያ ኢታ እያና ዎልቃቱዋና፡ ሞድያዎንቱና፡ ጎዳተላይ ደእያዎንቱናን ሀ ፈማ ቢታ ዎድያዎንቱና ኦላትያዎፕ አትን፡ አሳና ኦላቶኮ።

13 ሄዎ ድራው፡ ኢታ ጋላሳን \* ተአናውን ቃይ ዉርሰሳይ ጋካናው ዋቅዎፕ ጉይያን፡ ሞን ኤቃናው ህንተ ዳንዳያና ማላ፡ ጳሳ ኦላ ሚሻ ኡባ ኦይቂተ።

14-15 ሄዎ ድራው፡ ጳሳን ሳቂያ ዳንጭያዎዳን ቱማተላ ዳንጪደ፡ ትሪን ዎልያ ኦላ ሚሻዳን ጽሎተላ ማዬደ፡ ህንተ ገድያን ጫማ ዎልያዎዳን ሳርተላ ሞሽራቹዎ ቃላ ኦዳናው ጊጊደ፡ ሞን ኤቂተ።

16 ሄ ኡባፕ አሊደ፡ ጳላሄ የድያ ዎንዳፍያ ታማ ኡባ ቶይሳናው፡

5:31 ደመላ 2:24 6:1 ቆል. 3:20 6:2-3 ከሳ 20:12፤ ዛረ. 5:16 6:4 ቆል. 3:21 6:5 ቆል. 3:22-25 \* 6:13 ኢታ ጋላሳን፡ ሀእ ደእያ ዎድያ ዎይ ሀይቁዎ ጋላሳ ዎይ ዉርሰሳ ፕርዳ ዎይ ሙራ ጋላሳ ግያዎ። 6:14-15 አሳ. 52:7

አማኑቆም ኡባ ዎደ ጎንዳልያዳን ኦይቂተ።

17 አቶተላ ሁጲያን ዎሳያ ብራታ ቆብያዳን ዎሳተ፤ ቃይ ጌሻ አያና ማሻ ግዴዳ ጸሳ ቃላ ኦይቂተ።

18 ጸሳ ዎሲደነ አ ማዲቆ ኦቹደ፤ ኡባ ዎደ ጌሻ አያናን ጸሳ ዎሰተ። ሄዎ ድራዉ፡ ሞንተ፤ ሳለቶፕተ፤ ጌሻቱዎ ኡባዉ ጸሳ ኡባ ዎደ ዎሰተ።

19 ቃይ ታን ያየናን ዎንጋላ ጹራ ኦዳናዉ፡ ጸሳይ ታ ደና ደዪደ፡ ሃሳይያዎ አማናዳን፡ ታዉካ ጸሳ ዎሰተ።

20 ታን ሀእ ቃሹዎን ደአፕካ፡ ሀ ዎንጋላ ድራዉ ታን ከተቱዳዎ፤ ታን አባ ታዉ በሰያዎዳን ያየናን ኦዳና ማላ፡ ታዉ ጸሳ ዎሰተ።

ዉርሰላ ሳርታ

21 ሸን ታን ዋና ደአንቶነ አያ ኦላይታንቶ ህንተካ ኤራናዳን፡ ኦ ሲቆ አሻይ፡ ጎዳ ኦሱዎን አማነቱዳ ቆማይ ትክቆስ፡ ታዎ ኡባ ህንተንቶ ኦዳናዎ።

22 ኦን ኡባይ ዎን ደአንቶ ህንተንቶ ኦዲደ፡ ህንተና ሞንሳና ማላ፡ ታን አ ህንተኮ ከታድ።

23 ጸሳ አዉዎፕነ ጎዳ የሱሰ ክርሰቶሳፕ ሳርተላይነ ሲቆተላይ አማኑዎና አትፕ አሻቱዎ ኡባዉ ግደ፤

24 ደቼና ሲቆዎን ኦ ጎዳ የሱሰ ክርሰቶሳ ሲቅያ ኡባቱዎና ጸሳ አቶ ኬካተላይ ግደ። አመንአ።

# ጳውሎስ ፕልሱሶዮሳ አሳው ጻፈዳ ኪታ ገሎቀ

ጳውሎስ ፕልሱሶዮሳ አሳው ጻፈዳ ኪታይ ጻፈቲዳዊ፣ ማቅደንያ ግዲዋን ደእያ ርመን አሞደቲዳ ፕልሱሶዮሳ ጌተትያ ጋድያን ደእያ አማንያዋንቲሳ። ሀዋንቲ ጳውሎስ ኮይሮ አማንሊደ ሸሼዳዋንታ። አንቲንቲ ርመ ጋደ የለታ ግደ ድራውነ ቃይካ ካረ ጋደፕ ዬዳ ዋጋንን አማኑቀን ዳሮፕ አዪድ። ጳውሎሳ ቦላን አንቲንቲ ዳሮፕ ሀንቅቲዳ ጋሱካ ሀዋ (ኪታ 16:20)። ሀ ኪታይ ጻፈቲዳዊ፣ ሀራ አማንያ ኦሳንቻቲ ጳውሎሳ ቆፋ ጻልቁ ጻልቁደ ዋይሰያ ዋድያን ፕልሱሶዮሳ አማንያዋንቲ ግደን ደንዳዳ ዋሮደ ትምርትያ ጋሱዋን አ ዋዛናይ ዳሮ ካዮተደ መኤዳ ዋይነ ቃሾ ጎልያን እ ደእያ ዋድያና። ግደ ሸን፣ ጳውሎስ የሱስ ክርስቶሳ ምንሲደ አማንያ አሳ ግዴዳ ድራው፣ ሀ ኪታ ቦላን ቆንጨደ ቤትያዌ ናሸቻን ኩመንሳ አማንትያዋ።

ጳውሎስ ሀ ኪታ ጻፈዳ ኮይሮ ጋሱ አ መቲዋ ዋደ አ ማዳናው ፕልሱሶዮሳ አማንያ አሳይ እሞታ አው ከቲዳ ድራው፣ አንቲንታ ጋሳታናሳ። አ ቦላንካ አንቲንቲ ቦላንካ ዲማ ዲማ መቲ ጋኪዳዋ ግደፕካ፣ አንቲንቲ ጻላና ማላን ኩመንሳ አማንቲደ ደአና ማላ፣ ሀ ጋከቲዳ እንጅያን አንቲንታ መንግጫ። አዩዋን ኦቶሩዋ ድጊደ፣ የሱስ ክርስቶሳ አሸከተላን አንቲንቲ ኩማና ማላ፣ ምንሲደ አንቲንታ ሀሳይሴዳ። የሱስ ክርስቶሳና እትፕ ግዴዳዋን አንቲንቲ ደሜዳ ደኡ ጸሳ አጼ ኬካተላፕ ፑልቲዳዋን አንቲንቲ አማኑቀን እኬዳዋ ግድያዋፕ አትን፣ አይሁዳቲዋ ዋጋቲዋ ፖልያዋን ቤቲዳዋ ግደናዋ አንቲንታ ሀሳይሴ። የሱስ ክርስቶሳና እቲዋ ግዲደ ደእያ ኡባቶ ጸሳይ እምያ ሳርተላባን ናሸቻባ አንቲንቲ ጻፈ።

ሀ ኪታይ ኤሪትያዌ ናሸቻ፣ አማንትያዋ፣ እትፕተላን ክርስትና አማኑቀንን ደኡዋን ምኒደ ደእያዋ ጌሺደ በሰያዋና። ሄዋ ቦላካ ጉጂደ፣ ጳውሎስ ፕልሱሶዮሳን ደእያ አማንያ

አሳቲዋ ሲቅያ ዋልቃማ ሲቁዋ ቆንጭሴ።  
**ሸምፓቲዋ ኡባቶ አመቴዳ ቃንላ ቆፋቲዋ**

ገሎቀ 1:1-11  
ጳውሎሳው ደኤዳ ደኡዋ ሀናታ 1:12-26  
ክርስትና ደኡዋ ሌምሱዋ 1:27—2:18  
ጽሞቶሳውን ኤጳፍሮዲቲሳው ደእያ ቆፋ 2:19-30  
አማኑቀ ኤቀትያዋንቲፕ ናገታና ማላ አይቲዳዋ 3:1—4:9  
ጳውሎስ ፕልሱሶዮሳ አማንያዋንቲ ሸሼዳ ጋላታን ማቁዋ 4:10-20  
ወርሰላ ቁትያ 4:21-23

ሳርታ  
1 ኑን የሱስ ክርስቶሳ ኦሳንቻቲ ጳውሎስን ጽሞቶስ፣ ክርስቶሳ የሱሳን ደእያዋንቲ፣ ፕልሱሶዮሳ ግያ ካታማን ደእያ ጌሻቶ ኡባቶ፣ አማንያዋንታ ካለልያዋንቲ ማድያዋንቲ ሀ ዳብዳቤያ ጻፈቶ።  
2 ኑ አወዋ ጸሳፕን ጎዳ የሱስ ክርስቶሳፕ አጼ ኬካተላይን ሳርተላይ ሀንተንቲ ግደ።

ጳውሎስ ዋሴዳ ጋላታ ዋሳ  
3 ታን ሀንተና ሀሳይያ ዋደ ኡባን ታ ጸሳ ጋላታይ።  
4-5 ሀንተ ኮይሮ ጋላሳፕ ሀና ጋካናው፣ ምሽራቹዋ ቃላ አድያዋን ታና ማዴዳ ድራው፣ ታን ኡባ ዋደ ሀንተንቲ ኡባው ናሸቻን ጸሳ ዋሳይ።  
6 ቃይ ሀንተንቲ ግደን ሎኦ እሱዋ ደሜዳ ጸሳይ፣ ክርስቶስ የሱስ ሰምያ ጋላሳይ ጋካናው ፖላናዋ ኤራይ።

7 ታን ሀንተንቲ ኡባው ሄዋዳን ቆፓናው በሴ፤ እያወ ጎፕ፣ ታን ሀንተና ኡባ ዋደ ሀሳይይ። ሀእ ታን ቃሹዋን ደእያዋንን ዋንጋላው ሞተትያዋን፣ ቃይ ዋንጋላ ሞንሳ ኤሰያዋን፣ ጸሳይ ታው ካጩዳ ካጫ ሀንተካ ታናና ግሽ አኬድታ።

8 እያወ ጎፕ፣ ታን ሀንተና ኡባቲዋ ክርስቶስ የሱሳፕ ይያ ሲቁዋን አይ ኬና ሲቅንቶ፣ ጸሳይ ታው ማርካ።  
9-10 ቃይ ታን ሀንተንቲ ጸሳ ዋሰያዌ ሀዋ፤ ሎኦባ አያኔካ ደራናው ሀንተንቲ ዳንዳያናዳን፣ ቃይ ሀንተንቲ ሲቁ ቲሙ ኤራተላናን እኬካ ኡባና እትፕ ጉጅ ጉጅ ድጫናዳን፣ ጸሳ ዋሳይ፤ ያቲደ ክርስቶስ ሰምያ ጋላሳን



ህንተንቱ ሱረነ ፖኩ ባይናዋንታ ግዳና።

11 ቃይ ህንተንቱ ሸምፑካ ጸሳ ቦንቸነ ጋላታዉ የሱስ ክርስቶሳ ባገና ቤትያ ጽሎተላ አይፍያ አይፋና።

ጳውሎሳ ቃሹ ዋንጋላይ አካናዋ ድግቤና

12 ታናዳን ጸሳ ካልያዋንቶ፣ ሀ ታና ጋኬዳዌ ሞሸራቹዋ ቃላይ አካናዳን ቱሙ ማዴዳዋ ህንተንቱ ኤራና ማላ ኮያይ።

13 ታን ክርስቶሳ ድራዉ ቃሸቴዳዋ፣ ካትያ ጎልያ ናግያ ኡባቱነ ሀዋን ደእያ ሀራቱ ኡባቱ ኤሪና።

14 ቃይ ታን ቃሸቴዳዋ ኑ እሻቱዋ፣ ዳርያዋንቱ ጎዳን ሎይሐ አማነቲደ፣ ጸሳ ቃላ ያሽ ባይናን ካሰዋ፣ ጸሊደ ኡዳናዳን ማዴዳ።

15 ቱሙፕ እቱ እቱ ቃናትያ ድራዉነ ፓሉምያ ድራዉ፣ ክርስቶሳዋ ኡዲና፣ ሸን ሀራንቱ ሎኦ አሙዋን ኡዲና።

16 ሀዋንቱ ጸሳይ ታዉ ዋንጋላ ናግያ ኡሱዋ እሜዳ ድራዉ፣ ሲቁደ ቃላ ኡዲና።

17 ሸን የኮንቱ ታን ቃሹዋን ደእሸን፣ ታ ቦላ ዋይያ አሀናዋ ኡንቱንቶ ማላትና፣ ባረና ሲቅያ ዋልቃማ አሙዋን ክርስቶሳዋ ኦድኖፕ አትን፣ ዋዛናፕ ኦድክና።

18 አይነ ባዋ፣ ማላትሰያ ኦድነ ግደ ዋይ ቱሙ ኦድነ ግደ፣ አይ ኦግያንነ ክርስቶሳዋ ኦድፕ፣ ታን ሄዋን ናሽታይ። ስንላናዉካ ቃይ ታን ናሽታና።

19 አያዉ ጎፕ፣ ታን ህንተንቱ ዋሳንነ የሱስ ክርስቶሳ አያናፕ ይያ ማዲዋን አታናዋ ኤራይ።

20 ታ ዋልቃማ አሙካ ጸሳፕ አካና ጋይ ታን ናሽቻን ናግያ ናጉ አይ ጎፕ፣ ታን ፓጸ ደእናካ ዋይ ሀይቁናካ ያየናን፣ ካሰዋዳን ሀእካ ታ ኩሙንላ አሳተላን ክርስቶሰ ቦንቼታናዋፕ አትን፣ ታን ሀራይ አቶ አትባንካ ዬላተናን አታናሳ።

21 አያዉ ጎፕ፣ ታዉ ደኡ ክርስቶሳ፣ ቃይ ሀይቁካ ታዉ ጎእ።

22 ሸን ታን ፓጸ ደእያዋን ዳር ጎእያዋ ኦላናዋ ግደፕ፣ ሀቃዋ ደራንንቶ ታዉ ኤረተና።

23 ታን ሀ ላኡ የዋቱዋን መቶታይ፣ ሀ ደኡዋፕ ሻከታናዉነ ቃይ ክርስቶሳና አትፕ ደእናዉ አዋታይ፣ ክርስቶሳና

አትፕ ደእያዉ ኡባፕ አዴዳ ዳር ሎኦጎ።

24 ሸን ታን ሀይቁያዋፕ ህንተንቱ ድራዉ ፓጸ ደእያዉ ህንተና ዳር ኮሽያዋ።

25 ሀዋ ቱማ ግድያዋ ታን ጌሻደ ኤራይ፣ ቃይ አማኑዋን ህንተንቱ ድጫናዳንነ ናሽታናዳን፣ ታን ህንተናና ኡባና ፓጸ ደእና።

26 ሄዋ ድራዉ፣ ታን ህንተናና ላኢንሱዋ ይያ ዋይ፣ ክርስቶሳ የሱሳና ህንተ ደእያ ደኡዋን፣ ታባን ጨቀትያባይ ህንተንቶ ዳራና።

27 ግደፕካ፣ ህንተንቱ ህንተንቱ ሁጸዉ ክርስቶሳ ዋንጋላዉ በሰያ ደኡዋ ደእተ፣ ታን ህንተና ባይ ዋይ በእና ቆይና፣ ህንተንቱ አት ቆፋን ሞኒደ ኤቁዳዋን፣ ቃይ ዋንጋላ አማና አት ዋዛና ግዲደ አትፕ ባጸትያዋ ሰሳና።

28 ህንተ ዋርከቶ አያንካ ያኖፕተ፣ ሄዋ ኡንቱንቶ ኡንቱንቱ ባሻ ጂሸሴ፣ ሸን ጸሳይ ህንተና ጸንሰያ ድራዉ፣ ህንተንቶ አቶተላ ጂሸሴ።

29 አያዉ ጎፕ፣ ክርስቶሳዉ ኦልያ ካጫይ ህንተና ጋኬዳዌ ህንተንቱ እን አማናና ጸላላሳ ግደናን አ ድራዉ ዋይያካ አካናሳ።

30 ታን ካሰ ባጸትሸን ህንተንቱ በኤዳዋ ማላ ባጸኒ ቃይ ሀእካ ታን ባጸትያዋ ህንተንቱ ሰሰያዋ ማላይ ህንተና ጋኬዳ።

2

ክርስቶሰ ባረና ካዉሼዳዋ ሊምሱዋ

1 ክርስቶሳን ህንተንቱ ደእያ ደኡ ህንተና ዋዛንሉ? አ ሲቁ ህንተና መን።ሊ? ጌሻ አያናና ህንተንቶ አትፕተላይ ደኡ? ህንተ እቱ እቶ ኬኪቴይ ቃረቲቱ?

2 ያቶፕ፣ ህንተንቱ ቆፋን፣ ሲቁዋን፣ ዋዛናንነ ቆፋ ፖሉዋን እቱዋ ግዲደ፣ ታና ፖሎ ናሽቶተ።

3 ህንተና ሲቅያዋን ዋይ ጨቀታናዉ ኮይያ መላ አሙዋን እትባነ ኦሎፕተ፣ ሸን እቱ እቱዋፕ ቶቃይ ያጊደ ቆፕናን፣ እቱ እቶ ህንተንቱ ሁጲያ ካዉሸተ።

4 ቃይ እቱ እቱዋ ጎእያዋ ኮያናፕ አትን፣ ህንተንቱ ሁጲ ጸላላ ጎእያዋ ኮኖፕተ።

5 ክርሰቶሳ የሱሳን ደእያ ሀ አሸከተላ ቆፋይ ቃይ ህንተናንካ ደእናዉ በሴ።

6 እ ኡባ ዎደ ጸሳ ግዲደ ደኤዳ፤ ሸን እ ዎልቃን ጸሳ ኬና ግድያ ማታይ ደእያዎ በሰያዎዳን ፓይድቤና።

7 ሸን እ ባረ ሸንያን ኡባባ አጊደ። \* አይልያ መጠታ አኬዳ፤ ቃይ አሳ ማላቲደ ቆንጨዳ።

8 እ ባረና ካወሹዳ፤ ሀይቆ፥ ኡባ ሀራይ አቶ፥ ማስቃልያ ቦላ ሀይቃናዉካ አዛዘቲዳ።

9 ሄዎ ድራዉ፥ ጸሳይ አ ሎይሐ ጶቁ ጶቁ አሌዳ፤ ቃይ ሱንሳ ኡባጥካ አጵያ ጶቃ ሱንሳ አዉ እማዳ።

10 ሄዎ ድራዉ፥ ሳሉዋንነ ሳአን፥ ሳአጥ ጋርሳን ደእያ ኡባይ፥ የሱሳ ሱንሳ ቦንቻናዉ ጉልባታና።

11 ቃይ አሳይ ኡባይ የሱሰ ክርሰቶሰ ጎዳ ያጊደ፥ ጸሳ አዉዎ ቦንቾ ማርካታና።

ሀ ሳአን ደእያ አሳዉ ፖኦ ግድያዎ

12 ሄዎ ድራዉ፥ ታ ዳባቶ፥ ታን ህንተናና ደእያ ዎደ ኡባን ህንተንቱ ታዉ አዛዘቲዳዎዳን፥ ሀእ ታን ህንተንቱ ማታን ደኤና ዎደካ፥ ህንተንቱ ካሰዋጥ አሏደ ታዉ አዛዘታናዉ በሴ፤ ያሻተላንነ ኮኮርሳን ህንተንቱ አቶተላ ፖላናዉ አላተ።

13 አያዉ ጎጥ፥ ጸሳይ ህንተና ባረዉ ኤኖ ጊሳናዳንነ ቃይ እ ቆፔዳዎ ህንተንቱ ኦሳናዳን ህንተንቱ ግደን ኡባ ዎደ አሌ።

14-15 ጌላነ ናጋራንቻ አሳ ግደን ፖኩ ባይናዋንታ፥ ጌሻቱዎ፥ ጸሳ ናናቱዎዳንካ ፖኩ ባይናዋንታ ግድተ፤ ቃይ ዙዙመናን ዎይ ኪታባ ቆጥናን ኡባባ አላተ። ሄ አሳ ግደንካ ሳሉዋን ፖእያ ጸልጎትያዳን ፖኢደ፥

16 ደኡዎ ሞሽራቹዎ ቃላ አንቱንቶ ኦድተ፤ ሄ ዎደ ታ ዳቡራይነ ታ ኦሱ መላ ጳይቤናዌ ኤርትያ ድራዉ፥ ክርሰቶሰ ሰሞያ ጋላሰ ታን ህንተናን ጨቋታና።

17 ሀራይ አቶ ህንተንቱ አማኑ ጸሳዉ ያርሸያ ያርሹዎ ቦላ ታ ሱላይ ኡሻ ያርሹዎዳን ጉኮጥካ፥

ታን ናሽታይ፤ ህንተናና ኡባና እትጥ ናሽታይ።

18 ሄዎዳን ህንተካ ቃይ ናሽታናዉ በሴ፤ ታናና እትጥ ናሽትተ።

ጽዋቶስነ ኤፓፍርድቶሰ ኦሌዳ ኦሱዎ

19 ሸን ታን ህንተንቱ ደኡዎባ ሰሳይ ናሽታናዳን፥ ጽዋቶሳ ህንተኮ ኤለካ የዳናዎ ጎዳ የሱሳን አማነታይ።

20 አያዉ ጎጥ፥ ህንተንቱ ደኡዎባዉ ዎዛናጥ ህርግያ አ ማላ አሳይ ሀራይ ኦንነ ታዉ ባዎ።

21 አያዉ ጎጥ፥ ሀራቱ ኡባቱ ባረንቱ ሁጸ ጎእ ኮዪና፤ የሱሰ ክርሰቶሳዎ ኮይክና።

22 ሸን ናአይ ባረ አቡ ኦሐያዎዳን፥ ጽዋቶሰ ታናና እትጥ ግዲደ፥ ዎንጋላ ኦሱዎ ኦሌዳዎን፥ አማነትያ አሳ ግድያዎ ኤርሴዳዎ ህንተንቱ ኤሪታ።

23 ሄዎ ድራዉ፥ ታን የዉ ሀንያዎ በአደ፥ ኤለካ አ ህንተኮ የዳና ጋይ ቆፓይ።

24 ታን ታ ሁጸዉ ማታ ዎድያን ህንተኮ ባናዎ ጎዳን አማነታይ።

25 ሸን ታን ታ አሻ ኤፓፍርድቶሳ፥ ታናና እትጥ ታ ባጋ ግዲደ ኦሌዳዎ፥ ኦለቲዳዎን፥ ቃይ ታና ማድያዎን ህንተንቶ ኪተቲደ ኦሌዳዎ ህንተኮ ኪታናዉ ኮሸያዎ ቆፓድ።

26 አያዉ ጎጥ፥ እ ህንተና ኡባ በአናዉ ላሞቲ፤ ቃይ አ ሳከቲዳዎ ህንተንቱ ሰሴዳ ድራዉ፥ ባረ ዎዛናን ዳር መቶቲ።

27 እ ቱሙ ሳከቲደ፥ ሀይቂ አቲዳ፤ ሸን ጸሳይ አዉ ቃሪቲዳ፤ እ ጸላላዉ ግደናን ካዩ ካዩዎ ቦላ ጉጀተናዳን፥ ታዉካ ቃሪቲዳ።

28 ሰሞ ህንተንቱ ላኤንሉዎ አ በኢደ ናሽታናዳን፥ ታዉካ ታ ዎዛና ካዩ እርጸናዳን፥ ታን ኤለካ አ ህንተኮ የዳና።

29 ሄዎ ድራዉ፥ ጎዳን ደእያ አሻዳን፥ ኩመንሳ ናሽቻን እ ሞክተ፤ ቃይ አ ማላትያ አሳ ኡባካ ቦንቾተ።

30 አያዉ ጎጥ፥ ህንተንቱ ህንተንቱ ሁጸዉ ታና ማዳና ዳንዳየና ማዲዎ ማዳናዉ፥ ክርሰቶሳ ኦሱዎ ድራዉ፥ ባረ ሸሞጥዎ ሸነኮ ጊደ፥ ሀይቂ አቲዳ።

\* 2:7 ኡባባ አጊደ- እ ባረና መላ ኦሌዳ ጉሳ።

2:10 አሳ. 45:23 2:14-15 ዛረ. 32:5

### 3

ቱሙ ጽሎተላ

1 ወርሰላን፡ ታናዳን ጸሳ ካልያዋንቶ፡ ጎዳይ ህንተንቶ ናሽቻ እዋ። ታን ካሰ ጸፊዳዋ ዛረፋደ ጸፍያዋ ታና ዋይሰና፤ ቃይ ሄ ጸፍያዋ ህንተና ናጋና።

2 ኢታባ ኦልያዋንቱ፡ ሄ ካናቱዋ ኤሻይ ደእያዋንቱ፡ ቃጸራይ ኮሼ ግያ አሳቱዋጥ ናገትተ።

3 እያወ ጎጥ፡ ኩን ጸሳ ጌሻ እያናን ጸሳዉ ጎይንያ ድራዉን ኑ ደኡዋን ጎዳ ክርሰቶሳ የሱሳን ናሽቻያ ድራዉ፡ ቱሙ ቃጸራ ቃጸረቴዳዋንታ፤ አሳተላ ቦላ ኦሰትያዋን አማኖኮ።

4 ቃይ ታዉ ታ ሁጲያንካ ታ አሳተላን አማነትያዋ ደኤ። አይ አሳይነ ባረ አሳተላን አማነትያዋ ባረዉ ደኤ ጊደ ቆጉጥ፡ ታን አጥ ሎይላ አፋይ።

5 ታን የለቶደጥ ሆሰፕንላ ጋላሳን \* ቃጸረታድ። ታን የለታን እሰራኤልያ፤ በንያማ ዛረ፤ ዋላካይ ባይና አይሁዳ አሳ። አይሁዳ ህግያ ናግያዋን ግደጥ፡ ታን ፓርሳዋ፤

6 አይሁዳ አማኖ ሴላ ግደጥ፡ ታን አማንያዋንታ ዋይሳድ፤ እት ኡራይ ሙሴ ህገዉ አዛዘቲደ ጽልያዋ ባጋ ግደጥ፡ ታናን ፖኮባይ ቤትቤና።

7 ሽን ታና ጎእያ ሄ ኡባባ ክርሰቶሳ ድራዉ ባዬዳዋን ፓይዳይ።

8-9 ቱማካ፡ ሄዋንቱ ጸላላ ግደና፤ ታን ታ ጎዳ ክርሰቶሰ የሱሳ ኤርያዋ ኡባባጥ ሎይላ አጵያ ድራዉ፡ ኡባባ ታና ሙላካ ጎኤናዋን ፓይዳይ፤ ታን እ ድራዉ ኡባባ የጋ ባሻድ። ክርሰቶሳ ደማናዉን አናና ደአናዉ ኡባባ ዋራ ኦሌዳዋን ፓይዳይ፤ ታን ሙሴ ህገዉ አዛዘታደ ደሞያ ታ ሁጲ ጽሎተላይ ታዉ ባዋ። ክርሰቶሳ አማንና፡ ጸሳይ እምያ ጽሎተላይ፡ አማኑዋን ጸሳ ማታጥ ይያ ጽሎተላይ ታዉ ሀእ ደኤ።

10-11 ታን ክርሰቶሳን እ ደንዲዋ ዋልቃ ኤራናዉ ኮያይ፤ ያታደ ታን ታ ሁጲዉ ሀይቁዋጥ ደንዳና ያግያዋን፡ አ ዋይያ እናና ዋየታናዉን አ ሀይቁዋን አ ማላታናዉ አዋታይ።

ጋክያሳ ጋካናዉ ዋጽያዋ

12 ታን ሀእ ደማ ድጋድ ዋይ ታናን ባል ባዋ ጊከ። ሽን ክርሰቶሰ የሱሰ

ታና ባረዉ ኦሌዳ ዋይታ ደማና ጋደ ኤሌላይ።

13 ታናዳን ጸሳ ካልያዋንቶ፡ ታን ሄዋ ደማ ድጋድ ጋደ ቆጥከ፤ ሽን ታን እትባ ኦላይ፤ ታጥ ጉየና ደእያዋ ድጋደ ሰንሳን ደእያዋ ኦይቃናዉ ዋታይ።

14 ጸሳይ ክርሰቶሰ የሱሳ ባጋና ቦላ ደኦ ጸሰያ ዋይታ አካናዉ፡ ታ ጋካናዉ ዋጸይ።

15 ሰም ኩን እያናን ሞኔዳዋንቱ ኡባቱ ሀዋ ቆጋናዉ በሴ፤ ቃይ ህንተጥ አማራዳዋንቶ እያንነ ዲማ ቆፋይ ደኦጥ፡ ሄዋካ ጸሳይ ህንተንቶ ቆንጭሳና።

16 ግደጥካ፡ ኩን ሀኖ ጋካናዉ ደኤዳ ማራዳን፡ እነ ሰንሳዉ ሄ ማራ ካሎይተ።

17 ታናዳን ጸሳ ካልያዋንቶ፡ ታን ህንያዋዳን ህንተ። ኩን ህንተንቶ ሌምሱዋ ግዴዳ፤ ሄዋዳን ህንተካ ኩን ህንተንቶ ሌምሱዋ ግዴዳ ማራ ካልያዋንታ አኬክተ።

18 እያወ ጎጥ፡ ታን ሄዋ ህንተንቶ ካሰ ጮራቶ ኦዳድ፤ ቃይ ሀእ ላኤንሉዋካ አርጸደ ህንተንቶ ኦዳይ፤ ክርሰቶሰ ማሰቃልያ ቦላ ሞሰማርያን ጵሽቲደ ሀይቁዳዋ ባረንቱ ሸምፕ ባረና ሞርከ ኦሌዳ ዳር አሳቱ ደኤኖ።

19 ኡንቱንቱ ወርሰላይ ባሻ፤ ኡንቱንቱ ኡሉ ኡንቱንቶ ጸሳ፤ ዬላታናዉ በሰያዋን ኡንቱንቱ ኡቶረቲኖ፤ ቃይ ሀ ሳኣባ ጸላላ ቆጥና።

20 እያወ ጎጥ፡ ኩ ቢታይ ሳሉዋና፤ ኩን ቃይ ሳሉዋጥ ያና ኑና አሽያ ጎዳ የሱሰ ክርሰቶሳ ናጌቶ።

21 ክርሰቶሰ ኡባባ ባረጥ ጋርሳን ዋላናዉ ዳንዳይያ ባረ ዋልቃን፡ ኩ ዳቡራንቻ አሳተላ ላሚደ፡ ባረ ቦንቾ አሳተላ ማላትሲደ ኦላና።

### 4

ወርሰላ ዘርያ

1 ታናዳን ጸሳ ካልያዋንቶ፡ ታን ሲቅያዋንቶ፡ ላምትያዋንቶ፡ ታና ናሽቻያዋንቶ፡ ታና ጶቁ ኦልያዋንቶ፡ ታ ዳባቶ፡ ሰም ጎዳን ህንተንቱ ሞን ኤቃናዉ በሴ።

2 ኤዋይነ ሰንጸኢኩ፡ ህንተንቱ ላኡካ ቆፋን እቱዋ ግዲደ፡ ጎዳን ደአናዳን፡ ታን ህንተና ዘራይ።

\* 3:5 ታን የለቶደጥ ሆሰፕንላ ጋላሳን፡- ሀዋ አይሁድያ እቱማ ናናይ የለቶደጥ ሆሰፕንላ ጋላሳን ቃጸረትያዋ በሴ።

3 ቃይ ታናና ኦሳያ አማኒቲዳዎ፣ ኔን ሀ ማጫ አሳቱዋ ማዳናዳን፣ ታን ኔና ዋሳይ፤ እያው ጎጥ፣ ኡንቲንቲ ታናና ኡንቲንቲ ሱንሳይ ጸሳ ደኡዋ ማጻፋን \* ጸፈቲዳ ቃለምንጻሳና ቃይ ታናና እትጥ ኦሳያ ሀራቲዋ ኡባና ዋንጋላ ኡባሳ ጋላናው ዳሱራድና።

4 ጎዳና ህንተንቲ ደእያ ደኡዋን ኡባ ዋደ ናሽትተ፤ ታን ሀዋ ጉጂደካ ጋይ፤ ናሽትተ።

5 አሳይ ኡባይ ህንተንቲ አሽከተላ ኤር፤ ጎዳይ ማታን ያና።

6 ጸሳ ህንተንቲ ዋሰያ ዋሳ ኡባን አ ሎይላ ጋላቲድ፣ ህንተና ኮሽያዋ ኡባው ዋሰተጥ አትን፣ አትባወካ ህርጎጥተ።

7 ቃይ አሳ ኤራተላ ኡባጥ አጅያ ጸሳ ሳርተላይ ህንተንቲ ዋዛና ህንተንቲ ቆፋ ጎዳ የሱሰ ክርሰቶሳ ባጋና ናጋና።

8 ዉርሰላን፣ ታናዳን ጸሳ ካልያዋንቶ፣ ህንተንቲ ዋዛናን ሎኦባን ጋላተሰያዋ ቆጥተ፤ ቲማ ግድያባ ኡባ፣ ቦንቾሰያዋ ኡባ፣ ባይዙዋ ግድናባ ኡባ፣ ጊሻባ ኡባ፣ ሲቁዋ ኡባ፣ ሱረ ግድያባ ኡባ ቆጥተ።

9 ህንተንቲ ታጥ ታማራዳዎ፣ አኬዳዎ፣ ሰሴዳዎን በኤዳዎ ኡባ አላተ፤ ቃይ ኑዉ ሳርተላ አምያ ጸሳይ ህንተናና እትጥ ግዳናዎ።

ባረዉ ከተቲዳ አዋታዉ ጳዉሎስ ጋላቲዳዎ

10 ሸን ዳር ዋድያጥ ጉይያን፣ ሀእ ህንተንቲ ታዋ ላኤንሱዋ ቆጥናዉ ደሜዳ ድራዉ፣ ታን ጎዳን ሎይላ ናሽታይ፤ ታዉ ቆጥናዉ ህንተንቶ እንጀተናን እጼዳዋጥ አትን፣ ታዉ ቆፋ ቆጥታ።

11 ታን ሀዋ ታና ሙቲዳ ድራዉ ጊከ፤ እያው ጎጥ፣ ታዉ ደእያባይ ታዉ ግዳና ተ ግያዋ ታን ታማራድ።

12 ታን ሙቶቲደ ዋት ደእነንቶ ኤራይ፤ ቃይ ዱረቲደ ደእያዌካ እየንቶ ኤራይ፤ ሀቃን ግድናካ አዉደ ግድናካ፣ ታን ካሉዋን ኮሻ ቃይ ፓጫን ፓላሃ ታማራድ።

13 ክርሰቶስ ታዉ እሜዳ ዋልቃን፣ ኡባባ ኦሳናዉ ታን ዳንዳያይ።

14 ግድገካ፣ ህንተንቲ ታ ሙቲዋ ታናና ሙቶቲደ ዳር ሎይሴድታ፤

15 ጥልጽሰኖሳ አሳዉ፣ ዋንጋላ ዋሽራቹ ኮይር ህንተ ግድን ኦደቲዳ፤ ሸን ታን ማቅደንያጥ ከሴ ዋደ፣ ታና አማንያ ህንተንቲ አትን፣ ሀራይ ማድቤናዋ ህንተንቲ ህንተንቲ ሀጸዉ ኤሪታ፤ ቃይ እምያባንካ እክያባንካ ህንተጥ አትን፣ ሀራይ ታና ማድቤና።

16 እያው ጎጥ፣ ታና ሙቲ ኦይቁዳ ዋደ፣ ሀራይ አቶ ታን ተሰሎንቀን ደእሸንካ ታና ዛር ዛሪደ ማዴድታ።

17 ታን ህንተዋ ቦላ ሀራባይ ጉጂታናዋ ኮይያዋጥ አትን፣ ዋይታ ጸሳላ አካናዉ ኮይከ።

18 ሸን ታን ህንተንቲ እሜዳዎ ኡባ አካድ፤ ቃይ ታዉ ፓላሂደ ግድያዋ ደኤ። ህንተ ከቲዳ ኡባባ ኤፓፍርድቶሳጥ አካድ፤ ኮሽያ ኡባይ ታዉ ደኤ። ህንተ ታዉ ከቲዳ እሙ ጸሳዉ ሳዉዋ ቶሽኩ ግያን እ ደሰያ፣ አ ናሽቾያ ያርሹዋ ማላ።

19 ቃይ ታ ጸሳይ ባረ ቦንቾ ዱረተላ ዳሩዋን ክርሰቶስ የሱሳ ባጋና ህንተና ኮሽያዋ ኡባ ህንተንቶ እማና።

20 ኑ ጸሳዉ፣ ኑ አዎ ሙጅናጥ ሙጅና ጋካናዉ ቦንቾ ግድ። አመንእ።

ዉርሰላ ሳርታ  
21 ክርሰቶስ የሱሳዋ ግድያ ጸሳ አሳቲዋ ኡባቲዋ ሳር ጊተ። ታናና ሀዋን ደእያ እሻቲ ህንተና ሳር ጊና።

22 ሀዋን ደእያ ጸሳ አሳቲዋ ኡባቲ፣ ኡባጥካ አሊደ ካትያ ቁሳረ ጎልያን ደእያዋንቲ ህንተና ሳር ጊና።

23 ኑ ጎዳ የሱሰ ክርሰቶሳ አጼ ከካተላይ ህንተናና ግድ።

\* 4:3 ጸሳ ደኡዋ ማጻፋን፡- ጸሳ አሳ ሱንሳይ ጸፈትያ ማጻፋ። † 4:11 ታዉ ደእያባይ ታዉ ግዳና፡- ታዉ ደእያባን ታን ሸዎጋይ፣ ካላይ፣ ዋፑ ጋይ። 4:15 2 ቆር. 11:9 4:16 ኪታ 17:1 4:18 ከሳ 29:18

# ጳውሎስ ቆላስያ ለሰው ጻፈደ ኪታ ገሌቶ

ጳውሎስ ቆላስያ ለሰው ጻፈደ ኪታይ ጻፈቴዳዎ፣ ኤፊሶን ለሰው ጻፈቴዳ ኪታና እት ዎድያና ማላቴ። ሄዌካ ቄር ኢሰያን፣ ኤፊሶን ለዎይ ዶልያ ባጋና ቤትያ ቆላስያ ለሰው ደእያ አማንያ ለሰው ቀላ ግዲደ ላኡቆ ግድን ደእያ ዲማተላይ፣ ቆላስያ ለሰው ጻፈቴዳ ኪታይ ክርስቶስ መጋታ ኡባወ ሁጳ ግድያዎ በሰያ ዎይ ኤፊሶና ለሰው ጻፈቴዳ ኪታይ ቃይ ክርስቶስ ዎሳ ጎለወ ሁጳ ግድያዎ በሰ። ሀ ለሰው ቃላ ማርካቴዳዊ ጳውሎስ ግዳና ጳጥገ፣ ርመ ጋድያን፣ ኢሰያ ዎና ካታማ ግድያ ኤፊሶን ኡጎጉንቶ አልያ ለሰው ኪታይቆ አ ግድያ ድራወ፣ ቆላስያ ለሰው አዎትያ ሆናታይ አወ ደእ። ቆላስያ ለሰው አማንያዎን ግድን፣ “ጳውሎስ ኤፊሶን ኩመንላ አቶተላ ደማናወ፣ ለሰው ኡባይ አያና ዎልቃቶን ማታይ ደእያዎን ጎይናወ ኮሺ” ያግያ ዎርዶ አስታማራቱ ደእያዎ ጳውሎስ ሰሴዳ። ሀ አስታማራቱ ሀራባ ቃይ፣ “አሳይ ኡባይካ ቃይጻራ ማላትያ ዎጋቶ ዎደታናወን ቁማ ዎጋን ሀራ ዎጋቱዎ ኡባ ናጋናወ ኮሺ” ያገና።

ጳውሎስ ሀ ኪታ ጻፈደቱ ተማንቻ ግድያ ክርስቶስ ኪታ ኦድያዎን፣ ኡጎጉንቱ ዎርዶ ትምርትያ ጻልቃና። እ ዛሬዳ ዛሬዎጥ ዎናትያዎ “ዎሱስ ክርስቶስ ኩመንላ አቶተላ አማናወ ዳንዳይ፤ ሀ ሀራ አማናቱን ለሰው እጥ ሃሳናወ ዳንዳይና” ያግያዎ። ጳውሎስ ክርስቶስ ባጋና ሀ አላምያ መጪዳ። ቃይ አ ባጋና ዛሬይ አ ባረኮ አሀና። ሀ አላምያወ ክርስቶስ ዎዛናጥ አማንያዎ ጸላላን አቶተላ ሀደታይ ደኤ። ሀዎ ማራን ጳውሎስ ሀ ዎልቃዎ ትምርቱ አማንያ ለሰው ደኡዎን ዎኒደ ኦሱዎን ፔሻናወ ዳንዳይንቶ ኦዳ።

ሀ ኪታ ጳውሎስ ለሰው አኪደ፣ ቆላስያ ጋላናወ ኪተቱዳ ቲኪቆሳና እትጥ ቤዳዊ አናስሞሳ ግድያዎ በእያዎ ጎእያዎ። ዎኒደ ጎጥ፣ ጳውሎስ ሀ አናስሞሳ ጌተትያ ባረ ኦሳንቻባ ደንላደ፣ ፕልሞናወ ሀራ ኪታ ጻፈደ።

## ሸምጋቱዎ ኡባቶ አመቴዳ ቃንሳ ቆፋቱዎ

ገሌቶ 1:1-8  
ክርስቶስ ኤሻን ኦሱዎ 1:9—2:19  
የሱሳን ቤትያ ኦራላ ደኡዎ 2:20—4:6  
ወርሰላ ቁትያ 4:7-18

1 ታን ጳውሎስ፣ ጳውሎስ ሸንያን ክርስቶስ የሱሳን ኪቴዳዎ ገዴዳዊን ኦ ኤሻይ ጽዎቶስ።

2 ቆላስያ ግያ ካታማን ደእያ ጳውሎስ ስናቶ፣ ክርስቶስን አማንቴዳ ኤሻቶ ሀ ዳብዳቢያ ጻፈቶ።

ጳውሎስ ኦ አወዎጥን ጎዳ የሱስ ክርስቶስጥ፣ እጅ ኬካተላይን ሳርተላይ ሀንተንቶ ግድ።

ጳውሎስ ዎሴዳ ጋላታ ዎሳ

3 ኦን ሀንተንቶ ዎሲደ፣ ኦ ጎዳ የሱስ ክርስቶስ አወዎ፣ ጳውሎስ ኡባ ዎደ ጋላቱቶ።

4 እያወ ጎጥ፣ ኦን ክርስቶስ የሱሳን ሀንተንቱ አማንያዎን ጳውሎስ ለሰው ኡባ ሲቅያዎ ሰሴደ።

5 ቱሙ ኪታይ ዎንጋላይ ኮይር ሀንተኮ ዬዳ ዎደ፣ ጳውሎስ ሰንሳጥ አማና ጌዳዎ ሰሴድታ። ሰሞ ሀንተንቱ አማን ከቆ ሳሉዎን ገገደ ናግያ፣ ጳውሎስ ሰንሳጥ አማና ጌዳዎን ደመቴዳ።

6 ሄ ዎንገሊ ሀንተኮ ጋኬዳ፤ ሀንተንቱ አ ሰሶደጥን ጳውሎስ እጅ ኬካተላ ቱማተላን ኤርደጥ ደመደ፣ ሀንተንቱ ግድን ደእያዎዳንካ፣ ቢታ ኡባን እንጂዎ እሄን ኡባሳ እኬ።

7 ሀንተንቱ ሄዎ ኦናና እትጥ ቆማ ገዴዳ ሲቆ ኤፓፍራጥ ታማራድታ፤ እ ኦ ድራወ ክርስቶስ አማንቴደ አልያዎ።

8 ጳውሎስ አያናን ሀራቱዎ ሀንተንቱ ሲቅያዎ ኦወ ኦዳዳ።

9 ሄዎ ድራወ፣ ኦን ቃይ ሄዎ ሰሴዳ ጋላሳጥ ደመደ፣ ጳውሎስ ሀንተንቶ ባረ ሸንያ ኤርያ ኤራተላ፣ ጳውሎስ አያናይ እምያ እጅዳ ኤራተላናን እኬካና እትጥ ኩንሱይ አማናዳን፣ ኡባ ዎደ ባለናን ጳውሎስ ዎሴቶ።

10 ሄዎጥ ጉይያን፣ ጎዳይ ኮይያዎዳን ሀንተንቱ ደእናወን፣ ኡባ ዎደ አ ናሽቶያባ ኦላናወ ዳንዳይና፤ ሀንተንቱ አልያ ሎኦ ኦሱዎ ኡባን ሀንተንቱ ደኡ ጎእና ደእያዎ ግዳናዎ፤ ቃይ ጳውሎስ ኤርያዎን ድጭ ድጭ ባንታ።

11 ህንተንቱ ኡባባን ናሽቻን ገንጫናዳንን ዳንዳያናዳን፣ ጸሳይ ባረ ቦንቹዋ ግታተላዳን እምያ ዋልቃ ኡባን ሞንተ።

12 ቃይ ጸሳ ናናቶ ጊጌዳ ፖኦ ካውተላ ላታናው፣ ኑና ዳንዳይሴዳ ጸሳ አዉዋ ጋላትተ።

13 እ ኑና ቋማ ዋልቃፕ አሺደ፣ ባረ ሲቅያ ናኦ ካውተላኮ ፕንጤዳ።

14 ቃይ እ ባረ ናኦን ኑና ዋዚደ፣ ኑ ናጋራ አቶ ጌዳ።

ክርሰቶሳ ጸሳተላን አ ኦሱዋ

15 ክርሰቶሰ ቤተና ጸሳ ቆንጭሰያዋ፤ እ መፍቲዳዋ ኡባፕ አቋያ ባይራ ናኦ።

16 አያዉ ጎፕ፣ ኡባባይካ አን መፍቲዳ፤ ቤትያዋንቱ፣ ቤተናዋንቱ፣ አያናቱዋ፤ ቤትያ ዋልቃይን ጎዳተላይ፣ ደቃተላይን ማታይ፣ ሳሉዋንን ሳኦን ደእያ ኡባባይካ አንን አዉ መፍቲዳ።

17 እ ኡባባፕ ካሰ ደኤዳ፤ ኡባባይካ አን ባረ ሳኦ ሳኦ ኦይቂደ ደኤ።

18 እ ባረ ሁጸዉ፣ ዋሳ ጎለዉ ሁጸን ደኤ፤ እ ኡባፕ ቦላ ግዳና ማላ፣ ካሰቲደ ሀይቁዋፕ ደንዴዳ ባይራ ናኦ ግዴዳ።

19 አያዉ ጎፕ፣ ጸሳይ ኮዬዳዋዳን፣ አን ጸሳተላ ኩመንላይ ደኤ።

20 ያትና ጸሳይ ክርሰቶሳ ባጋና ኡባባ ባረናና ሰገላናዉ የዉዋ ቃቹዳ፤ ባረ ናኦይ ማሰቃልያ ቦላን ጉሴዳ ሱላን ሳሉዋንን ሳኦን ደእያ ኡባባ ባረናና ሰገጤዳ።

21 ሀዋፕ ካሰ፣ ህንተንቱ ኢታባ ቆፕዳ ድራዉን ኦጤዳ ድራዉ፣ ጸሳፕ ሻከቲደ፣ አናና ዋርከቲድታ።

22 ሸን ጸሳይ ሀእ ህንተንታ ፖኮባይ ባይናዋንታን ቃይ ጌሻቱዋ ኦጤደ፣ ባረ ሰንላ ሸሻናው፣ ባረ ናኦ ሀይቁዳዋ አሳተላን ባረናና ህንተንታ ሰገጤዳ።

23 ሄዋ ህንተንቱ ቱሙ አማኑዋን ሞን ኤቂደ፣ ሞሽራቹዋ ቃላ ሰሲደ፣ ሰንላፕ አካና ጌዳዋፕ ቃጸናን ሞኒደ ደኦፕ ሀናና፤ ሄ ዋንጋላ ሞሽራቹ ሳኦን ደእያ መፍቲዳ ኡባ ማታን ኦደቲዳ። ታን ጸዉሎሰካ ሞሽራቹዋ ቃላ ኦድያዋ ግዲድ።

ጸዉሎሰ የሱሰ ከቲዳዋ ግዲደ ኦጤዳ ኦሱዋ

24 ታን ህንተንቶ ዋየቲዳ ድራዉ፣ ሀእ ናሽታይ፤ ክርሰቶሰ ባረ ሁጸዉ፣

ሄዋ ግያዌ ዋሳ ጎለዉ፣ ዋየትሸን ፓጩዳዋ ታን ታ ቦላ ሳኩዋን ኩንሳይ።

25 ጸሳይ ታና ህንተንታ ማድያዋን አ ቃላ ፖላደ ኦድያ ቆማተላ ኪታ ታዉ አሜዳ።

26 ሀ ቃላይ ሀዋፕ ካሰ ባጋ ኡባን፣ አሳ ኡባዉ ኤረተናን ጌሚደ ደኤ፤ ሸን ባረና አማንያዋንቶ ጸሳይ ሀእ ቆንጭሴዳ።

27 ጸሳይ አይሁዳ ግደና አሳዉ ዋጤዳ ሀ አሳዉ ቆንጭሴና ቦንቹዋን ዲረ የዉ አየንቶ ጌሻቱዋ ኤርሳናዉ ኮዬዳ፤ ሀ አሳዉ ሀእ ቆንጩዳዌ አዬ ጎፕ፣ ክርሰቶሰ ህንተንቱን ደእያዋ፤ ሄዋ ግያዌ ጸሳ ቦንቹዋ አናና ህንተንቱ አካናዋ።

28 ሄዋ ድራዉ፣ ኑን አሳ ኡባዉ ክርሰቶሳዋ ኦዴቶ፤ አሳ ኡባ ክርሰቶሳን ኩመንላ አሳ ኦጤደ፣ ጸሳኮ ሸሻና ማላ፣ ኑዉ አጭዳ ኤራተላ ኡባን ህንተንታ ሴረቶን ታማርሴቶ።

29 ታን ሀዋ ፖላናው፣ ታናን ኦልያ ክርሰቶሰ ታዉ እምያ ዋልቃን ባጸታይን ዳቡራይ።

## 2

1 ታን ህንተንቶን ሎደቅያ ግያ ካታማን ደእያ አሳቶን ቃይ ታና በእቤና አማንያዋንቶ ኡባቶ አይ ኬና ባጸታድታንቶ ህንተንቱ ኤራና ማላ ኮያይ።

2 ኡንቱንቱ ዋዛናይ ሞናና ማላ፣ ሲቁዋን እትፕ ግዲደ፣ ቱሙ አኬካን ቤትያ ዲረተላ ኡባ ኡንቱንቱ አካና ማላን ቃይ ኡንቱንቱ ጸሳይ አሳዉ ቆንጭሰቤናዋ፣ ክርሰቶሳ አ ሁጸዉ ኤራና ማላ፣ ታን ዳቡራይ።

3 ጌማን ጸሳይ ሞንጄዳ ኤራይን አጭዳ ኤራተላይ ኡባይ አን ደኤ።

4 አንን ህንተንታ ጭምያ ቃላን ባለፍ ማላ፣ ታን ህንተንታ ሀሳይሳይ።

5 አያዉ ጎፕ፣ ታን ህንተንቱ ማታፕ ሃካደ ደኦፕካ፣ አያናን ህንተንቱና ደእይ፤ ህንተንቱ ደእያ ማራን ክርሰቶሳ ህንተንቱ ሞኒደ አማንያዋ በአደ ናሽታይ።

ክርሰቶሳን ቤትያ ኩመንላ ደኤዋ

6 ሰም ህንተንቱ ጎዳ ክርሰቶሰ የሱሳ አኬዳዋዳን፣ አን ደኦፕ።

7 አን ጸጹዋ የዲደ ድጭተ፤ ህንተንቱ ታማራዳዋዳን አማኑዋን ሞንተ፤ ጸሳ ኡባ ዋደ ጋላትተ።

8 ክርስቶስ ግድና ትምርትያን፡ ሀ ሳኦ ሞድያ ኢየሩሳሌም ትምርትያን፡ አሳተ ዬዳ ኤራተላን፡ ቃይ መላ ጭሙዋን ህንተንታ ኦን ኦሞደና ማላ ናገትተ።

9 ኢየሁ ሳተ፡ ክርስቶስ አሳተላ ቦላን ጸሳተላ መጠታ ኩመንሳይ ደኤ።

10 ቃይ ኡባ ኢየሩሳሌም ካፖተላውን ጎዳተላው ኡባው ሁጰ ግድያ ክርስቶስ ኩመንሳ ደኡዋ ደሚድታ።

11 ህንተንቱ ክርስቶስ አት አሳ ማላ ግዲደ፡ አሳ ቃጸራ ማላ ግደናን፡ ህንተንቱ ናገራንቻ መጠታ ድግያ ቃጸራ፡ ሀዌካ አሹዋ ቃጸራ ግደናን ክርስቶስ ኦሌዳዋ።

12 ህንተንቱ ጸማቁቲዳ ዋደ፡ ክርስቶስ ሞገቲደ፡ ክርስቶስ ሀይቁዋ፡ ደንሴዳ ጸሳ ዋልቃ አማኔዳ ድራው፡ ኦራላ ደኦ ጽንቃታን ክርስቶስ አት፡ ደንዴድታ።

13 ህንተንቱ ህንተንቱ ናቁዋን ህንተንቱ ኤጫ አሳተላ ቃጸረተናን ኢኔዳዋን ሀይቁደ ደኢያ ዋደ፡ ጸሳይ ህንተንቱ ናቁዋ አቶ ጊደ፡ ክርስቶስ ህንተንታ ፓጸ ዋሴዳ።

14 ኦና አጽያ፡ አጩዋ ፓራማ አ ጫቁዋና አት፡ ጸሳይ ዳኬዳ፤ ማሰቃልያ ቦላን ድሹደ፡ ኦግያ፡ ድጌዳ።

15 ክርስቶስ ሄ ማሰቃልያን ካፓቱዋ፡ ጎዳቱዋ፡ ዋልቃ ዋላ አኪደ፡ ባረ ጸኑዋን ኦሞደቲዳዋን ቆንጭያን ቦሴዳ።

16 ሄዋ ድራው፡ ሙሳን ዋይ ኡሻን፡ ባላ ጋሳሳ ዋይ አገናይ ጴርያ ዋድያ ቦንቶያዋን፡ ዋይ ሳሞባታ ቦንቶያዋን፡ ኦን ህንተንቱ ቦላ ፕርዶ።

17 ሀዋንቱ ሰንሳ፡ ያና የዋቶ ኤሹዋ፤ ሸን ቱማተላይ ክርስቶስዋ።

18 ዋርዲዋ አሸከ ማላታናውን ከታንቻው ጎይናናው ከይያዌ፡ በእቤናዋ ሳጸን በኢድ ጊደ ኦቶረትያዌ፡ አሳተላ ቆላን ጮ አይያዌ፡ ኦን ህንተንቱ ቦላ ፕርዶ።

19 ሄዋ ማላ አሳይ ሁጰ ግድያ ክርስቶስ ሞንሰ ኦይቁዳዋ ለፕሴ። ቦላ ኡባይ ሄ ሁጰያ፡ ዋልቃ ደሚደ፡ ቦላን ደኢያ ኩርያናን ጸጶዋና አት፡ ኦይቁቲደ፡ ጸሳይ ድቶያ ድሹዋዳን ድጩ።

ሀይቁዋንካ ፓጸንካ ክርስቶስ ደኢያዋ

20-21 ህንተንቱ ሀ ሳኦ ሞድያ ኢየሩሳሌም ሃኪደ፡ ክርስቶስ ሀይቁድታ፤ ያትና፡ ኢየሁ ሀ ሳኦ ዋጋን ደኢያ አሳዳን ደኢቲ? “ኦይቆፓ፤ ባራ በኦፓ፤ ቦቾፓ” ያግያ ሀገቶ ኢየሁ ኦዛዘቲቲ?

22 ሀ ኡባባይካ አሳይ መጴዳ ሀገን ትምርተ ግድያ ድራው፡ ዋድያ፡ ጉይያን ጳያና።

23 ኡንቲንቱ ኪታንቻው ጎይንያዋን ዋርዲዋ አሸከ ማላትያዋን ቃይ ባረንቲ አሳተላ ግልቁሰያዋን ኢጴዳ ኤራንቻ ማላቲና፤ ሸን አሹዋ አሙዋ ድጋናው ጎኤና።

### 3

1 ሰሞ ህንተንቱ ክርስቶስ ሀይቁዋ፡ ደንዴዳዋ ግደ፡ ጸሳ፡ ኡሸቻ ባገና ኡቲዳ ክርስቶስ ደኢያ ሳን ሳሉዋን ደኢያዋ ሞንሰ ኮይተ።

2 ሳሉዋን ደኢያዋ ህንተንቱ ቆፓና፡ አትን፡ ሳኦን ደኢያዋ ቆፖ፡፡

3 ኢየሁ ሳተ፡ ህንተንቱ ሀይቁድታ፤ ቃይ ህንተንቱ ሸሞ፡ ጸሳን ክርስቶስ ጌሜዳ።

4 ህንተው ደኦ ግዴዳ ክርስቶስ ቆንጭያ ዋደ፡ ሄ ዋደ ህንተካ አናና ቦንቲዋን ቆንጫና።

ኤጫን ኦራላ ደኡዋ

5 ሄዋ ድራው፡ ህንተንቱን ደኢያ ሀ ሳኦ አሞቲዋ ዋድተ፤ ሄዋንቲካ ዋሹምያዋ፡ ቱናተላ፡ ዋሹማናው ከይያዋ፡ ኢታ አሙዋ፡ ሚሻ አሞትያዋ። የራንቻ ግዲሳይ ኤቃው ጎይንያዋ፡ ደማተና።

6 ሀዋንቱ ጋሱዋን፡ ጸሳይ ኦዛዘተና አሳቲዋ ሀንቀታናዋ።

7 ካሰ ህንተንቱ ሀ ኢታ ቆፋቲዋን ደኢያ ዋደ ኡንቲንቲን ሞደቲድታ።

8 ሸን ሀኢ ህንተንቱ ቃይ ሀንቁዋ፡ ይሉዋ፡ አጶዋ፡ ህንተንቱ ደና፡ ከሰያ ጫሻን ዬላይያ ሃሳያ ሀዋንታ ኡባ ህንተ፡ ጳይሰተ።

9 አቲ አቶ ዋርዶቶ፡፡ ኢየሁ ሳተ፡ ናገራንቻ መጠታ አ ኦሱዋና ህንተ፡ ጳይሰተ ድጊደ፡

10 ጸሳይ፡ አ መጴዳዌ፡ ባረና ማላትሳናውን ባረው ደኢያ ኡራተላ

ኡባ እማናው፤ ኡባ ዎደ ኦራልያ ኦራላ መጋታ ማዬድታ።

11 ሀ ኦራላ መጋታን፤ ግሪክ አሳ ዎይ እይሁዳ አሳ፤ ቃጸረቴዳዎ ዎይ ቃጸረትቤናዎ፤ እማላቱዋን እይነ ታማርቤናዎ፤ እይልያ ዎይ ዎማኑዎ ጊደ ሻክያባይ ባዎ፤ ሁጳ አላሊ ክርስቶሳ፤ እ ኡባንካ ደኤ።

12 ሄዎ ድራው፤ ጸሳይ ደራዳዎንቴዳን፤ ጌሻነ ሲቅያዎንታ ግዲደ፤ ማርተላ፤ ቃረታ፤ ከካተላ፤ ህንተንቱ ሁጲያ ካወሽያዎ፤ አሽከተላን ዳንዳያ ማይተ።

13 እቱ እቱዋዎ ዳንዳይተ፤ እንነ ባረ ለገያ ቦላ ህንቀቴዳዌ ደኡ፤ እቱ እቶ እቶ ያገ። ክርስቶስ ህንተንቶ እቶ ጌዳዎዳን፤ ህንተካ እቶ ገተ።

14 ሄዎ ኡባ ቦላ፤ ኡባባ እትፕ ሺሽ ቃቶያ ሲቁዎ ማይተ።

15 ክርስቶስ እምያ ሳርተላይ ህንተንታ ሞደ፤ እያዉ ጎፕ፤ ጸሳይ ህንተንታ እት አሳ ኦሊደ፤ ሄ ሳርተላዉ ጸሴዳ ጸሳ ጋላትተ።

16 ክርስቶሳ ቃላይ ህንተንቱ ዎዛናን ከሚደ ደኡ፤ ህንተንቶ ደእያ እጴዳ ኤራተላ ኡባን እቱ እቱዎ ታማርስተነ ዘርተ፤ ህንተንቱ ዎዛናን ጸሳ ጋላቲደ፤ ዎሳነ ማዘሙርያ፤ ጸሳ ሱንሳ ጴቁ ኦልያ የሳ የጽተ።

17 ህንተ አይ ሃሳይያዎ ዎይ እይ ኦልያዎ ግደፕካ፤ እዉዎ ጸሳ የሱሳ ባገና ጋላቲደ፤ ኦልያዎ ኡባ ጎዳ የሱሳ ሱንሳን ኦልተ።

እማንያ አሳቱዎ ጎለን ደእናዉ በሰያ ዎጋ

18 ማቼቶ፤ እማንያ አሳዉ በሰያዎዳን፤ ህንተንቱ አስናዉ ሞደትተ።

19 እቱማ አሳቶ፤ ህንተንቱ ማጫ አሳ ሲቅተ፤ ኡንቱንቱና ዎፑ ጊደ ደእተ።

20 ናቶ፤ ህንተንታ የሌዳዎንቶ ኡባባን አዛዘትተ። እያዉ ጎፕ፤ ህንተንቱ ኡንቱንቶ አዛዘትያዌ ጸሳ ዳር ናሽቼ።

21 አዎቶ፤ ህንተንቱ ናናይ ዎዛና ባየና ማላ፤ ኡንቱንታ ይሎዮፕተ።

22 አይለቶ፤ ሳኣን ህንተንቶ ጎዳ ግድያዎንቶ ኡባባን አዛዘትተ፤ ጎዳዉ ያዪደ፤ ሱረ ዎዛናን ኦልተፕ እትን።

አሳ ናሽቻናዉን አሳይ በኦ ግያዎን አዛዘትያዎንታ ግደፕተ።

23 ህንተ ኦልያ ኦሱ ኡባ አሳዉ ግደናን ጎዳዉ ኦልያዎዳን፤ ዎዛናፕ ኦልተ።

24 ጎዳ ክርስቶሳዉ ህንተንቱ ኦልያ ድራው፤ እ ባረዎንቶ እማናዉ ጊግስ ዎሌዳዎ ህንተንቱ ላታናዎ አኩክተ።

25 ባላባ ኦሌዳ ኡራይ ኦንነ፤ ባረ ኦሌዳ ባላዳን ዎይታ እካና፤ እያዉ ጎፕ፤ ጸሳይ ፕርዲደ፤ ኦናነ ማደና።

4

1 ጎዳቶ፤ ህንተዉካ ሳሉዎን ጎዳይ ደእያዎ ኤሪደ፤ ህንተንቱ አይለቶ ጽሎተላን ሱረተላን ኮሽያዎ ኦልተ።

ዘርያ

2 ጸሳ አገናን ዎስተ፤ ቃይ ዎሲደ አዛለናን፤ እ ጋላቲደ ዎስተ።

3 ቃይ ህንተንቱ ዎሰያ ዎደ ኡባን፤ ካሴደፕ አሳዉ ቆንጭቤናዎ፤ ክርስቶሳዎ ኦን ኦዳና ማላ፤ ጸሳይ ኦዉ እንጀያናዳን፤ ኦዉካ ጸሳ ዎስተ፤ እያዉ ጎፕ፤ ሀእ ታን ቃሾ ጎልያን ደእያዌ ሄዎሳ።

4 ቃይካ ታን በሰያዎ ከና ቆንጭሳይ ሀ የዉዎ ኦዳና ማላ፤ ታዉ ጸሳ ዎስተ።

5 ህንተዉ ደእያ ዎድያ ጎእ ባይናሳን ጳይሰናን፤ እማንናዎንቱ ማታን ጭንጫተላን ደእተ።

6 ህንተንቱ አሳ ኡባዉ ዎት ዛራናዉ በሰንቶ ኤራና ማላ፤ ህንተንቱ ሃሳያይ ኡባ ዎደ፤ ሰሳናዉ ሎእያዎን ናሽቻያዎ ግዳናዉ በሴ።

ዉርሰላ ሳርታ

7 ኑ ሲቆ እሻይ ትክቆስ፤ ታናና እትፕ ጎዳ ኦሱዎን ቆማ ግዴዳ እማንትያ ኦሳንቻይ፤ ታ ደኡዎባ ህንተንታ ኤርሳና።

8 ታን እ ህንተኮ ኪትያዌ፤ ኦን ዎን ደእንቶ ህንተንቶ እ ኦዲደ፤ ህንተንታ መንግሳና ድራሳ።

9 አናስሞስ፤ እማንትያ ሲቆ እሻይ፤ ህንተንቱ ጋደዌ፤ አናና እትፕ ህንተኮ ቤ፤ ኡንቱንቱ ሀዎን ሀንያ ኡባባ ህንተንታ ኤርሳና።

10 ታናና ቃሹዎን ደእያ አርሰጽርኮስን ባርናባሳዉ አዉዎ ግዴዳ ማርቆስ ህንተንታ ሳርቲና፤ ታን

3:16 ኤ.ደ. 5:19-20 3:18 ኤ.ደ. 5:22፤ 1 ጳጵ. 3:1 3:19 ኤ.ደ. 5:25፤ 1 ጳጵ. 3:7 3:20 ኤ.ደ. 6:1 3:21 ኤ.ደ. 6:4 3:22 ኤ.ደ. 6:5-8 3:25 ዛረ. 10:17፤ ኤ.ደ. 6:9 4:9 ፕሊ. 10-12



ህንተንታ ካሰ አዛዜዳዋዳን፣ ማርቆስ ህንተኮ ቦፕ፣ ዋዛናፕ አ ሞክተ።

11 ዮሰጶሳ ግያ የሱሰካ ህንተንታ ሳሮ ሳሮ ጌ፤ አይሁዳ አሳቱዋፕ ታናና ጶሳ ካወተላዉ ኦልያዌ፣ ሀ ሄዙ አሳቱዋፕ ሀራይ ባዋ፤ ሀዋንቱ ታና ዳሮ ማዴድኖ።

12 ኤፓፍር፣ ህንተንቱ ጋደዌ፣ ክርሰቶስ የሱሳ ቆማይ፣ ህንተንታ ሳሮ ሳሮ ጌ። አ ህንተንቱ ጶሳን ምኒደ ኤቃናዳንነ ጶሳይ ኮይያዌ ኡባይ አየንቶ ኤሪደ፣ ፖል አማናናዳን፣ ኡባ ዋይ ጶሳ ምንስ ዋሴ።

13 አያዉ ሳፕ፣ አ ህንተንቶ፣ ሎዶቅያ አሳዉነ ሀራፖሊሳ ግያ ካታማ አሳዉ ዳሮ ዳቡርያዋ ታን ማርካታይ።

14 ኑ ሲቆ ደቶሪ ሉቃሰነ ዴማሰ ህንተንታ ሳሮ ደኢቱ ያገሮ።

15 ሎዶቅያን ደአያ ኑ እሻቶነ ንምፕዉ ቃይ እዝ ጎልያን ሺቅያ አማንያ አሳቶ ኑ ሳርታ ኦድተ።

16 ሀ ዳብዳቢያ ህንተንቱ ናባቤዳዋፕ ጌይያን፣ ሎዶቅያ አማንያዋንቶካ ናባብሰተ፤ ህንተካ ሎዶቅያ አማንያዋንቱካ ህንተንቶ የድያ ዳብዳቢያ ናባብተ።

17 ቃይ አርክፖሳዉ፣ “ጎዳይ ነዉ አሜዳ ኦሱዋ ፖላናዋ ደሳፕ” ያገደ ኦድተ።

18 ታን ጳዉሎስ፣ ታ ኩሽያን ሳርታ ጳፌዳዋ ሀዋ በእተ፤ ታን ቃሹዋን ደአያዋ ደሳፕተ።

ጶሳ አጵ ኬካተላይ ህንተንቱና ግደ።

ቁትያ 5:23-28

# ጳውሎስ ተሰሎንቅ አሳው ጻፈዳ ኮይሮ ኪታ ገሌቀ

ተሰሎንቅ ማቅደንያ ጌተትያ ርማ ቢታው ዋና ካታማቶ። ጳውሎስ ተሰሎንቅን አማንያዋንቶ ሺሼዳዌ፣ ፕልጽሰዮሳ ቢታ የግ ቤዳዋፕ ጉይያና። ግደፕ አትሸን፣ አይሁዳቱዋ አማኑዋ አካናዉ ማቲዳ አይሁዳ ግደና አሳቱ ጳውሎስ ታማርሰያ፣ አማኑዋ ትምርትያ ዶሴዳ ድራዉ (1:8-10)፣ አይሁዳቱ ጳውሎሳ ቃናቲደ፣ ጳልቀላ ደንሌድና። ሄዋ ድራዉ ጳውሎስ ተሰሎንቅ የዲደ፣ ቤርያ ጌተትያ ጋድያ ቤዳ። ታኪደ እ ቆርንቶሳ ጋኬዳ ዋደ፣ ማታን አ ማድያ ጽሞቶስ ተሰሎንቅ ቢደ ሰሞዋፕ ጉይያን አማንያ አሳ ሆናታ አዉ ቆንጭሲደ ኦዴዳ።

ጳውሎስ ኮይሮ ኪታ ተሰሎንቅ አሳዉ ጻፈዳዌ፣ አማንያዋንታ ምንሳናሳነ መንፀሳናሳ። እ አንቱንቱ አማኑዋባነ ሲቁዋባ ሎኦ ዋርያ ሰሴዳ ድራዉ፣ ጸሳ ጋላቱ። ካሰ እ አንቱንቱ ግድን ሄዙ ሳምንታ (ኪታ 17:1-9) ደኤዳ ዋደ፣ አይ ማላ ደኤዋ ደኤደንቶ አንቱንታ እኬክሴ። ሄዋፕ ጉዮ ክርስቶሳ ላኤንሉዋ ዩሳ ጸሌዳዋን ደንዴዳ ኦሻቶ ዛሩዋ አማ። ሄ ኦሻቱዋፕካ አማራዳዋንቱ። “ክርስቶስ ሀ አሳምያ ሰማናፕ ካሰቲደ ሀይቄዳ አማንያ አሳይ፣ ክርስቶሳ ሰማይ እምያ መፅና ደኤዋ ሻክ አካናዉ ዳንዳዴ? ክርስቶስ ሰማይ ያናዌ አዉዴ?” ያግያዋንታ። ጳውሎስካ ሄ ጋከቲዳ ዋድያ ጎኤቲደ፣ “ክርስቶሳ ላኤንሉዋ ዩሳ ትምርትያ ሀደታን ናጊደ እ ያና ጋካናዉ ዋፑ ጌደ ሀንተንቱ ኦሱዋ ኦሳተ” ያጊደ አንቱንታ ዘራ።

## ሸምፓቱዋ ኡባቶ አመቲዳ ቃንላ ቆፋቱዋ

ገሌቀ 1:1

ጳውሎስ ናሽቻን ጋላታ 1:2—3:13 አማንያዋንቱ ደኤዋ ካለሌያ ኦግያ

4:1-12

የሱሳ ላኤንሉዋ ዩሳ ትምርትያ

4:13—5:11

ዉርሰሳ ማቁዋ 5:12-22

1 ኑን ጳውሎስ፣ ሰላሰነ ጽሞቶስ ተሰሎንቅን ደእያ አማንያ አሳቶ ሀ ዳብደቢያ ጻፈቶ፤ ሄዋንቱ ጸሳ ኑ አሱዋንቶን ጎዳ የሱስ ክርስቶሳዋንቶ፣ አጼ ኬካተላይነ ሳርተላይ ግደ።

2 ተሰሎንቅ አሳ ደኤዋን አማኑዋ ሀንተና ኡባቱዋ ሀሳዬቶ።

3 ኑን ኑ ጸሳ፣ ኑ አዉዋ ሰንላን አማኑዋን ሀንተንቱ ኦሱዳ ኦሱዋ፣ ሲቁዋን ሀንተንቱ ዳቡሬዳ ዳቡራ፣ ቃይ ኑ ጎዳ የሱስ ክርስቶሳን ሀንተዉ ደእያ ሀደታን ገንጭያ ገንጩዋ ኡባ ዋደ ሀሳዬቶ።

4 ኑዳን ጸሳ ካልያዋንቶ፣ ጸሳይ ሀንተና ሲቅያዋን ሀንተና ባረዉ ናና ኦላናዉ ደራዳዋ ኑን ኤራቶ።

5 እያዉ ጎፕ፣ ኑን ዋንጋላ፣ ዋልቃን፣ ጌሻ አያናንነ ሄ ዋንገሊ ቱማ ግዴዳዋ ዉርሰ አማንያዋን ሀንተንቶ አሄዳዋፕ አትን፣ አሳ ቃላ ጸላላን አሀበይኩ። ኑን ሀንተናና ደእያ ዋደ፣ ሀንተንቱ ድራዉ ዋን ደኤደንቶ፣ ሀንተንቱ ኤሪታ።

6 ቃይ ሀንተንቱ ዳር ዋየቶፕካ፣ ጌሻ አያናይ እማዳ ናሽቻን ኪታ እኬድታ፤ ሄዋን ኑ ለምሱዋን ጎዳዋ ካሌድታ።

7 ሄዋ ድራዉ፣ ማቅደንያንነ አካይያ ግያ ጋድያን ደእያ አማንያ ኡባቶ ለምሱዋ ግዴድታ።

8 እያዉ ጎፕ፣ ጎዳ ቃላይ ሀንተፕ ከሲደ፣ ማቅደንያንነ አካይያ ጸላላን ሰሰትቤና፤ ሸን ጸሳ ሀንተንቱ አማንያዌ ኡባ ሳን ሰሰቲዳ። ሰም ኑን ሃሳናዉ ኮሽሽን አቶዌ አይነ ባዋ።

9 እያዉ ጎፕ፣ ኑን ሀንተኮ ቤዳ ዋደ፣ ሀንተንቱ ኑና ዋት ሞኬደንቶን ቃይ ሀንተንቱ ሀንተንቱ ኤቃዉ ኦሳዎ አጊደ፣ ዋርደተና ደኤዋ ጸሳዉ ኦላናዉ ዋን ጸሳኮ ሰማይተንቶ፣ አንቱንቱ ባርንቱ ሁጺያን ሃሳዬና።

10 ቃይ ጸሳ ናኦይ የሱስ፣ ጸሳይ ሀይቁዋፕ ደንሌዳዌ፣ ኑና ሰንላፕ ያና ጸሳ ሀንቁዋፕ አሸያዌ ሳሉዋፕ ያናዋ ሀንተንቱ ናግያዋ አንቱንቱ ሃሳዬና።

## 2

ጳውሎስ ተሰሎንቅን ኦሱዳ ኦሱዋ 1 ኑዳን ጸሳ ካልያዋንቶ፣ ኑን ሀንተኮ ቤዳዌ መላ ግደናዋ ሀንተንቱ ሀንተንቱ ሁጸዉ ኤሪታ።

2 ሸን ኑን ህንተኮ ያናፕ ካሰ ፕልጵሰዮሳ ግያ ካታማን ዋየቲዳዋን ቦረቲዳዋ ህንተንቱ ኤሪታ፤ ዳር ጳልቀላይ ደኦፕካ፣ ህንተንቶ እ ሞሽራቹዋ ቃላ ኦዳና ማላ፣ ጳሳይ ኑዉ ሞኖተላ እሜዳ።

3 ኑን ህንተና ዋሰያዌ ባሊደ ዋይ ቱናተላን ዋይ ገንያን ግደና።

4 ሸን ጳሳይ ዋንጋላ ሀዳራ አካናዉ ኑን አማነትያዋንታ ግድና፣ ኑዉ ሄ ሀዳራ እሜዳ፤ ሄ እሜዳዋዳንካ ኑን ሃሳዬቶ። ቃይ ኑን ኑ ዋዛና ጸሞሰያ ጳሳ ናሽቶያዋዳን ሃሳዬቶፕ አትን፣ አሳ ናሽቶያዋዳን ሃሳዮኮ።

5 ኑን ህንተኮ ጭምያ ሃሳያና፣ ዋይ ኑን ዮራ ገንሐያ ሀናታን ይሴናዋ ህንተንቱ ሎይሐ ኤሪታ፤ ጳሳይካ ኑዉ ማርካ።

6 ኑን አሳፕ፣ ዋይ ህንተፕ፣ ዋይ ሀራንቱ አፕነካ ቦንቹዋ አካናዉ ኮይቦይኮ።

7 ኑን ክርሰቶሰ ኪቲዳዋንታ ግዲደ፣ ቦንቹዋ ህንተንቱፕ ኦቻናዉ ዳንዳዬቶ። ሸን አታ ባረ ናናቱዋ ሲቁዋን ድቻያዋዳን፣ ህንተንቱ ግዶን አሸከ ግዴድ።

8 ህንተንቱ ኑዉ ዳር አልኦ ግዴዳ ድራዉ፣ ጳሳ ዋንጋላ ህንተንቶ እማናዋ ጸላላ ግደናን፣ ኑ ደኡዋካ ህንተንቶ እማናዉ ገገ ኡቲዳ፤ አያዉ ጎፕ፣ ህንተና ኑን ሎይሐ ሲቁድ።

9 ኑናዳን ጳሳ ካልያዋንቶ፣ ኑ ኦሱዋን ኑ ዳቡራ ህንተንቱ እኬኪታ፤ ህንተንቶ ጳሳ ሞሽራቹዋ ቃላ ኦዲደ፣ ህንተና አይነ ዋይሰና ማላ፣ ቃማን ጋላሰ ኑን ኦሌድ።

10 ኑ ደኡ ህንተንቱ ማታን፣ አማንያዋንቱ ማታን፣ ጌሻ፣ ጵሎን ቦረተናዋ ግድያዋ ህንተነ ጳሳይ ማርካ።

11 ኑን ህንተንቶ ሁጲያን ሁጲያን አዉ ባረ ናናዉ ሀንያዋዳን ሀኔዳዋ ኤሪታ።

12 ኑን ህንተና ዘራዶ፤ መን። ሴዶን ህንተንቶ ማርካቲድ። ሄዌካ ህንተና ጴሴዳ ጳሳ ናሽቶያ ደኡዋ ህንተንቱ ደአናዳናን አ ካዉተላን አ ቦንቹዋ ገላናዳና።

13 ህንተ ኡፕ ጳሳ ቃላ ቱማ ግዴዳዋዳን እኬዳ ዋይ፣ ጳሳ ኪታዳን እኬዳዋፕ አትን፣ አሳ ኪታዳን አክቤና ድራዉ፣ ጳሳ ቃላይ አማንያ ህንተናን

ኦሌ፤ ሄ ጋሱዋን ኑን ጳሳ ኡባ ዋይ ጋላቲቶ።

14 አያዉ ጎፕ፣ ኑናዳን ጳሳ ካልያዋንቶ፣ ክርሰቶሰ ዮሱሳን እቲዋ ግዴዳ ይሁዳ ግያ ጋድያን ደእያ አማንያዋንታ፣ ህንተንቱ ለምሰቲታ፤ ሄዋንቱ ጳሳ አማንያዋንታ። አይሁዳቲ ኡንቲንታ ዋይሴዳዋዳን፣ ህንተንቱ ቢታ አሳይካ ህንተና ዋይሴዳ።

15 ሄ አይሁዳቲ ጎዳ ዮሱሳን ናባቲዋ ዋዴድና፤ ቃይ ኑና ዮደርሴድና። ኡንቲንቱ ጳሳ ናሽቶክና፤ አሳ ኡባካ እጲና።

16 አይሁዳ ግደና አሳይ አታና ማላ፣ ኑን ኡንቲንቶ ቃላ ኦድያዋ ድጊና። ቃይ ኡንቲንቱ ናጋራይካ ኡባ ዋይ ዳር ዳር ቤ። ሸን ዉርሰላን ጳሳ ሀንቁ ኡንቲንቱ ቦላ ዋዴዳ።

ጳዉሎሰ ተሰሎግቀ አሳ ላኤንሉዋ ጸሞሳናዉ አሞቲዳ አሙዋ

17 ሸን ኑናዳን ጳሳ ካልያዋንቶ፣ ኑን ኑ ቆላን ግደናዳን፣ አሳተላ ጳላላን ህንተፕ ጉላ ዋይዉ ሻከቲዳ ዋይ፣ ህንተና ዳር ላሞቲደ፣ አይፍያን በአናዉ ሎይሐ ኮዬድ።

18 አያዉ ጎፕ፣ ኑን ህንተኮ ሰሚደ ባናዉ ኮዬድ። ኡባ ታን ጳዉሎሰ ዛራ ዛራደ ህንተኮ ባናዉ ማላ በአድ፤ ሸን ሴጸናይ ኑና ድጊና።

19 አያዉ ጎፕ፣ ኑ ጎዳ ዮሱሰ ክርሰቶሰ ይያ ዋይ፣ ኑን በአና ጊደ ናሽቻን ናግያዋ፣ ዋይ ኑ ናሽቻይ፣ ዋይ ኑን ጨቀትያ ካላቻይ ኦኔ? ህንተና ግድክቲዬ?

20 አያዉ ጎፕ፣ ህንተንቱ ኑ ቦንቹዋን ኑ ናሽቻ።

**3**

1 ሄዋ ድራዉ፣ ኑዉ ገንጫናዉ ዳንዳየተናን እጼዳ ዋይ፣ አቲና ግያ ካታማን ኑረካ አታናዉ ቆፋ ቃቹድ።

2 ህንተና ዘራናዳን ህንተንቱ አማኑዋን ህንተና ምንሳናዳን፣ ጳሳዉ ኦሐያ ኑ አሻ፣ ኑናና አትፕ ክርሰቶሳ ሞሽራቹዋ ቃላ ኦድያ ጵሞቶሳ ህንተኮ ኪቲድ።

3 ሀ ዋይያ ጋሱዋን ህንተፕ ኦንነ ጉዮ ሰመና ማላ፣ አ ከቲድ። ኑን ሄዋ ደረቲዳዋ ህንተንቱ ህንተንቱ ሁጲዉ ኤሪታ።

4 አያዉ ጎፕ፣ ኑን ህንተናና ደኢደ፣ ኑን ዋየታናዋ ካሰቲደ ህንተንቶ ኦዴደ፤ ቃይ ህንተንቱ ኤርያዋዳንካ ካሰ ሄዋዳን ሀኔዳ።

5 ሄዋ ድራው፥ ቃይ ገንጨናው ታው ዳንዳየተናን እጹዳ ዎደ፥ “እን ኤር ጸላህያ ካቸ ህንተና ፓጨናን አገና። ኑ ዳቡራይካ መላ ግደናን አገና” ያጋደ ህንተንቱ አማኑዋ ኤራናው ጽዋቶሳ ህንተኮ ኪታድ።

6 ሸን ሀእ ጽዋቶሰ ህንተንቱ ማታፕ ኩኮ ዪደ፥ ህንተንቱ አማኑዋባ ህንተንቱ ሰቁዋባ ህንተንቶ ምሽራቹ ጊደ ኑው ኦዴዳ። ቃይ ኩን ህንተና በአናው ላዋትያዋዳን ህንተካ ኑና በአናው ላዋተደ፥ ኡባ ዎደ ኑው ሎኦባ ቆፕያዋ እ ኦዴዳ።

7 ሄዋ ድራው፥ ኑናዳን ጸሳ ካልያዋንቶ፥ ኑ ዋይያንን ኑ ቱጋን ኡባን ህንተንቱ አማኑዋ ባጋና ህንተዋን ኑ ምነቱደ።

8 ጎዳን ምኒደ ህንተንቱ ደአፕ፥ ኩካ ሀእ ደኤቶ።

9 እያው ጎፕ፥ ኩን ህንተባው ጸሳ ጋላቴቶ። ኩን ኑ ጸሳ ሰንላን ህንተንቱ ድራው ደእያ ናሽቻ ኡባው አ ዳር ጋላቴቶ።

10 ኩን ህንተና በአናውን ህንተንቱ አማኖ ፓጨዳዋ ኩንላናው፥ ቃማን ጋላሰ ኑ ኩመንላ ዋዛናፕ ጸሳ ዋሴቶ።

11 ኑ አው፥ ኑ ጸሳይ ባረ ሀጸው፥ ቃይ ኑ ጎዳይ የሱሰ ክርሰቶስ ኩን ህንተኮ ብያ ኦጎያ ኑው ግጎሶ።

12 ኩን ህንተና ሎይላ ሲቅያዋዳን፥ ጎዳይ ህንተንቱ እቱ እቱዋ ሲቅያ ሲቁዋን ቃይ አሳ ኡባ ሲቅያ ሲቁዋ ህንተንቶ ዳርሰን ጉጅ።

13 ኑ ጎዳይ የሱሰ ባረ ጌሻቱዋ ኡባና ይያ ዎደ፥ ኑ ጸሳ፥ ኑ አውዋ ሰንላን ህንተ ዋዛናይ ጌሻን ፖኩ ባይናዋ አሊደ፥ ህንተና እ መን።

### 4

ጸሳ ናሽቻያ ደኡዋ

1 ሰሞ ወርሰላን፥ ኑናዳን ጸሳ ካልያዋንቶ፥ ጸሳ ናሽቻናው ህንተንቱ ዋን ደአናው በሰንቶ፥ ኑፕ ታማሬድታ። ሄዋ ህንተንቱ ካሴይፕ ደእያ ማራ፤ ሸን ሀእ ህንተንቱ ካሰዋፕ ሎይሊደ ኦላናዳን፥ ጎዳ የሱሳ ሱንላን ህንተና ዋሴቶን ዘራቶ።

2 እያው ጎፕ፥ ኩን ጎዳ የሱሳ ማታ ባጋና ህንተንቶ አሜዳ አዛዙ ሀቃዌንቶ፥ ህንተንቱ ኤሪታ።

3 እያው ጎፕ፥ ጸሳይ ህንተፕ ኮይያዌ አይ ጎፕ፥ ህንተንቱ ጌሻ ግዳናዋን ዋሹምያዋ ኡባና አጋናዋ ኮይ።

4 ህንተንቱ ሀጺያን ሀጺያን ጌሻተላንን ቦንቹዋን ህንተንቱ ማቻያና ዎት ደአንቶ \* ኤራናው በሴፕ አትን፥  
5 ጸሳ ኤሪና አማኑና አሳቱዋዳን፥ ሎይላ አዋትያዋን አካናው በሰና።

6 ኩን ቃይ ካሰ ህንተንቶ አይዳዋዳንን ህንተና ምንሰ ዘራዳዋዳን፥ ጎዳይ ሀዋ ማላባን ኡባን ሀሉዋ ከሰያዋ ግድያ ድራው፥ ኦንን ሀ የውዋን ባረ እሻ ናቃናውን ጭማናው በሰና።

7 እያው ጎፕ፥ ጸሳይ ኑና ጌሻተላን ደአናው ጴሴዳዋፕ አትን፥ ቱናተላን ደአናው ጴሴቤና።

8 ሄዋ ድራው፥ ሀ ትምርትያ እጽያ ኦንን ህንተንቶ ባረ ጌሻ እያና እምያ ጸሳ እጾፕ አትን፥ አሳ እጾና።

9 ህንተ ህንተንቱ ሀጺያን እቱ እቱዋ ሲቃናዳን፥ ጸሳይ ህንተና ታማርሴዳ ድራው፥ ህንተንቱ ህንተንቱ እሻቱዋ ዎት ሲቃናው በሰንቶ፥ ኩን ጸፋናው ኮሸና።

10 ቃይ ማቅደንያ ቢታ ኡባን ደእያ እሻቱዋ ኡባቱዋ ቱሙ ህንተንቱ ሲቁታ። ሸን ኑናዳን ጸሳ ካልያዋንቶ፥ ህንተንቱ ሄዋፕ ጉጅ ጉጅደ ኡንቱንታ ሲቃና ማላ፥ ህንተና ዋሴቶ።

11 ኩን ካሰ ህንተንቶ አይዳዋዳን፥ ዎቼ ጌዳ ደኡዋ ደአተ። ቃይ ህንተና ኮሸያዋ ደማናው፥ ህንተ ኩሸያን ኦላተ።

12 ሄዋ ግደፕ፥ አማኑናዋንቱ ማታን ህንተንቱ ቦንቹታናን ቃይ ህንተና ኮሸያባው ኦናን አውዳሽክታ።

ጎዳይ ይያ ዎደ ሀይቄዳ አሳይነ ፓጻ ደእያ አሳይ ሀናናባ

13 ሸን ኑናዳን ጸሳ ካልያዋንቶ፥ ህንተንቱ ሀደታይ ባይና አሳቱዋዳን ካዮተና ማላ፥ ሀይቄዳ አሳቱዋባ ህንተንቱ ኤራና ማላ ኮይቶ።

14 ኩን የሱሰ ሀይቄዳዋን ቃይ ሀይቄዋፕ እ ደንዴዳዋ አማኔቶ፤ ሄዋዳንካ፥ ጸሳይ የሱሳ አማኒደ ሀይቄዳዋንታ የሱሳና አሀናዋ አማኔቶ።

15 እያው ጎፕ፥ ኩን ህንተንቶ ኦድያ ጎዳ ቃላይ ሀዋ፤ ኩን፥ ጎዳ ላኤንሉዋ ዩሳ ጋላሳይ ጋካናው ሀዋን ፓጻ ደእያዋንቱ፥ ሀይቄዳዋንቱፕ ካሰቶኮ።

\* 4:4 ጌሻተላንን ቦንቹዋን ህንተንቱ ማቻያና ዎት ደአንቶ- ጉሳይ ባረ አሳተላ ናጌደ ጌሻተላን ደአናው ኮሸያዋ በሴ።

16 እያው ጎጥ፣ ጎዳይ ባረ ሁጲያን አዛዙዋና፡ ኪታንቻቱዋ ካገዘዋ ኮሻና፡ ጸሳ ማላካታ ገረፋና ሳሉዋጥ ዋዳና፡ ክርስቶሳ አማኒይ ሀይቄዳዋንቱ ካሰቲይ ሀይቄዋጥ ደንዳና፡

17 ሄዋጥ ጉይያን፣ ኑን ሄ ዋደ ፓጸ ደእያዋንቱ፣ ጎዳና ጫርኩዋ ግደን ጋከታናው ኡንቱንቱና እትጥ ሻርያን ደንዳና፡ ሄዋ ድራው ኑን ጎዳና እትጥ ኡባ ዋደ ደእና፡

18 ሄዋ፡ ሀ ቃላን እቱ እቱዋ መገጠላት፡፡

### 5

ጎዳ ዩሳ ገጊደ ናግተ

1 ሸን ኑናዳን ጸሳ ካልያዋንቶ፡ ሀ የዋቱ አወደ ሀናነንቶ፡ ዋድያን እገና ሀንተንቶ ጸፋናው ኮሸና፡

2 እያው ጎጥ፣ ጎዳ ጋላሳይ ካይሱ ቃማ ይያዋዳን ያናዋ ሀንተንቱ ሎይሳ ኤሪታ፡፡

3 አሳይ፡ “ኡባባይ ሳራ፤ እያይካ ሀነና” ገሸን፡ ማጫ አሳ የሉ ኦይቄያዋዳን፡ ባሻይ ኡንቱንቱ ቆጥናን ኡንቱንቱ ቦላ ያና፡ ኡንቱንቱ ሙላካ ከሰ እክክኖ፡፡

4 ሸን ኑናዳን ጸሳ ካልያዋንቶ፡ ሄ ጋላሳይ ሀንተንቶ ካይሱ ይያዋዳን ያናው ሀንተንቱ ቆማን ደእክታ፡፡

5 ሀንተ ኡባይ ፖኡዋ አሳን ጋላሳ አሳ፤ ኑን ቃማ አሳ ዋይ ቆማ አሳ ግደኩ፡፡

6 ሄዋ ድራው፡ ኑን ሀራቱ ገምእሸያዋዳን ገምእሻናው በሰና፡ ኑን በህታናውን ዋጋን ደእናው በሴ፡፡

7 እያው ጎጥ፣ ገምእሸያዋንቱ ቃማ ገምእሺኖ፤ ማላትያዋንቱካ ቃማ ማላቲኖ፡፡

8 ሸን ኑን ጋላሳ አሳ ግድያዋንቱ ዋጋን ደእናው በሴ፡፡ ኑን አማኑዋን ሲቁዋ ትራን ዋልያ ኦላ ሚሻዳን ኦይቄደ፡ ኑን ሀደታን ናግያ አትተላ፡ ብራታ ቆብያዳን፡ ሁጲያን ዋላናው በሴ፡፡

9 እያው ጎጥ፣ ጸሳይ ኑና ኑ ጎዳ የሱሰ ክርስቶሳ ባጋና አትተላ ደማናው ደራዳዋጥ አትን፡ አ ሀንቁዋ አካናው ደርቤና፡፡

10 ኑን ፓጸ ግድና ዋይ ሀይቄዳዋንታ ግድና፡ ክርስቶሳና እትጥ ደእና ማላ፡ ክርስቶሰ ኑ ድራው ሀይቄዳ፡፡

11 ሄዋ ድራው፡ ሀንተንቱ ቃይ ሀእ ኦልያዋዳን፡ ሀራቱዋ መገጠላት እቱ እቱዋ ድችተ፡፡

ወርሰላ ዘርያን ሳርታ

12 ኑናዳን ጸሳ ካልያዋንቶ፡ ሀንተንቱ ግደን ኦልያዋንታ፡ ሀንተና አማኑዋ ኦግያን ካለልያዋንታን ዘርያዋንታ፡ ሀንተንቱ ቦንቻና ማላ፡ ሀንተና ዋሴቶ፡፡

13 ኡንቱንቱ ኦልያ ኦሱዋ ድራው፡ ኡንቱንታ ሎይሳ ቦንቻተን ሲቅተ፡፡ እቱ እቱዋና ሳርተላን ደእተ፡፡

14 ኑናዳን ጸሳ ካልያዋንቶ፡ ኑን ሀንተና ዘራቶ፤ ማራይ ባይና ደኡዋ ደእያዋንታ ሴርተ፡፡ ያይያዋንታ መገጠላት፡፡ ዋልቂ ባይናዋንታ ማድተ፡፡ አሳ ኡባ ዳንደይተ፡፡

15 ኡንን ኢታ ድራው ኢታ ዘረና ማላ ናገትተ፤ ሸን ኡባ ዋደ፡ እቱ እቶን ቃይ አሳ ኡባው ሎኦባ አሳናው ምንተ፡፡

16 ኡባ ዋደ ናሸትተ፡፡

17 ኡባ ዋደ ቃንጸናን ጸሳ ዋሰተ፡፡

18 ኡባባን ጋላትተ፡፡ እያው ጎጥ፣ ክርስቶሳ የሱሳ ባጋና ጸሳይ ሀንተጥ ኮይያዋ ሄዋ፡፡

19 ጌሻ እያና ታማ ቶይሶፕተ፡፡

20 ትምቢትያ ቃላ ካዶፕተ፡፡

21 ኡባባካ ፓጭተ፡፡ ሎኦባ ኦይቄተ፡፡

22 ኢታ ኦሱዋ ኡባጥ ሃክተ፡፡

23 ሳርተላ ጸሳይ ባረ ሁጲው ሀንተና ኡባባን ፖሎ ጌሾ፤ ቃይ ኑ ጎዳይ የሱሰ ክርስቶሰ ይያ ዋደ፡ ጸሳይ ሀንተንቱ እያና፡ ሸምጥዋን አሳተላ እትጥ ቦረተናዋን ፖሎ ኦሊደ ናጎ፡፡

24 ሀንተና ጴሰያዌ አማንቱዳዋ፤ ቃይ ሄዋ እ ፖላና፡፡

25 ኑናዳን ጸሳ ካልያዋንቶ፡ ኑው ጸሳ ዋሰተ፡፡

26 እሻቱዋ ኡባ ጌሻ የሩዋ የሪደ ሳርትተ፡፡

27 ሀንተ ሀ ዱብዳቢያ ጌሻ እሻቱዋ ኡባው ናባባናዳን፡ ጎዳ ሱንላን ሀንተና ዋሳይ፡፡

28 ኑ ጎዳ የሱሰ ክርስቶሳ እቶ ኬካተላይ ሀንተናና እትጥ ግደ፡፡

5:8 ኢሳ. 59:17፤ ኤፈ. 6:13-17

# ጳውሎስ ተሰሎንቀ አሳው ጳፌዳ ላኤንሶ ኪታ ገሌቀ

ክርስቶስ ላኤንሶ የሳ ጳፌዳዎን  
ደንዳዳ አሻይ ዋላሳ መዲያ ሴዳ  
ድራው፡ ተሰሎንቀን ደጋፊ አማንያ  
አሳ ግደን መቼ ዳሪደ ሴዳ።  
ጳውሎስ ተሰሎንቀ አሳው ጳፌዳ  
ላኤንሶ ኪታይ፡ “ጎዳይ ያና ገላሳይ  
ማቲዳ” ያግያ አማኑዋ ምንሲደ ኦዴ።  
ጳውሎስ ኤንቲንቶ ኦዲደ፡ “ክርስቶስ  
ያናፕ ካስቲደ ክርስቶስ ትምርትያ  
ጳልቁያ እት፡ “ማካላ አሳ” ጌተትያ  
ክርስቶስ እጽያዌ ካለለና አላምያ  
ቦላን ኢታተላይን ማካላይ ዳሪደ ባና”  
ያገደ ኤንቲንቲ አማኑዋ ሱርሳናው  
ማሌ።

የሱስ ኪቲዳዌ ናባብያዎንቶ፡  
“መቲን ዋዪ ዳርፒካ ኤንቲንቲ ባረንቲ  
አማኑዋን ምናናዳን፡ እካ አናና እትፕ  
ኦልያዎንቲካ ኦልያዎዳን፡ ኤንቲንቲ  
ባረንቲ ደኦ ኮሽያዎ ደማናው፡ ምኒደ  
ኦላናዳን፡ ሄዋዳንካ ቃይ ሎኦ ኦሱዋ  
ኦላናድ ድብናዳን” ያግ ኤንቲንታ  
ምንሲደ ዘራ።

## ሸምፓቲዋ ኡባቶ አመቲዳ ቃንላ ቆፋቲዋ

ገሌቀ 1:1-2

ገላታን ሀዳራ 1:3-12

የሱሳ ላኤንሶዋ የሳው አመቲዳ

ትምርትያ 2:1-17

አማኑዋን ደኡዋባ ማቁዋ 3:1-15

ወርሰላ ቁትያ 3:16-18

1 ኩን ጳውሎስ፡ ሰላሰን ጽሞቶስ፡  
ተሰሎንቀን ደጋፊ አማንያ አሳቶ ሀ  
ዳብዳቢያ ጳፌቶ። ሄዋንቲ ጳሳ ኑ  
አቡዋንታን ጎዳ የሱስ ክርስቶስዋንታ።

2 ጳሳ ኑ አወዋፕን ጎዳ የሱስ  
ክርስቶስ፡ እጾ ኬካተላይን ሳርተላይ  
ሀንተንቶ ግድ።

ክርስቶስ የሳ ገላሰ ሀናና ፕርዳ

3 ኑናዳን ጳሳ ካልያዎንቶ፡ ሀንተንቲ  
አማኑ ሎይሶ ድጭያ ድራውን፡  
ሀንተንቲ እቲ እቲዋ ሲቅያ ሲቁ ዳርያ  
ድራው፡ ኩን ሀንተንቶ በሰያዎዳን፡ ጳሳ  
ኡባ ዋይ ገላታናው በሴ።

4 ሄዋ ድራው፡ ሀንተንታ የደሳይን  
ዋይያ ኡባይ ገክናካ ሀንተንቲ

ገንጭያዎን አማንያዎ ኩን ኑ ሀጸው  
ጳሳ አማንያዎንቶ ኦዲደ፡ ሀንተዋን  
ጨቀቲቶ።

5 ሀንተንቲ ዋየትያ ጳሳ ካውተላው  
በሰያዎንታ ግዲደ ፓይደታና ማላ፡  
ጳሳይ ፕርድያ ጽሎ ፕርዳ በሰያ ማላ።

6-7 ጳሳይ ቱሙ ፕርዳ ፕርዳና።  
ጎዳይ የሱስ ባረ ዋልቃማ  
ኪታንቻቲዋና ታማ ላጨዋ ግደን  
ሳሉዋፕ ይያ ዋይ፡ ጳሳይ ሀንተንታ  
ዋይሰያዎንቲ ቦላ ዋይያ አሀና። ቃይ  
ዋየትያ ሀንተናን ኑና ሸምፕሳና።

8 ቃይ ጳሳይ ባረና ኤረናዋንታን ኑ  
ጎዳ የሱስ ክርስቶስ ዋንጋላ ምሽራቾ  
አዛዘተናዎንታ ሙራና።

9-10 ሄ ገላሰ እ ባረ ጌሻቲዋን  
ቦንቹታናውን ቃይ ባረና አማንያ  
ኡባቲዋን ሳበታናው ይያ ዋይ፡  
ኤንቲንቲ ጎዳ ሰንሳፕን እ ዋልቃ  
ቦንቹዋፕ ሻከቲደ፡ መድና ባሻን  
ሙረታና። ገሱንካ፡ ኩን ሀንተንቶ  
ኦዴዳ ኪታይ አማንቲዳ።

11 ኩን ሀንተንቶ ኡባ ዋይ ጳሳ  
ዋሰያዌ ሄዋሳ፡ ኑ ጳሳይ ጴሴዳ ደኦ  
ሀንተንታ በሰያዎንታ ገደ ፓይዳናዳን፡  
ኩን እ ዋሴቶ፤ ሀንተንቲ ሎኦባ ኡባ  
አሞትያዎን ሀንተንቲ አማኑዋ ኦሱዋ  
እ ባረ ዋልቃን ፖሎ።

12 ሄዋን ኑ ጳሳ እጾ ኬካተላንን ቃይ  
ኑ ጎዳ የሱስ ክርስቶስ እጾ ኬካተላን፡  
ጎዳ የሱሳ ሱንሳ ሀንተንቲ ቦንቻና፤  
ሀንተናካ እ ቦንቻና።

## 2

የሱሳ ላኤንሶ የሳባ

1 ሀእ ኑናዳን ጳሳ ካልያዎንቶ፡ ኑ  
ጎዳ የሱስ ክርስቶስ የሳባውን ኩን አናና  
ደአናው እኮ ሺቃናባው።

2 ትምቢትያ አሳይ ሀንተንቶ  
ኦድያዎን ዋይ ሀራ አሳፕ ሰሴዳ  
ቃላን፡ ዋይ ኩን ኑፕ ዬዳ ኪታዳን  
ሃሳይያዎን፡ “ጎዳ ገላሳይ ገኬዳ”  
ገደ ሀንተንቲ ኤላካ ዳጋመናዳን  
ዋዛና ባየናዳን፡ ኩን ሀንተንታ ዋሴቶ።

3 ሀንተንታ ኩን አይ ኦግያንን  
ባለሎ። አያው ጎፕ፡ ካስቲደ  
ማካልያዌን ቃይ ናጋራንቻይ፡ ባሻና አይ  
ቆንጨናን ደአሸን፡ ሄ ገላሳይ ገክና።

4 አሳይ ጎይንያ ኡባባን አሳይ ጳሳ  
ግያ ኡባባ እ እጽና። እ ባረና ኤንቲንቲ  
ኡባፕ ጾቁ ኦላና። ቃይ ሀራይ አቶ ጳሳ

ጌሻ ጎልያ ገል ኡቲደካ፡ “ታን ጸሳ” ጋና።

5 ህንተንቱ ሀሳይክቱ? ታን ሄዋ ህንተንቶ ህንተናና ደአደ ኦዳድ።

6 እ ባረ ዎድያን ያናፕ እትን፡ ሀእ ያናዋ እያይ እ ተቂንቶ፡ ህንተንቱ ኤሪታ።

7 እያዉ ጎፕ፡ ጸራ ግዴዳ ማካላይ ሀእ ኦል፤ ሸን ሄ ተእያዌ ኦግያፕ ክቻና ጋካናዉ፡ እ ቆንጨና።

8 ሄዋፕ ጉይያን፡ ሄ ማካላንቻይ ቆንጭና፡ ጎዳይ የሱሰ ባረ ደና ፔኑዋን አ ዎቆና። ቃይ የሱሰ ባረ ላኤንሉ ቦንቾ ዩሳን አ ሙለካ ቆይሳና።

9 ሄ ማካላንቻይ ሴጻና ኦሱዋን ዪደ፡ ዳሮ ዎልቃን ዎርዶ ማላታን ማላልሰያዋ ኦላና።

10 ሄዋዳንካ፡ ቃይ ቆይያ አሳቱዋ ዲማ ዲማ ኢታ ጭሙዋን ባለላና። ቆይያዋንቱ እታናዉ ቱማተላ ሲቂደ እክቤና ድራዉ ቆይያ።

11-12 ሄዋ ድራዉ፡ ቱማተላ አማንቤና ኡባ አሳቱ፡ ናጋራ ኦልያዋን ናሸትያዋንቱ ኡባይ ፕርዶታናዳንን ዎርዶ ግድያባ አማናናዳን፡ ጸሳይ ዎልቃማ ባላ ኡንቱንቱ ግዶ የዳና።

አቶተላዉ ደረቲዳ አሳቱዋ

13 ሸን ጎዳይ ሰቅያ ኑናዳን ጸሳ ካልያዋንቶ፡ ኑን ጸሳ ህንተንቱ ድራዉ፡ ኡባ ዎደ ጋላታናዉ በሴ። እያዉ ጎፕ፡ ጌሻ እያና ዎልቃንን ቱማተላ ህንተንቱ አማንያዋን ህንተንታ አሻናዉ፡ ጸሳይ ህንተና ባይራዳን ደራዳ።

14 ጸሳይ ህንተንታ ኑን ህንተንቶ ኦዴዳ ኑ ሞሽራቹዋ ቃላ ባጋና ዴሴዳዌ፡ ህንተንቱ ኑ ጎዳ የሱሰ ክርሰቶሳና እትፕ ቦንቻታናሳ።

15 ሰም ኑናዳን ጸሳ ካልያዋንቶ፡ ሞኒደ ኤቁተ፤ ኑን ህንተና ኑ ደናን ግድና፡ ዎይ ኑ ዳብዳቢያን ግድና፡ ታማርሴዳ ዎጋ ኦይቁተ።

16-17 ኑ ጎዳ የሱሰ ክርሰቶሰ ባረ ሀጺያን ቃይ ጸሳይ፡ ኑ እዉ ኑና ሲቂደ፡ ባረ እጾ ኬካተላን ኑዉ ሙድና ዳንዳያን ሎኦ ሀደታ አሜዳዌ፡ ቃይ ህንተንቱ ሎኦባ ኡባ አሳናዳንን ሃሳናዳን፡ ህንተንቱ ዎዛና ሞንሶን ማንግጫ።

3

ጸዉሎስ፡ “ኑዉ ዎስተ” ያጌዳ 1 ዉርሰላን ኑናዳን ጸሳ ካልያዋንቶ፡ ጎዳ ቃላይ ህንተንቱ ግድን፡ ኤለካ አካናዳንን ቦንቻታናዳን፡ ኑዉ ጸሳ ዎስተ።

2 ቃይ አሳይ ኡባይ አማንና ድራዉ፡ ጸሳይ ኑና ናጋራንቻ አሳቱዋፕን ኢታ አሳቱዋፕ አሻና ማላ፡ ኑዉ ዎስተ።

3 ሸን ጎዳይ አማንልያዋ፤ እ ህንተና ማንግጫናን ቃይ ኢታፕካ ናጋና።

4 ኑን ህንተና አዛዝያዋ ህንተንቱ ሀእ ኦልያዋን ቃይ ሰንሳፕካ ኦላናዋ ጎዳይ ኑና ህንተንቱ አማንጭ።

5 ጎዳይ ህንተንቱ ዎዛና ጸሳ ሲቁዋኮን ክርሰቶሰ እዎያ ዳንዳያኮ ካለሉ።

ከታ ከተት ደአናዌ ግዶ 6 ኑናዳን ጸሳ ካልያዋንቶ፡ ህንተንቱ ኑፕ እኬዳ ዎጋ ካለናን አዛላ ደኡዋ ደእያ እሻ ኡባፕ ህንተንቱ ሻክታናዳን፡ ኑ ጎዳ የሱሰ ክርሰቶሳ ሰንሳግ ህንተና አዛዜቶ።

7 እያዉ ጎፕ፡ ኑን ህንተናና ደእያ ዎደ አዛልቤና ድራዉ፡ ህንተንቱ ኑዎዳን ሀኒደ ደአናዉ በሰያዋ ህንተንቱ ህንተንቱ ሀጺያን ኤሪታ።

8 ኑን ህንተፕ ኦሰን ቶኩዋ ግድና ማላ፡ ቃማን ጋላሰ ዳቡሪደን ጃሚደ ኦሊደ ደኤዳዋፕ አትን፡ ኦፕን ቁማ ጮ ሞቦኮ።

9 ኑን ሄዋ ኦሌዳዌ ህንተንቱ ኑዎዳን ሀኒደ ደአናዳን፡ ኑን ህንተንቶ ሌምሱዋ ግድናዳፕ አትን፡ ሄዋ ህንተና ኦቻናዉ ኑዉ ማታይ ቆይያ ግድና።

10 እያዉ ጎፕ፡ ኑን ሀራይ እቶ ህንተናና ደአደካ፡ “ኦላናዉ ኮየና ኡራይ ኦንን ሞፖ” ያጌደ ህንተና አዛዜደ።

11 እያዉ ጎፕ፡ አሳ የዉዋን ገልያዋፕ አትን፡ እይን ኦጫናዋንቱ፡ አዛላ ደኡዋ ደእያ አማራዳ አሳቱ ህንተንቱ ግድን ደእያዋ ኑን ሰሴደ።

12 ኑን ሄዋንቱ ማላ አሳቱ ማራ ደኡዋ ደአናዳንን ኦሊደ ቁማ ማናዳን፡ ጎዳ የሱሰ ክርሰቶሳ ሰንሳግ አዛዜቶን ዘራቶ።

13 ሸን ህንተንቱ ኑናዳን ጸሳ ካልያዋንቶ፡ ሎኦ ኦሱዋ ኦላናዉ አዛሎፕተ።

14 ቃይ ኑን ሀ ዳብዳቢያን ከቲዳ ከታዉ አዛዘተና ኡራይ ኦንን ደአፕ፡ ሄ

ኡራ አኬክተ። እ ዬላታና ማላ፥ አፕ ሻከትተ።

15 ሸን እሻዳን እ ሴርተፕ አትን፥ ሞርክያዳን ጼሎፕተ።

ወርሰላ ሳርታ

16 ሳርተላ ጎዳይ ባረ ሁጲያን ህንተንቶ ኡባ ዎደነ ኡባ ባጋና ሳርተላ እሞ። ጎዳይ ህንተናና ኡባና ግዶ።

17 ታን ጸዉሎስ፥ ሀ ሳርታ ታ ኩሽያን ጸፋድ፤ ታ ዳብዳቢያ ኡባዉ ሀዌ ታ ፍርማ። ሀዌ ታን ጸፍያ ኦግያ።

18 ኑ ጎዳ የሱስ ክርሰቶሳ እጾ ኬካተላይ ህንተናና ኡባና ግዶ።



# ጳውሎስ ጽሞቶሳው ጳፌዳ ኮይሮ ኪታ ገሌቀ

ጽሞቶሳ ጌተትያ፡ አማንያ ያላጋይ፡ ቁር ኢስያ ጌተትያ ሳኣን የሌቲዳ። እ ባረ ዳይ ባጋና አይሁደ አሳ፤ ባረ እቡ ባጋና ቃይ ግሪክ አሳ። እ ጳውሎሳና ኪታን እትጥ ዙጥትያ አሳ፤ ምሽራቹዋ ቃላ ኪታካ እናና ማደቲደ ኦልያዎ። ጳውሎስ ጽሞቶሳው ጳፌዳ ኮይሮ ኪታይ ሄዙ አይፈ የዋቱዋን ሻከቲ።

ኡባጥ ካሰቲደ ሀ ኪታይ አማንያ አሳ ግድን ደንዴዳ ዋርዶ ትምርትያባ ምንሲደ ኦይ። ሀ እማላ ግዴዳ ትምርቲ አይሁዳ አሳቱዋ ቆፋጥ ባጋን ሀራ አሳቱዋ ቆፋጥ ባጋ ኦይቁዳዎ፤ “ሀዌ ቤትያ አላሚ ናጋራን ሀምባላቸት ድጌዳዋ ግድያ ድራው፡ አሳይ አቶተላ ደማናው ዲማ ግዴዳ ዱራ ኤራተላ ኤራናው፡ እት እት ቁማቱዋ ሜናን አጋናውን ማቕያ አከናንን እስና ገለናን ደእናው ኮሼ” ያግያ ቆፋ ባሶ ኦልደ ኦይቁዳዎ። ሄዋ ቦላካ ጉጂደ አ ኪታይ አማንያ አሳ አይሱዋባን ጎይኑዋ ዋጋባ ታማርሰያ ትምርትያ፤ ሄዋዳንካ ቃይ አማንያ አሳ ካለልያዋንቱን ኡንቲንታ ማድያዋንቱ አይ ማላ ኤሻና ደእያዋንታ ግዳናው በሰንቶ ኦይናባ ኦይቁዳ። ወርሰላን ጽሞቶሰ የሱስ ክርሰቶሳው ኦልያ ሎኦ ኦሳንቻ ዋኒደ ግዳናው ዳንዳይንቶን ቃይ ዲማ ዲማ አማንያ አሳ ማባራ ሰንላን አው ደእያ አዋተላው፡ ጳውሎስ አ ዘራዳ ዘርያ በኤቶ።

## ሸምጋቱዋ ኡባቶ እመቴዳ ቃንላ ቆፋቱዋ

ገሌቀ 1:1-2

አማንያ አሳባን ኡንቲንታ ግድን ኦልያ ጳሳ ኦሳንቻቱዋባ 1:3—

3:16

ጽሞቶሳው እ ኦሶ እመቴዳ ትምርትያ 4:1—6:21

1 ኦና አሸያ ጳሳይን ኦን በእና ጊደ ናሸቻን ናግያ የሱስ ክርሰቶሰ አዛዜዳ አዛዙዋዳን፡ የሱስ ክርሰቶሰ ኪቲዳዋ ግዴዳ ታን ጳውሎስ።

2 አማኑዋ ባጋና ታ ቱሙ ናአው፡ ጽሞቶሳው ሀ ዳብደቢያ ጳፋይ።

ዋርዶ ትምርትያጥ ናገቱሳ ጳሳ ኦ አወዋጥን ኦ ጎዳ ክርሰቶሳ የሱሳጥ አጼ ኪካተላይ፡ ማርተላይን ሳሮተላይ ነው ግድ።

3 ታን ማቅዳንያ ባደ ነው ጌዳዋዳን፡ ኔን ኤፈሶንን ጋምእና ማላ ኮያድ። እት እት አሳቱ ዋርዶዋ ትምርትያ ታማርሰኖ፤ ሄዋንቱ ታማርሰና ማላ፡ አግተ ጋደ ኦዳ።

4 ኡንቲንታ ቶሳ ኦይያዋን ባረንቱ ዛርያ ጋይርያዋ አጋናዳን ኦይ። እያው ጎጥ፡ ሄዋ ማላባይ ፓሎማ ካለል፤ ቃይ ጳሳ ቆፋ አማኑዋን ኤረትያዋ ኦልክና።

5 ሀ እዛዘ ዋና ቆፋይ ጌሻ ዋዛናጥ፡ ሎኦ ሱረ ዋዛናጥ፡ አሳይ በኦ ግያባይ ባይና አማኑዋጥ ቤትያ ሲቁዋ ደን።

6 እት እት አሳቱ ሀዋ አገደ፡ ማደና ሃሳያኮ ሰሜድና።

7 ኡንቲንታ አያ ሃሳይንቶን ዋይ ባረንቲን አማኑቲደ ኦይናባይ አየንቶ ኤርክና፤ ሸን ጳሳ ሀግያ ታማርሰያዋንታ ግዳናው ኮዪና።

8 አሳይ በሰያዋዳን ሀግያን ጎኤቶጥ፡ ሀገ ሎኦ ግድያዋ ኦን ኤራቶ።

9 እትባ እኪካናው ኮሼ። ሀገ ሎኦ አሳው መጠብቤና። ሸን ሀግያ መንልያዋንቶ፡ አዛዘተናዋንቶ፡ ማካላንቻቶ፡ ናጋራንቻቶ፡ ጌሻተላይ ባይናዋንቶ፡ ቱናቶ፡ ባረንቲ ዳዮ ዋይ አባ ዋድያዋንቶ፡ ሸምጥዋ ዋድያዋንቶ።

10 ዋሹማናው ካጄልያዋንቶ፡ አቲማ አሳይ አቲማ አሳና ዋሹምያዋንቶ፡ አሳ ዛልእያዋንቶ፡ ዋርዳንቻቶን ዋርዶዋን ጫቁያዋንቶ፡ ዋይ ቱሙ ትምርትያና ጋከተና አይ ኦሱዋ ግድናካ ኦልያዋንቶ ከሴዳ።

11 ሄ ቱሞ ትምርቲ አንጀቴዳ ጳሳይ ታን አዋያና ማላ፡ ታው ሀዳራ እሜዳ ቦንቾ ዋንጋላ ግዲዋን ደኤ።

ጳውሎስ ጳሳው ሸሼዳ ጋላታ

12 ታን ኦልያ ኪታን ታው ዋልቃ እሜዳ ኦ ጎዳ ክርሰቶሳ የሱሳ ጋላታይ። ታና ባረ ኦሳንቻ ሱንልደ፡ ታና ሄ ኦሶ በሰያ አማኑቶዋ ጊደ ፓይዴዳ ድራውካ አ ጋላታይ።

13 ታን ሀዋጥ ካሰ አ ቦርያዋ፡ አ የደርሰያዋን ቱጋይያዋ ግድጥን፡ ታው ሀዋ እ ኦልዳ። ሸን ታን ኤረናን ኦልዳ ድራውካ አማናቤና ድራው፡ ጳሳይ ታና ማሬዳ።

14 ቃይ ኑ ጎዳይ ዛቀይ ባይና ባረ እጅ ከካተላ ታ ቦላን ጉሲደ፡ ክርሰቶሳ የሱሳ ባገና ኑባ ግዴዳ አማኑቀን ሲቁቀ ታዉ እሜዳ።

15 ክርሰቶሳ የሱሰ ናጋራንቻቱቀ አሻናዉ ሀ ሳኦ ዬዳ ግያ ሃሳያይ አማኑቲዳቀን አሳይ ኡባይ ቱማ ጊደ እካናዉ በሰያቀ። ኡባጥ አድያ ናጋራንቻይ ታና።

16 ሸን መድና ደኡቀ አካናዉ እን አማናናዉ በሰያ አሳዉ ታን ሌምሱቀ ግዳናዳን፡ ኡባጥ አድያ ናጋራንቻዉ ታዉ የሱሰ ክርሰቶሳ ዳር ዳንዳያዳን፡ ጸሳይ ታና ማሬዳ።

17 አይፍያን ቤተና መድና ጸሳዉ እቶ፡ መድና ካተዉ፡ መድናጥ መድና ጋካናዉ ጋላታይን ቦንቹ ግዶ። አመንእ!

18 ታ ናኦ ጽሞቶሳ፡ ካሰ ነባ ትምቢትያ ኡዴዳቀዳን፡ ሄ ኡዴዳቀዳን ሎኦ ኦላ ኔን ኦላታና ማላ፡ ሀ አዛዙቀ ነዉ ሀዳራ እማይ።

19 አማኑኒ ሎኦ ሱረ ዋዛናይ ነዉ ደኦ። እቱ እቱ ባረንቱ ሱረ ዋዛና የግ እጊደ፡ ላግያዌ ባይና ማርካቢ ባይያቀዳን፡ ባረንቱ አማኑቀ ባይዜድኖ።

20 ጸሳ ቦርያቀ አጋና ማላ፡ ሄቀ ታማራናዉ ታን ሴጻናዉ አሳ እሜዳ ሄመነዮሰን እሰክንድር ኡንቱንቱ ግዶን ደኢኖ።

### 2

ዋሳ ጎልያ ዋሳ

1-2 ኑን ጸሳ ማላትያቀን፡ ጌሻተላ ኡባን፡ ሳርተላንን አሸከተላን ደኢና ማላ፡ አሳ ኡባዉ፡ ካተቶን ሱንሳተሳይ ደኢያ ኡባቶ፡ ጸሳ ኦቻናዉ፡ ዋሳናዉ፡ ገናታናዉን ጋላታናዉ በሰያቀ ኡባባጥ ካሰታይ ታን ኔና ኤርሳይ።

3-4 አሳይ ኡባይ አታናዳንን ቱማተላ ኤራናዳን ኮይያ ኑና አሸያ ጸሳ ሰንላን ሀዌ ሎእያባን ናሸቻያቀ።

5 እያዉ ጎጥ፡ እት ጸሳይ ደኤ፤ ጸሳጥን አሳጥ ግዲቀን ግዲደ ጋናትያ እቱ ደኤ። ሄዌካ ክርሰቶሰ የሱሳ ግያ አሳ።

6 እ አሳ ኡባ ዋዛናዉ ባረና ኡባዉ እሜዳ። ጸሳይ ባረ ዋድያን አሳ ኡባ ዋዛናዉ ኮይያቀ በሰያ ማርካይ ሀቀ።

7 ታን ጸሳ ቃላ ኦድያቀ፡ የሱሰ ከቲዳቀን ቃይ አማኑቀንን ቱማተላን እይሁዳ ግደና አሳ ታማርሰያቀ ግዳደ ሱን<sup>□</sup>ቲዳቀ ሀቀሳ። ታን ዋርዶትከ፤ ቱሙቀ ሃሳያይ።

8 ሄቀ ድራዉ፡ ኡባ ሳን ደኢያ አቱማ አሳይ ሀንቁን ፓሉሚ ባይናን፡ ባረ ጌሻ ኩሸያ ፑደ ደንሌደ፡ ጸሳ ዋሳናዳን፡ ታን ኮያይ።

9-10 ሄቀዳን ቃይ ማጫቀንቱካ በሰያ ማዩቀ ያሻተላንን ባረንታ ሞድያቀን ማይና። ጸሳዉ ያያይ ግያ ማጫ አሳ በሰያቀዳን፡ ሎኦባ ኦልያቀናጥ አትን፡ ሁጲያ ሹሩባ ዳድያቀን፡ ዋርቃን ዋይ እንቁቀን፡ ዋይ ዳር አልኦ አፍላን ባረና አሌቁሰጥኖ።

11 ማጫዉና ኡባባን ሞደታይ፡ ጮኤ ጋይ ታማሩ።

12 ታን ማጫዉና ጮኤ ጋይ ደኤ ጋይጥ አትን፡ አቱማ አሳ ታማርሱን ዋይ ኡንቱንቱ ቦላ አዋቱ ጊከ።

13 እያዉ ጎጥ፡ አዳም ኮይር መ<sup>□</sup>ቲዳ፤ ሄቀና ጉየጥ መ<sup>□</sup>ታዲ።

14 ሄቀና ጭመታይ ጸሳ ሀግያ መንላዲጥ አትን፡ አዳም ጭመትቤና።

15 ሸን ማጫዉና አማኑቀን፡ ሲቁቀን፡ ጌሻተላንን ባረና ሞዳደ ደኦጥ፡ ናና የልያቀን አታና። \*

### 3

ዋሳ ጎልያ ካለልያቀንታ

1 ኦንን ዋሳ ጎልያ ካለልያቀ ግዳናዉ ኮዮጥ፡ ሎኦባ አሞቴዳ ግያ ሃሳያይ ቱማ።

2 ዋሳ ጎልያ ካለልያ ኡራይ ቦርሰናቀ፡ እት ማቻት ጸላላይ ደኢያቀ፡ ባረና ሞድያቀ፡ ባረና ናግያቀ፡ ባረዉ በሰያቀ ኦልያቀ፡ አማላ ሞክያቀ፡ ታማርሳናዉ ዳንዳይያቀ፡

3 ማሐተናቀ፡ አሸከተላጥ አትን ዋላቀተናቀ፡ ፓሉመተናቀ፡ ሻሉቀ ሲቀናቀ፡

4 ናናይ እዉ አዛዘትያቀን ቦንቻያቀ፡ ቃይ ባረ ጎልያ አይሳናዉ ዳንዳይያቀ ግዳናዉ በሴ።

5 እያዉ ጎጥ፡ እት ኡራይ ባረ ጎልያ አይሳናዉ ዳንዳይናቀ ግድጥ፡ ጸሳ አማንያቀንታ ዋት አይሳናዉ ዳንዳይ።

6 ኡቶሩቀን ሱገቲድ፡ ጸላህያ ካቸ ጸሳ ፕርዳን ኩንዴዳቀዳን ኩንደና

2:13 ደመላ 2:7፣ 21-22    2:14 ደመላ 3:1-6    \* 2:15 ናና የልያቀን አታና- ናና የልያቀን ናገታ ደኢና ጉሳ።    3:2 ቲቶ 1:6-9

ማላ፡ ኦራላ አማኔዳ አሳ ግዳናው በሰና።

7 ጸላህያ ካፑዋ ቦርያን ጸርያን ገለና ማላ፡ ሄ ኦራይ ዋሳ ጎልያፕ ካረና ደእያ አሳን ናሽትያዋ ግዳናው በሴ።

ዋሳ ጎሊን ማድያዋንቱባ

8 ሄዋዳን ቃይ ዋሳ ጎልያ ማድያዋንቱ አሳይ ቦንቶያዋንታ፡ ላኡ ደና ሃሳየናዋንታ፡ ዳር ዋይንያ ኤሳ ኡሸናዋንታ፡ ሚሻው ያረተናዋንታ፡

9 አማኑዋ ጹራ ጌሻ ዋዛና ቆፋን ናግያዋንታ ግዳናው በሴ።

10 ሄዋንቱ ካስቲደ ፓጩታናው ኮሺ። ፓጩያ አቋዋፕ ጉይያን፡ ዋሳ ጎሊን ኦልያዋንታ ግዲደ ኦልና።

11 ሄዋዳንካ ቃይ አንቱንቱ ማቻቱ አሳይ ቦንቶያዋንታ፡ ዘግረናዋንታ፡ ባረና ሞድያዋንታ፡ ኡባባን አማነትያዋንታ ግዳናው በሴ።

12 ዋሳ ጎልያ ማድያዋ እት ማቻት ጸላላይ ደእያዋን ቃይ ባረ ናናን ባረ ጎልያ ሎይላ አይሰያዋ ግዳናው በሴ።

13 አያው ጎፕ፡ ዋሳ ጎልያ ማድያዋንታ ግዲደ፡ ሎኦ ኦሱዋ ኦልያዋንቱ ባረንቱ ሁጳው ዋልቃማ ቦንቹዋ ደሚና፤ ቃይ ክርስቶሳ የሱሳን ባረንቶ ደእያ አማኑዋ ሎይላ ጸሊደ ሃሳናው ዳንዳዪና።

ዋልቃማ ጹራ

14 ታን ኔኮ ኤለካ ባና ጋደ ሀዋ ነው ጸፋይ።

15 ሽን ታን ቤናን ጋምኦፕ፡ ጸሳ ጎሊን ኔን ዋታ ደእናው በሰንቶ ኤራና ማላ ጸፋይ። ሄ ጎሊ ቱማተላው ቱሳን ባሶ ግድያ ደኡዋ ጸሳ ዋሳ ጎልያ።

16 ኑ አማኑዋ ጹራይ ዋልቃማ ግድያዋ ኦን ሰፋናው ዳንዳየና።

ክርስቶስ አሹዋን ቆንጩዳ፤ አ ጽሉዋ ግድያዋ ጌሻ አያናይ ማርካቱዳ።

ኪታንቻቱካ አ በኤድና፤ አይሁዳ ግደና አሳይ አባ ኦድና ሰሴዳ።

ሳኣን ደእያ አሳይ አ አማኔዳ፤ ቦንቹዋን አ ሳሉዋ ቤዳ።

4

ዋርዶ አስታማራቱዋ

1 እት እት አሳይ ወርሰላ ዋድያን አማኑዋ አጋናዋ ጌሻ አያናይ ቆንጩያን ኦዴዳ። አንቱንቱ ዋርዶ አያናቶ

አዛዘታና፤ ቃይ ጸላሀቱዋ ትምርትያ ካላና።

2 ሀዋ ማላ ትምርቲ፡ ትላ ዋዛና ታማን ቦንቄዳ ብራታን ጉዴዳዋዳን ደንጭሌዳ ዋርዶ አሳቱዋ ባጋና ዬዳ።

3 ሀዋንቱ ማላ አሳቱ አክያዋን ገልያዋ ቃይ እት እት ቆሞ ካላ ሞያዋ ድገና። ሽን አማንያዋንቱን ቱማተላ ኤርያዋንቱ ጸሳ ጋላቲዳዋፕ ጉይያን ማና ማላ፡ ጸሳይ ካላ መጴዳ።

4 አያው ጎፕ፡ ጸሳይ መጴዳባይ ኡባባይካ ሎኦ። ጸሳ ጋላቲደ አኮፕ፡ ኦሊትያዌ አያይን ባዋ።

5 አያው ጎፕ፡ ሄ ኡባባይ ጸሳ ቃላንን ዋሳን እንጀቱዳዋ።

ክርስቶሳው ሎኦ ኦሳንቻ ግድያዋ

6 ሄዋ ድራው፡ ኔን እሻቱዋ ሄዋ ሀሳይሰያዋ ግድፕ፡ አማኑዋን ኔን ካሌዳ ሎኦ ትምርትያ ቃላን ኤቆፕ ኔን ክርስቶስ የሱሳው ሎኦ ኦሳንቻ ግዳናሳ።

7 ሽን አማንያ አሳው ሎኤና ሃሳያፕን ቃይ ጭማ ማጫ አሳ ቶሳፕ ባቃታ። ቃይ ጸሳ ማላትያዋን ኔና ሎሀሳ።

8 አያው ጎፕ፡ አሳይ ባረ ቦላ ሞንሰያዋ ላፋ ጎኤ። ሽን ጸሳ ማላትያዋን ሎሀሰያዋ ሀእካ ሽንላፕካ ደኡዋ አማና ግያ ድራው፡ ኡባባውካ ጎኤ።

9 ሀ ሃሳይ አሳይ ኡባይ አካናው በሰያ ቱሙ ሃሳያ።

10 ኑን ሄዋ ደማናው ዳቡሬቶን ሎይላ ኦልቶ፤ ሄዋ ኑን ሀደታ ዋልዳዌ አሳ ኡባ፡ ኡባፕ አሊደ፡ አማንያዋንታ አሽያ ደኡዋ ጸሳ።

11 ሀዋ አዛዛን ታማርሳ።

12 ኔን ያላጋ ግድያ ድራው፡ ኔና ኦን ካቆፕ። ሽን አማንያዋንቶ ነ ሃሳያን፡ ሀናተላን፡ ሲቁዋን፡ አማኑዋንን ጌሻተላን ሊምሱዋ ግዳ።

13 ታን ያና ጋካናው አሳው ጸሳ ማጻፋ ናባብያዋን፡ ጸሳ ቃላ ኦድያዋንን ታማርሰያዋን ሞና።

14 ትምቢትያ ኦድያዋንቱ ሃሳይናን ጭማቱ ባረንቱ ኩሽያ ነ ቦላ ዋሰና፡ ኔን አኬዳ፡ ኔናን ደእያ ጌሻ አያና እሙዋ ቶቾፕ።

15 ነ ድቻይ አሳ ኡባው ቆንጫና ማላ፡ ሄዋ ሞንሳ ቆፓ። ሀዋ ኡባ ዋደ ኦላ።

16 ነ ሁጲያን ነ ትምርትያ ናጋ። ኔን ሄዋ ኦላፕ፡ ኔናን ኔን ግያዋ ሰሰያዋንታ አሽያ ድራው፡ አገናን ኦላ።

5

አምኤቱዋ ዘራዳ ዘርያ

1 ጭማ አሳ ነ አባ ቦንቶያዋዳን ቦንቻፕ አትን፣ ቶቸፕ። ያላጋቱዋ ነ አሻዳን።

2 ቃይ ጭማ ማጫ አሳ ነ አቲዳን፣ ያላጋ ማጫ አሳ ነ ሞቻቲዳን፣ ኩመንሳ ጌሻተላን ቦንቻ።

3 ባረ ጸላላ ግዴዳ ቱሙ አምኤቱዋ ቦንቻ።

4 ሸን አምኤትዉ ናናይ ዋይ ናና ናናይ ደአፕ፣ ሄ ናናይ ጸሳ ማላትያዋ ባረንቱ ሶይ አሳ በሰያዋንን ቃይ ሄዋ ኦልያዋን ባረንታ የሌዳዋንቱ ኩሽያ ዘርያዋ ታማርኖ። አያዉ ጎፕ፣ ሄዌ ጸሳ ናሸቶያዋ።

5 አያ ማዲካ ባይና ባረ ደአያ ቱሙ አምኤታ ጸሳይ አማና ጋይ ናሸቻን ናጋ ኤታዲ። ቃይ ጋላሰነ ቃማ ጸሳይ አዘ ማዳና ማላ፣ ዋሳዉን ኦቻዉ።

6 ሸን ባረና አሻልሰያ አምኤታ ፓጸ ደአፕካ፣ አዛ ሀይቃድጋዲ።

7 ቃይ ኦንነ ኤንቱንታ ቦረና ማላ፣ ሀ አዛዙዋ እማ።

8 ሸን ባረንቱዋ ቃይ ኡባፕ አሊደ፣ ባረ ሶይ አሳዉ ቆፕና ኡራይ ኦናን ግደፕ፣ ሄዌ ባረ አማኑዋ ካዴዳዋ። አማነና አሳፕካ አዲደ አዉ ኢታ።

9 ኡሱቱን ታሙ ላይላይ ኩምቤና አምኤት ሱንላ ማዘጎሰያን ጸደፕ። ሄዋ ቦላን ቃይ አዛ እት አሰናፕ ሀራ ገላቤናዉኖ ግዳናዉ ኮሼ።

10 ናና ድቶያዋን፣ አማላ ሞክያዋን፣ ጌሻቱዋ ገድያ ሜጭያዋን፣ ዋየቱዳ አሳ ማድያዋን፣ ሎኦ ኦሱዋ ኡባ ካልያዋን፣ ሀ ሎኦ ኪታ ኪተትያዋን ኤረቱዳዉኖ ግዳናዉ በሴ።

11 ሸን ያላጋ አምኤቱዋ የኮንቱ ሱንላና ጋላ ጸደፕ። አያዉ ጎፕ፣ ኤንቱንቱ ባረንታ፣ አሰና ገላ ገላ ግያ ዋይ፣ ክርሰቶሳ አጋናዋንታ።

12 ኮይሮ አማኑዋ ካዴዳ ድራዉ፣ ኤንቱንቱ ፕርደታና።

13 ሄዌ ባይናን ኦሱዋ ጻዪደ እት ጎልያፕ ሀራ ጎልያ ዩዪደ፣ ሀመትያዋ ሳላላ ግደናን፣ ባረንቶ በሰናባ ሃሳዪደ፣ ዘግርሳነ የዉዋን ጮ ገልያዋ ታማሪኖ።

14 ሄዋ ድራዉ፣ ኑ ሞርከቱ ኑ ቦላ ሃሳይያ ኢታባ ደመና ማላ፣ ያላጋ

አምኤቱ አሰና ገሊደ፣ ናኦ የሊደ፣ ባረንቱ ጎልያ አይሳና ማላ ዘራይ።

15 አያዉ ጎፕ፣ ሀዋፕ ካሰ አማራዳ አምኤቱ ሴጻና ካላናዉ አገደ ጉየ ሰሜድኖ።

16 አማንያ ሞሽራትዉ ሀቃንካ ዳቦ አምኤቱ ደአፕ፣ አዛ ኤንቱንታ ማዳናዉ በሴ። አማንያ አሳቱ ማዲ በሰያ ቱሙ አምኤቱዋ ማዳና ማላ፣ ኤንቱንቱ አማንያዋንቶ ቶኮ ግደፕኖ።

17 ሎይላ ሄምያ ጭማቱ፣ ቃይ ኡባፕ አሊደ፣ ቃላ ኦድያዋንን ታማርሰያዋን ዳቡርያዋንቱ፣ ዳኮ ቦንቻዋ አካናዉ በሲኖ።

18 አያዉ ጎፕ፣ ጸሳ ማጻፋይ፣ “ኡዲማን ካላ የድያ ቦራ ደና ቃቸፕ” ቃይ፣ “ኡሳንቻይ ባረ ድርጉዋ አካናዉ በሴ” ያጌ።

19 ላኦ ሃይ ሄዘ ማርካይ ባይናን፣ ዋሳ ጎልያ ጭማ ሞትያዋ ሰሶፕ።

20 ሀራቱ ያያና ማላ፣ ናጋራ ኦልያ ኡባቱዋ አሳ ኡባ ሰንላን ሴራ።

21 ኔን አይነ አሳ ዴሙዋ ጸለናን፣ እቱዋ እቱዋፕ ዲማየናን ሀ አዛዙዋ ናጋና ማላ፣ ጸሳንነ የሱሰ ክርሰቶሳን ደረቱዳ ኪታንቻቱዋ ሰንላን ኔና ታን ዘራይ።

22 ኦ ቦላንነ ኤሌላደ ነ ኩሽያ ዋሶፕ። ሀራቱዋ ናጋራን ገሎፕ። ኔና ጌሻተላን ናጋ።

23 ኔን ኡባ ዋይ ሳከትያ ድራዉን ነ ኡሉዋ ድራዉ፣ ጉላ ዋይንያ ኤሳ ኡሻፕ አትን፣ ሃላ ጸላላ ኡሾፕ።

24 እት እት አሳቱዋ ናጋራይ በአናዉ ቆንጨ፤ ኤንቱንቱ ናጋራይ ኤንቱንታ ፕርዳናዉ ኤንቱንቱፕ ሰንላዉ አዴ። ሸን ሀራቱ ናጋራይ ጉየፕ ቆንጨ።

25 ሄዋዳንካ፣ ሎኦ ኦሱካ ቆንጨ። ቆንጨቤናባ ግደፕ፣ ጌማናዉ ዳንዳየና።

6

አይለቶ አመቲዳ ዘርያ

1 ጸሳ ሱንላይነ ኑ ትምርቲ ቦረተና ማላ፣ አይለተላ ሞርገ ሞላ ግደን ደአያዋንቱ ባረና ሞድያ ጎዳቶ ቦንቻ በሰያዋ ኤርኖ።

2 አማንያ አሳ አይልያ ግዴዳዋንቶ ኤንቱንቱ ጎዳቱ ኤንቱንቶ አሻ ግድያ ድራዉ፣ ኤንቱንታ ካዴፕኖ። ሸን ባረንቱ ኪታን ጎኤትያዋንቱ ኤንቱንቱ

ሲቅያ አማንያዋንታ ግድያ ድራጫ፡  
ኤንቱንቱ ካሰዋጥ አሊደ አላናዉ በሴ።

ዋርዶ ትምርትያን ቱሙ ዲረተላ  
ኔን ሀ የዋቱዋ ታማርሳናዉን  
ኦዳናዉ በሴ።

3-4 ኦንን ዲማ ትምርትያ  
ታማርሰያዋ ግደ፣ ቃይ ኑ ጎዳ  
የሱሰ ክርሰቶሳ ቱሙ ቃላናን ኑ  
አማኑዋ ትምርትያና ጋከተና ኡራይ  
ዳሮ ኦቶረቲ፤ እይነ ኤረና። ቃይ  
ቃላ ቦላን ፓሉመታናዉን ዋላቃታናዉ  
ኤንቱንቶ ጊገና ቆፋይ ደኤ። ሄዌ  
ቃናትያ፡ ፓሉማ፡ ቦርያ፡ ኢታ ሰድያ  
ካሊሌ።

5 ቃይ ኤንቱንቱ ሁጺ ኦ□ና።  
ቱማተላይ ባይና አሳቱዋናካ ፓሉማ  
ካሊሌ። ኤንቱንቱ ጸሳ ማላትያዋን  
ዲረታና ጊደ ቆፒና። ኔን ሄ አሳቱዋጥ  
ሻከታ።

6 ሸን ታዉ ደእያባይ ታዉ ግዳና  
ግያ ኡራ ጸሳ ማላትያዌ ዲረቱ።

7 እያዉ ጎ፣ ኑን ሀ አላምያ እይነ  
አሀበይኮ፤ ቃይ አፕ እይነ አፎኮ።

8 ሸን ምያባይነ ማይያባይ ደኦ፣  
ሄዌ ኑዉ ግዳናዋ።

9 ሸን ዲረታናዉ ኮይያዋንቱ  
ፓጫያንነ ጸርያን ገሊና፤ ቃይ ዳሮ አሳ  
ባሻዉን ጳዮ ጎቶ አፍያ ዳሮ ኤያን ቆሀያ  
አሙዋን ኩንዲና።

10 እያዉ ጎ፣ ሻሉዋ ሲቅያዌ  
ኢታተላ ኡባዉ ፑልቱዋ። እቱ እቱ  
ሄዋ አሞቲደ፡ አማኑዋጥ ባለቲደ፡ ዳሮ  
መቱዋን ባረንታ ቆሄድና።

ጳዉሎስ ጽሞቶሳ ዞሬዳ ዞርያን  
አዛዜዳ አዛዙዋ

11 ሸን ኔና፡ ጸሳ አሳዉ፡ ሄዋጥ  
ባቃታ። ጽሎተላ፡ ጸሳ ማላትያዋ፡  
አማኑዋ፡ ሲቁዋ፡ ዳንዲያን አሸከተላ  
ካላ።

12 አማኑዋ ባጽያ ሎይላ ባጸታ።  
ዳሮ አሳ ሰንላን ሎኑ ማርካ  
ማርካታደ፡ ኔና ጸሳይ ጸሴዳ መድና  
ደኡዋ ኦይቃ።

13 ኡባባዉ ደኡዋ እምያ ጸሳ  
ሰንላን፤ ቃይ ጳንጼናውያ ጽላጸሳ  
ጌተትያ ጋድያ ሞድያዋ ሰንላን ሎኑ  
ማርካ ማርካቲዳ ክርሰቶስ የሱሳ  
ሰንላን ታን ኔና ሀዋ አዛዛይ።

14 ኑ ጎዳ የሱሰ ክርሰቶስ ቆንጫና  
ጋካናዉ፡ ቅታይ ባይናንነ ቦሪ ባይናን  
ሄ አዛዙዋ ናጋ።

15 አ ቆንጨላ፡ እት ሱንላይ  
ደእያ እንጅቲዳ ጸሳይ፡ ካታቱዋ ካቲ፡  
ጎዳቱዋ ጎዳይ፡ ባረ በሰያ ዎድያን  
በሳና።

16 ሀይቀናዌ እት አ ጸላላ። ኦንነ  
አኮ ሺቃናዉ ዳንዳየና ፖኡዋን ደኤ።  
ኦንነ አ በእቤና፤ ቃይ በአናዉካ  
ዳንዳየና። ቦንቹነ መድና ዎልቃይ አዉ  
ግደ። አመንእ።

17 ሀአ ሀ ዎድያን ዲረ ግድያዋንቱ  
ኦቶረተናዳንነ ቃይ ኑን ናሸታናዳን፡  
ኡባሪ ፓላሀሲደ ኑዉ እምያ ደኡዋ  
ጸሳን አማንታናዋጥ አትን፡ እድያ  
ዲረተላን ኤንቱንቱ አማንተናዳን፡  
ኤንቱንታ አዛዛ።

18 ኤንቱንቱ ሎኦባ አላናዳን፡  
ሎኦ ኪታን ዲረታናዳን፡ ኬክያዋንታን  
ሀራቱዋና ሻክ አክያዋንታ ግዳናዳን  
አዛዛ።

19 ሄዋ ያትያዋን ኤንቱንቱ ሰንላዉ  
ባረንቶ ምኖ ባሶ ግድያ ሻሉዋ ባረንቶ  
ሺሸና። ሄዋጥ ጉይያን፡ ኤንቱንቱ ቱሙ  
ደኡዋ አካና።

20 ጽሞቶሳ፡ እት እት አሳይ ባላን  
ኤራተላ ግያ ኤያ ፓሉምያ፣ መላ  
ሃሳያ፣ ባቃታደ፡ ነዉ አመቲዳ ሀዳራ  
ናጋ።

21 እያዉ ጎ፣ እቱ እቱ ኑዉ  
ኤራተላይ ደኤ ያጊደ፡ አማኑዋ  
ባሌድና።

ጸሳ አጼ ኬካተላይ ሀንተናና ኡባና  
ግደ።

# ጳውሎስ ጽሞቶሳው ጳፌዳ ላኤንሶ ኪታ ገሉዋ

ሀዌ ጳውሎስ ጽሞቶሳው ጳፌዳ ላኤንሶ ኪታይ፡ ጳውሎስ ማታ ባረና ማድያነ ኦሱዋ ባረናና እትጥ ኦሎያ ዋዳላ፡ ጽሞቶሳ ዘራዳ ዘርያ ኦይቄዳዋ፡ እ ዘርያጥ ዳርያ ባጋይ ዳንዳያን ገንጫና በሴ ግያዋ፡፡ ጽሞቶሳው ዘርያነ መን። ሉዋ ቃላይ እመቴዳዌ፡ የሱስ ክርስቶሳባ አማነትያዋ ግዲደ ማርካታናዳን፡ ምሽራቹዋ ቃላነ ኤጫ ቃላ ጫቁዋ ትምርትያ ምንሲደ ኦይቃናዳንነ መትያባይነ ኤቀትያባይ ዳርጥካ ታማርሰያዋን፤ ምሽራቹዋ ቃላ ኦድያዋን ምናናሳ፡፡

ጽሞቶስ ኤያተላን ኦስትያ ፓ። ስወላ ፓሉማጥ ሃካና ማላ፡ ዲማ ምና ኦዲ እዉ ኦድቴዳ፡፡ እያዉ ጎጥ፡ ሄዋ ማላ ኦዲ ሰሰያዋንታ ባይዘያዋጥ አትን፡ ሀራ እ እምያ ጎእ ባዋ፡፡

ሄዋን ኡባን ጽሞቶስ ሀሳያናዉ በሰያባይ ጳውሎሳ ደኡዋን እ ሀናታ ሎኦ ቆፋ፡ ሄዋጥካ እ አማኑዋ፡ እ ገንጨዋ፡ እ ሲቁዋ እ ዳንዳያን የደሳን እ ጋኬዳ መቱዋ ሌምሱዋን ካላናዳና፡፡

## ሸምፓቱዋ ኡባቶ እመቴዳ ቃንላ ቆፋቱዋ

ገሉዋ 1:1-2

ጽሞቶሳው እመቴዳ ማቁዋ 1:3—

2:13

አሳይ ካድያ ዋደ አማነት ቤቱሳ

2:14—4:5

ሄ ዋደ ደእያባቱዋን ኮሽያ ካለሉያ

ኦጋቱዋ 4:6-18

ወርሰላ ቁትያ 4:19-22

1 ታን ጳውሎስ፡ ጳሳይ እማና ጌዳ ክርስቶስ የሱሳና ኑዉ ደእያ ደኡዋባ ኦዳናዉ፡ ጳሳይ ጌዳዋዳን፡ ክርስቶስ የሱስ ኪቱዳዌ፡

2 ታ ሲቆ ናእ ጽሞቶሳው ሀ ዳብዲቢያ ጳፋይ፡፡

ጽሞቶሳው እመቴዳ ዘርያ

ጳሳ አዉዋጥነ ኑ ጎዳ ክርስቶስ የሱሳጥ፡ እጾ ከካተላይ፡ ማርተላይነ ሳሮተላይ ነዉ ግድ፡፡

3 ታ ዛራቱ ኦሴዳዋዳን፡ ታንካ ታና ዘርያ ጌሻ ዋዛናጥ ኦሎያ ጳሳ ቃማነ ጋላስ ዋሰያ ዋሳን ኡባ ዋደ ኔና ሀሳይያ ድራዉ፡ እ ጋላታይ፡፡

4 ታን ነ አረፋ ሀሳያ ሀሳያደ ናሽታና ማላ፡ ኔና በእናዉ ዳር ላሞታይ፡፡

5 ኔናን ደእያ ዋርድ ባይና አማኑዋ ሀሳያይ፡፡ ሄ አማኑ በን ነ ዳይ ዳይ ሎይድን፤ ነ ዳይ ኤዉኒቅን ደእያ አማኑዋ ማላ፤ ቃይ ኔናንካ ሄዌ ደእያዋ ኤራድ፡፡

6 ሄዋ ድራዉ፡ ታን ታ ኩሽያ ላኡዋ ነ ቦላ ዋሴዳ ዋደ፡ \* ጳሳይ ነዉ እሜዳ እሙዋ ኔን ደሽሰና ማላ፡ ኔና ሀሳይሳይ፡፡

7 እያዉ ጎጥ፡ ጳሳይ ኑዉ ዋልቃ፡ ሲቁዋን ኑ ሁጺያ ናግያዋ እምያ ጌሻ እያና እሜዳጥ አትን፡ ያሻ እያና እምቤና፡፡

8 ሰም፡ ኑ ጎዳዉ ማርካትያዋን ዋይ እ ድራዉ ቃሹዋን ደእያ ታዋንካ ዬላቶፓ፡ ሽን ጳሳይ ነዉ እምያ ዋልቃ ኬናን ታናና ምሽራቹዋ ቃላዉ ዋየታ፡፡

9 ጳሳይ ባረ ቆፋንነ ባረ እጾ ከካተላን ኑና አሽደ፡ ባረ አሳ ኦላናዉ ጴሶዋጥ አትን፡ ኑን ኦሴዳ ኦሱዋ ድራዉ ግደና፡፡ እ ሀ እጾ ከካተላ ክርስቶስ የሱሳ ባጋና ዋዲ ደመታናጥ ካሰ ኑዉ እሜዳ፡፡

10 ሽን ሀእ ሀ እጾ ከካተላይ ኑና አሽያ ክርስቶስ የሱሳ ዩሳን ኑዉ ቆንጨዳ፡፡ ቃይ ሀይቁዋ ዋልቃካ እ ጳይሴዳ፡፡ ዋንጋላ ምሽራቹዋ ባጋና ባየና ደኡዋ ኑዉ ቆንጭሴዳ፡፡

11 ታን የሱስ ኪቱዳዋን አይሁዳ ግደና አሳ ታማርሰያዋ ግዳደ፡ ዋንጋላ ምሽራቹዋ ኦዳና ማላ፡ ጳሳይ ታና ደራዳ፡፡

12 ቃይ ታን ሀ መቱዋ አክያዌ ሄዋ ድራሳ፡፡ ሽን ታን አማኔዳዋ ኤርያ ድራዉ፡ ዬላትክ፡፡ ቃይ እ ታዉ እሜዳ ሀዳራ ሄ ጋላሳይ ጋካናዉ፡ እ ናጋናዉ ዳንዳይያዋ ኤራይ፡፡

13 ታን ኔና ታማርሴዳ ቱሙ ቃላ ሌምሱዋ ኡዳ ኦይቃይ፡ ክርስቶስ

\* 1:6 ታን ታ ኩሽያ ላኡዋ ነ ቦላ ዋሴዳ ዋደ፡ ሀዌ በሰያዌ፡ አማንያ አሳ ካለላናዳን ጌሻ እያናይ ኦሶ ደርና ቱማተላን ካለሉያዋንቱ ቃላ ኦዳናዉ ዋይ ታማርሳናዉ ጳሳይ ኦሴዳዋንቱ ቦላን ባረንቱ ኩሽያ ዋሲደ ዋሰያዋ በሴ፡፡ 1 ጽሞ፡፡ 1:4 ጴልተ፡፡

የሱሳን ኑወ ደእያ አማኑዋንን ሲቁዋን ደእ።

14 ኑ ግደን ደእያ ጌሻ እያና ባገና ነወ ሀዳራ እሜዳ ሎኦባ ናጋ።

15 ኢሰያ ግያ ቢታን ደእያ ኡባቱ ታጥ ባቃቱዳዋ ኤራሳ፤ ኡንቱንቱ ግደን ፕገሌሱን ሄርሞገኔስ ደእኖ።

16 ሄንሰፎሩ ታና ዳር ዋደ መንግሥቱ ድራወ። ጎዳይ አ ሶይ አሳወ ማርተላ እሞ። ቃይ ታን ቃሾ ጎሊን ደእያዋ እ ዩላትቤና።

17 ሸን ሮመ ግያ ካታማ ጋኬዳሳና ታና ሎይላ ኮዪደ ደሚዳ።

18 ሄ ጋላስ ጎዳጥ ማርተላ ደማናዳን። ጎዳይ አወ እሞ። ቃይ ኤፈሶና ግያ ካታማን እ ታና አይ ኬና ማዴደንቶን ኔን ሎይላ ኤራሳ።

## 2

ክርስቶሳወ ሎኦ ዋታዳራ ግዲደ መቱዋ እክያዋ

1 ሰሞ ታ ናአወ። ክርስቶስ የሱሳን ደእያ አጼ ኬካተሳን ምና።

2 ቃይ ዳር ማርካቱ ደእያ ሳን ታጥ ኔን ሰሴዳ የዋቱዋ ሀራቱዋ ታማርሳናወ ዳንዳይያ አማነቴዳ አሳቶ ሀዳራ እማ።

3 ክርስቶሳ የሱሳወ አማነቴዳ ዋታዳራዳን። ታናና ዋየታ።

4 ኦላ ብያ ዋታዳራይ ባረ ካፑዋ ናሽቻናወ። ዋታዳራ ግደና አሳይ ኦልያ ኪታን ዋላከተና።

5 ቃይ ዋሳን ኬስትያ ኡራይካ ዋጋዳን ዋጻና ቆየጥ። ዋይታ እከና።

6 ዳር ዳቡራደ ኦሌዳ ቢታ ጎሽያ ብታኒ ሸቄዳ ካላጥ ባረና ጋክያዋ ኮይሮ እካናወ በሴ።

7 ኔን ኡባባ እኬካናዳን። ጎዳይ ኔና ዳንዳይሳና ድራወ። ታን ግያዋ ቆጋ።

8 ታን ዋንጋላ ምሽራቹዋ ኦድያዋዳን። ሀይቁዋጥ ደንዴዳ ዳዊተ ዛርያ የሱሰ ክርስቶሳ ቆጋ።

9 ታን ዋንጋላ ምሽራቹዋ ኦድያ ድራወ። ኢታባ ኦሌዳዋዳን። ሀራይ እቶ ቃሽታና ጋካናወ ዋየታይ። ሸን ጸሳ ቃላይ ቃሽተና።

10 ሄዋ ድራወ። ታን ጸሳይ ደራዳ አሳቱካ ክርስቶስ የሱሳን ደእያ እቶተላ መጵና ቦንቹዋና ደማናዳን። ኡንቱንቱ ድራወ። ታን ኡባባን ዋየታይ።

11 ሀዌ።

“ኑን አናና እትጥ ሀይቁዳዋ ግደጥ። አናና እትጥ ደእና።

12 ኑን ገንጮጥ። አናና እትጥ ካተታና።

ኑን አ ካደጥ። እካ ኑና ካዳና።

13 ኑን አማነተናን አጎጥካ። እ አማነትያዋ ግዲደ ደእናዋ። አያወ ጎጥ። እ ባረና ባረ ሁጳወ ኤርከ ጋናወ ዳንዳየና” ግያዌ ቱሙ ሃሳያ።

ምና ኦሳንቻ

14 ኔን ነ አሳ ሀዋ ሀሳይሳ፤ ኡንቱንቱ ቃላን ፓሌመተና ማላ። ጸሳ ሰንላን ዘራ። ሄዌ ሰሰያ አሳ ባይዘያዋጥ አትን። አይነ ጎኤና።

15 ኔን ጸሳ ቱመተላ ቃላ ሱረተላን ኦድያዋን ቃይ አ ኦሶ ዩላተና ኦሳንቻ ግዳደ። ጸሳይ ሳቢያ አሳዳን። ነ ሁጲያ ጸሳወ አማናወ ምና።

16 ሸን ሀ ሳአወ እንጀትያ ማደና ሃሳያጥ ኔና ናጋ። አያወ ጎጥ። ሄዌ ጸሳጥ አሳ ሃሴ።

17 ቃይ ኡንቱንቱ ታማርሰያዌ ቦላ ጭቱዋዳን ኡባሳ ጋካናሳ። ሄ ታማርሰያዋንቱጥ ላአቱ ሄመነዮሳነ ፕሊዳሳ።

18 ኡንቱንቱ ቱሙዋ ኦግያ አገደ። “ሀይቁዋጥ ደንድያዌ ካስ እጅድጌዳ” ያገደ አማራዳ አማንያ አሳቱዋ አማኑዋ ባይዘና።

19 ግደጥካ። ጸሳይ ኤሴዳ ምና ቱሳይ ቃጻና ዳንዳየና። ቃይ አ ቦላን። “ጎዳይ ባረዋንታ ኤሬ”፤ ቃይ “ጎዳዋ ግድያ ኦንነ ኢታ ኦሱዋ አጎ” ያግያ ቃላቱ ጸፈቴድና።

20 እት ዋልቃማ ጎሊን ዋርቃጥነ ብራጥ መግቱዳ ሚሻ ጸላላ ግደናን። ምላጥነ ኡርቃጥ መግቱዳ ሚሻቱካ ደእኖ። ሄዋንቱጥ ባጋቱ ቦንቾ ኦሱዋ ኡንቱንቱን ኦሳናወ። ቃይ ባጋቱ ቶሽትያባ ኡንቱንቱን ኦሳናወ መግቱድና።

21 ሄዋ ድራወ። ኦንነ ሀ ኢታባ ኡባጥ ባረና ጌሾጥ። እ ባረ ጎዳ ጎእያ ኦሱዋ ኦሳናወ ባረና እሜዳ ድራወ። ቦንቾ ኦሱዋ ኦልያ ሚሻ ግዳናዋ። ቃይ ሎኦ ኦሱዋ ኡባ ኦሳናወ ጊገቱዳዋ ግዳናዋ።

22 ሸን ኔን ኢታ ዋዳላተላ አሙዋጥ ባቃታ። ባረንታ ማዳናወ ጌሻ ዋዛናጥ ጎዳ ጴሰሰያዋንቱና እትጥ። ጽሎተላ።

አማኑቀ፡ ሲቆተላነ ሳርተላ ምንሳደ ካላ።

23 ሸን ኤያቱዋ ፓሉሚነ እይነ ኤረናዋንቱ ፓሉሚ ዋላሳ ካለሌያዋ ኤራደ አፕ ባቃታ።

24 ጎዳ ቆማይ ኡባዉ ከክያዋ፡ ሎይላ ታማርሰያዋን ዳንዳያንቻ ግዳናዉ በሴፕ አትን፡ ዋላቃታናዉ በሰና።

25 ቃይ እ ባረና እጽያዋንታ አሸከተላን ሴርያዋ ግዳናዉ በሴ። ኤንቱንቱ ባረንቱ ናጋራፕ ሰሚደ፡ ቱማተላ ኤራናዳን ጸሳይ ኦላንንቶ፡ ኦን ኤር።

26 ቃይ ኤንቱንቱ ባረንቱ ዋዛና ቆፋዉ ሰሚደ፡ ኤንቱንታ ባረ ኮዬዳባዉ አዛዘታና ማላ ኦይቄዳ ጸላህያ ካቸዋ ዳባፕ ከሰ አካና።

### 3

ወርሰላ ጋላሳቱዋን ሀናናዉ ደእያ ኢታ የዋቱዋ

1 ሸን ወርሰላ ጋላሰ ዋይሰያ ዋዲ ያናዋ አኬካ።

2 እያዉ ጎፕ፡ አሳይ ባረና ሲቅያዋንታ፡ ሻሉዋ ሲቅያዋንታ፡ ጨቀትያዋንታ፡ አይያዋንታ፡ ቦርያዋንታ፡ ባረና የሌዳዋንቶ አዛዘተናዋንታ፡ ጋላተናዋንታ፡ ጌሻተላይ ባይናዋንታ፡

3 ሲቁ ባይናዋንታ፡ ሰገተናዋንታ፡ ዘግርሳንቻቱዋ፡ ባረና ናገናዋንታ፡ ከከናዋንታ፡ ሎኦባ ደሰናዋንታ፡

4 ኡባ ኤርከ ግያዋንታ፡ ድርቢያዋንታ፡ ኦቶሩዋን ሱገትያዋንታ፡ ቃይ ጸሳፕ አሊደ፡ አሻሉዋ ደሰያዋንታ ግዳና።

5 ኤንቱንቱ ጸሳዉ ጎይንያዋ ማላቲኖ፤ ሸን አ ዋልቃ ካዴድኖ። ሄዋንቱ ማላ አሳቱዋኮ ሸቆፓ።

6-7 እያዉ ጎፕ፡ ኤንቱንቱፕ እቱ እቱ አሳ ጎልያ ገሊደ፡ ናጋራይ ዴጴዳዋንታ፡ ዲማ ዲማ አሙዋን ሱገትያዋንታ፡ ኡባ ዋደ ታማሪደ፡ ቱማተላ ኤራ አካናዉ ሙሊ ዳንዳይቤና ዳቡራንቻ ማጫዋንታ ባለሊኖ።

8 ያኔሰነ ያምባሪሰ \* ሙሴ የዉዋ ጸልቆዋዳን፡ ሄዋዳን ቃይ ሀዋንቱ፡

ሱረ ቆፋይ ባይናዋንታ አማኑቀን ኩንዴዳዋንቱ፡ ቱማተላባ ጸልቁኖ።

9 ሸን ያኔሳ ኤያተላይነ ያምባሪሳ ኤያተላይ ቃይ ቆንጨዳዋዳን፡ ኤንቱንቱ ኤያተላይካ አሳ ኡባዉ ቆንጨና ድራዉ፡ ኤንቱንቱ ካሰዋፕ አዲደ ድጭክኖ።

### ወርሰላ ዘርያ

10 ሸን ኔን ታ ትምርትያ፡ ታ ሀናታን ታ ቆፋ፡ ታ አማኑቀን ታ ዳንዳያ፡ ታ ሲቁዋን ታ ገንጨዋ፡

11 ታ የደሳነ ታ ዋይያ በአዳ። እንጾክያነ፡ እቆንዮንነ ልሰጽራ ግያ ካታማቱዋን ታና ጋኬዳባነ ታን ዳንዳዬዳ የደሳ ኤራሳ። ጎዳይ ታና ሄ ኡባፕ አሼዳ።

12 ቱማተላን ክርሰቶሰ የሱሳን ጸሳ ማላቲደ ደእናዉ ደሰያ ኡባይ የደርሰታና።

13 ሸን ኢታ አሳቱነ ባለሌያዋንቱ ሀራቱዋ ባለሊደነ ባረንቱ ሁጸዉ ባሊደ፡ ካሰፕ አት አት ቢኖ።

14 ሸን ኔን ሄ ቱማተላ ኦፕ ታማሪደንቶን ኤራደ፡ ኔን ታማሪዳዋንነ ኤራዳዋን ምናደ ደእ።

15 ኔን ጉላ ናከተላፕ ደማደ ክርሰቶሰ የሱሳ አማናደ፡ አቶተላይ ቤትያ እዴዳ ኤራ አማናዉ ዳንዳይያ ጌሻ ማጻፋቱዋ ኤራዳ።

16-17 ጸሳ ማጻፋ ኡባን ጸሳ አያናይ ደእ። ቃይ ሄ ማጻፋቱ ጸሳዉ ኦልያ አሳይ ኩሙንላነ ሎኦ ኦሱዋ ኡባዉ ገጌዳዋ ግዳና ማላ፡ ቱማተላ ታማርሳናዉ፡ ባላ ሴራናዉ፡ ባይዙዋ ሱርሳናዉነ ጽሎተላ ደእ ዘርያ አማናዉ ማዲኖ።

### 4

1 ታን ኔና ጸሳ ሰንላንነ፡ ደእዋን ደእያ አሳነ ሀይቄዳ አሳ ፕርዳናዉ ደእያ ክርሰቶሰ የሱሳ ሰንላን፡ ቃይ አ ዩሳንነ አ ካዉተላን ኔና ዘራይ።

2 ቃላ ኦዳ። ዋዲ እንጀትና እንጀታና ጳይና፡ ምናደ ኦዳ። ዳሮ ዳንዳያን አሳ ታማርሳደ ሱርሳ፡ ሴራነ ዘራ።

3 እያዉ ጎፕ፡ አሳይ ቱሙ ትምርትያ ሰሰናን እጽያ ዋዲ ያናዋ። ሸን አሳይ ባረንቱ አሙዋ ካሊደ፡ ሰሳናዉ

\* 3:8 ያኔሰነ ያምባሪሰ፡ ሀ ሱንላቱ ኤጫ ጫቁዋ ማጻፋን ባዋ። ሸን ጮራ አሳይ ግያ ቆፋይ፡ “ሀዋንቱ ሙሴ እስራኤልያ አሳ ግብጾፕ ከሲደ ካላናዉ ቆፕዳ ዋደ፡ እናና ኤቀቱዳ ሙሩንያዋንታ” ያገያዋና። ከሳ 7:11፤ 12 ጴልተ። 3:8 ከሳ 7:11



ናሸቶያዎ ኦድያ ታማርሰያዋንታ ጉጅ ጉጅ ሺሻና።

4 ኤንቱንቱ ቱሙ የወዋ ሰሰያዎ አጊደ፣ ቶሳ ሰሳናዉ ባረንቱ ሀይላ ዎራ ዛራና።

5 ሸን ኔን ኡባባን ነ ሁጺያ ናጋናዉ በሴ። ዋይያ ዳንዲያ። ዋንጋላ ሞሽራቹዋ ኦድያዌ ኦልያ ኦሱዋ ኦላ። ጸሳ ቆማዳን፣ ነ ኦልያ ኦሱዋ ኡባ ፖላ።

6 ታና ግደፕ፣ ታ ሱላይ ጉኪደ ያርሸትያ ዎዲ፤ ቃይ ሀ ደኡዋ አጋደ ብያ ዎዲ ጋኬዳ።

7 ታን ሎኦ ባጽያ ባጸታድ፤ ዎላ ዎጻደ ወርሳድ፤ አማኑዋካ ናጋድ።

8 ሰንላፕ ታዉ ጽሎተሳ ካላቻይ ጊግ ኡቴዳ። ሄዎ ጽሎ ፕርዳ ፕርድያ ጎዳይ ሄ ጋላሰ ታዉ አማና። ቃይ ክርሰቶሰ ቆንጫናዎ ደሰያ ኡባ ሳፕ አትን፣ ታ ጸላላሳ ግደና።

አ ቡዞ አላላቱዋባ

9 ታኮ ኤለካ ያናዉ ሞና።

10 አያዉ ጎፕ፣ ዴማሰ ሀ አላምያ ደሲደ፣ ታና አጊደ፣ ተሰሎንቀ ግያ ካታማ ቤዳ። ቀርቀሰ ጋላትያ ግያ ጋድያ ቢና፣ ቃይ ቲቶ ድልማጽያ ግያ ጋድያ ቤዳ።

11 ሉቃሳ ጸላላይ ታናና ደኤ። ማርቆስ ታና ኪታን ሎይሎ ማዳናዉ ዳንዲያ ድራዉ፣ አ ደማደ ኔናና አካደ ያ።

12 ሸን ታን ትክቆሳ ኤፈሶና ግያ ካታማ ኪታድ።

13 ኔን ያደ፣ ጽሮኦዳ ግያ ካታማን ካርፖሳዋን ታን የጋደ ዬዳ ታ ጋብያነ ቃይ ማጻፋቱዋ ታዉ አካደ ያ። ሸን ዲማያደ ጋልባን ጸፈቴዳ ማጻፋቱዋ አያ ግደፕ፣ አከናን ዮፓ።

14 ብራታ ቆጽያ እሰክንድር ታና ዳር ቆሄዳ፤ ጎዳይ አዉ አ ኦሱዋዳን ዛራና።

15 አ ኑን ኦድያዎ ሎይሎ ጸልቂያ ድራዉ፣ ኔን አፕ ኔና ናጋ።

16 ኮይር ታና ሞትያ ዎደ፣ ኡባይካ አጌዳዋፕ አትን፣ ታና ኦንነ ማድቤና። ጸሳይ ሄዎ ኤንቱንቶ ፓይዶ።

17 ሸን ታን ኩሙንላ ኪታ አይሁዳ ግደና አሳይ ኡባይ ሰሳናዉ ኦዳና ማላ፣ ጎዳይ ታ ማታን ኤቂደ፣ ታዉ ዎልቃ አሜዳ። ቃይ ጋሙዋ ደናፕካ ታና አሺዳ።

18 ጎዳይ ታና ኢታባ ኡባፕ አሺደ፣ ባረ ሳሉዋ ካዉተሳ ሳርተሳን አፋና፤ አዉ መጅ መጅናዉ ቦንቹ ግደ። አመንእ።

ወርሰሳ ሳርታ

19 ጽርሰቂልዉ፣ አቂላሰነ ሄነሰፎሩ ሶይ አሳዉ ታ ሳርታ ኦዳ።

20 ኤራሰጸሰ ቆርንቶሳ ግያ ካታማን አቴዳ። ሸን ጽርፊሞሰ ሳከቴዳ ድራዉ፣ ሞሊጸ ግያ ካታማን አ ዎላድ።

21 ባልጉ ዎቆናፕ ካሰ ያናዉ ሞና። ኤዉቡሉሰ፣ ጰዴሰ፣ ሊኖሰነ ቅላዉደ ቃይ ሀራ እሻቱ ኡባይካ ኔና ሳር ሳር ጊኖ።

22 ጎዳይ ነ አያናና ግደ። አጶ ኬካተላይ ህንተናና ኡባና ግደ። አመንእ።

# ጳውሎስ ቴቶ ጳፌዳ ኪታ ገሉቀ

ቴቶ አይሁዳ ግደና አሳ ግዲደ፣ ጉየፕ ክርስትና አማኑዋን ላመቲደ ጳውሎስ ሞሽራቹዋ ቃላ ኪታ ኦልያ ዎደ፣ ማታን ደኢደ፣ ሄ ኦሱዋ ማዴዳ አሳ። ጳውሎስ ሀ ኪታ ጳፌዳዊ፣ ላይላን አፕ ጉጽያ ሀ ባረናና ኦልያ ቴቶ ግድሽን፣ ሄ ዎደ ቴቶ አማንያዋንታ ጸላናውን ናገናው፣ ቃርጺስ ግያ ሃላን ደደቱዳ ሳኢን አቲዳ። አ ኪታ ቆፋይ ሄዙ ሁጸ የዋቱዋ ቦላና።

ኮራዎ ዋሳ ጎልያ ካለልያዋንቱ ቃርጺስ አሳቱዋ ኢታ ኦሱዋ ጸልያዋን አይ ማላ ኤሻይ ደእያዋንታ ግዳናው ኮሽንቶ ቲታ አኬክሳናሳ። ላኤንሱ አማንያዋንቱ ግደን ደእያ ዲማ ዲማ ጭታ፣ ጭማ አቱማዋንታን ማጫዋንታ፣ ያላጋ አቱማ አሳቱዋን ጎዳው ኦልያ ዲማ ዲማ አሳ ዎት ታማርሳናው በሰንቶ ቲታ ዘሬዳ። ወርሰላይ ቃይ አማንያ አሳ ኤሻባ፣ ሳርተላንን ሲቁዋን ደእና ደኡዋባ፣ አማንያ አሳ ግደፕ ዋላሳ፣ ፓሉሞያን ሻኮተላ ጳይሳናባ ቴቶ ዘርያ አሜዳ።

## ሸሞፓቱዋ ኡባቶ አመቴዳ ቃንላ ቆፋቱዋ

ገሉቀ 1:1-4

አማንያ አሳቱዋ ካለልያዋንታ 1:5-

16

አማንያ አሳቱዋ ዲማ ዲማ ኦሱዋ

ጭታ 2:1-15

ማቁዋን ናገታና ማላ አመቴዳ ማራ

3:1-11

ወርሰላ ቁትያ 3:12-15

1 የሱስ ክርስቶስ ኪቲዳ ታን ጳውሎስ፣ ጸሳ ክይል፣ ሀ ደብዳቤያ ጸፋይ። ጸሳይ ደሬዳ አሳው አማኑ ደእናዳንን ጸሳ ቱማተላ ኤራኮ ኡንቲንታ ካለላናዳን ታን ደረታደ ከተታደ።

2 ዎርደተና ጸሳይ ኑዉ ሀ መድና ደኡዋ ዳር ዎድያፕ ካሰ አማና ጌዳ።

3 ጸሳይ ኑና አሽያዌ ልከ ዎድያን ባረ ቃላን ሀዋ ቆንጭሴዳ፤ እ ሀዳሪደ ታና አዛዜዳዋዳን፣ ታን አ ቃላ ኦዳይ።

4 አማኑዋ እትፕተላን ታ ቱሙ ናኢ ነው ቴቶ፣ ጸሳ አዉዋፕነ ኑና አሽያ የሱስ ክርስቶሳፕ፣ አጺ ኬካተላይ፣ ማርተላይን ሳርተላይ ግደ።

ቴቶ ቃርጺሳን ኦልያ ኦሱዋ

5 ታን ኔና ቃርጺሳን አጋደ ዬዳዌ፣ ኔን አቶዋ ገግሳናሳን፣ ታን አዛዜዳዋዳን፣ ካታማ ኡባን ዎሳ ጎልያ ጭማቱዋ ደራናሳ።

6 ጭማይ ቦረተናዋን እት ማቻት ጸላላይ ደእያዋን አማንያ ናናይ ደእያዋ ግዳናው በሴ፤ አ ናናይ ሻሉዋ ባይዘያባንን ዎይ አዛዘተናን እጽያባን አሳይ አማሳለናዋንታ ግዳናው በሴ።

7 እያው ጎፕ፣ ሄ ጭማይ ጸሳ ኦሱዋ አዛዘያ ካፑዋ ግዲደ፣ ፖክሰናዋ፣ ኦቶረተናዋን ኤላ ሀንቀተናዋ ግዳናው በሴ፤ ቃይ ማሉተናዋ፣ ሱገናዋን የራተናዋ ግዳናው በሴ።

8 ሽን አማላ ሞክያዋን ሎኦባ ደሰያዋ ግዳናው በሴ፤ ቃይ አኬካንቻ፣ ጽሉዋ፣ ጌሻን ባረና ናገያዋ ግዳናው በሴ።

9 አማንትያ ደኢ ቤትያ ትሞርትያና ገግያ ቃላ እ ሎይላ ኦይቆ፣ ያቶፕ ሀራቱዋ ቱሙ አማኑዋ ታማርሰያዋን መንገዳናውን ቃይ ሄዋ እጽያዋንታካ ዘራናው ዳንዳያናዋ።

10 እያው ጎፕ፣ አዛዘተናዋንቱ፣ ማደናዋ ሃሳይያዋንቱ፣ ሀራቱዋ ጭምያዋንቱን ቃጸረቲዳ አይሁዳ አማንያዋንቱ ባጋ ግዴዳ ዳር አሳቱ ደኢና።

11 ኡንቲንቱ ታማርሳናው በሰና ፖክያ ኦግያን ሚሻ ደማናው ታማርሰያዋን ጎልያ ኡባ ባይዘያ ድራው፣ ኡንቲንቱ ሃሳያ ተአና በሴ።

12 ኡንቲንቱ ግደፕ አቱ፣ ትሞቢትያ ኦድያዌ ኡንቲንቶ፣ “ቃርጺስ አሳይ ኡባ ዎደ፣ ዎርዳቱዋ፣ ኢታ ዲአቱዋን የራንቻ፤ ቃይ አዛላ አሳ” ያጌዳ።

13-14 እ ማርካቶዌ ቱማ፤ ሄዋ ድራው፣ ኔን ኡንቲንቶ ሞና አማኑ ደእናዳንን ቃይ አይሁዳቱዋ ቶሳን ቱሙዋ እጾዳ አሳቱዋ አዛዘዋ ኡንቲንቱ ሰሰናዳን፣ ኡንቲንታ ሞንሳደ ሴራናው በሴ።

15 ባረንቱ ሁጸው ጌሻ ግዴዳዋንቶ ኡባባይካ ጌሻ፤ ሽን ቱናቶን አማንናዋንቶ ኡንቲንቱ ዎዛና ቆፋይን ኡንቲንታ ሱሪ ዎዛናይ ቱኔዳ ድራው፣ ኡንቲንቶ እያይን ጌሻ ግደና።

16 ኢንቴንቲ ባረንቲ ጸሳ ኤርያዋ ቆንጭያን ኦዲኖ፤ ሸን ኢንቴንቲ ሸንይያዋንታ፡ እዛዘተናዋንታን ኦሱዋ ኡባዉካ ገገናዋንታ ግድያ ድራዉ፡ ባረንቲ ኪታን እ ኤርኮ ገኖ።

### 2

ጌሻ ትምርትያባ

1 ሸን ኔን ደኡዋ ደማናዉ ገገያ ትምርትያ ታማርሳናዉ በሴ።

2 ጭማ አቱማ አሳይ አማኑዋን፡ ሰቁዋንን ዳንዳያን ምኖ ግዳናዳን፡ ቃይ ማሐተናዋ፡ ቦንቹትያዋን ባረናካ ናግያዋ ግዳናዳን ዘራ።

3 ሄዋዳንካ ጭማ ማጫ አሳይ ጌሻ ደኡዋ ደእያዋንታ፡ ዝግረናዋንታ፡ ዋይንያ ኤሳዉ ሞደተናዋንታን ሎኦባ ታማርሰያዋንታ ግዳናዉ በሴ።

4-5 ኢንቴንቲ ጸሳ ቃላይ ቦረተና ማላ፡ ባረንቲ አሰናቱዋን ባረንቲ ናና ሰቆያዋንታ፡ ባረንታካ ናግያዋንታ፡ ጌሻቱዋ፡ ባረንቲ ጎለን ኦልያዋንታ፡ ኬካቱዋን ባረንቲ አሰናቱካ እዛዘተናዋንታ ግዳና ማላ፡ ያላጋ ማጫዋንታ ታማርሳ።

6 ሄዋዳንካ ያላጋ አቱማ አሳቱ ባረንታ ናጋና ማላ ዘራ።

7 ኔን ነ ሁጳዉካ ሎኦ ኦሱዋ ኡባን ኢንቴንቲ ሌምሶ ግዳ፤ ኔን ታማርሰያዋንካ አማካትያዋን ቦንቹትያዋ ግዳ።

8 ነ ሞርከቱ ኑና ዝግረናባይ ኢንቴንቲ ጳይያ ዋይ ኢንቴንቲ ዬሳታና ማላ፡ ኔን ቦረተና ሎኦ ሃሳያ ሃሳያ።

9 አይለቱ ባረንቲ ጎዳቶ እዛዘተና ማላን፡ ኢንቴንቲና ፓሉመተናን ኡባባን ኢንቴንታ ናሸቻና ማላ ዘራ።

10 ኢንቴንቲ ባረንቲ ጎዳቱዋጥ ዉኤና ማላ፡ ቃይ ኑና አሸያ ጸሳዋ ታማርሰያዋ ኡባባን ጋላትሳናዉ፡ ባረንቲ ኦልያ ኪታን ኡባ ዋይ ሎኦን አማካትያዋንታ ግድያዋ በሳና ማላ፡ ኢንቴንታ ዘራ።

11 አያዉ ጎጥ፡ ጸሳይ አሳ ኡባ አሸያ ባረ አጼ ኬካተሳ ቆንጭሴዳ።

12 ሄ አጼ ኬካተሳይ ናጋራ ኦሱዋን ሀ አላምያ አሙዋ ኑን አጋናዳንን ኑ ሁጲያ ናገደ፡ ጸሳ ማላቲደ፡ ጽሎተላን ደአናዳን፡ ኑና ታማርሴ።

13 ኑን ኑ ዋልቃማ ጸሳይ፡ ኑና አሸያ የሱሰ ክርሰቶሰ ቤታና ጌዳ እንጀቱዳ ቦንቹ ጋላሳ ናጌቶ።

14 ኢታ ኦሱዋ ኡባጥ እ ኑና ዋዛናዉን ሎኦባ ኦላናዉ አሞትያ ባረ ጌሻ አሳ ከሳናዉ፡ ኑ ድራዉ፡ ባረ ሁጲያ አሜዳ።

15 ኔን ሀዋ ታማርሳ፡ ነ ኩመንላ ማታን ዘራን ሴራ፤ ኦንን ኔና ካጹ።

### 3

ጸሳ አሳይ ኦልያ ኦሱዋ

1-2 ኢንቴንቲ ሞድያዋንቶን ማታይ ደእያዋንቶ ሞደታናዉ፡ እዛዘተናዉን ሎኦ ኦሱዋ ኡባ ኦላናዉ ገገታናዳን ኢንቴንታ ሀሳይሳ፤ ቃይ ኢንቴንቲ ኦ ቦላንን ኢታ ቃላ ሃሳየና ማላ፡ ኦናናን ዋላቀተና ማላ፡ አሳ ኡባ አሸከተላን ሰጋተላ በሰያዋንታ ግዳናዳን ዘራ።

3 አያዉ ጎጥ፡ ኑን ካሰ ኑ ሁጳዉካ ኤያቱዋ፡ እዛዘተናዋንታ፡ ባልያዋንታን አሞን ደማ ደማ ናሸቻዉ አይልያዳን ሞደትያዋንታ፤ ቃይ ኢታተላንን ቃናትያን ደእያዋንታ፤ አሳን እጸትያዋንታን እቱ እቱዋካ እጸያዋንታ።

4 ሸን ኑና አሸያ ጸሳ ኬካተላይን አሳ እ ሲቆያ ሲቁ ቆንጭዳ ዋይ፡

5 አ ባረ ማርተላዳንካ፡ ኦራላ የለቱሳን ሁኔዳ ጌዩሳንን ጌሻ አያናን ኦራዴዳዋን ኑና አሼዳዋጥ አትን፡ ኑን ጽሎ ኦሱዋ ኦልዳዋና ግደና።

6-7 ጸሳይ ባረ አጼ ኬካተላን ኑን ጽላናዳንን፡ እ አማና ጌዳ መጅና ደኡዋ ላታናዳን፡ ኑና አሸያ የሱሰ ክርሰቶሳ ባጋና ጌሻ አያና ኑ ቦላ ዳርሲደ ትጌዳ።

8 ሀ ሃሳያይ አማካቱዳዋ፤ ጸሳ አሳቱ ሎኦ ኦሱዋ ኦላናዉ ገገናዳን፡ ሀ የዉዋ ኢንቴንቲ ኔን ምንሳደ ኦዳናዉ ኮያይ፤ ሀዋንቲ አሳዉ ሎኦን ጎእያዋንታ።

9 ሸን ኤያተላ ፓሉማጥ፡ ዛርያ ፓይድያዋጥ፡ ዋላሳጥን ሀግያባን ዋላቀትያዋጥ ናገታ። አያዉ ጎጥ፡ ሄዋንቲ ጎኤናዋንታን ማደናዋንታ።

10-11 ሻከተላ መጅያ ኡራይ ጌላ አሳ ግድያዋን ባረ ሁጲያን ፕርዲደ ናጋራ ኦልያዋ ኤራደ፡ እት ገደ ዋይ ላኡ ገደ እ ሴራዳዋጥ ጉይያን፡ ሄዋ ማላትያ አሳጥ ሻከታ።

ወርሰላ ዞርያ

12 ታን እርጸማሳ ዋይ ትክቆሳ ኔኮ ኪትያ ዋደ፥ ኔን ታኮ ንቆጲልዮና ያናዉ ሞና። እያዉ ሳፕ፥ ታን ባልጉዋ \* ያን ሻጫናዉ ቆፋ ቃቻድ።

13 ህግያ ኤርያ ዜናሰነ እጲሎሰ ኦግያ ብያ ዋደ፥ ኡንቱንቶ እያይነ ፓጨና ማላ፥ ኡንቱንታ ሎይላ ማዳ።

14 ኑ እሳይካ ማደና አሳ ግዲደ አተና ማላ፥ ባረንታ ሎይላ ኮሽያዋ ደማናዉ፥ ሎኦ ኦሱዋ ሞኒደ ኦሳያዋ ታማርኖ።

15 ታናና ደእያ ኡባቱ ኔና ሳሮ ሳሮ ጌድኖ። ኑና አማኑዋን ሲቅያዋንታ ሳሮ ሳሮ ጋ። ጸሳ እጶ ኬካተላይ ሀንተናና ኡባና እትፕ ግደ። አመንእ።

\* 3:12 ባልጉዋ፡- ግሪክ ቃላንካ እራይ ቡክያ ዋድያ ግድያዋ ኦዴ። እንግልዜሉዋን ዊንተር ግያዋ።

# ጳውሎስ ፕልሞናው ጳፌዳ ኪታ ገሌቶ

ፕልሞን ኤረቴዳ አማንያ አሳ፤ እ ቆላስያሳ ዋሳ ጎልያ አሳ ግድናን ዋዪ አጋና። ፕልሞናው እናሰሞሳ ግያ አይሊ ደኤ። ሄ አይሊ ባረ ጎዳፕ በቲደ ቤዳ ዋደ። ቃሾ ጎለን ደእያ ጳውሎሳና ጋከቴዳ። እናሰሞስ ጳውሎሳ ባጋና የሱሳ አማኔዳ። ጳውሎስ ፕልሞናው ጳፌዳ ኪታይ ፕልሞን ጉየ ሰም ቢደ ደእያ ባረ ቆማና ሰገታናዳን። ሄዋ ሀሳይሰያዋ። ሄዋ ቦላካ ሀእ እናሰሞስ አማንያ አሳ ግዴዳ ድራው። ሀዋፕ ሰንፋው አማንያ እሻዳን አ ሞክ አካናፕ አትን። ቆማዳን አ ጴሊናዳን አው ኦዴ።

## ሸምፓቱዋ ኡባቶ እመቴዳ ቃንፋ ቆፋቱዋ

ገሌቶ 1-3  
ፕልሞናው ጳውሎሳ ጋላታ 4-7  
ጳውሎስ እናሰሞሳ ድራው ሺሼዳ ምኖ ኦሻ 8-22  
ወርሰላ ቁትያ 23-25

1 ታን ጳውሎስ፣ የሱስ ክርስቶሳ ድራው ቃሾቹን ደእያዌነ ኑ እሻ ጽሞቶስ፣ ኑናና ኦልያ ኑን ሲቅያ ፕልሞናው።

2 ነ ጎለን ሺቅያ አማንያዋንቶ፣ ኑ ምቻት እፍብሰነ ኑናና እትፕ ደእያ ክርስቶሳ ዋታዳራ አርክፖሳዉ ሀ ዳብዳቢያ ጳፌቶ።

3 ጸሳ ኑ አወዋፕነ ኑ ጎዳ የሱስ ክርስቶሳፕ አጼ ኬካተላይነ ሳርተላይ ሀንተንቶ ግደ።

### ፕልሞና ሲቁዋን አማኑዋ

4-5 ኔን ጸሳ አሳቱዋ ሲቅያዋን ጎዳ የሱሳ አማንያዋ ታን ሰሰያ ድራው፣ ጸሳ ዋሳደ ኔና ሀሳይያ ዋደ ኡባን፣ ታ ጸሳ ጋላታይ።

6 ኔን ነ አማኑዋ ሀራቱዋና ሻክያዌ ኑዉ ክርስቶስ የሱሳ ባጋና ይያ ሎኦባ ኡባ ኤርሳና ማላ፣ ታን ጸሳ ዋሳይ።

7 እያዉ ጎፕ፣ ጸሳ አሳቱዋ ዋዛናይ ነ ኪታን ምኔዳ ድራው፣ ታ እሻዉ።

ታን ነ ሲቁዋን ዳር ናሸቻነ መን። ሉቃ ደማድ።

እናሰሞስ ፕልሞናኮ ሰሜዳ ሰሙዋ

8 ሄዋ ድራው፣ ኔን ኦላናዉ በሰያዋ ኦላና ማላ፣ ታን ኔና አዛዛናዉ ክርስቶሳ ባጋና ጸሎፕካ።

9 ታን ጳውሎስ ጭሚዳዌ፣ ክርስቶስ የሱሳዉ ሀእካ ቃሾቹን ደእያዌ፣ ሲቁዋ ድራው፣ ኔና ዋሳይ።

10 ታን ቃሾቹን ደእደ አዉ አዉዋ ግዴዳ ታ ናአ እናሰሞሳ \* ድራው፣ ኔና ዋሳይ።

11 እ ካስ ኔና ጎኤና፤ ሸን ሀእ ኔናካ ታናካ ቱሙ ጎኤ።

12-13 ታን ዋዛናፕ ደሰያ እናሰሞሳ ኔኮ የደዌ ታ ዋዛና የደዋ። ታን ዋንጋላ ድራው ቃሸታ ኡታ ደእሸን፣ ኔና ኮቺደ፣ ታና ማዳና ማላ፣ ታ ማታን አ እሻናዉ ኮያይ።

14 ሸን ኔን ነ ሸንያዳን ኦላናዋ ኮያይፕ አትን፣ ኔናና ዞረተናን ዋልቃን አይነ ኦላናዉ ኮይከ።

15 እናሰሞስ ጉላ ዋድያ ኔፕ ሻከቴዳዌ፣ ኦን ኤር ሰሚደ፣ ኡባ ዋደካ ኔናና ደእናሰንቶን።

16 ሰም ሀዋፕ ሰንፋዉ እናሰሞስ አይልያ ግድና፤ ሸን አይልያፕ አ ሎይሳ አዴ፤ እ ታዉ አይ ኬና ሲቆ እሼ! ቃይ እ ነዉ አሳ ባጋናካ ጎዳ ባጋናካ አይ ኬና አዴዳ እሻ ግዳንዴሻ!

17 ሰም ኔን ታና ነ ላገላ ግያዋ ግደፕ፣ ታና ሞክያዋዳን፣ አ ሞካ።

18 እ ነዉ ባይዜዳባይ ዋይ አ ቦላ ነዉ አጩ ደአፕ፣ ታፕ ጭጋ አካ።

19 ሄ አጩዋ ታን ጭጋና ጋደ፣ ታን ጳውሎስ ታ ኩሽያን ጸፋይ። ኔን ታዉ ነ ሸምፕዋ አጭታ ኡቴዳዋ ታን ኔና ሀሳይሳናዉ ኮሸና።

20 ኤ፣ ታ እሻዉ፣ ጎዳ ባጋና ኔፕ ማዲዋ ደማናዉ ኮያይ። ክርስቶሳ ባጋና ታና መን። ሉቃ።

21 ታን ጌዳዋፕ ዳሩዋ ኔን ኦላናዋ ኤራደ፣ ቃይ ነ ታዉ አዛዛታናዋካ አማናደ፣ ሀዋ ነዉ ጸፋይ።

22 ቃይ ሀንተንቱ ኤለካ ታዉ አማላይ ሸምፕያ ጎልያ ገግስተ። እያዉ ጎፕ፣ ጸሳይ ሀንተንቱ ዋሳን ታና ሀንተንቶ ጉየ ዛሪደ አማና ጋደ ቆፓይ።

### ወርሰላ ሳርታ

1:2 ቆል. 4:17 \* 1:10 እናሰሞሳ- ግያ ስንፋ ብለላይ፣ ግሪክያ ቃላን ጎእያዋ ዋይ ማድያዋ ጉሳ።  
1:10 ቆል. 4:9

23 ክርስቶስ የሱሳ ድራጫ፣ ታናና  
ቃሹዋን ደእያ ኤፓፍር ኔና ሳሮ ሳሮ  
ጌ።

24 ቃይ ታናና እትፕ ኦላያ ማርቆስ፣  
አርሰጽሮኮስ፣ ዴማሰነ ሉቃስ ኔና ሳሮ  
ሳሮ ጊኖ።

25 ጎዳ የሱስ ክርስቶሳ አጼ  
ኬካተላይ ህንተንቱ አያናና ግድ።

# አብራዌ አሳው ጻፈቴዳ ኪታ ገሉዋ

ሀዌ ጳውሎስን ጳጵሮስ ጻፌዳዋዳን ኪታ ግድናን ትምርተ ግዲደ ጻፈቴዳዌ፣ ዋልቃማ ቱገይ ጋክና፣ አማኑዋ አገናዉ ማቴዳ አማንያ አሳቱዋሳ (10:32-39)። ሀ ማጻፋ ጻፌዳዌ ኦነንቶ ኤሪተና። ሀ ጻፍያ ሁጻ ቆፋይ ኮይሮቲደ ኡንቱንቱን ደእያ ሰቁዋኮ ሰማናዳን የሱሳ ቆቃተላ በሲደ ኡንቱንታ ዘሬ። ሄ ጻፊ አብራዌ አማንያዋንቶ ምንሰ ኦድያዌ የሱሰ ክርስቶስ ቱማን ጸሳ ፖሎ ቆንጨላ ግድያዋና። ሀ አማንያዋንቱ ባረንቱ አማኑዋን ምናና ማላ፣ ኡንቱንታ መንግጫ። እ ሄዋ ኦሊደ ሄዙ ቱማቱዋ ቆንጨሲደ በሴ።

1. እ እኬዳ መቱዋ ባጋና ባረ አዋ ቱሙ ኣዛዘቴዳ የሱሰ ጸሳዉ መድና ናኣ። እ ጸሳ ናኣ ግዴዳ ድራዉ። ኤጫ ቃላ ጫቁዋ ዋድያን ትምቢትያ ኦድያዋንቱ፣ ኪታንቻቱዋ፣ ሀራይ አትን፣ ሙሴ፣ ሎይላ አድያዋ።
2. የሱሰ ኤጫ ቃላ ጫቁዋ ቄሳቱዋ፣ ሎይላ አድያ፣ መድና ቄሳ ግድያዋ ጸሳይ ባረ ሁጻዉ ኦዴዳ።
3. የሱሳ ባጋና አማንያዌ ናጋራ፣ ያሻተላ፣ ሀይቁዋ፣ አቴ። የሱሰ ቄሳቱዋ ኡባቱዋ ካፑዋ ግድያ ድራዉ። ካሰ አብራዋቱዋ አማኑዋ ዋጋቱዋን መሄቱዋ ያርሹዋን ኩዋዳን ቤትያ አቶተላ ሀእ ቱማ ግዳናዳን ኦሊዳ።

ጻፊ አሰራኤልያ አሳ ታርክያን ዳር ኤሪቲዳ አሳ አማኑዋ ሌምሱዋዳን ጎኤቲደ (ሸምቱዋ 11)፣ ሀ ማጻፋ ናባብያ አሳቱ ባረንቱ አማኑዋን ምናናዳን ቆፍሴ። ሄዋዳንካ (ሸምቱዋ 12) ናባብያዋንቱ ባረንቱ አይፍያ የሱሳ ቦላን ትሽ ኦላ ዋሊደ፣ ባረንቱ አማኑዋን ምናናዳን አይ ማላ መቱን ዋዪ ጋኮ፣ ኡንቱንቱ ገንጫናዳን

ዘሬ። ዉርሰሳን ቃይ ዘርያን እኬክሱዋ ቃላ እምያዋን ዉርሴ።

## ሸምታቱዋ ኡባቶ አመቴዳ ቃንላ ቆፋቱዋ

ገሉዋ፡ ጸሳይ የሱሳን ቆንጨዳዋ 1:1-3  
ክርስቶስ ኪታንቻቱዋ፣ ሶላ ግድያዋ 1:4—2:18  
ክርስቶስ ሙሴ፣ ኢያሱ፣ ሶላ ግድያዋ 3:1—4:13  
ክርስቶሳ ቄሳተላ ቆቃተላ 4:14—7:28  
ክርስቶሳ ቃላ ጫቁዋ ቆቃተላ 8:1—9:23  
ክርስቶስ ያርሹቴዳዌ አዋ፣ ዳርያዋ 9:23—10:39  
አማኑዋ ዳርተላ 11:1—12:29  
ጸሳ ናሽቱሳ 13:1-19

ጸሳይ ባረ ናኣ ባጋና ሃሳዴዳ  
1 ጸሳይ በን ዋድ፣ ኑ አዋቱ ናባቱዋ ባጋና ዳማ ዳማ ኡግያንን ዳር ዋድያን ሃሳዴዳ።

2 ሸን ሀ ዉርሰሳ ዋድያን፣ ኡባባ አ ላትሲደ፣ የለታ እ ባጋና መዴዳ ባረ ናኣ ባጋና ኑዉ ሃሳዴዳ።

3 ናኣይ ጸሳ ቦንቾ ፖኡዋ ጳሌ፣ ቃይ ኩመንሳ ጸሳ ኤሻ አኪደ፣ ባረ ዋልቃማ ቃላን ሀ ሳኣ ናጌ፣ ያቴደ አሳ ናጋራ፣ ጌሺደ፣ ኡባ፣ ሶላ ጸሳ፣ ኡሸቻ ባጋና \* ሳሉዋን ኡቴዳ።

ጸሳ ናኣይ ኪታንቻቱዋ፣ ሶላ

4 ጸሳይ አዉ እሜዳ ሱንሳተላይ ኪታንቻቱዋ፣ ቆቃ ግድያዋዳንካ፣ ኡንቱንቱ፣ አ ሎይላ ቆቁ ኦሊዳ።

5 አያዉ ጎ፣ ጸሳይ ባረ ኪታንቻቱዋ፣ ኦና፣

“ኔን ታ ናኣ፣  
ታን ሀቼ ነዉ አዉዋ ግዳድ”  
ጌዴ? ዋይ ቃይ ኦና፣  
“ታን አዉ አዉዋ ግዳና፣  
አካ ታዉ ናኣ ግዳና”

ጌዴ?  
6 ቃይ ጸሳይ ባረ ባይራ ናኣ ሀ ሳኣ የዳና ሀኒደ፣  
“ታ ኪታንቻቱዋ ኡባቱካ አዉ ጎይንኖ”

ያጌዳ።  
7 ጸሳይ ኪታንቻቱዋ ሃሳዴደ፣  
“ታን ታ ኪታንቻቱዋ ጫርኩዋ ከሳይ፣

\* 1:3 ኡሸቻ ባጋና- ቦንቾዋን ዋልቃሳ ግድያዋ በሴ። 1:5 ማዘ. 2:7፣ 2 ሳሜላ 7:14፣ 1 ኦዲዋ 17:13 1:6 ዛረ. 32:43 1:7 ማዘ. 104:4

ቃይ ታ አሳንቻቱዋካ ታማ ላጩዋ ከሳይ።

ያጌ።

8 ሸን ባረ ናአዋ ሃሳዪደ፤ “ጸሳው፣ ነ ካወተላ ኦይዲ፣ መድ መድናዉ ደኤ።

ነ ካወተላ ጽሎተላን አሃሳ።

9 ኔን ጽሎተላ ሲቃደ፤ ናቁዋ እጻዳ።

ጸሳይ፣ ነ ጸሳይ ኔና፣ ነ ላገቱዋጥ አሊደ፣ ናሸቻን እልልሰያ ዛይትያ ኦኬዳዌ ሀዋሳ።

ያጌ።

10 ጸሳይ ሀዋዳን ያጌ፤ “ጎዳው፣ ኮይር ኔን ሳአ መዳዳ፤ ሳሉዋካ ነ ኩሸያን መዳዳ።

11 ሄዋንቱ ኡባይ ዳያና፤ ሸን ኔን ደአና።

ኡንቱንቱ ኡባይካ አፍላዳን ዉራና።

12 ኔን ኡንቱንታ ጋብያዳን ዳኮያና፤ ቃይ ኡንቱንቱ አፍላዳን ላመታናዋንታ።

ሸን ኔን ኔናካ፤ ነ ላይላይ ኡባካ ዉረና።

ያጌ።

13 ሸን ጸሳይ ባረ ኪታንቻቱዋጥ አቱዋን፤

“ታን ነ ሞርከቱዋ ኔን ገድያን የድያዋ ኦላና ጋካናው፣ ሀዋን ታጥ ኡሸቻ ባጋን ኡታ።”

ግቤና።

14 ኪታንቻቱ ኡባይ ጸሳው ኦላናዉን አቶተላ ደማና አሳቱዋ ማዳናዉ ጸሳይ ኪቱዳ አያናቱዋ ግድክናዬ?

## 2

ዋልቃማ አንጂዋ

1 ሄዋ ድራው፣ ኔን ሰሴዳ ቱሙ የወዋጥ ሱገት ዋራ ቤና ማላ፣ ሄ የወዋ ሎይሐ ኦይቃናዉ በሴ።

2 አያዉ ጎጥ፣ ኪታንቻቱ ኦይዳ ቃላይ ቱማ ግድያ ድራው፣ ናቂያ ዋይ እዛዘተና አሳይ ኡባይ ሙረቱዳዋ ግደጥ።

3 ያትና፣ ኔን ሀ ዋልቃማ አቶተላ ሸኩ ጎጥ፣ ዋኒደ አታኔ? ጎዳይ ኮይር ባረ ሁጳዉ ሀ አቶተላ ኦይዳ፤ ቃይ እ ኦይዳዋ ሰሴዳዋንቱ ኑዉ ጌሺደ ኦይድኖ።

4 ሄ ሰሴዳዋንቱ ማርካቲዳዌ ቦላ ጸሳይካ ማላ፣ ኦራላባን ዲማ ዲማ ማላታ ኪተትያዋን ጉጅ ማርካቲዳ፤ ቃይ ጌሻ አያና እሙዋካ ባረ ኮይዳዋዳን፣ ግሽ ጋሌዳ።

አቶተላዉ ካለላያዋ

5 አያዉ ጎጥ፣ ጸሳይ ኔን ሃሳይያ ሰንሳጥ ያና አላምያ፣ ኪታንቻቱዋ ሞድሰቤና።

6 ሸን ጸሳ ማጻፋይ እትሳን ሀዋዳን ያጌ፤

“ጸሳው፣ ኔን አሳዋ ቆፓናዉ አሳይ አይ?

ዋይ ኔን አዉ ሀርጋናዉ እ አይ?

7 ኔን ኪታንቻቱዋጥ፣ አማራዳ ዋድያ አ ጉላዳ።

አ ሁጲያንካ ቦንቹዋን፣ ሳባ ካላቻ ዋላዳ።

8 ቃይ ኡባባ እ ገድያጥ ጋርሳና ዋላደ ሞድሳደ።”

ያጌ። አያዉ ጎጥ፣ ጸሳይ ኡባባካ አ ሞድሴዳዋዳን እን ሞደትቤናዌ አያይነ ባዋ፤ ሸን ሀእ ኡባባይ አዉ ሞደትያዌ ኑዉ ቤተና።

9 ሸን ኔን የሱሳ በኤቶ፤ የሱሰ ጸሳ አዶ ኬካተላ ባጋና አሳ ኡባዉ ሀይቃና ማላ፣ አማራዳ ዋድያ ኪታንቻቱዋጥ ጋርሳ ግዴዳ። ቃይ ሀይቁዋ ዋይያ እ ዋየቲዳ ድራው፣ ፖአያ ቦንቹዋን ሳባ ካላቻ ዋሌዳዋ ሀእ ኔን በኤቶ።

10 ጸሳይ ኡባባ መጴዳዌ፣ ኡባባካ ናግያዌ፣ የሱሰ ዳር ናና አሂደ፣ ባረናና ቦንቶሳና ማላ፣ ዋይያ ባጋና የሱሳ ባላይ ባይናዋ ኡሌዳዋ በሴ፤ አያዉ ጎጥ፣ ሄ ናና አቶተላዉ ካለላያዌ የሱሳ።

11 አያዉ ጎጥ፣ አሳ ጌሸያ የሱሳዉካ ቃይ ሄ ጌዬዳ አሳ ኡባዉካ አዉ እቱዋ፣ የሱሰ ኡንቱንታ፣ “ታ እሻቱዋ” ጌደ ዬላተናን ጴሰያዌ ሀዋሳ።

12 የሱሰ፣ “ታን ነ ሱንላ ታ እሻቶ አዋያና።

ማባራ ሸቁዋንካ ኔና ጋላታና።”

ያጌ።

13 ቃይ እ፣ “ታን ታ አማኑዋ ጸሳን ዋላና” ቃይካ፣ “ጸሳይ ታዉ እሜዳ ናናቱዋና ታን ሀዋን ደአይ።” ያጌ።

14 ናና ጌደ እ ጴሰያዋንቱ፣ እሹዋጥነ ሱሳጥ መፍቱዳ አሳቱዋ ግድያ ድራው፣ የሱሰ ባረ ሁጳዉ አንቱንታ ማላቲደ፣ ኡንቱንቱ መፍታ



አኩዳ፤ ቃይ እ ሄዋ ኦፊዳዊ፣ ጸላህያ ካፑዋ ሀይቁዋ ቦላ ማታይ ደእያዋ ባረ ሀይቁዋን ቋይሳናሳ።

15 ቃይ ባረንቱ ደኡዋ ኡባን ሀይቆ ያዩደ፣ ሀይቆ አይለቲደ ደእያዋንታ ኡባቱዋ አይለተላፕ ከሴዳ።

16 አያው ጎፕ፣ አብራሃማ ዛርያ እ ማድያዋፕ አትን፣ ኪታንቻቱዋ ማደናዌ ኤሪቴዳ።

17 ሄዋ ድራው፣ አሳ ናጋራይ አቶ ጌተታና ማላ፣ ጸሳ ኪታን አማነቴዳ ማርያ ቁሳቱዋ ኡባቱዋ ካፑዋ ግዳና ማላ፣ ኡባባን እ ባረ እሻቱዋ ማላታናው በሴ።

18 አያው ጎፕ፣ እ ባረ ሁጳው ፓጩቴዳ ድራውን ዋየቴዳ ድራው፣ ፓጩትያዋንታ ማደናው ዳንዳዬ።

### 3

የሱስ ሙሴፕ ቦላ

1 ሄዋ ድራው፣ ጸሳይ ጼሴዳ ጌሻ እሻቶ፣ ኑ ማርካተላ ጸሳይ ኪቴዳዋ ቁሳቱዋ ኡባቱዋ ካፑዋ፣ የሱስ ክርስቶሳ ቆፕተ።

2 ሙሴ ባረ ኪታን ጸሳ ጎልያ ኡባን አማነቴዳዋ ግዴዳዋዳን፣ የሱስካ ባረና ዶሪደ፣ ሀ ኦሶ የዴዳ ጸሳው አማነቴዳዋ።

3 አያው ጎፕ፣ ኬጸትያ ጎልያፕ ኬጸያ ብታረ ቦንቼትያዋዳን፣ ሙሴዋፕ አድያ ቦንቼዋ እ አካናው በሰያዌ ኤሪቴዳዋ።

4 አያው ጎፕ፣ ጎልያ ኡባ ኬጼዳዌ አት አሳ፤ ሸን ኡባባ ኬጼዳዌ ጸሳ።

5 ሙሴ ጸሳ ጎልያ ኡባን አማነቴዳ ኦሳንቻ ግዲደ፣ ጸሳይ ሰንላፕ ጋናዋ ማርካቴዳ።

6 ሸን ክርስቶሰ ጸሳ ጎልን ናእዳን አማነቴዳዋ፤ ኑን አካና ጊደ ናሽቻን ናግያዋ ጸሳተላን፤ አማኑዋን ናጎፕ፣ ጸሳው ጎልያ ግዴቶ።

ጸሳ አሳይ ሸምፑዋ ደማና

7 ሄዋ ድራው፣ ጌሻ አያናይ ሀዋዳን ያጌ፤

“ጸሳ ቃላ ሀንተንቱ ሀቼ ሰሰያባ ግደፕ፣

8-9 ሀንተንቱ አዎቱ ታው እጽ ማካሊደ፣

ኦይታሙ ሳይላ ታ ኦሱዋ በኤዳ ባዙዋ ፓጭያ ጋላሳዳን፣

ሀንተንቱካ ዞርያ አከናን እጸፕተ።

10 ሄዋ ድራው፣ ታን፣

ሄ አሳ ሀንቀታደ፣

“ኡንቱንቱ ኡባ ዋደ ባረንቱ ዋዛናን ባሊና።

ታ ኦግያካ ኤርበይክኖ ያጋድ።

11 ሄዋዳንካ ቃይ፣

ታን ሀንቀታ ጫቃደ፣

“ታን ሸምፕያ ሳ ኡንቱንቱ፣ ኡባካ ገልክኖ ያጋድ”

ያጌ።

12 ታናዳን አማንያዋንቶ፣ ደኡዋ ጸሳፕ ሀንተንታ ሻክያ ኢታ አማነና ዋዛናይ ሀንተናን ኦናን ደኤና ማላ ናጎታተ።

13 ሸን ጸሳይ ሀንተንታ ኡባ ጋላሰ ሀቼ ጊደ ጸሰሸን፣ ሀንተፕ ኦናን ናጋራይ ባለሐና፣ ዞርያ አከናን እጸና ማላ፣ እቱ እቱዋ ዞርተ።

14 አያው ጎፕ፣ ኑን ኮይር ኑው ደእያ አማኑዋ ዉርስላይ ጋካናው ሎይሐ ናጎፕ፣ ክርስቶሳና አትፕ ሻካና።

15 ጸሳ ማጸፋይ፣

“ጸሳ ቃላ ሀንተንቱ፣

ሀቼ ሰሰያዋ ግደፕ፣

ሄ ዋደ ኡንቱንቱ እጽ ማካሊዳዋዳን፣

ዞርያ አከናን እጸፕተ”

ያጌዳ።

16 ጸሳይ ግያዋ ሰሰደ፣ እው ማካሊዳ አሳቱ ኦኔ? ሙሴ ግብጾፕ ካለሐና ከሴዳ ኡባቱዋ ግድክኖዬ?

17 ሀንቀቱ ኦይታሙ ሳይላ ኦናን ሀንቀቱዴ? አሃይ ዋራን እቱዳ አሳቱዋ፣ ናጋራ ኦፊዳዋንታ ግድክኖዬ?

18 ቃይ ጸሳይ ባረው አዛዘተናን እጼዳዋንቱ እ ሸምፕያ ሳኦ ኡባካ ገለና ማላ፣ ኡንቱንቶ ጫቁዳዋፕ አትን፣ ኦሰ ጫቁዴ?

19 ኡንቱንቱ አማንቤና ድራው፣ ሸምፕያ ሳ ገላናው ዳንዳይቤናዋ ኑን በኤቶ።

### 4

1 ሰም ጸሳይ ኑና ባረ ሸምፕያ ሳ፣ “ገልሳና” ጌዳዌ ብራ ግደፕ፣ ሀንተፕ ኦን ሄ ሸምፕያ ሳ ገለናን አተና ማላ ናጎቶ።

2 አያው ጎፕ፣ ኡንቱንቱ ዋንጋላ ሞሽራቹዋ ሰሴዳዋዳን፣ ኑንካ ሰሴደ፤ ኡንቱንቱ ሰሴድኖ፣ ሸን አማኒደ

አክቤና ድራው፤ አይነ ኡንቱንታ ጎእቤና።

3 ግደጥካ፣ ጸሳ ኪታይ ሳእይ መጠቅደጥ ደምና ፖላቴዳዎ ግደጥነ፣ ጸሳይ፤

“ታን ሀንታጋ ጫቃደ፣  
‘ኡንቱንቱ ታን ሸምጥያ ሳ ኡባካ ገልክኖ’ ያጋድ”

ጌዳዎዳን፣ ኑን አማኔዳዎንቱ እ ሸምጥያ ሳ ገላና።

4 እያው ጎጥ፣ ላፑንጎ ጋላሳሳ እትሳን ጸሳ ማጻፋይ፣ “ጸሳይ ላፑንጎ ጋላሳሳ ባረ ኡቡዎ ኡባጥ ሸምጥያ” ያጌዳ።

5 ቃይ ሄ ሳእን፣ “ኡንቱንቱ ታን ሸምጥያ ሳ ኡባካ ገልክኖ” ያጌዳ።

6 ዎንጋላ ምሽራቹዎ ኮይር ሰሴዳዎንቱ አዛዘትቤና ድራው፣ ሸምጥያ ሳእ ገልቤይክኖ፤ እት እት አሳቱ ያ ገላናዎንቱ ደእኖ።

7 ጸሳይ ዳር ዎድያጥ ጉይያን፣ ዳዊታ ባጋና ላእነሉዎ እት ጋላሳ፣ “ሀቼ” ግያ ቃላን ኬሪደ፤

“ጸሳ ቃላ ሀንተንቱ ሀቼ ሰሰዎ ግደጥ፣

ዘርያ አከናን እጸጥተ”

ያጌዳ።

8 ጸሳይ ሸምጥያ ሳ አሳ አፊደ ኢያሱ ሸምጥሴዳዎ ግድንቱ፣ ጸሳይ ሀራ ጋላሳዎ ጉዩ ኬረና።

9 ሄዎ ድራው፣ ጸሳ አሳው ሳምባታ ሸምጥ ናገት ኡቱዳ።

10 እያው ጎጥ፣ ጸሳይ ሸምጥያ ሳ ገልጎ ኡን፣ ጸሳይ ባረ ኡቡዎጥ ሸምጥዳዎዳን፣ አካ ባረ ኡቡዎጥ ሸምጥ።

11 ሰም እሰራኤልያ አሳይ አዛዘተናን እጸደ፣ ጸሳና እትጥ ሸምጥያ ሳ ገላናን አቱዳዎዳን፣ ኑጥ ኡን ሄዎ ማላ ኤና ጌናን እጸዋን ያ ገላናን አተና ማላ ምናይተ።

12 እያው ጎጥ፣ ጸሳ ቃላይ መጵናው ደእያዎኔ ኡልያዎ፤ ላኡ ባጋና ለፈቴዳ ማሻገካ አጂደ ኩሴ። ሄ ቃላይ ሸምጥነ እያናይ፣ ኩሪን ኮልዚ እትጥ ጋከትያሳ ሻካና ጋካናው ጫዴ። ቃይ አሳ ዎዛናን ደእያ ኮሻን ቆፋ እ ሻኬ።

13 ኑን ኡልያዎ ዎቻያ ጸሳ ሰንጻን ኡባባይካ ቤትያዎጥነ ቆንጭያን ደእያዎጥ እትን፣ እ አይፍያን ጌምያ መጠታይ እያይነ ባዎ።

የሱሰ ቄሳቱዎ ኡባቶ ዎልቃማ ካፑዎ

14 ሰም ሳሉዎ ቤዳ፣ ቄሳቱዎ ኡባቱዎ ዎልቃማ ካፑ፣ ጸሳ ናአይ የሱሰ፣ ኑው ደእያ ድራው፣ ኑ አማኑዎ ሎይላ ናጌቶ።

15 እያው ጎጥ፣ ኑ ቄሳቱዎ ኡባቱዎ ካፑ ኑን ዳቡርያ ዎደ ኑው ቃረታናው ዳንዳይ፤ ናጋራ እ አሰቤናዎጥ እትን፣ ኑናዳን ኡባባንካ ፓጨቴዳ።

16 ሰም ኑና ኮሸያ ዎደ ማድያ ማርተሳ አካናውን አጼ ኬካተሳ ደማናው፣ አጼ ኬካተሳይ ደእያ ሳእ ጸሳ አራታኮ፣ ያየናን ሺቆይተ።

5

1 ቄሳቱዎ ኡባቱዎ ካፓቱ ሁጺያን ሁጺያን ባረ አሳ ግደጥ ደረቲደ፣ ሄ አሳ ግሻታው ጸሳው አላናው፣ እሙዎ አማናውን ናጋራ ያርሹዎ ያርሻናው ሱንጠቱድና።

2 እ ባረ ሁጺው ዳቡራንቻ ግድያ ድራው፣ ታማርቤናዎንቶን ባልያዎንቶ ቃረታናው ዳንዳይ።

3 ሄዎ ድራው፣ ሄ ቄሳቱዎ ኡባቱዎ ካፑ አሳ ድራው ያርሹዎ ያርሸያዎዳን፣ ባረ ሁጺ ናጋራ ድራውካ ያርሻናው ቤ።

4 ጸሳይ አርና ቄሳቱዎ ኡባቱዎ ካፑዎ ግድና ማላ ጴሴዳዎዳን፣ ጸሳይ ጴሳናጥ እትን፣ ኡን ቄሳቱዎ ኡባቱዎ ካፑዎ ግድና ቦንቹዎ ባረው አካናው ዳንዳየና።

5 ሄዎዳንካ፣ ክርሰቶሰ ቄሳቱዎ ኡባቱዎ ካፑዎ ግድና ቦንቹዎ ባረው አክቤና፤ ሸን ጸሳይ እ፣ “ኔን ታ ናእ።

ታን ሀቼ ነው አውዎ ግዳድ” ያጌዳ።

6 ሄዎዳንካ ቃይ ሀራሳን፣

“ማልክ-ጸደቁ\* ቄሳ ግደዳዎዳን፣ ኔንካ መጵናው ቄሳ ግዳና”

ያጌዳ።

4:3 ማዚ. 95:11 4:4 ደመላ 2:2 4:5 ማዚ. 95:11 4:7 ማዚ. 95:7-8 4:8 ዛረ. 31:7፤ ኢያሳ 22:4 4:10 ደመላ 2:2 5:3 ዎጋ 9:7 5:4 ከሳ 28:1 5:5 ማዚ. 2:7 \* 5:6 ማልክ-ጸደቁ፡ ሀ ሱንጻይ ኤጫ ጫቁዎን ጴሴቱዳዎ፣ እ ቄሳ አርነጥ ካሰና ደኤዳዎ ኤረቶ ድራሳ። እ ጉዩ ዘርያባውን እ ሀይቁዎባው አይነ ጌተቶዎ ባዎ። 7:3፤ ደመላ 14:17-20 ጴልተ። 5:6 ማዚ. 110:4

7 የሱሰ ሳኒን ደእያ ዎደ፣ ባረና ሀይቁዋጥ አሻናዉ ዳንዳይያ ጸሳ ሎይሳ ዬኪደን አሮጺደ ዎሴዳን ኦቼዳ፤ ጸሳይ አ ዎሳ ሰሴዳዌ፣ አ ባረና ቶቼዳዎሳን አዉ ያዬዳዎሳ።

8 የሱሰ ጸሳ ናኢ ግደጥነ፣ ባረ ዋየቴዳ ዋይያን አዛዘትያዎ ታማራዳ።

9 የሱሰ ባረ አሱዋ ፖሌዳ ዎደ፣ ባረዉ አዛዘትያ ኡባዉ መጅና አቶተላ ደማናዉ ጋሶ ግዴዳ።

10 ቃይ ጸሳይ ማልክ-ጸደቃ ሱንጎተላዳን፣ ቁሳቱዋ ኡባቱዋ ካፑዋ ግዳና ማላ፣ አ ሱንሴዳ።

አሳይ ባለናዳን አደቴዳ ምኖ አዲዋ

11 ኑን ሀ የዉዋን ሃሳናባይ ዳሮባይ ደኤ፤ ሽን ሀንተንቱ አኪካናዉ አዛላ ግድያ ድራዉ፣ ሀንተንቶ ኦድ ገልሳናዉ ዋይሴ።

12 አያዉ ጎጥ፣ ሀንተንቱ ሀ ዎድያን ታማርሰያዋንታ ግዳናዉ በሶጥካ፣ ጸሳ ቃላ ኮይሮ ትምርትያ ሀንተንታ ዛር ታማርሰያ እት ኡራ ኮሼ፤ ሀንተንታ ኡሽያ ማላ ኮሼጥ አትን፣ ጮምያ ቁማ ኮሸና።

13 ማላ ፓከቲደ ደእያ እንገ ጋጭኖ ናኢ ግድያ ድራዉ፣ ጽሎተላ ትምርትያዋ ኤረና።

14 ሽን ምኖ ቁማይ ኢታነ ኬካ ደኡዋ ዳሩዋን ሻክ ኤሬዳ ዎዛናማ አሳሳ።

### 6

1-2 ሄዋ ድራዉ፣ ክርሰቶሳ ትምርትያ ብር ደምያዎ አጊደ፣ ዎዛናማ አሳ ትምርተዉ ሰንሳዉ ቦይተ፤ ኮይሮ ኑን ታማራናዉ ኮሸያ ትምርትያ ዎጅ ኤቂደ ታማራናዉ ኑዉ በሰና፤ ሄ ትምርቲ አዬ ጎጥ፣ ማደና ኦሱዋጥ ሰምያዎ፣ ጸሳ አማንያዎ፣ ጽንቃታቱዋባ፣ \* ኩሽያ ዎሉዋባ፣ ሀይቁዋጥ ደንዳዋባን መጅና ፕርዳባ።

3 ጸሳይ ኦላተ ጎጥ፣ ሄዋ ኑን ኦላና።

4-5 አያዉ ጎጥ፣ አቶደካ ፖኡ ፖኡዳዋንታነ ሳሉዋ እመዋ ባር በኡዳዋንታ፣ ቃይ ጌሻ እያናካ ሻክ አኪዳዋንታነ ጸሳ ቃላይ ሎኦ ግዴዳዋ ሰሰ ኤሬዳዋንታ፣ ሰንጎጥ ያና ሳኢ ዎልቃካ ቦኝ ጸሌዳዋንታ።

6 ሄዋጥ ጉየ ሰሚደ ካዴዳዋንታ ናጋራጥ ለኤንሉዋ ዛራናዎ ዳንዳየተና። አያዉ ጎጥ፣ ሄዋንቱ ጸሳ ናኢ ማሰቃልያ ቦላ ምሰማርያን ጅሺደ ካቂያዋንታነ አሳ ሰንጎጥ ካዉሽያዋንቱ ማላ።

7 ኡባ ዎደ ቡክያ እራ ኡሸና፣ ጎሼዳ ኡራ ጎእያ ካላ ሞክያ ቢታ ጸሳይ አንጅ።

8 ሽን ቡሉዋን ቡዙዋ ሞኮጥ፣ አይነ ጎኤና፤ ሸቃዉ ሸቅ ኡቴዳ። ቃይ ዉርሰላን ጉደታና።

9 ሽን ኑ ሲቃቶ፣ ኑን ሀዋዳን ሃሳይያዎ ግደጥነ፣ ሀንተንቱ አቶተላዉ ግድያ ሎኡባይ ሀንተንቶ ደእያዎ ኤሬቶ።

10 አያዉ ጎጥ፣ ሀንተንቱ አሌዳ ኦሱዋን ቃይ አማንያዋንታ ማዴዳዋንገ ሀኢካ ማድያዋን ጸሳ ሲቁዳ ሲቁዎ ጸሳይ ደጋናዉ ማካላ ግደና።

11 ሀንተንቱ ሁጺያን ሁጺያን ደማና ጊደ፣ ሀደታን ናግ ኡቴዳ ኩመንጎላ ቱማተላ ዉርሰላይ ጋካናዉ፣ ካሰዋዳን ምንሲደ አላና ማላ አሞቲቶ።

12 ጸሳይ አማና ጌዳዎ አማኑዋንገ ገንጫን ላትያዋንቱ ማላ ሀንተንቱ ግዳናዎ ኑን ኮይያዋጥ አትን፣ አዛላ ግዳናዎ ኮየኮ።

ጸሳይ አሜዳ ሀደታይ ሰጅሰናዎ

13 ጸሳይ አብራሃሞ አማና ጊደ ጫቄዳ ዎደ፣ ባረጥ አጅያ ዎልቃማይ ባይና ድራዉ፣ ባረ ሁጺያን ጫቄዳ።

14 ጸሳይ አ፣

“ታን ኔና አንጅና፤

ነ ዘረላካ ጮርሳና”

ያጊደ ጫቄዳ።

15 ሄዋዳንካ፣ አብራሃሞ ገንጫ ናጊደ፣ ጸሳይ አማና ጌዳዎ አኪዳ።

16 አያዉ ጎጥ፣ አሳይ ባረጥ ጅቁያ ኡራን ጫቄ፤ ቃይ ሄ ጫቁ ፓሉምያ ኡባካ ተኢ።

17 ሄዋ ድራዉ፣ ጸሳይ ባረ አማና ጌዳዎ ላታናዋንቶ ባረ ቆፋ ኡባካ ላመናዎ ጌሽ ኦዳናዉ ሎይሳ ኮዩደ፣ ሄዎ ቱማ ግዴዳዎ ጫቄዳ።

18 ጸሳይ ዎርደታናዉ ዳንዳየና ሀ ላኡ ላመተና የዎቱዋን፣ አ አማና ጌዳ ኑ ሰንጎጥ ደእያዎ ኦይቃናዉ አኮ ባቃቲዳ ኑዉ ዎልቃዎ መንግሥት ደኤ።

\* 6:1-2 ጽንቃታቱዋባ- ሜቻቱዋባ ግያዎ ግዲደ ጌሻተላባ ግሪከን ዲማ ዲማ ዎጋ ግድያዎ በሴ።  
6:8 ደመላ 3:17-18      6:14 ደመላ 22:16-17

19 ሀ ኑን ደማና ጊደ ናሸቻን ናግ ኡቴዳቄ፣ ኑ ሸምፖ ማርካብያ ኦይቄያ ቃጸና ብራታ ማላ፤ ሄ ኑን ደማና ጊደ፣ ናሸቻን ናግ ኡቴዳቄ ኤረቴዳ ሞኖ ግዲደ፣ ጋርዲዋ ተ ግዶ ጌሻ ሳ ገሌ።

20 ቃይ የሱስ ማልክ-ጸደቃ ሱንጎተላዳን፣ መጅናዉ ቄሳቱዋ ኡባቱዋ ካፑዋ ግዲደ፣ ኑ ግሻታዉ ኑፕ ካስቲደ፣ ሄ ሳኣ ገሌዳ።

7

ቄሳ ማልክ-ጸደቃ

1 ሀ ማልክ-ጸደቄ፣ ሳሌማ ካቲ፣ ኡባፕ ቦላ ጸሳ ቄሳይ፣ አብራሃሞ ካተቱዋ ዎጲደ ኦላፕ ሰምሸን፣ አናና ጋከቲደ፣ እ እንጃዳ።

2 አብራሃሞ ባረ ኦሞዴዳ ኡባፕ አሰራታ ከሲደ፣ አዉ እሜዳ፤ ማልክ-ጸደቃ ሱንጎላዉ ኮይሮ ብለላይ ጽሎተላ ካትያ ግያዎ፤ ቃይ ሳሌማ ካትያ እ ግድያ ድራዉ፣ ላኤንሎ ብለላይ ሳርተላ ካትያ ግያዎ።

3 ማልክ-ጸደቃዉ ዳያ ዎይ አዉ፣ ዎይ አዉ ዛርያ ፓይዲ ባዎ፤ ቃይ እ የለታዉ ደመላይ ዎይ እ ሀይቆ ዉርሰላይ ባዎ፤ ሸን ጸሳ ናኣ ማላቲደ፣ መጅናዉ ቄሳ ግዴዳ።

4 ኑ አዎቱዋ ካፑ አብራሃሞ ኦላን ኦሞዲደ፣ እሄዳዎፕ አሰራታ እሜዳ ማልክ-ጸደቄ አይ ኬና ጶቁ ግያዌንቶ በእተ።

5 ቄሳ ግድያ ሌዊያ ዛራቱ አሰራኤልያ አሳፕ፣ ሄዌን ባረንቱ ጋደ አሳፕ ሀራይ አቶ ኡንቱንቱ አብራሃሞ ዛረ ግድፕ፣ አሰራታ አካና ማላ፣ ሀግያን እዛዘቲድና።

6 ማልክ-ጸደቄ ሌዊያ ዛረ ግድና፤ ሸን አብራሃሞፕ አሰራታ አኪደ፣ ጸሳይ እማና ጌዳዎ ናግያ አብራሃሞ እንጃዳ።

7 ቃይ እንጃድዎ እንጀትያዎፕ ጶቁ ግያዌ ፓሉን።

8 እት ባጋና፣ ሀይቄያ አሳይ አሰራታ ከሴ፤ ሸን ሀራ ባጋና ቃይ፣ ሀይቀና ጊደ ማርካትያ ኡራይ አሰራታ ከሴ።

9 ሀዎዳን ሃሳናዉ ሀራይ አቶ፣ አሰራታ ከሰያ ሌዊካ አብራሃሞ ባጋና አሰራታ እሜዳ።

10 አያዉ ጎፕ፣ ማልክ-ጸደቄ አብራሃሞና ጋከትያ ዎይ፣ ሌዊ ብር የለትቤና፤ ሸን ባረ ዛርያ አብራሃሞ ጉልባታን ደኤ።

11 እሰራኤልያ አሳዉ ሀጊ ሌዊያ \* ዘረላቱዋ ቄስተላ ባጋና እመቲዳ። ሄ ቄስተላ ከታይ ባላይ ባይናዎ ግድፕ፣ አርናዎ ማላ ግድናን ማልክ-ጸደቃ ማላ ሀራ ቄሳይ ሱን፣ ታናዉ አያዉ ኮሺ?

12 አያዉ ጎፕ፣ ቄስተላይ ላመትያ ዎይ፣ ሀጊካ ቃይ ላመታናዉ ኮሺ።

13 ሀ የዉ ሃሳየቲዳ ኡራይ ሀራ ዛሪ፤ እ ዛርያፕ ኦንን ያርሸያሳን ቄሳዳን አሳቤና።

14 ኑ ጎዳይ ይሁዳ ዛርያፕ ዬዳዌ ኤረቴዳዎ ግድያ ድራዉ፣ ሙሴ ቄሳቱዋላ ሃሳዪደ፣ ሄ ዛርያባ አይን ሃሳይቤና።

ክርስቶስ ማልክ-ጸደቃ ማላ ቄሳ

15 ማልክ-ጸደቃ ማላ ሀራ ቄሳይ ዬዳዎ ግድንቶ፣ ሀዌ አጲደ ኤረታናዎ።

16 እ አሳ ሀግያንን ዎጋን ቄሳ ግድቤና፤ ሸን ዉረና ደኡዎ ዎልቃን ቄሳ ግዴዳ።

17 አያዉ ጎፕ፣ ጸሳ ማጸፋይ፣ “ማልክ-ጸደቄ ቄሳ ግዴዳዎዳን፣ ኔንካ መጅናዉ ቄሳ ግዳናዎ” ያገደ ማርካቲ።

18 በን ደእያ ሀጊ ላኣን ማደናዎ ግድያ ድራዉ አቲዳ።

19 አያዉ ጎፕ፣ ሙሴ ሀጊ አያን ባላይ ባይናዎ ኦላናዉ ዳንዳየና፤ ቃይ ኑን እ ባጋና ጸሳኩ ሺቃና ጊደ ናሸቻን ናግ ኡቴዳ ኡባፕ አጵያዌ ዬዳ።

20 ሄዎ ቦላን ቃይ ጸሳ ጫቁካ ደኤ፤ ሀራቱ ቄሳ ግዴዳ ዎይ፣ ሄዎ ማላ ጫቁ ባዎ።

21 ሸን የሱስ ጫቁዎን ቄሳ ግዴዳ፤ ጸሳይ አ፣ “ጎዳይ ጫቁዳ፤ እ ባረ ቆፋ ላመና። ኔን መጅናዉ ቄሳ ግዳናን ጌዳ” ያጌዳ።

22 ሄዎ ድራዉ፣ የሱስ ኡባፕ አጵያ ጫቆ ዋሰ ግዴዳ።

† 6:19 ጋርዲዋ- ሀዌ ዳንካንያ ግዴዋን ጎይናዉ ማድያዎ። ሄዌካ “ጌሻ ሳ” ጌተቲዳዎፕ “ጌሻፕ ጌሻ ሳ” ሻካናዉ ጎእያዎ ግዲደ ቄሳቱዋ ካፕ ጸላላይ ገላናዉ ዳንዳይያሳ። 6:19 ዎጋ 16:2

6:20 ማዘ. 110:4 7:1 ደመላ 14:17-20 7:5 ፓይ. 18:21 \* 7:11 ሌዊያ- ሀ ሱንጎ ጴስትያዎንቱ ቄሳቱዋፕን ኡንቱንታ ማድያዎንቱፕ ደረቴዳዎንታ። 7:17 ማዘ. 110:4 7:21 ማዘ. 110:4

23 ካሰ ቁሳቱዋ ፓይዲ ጮራ፤ እያዉ ጎጥ፡ ኤንቱንቱ ኦላና ኦሱዋ ሀይቁ ድጌዳ።

24 ሸን የሱሰ መድኛዉ ደእያ ድራዉ፡ እ ቁስተላይ ላመተና።

25 ሄዋ ድራዉ፡ እ ኤንቱንቱ ግሻታዉ ጋናታናዉ መድኛዉ ደእያ ድራዉ፡ ጸሳኮ ባረ ባጋና ይያዋንታ ኡባቱዋ አሻናዉ ዳንዳዬ።

26 ኑዉ ጊግያ ሀዋ ማላ፡ ቁሳቱዋ ኡባቱዋ ካፑ ደእናዉ ኮሼ፤ እ ጌሻ፤ እን ገነነ ካ። ስያባይ ባዋ፤ ናጋራንቻቱዋና እ ጋከተና፤ ቃይ ቶቃ ሳሉዋንካ እ ቦንቹቱዳ።

27 ሀራ ቁሳቱዋ ኡባቱዋ ካፓቱዋዳን፡ እ ኮይሮ ባረ ሁጳ ናጋራዉ ያርሺደ፡ ቃይ ጉየጥ አሳ ናጋራዉ ሀቼ ሀቼ ያርሻናዉ ኮሸና፤ እ ባረና ያርሼዳ ዋደ፡ ላኤን። ስን እት ገደ ያርሼዳ።

28 እያዉ ጎጥ፡ ሙሴ ህጊ ዳቡራንቻ አሳ ቁሳቱዋ ኡባቱዋ ካፑዋ ኦሊደ ሱንሌ፤ ሸን ጸሳይ እማና ጊደ ጫቄዳ ሀግያጥ ጉየ ዬዳ ቃላይ መድኛዉ ባላይ ባይናዋ፡ ጸሳ ናኦ ሱንሌ።

### 8

የሱሰ ኦራላ ቃላ ጫቁዋ ቁሳቱዋ ኡባቱዋ ካፑዋ

1 ኑን ሃሳይያ ዋልቃማባይ ሀዋ፤ ሳሉዋን ኡባጥ ቦላ ጸሳይ ኡትያ ካዉተላ ኦይድያጥ ኡሸቻ ባጋና ኡቲዳ ቁሳቱዋ ኡባቱዋ ካፑ፡ ሀዋ ማላይ ኑዉ ደኤ።

2 ጌሻ ሳኦንን ቱሙ ዲንካንያን እ ኦሌ፤ ሄ ዲንካኒ አሳይ ኤሴዳዋ ግደናን፡ ጸሳይ ኤሴዳዋ።

3 ቁሳቱዋ ኡባቱዋ ካፑ ኡባይ እሙዋን ያርሹዋ ጸሳዉ እማናዉ ሱን። ቱዳ ድራዉ፡ ሀ ቁሳቱዋ ኡባቱዋ ካፖካ ያርሻናዉ እትባይ ደእናዉ ኮሼ።

4 ሰዎ ሳኦን እ ደእያዋ ግደጥ፡ ኡባካ ቁሳ ግደና፤ እያዉ ጎጥ፡ ህጊ አዛዝያዋዳን፡ እሙዋ እምያ ቁሳቱ ደኤ።

5 ኤንቱንቱ ቁሳቱዋዳን ኦላያ ኪታይ ሳሉዋን ደእያ ኦሱ ቱሙ ሊምሱዋን ኡሹዋ፤ እያዉ ጎጥ፡ ሙሴ ዲንካንያ ኡሳና ሀንሸን፡ ጸሳይ አ፡ “አኬካ፤ ኡባባካ ታን ኔና ደርያ ሁጲያን በሴዳ ሊምሱዋ ካላደ ኦላ” ያጌዳ።

6 ሸን የሱሰ ጋናትያ ጫቁ ካሰዋጥ አድያዋዳንካ፡ አዉ እመቲዳ ኦሱካ ኤንቱንቱዋጥ አዲ፤ እያዉ ጎጥ፡ ሄ ጫቁ ጸሳይ እማና ጌዳ ኡባጥ አድያ ኪታን ኦሰቲዳ።

7 እያዉ ጎጥ፡ ኮይሮ ጫቁዋን ባላይ ባይናዋ ግድንቶ፡ ላኤንሶ ጫቁዋ ኮሸና።

8 ሸን ኤንቱንታ ቦሪደ፡ ጎዳይ ሀዋዳን ያጌ፤

“ታን እሰራኤልያ አሳናን ይሁዳ አሳና፡ ኦራላ ጫቁዋ ጫቀትያ ጋላሳቱ ያናዋ።

9 ሄ ጫቁ ታን ግብጹ ጋድያጥ፡ ኤንቱንቱ አዋቱዋ ኩሸያ አይቃደ፡ ጎቻ ከሴዳ ዋደ፡ ኤንቱንቱና ጫቀቲዳ ጫቁዋ ማላ ግደና።

ኤንቱንቱ ታ ጫቁዋን እማነትቤና ድራዉ፡

ታንካ ኤንቱንታ አጋድ።  
ታን፡ ጎዳይ፡ ሀዋ ኦዳይ።

10 እያዉ ጎጥ፡ ሄ ጋላሳቱዋጥ ጉይያን፡ ታን እሰራኤልያ አሳና ጫቀታና ጫቁ ሀዋ፡

ታን ታ ሀግያ ኤንቱንቱ ቆፋን ዋላና፤ ቃይ ኤንቱንቱ ዋዛናንካ ጸፋና።

ታን ኤንቱንቱ ጸሳ ግዳና፤ ኤንቱንቱካ ታ አሳ ግዳና።

11 ኤንቱንቱጥ ኦንነ ባረ ሸሩዋ፡ ዋይ ባረ እሻ፡

ኅዳ ኤራ” ያጊደ ታማርሰና።  
እያዉ ጎጥ፡ ኤንቱንቱ ናኦጥ ጭማ ጋካናዉ ኡባይ ታና ኤሪና።

12 ታን ኤንቱንቱ ናቁዋ ማራና፤ ኤንቱንቱ ናጋራካ ላኤንሶ ሀሳይከ”

ያጌ።

13 ጸሳይ ኦራላ ጫቁዋ ጊደ ሃሳይያዋን ኮይሮዋ ኤጭሴዳ፤ ቃይ ኤጭያባይነ ዉርያባይ ኤላካ ጳያና።

### 9

ሳሉዋን ኦስትያ እያና ኦሱ ሳኦን ኦስትያ እያና ኦሱዋጥ አዲ

1 ኮይሮ ጫቆ ጸሳዉ ጎይንያ ዋጋይነ አሳይ ኦሌዳ ጌሻ ጎሊ ደኤ።

2 እያዉ ጎጥ፡ ኮይሮ ዲንካኒ ኤቄዳ፤ እ ግዲዋን ሙቃዳ ዋልያዋ፡ ጸራጶዛይነ ጎዳ ሰንላን ዋልያ ኡክላይ ደኤ፤ ሄ ሳኦይ ጌሻ ሳ ጊደ ጸሴቲ።

3 ላኢንሉ ጋርዲዎ ጉየ ባጋና ኡባጥ አድያ ጌሻ ሳኣ ጌተትያ ዲንካኒ ደኤ።

4 አ ግዲዎን እጻና ጩዋያናው ዋርቃጥ ኦሌዳ ሳጽኒኒ ኡባ ሳና ዋርቃን ሹሹዳ ቃላ ጫቁዋ ታቦታይ ደኤ። ሄ ቃላ ጫቁዋ ታቦታን ማናይ ደእያ ዋርቃ ጸሩ፣ አሮና ጸምእይ አጩዳዊን ቃይ ሙሴ ህጊ ጻፈቴዳ ላኡ ማሰቴዳ ሹቻቱ ደኢኖ።

5 ሄ ቃላ ጫቁዋ ታቦታጥ ቦላ ባጋና አቶ ግያ ሳኣ ቁምእያ ባረንቱ ቀፍያን ገንላያ ቦንቾ ክሩቡቱ ደኢኖ፤ ሸን ሀ ኡባባ ሀእ ዉርሰ ኦዳናዉ ዳንዳዮኩ።

6 ሄዌ ሄዋዳን ገገ ደእሸን፣ ቄሳቱ ኡባ ዋደ፣ ባረንቱ ኦሱዋ ኦላናዉ ኮይሮ ዲንካንያ ገለኖ።

7 ሸን ቄሳቱዋ ኡባቱዋ ካፑዋ ጸላላይ ላኢንሉ ዲንካንያ ላይላጥ እት ገደ ገለደ ባረ ድራዉን ኡረናን አሳይ ኦሌዳ ናጋራ ድራዉ፣ ጸሳዉ ያርሸያ ሱላ አኪደ ገሌ።

8 ኮይሮ ዲንካኒ ኤቂደእሸን፣ ኡባጥ አድያ ጌሻ ሳኣ አፍያ ኦጊ ብሮ ደየትቤናዋ ጌሻ እያናይ ሄዋን ኤርሴ።

9 ሄ ዲንካኒ ሀ ዋደዉ ሊምሱዋ፤ ሄዋ ግያዌ ጸሳዉ እምያ እሙነ ያርሹ ገይንያዋ ሱረ ዋዛና ባላይ ባይናዋ ኦላናዉ ዳንዳይክኖ።

10 ሄዋንቱ ሙሳባ፣ ኡሻባን ዲማ ዲማ ማቻባ ኦድያ ካረ ባጋ ዋጋቱዋ፤ ኡንቱንቱ ኦራጽያ ዋዲ ጋካናዉ ኦሰትያ ዋጋቱዋ።

11 ሸን ክርሰቶሰ ሀዋን ደእያ ሎኦባዉ ቄሳቱዋ ኡባቱዋ ካፑዋ ግዲደ ይ ድጌዳ። እ ገለደ ኦላያ ዲንካኒ ኡባጥ አድያዋን ባላይ ባይናዋ፤ ቃይ ሄ ዲንካንያ አሳይ ኦላቤና፤ ሀ መጠቴዳ ሳኣባካ ግደና።

12 ክርሰቶሰ ኡባጥ አድያ ጌሻ ሳኣ ገልያ ዋደ፣ ዳሻ ሱላን ጋሎ ማራ ሱላ ኦይቂደ ገልቤና፤ ሸን ባረ ሱላ ኦይቂደ፣ ኑዉ መድኛ አቶተላ አሚደ፣ ላኤጋናን እት ገደ ገሌዳ።

13 ቱኔዳ አሳ ቦላ ኮረሚ ሱላን ዳሻ ሱላ ጫጫፊደ፣ ጉደቴዳ ኡሳት ብድንላ ቆልና፣ ሄ ኡራ ቱናተላጥ ጌሻናዉ ዳንዳዮጥ።

14 መድኛ ጌሻ እያና ባጋና ባላይ ባይና ያርሹዋዳን፣ ጸሳዉ ባረና እሚዳ ክርሰቶሰ ሱላይ፣ ኑን ደኤዋ ጸሳዉ ኦላና ማላ፣ ካሰ ኑ ሀይቁዳ ኦሱዋጥ ኑ ሱረ ዋዛና ዋት ጌሻንዳሻ!

15 ሄዋ ድራዉ፣ ጸሳይ ጸሴዳዋንቱ እ እማና ጌዳ መድኛ እንጂዋ ላታና ማላ፣ ክርሰቶሰ ኦራላ ጫቆ ጋናቴዳ፤ ሄዋ ሀናና ዳንዳይያዋ፣ አሳይ ኮይሮ ጫቁዋጥ ጋርሳን ደኢደ ኦሌዳ ባላ አይለተላጥ ከሰያ ሀይቁ ደእያ ድራሳ።

16 አያዉ ጎጥ፣ ሀይቁያ ኡራይ ዋይቲዳዌ ደኢጥ፣ ሄ ኡራይ ሀይቆዌ ኤረታናዉ ኮሹ።

17 አያዉ ጎጥ፣ ዋይቲዳ ኡራይ ሀይቁዳ ዋደ፣ እ ዋይቲዳዌ ፖለቴዳ፤ ሄ ዋይቲዳዌ ፓጻ ደእሸን፣ አይነ ፖለተና።

18 ሀራይ አቶ፣ ኮይሮ ጫቁካ ሱላይ ባይናን እንጀትቤናዌ ሀዋሳ።

19-20 አያዉ ጎጥ፣ ሀግያን ደእያ አዛዙዋ ኡባ ሙሴ አሳ ኡባዉ ኦዳዳ፤ ሄዋጥ ጉይያን፣ ጋሎ ማራ ሱላን ዳሻ ሱላ፣ ሃላና፣ ዞኦ ደርሳ እስክያናን ሀሰጽያ ግያ ምላ ቦንጫያና እትጥ አኪደ፣ “ሀዌ ህንተንታ ጸሳይ አዛዜዳ ጫቁዋ ሱላ” ያገደ፣ ሀግያ ማጻፋ ቦላን አሳ ኡባ ቦላ ጫጫፊዳ።

21 ሄዋዳንካ፣ ዲንካንያ ቦላን ኦላያ ሚሻ ኡባ ቦላ ሱላ ሙሴ ጫጫፊዳ።

22 ህጊ ግያዋዳን፣ ቱሙካ አማራዊዋጥ አትን፣ ኡባባይካ ሱላን ጌዬ፤ ሱላይ ጉካና ጳዮጥ፣ አቶተላይ ባዋ።

ክርሰቶሰ ያርሸቴዳዌ ናጋራ ቁጭ ጳይሴ

23 ሄዋ ድራዉ፣ ሳሉዋን ደእያዋንታ ማላትያዋንቱ ሄ ያርሹዋን ጌያናዉ ኮሹ፤ ሸን ሳሉዋን ደእያዋንቱካ ባረንቱ ሁጸዉ ጌያናዉ አድያ ያርሹዋ ኡንቱንታ ኮሹ።

24 አያዉ ጎጥ፣ ክርሰቶሰ ቱሙ ጌሻ ሳን ሊምሰትያ አሳይ ኦሌዳ ጌሻ ሳ ገልቤና፤ ሸን እ ሀእ ኑ ግሻታዉ ጸሳ ሰንሳን ቤታናዉ ያ ሳሉዋ ገሌዳ።

25 ቄሳቱዋ ኡባቱዋ ካፑ ላይላን ላይላን ባረ ሱላ ግደናዋ ኦይቂደ፣ ጌሻ ሳኣ ገልያዋዳን፣ ክርሰቶሰ ባረና ኡባደ ያርሻናዉ ገልቤና።

9:3 ከሳ 26:31-33 9:4 ከሳ 30:1-6፤ 25:10-16፤ 16:33፤ ገይ. 17:8-10፤ ዛረ. 10:3-5 9:5 ከሳ 25:18-22 9:6 ገይ. 18:2-6 9:7 ዋጋ 16:2-34 9:13 ዋጋ 16:15-16፤ ገይ. 19:9፣ 17-19 9:19-20 ከሳ 24:6-8 9:21 ዋጋ 8:15

26 ሄዋ ግድንቶ፣ ክርስቶስ ሳኦይ መቶደገ ደሚደ ዳር ገደ ዋየታናው ኮሼ፤ ሽን ሀእ ዎድያ ወርሰላን ናጋራ ጳይሳናው ባረና ያርሺደ፣ ላኤናን እት ገደ ቤቲዳ።

27 አሳይ ኡባይ እት ገደ ሀይቃናው በሴ፤ ሄዋጥ ጉይያን ጸሳይ አሳ ፕርዳና።

28 ሄዋዳንካ፣ ቃይ ክርስቶስ ዳር አሳ ናጋራ ጳይሳናው እት ገደ ያርሸቲዳ፤ ቃይ እ ባረና ሎይላ ናግያዋንታ አሻናው ቤታናጥ እትን፣ ላኤንሉ ናጋራ ቶካናው ቤተና።

**10**

1 አያው ጎጥ፣ ሀገው ያና ሎኦባ ኤሹዋ ጸላላይ ደኤ፤ አው ቲሙ ለምሱ ባዋ። ኡባ ዎደ ላይላን ላይላን እት ማላ ያርሹ ያርሸቲ፤ ሄዋ ድራው፣ ሀገ ጸሳኮ ሺቆያ አሳ ሄ ያርሹዋን ባላይ ባይና አሳ ኦላናው ኡባካ ዳንዳየና።

2 ጸሳው ጎይንያ አሳይ ባረ ናጋራጥ ኡባና ጌዬዳባ ግድንቶ፣ ሱረ ዎዛናን ላኤንሉዋ ናጋራ ቆጥና፤ ቃይ ያርሸያዋካ አጋና።

3 ሽን አሳይ ላይላን ላይላን ሄ ያርሹዋን ባረ ናጋራ ሀሳዬ።

4 አያው ጎጥ፣ ኮሩማ ሱላይነ ዴሻ ሱላይ ናጋራ ጳይሳናው ኡባካ ዳንዳየና።

5 ሄዋ ድራው፣ ክርስቶስ ሀ አላምያ ያና ሀኒደ፣ ሀዋዳን ያጌዳ፤

“ኔን ያርሹዋን እሙዋ ኮያበይካ፤ ሽን ታው ቦላ ገግሳዳ።

6 ኔን ጹግያ ያርሹዋን፣ ናጋራ ያርሹዋን ኡባካ ናሽታካ።

7 ታን ሄ ዎደ፣ ጽላ ማጸፋን ታባይ ጸፈቲዳዋዳንካ፣ ጸሳው፣ ታን ኔን ኮይያዋ ኦላናው ያድ” ያጋድ”

ያጌዳ።

8 ያርሹ ያርሸታና ማላ፣ ሀገ አዛዝያዎ ግደጥ፣ ክርስቶስ ኮይር፣ “ኔን ያርሹዋ፣ እሞታ፣ ጹግያ ያርሹዋን ናጋራ ያርሹዋ ኡባካ ኮያበይካ፤ ሄዋንቲን ናሽታካ” ያጌዳ።

9 ሄዋጥ ጉይያን ክርስቶስ፣ “ጸሳው፣ ታን ኔን ኮይያዋ ኦላናው ያድ” ያጌዳ።

ሄዋ ድራው፣ ክርስቶስ ላኤንሉዋ ኤሳናው ኮይርዋ ጳይሴ።

10 የሱስ ክርስቶስ ጸሳይ ኮዬዳዎ ኦሌዳ ድራው፣ ባረ አሹዋ ላኤንናን እት ገደ ያርሹዳዋን ኩን ኩ ናጋራጥ ጌይ አጌደ።

11 ቁሳቲዋ ኡባቲ ሀቼ ሀቼ ኤቂደ፣ ባረ ኦሱዋ ኦሊና፤ ቃይ ናጋራ ጳይሳናው ኡባካ ዳንዳየና እት ማላ ያርሹዋ ዛር ዛሪደ ያርሺና።

12 ሽን ክርስቶስ ናጋራ ድራው፣ ኡባ ዎደው ግዴዳ እት ያርሹዋ ያርሺደ፣ ጸሳጥ ኡሸቻ ባጋና ኡት አጌዳ።

13 ጸሳይ ሰጎላጥ ክርስቶሳዎ ሞርከቲዋ ክርስቶሳው ገድያን የድያዎ ኦላና ጋካናው፣ ያን ናጌ።

14 አያው ጎጥ፣ እ እት ገደ ያርሹዳዋን፣ ናጋራጥ ጌዬዳዋንታ መድናው ባላይ ባይናዋንታ ኦሌዳ።

15 ቃይ ጌሻ አያናይ ኑው ማርካቲደ፣ ሀዋዳን ያጌ፤

16 “ታን ሄ ጋላሳቲዋጥ ጉይያን፣ ኡንቲንቲና ጫቀትያ ጫቂ ሀዋ፣ ታን ታ ሀግያ ኡንቲንቲ ቆፋን ዎላና፤ ቃይ ኡንቲንቲ ዎዛናንካ ጸፋና” ያጌ።

17 ቃይ ሄዋጥ ጉየና፣ “ታን ኡንቲንቲ ናጋራ፣ ኡንቲንቲ ማካላ ኦሱዋ ላኤንሉ ሀሳይኮ” ያጌ።

18 ጸሳይ ሄ ናጋራ አቶ ጌዳ ዎደ፣ ናጋራ ጳይሳናው ሀዋጥ ሰንላው ያርሹዋ ኮሸና።

ጸሳኮ ሺቃናው ኮሺ

19 ሰም ታናዳን እማንያዋንቶ፣ ኩን የሱሳ ሱላ ባጋና ኡባጥ አድያ ጌሻ ሳኦ ገላናው ኑው ጸላተላይ ደኤ።

20 ክርስቶስ ኑው ኦራሳ ኦግያን ደኤዎ ኦግያ ጋርዲዋ ባጋና፣ ሄዋ ጉሳይ ባረ ቦላ ባጋና ዳዬዳ።

21 ኑው ጸሳ ጎለን ሱንቲዳ ዎልቃማ ቁሳይ ደኤያ ድራው፣

22 ኩን ሱረ ዎዛናና ቲሙ እማኑዋና፣ ኢታ ዎዛናጥ ጌዬዳ ዎዛናናን ቃይ ጽሎ ሃላን ሜጨቲዳ ቦላና ጸሳኮ ሺቆይተ።

23 ኑው እማና ጌዳ ጸሳይ እማንሉያ ድራው፣ ኩን ደማና ገደ ናሽቻን ናግ ኡቲዳዎ ሎይላ ኦይቆይተ።

9:28 እሳ. 53:12    10:5 ማዝ. 40:6-8    10:11 ከሳ 29:38    10:12 ማዝ. 110:1  
10:16 ኤር. 31:33    10:17 ኤር. 31:34    10:22 ዎጋ 8:30፤ ሀዘ. 36:25

24 እቱ እቱዋና ዋን ሲቀታነንቶን ቃይ ሎኦ ኦሱዋ ዋት ኦላነንቶ፡ እቱ እቶ ቆፔቶ።

25 እቱ እቱ ሺቁዋ ደያ ኦሊደ ሸቅያዋዳን፡ ኩንካ እትጥ ሸቅያዋ አጎሎ፤ ሸን ጎዳ ጋላሳይ ማታትያዋ ሀንተንቱ በእያ ድራወ፡ እቱ እቱዋ መንግሥቶ።

26 ኩን ቱማተላ ኤራ እክ ድጊደ፡ ኤራደ ናጋራ ኦላያዋ ግደጥ፡ ሀዋጥ ሰንላዉ ናጋራ ዳይሰያ ያርሹ እትባይነ ባዋ።

27 ሸን ያሸያ ፕርዳ ናግያዌን ጸሳ እጽያ ኡባ ማናዉ ዋልቃማ ታማይ ደኤ።

28 ሙሴ ሀገዉ አዛዘተና ኡራይ፡ ላኡ ኡራይ ዋይ ሄዙ ኡራይ አ ቦላ ማርካቶ፡ ቃረት ባይናን ሀይቁ።

29 ጸሳ ናኦ ካዴዳ ኡራይ፡ ባረና ናጋራጥ ጌሹዳ ጸሳ ጫቁዋ ሱላ ቱናባዳን ቆፔዳ ኡራይ፡ ቃይ እጾ ኬካተላ ጌሻ እያና ቦርያ ኡራይ፡ እይ ከና ኢታ ፕርዳ አካናዉ በሰንቶን እነ ቆፕተ።

30 አያዉ ጎጥ፡ “ታን ሀሉዋ ከሳና ኩሸያ ዛራና” ጌዳዋ ኩን ኤራቶ፤ ቃይካ፡ “ጎዳይ ባረ አሳ ፕርዳና” ያጌዳ።

31 ደኡዋ ጸሳ ኩሸያን ኩንዳናዌ ዳሮ ያሸያዋ።

32 ሀንተንቶ ጸሳ ፖኡ ፖኤዳዋጥ ጉይያን፡ ሀንተንቱ ዳሮባን ዋየቲደ፡ ዋልቃማ ዋጋታን ገንጨዳ በን ዋድያ ሀሳይተ።

33 እት እት ገደ ሀንተንታ አሳ ሰንላን ቦራድናን ፓጻ ካኤድና፤ ቃይ ሀራ ዋደ ሄዋዳን ኦሌዳዋንቱናን እትጥ ደኤድታ።

34 አያዉ ጎጥ፡ ቃሹዋን ደእያ አሳቶ ሀንተንቱ ቃረቲድታ፤ ያቲደ ሀንተንቶ መድናዉ ዉረና ኡባጥ አድያ ሻሉ ሳሉዋን ደእያዋ ሀንተንቱ ሀጳዉ ኤራዳ ድራወ፡ ሀንተባ ኡባ እክ ድጎጥ ሀይታን ገንጨድታ።

35 ሄዋ ድራወ፡ ዋልቃማ ዋይታና ደእያ ሀንተንቱ ጸላተላ ኦሎፕተ።

36 ጸሳይ ኮይያዋ ኦሊደ፡ እ ሀንተንቶ እማና ጌዳዋ አካናዉ ገንጫና ኮሼ።

37 አያዉ ጎጥ፡ ጸሳ ማጻፋይ፡ “አማራዳ ዋዲ እቲዳ።

ይያዌ ያናዋ፤ ጋምኤና።

38 ታ ጽሉ አማነቲደ ደእናዋ።

ሸን ኦንነ ጉየ ሰዋጥ፡

ታና ናሸቼና”

ያጌ።

39 ኩን አማነቲደ አቲዳዋንቱ ባጋ ግድያዋጥ እትን፡ ጉየ ሰሚደ ዳይዳዋንቱ ባጋ ግድኮ።

# 11

## አማኑዋ

1 አማኑዋ ግያዌ፡ ደማና ጊደ ናሸቻን ናግ ኡቲዳባይ አማንላያዋን በአናዉ ዳንዳየናባ ኤርሰያዋ።

2 ጸሳይ በን ጭማ አሳዉ ማርካታዌ፡ ኡንቱንቱ አማኑዳዋና።

3 ሳሉነ ሳሉይነ ጸሳ ቃላን መጠቲዳዋ አማኑዋን ኩን ኤራቶ፤ ሄዋ ድራወ፡ ቤትያባይ ቤተናባጥ መጠቲዳ።

4 አቤል ቃይላዋጥ አድያ ያርሹዋ ጸሳዉ ያርሹዳዌ አማኑዋና። ጸሳይ እ አመዋባ ማርካቲደ፡ እ ጽሉዋ ግዳዳዋን ማርካቲዳ፤ አቤል ሀራይ አቶ ሀይቁዳሸንካ፡ ባረ አማኑዋን ሀእ ጋካናዉ ሃሳይ።

5 ሄናክ ሀይቀናን ሳሉዋ ቤዳዌ አማኑዋና፤ ጸሳይ አፊዳ ድራወ፡ ኦንነ እ በአናዉ ዳንዳይቤና። ጸሳ ማጻፋይ፡ “ሄናክ ሳሉዋ ባናጥ ካሰ ጸሳ ናሸቼዳ” ያጌ።

6 አማኑ ባይናን ኦንነ ጸሳ ናሸቻናዉ ዳንዳየና፤ አያዉ ጎጥ፡ ጸሳኮ ይያ ኦንነ ጸሳይ ደእያዋን ባረና ኮይያዋንቶ ዋይታ አምያዋ አማናዉ ኮሼ።

7 ኖሄ በአናዉ ዳንዳየና ሰንላጥ ሀናናባዉ ጸሳይ፡ “ኤና ናጋ” ገና፡ ጸሳዉ ያዪደ፡ ባረናን ባረ ሶይ አሳ አሻናዉ ማርካብያ መዴዳዌ አማኑዋና፤ ያቲደ ሄዋን ሀ ሳኦ ቦላ ፕርዳደ፡ አማኑዋን ቤትያ ጽሉተላካ ጸሳጥ እኬዳ።

8 አብራሃዋ ላታናዳን፡ ጸሳይ ባረዉ አማና ጌዳ ጋድያ ባና ማላ፡ ጸሳይ ባረና ጸሴዳ ዋደ፡ አዛዘቲዳዌ አማኑዋና፤ እ ባረ ጋድያጥ ከሲደ ብያ ዋደ፡ ሀቃ ብንቶን ኤረናን ከሴዳ።

10:27 እሳ. 26:11 10:28 ዛረ. 17:6፤ 19:15 10:29 ከሳ 24:8 10:30 ዛረ. 32:35፣ 36 10:37 አዋባ. 2:3-4 11:3 ደመላ 1:1፤ ማዚ. 33:6፣ 9፤ የሃ. 1:3 11:4 ደመላ 4:3-10 11:5 ደመላ 5:21-24 11:7 ደመላ 6:13-22 11:8 ደመላ 12:1-5



9 አብራሃም ጸሳይ ባረጠ እማና ጌዳ ጋድያን ሀራ ቢታ አሳዳን ደኤዳዌ አማኑዋና፤ ጸሳይ ሄ እማና ጌዳዋ ባረናና እትጥ ላታና ይሳቃና፤ ያቆባና ዲንካንያን ደኤዳ።

10 እያዉ ሳጥ፡ አብራሃም ጸሳይ ሎኦ ባሱዋን ቆፒደ ኬዶዳ ካታማ ናጌ።

11 ሳራ ባረ ሁጳዉ ሀራይ አቶ ኤጫደካ፡ እማና ጌዳ ጸሳይ አማኑቲዳዋ ግዴዳዋ ኤሬዳ ድራዉ፡ ናኣ ሻሃራናዉ ዋልቃ ደሜዳዋ አማኑዋና።

12 ሄዋ ድራዉ፡ ሀይቄዳ አሳ ማላትያ እት ብታንያጥ ሳሎዋን ደእያ ጸልንትያ ኬና፡ አባ ጋጸን ደእያ ፓይዱ ባይና ሻፍያ ኬና ዛራቱ የለቲድና።

13 ሄ አሳቱ ኡባቱ አማኑዋን ሀይቄድና፤ ባረንቶ ጸሳይ እማና ጌዳዋካ አክበይክና፤ ሽን ሃኩዋን ሄዋ በኢደ፡ ሳሮቲድና። ቃይ ኡንቱንቱ ሳኣን አማላን የደርሰቲደ ከሴዳ አሳቱዋ ግዴዳዋ ኤሬድና።

14 እያዉ ሳጥ፡ ሄዋዳን ግያ አሳቱ ባረንቱ ሁጳ ጋድያ ኮይያዋ ኤርሲና።

15 ኡንቱንቱ ሄ የጊደ ከሴዳ ጋድያ ሰማዉ ቆፔዳዋ ግድንቶ፡ ጉየ ሰምያ ካጫ ደመናን አግክና፤ ሽን

16 ኡንቱንቱ ሄዋ አጊደ፡ ሎእያ ጋድያ ሳሞቲና፤ ሄዋ ሳሎዋ ጋድያ። ሄዋ ድራዉ፡ ጸሳይ ኡንቱንቱ ጸሳ ጌተታናዉ ዬላተና። እያዉ ሳጥ፡ እ ኡንቱንቶ ካታማ ጊገሰ ዋሴዳ።

17-18 አብራሃም ይሳቃ ያርሻንንቶ ዋይ ያርሽንንቶ፡ ጸሳይ ኤራናዉ ጸሞሴዳ ዋደ፡ አብራሃም አማኑዋን አ ያርሹዳ። ጸሳይ አብራሃማ፡ “ሳ ዛሪ ይሳቃ ባገና ጸሰታናዋ” ጌዳሽንካ፡ አብራሃም ባረ ናኣ ይሳቃ ያርሻናዉ ጊጌዳ።

19 አብራሃም ጸሳይ ይሳቃ ሀራይ አቶ፡ ሀይቄዋጥካ ፓሳናዉ ዳንዲይያዋ ኤሬዳ፤ ሄዋ ድራዉ፡ ሀይቄዋጥ ጉየ አ ዛሪደ እኬዳ።

20 ይሳቅ ሰንሳጥ ሀናናባዉ ያቆባን ኤሳ እንጃዳዋ አማኑዋና።

21 ያቆብ ሀይቃና ሀኒደ፡ ዮሴፎ ናና ሁጲያን ሁጲያን እንጃዳዊን ጋትማን ጉፈቲደ፡ ጸሳዉ ሳይኔዳዌ አማኑዋና።

22 ዮሴፎ ሀይቃናዉ ማቲደ፡ እስራኤልያ አሳይ ግብጾጥ ከሳናዋ ሃሳዬዳዊን ባረ መቀላ ኦሳናባ ኡንቱንታ አዛዜዳዊ አማኑዋና።

23 ሙሴ የለቲዳዋጥ ጉይያን፡ አዉን አታ ማላ ሎኦ ናኣ ግዴዳዋ በኢደ፡ ሄዙ አገና ቆሴዳዌ አማኑዋና፤ ኡንቱንቱ ካትያ አዋዮካ ያይበይክና።

24 ሙሴ ድጩዳዋጥ ጉይያን፡ ግብጾ ካትያ ናት ናኣ ጌተታናዋ እጹዳዌ አማኑዋና።

25 ናጋራን ሙሴ ጉላ ዋድያ ናሽታናዋጥ፡ ጸሳ አሳና ዋየታናዋ ደራዳ።

26 ዋደጥ ደማና ዋይታ እ ትሽ አሊደ ጴሎ ድራዉ፡ ግብጾ ጋድያ ሻሎዋ ኡባጥ ክርሰቶሳ ድራዉ ቦረትያዌ ዳር አድያ ልራተሳ ግዴዳዋ ቆፔዳ።

27 ካትያ ሀንቆ ሙሴ ያየናን፡ ግብጾ ጋድያጥ ከሴዳዌ አማኑዋና፤ እያዉ ሳጥ፡ ቤተና ጸሳ በኤዳዋዳን፡ ገንጩደ ሰንሳዉ ቤዳ።

28 ሀይቄዋ ኪታንቻይ እስራኤልያ አሳዉ ባይራ ናና ቦቼናዳን፡ ሙሴ ፓሰጋ ቦንቼዳዊን ጉባንያን ሱላ ጫጫፍሴዳዊ አማኑዋና።

29 እስራኤልያ አሳይ መላ ቢታን ሀመትያዋዳን፡ ዞኦ አባ ጉኔዳዌ አማኑዋና፤ ሽን ግብጾ አሳቱ ፓጩዉ ገልሽን፡ ሃላይ ኡንቱንታ ሞት አጌዳ።

30 እስራኤልያ አሳይ እያርኮ ግያ ካታማ ሹቻ ድርሳ ላፑ ጋላሳ ዩይ ዩይ አዳዋጥ ጉይያን፡ ሄ ሹቻ ድርሳይ ኩንዴዳዊ አማኑዋና።

31 ጫራታ ራኣባ የዉዋ ቆርያዋንታ ሎይላ ሞኬዳ ድራዉ፡ ጸሳዉ አዛዘተናን እጹዳ አሳና ሀይቀናን አቲዳዌ አማኑዋና።

32 ሰም ሀራባ ጉጃደ እያ ኦደ? ጌድናባ፡ ባራቃባ፡ ሳምሶናባ፡ ዮፍታሄባ፡ ዳዊተባን ሳሜላባ፡ ቃይ

11:9 ደመላ 35:27 11:11 ደመላ 18:11-14፤ 21:2 11:12 ደመላ 18:11-14፤ 21:2 11:13 ደመላ 23:4፤ 1 ኦዲዋ 29:15፤ ማዘ. 39:12 11:17-18 ደመላ 22:1-14 11:20 ደመላ 27:27-29፤ 39-40 11:21 ደመላ 47:31 11:22 ደመላ 50:24-25፤ ከሳ 13:19 11:23 ከሳ 2:2፤ 1:22 11:24 ከሳ 2:10-12 11:28 ከሳ 12:21-30 11:30 እያሳ 2:1-21፤ 6:22-25 11:32 ዳኤላ 6:11—8:27፤ ዳና. 4:6—5:31፤ ዳና. 13:2—16:31፤ ዳና. 11:1—12:7፤ 1 ሳሜላ 16:1—1 ካታ. 2:11፤ 1 ሳሜላ 1:1—25:1 11:33 ዳኤላ 6:1-27

ናባቱዋባ ኦዳናዉ ታዉ ዎዲ ግደና።

33 ኡንቱንቱ ካትያ ኡባና ኦለቲደ ጸኔዳዌን ጽሎባ ኦሌዳዌ አማኑዋና፤ ያቲደ ጸሳይ አማና ጌዳዋ አኬድና፤ ጋሞቱዋ ደናካ ጎርዴድና።

34 ዎልቃማ ታማ ቶይሴድና፤ ኩሳ ማሻጥ አቲድና፤ ኡንቱንቱ ዳቡራንቻ፤ ሽን ሞኔድና፤ ቃይ ኦላን ሞኒደ፤ ሀራ ጋድያ ኦላ አሳ የደርሴድና።

35 ማጫዋንቱ ባረንቱ ሀይቄዳዋንታ ሀይቄዋጥ ደንድና አኬድና።

ቃይ ሀራንቱ ቃሹዋጥ ብለታናዎ አጸደ፤ ኬክያ ደኦ ሀይቄዋጥ ደንድናዉ፤ ኡጋቲደ ሀይቄድና።

36 ሀራቱዋ ቦላ አሳይ ቅለጭ ካኤዳ፤ ልሱዋን ሾጩቲድናን ሳንሳላታን ቃሽቲደ፤ ቃሾ ጎልያ ገሌድና።

37 ሹቻን ጫደቲድና፤ ማጋዘያን ላኡ ከሲደ ጳልቀቲድና፤ ጋጩቲድና፤ ማሻን ሀይቄድና፤ ኡንቱንቶ ኡባባይካ ጳይና፤ ዋየቲደ ቱጋቲደ፤ ደርሳ ጫላን ዴሻ ጫላ ማዪደ ዩዬድና።

38 ኡንቱንቶ ሀ አላሚ ገገናን እጽና፤ ዎራን፤ ደርያን፤ ጎንጎሉዋ ግድንን ኦላ ግዲዋን ዩዬድና።

39 ጸሳይ ኡንቱንቱ አማኑዋ ማርካቶጥካ፤ ሄዋንቱ ኡባቱ እ፤ አማና ጌዳዋ አክበይክና።

40 ጸሳይ ኑዉ እት ሎኦ ቆፋ ቆጥ ዎሌዳ ድራዉ፤ ኡንቱንቱ ኑን ባይናን ባላይ ባይናዋንታ ግድክና።

ገንጨደ፤ ጸሳ ካዉተላ ኦይድያጥ ኡሽቻ ባገና ኡቲዳ።

3 ሀንተንቱ ሀንተንቱ ዎዛና ባይዚደ ዳቡረና ማላ፤ ናጋራንቻቱ ባረና ዳር እጽናካ ገንጨዳ የሱሳ ቆጥተ።

4 ናጋራና ሀንተንቱ ባጸቲደ፤ ሱላ ጉሳና ጋካናዉ ብር ኦለት ድግበይክታ።

5 ጸሳይ ባረ ናናዳን፤ ሀንተንታ ዘርያዎ ደጌድቲ፤ ጸሳይ ሀንተንታ፤ “ታ ናአዉ፤ ጸሳይ ኔና ሙርያ ዎደ፤ ላፋባዳን ቆጥጋ።

እ ኔና ሴርያ ዎደካ ያዮጋ።

6 አያዉ ጎጥ፤ እ ባረ ሲቅያ ኡራ ሙሬ፤ ቃይ ባረ ናኦዳን አክያ ኡባካ ልሱዋን ሾጩ”

ያጌዳ።

7 ጸሳይ ሀንተንታ ሙርያ ዎደ ገንጭተ። አያዉ ጎጥ፤ እ ሀንተንታ ናናዳን ኦሌ። እዉ ሴረና ናአይ ደኢ?

8 ናና ኡባ ሴርያዎዳን፤ ሀንተንታ ሙረናን አጎጥ፤ ካረን የለቲዳዋንታ ግዲታጥ አትን፤ ቱሙ ናና ግድክታ።

9 ሄዋ ቦላን ቃይ፤ ኑና የሌዳ ኑ አዎቱ ኑና ሙሬዳ ዎደ፤ ኑን ኡንቱንታ ቦንቼደ። ያትና፤ ኑን ዎኒደ አያና አቦ ሎይሳ ዳርሰ ዎደቲደ ደኢኮ?

10 አያዉ ጎጥ፤ ኑና የሌዳ ኑ አዎቱ ባረንታ ሎኦዎዳን፤ አማራዳ ዎድያ ኑና ሙሬድና፤ ሽን ጸሳይ ኑን አ ጌሻተላ አካና ማላ፤ ኑና ማዳናዉ ሙሬ።

11 ኑን ሙረትያ ዎደ፤ ሀአዉ ይሎዬ፤ ናሽቼና። ሽን ሙሬዳዋንቶ ጉየጥ ሄ ሙሬይ ጽሎተላ ደኡዋ ሳርተላ ዎይታ አማና።

# 12

ጸሳይ ኑዉ አዉዎ

1 ሰም ኑዉ ሀዋ ኬና ዳር አሳይ፤ ሻርያዳን ኑ ማታን ዩይ አዲደ ማርካትያዌ ደኢሽን፤ ኑና ጱቢያ ኡባባን ባቄ ኦይቄያ ናጋራ ድጊደ ኑ ሰንሳን ደኢያ ኑን ዎጻና ዎላ ገንጨደ ዎጸይተ።

2 ኑን ኑ አማኖ ኦግያ ዶዬዳዋን ፖልሰዎ ግዴዳ የሱሳ ጴሎይተ። የሱሰ ዩላ ካዲደ፤ ሰንሳጥ አዉ ደኢያ ናሽቻ ድራዉ፤ ማሰቃልያ ቦላ ምሰማርያን ድሽቲደ ሀይቃናዎ

ዘርያን ሴራ

12 ሄዋ ድራዉ፤ ሀንተንቱ አርጋጩዳ ኩሽያን ሀንተንቱ ዳቡራዳ ጉልባታ መንግሳተ።

13 ዎቢያ ገዲ ፓጻናጥ አትን፤ ቡርቀና ማላ፤ ሱረ ኦግያን ሀመትተ።

14 አሳ ኡባና ሳር ደአናዉ ምንተ፤ ቃይ ጌሻ ደኡዋ ደኢተ። አያዉ ጎጥ፤ ጌሻተላይ ባይናን ኦንን ጎዳ በአናዉ ዳንዳየና።

15 ጸሳ አዶ ኬካተላ ኦንን አከናን አተና ማላ ናገትተ፤ ቃይ ደላደ፤ ባረ

11:34 ዳኔላ 3:1-30 11:35 1 ካታ. 17:17-24፤ 2 ካታ. 4:25-37 11:36 1 ካታ. 22:26-27፤ 2 ኦዲዋ 18:25-26፤ ኤር. 20:2፤ 37:15፤ 38:6 11:37 2 ኦዲዋ 24:21 12:5 ኤዮባ 5:17፤ ለም. 3:11-12 12:12 ኤሳ. 35:3 12:13 ለም. 4:26 12:15 ዛረ. 29:18

ማርዘያን አሳ ዋይሰያ ጫሞ ሞላዳን ሀኒደ፣ ኦንነ ዳሮ አሳ ቱንሰና ማላ ናገትተ።

16 ዋሹማናዉ ካጄልያ አሳይ ኦንነ ደኤና ማላ፣ ዋይ ቃይ እት ገደ ምያባዉ ባረ ባይራተላ ዛልኤዳ፣ አያናባ ካዉሸሰያ ኤሳ ማላ አሳይካ ደኤና ማላ ናገትተ።

17 ሄዋጥ ጉይያን፣ ኤሳይ ባረ አቡ አንጁዋ አካናዉ ኮዬዳዋ ኤሪታ፤ ሸን አ አቡ አ አንጅናን እጹዳ፤ አያዉ ጎጥ፣ ናጋራጥ ሰምያ ኦገያ አ ሀራይ አቶ፣ አፎጽ ኮዪደካ ደማናዉ ዳንዳይቤና።

18 ህንተንቱ ቦቻናዉ ዳንዳይያ ደርያኮን ኤጽያ ታማኮ፣ ጁማኮ፣ ሻርያኮን ጎቱዋኮ።

19 ቃይ ማላካታ ዋሱዋኮን ቃላ ኮሻኮ ይበይክታ። አሳይ ሄ ኮሻ ሰሴዳ ዋይ፣ ሀራ ጉጅ ሰሰና ማላ ዋሴዳ።

20 አያዉ ጎጥ፣ ጸሳይ ኡንቱንታ፣ “ሀራይ አቶ፣ ደአይካ ሄ ደርያ ቦቻጥ፣ ሹቻን ጫደተደ ሀይቆ” ያጌዳ አዛዙዋ ኡንቱንቱ ገንጫናዉ ዳንዳይበይክኖ።

21 አይፍያን ቤትያዌ ዳር ዳጋንሉያዋ ግድያ ድራዉ ሙሴ፣ “ታን ያሻን ኮኮራይ” ያጌዳ።

22 ሸን ህንተንቱ ጽዮን ደርያ፣ ደአ ጸሳይ ደአያ ካታማ፣ እትጥ ሸቂደ ናሸትያ ዳር ሻአ ኪታንቻቱዋኮ ሳሉዋ የሩሳላመ ዬድታ።

23 ጸሳ ባይራ ናናቱዋኮ፣ እትጥ ሸቂዳዋንቱኮ፣ ኡንቱንቱ ሰንሳይ ሳሉዋን ጸፈቱዳዋንቱኮ ዬድታ፤ ቃይ አሳ ኡባ ፕርድያ ጸሳኮን፣ ባሳይ ባይናዋንታ ኦሴዳ ጽሎ አሳቱዋ አያናቱዋኮ ዬድታ።

24 ኦራሳ ጫቆ ጋናትያ የሱሳን አቤላ ሱሳጥ አድያዋ ኦድያ ጉኬዳ ሱሳኮ ዬድታ።

25 ህንተንቶ ኦድያ ኡራ የዉዋ ሰሰያዋ ህንተንቱ እጸና ማላ፣ ህንተንታ ናግተ። ጸሳ ኪታ ሳኢን ባረንቶ ኦድያዌ ኦድያዋ ሰሰና እጹዳዋንቱ አታና ጳዮጥ፣ ሳሉዋን፣ “ህንተና ናግተ” ግያ ጸሳጥ ኦን ዋኒደ አታኔ?

26 ሄ ዋይ አ ኮሻይ ሳኢ ቃሌዳ፤ ሸን አ ሀአ፣ “ታን ሳኢ ጸላላ ግድናን፣ እት ገደ ጉጅደ ሳሉዋካ ቃላና” ያጌዳ።

27 “አት ገደ ጉጅደ” ግያ ቃላይ ቃጸናባይ ምኒደ ደአና ማላ፣ መጠቅዳባይ ቃጸናዋን ክቻናዋ ጌሺደ በሴ።

28 ኦን ቃጸናዉ ዳንዳየና ካዉተላ አክያ ድራዉ፣ አን ጸሳ ጋላቶይተን አ ናሸቻይተ፤ አዉ በሰያዋዳን ቦንቹዋንን ያሻተላን አዉ ጎይሮይተ።

29 አያዉ ጎጥ፣ ኦ ጸሳይ ቱሙ ባይዘያ ታማ።

### 13

ጸሳ ኦን ዋት ናሸቻናዉ በሰንቶ

1 ህንተንቱ እሻቱዋ ሲቅያዋ አጎጥተ።

2 እምላ ሞክያዋካ ደጎጥተ። አያዉ ጎጥ፣ ያትያዋን እት እት አሳይ ኤረናን ኪታንቻቱዋ ሞኬዳ።

3 ቃሹ ጎሊን ደአያዋንቱባ ህንተንቱካ ኡንቱንቱና እትጥ ቃሹ ጎሊን ደአያዋዳን ቆጥተ፤ ቃይ ህንተንቱ ህንተንቱ ሁጸዉ ዋየትያዋዳን፣ ዋየትያዋንቱባ ቆጥተ።

4 አክያዋን ገልያዋ አሳይ ኡባይ ቦንቻናዉ በሴ፤ ቃይ አሰናይን ማቻታ እቱ እቶ አማኒታናዉ በሴ፤ አያዉ ጎጥ፣ ጸሳይ ዋሹማናዉ ካጄልያዋንታን ዋሹምያዋንታ ፕርዳና።

5 ሚሻ ሲቁዋጥ ህንተንታ ናግተ፤ ህንተንቶ ደአያዌ ህንተንቶ ግድ። አያዉ ጎጥ፣ ጸሳይ ባረ ሁጸዉ፣ “ታን ኔና ኡባካ የግከ ዋይ አግከ” ያጌዳ።

6 ሄዋ ድራዉ፣ ኦን ጸሊደ፣ “ጎዳይ ታና ማድያዋ፤ ታን ያይከ። አሳይ ታና አይ አሊ?” ያጌቶ።

7 ጸሳ ቃላ ህንተንቶ ኦዳዳ ህንተንታ ካለሌዳዋንታ ሀሳይተ፤ ኡንቱንቱ ዋን ደኤድኖንቶን ሀሳይተ፤ ቃይ ኡንቱንቱዋዳን አማንተ።

12:16 ደመላ 25:29-34 12:17 ደመላ 27:30-40 12:18 ከሳ 19:16-22፤ 20:18-21፤ ዛረ. 4:11-12፤ 5:22-27 12:20 ከሳ 19:12-13 12:21 ዛረ. 9:19 12:24 ደመላ 4:10 12:25 ከሳ 20:22 12:26 ሃገ 2:6 12:29 ዛረ. 4:24 13:2 ደመላ 18:1-8፤ 19:1-3 13:5 ዛረ. 31:6፤ 8፤ ኢያሳ 1:5 13:6 ማዘ. 118:6

8 የሱስ ክርስቶስ ዝናካ ሀቼካ መድናወካ ላመተና።

9 ዲማ ዲማ ኦራላ ትምርትያን ዋራ ቦፕተ። ኑ ዋዛናይ ጸሓ አቶ ኪካተላን ምኖፕ ሎኦ ግድያዋፕ አትን፣ ቁማ ዋጋቶ አዛዘትያዋ ግደና፤ ሄዋ አዛዘቲዳዋንቲካ ማደትቦይክኖ።

10 ኑዉ ያርሽያሳይ ደኤ፤ ዲንካንያ ግደን አልያዋንቲ ሄ ያርሽያ ሳፕ ማናዉ ኡንቲንቶ ማታይ ባዋ።

11 ቁሳቲዋ ኡባቲዋ ካፑ ናጋራ ድራዉ፣ መሀያ ሱላ ያርሻናዉ ኡባፕ አፎያ ጌሻ ሳኦ አፊ፤ ሽን ሄ መሀያ አሹዋ ቃይ ድርሳፕ ካረና ጉይ።

12 ሄዋ ድራዉ፣ የሱስካ ቃይ ናጋራፕ አሳ ባረ ሱላን ጌሻናዉ፣ ካታማ ፕንግያፕ ካረና ዋየቲዳ።

13 ሰም ኑን አ ቦረቲዳ ቦርያ አኪደ፣ ድርሳፕ ካረ አኮ ከሶይተ።

14 አያዉ ጎፕ፣ ኑዉ ሀዋን መድናዉ ደአያ ካታማይ ባዋ፤ ሽን ኑን ያና ካታማ ናጌቶ።

15 ሰም ጸሳዉ የሱሳ ባጋና ኡባ ዋደ ጋላታ ያርሹዋ አሞይተ፤ ሄዋ ግያዌ መተርሻይ አ ሱንላዉ አምያ ጋላታ ግያዋ።

16 ሎኦባ አልያዋን አቲ አቲዋ ማድያዋ ደጎፕተ። አያዉ ጎፕ፣ ጸሳ ናሽቶያዌ ሄዋ ማላ ያርሹዋ።

17 ሀንተና ካለልያዋንቶ አዛዘትተ፤ ቃይ ኡንቲንቲ አዛዘያዋካ ኦሎተ። ኡንቲንቲ ባረንቲ አሌዳዋ ጸሳዉ ኦዳና ድራዉ፣ ሀንተንቲ ሽምፑዋ ሎይላ ናጊና፤ ሀንተንቲ ኡንቲንቶ አዛዘቶፕ፣ ባረንቲ ኦሱዋ ናሽቲደ ኦላና፤ ሄዌ ጳዮፕ፣ ኡንቲንቲ ይሎቲደ ኦላና፤ ሄዌ ሀንተንታ አይነ ማደና።

18 ኑዉ ጸሳ ዋሰተ። ኑን ኡባ ዋደ ሎኦባ ኦላናዉ ኮይያ ድራዉ፣ ኑና ዘርያ ሎኦ ዋዛናይ ኑዉ ደኤ።

19 ጸሳይ ታና ሀንተንቲኮ ኤለካ ዛራና ማላ፣ ጸሳ ሀንተንቲ ሎይላ ዋሳናዳን፣ ታን ሀንተንታ ሎይላ ዋሳይ።

ዋሳ

20 ሳርተላ ጸሳይ፣ ኑ ጎዳ የሱሳ፣ ደርሳቲዋ ሄንላንቻ ዋልቃማ፣ መድና ጫቁዋ ሱላን ሀይቁዋፕ ደንሌዳ።

21 ጸሳይ የሱስ ክርስቶሳ ባጋና ባረ ሰንላን ባረና ናሽቶያዋ ሀንተንታ ኦሰሲደ፣ ሀንተንቲካ አ ኮይዳዋ ኦላና ማላ፣ ሎኦ ኦሱዋ ኡባን ሀንተንታ አ

ጊግሶ፤ ጸሳይ መድ መድናዉ ቦንቼቶ። አመንአ።

ቀተላ ቃላ

22 ታናደን አማንያዋንቶ፣ ታን ሀ ዲብዲቢያ ሀንተንቶ ቃንላን ጸፊዳ ድራዉ፣ ሀንተንቲ ሀ ዘርያ ሳለተናን ሰሳና ማላ፣ ታን ሀንተንታ ዋሳይ።

23 ኑ አሻይ፣ ጽሞቶስ ቃሹዋፕ ብለቲዳዋ ኤርተ። ኤሌል አ ሃ ዮፕ፣ ታን አናና ባደ ሀንተንታ ቦአና።

24 ሀንተና ካለልያ ኡባቲዋን ጸሳ አሳቲዋ ኡባ ሳር ሳር ጌተ። ጸልያፕ ዬዳ አማንያዋንቲ ሀንተንታ ሳር ሳር ጌና።

25 አቶ ኪካተላይ ሀንተናና ኡባና አትፕ ግደ። አመንአ።

# ያቆብ ጻፊዳ ኪታ ገሉዋ

ሀ ኪታ ጻፊዳ ያቆብ ጎዳ የሱሳ እሻጥ አትን ታማነ ላኡ የሱሳ ካልያዋንቱ፣ እቱዋ ግደና። እካ የሩሳላመን ደእያ እማንያ እሳ ካለልያ ጭማ (ጋል 2:9)። ሀ ኪታይ ጻፈቲዳዌ እት ዋሳ ጎላትዉ ግደናን ርመ ካዉተላ ግደን ላለቲዳ አይሁዳ እማንያዋንቱ ኡባቱዋሳ ግደዳ፣ ኑናካ ሀቼ ሀቼ ደኡዋ ካለልያ ቆፋቱዋ ኑይቁዳ። ጻፈቲዳዌካ “አላምያ ኡባን ላለቲዳ ጸሳ አሳሳ”። ሀ ማጻፋ ጻፊዳዌ አጭዳ ኤራተላ ኑን ኑሱዋን ፔሽያ ሂላን እማንያ እሳ ኤሻን ሀናታ ታማርሰያ ኦግያ ካለሱዋ እምያ የዋቱዋ ምስልያዳን ቆንጭያን በሴ።

ሀዬሳተላባ፣ ዱረተላባ፣ ፓጭያባ፣ ሎኦ ኤሻባ፣ ቃናትያባ፣ እማኑዋባን ሎኦ ኑሱዋባ፣ አንጻርሳ ማዲዋባን ቆሁዋባ፣ አጭዳ ኤራተላባ፣ እቱ እቱዋና ዋላቀትያባ፣ ኑቶሩዋባን አሽከተላባ፣ ሀራ አሳ ቦላ ፕርድያዋ፣ ጨቁዋባ ዋይ አዩዋባ፣ ገንጫባን ዋሳባ፣ እማንያ አሳይ ደእናዉ በሰያ ኦግያ ኡባ ጻፊዳ።

ኪታይካ ክርሰትና ደኡዋን እማኑ ኑሱዋን ፔሻና ሀናታባ ቆንጭሲደ በሴ።

## ሸምፓቱዋ ኡባቶ አመቴዳ ቃንላ ቆፋቱዋ

- ገሉዋ 1:1
- እማኑዋን አጭዳ ኤራተላ 1:2-8
- ሀዬሳተላባን ዱረተላ 1:9-11
- ፓጭያ 1:12-18
- ጸሳ ቃላ ስሱሳን ኑሱዋ ቦላ ፔሹሳ 1:19-27
- ሀነና ኦግያን እቱ ሀራዉ ማደና ማላ አመቴዳ ኡዲዋ 2:1-13
- እማኑዋን ኑሱዋ 2:14-26
- እማንያ አሳን አንጻርሳጥ ከሰያ ሃሳያ 3:1-18
- እማንያ አሳን ሀ አላምያ 4:1—5:6
- ዲማ ዲማ የዋ አመቴዳ ማቁዋ 5:7-20

1 ታን ያቆብ ጸሳ አይሊን ጎዳ የሱሳ ክርሰትሳ አይሊ፣ ቢታ ኡባን ላለቲዳ ታማነ ላኡ ዘረላቶ\* ሳርታ ኪታይ።

ዳንዳያ፣ እማኑዋ፣ አጭዳ ኤራተላ  
2-3 ታናዳን ጸሳ ካልያዋንቶ፣ ሀንተ እማኑ ፓጨትያዌ ሀንተንቶ ዳንዳያ እማናዋ ኤሪደ፣ ዲማ ዲማ ፓጨ ሀንተና ጋክያ ዋደ፣ ሄዋ ኩመንላ ናሽቻዳን ፓይድተ።

4 ሀንተ ዳንዳያይ አይነ ባል ባይናን ሀንተና ምኔዳዋንታን ፓጭ ባይናዋንታ ኦሴደ፣ ባረ ኑሱዋ ፖሎ።

5 ሽን ሀንተፕ ኦንነ ባረዉ አጭዳ ኤራተላይ ቆጥፕ፣ ካፍን ኡባዉ ኬካተሳን እምያ ጸሳ ዋሶ። እ አዉ እማና።

6 ሽን እ አያንነ ሰፍን እማኑዋን ጸሳ ዋሶ። አያዉ ጎፕ፣ ሰጅያ ኡራይ ጫርኩ ሱግና ቃጽያ አባ ቤታ ማላ።

7-8 አያዉ ጎፕ፣ ላኡ ቆፋይ ደእያ ኡራይ፣ ባረ ኦግያ ኡባን ባረ ቆፋ ቃቼናዌ፣ ሄ ኡራይ ጎዳፕ አይነ ደማናዉ ቆፖፕ።

ሀዬሳ አሳን ዱረ አሳ ናሽቻ

9 ሽን ሀዬሳ እሻይ ጸሳይ አ ቶቁ ኦሴዳ ዋደ ናሽቶ።

10 ቃይ ዱረ እሻይካ ጸሳይ አ ካዉሽሴዳ ዋደ ናሽቶ። አያዉ ጎፕ፣ ዱረ ብታኒ ማታ ግደን ድጭያ ጨሻዳን ቆያና።

11 አያዉ ጎፕ፣ አዋይ ባረ ሴላና ከሲደ፣ ማታ መልሰና፣ ጨሻይ ቆይ፣ ቃይ አ ማላ ሎኦተላይካ ቆይ፣ ሄዋዳንካ ቃይ ዱረ ብታኒ ባረዋ ኦሴደ ቆያና።

አሳ ቦላ ጋክያ ፓጭያ

12 ዋይያን ገንጭያ ኡራይ አንጀቲዳዋ፣ አያዉ ጎፕ፣ ሄ ዋይያ ጸኔዳዋፕ ፔይያን፣ ጸሳይ ባረና ሲቅያዋንቶ እማና ጌዳ ደኡዋ ካላቻ ተ እ አካና።

13 ኦንነ ፓጨቲዳ ዋደ፣ “ታና ጸሳይ ፓጨ” ጎፕ። አያዉ ጎፕ፣ ጸሳይ ኢታን ፓጨታናዉ ዳንዳየና፣ ቃይ እ ባረ ሁጸዉ ኦናን ፓጨና።

\* 1:1 ቢታ ኡባን ላለቲዳ ታማነ ላኡ ዘረላቶ፦ ያቆብ ጊደ ደእያ ቆፋይ፣ ጎዳ ካልያ እማንያዋንታ ግዲደ ታማነ ላኡ አስራኤልያ ዘረላቱዋዳን ባረንቱ ሞርከቱዋን ቢታ ኡባ ላለት ጋኬዳዋንታ ጉሳ።  
1:10 አሳ. 40:6-7 † 1:12 ደኡዋ ካላቻ፦ ቦንቹቲዳ ደኡዋ ጉሳ።

14 ሸን አሳይ ሁጺያን ሁጺያን ባረ ሁጸ ኢታ አሙዋን ጎሽትያ ዎደነ ጭመትያ ዎደ ፓጩቲ።

15 ሄዋፕ ጉይያን፣ አሙ ሻሃሪደ፣ ናጋራ የሌ፤ ቃይ ናጋራይ ድጩደ፣ ሀይቁዋ የሌ።

16 ታናዳን ጸሳ ካልያዋንቶ፣ ጭመቶፕተ።

17 ሎኦ አሙዋ ኡባይነ ኩመንጻ ዎይታ ኡባይ ሳሉዋፕ ዬ። ሳሉዋ ፖኡዋ መጴዳ አዉዋፕ ዬ፤ ጸሳይ ባረ ሁጸዉ ዱማተናነ ዎይ ባረ ኩዋ ላመና።

18 ኑን እ መጴዳ መታቱዋ ግደን ዶቃሳ አካናዳን፣ ኑና ባረ ሸንያን ቱሙ ቃላን የሌዳ።

ሰሌዳዋ ኦሱዋን ፔሽያዋ

19 ታናዳን ጸሳ ካልያዋንቶ፣ ሀዋ ሀሳይተ፤ አሳይ ኡባይ ሰሳናዉ ኤሌሎ፤ ሸን ሃሳያናዉነ ሀንቀታናዉ ኤሌሎ።

20 አያዉ ጎፕ፣ አሳ ሀንቁ ጸሳይ ኮይያ ጽሎተጻ አሄና።

21 ሄዋ ድራዉ፣ ቱና ሀኖታ ኡባነ ኢታተጻ ኡባ ሀንተፕ ጳይሲደ፣ ጸሳይ ሀንተ ዎዛናን ቶኬዳ ሀንተ ሸዎፕዋ አሻናዉ ዳንዳይያ ቃላ አሸከተጻን አክተ።

22 ሸን ጸሳ ቃላ ኦሱዋን ፔሽተፕ አትን፣ ሰሳ ጸላላን ሀንተ ሁጺያ ጭዋፕተ።

23 አያዉ ጎፕ፣ ቃላ ሰሲደ ኦብና ኡራይ ደአፕ፣ እ ባረ ማላ ማሰቶትያ ጴልያ ኡራ ማላ።

24 እ ባረና ጴሊደ ቤ፤ ኤላካ እ አይ ማለንቶነ ደግ አኔ።

25 ሸን ኦንነ አይለተጻፕ ከሰያ ባል ባይና ሀግያ ጴሊደ፣ አን አቅያዎ ቃይ አ ናግያዎ፣ ሰሌዳዋካ ደገናዎ፣ ሄ ኡራይ ባረ ኦልያ ኦሱዋን አንጀታና።

26 ባረ አንጻርሳ ናገናን ባረና ጭሚደ፣ ባረዉ ጸሳ ጎይንያዋ ማላትያ ኡራይ ደአፕ፣ እ ጎይናይ መላ።

27 ጸሳ አዉዋ ሰንጻን ፖኩ ባይና ጌሻ ጎይናይ ሀዋ፤ ሄዎ ሀቃዎ ጎፕ፣ አታ አዉ ባይና ናናቱዋነ ዋየትያ አምኤቱዋ ማዳናዋነ ሳኦ ናጋራ ቅታፕ ባረ ሁጺያ ናጋናዋ።

2

ሀይሳ ካቆናዉ በሰና

1 ታናዳን ጸሳ ካልያዋንቶ፣ ሀንተ ኑ ቦንቾ ጎዳ የሱሰ ክርሰቶሳ አማን ደኢደ፣ ዴሙዋ ጴሊደ፣ አሳ ቦንቾፕተ።

2 አያዉ ጎፕ፣ ዎርቃ ምግዲዋ ዎሊደ፣ ሎኦ ማዩዋ ማዬዳ እት አሳይ ሀንተ ሸቁዋ ዮፕ፣ ቃይ ጩርቃ ማዩዋ ማዬዳ ሀይሳ አሰካ ዮፕ።

3 ሎኦ ማዩዋ ማዬዳ ብታንያ ሀንተ አላ ቦንቾደ እ፣ “ኔን ሀዋን ኡባፕ ሎኦያ ኦይድያን ኡታ” ጌደ ቃይ ሀይሳ ብታንያ፣ “ኔን ሀንና ኤቃሻ፤ ዎይ ሀዋን ታ ገድያ ማታን ሳኦን ኡታ” ጎፕ።

4 ያትና ሀንተ ሀንተ ግደን ሻኩተጻ መጵያዋንታን ኢታ ቆፋና ደኢያ ዳናቱዋ ግድክቴዬ?

5 ታናዳን ጸሳ ካልያዋንቶ፣ ሰሰተ፤ ጸሳይ ሀ ሳኦን ደኢያ ሀይሳ አሳይ አማኡዋን ዱረታናዉነ ባረና ሲቅያዋንቶ አማና ጌዳ ሳሉዋ ካዉተጻ ላታናዉ ደርቤነዬ?

6 ሸን ሀንተ ሀይሳቱዋ ቶቼድታ። ዱረቱ ሀንተና ቱጋይያዋንታ ግድክናዬ? ኡንቱንቱ ሀንተና ዳናን ሞትያዋንታ ግድክናዬ?

7 ሀንተዉ አሙቲዳ ሎኦ ሱንጻ ቦርያዋንቱ ኡንቱንታ ግድክናዬ?

8 ሸን ጸሳ ማጻፋን፣ “ነ ሸሩዋ ነ ሁጺያዳን ሲቃ” ጌተቲደ ጻፈቲዳ ካትያ ሀግያ \* ሀንተ ፖሎፕ፣ ሎኦባ ኦሊታ።

9 ሸን ሀንተ አሳ ዴሙዋ ጴሊደ ቦንቾፕ፣ ናጋራ ኦሊታ፤ ቃይ ሀጌ ሀንተ ቦላ፣ ሀግያ መንጴዳዋንቱዳን ፕርዳና።

10 አያዉ ጎፕ፣ ኦንነ ሀግያ ኡባ ናጌደ፣ አትኖ መንጻያዋ ግደፕ፣ ሄ ኡራይ ሀግያ ኡባ መንጻ።

11 አያዉ ጎፕ፣ “ዎሹዋፓ” ጌዳዎ ቃይ “ዎጶፓ” ጌዳ፤ ሸን ኔን ዎሹማና ጳዮፕ፣ ዎጴዳዋ ግደፕ፣ ሀግያ መንጻዳ።

12 አሳ አይለተጻፕ ከሰያ ሀግያን፣ ፕርዳ አካና አሳቱዋዳን ሃሳይተነ ኡንቱንቱዋዳን አላተ።

\* 2:8 ካትያ ሀግያ፡- ኡባፕ አፋዋን ጎኢያ ሀግያ፤ ሀዋ ብለላይ፣ ካትያፕ አሙቲዳዋ ጉሳ። ካቲ ኦኔ ጎፕ ጸሳፕ አሙቲዳ ሀግያ። 2:8 ዎጋ 19:18 2:11 ከሳ 20:13፣ 14፤ ዛረ. 5:17፣ 18

13 እያዉ ጎጥ፡ አሳ ማርቤና ኡራ ጸሳይ ማረናን ፕርዳና፤ ማርተሳይ ፕርዳ ጸኔ።

አማኑዋን ኦሱዋ

14 ታናዳን ጸሳ ካልያዋንቶ፡ እት ኡራይ ባረወ አማኑ ደኤ ጎጥ፡ ቃይ አ አማኑዋ አ ኦሱ ኤርሳና ቆየጥ፡ አ እይ ጎእኔ? አ አማኑ አ አሻናዉ ዳንዳዪ?

15 እት አሻይ፡ ዋይ እት ሞቻታ ካሎቶጥ፡ ቃይ ኡንቱንቶ ኡባ ጋላሰ ሞያባይ ቆየጥ፡

16 ህንተጥ እት ኡራይ ኡንቱንታ፡ “ሳሮ ቢተ። ታማ ሆእተ። ካሊደ ማተ” ጊደ፡ ኡንቱንቶ ኮሽያዋ አማና ቆየጥ፡ ኡንቱንታ አይ ጎእኔ?

17 ሄዋ ድራዉ፡ አማኑ ኦሱ ባይናን ባረካ ደኡጥ ሀይቄዳዋ።

18 ሸን እት ኡራይ፡ “ኅዉ አማኑ ደኤ፤ ቃይ ታዉ ኦሱ ደኤ። ኔን ነ አማኑዋ ነ ኦሱዋጥ ሻካደ ታና በሳ፤ ታንካ ታ አማኑዋ ታ ኦሱዋን ኔና በሳና” ጋና።

19 ኔን እት ጸሳይ ደእያዋ አማናሳ፤ ሄዋ ሎኦ። ጸላሄቱካ ቃይ አማኒና፤ ያሻን ኮኮሪና።

20 ኔን ኤያይ! አማኑ ኦሱዋጥ ሻከቲደ ጎኤናዋ ተ ኤራናዉ ኮያይ?

21 ኦ ኦሱ ኦብራሃዋ ባረ ናኣ ይሳቃ ያርሸያ ሳኣ ቦላ ዋሌዳ ዋደ፡ ባረ ኦሱዋን ጽልቤኔ?

22 አ አማኑን አ ኦሱ እትጥ ኦሌዳዋን አ አማኑ አ ኦሱዋን ፖለቲዳዋ በእኪ?

23 ጸሳ ማጸፋይ “ኦብራሃዋ ጸሳ አማኔዳ። ጸሳይካ ሄዋ አዉ ጸሎተላን ፓይዳዳ” ጌዳዌ ፖለቲዳ፤ ቃይ ጸሳ ዳቦ ጌተቲደ እ ጸሰቲዳ።

24 አሳይ አማኑ ጸላላና ግደናን፡ ኦሱዋን ጽልያዋ ህንተ በኢታ።

25 ሄዋዳንካ ቃይ ጫራታ ራኣባ ከተቶዋንታ ሞካደ ሀራ ኦግያና ኡንቱንታ ሞይዜዳ ዋደ፡ ባረ ኦሱዋን ጽላበይኬ?

26 እያዉ ጎጥ፡ ሸሞፑ ሻከቲዳ ቦላይ ሀይቄዳዋ ግድያዋዳን፡ ሄዋዳንካ ቃይ ኦሱ ሻከቲዳ አማኑ ሀይቄዳዋ።

3

እንጸርሳ ናግያዋ

1 ታናዳን ጸሳ ካልያዋንቶ፡ ኑን ሀራቱዋጥ አዴያ ፕርዳ እካናዋ ህንተ ኤርያ ድራዉ፡ ህንተጥ ጮራቱ ታማርሰያዋንታ ግድገተ።

2 ኑን ኡባይካ ዳርባን ባሌቶ፤ እት ኡራይ ባረ ሃሳያን ሙለካ ባላና ቆየጥ፡ አ ባረና ናጋናዉ ዳንዳይያ ባል ባይና አሳ።

3 ፓራቱ ኑዉ አዛዘታና ማላ፡ ብጸላ ባርሰይ፡ ኑን ኮይያሳ ኡባ ኡንቱንታ አፊቶ።

4 በአተ፡ ማርካባቱካ ቃይ ሄዋ ኬና ዋልቃማ ግዲደ፡ ጎቱዋ ጫርኩዋን ላገቶጥካ፡ ኡንቱንታ ላግያዌ ባረዋ ኮይያሳ ዛሪደ ላግያ ቄር ጉላ ሞላን ላገቲደ ቢና።

5 ሄዋዳን እንጸርሳይ ቦላ ግደን ጉላ አሳተላ ግድገካ፡ ዳር ዋልቃማባን ጨዋቱ።

ጉላ ታማይ ዋኒደ ዋልቃማ ዋራ ጉዲ! እኬክተ።

6 እንጸርሳይካ ታማ ማላ። አ ኑ አሳተላ ግደን ኤታባ ኡባ ኦላና ዳንዳይ፤ አሳተላ ኡባ ቱንሴ። ቃይ ኑ ደኤዎ ዋላካ ታማን ጉዳ፤ ጋናምያ ታማን አ ጉደታናዋ።

7 እያዉ ጎጥ፡ ደአቱዋ፡ ካፋቱዋ ዛርያ፡ ትራን ጎሽቶያ ሾሻቱ ዛርያን አባን ደእያ መጠታቱዋ ዛርያ ኡባ አሳይ እድሴዳ፤ ቃይ ኡንቱንቱካ አዳድና።

8 ሸን ኦንን እንጸርሳ አድሳናዉ ዳንዳይቤና፤ እንጸርሳይ ዋዴያ ማርዚ ኩሜዳ ጮኡ ጌና ኢታ መጠታ።

9 ኑን እንጸርሳን ኑ ጎዳን አዉዋ ጋላቲቶ፤ ቃይ አንካ ጸሳ ማላቲደ መጠታቲዳ አሳ ሸቄቶ።

10 እት ደናጥ ጋላታይን ሸቃይ ከሴ። ታናዳን ጸሳ ካልያዋንቶ፡ ሄዋ ሄዋዳን ሀናናዉ በሰና።

11 ፑልቱ እት ኦላጥ ማልእያ ሃላን ጫምያ ሃላ ፑልታናዉ ዳንዳዪ?

12 ታናዳን ጸሳ ካልያዋንቶ፡ ባላሰያ ግያ ሞላይ ዋጋራ አይፋናዉ ዳንዳዪ? ዋይ ዋይንያ ቱራይ ባላሰያ ግያ ሞላ አይፋናዉ ዳንዳዪ? ማጸን ማጸን ግያ ሃላጥካ ማልኦ ሃላይ ከሳና ዳንዳየና።

ሳሉዋ አዴዳ ኤራን ሳኣ አዴዳ ኤራ

13 ህንተ ግደን አዴዳ ኤራንቻይን አኬካንቻይ ኦኔ? ባረ ሎኦ ደኡዋን

† 2:20 ጎኤናዋ- ሀዋ ጉሳይ ሀይቄዳዋ ጉሳ። 2:21 ደመላ 22:1-14 2:23 ደመላ 15:6፤ 2 ኦዲዋ 20:7፤ አሳ. 41:8 2:25 ኢያሳ 2:1-21 3:9 ደመላ 1:26

ኦሰቴዳ ባረ ኦሱዋ አጴዳ ኤራተላፕ ይያ አሸከተላን በሱ።

14 ሽን ሀንተ ዋዛናን ጫምያ ቃናቲነ ይርገ ይኦፖ። ቃይ ቱማተላ ቦላካ ዋርዶቶፕተነ ኦቶረቶፕተ።

15 ሄዋ ማላ አጴዳ ኤራተላይ ሳሉዋፕ ዋድያዋ ግደና፤ ሽን ሄዋ ሳኣባ፣ አሳዋ፣ ጸላሀቱዋ።

16 አያዉ ጎፕ፣ ቃናቲነ ይርገ ይአያ ሳን ዋሳሳይነ ኢታ ኦሶ ኡባይ ደኤ።

17 ሽን ቦላፕ ይያ አጴዳ ኤራተላይ ኡባፕ ካሰ ጌሻ። ቃይ ሳርተላ ዶሰያዋ፣ አሸከነ ኤኖ ግያዋ፤ ቃይ ማርተላይነ ሎኦ አይፊ ኩሜዳዋ። ሰጲነ ሎኦ ማላቶያ ኢታተላይ ባይናዋ።

18 ጽሎተላ አይፊ ሳርተላ ኦሳያዋንቱ ሳርተላን ዘሬዳ ዘረሳፕ ቤቴዳ።

### 4

ሀ አላምያ ኢታተላ ዶሰናን አጋናዋ

1 ኦላይነ ዋሳሳይ ሀንተ ግዲዋ ሀቃፕ ዪ? ኤንቱንቱ ዬዳሳይ ሀንተ ቦላ ግደን ኦላትያ ሀንተ ናሽታናዉ ዋልቃማ አሙዋ አሞትያዋፕ ግደኔ?

2 ሀንተ አሞቲታ፤ ሽን ደምክታ፤ ዋዲታ። ሎይሳ ኮዪታ፤ ሽን ደማናዉ ዳንዳይክታ፤ ዋላቀቲታነ ኦላቲታ። ሽን ጸሳ ዋሰና ድራዉ፣ ሀንተ ኮይያዋ ደምክታ።

3 ጸሳ ዋሲታ፣ ሽን ደምክታ፤ ጋሱካ ባላ ኦግያን ዋሲታ። ሄዋ ሀንተና ናሽቶያዋን ፔሻናዉ ኮይያ ድራሳ።

4 ሰም ዋሹምያዋንቶ፣ ሀ አላምያና ዳቦትያዌ ጸሳዉ ሞርከ ግድያዋ ኤርክቱ? አያዉ ጎፕ፣ ሀ አላምያና ዳቦታናዉ ኮይያዌ ኦን ጸሳና ሞርከቱ።

5 ዋይ ጸሳ ማጻፋይ፣ “ጸሳይ ኑናን ዋሌዳ አያናይ ዋልቃማ አሙዋ ኑዉ አሞቲ” ግያዋ ሀንተንቶ ጮ ግያዋ ማላቲ?

6 ሽን ጸሳይ አጼ ኬካተላ አሊደ እሚ። ሄዋ ድራዉ፣ ጸሳ ማጻፋይ፣ “ጸሳይ ኦቶረትያዋንታ እጼ፤ ሽን ባረና ካዉሽያዋንቶ አጼ ኬካተላ እሚ” ያጌ።

7 ሰም፣ ሀንተ ጸሳዉ ሞደትተ። ያቲደ ጸላሀያና ኤቀትተ፤ እ ሀንተፕ ባቃታና።

8 ጸሳኮ ሺቅተ፤ እካ ሀንተኮ ሺቃና። ሀንተኖ ናጋራንቻቶ፣ ሀንተ ኩሽያ ሜጨትተ። ላኦ ቆፋይ ደአያዋንቶ፣ ሀንተ ዋዛና ጌሸተ።

9 ቱጋትተ፤ ካዮትተነ ዬክተ። ሀንተ ሚቻ ዬኮ ላምተ፤ ሀንተ ናሽቻካ ካዮ ላምተ።

10 ጎዳ ሰንላን ሀንተ ሁጲያ ቶቶተ፤ ቃይ እ ሀንተና ጶቁ ጶቁ ኦላና።

አሳ ቦላ ፕርደናን አጋናዋ

11 ታናዳን ጸሳ ካልያዋንቶ፣ እቱ እቱዋ ዝግርፕተ። ባረ እሻ ዝግርያዌነ አ ቦላ ፕርድያዌ ሀግያ ዝግሬነ ሀግያ ቦላ ፕርዴ። ኔን ሀግያ ቦላ ፕርደፕ፣ ሀግያ ቦላ ፕርድያዋ ግዳሳፕ አትን፣ ሀገዉ አዛዘትያዋ ግዳካ።

12 ሀግያ እምያዌነ ፕርድያዌ ጸሳ ጸላላ፤ እ አሻናዉነ ጳይሳዉ ዳንዳይ፤ ሽን ነ ሾሩዋ ቦላ ፕርድያዌ ኔን ኦኔ?

ጨቀተናዳን እመቴዳ ዘርያ

13 ሀንተኖ፣ “ኑን ሀቼ ዋይ ዋንት ሄ ካታማ ባና፤ ሄዋን ላይላ ኡታና፤ ዛልአናነ ቃይ ሚሻ ዋድሳና” ግያዋንቶ፣ በእተ።

14 ዋንት ሀንተ ደኡ አያ ሀናንንቶነ ኤርክታ፤ ጉላ ዋደዉ ሀንተ ቤቲደ፣ ጉየፕ ጳይያ ፔኑዋ ማላ።

15 ሄዋ አገደ፣ “ጎይይ ጎፕ፣ ኑን ደአና፤ ሀዋ ዋይ ሄዋ ኦላና” ጋናዉ በሴ።

16 ሽን ሀንተ ሀእ ሀንተንቱ ጶቃተላን ጨቀቲታ፤ ሄዋ ማላ ጨቁ ኡባይ ኢታ።

17 ሄዋ ድራዉ፣ ሎኦባ ኦላናዉ ኤሪደ ኦፊና ኡራዉ ሄዋ ናጋራ።

### 5

ዱረ አሳሰ እመቴዳ ሞኖ ዘርያ

1 ሀእካ ሀንተኖ ዱረ አሳቶ፣ ሀንተ ቦላ ይያ ቱጋዉ “አየ! አየ!” ያጌደ ዬክተነ ዝላልተ።

2 ሀንተ ዱረተላይ ባይ ድጌዳ፤ ቃይ ሀንተ አፍላካ ብልአይ ሞ ድጌዳ።

3 ሀንተ ዋርቃይነ ሀንተ ብራይ ሽእ ድጌዳ። ቃይ ሄ ሽእይ ሀንተ ቦላ ማርካታና፤ ሀንተ ቦላካ ታማዳን ማና። ሀንተ ሀንተ ሚሻ ሰንላዉ ዳጋይ ደኢታ።

4 እኬክተ፤ ሀንተ ጋደን ካላ ቆይጩዳ አሳቶ ጭግቤና ክራ ሚሻይ



ዋሴ፤ ኡንቱንቱ ዋሱ ዋልቃማ ጎዳ ሀይላን ሰሰቲዳ።

5 ሀንተዉ እንጀትና፡ ሳኣን እሻሊደ ደኤድታ፤ ሹካ ጋላሳዉ ጂክያዋዳን፡ ሀንተ ቦላ ጂኬድታ።

6 ጽሎ ኦሳ ቦላ ፕርዴድታ፤ ቃይ ኦ ዋዴድታ፤ እ ሀንተናና ኤቀተና።

ጎዳ ላኤንሶ ዩሳ ዳንዳያን ናግያዋ

7 ሄዋ ድራዉ፡ ታናዳን ጸሳ ካልያዋንቶ፡ ጎዳይ ያና ጋካናዉ ገንጭተ፤ ቢታ ጎሽያዋ አድልያ እራይነ አሱራ እራይ ያና ጋካናዉ ገንጨደ፡ አልኦ ካላ እ ዋት ናጊደ ጋሐ አክንቶ በእተ።

8 ሀንተካ ቃይ ገንጭተ፤ ሀንተ ዋዛና ምንሰተ። አያዉ ጎተ፡ ጎዳ ዩሳይ ማታቲዳ።

9 ታናዳን ጸሳ ካልያዋንቶ፡ ጸሳይ ሀንተ ቦላ ፕርደና ማላ፡ እቱ እቱዋ ቦላ ዙዙሞፕተ። በእተ፡ ፕርድያዋ ፕንግያን ኤቄዳ።

10 ታናዳን ጸሳ ካልያዋንቶ፡ ዋይያሰነ ገንጫዉ ሌምሱዋ ግዴዳዋንታ፡ ጎዳ ሱንላን ሃሳዬዳ ናባቱዋ ሀሳይተ።

11 በእተ፡ ዳንዳዬደ ገንጨዳዋንታ ኑን እንጀቲዳዋንታ ጌቶ። ኢዮባ ገንጫ ሀንተ ሰሴድታ፤ ቃይ ጎዳይ አዉ ዉርሰላን እሚዳዋካ ቤድታ። አያዉ ጎተ፡ ጎዳይ ማርታይነ ቃረታይ ኩሚዳዋ።

12 ሸን ኡባፕ ካሰ፡ ታናዳን ጸሳ ካልያዋንቶ፡ ሳሌዋን ግድና፡ ዋይ ሳኣን ግድና፡ ዋይ ሀራ ጫቁዋን ግድና፡ አያንካ ጫቆፕተ። ሸን ጸሳ ፕርዳን ሀንተ ገለናዳን፡ ሀንተ የዉ ኤ ግያዋ ግደፕ፡ “ኤ” ገተ፤ ግደና ግያዋ ግደፕ፡ “ግደና” ገተ።

13 ሀንተ ግደን ዋየትያ ኡራይ ኦንነ ደኦፕ፡ ጸሳ ዋሶ፤ ናሽትያ ኡራይ ኦንነ ደኦፕ፡ የጸደ ጋላቶ።

14 ሀንተፕ ሳከትያ ኡራይ ኦንነ ደኦፕ፡ አማንያ አሳ ካለሐያ ጭማቱዋ ባረኮ ጸሶ፤ ኡንቱንቱ ጎዳ ሱንላን ዛይትያ እ ኦኪደ፡ አዉ ጸሳ ዋሶና።

15 አማኑዋን ጸሳ ዋሶዳ ዋሳይ ሀርጋንቻ ፓላና፤ ጎዳይካ እ ሀርግያፕ ደንሳና፤ ቃይ ናጋራ እ ኦሌዳዋ ግደፕካ ጎዳይ አዉ አቶ ጋና።

16 ሄዋ ድራዉ፡ ሀንተ ፓጻና ማላ፡ ሀንተ ናጋራ እቱ እቶ ፓጽተነ እቱ እቶ

ጸሳ ዋሶተ፤ ጽሎ ኦሳ ዋሳይ ዋልቃማ ኡሱዋ ኦሌ።

17 ኤላሰ ኑ ማላ አሳ። እራይ ሳኣን ቡከናዳን፡ እ ምንሲደ፡ ጸሳ ዋሶና ሄዙ ላይላነ ኡሱፕን አገና ሳኣን እራይ ቡክቤና።

18 ላኤንሶዋ ጸሳ እ ዋሶና፡ ሳሌዋፕ እራይ ቡኬዳ፤ ሳኣይካ ባረ ካላ ሞኬዳ።

19 ታናዳን ጸሳ ካልያዋንቶ፡ ሀንተፕ ኦንነ ቱሙዋፕ ዋራ ቦፕ፡ ቃይ እቱ ኦ ጉየ ሄ ቱሙዋፕ ዛርፕ።

20 ናጋራንቻ እ ባላ ኦግያፕ ዛርያ ኦንነ እ ሸምፑዋ ሀይቁዋፕ አሻናዋን ዳሮ ናጋራ ካማናዋ ኤር።

5:11 ኢዮባ 1:21-22፤ 2:10፤ ማዚ. 103:8 18:42-45 5:20 ሊሞ. 10:12፤ 1 ጸጸ. 4:8

5:17 1 ካታ. 17:1፤ 18:1 5:18 1 ካታ.

# ጳጳሮስ ጳፌዳ ኮይሮ ኪታ ገሌቀ

የሱስ ኪቴዳ ጳጳሮስ ጳፌዳ ኮይሮ ኪታይ ጳፊቴዳዌ፣ ሄ ኪታ ግድን “ደረቴዳ ጳሳ አሳቱዋ” ጌተቲደ ጸሰትያን ቁር ኢስያን ሁጲሳ ባጋ ሻኩዋን ላለቴዳ አማንያዋንቱሳ። ሀ ኪታ ዋና ቆፋይ፣ አማኑዋ ጋሱዋን መቱን ዋዪ ጋኬዳዋንታ ምንሳናሳነ መንግሳናሳ። ደፊ ሀዋ ኦሳያዌ አ ሀይቁዋ፣ አ ደንዱዋ፣ አ ላኢንሳ ዩሳ ኦድያ የሱስ ክርስቶሳ ምሽራቹዋ ቃላ ናባብያዋንታ ሀሳይሰያዋና። ኡንቱንቱ የሱስ ክርስቶሳ ደኡዋ ሌምሱዋዳን አኪደ፣ መቱዋ ገንጪደ አጳናዳን ሀሳይሴ። ሀዋና እትፕ ጋላያ ዋደ፣ መቱ ኡንቱንቱ አማኑዋ ጳልታተላ ፓጭያዋን የሱስ ክርስቶስ ቆንጭያ ጋላስ ኡንቱንቱ በሰያ ጋትያ አካናዉ ደእያዋ ኡንቱንታ ሀሳይሴ።

ጳፊ፣ ኡንቱንቱ መቱዋን ገንጫና ማላ መንግሳያዋ ቦላካ፣ ክርስቶሳ ካልያዋንቱ ደእያዋዳን ኡንቱንቱ ደእናዳን ቆፍሴ።

## ሸምፓቱዋ ኡባቶ አመቴዳ ቃንላ ቆፋቱዋ

ገሌቀ 1:1-2

ጳሳ አሹዋባ 1:3-12

ጌዬዳ ደኡዋ ደእናዳን አመቴዳ ማቁዋ 1:13—2:10

መቱዋ ዋደ አማንያ አሳይ አላና በሰያ አዋተላ 2:11—4:19

አማንያ አሳ አሸከተላነ ኦሱዋ 5:1-11

ዉርሰላ ቁትያ 5:12-14

1 ታን፣ የሱስ ክርስቶስ ኪቴዳ ጳጳሮስ፣ ጳሳይ ደሬዳ አሳቶ ጳንጸሳ ጋድያን፣ ጋላትያ ጋድያን፣ ቃጳደቆያ ጋድያን፣ ኢስያ ቢታንን ቢታንያ ጋድያን በትያን ደእያዋንቶ ዳብዳቢያ ጳፋይ።

2 የሱስ ክርስቶሳዉ ህንተ አዛዘታና ማላን አ ሱላን ጌያና ማላ፣ ጳሳይ አዉ ደሬዳ ህንተንቶ ባረ አያናን ጌሺዳዋንቶ፣ አጼ ኬካተላይነ ሳርተላይ ግደ።

ደኡዋ አማና ጌዳ ሀይታ

3 ኑን ጳሳ፣ ኑ ጎዳ የሱስ ክርስቶሳ አዉዋ፣ ባረ ማርተላ ዳሩዋዳንካ ኑና

ላኢንሉዋ የሌዳዋ፣ የሱስ ክርስቶሳ ሀይቁዋፕ ደንፊዳዋን ኑዉ ደኡዋ ሀይታ አማዳዋ ጋላቲቶ።

4 ቃይ ጳሳይ ህንተንቶ አማና ዳር ላታይ ዋቀናዌ፣ ባየናዌን ጳየናዌ ሳሉዋን ናጌ።

5 ሄዋካ ህንተንቶ፣ ጳሳ ዋልቃን አማኑዋን ናገት ኡቲደ፣ አቶተላዉ ገጌዳዋንቶ ዉርሰላ ዋድያን ቆንጫናዋ።

6 ሀእ ጉላ ዋደዉ ሀራይ አቶ ዳማ ዳማ ፓጭያን ህንተ ፓጩታናዉ ኮሽፕካ፣ ሀዋን ዳር ናሽትተ።

7 ሄዋ ሀራይ አቶ፣ ታማን የግና ጳይያ ዋርቃፕካ ህንተ አማኑ ዳር አልኢ ባል ባይናዋ ግድያዋ በሳናሳ፤ ያቲደ የሱስ ክርስቶስ ቤትያ ዋደ፣ ጋላታ፣ ቦንቹዋን ሳባ ህንተ አካና።

8-9 ህንተ አ ኤራና ጳየፕካ፣ ሲቁታ፤ ህንተ ሀእ አ በአና ጳየፕካ፣ አማኒታ። ቃይ ህንተ ህንተ አማና ፖሎ ግድያ ህንተ ሸምፕዋ አቶተላ አክያ ድራዉ፣ አዳናዉ ዳንዳየተና ቦንቹ ኩሜዳ ናሽቻ ናሽቲታ።

10 ጳሳይ ህንተንቶ አማና አጼ ኬካተላባዉ ትምቢትያ ኦዳዳ ናባቲ ሎይሳ ብዲደ፣ ሀ አቶተላባ ኮይድና።

11 ኡንቱንቱን ደእያ ክርስቶሳ አያናይ ክርስቶሳ ቱጋባነ ሄዋፕ ጉይያን ያና ቦንቹዋባ ካሰቲደ ማርካቲደ፣ አዉደ ዋይ ዋኔዳ ዋድያን ያንንቶነ አኬክሴዳዋዳን፣ ኡንቱንቱ ኮይድና።

12 ሄ ትምቢትያ ኦድያዋንቱ አፌዳ ኦሱ ህንተሳፕ አትን፣ ኡንቱንቱ ሁጲያሳ ግደናዋ ጳሳይ ኡንቱንቶ ቆንጭሴዳ፤ ሀእ ህንተ ሰሴዳ ምሽራቹዋ ቃላ ህንተንቶ አይዳ አሳቱ፣ ባረዉ ሳሉዋፕ ኪተቴዳ ጌሻ አያና ዋልቃን ኦዳድና። ሄዋ ኪታንቻቲካ በአናዉ አሞቲና።

## ጌሻተላን ደእያዋ

13 ሄዋ ድራዉ፣ ኦሱዋ አላናዉ ህንተ ዋዛናን ቆፋ ጊገሲደ ህንተ ሁጲያ ናግተ። የሱስ ክርስቶስ ቆንጭያ ዋደ አጼ ኬካተላ ህንተ አክያ ድራዉ፣ ኩመንላ ሀይታን ናግተ።

14 ጳሳዉ አዛዘትያ ናናዳን፤ ህንተ ካሰ ኤረናን አሞቴዳ አሙዋ ካሎፕተ።

15-16 ሸን ህንተና ጳሴዳ ጳሳይ ጌሻ ግዴዳዋዳን፣ ህንተካ ህንተ ኦሱዋ ኡባን ጌሻ ግድተ። ጳሳ ማጳፋን፣ “ታን ጌሻ ግድያ ድራዉ፣

ሀንተካ ጌሻ ግድተ” ጌተቲደ ጸፈቲዳ።

17 እሳ ሁጲያን ሁጲያን ዴሙዋ ጸለናን አ ኦሱዋዳን ፕርድያ ጸሳ ዋሲደ ሀንተ፡ “ኑ እቦ” ጊደ አ ጸሲያዋ ግደፕ፡ ሀ እሳምያን በተ ግዲደ ሀንተ ደእያ ዋድያን ያሻተላን ደእተ።

18-19 ሀንተ ሀንተ አዋቱዋፕ ላቴዳ ፓርፍ ደኡዋፕ ዋዘቴዳዌ፡ ጳይያ ብራ ዋይ ዋርቃ ማላና ግደናዋ ኤሪታ፤ ቦርሲያባይ ዋይ ቅታይ ባይና ዶርሳ ሱላዳን፡ አልኦ ክርሰቶሳ ሱላን ሀንተ ዋዘቴድታ።

20 ጸሳይ ሳእይ መጋታናፕ ካሰ ክርሰቶሳ ዶር ዋሌዳ፤ ሽን ሀንተ ድራው፡ ሀ ዋድያ ወርሰላን አ ቤቴዳ።

21 ሀንተ አማኑነ ሀንተ አካና ጊደ ናሽቻን ናግ ኡቴዳባይ ጸሳን ደእና ማላ፡ ጸሳይ ሀይቁዋፕ አ ደንሲደ፡ አወ ቦንቹዋ አሜዳዋ አን አማኒታ።

22 ቱማተላወ ሀንተ አዛዘትያዋን፡ ሎአ ማላትያ ኢታተላይ ባይናን ሀንተ እሻቱዋ ሲቃናወ ሀንተ ሁጲያ ጌሺደ፡ እቱ እቱዋና ምንሲደ ዋዛናፕ ሲቅተት።

23 ሀንተ ሀይቁያ ዘረላፕ ላኤንሉዋ የለትባይክታ፤ ሽን መድናወ ደእያዋን ሰንላወካ ደእና ጸሳ ቃላን ሀይቀና ዘረላፕ የለቴድታ።

24 እያወ ጎፕ፡ ጸሳ ማጻፋይ፡ “አሳይ ኡባይ ማታ ማላ፤ አ ቦንቹ ኡባይካ ማታ ጨሻ ማላ። ማታይ መሌ፤ ጨሻይካ ቆቆፈቲ።

25 ሽን ጎዳ ቃላይ መድናወ ደኤ” ያጌ። ሀዌ ሀንተንቶ ጎዳይ ኦዴዳ ምሽራቹዋ ቃላ።

## 2

ደኤዋ ሹቻን ጌሻ እሳ

1 ሄዋ ድራው፡ ሀንተፕ ኢታተላ ኡባ፡ ጭምያዋ ኡባ፡ ሎአ ማላትያ ኢታተላ፡ ቃናትያን ዘግርሳ ኡባ ድግተ።

2-3 ጎዳይ ኬካ ግዴዳዋ ሀንተ ደኤዋን በኤዳዋ ግደፕ፡ ሀእ የለቴዳ ጎጭኖ ናናቱዋዳን፡ ኡሺደ ድጫናወን አታናወ ጽሎ ግዴዳ እያና ማላ ላሞትተ።

4 ጎዳኮ ደኤ ሹቻኮ ሺቅተ። አሳይ አ እዴዳ፤ ሽን ጸሳ ማታን አ ድረቴዳ አልኦ።

5 ሀንተካ ቃይ ደኤ ሹቻዳን፡ ጌሻ ቁሳ ግዲደ፡ የሱሰ ክርሰቶሳ ባጋና ጸሳ ናሽቻያ እያና ያርሹዋ ጸሳወ ያርሻናወ፡ ሀንተ ሀንተ ሁጲወ እያና ኬዳዳን ኬጸትተ።

6 እያወ ጎፕ፡ ጸሳ ማጻፋይ፡ “በእተ፡ ታን ጽዮን ግያ ካታማን ጎልያ ጎዳ ጸጸዋ ምንሰያ፡ ድረቴዳ፡ አልኦ ሹቻ ዋላይ፤ አን አማንያ ኦንነ ዬላተና” ያጌ።

7 ሄዋ ድራው፡ ሀ ሹቻይ ሀንተንቶ አማንያዋንቶ ዳር አልእ፤ ሽን አማንናዋንቶ፡ “ግምቢያዋንቱ ካዴዳ ሹቻይ ጎዳ ጸጸዋ ምንሰያ፡ ኡባፕ አድያ ሹቻ ግዴዳ” ያጌ።

8 ቃይካ፡ “ሀ ሹቻይ አሳ ጳቢያ ሹቻን አሳ ኩንድሰያ ዛላ” ያጌ፤ አንቱንቱ ጸሳ ቃላ አማንና ድራው፡ አንቱንቶ ካሰና ቆፈቲዳዋዳን ጳቢቴድኖ።

9 ሽን ጸሳይ ጳማፕ ማላልሰያ ባረ ፖኦ ሀንተና ጸሴዳ፤ ሀንተ አ ኦራላ ኦሱዋ ኦዳናወ ድረቴዳ ዛረ፤ ሀንተ ካትያ ቁሳቱዋ፤ ጌሻ እሳን ጸሳወ ቡዞ አሳ።

10 ሀንተ ካሰ ጸሳ አሳ ግድክታ፤ ሽን ሀእ ሀንተ አ አሳ፤ ሀንተ ካሰ ማርተላ አክበይክታ፤ ሽን ሀእ ማርተላ አኬድታ።

### ጸሳ አይላቱዋ

11 ታ ዳባቶ፡ ሀንተ ሀ ሳኣን አማላን በተ ግዲደ ደእያዋንታ ግዴዳዋዳን፡ ኡባ ዋደ ሀንተ ሸምቱዋና ኦለትያ አሳተላ አሙዋፕ ሀንተ ሃካና ማላ፡ ታን ሀንተና ዋሳይ።

12 አማንና አሳይ ሀንተና ኢታባ አላያዋንቱዳን ዘግርያ ዋደ፡ ክርሰቶሰ ይያ ጋላሰ ሀንተ ሎአ ኦሱዋ አንቱንቱ አኬኪደ፡ ጸሳ ጋላታና ማላ፡ ሀንተ ደኤዋ አንቱንቱ ግደን ሎይላ ናግተ።

13 ጎዳ ድራው፡ አሳ ሀግያ ኡባወ ሞደትተ፤ ካቴካ ኡባፕ ቦላ ግድያ ድራው፡ አወ ሞደትተ።

14 ቃይ ጋድያ ሞድያዋንቶካ ሞደትተ። እያወ ጎፕ፡ አንቱንቱ ኢታባ አላያዋንታ ሙራናወን ሎኦባ

1:15-16 ዋጋ 11:44-45፤ 19:2 1:24 እሳ. 40:6-8 2:2-3 ማዘ. 34:8 2:6 እሳ. 28:16 2:8 እሳ. 8:14-15 2:9 ከሳ 19:5-6፤ እሳ. 43:20፣ 21፤ ዛረ. 4:20፤ 7:6፤ 14:2፤ ቲቶ 2:14፤ እሳ. 9:2 2:10 ሆሰ 2:23

አልያዋንታ ጋላታናዉ ካትያፕ ከተቲድኖ።

15 እያዉ ጎፕ፣ ጸሳይ ህንተ ህንተ ሎኦ ኦሱዋን ካጵያ ኤያ አሳቱዋ ሃሳያ ጮኤ ኡዳናዋ ኮዬ።

16 አይለተላፕ ከሲደ፣ ጸሳ አይልያዳን ደእተፕ እትን፣ ሄ አይለተላፕ ከሴዳዋ ኢታተላ ገንልያዋ አሳፕተ።

17 አሳ ኡባ ቦንቶተ። ህንተ እሻቱዋ ሲቅተ። ጸሳዉ ያይተ። ካትያ ቦንቶተ።

ክርስቶሳ ጋኬዳ መቱዋ ሊምሱዋ

18 አይላቶ፣ ህንተ ሎኦ ጎዳቱዋ ጸላላዉን እሸከ ጎዳቱዋ ጸላላዉ ግደናን፣ ኢታቶካ ዳር ያዪደ ሞደትተ።

19 እያዉ ጎፕ፣ አሳይ ናቂያ ዋደ ዋየትያ ኡራይ ጸሳ ቆፒደ፣ ኦገ ባይናን ናቀቶፕ ጸሳይ እ እንጅና።

20 እያዉ ጎፕ፣ ህንተ ናጋራ ኦላና፣ ህንተና ደቸያ ዋደ፣ ህንተ ዳንዳዮፕ፣ ህንተንቶ አይ ጋላታይ ደኢ? ሸን ሎኦባ ኦሊደ ዋይያ ህንተ ዳንዳዮፕ፣ ጸሳይ ህንተና ሄዋ እንጅና።

21 ጸሳይ ህንተና ጴሴዳዌ ሄዋ ድራሳ፤ እያዉ ጎፕ፣ ክርስቶስ ህንተንቶ ዋየቱ፤ ህንተ አ ቃታማ ካላና ማላ፣ ህንተንቶ ሊምሱዋ ግዴዳ።

22 ናጋራ እ ኦላቤና፤ ባረ ደናፕ ዋርዲዋ ሃሳይቤና።

23 አሳይ ባረና ቦርያ ዋደ፣ ዛሪደ ቦርቤና፤ ዋየትያ ዋደካ ማንድቤና። ሸን ጽሎዋ ፕርድያ ጸሳዉ ባረና ኦሊደ እሜዳ።

24 ኑን ናጋራዉ ሀይቂደ፣ ጽሎተላዉ ደእና ማላ፣ ክርስቶስ ባረ ሁጻዉ ባረ እሹዋን ኑ ናጋራ ማስቃልያን ቶኬዳ፤ ህንተ አ ማይላን ፓጴድታ።

25 እያዉ ጎፕ፣ ህንተ ኦጊ ባሌዳ ደርሳ ማላ፤ ሸን ሀእ ህንተ ሸምፑዋ ሄምያዋኮን ናግያዋኮ ሰሜድታ።

### 3

አሰናባን ማቶያባ

1-2 ሄዋዳንካ ማቶቶ፣ ህንተ አሰናቱዋፕ ጸሳ ቃላዉ አዛዘተና እቱ እቱ ደእፕካ፣ ህንተ ፓሎመተናን፣ ኡንቱንቱ ህንተ ያሻተላን ህንተ ጌሻ ደኡዋ በኢደ ጸንታና ማላ፣ ኡንቱንቶ ሞደትተ።

3 ህንተ ህንተ ሁጻያ አልኦባን ገግሰያዋንን ዋርቃ ዋልያዋን ዋይ አልኦ ማየዋ ማይያዋን ህንተንቱ ቦላ ባጋ ሎይሳፕተ።

4 ሸን ህንተ ጋርሳን ቆሰቲዳ አሳተላ ሎኦተላይ ጸሳ ሰንላን ህንተንቶ ዳር አልኦ ግዲደ፣ ቆየና እሸከን ዋፑ ጌዳ እያና ግደ።

5 እያዉ ጎፕ፣ ሄዋዳን ጸሳን ሀይቲዳ ጌሻ ማጫ አሳቱ በን ዋደ ባረንቱ እሰናዉ ሞደቲደ፣ ባረንታ ዳር ሎይሴድኖ።

6 ሄዋዳን ሳራ ኦብራሃማ፣ “ታ ጎዳዉ” ያጋ ጸሳደ፣ አዉ አዛዘታዲ፤ ህንተካ እትባዉን ያየናን ሎኦባ አሳፕ፣ እ ናናቱዋ።

7 ሄዋዳን አሰናቶ፣ ህንተ ማጫ አሳቱዋና እኬካን እትፕ ደእተ። ኡንቱንቶ ዳቡራንቻ አሳተላይ ደእያ ድራዉ፣ ኡንቱንታ ቦንቶተ፤ ህንተ ዋሳይ ቆብተና ማላ፣ ጸሳይ እሜዳ ደኡዋ አቶ ኬካተላ ኡንቱንቱ ህንተናና እትፕ ላትኖ።

ሎኦባ ኦሊደ መቱዋ አክያዋ

8 ዉርሰላን፣ ኡባይ እት ቆፋን ደእተ። እቱ እቶ ቃረትተ፤ እሻቱዋዳን ሲቅትተ፤ ቃይ እቱ እቶ ኬክያዋንታን ህንተ ሁጻያ ካዉሸያዋንታ ግድተ።

9 ኢታ ድራዉ ኢታ ዋይ ሸቃ ድራዉ ሸቃ ዛርፕተ፤ ሄዋ አጊደ፣ ጸሳይ ህንተንቱ እንጂዋ ላታናዳን ህንተና ጴሴዳ ድራዉ፣ እንጅተ።

10 እያዉ ጎፕ፣ ጸሳ ማጻፋይ ሀዋዳን ያገ፤ “ደኡዋ ደሰያዌን ሎኦ ጋላ ባረናዉ ኮይያዌ ኦና ግድፕን ባረ እንጻርሳን ኢታባ ሃሳይያዋን ዋርዲዋ ኦድያዋ አጎ።

11 “ኢታባ አልያዋ አጊደ፣ ሎኦባ አላ፤ ሳሮተላካ ሎይሳ ኮዮን ካላናዉ ባጸቶ።

12 “እያዉ ጎፕ፣ ጎዳ አይፊ ጽሎቱዋኮ ጴሴ፤ ቃይ አ ሀይላይ ኡባ ዋደ ኡንቱንቱ ዋሳዉ ደያ ደኤ። ሸን ጎዳይ ኢታባ አልያዋንታ ባረ ህንቁዋ ሰምእያን ጴሴ” ያጌ።

13 ህንተ ሎኦባ ኦላናዉ አሞቶፕ፣ ህንተና ቆሀናዌ ኦኔ?

14 ሸን ሀራይ አቶ፣ ጽሎተላ ድራዉ ህንተ ዋየቶፕካ፣ እንጅቲዳዋንታ። አሳዉ ያዮፕተን ሀርጎፕተ።

15 ሸን ክርስቶስ ህንተ ዎዛናን ቦንቶተነ አ ህንተ ጎዳ አላተ። ጸሳይ ህንተንቶ ህድቲዳ ደኦ ጋሱቶ ኦቶያ ኦሰነ ዛሩዋ እማናው ኡባ ዎደ ጊገ ኡትተ፤

16 ሸን ሄዎ አሸከተላንነ ያሻተላን አላተ። ቃይ ክርስቶስን ህንተ ደእያ ሎኦ ደኡቆ ኢታባ ኦሌዳዋዳን፣ ህንተ ቦላን ኢታባ ሃሳይያ አሳይ ባረ ዝግርያዎን ዬላታና ማላ፣ ህንተ ዎዛናይ ጌሻ ግድ።

17 እያው ጎጥ፣ ጸሳይ ጌዳዎ ግደጥ፣ ኢታባ ኦሌዳ ድራው ዋየትያዋጥ፣ ሎኦባ ኦሌዳ ድራው ዋየትያዋ ኬካ።

18 እያው ጎጥ፣ ክርስቶስ ኑና ጸሳሱ አፋናው፣ ባረው ጽሎ ግዲደ፣ ማካላንቻቱዋ ድራው፣ እት ገደ ኡባ ናጋራው ሀይቁዳ፤ እ ባረ አሳተላን ሀይቁዳ፤ ሸን እያናን ፓዶዳ።

19 ቃይ ሄ እያናን፣ ቃሹዋን ደእያ እያናቱዋኮ ቢደ፣ ኡንቲንቶ ቃላ ኦዴዳ።

20 ሄ እያናቱ አማራዳ፣ ሆሰፑን አሳቱ ሃላን እቲዳ ማርካብያ ኖሄ ኬጽሸን፣ ጸሳይ ዳንዳዪደ ጋምኤዳ ዎደ፣ ጸሳው አዛዘትቤና አሳ እያናቱዋ።

21 ሄዎ ጽንቃታው ለምሱዋ ግዲደ፣ ህንተና ሀእ አሼ፤ ሱረ ዎዛናጥ ጸሳ ዎሰያዋጥ አትን፣ ቦላ ቅታ ማጭያዎ ግደና፤ ሄዎ ህንተና የሱሰ ክርስቶስ ሀይቁዋጥ ደንዴዳዋን አሼ።

22 ሳሉዋ ቢደ ጸሳጥ ኡሸቻ ባጋን እ ኡቲደ፣ ኪታንቻ ኡባ፣ ማታና ደእያዋንታን ዎልቃማቱዋ ዎዴ።

### 4

ጌሻተላን ደእና ደኡባባ

1 ሄዎ ድራው፣ ክርስቶስ ባረ አሹዋን ኑው ዋየቲዳ ድራው፣ ህንተካ ሄ ቆፋን ዳንጨትተ። እያው ጎጥ፣ ባረ አሹዋን ዋየቲዳ ኡራይ ናጋራ አላያዎ አኔዳ።

2 ሀዋጥ ሰንላን፣ ሀ ሳኣን ሸምጥዋና ደእናው እቲዳ ዎድያን፣ ጸሳይ ኮይያዋዳን ደእናው በሰያዋጥ አትን፣ አሳ አሙዋዳን ደእናው በሰና።

3 እያው ጎጥ፣ አማና ከሳይ አላናው ደሰያዎ ህንተ አሊደ፣ ዎሹማናው ካጄልያዎን፣ አሙዋን፣ ማሉዋን፣ የላን፣ ኡሻን፣ ፖክያ ኤቃው

ጎይንያዋን፣ ደኤዳ ካሰ አዴዳ ዎዲ ህንተንቶ ግዳናዎ።

4 አማና አሳና ህንተ ሾራይ ባይና ኦሱዋ እትጥ አ□ና ድራው ማላለቲደ፣ ህንተና ቦሪኖ።

5 ሸን ኡንቲንቲ ፓጾ ደእያ አሳ ቦላን ሀይቁዳ አሳ ቦላ ፕርዳናው ጊገ ኡቲዳ ጸሳው ዛሩዋ እማና።

6 ሀይቁዳ አሳይ \* ባረ አሳተላን አሳይ ፕርደትያዋዳን ፕርደታናውን ቃይ እያናን ጸሳይ ደእያዋዳን ደእናው፣ ዎንጋላ ሞሸራቹ ኡንቲንቶ ሄዎ ኦደቲዳ።

ጸሳይ እሜዳ እሞታቱዋ ሎይላ አይሰያዎ

7 ኡባባውካ ወርሰላይ ማታቲዳ። ሄዎ ድራው፣ ጸሳ ዎሳናው ቆፋን ጌዪደ፣ ህንተና ናግተነ ሞንተ።

8 ሰቁ ዳር ናጋራ ካምያ ድራው፣ ኡባባጥ አሊደ እቲ እቲዋና ዎዛናጥ ሲቀትተ።

9 ዙዙመናን እቲ እቲዋ እማላተላን ዋክተ።

10 ህንተ ሁጺያን ሁጺያን ጸሳጥ ዲማ ዲማ አጼ ኬካተላ አኬዳዋዳንካ፣ ጸሳ ዲማ አሙዋ ሀዳራ ሎይላ ከሰያዋንቲዳን፣ እቲ እቶ አላተ።

11 የሱሰ ክርስቶስ ባጋና ኡባባን ጸሳይ ጋላተታና ማላ፣ ኦንነ ኦድያዎ ግደጥ፣ ቃላ ጸሳጥ አኪደ ኦድያዋዳን ኦድ። ቃይ ኦንነ ማድያዎ ግደጥ፣ ጸሳይ አው እምያ ዎልቃን ማዶ። ቦንቹነ ጎዳተላይ ጸሳው መድናጥ መድናው ግድ። አመንእ።

መቲዋ ዎደ ሞንያዎ

12 ታ ሲቃቶ፣ ህንተ ግደን ታማዳን ጉዲደ ፓጭያ ዋዪ ይያዎ ኦራሳባይ ህንያዋዳን ማላለቶጥተ።

13 ሸን ክርስቶስ ቦንቹ ቤትያ ዎደ ህንተ ናሸታና ማላ፣ አናና ዋየትያዋን ናሸትተ።

14 አሳይ ህንተና ክርስቶስ ሱንላ ድራው ቦርያዎ ግደጥ፣ ህንተ አንጀቲዳዋንታ፤ እያው ጎጥ፣ ቦንቶ እያናይ፣ ጸሳ እያናይ፣ ህንተ ቦላ ሸምፓና።

15 ህንተጥ ኦንነ ሸምጥዋ ዎዴዳዋዳን፣ ዎይ ካይሱዋዳን፣ ዎይ

3:20 ደመላ 6:1—7:24 \* 4:6 ሀይቁዳ አሳይ- የሱሰ አማናጥ ካሰና ሀይቁዳዋንታ ዎይ ኖሄ ዎደ አሳቱዋ። 3:19 ጴላተ። 4:8 ለም. 10:12

ኢታባ ኦሌዳ አሳዳን፣ ዋይ ሀራ አሳ የወዋ ገሌዳዋዳን ዋየቶ።

16 ሸን ኦንነ ክርስታንያ ግድያ ድራዉ ዋየቶ፣ ክርስቶስ ሱንላ ድራዉ፣ ጳሳ ጋላታናፕ አትን፣ ዬላቶ።

17 አያዉ ጎፕ፣ ፕሮዳይ ጳሳ ጎልያን ደመትያ ዋዲ ጋኬዳ። ቃይ ሄ ፕሮዳይ ኮይሮ ኑ ቦላ ደመትያዋ ግደፕ፣ አ ዋንጋላዉ አዛዘተናዋንቱ ወርሰላይ አያ ግዳኔ?

18 ጽሎ አሳይ ቱጋን አትያዋ ግደፕ፣ ማካላንቻይነ ናጋራንቻይ ያትና ዋናኔ?

19 ሄዋ ድራዉ ቃይ፣ ጳሳይ ጌዳዋዳን ዋየትያዋንቱ ሎኦባ ኦሊደ፣ ባረንቱ ሸምቸዋ ሀዳራ ባረና መጴዳ አማነትያ ጳሳዉ አምኖ።

### 5

ጳሳ አሳ አይሳናዉ አመቲዳ ዘርያ

1 ሰም ታን ዋሳ ጎልያ ጭማቱዋና ጭማ ግድያዌነ፣ ክርስቶስ ዋይያ ማርካትያዌ፣ ቃይ ቆንጫና ቦንቹዋ ሻካናዌ ህንተ ግደን ደአያ ጭማቱዋ ዘራይ።

2 ህንተ ግደን ደአያ ጳሳ ዉድያ ጳሳይ ኮይያዋዳን ሄምተ። ደሱዋናፕ አትን፣ ዋልቃን ግደና። ቃይ ህንተ ጎአ ጸላላ ጸለናን፣ ሎኦ ቆፋን ሄምተ።

3 ዉደዉ ህንተ ሊምሱዋ ግድተፕ አትን፣ ህንተ ሄምያዋንታ ዋልቃን ሄምፕተ።

4 ቃይ ሄምያዋንቱ ካፑ ቆንጭያ ዋደ፣ ባየና ቦንቾ ካላቻ ህንተ አካና።

5 ሄዋዳንካ ያላጋ አሳቶ፣ ጭማቶ ሞደትተ። ኡባይካ እቱ እቶ አላናዉ ህንተ ሁጲያ ካዉሸያዋ አፍላዳን ማይተ። አያዉ ጎፕ፣ ጳሳይ ኦቶረትያዋንታ እጼ፣ ሸን ባረና ካዉሸያዋንቶ እጼ ኬካተላ እጫ።

6 ጳሳይ ባረ ሎኦ ዋድያን ህንተና ጶቁ አላና ማላ፣ ዋልቃማ ጳሳ ኩሸያፕ ጋርሳና ህንተና ቶቾተ።

7 እ ህንተንቶ ቆፕያ ድራዉ፣ ህንተና ህርግሰያ ኡባባ አ ቦላ ኦልተ።

8 ጸላህያ ካፑ፣ ህንተ ሞርኪ፣ ሞትያ ኡራ ኮዪደ፣ ጉድያ ጋሙዋዳን ህንተ ዩሹዋን ዩይያ ድራዉ ናገትተነ ቤጎትተ።

9 ሳኦን ደአያ ህንተ እሻቱ ሄዋዳን ዋየትያዋ ኤሪደ፣ አማኑዋን ምኒደ፣ አናና ኤቀትተ።

10 እጼ ኬካተላ ኡባ ጳሳይ፣ ባረ መጵና ቦንቾ ክርስቶስ የሱሳ ባጋና ህንተና ጴሴዳዌ፣ አማራዳ ዋድያ ህንተ ዋየቲዳዋፕ ጉይያን፣ እ ባረ ሁጲዉ ህንተና ሸር ኦራላናን ምንሳና። ቃይ እ ህንተና ማዳናን ባሰ ኤሳና።

11 ዋልቃይ መጵናፕ መጵና ጋካናዉ አዉ ግደ። አመንእ።

#### ወርሰላ ሳርታ

12 ሀዌ ጳሳ ቱሙ አጼ ኬካተላ ግድያዋ ታን ህንተንቶ ማርካታይነ ህንተና ዘራደ፣ ህንተንቶ ቃንላን ጸፊዳ ዳብዳቢያ አማነትያ እሻ ጋደ ታን ቆፕያ ሰላሰ ቦላ ኪታድ፤ ሄ እጼ ኬካተላን ምኔድታ።

13 ህንተናና እትፕ ደረቲዳ ባብሎን \* ደአያ ዋሳ ጎልያ አሳይነ ታ ናአይ ማርቆስ ህንተና “ሳር ሳር” ገኖ።

14 ሲቁዋ የረታ የረቲደ፣ እቱ እቱዋ ሳርትተ።

ህንተዉ፣ ክርስቶሳና እቱዋ ግዴዳዋንቶ ኡባቶ ሳርተላይ ግደ። አመንእ።

4:18 ሊም. 11:31    5:5 ሊም. 3:34    \* 5:13 ባብሎን- ሳፃ ማጸፋ ቆፋዳን፣ ሀ ሱንላይ ሮመ ጉሳ ግደናን አገና።

# ጳጳሮሰ ጳፌዳ ላኤንላ ኪታ ገሉዋ

የሱስ ከቴዳ ጳጳሮሰ ጳፌዳ ላኤንላ ኪታይ ጳፊቴዳዊ፣ ዲማ ዲማሳን ደእያ፣ በን እማንያ አሳቱዋሳ። ኪታዉ ሁጳ ቆፋይ ዋርዶ አስታማራቱዋ ኢታ ኦሱዋን ኤንቴንቴ ትምርትያ ጋሱዋን መፍቴዳ ፖኮ ደኤዋ ኤቀትያዋ። መፍቴዳ መታቱዋ ቃራናዉ ማዶ ግድያዊ የሱሳ ባረንቴ አይፍያን በኤዳን እ ታማርሰያ ዋደ ባረንቴ ሀይሳን ሰሴዳ አሳቱ ታማርሴዳ ትምርትያ ባገና ጸሳባን ጎዳ የሱስ ክርሰቶሳዋ እማንሳያ ኤራ ደምያዋ። ጳፌ ዲማ ናጊደ ኦዴዳባይ፣ “ክርሰቶሰ ላኤንላ ዬና” ያግያ ዋርዶዋ ትምርትያዋ። ሄዋ ጳልያዋን ሃሳዬደ፣ “ክርሰቶሰ ሰሚደ ዬናን ጋምኤዳዊ፣ ጸሳይ፣ አሳይ ኡባይ ባረ ናጋራፕ ሰማናዋፕ አትን፣ ኦንን ጳያናዋ ኮየና ድራሳ” ያጌ።

## ሸምፓቱዋ ኡባቶ አመቴዳ ቃንላ ቆፋቱዋ

ገሉዋ 1:1-2

እማንያ አሳ ጳሳ 1:3-21

ዋርዶ አስታማራቱዋ 2:1-22

የሱሳ ላኤንላ ዩሳ 3:1-18

1 ታን ሰሞን ጳጳሮሰ፣ የሱስ ክርሰቶሳ ጽሎተሳ ባገና ኑዋ ማላ እማኑዋ እኬዳዋንቶ፣ ሀ ዲብዳቢያ ጸፋይ።

2 ጸሳን ኑ ጎዳ የሱሳ ሀንተ ኤርያዋን አጽ ከካተሳይን ሳርተሳይ ሀንተንቶ ፓላሃደ ግድ።

ጸሳ ጳሳን አ ደሩዋ

3 ኑን ጸሳ ቦንቹዋን ሎኦተሳ ላታና ማላ፣ ኑና ጳሴዳዋ ኑን ኤርያዋን፣ ደኤዋሰን ጸሳ ማላቱሳዉ ኑና ኮሽያዋ ኡባ ጸሳ ዋልቃይ ኑዉ እሜዳ።

4 ሀንተ አ እሙዋ ባገና ሳኢን ደእያ ባይዘያ እሙዋፕ ከሰ አካናዳንን ጸሳ ጸሳተሳ ላታናዳን፣ እ ባረ እማና ጌዳ ዳሮ ዋልቃማን አልኦ እሙዋ ኑዉ እሜዳ።

5 ሄዋ ድራዉ፣ ሀንተና በሰያዋ ኡባ ሞን አሊደ፣ ሀንተ እማኑዋ ቦላ ሎኦተሳ፣ ሎኦተሳ ቦላ ኤራተሳ፣

6 ኤራተሳ ቦላ ሀንተና ናግያዋ፣ ሀንተና ናግያዋ ቦላ ገንጫ፣ ገንጫ ቦላ ጸሳ ማላትያዋ፣

7 ጸሳ ማላትያዋ ቦላ እሻተሳ ሲቁዋ፣ እሻተሳ ሲቁዋ ቦላ ሲቁዋ ጉጅተ።

8 እያዉ ጎፕ፣ ሀዋንቱ ሀንተንቶ ሎይሳ ዳርያዋ ግደፕ፣ ሀንተና ጎዳ የሱስ ክርሰቶሳ ኤራተሳን ትሻን አይፍያና ደእያዋንታ ኦላና።

9 ሸን ሄዋንቱ ባይና ኡራይ ባረ ማታን ደእያዋ ጸላላ ደሜ፤ ቃይ እ ቆቃ፤ እ ካሰ ኦሌዳ ናጋራይ አቶ ጌተቴዳዋ ደጌዳ።

10 ሄዋ ድራዉ፣ ታናዳን ጸሳ ካልያዋንቶ፣ ሀንተና ጸሳይ ጳሴዳዋን ደራዳዋ ሎይሳ ኤርሳናዉ፣ ካሰዋፕ አጅ ምንተ፤ እያዉ ጎፕ፣ ሀንተ ሄዋ ኦሳያዋ ግደፕ፣ ጱበትክታ።\*

11 ሄዋዳን ቃይ ኑ ጎዳን ኑና አሸያ የሱስ ክርሰቶሳ መድና ካዉተሳ ገልያ ኩመንሳ ማታይ ሀንተንቶ እመታና።

12 ሄዋ ድራዉ፣ ሀንተ ሀ የዋቱዋ ኤርያዋ ግደፕካ፣ ቃይ ሀንተ አይቁዳ ቱሙዋን ምኔዳዋንታ ግደፕካ፣ ታን ሀንተና ሀ የዋቱዋ ኡባ ዋደ ሀሳይሰያዋ አግከ።

13 ታን ፓጳ ደኤዳ ከናን፣ ሀንተና ሀሳይሳይ ቃሰላናዉ ኮሽያዋ ታዉ ማላቱ።

14 ኑ ጎዳይ የሱስ ክርሰቶሰ ታዉ ቆንጭያን ኦዴዳዋዳን፣ ታን ሀ ሀይቁያ አሳተሳ ጋምኤናን ቃራ ኦላናዋ ኤራይ።

15 ታን ሀይቁዳዋፕ ጉይያን ግድናካ፣ ሀንተ ሀ የዋቱዋ ኡባ ዋደ ቆፓናዉ ዳንዳያና ማላ፣ ታዉ ዳንዳየቴዳዋ ኡባ ኦላና።

ክርሰቶሳ ቦንቹዋ ባረ አይፍያን በኤዳ ማርካቱዋ

16 ኑን አ ዋልቃማ ቦንቹዋ ኑ አይፍያን በኢደ ኦደቶፕ አትን፣ መጅ አኬዳ ቶሳን ኑ ጎዳ ክርሰቶሳ ዋልቃን ዩሳ ሀንተንቶ አድባይኮ።

17 እያዉ ጎፕ፣ ዳሮ ዋልቃማ ቦንቹዋፕ፣ “ታን እን ዳሮ ናሽትያ ታ ሲቆ ናኦይ ሀዋ” ያግያ ኮሻይ ዬዳ ዋደ፣ ጸሳ አዉዋፕ ቦንቹዋን ጋላታ አ አኬዳ።

18 ቃይ ኑንካ ጌሻ ደርያ ቦላን አናና ደኢደ፣ ሄ ኮሻይ ሳሉዋፕ ዬዳዋ ሰሴደ።

\* 1:10 ጱበትክታ- ናጋራን ኮንድክታ።

19 አሳይ ሄዋጥ ሎይሳ አድያ ትምቢትን ኦድያዎንቱ ሃሳዬዳ ኑና ሎይሳ አማንሎያ ቃላይ ኑወ ደኤ፤ ህንተ ሄ ቃላ ናግያዎ ግደጥ ሎይሌድታ። አያወ ጎጥ፣ ሄዌ ሳኦይ ዎንታና ጋካናሰነ ዎንታ ጸልነትያ ፖኑ ህንተ ዎዛናን ፖኦና ጋካናወ። ጳማን ፖኦያ ፖኑዋ ማላ።

20 ኡባጥ ካሰቲደ፣ ሀዋ ኤርተ፤ ጸሳ ማጻፋን ጸፈቲዳ ትምቢትን ኦድዳዎ አንነ ባረካ ብላናወ ዳንዳየና።

21 አያወ ጎጥ፣ ትምቢትያ ኦድዳዎ ኡባይ ጌሻ አሳቱ ጌሻ አያናይ ካለሰና፣ ጸሳ ቃላ ሃሳዬድናጥ አትን፣ አሳ ሸንያን ሃሳየትቤና።

**2**

ዎርዶ አሰታማራቱዎ

1 ሸን ትምቢትያ ኦድያ ዎርዳቱ አሳ ግደን ካሰ ደኤያዎዳን፣ ህንተ ግደንካ ዎርዶዎ ታማርሰያዎንቱ ደኤና። ኡንቱንቱ ባረና ዎዜዳ፣ ጎዳ ካዲደ፣ ባይዘያ ዎርዶ ትምርትያ አሀና፤ ቃይ ኡንቱንቱ አከከና ባሻ ባረንቱ ቦላ አሀና።

2 ቃይ ዳር አሳይ ዬላይያ ኡንቱንቱ ኢታ ኦግያ ካላና፤ ኡንቱንቱ ጋሱዎን ቱሙዎ ኦጊ ቦረታና።

3 ዎርዶዎ ታማርሰያ ሄዎንቱ ሻሎ ያረትያዎን ባረንቱ መድ አከዳ ቶሳን ህንተና ቦንቃና፤ በንጥ ደሚደ፣ ኡንቱንቱ ፕርዳይ ጊግ ኡቲዳ፤ ኡንቱንቱ ጳይሰያዌ ቤጎቲደ ናጌ።

4 ናጋራ ኦሌዳ ኪታንቻቶ ጸሳይ ቃረተናን፣ ፕርዳ ጋላሳይ ጋካናወ ጳማ ኦላን ኡንቱንቱ ቃሸት ኡቲዳ ጋናዎያን የጌዳ።

5 ጸሳይ ናጋራንቻቱዎ ቦላ ባሻ ሃላ የዴዳጥ አትን፣ በን አሳወ ኪክቤና፤ ሸን ጽሎተላባ ኦድዳ ኖሀን ሀራ ላፑ አሳቱዎ አሼዳ።

6 ጸሳይ ቦራዎ ሲታ ብድንሳ ኦሌደ፣ ጉድ ጳይሲደ፣ ናጋራንቻ ግድያዎንታ ጋካናባወ ለምሱዎ ኦሌዳ።

7 ሀገወ አዛዘተና ቱናተላ ኦሌያ አሳቱዎ ግደን ቱጋቲደ ደኤያ ጽሎዎ ሎጻ ጸሳይ አሼዳ።

8 ሄ ሎኦ ብታኒ ኡንቱንቱ ግደን ደኤደ፣ ኡንቱንቱ ኦሌያ ኢታ ኦሱዎ

ጋላሰ ጋላሰ በኤዳ ዎደን ሰሴዳ ዎደ አ ሎኦ ዎዛናይ ኡንኤቲዳ።

9-10 ሄዎ ግደጥ፣ ጎዳይ ጸሳወ ጎይንያ አሳቱዎ ፓጭያጥ ዎት አሻንንቶ ኤሪ፤ ናጋራንቻቱዎ ቃይ ኡባጥ አሊደ፣ ቱና አሙዎን አሹዎ አሙዎ ካልያዎንታን ቃይ ጸሳ ዎልቃ ካድያዎንታ፣ ፕርዳ ጋላሳይ ጋካናወ ጎዳይ ሙሪደ ዎላናዎካ ኤሪ።

ዎርዶዎ ታማርሰያ ሄዎንቱ ጸላን ኦቶራንቻ ግዴዳዎን፣ ቦላን ደኤያ ቦንቻ መታ ቦሪናጥ አትን፣ ቦንቻክና።

11 ሄ ዎርዶዎ ታማርሰያ አሳቱዎጥ ዳር ሞናን ዎልቃማ ግድያ ኪታንቻቱካ ኡንቱንታ ጎዳ ሰንሳን ቦርያን ሞታናወ ኮይክና።

12 ሸን ሄ አሳቱ ኦይቀቲደ ጳያናወ የለቲዳ ባረንቱ መታን ዎዛናይ ባይና ዎራ ደኤቱዎዳን ሀኒና፤ ኡንቱንቱ ኤረናባ ቦሪና፤ ቃይ ባረንቱ ባይዙዎን፣ ኡንቱንቱ ጮ ጳያና።

13 ኡንቱንቱ ባረንቱ መዴዳ መቱዎን መቶታና፤ ጋላሰ የጸደ ዱርያዎ ናሸቶያባ ጊደ ቆጥና፤ ኡንቱንቱ ካወሸሰያዎንታን ቱናቱዎ ግድ ኡቲደ፣ ህንተናና ሞያ ቁማ ሙሳን ናሸቲና።

14 ጫራትያ ማጫ አሳ ጸልያዎ አገና አይፊ ኡንቱንቶ ደኤ፤ ቃይ ናጋራ ኦሌያዎካ አግክና። አማኑዎን ሞንቤና አሳ ጭሚና። አሙዎ ደዬዳ ዎዛናይ ኡንቱንቶ ደኤ፤ ኡንቱንቱ ሸቀቲዳዎንታ።

15 ሱሪ ኦግያ አጊደ ባሌድና። ብኑራ ናኦ ባላማ ኦግያና ቤድና፤ ባላማ ማካላን ሚሻ አካናወ ኮዬዳ።

16 አ ትምቢትያ ኦድያዎ፤ ሸን አ ናጋራ ድራወ፣ አ ሀሪ አሳዳን ሃሳያን ሴሪደ፣ ጎሻ ማላ ሀኑዎጥ አ ተኤዳ።

17 ሄ አሳቱ መል ድጌዳ ፑልቱዎ ማላ፤ ቃይ ጎቱ ቶኪደ አፍያ ሻርያ ማላ፤ ጸሳይ ኡንቱንቶ ሳካና ጳማ ጊግሰ ዎሌዳ።

18 አያወ ጎጥ፣ ኡንቱንቱ መላን ኦቶሮ ሃሳያ ሃሳዬና፤ ባሊደ ደኤያ አሳጥ ከሰ ዬዳዎንታ ዎልቃማ አሹዎ አሙዎን ጭሚና።

19 ኡንቱንቱ ባረወ ባሻ አሙዎና ደኤደ ኡንቱንታ፣ “ህንተ አይለተላጥ ከሳና” ያጊና፤ አያወ ጎጥ፣ አት አሳይ ባረና ጸኔዳባወ አያወን አይልያ።



20 ኢንቴንቲኑ ጎዳነ ኑና አሸያ የሱስ ክርስቶስ ኤራተላን ሀ ሳኣ ቱናተላፕ ከስ እኬዳዋፕ ጉይያን፣ ጉየ ሰሚደ፣ እን ቆብቲደ ጸነትያዋ ግደፕ፣ ካስ ደእያ ደኡዋፕ ጉየዋ ኢንቴንቶ ኢታና።

21 እያዉ ጎፕ፣ ኢንቴንቶ እመቲዳ ጌሻ አዛዙዋ ኤሪደ እግያዋፕ ኢንቴንቲ ጽሎተላ ኦግያ ኤሪናን አግንቶ ሎኦ ሸን።

22 “ካናይ ባረ ጮሻኮ ጉየ ሰሚ” ግያ ለምሱነ ቃይ፣ “ሜጤቲዳ ጉዲንላይ ጉየ ሰሚደ፣ ኡርቃን ጎንደረቲ” ግያ ለምሱ ቱማ ግድያዋ ኢንቴንታ ጋኬዳዌ በሴ።

### 3

ጎዳይ የሱስ ያና ናሸቻ

1 ታ ሲቃቶ፣ ሀዌ ታን ህንተንቶ ጸፊዳ ላኤንላ ዲብዳቢያ፤ ታን ሄ ላኡ ዲብዳቢቲዋካ ህንተ ሱረ ቆፋ ቆፓናዳን ደንግላናዉ ህንተና ሀሳይሳናዳን ጸፋ።

2 ጌሻ ግዴዳ ናባቲ በን ኦዴዳ ቃላ ህንተ ሀሳያና ማላን ጎዳይ ህንተና አሸያዌ፣ ባረ ከቲዳዋንቲ ባጋና ህንተና አዛዜዳ አዛዙዋ ህንተ ሀሳያና ማላ ኮያይ።

3 ዋድያ ወርሰላን፣ እሳ ቶቶያ ባረንቲ አሙዋዳን ደእያዋንቲ እሳ ቶቲደ ደንዳናዋ ኡባፕ ካስቲደ ኤርተ።

4 ኢንቴንቲ፣ “እ ‘ያና’ ያጌዳ። ግቤኔ? ያትና ሀቃን ደኢ? እያዉ ጎፕ፣ ኑ አዋቲ ሀይቁ ድጌድና፤ ሸን ኡባባይካ ሳኦይ መቶደፕ ደሚደ ደእያዋዳንካ ደኤ” ያጋና።

5 ዳር ዋድያፕ ካስ ጸሳይ ሃሳይና፣ ሳሉን ሳኦይ መቶዳዋ ኤሪደ፣ ኢንቴንቲ እኬከናን እጾድና። ሳኦይ ሃላፕን ሃላን መቶዳ።

6 ቃይ ሄዋ ጋሱዋን፣ ሄ ዋደ ደእያ ሳኦይ ሄ ሃላን ሞተት ጳዴዳ።

7 ሸን ሀኦ ደእያ ሳሉን ሳኦይ፣ ጸሳዉ ጎይና አሳቲ ፕርደትያ ጋላሳይን ጳይያ ጋላሳይ ጋካናዉ ታኪደ፣ ሄ ቃላን ታማ ናጊና።

8 ሸን ታ ሲቃቶ፣ ሀ እት የዋቶ ደጎፕተ፤ ጎዳ ማታን፣ እት ጋላሳይ ሻኦ ላይላ ማላ ግድያዋን፣ ቃይ ሻኦ

ላይላይ እት ጋላሳ ማላ ግድያዋ ደጎፕተ።

9 እቲ እቲ ቆፕያዋዳን፣ ጎዳይ ባረ ኦላና ጌዳዋ ኦላናዉ ታከና፤ ሸን ኦንን ባረ ናጋራፕ ሰማናዳን ኮዬፕ አትን፣ ኦንን ጳያና ማላ ኮየና ድራዉ፣ ህንተዉ ጊደ ዳንዳያን ጋምኤ።

10 ሸን ጎዳ ጋላሳይ ካይሱዋዳን ያና። ሄ ጋላሰ ሳሎቲ ዋልቃማ ጉንላን ጳያና፤ ሳሎዋ መታቲ ዋልቃማ ሴላን ሲላና፤ ሳኦይ ኦ ቦላን ደእያ ኡባባይ ጳያና።

11 ኡባባይካ ሄዋዳን ጳይያዋ ግደፕ፣ ህንተ ኦይ ማላ እሳ ግዳናዉ በሲ? ህንተ ደኡ ጌሻን ጸሳ ማላትያዋ ግዳናዉ ኮሼ።

12 ህንተ ጸሳ ጋላሳ ናግሸና፣ ሄ ጋላሳይ ኤለካ ጋካናዳን፣ ህንተንቶ ዳንዳየትያዋ ኦላተ፤ ሄ ጋላሰ ሳሎቲ ጉደቲደ ጳያናን ሳሎዋ መታቲካ ዋልቃማ ሴላን ሲላና።

13 ሸን ኑን ጸሳይ እማና ጌዳ ኦራላ ሳሎዋን ኦራላ ሳኦ ጽሎ ደእናሳ ናጌቶ።

14 ሄዋ ድራዉ፣ ታ ሲቃቶ፣ ሄ ጋላሳ ናጊደ፣ ፖኩን ዬላይያባይ ባይናዋንታ ግዳደ፣ እናና ሳርተላን ደእና ማላ ሎኦባ ኡባ ኦላተ።

15 ጎዳ ዳንዳያይ አቶተላ ግድያዋ ህንተ ዋዛናን ቆፕተ፤ ሄዋዳን ቃይ ኑ ሰቆ እሻይ ጳዉሎስ፣ ጸሳይ ባረዉ እማዳ አጼዳ ኤራተላን ህንተንቶ ጸፊዳ።

16 ባረ ጸፍያ ዲብዳቢያን፣ ሄ የዉዋባ ጸፍያ ዋደ፣ ታማርቤና አሳቲን ሞንቤና አሳቲ ሀራ ጸሳ ማጸፋቲዋ ጌላይያዋዳንካ፣ ሄ ዲብዳቢያ ግደን ደእያ እኬካናዉ ዋይሰያ የዉዋ ጌላዬና። ኢንቴንቲ ሄዋ ኦላያዋን ባረንቲ ቦላ ባሻ እሄና።

17 ሄዋ ድራዉ፣ ታ ሲቃቶ፣ ህንተ ሄዋ ኤርያ ድራዉ፣ ማካላንቻቲዋ ባላን ጭመቲደ፣ ዋራ ቤና ማላን፣ ቃይ ሞኒደ ደእያ ሳኦፕ ኩንደና ማላ ናገትተ።

18 ሸን ህንተ ኑ ጎዳ፣ ኑና አሸያ የሱስ ክርስቶስ እጹ ኬካተላንን ኤራተላን ድጭተ። አዉ ሀኦን መድና ጋላሳይ ጋካናዉ ጋላታይ ጋኩ። አመንኦ።

# ዮሃንሳ ጻፌዳ ኮይሮ ኪታ ገሉዋ

የሱስ ኪቴዳ ዮሃንሳ ጻፌዳ ኮይሮ ኪታይ፡ ላኡ ሀጸ ቆፋቱዋ ኦይቄዳ፤ ሄዋንቱካ፡ ናባብያዋንቶ ጸሳናን አ ናኣ የሱስ ክርስቶሳና እትተገላይ ደእናዳን መገግሳናሳን ሀ እትተገላ ጳይሳናው ዳንዳይያ ዋርዶ ትምርትያጥ ኤንቱንቱ ሃካና ማላ፡ ሞንሲደ እኩክሳናሳ። ሄ ዋደ ደንዴዳ ዋርዶ ትምርቲ “ኢታተገላይ ፑልትያዌ ሀ ኑን ደእያ ዋልቃማ አላምያና ጋከትያ ጋከላና ግድያ ድራው፡ ጸሳ ናኣይ የሱስ ሙሊካ አሳ ግዳናው ዋይ፡ አሳተገላ ኤሻይ አው ደእናው ዳንዳየና” ያግያዋ። ሄ አስታማራቱ፡ “አቶተገላ ጉሳይ አላምያ ደኦ ኤንኤትያዋጥ ላእ ከሰያዋ” ያገና። ሄዋ ቦላካ ቃይ “ኢታን ኬካ ሻኪደ ኦይቄያዋ ዋይ፡ ሀራ አሳው ሲቁዋ በሰያዋ ግደግካ፡ አቶተገላና ኤንቱንታ ጋልያባይ ባዋ” ያገና።

ጻፊ ሀ ትምርትያ ኤቀቲደ፡ “የሱስ ክርስቶስ ፖሎ አሳ፤ የሱሳን አማንያዋንቱን ጸሳ ሲቆያዋንቱ ኡባይ ባርንቱ ግደንካ እቱ እቱዋና ሲቀታናው በሴ” ያገደ ኦይዳ።

## ሸምጋቱዋ ኡባቶ አመቴዳ ቃንላ ቆፋቱዋ

- ገሉዋ 1:1-4
- ፖሎዋን ጳማ 1:5—2:29
- ጸሳ ናናን ጸላህያ ናና 3:1-24
- ቱሙዋን ባለሉዋ 4:1-6
- ሲቁዋ ኡሱዋ 4:7-21
- ጸንያ አማኑዋ 5:1-21

### ደኡዋ ቃላ

1 ኑን ኮይራዋጥ ደሚደ ደእያ፡ ኑ አይፍያን በኢደ፡ ኑ ኩሽያን አ ቦቾ በኤዳ ደኡዋ ቃላባ ህንተንቶ ጻፊቶ። ኑን አ በኤደ፤ ኑ ኩሽካ አ ቦቾ በኤዳ።

2 ሄ ደኡ ቆንጭና፡ ኑን አ በኢደ፡ አባ ህንተንቶ ማርካቴቶ፤ ቃይ ጸሳ አውዋ ማታን ደእያ ኑው ቆንጭዳ መጵና ደኡዋባ ህንተንቶ ኦይቶ።

3 ቃይ ኑናና ህንተንቶ እትተገላይ ደእና ማላ፡ ኑን በኤዳዋን ሰሴዳዋ

ህንተንቶ ኦይቶ፤ ኑው አውዋናን አ ናኣ የሱስ ክርስቶሳና እትተገላይ ደኤ።

4 ኑን ኑ ናሽቻይ ፖለታና ማላ፡ ሀዋ ህንተንቶ ጻፊቶ።

### ጸሳይ ፖሎዋ

5 ኑን ጸሳ ናኣጥ ሰሲደ፡ ህንተንቶ ኦይያ ኪታይ፡ “ጸሳይ ፖሎዋ፤ እን ጳማይ ሙሊካ ባዋ” ያግያዋ።

6 ኑን ኑው አናና እትተገላይ ደኤ ገደ ጳማን ደኣጥ፡ ኑ ሃሳያን ኑ ኡሱዋን ዋርዶቱቶ።

7 ሸን ፖሎዋን አ ደእያዋዳን፡ ኑንካ ፖሎዋን ደኣጥ፡ ኑው እቶ እቱዋና እትተገላይ ደኤ፤ ቃይ አ ናኣ፡ የሱስ ክርስቶሳ ሱላይ ናጋራ ኡባጥ ኑና ጌሼ።

8 ኑን ናጋራ አለበይኮ ጎጥ፡ ኑርካ ኑና ጭሜቶ፤ ኑናን ቱማተገላይካ ባዋ።

9 ሸን ኑን ጸሳው ኑ ናጋራ ፓጸጥ፡ እ ኑ ናጋራ እቶ ጋናውን ኑ ባይዘ ኡሱዋ ኡባጥ ኑና ጌሻናው፡ አማንትያዋን ቱሙዋ አልያዋ።

10 ኑን ናጋራ አለበይኮ ጎጥ፡ ጸሳ ዋርዶዋ ጌቶ፤ አ ቃላይካ ኑ ዋዛናን ደኤና።

## 2

### ክርስቶስ ኑው ጋናትያዋ

1 ታ ናቶ፡ ናጋራ ህንተ ኑናዳን፡ ታን ሀዋ ህንተንቶ ጸፋይ፤ ሸን ኦንነ ናጋራ አሉጥ፡ አውዋ ማታን ኑው ጋናትያ የሱስ ክርስቶስ፤ ጸሉ፡ ደኤ።

2 ቃይ ኑን ኑ ናጋራ እቶ ጌተቱሳ ክርስቶሳ ባጋና ደሜቶ፤ ክርስቶስ ያርሸቴዳዌ አሳ ኡባ ናጋራ ድጋናሳጥ አትን፡ ኑ ናጋራ ጸላላ ድጋናሳ ግደና።

3 ኑን ጸሳ አዛዙዋ ናጎጥ፡ ቱሙ አ ኤርያዋ ሄዋን ሻካናው ዳንዳዬቶ።

4 እት ኡራይ፡ “ታን አ ኡራይ” ገደ፡ ቃይ አ አዛዙዋ ናገናን አጎጥ፡ ሄ ኡራይ ዋርዶዋ፤ ቱማተገላይካ እን ባዋ።

5 ሸን አ ቃላው አዛዙታን ኑና ግደግካ፡ ሄ ኡራይ ጸሳ ሲቆያዋ ቱሙ ፖለቴዳ። ኑን ጸሳን ደእያዋ ሀዌ ኑና ኤርሴ። ሄዋካ፡

6 “ታን፡ ጸሳን ደኣይ” ግያ ኦንነ ክርስቶስ ደኤዳዋዳን ደእናው በሴ።

### ኡራላ አዛዙዋ

7 ታ ሲቃቶ፣ ታን ሀንተንቶ ኮይሩባፕ ደእያ ኤጫ አዛዙባ ጸፋይፕ አትን፣ ኦራሳ አዛዙባ ጸፍከ፤ ሄ ኤጫ አዛዙ ሀንተ ሰሴዳ ቃላ።

8 ግደፕካ፣ ታን ሀንተንቶ ላኤንሱባ ኦራሳ አዛዙባ ጸፋይ፤ ሄ አዛዙባ ቱማተላይካ ክርሰቶሳን ሀንተናን ቤቱ። እያዉ ጎፕ፣ ጳማይ ጳዬ፤ ቱሙ ፖኤ ሀእ ፖኤ።

9 ፖኤባን ደእይ ጊደ፣ ባረ እሻ እጽያ ኦን ሀና ጋካናዉካ ጳማን ደኤ።

10 ባረ እሻ ሲቅያ ኦን ፖኤባን ደኤ፤ ሄ ኡራን ሀራ ኡራ ጳቢያባይ እያይን ባቦ።

11 ሸን ባረ እሻ እጽያ ኦን ጳማን ደኤ፤ ጳማን ሀመቱ። ጳማይ አ አይፍያ ቆቅሰ ዎሌዳ ድራዉ፣ ሀቃ ብንቶን ኤረና።

12 ታ ናቶ፣ ጸሳይ ክርሰቶሳ ሱንላ ድራዉ፣

ሀንተ ናጋራ አቶ ያጌዳ ድራዉ፣ ታን ሀንተንቶ ጸፋይ።

13 አዎቶ፣ ኮይሩባፕ ደእያ ሀንተ ኤራዳ ድራዉ፣

ሀንተንቶ ጸፋይ።

ያላጋቶ፣

ጸላሀያ ካፑባ ሀንተ ጸኔዳ ድራዉ፣

ሀንተንቶ ጸፋይ።

ጉላ ናቶ፣ ጸሳ አዉባ ሀንተ ኤራዳ ድራዉ፣

ሀንተንቶ ጸፋይ።

14 አዎቶ፣ ኮይሩባፕ ደእያ ሀንተ ኤራዳ ድራዉ፣

ሀንተንቶ ጸፋይ።

ያላጋቶ፣

ሀንተ ሞኖ ግድያ ድራዉን ጸሳ ቃላይ ሀንተናን ደእያ ድራዉ፣

ቃይ ጸላሀያ ካፑባ ሀንተ ጸኔዳ ድራዉ፣

ሀንተንቶ ጸፋይ።

15 ሀ አላምያ ዎይ አላምያን ደእያ አያን ሲቆፕተ። ሀንተ ሀ አላምያ ሲቆፕ፣ ጸሳ ሲቁ ሀንተናን ባቦ።

16 እያዉ ጎፕ፣ ሀ አላምያን ደእያ ኡባባይ፣ ሄዌካ፣ አሳተላ አሙ፣ አይፍያን ጸሊደ ካጄልያዌን ባረ ደእያዎን ጨቀትያዌ ሀ አላምያፕ ዬዳባፕ አትን፣ ጸሳፕ ይቤና።

17 ሀ አላሚን ሀ አላምያን አሳይ አሞትያ ኡባባይ አቆና። ሸን ጸሳይ ጌዳባ ኦላያ ኡራይ መጅናዉ ደእና።

ክርሰቶሳ ኤቀትያባፕ ናገትያባ

18 ታ ናቶ፣ ዎድያ ዉርሰላይ ማታቲዳ፤ ክርሰቶሳ ኤቀትያዌ ሰንላፕ ያናባ ሀንተ ሰሴዳዎዳን፣ ሀራይ አቶ ሀእካ እ ኤቀትያዎንቱ ጮራቱ ደንዴድኖ። ሄዎ ድራዉ፣ ዎድያ ዉርሰላይ ማታቲዳዎ ኑን ሄዎን ኤራቶ።

19 ሀ ኤቀትያዎንቱ ኑ ባጋ ግደና ድራዉ፣ ኑ ግደፕ ከሴድኖ፤ እያዉ ጎፕ፣ አንቱንቱ ኑ ባጋ ግድያባ ግድንቶን፣ ኑ ግደን ደእና፤ ሸን አንቱንቱፕ ኦን ኑ ባጋ ግደናዌ ኤረታና ማላ፣ ኑ ግደፕ ከሴድኖ።

20 ሸን ክርሰቶሳ ሀንተ ቦላ ጌሻ አያና ጉሴዳ፤ ቃይ ሀንተ ኡባይ ቱሙባ ኤሪታ።

21 ቱሙባ ሀንተ ኤርያ ድራዉን ቃይ ቱሙባን ዎርዱ እያይን ባይናባ ሀንተ ኤርያ ድራዉ፣ ታን ሀንተንቶ ጸፋይፕ አትን፣ ቱሙባ ሀንተ ኤረና ድራዉ ጸፍከ።

22 የሱሰ እከቲዳ ክርሰቶሳ ግድያዎ ኤርከ ግያ ኡራፕ አትን፣ ዎርዱ እኔ? ሄዌ ጸሳ አዉባን ናእ ኤርከ ግያዌ ክርሰቶሳ ኤቀትያዎ።

23 ጸሳ ናእ ኤርከ ግያ ኦናን ጸሳ አዉካ ኤረና፤ ጸሳ ናእ ኤራይ ግያ ኦናን ቃይ ጸሳ አዉካ ኤራ።

24 ሄዎ ድራዉ፣ ኮይሩባፕ ሀንተ ሰሴዳዎ ሀንተ ዎዛናን ሞንሲደ ናገተ። ኮይሩባፕ ሰሴዳዎ ሀንተ ናገፕ፣ ሀንተንቶ ቃይ ጸሳ ናእናን ጸሳ አዉባና እትፕተላይ ደእና።

25 ቃይ ክርሰቶሳ ባረ ሀጸዉ ኑዉ አማና ጌዳዌ መጅና ደኡዎ።

26 ታን ሀዎ ሀንተንቶ ሄ ሀንተና ባለላያ አሳቱዎ ድራዉ ጸፋድ።

27 ሸን ክርሰቶሳ ሀንተ ቦላ ባረ ጌሻ አያና ጉሴዳ። ጌሻ አያናይ ሀንተናን ደእያ ድራዉ፣ ኦን ሀንተና ታማርሳና ኮሸና፤ እያዉ ጎፕ፣ አ ጌሻ አያናይ ሀንተና ኡባባ ታማርሴ። አ ታማርሴዎዌ ቱሙባፕ አትን ዎርዱዎ ግደና። ሄዎ ድራዉ አያና ጌሻ ትምርተዉ አዛዙቲደ፣ ክርሰቶሳና እትፕተላን ደእተ።

28 ታ ናቶ፣ ቃይ እ ቆንጮያ ዎደ፣ ኑን ያሸ ባይናዎንታ ግዳናዳን፣ አ ዩሳ ጋላሰ እ ሰንላን ኑን ዬላተናዳን፣ አናና እትፕተላን ደእተ።

29 ክርሰቶሳ ጽሎ ግድያዎ ሀንተ ኤርፕ፣ ጽሎባ ኦላያ ኡባይ ጸሳ ናእ ግድያዎ ኤራናዉ በሴ።

### 3

ጸሳ ናናቱዋ

1 ኑን ጸሳ ናናቱዋ ጌተቲደ ጸሰታና ማላ፡ ጸሳይ ኑና እይ ኬና ስቁደንቶን በእተ። ኑን ቱሙካ አ ናናቱዋ። ሀ አላሚ ጸሳ ኤረና ድራው፡ ኑናካ ኤረና።

2 ታ ሲቃቶ፡ ሀእ ኑን ጸሳ ናናቱዋ፤ ኑን እያ ሀናንቶ ብር ኤረትቤና፤ ሽን ክርሰቶስ ቆንጭያ ዋደ፡ ኑን አ ማላታናዋ ኤሬቶ። እያው ጎጥ፡ እ ቱሙ አ ግድያዋ ኑን ኩሙንላን በእና።

3 ቃይ ክርሰቶሳ በእና ጊደ ናሽቻን ናግያ ኑንን ክርሰቶሰ ጌሻ ግዴዳዋዳን፡ ባረና ጌሼ።

4 ናጋራ ኦልያ ኡባይ ጸሳ ሀግያ መገል፤ እያው ጎጥ፡ ናጋራይ ጸሳ ሀግያ መገሉ።

5 ክርሰቶሰ አሳ ናጋራ ጳይሳናው ቆንጭዳዋ ሀንተ ኤሬታ፤ እን ናጋራይ ባዋ።

6 ክርሰቶሳን ደእያ ኑንን ናጋራ ኦሊደ ደኤና፤ ቃይ ናጋራ ኦሊደ ደእያ ኑንን አ በእቤና ዋይ ኤርቤና።

7 ታ ናቶ፡ ኑንን ሀንተና ባለሉ። ክርሰቶሰ ጽሎ ግድያዋዳን፡ ጽሎባ ኦልያ ኡራይ ጽሉዋ።

8 ጸላህያ ካፑ ኮይሩዋጥ ናጋራ ኦሊደ ድራው፡ ናጋራ ኡባ ዋደ ኦልያ ኡራይ ጸላህያ ካፑዋሳ፤ ሄዋ ድራው፡ ጸሳ ናእይ ጸላህያ ካፑዋ ኦሱዋ ጳይሳናው ቆንጭዳ።

9 ጸሳ ናናቱዋ ግድያ ኡባይ ጸሳ መታይ ኡንቱንቱን ደእያ ድራው፡ ናጋራ ኡባ ዋደ ኦልያና፤ ቃይ ጸሳይ ኡንቱንቱን እዉዋ ግድያ ድራው፡ ናጋራ ኦላናው ዳንዳይክና።

10 ጸሳ ናናቱ ግድያንን ጸላህያ ካፑዋ ናናቱዋ ግድን ደእያ ዲማተላይ ሀዋን ኤረቱ፤ ጽሎባ ከጋናዋንቱን ዋይ ባረ እሻ ሲቀናዋንቱ ኑንን ጸሳ ናናቱዋ ግድክና።

እቱ እቱዋና ሲቀትያዋ

11 እያው ጎጥ፡ ኮይሩዋጥ ሀንተ ሰሴዳ ኪታይ፡ “እቱ እቱዋና ሲቀታናው በሴ” ያግያዋ።

12 ኑን ቃይላ ማላ ግዳናው በሰና። ቃይል ጸላህያ ካፑዋሳ፤ ሄዋ ግድ ድራው፡ ባረ እሻ ዋዴዳ። እ ባረ እሻ እያው ዋዴዴ? እ ኦሊደ ኦሱ ኢታ

ግድና፡ እ እሻይ ኦሊደ ኦሱ ሎአ ግዴዳ ድራው ዋዴዳ።

13 ታናዳን ጸሳ ካልያዋንቶ፡ ሀ ሳአ አሳይ ሀንተና እጸጥ፡ ኦራላባ ጎጥተ።

14 ኑን አማንያዋንታ ሲቃያ ድራው፡ ሀይቁዋጥ ደኤ ፕኔዳዋ ኤሬቶ፤ አማንያዋንታ ሲቀና ኡራይ ኡንን ሀይቁዋ ግድን ደኤ።

15 አማንያዋንታ እጽያ ኡንን ሸምጥዋ ዋዴዳዋ፤ ቃይ ሸምጥዋ ዋዴዳዋን መጵና ደኤ ባይናዋ ሀንተ ኤሬታ።

16 ክርሰቶሰ ባረ ሸምጥዋ ኑ ድራው ኦሊደ እሚዳዋን ሲቁ አየንቶ ኑን ኤሬደ፤ ኑንን አማንያዋንቱ ድራው፡ ኑ ሸምጥዋ ኦሊደ አማናው በሴ።

17 ሽን ዲረ አሳይ ኡንን ባረ እሻይ መቶትያዋ በኢደ፡ አው ቃረተናን እጸጥ፡ ባረ ዋዳናን ጸሳ ሲቃይ ጋናው ዋን ዳንዳይ?

18 ታ ናቶ፡ ኑን ኦሱዋንን ቱማተላን ሲቀቶይተጥ አትን፡ ጮ ሃሳያን ዋይ ቦላ ደናን ሲቀታናው በሰና።

ጸሳ ሰንላን አማንቲደ ኤቁያዋ

19-20 ኑን ቱሙዋ ባገን ደእያዋ ሄዋን ኤራና፤ ቃይ ኑ ዋዳናይ ኑ ቦላ ፕርድያ ዋደ ኡባን፡ ጸሳ ሰንላን ቱማተላ ኑና ሄዋን ኤርቤ። እያው ጎጥ፡ ጸሳይ ኑ ዋዳናጥ ዋልቃማ፤ ቃይ እ ኡባባ ኤሬ።

21 ታ ሲቃቶ፡ ኑ ዋዳናይ ኑ ቦላ ፕርድያዋ ግድጥ፡ ኑን ጸሳ ሰንላን ያዮኩ።

22 ኑን አ አዛዙዋ ናግያ ድራውን አ ናሽቻያባ ኦልያ ድራው፡ ዋሰያ ኡባባ አጥ እኩቶ።

23 ጸሳ አዛዙ ሀዋ፡ ክርሰቶሰ ኑና አዛዜዳዋዳንካ፡ ጸሳ ናአ የሱሰ ክርሰቶሳ ሰንላን ኑን አማናናዳንን እቱ እቱዋና ሲቀታናዳን ጸሳይ ኑና አዛዜዳ።

24 ጸሳ አዛዙዋ ናግያ ኡንን ጸሳ ግድን ደኤ፤ ጸሳይካ እ ግድን ደኤ፤ ጸሳይ ኑው እሚዳ እ እያና ባገና እ ኑ ግድን ደእያዋ ኑን ኤሬቶ።

### 4

ቱማንቻ እያናን ዋርደ እያና

1 ታ ሲቆቶ፡ ጸሳ እያናይ ታናን ደኤ ግያ ኡባ አማናጥተ፤ ሽን ኡንቱንቱን ደእያ እያናይ ጸሳጌዮ ዋይ ግድንቶ

ፓጭተ። እያወ ጎጠ፣ ጮራ ዋርዶ ናባቱ ኡራባ ቤድኖ።

2 ጳሳ እያና ግድያዋ ህንተ ሀዋን ኡራና፤ “የሱስ ክርስቶስ አሳ ግዲደ ዬዳዋ አማናይ” ግያ ኦናንን ደእያ እያናይ ኡባይ ጳሳጥ ዬ።

3 ቃይ ክርስቶስ አሳ ግዲደ ዬዳዋ አማናይ ጌናዋ እያናይ ኡባይ ጳሳጥ ደቤና፤ እን ክርስቶሳ ኤቀትያ እያናይ ደኤ። ህንተ ሄዌ ያናዋ ካስ ሰቤድታ፤ እ ሀራይ እቶ ሀእካ ሀ አላምያን ደኤ።

4 ታ ናቶ፣ ህንተ ጳሳዋንታ፤ ህንተ ግድን ደእያ ጌሻ እያናይ ሀ አላምያን ደእያ እያናጥ ዳር ዋልቃምያ ድራወ፣ ዋርዶ ናባቱዋ ህንተ ጸኔድታ።

5 ኡንቱንቱ ሀ አላምያ አሳ ግድያ ድራወ፣ ሀ አላምያባ ሃሳዪና፤ ሀ አላምያ አሳይካ ኡንቱንቱ ሃሳያ ሰሴ።

6 ኑን ጳሳዋንታ፤ ጳሳ ኤረና ኦንን ኑን ግያዋ ሰሴ። ጳሳ ኤረና ኦንን ኑን ግያዋ ሰሴና። ኑን ቱሙ አያናን ዋርዶ እያና ሄዋን ሻኬቶ።

ጳሳይ ሲቁዋ

7 ታ ሲቃቶ፣ ሲቁ ጳሳጥ ይያ ድራወ፣ እን እቱ እቱዋና ሲቀቶይተ። ሲቀትያ ኦንን ጳሳ ናና፤ ጳሳካ ኤሪና።

8 ጳሳ ኤሻይ ሲቆ ግድያ ድራወ፣ ሲቀና ኡራይ ኦንን ጳሳ ኤሪና።

9 ጳሳይ ኑና ባረ ሲቁዋ ሀዋን በሴዳ፤ ኑን አ ባጋና ደኤዋ ደማና ማላ፣ ባረ እት ናአ ሀ አላምያ ከቲዳ።

10 ሲቁዋ ግያዌ ሀዋ፤ ጳሳይ ኑና ሲቁደ፣ ኑን ኑ ናጋራጥ ማርተላ ደሜዳ ባረ ናአ ኑወ ከቲዳጥ እትን፣ ኑን አ ሲቁዳዋና ግድና።

11 ታ ሲቆቶ፣ ጳሳይ ኑና ሀዋዳን ሲቁዳዋ ግድጥ፣ ኑንካ እቱ እቱዋና ሲቀታናወ በሴ።

12 ጳሳ ኦንን ሙላካ በእቤና፤ ኑን እቱ እቱዋና ሲቀቶጥ፣ ጳሳይ ኑ ግድን ደኤ፤ አ ሲቁካ ኑ ግድን ፖለቲዳ።

13 ጳሳይ ባረ እያና ኑወ እሜዳ ድራወ፣ ኑን ጳሳ ግድን ደእያዋን እካ ኑ ግድን ደእያዋ ኤሪቶ።

14 ጳሳ አወ ባረ ናአ ሀ አላምያ አሽያዋ ግዳናወ ከቲዳዋ ኑን በኢደ ማርካቲቶ።

15 የሱስ ጳሳ ናአ ግድያዋ ማርካትያ ኑ ግድዋንን ጳሳይ ደኤ፤ እካ ጳሳ ግድን ደኤ።

16 ጳሳይ ኑና ሲቅያዋ ኑን ኑ ሀጸወ ኤሪቶን አማኔቶ።

ጳሳይ ሲቁዋ፣ ሲቁዋን ደእያ ኦንን ጳሳ ግድን ደኤ፤ ጳሳይካ አ ግድን ደኤ።

17 ኑ ደኤ ሀ አላምያን ክርስቶስ ደኤዳዋ ማላ ግድያ ድራወ፣ ፕርዳ ጋላስ ኑን ያየና ማላ፣ ሲቁ ኑ ግድን ፖለቲዳ።

18 ሲቁዋን ያሽ ባዋ፤ ጋሱካ ቱሙ ሲቁ ያሻ ከሰ ኦሌ። ያሻይን ሙራይ እትጥ ብያ ድራወ፣ ያይያ ኡራ ሲቁ ኩሙንሳ ግድና።

19 ጳሳይ ኮይር ኑና ሲቁዳ ድራወ፣ ኑን አ ሲቁደ።

20 ኦንን፣ “ታን ጳሳ ሲቃይ” ጊደ ባረ እሻ እጸጥ፣ አ ዋርዶዋ፣ እያወ ጎጠ፣ በኤዳ ባረ እሻ ሲቀናዌ በእቤና ጳሳ ሲቃናወ ዋን ዳንዳዪ?

21 ቃይ ክርስቶስ ኑወ እሜዳ አዛዙ ሀዋ፤ ጳሳ ሲቅያ ኡራይ ባረ እሻካ ሲቃናወ በሴ።

5

ሀ አላምያ ጸንያዋ

1 ኦከቲዳ ክርስቶሳ ያጊደ፣ የሱሳ አማንያ ኡባይ ጳሳ ናና፤ ቃይ ጳሳ አወዋ ሲቅያ ኦንን አ ናናቱዋካ ሲቁ።

2 ኑን ጳሳ ሲቅያዋንን አ አዛዙዋ ናግያዋን፣ ጳሳ ናናቱዋ ሲቅያዋ ኤሪቶ።

3 እያወ ጎጠ፣ ኑን ጳሳ ሲቅያዌ አ አዛዙዋ ናግያዋ፤ አ አዛዙካ ዴጾ ግድና።

4 እያወ ጎጠ፣ ጳሳ ናአ ግድያ ኦንን ሀ አላምያ ጳናናወ ዳንዳይ፤ ኑንካ ሀ አላምያ ጳናናዌ ኑ አማኑዋና።

5 ሀ አላምያ ጳናናወ ዳንዳይያዌ ኦኔ? የሱስ ጳሳ ናአ ግድያዋ አማንያዋ ጳላላይ ጳናና።

ክርስቶሳዋ ማርካቲዳዋ

6 ጽንቃታ ሃላናን ሀይቁዋ ሱላና ዬዳዌ ሀዋ፤ እካ የሱስ ክርስቶሳ፤ ሃላናን ሱላና\* አ ዬዳዋጥ እትን፣ ሃላ ጳላላና ይቤና። ጌሻ እያናይ ቱማ ግድያ ድራወ፣ ሄዌ ቱማ ግድያዋ አ ባረ ሀጸወ ማርካቲ።

7 እያወ ጎጠ፣ ሄዙ ማርካቲ ደኤና።

8 ሄዋንቱ፣ ጳሳ እያና፣ ሃላን ሱላ፤ ሀ ሄዛቱ እቱ እቱዋዋ ጳልቁክና።

\* 5:6 ሃላናን ሱላና- የሱስ ሀ አላምያ ዪደ ጽንቃታ ሃላ ጳላላና ግድናን ባረ ሀይቁዋ ሱላን ዬዳ። ሄዋ ጉሳይ አ አሳ ኩሽያን ጸማቀቱሳ ጳላላ ግድናን፣ ሀ አላምያን ሀይቁዳ ጉሳ።

9 ኑን አሳይ ማርካትያዎ አማኖ፤  
ጸሳይ ማርካትያዌ አሳዋ፤ ሎይሳ  
አጄ፤ አያው ጎ፡፡ ጸሳይ ባረ ናአባ  
ማርካቲዳ ማርካተላይ ሆዋ፡፡

10 ጸሳ ናአ አማንያ ኡራ ዋዛናን ሀ  
ማርካተላይ ደኤ፡፡ ጸሳ አማንና ኡራይ  
ኑን፤ ጸሳይ ባረ ናአው ማርካቲዳ  
ማርካተላ አማንቤና ድራው፤ ጸሳ  
ዋርዲዋ ጌ፡፡

11 ሰሞ ማርካተላይ ሆዋ፤ ጸሳይ  
ኑው መጅና ደኤዋ አሜዳ፤ ሄዌካ አ  
ናአን ደኤ፡፡

12 ጸሳ ናአይ ደአያ ኦሰነ ደኤ ደኤ፤  
ጸሳ ናአይ ባይና ኦሰነ ደኤ ባዋ፡፡

መጅና ደኤዋ

13 ጸሳ ናአ ሱንላን አማንያ  
ሀንተንቶ መጅና ደኤ ደአያዎ ሀንተ  
ኤራና ማላ፤ ሆዋ ሀንተንቶ ጸፋድ፡፡

14 ጸሳይ ኮይያዋዳን፤ አይነ ኑን አ  
ዋሶ፡፡ አ ሰሰያዎ ኑን ኤርያ ድራው፤  
አ ሰንላን ያዮኮ፡፡

15 ኑን ዋሰያ ኡባን አ ሰሰያዎ  
ኤርፕ፤ ኑን አ ዋሴዳዎ አ ዛሬዳዎ  
ኤሬቶ፡፡

16 ኦንነ ሀይቁ በሰና ናጋራ ባረ እሻይ  
ኦሐሽን በኦፕ፤ ጸሳ ዋሳናው በሴ፤  
ሀይቁ በሰና ናጋራ ኦሌዳዎንቶ ጸሳይ  
ደኤዎ አማና፡፡ ሀይቁ በሰያ ናጋራይ  
ደኤ፤ ታን ሀንተና ሄዎ ጸሳ ዋሰተ  
ጊከ፡፡

17 ባይዘ ኦሱ ኡባይ ናጋራ፤ ሸን  
ሀይቁ በሰና ናጋራይ ደኤ፡፡

18 ጸሳ ናናይ ኦንነ ናጋራ ኡባ ዎደ  
ኦፍዋ ኑን ኤሬቶ፡፡ አያው ጎ፡፡ ጸሳ  
ናአይ ኡንቲንታ ናጌ፤ ቃይ ጸላህያ  
ካፑካ ኡንቲንታ ቆሀናው ዳንዳየና፡፡

19 ኑን ጸሳዎንታ ግድያዎን ሀ አላሚ  
ኡባይ ጸላህያ ካፑዋን ሞደቲዳዎ  
ኤሬቶ፡፡

20 ኑን ቱሙ ጸሳ ኤራናዳን፤ ጸሳ  
ናአይ ዬዳዎን ኑው አኬካ አሜዳዎ  
ኤሬቶ፡፡ ኑን ቱሙ ጸሳ ግድን፤ አ ናአ  
የሱሰ ክርሰቶሳ ግድን ደኤቶ፤ አ ቱሙ  
ጸሳን መጅና ደኤዋ፡፡

21 ታ ናቶ፤ ኤቃቱዋ፤ ሀንተ ሁጲያ  
ናግተ፡፡

# ዮሃንሰ ጳጳሱ ላኤንላ ኪታ ገሌቀ

ዮሃንሳ ላኤንላ ኪታ፡ የሱሰ ኪቴዳ አማንያዋንታ ካለልያ ጭማ ዮሃንሰ ጳጳሱ፡፡ ጳጳሱዳዊካ፡ ዶረቴዳ ገንዘን እዝ ናናቱዋሳ፡፡ እዛካ ሄ ዎደ ደእያ አማንያ አሳ ሺቁዋ በሳዉ፡፡ ሀ ቃንላ ኪታይ ጳጳሱዳዊ እንቲንቱ እቱ እቱዋና ሲቀታናዳን ሀሳይሳናሳነ ዎርዶ አስታማራቱዋጥነ እንቲንቱ ትምርትያጥ ናገታናዳን ቆፍሳናሳ፡፡

## ሸምጋቱዋ ኡባቶ እመቴዳ ቃንላ ቆፋቱዋ

ገሌቀ 1-3

ሲቁ ኡባጥ ቦላ 4-6

ዎርዶ ትምርትያጥ ናገታናዳን

ኦደቶዋ 7-11

ወርሰላ ቁትያ 12-13

1-2 ታን አማንያዋንታ ካለልያ ጭማይ፡ ህንተንቶ፡ ዶረቴዳ ገንዘን እዝ ናናዉ \* ሀ ዱብደቢያ ጳፋይ፤ ኑ ግደን ደእያ ቃይ ኑናና መጅናዉ ደእና ቱማተላ ድራዉ፡ ታን ህንተና ቱሙ ሲቃይ፡፡ ቃይ ታ ጸላላ ግደናን፡ ቱማተላ ኤርያ ኡባቱ ህንተና ሲቁና፡፡

3 ጳሳ ኑ አዉዋነ አ ናኣ የሱሰ ክርሰቶሳ አጶ ኬካተላይ፡ ማርተላይነ ሳርተላይ ቱማተላንነ ሲቁዋን ኑናና እትጥ ግደ፡፡

ቱሙዋባነ ሲቁዋባ

4 ጳሳ አዉ ኑና አዛዜዳዋዳን፡ ነ ናናቱዋጥ አማራዳዋንቱ፡ ቱማተላን ደእያዋ በኣደ ታን ዳር ናሸታድ፡፡

5 ሲቆ ገኔ፡ ሀእካ ኑን ኡባይ እቱ እቱዋና ሲቀታና ማላ፡ ታን ኔና ዎሳይ፤ ሀ አዛዙ ካሴደጥ ኑናና ደእያ አዛዙዋጥ እትን፡ ታን ነዉ ኦራላ አዛዙዋ ጳፍከ፡፡

6 ሲቁዋ ግያዌ ኑን ጳሳ አዛዙዋ ናገደ ደእያዋ ግያዎ፡፡ ቃይ ኮይሩዋጥ ህንተ ሰሴዳዋዳንካ፡ አ አዛዙ እዬ ጎጥ፡ ህንተ ኡባይ ሲቁዋን ደእናዎ፡፡

7 እያዉ ጎጥ፡ የሱሰ ክርሰቶሰ አሳ ግዲደ ዬዳዋ አማናኮ ግያዋንቱ፡ ባለልያ ዳር አሳቱ፡፡ ጋደ ግደ ገሌድኖ፡፡

ሄዋ ማላ ኡራይ ኑንነ አሳ ባለልያዋን ክርሰቶሳ ኤቀትያዎ፡፡

8 ህንተ አጭዳዎ ኩመንላ ዎይታ እካናጥ እትን፡ ኑን † አጭዳዎ ባይዘና ማላ፡ ህንተና ናግተ፡፡

9 ክርሰቶሳ ትምርትያጥ ሃክያ ኡራዉነ ቃይ አ ትምርትያን ደእና ኡራዉ ጳሳና እትጥተላይ ባዎ፡፡ ክርሰቶሳ ትምርትያን ደእያ ኡራዉ ጳሳ አዉዋናነ አ ናኣና እትጥተላይ ደኤ፡፡

10 ኡንነ ህንተኮ ዪደ፡ ሀ ትምርትያ አሄናን አጎጥ፡ ህንተ ጎለ አ ገልሶጥተ፤ ሳርካ ጎጥተ፡፡

11 እያዉ ጎጥ፡ አ ሳር ግያ ኡራይ አ ኢታ ኦሱዋ አናና ግሸቴ፡፡

ወርሰላ ሳርታ

12 ታን ህንተንቶ ጳፋናዉ ኮዬዳ ዳርባይ ደኤ፤ ሸን ዋራቃታንነ ቃላምያን ጳፋናዉ ኮያበይከ፤ ሸን ኑ ናሸቻይ ፖለታና ማላ፡ ህንተናና ዶናን ሃሳያናዉ ህንተኮ ባና ጋደ ቆገይ፡፡

13 ሲቆ ገኔ፡ ጳሳይ ደራዳ ነ ምቻት ናናይ ኔና ሳር ሳር ያገኛ፡፡

\* 1:1-2 ዶረቴዳ ገንዘን እዝ ናናዉ- ኑን ኤር ሀዌ ጳጳሱዳዊ፡ ዎሳ ጎለዉነ እዝን ደእያ ጎዳ ካልያ አማንያዋንቶ ግደናን አገና፡፡ 13 ጳጳሱ፡፡ 1:5 ዮሃ. 13:34፤ 15:12፤ 17 † 1:8 ኑን- እት እት ጌሻ ማጸፋ ብለላይ፡ “ህንተንቱ” ያጌ፡፡

# የሃንሳ ጸፊዳ ሄዘንሉ ኪታ ገሉዋ

የሃንሳ ሄዘንሉ ኪታ፡ የሱስ ኪቲዳ አማንያ አሳ ካለሉያ ጭማ የሃንሰ ጸፊዳ፡ እ ጸፊዳዋካ ጋዮሳ ግያ እት ዋሳ ጎልያ ካለሉያዋሳ። ጸፊ፡ ጋዮስ ሀራ አማንያዋንታ ማዴዳ ድራጫ አ ጋላቲ፤ ሀራ ባገና ቃይ ድዮትራፍሳ ጌተትያ መቱዋ መድያ ብታንያፕ ናገታና ማላ እኩክሴ።

## ሸምፓቱዋ ኡባቶ አመቴዳ ቃንላ ቆፋቱዋ

ገሉዋ 1-4

ጋዮስ ጋላተቶዋ 5-8

ድዮትራፍሰ ናገታናዳን ኦደቶዋ 9-

10

ድመጽሮስ ጋላተቶዋ 11-12

ወርሰላ ቁትያ 13-15

1 ታን አማንያዋንታ ካለሉያ ጭማይ፡ ቱሙ ሲቅያ ታ ሲቁዋ ጋዮሳዉ ሀ ዳብዳቢያ ጸፋይ።

2 ታ ሲቆ፡ ኔን ጸሳና ደእያ ደኡ ሎአ ግድያዋ ታን ኤርያዋዳን፡ ኔና አያይነ ዋይሰና ማላነ ቃይ ነ አሳተላይ ፓጸ ግድና ማላ፡ ጸሳ ዋሳይ።

3 እያዉ ጎፕ፡ አማራዳ እሻቲ ዪደ፡ ኡባ ዋደ ኔን ቱማተላን ደእያዋነ ነ ቱማተላባ ማርካቲዳ ዋደ፡ ታን ዳር ናሽታድ።

4 ታ ናናይ \* ቱማተላን ደእያዋ ሰሰዋዋፕ አዲደ፡ ታና ናሽቶያባይ ባዋ።

ጋዮሳባ አሳይ ማርካቲ

5 ታ ሲቆ፡ ኑ እሻቲ አማላ ግደፕካ፡ ኔን ኡንቲንቶ ኦሉያ ኦሱዋ ኡባን አማነቲዳ ኦሱዋ ኦላዳ።

6 ቃይ ኡንቲንቲ ነ ሲቁዋባ አማንያ አሳቶ ማርካቲድኖ፤ ኡንቲንቲ ቃንጸናን ባረ ኦግያ ባና ማላ ጸሳይ ደሰያዋዳን፡ ኔን ሎኦባ ኦላደ ኡንቲንታ ማዳርኪ።

7 እያዉ ጎፕ፡ ጸሳ አማነናዉንቲፕ አይነ አከናን፡ ክርሰቶሳ ሱንላ ድራጫ ከሴድኖ።

8 ሄዋ ድራጫ፡ ኔን ቱማተላ ኡንቲንቲና እትፕ ኦላና ማላ፡ ሀዋንቲ ማላ አሳቲዋ ማዳናዉ በሴ።

ድዮትራፍሰ ሴረቲዳ፤ ድመጽሮስ ሳበቲዳ

9 ታን አማንያዋንቶ፡ ዳብዳቢያ ጸፋድ፤ ሸን ኡንቲንቲ ካፑዋ ግደናዉ ኮይያ ድዮትራፍሰ ኔን ግያዋ አከና።

10 ሄዋ ድራጫ፡ ታን ያ ብያ ዋደ፡ እ ኑ ቦላን ሃሳይያ ኢታ ሃሳያን እ ኦሌዳ ኦሱዋ ሀንተንቶ ኦዳና፤ ቃይ እ ሄዋ ጉጹዳ ገደ፡ ኑ እሻቲ ይያ ዋደ ሞከና፤ ሀራይ አቶ ኡንቲንታ ሞካናዉ ኮይያዋንታካ ድገደ፡ አማንያዋንቲ ግደፕ ከሴ።

11 ታ ሲቆ፡ ሎኦባፕ አትን፡ ኢታባ ማላቶፓ። ሎኦባ ኦሉያ ኦንነ ጸሳ አሳ፤ ሸን ኢታባ ኦሉያ ኦንነ ጸሳ ኤረና።

12 ድመጽሮስ ሎአ ግድያዋ አሳይ ኡባይ ማርካቲ፤ ቱማተላይ ባረ ሁጺያንካ አባ ማርካቲ። ኔንካ ቃይ አባ ማርካቲቶ፤ ኑ ማርካተላይ ቱማ ግድያዋ ሀንተካ ኤሪታ።

ወርሰላ ሳርታ

13 ታን ነዉ ጸፋናዉ ኮዬዳ ዳርባይ ደኤ፤ ሸን ዋራቃታንነ ቃላምያን ጸፋናዉ ኮይከ።

14 ሸን ታን ማታን ኔናና ጋከታናዉ ቆፓይ፤ ሄ ዋደ ኔን ጋከቲደ ሃሳያና።

15 ሳርተላይ ኔናና ግድ።

ነ ዳባቲ ኔና ሳር ሳር ያገኖ። ኑ ዳባቲዋ ኡባ ኡንቲንቲ ሱንላ ሱንላ ጸሳደ፡ ታና ሳር ሳር ጌዳ ያገ።

1:1 ኪታ 19:29፤ ሮመ 16:23፤ 1 ቆሮ. 1:14

\* 1:4 ታ ናናይ- ጎዳ አማኒደ ካልያዋንታ ጉሳ።



# ይሁዳይ ጻፌዳ ኪታ ገሌቀ

ይሁዳ ኪታይ ጻፈቲዳዌ፡ አማነናን ደኢደ አማንያ አሳ ማላቲደ፡ ዋርዶ ትምርትያ ላልያ አሳቱዋፕ አማንያ አሳይ ናገታና ማላ፡ ኦዳናሳ። ሀ ቃንላ ኪታይ ባረ ግድን ኦይቄዳዋን ላኤንሉ ጸጽሮሳ ማላቲ። ጻፊ ናባብያዋንቶ ኦዲደ፡ “ላኤ□ ሀሮታን ጸሳይ ባረ ናናቶ እት ካላካ እሜዳ አማኖ ሞኒደ ባጸታናዳን” ምንሲደ ቆፍሴ።

## ሸምፓቱዋ ኡባቶ እመቴዳ ቃንላ ቆፋቱዋ

ገሌቀ 1-2

ዋርዶ አስታማራቱዋ ትምርትያ ኤሻነ ኩንደላ 3-16

አማኑዋ ናጋናዳን እመቴዳ ዞርያ 17-23

ወርሰላ አንጂዋ 24-25

1 ታን የሱሰ ክርሰቶሳ ቆማይ ይሁዳይ፡ ያቆባ እሻይ፡ ጸሳይ ጸሴዳዋንቶ፡ ጸሳይ አዉ ሲቅያዋንቶ፡ ቃይ የሱሰ ክርሰቶሰ ናግያዋንቶ፡ ሀ ዳብዳቢያ ጸፋይ።

2 ማርተላይ፡ ሳርተላይነ ሲቆተላይ ሀንተናን ኩሞ።

ዋርዶ አስታማራቱዋ

3 ታ ሲቃቶ፡ ኑን እትፕ ሻክ አካና እቶተላባ ሀንተንቶ ጸፋናዉ ታን ዳሮ ዳቡርያ ዋደ፡ ጸሳይ ባረ ናናቶ ላኤ□ናን እት ገደ እሜዳ አማኖ ሀንተ ባጸታና ማላ፡ ሀንተና ዞራደ ጸፋናዉ ኮሽያዋ እኬካድ።

4 አያዉ ጎፕ፡ ጸሳ ኤረና እት እት አሳቱ ኦንነ በኤናን ሀንተ ግደ ገሌድና። ሄዋንቱ ኑ ጸሳ እጾ ኬካተላባ ኦድያ ኪታ ኢታ ቱናተላዉ ጌላይ ታማርሲና፤ አንቱንቱ ኑ እት ካትያ፡ ኑ ጎዳ የሱሰ ክርሰቶሳ ኤርኮ

ያገና፤ ቃይ ኡንቱንቱ ፕርዳ አካናዋ ጸሳ ማጸፋቱ ዳሮ ዋድያፕ ካሰ ኦዲድና።

5 ሸን ሀንተ ሀ ኡባባ ኤርያዋ ግድፕካ፡ ጎዳይ እሰራኤልያ አሳ ግብጼ ጋድያፕ ዋት አሼደንቶነ ቃይ አማንቤናዋንታ ጉየፕ ዋት ጳይሴደንቶ፡ ታን ሀንተና ሀሳይሳናዉ ኮያይ።

6 ቃይ ባረንቱ ደኢያሳ አገደ፡ ባረንቶ እመቴዳ ካፖተላ ናግቤና ኪታንቻቱ ፕርዳ እክያ ዋልቃማ ገሳሳይ ጋካናዉ ጸሳይ ኡንቱንታ ናግያሳን፡ ጳማፕ ጋርሳን መድናዉ ቃቾ ዋሌ።

7 ሄዋዳን ሶደማነ ጋሞራ ግያ ካታማቱዋንነ ኡንቱንቱ ሄራን ደኢያ ካታማቱዋን ደኢያ አሳይ ሄ ኪታንቻቱዋዳን ዋሹሜድናን ዋሹማናዉ ሎይላ ካጃሌድና፤ ሄዋንቱ መድና ታማን ኤጺደ፡ ሀራቶ ለምሱዋ ግዴድና።

8 ሄዋዳን ቃይ ሄ እኩመትያ አሳቱ ባረንቱ አሳተላ ቱንሲና፤ ጸሳ ጎዳተላ ካጳና፤ ቦንቾ መ□ታቱዋካ ቦሪና።

9 ሸን ኪታንቻቱዋ ካፑ ሞካኤል ሙሴ አሃባ \* ጸላህያና ፓሌመቴዳ ዋደ፡ “ጎዳይ ኔና ሴር” ጌዳዋፕ አትን፡ ቦርያ ቃላን አ ቦላ ፕርዳናዉ ኮይቤና።

10 ሸን ሄ አሳቱ ባረዉ እኬክናባ ኡባ ቦሪና፤ ቃይ ኡንቱንቱ የሽ ቆፕና ደአቱዋዳን፡ መ□ታ ኤራተላን ኤርያ የዋቱ ኡንቱንታ ጳይሴያዋንታ።

11 ኡንቱንቶ አይር! አያዉ ጎፕ፡ ኡንቱንቱ ቃይል ሀመቴዳ ኦግያ ተ ሀመቴድና። ሻሉዋ ድራዉ ገደ፡ ባላም ኦሌዳዋ፤ ማላ ባይዙዋ ኦሌድና። ቃይ ቆረ ስ ግያ ብታኒ ማካሊደ ጳይዳዋዳን፡ ኡንቱንቱካ ማካሊደ ጳይድና።

12 ሄዋንቱ ሲቁዋን ሸቢያ ሀንተ ምያሳን ሀንተናና ያሽ ባይናን ምያ ዋደ፡ ቆሰቴዳ ጳቡዋ ማላ። ኡንቱንቱ

1:5 ከሳ 12:51፤ ፓይ. 14:29-30 1:6 ደመላ 6:2 1:7 ደመላ 19:1 \* 1:9 ሞካኤል ሙሴ አሃባ፡ ሀዌ በሰያዌ፡ በን ኮይርቲደ እይሁዳቱዋ ማጸፋን ሙሴባዉ ጻፈቲዳዋ። 1:9 ዳኔላ 10:13፣ 21፤ 12:1፤ ሳፃ 12:7፤ ዛረ. 34:6፤ ዛካ. 3:2 † 1:11 ቃይል ሀመቴዳ ኦግያ፡ ቃይል ባረ እሻ እቤላ ዋዲዳ። ደመላ 4:3-8 ጸላተ። ‡ 1:11 ባላም ኦሌዳዋ፡ ገሻ ቃላ ፓይዳዋ ማራዳን፡ ቦላ ጉጃ ደማና ገደ እሰራኤልያ አሳ ሸቁከ ገደ እጾዳ ጋሱዋን ኡንቱንቱ ጸሳዉ እዛዙተናዳን ደኢና ኦግያ ታማርሴዳ። ፓይ። 22:18፤ 24:13፤ 25:1-3፤ 31:16 ጸላተ። § 1:11 ቆረ፡ ዳታና እትፕ ግዲደ ሙሴዉነ እርካዉ ማካሊዳዋዳን፡ ማካላ አሳ ታማርሴድና። ፓይ. 16:1-35፤ 26:9-10 ጸላተ። 1:11 ደመላ 4:3-8፤ ፓይ. 22:1-35፤ 16:1-35

ባረንቱ ጸላላ ናጊኖ። ኡንቱንቱ ጫርኩ አፍያ እራይ ባይና ሻርያ ማላ፤ ቃይ ኡንቱንቱ ቦንያን አይፍያ አይፈና፤ ጸጴዋና ሾደተደ፤ ሙለካ መሌዳ ሞላ ማላ።

13 ኡንቱንቱ ባረንቱ ፖኩዋ ገንባር ሆሞትያ፤ ኢታ አባ ቤታ ማላ። ኡንቱንቱ፤ ጸሳይ፤ መጵናው ሳካና ጴማን ሳካ ገግሰ ዋሌዳ ዩይያ ጸልንታቱዋ ማላ።

14-15 ሄናክ አዳማፕ ደምና፤ ላፑንላ የለታ ግድያዌ፤ ዳር ዋድያፕ ካሰ ኡንቱንቱዋ ትሞቢትያ ኦዲደ፤ ሀዋዳን ያጌዳ፤

“አኬክተ፤ ጸሳ ኤሪና ናጋራንቻ አሳቱ ኦሌዳ፤

ኢታ ኦሱዋ ኡባዉነ፤

ቃይ ጸሳ ኤሪና ሄ ኢታ አሳቱ፤

ጸሳ ቦላ ሃሳዬዳ ኢታ ሃሳያ ኡባዉ፤

ጎዳይ ኡንቱንቱ ኡባ ቦላ ፕርዳናዉ፤

ባረ ጮራ ሻክ ጌሻቱዋና እትፕ ያና”

ያጌዳ።

16 ሄ አሳቱ ኡባ ዋደ ዙዙሚኖን ሀራቱዋ አማሳለኖ፤ ቃይ ባረንቱ ኢታ አሙዋ ካለኖ፤ ባረንቱ ሁጳዉ ጎኦ ደማናዉ ሀራቱዋ ሳቢኖን ባረንቱ ኮሻ ዋጋፕ አሊደ፤ ጶቁ ኦሐ ሃሳዪኖ።

ምኖ አኬክሱዋን ዞርያ

17 ሸን ታ ሲቃቶ፤ ኑ ጎዳ የሱሰ ክርሰቶሰ ኪቱዳዋንቱ ህንተንቶ በን ሃሳዬዳ ቃላ አኬክተ።

18 ኡንቱንቱ ህንተንቶ፤ “ዉርሰላ ዋድያን፤ ባረንቶ ጸሳይ ባይናዋንቱ፤ ባረንቱ አሙዋ ካልያዋንቱ፤ ቃይ ህንተ ቦላ ቅለጮያዋንቱ ያና” ያጌድኖ።

19 ሄዋንቱ አሳ ግደን ሻኩተላ መጵያዋንታን፤ ባረንቱ ኢታ አሞ ሞደቱዳዋንታ፤ ቃይ ጌሻ አያናይ ባይናዋንታ።

20 ሸን ታ ሲቃቶ፤ ኡባፕ አድያ ጌሻ አማኑዋን ህንተ ሁጲያ ኬጽተ፤ ቃይ ጌሻ አያና ዋልቃን ጸሳ ዋሰተ።

21 ቃይ ኑ ጎዳይ የሱሰ ክርሰቶሰ ባረ ማርተላን ህንተንቶ አማና መጵና ደኡዋ ናጊደ፤ ህንተ ሁጲያ ጸሳ ሲቁዋን ዋሐተ።

22 እት እት ሰጴ ደእያ አሳቶ ቃረትተ።

23 እቱዋ እቱዋ ታማፕ ዳፍ ከሲደ አሸተ። ቃይ ሀራይ አቶ ኡንቱንቱ ኢታ አሙዋን ቱኔዳ ማዩዋ እጲደካ፤ እቶ እቶ ያሻተላን ቃረትተ።

ጋላታ ዋሳ

24-25 ህንተ ኩንደናዳን፤ ህንተና ናጋናዉን ፖኩ ባይናዋንታ ኦሊደ፤ ባረ ቦንቹዋ ሰንላ ዋልቃማ ናሽቻን ሸሻናዉ ዳንዳይያ ኑና አሸያ እት ጸሳዉ፤ ኑ ጎዳ የሱሰ ክርሰቶሳ ባጋና ቦንቹ፤ ግታተላይ፤ ዋልቃይን ማታይ፤ አጴዳ ዋደ ኡባፕን ሀእን መጵና ጋካናዉ ግደ። አመንአ።

ኦራላ ሳሉዋ፣ ኦራላ ሳኒ ኦራላ  
የሩሳላዎ 21:1—22:5  
ወርሰላ ቁትያ 22:6-21

### የሃንሳው ዬዳ ሳፍ ገሉዋ

የሃንሳው ዬዳ ሳፍ ደፈቲዳዎ፣  
አማንያ አሳቱ የሱሰ ክርሰቶሳ ባረንቱ  
ጎዳ አሊደ፣ ጌሻተላን ደኤዳ ድራው፣  
ኡንቱንታ መቱነ ዋዬ ጋኬዳ ዎድያና።  
ጸፍያ ሁጸ ቆፋይ፣ ናባብያዋንቱ  
ሀደታይ ኩመንሳ ግዳናዳን፣ ኡንቱንታ  
መንግሳናሳን ባረንታ ጋኬዳ የደሳነ  
መቱዋ ግደን ባረንቱ አማኑዋን  
ምናናዳን፣ ኡንቱንታ ምንሳናሳ።

ማጻፋ ግደን ዳርያ ባጋይ ዳራነ ካል  
ካሊደ ቆንጩዳ ሳጻቱዋ ኦይቄዳዎ።  
ሳጻቱ ሄ ላይላን ደእያ አማንያ አሳው  
ገልያዋንታ። ሸን ሀራቶ ጸራ ግዲደ  
ቆንጩና ሃሳያን ሺቄድኖ። ማዘመርያ  
አዝማቾ ዛርጋትያዎዳን፣ ሀ ማጻፋ  
ግደን ደእያ ሁጸ የዋቱዋ ዲማ ዲማ  
ሳጻቱ ባጋና ዲማ ዲማ ማላንን ዲማ  
ዲማ ምስልያ ፓይዳቱዋን ዛር ዛሪደ  
ሺቄድኖ። ሀ ማጻፋ ጸልያዎን ዲማ  
ዲማ ቆፋይ ደኡፒን አው ግደ ቆፋይ  
ቆንጩ። ሄዋነ፣ “ጸሳይ ጎዳ ግዴዳ  
ክርሰቶሳ ባጋና ላኤግ ሀናታን፣ ባረ  
ሞርከቱዋ፣ ሴጻናናካ እትፒ፣ እት  
ገደ ወርሰላ ጸኑዋ ጸናና። ፖሌዳዋፒ  
ጉይያን ባረው አማንቲደ ደኤዳ፣ ባረ  
ባጋቱዋ ኦራላ ሳሉዋን ኦራላ ሳኒ  
አንጂዋ ላትሳና” ያግያዎ።

### ሸምፓቱዋ ኡባቶ አመቲዳ ቃንሳ ቆፋቱዋ

ገሉዋ 1:1-8

ሳፍ ደያነ ላፑ ዋሳ ጎለቶ ከተቲዳ  
ኪታ 1:9—3:22

ማጻፋን ላፑ ማታፋቱዋ 4:1—8:1

ላፑ ማላካታቱዋ 8:2—11:19

ዳዊያን ላኡ መሄቱዋ 12:1—  
13:18

ዲማ ዲማ ሳጻቱዋ 14:1—15:8

ጸሳ ሀንቁዋ ላፑ ጸኡቱዋ 16:1-21

ባብሎን ባሻ፣ ዲኡ፣ ሞርዶ ናብያን  
ሴጻናይ ጸንትያዎ 17:1—20:10

ወርሰላ ፕርዳ 20:11-15

1 ኤሌል ሀናናው በሰያዎ ባረ  
ኦሳንቻቱዋ በሳና ማላ፣ ጸሳይ የሱሰ  
ክርሰቶሳው አሜዳ ሳጻይ ሀዋ፣ የሱሰ  
ባረ ኪታንቻ ከቲደ፣ ሀ ሳፍ ባረ ኦሳንቻ  
የሃንሳ ኤርሴዳ።

2 የሃንሰ በአደ ቱማተላን ኦይዳ  
ኡባባይ፣ ጸሳ ቃላነ የሱሰ ክርሰቶሳ  
ማርካተላ።

3 ሀ ማጻፋ ናባብያ ኡራይ \*  
አንጀቲዳዎ፣ ቃይ ሀ ትምቢትያ ማጻፋ  
ሰሰያዋንቱን ሀ ማጻፋን ጸፈቲዳዎ  
ናግያዋንቱ አንጀቲዳዋንታ፤ አያው  
ሳፒ፣ ሀ የው ፖለታናው ዎዲ ማታቲዳ።

ኢሰያን ደእያ ላፑ ዋሳ ጎለቶ  
ከተቲዳ ሳርታ

4 ታን የሃንሰ፣ ኢሰያ ጋድያን † ደእያ  
ላፑ ዋሳ ጎለቶ ያጋይ፤

ካሰ ደእያ ጸሳፒ፣  
ሀእካ ደእያ ጸሳፒ፣  
ሰንላፕካ ያና ጸሳፒ፣  
ቃይ አ ካውተላ ኦይድያ ሰንላን  
ደእያ ላፑ አያናቱዋፒ፣  
አጵ ከካተላይነ ሳርተላይ፣  
ሀንተንቶ ግደ።

5 ቃይ አማንቲዳ ማርካ፣  
ሀይቁዋፒ ኮይሮ ደንዴዳ ናአፒ፣  
ሳኒ ካታቱዋ ሞድያ የሱሰ  
ክርሰቶሳፒ፣  
አጵ ከካተላይነ ሳርተላይ፣  
ሀንተንቶ ግደ።

አ ኦና ሰቄነ፣  
ቃይ ኦ ናጋራ አይለተላፕካ፣  
ባረ ሱላን ኦና ከሴዳ።

6 ኦና ባረ ጸሳውነ አዎ ኦላና ማላ፣  
አ ኦና ካታቱዋ፣  
ቁሳቱዋ ኦሌዳ፤  
አው መጵናፕ መጵና ጋካናው፣  
ቦንቹነ  
ሞድያ ዎልቃይ ግደ። አመንአ።

7 በአተ፣  
የሱሰ ሻርያን ዬ።  
አሳይ ኡባይ፣ ሀራይ አቶ፣  
አ ጫዴዳዋንቱካ፣ አ በአና፤  
ሳኒን ደእያ አሳይ ኡባይ፣

\* 1:3 ናባብያ ኡራይ፡- ሀዋ ጉሳይ ኡባ አሳይ እትፕ ጸሳ ሳሸትያ ዎደን ሄዋንቶ ቃላ ናባብያ ኡራይ  
አንጀቲዳዎ ጉሳ። † 1:4 ኢሰያ ጋድያ፡- 1:4—3:22 ደእያዎ ዳብዳቤያ ግዲደ ጸፈቲዳ። ኢሰያ ጋዲ  
አዎይፊ ደልያ ሳፍ ደእያ ርመ ካውተላ ግዲደ ሀእ ሀ ዎድያን ቱርከ ጋድያ ገደ ጸሰትያዎ። 1:4  
ከሳ 3:14፤ ሳፍ 4:5 1:5 አሳ. 55:4፤ ማዘ. 89:27 1:6 ከሳ 19:6፤ ሳፍ 5:10 1:7 ዳኤላ  
7:13፤ ማቶሳ 24:30፤ ማር. 13:26፤ ሉቃሳ 21:27፤ 1 ተሰ. 4:17፤ ዛካ. 12:10፤ የሄ. 19:34፤  
37

እ ጋሱዋን ዩካናዋንታ።  
 ሀዌ ቱሙጥ ሀናናዋ። እመንእ።  
 8 ካሰ ደእያዌ። ሀእካ ደእያዌ።  
 ሰንገጥካ ያና ጎዳይ። ኡባጥ ዎልቃማ  
 ጸሳይ። “ኡባባዉ አልፋይነ ኦሜጋይ።  
 ኮይሩነ ዉርሰላይ ታና”። ያጌ።

ክርሰቶስ ሳጸን ቆንጩዳዋ  
 9 ታን የሃንሰ። ሀንተንቱ እሻይ።  
 ሀንተናና የሱሰ ክርሰቶሳ ዋይያነ  
 እ ካዉተላ ቃይ እ ዳንዳያ እትጥ  
 ሻከትያዌ። ጸሳ ቃላ ኦይዳ ድራዉነ  
 የሱሳዋ ማርካቲዳ ድራዉ። ፒጽዎ  
 ግያ ሃላይ ደደ ቢታን ደእድ።

10 ጎዳ ጋላሳን ታን እያናን ደእይ፤  
 ታን ታጥ ጉየና ማላካታ ዋሱዋ ማላ  
 ዎልቃማ ኮሻ ሰሳድ።

11 ሄ ኮሻይ ታና። “ኔን በእያዎ  
 ማጸፋን ጸፋ፤ ኢሰያን ደእያ ላፑ ዎሳ  
 ጎለቶ። ኤፊሶና። ሳምርኔሳ። ጸርጋሞና።  
 ትያጽሮና። ሳርዳሳ። ፕላደልፍያ።  
 ሎደቆያ ዎሳ ጎለቶ ዬዳ” ያጌዳ።

12 ታን ታዉ ኦድያ ኮሻ በእናዉ  
 ጉየ ሰማድ፤ ጸምጥያ ዎልያ ላፑ ዎርቃ  
 ባላቱዋ በእድ።

13 ሄ ባላቱዋ ግደን አሳ ናኣ  
 ማላትያዎ በእድ፤ አዲሳ አፍላ ባረ  
 ገድያ ጋህ ማዪድ። ዎርቃ ዳንጩዋ ባረ  
 ትራን የሽ አሌዳ።

14 እ ሁጲነ እ ሁጲያ ብናናይ  
 ቦላ ደርሳ እስክያን ሄዋጥካ አጲደ  
 ሻቻ ማላቲ፤ እ አይፊካ ታማ ላጩዋ  
 ማላቲ።

15 እ ገዲካ ጩጩያ ታማን ቴሪደ  
 ጸልያ ናሃሰያ ግያ ብራታ ማላቲ፤ እ  
 ኮሻይካ ዎልቃማ ሻፋ ጉንላ ማላ።

16 እ ባረ ኡሸቻ ኩሸያን ላፑ  
 ጸልንታቱዋ ኦይቄዳ። እ ደናጥ ላኡ  
 ባጋና ቃረቲዳ ማሻይ ከሴዳ። እ  
 ዳሙካ ሎይሶ ፖእያ አዎይፍያ ማላቲ።

17 ታን እ በኤዳ ማጥ ሀይቄዳዋዳን  
 ሀናድ። እ ገድያ ማታን ኩንዳድ።  
 ባረ ኡሸቻ ኩሸያ ታ ቦላ ዎሊድ።  
 ታና ሀዎዳን ያጌዳ፤ “ያዮፓ፤ ኮይሩካ  
 ዉርሰላይካ ታና።

18 ታን ደኡዋን ደእያዎ። ታን  
 ሀይቃድ፤ ሸን በእ። ሙጵ ሙጵናዉካ

ደኡዋን ደእይ። ሀይቁዋ ቁልፒነ  
 ሰኦልያ ቁልፒ ታ ኩሸያን ደኤ።

19 ሰም ኔን በኤዳባነ ሀእ ደእያዎ።  
 ቃይ ሰንገጥ ሀናናዋ ጸፋ።

20 ኔን ታ ኡሸቻ ኩሸያን በኤዳ ላፑ  
 ጸልንታቱዋ ብለላይነ ቃይ ጸምጥቱዋ  
 ዎልያ ላፑ ዎርቃ ባላቱዋ ብለላይ  
 ሀዎ፤ ላፑ ጸልንታቱ ላፑ ዎሳ ጎለቱዋ  
 ኪታንቻቱዎ፤ ስ ዎሳ ጎልያ ላፑ ዎርቃ  
 ባላቱ ላፑ ዎሳ ጎልያ።”

## 2

(1) የሱሰ ኤፊሶንን ደእያ ዎሳ  
 ጎለዉ ጎዎ

1 ኤፊሶንን ደእያ ዎሳ ጎለ  
 ኪታንቻዉ ሀዎዳን ያጋደ ጸፋ።

“ባረ ኡሸቻ ኩሸያን ላፑ ጸልንትያ  
 ኦይቄዳዌ። ጸምጥቱዋ ዎልያ ላፑ ዎርቃ  
 ባላቱዋ ግዲዎና ሀመትያዌ ሀዎዳን  
 ያጌ።

2 ታን ነ ኪታ። ነ ዳቡራን ነ  
 ገንጩዋ ኤራይ። ቃይ ኔን ኢታ አሳቱዋ  
 ገንጩናዉ ዳንዳያቤናዋካ ታን ኤራይ፤  
 የሱሰ ኪቲዳዋንታ ግድናን ደኢደ  
 ባረንታ። ኅን የሱሰ ኪቲዳዋንታ  
 ግያዋንታ ኔን ጸሞሳይ። ኡንቲንቲ  
 ዎርደ ግድያዎ ደሜዳዋካ ኤራይ።

3 ኔን ገንጩዳ፤ ቃይ ታ  
 ሱንላ ድራዉካ ሙቱዋ ዳንዳያዳ፤  
 ዳቡራብይካ።

4 ሸን ታን ኔና ካጵያባይ ደኤ፤ እያዉ  
 ጎጥ። ኔን ካሰ ነ ሲቁዋ አጋዳ።

5 ሰም ኔን ሀቃጥ ኩንዳድንቶ  
 አኬካ። ነ ናጋራጥ ሰማ፤ ኔን ካሰ ኦልያ  
 ኦሱዋ ኦላ። ሄዌ ቆዮጥ። ታን ኔኮ ያና፤  
 ያደ ኔን ነ ናጋራጥ ሰማና ቆዮጥ። ኔን  
 ጸምጥያ ዎልያ ነ ባላ እ ሳኣጥ አካ  
 ድጋ።

6 ሸን እትባ ሎይላዳ፤ ኒቆላዎቱዋ  
 ኦሱዋ። ታን እጽያዎ ኔንካ እጸዳ።

7 “ሰሳናዉ ሀይላይ ደእያ ኡራይ  
 ጌሻ እያናይ ዎሳ ጎለቶ ግያዎ ሰሰ፤  
 ታን ጸንያ ኡራዉ ጸሳ ገነትያን ሞክያ  
 ደኡዋ ሞላ አይፍያ ማናዉ እማና ያጌ”  
 ያጋደ ጸፋ።

‡ 1:8 አልፋይነ ኦሜጋይ፡- ሀዋ ጉሳይ ኦራላ ጫቁ ኮይር ግሪክ ቃላን ጸፈቲዳ ድራዉ። ኮይሩነ ዉርሰላይ  
 ጋናዉ ኮዪድ። አልፋ ግያ ግሪክ ኮይር ፕድልያ እኪደ ዉርሰላዉ ቃይ ኦሜጋ ግያ ዉርሰላን ደእያ ፕድልያ  
 እኬድና። ሀዋንታ ጉሳይ ለምሱዋን ዳዉርሱዋ ፕድላቱዋ አክንቶ [አ - ዝ] ያግያዎ ማላ ጉሳ። 1:8  
 ሳፍ 22:13፤ ከሳ 3:14 1:13 ዳኤላ 7:13፤ 10:5 1:14 ዳኤላ 7:9፤ 10:6 1:15 ሀዘ.  
 1:24፤ 43:2 1:17 አላ. 44:6፤ 48:12፤ ሳፍ 2:8፤ 22:13 § 1:20 ኪታንቻቱዎ፡- ሀዋንታ  
 ጉሳይ እማንያዋንታ ካለልያ ጭማቱዋ ዎይ እማንያዋንቶ ከተቲዳዋንታ። 2:7 ደመላ 2:9፤ ሳፍ  
 22:2፤ ሀዘ. 28:13፤ 31:8

(2) የሱስ ሳምርኔሳን ደእያ ዎሳ ጎለው ጎዎ

8 ሳምርኔሳን ደእያ ዎሳ ጎለ ኪታገቻው ሀዋዳን ያጋደ ጻፋ።

“ሀይቁዳዌ፣ ሀይቁዋጥካ ደንዴዳዌ፣ ኮይሩነ ወርሰላይ ሀዋዳን ያጌ።”

9 ታን ነ ዋይያነ ነ ሀዌሳተላ ኤራይ፤ ሸን ኔን ዱረ። እይሁዳ ግደናን ደእይ ባረንታ፣ ኑን እይሁዳ ግያዋንቱ ቦርያዋ ታን ኤራይ፤ ሸን ኡንቱንቱ ሴጻና ማባረን ደእና።

10 ኔን ዋየታና ዋየወ ያዮፓ። በእ፣ ጸላሀያ ካፑ ህንተፕ አማራዳዋንታ ጸሞሳናው ቃሾ ጎለን የጋና፣ ታሙ ጋላሳ ጋካናው ህንተንቱ ዋየታና። ሀይቃና ጋካናሰካ አማነቲዳዋ ግዳ፤ ታን ነው ደኡዋ ካላቻ \* አማና።

11 “ሀይላይ ደእያ ኡራይ ጌሻ አያናይ ዎሳ ጎለቶ ግያዋ ሰሶ!

“ጸንያ ኡራይ ላኤንሉዋ ሀይቁዋን ተ ቆሄተና ያጌ” ያጋደ ጻፋ።

(3) የሱስ ጸርጋሞናን ደእያ ዎሳ ጎለው ጎዎ

12 ጸርጋሞናን ደእያ ዎሳ ጎለ ኪታገቻው ሀዋዳን ያጋደ ጻፋ።

“ላኡ ባጋና ሌፈቲዳ ማሻይ ደእያዌ ሀዋዳን ያጌ።”

13 ‘ታን ኔን ደእያ ሳኣ ኤራይ። ኔን ሴጻና ካውተላ ኦይዲ ደእያ ሳኣን † ደእሳ፤ ታ ሱንላ ሞንሳ ናጋሳ። ሀራይ እቶ፣ ሴጻናይ ደእያ ሳኣን ህንተንቱ ማታን አሳይ ዎጴዳ ታን አማንያ ማርካይ አንትጸሰ ደእያ ዎደካ ታና አማንያዋ አጋ በይካ።

14 ሸን ታን ኔና ቦርያ ጉላባይ ደኤ፤ እሰራኤልያ አሳይ ኤቃው ያርሼዳ ቁማ ማናዳን፤ ዎሹማናዳን ኡንቱንታ ናጋራ ኦስሴዳ ባላቃ ታማርሴዳ ባላማ ትምርትያ ታማርያ አማራዳ አሳቱ ኔናና ደእና።

15 ሄዋዳንካ፣ ቃይ ኒቆላዋቱዋ ትምርትያ ታማርያ አሳቱ ኔናና ደእና።

16 ሄዋ ድራው፣ ኔን ነ ናጋራፕ ሰማ፤ ሄዌ ቆየፕ፣ ታን ኔኮ ኤለካ ያና፤ ሄ አሳቱዋና ታ ደናፕ ከሰያ ማሻን ኦላታና።

17 “ ሀይላይ ደእያ ኡራይ ጌሻ አያናይ ዎሳ ጎለቶ ግያዋ ሰሶ። ጸንያ ኡራው ታን ጌማን ደእያ ማናፕ አማራዳዋ አማና። ቃይ ታን ቦላ ሹቻካ አው አማና፤ አክያ ኡራፕ እትን፣ ኡን ኤረና ኦራላ ሱንላይ ሄ ሹቻ ቦላ ጸፈት ኡቲዳ’ ያጌ” ያጋደ ጻፋ።

(4) የሱስ ትያጽርንን ደእያ ዎሳ ጎለው ጎዎ

18 ትያጽርንን ደእያ ዎሳ ጎልያ ኪታገቻው ሀዋዳን ያጋደ ጻፋ።

“ጸሳ ናእይ፣ ታማ ላጩዋ ማላትያ አይፊ ደእያዌ፣ ቃይ ጮጭያ ታማን ቴሪዳ ጳልና ናሃሰያ ጌተትያ ብራታ ማላትያ ገዲ ደእያዌ፣ ሀዋዳን ያጌ።”

19 ታን ነ ኦሱዋ፣ ነ ሰቁዋ፣ ነ አማኑዋ፣ ነ ማዲዋን ነ ገንጩዋ ኤራይ፤ ኔን ኮይሮ ኦላያዋፕ ሀእ ዳርሳይ ኦላያዋ ታን ኤራይ።

20 ሸን ታን ኔና ካድያባይ ደኤ፤ ባረና፣ ታን ናባቶ ያግያ ሞሽራቶ ኤልዛቤሎ ሸነኮ ጋዳ፤ ሄ ሞሽራታ ታ ኦሳንቻቱ ዎሹማናዳንን ኤቃው ያርሼዳ ቁማ ማናዳን፣ ታማርሳውካ ባለላው።

21 እዛ ባረ ናጋራፕ ሰማና ማላ፣ ታን እዝው ዎድያ አማና፤ ሸን ዎሹማናው ካጁልያዋፕ እዛ ሰማናው ኮያበይኩ።

22 በእተ፣ ታን እዘ ግሱዋን ኩንድሰና፤ ሳኩዋን እዛ ዋየታና። እዘና ዎሹምያዋንቱ ሄ እዘና ኦላያ ናጋራፕ ሰማና ቆየፕ፣ ኡንቱንታካ ዎልቃማ ዋይያን የጋና።

23 ታን እዘ ናናካ ዎቆና፤ ቃይ ዎሳ ጎልያ ኡባይካ ታን አሳ ቆፋነ እሙዋ ኤርያዋ ግድያዋ ኤራና፤ ታን ህንተንቶ ህንተንቱ ኪታ ማላ አማና።

24 “ትያጽርንን ደእያ ሀራቶ፣ ሀ ኢታ ትምርትያ ታማርቤናዋንቶ፣

2:8 እሳ. 44:6፤ 48:12፤ ሳፍ 1:17፤ 22:13 \* 2:10 ደኡዋ ካላቻ- ቦንቼቲዳ ደኡዋ። † 2:11 ላኤንሉዋ ሀይቁዋ- ኮይሮ ሀይቁ እሹ ሸምፑዋፕ ሻከትያዋ ግደደ፣ ላኤንሉ ሀይቁ ሸምፑ ወድናው መቶቲደ ደእያ ሀይቁዋ። ‡ 2:13 ሴጻና ካውተላ ኦይዲ- ሀዋ ብለላይ ሎይሊደ ቆንጩ ግደና፣ ሸን ሀዋ በሰያዌ ጳሳ ኤረናን እጹዳዋንቱ ጎይንያ ጎይና ሳኣ ጋና ዳንዳየቱ። 2:14 ገይ. 25:5፣ 7፤ 31:16፤ ዛረ. 23:4፤ ገይ. 25:1-3 2:17 ከሳ 16:14-15፤ 16:33-34፤ የሃ. 6:48-50፤ እሳ. 62:2፤ 65:15 2:20 1 ካታ. 16:31፤ 2 ካታ. 9:22፣ 30 2:23 ማዘ. 7:9፤ ኤር. 17:10፤ ማዘ. 62:12

ሀራቱ፣ ሴጸና ጨዋ የወዋ ግያዋ ሀንተንቱ ታማርቤይክታ፤ ታን ሀንተንታ ሀራ ዴጹዋ ቶስከ ጋይ።

25 ሸን ታን ያና ጋካናዉ ሀንተንቶ ደእያዋ ሎይሳ ናግተ።

26 “ጸኔዳዋን ወርሰላይ ጋካናዉ፣ ታ ኪታ ናጌዳዋ፣ አሳ ዛርያ ኡባ ዋዳና ማላ፣ ታን ታ አወዋፕ አኬዳ ማታ ማላ አዉ እማና፤

27 “እ አሳ ዛርያ ኡባ ብራታ ጸምኢን ዋዳና፤

ኡርቃፕ መጋታ ማሻ መንሐያዋዳን መንሐና።

28 ቃይ ታን አዉ ባካልያ ጸልንትያ እማና።

29 ሰሳናዉ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ ያጌ” ያጋይ ጻፋ።

### 3

(5) የሱሰ ሳርዴሳን ደእያ ዋሳ ጎለዉ ጎዋ

1 ሳርዴሳን ደእያ ዋሳ ጎልያ ኪታንቻዉ ሀዋዳን ያጋይ ጻፋ።

“ጸሳ አያና ላፑናቱን ላፑ ጸልንታቱ ደእያዋ ሀዋዳን ያጌ። ታን ነ ኪታ ኡራይ፤ አሳይ ኔና ሸምፑዋና ደእሳ ግንቶካ፣ ኔን ሀይቃዳ።

2 ቤጎታ! አቴዳዋን ሀይቃናዉ ማቴዳዋ መንጋሳ። አያዉ ጎፕ፣ ነ ኪታይ ታ ጸሳ ሰንላን ፖሎ ግደናዋ ታን ደማድ።

3 ሰም ኔን አኬዳዋን ሰሴዳዋ አኬካ፤ ናጋ፤ ነ ናጋራፕካ ሰማ። ኔን ቤጎተናዋ ግደፕ፣ ታን ኔኮ ካይሱዋዳን ያና፤ ታን ዋይሳይ ያንንቶ ኔን ኡራካ።

4 ሸን ባርንቱ ማዩዋ ቅትሰቤና አማራዳ አሳቱ ሳርዴሳን ኔናና ደእኖ። ኡንቱንቱ ቦላ ማዩዋ ማዩደ ታናና ሀመታና፤ አያዉ ጎፕ፣ ኡንቱንቱ ቦላ ማዩዋ ማያናዉ በሰያዋንታ።

5 ጸንያዌ ሄዋዳንካ ቦላ ማዩዋ ማያና። ታን አ ሱንላ ደኡዋ ማጸፋፕ \* ቁጭከ፤ ታን ታ አቡ ሰንላንን አ ኪታንቻቱዋ ሰንላን አ ታዋ ግድያዋ ማርካታና።

6 “ሰሳናዉ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ ያጌ” ያጋይ ጻፋ።

(6) የሱሰ ፕላደልፍያን ደእያ ዋሳ ጎለዉ ጎዋ

7 ፕላደልፍያን ደእያ ዋሳ ጎልያ ኪታንቻዉ ሀዋዳን ያጋይ ጻፋ።

“ዳዊተ ቁልፕያ ተ አይቄዳዌ፣ ኦንን ጎርዳናዉ ዳንዳየናዳን ደይያዌ፣ ቃይ ኦንን ደያናዉ ዳንዳየናዳን ጎርድያዌ ጌሻይ፣ ቱማንቻይ ሀዋዳን ያጌ።

8 ታን ነ ኪታ ኡራይ። በአ፣ ታን ነ ሰንላን ኦንን ጎርዳናዉ ዳንዳየና ፕንግያ ዋላድ፤ አያዉ ጎፕ፣ ነ ዋልቃይ ጉላ ግደፕ፣ ታ ቃላ ናጋዳን ታ ሱንላካ ኤርከ ጋበይካ።

9 በአ፣ አይሁዳ ግድክኖ ሸን ባርና፣ ፋን አይሁዳ ጊደ ዋርዶትያ ሴጸና አይሁዳ ዋሳ ጎልያ ታን አሃይ፣ ነ ሰንላን ጎይንሳና ኔና ሲቅያዋካ ኡንቱንታ ኤርሳና።

10 ኔን ገንጨዋን ታ አዛዙዋ ናጌዳ ድራዉ፣ ሳኦን ደእያ አሳ ፓጫናዉ ኩመንሐ ሳኦ ቦላ ይያ ዋይያ ዋድያፕ ታንካ ኔና ናጋና።

11 ታን ኤላካ ያና፤ ኦንን ነ ካላቻ አከና ማላ፣ ነዉ ደእያዋ ምንሳ ኦይቃ።

12 ታን ጸንያ ኡራ ታ አወዋ ጌሻ ጎልያን ቱሳ ኦላና፤ እ ሄዋፕ ኡባካ ከሰና። ታን ታ ጸሳ ሱንላ፣ ታ ጸሳ ካታማ ሱንላን ታ ጸሳ ማታፕ ዋዳና ኡራላ የሩሳላመ ሱንላ አ ቦላ ጻፋና። ቃይ ታን ታ ኡራላ ሱንላካ አ ቦላ ጻፋና።

13 ሰሳናዉ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ ያጌ” ያጋይ ጻፋ።

(7) የሱሰ ሎዶቅያን ደእያ ዋሳ ጎለዉ ጎዋ

14 ሎዶቅያን ደእያ ዋሳ ጎልያ ኪታንቻዉ ሀዋዳን ያጋይ ጻፋ።

2:27 ማዘ. 2:8-9 \* 3:5 ደኡዋ ማጸፋፕ- ጸሳ አሳቱዋ ሱንላይ ጻፈትያ ማጸፋፕ። 3:5 ከሳ 32:32-33፤ ማዘ. 69:28፤ ሳፍ 20:12፤ ማቶሳ 10:32፤ ሉቃሳ 12:8 † 3:7 ዳዊተ ቁልፕያ። ሀዋ ጉሳይ ዳዊተ ካዉተላ አይሱዋ ማታ ኦድያዋ። 3:7 ኢሳ. 22:22፤ ኢዮባ 12:14 3:9 ኢሳ. 49:23፤ 60:14፤ 43:4

“አማነቲዳ ቱማንቻ ማርካይ፣ ጸሳይ መጪዳዎ ኮይሩ፥ አመንእ ግያዎ ሀዋዳን ያጌ።

15 ታን ነ ኪታ ኤራይ። ኔን እርጸ ግዳካ፤ ዎይ ሴልያዎ ግዳካ፤ እርጸ ዎይ ሴልያዎ ግዳርኪ።

16 ኔን እርጸ ዎይ ሴልያዎ ግዳርን፥ ደሞቦሎላ ግድያ ድራው፥ ታን ኔና ታ ደናፕ ጩቻና ሀናይ።

17 እያው ጎፕ ኔን፥ ‘ታን ዱረ፤ ሚሻና ደአይ፤ ታና አይነ ኮሻና’ ያጋሳ። ሸን ኔን መቶትያ አሳ፥ ቃረላያ አሳ፥ ሀዬሳ፥ ቆቃነ ካሎቴዳ አሳ ግድያዎ ኤራካ።

18 ሄዎ ድራው፥ ኔን ዱረታና ማላ፥ ታማን ጌዬዳ ዋርቃ፥ ኔና ዬላይያ ነ ካሉዋ ካማናው ቦላ ማዩዋነ ቃይ ሎይላ ጸላናው ነ አይፍና ኦክያ ቆልያ ታፕ ሻማናዳን፥ ታን ኔና ዙራይ።

19 ታን ሰቆያ ኡባ ሴራይነ መራይ፤ ሰሞ ሎይላ ሴለታ፤ ነ ናጋራፕካ ሰማ።

20 በአ፥ ታን ካረን ኤቃይ ጸሳይ። ኦንነ ታን ጸሰያዎ ሰሲደ፥ ካርያ ደዮፕ፥ ታን አኮ ገላደ አናና እትፕ ካዉዋ ማና፤ እካ ታናና እትፕ ማና።

21 ቃይ ታን ጸናደ ታ አዉዋና አ ካዉተላ ኦይድያን ኡቴዳዋዳን፥ ጸንያ ኡራው ታናና ታ ካዉተላ ኦይድያን ኡትያ ማታ እማና።

22 “ሰሰያ ሀይላይ ደእያ ኡራይ ጌሻ አያናይ ዋሳ ጎለቶ ግያዎ ሰሶ ያጌ ያጋይ ጸፋ” ያጌዳ።

### 4

ጸሳይ ጥሃገሳ ባረ ካዉተላ ኦይድያ ሰንላ አሄዳ

1 ሄዋፕ ጉይያን፥ ታን ሳሉዋን ደያ ፕንግያ በአድ፤ ቃይ ታዉ ማላካታዳን ኦድሸን፥ ታን ሰሴዳ ኮይሮ ኮሻይ ታና፤ “ሀዋፕ ጉይያን፥ ሀናናው በሰያዎ ታን ኔና በሳና፤ ሃ ከሳ” ያጌዳ።

2 ኤለካ ታን ጌሻ አያና ሞዱዋ ግደ ገላ አጋድ። በእተ፥ ሳሉዋን ካዉተላ ኦይዱ ደኤ፤ ሄ ኦይድያን እቱ ኡቴዳ።

3 ሄ ኡቴዳዎ ማላይ አልኦ እያሰጺድያ ሹቻዳንነ አልኦ ሰርድኖን ሹቻዳን ጸሌ። ካዉታ ኦይዱ ዙሉዋን

ዩይ አዲይ ኡባ ባጋና አልኦ ማርግድያ ሹቻዳን ጸሌ።

4 ሄ ካዉተላ ኦይድያ ዩይ አዲይ፥ ሀራ ላታማነ አይዱ ካዉተላ ኦይደቱ ደአና፤ ኡንቱንቱን ቦላ ማዩዋ ማዩደ፥ ሁጺያን ዋርቃ ካላቻ ዋሌዳ ላታማነ ኦይዱ ጭማቱ ኡቴድኖ።

5 ካዉተላ ኦይድያፕ ዋልቃንላይ፥ ኮሹንቻይነ ጉጉንላ ጉንላይ ከሴዳ፤ ቃይ ካዉተላ ኦይድያ ሰንላን ላፑ ጸሞፓቱ ፖኢኖ። ሄዋንቱ ጸሳ ላፑ አያናቱዋ።

6 ካዉተላ ኦይድያ ሰንላን ብርልያ ማላትያ ቡርጩኩዋ አባይ ደኤ።

ሄ ካዉተላ ኦይድያፕ ሰንላናን ጉዩና አ ማታን ዩይ አዲይ፥ አይፊ ኩሜዳ ኦይዱ ደኡዋን ደእያ መታቱ ደአና።

7 ኮይሮ ደኡዋን ደእያ መታታይ ጋሙዋ ማላቲ፤ ላኤንሎ ሚዛ ሚራ ማላቲ፤ ሄዘንሎዋ ሰሞኦ አሳ ዴሙዋ ማላቲ፤ ቃይ ኦይደንሎ ፓልያ አርጋንላ ማላቲ።

8 ኦይዱ ደኡዋን ደእያ መታቶ ሁጺያን ሁጺያን ኡሴቱን ቀፊ ደኤ፤ ኡንቱንቱን ቦላን ጋርሳንካ ኡባ ሳን አይፊ ኩሜዳ። ኡንቱንቱ ቃማነ ጋላሰ።

“ጌሻዉ፥ ጌሻዉ፥ ጌሻዉ፥ ካሰ ደእያዎ፥ ሀእካ ደእያዎ፥ ቃይ ሰንላፕ ያናዎ፥ ጎዳዉ፥ ኡባፕ ዋልቃማ ጸሳዉ” ግያዎ አገክኖ።

9 ሄ መታታይ ካዉተላ ኦይድያን ኡቴዳ መድ፥ መድናው ደኡዋን ደእያዎ ማዝሙርያን ሳቤዳ ዋይ፥ ቦንቹዳ ዋይ፤ ጋላቲዳ ዋይ።

10 ላታማነ ኦይዱ ጭማቱ ካዉተላ ኦይድያን ኡቴዳ መድ፥ መድናው ደእያዎ ሰንላን ጉፋኒደ፥ አዉ ጎይኒኖ፤ ባረንቱ ካላቻ ካዉተላ ኦይድያ ሰንላን ዋሌደ ሀዋዳን ያጌኖ።

11 “ኑ ጎዳዉ ጸሳዉ፥ ኔን ቦንቹዎ፥ ሳባነ ዋልቃ አካናዉ በሳሳ፥ አያዉ ጎፕ፥ ኡባባ ኔን መጳደ፤ ቃይ ኡባባይካ፥ ኔን ኮዬዳዋዳን ሀኔዳነ ደኤዳ” ያጌኖ።

3:19 ለሞ. 3:12፤ እብራ. 12:6 4:2 ህዘ. 1:26-28፤ 10:1 4:5 ከሳ 19:16፤ ሳፃ 8:5፤ 11:19፤ 16:18፤ ህዘ. 1:13፤ ሳፃ 1:4፤ ዛካ. 4:2 4:6 ህዘ. 1:5-10፤ 10:14 4:8 ህዘ. 1:18፤ 10:12፤ እሊ. 6:2-3

5

ማጻፋን ደርሳ

1 እት ጸጸቶ ማጻፋይ \* ካወተላ ኦይድያን ኡቴዳዋ ኡሸቻ ኩሸያን ደእያዋ በእድ፤ ሄ ጸጸቶ ማጻፋይ ላኡ ባጋናካ ጸፈት ኡቴዳ፤ ቃይ ላቸ ማታፋይ አ ቦላ አታመቴዳ።

2 ታን እት ዋልቃማ ኪታንቻይ ባረ ቃላ ቶቁ ኦሊድ፤ “ማታፋ ዶዪድ፤ ጸጸቶ ማጻፋ ብላናዉ በሰያ ኡራይ ኦኔ?” ያጊድ፤ አዋይያዋ በእድ።

3 ሳሉዋን ግድና ዋይ ሳኣን ግድና፤ ዋይ ሳኣጥ ጋርሳን † ግድና፤ ሄ ጸጸቶ ማጻፋ ብላናዉ ዋይ አ ግዲዋ ጸላናዉ ኦን በሰያዌ ባዋ።

4 ጸላ ማጻፋ ብላናዉ ዋይ አ ግዲዋ ጸላናዉ በሰያ ኡራይ ባይና ድራዉ፤ ታን ዳር ዩካድ።

5 ጭማቱዋጥ እቱ ታና፤ “ዩኮጋ፤ በእ፤ ይሁዳ ዛርያ ግዴዳ ጋመ፤ ዳዊተ ዛሪ ጸኔዳ። እ ማታፋ ደያናዉን ጸጸቶ ማጻፋ ብላናዉ በሴ” ያጊድ።

6 ታን ካወተላ ኦይድያጥ፤ ደኡዋን ደእያ ኦይዲ መጋታቱዋጥን ቃይ ጭማቱዋጥ ግዲዋን፤ ሹከቴዳ ደርሳ ማላቲዶ ኤቁዳዋ በእድ፤ እዉ ላቸ ካጩቱን ላቸ አይፈቱ ደእኖ። ሄዋንቱ አላምያ ኡባ ኪተቴዳ ጸሳ ላቸ አያናቱዋ።

7 ሄ ደርሳይ ቢድ፤ ካወተላ ኦይድያ ቦላ ኡቴዳዋ ኡሸቻ ኩሸያጥ ጸጸቶ ማጻፋ አኬዳ።

8 እ ሄ ጸጸቶ ማጻፋ አኬዳ ዋይ፤ ደኡዋን ደእያ ኦይዲ መጋታቱን ላታማን ኦይዲ ጭማቱ አ ሰንላን ኩንዴድና። ኡንቱንቱ ሁጲያን ሁጲያን ዲላን እጻናይ ኩሜዳ ዋርቃ ሚሻ ኦይቄድና። ሄ እጻናይ ጌሻቱ ጸሳ ዋሰያዋ።

9 ኡንቱንቱ፤ “ጸሳ ማጻፋ አካናዉን፤ ማታፋ ደያድ፤ ጸላናዉ ነዉ በሴ። አያዉ ሳጥ፤ ኔን ሹከታዳ።

ኔን ቆሙዋ ኡባጥ፤ ዲማ ዲማ ጋድያ ቃላ ኡባጥ፤ ያራ ኡባጥ፤ ዛርያ ኡባጥ፤ ነ ሱላን፤ ጸሳዉ አሳ ዋዛዳ።

10 ኑ ጸሳዉ ኦላና ማላ፤ ኡንቱንታ ኔን፤ ካታቱዋን፤ ቄሳቱዋ ኦላዳ። ቃይ ኡንቱንቱ ሳኣንካ ሞዳና” ያጊድ ኦራላ ማዘሙርያ የጲኖ።

11 ሄዋጥ ጉይያን፤ ታን ጸላድ፤ ካወተላ ኦይድያ፤ ደኡዋን ደእያ ኦይዲ መጋታቱዋን ጭማቱዋ ዩይ አጲዶ ኤቁዳ ዳር ኪታንቻቱዋ ኮሻ ሰሳድ፤ ኡንቱንቱ ሻኣንነ ሚሎንያን ገይደቴድና።

12 ሄ ኪታንቻቱ ባረንቱ ቃላ ቶቁ ኦሊድ፤ “ሹከቴዳ ደርሳይ ዋልቃ፤ ዲረተላ፤ አጴዳ ኡራ፤ ሞኖተላ፤ ቦንቹዋ፤ ሳባ፤ ጋላታ አካናዉ በሴ!” ያጊድና።

13 ሄዋጥ ጉይያን፤ ሳኣን፤ ሳሉዋን፤ ሳኣጥ ጋርሳንን አባ ግዲዋን ደእያ መጋታ ኡባይን ቃይ ሄዋንቱን ደእያ መጋታ ኡባይ፤ “ካወተላ ኦይድያ ቦላ፤ ኡቴዳዋን ደርሳዉ፤ ጋላታይ፤ ቦንቹ፤ ሳባይን ዋልቃይ፤ መፍ መፍናዉ ግዶ!” ያጊድ የጽሸን ሰሳድ።

14 ደኡዋን ደእያ ኦይዲ መጋታቱ፤ “አመንእ” ያገና፤ ጭማቱ ጉፋኒዶ ሳይኔድና።

6

ሄ ጸጸላ ማጻፋ ማታፋ ደያ  
1 ደርሳይ ላቸ ማታፋቱዋጥ እቱዋ ደይሸን በእድ፤ ቃይ ሸምቸዋና ደእያ ኦይዲ መጋታቱዋጥ እቱ ጉጉንላ ጉንላ ማላትያ ኮሻን፤ “ሄያ!” ያግያዋ፤ ታን ሰሳድ።  
2 ታን እት ቦላ ገራ በእድ። ሄ ገራ ቶጌዳዋ ዋንዳፍያ ኦይቄዳ፤ ቃይ አዉ ካላቻይ እመቴዳ። ኦላ እ ጸኒድን ቃይካ ጸናናዉ ከሴዳ።

\* 5:1 ጸጸቶ ማጻፋ፡- ሀዋ ጉሳይ ዋራቃታን ዋይ ጋልባን ጸፈቴዳ ጸጸትያ ማጻፋ ግዲድ፤ ዳር ካሪ ባጋና እት ዋይ ላኡ ቦላ ባጋ ጋልባን ማታፋይ አታመቴ። 5:1 ሀዘ. 2:9-10፤ አሲ. 29:11 † 5:3 ሳኣጥ ጋርሳን፡- ሀይቁዳዋንታ ጉሳ። 5:5 ደመላ 49:9፤ አሲ. 11:1፤ 10 5:6 አሲ. 53:7፤ ዛካ. 4:10 5:8 ማዘ. 141:2 5:9 ማዘ. 33:3፤ 98:1፤ አሲ. 42:10 5:10 ከሳ 19:6፤ ሳፍ 1:6 5:11 ዳኔላ 7:10 6:2 ዛካ. 1:8፤ 6:3፤ 6



3 ደርሳይ ላኢንሉ ማታፋ ደዬዳ ዋደ፣ ሸምጥዋና ደእያ መጠታቱዋ ላኢንሉ። “ሃያ!” ያግያዋ፣ ታን ሰሳድ።

4 ቃይ ሀራ ዳማ ፓራይ ከሴዳ። አሳይ እቱ እቱዋና ሹከታና ማላ፣ ሄ ፓራ ቶጌዳዋ ሳኣን ሳርተላ ድግያ ዋልቃይ እመቲዳ። ዋጋ ማሻይ እዉ እመቲዳ።

5 ደርሳይ ሄዘንሉ ማታፋ ደዬዳ ዋደ፣ ደኡዋን ደእያ መጠታቱዋ ሄዘንሉ። “ሃያ!” ያግያዋ፣ ታን ሰሳድ። ያታደ ካረላ ፓራይ ከሴዳዋ በኣድ፣ ቃይ ሄ ፓራ ቶጌዳዋ ባረ ኩሽያን ሚዛንያ ኦይቄዳ።

6 ታን ደኡዋን ደእያ ኦይዱ መጠታቱዋ ግደፕ ኮሻ ማላትያባ ሰሳድ። ሄ ኮሻይ፣ “እት ጋላሳ ኦሶ ድርጉ ባጋ ኪሉዋ ዛርጋ፤ ቃይ እት ጋላሳ ኦሶ ድርጉ እት ኪሉዋ ባጋ ባንጋ። ሸን ዛይትያን ዋይንያ ኤሳ ቆሆፓ” ያግያዋ ሰሳድ።

7 ደርሳይ ኦይደንሉ ማታፋ ደዬዳ ዋደ፣ ደኡዋን ደእያ መጠታቱዋ ኦይደንሉ። “ሃያ!” ያግያዋ፣ ታን ሰሳድ።

8 ታን ግራጨ ፓራይ ከሴዳዋ በኣድ። ሄ ፓራ ቶጌዳዋ ሰንሳይ ሀይቁዋ፤ አ ጌዱዋ ሰኦሊ ካሌዳ። ሀይቁነ ሰኦሊ ሳኣፕ ኦይደንሉ ኩሽያ ኦላን፣ ኮሻን፣ ሀርግያን፣ ደኣን ዋድሳና ማላ፣ ኡንቱንቶ ማታይ እመቲዳ።

9 ደርሳይ እቼሸንሉ ማታፋ ደዬዳ ዋደ፣ ኡንቱንቱ ጸሳ ቃላ ኦይዳ ድራዉነ ባረንቱ ማርካተላን እማነቲዳ ድራዉ፣ ሹኩዳ አሳ ሸምጥዋ ያርሹዋ ያርሹያ ሳፕ ጋርሳን በኣድ።

10 ኡንቱንቱ ባረንቱ ቃላ ቆቁ ኦሊዳ፣ “ኡባ ሞድያ ጎዳዉ፣ ጌሻዉ፣ ቱማንቻዉ፣ ሳኣን ደእያ አሳ ቦላ አዉደ ፕርዳይ? ቃይ ኦ ሱላ አዉደ ጫገታይ?” ያጌድኖ።

11 ኡንቱንቶ ሁጲያን ሁጲያን ቦላ ማዩ እመቲዳ። ኡንቱንቶዋዳን ሀይቃናዉ በሰያ ኡንቱንቱ ላገላ ኦሳንቻቱዋ ፓይዲነ ኡንቱንቱ እሻቱዋ ፓይዲ ኩማና ጋካናዉ፣ ኡንቱንቱ እማራዳ ዋድያ ታክሻና ማላ፣ ኡንቱንቶ ኦደቲዳ።

12 ደርሳይ ኡሱፑንላ ማታፋ ደዬዳ ዋደ፣ ታን በኣድ፤ በጋይ ሎይላ ቃዴዳ። አዋይፊ ካረላ ማዩዋዳን ካረጺዳ፤ አገናይካ ሙላ ሱላ ማላቲዳ።

13 ባላሰያ ግያ ሞላት ጋምኤ አይፊ፣ ዋልቃማ ጫርኩ ቃላና፣ ሳኣን ቆቆፈትያዋዳን፣ ጸልንታቱ ሳሉዋፕ ሳኣን ቆቆፈቲድኖ።

14 ሳሉ ጸጸቶ ማጸፋይ ጸጸትያዋዳን፣ ጸጸተደ ቆይ ኢኤ፤ ደር ኡባቲነ ሃላን ደድቲዳ ሳኣይ ኡባይ ባረንቱ ደኢያሳፕ ክቶ ኡጌድኖ።

15 ሄዋፕ ጉይያን፣ ሳኣ ካታቱ፣ ደርያ ሞድያዋንቱ፣ ሻላቃቱ፣ ዱራቱ፣ ዋልቃማቱ፣ ቃይ ሀራ አሳይ ኡባይ፣ አይለቱ፣ ዋማናቱ፣ ደርያ ከሲደ፣ ጎንጎሊዋ ግድንነ ደርያን ደእያ ዛላ ጉዮ ባጋን ቆሰቲድኖ።

16 ያተደ ደረቲዋነ ሹቻ፣ “ካዉተላ ኦይድያን ኡቲዳዋ አይፍያፕነ ደርሳ ሀንቁዋፕ ኦ ቦላ ኩንዲደ፣ ኦና ገንጫርክቲሻ!

17 እያዉ ጎፕ፣ ኡንቱንቶ ዋልቃማ ሀንቁዋ ጋላሳይ ጋክ ክቼዳ፤ ሄ ሀንቁዋ ዳንዳያናዌ ኦኔ?” ያጌድኖ።

# 7

እስራኤልያ አሳፕ 144,000 አሳቱዋ ሶምእያን ማታፋይ ዋዴዳ

1 ሄዋፕ ጉይያን፣ ታን ኦይዱ ኪታንቻቱ ኦይዱ ባጋ ሳኣ ጋጸን ኡቄዳዋንታ በኣድ። ሄ ኪታንቻቱ ሳኣ ቦላን፣ ዋይ አባ ቦላን፣ ዋይ አይ ሞላ ቦላን፣ ጫርኩ ጫርከናዳን ተኤድኖ።

2 ቃይካ ደኡዋ ጸሳ ማታፋ ኦይቄደ ሀራ ኪታንቻይ አዋይ ሞክያሳፕ ከሰያዋ ታን በኣድ። ሄ ኪታንቻይ ባረ ኮሻ ቆቁ ኦሊዳ፣ ሳኣን አባ ቆሀናዉ ዋልቃይ እመቲዳ ኦይዱ ኪታንቻቱዋ

3 ጴሲደ፣ “ኦ ጸሳ ኦሳንቻቱዋ ዴሙዋን ኦን ማታፋ ዋላና ጋካናዉ፣ ሳኣ ግድና ዋይ አባ ግድና፣ ዋይ ሞላ ግድናካ ቆሆፕተ” ያጌዳ።

4 ታን ጸሳ ማታፋ ዴሙዋን ዋሌዳዋንቱ ፓይዲዋ ሰሳድ። እስራኤልያ ዛርያ ኡባፕ እት ጴታነ

6:4 ዛካ. 1:8፤ 6:2 6:5 ዛካ. 6:2፣ 6 6:8 ሀዘ. 14:21 6:13 ኢሳ. 34:4 6:15 ኢሳ. 2:19፣ 21 6:16 ሆሰ 10:8፤ ሉቃሳ 23:30 6:17 ኢዩ. 2:11፤ ሚልክ. 3:2 7:1 ኤር. 49:36፤ ዳኔላ 7:2፤ ዛካ. 6:5 7:3 ሀዘ. 9:4፣ 6

አይታመን አይደም ሻእ አሳቱዋ  
ዴሙዋን ማታፋይ ዋዴዳ።

5 ይሁዳ ዛርያፕ፣  
ታመን ላኡ ሻእ ዴሙዋን  
ማታፋይ፣

ዋዴዳ።  
ርቤላ ዛርያፕ፣  
ታመን ላኡ ሻእ።

ጋደ ዛርያፕ፣  
ታመን ላኡ ሻእ።

6 አሴራ ዛርያፕ፣  
ታመን ላኡ ሻእ።  
ንፍታሌመ ዛርያፕ፣  
ታመን ላኡ ሻእ።

ምናሰ ዛርያፕ፣  
ታመን ላኡ ሻእ።

7 ሰዋና ዛርያፕ  
ታመን ላኡ ሻእ።  
ሌዊያ ዛርያፕ  
ታመን ላኡ ሻእ።

8 ዛብሎና ዛርያፕ፣  
ታመን ላኡ ሻእ።

የሴሮ ዛርያፕ፣  
ታመን ላኡ ሻእ።

ቢንያማ ዛርያፕ፣  
ታመን ላኡ ሻእ  
ዴሙዋን ማታፋይ፣  
ዋዴዳ።

ቦላ ማዩዋ ማዬዳ ጮራ አሳቱዋ  
9 ሃዋፕ ጉይያን፣ ዛርያ ኡባፕ፣  
ቆሙዋ ኡባፕ፣ ያራ ኡባፕን ዲማ  
ዲማ ጋደያ ቃላ ኡባፕ ኮንነ ፓይዳናዉ  
ቦንዳዩና ዛዋይ ባይና ጮራ አሳ ታን  
በኣደ። ሄ አሳይ ቦላ ማዩዋ ማዬዳ፣  
ዛምባ ሀይላ ባረንቱ ኩሽያን አይቂደ፣  
ካዉተላ አይድያ ሰንላንን ደርሳ ሰንላን  
ኤቄዳ።

10 ኡንቱንቱ ባረንቱ ቃላ ዶቁ  
አሏደ፣

“ኑ አቶተላይካ፣  
ካዉተላ አይድያን ኡቲዳ፣  
ኑ ጸሳፕን ደርሳፕ ዬ”

ያጌድኖ።

11 ኪታንቻቱ ኡባይ ካዉተላ  
አይድያ፣ ጭማቱዋን ደኡዋን ደእያ  
አይደም መታ ዩይ አዲደ ኤቄድኖ።  
ኡንቱንቱ ካዉተላ አይድያ ሰንላን  
ባረንቱ ዴሙዋን ጉፋኒደ ጸሳዉ  
ሳይኒደ፣

12 “አመንአ!

አንጅ፣ ቦንቹ፣  
አዴዳ ኤራተላይ፣  
ጋላታይ፣ ሳባይ፣  
ዋልቃይ፣ ምኖተላይ፣  
መድናፕ መድና ጋካናዉ ኑ ጸሳዉ  
ግደ።

አመንአ!”  
ያጌድኖ።

13 ጭማቱዋፕ እቱ ታና፣ “ሀ ቦላ  
ማዩዋ ማዬዳ አሳቱ ኣኒ? ኡንቱንቱ  
ሀቃፕ ዬድኖ?” ያጌደ ኦቹዳ።

14 ታን፣ “ታ ጎደዉ፣ ኔን ኤራሳ”  
ያጋድ። እ ታና ሀዋዳን ያጌዳ፡-

“ሀዋንቱ ዳር ዋይያ ዋየቲደ  
ዬዳዋንታ።

ኡንቱንቱ ባረንቱ ማዩዋ ደርሳ  
ሱላን ሜጨደ፣  
ቦጼዳዋንታ።

15 ሃዋ ድራዉ፣  
ኡንቱንቱ ጸሳ ካዉተላ አይድያ  
ሰንላን ኤቂደ፣  
ቃመን ጋላሰ፣ እ ጌሻ ጎልያን፣  
አዉ አሏኖ።

ቃይ እ ባረ ካዉተላ አይድያን  
ኡቲዳዊ፣  
ኡንቱንቱ ግዲዋን ደእና።

16 ሀዋፕ ሰንላናዉ ኡባካ፣  
ኡንቱንቱ ኮሻትክኖ፣  
ዋይ ሳመትክኖ።  
አዋይ ኡንቱንታ ሜና፣  
ቃይ አይ ሴላይካ ኡንቱንታ  
ጉደና።

17 እያዉ ጎፕ፣ ካዉተላ አይደዉ፣  
ግዲዋን ኡቲዳ ደርሳይ፣  
ኡንቱንታ ሃሚና።  
ደኡዋ ሃላ ፑልቱዋኮካ፣  
ኡንቱንታ ካላላና።  
ጸሳይካ ኡንቱንቱ አይፍያ አሮላ  
ኡባ ቁጭ ድጋና”

ያጌዳ።

### 8

ጸጸላ ማጸፋ ላፑንላ ማታፋይ  
ደየቲዳ

1 ደርሳይ ላፑንላ ማታፋ ደዬዳ  
ዋደ፣ ባካ ሳትያ ግድያዋ ኬና ሳሉ  
ጮኡ ጌዳ።

2 ሃዋፕ ጉይያን፣ ታን ላፑ  
ኪታንቻቱዋ ጸሳ ሰንላን ኤቄያዋንታ  
በኣድ፣ ኡንቱንቶ ላፑ ማላካታይ  
አመቲዳ።

7:14 ዳኔላ 12:1፤ ማቶሳ 24:21፤ ማር. 13:19  
2፤ ህዘ. 34:23፤ ኢሳ. 49:10፤ 25:8  
7:16 ኢሳ. 49:10  
7:17 ማዘ. 23:1፣

3 እጻና ጨዋይያ ዋርቃ ሚሻ ኦይቁዳ ሀራ ኪታገቻይ ዪደ፡ ያርሽያ ሳ ማታገ ኤቁዳ። ዋርቃጥ መፀቴዳ ያርሽያሳይ ካዉተላ ኦይድያ ሰገላገ ደኤ፤ ሄ ያርሽያ ሳ ቦላ ጌሻ ኡባቱዋ ዋሳ ጉጃና ማላ፡ ኪታገቻዉ ዳሮ እጻናይ እመቲዳ።

4 እጻና ጨዋይ ጌሻቱዋ ዋሳና እትጥ ሄ ኪታገቻ ኩሽያጥ ፑደ ጸሳኮ ቤዳ።

5 ሄዋጥ ጉይያገ፡ ኪታገቻይ እጻና ጨዋይያዋ እኪደ፡ ያርሽያ ሳጥ ታማ ቦገቁዋ እኪደ፡ እገ ኩገሌዳ። ሄ እጻና ጨዋይያዋ ዱገ ሳኦ ኦልና፡ ጉገገላይ ጉሜዳ። ዋልቃገላይ ዋልቃሜዳ፤ ቃይ ቢታይካ ቃጾዳ።

ማላካታቱ ዩገቲድኖ

6 ቃይ ላፑ ማላካታ ኦይቁደ ላፑ ኪታገቻቱ ማላካታ ፑናናዉ ጊኔድኖ።

7 ኮይሮ ኪታገቻይ ባረ ማላካታ ፑገና ሱላና ዋላከቲዳ ሻቻይገ ታማይ ሳኦገ ቡኩዳ። ሳኦጥ ሄዘገላ ኩሺ ጉደቲዳ፤ ሞላጥካ ሄዘገላ ኩሺ ጉደቲዳ፤ ማታ ኡባይካ ጉደቲዳ።

8 ላኤገላ ኪታገቻይካ ባረ ማላካታ ፑኔዳ። ዋልቃማ ደርያ ማላትያባይ ታማገ ኤጲደ፡ አባገ የገቲዳ፤ ያትና፡ አባጥ ሄዘገላ ኩሺ ሱላ ግዴዳ።

9 አባገ ደኡዋገ ደእያ መፀታቱዋ ሄዘገላ ኩሺ ሀይቁዳ፤ ማርካብቱዋጥካ ሄዘገላ ኩሺ ጳዬዳ።

10 ሄዘገላ ኪታገቻይ ባረ ማላካታ ፑገና ሻፋጥገ ፑልቱዋ ሃላጥ ሄዘገላ ኩሽያ ቦላ ሳሉዋጥ ጸሞጥያዳገ ኤጽያ ዋልቃማ ጸልገቲ ዋጴዳ።

11 ሄ ጸልገትያ ሱገላይ ጫሙዋ ጌተቲ። ሃላጥ ሄዘገላ ኩሺ ጫሜዳ፤ ቃይ ሃላይ ጫሜዳ ድራዉ፡ ዳሮ አሳይ ሄ ሃላ ኡሺደ ሀይቁዳ።

12 ኦይደገላ ኪታገቻይ ባረ ማላካታ ፑኔዳ። አዋጥ፡ አገናጥገ ጸልገትያጥ ሄዘገላ ኩሺ ደሽቲዳ፤ እገቲገቲ ፖኡዋጥካ ሄዘገላ ኩሺ ጳሜዳ። ሄዋ ድራዉ፡ ገላሳጥ ሄዘገላ ኩሺ፡ ቃማጥካ ሄዘገላ ኩሺ ጳሜዳ።

13 እት አርጋገላይ ሳሉዋገ ፓልያዋ ታገ በኦደ። ሄ አርጋገላይ ባረ ቃላ ጴቁ ኦሊደ፡ “ሄዙ ኪታገቻቱ ፑናና በሰያ የኩ ማላካታይ ፑገትያ ዋደ፡ ሳኦገ ደእያ አሳዉ እዬር! እዬር! እዬር!” ያግያዋ ሰሳድ።

9

1 ሄዋጥ ጉይያገ፡ እቼሸገላ ኪታገቻይ ባረ ማላካታ ፑገና ሳሉዋጥ ዱገ ሳኦ ኩገዴዳ ጸልገትያ በኦደ። ሄ ጸልገተዉ ጨሞ ኦላ \* ቁልጥ እመቲዳ።

2 ጸልገቲ ጨሞ ኦላ ዶዬዳ፤ እኮ ጮጭያጥ ከሰያ ጨዋ ማላ ጨዋይ ሄ ጨሞ ኦላጥ ከሴዳ። ቃይ አዋይገ ሳኦይ ሄ ጨሞ ኦላጥ ከሴዳ ጨዋገ ጳሜድኖ።

3 ጨዋጥ ቦሊ ዱገ ሳኦ ዬዳ። ሳኦገ ደእያ ሰጋቶ ደእያ ዋልቃ ማላ ዋልቃይ ቦሊዉካ እመቲዳ።

4 ጸሳ ማታፋይ ዳሙዋገ ባይና አሳ ጸላላ ቆሀናጥ እትገ፡ ሳኦገ ደእያ ማታ ዋይ እጭያ ሞላ ግድና ዋይ አይ ሞላ ግድናካ ቆሄና ማላ፡ ቦሊዉ ኦደቲዳ።

5 ቦሊ ሄ አሳ እቼሹ አገና ግድያዋ ፓጸ ካኦና ማላ፡ ማታይ እመቲዳዋጥ እትገ፡ አዉ አሳ ዋቆናዉ ማታይ እመቲቡና። ሱጉ አሳ ዱኪደ ሴልሰያዋ ኬና ቦሊ ሴልሴ።

6 ሄ ገላሳቱዋገ አሳይ ሀይቁዋ ኮያና፤ ሽገ ደመና። ቃይ ሀይቃናዉካ አሞታና፤ ሽገ ሀይቁ አሳጥ ባቃታና።

7 ቦሊ ኦላዉ ጊግ ኡቲዳ ፓራ ማላቲ። ቦልያ ሁጲያገ ዋርቃ ማላትያ ካላቻይ ደኤ፤ አ ዳሙካ አሳ ዳሙዋ ማላቲ።

8 አ ብናናይካ ማጫ አሳ ብናናይዳ አዲቁ፤ አ አቻይካ ጋሙዋ አቻ ማላቲ።

9 አ ትራይ ብራታገ ኦሌዳ ጎገዳልያ ማላትያዋገ ገዘት ኡቲዳ፤ ቃይ አ ቀፍያ ኮሻይ ኦላ ባናዉ ፕሪጽያ ፓራቲ ጎቻያ ጋርያ ኮሻ ማላ።

8:3 አሞጸ 9:1፤ ከሳ 30:1፣ 3    8:5 ሳፃ 11:19፤ 16:18፤ ዋጋ 16:12፤ 18፤ ሀዘ. 10:2፤ ከሳ 19:16    8:7 ከሳ 9:23-25፤ ሀዘ. 38:22    8:10 አሳ. 14:12    8:11 ኤር. 9:15  
8:12 አሳ. 13:10፤ ሀዘ. 32:7፤ እዪ. 2:10፣ 31፤ 3:15    \* 9:1 ጨሞ ኦላ- ሀዋ ጉሳይ ጋርሳ ባጋ ቢታገ ዳርሰ ጨማቲደ ደእያ ኢታ እያናቱ ባርገቱ ዉርሰላ ሙራ ገላሳይ ጋካናዉ ቃሽቲደ ደኢያሳ።  
9:2 ዶመላ 19:28    9:3 ከሳ 10:12-15    9:4 ሀዘ. 9:4    9:6 እዪፃ 3:21፤ ኤር. 8:3  
9:7 እዪ. 2:4    9:8 እዪ. 1:6    9:9 እዪ. 2:5

10 አዉ ሶጉዋ ዲፍያ ማላትያ ዲፊ ደኤ፤ አ ዲፍያን ዲክያባይ ደኤ። ሄ ዲፍያን እቼሹ እገና ግድያዋ አሳ ቆሀናዳን፤ አዉ ማታይ እመቲዳ።

11 አ ሞድያ ካቲ ደኤ። ሄ ካቲ ጪሞ አላ ኪታንቻ። አ ሱንሳይካ እብራይስጸ ቃላን አብደና፤ ቃይ ግሪክ ቃላን አጸልዮና ጌተቲ። አጸልዮና ግያዎ ብለላይ፤ ጳይሰያዎ ግያዎ።

12 ኮይር አይር ግያዌ አይዳ፤ በአ፤ ብር ሀራ ላኡ አይር ግያዌ ያናዎ።

13 ኡሱፑንሳ ኪታንቻይ ባረ ማላካታ ፑኔዳ። ጸሳ ሰንሳን ኤቄዳ ዎርቃጥ መይዳ ያርሽያሳን ደእያ ኦይዳ ጋጸ ካጨቱዋጥ እት ኮሻ ሰሳድ።

14 ሄ ኮሻይ ማላካታይ ደእያ ኡሱፑንሳ ኪታንቻ፤ “ኤፍራዲሳ ግያ ዎጋ ሻፋን ቃሽቲዳ ኦይዳ ኪታንቻቱዎ ብላ” ያጌዳ።

15 አሳ ዛርያጥ ሄዘንሎ ኩሽያ ዎጳናዉ፤ ሀ ሳትያዉ፤ ጋላሳዉ፤ አገናዉን ላይላዉ ገግስ ዎሌዳ፤ ኦይዳ ኪታንቻቱ ብለቲድና።

16 አላ ፓራ ቶግያ አሳ ፓይዳ ላኡ ጾቱ ሚሎን ግድያዎ ታን ሰሳድ።

17 ቃይካ ታን ሳጸን ፓራቱዋን ሄ ፓራቱዎ ቶጌዳ አሳ በኣድ። አሳዉ ትራን ዎሳያ ብራታ ጎንዳልያ ማላይ ደኤ። ሄ ትራን ዎሳያ ብራታ ጎንዳልያ ማላይ ታማዳን ዘኤ፤ ሳማይያ፤ ቃይ ኤጽያ ዲንያ ማላ። ፓራቱዎ ሁጺ ጋሙዎ ሁጺያ ማላ። ኡንቱንቱ ደናጥ ታማይ፤ ጩዋይን አድልያ ጪሻ ማላትያ ኤጽያ ዲንያ ታማይ ከሴዳ።

18 ፓራቱዎ ደናጥ ከሴዳ ታማን፤ ጩዋንን ኤጽያ ዲንያን ሀ ሄዙ ቦሻቱዋን አሳ ዛርያጥ ሄዘንሎ ኩሺ ሀይቄዳ።

19 እያዉ ጎጥ፤ ፓራቶ ዎልቃይ ደናንን ዲፍያን ደኤ። ኡንቱንቱ ዲፊካ ሁጺያና ደእያ ሸሻ ማላቲ፤ ሄዋን ኡንቱንቱ አሳ ቆሃና።

20 ሀ ቦሻቱዋን ሀይቀናን አቲዳ አሳይ ባረ ኩሽያን ኦሳያዎ አግቤና። ቃይ ዎርቃጥ፤ ብራጥ፤ ናሃሰያ ጌተትያ ብራታጥ ሹቻጥን ሞላጥ አሰቲዳ፤ ጸላናዉ ዎይ ሰሳናዉ ዎይ ሀመታናዉ ዳንዳዮና ኤቃዉን ጸላሀያዉ ጎይንያዎካ አግቤና።

21 አሳይ ኤሪድ ዎይዳዎ፤ ዎይ ባረ ብቲዳዎ፤ ዎይ ባረ ዎሹሚዳዎ፤ ዎይ ባረ ዉኤዳዎ አገደ፤ ባረ ናጋራጥ ሰሞቤና።

# 10

ኪታንቻን ጉላ ማጻፋ

1 ቃይካ ታን ሀራ ዎልቃዎ ኪታንቻይ ሳሉዋጥ ከሲደ፤ ዲገ ዎድያዎ በኣድ። ሻርያ እ ማይ ኡቲዳ፤ ቃይ ዙሉ አ ሁጺያ ዩይ አድ ኡቲዳ። አ ዴመካ አዎ ማላ፤ አ ገዲካ ታማ ቲሳ ማላ።

2 ሄ ኪታንቻይ ደያ ደእያ እት ጉላ ጸጸቶ ማጻፋ ባረ ኩሽያን ኦይቄዳ። ባረ ኡሽቻ ገድያ አባ ቦላ ኤሲደ፤ ባረ ሀድርሳ ገድያ ቢታ ቦላ ኤሴዳ።

3 ጉድያ ጋሙዎዳን፤ ዎልቃጥ ጉዳዳ። አ ጉዳዳዎጥ ጉይያን፤ ላፑ ጉጉንሳቱ አናና ጉንሳን ሃሳዬድና።

4 ኡንቱንቱ ጉሚዳ ዎደ ታን ጸፋናዉ ቆገድ። ሽን ሳሉዋጥ፤ “ላፑ ጉጉንሳቱ ሃሳዬዳዎ አሳዉ ቃቶጋን ጸፊጋ” ያግያ ኮሻይ ታዉ ሰሰቲዳ።

5 ሄዋጥ ጉዮ፤ አባ ቦላንን ቢታ ቦላን ኤቄደእሽን ታን በኤዳ ኪታንቻይ፤ ባረ ኡሽቻ ኩሽያ ሳሉዋ ፑደ ሞጩዳ።

6 ሳሉዋን ሳሉዋን ደእያ ኡባባ፤ ሳኣን ሳኣን ደእያ ኡባባ፤ አባን አባን ደእያ ኡባባ፤ መይዳ መድ መድናዉ ደእያ ጸሳ ሱንሳን ጫቄዳ። ያቲደ፤ “ዎዲ ዉራናዉ ጋሞኤና።

7 ሽን ላፑንሳ ኪታንቻይ ባረ ማላካታ ፑንያ ዎይ፤ ጸሳይ ናባቱዎ ግዳዳ ባረ ቆማቶ ቃላ ኦድ ዎሌዳዎዳንካ፤ አ ጹራዳ ቆፋይ ፖላታና” ያጌዳ።

8 ሄዋጥ ጉይያን፤ ሳሉዋጥ ሃሳይሽን ታን ሰሴዳ ኮሻይ ላኤንሎዎ ዛሪደ ታና፤ “አባ ቦላንን ቢታ ቦላን ኤቄዳ ኪታንቻ ኩሽያን ደያ ደእያ ጸጸቶ ማጻፋ ባደ አካ” ያግያዎ ሰሳድ።

9 ታን ሄ ኪታንቻኮ ባደ፤ ጉላ ጸጸቶ ማጻፋ ታዉ እማና ማላ፤ አ ኦቻድ። አ ታና፤ “አካደ ማ፤ ማጻፋይ ነ ኡሉዎ ጫምሳናዎ፤ ሽን ነ ደናን ኤሳዳን፤ አ ማልአናዎ” ያጌዳ።

10 ሄዋጥ ጉዮ፤ ታን ኪታንቻ ኩሽያጥ ሄ ጉላ ጸጸቶ ማጻፋ አካደ ማድ፤ ታ

ደናን ማጸፋይ ኤሳዳን ማልኤዳ። ሸን ታን ማዳዋፕ ጉይያን፣ ታ ኡሎ ግዲ ጫማዳ።

11 ቃይካ ታና፣ “ያራ ኡባ፣ ዛርያ ኡባ፣ ዲማ ዲማ ቢታ ቃላነ ካታቱዋባ ኔን ትምቢትያ ቃንጸናን ሃሳያናዉ በሴ” ያጌዳ።

# 11

ላኡ ማርካቱዋ

1 ሄዋፕ ጉባ፣ ማቃ ማላትያ ልክያ ጸምእይ ታዉ እመቲዳ፤ ታና ጌዳዌ ሀዋ፤ “ባደ ጸሳ ጌሻ ጎልያነ ያርሸያ ሳ ልካ። ሄዋን ጎይንያዋንታካ ፓይዳ።

2 ሸን ጌሻ ጎለዉ ካረ ባጋ አጋ ባሻ፤ ሄዋ ልክፓ። አያዉ ጎፕ፣ ሄ ሳእይ አይሁዳ ግደና አሳዉ እመቲዳ። አይሁዳ ግደና አሳይ ጌሻ ካታማ ኦይታማነ ላኡ አገናዉ የጻና።

3 ታን ጋብያ ማዬዳ ታ ላኡ ማርካቱዋ ኪታና፤ ኡንቲንቲ እት ሻእነ ላኡ ጴታነ ኡሱፑን ታሙ። ጋላሳን ጸሳ ኪታ ኦዳና” ያጌዳ።

4 ሄ ላኡ ማርካቱ ሀ ሳኣ ጎዳ ሰንገላን ኤቂያ ጸምፕያ ዋልያ ላኡ ባላቱዋ።

5 ኦንነ ኡንቲንታ ቆሀናዉ ኮዮፕ፣ ኡንቲንቲ ደናፕ ታማይ ከሲደ ኡንቲንቲ ሞርከቱዋካ ጳይሴ። ቃይ ኦንነ ኡንቲንታ ቆሀናዉ ኮዮፕ፣ ሄዋዳንካ ሀይቃና።

6 ኡንቲንቲ ጸሳ ኪታ ኦድያ ዋድያን እራይ ቡከናዳን፣ ሳሉዋ ጎርዳናዉ ኡንቲንቲ ማታይ ደኤ። ኡንቲንቲ ሃፋ ሱላ ከሰያ ማታይካ ደኤ፤ ቃይ ኡንቲንቲ ባረና ኮሸያ ዋደ፣ ሳኣ ዲማ ዲማ ቦሻን ሸጫናዉ ኡንቲንቲ ማታይ ደኤ።

7 ኡንቲንቲ ባረንቲ ማርካተፋ ዉርሴዳዋፕ ጉይያን፣ ጨሞ ኦላፕ ፑደ ከሰያ ደኣይ ኡንቲንቲና ኦላታና። ሄ ደኣይ ኡንቲንታ ጸኒደ ዋጻና።

8 ኡንቲንቲ ጎዳይ ማሰቃልያ ቦላን ሞሰማርያን ጅሸቲደ ሱለቲዳ ካታማ ዋጋ ኡግያን ኡንቲንቲ እሃይ ግሳናዋ። ሄ ካታማይ ለምሱዋን ሰዶማ ዋይ ግብጼ ጌተቲደ ጴሰቲ።

9 ቃይ ያራ ኡባ፣ ቆሙዋ ኡባ፣ ዲማ ዲማ ቢታ ቃላፕነ ዛርያ ኡባ፣

ዬዳ አሳይ ኡንቲንቲ እሃ ሄዙ ጋላሳነ ባጋ በእና። እሃይ ሞገተና ማላ፣ ሄ አሳይ ድጋና።

10 ሳእን ደእያ አሳይ ሀ ትምቢትያ ኦድያ ላኡ አሳቱዋ ሀይቁዋን ናሸታና። አሳይ ኡንቲንቲ ሀይቁዋ እቲ እቲዋና እሞታ ላመቲደ ቦንቻናዋ፤ አያዉ ጎፕ፣ ሳእን ደእያ አሳ ኡንቲንቲ ዳርሰ መቶሌድና።

11 ሄዙ ጋላሳነ ባጋፕ ጉይያን፣ ደኡዋ ሸምፑዋ ጸሳይ ኡንቲንቲን ሸምፕና፣ ኡንቲንቲ ደንድ ኤቂድና። ኡንቲንታ በኤዳ ኡባይ ኢታ ያሻ ያዬዳ።

12 ሄዋፕ ጉይያን፣ ሄ ትምቢትያ ኦድያ ላኡ አሳቱ ሳሉዋፕ፣ “ሃ ፑደ ከሰተ” ግያ ዋልቃማ ኮሻ ሰሴድና። ባረንቲ ሞርከቱ ባረንታ ጴልሸን፣ ኡንቲንቲ ሻርያን ገሊደ፣ ፑደ ሳሉዋ ቤድና።

13 ሄ ሳትያን ቢታይ ሎይል ቃጽና ካታማፕ ታሙንፋ ኩሺ ጳይዳ። ቃይ ቢታ ቃፋን ላፑ ሻእ አሳይ ሀይቁዳ፣ እቲዳ አሳይ ሎይል ኮኮር ያዬደ፣ ሳሉዋ ጸሳ ግታተፋ ሳቤዳ።

14 ላኡንፋ አዬር ግያዌ አይዳ። ሸን አኬክተ፤ ሄዘንፋ አዬር ግያዌ ኤለካ ያናዋ።

ላፑንፋ ማላካታ

15 ሄዋፕ ጉይያን፣ ላፑንፋ ኪታንቻይካ ባረ ማላካታ ፑኔዳ። ሳሉዋን፣

“አላምያ ካዉተፋይ

ሀእ ኑ ጎዳሳነ

ክርሰቶሳሳ፤

ቃይ መጅናፕ መጅና ጋካናዉ

እ ሞዳና”

ያግያ ዋልቃማ ኮሻይ ሰሰቲዳ።

16 ባረንቲ ኦይድያን ኡቲዳ ላታማነ ኦይዲ ጭማቲ ጸሳ ሰንገላን ዲገ ጉፋኒደ፣ ጸሳዉ ጎይኒደ ሀዋዳን ያጌድና፤

17 “ሀእ ደእያዋ፣

ካሰፕካ ደእያዋ፣ ጎዳዉ፣

ኡባፕ ዋልቃማ ጸሳዉ፣

ነዉ ዋልቃማ ዋልቃይ ደእያ

ድራዉን፣

ኔን ሞዳናዉ ደማዳ ድራዉ፣

ኔን ኔና ጋላቲቶ።

11:1 ሀዘ. 40:3፤ ዛካ. 2:1-2 11:2 ሉቃሳ 21:24 11:4 ዛካ. 4:3፤ 11-14 11:6 1 ካታ. 17:1፤ ከሳ 7:17-19፤ 1 ሳሜላ 4:8 11:7 ዳኤላ 7:7፤ 21፤ ሳፃ 13:5-7፤ 17:8 11:8 አሳ. 1:9-10 11:11 ሀዘ. 37:10 11:12 2 ካታ. 2:11 11:15 ከሳ 15:18፤ ዳኤላ 2:44፤ 7:14፤ 27

18 አይሁዳ ግድና አሳይ ሀንቀቲዳ፤  
 ነ ሀንቁካ ዬዳ።  
 ሀይቄዳዋንቱ ፕርደትያ ዎዲ ሀእ፤  
 ቃይ ኔን ነ ኦሳንቻቶ፣ ናባቶ፣  
 ጌሻቶ፣ ነ ሱንገዳ ያይያዋንቶ፣  
 ዶቃቶን ላፋቶ አንቱንቱ  
 ኦሱዋዳን፣  
 እምያ ዎዲካ ሀእ።  
 ሳእ ዳይሰያዋንታካ ኔን ዳይሰያ  
 ዎዲ ሀእ”

ያጌድኖ።  
 19 ሳሉዋን ደእያ ጸሳ ጌሻ  
 ጎሊ ደየቲዳ፤ አ ጌሻ ጎልያን  
 ጸሳ ቃላ ጫቁዋ ታቦታይ ቤቲዳ።  
 ቃይ ዋልቃንሳይ ዋልቃሜዳ፤ ጉንሳይ  
 ሰሰቲዳ፤ ጉንጎሳይ ጉሜዳ፤ ቢታይ  
 ቃዬዳ፤ ዋልቃማ ሻቻይካ ሻጩዳ።

### 12

ታን ሞሽራቶ፣ ናእን ዳዊያ በእድ  
 1 ሄዋጥ ጉይያን፣ ሳሉዋን ዋልቃማ  
 ማላይ ቤቲዳ። አዋ ማዬዳ እት  
 ሞሽራታ፣ አገና ቦላ ኤቄዳወና፣ ታማነ  
 ላኡ ጸልንትያ ካላቻ ባረ ሁጲያን  
 ዋሌዳወና ሄዋን ደእዉ።

2 ሄ ሞሽራታ ሻሃራ፤ እዘ የሉዋ  
 ኦይሳይ፣ ኡንኤልና ዋሳዱ።

3 ሀራ እት ዋልቃማ ማላይ ሳሉዋን  
 ቤቲዳ። ታሙ ካጫያና ደእያ ላቸ  
 ሁጲያን ካላቻ ዋሌዳ እት ዋልቃማ  
 ዘኦ ዳዊ ደእ።

4 ሄ ዳዊ ባረ ዱፍያን ሄዘንሉ  
 ኩሽ ጸልንትያ ሳሉዋጥ ዳዕደ፣ ሳእን  
 ኦሌዳ። ሄ ዳዊ የለት ዎዶሳናካ ናእ  
 ማናዉ የላና ሀንያ ሞሽራት ሰንላን  
 ኤቄዳ።

5 ሞሽራታ አቲማ ናእ፣ አይሁዳ  
 ግድና አሳ ኡባ ብራታ ጸምእን ሞዳናዋ  
 የላዱ። ሽን ናእይ ጸሳኮን አ አራታኮ፣  
 ፑይ ኤላካ አከቲዳ።

6 ሞሽራታ እት ሻእን ላኡ ጾታን  
 ኡሱቸን ታሙ ጋላሳዉ ሞዚደን ኡሺደ  
 ዋላናዉ ጸሳይ ገግሰ ዋሌዳ ሳእ ባዙዋ  
 ባቃታዱ።

7 ሄዋጥ ጉይያን፣ ሳሉዋን ኦላይ  
 ደንዬዳ። ሞካኤል ባረ ኪታንቻቲዋና  
 እትጥ ዳዊያ ኦለቲዳ፤ ዳዊካ ባረ  
 ኪታንቻቲዋና ግዲደ፣ ዛር ኦለቲዳ።

8 ሽን ዳዊ ጸንትና ዳዊያሰነ አ  
 ኪታንቻቶ ሳሉዋን ሳእይ ዳዬዳ።

9 ዋልቃማ ዳዊ፣ ጸላህያ ካቸዋ  
 ዎይ ሴጸና ግያዌ፣ በን ሾሻይ፣  
 አላምያ ኡባ ባለሉያዌ ኦለቲዳ፤ አ  
 ባረ ኪታንቻቲዋና እትጥ ዲገ ሳእዉ  
 ኦለቲዳ።

10 ሄዋጥ ጉይያን፣ ታን ሳሉዋጥ  
 ሀዋዳን ያግያ ኮሻ ሰሳድ፤  
 “ጸሳ አቶተላይ ሀእ ዬዳ።

ጸሳይ ባረዉ ካተ ግድያዋዳንካ፣  
 ባረ ዋልቃ በሴዳ፤  
 አ ክርሰቶሰ ባረ ማታ በሴዳ።

አያዉ ጎጥ፣  
 ቃማነ ጋላሰ ጸሳ ሰንላን ኤቄደ፣  
 ኑ እሻቲዋ ሞትያዌ፣  
 ሳሉዋጥ ዲገ ኦለቲዳ።

11 ኑ እሻቲ ዶርሳ ሱላን፣  
 ባረንቲ ቲሙ ማርካተላን  
 ዳዊያ ኦለቲደ ጸኔድኖ።  
 ቃይ ኡንቲንቲ ባረንቲ ሽምቸዋ  
 አለ እምያዎ፣  
 ቃረትበይክኖ።

12 ሄዋ ድራዉ፣  
 ሳሌን ሳሉዋ ግድን ደእያዋንቱ፣  
 ናሽትተ።  
 ሽን ሳእዉን አባዉ አዬር!

አያዉ ጎጥ፣  
 ጸላህያ ካቸ፣  
 ባረዉ ጉላ ዎዲ አቲዳዋ ኤርያ  
 ድራዉ፣  
 ዋልቃማ ሀንቁዋን፣  
 ዲገ ሀንተንቲኮ ዎዬዳ”

ያጌዳ።  
 13 ቃይ ዳዊ ባረና ዲገ ሳእ ኦሌዳዋ  
 በኤዳዋጥ ጉይያን፣ ሄ አቲማ ናእ  
 የሌዳ ሞሽራቶ የደርሱዋ ደሜዳ።

14 ሞሽራቶ ሾሻይ ቆሄና ማላ፣ ሄዙ  
 ላይላነ ባጋ ማደነ ኡሻደ እዛ ናገትያሳ  
 ባዙዋ ፓላደ ባና ማላ፣ ላኡ ዋልቃማ  
 አርጋንሳ ቀፊ እዘዉ እመቲዳ።

15 ሄዋጥ ጉይያን፣ ሞሽራቶ ድኡ  
 ድኡደ አፋና ማላ፣ ሾሻይ ሻፋ ሃላ  
 ኬና ሃላ ባረ ዶናጥ ሞሽራት ጌዱዋን  
 ጉሴዳ።

16 ሽን ቢታይ ሞሽራቶ ማዴዳ፤  
 ቢታይ ባረ ዶና ደዪደ፣ ዳዊያ ዶናጥ  
 ከሴዳ ሃላ ሞት አጌዳ።

17 ዳዊ ሞሽራትዉ ዳርሰ  
 ሀንቀቲደ፣ እዘ ዘረላ ጸሳ አዛዙዋ

11:18 ማዘ. 2:5፤ 110:5፤ 115:13 12:3 ዳኤላ 7:7 12:4 ዳኤላ 8:10 12:5 እሳ.  
 66:7፤ ማዘ. 2:9 12:7 ዳኤላ 10:13፣ 21፤ 12:1፤ ዳኤላ 9 12:10 እያባ 1:9-11፤ ዛካ.  
 3:1 12:14 ዳኤላ 7:25፤ 12:7

ናገረ ኡባቱዋን የሱሰ ቆንጭሴዳ ቱሙ እማነትያዋንታ ኦላናው።

18 ቢደ እባ ድናን ደእያ ሻፍያን ኤቄዳ።

### 13

ታን አባጥ ከሰያ ላኡ ደአቱዋ በአድ።

1 ሄዋጥ ጉይያን፣ እት ደአይ አባጥ ከሰሸን፣ ታን በአድ። አዉ ታሙ ካጪነ ላፑ ሁጺ ደኤ፤ አ ታሙ ካጭያ ቦላን ታሙ ካላቻይ ደኤ። አ ሁጺያንካ ቦርያ ሱንገላይ ጸፈት ኡቲዳ።

2 ታን በኤዳ ደአይ ማህያ ማላቲ፤ አ ገዲ ባባንጎ ጌተትያ ኢታ ዱአ ገድያ ማላቲ፤ አ ድናይ ጋሙዋ ድና ማላቲ። ዳዋ ባረ ዋልቃ፣ ባረ ካዉተላ ኦይድያን ባረ ዋልቃማ ማታ ሄ ደአዉ እሜዳ።

3 ሄ ደአ ሁጸቱዋጥ እቲ ሀይቄዳዋ ማላትያዋ ታን በአድ፤ ሸን ዋድያ ማይላይ ፓጺዳ። ሳኦ አሳይ ኡባይ ማላላቲዳ፣ ሄ ዱአ ጌዱዋ ካሌዳ።

4 ዳዋ ባረ ማታ ደአዉ እሜዳ ድራዉ፣ አሳይ ኡባይ ዳዋያዉ ጎይኔዳ። ቃይ ሄ አሳይ፣ “ደአ ማላይ ኦኔ? እናን ኦላታናዉ ኦን ዳንዳዪ?” ያጊዳ፣ ደአዉ ጎይኔዳ።

5 ሄ ደአዉ ፓላ የዉዋን ቦርያ ሃሳይያ ድናይ እመቲዳ። ኦይታማን ላኡ አገናዉ ኦላና ማላ፣ አዉ ማታይ እመቲዳ።

6 ሄ ደአይ ጸሳ፣ አ ሱንገ፣ አ ደእያሳን ሳሉዋን ደእያ ኡባቱዋ ቦርያ ደሜዳ።

7 ሄ ደአይ ጸሳ አሳቱዋና ኦላቲዳ፣ ኡንቲንታ ጸናና ማላ፣ አዉ ማታይ እመቲዳ። ቆሙዋ ኡባ፣ ያራ ኡባ፣ ዱማ ዱማ ቢታ ቃላ ኡባን ዛርያ ኡባ ዋድያ ማታይ አዉ እመቲዳ።

8 ሳአይ መታናጥ ካሰ ሹከቲዳ ድርሳ ደኡዋ ማጸፋን ሱንገላይ ጸፈትቤና አሳይ፣ ሳኦን ደእያዋ ኡባይ፣ ሄ ደአዉ ጎይናና።

9 ሰሰያ ሀይላይ ደእያ ኡራይ ሰሶ።

10 ኦሞደታና አሳይ ደኡ፣

ኦንን ኦሞደታናዋ።

ማሻን ሹከታና አሳይ ደኡ፣

ኦንን ማሻን ሹከታናዋ።

ጌሻቱዋ ዳንዳያይነ።

አማኑ ሀዋን ኤረታናዋ።

ታን ሳኦጥ ከሰያ ደአ በአድ።

11 ሄዋጥ ጉይያን፣ ሀራ ደአይ ሳኦጥ ከሰያዋ ታን በአድ። ድርሳ ካጭያ ማላትያ ላኡ ካጪ አዉ ደኤ፤ ሸን ሄ ደአይ ዳዋያዳን ሃሳይዳ።

12 ሄ ደአይ ኮይር ደአ ዋልቃማ ማታ ኡባ አ ሰንገላን ኦሌዳ። ሳኦይን ሳኦን ደእያ አሳይ ኡባይ አ ዋድያ ማይላይ ፓጺዳ ኮይር ደአዉ ጎይናና ማላ፣ ሄ ደአይ ጎዳቲዳ።

13 ሄ ላኤንላ ደአይ ዋልቃማ ማላታቱዋ ኦሌዳ፤ ሀራይ አቶ ታማ ሳሉዋጥ አሳ ኡባ ሰንገላ ሳኦ ዋላና ጋካናዉ ማላታቱዋ ኦሌዳ።

14 ኮይር ደአ ሰንገላን ኦላናዉ፣ አዉ እመቲዳ ማላታቱዋን ሳኦን ደእያ አሳ ኡባ አ ባለሌዳ። ማሻን ማይላቶጥን ፓጺ ደእያ ኮይር ደአ ቦንቾ ሞሰልያ ጊገሳናዳን፣ ሳኦ አሳ ኡባዉ ላኤንላ ደአይ ኦይዳ።

15 ቃይ ኮይር ደአ ሞሰሊ ሃሳናዳዳንን ባረዉ ጎይናና ኡባ ዋዳናዳን፣ ላኤንላ ደአይ ባረ ሸሞጥዋ ኮይር ደአ ሞሰልያን ሸሞጥዋ ገልሳናዉ አዛዘቲዳ።

16 አሳይ ኡባይ ዋጋይን ቄራይ፣ ማንቁን ዱራ፣ ዋማኑን አይሊ ባረ ኡሸቻ ኩሸያን ዋይ ባረ ዴሙዋን ማላ ዋላናዳን፣ ሄ ላኤንላ ደአይ ጎዳቲዳ።

17 ሄ ደአ ሱንገላይ ዋይ አ ሱንገላ ፓይዳ ደእያ ማላይ ባይና አሳይ ኦንን ዛልአናዉን ሻማናዉ ዳንዳዪ።

18 አጼዳ ኤራተላይ ሀዋን ደኤ። ኤራይ ደእያ ኦንን ሄ ደአ ፓይዳዋ ብለላ ኤር፤ እያዉ ጎጥ፣ ሄ ፓይዳ እት አሳ ሱንገላ። አ ፓይዳ ኡሱፑን ጾታን ኡሱፑን ታማን ኡሱፑና።

### 14

ታን ድርሳን 144,000 አሳቱዋ በአድ።

1 ሄዋጥ ጉይያን፣ ታን በአድ። በእተ፣ ድርሳይ ጸዮን ድርያ ቦላ ኤቄዳ። አ ሱንገላይን አ አቡ ሱንገላይ ዴሙዋን ጸፈቲዳ፣ እት ጾታን ኦይታማን ኦይዱ ሻአ አሳቱ አናና እትጥ ደአድ።

13:1 ዳኤላ 7:3፣ ሳፍ 17:3፣ 7-12    13:2 ዳኤላ 7:4-6    13:5 ዳኤላ 7:8፣ 25፣ 11:36  
13:7 ዳኤላ 7:21    13:8 ማዘ. 69:28    13:10 ኤር. 15:2፣ 43:11    14:1 ሀዘ. 9:4፣ ሳፍ 7:3

2 ሳሉዋጥ ኩንሉ ሃላ ጉንሳነ ዳዳ ጉንሳ ማላትያ ዋልቃማ ኮሻ ታን ሰሳድ። ቃይ ታን ሰሴዳ ኮሻይ ዲላ ዲጽያዋንቱ ባረንቱ ዲላ ዲጽና ሰሰትያ ኮሻ ማላቲ።

3 እት ጸታነ ኦይታማነ ኦይዱ ሻእ እሳቱ ካወተላ ኦይድያ ሰንላን፣ ኦይዱ ፓጸ ደእያ መታቱዋ ሰንላንነ ጭማቱዋ ሰንላን ኤቄድና። ሳእጥ ዋዘቲዳ ኡንቱንቱጥ እትን፣ ሀራይ ኦንነ ታማራናዉ ዳንዳየና ኦራላ ማዘመርያ የጴድና።

4 ሀዋንቱ ጌሻ እሳቱዋ ግድያ ድራዉ፣ ማጫዋንቱና ጋከቲደ ባረና ቱንሰበይክና። ደርሳይ \* ብያሳ ኡባ ኡንቱንቱ ካለና። ኡንቱንቱ ጸሳዉን ደርሳዉ ባይራ ግዳናዉ፣ ሳእ እሳ ግደጥ ዋዘቲዳዋንታ።

5 ኡንቱንቱ ኡባካ ዋርደት ኤርክና፤ ኡንቱንቱን ባይዙ ባዋ።

ታን ጸሳ ኪታንቻ በእድ

6 ሳእን ደእያ እሳ ኡባዉ፣ ዛርያ ኡባዉ፣ ቆሙዋ ኡባዉ፣ ዲማ ዲማ ቢታ ቃላ ኡባዉን ያራ ኡባዉ መጅና ዋንጋላ ሞሽራቹዋ አዋያናዉ፣ ቦላ ሳሉዋን ፓልያ ሀራ ኪታንቻ ታን በእድ።

7 ሄ ኪታንቻይ ባረ ቃላ ጶቁ ኦሊድ፣ “ጸሳዉ ያይተ፤ አ ቦንቾተ። አያዉ ጎጥ፣ ሳእ እሳ እ ፕርድያ ሳቲ ጋኬዳ። ሳሉዋ፣ ሳእ፣ አባነ ሃላ ፑልቱዋ መጴዳ ጸሳዉ ጎይንተ” ያጌዳ።

8 ሀራ ላኤንሉ ኪታንቻይ፣ “ዋልቃማ ባብሎና ኩንዳዲ፤ እዛ ኩንዳዲ ጋሱነካ እሳ ዛርያ ኡባ ኢታ ኦሱዋ ኦሰሰያ ድራሳ” ያጌደ፣ ኮይር ኪታንቻ ካሌዳ።

9 ሄዘንሉ ኪታንቻይ ባረ ኮሻ ጶቁ ኦሊድ፣ ሀዋዳን ያጌደ፣ ኮይር ላኡ ኪታንቻቱዋ ካሌዳ፤ “ደእዉን አ ሞሰለዉ ጎይንያ ኦንነ ቃይ አ ማላ ባረ ዳሙዋን ዋይ ባረ ኩሽያን ዋልያ ኦንነ ደእጥ።

10 ጸሳይ ባረ ዋልቃማ ሀንቁዋ ቡርጩኩዋን ኩንሌዳ ሀንቁዋ ዋይንያ ኤሳ እ ኡሻና። ሄዋ ኦሌዳ ኡባይ ጌሻ ኪታንቻቱዋ ሰንላንነ ደርሳ ሰንላን፣ ታማንነ ኤጽያ ዲንያን ፓጸ ካኤታና።

11 ኡንቱንታ ፓጸ ካእያ ታማ ጩዋይ መጅ መጅናዉ ጩዋታና። ደእዉን ሄ ደእ ሞሰለዉ ጎይንያ ኦሰነ ቃይ ሄ ደእ ሱንሳ ማላታና ደእያ ኦሰነ ቃማነ ጋላሰ ሸሞጥ ባዋ” ያጌዳ።

12 ጸሳዉ አዛዘትያነ የሱሳዉ አማነትያ ጌሻቱ ዳንዳይያ ዳንዳይያ ሀዋና።

13 ሄዋጥ ጉይያን ሳሉዋጥ፣ “ሀዋ ጸፋ፤ ሀዋጥ ሰንሳዉ ጎዳን ሀይቁያዋንቱ እንጀቲዳዋንታ” ያግያ ኮሻ ታን ሰሳድ።

አያናይ፣ “ቱማ፤ ኡንቱንቱ ባረንቱ ዳቡራጥ ሸሞፓና፤ አያዉ ጎጥ፣ ኡንቱንቱ ሎኦ ኪታዉ፣ ጸሳይ ሎኡዋን ዛራና” ያጌ።

ታን ቆይቻ ዋድያ በእድ

14 ቃይካ ታን በእድ። በእተ፣ ቦላ ሻሪ ደኤ። ሻርያ ቦላን እሳ ናእ ማላትያዌ ኡቴዳ፤ እ ሁጲያን ዋርቃ ካላቻይ፣ ቃይ እ ኩሽያን ቃራ ባጫይ ደኤ።

15 ሀራ ኪታንቻይ ጌሻ ጎልያጥ ከሲደ፣ ሻርያ ቦላን ኡቴዳዋ ባረ ቃላ ጶቁ ኦሊድ፣ “ቆይቻ ሳቲ ጋኬዳ ድራዉ፣ ነ ባጫ የዳደ ካላ ቆይጫ፤ አያዉ ጎጥ፣ ሳእ ካላይ መሌዳ” ያጌዳ።

16 ሻርያ ቦላን ኡቴዳዌ፣ ባረ ባጫ ሳእ የዲደ፣ ሳእ ካላ ጫኬዳ።

17 ቃይካ ሳሉዋን ደእያ ጌሻ ጎልያጥ ሀራ ኪታንቻይ ከሴዳ፤ አዉካ ኩሳ ባጫይ ደኤ።

18 ታማዉ ካፖ ግዳዳ ሀራ ኪታንቻይ ያርሽያ ሳጥ ከሲደ፣ ኩሳ ባጫይ ደእያ ኪታንቻዉ ባረ ቃላ ጶቁ ኦሊድ፣ “ዋይንያ አይፊ ቴራዳ ድራዉ፣ ነ ኩሳ ባጫ የዳደ፣ ሳእን ደእያ ዋይንያ ቱራጥ ሆንዶዳ አይፍያ ቃንጸ!” ያጌዳ።

19 ሄ ኪታንቻይ ባረ ባጫ ሳእ የዲደ፣ ሳእን ደእያ ዋይንያጥ ሆንዶዳ አይፍያ ቃንጸዳ፤ ጸሳ ዋልቃማ ሀንቁዋ ሄ ዋይንያ ጉሞእያ ኦላን የጌዳ።

20 ካታማጥ ጋጸን ደእያ ዋይንያ አይፍያ ጉሞእያ ኦላን ዋይንያ አይፊ ጉሞኤቲ። ሱሳይ ከሲደ፣ ሄ ዋይንያ ጉሞእያ ኦላጥ ሄዙ ጸቱ ኪሎ ሚትርያ

\* 14:4 ደርሳ- የሱሳዉ አመቲዳ ሱንሳ። 14:5 ሶር. 3:13 14:8 እሳ. 21:9፤ ኤር. 51:8፤ ሳፍ 18:2 14:10 እሳ. 51:17፤ ደመላ 19:24፤ ህዘ. 38:22 14:11 እሳ. 34:10 14:14 ዳኔላ 7:13 14:15 እዪ. 3:13 14:20 እሳ. 63:3፤ ሴላ 1:15፤ ሳፍ 19:15



ከና ሃኪድ፣ ፓራው ፑሉዋ ጋክያዋ ከና ጾቁ ጊደ ኤሌዳ።

ጋካናው፣ ጌሻ ጎልያ ኦንነ ገላናው ዳንዳይቤና።

15

16

ታን ቡርጩኩዋ አባ ቤኣድ  
1 ታን ሳሉዋን ሀራ ዋልቃማን ማላልሰያ ማላ በኣድ። ጸሳ ሀንቁ ኡንቱንቱ ቦላን ፖለትያ ድራው፣ ወርሰሳ ላፑ ቦሻና ደእያ ላፑ ኪታንቻቱ ደኣኖ።

2 ቃይካ ታን ቡርጩኩዋ አባ ማላትያዋ ታማና ዋላከቲዳዋ በኣድ። ቃይ ደኣ፣ አ ሞሰልያን አ ሱንሳ ፓይዲዋ ጸኔዳዋንታ በኣድ። ጸሳይ ኡንቱንቱ እሜዳ ዲላቱዋ ኦይቂድ፣ ቡርጩኩዋ ማላትያ አባ ማታን ኡንቱንቱ ኤቁድኖ።

3 ኡንቱንቱ፣ ጸሳ ኦሳንቻ ሙሴ ማዝሙርያን ደርሳ ማዝሙርያ ሀዋዳን የጼድኖ።

“ጎዳው፣ ኡባፕ ዋልቃማ ጸሳው፣ ነ ኪታይ ግታን ማላልሰያዋ።

አሳ ዛርያ ኡባ ካተው፣ ነ ኦጊ ጽሉዋን ቱሙዋ።

4 ጎዳው፣ ነው ያየናዌን ነ ሱንሳ ቦንቹናዌ ኦኔ?

አያው ጎፕ፣ ጌሻይ ነ ጸላላ። አሳ ዛርያ ኡባይ ዪደ፣ ነ ሰንሳን ጎይናና፤

አያው ጎፕ፣ ነ ጽሎ ኪታይ ኡባዉ ቆንጩዳ”

ያጊደ የጸድኖ።

ላፑ ቦሻና ደእያ ላፑ ኪታንቻቱዋ

5 ሄዋፕ ጉይያን፣ ታን ሳሉዋን ደእያ ጌሻ ጎሊ ደየቶዋ ሄዌካ ማርካተላ ዲንካንያ በኣድ።

6 ላፑ ቦሻና ደእያ ላፑ ኪታንቻቱ ጌሻ ጎልያፕ ከሴድኖ። ኡንቱንቱ ጸሊደ ቦጽያ ላይኑዋ ማዩዋ ማዬድኖ፤ ባርንቱ ትራ ዋርቃ ዳንጩዋን የሽ አሊደ ቃቹድኖ።

7 ደኡዋን ደእያ ኦይዱ መጋታቱዋፕ እቱ፣ መጵ መጵናው ጋካናው ደእያ ጸሳ ሀንቁ ኩሜዳ ላፑ ዋርቃ ከረቱዋ ላፑ ኪታንቻቶ እሜዳ።

8 ጸሳ ቦንቹዋፕን አ ዋልቃፕ ዬዳ ጩዋይ ጌሻ ጎልያ ኩሜዳ። ላፑ ኪታንቻቱ አሄዳ ላፑ ቦሻቱ ፖለታና

ጸሳ ሀንቁ ኩሜዳ ከረቱዋ  
1 ሄዋፕ ጉይያን፣ ላፑ ኪታንቻቶ፣ “ቢደ ጸሳ ሀንቁዋ ላፑ ከርያፕ ሳኣን ጉሰተ” ያጊደ፣ ጌሻ ጎልያፕ ሃሳይያ ዋልቃማ ኮሻ ታን ሰሳድ።

2 ኮይር ኪታንቻይ ቢደ፣ ባር ከርያን ደእያዋ ሳኣን ጉሰና፣ ዶኣ ማላይ ደእያዋንቱ ቦላን ሄ ዶኣ ሞሰላው ጎይንያዋንቱ ቦላ ሎይሳ ሳክያ ማይሳ ከሴዳ።

3 ላኤንሎ ኪታንቻይ ባር ከርያን ደእያዋ አባን ጉሰና አባ ሃሳይ ሀይቁዳ አሳ ሱላ ማላቲዳ። ቃይ አባን ደእያ መጋታ ኡባይካ ሀይቁ አጌዳ።

4 ሄዘንሎ ኪታንቻይ ባር ከርያን ደእያዋ ሻፋቱዋን፣ ፑልታቱዋን ጉሰና ኡንቱንቱ ሱላ ግዴድኖ።

5 ሃላው አዋትያ ኪታንቻይ ሀዋዳን ያግያዋ፣ ታን ሰሳድ፤

“ካሰካ ሀኣካ ደእያ ጎዳው፣ ጌሻው፣ ሀ ፕርዳ ፕርዳዳ ድራው፣

ኔን ጽሉዋ።

6 ኡንቱንቱ ጌሻቱዋ ሱላን፣ ናባቱዋ ሱላ ጉሴዳ ድራው፣ ኔን ኡንቱንታ ኡሻናው፣ ሱላ ኡንቱንቶ እማዳ።

ኡንቱንቱ ባርንቶ፣ በሰያዋ አኬድኖ”

ያጊዳ።

7 ያርሹዋ ያርሽያ ሳፕ፣ “ጎዳው፣ ኡባፕ ዋልቃማ ጸሳው፣ ነ ፕርዳይ ቱሙዋን ጽሉዋ!”

ያግያ ኮሻ ታን ሰሳድ።

8 ኦይይንሎ ኪታንቻይ ባር ከርያን ደእያዋ አዋይፍያ ቦላን ጉሰና ባር ታማ ሴላን አሳ ጉዳናው፣ አዋይፊው ማታይ እመቲዳ።

9 አሳይ ዋልቃማ ሴላን ጉደቲደ ሀ ቦሻቱዋ ቦላን ማታይ ደእያ ጸሳ ሱንሳ ቦሬዳ። ሽን ባር ናጋራፕ ሰሞቤናን ጸሳ ግታተካ ቦንቻቤና።

10 እቼሽንሎ ኪታንቻይ ባር ከርያን ደእያዋ ዶኣ ካዉተላ ኦይድያ ቦላ ጉሰና፣ ሄ ዶኣ ካዉተላይ ጹሜዳ።

15:3 ከሳ 15:1 15:4 ኤ.ር. 10:7፤ ማዘ. 86:9 15:5 ከሳ 38:21 15:8 ከሳ 40:34፤ 1 ካታ. 8:10-11፤ 2 ኦዲዋ 5:13-14፤ ኢሳ. 6:4 16:2 ከሳ 9:10 16:4 ከሳ 7:17-21፤ ማዘ. 78:44 16:10 ከሳ 10:21

# 17

አሳይ ባረ ሴላ ድራው፥ ባረ እንጸርሳ ሳኤዳ።

11 ቃይ አሳይ ባረ ሴላ ድራውን ባረ ማይላ ድራው ሳሉዋ ጸሳ ሸቄዳ። ሸን ባረ ኦሌዳ ናጋራፕ ሰምቤና።

12 ኡሱፑንሳ ኪታንቻይ ባረ ከርያን ደእያዋ ዋጋ ኤፍራጺሳ ጌተትያ ሻፋን ጉሰና አዋይ ዶልያ ባጋፕ ያና ካታቶ ኦጊ ገጋናዳን፥ ሃሳይ መሌዳ።

13 ሄዋፕ ጉይያን፥ ታን ሹድያ ማላትያ ሄዙ ቱና እያናቱ ዳዋያ ደናፕ፥ ዱኦ ደናፕን ዋርዱዋ ትምቢትያ ኦድያዋ ደናፕ ከሰሸን በእድ።

14 ኡንቱንቱ ማላቱዋ አልያ ጸላሀቱዋ እያናቱዋ። ሄ ሄዙ ኢታ እያናቱ ኡባፕ ዋልቃማ ጸሳ ዋልቃማ ጋላሳን፥ ሳኦ ካታቱዋ ኡባ ኦላዉ ሸሻናዉ ባና።

15 “በእ፥ ታን ካይሱዋዳን ያና። አሳ ሰንሳን ካሎ ሀመቲደ ዬላተና ማላ፥ ገምእሸናን ባረ ማዩዋ ማዩደ ናግያ ኡራይ እንጀቱዳዋ!” ያጌዳ።

16 ሄ ኢታ እያናቱ ካተቱዋ አብራይሰጸ ቃላን አርማገደና \* ጌተትያ ሳኦ ሸሹድና።

17 ላፑንሳ ኪታንቻይ ባረ ከርያን ደእያዋ ጫርኩዋን ጉሰና፥ ጌሻ ጎልያን ደእያ አራታፕ፥ “ፖለቲዳ” ያግያ ዋልቃማ ኮሻይ ዬዳ።

18 ሄዋፕ ጉይያን፥ ዋልቃንሳይ ዋልቃማዳ፤ ጉንሳይ ሰሰቲዳ፤ ጉጉንሳይካ ጉሜዳ። ቃይ ቢታይ ፓላ ቃላ ቃጾዳ። አሳይ ሳኦን መቶደፕካ ቢታይ ሄዋ ማላ ቃላ ቃጾ ኡረና፤ ሄዋ ኡባፕ አዴዳ ቃላ።

19 ዋልቃማ ካታማይ ሄዙ ከሲደ ዛኤዳ። ቢታ ኡባን ደእያ ካታማቱ ጳዬድና። ጸሳይ ዋልቃማ ባብሎኖ ቆፒደ፥ ባረ ኢታ ሀንቁዋ ዋይንያ ኤሳይ ኩሜዳ ቡርጩኩዋፕ ዋይንያ ኤሳ ባብሎኖ ኡሹዳ።

20 አባን ዶደቲዳ ቢታይ ኡባይ ጳዬዳ፤ ደሪካ ቤትቤና።

21 አሳ ቦላ ኦይታሙ ኪሎ ከና ዴጽያ ዋልቃማ ሻቻይ ሳሉዋፕ ዋዴዳ። አሳይ ሄ ሻቻ ቦሻ ድራው፥ ጸሳ ቦሬዳ፤ እያዉ ጎፕ፥ ቦሻይ ዳር ዋልቃማ።

ባብሎን ቦላ ያና ሙራ

1 ሄዋፕ ጉይያን፥ ላፑ ከረቱ ደእያ ላፑ ኪታንቻቱዋፕ እቱ ታኮ ዪደ፥ ታና ሀዋዳን ያጌዳ፤ “ሃያ፤ ዳር ሻፋቱዋ ጋጸን ደእያ ዋሹምያ፥ ዋልቃማ ካታማታ፥ ዋና ሙራታንንቶ፥ ታን ኔና በሳና።

2 ሳኦን ደእያ ካታቱ እዝና ዋሹሜድና፤ ሳኦን ደእያ አሳይካ እዝ ዋይንያ ኤሳ ኡሽ ማላቲደ እዝና ዋሹሜዳ” ያጌዳ።

3 ሄ ኪታንቻይ ታና እያናን ባዙዋ አፊዳ። ሄዋን ታን እት ሞሽራቶ ቦርያ ሱንሳይ ቦላ ኡባን ጸፈት ኡቲዳ ዘኦ ደኦ ቶጌዳዉኖ በእድ፤ ሄ ደእዉ ላፑ ሁጺያን ታሙ ካጪ ደኤ።

4 ሄ ሞሽራታ ቲራ ኦቻ ማላትያ ማዩዋን ዘኦ ማዩዋ ማያዲ፤ እዛ ቃይ ዋርቃን፥ ቦንቾ ሹቻን እንቁዋ ጌተትያ አልኦ ሹቻን አሌቃድ። እዛ ዋሹምያ ቱናባይን ሸንይያባይ ኩሜዳ ዋርቃ ቡርጩኩዋ ባረ ኩሽያን ኦይቃድ።

5 እዝ ደሙዋን ጹራ የዉዋ ብለሳይ ደእያ ሱንሳይ፥

“ዋልቃማ ባብሎኖ፤  
ሳኦን ደእያ  
ዋሹምያዋንቶን  
ሳኦን ደእያ  
ሸንይያባዉ አቶ”

ያግያዎ ጸፈት ኡቲዳ።

6 ቃይ ሄ ሞሽራታ ጌሻቱዋ ሱላን የሱሳዉ ማርካትሸን ዋዴዳዋንቱ ሱላ ኡሻደ ማላቲዳዉኖ ታን በኦደ ማላለታድ።

7 ኪታንቻይ ታና፥ “ኔን እያዉ ሀዋዳን ማላለታዲ? ታን ነዉ ሞሽራት ጹራ የዉዋን እዛ ቶኩዳ ላፑ ሁጺያን ታሙ ካጪ ደእያ ዱኦ ጹራ የዉዋ ኦዳና።

8 ኔን በኤዳ ደእይ ካሰ ደኤ፤ ሸን ሀእ ባዋ። ሄ ደእይ ጨዋ ኦላፕ ኤለ ከሲደ፥ ባሻዉ ባናዋ። አላሚ መቶደፕ ዶሚደ፥ ደኡዋ ማጻፋን

16:12 አሳ. 11:15 \* 16:16 አርማገደና፡- ሀ ቃላዉ ኮይሮት ደእያ አብራይሰጸያ መታታይ፥ “ሀር-ማግዶ” ያግያዋ ግዲደ፥ “ሀር-ማግዶ” ግያዋ ደእያ ብለሳይ፥ “ሚግዶ-ዘዝያ” ያግያዋ። ሀዋ ጉሳይ በን ዋድያን አሳይ ጮራ ኦላ ኦላቲዳ ሳኦ ጉሳ። 16:16 2 ካታ. 23:29፤ ዛካ. 12:11 16:19 አሳ. 51:17 16:21 ከሳ 9:23፤ ሳፍ 11:19 17:2 አሳ. 23:17፤ ኤር. 51:7 17:4 ኤር. 51:7

ኤንቱንቱ ሱንጻይ ጸፈትቤና ሳኣን ደእያ አሳይ ዶኣ በኢይ ማላለታና። እያው ጎጥ፣ እ ካሰ ደኤ፤ ሀእ ባዋ፤ ሸን ሰንጻጥ ያናዋ።

9 “ሀዌ አዴዳ ኤራተላነ አኬካ ኮዬ። ላፑ ሁጺ ሞሸራታ ኡትያ ላፑ ደረቱዋ፤ ሄዋንቱ ቃይ ላፑ ካታቱዋ።

10 ኤንቱንቱጥ እቼሹ ካታቱ ኩንዴድና። እቱ ሀእ ጋካናሰካ ሞዴ፤ የኮ ካቲ ይቤና። እ ዩደ፣ ጉላ ዋድያ ታካናው በሴ።

11 ካሰ ደኤዳ ዶኣይ፣ ሀእ ባይናዌ፣ እ ባረ ሁጻው ሆሰፑንጻ ዶኣ። እ ላፑ ዶኣቱዋጥ እቱዋ፤ እ ጳያናው ቤ።

12 “ኔን በኤዳ ታሙ ካጩቱ ሞዳናው ዶሞቤና ታሙ ካተቱዋ። ሸን ኤንቱንቱ ዶኣና እትጥ እት ሳተዉ ካተቱዋዳን ሞዳናው ኤንቱንቶ ማታይ አሙታና።

13 ኤንቱንቶ ኡባዉ እት ቆፋይ ደኤ፤ ኤንቱንቱ ባረንቱ ዋልቃነ ባረንቱ ማታ ዶኣው እማና።

14 ኤንቱንቱ ዶርሳና ኦለታና፤ ሸን ዶርሳይነ ዶርሳና ደእያዋንቱ፣ እ ጸጌዳዋንቱነ ዶሬዳዋንቱ፣ እ ካልያ አማነቲዳዋንቱ፣ ሄ ካተቱዋ ጸናና፤ እያው ጎጥ፣ እ ጎዳቱዋ ጎዳነ ካተቱዋ ካትያ” ያጌዳ።

15 ኪታንቻይ ቃይካ ታና ሀዋዳን ያጌዳ፤ “ጫራታ ኡቲዳ ሄ ኔን በኤዳ ሃላይ ያራቱዋ፣ ጮራ አሳ፣ አሳ ዛራቱዋነ ዱማ ዱማ ቢታ ቃላ።

16 ቃይ ኔን በኤዳ ታሙ ካጪነ ዶኣይ ሞሹመዉና እጸናዋንታ። ኤንቱንቱ እዘዉ ደእያ ኡባባ እክ ድጋና። ቃይ እዘ ካሎ አሻናነ እዘ አሹዋ ሞ ድጋና፤ ያቲደ ኤንቱንቱ እዘ ታማን ጉዳና።

17 እያው ጎጥ፣ ጸሳ ቃላይ ቱማታና ጋካናው፣ ኤንቱንቱ ቆፋይ እቱዋ ግዳናዳን፣ ኤንቱንቱ ባረንቱ ሞድያ ዋልቃ ዶኣው እማናዳን፤ ጸሳይ ቆፐዳዋ ኤንቱንቱ ኦላናዳን፣ ኤንቱንቱ ዋዛናን ጸሳይ አሙዋ ዋሌዳ።

18 “ሄ ኔን በኤዳ ሞሸራታ ሳኣ ካተቱዋ ሞድያ ዋልቃማ ካታማቶ” ያጌዳ።

# 18

ባብሎን ኩንደላ

1 ሄዋጥ ጉይያን፣ ዋልቃማ ማታይ ደእያ ሀራ ኪታንቻይ ሳሉዋጥ ዋድሸን፣ ታን በኣድ። ሄ ኪታንቻ ቦንቹ ሳኣ ፖእሴዳ።

2 ሄ ኪታንቻይ ባረ ኮሻ ጶቁ ኦሌደ፣ “እዛ ኩንደዳ፤

ዋልቃማ ባብሎና ኩንደዳ፤ ባብሎና ጸላሀቱ እቅያሳ ግዳዳ፤ ኢታ እያናቱ ኡባቱነ፣ እጸትያ ኢታ ካፋቱ ኡባቱ ኢን ደኣና።

3 እያው ጎጥ፣ እሳ ዛርያ ኡባ፣ ባረ ማላይያ ዋይንያ ኤሳ ኡሸና፣ እዘና ዋሹሜድና። ቃይካ ሳኣ ካታቱ፣ እዘና ዋሹሜድና። እዘ እሻሎ ዋልቃ ጋሱዋን፣ ሳኣን ደእያ ዘልእንቻቱ “ዴረቲድና”

ያጌዳ።

4 ሄዋጥ ጉይያን፣ ታን ሳሉዋጥ፣ ሀዋዳን ያግያ ሀራ ኮሻ ሰሳድ፤ “ታ አሳዉ፣ ኢጥ ከሰተ! እዘ ናጋራ እዘና ኮጸጥተ! እዘ ሙራ ግሸቶጥተ።

5 እያው ጎጥ፣ እዘ ናጋራይ፣ ሳሉዋ ጋካናው ዶረት ኡቲዳ። ጸሳይ እዘ ኢታ ባይዙዋ፣ ሀሳዬዳ። 6 እዛ እሜዳዋ ኬና ዛሪደ፣ እዘዉ እሞተ። እዛ ኦሌዳዋ፣ ላኡ ኩሸያ እዘዉ ቃንጽተ። እዛ ሀንተንቶ ጊግሴዳ ኡሻጥ፣ ላኡ ኩሸያ ኡሻ፣ እዘ ቡርጩኩዋ ኩንለተ።

7 እዛ ቦንቹቲዳዋነ፣ እሻሌዳዋ ኬና፣ እዘ ቱጋይተነ ካዮይተ። እዛ ባረ ዋዛናን፣ ‘ታን ካታቲዳን ኡታይ፤ ታን አሰናይ ባይና ማጫዉና ግድከ፤ ቃይ ኡባካ ካዮትከ፣ ያጋዉ።

8 ሄዋ ድራዉ፣ እዘ ቦሻ ኡባይ፣ ሀርጌ፣ ካዩነ ኮሻይ፣ እዘ እት ጋሳሰ ኦይቃና። ቃይ እዛ ታማን ጉደታና፤ እያው ጎጥ፣

17:8 ዳኔላ 7:7፤ ሳፃ 11:7፤ ማዘ. 69:28 17:12 ዳኔላ 7:24 18:2 ኢሳ. 13:21፤ 21:9፤ ኤር. 50:39፤ 51:8፤ ሳፃ 14:8 18:3 ኢሳ. 23:17፤ ኤር. 51:7 18:5 ዶሞላ 18:20-21፤ ኤር. 51:9 18:6 ማዘ. 137:8፤ ኤር. 50:29 18:7 ኢሳ. 47:7-9

እዝ ቦላ ፕርድያ ጎዳ ጸሳይ፡  
ዎልቃማ”

ያጌድ።

9 ሳኣ ካታቱ፡ እዝና ዎሹሚደ  
እሻሌዳዋንቱ ሄ ካታማታ ጉደትና፡  
ከሰያ ጨዋ በኤዳ ዎደ፡ ካታማትዉ  
ኡንቱንቱ ዋሳናን ዬካና።

10 ኡንቱንቱ ሄ ካታማት ኡጋዉ  
ያዬዳ ድራዉ፡ ሃክ ኤቂደ፡ “ሀ  
ዎልቃማ ካታማቱ! ዎልቃማ  
ካታማቱ! ባብሎኔ፡ ነዉ አዬር! ኔን  
አይ ማላ ቱጋታነሻ። ኔን እት ሳትያ  
ግደን ነ ፕርዳ አካዳ” ያጋና።

11 ኡንቱንቱ ማርካብያ ጫና ሀዋፕ  
ሰንፋናዉ ሻምያባይ ባይና ድራዉ፡  
ሳኣን ደእያ ዛልአንቻቱ ሄ ካታማትዉ  
ዋሳናን ካዮታና።

12 ኡንቱንቱ ዎርቃ፡ ብራ፡ ቦንቾ  
ሹቻ፡ እንቁዋ ጌተትያ አልኦ ሹቻ፡  
ቴራ ኦቻ ማላትያ ማዩዋ፡ ሱፍያ ማላ  
ማዩዋ፡ ሀርያ ጌተትያ ማዩዋ፡ ዞኦ  
ማዩዋ፡ ኡባ ቆዋ ሳዊያ ሞላ፡ ኡባ  
ቆሙዋን ኦሌዳ ዳንጋርሳ አቻ፡ አልኦ  
ሞላፕ መፍቲዳባ፡ ናሃሰያ፡ ብራታ፡  
አብነበረድያ ጌተትያ ሹቻ፡

13 ቃራፋ፡ ቅማምያ፡ እጻና፡ ሸቱዋ፡  
ሳዊያ እጻና ቋልያ፡ ዎይንያ ኤሳ፡  
ዎጋራ ዛይትያ፡ ለቁዳ ጳልያ፡ ዛርጋ፡  
ሚዛ፡ ዶርሳ፡ ፓራነ ፓራይ ጎቻያ ጋርያ፡  
ኡንቱንቱ አይለቱዋን ሀራይ አቶ አሳ  
ሸምፑን ሻምያባይካ ባዋ።

14 ዛልአንቻቱ ሞሽራትዉ፡  
“ኔን አሞቴዳ፡  
ሎኦባይ ኡባይ ኔፕ ሀል ድጌዳ።  
ነ ደኡነ፡  
አሌቀትያባይ ኡባይ ጳይድጌዳ።  
ኔን ሳኤንሶ ኡንቱንታ ኡባካ  
ደማካ”

ያጌድና።

15 ሄ ካታማትን ዛልኢደ ዱረቴዳ  
ዛልአንቻቱ እዝ ኡጋዉ ያዪደ፡ ኢፕ  
ሃኪደ ኤቃና። ኡንቱንቱ ዬካናን  
ካዮታና።

16 ቃይ፡

“ሱፍያ ጌተትያ፡  
ክርያን ደደቱዳ ማዩዋ፡  
ቴራ ኦቻ ማላትያ፡  
ማዩዋን ዞኦ ማዩዋ ማያደ፡

ዎርቃ አሌቁዋን፡

ቦንቾ ሹቻን፡

እንቁዋ ጌተትያ አልኦ ሹቻን  
አሌቁዳ፡

ሄ ዎልቃማ ካታማትዉ አዬር!

17 ሀዋ ከና ዎልቃማ ማጹ ኡባይ፡  
እት ሳትያ ግደን፡ ድፕ ግ ጳይ  
አጌዳ”

ያጌድና።

ማርካብያ ላግያ ኡባቱ፡ ማርካብያን  
ብያ ኡባቱ፡ ማርካብያን ኦሳያ ኡባቱን  
አባን ኦሳ ጎኤትያ ኡባቱ ሃክ ኤቁድና።

18 ሄ ካታማታ ጉደትና ከሰያ  
ጨዋ በኤዳ ዎደ ባረንቱ ኮሻ ቶቁ  
ኦሊደ፡ “ሀ ዎልቃማ ካታማቶ ማላትያ  
ካታማይ ኡባካ ባዋ” ያጌድና።

19 ኡንቱንቱ ባረንቱ ሁጲያን ባና  
ቆሊደ፡ ዋሴድናን ካዮቴድና፤  
“አባን ማርካባቱ ደእያ ኡባ፡  
ባረ ማቁዋን ዱረይዳ፡  
ዎልቃማ ካታማትዉ አዬር!  
ቃይ እዝዉ ደእያባይ ኡባይ  
እት ሳትያ ግደን ጳይ አጌዳ።

20 ሄ ካታማታ ጳይዳ ድራዉ፡  
ሳሎ፡ ናሽታ!

ጌሻቶ፡ የሱሰ ኪቴዳዋንቶ፡

ናባቶ፡ ናሽትተ!

አያዉ ጎፕ፡

እዛ ሀንተንታ ኦሌዳዋ ድራዉ፡

ጸሳይ እዝ ፕርዳዳ” ያጌዳ።

21 ሄዋፕ ጉይያን፡

ዎልቃማ ኪታንቻይ፡

ዎጻ ማላትያ ዎልቃማ ሹቻ፡

ደንሳ አባን ኦሊደ ሀዋዳን  
ያጌዳ፤

“ዎልቃማ ካታማታ፡

ባብሎና፡ ሱግና ሀዋዳን ኩንዳና፤

እዛ ሀቼፕ ሰንፋዉ፡ ኡባካ  
ቤቱኩ።

22 ዲላ ዲጽያዋንቱ፡

ማዝሙርያ የጽያዋንቱ፡

ሱሱልያን ማላካታ ፑንያዋንቱ፡

ኮሻይ ሀዋፕ ሀን ባጋን፡

ነ ግደን ኡባካ ሰሰተና።

ኩሽያ ሂላ ኤርያ ኦን፡

ሳኤንሶ ኡባካ ደኤና።

ዎጻ ኮሻይካ

18:9 ሀዘ. 26:16-17 18:11 ሀዘ. 27:31፣ 36 18:12 ሀዘ. 27:12፣ 13፣ 22 18:15  
ሀዘ. 27:31፣ 36 18:17 አሊ. 23:14፤ ሀዘ. 27:26-30 18:18 ሀዘ. 27:32 18:19  
ሀዘ. 27:30-34 18:20 ዛረ. 32:43፤ ኤር. 51:48 18:21 ኤር. 51:63-64፤ ሀዘ. 26:21  
18:22 ሀዘ. 26:13፤ አሊ. 24:8 18:22 ኤር. 7:34፤ 25:10

ሀዋጥ ሰንፋው ነ ግደን ሰሰተና።

23 ጸምጥያ ፖኡካ ላኤንሉዋ ነ ግደን ፖኡና።  
እክያዋ ኮሻይነ ገለውን ኮሻይ።  
ሰንፋው ነ ግደን ሰሰተና።  
ነ ዛልአንቻቱ ሳእ ኡባን።  
ኤረቴዳ ዋልቃማቱዋ።  
ነ ብትያዋን አሳ ዛርያ ኡባይ ጭመቲዳ።

24 ናባቱዋ ሱላይ።  
ጌሻቱዋ ሱላይነ።  
ሳእን ሀይቄዳ ኡባቱዋ ሱላይ።  
እዘን ቤቴዳ ድራው።  
ባብሎና፣ ሙረታዱ።”  
ያጌዳ።

**19**

1 ሄዋጥ ጉይያን፣ ሳሉዋን ጮራ አሳ ኮሻዳን ኮሹዋን ዋልቃማ ኮሻይ ሀዋዳን ያግያዋ ታን ሰሳድ፤ “ጸሳ ጋላታይ ጋኮ።

አቶተላይ፣ ቦንቹን ዋልቃይ፣ ኑ ጸሳሳ።

2 አ ፕርዳይ ቱሙዋን ጽሉዋ። ጫራታደ ሳእ ቱንሴዳ፣ ዋልቃማ ጫራቶ ጸሳይ ፕርዳዳ፤ ጸሳ አሳንቻቱዋ እዛ ዋጴዳ ድራው።

ጸሳይ እዘ ሙራዳ”  
ያጌዳ።

3 አሳይ ላኤንሉዋ ባረ ኮሻ ቋቁ አሲደ፣ “ጸሳ ጋላታይ ጋኮ።

ሄ ካታማታ መጅ መጅናው ጩዋታና”  
ያጌድና።

4 ላታማነ ኦይዱ ጭማቱነ ሸምጥዋና ደእያ ኦይዱ መጋታቱ ካወተላ ኦይድያን ኡቴዳ ጸሳው ጉፋኒደ፣ “እመንእ። ጸሳ ጋላታይ ጋኮ” ያጌደ ጎይኔድና።

ደርሳ ቡላቻው ጸሰያ ጸሳ

5 ሄዋጥ ጉይያን፣ “ጸሳ አይላቱ ኡባይ፣ ጸሳው ያይያ ጉላይ፣

ዳሩ ኡባይ ኑ ጸሳ ጋላትተ”

ያግያ ኮሻይ ካወተላ ኦይድያጥ ከሴዳ።

6 ሄዋጥ ጉይያን፣ ጮራ አሳዳን ኮሹዋን፣ ዋልቃማ ሻፋዳን ጉምያ፣

ዋልቃማ ጉጉንፋዳን ጉጉምያ ኮሻ ታን ሰሳድ። ሄ ኮሻይ፣

“ጸሳ ጋላታይ ጋኮ።

አያው ጎጥ፣ ኑ ጎዳይ፣

ኡባጥ ዋልቃማ ጸሳይ ካወቲዳ።

7 ደርሳ ቡላቻ ጋላሳይ ጋኬዳ ድራውነ፣

ገለውናካ ቡላቻው ባረና ገግሴዳ ድራው፣

ኑን ጋሽኮይተነ ናሽቶይተ፤

ቃይ ደርሳ ቦንቹይተ።

8 ገለውንው ማያናው፣

ሱፍያ ጌተትያ ክርያን ዳደቲዳ፣

ጸልያ ቦላ ማዩ እመቲዳ።

ሱፍያ ጌተትያ ክርያን ዳደቲዳ ማዩ፣  
ጌሻቱዋ ጽሎ ኦሱዋ”

ያግያዋ፣ ታን ሰሳድ።

9 ሄዋጥ ጉይያን፣ ኪታንቻይ ታና፣

“ ደርሳ ቡላቻው ጸሰቲዳዋንቱ እንጀቲዳዋንታ” ያጋይ ጸፋ” ያጌዳ። ሄ ኪታንቻይ ቃይካ ታና፣ “ሀዌ ጸሳ ቱሙ ቃላ” ያጌዳ።

10 ሄዋጥ ጉዩ ታን አዉ ጎይናናዉ

አ ገድያን ኩንዳድ። ሸን እ ታና፣ “ሄዋ አላፓ። ታን ነ ማላነ የሱሰ ኡንቱንቶ ቆንጭሴዳ ቱማተላ ኦይቄዳ ነ እሻቱዋ ኡባ ማላ አይልያ። ጸሳው ጎይና። አያው ጎጥ፣ የሱሰ ቆንጭሴዳ ቱማተላይ ትምቢትያ ኦድያዋ ደንገልያዋ” ያጌዳ።

ቦላ ፓራ ቶጌዳዋ

11 ያትና፣ ሳሉ ደየቲዳዋ ታን ቦአድ። ሄዋን ቦላ ፓራይ ደኤ፤ ሄ ፓራ ቶጌዳዌ አማነትያዋን ቱማንቻ ጊደ ጸሰቲ። ቶጌዳዌ ጽሎተላን ፕርዳነ ባረ ኦላካ ኦላቲ።

12 አ አይፊ ታማ ላጩዋ ማላቲ፤ ቃይ እ ባረ ሁጲያን ዳር ካላቻ ዋሴዳ። አ ቦላ ጸፊት ኡቴዳ ሱንጎይ ደኤ፤ ሸን ሄ ሱንጎይ አየንቶነ አጥ አትን፣ ኦንነ ኤረና።

13 አ ማዬዳ ማዩ ሱላን ናቂ ከሴዳዋ። አ ሱንጎይካ ጸሳ ቃላ።

14 ሳሉዋ ዋታዳራቱ ቦላ ጌሻ ሱፍያ ጌተትያ ክርያን ዳደቲዳ ማዩዋ ማዩደ፣ ቦላ ፓራቱዋ ቶጊደ፣ አ ጌዱዋ ካሊና።

18:24 ኤር. 51:49 19:2 ዛረ. 32:43፤ 2 ካታ. 9:7 19:3 እሳ. 34:10 19:5 ማዘ. 115:13 19:6 ሀዘ. 1:24፤ ማዘ. 93:1፤ 97:1፤ 99:1 19:11 ሀዘ. 1:1፤ ማዘ. 96:13፤ እሳ. 11:4 19:12 ዳኔላ 10:6

15 አሳ ዘረሳ እ ጳይሰያ ኩሳ ማሻይ አ ደናፕ ከሴ። ብራታ ጸምኢን አሳ እ ሞዳና። ኡባፕ ዎልቃማ ጸሳይ ባረ ሀንቁዎ ዎይንያ ኤሳይ ጉምኤትያሳን። ጉምኤደ በሳና።

16 አ ማዩዎ ቦላን አ ዎድርያ ቦላ። “ካታቱዎ ካትያን ጎዳቱዎ ጎዳ” ያግያ ሱንሳይ ጸፈት ኡቴዳ።

17 ሄዋፕ ጉይያን። ታን እት ኪታንቻይ አዎን ኤቁዳዎ በኣድ። ሄ ኪታንቻይ ሳሉዋን ጳቂደ ፓልያ ካፋዎ ኡባቶ ባረ ኮሻ ጳቂ ኦሲደ። “ሃ ዪተ። ጸሳ ካዎ እትሳ ሺቅተ።

18 ዪደ ካታቱዎ አሹዋ። ሻለቃቱዎ አሹዋን ዎታዳራቱዎ አሹዋ ማተ፤ ፓራቱዎ አሹዋን ፓራቱዎ ቶጌዳዎንቱ አሹዋን ማተ፤ ቃይ አሳ ኡባ አሹዋ አይልያዎን ዎማኑዎ። ጳቃዎን ሆካዎ ማተ” ያጌዳ።

19 ፓራ ቶጌዳዎናን አ ዎታዳራቱዎና ኦለታናዉ። ደአይን ሳኣ ካታቱ ቃይ ኡንቱንቱ ዎታዳራቱ እት ሳኣ ሺቅ ኡቴዳዎንታ ታን በኣድ።

20 ሄ ደአይ አ ሰንሳን ማላታ ኦሌዳ ዎርድ ናብያና እትፕ ኦይቀቱዳ። ደአ ማሳይ ደአያዎንታን ደአ ሞሰለዉ ጎይኔዳዎንታ እ ባለሌዳዌ ሄ ኦላያ ማላታቱዎና። ደአይን ዎርዱዎ ትምቢትያ ኦድያዌ ላኣቱካ ዲንያን ኤጵያ ታማ አባን ፓጸ የገቱድና።

21 ኡንቱንቱ ዎታዳራቱ ፓራ ቶጌዳዎ ደናፕ ከሴያ ማሻን ሀይቁድና። ካፋቱ ኡባቱ ኡንቱንቱ አሹዋፕ ባረንቶ ዲንዳዬዳዎ ኬና ሜድና።

## 20

ሻኣ ላይላ ካዉተላ

1 ጨዋ ኦላ ቁልፕያን ዎልቃማ ሳንሳላታ ባረ ኩሽያን ኦይቁዳ እት ኪታንቻይ ሳሉዋፕ ይያዎ ታን በኣድ።

2 ኪታንቻይ ዳዌያ። ሄ በን ሾሻ። ጸላህያ ካቸዎ ዎይ ሴጻና ግያዎ ኦይቁዳ፤ ያቲደ ሻኣ ላይላዉ ቃቼዳ።

3 ኪታንቻይ ጨዋ ኦላን አ የገደ። ሻኣ ላይላይ ዉራናዉ። አሳ ዘረሳ ላኤንሉዎ ባለተና ማላ። ሄ ጨዋ ኦላ ቁልፕ ጎርዲደ አታሚዳ። ሄዋፕ ጉይያን። ዳዊ አማራዳ ዎድያ ብለታናዉ በሴ።

4 ሄዋፕ ጉይያን። ታን አራታቱዎን ኡንቱንቱን ኡቴዳዎንታ በኣድ፤ ኡንቱንቶ ፕርድያ ማታይ እመቲዳ። የሱሰ ቆንጮሴዳ ቱሙዋን ጸሳ ቃላ አዎዬዳ ድራዉ። ባረንቱ ቆጵያ ቃንጸቲዳ አሳ ሸምፕዋካ ታን በኣድ። ኡንቱንቱ ደአዉ ዎይ ደአ ሞሰለዉ ጎይንበይክና። ኡንቱንቱ ደአ ማላ ባረንቱ ዳሙዋን ዎይ ባረንቱ ኩሽያን ዎላቤይክና። ኡንቱንቱ ሀይቁዎፕ ደንዲደ። ክርሰቶሳና እትፕ ካተቱዎዳን ሻኣ ላይላዉ ሞዴድና።

5 ሀይቁዳዎንቱፕ ጮራቱ ሻኣ ላይላይ ዉራና ገካናዉ። ሀይቁዎፕ ደንድበይክና። ሄዌ ኮይር ደንዲዎ።

6 ኮይር ደንዲዎን ደንዳዳዎንቱ አንጀቲዳዎንታን ጸሳ አሳቱዎ። ኡንቱንቱ ቦላ ላኤንሉ ሀይቆ ዎልቃይ ባዎ። ኡንቱንቱ ጸሳዉን ክርሰቶሳዉ ቄሳቱዎ ግዳና፤ ኡንቱንቱ አናና እትፕ ሻኣ ላይላዉ ሞዳና።

ሴጻናይ ጸነቲዳ

7 ሻኣ ላይላይ ዉራዳዎፕ ጉይያን። ሴጻናይ ቃሹዎፕ ብለታና።

8 እ ሳኣን ኡባ ሳን ደአያ አሳ ዘረሳ ባለፋናዉ ከሳና፤ ሄዌ ጎጋን ማጎጋ ጌተትያዎ። ሴጻናይ አባ ሻፍያ ኬና ዘረሳ ኦላዉ ሺሻና።

9 ሄ ዛራቱ ቢታ ኡባ ማዪደ ጌሻቱዎ ሄራን ጸሳይ ሲቅያ ካታማቶ ዩይ አጵ ኤቁድና። ሸን ታማይ ሳሉዋፕ ዎጲደ። ኡንቱንታ ሜዳ።

10 ደአይን ዎርድ ናቢ የገቱዳ ኤጵያ ዲንያ ታማ አባን ጸላህያ ካቸ። አሳ ዘረሳ ባለሌዳዌ። የገቱዳ። ኡንቱንቱ ቃማን ጋላሰ መጵ መጵናዉ ፓጸ ካኤታና።

ዉርሰላ ፕርዳ

11 ሄዋፕ ጉይያን። ታን ዎልቃማ ቦላ አራታን ሄ አራታን ኡቴዳዎ በኣድ። ሳኣይን ሳሉ አ ሰንሳፕ ባቃቲድና፤ ላኤንሉ ቤትበይክና።

12 ሀይቁዳዎንቱ። ጳቁ ግያዎንቱን ጉላቱ አራታ ሰንሳን ኤቁዳዎንታ ታን በኣድ። ማጸፋቱ ደየቲድና፤ ሀራ ማጸፋይ። ደኡዎ ማጸፋይካ ደየቲዳ። ሀይቁዳዎንቱ ባረንቱ ኦሱዎዳን። ማጸፋቱዎን ጸፈት ኡቴዳዎዳንካ ፕርድቲድና።

13 አባይ ባረ ግድን ደእያ ሀይቁዳዋንታ እሜዳ፤ ሀይቁን ሰእሊ ባረንቱ ግድን ደእያ ሀይቁዳዋንታ እሜድኖ። ኡባይካ ባረንቱ ኦሱዋዳን ፕርደቲድኖ።

14 ሄዋፕ ጉይያን፣ ሀዩን ሰእሊ ታማ አባን የገቱድኖ። ሄ ታማ አባይ ላኤንሎ ሀይቁዋ።

15 ደኡዋ ማጻፋን ባረ ሱንላይ ጸፈትቤና አሳይ ኦንን ታማ አባን የገቱዳ።

## 21

ኦራሳ ሳሉዋን ኦራሳ ሳእ

1 ሄዋፕ ጉይያን፣ ታን ኦራሳ ሳሉዋን ኦራሳ ሳእ በኣድ። ኮይሮ ሳሉን ኮይሮ ሳእይ ጳዬዳ። አባይካ ጳዬዳ።

2 ጌሻ ካታማታ ኦራሳ የሩሳላመ፣ ባረ አሰናዉ ማያደ ጊኤዳ ገልያ ዋዶሮ ናቲዳን፣ ጊጋ ኡቲዳዉና ሳሉዋፕ ጸሳ ማታፕ ዱገ ዋግዳኖ ታን በኣድ።

3 ዋልቃማ ኮሻይ አራታፕ ሀዋዳን ያጊደ፣ ሃሳይሸን፣ ታን ሰሳድ፤ “ጸሳ ጎሊ አሳና ደኤ፤ ጸሳይ አሳና እትፕ ደኣና። ኡንቱንቱ አ አሳ ግዳና፤ ጸሳይ ባረ ሀጸዉ ኡንቱንቱና ደኣና። አ ኡንቱንቱ ጸሳ ግዳና።

4 ጸሳይ ኡንቱንቱ አይፍያ አፎላ ኡባ ቁጫና። ሀዋፕ ሰንሳናዉ ሀይቁን ካዩ ዋይ ዋሱን ሳኩ ባዋ። አያዉ ሳፕ፣ ኤጫባይ ጳዬዳ” ያጌዳ።

5 አራታን ኡቲዳዋ፣ “ታን ኡባባ ኦራጽሳይ” ያጌዳ። ቃይካ ጉጂደ ታና፣ “ታን ሃሳይያዋ አማንትያዋን ቱማ ግድያ ድራዉ ጸፋ” ያጌዳ።

6 ቃይካ ታና ሀዋዳን ያጌዳ፤ “ፖላቲዳ። ታን አልፋን ኦሜጋ፤ ደመላን ፖሎዋ። ሳመቲዳ ኦናን ታን ደኡዋ ሃላ ፑልቱዋፕ ጮ ኡሻና።

7 ጸንያ ኡራይ ኦንን ሀዋ ኡባ ላታና። ታን አዉ ጸሳ ግዳና፤ እካ ታ ናኣ ግዳና።

8 ሸን ያይያዋንቱ፣ አማንናዋንቱ፣ ቱናቱ፣ ሸምፑዋ ዋድያዋንቱ፣ ዋሹምያዋንቱ፣ ብትያዋንቱ፣ ኤቃዉ ጎይንያዋንቱን ዋርዶትያዋንቱ ኡባይ ደእያ ሳእይ ታማይን ኤጽያ ዲኒ ኤጽያ አባ ግዳናዋ። ሄዌ ላኤንሎ ሀይቁዋ” ያጌዳ።

ኦራሳ የሩሳላዋ

9 ላፑ ዉርሰላ ቦሻቱ ኩሜዳ ላፑ ከረቱዋ ኦይቄዳ ላፑ ኪታንቻቱዋፕ እቱ ታኮ ዪደ ታና፣ “ሃያ። ታን ኔና ገለዉኖ ድርሳ ማቻቶ በሳና” ያጌዳ።

10 ኪታንቻይ ታና ዳሮ ጴቃ ደርያ ሁጲያ እያናን ከሲደ ጌሻ ካታማታ፣ የሩሳላማ ሳሉዋፕ ጸሳ ማታፕ ዱገ ዋግዳኖ ታና በሴዳ።

11 ሄ ካታማታ ጸሳ ቦንቹዋን ፖአዉ። ሄ ካታማት ፖኡ ያሰጲድያ ጌተትያ አልኦ ሹቻ ማላ፤ ብርሊያዳን ጸሳዉ።

12 ሄ ካታማትዉ ታማን ላኡ ፕንገቱን ሄ ፕንገቱዋን ታማን ላኡ ኪታንቻቱ ናግያ ዋልቃማ አዱሳ ድርሳይ ደኤ። ፕንገቱዋን ታማን ላኡ አሰራኤልያ ዛራቱዋ ሱንላይ ጸፈት ኡቲዳ።

13 አዋይ ዶልያ ባጋና ሄዙ ፕንገቱ ደኣና። ቃይ ሀርክ ባጋና ሄዙ ፕንገቱን ሁጲሳ ባጋና ሄዙ ፕንገቱ ደኣና። አዋይ ዉልያ ባጋናካ ሄዙ ፕንገቱ ደኣና።

14 ካታማት ድርሳይ ድርሳይ ኪቲዳ ታማን ላኡቱዋ ሱንላይ ጸፈቲዳ ታማን ላኡ ሹቻቱዋ ቦላ ግምቦቲዳ።

15 ታናና ሃሳዬዳ ኪታንቻዉ ካታማቶ፣ እዝ ፕንገቱዋን እዝ ድርሳ ልክያ ዋርቃ ጋትማይ ደኤ።

16 ካታማትዉ ኦይዱ ጋጻይ ደኤ፤ ካታማት ጌሳይን ሳምፓይ እት ማላ። ኪታንቻይ ካታማቶ ባረ ጋትማን ልኬዳ። ካታማታ ላኡ ሻኣን ላኡ ጴቱ ኪሎ ሚትርያ ግዳዱ፤ ካታማት ጌሳይ፣ ሳምፓይን ጴቃተላይ እት ማላ።

17 ኪታንቻይ ቃይ ድርሳካ ልኬዳ። አሳ ኩሸያን እት ጴታን ኦይታማን ኦይዱ ዋጳ ግዳዳ። ሄዌ ኦንን ልክያ ኦግያን ኪታንቻይ ልክናዳ።

18 ካታማት ድርሳይ ያሰጲድያ ጌተትያ ሹቻን ድረቲዳ። ካታማታ ብርሊያዳን ጶልያ ጌሻ ዋርቃን መጋታዳ።

19 ካታማት ድርሳዉ ሂጻቲዳ ሹቻይ ቦንቹቲዳ ሹቻ ኡባን አሌቀቲዳ፤ ኮይሮ ሂጻቲዳ ሹቻይ

21:1 እሳ. 65:17፤ 66:22፤ 2 ጸጸ. 3:13 21:2 እሳ. 52:1፤ 61:10፤ ሳፃ 3:12 21:3 ሀዘ. 37:27፤ ዋጋ 26:11፤ 12 21:4 እሳ. 25:8፤ 35:10፤ 65:19 21:7 2 ሳሜላ 7:14፤ ማዘ. 89:26-27 21:10 ሀዘ. 40:2 21:12 ሀዘ. 48:30-35 21:15 ሀዘ. 40:3 21:18 እሳ. 54:11-12

ያሰጸድያ፤ ላኤንሉ ሳሞፔርያ፤ ሄዘንሉ ከልቀደንያ፤ ኦይደንሉ ባሉርያ፤

20 እቼሸንሉ ሳርደንከሳ፤ ኡሱፑንሉ ሳርድዮና፤ ላፑንሉ ክርሰትሎባ፤ ሆሰፑንሉ ብራል፤ ኡዲፑንሉ ቶጳዘዮንያ፤ ታሙንሉ ክርሰጵራሲሳ፤ ታማነ እተንሉ ያክንትያ፤ ታማነ ላኤንሉ አመተሰጵዮሲያ።

21 ታማነ ላኤ ፐንገቱ ታማነ ላኤ እንቁዋ ጌተትያ አልኦ ሹቻ፤ እት እት ፐንገ እት እንቁዋን ኦሰቴዳ። ካታማት ኦጊ ብርልያ ማላ ጌሻ ዋርቃ።

22 ጎዳይ፥ ኡባፐ ዋልቃማ ጸሳይነ ደርሳይ ካታማት ጌሻ ጎልያ ግድያ ድራወ። ታን ሄ ካታማትን ጌሻ ጎልያ በአበይከ።

23 ካታማትዉ ፖእያ አዋይ ዋይ አገናይ ኮሸና። አያዉ ጎፐ፥ ጸሳ ቦንቹ ሄ ካታማትን ፖኤ፤ ደርሳይካ ሄ ካታማትዉ ጸሞፕያ።

24 አሳ ዘርሳይ ካታማት ፖኡዋን ሀመታና። ሳኣ ካታቲካ ባርንቱ ቦንቹዋ ሄ ካታማትኮ አሀና።

25 ካታማት ፐንገቱ ኡባ ጋላሰካ ደያ ደአና፤ ኡባካ ጎርደትክና። አያዉ ጎፐ፥ ሄዋን ቃማይ ባዋ።

26 አሳ ዘርሳ ግታተሳይነ ቦንቹ ሄ ካታማትኮ ሺቃና።

27 ሸን ቱናባይ ዋይ ካዉሻባ ኦሳያዌ፥ ዋይ ዋርደትያዌ ኦንነ ሄ ካታማቶ ገለና። ቃይ ደርሳ ደኡዋ ማጻፋን ሱንሳይ ጸፈቴዳዋንቱ ጸላላይ ሄ ካታማቶ ገለና።

## 22

1 ሄዋፐ ጉይያን፥ ኪታንቻይ ታና ጸሳ ካዉተሓ ኦይድያፐፐን ደርሳ ካዉተሓ ኦይድያፐ ጎግያ ብርሊያዳን ጸልያ ደኡዋ ሃላ ሻፋ በሴዳ።

2 ሄ ሻፋይ ካታማ ኦግያ ግዲዋና ዲገ ጎጌ። ሻፋፐ ሄፍንሳ ባጋናነ ሀፍንሳ ባጋና አገናን እት ገደነ ላይላን ታማነ ላኤ ገደ እይፍያ ደኡዋ ሞላይ ደኤ። ሄ ሞላ ቦንቹ ደአያዌ፥ ዛርያ ኡባ ሀርግያፐ ፓላናሳ።

3 ሄ ካታማን ጸሳ ሸቃይ አይነ ባዋ። ጸሳ ካዉተሓ ኦይዲን ደርሳ ካዉተሓ ኦይዲ ሄ ካታማን ደአና። ጸሳ ኦሳንቻቱ ጸሳዉ ጎይናና።

4 ኡንቱንቱ አ ዴሙዋ በአና፤ አ ሱንሳይ ኡንቱንቱ ዴሙዋን ጸፈታና።

5 ሄዋፐ ሰንሳዉ ሀራ ቃማይ ባዋ። ኡንቱንቶ ጸሞፕያ ዋይ አዋ ፖኡዋ ኮሸና፤ አያዉ ጎፐ፥ ጎዳይ ጸሳይ ኡንቱንቶ ጸሞፕያ ግዳናዋ። ኡንቱንቱ መጅ መጅናዉ ካተታና።

የሱሳ ዩሳ

6 ሄዋፐ ጉይያን፥ ኪታንቻይ ታና ሀዋዳን ያጌዳ፤ “ሀ ታን ሃሳይያዌ ቱሙዋነ አማነትያዋ። ናባቶ ባር ጌሻ አያና አሞያ ጎዳይ ጸሳይ፥ ማታን ሀናናዉ በሰያዋ ባር ኦሳንቻቱዋ በሳናዉ ባር ኪታንቻ ኪቲዳ” ያጌዳ።

7 የሱሰ፥ “በአ! ታን ኤለካ ያና። ሀ ማጻፋን ደአያ ትሞቢትያ ናግያዋንቱ አንጀቴዳዋንታ” ያጌዳ።

8 ታን የሃንሰ፥ ሀ ኡባባ ሰሳድነ በአድ። ታን ሀዋ ሰሴዳ ዋደነ በኤዳ ዋደ፥ ሄዋ ታና በሴዳ ኪታንቻዉ ጎይናናዉ፥ አ ገድያን ኩንዳድ።

9 ሸን ኪታንቻይ ታና፥ “ሄዋ ኦሳፓ። ታን ኔናዳንነ ናበ ግዴዳ ነ አሻቱዋዳን፥ ቃይ ማጻፋን ደአያባዉ አዛዘትያ ኡባቱዋዳን አይልያ። ጸሳዉ ጎይና” ያጌዳ።

10 ሄዋፐ ጉይያን፥ ኪታንቻይ ታና፥ “ሀናና ጌዳ ሀ ማጻፋ ቃላ ማታፋን ጎርደፓ። አያዉ ጎፐ፥ ሀ ኡባባይ ፖለትያ ዋዲ ማታቲዳ።

11 ኢታባ ኦሳያዌ ጉጂደካ ኢታባ ኦሳ፤ ቱናይ ጉጂደካ ቱና። ሎኦባ ኦሳያዌ ጉጂደካ ሎኦባ ኦሳ፤ ጌሻይነ ጉጂደካ ጌሻ ግድ” ያጌዳ።

12 የሱሰ፥ “በአ! ታን ኤለካ ያና። አሳ ኡባዉ አ ኦሱዋዳን አማናዉ፥ ታ ዋይታ አካ ያና።

13 ታን አልፋነ አሙጋ፤ ኮይሩዋነ ዉርሰሳ፤ ደመሳኣ ፖሎዋ” ያጌዳ።

14 ባርንቱ ማዩዋ ጌሽ ሜጭዋዋንቱ አንጀቴዳዋንታ። ደኡዋ ሞላ አይፍያ ማናዉነ ካታማ ፐንግያና ገሳናዉ ኡንቱንቶ ማታይ አመቲዳ።

21:23 አሳ. 60:19-20 21:24 አሳ. 60:3 21:27 አሳ. 52:1፤ ሀዘ. 44:9 22:1 ሀዘ. 47:1፤ ዛካ. 14:8 22:2 ደመላ 2:9፤ ሀዘ. 47:12 22:3 ዛካ. 14:11 22:5 አሳ. 60:19፤ ዳኦላ 7:18 22:11 ዳኦላ 12:10 22:12 አሳ. 40:10፤ 62:11፤ ማዘ. 28:4፤ ኦር. 17:10 22:13 ሳፃ 1:8፤ 17፤ 2:8፤ አሳ. 44:6፤ 48:12 22:14 ደመላ 2:9፤ 3:22



15 ሸን ካናቱ፣ ብትያዋንቱ፣  
ዋሹምያዋንቱ፣ ሸምጥዋ ዋድያዋንቱ፣  
ኤቃዉ ጎይንያዋንቱነ ባረንቱ ሃሳያንነ  
ባረንቱ ኪታን ዋርዶትያዋንቱ ካረና  
ደኢኖ።

16 “ታን የሱሰ፣ ሀ የዉዋ ሀንተንቶ  
ዋሳ ጎለቱዋን ማርካታና ማላ፣ ታ  
ኪታንቻ ኪታድ። ታን ዳዊታ ጎልያ  
የለታ። ታን ፖእሰያ ዋንታ ባካልያ”  
ያጌዳ።

17 ጌሻ አያናይነ ገለዉና፣ “ሃያ”  
ያገና። ቃይ ሀዋ ሰሰያዌ ኦንነ፣ “ሃያ”  
ያጎ። ሳመቱዳ አሳይ ኦንነ ሃ የ። ደኡዋ  
ሃላ ኮይያ አሳይ ኦንነ ጮ አኮ።

18 ታን ሀ ማጻፋን ጻፈቴዳ ሀናና  
ጌዳ ቃላ ሰሰያ ኦናነ ዘራይ። ኦንነ  
ሀ ቃላ ቦላ እትባ ጉጀፕ፣ ጸሳይ ሀ  
ማጻፋን ጻፈቴዳ ቦሻ እ ቦላ ጉጀና።

19 ኦንነ ማጻፋን ደኢያ ትምቢትያ  
ቃላፕ አያነ ፓጮሶፕ፣ ሀ ማጻፋ ግድን  
ቆንጭሴዳ ደኡዋ ምላ አይፍያፕነ  
ጌሻ ካታማፕ አ ጋክያ ግሹዋ ጸሳይ  
ፓጮሳና።

20 ሀ ኡባባዉ ማርካትያዌ፣ “ቱማ!  
ታን ኤለካ ያና” ያጌ።

አመንእ። ጎዳ የሱሳ፣ ኔን ሃያ።

21 ጎዳ የሱሰ ክርሰቶሳ አዶ  
ኬካተላይ ሀንተናና \* ኡባና ግድ።  
አመንእ።

22:16 አሳ. 11:1፣ 10 22:17 አሳ. 55:1 22:19 ዛረ. 4:2፣ 12:32 \* 22:21  
ህንተናና፡- ጮራ ሀራ ብለላቱዋን፣ ጸሳ አሳ ኡባና ያጌ።